


Cohãcjũ Yere
Yahuducuri Tju



New Testament in Piratapuyo (CO:pir:Piratapuyo)

Cohãcjã Yere Yahuducuri Tju

New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

ad83cef1-6eb5-5233-a8f3-356e47bbda0d

Contents

San Mateo	1
San Marcos	98
San Lucas	156
San Juan	258
Hechos	330
Romanos	420
1 Corintios	464
2 Corintios	507
Gálatas	534
Efesios	549
Filipenses	564
Colosenses	573
1 Tesalonicenses	583
2 Tesalonicenses	591
1 Timoteo	596
2 Timoteo	608
Tito	616
Filemón	621
Hebreos	624
Santiago	659
1 San Pedro	670
2 San Pedro	682
1 San Juan	689
2 San Juan	699
3 San Juan	701
San Judas	703
Apocalipsis	707

San Mateo

*Jesucristo Cohãcjũ macũno
tiqũiro acaye panopũ cjẽna
ijire*

(Lc 3.23-38)

¹ Jesucristo acayere panopũ cjẽnare yahutja yũhũ. Tiquiro ñecũno mũnano panopũ cjãno Davi wame tiriqũiro ijie tiahye. Tiquiro ijianto pano tiquina ñecũno mũnano iji turiariqũiro Abrahã wame tiriqũiro ijie tiahye.

² Abrahã Isaac pacũro ijiahye. Isaac Jacob pacũro ijiahye. Jacob Judã gãhũ pacũro ijiahye. ³ Fare, Zara mehna tiquina pacũro Judã ijiahye. Tiquina pacoro Tamar wame tiricoro ijiahye. Fare Esrom pacũro ijiahye. Esrom Aram pacũro ijiahye. ⁴ Aram Aminadab pacũro ijiahye. Aminadab Naasõn pacũro ijiahye. Naasõn Salmõn pacũro ijiahye. ⁵ Salmõn Booz pacũro ijiahye. Tiquiro pacoro Rahab ijiahye. Booz Obed pacũro ijiahye. Tiquiro pacoro Rut ijiahye. Obed Isaĩ pacũro ijiahye. ⁶ Isaĩ Davi pacũro ijiahye. Davi pehe Israe masa pũhtoro ijiahye. Tiquiro Uria wame tiriqũiro mũnano namonore tiqũiro namo tiri bato Salomo wame tiriqũirore pohna tiahye.

⁷ Salomo Roboam pacũro ijiahye. Roboam Abia pacũro ijiahye. Abia Asa pacũro ijiahye. ⁸ Asa Josafat pacũro ijiahye. Josafat Joram pacũro

ijiahye. Joram Uzia pacũro ijiahye. ⁹ Uzia Jotam pacũro ijiahye. Jotam Acaz pacũro ijiahye. Acaz Ezequia pacũro ijiahye. ¹⁰ Ezequia Manase pacũro ijiahye. Manase Amõn pacũro ijiahye. Amõn Josia pacũro ijiahye. ¹¹ Josia Jeconia gãhũ pacũro ijiahye. Tiquina ijiri pjere Israe yehpa cjẽnare Babilonia cjẽna pehe ñehe cãhye tiquina ya yehpapũ.

¹² Sa ye Babilonia yehpapũ tiquina esari bato, Jeconia Salatiere pohna tiahye. Salatiel Zorobabel pacũro ijiahye. ¹³ Zorobabel Abiud pacũro ijiahye. Abiud Eliaquim pacũro ijiahye. Eliaquim Azor pacũro ijiahye. ¹⁴ Azor Zadoc pacũro ijiahye. Zadoc Aquim pacũro ijiahye. Aquim Eliud pacũro ijiahye. ¹⁵ Eliud Eleazar pacũro ijiahye. Eleazar Matãn pacũro ijiahye. Matãn Jacob pacũro ijiahye. ¹⁶ Jacob José pacũro ijiahye. José María manũno ijiahye. María pehe Jesu pacoro ijiri. Jesu pehe masare yũhdũoatiqũiro ijiro, Cristo tiquina ni pisuriqũiro ijiri.

¹⁷ Sa yeye Abrahãre mari queo mũhtagũ tee Davire mari queo bato tigũ ahriquina ijipihtiyequina tiquina panamena mehna ijie, catorce cururi waro ijiahye. Sa yeye mari pari turi Davire mari queo mũhtagũ tee Babiloniapũ Israe masare tiquina neato pano mari queo bato tigũ

ijipihtiyequina tiquina panamena mehna ijiye, catorce cururi waro pari turi ijiahye. Sa ye tuhasa Babiloniapɩ tiquina esari bato mari queo mɩhtagũ tee Cristo tiquiromo masa bajuagũpɩ mari queo bato tigũ ijipihtiyequina tiquina panamena mehna ijiye, catorce cururi waro ijiahye tja.

Jesucristo tiquiromo masa bajuarire yahuahye
(Lc 2.1-7)

¹⁸ Sa ye ohõ saha Jesucristo masa bajuari jiri. Tiquiromo pacoro María pehe José mehna omoca dɩhteaticoro ijiahye. Sa yero ticoro omoca dɩhteato pano Espiritu Santo tutuaye mehna coã nijinogãre ne bɩcɩa cãhtaromasiyahye ticoro basi. ¹⁹ Sa yero José ticorore omoca dɩhteatiquiromo tire masino, poto ijiyere yeriquiromo ijiro ticorore cohãno taro nimahye. Masa tiquina ihõno ticorore buoro ye dueraro, masa tiquina tũhoato pano yahuro marieno ticorore cohãno taro nimahye. ²⁰ Tire tiquiromo tũhoturi watoa Cohãcjũ yaquiromo angel pehe quehẽnopɩ Josere bajuaro, ohõ saha niahye:

—José, Davi mɩnano panami iji turiagɩ, María mehna bue tiro marieno omoca dɩhteya. Ticoro Espiritu Santo yedohoro mehna coã nijinogãre ne bɩcɩa cãhtaricoro ijire. Sa yegɩ bue tiro marieno omoca dɩhteya ticorore.

²¹ Ticoro pohna tirota. Tiquirota ticoro macɩnota tiquiromo ya maca cjẽnare pecapɩ wahaboriquinare yɩhdɩoatiquiromo ijirota. Tiquiromo sa yɩhdɩoatiquiromo ijigũ ihñagũ Jesu wame yegɩta mɩhɩ tiquirogãre, niahye angel Josere.

²² Ahri ijipihtiye sa wahahye panopɩ cjũno Cohãcjũ yere yahu mɩhtariquiromo tiquiromo ni ojoarimo sahata. Tire tiquiromo Cohãcjũ ojoa dutiahye. Ohõ saha ni ojoahye Cohãcjũ yere:

²³ Nuhmino, nijinogãre bocaro pohna tirota ticoro macɩnogãre. Sa yero Emanuel wame tirota tiquirogã, ni ojoahye Cohãcjũ yere.

“Emanuel” nino “Cohãcjũ mari mehnata ijire”, nino niaga.

²⁴ Cohãcjũ yaquiromo angel Josere tiquiromo ni yahuri bato José pehe wahcã, angel dutirimo sahata María mehna omoca dɩhteahye. ²⁵ Tiquiromo macɩnogãre ticoro pohna tiato pano José pehe ticoro mehna ijiera tiahye. Ticoro pehe pohna tia wahahye. Sa yero tiquiromo pehe macɩnogãre Jesu wame yeahye.

2

Asũ mɩja taro cjẽna Jesugãre ihñañe esahye

¹ Herode Judea yehpa cjẽna pũhoro tiquiromo ijiri pje ti yehpapɩ ijiri macapɩ Belẽpɩ Jesu masa bajuahye.

Tiquiro sa masa bajuari bato ñahpicohare buheyequina ñahpicohare quehnoano masiñequina asũ m̄ja taro cjēna ahta, Jerusalēp̄m wihiahye. ² Sa wihye, masare to cjēnare sinituahye:

—¿Judio masa p̄htoro ijiatiquiro yojop̄re nohop̄m masa bajuagari tiquiro? Asũ m̄ja tarop̄m cjāna ijiaja. Sa yena ñahpicoha coã bajua wahã sagũ ihñana “P̄htoro masa bajuaro niaga”, ni masii usã. Sa tia bajuagũ ihñana, usã ihcāno mehna tiquirore ño peona ahtaŋ ohōp̄m, ni, yahuahye buheyequina masare.

³ Sa ye apequina Herodere tire yahuahye. Tiquina sa yahugũ t̄horo Herode pehe b̄j̄na witi t̄hotuahye. Sa yeye ijipihtiyequina Jerusalē cjēna ḡh̄m tiquiro yero sahata b̄j̄na witi t̄hotuahye tiquina ḡh̄m. ⁴ Sa yero Herode pehe ijipihtiyequina pahia p̄htoare, mari judio masare buheyequina ḡh̄re tiquiro piji cahmecoa peho, tiquinare sinituahye tiquiro:

—¿Nohop̄m masa bajuabogari Cristo pehe, m̄sa t̄hotugũ? ni sinituahye tiquiro.

⁵ Ohō saha ni yahuahye tiquirore:

—Belēp̄m, Judea yehpap̄m ijiri macap̄m Cristo masa bajarota. Ohō saha ni ojoahye Cohācj̄m yere yahu m̄htariquiro:

⁶ Belēp̄m yeequinare Israe masare dutiatiquiro,

tiquinare cohtea-tiquiro ahtarota. Sa yero apeye macari Judea yehpap̄m ijiye macari ȳh̄d̄oro ijire Belē pehe, ni ojoahye Cohācj̄m yere, ni yahuahye tiquina Herodere.

⁷ Tiquina sa ni yahuri bato Herode masa t̄hoerop̄m asũ m̄ja tarop̄m ahtariquinare pijioahye. Tiquiro cahap̄m tiquina esagũ ihñano, tiquinare sinituahye. Tiquiro sa sinitugũ t̄hoye, tiquina ñahpicohare ihñari decore yahuahye tiquina. ⁸ Tiquina sa yahuri bato Herode pehe tiquinare Belēp̄m ohoro, ohō saha niahye tiquinare:

—Tiquirogāre quehnoano macaña. Tiquirogāre bocana ȳh̄re tojoana yahu tojoaya. Ȳh̄m ḡh̄m tiquirogāre ño peou wahau t̄m̄ niaja, niahye tiquinare Herode.

⁹ Tiquiro sa nidi bato, tiquina wahahye. Tiquina sa wahagũ asũ m̄ja tarop̄m tiquina ihñaria ñahpicoha pehe tiquina pano ūhm̄m t̄ducuahye. Sa yero nijinogã tiquiro ijiri bui waro tojoa wahã sahye tia ñahpicoha. ¹⁰ Sa yeye ñahpicohare ihñañe, tutuaro bucueahye tiquina.

¹¹ Nijinogã tiquiro ijiri w̄h̄p̄m esa, sajãa wahahye tiquina. Sa sajã saye, nijinogāre tiquiro pacoro mehna ijiriquirogāre ihñahye tiquina. Sa ihñañe tiquina d̄usepe curi mehna quehe sa, tiquirogāre ño

peoahye. Ño peo tuhasa tiquina acarire p̄oahye. Urure, bueyere, mirra wame tiye ehme sitiye ḡuh̄are ne wio, tire tiquiroḡare wapa marieno ohoahye. ¹² Tire oho tuhasa car̄ia wahahye tiquina. Tiquina sa car̄iḡū queh̄ēnop̄m̄ Coh̄ācj̄ū yahuahye tiquinare: “Herode cahap̄m̄ tojoerac̄h̄ña”, ni yahuahye Coh̄ācj̄ū tiquinare queh̄ēnop̄m̄. Tiquiro sa ni yahuri bato, tiquina pehe wahc̄ahye. Tiquina sa wahc̄ari bato ape mahap̄m̄ tiquina ya dihtap̄m̄ tojoaa wahahye.

*José ḡuh̄m̄ Jesuḡare Egip-
top̄m̄ ne duhti c̄aa wahahye*

¹³ Tiquina sa wahari bato Coh̄ācj̄ū yaquiro angel queh̄ēnop̄m̄ Josére bajuaro, oh̄o saha niahye:

—Wahc̄aña. Herode pehe nijinoḡare wejēno taro, macano nine yojop̄m̄. Sa ye nijinoḡare tiquiro pacoro ḡuh̄are Egip̄top̄m̄ am̄ñano ne duhti c̄aa wahaya. Top̄m̄re yuh̄m̄ nidiro punota ijiya, tee yuh̄m̄ yahuḡūp̄m̄, ni yahuahye angel Josére.

¹⁴ Tiquiro sa niḡū t̄uhoro, José pehe ñamita wahc̄ā, nijinoḡare, tiquiro pacoro ḡuh̄are Egip̄top̄m̄ ne duhti c̄aa wahahye. ¹⁵ Egip̄top̄m̄ esa, Herode catiro puno top̄m̄re ijiahye tiquina. Sa yeahye panop̄m̄ cj̄ūno Coh̄ācj̄ū yere yahu m̄htariquiro tiquiro ni ojoariro sahata. Tire tiquirore Coh̄ācj̄ū oja dutiahye. Oh̄o saha ni ojoahye

Coh̄ācj̄ū yere: “Egip̄top̄m̄ ijiriquirore yuh̄m̄ mac̄are pijiou”, ni ojoahye Coh̄ācj̄ū yere.

*Herode macanaḡare wejē
dutihye*

¹⁶ Sa ye ñahpicohare buheye-quina tiquina duhti yuh̄d̄m̄ c̄āḡū t̄uhoro Herode pehe usua yuh̄d̄m̄a wahahye. Sa usuaro, Belē cj̄ēnare, ti maca d̄uh̄t̄m̄ caha cj̄ēna ḡuh̄are tiquina poh̄nene am̄aḡare p̄m̄a c̄uh̄ma c̄oyequinaḡare wejē bato ti dutiahye tiquiro. Coā warore ñahpicohare buheyequina ñahpicohare tiquina ih̄ñari decore yahuahye Herodere. Tiquina sa niḡū t̄uhoro tiquiro wejē duariquiroḡā masa bajuari decore masino, “Oh̄ōpe c̄uh̄mari c̄ore” nino, p̄m̄a c̄uh̄ma c̄oyequinaḡare wejē bato ti dutiahye. ¹⁷ Panop̄m̄ cj̄ūno Jeremia Coh̄ācj̄ū yere yahu m̄htariquiro tiquiro ni ojoariro sahata wahahye. Oh̄o saha ni ojoahye tiquiro:

¹⁸ “Ramá wame tirop̄m̄ bisirota. Tutuaro buj̄m̄a witiye mehna utiye bisirota. Raquel panamena numia iji turiaye numiap̄m̄ Israe masa namos̄anumia tiquina poh̄nene tutuaro utieta. Tiquina poh̄nene apequina wejēḡū ih̄ñañe, ne buj̄m̄a witi duhusi”, ni ojoahye panop̄m̄.

¹⁹ Sa ye Herode tiquiro yariari bato Egip̄top̄m̄ ijiriquirore Josére Coh̄ācj̄ū yaquiro angel queh̄ēnop̄m̄

bajuahye. Sa bajuaro ohõ saha niahye Josére:

²⁰ —Nijinogãre wejẽ duamediquina yariaa wahari. Sa yegũ wahcãña. Tiquirogãre pacoro mehna Israe yehpapũ ne tojoaa wahaya mũhũ, ni yahuahye angel Josére:

²¹ Tiquiro sa nidi bato José wahcã, nijinogãre pacoro mehnata Israe yehpapũ ne tojoaa wahahye. ²² Sa yeperota Arquelao Herode macũno pehe tiquiro pacũro comesariquiro ijigũ tũhoro José pehe Judea yehpapũ tojoa duaro cueahye. Sa yero pari turi tja quehẽnopũ tiquirore yahu nemoahye. Tiquirore pari turi Judea yehpapũ iji dutierahye. Tiquiro sa ni yahuri bato, tiquina Galilea yehpapũ wahaa wahahye. ²³ Ti yehpapũre Nazare wame tiri macapũ ijiahye tiquina. Sa yeahye tiquina Cohãcjũ yere yahu mũhtariquina tiquina ojoariro sahata. Ohõ saha ni ojoahye: “‘Cristo Nazare cjãnota ijire’, nieta masa”, ni ojoahye Cohãcjũ yere yahu mũhtariquina panopũ cjẽna.

3

Ñu wame yeriquiro masare yahuahye

(Mr 1.1-8; Lc 3.1-9, 15-17; Jn 1.19-28)

¹ Sa ye ti pjere Ñu Cohãcjũ yequinare wame yeriquiro ijiahye. Judea yehpapũ masa marienopũ tiquiro Cohãcjũ yere yahu dũcahye masare.

² Ohõ saha ni yahuahye tiquinare:

—Mũsa ñaãe yerire bũjũa witiya. Tire duhuya. Uhmũse cjãno Cohãcjũ mũsa pũhtoro tiquiro ijiato mehenogã dũhsare, ni yahuahye tiquiro.

³ Panopũ cjãno Isaia Cohãcjũ yere yahu mũhtariquiro Ñu tiquiro buheatire ohõ saha ni ojoahye:

Masa marienopũ yahuducu sañuducuriquiro ohõ saha ni buherota tiquiro: “Mari pũhtoro ahtato pano mahare mari quehnoyuro saha quehnoana ijiyuya mũsa. Mũsa ñaãe yerire bũjũa witiya”, ni sañuducurota, ni ojoahye Isaia Ñure.

⁴ Sa yero Ñu camello poari suhtirore sañariquiro, wahiquiro cahsero mehna tũã dihoriquiro ijiahye. Poreroare, nũcu cjẽ umi gũhũre ihyae tiahye. ⁵ Jerusalẽ cjẽna, ijipihtiro Judea yehpapũ ijiequina, Jordã wame tiri ma cahapũ ijiequina gũhũ tiquirore tũhoye ahtahye. ⁶ Wihi, tiquirore tũho, tiquina ñaãe yerire bũjũa witi, Cohãcjũre tire yahu yahdũahye tiquina. Sa tiquina yahugũ tũhoro Jordãpũ Ñu tiquinare wame yeahye.

⁷ Sa yero peyequina fariseo masa, saduceo masa gũhũ Ñure tiquina wame ye dutiye ahtagũ ihñano tiquiro yahuahye tiquinare:

—Aña saha ña yuhdũana ijire m̃sa. M̃sa ña ñe yerire bujua witi duerana Cohãcjũ m̃sa ña ñe yeri buhiri tiquiro buhiri dahreato pano duhti masiedare m̃sa. ⁸ Sa yena potota m̃sa ña ñe bujua witiya. Quehnoañene came-saya. Sa yena quehnoañe pehere yeya m̃sa. ⁹ Ohõ saha ni tãhotueracãhña: “Panopũ cjũno Abrahã mari ñecu m̃nana ijie tiahye. Sa yena tiquiro panamena iji turiana ijina mari Cohãcjũ yequina ijiaja”, ni, tãhotueracãhña m̃sa. M̃sare niita niaja. Abrahã panamena iji turiana ijimene m̃sa. M̃sa sa ijiepegũta ti m̃sa sa ijieyehũseati ijierare. Cohãcjũ pehe ahri utã paca mehna Abrahã panamenare dojogũ ye masine. Sa yero Abrahã panamena iji turiana m̃sa ijieyehũwaro ijire utã paca ti paca ihyo waro ijire sahata. ¹⁰ Ohõ saha ijire: Masa yucũri yero saha ijire. Cohãcjũ pehe yucũrire quẽatiare comeare cãoriquiro yero saha ijire. Sa yero ña ñe dũca tiye cjũre quẽ cohã, ti nahcori gũhũre dũte surerota. Dũte sure tuhãsa, pecarũ ujũanota tiquiro ti cjũre, nahcori gũhũre. Sata yerota masa gũhũre tiquirore cahmeeñequinare. ¹¹ Yuhũ bato yuhũ yuhdũoro tutu-ariquiro ahtarota. Quehnoa yuhdũariquiro ijire tiquiro. Tiquiro yero saha ijieraja yuhũ pehe. Sa yegũ tiquirore tãhotugũ, “Ihyo ijigũ ijiaja yuhũ”, ni tãhotuaja yuhũ.

Yuhũ pehe m̃sa ña ñe yerire bujua witi duti, m̃sare wame yegũ aco mehna yemi. Tiquiro pehe yuhũ yuhdũoro yerota. Espĩritu Santore masa mehna ijiducugũ yerota tiquiro. Sa yero peca ña ñe ujũa wero sahata tiquiro ahtariquiro pehe m̃sa ña ñe yerire cose werota. ¹² Yuhũ bato ahtariquiro cahseri cohãriquiro yero saha ijire. Cahseri cohãriquiro tiquiro batiro mehna ijipihtiye trigo cahserire puti were. Tiquiro sa puti weri bato trigo pehere tiquiro ihbori wuhũrũ ihborota. Sata yerota tiquina ña ñe bujua witiyequinare yuhũ bato ahtariquiro. Tiquiro puti weye cahseri pehere tiquiro ujũanota. Ti peca ujũari peca ne yatisi. Sata yerota tiquiro yuhũ bato ahtariquiro tiquina ña ñe bujua witiyequinare, ni yahuahye Ñũ.

*Ñũ Jesure wame yeahye
(Mr 1.9-11; Lc 3.21-22)*

¹³ Came Jesu Galilearũ ijiriquiro waha, Jordã wame tiri mapũ buha sahye Ñũre wame ye dutiro. ¹⁴ Coã warore Ñũ wame ye dueramahye.

—Yohou, mahũ pehe yuhũ yuhdũoro tutuagũ yuhũ pehere mahũ wame yegũ quehnoaboaga. Mahũre wame yebogũ ijieraja yuhũ, ni yãhtimahye Ñũ Jesure.

¹⁵ Jesu pehe yãhtiahye tiquirore:

—Yuhure wame yeya. Ohõ saha yena, Cohãcjũ dutiro saha sohtoa tina niaja mari, niahye Jesu.

Tiquiro sa nigũ tuhoro,

—Aũ, ni yũhtiahye Ñũ.

¹⁶ Sa ni tuhasa, Jesure wame yeahye. Tiquiro

wame ye tuhasagũ Jesu diapũ ducuriquiro maja dũcahaye. Tiquiro maja

dũcagũ, uhmũanopũ parĩ maahye. Cohãcjũ yaquiro

Espíritu bujua yero saha tiquiro bui dijia tagũ ihñahye.

¹⁷ Sa dijia tagũ uhmũanopũ yahuducuye bisiahye:

—Ahriquiro yũhũ macũ yũhũ cahñiquiro ijire. Tiquiro mehna tutuaro bucueja, niahye uhmũanopũ.

4

Watĩno ñañene ye dutimahye Jesure

(Mr 1.12-13; Lc 4.1-13)

¹ Sa ye Espiritu Santo pehe Jesure masa marienopũ neahye, topũ watĩno tiquirore ñañene ye dutiatio saha.

² Topũ esaro cuarenta decori waro ihyaro marieno ijiahye Jesu. Sa yero ujũa ahbahye. ³ Ujũa tiquirore ahbagũ ihñano watĩno pehe tiquiro cahapũ esaro, ohõ saha niahye:

—Mũhũ Cohãcjũ macũ ijigũ, ahria utãre ihyaye dojomehneña, nimahye tiquiro Jesure.

⁴ Jesu ohõ saha ni yũhtiahye:

—Yeraja. Cohãcjũ yere tiquina ojoari pũpũ ohõ saha nine: “Masare ihyaye mehna dihita catieraro cahmene. Ijipihtiye Cohãcjũ tiquiro ye yahuye mehna ijiro cahmene”, nine Cohãcjũ, ni yũhtiahye Jesu watĩnore.

⁵ Tiquiro sa ni yũhtiri bato watĩno pehe Jerusalẽpũ “Cohãcjũ ya maca” tiquina nidi macapũ Jesure neahye. Topũ esa, Cohãcjũ ya wũhũ bui Jesure ne sahye tiquiro. ⁶ Ne sa tuhasa, tiquirore ohõ saha nimahye:

—Cohãcjũ yere tiquina ojoari pũ ohõ saha nine:

“Cohãcjũ tiquiro yequina angelere mũhũre ihña ihbo dutirota. Sa yeye tiquina pehe mũhũre ihña ihboeta ‘Utãpũ pũha tu maari,’ niñe”, nine tiquiro ojoari pũ.

Tiquiro sa nidi poto ijigũ mũhũ Cohãcjũ macũ ijigũ yehpapũ uhpu dijia ihñoña yũhũre. Mũhũre tiquina yedohogũ ihñoña yũhũre, nimahye watĩno.

⁷ Jesu uhpu dijia ihño dueraro ohõ saha ni yũhtiahye:

—Cohãcjũ yere tiquina ojoari pũ ohõ saha nine: “Mũsa pũhtoro Cohãcjũ tiquiro nidire ‘¿Poto ijiajari?’ ni masi duana Cohãcjũre ye ihño duti tuhueracãhña”, nine Cohãcjũ yere tiquina ojoari pũ, niahye Jesu.

⁸ Tiquiro sa ni yũhtiri bato uhmũa yũhdũdũ cãpũpũ Jesure ne mũjahye watĩno tja. Tu buipũ ne mũja sa pje, ijipihitiye macarine ihñodoque

dijioahye Jesure. Tiquina caoye gāhure ihñoahye. ⁹ Sa ihñoño Jesure ohō saha nimahye:

—Yūhure dusepe curi mehna quehe sa, ño peoya mūhū. Mūhū sa yegū ijipihitiye ahri macarine mūhure ohoutja, ni yahumahye watīno.

¹⁰ Tiquiro sa nigū Jesu ohō saha ni yūhtiahye:

—Satana, wahaya mūhū. Ohō saha nine Cohācjū yere tiquina ojoari pū: “Mūhū pūhtoro Cohācjū dihitare ño peoya. Tiquiro ye dutiye dihitare yeya”, nine Cohācjū yere tiquina ojoari pū, ni ahye Jesu watīnore.

¹¹ Tiquiro sa nigū tūhoro watīno wahaa wahahye. Tiquiro wahari bato angele pehe wihi, Jesure yedohoye ihyayere ohoahye angele.

Galilea yehpapū Jesu buhe dūcahye

(Mr 1.14-15; Lc 4.14-15)

¹² Sa ye Ņure peresupū tiquina yegū tūhoro, wahaa wahahye Jesu. Waha, Galilea yehpapū esahye. ¹³ Topū

ijiri macapū Nazarepū waha, yūhdū cā, Capernau wame tiri macapū esahye. Galilea wame tiri ditara dūhtū cahapū ijiri Capernau. Ti macā Zebulón yehpa cahapū, Neftalí yehpa cahapū ijiri Capernau. Topū esa, ijiahye Jesu. ¹⁴ Sata yeahye Jesu panopū cjēno Cohācjū yere yahu mūhtariquiro Isaia tiquiro ni ojoariro sahata. Ohō saha ni ojoahye:

¹⁵ Zebulón yehpa cahapū, Neftalí yehpa cahapū, ditarapū wahari mahapū, Jordā wame tiri ma ape sie pahrēpū Galilea yehpa ijire. Ti yehpa judio masa ijieyequina ya yehpa ijire. ¹⁶ To cjēna Cohācjū yere quehnoano masiedare. Sa masiedapeta quehnoariquir ihñañepū masieta. Tiquina pehe Cohācjūre ne masiedare. Sa yeye pecapū wahaboriquina ijimahye. Sa yero ihcāquiro tiquinare Cohācjū yere masigū yerota, ni ojoahye Isaia.

¹⁷ Topū ijiro, Cohācjū yere yahu dūcahye Jesu:

—Musa ñañe yerire būjūa witiya. Sa yena quehnoañene comesaya. Ūhmūse cjūno Cohācjū ijipihitiyequina pūhtoro tiquiro ijiato mehenogā dūhsare, ni yahu dūcahye tiquiro.

Pititiaro wahi wejēñequinare tiquiro mehna cjēna ijiatiquinare pijiahye Jesu

(Mr 1.16-20; Lc 5.1-11)

¹⁸ Sa ye Galilea wame tiri ditara dūhtū cahapū esaro, Simore, tiquiro bahuro Andre mehna boca sahye Jesu. Simo tiquina Pedro ni pisuriquiro ijiahye. Tiquina pehe wahi wejēñequina ijiye, tiquina wēñecjūre doque ñoñe niahye ditarapū.

19 —Yuhũ mehna cjãna ijianaja ahtaya m̄sa. Yuhũ mehna m̄sa ahtagũ m̄sa wahire ñehe cahmecoana m̄sa ijiro saha, Cohãcjũ yequina ijiatiquinare masare piji cahmecoana ijigũ yeitja m̄sare. Yuhũ mehna m̄sa ahtagũ sa yeanaajare cõtja m̄sare, niahye tiquiro tiquinare.

20 Tiquiro sa nigũ tahoyeta tiquina wẽñecjũre cũ cã, tiquiro mehna wahahye.

21 Sa ye Jesu tiquina mehna yuhdu cã, Santiagore tiquiro bahũro Ñu gãhũre boca sahye tja. Tiquina Zebedeo pohne ijiri. Tiquina yaria yucũsaru tiquina pacũro mehna tiquina wẽñecjũre quehnoñe niahye. Tiquina pũarore tiquiro pijioahye. 22 Tiquiro sa pijiogũ tahoye, tiquina pehe duita tiquina pacũrore, yucũsa gãhũre cũ, Jesu mehna wahahye.

*Peyequina masare
buheahye Jesu
(Lc 6.17-19)*

23 Sa ye ijipihtiropũ Galilea yehpare Jesu buhe tinidi. Judio masa mari buheye wãhũsepũ quehnoañe buheyere, ãhmũse cjãno tiquiro pũhoro ijiye tiyere buheri. Tiquinare buhe, dohatiyequinare quehnoa wahagũ yero, ijipihtiye dohatiye yehdũori tiquiro. 24 Tiquiro sa yegũ tahoye Siria yehpa cjẽna ijipihtiropũ ti yehparũ ijiyequina tiquirore masi dũcari. Sa masiñe, sijoro saha ijiye

dohatiye cãoyequinare, watĩare cãoyequinare, ñama yariaye cãoyequinare, tini masieñequina gãhũre ne sari. Sa yero ijipihtiyequina tiquinare yuhdũgũ yeri Jesu. 25 Tiquiro sa yegũ ihñañe, Galilea yehpa cjẽna, Decapoli cjẽna, Jerusalẽ cjẽna, Judea yehpa cjẽna, Jordã ape sie pahrẽ cjẽna peyequina masa tiquiro mehna wahari.

5

*Cũnũpũ m̄ja, topũ
buheahye Jesu masare
(Lc 6.20-23)*

1 Sa ye masa peyequina tiquiro caharu tiquina esagũ ihñano Jesu cãnũpũ m̄jaa wahahye. M̄ja sa, topũ dujiahye. Topũ dujigũ tiquiro buheyequina tiquiro caharu esahye. 2 Tiquina esagũ ihñano ohõ saha ni buhe dũcahye.

3 —Tiquina ñañene bujua witiyequina Cohãcjũre cahmeñequina bucueyequina ijire. Ëhmũse cjãno tiquiro pũhoro ijiropare wahaeta tiquina. Ëhmũse cjẽ tiquina ye ijire.

4 'Utiyequina gãhũ bucueyequina ijire. Tiquinare bucuegũ yerota mari Pacũ.

5 'Apequinare yuhdũdũca dueyequina "Ihyo ijina iji-aja usã", ni tahotuyequina bucueyequina ijire. Cohãcjũ "Ohoutja", tiquinare tiquiro nidi yehpare cãoeta tiquina.

6 'Cohãcjũ dutiro saha ye duayequina, quehnoañene ye duayequina bucueyequina

ijire. Cohãcjũ tiquiro yedohogũ tiquina quehnoañene yeducueta.

7 'Apequinare paja ihñañequina bucueyequina ijire. Tiquina sa paja ihñagũ Cohãcjũ tiquina gũhare paja ihñanota.

8⁷ Tiquina ñañene cosenohriquina bucueyequina ijire. Cohãcjũre ihñaeta tiquina.

9 'Apequinare cahmequedagũ yeyequina bucueyequina ijire. Tiquinare "Yũhũ pohna ijire", ninota Cohãcjũ.

10⁷ Cohãcjũ dutiyere tiquina yeri buhiri apequina ñano yere Cohãcjũ tiquiro dutiriquinare. Tiquina sa ñano yegũ bucueyequina ijire tiquina pehe. Uhmũse cjãno tiquiro pũtoro ijiropũ tiquiro yere cœoeta tiquina.

11⁷ Yeere mũsa yeri buhiri apequina mũsare tiquina tuhtiepegũta bucuena ijire mũsa. Mũsare tiquina ñano yepegũta bucuena ijire mũsa. Yeequina mũsa ijiri buhiri mũsare ijipihkiye ñañe tiquina quti dojomehnepegũta tiquina ni mehoepegũta bucuena ijire mũsa. ¹² Cohãcjũ yere yahu mũhtariquinare mũsa pano ijiriquinare tiquinapũreta ñano ye mũhtahye. Tiquinare yeriro sahata mũsa gũhare apequina sa yegũ bucueya. Quehnoano jeripohna tiya. Sa yero uhmũsepũ mũsa esagũ pajiro quehnoano yerota mũsare Cohãcjũ, ni yahuahye Jesu.

Moa yero saha, buhrioro yero saha ijire Jesu yequina (Mr 9.50; Lc 14.34-35)

13 Sa ye Jesu buhe nemoahye:

—Moa mehna wahiquiro dihire ti ñano wahaeragũ yero sahata mũsa pehe yeequina pehe ijipihkiyequina apequinare ñañene tiquina ye dueragũ yere. Sa ijieperota moa pehe ti ñañe wahagũ pari turi quehnoañe ye masiedare. Ti moa ne quehnoaedare. Ti sa wahagũ ti moare cohãno cahmene. Ti moare cohãri bato ti bui masa cũhta cũre. Ne dũhseati ijierare ti moa tiquiro cohãñe. (Ti dũhseati ijieraro saha ijieracãhña mũsa. Cohãcjũ ye pehere cohãedacãhña,) ni yahuahye Jesu.

14 Sa ye tiquiro buhe nemoahye:

—Buhrioro marine ihñagũ yero sahata mũsa pehe yeequina pehe ahri yehpa cjẽnare Cohãcjũre masigũ yere. Cũnũ bui ijiri macare nũono basioerare. ¹⁵ Sa ye sihãriare masa sihãñe, sutu docapũ moha dapo masiedare. Tiare sihãriare uhmũanopũ duhu peore ti wũhũ cjẽna ijipihkiyequina tiquina ihñatiare. ¹⁶ Ohõ sahata mũsa gũhũ buhrioro yero saha ijina, quehnoañene yeya. Mũsa sa yegũ ihñañe masa mari Pacũ uhmũse cjãnore ño peo, "Tutuagu, quehnoagu ijire", nieta, ni yahuahye Jesu.

Cohãcjũ tiquiro dutiyere tiquiro ojoari gũhare

yahuahye Jesu

17 Sa ni tuhasa, tiquinare yahu nemoahye:

—Ahrire m̄sa masigū cahmeaja ȳh̄. Cohācjū dutiyere Moiserere tiquiro cūrire, tiquiro yere yahu māhtañequina tiquina ojoari gūh̄re cohāgū tagū niedū. Ti dutiyere m̄sare quehnoano yahu potou t̄h̄ n̄i. Ti dutiyere poto ijigū ih̄nou aht̄. Ti dutiye nidiro sahata ye sohtori t̄i t̄h̄ n̄i.

18 Ijirota m̄sare niaja. Pihtiri deco pano ijinigū Cohācjū dutiye Moiserere tiquiro cūrire ne mehenogā cohāsi mari. Ahri yehpa, ahm̄se gūh̄ ti ijiro puno tiquiro dutiye gūh̄ ijirota.

19 Sa yeye ti dutiyere ihquēquina yūhd̄d̄caye, apequinare sata ye dutiye, ahm̄se cjāno tiquiro p̄htoro ijirop̄ cahacjēna yero saha ijieta. Ihcā dutirogā ijiepegūta tiquina yūhd̄d̄caye, cahacjēna yero saha ijieta tiquina. Apequina ti dutiyere quehnoano yeye, apequinare tiquina yero saha ye dutiye, ahm̄se cjāno tiquiro p̄htoro ijirop̄ p̄htoa yero saha ijieta tiquina pehe.

20 M̄sare niita niaja ȳh̄. Judio masare buheyequina, fariseo masa gūh̄ Cohācjū cahmeñene queoro yerare. Tiquina yūhd̄oro Cohācjū cahmeñene yeya m̄sa. M̄sa sa yerana, tiquiro p̄htoro ijirop̄are ne esasi m̄sa, ni yahuahye Jesu.

Usuayere yahuahye Jesu

(Lc 12.57-59)

21 Sa ni tuhasa, tiquinare yahu nemoahye:

—Panop̄ cjēna ohō saha ni tiquina yahurire t̄h̄ori jimedi m̄sa: “Masare wejēdacāh̄na. Masare wejēdiquirore tiquina buhiri dahreatiquiro ijire”, tiquina nidire t̄h̄ori jimedi m̄sa.

22 Ahri tiquina yahuri yūhd̄oro cjūno m̄sare ahri pehere yahu nemoutja. Tiquiro acayuro mehna usuariquiro pehe tiquina buhiri dahreatiquiro ijire masanore wejēdiquiro yero saha. Tiquiro acayurore tuhtiriquiro “Ne t̄aho masiñe mariegū ijire māh̄”, nidiquiro buhiri dahre dutiyequina cahap̄ tiquina neatiquiro ijire. “T̄aho masiegū ijire māh̄”, tiquiro acayurore sa nidiquirore pecap̄ wahaboaga tiquiro.

23 M̄sa acayuro m̄sare tiquiro ih̄na tuhtigū ohō saha yeya. Cohācjū w̄h̄p̄ Cohācjūre m̄sa ño peoato pano, tiquirore wahiquirore m̄sa ohoato pano ohō saha yeya.

24 Cohācjūre m̄sa ohoatire duhu cū, m̄sa acayuro cahap̄ waha, “Pari turi cahmequedacūh̄na. To punota duhuuh̄na tire”, niñā tiquirore. M̄sa sa nidi bato Cohācjūre oho, ño peona wahaya tiquiro ya w̄h̄p̄.

25 Apequiro māh̄re yahusā duaro, p̄htoro masare beseriquiro cahap̄ māh̄re tiquiro nea duagū, tiquiro mehna

usuaro marieno ijiya. Berisiquiro cahapꝰ tiquiro neato pano tiquiro mehna quehnoano ijiya. Mꝰhꝰ sa yegũ ihñano tiquiro mahure yahusãedaboaga. Mꝰhꝰ sa quehnoano ijieragũ ihñano topꝰre mꝰsa esagũ tiquiro pehe mahure masare berisiquirore yahusãnota. Tiquiro sa yahusãgũ, berisiquiro pehe peresu yeyequinapꝰre mahure ohorota. Sa yeye tiquina mahure peresu yeeta. ²⁶ Ijirota niaja mahure. Topꝰ ijiniita mꝰhꝰ. Tee tiquina wapa ye dutirire mꝰhꝰ wapa ye pehogꝰꝰ wijiagũta mꝰhꝰ, ni yahuahye Jesu.

Apequiro namono mehna ñano yeyere yahuahye Jesu

²⁷ Ohõ saha ni yahu nemoahye Jesu:

—Panopꝰ cjẽnare ohõ saha tiquina ni yahurire tũhori jimedi mꝰsa: “Apequiro namono mehna ñano yeracãhña”, tiquina nidire tũhori jimedi mꝰsa. ²⁸ Ahri tiquina yahuri yãhdũo cjũno mꝰsare ahri pehere yahu nemoutja. Numinore ñehedaperota, ihcãquiro ticorore ñano tutuaro cahmeno, ñano wacũ tũhoturo, ñano ye tuhasari ticoro mehna.

²⁹ Sa yegꝰ mꝰhꝰ capea pota peherꝰ ijiria mehna ñano yegꝰ, tiare ore we ne mꝰhꝰ cohãboriro sahata ti ñañene duhuya. Tire duhueragꝰ pecapꝰ wahagũta. Mꝰhꝰ capeare mꝰhꝰ cohãgũ tia capea dihita butire. Mꝰhꝰ pehere pecapꝰ mꝰhꝰ wahagũ ña

yãhdũare. Sa yegꝰ ti ñañene duhuya. ³⁰ Sa yegꝰ mꝰhꝰ omoca pota pehe ijiri omoca mehna ñano yegꝰ, ti omocare mꝰhꝰ dũte cohãboriro sahata ti ñañene duhuya. Tire duhueragꝰ pecapꝰ wahagũta. Mꝰhꝰ omocare mꝰhꝰ cohãgũ ti omoca dihita butire. Mꝰhꝰ pehe pecapꝰ mꝰhꝰ wahagũ ña yãhdũare. Sa yegꝰ ti ñañene duhuya, ni yahuahye Jesu.

Tiquiro namonore cohãñene, wame peoye gũhure yahuahye Jesu

(Mt 19.9; Mr 10.11-12; Lc 16.18)

³¹ Ohõ saha ni yahu nemoahye Jesu:

—Panopꝰ ahri gũhure niahye: “Tiquiro namonore cohã duariquiro tiquiro cohãtire yahuri pũ mehna ticorore cohã masine”, nimahye panopꝰ. ³² Ahri tiquina yahuri yãhdũo cjũno mꝰsare ahri pehere yahu nemoutja. Tiquiro namono apequiro mehna ñano yericoro ticoro ijierapegũta ticoro manano ticorore cohãboaga. Ticoro sa cohãnohricoro apequiro mehna omoca dũhtero, ñano yero niaga ticoro apequiro mehna ijiro. Ticoro manano ticorore tiquiro cohãri bato ticorore apequiro mehna ñano yegũ yere. Sa yero tiquiro bato namo tiriquire gũhũ ticoro mehna ñano yero nine, ni yahuahye Jesu.

³³ Ohõ saha ni yahu nemoahye Jesu:

—Panopu cjēna ohō saha tiquina ni yahurire tūhori jimedi mūsa: “Mūsa nidiro sahata yeya. ‘Cohācjū mehna poto sa yeitja’ mūsa nidiro sahata yeya”, tiquina ni yahurire tūhori jimedi mūsa. ³⁴ Ahri tiquina yahuri yūhdūo cjūno mūsare ahri pehere yahu nemoutja. “Ūhmūse mehna poto nii niaja”, ni ūhmūse mehna wame peoeracāhña. Ūhmūse pehe Cohācjū mari pūhtoro tiquiro ijiro ijire. Ihyo ijiro ijierare. Sa ijigū ihñana sa niedacāhña. ³⁵ Ahri yehpa mehna ne wame peoeracāhña. Ahri yehpa Cohācjū ya yehpa ijire. Sa ijigū ihñana sa niedacāhña. Jerusalē mehna ne wame peoeracāhña. Tutuariquiro mari pūhtoro ya maca ijire Jerusalē. Ihyo ijiri maca ijierare. Sa ijigū ihñana sa niedacāhña ti wamene. ³⁶ “Yūhū dapu mehna poto nii niaja”, ni wame peoeracāhña. Mūsa poari yehseye poari wahagū ye masiedare mūsa. Ti poarire ñiñe wahagū gūhure ye masiedare mūsa. Sa ye masiena “Yūhū dapu mehna poto nii niaja”, ni wame peoeracāhña. ³⁷ “Yenatja”, nina wame peoro marieno ohō saha dihita tire niducuya. “Yesi”, nina gūhū wame peoro marieno niducuya. Mūsa wame peo nina, watīno ñariquiro dutiro saha yena niaga, ni yahuahye Jesu.

Tiquina cahme ihña

tuhtiyere yahuahye Jesu
(Lc 6.29-30)

³⁸ Ohō saha ni yahu nemoahye Jesu:

—Panopu ohō saha tiquina ni yahurire tūhori jimedi mūsa. “Mūhūre apequiro mūhū capeare tiquiro quē tihāriro sahata mūhū gūhū tiquirore quē tihā cahmeña. Mūhū upiriare tiquiro quē nuhariro saha mūhū gūhū quē nuha cahmeña”, tiquina nidire tūhori ijimedi mūsa. ³⁹ Tiquina yahuri yūhdūo cjūno ahri pehere yahu nemoutja mūsare. Mūhūre ñano yeriquirore sa ihña cāhña. Ihcā pehe mūhū wahsupure tiquiro quēgū, ape sie gūhūre quē dutiya tiquirore. ⁴⁰ Apequiro buhiri dahre dutiriquirore mūhūre tiquiro yahusāgū, dutiriquiro pehe mūhū camisare mūhūre yahusāriquirore oho dutiboaga. Tiquiro oho dutigū, tiquirore ohoya. Mūhū bui cjā suhtiro gūhūre oho nemoña tiquirore. ⁴¹ Apequiro surara apee borore ihcā kilómetro mūhūre tiquiro nea basa dutigū, ape kilómetrore waha nemoña tja. ⁴² Mūhūre sinidiquirore ohoya. Sa yegū apequiro mūhūre waso dutigū wasoya tiquirore, ni yahuahye Jesu.

Mūsare ihña tuhtiyere
quinare cahñña

(Lc 6.27-28, 32-36)

⁴³ Ohō saha ni yahu nemoahye Jesu:

—Masa ohō saha nine:
“Mūsa mehna cjēnare cahñña.

Sa yena musare ihña tuhtiyequinare ihña tuhti cahmeña tja”, tiquina nidire tñhori jimedi musa. ⁴⁴ Tiquina yahuri yñhdno cjño ahri pehere yahu nemoutja musare: Musare ihña tuhtiyequinare cahña. Musare ñano yeyequinare tiquina ye ijiatire Cohãcjüre sini basaya. ⁴⁵ Musa sa yena mari Pacu ñhmuse cjño pohna ijire musa. Cohãcjü pehe ihcño saha yere masare. Ñañequina gñhure quehnoañequina gñhure asü asigü yere tiquiro. Sa yero Cohãcjü dutyere yeyequina gñhure, yeyequina gñhure acoro ahtagü yere tiquiro. Masare ihcño saha tiquiro yeriro sahata musa gñh yeya. ⁴⁶ Musare cahñequina dihitare musa cahgü ti ne ñhseati ijierare. Wapa ne cohteyequina gñh sata yere. Sa yena ijipihiyequinare cahña. ⁴⁷ Musa acaye dihitare musa quehnoano piti cagü ti ne ñhseati ijierare. Cohãcjüre masieñequina gñh sata yere. Sa yena ijipihiyequinare quehnoano piti caya. ⁴⁸ Ñañe mariena ijiya musa. Mari Pacu ñhmuse cjño tiquiro ñañe marieniquiro tiquiro ijiro sahata musa gñh ñañe mariena ijiya, ni yahuahye Jesu.

6

Quehnoañe yeyere yahuahye Jesu

¹ Pari turi tiquiro yahu nemoahye:

—Cohãcjü ye ijiatire quehnoañene yena, tire masare “Ohõ saha ijigü ijiaja yñh”, ni ye ihñoeacãhña apequinare. Musa sa ni ye ihñori buhiri quehnoañene musa yeri ñhseati ijierare. Sa yero Cohãcjü ñhmuse cjño quehnoañene musa yeri wapa musare ohosi. ² Sa yena pejecñoyequinare yedohona, tire masare ye ihñoeacãhña. Masa tiquina ihñenopu yedohoya tiquinare. Sata ihquẽquina ye ihñore mahapu ijiyequinare, judio masa mari buheye wñhusepu ijiyequina gñhure. Tiquina mari ihñono dihita quehnoano iji mehoñequina ijire. Sa ye ihñore tiquina, “Quehnoañequina ijire ahriquina”, masare ni ihña dutye. Tiquina sa ni ihñagü sa ye ihñonequina pehe bucue tuhasari. “Quehnoañequina ijire”, ni masa tiquina ño peogü bucue tuhasari tiquina. Sa yero Cohãcjü pehe ne bucue nemogü yesi tiquinare. ³ Sa yena pejecñoyequinare yedohona, masa tiquina ihñenopu yedohoya tiquinare. Musa mehna cjëna mehna ijina tiquina ihñeno pejecñoyequinare yedohoya. ⁴ Masa tiquina ihñenopu musa yedohoepegüta Cohãcjü pehe ihñare. Sa ihñano musa sa yeri wapa ohorota musare, ni yahuahye Jesu.

Cohãcjüre siniñene yahuahye Jesu

(Lc 11.2-4)

5 Pari turi tiquiro yahu nemoahye:

—Cohācjüre sinina, masa ihñono dihita quehnoano iji mehoñequina yero saha yeracāhña m̄sa. Judio masa mari buheye w̄h̄usep̄u ducu, mahap̄u ḡuh̄ure ducu, Cohācjüre sini ihñore tiquina masare. Sa sini ihñone potō masa tiquina ño peoye mehna tiquina bucue tuhasari. ⁶ Cohācjüre siniḡu taḡu, m̄h̄u ya tuc̄ip̄u biha sa jāña. Biha sa jā, mari Pac̄u ihñamehneniquirore siniña. M̄sa sa yeḡu masa marienop̄u m̄sa siniepeḡuta mari Pac̄u m̄sare t̄horota. Sa t̄horo m̄sare quehnoano yerota tiquiro.

⁷ Sa yena Cohācjüre sinina, t̄hoturo marieno m̄sa sinidireta pari turi sini majare tojoeracāhña. Ohō sahata yere Cohācjüre masieñequina. “Peye tahari ihcāno saha us̄a siniḡu Cohācjū us̄are t̄horota”, ni t̄hotumene tiquina. ⁸ Tiquina yero saha yeracāhña m̄sa. M̄sa siniato pano mari Pac̄u m̄sa cahmeñene masi tuhasare. ⁹ Sa yena ohō saha ni siniña m̄sa Cohācjüre:

Us̄a Pac̄u, ̄hm̄use cjū m̄h̄u quehnoaḡu sa ijiduc̄ure.

¹⁰ Yojop̄are ijipihtiequina p̄hto ijiya. ̄hm̄usep̄u m̄h̄u dutiro sahata tiquina yeriro sahata ahri yehpa cjēna ḡuh̄u yeahro.

¹¹ Sa yeḡu decoripe us̄a ihyatire ohoducuya us̄are.

¹² Apequina us̄are tiquina ñano yerire us̄a boaja. Sa yeḡu m̄h̄u ḡuh̄u us̄a ñano yerire boya.

¹³ Sa yeḡu us̄a ñañene ye duaḡu us̄a tutuaro cahmeḡu ihñaḡu tire us̄are ye dutieḡuta. Sa yeḡu us̄are us̄a ñañene yeraḡu yeya.

M̄h̄u us̄a p̄hto tutuaḡu sa ijiducuḡuta. Ijipihtiequina m̄h̄ure sa ño peoducuahro, ni siniña Cohācjüre.

¹⁴ Apequina m̄sare tiquina ñano yerire m̄sa boḡu ihñano, mari Pac̄u ̄hm̄use cjūno ḡuh̄u m̄sa ñano yerire borota. ¹⁵ Sa boeperota apequina m̄sare tiquina ñano yerire m̄sa boeraḡu mari Pac̄u ḡuh̄u m̄sa ñano yerire bos̄i, ni yahuahye Jesu.

Sijiyere buheahye Jesu

¹⁶ Sa yero tiquiro tiquinare yahu nemoahye:

—Cohācjüre ño peona tana sijina b̄j̄ua witiyequina yero saha ye ihñoadacāhña. Sata yere masa ihñono dihita quehnoano iji mehoñequina. Tiquina w̄h̄doa paca b̄j̄ua witiyequina yero saha ijire. Tiquina sa ijiyequina ijiḡu tiquina sijiḡu ihña masine masa. Ijirota m̄sare nii niaja. Masa tiquinare ño peoḡu cahmene tiquina. Sa yeye tiquinare tiquina ño peoḡu ihñañe bucue tuhasari. Cohācjū pehe tiquirore tiquina ño peori wapa tiquinare buceḡu

yesi. Sa yena tiquina yero saha ye ihñoedacãhña m̄sa. ¹⁷ M̄sa sijina, m̄sa poarire aco mehna wa peo w̄hapo peoya. Sa yena m̄sa w̄hdoa pacare coseya. ¹⁸ M̄sa sa yegū m̄sa sijigū ihña masisi masa. Cohãcjū dihita m̄sa sijiyere ihña masinota. M̄sa sehsaro m̄sa ijigū tiquiro m̄sa mehna sa ijuducure. Sa ihñano tiquiro m̄sare quehnoano yerota tiquirore m̄sa ño peori wapa, ni yahuahye Jesu.

Ɔhm̄se cjēne c̄uo dutiahye Jesu

(Lc 12.33-34)

¹⁹ Sa yero tiquiro yahu nemoahye:

—Ahri yehpa cjēne ne cahmecoedacãhña. Ohō cjē ahbaa wahaboaga. Ti ahbaeragū yaqueriquiro neboaga tire. Tiquiro yaqueragū mecasia t̄aboaga. Sa yero ahri yehpa cjē butiaro cuarīne. Sa yena ahri yehpa cjēne tutuaro cahmedacãhña. ²⁰ Ɔhm̄se cjē pehere cahmeña m̄sa. Ɔhm̄se cjēne mecasia t̄a masiedare. Top̄ m̄sa c̄oye ne ahbaerare. Top̄re yaqueriquiro ne masiedare. Sa yena Ɔhm̄se cjēne cahmeña m̄sa. ²¹ Top̄ m̄sa c̄oye ijigū, Ɔhm̄se cjēne Cohãcjū yere tutuaro wacūre m̄sa, ni yahuahye Jesu.

Masa tiquina t̄hoturo sahata yere

(Lc 11.34-36)

²² Sa yero ohō saha ni yahu nemoahye tiquinare:

—Sihãria quehnoano buhriogū mari quehnoano ihña masino sahata quehnoañene t̄hotuye mehna quehnoano ye masinata m̄sa. M̄sa t̄hoturo sahata yere m̄sa. Quehnoañene t̄hotuna quehnoano yere m̄sa. ²³ Quehnoañene t̄hotuerana ñañene yere m̄sa. M̄sa ñañe dihitare m̄sa t̄hotuducugū ti ñañe pehe ña ȳhd̄ye ijire, ni yahuahye Jesu.

Niñerure cahñequina, Cohãcjū pehere cah̄edare
(Lc 16.13)

²⁴ Sa yero tiquiro yahu nemoahye tiquinare:

—Ihcãquiro Cohãcjū pehere wacūno, tutua ȳhd̄aro niñeru pehere wacūedare. Niñeru pehere tutua ȳhd̄aro wacūno Cohãcjū pehere wacūedare. Niñeru dihitare cahmediquiro ijero Cohãcjūre bucuegū yerare. Cohãcjū gūh̄re, niñeru gūh̄re p̄arore cahme ȳhd̄ud̄caro basioerare m̄sare.

Cohãcjū tiquiro poh̄nene ihña ihbore
(Lc 12.22-31)

²⁵ 'Sa yegū ahrire m̄sare nii niaja: M̄sa ihyayere, sihniñene, suhti gūh̄re pajiro b̄j̄na witi t̄hotueracãhña. M̄sare bajumehneno ihyayere ihyatina dihitare suhti sañatina dihitare Cohãcjū yerari m̄sare. ²⁶ Minic̄j̄na parire Cohãcjū tiquiro ihña ihboyere masiña m̄sa. Tiquina weseri marieñequina ijire. Sa yeye ihyayere tiquina ihboye

wuhuse tiquinare mariedare. Mari Pacu pehe tiquinare tiquina ihyatire ohore. Mincjua yuhduoro musa pehere cahine Cohacjũ. Sa yero musa gũhare ihña ihborota tiquiro. ²⁷ Pajiro musa tuhoye mehna ti musare ihcã hora cati nemogũ yerare. Sa yero musa pajiro tuhoye dũhseati ijierare.

²⁸ 'Sa yena musa suhti sañatire pajiro bujua witi tuhoyeacãhña. Nucũ cjẽ cohoriti ti cohoiere tuhoye. Ti cohoriti ti basi suhtire yerare. Sa yerapeta ti cohoriti quehnoañe suhti yero saha quehnoañe cohoriti bajure. ²⁹ Salomo manano quehnoañe suhtire sañariquiro tiquiro ijiepegũta ti cohoriti pehe tiquiro yuhduoro quehnoa yuhduaye cohoriti waro ijire. ³⁰ Cohorire quehnoañe cohoriti yere Cohacjũ pehe. Ti cohoriti pehe meheñe decorigã ijiducu ñai bora dijiaa wahare. Mehenogã iji, ape decoru pecaru ujua wahare. Sa ijiepegũta cohorire quehnoañe cohoriti ijigũ yere Cohacjũ. Sa yero Cohacjũ cohorire tiquiro quehnoañe cohoriti tiquiro yeriro yuhduoro musa gũhare quehnoano yerota. Suhtire ohorota. Cohacjũre mehenogã wacũ tutuare musa. ³¹ Sa yena musa ihyatire, musa sihniatire, musa suhti sañatire pajiro bujua witi tuhoyeacãhña. ³² Cohacjũre cahmeeñequina pehe tire sa macaducuye

nine. Mari Pacu uhmuse cjãno ijipihtiyete musa cahmeñene masine. Tiquiro sa masigũ pajiro bujua witi tuhoyeacãhña. ³³ Cohacjũ musa pũhoro tiquiro ijiatore cahme mũhtaña musa. Ijipihtiyete apee boro yuhduoro tiquirore cahmeña musa. Quehnoañene tiquiro ye dutiyete gũhare cahmeña. Musa sa yeri bato Cohacjũ pehe musa cahmeñe dũhsagũ ohorota. ³⁴ Sa yena ñamiapure musa dũhse wahatore pajiro bujua witi tuhoyeacãhña. Ñamiare musa ñano yuhduogũ Cohacjũ yedohorota musare. Miare musa ñano yuhduato iji tuhasare. Sa yena mia cjẽ dihitare tuhoye. Ape deco cjẽne pajiro bujua witi tuhoyeacãhña. Cohacjũ pehe musare yedohorota, ni yahuahye Jesu.

7

Apequinare "Ñañequina ijire", niedacãhña
(Lc 6.37-38, 41-42)

¹ Sa yero tiquiro tiquinare yahu nemoahye:

—Apequinare "Ñañequina ijire", niedacãhña musa. Musa sa niedagũ Cohacjũ musare "Ñana ijire", nisi. ² Apequinare "Quehnoano yerare", musa ni ihñano sahata Cohacjũ pehe musa gũhare sata ni ihñanota. ³ Mari queoye mehna mari buhegũ ohõ saha yena ijire musa. Musa acayuro tiquiro capearu meheni

pohcarogã sajãgũ ti pohcarogãre quehnoano ihñare mûsa. Mûsa ya capea pehere pajiri pjĩ ijiepegũta ti pjĩne ne ihñedare mûsa. Meheni pohcarogãre mûsa ihñano saha mûsa acayuro tiquiro ñano yeye pehere quehnoano ihñare mûsa. Mûsa basi mûsa ñañene tutuaro yepenata tire masiedare mûsa, pajiri pjĩne mûsa ihñeno saha. ¿Dahse ijiro boro sa ijajari mûsa?

⁴ Ohõ saha nibona ijire mûsa: “Yũhũ acayũ, ñañene yei nine mũhũ. Sa yegũ tire duhuya”, nibona ijire mûsa. Sa nibona ijiepenata pajiro ñañene yere mûsa. ¿Dahsena mûsa ñañene yepenata tire masiedajari mûsa? ⁵ Masa tiquina ihñono dihita quehnoano iji mehona ijire mûsa sa yena. Pajiri pjĩne mûsa capearũ ijiri pjĩne mûsa ne mũhtaboriro sahata mûsa ñano yeye pehere duhu mũhtaña. Mûsa sa yeri bato mûsa acayuro tiquiro ñano yeyere duhugũ ye masiboaga, meheni pohcarogãre mûsa neboriro sahata.

⁶ 'Diayea yero saha ijieyequina, yesea yero saha ijieyequina gũhũ ñañequina Cohãcjũ yere quehnoa yũhdũyere tiquina ño peorerare. Tiquina pehere yahueracãhña. “Tiquina bũjape, ñano niari”, nina, yahueracãhña tiquinare, ni yahuahye Jesu.

Cohãcjũre mari siniñene yahuahye Jesu

(Lc 11.9-13; 6.31)

⁷ Sa yero tiquiro tiquinare yahu nemoahye:

—Cohãcjũre siniña mûsa. Sinina mûsa nenata. Mûsa sinidire bocanata. Tiquirore sa siniducuya mûsa. Mûsa sa yegũ tiquiro mûsare ohorota. ⁸ Ijipihtiyequina Cohãcjũre siniñequina neeta. Sa yeye tiquina sinidire bocaeta. Sa yero ijipihtiyequina Cohãcjũre sa siniducuyequinare tiquiro tiquinare ohorota.

⁹ ¿Mûsa pohna pãgãre mûsare tiquina sinigũ utã pehere ohoboagari mûsa tiquinare? Ne ohosi. ¹⁰ ¿Mûsa pohna wahire mûsare tiquina sinigũ aña pehere ohoboagari mûsa tiquinare? Ne ohosi. ¹¹ Mûsa ñana ijiepenata mûsa pohnare quehnoañene ohoe tiri mûsa. Sa yero Cohãcjũ pehe mûsa yũhdũoro quehnoañene ohore mûsare tiquiro pohnare tiquirore sininare. Mûsa pohnare mûsa ohoriro yũhdũoro Cohãcjũ pehe tiquiro pohnene ohore.

¹² 'Apequina mûsare tiquina quehnoano yegũ cahmene mûsa. Tiquinare mûsa quehnoano yegũ cahmeno sahata quehnoano yeya tiquina gũhũre. Tiquina quehnoano yerapegũta mûsa pehe tiquinare quehnoano yeya. Sata ye dutire Cohãcjũ dutiye Moiserere tiquiro cũripũ, Cohãcjũ yere yahu mũhtariquina tiquina ojoari gũhũ, ni yahuahye Jesu.

Meheni sopecahagã quitire yahuahye Jesu
(Lc 13.24)

13 Sa yero tiquiro yahu nemoahye tiquinare.

—*Ἐμμεσημ* Cohācjū cahapū waha duana tiquiro yere yero cahmene mūsare. Sa yena tiquiro yere sa ye macaedacāno cahmene. Meheni sopecahagāpū mūsa sajā duagū mijorīne. Sata mijorīne Cohācjū cahapū mūsa waha duagū. Pecapū masa tiquina wahagū mijoedare. Pajiri sopecahapū mari sajāgū mijoedare. Ti sopecahapū masa tiquina sajāboro saha pecapū masa tiquina wahagū mijoedare. Sa yeye peyequina masa topū wahaye nine. 14 Cohācjū cahapū mūsa waha duagū mijorīne. Meheñequinagā masa topū wahaeta. Topū wahayequina ijipihtiye decori Cohācjū mehna ijiducuenta, ni yahuahye Jesu.

Yucugū dūcare masina, tu padū gūhūre masine mūsa
(Lc 6.43-44)

15 Sa yero tiquiro yahu nemoahye tiquinare:

—Quehnoano yeya. “Cohācjū yere yahu māhtana ijiaja”, ni mehoñequinare tūhoeracāhña mūsa. Tiquina oveja yero saha usueyequina saha bajumene. Tiquina tūhotuyepū ñañequina ijire tiquina. 16 Tiquina ñano yegū ihñana, ñañequina tiquina ijigū masinata mūsa. Tiquina quehnoano yegū ihñana quehnoañequina tiquina ijigū masinata mūsa. Pota bucugū ahse tōhorine dūca tierare. Potagū higuera pacare dūca

tierare. 17 Quehnoadu yucugū quehnoañene dūca tire. Ñadū pehe ñañene dūca tire. 18 Quehnoadu yucugū ñañene ne dūca tierare. Sa yero ñadū quehnoañene dūca tierare. 19 Quehnoañene dūca tieye cjure dūte cohā cā, pecapū ujānata. Sata yerota Cohācjū tiquiro cahmeñene yerariquinare. 20 Sa yena “Cohācjū yere yahu māhtana ijiaja”, ni mehoñequinare ohō saha masinata. Tiquina yerire ihñana, tiquina ni mehoñequina ijigū masinata, ni yahuahye Jesu.

“Mūsare ne masiedaja”, ninota Cohācjū peyequina masare
(Lc 13.25-27)

21 Sa yero tiquiro yahu nemoahye tiquinare:

—Peyequina yūhūre “Pūhto” niñequina ijiepetā ḥmūse cjāno Cohācjū tiquiro pūhtoro ijiropūre wahasi tiquina. Yūhū Pacū ḥmūse cjāno tiquiro cahmeñene yeyequina dihita tiquiro pūhtoro ijiropūre wahaeta. 22 Decorī pihtigūpūre peyequina masa ohō saha nieta yūhūre: “Pūhto, māhū yere usā buhei. Mūhū wame mehna watīare cohān. Sa yena māhū tutuaye mehna peye bajumehneñene yei usā”, yūhūre niñequina ijieeta. 23 Ohō saha yūhtiitja tiquinare: “Mūsare ne masiedaja. Ñañene yena ijire mūsa. Yūhū cahapū ahtaeracāhña”, niitja yūhū tiquinare, ni yahuahye Jesu.

*Pua wahu yeyequina
quitire yahuahye Jesu*

(Mr 1.22; Lc 6.47-49)

²⁴ Sa yero tiquiro yahu nemoahye tiquinare:

—Sa ye ijipihtiequina ahri yahu buherire tuhoriquina yahu dutiyere yeyequina, quehnoano tuho masiniquiro wahu dahreriquiro yero saha ijire tiquina. Tiquiro pehe uhcañe coperi sehe, wuhare doco dcahaye. ²⁵ Ti wuhare peho tuhasari bato acoro tutuaro ahta, dia mini yuhda waha, tutuaro wihnono weahye. Sa ti tutuaro wepeguta ti wahu uhcaño tiquiro docori wahu ijiro ne waha sa queherahye.

²⁶ Sa yeye ijipihtiequina yahu buherire tuhoepeta yahu dutiyere yerariquina, tuho masieniquiro wahu dahreriquiro yero saha ijire. Tiquiro pehe ti wuhare paduro buigã doco, quehnoano ye dcaerahye.

²⁷ Ti wuhare peho tuhasari bato, acoro tutuaro ahta, dia mini yuhda waha, wihnono tutuaro weahye. Sa tutuaro weno ti wahu pehere wedoque cū cahye. Sa yero ti wahu tutuaro bora sa quehea wahahye, ni yahuahye Jesu.

²⁸ Tiquiro sa ni buhegũ tuhoye, tuho maria wahahye masa. ²⁹ “Tiquiro potota puhtoro ijire. Sa yero quehnoano masi pehoriquire ijiro marine buhere tiquiro. Mari judio masare buheyequina yero saha buherare”, ni tuhotuahye tiquina.

8

Jesu cami buca muna wihirore yuhda wahagũ yeahye

(Mr 1.40-45; Lc 5.12-16)

¹ Jesu canpu buhe dujiriquire dijaa wahahye. Tiquiro dijağũ ihñañe masa peyequina tiquiro bato wahahye. ² Tiquiro sa wahagũ ihcaquire cami buca muna wihiro tiquirore piti ca, dusepe curi mehna quehe sa, tiquirore siniahye.

—Puhto, mahu yuhare yuhduo duagu yuhduoya, niahye.

³ Tiquiro sa nigũ tuhoro tiquiro omoca mehna Jesu tiquirore ña peohye.

—Tire ye duaja. Muhare yuhdagũ yeitja, niahye Jesu tiquirore.

Tiquiro sa nigũta cami buca muna yatia wahahye. ⁴ Sa ni tuhasa Jesu tiquirore niahye tja:

—Yuhu mahare ohõ saha yerire ne apequinare yahueracãhña. Mhu pagure quehnoari pagu waharire pahire ihñogu wahaya. Moiserere Cohãcũ tiquiro cũriro sahata pahire minicjare ohoya mahu yuhdare masa ijipihtiequina tiquina masino quehnoano, niahye Jesu.

Surara puhtoro tiquiro cahacjãno dohatigũ Jesu yuhduoahye tiquirore

(Lc 7.1-10)

⁵ Sa ye Jesu Capernau wame tiri macapu tiquiro esagũ cien surara puhtoro

tiquiro cahapu esa, tiquirore tutuaro ohõ saha ni sinidi:

⁶ —Puhto, yuhu cahacjano ne pagu tutueriquiro waha masiedaro tiquirore tutuaro purigũ ya wuhapu cuñari tiquiro, nidi tiquiro Jesure.

⁷ Tiquiro sa nigũ,

—Ahu, tiquiro dohatiyere yuhduoguh wahaatja, nidi Jesu.

Tiquiro sa nigũ ohõ saha nidi surara puhtoro:

⁸⁻⁹ —Puhto, quehnoanota. Wahaeguta. Yuhu yuhduoro quehnoa yuhduagu ijire mahu. Ya wuhapu mahure sajã ta dutiboguh ijieraja yuhu. Mahu masiñe mehna yuhduoya tiquirore. Mahu sa yegũ yuhu cahacjano quehnoa waharota. Yuhure yuhu bui ijiyequina apequina puhtoa dutire. Yuhu gũhu surarare dutiaja. Ihcãquirore “Wahaya”, yuhu nigũ tiquiro wahare. Apequirore “Ahtaya”, yuhu nigũ tiquiro ahtare. Yuhu cahacjanore “Ahrire yeya”, yuhu nigũ tire yere. Mahu gũhu dutiguta ijire. Sa yero mahu dutiro sahata tiquiro dohatiriquiro yuhduarota, nidi tiquiro.

¹⁰ Tiquiro sa nigũ tãho maria waharo, peyequina masa tiquiro mehna ijiyequinare ohõ saha nidi Jesu:

—Ijirota musare niita niaja. Ahriquiro surara puhtoro Israe masano ijieriquiro Cohãcjãre tutuaro wacũ tutuare. Tiquiro cahacjanore yuhu yuhdugũ yeatire masi tuhasare. Ne Israe masare ahriquiro yero

saha ijiyequinare ihñedaga yuhu. ¹¹ Musare niita niaja. Peyequina ahriquiro yero saha Cohãcjãre wacũ tutuayequina ijiptihiro cjẽna gũhu uhmuse cjãno puhtoro tiquiro ijiropu esa, topu ijiyequina mehna ihyaeta. Abrahã, Isaac, Jacob mehna ihyaeta tiquina. ¹² Masa apequina pehe Cohãcjũ tiquiro puhtoro ijiropu waha- boriquina tiquina ijiepegãta ñanopu nahitianopu cohã cãnota tiquinare. Topu tiquiro cohãriquina tutuaro uti, bujua witiye mehna bahque dihoeta, ni yahuri Jesu.

¹³ Tire sa ni tuhasa, surara puhtorore nidi.

—Tojoahya mahu ya wuhapu. Mahu cahacjano yuhduarota. “Potota yuhduarota”, ni mahu tãhoturiro sahata yuhduarota, nidi Jesu.

Sa nigãta tiquiro cahacjano pehe quehnoa wahari.

Pedro mareonore dohatiricorore yuhduoahye Jesu

(Mr 1.29-31; Lc 4.38-39)

¹⁴ Sa ye Jesu Pedro ya wuhapu esa, Pedro mareono dohatigũ ihñahye tiquiro. Ujuaye tigũ cuñahye ticoro. ¹⁵ Ticoro sa ijigũ ihñano ticoro omocare ña peoahye. Tiquiro sa ña peogãta ujuaye surua wahahye. Surugũ tãhoturo ticoro pehe wahcãdca, tiquinare ihyayere peoahye.

Jesu peyequina dohatiyequinare yuhduoahye

(Mr 1.32-34; Lc 4.40-41)

16 Sa ye ñamicahapũ peyequina watĩare c̃oyequinare masa ne wihiahye Jesu cahapũ. Tiquina sa ne wihigũ ihñano ihcã tahata tiquiro waha dutigũ watĩa wahaa wahahye. Sa yero ijipihyeyequina dohatiyequina tiquina ne sariquinare yũhdũo pehoahye Jesu. 17 Sata yeahye tiquiro panopũ cjũno Cohãcjũ yere yahu mũhtariquiro Isaia tiquiro nidiro sahata. Ohõ saha ni ojoahye: “Mari dohatiyere yũhdũo cãnota tiquiro. Mari duti tiyere cohã cãnota”, ni ojoahye Isaia Jesure.

Ihquẽquina Jesu mehna waha duamahye
(Lc 9.57-62)

18 Ape taha Jesu peyequina masa tiquiro cahapũ tiquina ijigũ ihñano, ohõ saha nidi.

—Ape sie pahrẽpũ isa pehãhna, nidi.

19 Sa usã pehãto pano mari judio masare buheriquiro Jesu cahapũ esa, ohõ saha nidi:

—Buhegũ, mũhũ mehna waha duaja noho mũhũ waharopũ, nidi.

20 Jesu ohõ saha ni yũhtiri:

—Ihquẽquina nũcũ cjẽna wahiquina tiquina coperi c̃ore. Minicjũa gũhũ tiquina suhti c̃ore. Yũhũ masũ Cohãcjũ ohorigũ pehe yũhũ carĩni wũhũ c̃oeraja, ni yũhtiri Jesu.

21 Sa ye apequiro Jesu buheriquiro ohõ saha nidi:

—Pũhto, yũhũ pacũ tiquiro yariagũ yarĩgutja. Sa ya

tuhasagũ pũrita mũhũ mehna wahagutja, nidi tiquiro Jesure.

22 Jesu yũhtiri:

—Yũhũre cahmeeñequina yariariquina yero saha ijire. Tiquina pehe yariariquinare yaahro. Sa yegũ mũhũ pehe yũhũ mehna cjũ ijiajũ ahtaya, nidi tiquiro.

Jesu wihnonore yũsũ duti-ahye

(Mr 4.35-41; Lc 8.22-25)

23 Sa ni tuhasa yucũsapũ sajãri. Sa yena usã tiquiro buhena gũhũ tiquiro mehna waha, sajãhũ. 24 Ti ditarapũ usã pehãgũ waro wihnono tutuaro wẽdi. Sa yero pahcõri yucũsare quẽ mio cãmedi. Sa wihnono wẽpegũta Jesu pehe carĩno nidi. 25 Sa wahagũ ihñana usã tiquirore wahcõu. Wahcõ ohõ saha nii:

—Pũhto, yũhdũoya. Mari minina tana nijã, nii usã.

26 Usã sa nigũ Jesu yũhtiri:

—¿Dũhsena cue maca cãri mũsa? Yũhũre wacũ tutuerare mũsa, nidi Jesu usãre.

Sa ninota wahcãdũca sa, wihnonore pahcõri gũhũre “Yũsũahya”, nidi. Tiquiro sa nigũ wihnono yũhdũa wahari. Sa ye pahcõri gũhũ yũsũ dijiaa wahari. 27 Tiquiro sa yegũ ihña acũana, ohõ saha nii usã:

—¿Yohou, dũhse ijiriquiro boro masũno ijiajari ahriquiro? Ahri wihnono, pahcõri gũhũ tiquiro dutigũ yũhdũdũcaerare tiquirore, nii usã.

*Watīa c̄oyequinare
watīare cohāhye Jesu*
(Mr 5.1-20; Lc 8.26-39)

²⁸ To bato pehā sa, Gadara c̄jēna ya yehpap̄ esau. Top̄ usā esagū p̄aro m̄na masa coperi cahap̄ ijyeyquina Jesure piti cari. Tiquina watīare c̄oyequina cuayequina ijiri. Sa yero top̄ masa tiquina wahamehneneno ijiri. ²⁹ Tiquirore piti ca, sañuducuri:

—¿M̄h̄h̄ Cohācjū mac̄h̄ d̄hse yeḡh̄ ahtajari m̄h̄h̄ usā cahap̄re? ¿Usāre Cohācjū tiquiro buhiri dahreati pje ijierapegūta usāre buhiri dahrei ahtāu niajari m̄h̄h̄? ni sañuducuri tiquina.

³⁰ Tiquina cahap̄ peyeyquina yesea maca ihyaye nidi. ³¹ Tiquinare ihñañe, watīa ohō saha nidi Jesure:

—Usāre cohāḡh̄ sisequina cahap̄ waha dutiya usāre. Tiquina mehna iji dutiya usāre, ni sinidi watīa Jesure.

³²—Au, wahaya, nidi Jesu.

Tiquiro sa nigū watīa p̄aro masa mehna ijiriquina waha, yesea cahap̄ esari. Tiquina mehna tiquina ijigūta yesea pari, pari c̄j̄p̄h̄ oma maa buha, ditarap̄ bora ñojoa, mini yaria pihtia wahari.

³³ Tiquina sa wahagū ihñañe yeseare ihña ihboyequina pehe cuea waha, oma maa cāa wahari. Macap̄ esa, yesea tiquina minidire yahu site pehoahye. Watīare c̄oriquinare Jesu watīare tiquinap̄re ijiriquinare cohā wiori ḡh̄re yahu pehoahye tiquina. ³⁴ Sa tiquina yahu

siteri bato ti maca c̄jēna ijipihtiyeyquina Jesure ihñañe ahtari. Sa ye tiquirore ihñañe, tutuaro mehna waha dutiri tiquirore.

9

*Tini masieniquirore
ȳhd̄h̄oahye Jesu*
(Mr 2.1-12; Lc 5.17-26)

¹ Sa ye Jesu yuc̄sap̄ sajā, ditarap̄ pehā, tiquiro masari macap̄ esahye. ² Top̄h̄ ap̄equina tini masieniquirore tiquiro cuñari cahsero mehna yo w̄na wihyahye Jesu cahap̄h̄. “Jesu ahriquiroro dohatiyere ȳhd̄ḡh̄ yerota”, ni t̄hotuahye tiquina. Tiquina sa ni t̄hotugū masino dohatiriquirore ohō saha niahye Jesu:

—Bucueya m̄h̄h̄. M̄h̄h̄ ñañe yeyere cohā tuhasau ȳh̄h̄, niahye tiquiro.

³ Tiquiro sa nigū t̄hoye ihquēquina mari judio masare buheyequina ohō saha ni t̄hotumahye. “Ahriquiroro ihyo ijiriquiro sa nino ‘Cohācjū ijiaja’, nino nine. Sa nino Cohācjūre ñano nino nine”, ni t̄hotumahye tiquina. ⁴ Tiquina sa ni t̄hotugū masino, ohō saha niahye Jesu:

—¿D̄hsena sa ñano t̄hotuajari m̄sa? ⁵ “M̄h̄h̄ ñañe yeyere cohā tuhasaja”, ȳh̄h̄ nigū “Ni mehoḡh̄ ijire”, nine m̄sa quehnoano masiedapenata. “Wahc̄d̄ca, wahaya”, ȳh̄h̄ nigū tiquiro tinigū ihñana, ȳh̄h̄ nidi poto ijigū duita m̄sa masinata.

⁶ Yuh_u mas_u Cohãcjũ ohorigu ahri yehpap_u masa tiquina ñañe yeyere cohã masiaja yuh_u. Masa tiquina ñañe yeyere cohãcjũre cūri Cohãcjũ yuh_ure. Yuh_u sa cohãrire m_usa masiato saha ohõ sahata ye ihñoutja m_usa ihñatire, niahye Jesu.

Sa ni tuhasa tini masieniquiro Jesu ohõ saha niahye:

—Wahcãd_uca. M_uh_u cuñari cahserore ne cãhña m_uh_u ya w_uh_up_u, niahye tiquiore.

⁷ Tiquiro sa nigũ tãhoro tini masieniquiro wahcãd_uca sa, tiquiore ya w_uh_up_u tojoa wahahye. ⁸ Sa wahagũ ihñañe masa cueahye. Sa ye Jesure Cohãcjũ tiquiore tutuayere tiquiore ohogũ ihñañe masa Cohãcjũre ño peo, quehnoano yahuducuahye.

Jesu Mateore pijiahye
(Mr 2.13-17; Lc 5.27-32)

⁹ Tiquina sa yeri bato Jesu top_u ijiriquiro ahta, yuh_ure Mateore boca sari. Puh_utoa ye ijiatire masare wapa ne cohteg_u ijimi. Sa yeg_u ti pjere yuh_u dahrari tucũp_u dujii. Top_u yuh_u dujigũ ihñano ohõ saha nidi yuh_ure:

—Yuh_u mehna cjũ ijiaj_u ahtaya, nidi Jesu yuh_ure.

Tiquiro sa nigũ tãhogu wahcãd_uca tiquiore mehna wahau.

¹⁰ Came ya w_uh_up_u Jesu gũh_u ihyaye ahtari. Peyequina wapa ne cohteyequina, “Ñano yeyequina”, tiquina niñequina gũh_u usã mehna ihyari. ¹¹ Tiquina mehna usã ihyagũ ihñañe,

fariseo masa usãre Jesu buhenare ohõ saha nidi:

—¿Duhse yero m_usare buheriquiro wapa ne cohteyequina mehna, ñano yeyequina mehna ihyajari? nidi tiquina usãre tiquiore buhenare.

¹²⁻¹³ Tiquina sa nigũ tãhoro Jesu pehe queoye mehna buhero yuh_utiri:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire. Sa yeg_u ñañequina dihitare tiquina ñañene yerire buj_ua witi duti, quehnoañe pehere comesagũ yei ahta_u nii yuh_u. Tiquina basi “Quehnoana ijiaja usã”, ni tãhotuyequinare yedohog_u ahtaer_u. Cohãcjũ tiquiore nidire tiquina ojoarire masiña m_usa. “Wahiquinare m_usa wejẽ, ujũa m_uoñe mehna yuh_ure m_usa ño peogũ cahmedaja. Apequinare m_usa paja ihñagũ pehere cahmeaja”, ni ojoahye. Ahri tiquiore ojoari duhse nidire masiña m_usa. Tire quehnoano buhe nemona wahaya, nidi Jesu fariseo masare.

Sijiyere sinituahye Ñu buheyequina Jesure

(Mr 2.18-22; Lc 5.33-39)

¹⁴ Came Ñu wame yeriquiro buheyequina Jesu cahap_u esa, sinituri:

—Usã Ñu buhena pehe peye tahari Cohãcjũre ño peona tana, sijiaja. Fariseo masa gũh_u sata sijire. ¿Duhse yeye m_uh_u buheyequina

pehe sijerajari? nidi tiquina Jesure.

¹⁵ Jesu tiquiro t̄hotuye mehna queoye mehna buhero taro tiquinare ohō saha ni ȳhtiri:

—Ohō saha ijire ti: Omoca d̄hterop̄u tiquina pi-jioriquina omoca d̄hteriquiro mehna ijiye, siji masiedare. Sata ȳh̄u buheyequina ḡh̄u ȳh̄u mehna ijiye, siji masiedare. Ȳh̄u omoca d̄hteriquiro yero saha ijiaya. Omoca d̄hteriquiro bose deco tiquiro yegū tiquiro mehna c̄j̄na b̄j̄na witiye mehna ijierare. Sa yeye ih̄yeyequina ijierare. Ȳh̄u Рас̄u Coh̄c̄j̄u ȳh̄ure tiquiro nedi bato p̄ritare ȳh̄u buheyequina mehna ijisi ȳh̄u. Sa yeye ti p̄p̄eta ȳh̄u buheyequina ḡh̄u sijieta, ni ȳhtiri Jesu.

¹⁶ Панор̄u c̄j̄e buheye wahma buheye mehna tiquina buhe more duagū ih̄ñano ohō saha ni nemori Jesu tiquinare queoye mehna buhero.

—Ne wahma cahsero suhtiro cahsero mehna m̄n̄ano suhtirore sere ohōno cahmedare. Sa yegū wahma cahsero mari coseri bato m̄n̄ano suhtirore weje cahmecoa, paji ȳh̄d̄aro t̄h̄n̄ḡū yere. (Ahri yero saha m̄na buheyere wahma buheye mehna piti dahre buheraro cahmene.) ¹⁷ Sa yena ne ʻh̄se co bisiyē core wahiquiro cahsero ajurore m̄na ajurore pose yeraro cahmene. Sa yegū ʻh̄se co bisiyē pahmuñep̄u m̄na

ajurore t̄h̄r̄ē c̄āhre. Sa t̄h̄n̄ḡū ʻh̄se co ḡh̄u, ajuro ḡh̄u coh̄āa wahare. Sa yena ʻh̄se co wahma core wahma ajurop̄u pose yero cahmene. Sa yegū ʻh̄se co coh̄āeda, ajuro ḡh̄u coh̄āedare. (Sata wahma buheye m̄na buheye mehna buhe moredaro cahmene,) ni yahuri Jesu tiquinare.

Jairo maconore maso, dii m̄na dohatiducuricoro ḡh̄ure ȳh̄d̄oahye Jesu
(Mr 5.21-43; Lc 8.40-56)

¹⁸ Tiquiro sa ni yahuri watoa mari judio masa p̄h̄toa mehna c̄j̄no Jesu cahap̄u wihiri. Wihi, d̄sepe curi mehna quehe sa, ohō saha nidi.

—Ȳh̄u maco mianogā yariaa wahari. Ticorore m̄h̄u omocare duhu peoḡu ahtaya. M̄h̄u sa yegū masanota, nidi tiquiro Jesure.

¹⁹ Tiquiro sa nigū t̄horo Jesu wahc̄d̄ca tiquiro mehna wahari. ʻS̄a tiquiro buhena ḡh̄u wahau. ²⁰ ʻS̄a mahap̄u wahaducugū top̄u numino dii m̄na dohatiducuricoro Jesu batop̄u ahta, tiquiro suhtiro sohtoare dahra tuhuahye. Doce c̄h̄mari waro decoripe dii m̄na dohatiro niahye. ²¹ Ohō saha ni t̄hotuahye ticoro sa yero: “Ti suhtirore dahra tuhugo, quehnoa wahagota”, ni t̄hotuahye ticoro. ²² Ticoro sa yegū masino Jesu majared̄ca, ticorore nidi.

—Maco, bucueya m̄h̄u. M̄h̄u ȳh̄ure wacū tutuaye

mehna quehnoago tojoare vojopare, nidi tiquiro.

Tiquiro sa nigāta yuhduā wahari ticoro.

²³ Sa ye tuhasa Jesu pūhtoro ya wūhūpū esari. Topū esa, ñehe quea utiyequinare weōgū mūte pohoro saha ijdare putiyequinare ihñari. Peyequina masa tiquina ñano bisigū gūhure tūhori tiquiro.

²⁴ Tiquina sa yegū ihñano masare ohō saha nidi:

—Wijiaya mūsa. Yariere ticoro. Carīno nine, nidi tiquinare.

Tiquiro sa nigū tūhoye “Sa ni maca cāno nine ahriquirō”, niñe, masa būjūri tiquirore.

²⁵ Sa yero wūhū puhiapare ijiyequina masare tiquiro wio pehori bato yariaricoro cahapū esa, ticoro omocare ñeheahye. Tiquiro sa ñehegū masa quehe sa, wahcādūca sahye ticoro. ²⁶ Tiquiro sa yerire tūhoye, to cjeña masa ijiptiyequina yahu siteri.

Pūaro caperi bajueyequinare ihñagū yeahye Jesu

²⁷ Sa yero Jesu topū ijiriquiro wahagū, pūaro caperi bajueyequina tiquirore pisu nūnū tāri:

—Davi panami iji turiagū, masare yuhduoacjū, usāre paja ihñañā mūhū, ni sañuducuri tiquina.

²⁸ Tiquina sa nigāta Jesu ape wūhūpū sajāri. Tiquiro sa sajāgū masiñe caperi bajueyequina tiquiro cahapū sajāa wahari. Tiquina sa sajā sagū ihñano tiquiro pehe sinituri tiquinare:

—¿“Marine ihñagū yerota tiquiro”, ni tūhotuajari mūsa yūhūre? nidi tiquiro.

—Pūhto, sata ni tūhotuaja usā, ni yūhtiri tiquina.

²⁹ Tiquina sa nigāta tiquina caperire ña peori. Ña peo ohō saha nidi:

—Yūhūre “Sa yerota”, mūsa ni tūhoturiro sahata sa yeaja mū sare, nidi Jesu.

³⁰ Tiquiro sa nigāta tiquina caperi pehe quehnoa wahari. Sa ye Jesu ohō saha nidi tiquinare:

—Ahri yūhū ohō saha yerire apequinare ne yahueracāhñā, nidi.

³¹ Tiquiro sa niepegāta waha, topū ijiyequinare yahu siteri tiquina tiquiro sa yerire.

Yahuducueriquirore yahuducugū yeahye Jesu

³² Ti wūhūre tiquina wi-jiagū waro ihcāquiro yahuducueriquirore ne cāhtari masa. Watīno tiquiro mehna ijiriquiro tiquirore yahuducueragū yeahye. ³³ Tiquina ne sagū ihñano watīnore Jesu cohā wiori. Tiquiro sa cohāgū watīnore cūoriquiro pehe yahuducua wahari. Tiquiro sa yegū ihñañe ijiptiyequina ihñā maria pihtia wahari.

—Ne, ahri yehpa Israe yehpapare ohō saha yeyere ihñedahti mari, ni yahuducuri tiquina basi.

³⁴ Fariseo masa pehe sijoro saha ni yahuducuri:

—Watīa pūhtoro tutu-aye mehna watīare cohāre

ahriquiro, ni yahuducuri tiquina.

Masare paja ihñahye Jesu

³⁵ Sa ye ijipihtiye macari topu ijiye macarigāre, bujūye macari gūhure buhe tinino wahari Jesu. Quehnoañe buheyere judio masa mari buheye wuhusepu buhero wahari tiquiro. Sa yero Cohācjū pūhtoro tiquiro ijiatire yahuri. Ijipihtiye dohatiye gūhure to cjēnare yūhdūori tiquiro. ³⁶ Masa peyequina ñano yūhdūyequinare, pejecūoro wahayequinare tiquina ijigū ihñano Jesu tiquinare paja ihñari. Tiquina oveja opana marieñequina yero saha tiquina ijigū ihñano Jesu tutuaro paja ihñari tiquinare. ³⁷ Sa yero ohō saha nidi tiquiro usāre tiquiro buhenare, queoye mehna buhero:

—Trigo peye bucha tuhasagū peye ijigū dahraye pajiro ijire. Sa ijiepegūta dahrayequina pehe meheñequinagā (Mr 6.7-13; Lc 9.1-6) ijire. Sata quehnoañe buheyere tuhoatiquina peyequina ijigū pajiro ijire mari dahraye. Sa ijiepegūta meheñequinagā dahrari masa yero saha quehnoañe buheyere buheatiquina gūhu meheñequinagā ijire. ³⁸ Sa yena quehnoañe buheyere buheatiquinare apequinare tiquiro ohoatire siniña Cohācjūre, nidi Jesu.

10

Jesu doce waro beseahye tiquiro ohoatiquinare
(Mr 3.13-19; Lc 6.12-16)

¹ Came doce usāre tiquiro buhenare Jesu pijio, tutu-ayere ohori usāre. Watīare usā cohā masiatire ijipihtiye dohatiye usā cohā masiatire ohori usāre.

² Ohō saha wame tii usā Jesu cūrina: Simo ijiri. Tiquiroreta Pedro ni pisuri Jesu. Simo bahūro Andre gūhu ijiri. Santiago gūhu tiquiro bahūro Ņu mehna ijiri. Tiquina Santiago gūhu pacūro Zebedeo wame tiri. ³ Felipe, Bartolomé, Tomasu, yūhu Mateo ijii usā. Yūhu pehe pūhtoa ye ijiatire masare wapa ne cohtegū ijimi. Usā mehna Santiago ijiri. Tiquiro pehe Alfeo macūno ijiri. Sa yero Tadeo gūhu ijiri. ⁴ Simo celote ya curua cjāno ijimediquiro, Juda Iscariote gūhu ijiri. Juda pehe Jesure ihña tuhtiyequinare ihñoatiquiro ijiri.

Jesu tiquiro buheyequinare buhe dutiro ohoahye
(Mr 6.7-13; Lc 9.1-6)

⁵ Sa ye usāre doce tiquiro buhenare ohoro, “Ohō saha yeya”, ni yahuri usāre Jesu:

—Judio masa ijieyequina cahapūre wahaeracāhña. Ne Samaria yehpapū ijiye macaripū gūhure wahaeracāhña. ⁶ Israe yehpa cjēna cahapū pehere wahaya. Cohācjūre masieñequina ijire tiquina. ⁷ “Uhmuse cjāno pūhtoro tiquiro ijiato

mehenogã dũhsare”, ni buheya tiquinare. ⁸ Sa yena camĩ bucũ mũna wihare, apeye peye sijoro saha ijiye dohatiyere cũoyequina gũhũre yũhdũgũ yeya. Yari-riquinare masoña. Watĩa masa mehna ijiyequinare cohãña tiquinare. Mũsare sa ohogũ niaja ahri tutuayere. Sa yena mũsa gũhũ yũhũ sa ohoriro sahata masare yũhdũgũ yeya wapa neno marieno.

⁹ 'Mũsa wahana niñerure ne nedacãhña. ¹⁰ Ne mũsa ajurore, pũaro camisare, pũa pa dahpo suhtire, tu-aye cju gũhũre nedacãhña. Mũsa sañano dihitare sañaa wahaya. Apeye suhtire nedacãhña. Mũsa buheña waharopũ ijiyequina tiquina pehe mũsare pohe ijiatire ohoeta. Sata ohoro cahmene tiquinare.

¹¹ 'Ti macaripũ esana, mũsare quehnoano piti catiquirore macaña. Sa yena ti wũhũpũta tojoarĩña. Tee, coã wahanapũ wiji-aya ti wũhũre. ¹² Sa yena wũhũpũ sajãna, “¿Ijiajari mũsa?” niña ti wũhũ cjenare. Mũsare quehnoano tiquina cahmegũ “Cohãcjũ mehna quehnoano ijiya mũsa”, niña tiquinare. ¹³ Mũsare tiquina cahmedagũ, mũsa sa niborire niedacãhña. ¹⁴ Sa yena mũsare tiquina cahmedagũ, tiquina tũho dueragũ ti wũhũre wijiaya. Wijiana, dahpocãri cjẽ dihta esa wahãrĩre wejẽ site cũña mũsa tiquinare tiquina ye buhirire masigũ yena. Ti maca cjẽna

mũsare cahmedagũ sata yeya tiquina gũhũre. ¹⁵ Ijirota mũsare niita niaja. Ahri deco pihtigũpare Sodoma cjẽna, Gomorra cjẽna gũhũ tutuaro buhiri tiatiquinata ijire. Tiquina sa ijiepegũta tiquina yũhdũoro mũsare cahmeeñequina buhiri tia-tiquina ijietã, ni yahuri Jesu.

Jesu yequinare apequina ñano yeatire yahuahye Jesu

¹⁶ Sa ni tuhasa ohõ saha ni nemori:

—Yũhũre tũhoya mũsa. Oveja yero saha ijinare mũsare ñañequina watoa ohogũ niaja. Tiquina ñañequina nũcũ cjẽna yayia usuayequina yero saha ijire. Sa yena mũsa pehe apequina wahiquina wacũ masiñequina yero saha ijiya. Sa ijina ijiepenata bujua yero saha ne usuena ijiya mũsa. ¹⁷ Quehnoano yeya mũsa. Mũsare masa pũhtoare ohoeta. Judio masa mari buheye wũhũsepũ quẽeta mũsare. ¹⁸ Sa yeye yee-quina mũsa ijiri buhiri macari cjẽna pũhtoa cahapũ tiquina bui ijiye-quina pũhtoa cahapũ gũhũre neañeta mũsare. Sa yena mũsare topũ tiquina neagũ pũhtoare, judio masa ijieye-quina gũhũre quehnoañe buheyere buhenata mũsa. ¹⁹⁻²⁰ Mũsare pũhtoare tiquina ohogũ tiquinare mũsa niatire “Yohou, masiedaboaga”, ni tũhotueracãhña. Mũsare tiquina sinitugũta mũsa niatire masinata. Sa masina tiquinare yahuna, mũsa tire

musa esa tuharo yahuducuna nisi. Cohãcjũ pehe mari Pacu tiquiro yaquiro Espiritu mehna musare yahuducugũ yerota.

²¹ 'Ti pjere tiquina wahmisumua tiquina bahanare wejẽ dutiye ohoeta puhtoare yeequina tiquina ijiri buhiri. Tiquina pacusumua tiquina pohnene wejẽ dutiye ohoeta puhtoare. Tiquina pohne pehe tiquina pacusumuaare wejẽ dutiye ohoeta puhtoare.

²² Sa yeye yeequina musa ijiri buhiri ihña tuhtieta masa ijipihtiyequina musare. Tiquina sa yepegũta ahri yehpapu musa catiro puno musare tiquina ñano yerire ihcãno sahana yahure duhuerana, yahdunata musa.

²³ Ihcã macapu musare tiquina ñano yegũ ape macapu duhti cãhña. Ijirota musare niita niaja. Israe yehpapu ijiye macarine musa pehoato pano, yahu masu Cohãcjũ ohorigu ahri yehpapu tojoa taũtja.

²⁴ 'Ne ihcãquiro buheriquiro tiquirore yahuriquiro buipũ ijierare. Sa yero cahacjãno gũhu tiquiro puhtoro bui cjũno ijierare. ²⁵ Sa yero ohõ saha tuhoturo cahmene buheriquirore: "Yahure buheriquiro yero sahata ijigũtja", ni tuhoturo cahmene. Cahacjãno gũhure sata ni tuhoturo cahmene. "Yahũ puhtoro yero sahata ijigũtja", ni tuhoturo cahmene. "Tiquiro bui ijigũtja. Sa yegu yahũ puhtoro tiquiro ñano yahdũriro sa-

hata ñano yahdusi yahũ pehe", ni tuhotueraro cahmene. Yahũ pehe wahu cjãno yero saha iji-aja. Musa pehe ti wahu pu dahrayequina yero saha ijire. Sa yeye masa yahure "Beelzebú ijire", ni yahusãñe, musa gũhure yeequinare ñano ni yahuducueta tiquina, ni yahuri Jesu.

"¿Noa pehere cuegũ quehnoajari?" ni yahuahye Jesu

(Lc 12.2-7)

²⁶ Sa ni tuhasa ohõ saha ni nemori:

—Sa yena musare ñano yeyequinare cueracãhña. Masa tiquina yahuerarire came apequina masieta. Sa yeye tiquina nuori gũhure apequina masieta. ²⁷ Musare tuhoerogã yahũ yahurire peyequina masa watoa buhe turiaya musa. ²⁸ Masunore wejẽñequina tiquiro pagu dihitare wejẽne. Tiquiro jeripohna yarierare. Sa yena musare wejẽ duayequinare cueracãhña. Cohãcjũ pehere cueya. Tiquiro musa pagurire, musa jeripohnari gũhure pecapu cohã masine. Sa yena tiquiro pehere cueya.

²⁹ 'Puaro siripia wapa mariedare. Tiquina sa wapa mariedapegũta ihcãquirogãre Cohãcjũ ne boerare. Cohãcjũ dutieragũ ne yarierare tiquirogã. ³⁰ Sa yero musa poarire ne ihcã poa da dũhsaro marieno masi pehore Cohãcjũ. Sata musa

ijiye tiye gũhure masi pe-
hore Cohãcjũ. Sa masino
mũsare ihña ihboducure.
31 Siripiare tiquiro cahño
yũhdũoro, mũa pehere
cahñe Cohãcjũ. Sa yena
pajiro tũhotueracãhña mũa.

*Jesure mũa wacũ tutu-
arire yahuya masare
(Lc 12.8-9)*

32 'Ihcãquiro "Jesu yaquiro
ijiaja", masare tiquiro ni
yahugũ yũhũ gũhũ tiquirore
"Yaquiro ijire", ni yahugũtja
yũhũ Pacũre uhmũse cjũnore.
33 Sa ijiepegũta ihcãquiro
"Jesu yaquiro ijieraja",
masare tiquiro nigũ yũhũ
gũhũ "Yaquiro ijierare
tiquiro", ni yahugũtja yũhũ
Pacũre, ni yahuri Jesu.

*Jesu masare tu wagũ yere
(Lc 12.51-53; 14.26-27)*

34 Sa ni tuhasa ohõ saha ni
yahu nemori:

—¿Dũhse ni tũhotuajari
mũa yũhũre? ¿"Tiquiro
masare tiquiro buheri bato
apequina tiquinare ihña
tuhtisi", ni, tũhotuajari
mũa? Sa ijierare. Masare
yũhũ buheri bato ihquẽquina
yeere tũhoeta. Apequina
pehe tiquinare ihña tuhti-
eta. Ihcãno saha ijisi masa.
35 Bũcũna yũhũ buheyere
tiquina tũhori buhiri tiquina
pohne tiquinare ihña tuhti-
eta. Bũcũna numia gũhũ
yũhũ buheyere tiquina tũhori
buhiri tiquina pohna nu-
mia tiquinare ihña tuhti-
eta. Tiquina mareosãnumia
yũhũ buheyere tiquina
tũhori buhiri tiquina macũ

namosãnumia tiquinare ihña
tuhtieta. 36 Sa yeye masa
tiquina acayere ihña tuhtie-
quina ijietã.

37 Yũhũre tiquina cahĩboriro
yũhdũoro tiquina pacũsumũa
pehere cahĩ yũhdũdũcaye,
yeequina ijisi tiquina.
Yũhũre tiquina cahĩboriro
yũhdũoro tiquina pohne pe-
here cahĩ yũhdũdũcaye, yee-
quina ijisi tiquina. 38 Sa yeye
apequina curusapũ yariariro
saha yeequina tiquina ijiri
buhiri ñano yũhdũeta tiquina
gũhũ. Sata ñano yũhdũ
dueyequina yeequina ijisi
tiquina. 39 Masa yũhũre
wacũno marieno tiquina esa
tuharo yeye pecapũ wahaeta
tiquina. Sa yeye yeere sa
yeducuye ijipihtiye decori
yũhũ mehna ijietã tiquina, ni
yahuri Jesu.

*Mari wapatatire yahuahye
Jesu*

(Mr 9.41)

40 Sa ni tuhasa ohõ saha ni
yahu nemori:

—Mũsare yeequinare
ihcãquiro quehnoano cah-
meno, yũhũ gũhũre cah-
meno nine tiquiro. Sa yero
tiquiro yũhũre quehnoano
cahmediquiro yũhũre
ohoriquiro gũhũre cahmeno
nine. 41 Sa yero Cohãcjũ yere
yahuriquiro wapatarota.
Tiquirore quehnoano yerota
Cohãcjũ. Sa yero tiquiro
yere yahuriquiro tiquiro
ijigũ ihñano apequiro pehe
yahuriquirore quehnoano
cahmeno, yahuriquiro
yero sahata wapatarota

tiquiro gāhū. Sa ye apequiro quehnoano yeriquiro wapatarota. Sa yero quehnoano yeriquiro tiquiro ijigū ihñano apequiro pehe tiquirore quehnoano cahmeno, quehnoano yeriquiro yero saha wapatarota tiquiro gāhū. ⁴² Yaquirogā ihcāquiro tiquiro ijigū ihñañe dūhse ijiyequina tiquirogāre acore mehenogā tiquina sihōepēgūta, potota tiquinare quehnoano yerota Cohācjū, ni yahuri Jesu.

11

Ñu wame yeriquiro tiquiro buheyequinare Jesure sinitu dutiro ohoahye
(Lc 7.18-35)

¹ Ĥsāre tiquiro buhenare tiquiro sa ni yahuri bato to cahapū ijiye macaripū buhero wahari tiquiro.

² Sa ye tiquiro yerire Ñu peresupū ijiriquiro tūhooahye. Sa tūhooro Ñu tiquiro buheyequinare Jesure sinitu dutiro ohoahye.

³ Sa ye Jesu cahapū esa, sinituri tiquina Ñu buheyequina.

—¿Ñu “Yūhū bato apequiro ahtarota”, tiquiro nidigū ijiajari māhū? ¿Tiquiro nidigū māhū ijieragū apequirore cohtenatari ūsā? ni sinituri tiquina pehe Jesure.

⁴ Tiquina sa nigū tūhoro Jesu yūhtiri:

—Yojopūre mūsa tūhorire, mūsa ihñarire Ñure yahuna wahaya: ⁵ “ ‘Caperi bajueyequina ihñare. Tini masieñequina tinine. Cami

būcūna quehnoa wahare. Cahmono tūhoeyequina tūhoa wahare. Yariariquina masaa wahare. Tiquina ijipihtiyequinare quehnoa wahagū yei yūhū. Sa yegū pejecūoyequinare quehnoañe buheyere yahuaja. ⁶ Yūhūre tūhoriquiro “Poto ijire”, niniquiro tiquiro bucueriquiro ijire”, nidi”, ni, Ñure yahuna wahaya, nidi Jesu.

⁷ Ñu buheyequina tiquina wahari bato, Jesu pehe Ñu ijiye tiyere yahu dūcari peyequina masare:

—Masa marienopū taare wihnono wēdoqueo mūjagū ihñana eserari mūsa. ⁸ “Quehnoañe suhti tiriquire ihñana wahaūhna”, niedari mūsa masa marienopū wahana. Quehnoañe suhti tiyequina wapa būjūyere cūoyequina pūhtoa ye wūhūsepū ijire. ⁹ Masa marienopū esana Cohācjū yere yahu māhtariquire ihñana esari mūsa. Ijirota ijire. Ñu Cohācjū yere yahu māhtariquire ijire. Apequina Cohācjū yere yahu māhtañequina yūhdūoro ijiriquiro ijire tiquiro pehe. ¹⁰ Panopū Cohācjū yere tiquina ojoari pūpū Ñure ohō saha ni yahuahye:

Mari Pacū tiquiro macūnore ohō saha niahye: “Mūhū pano māhūre yahuyuatiquirore ohogū niaja”, niahye, ni ojoahye panopūre Ñure.

11 M̄sare ijirota niaja. Apequina ijipihtiyequina bui ijire Ñu wame yeriquiro. Ahri decorip̄are tiquiro sa ijiepeḡuta uhm̄use cj̄ano p̄htoro ijirop̄are ijipihtiyequina docap̄u ijiriquiro p̄rita Ñu bui ijire.

12 'Ñu wame yeriquiro tiquiro buhe, wame ye d̄ucaḡu peyequina masa uhm̄use cj̄ano p̄htoro ijirop̄u tiquina tutuaye mehna, tiquina esa tuharo saj̄a duamedi. 13 Coh̄cj̄u yere yahu m̄htañequina tiquina ojoarire, Coh̄cj̄u Moiserere tiquiro c̄urip̄u ḡuh̄are buhena Coh̄cj̄u tiquiro p̄htoro ijiatore masiaja mari. Ñu ḡuh̄u tireta yahuri. 14 "Elia ahtarota", panop̄u tiquina nidiquirota ijire Ñu pehe. Panop̄u cj̄ena tiquina nidire "Poto ijire", ni duana Ñu tiquina sa nidiquiro tiquiro ijiḡu masinata m̄sa. 15 Quehnoano tuhoya m̄sa ahrire.

16 '¿Yojop̄u cj̄ena masa yabequina yero saha ijiajari tiquina, m̄sa tuhutuḡu? Tiquina macanaḡa yero saha ijire. Apequina tiquina cahmeno saha tiquina yeraḡu bucuere tiquinaḡa. Doeri cj̄e duarop̄u ape dujiye, oh̄o saha ni pisupere tiquinaḡa basi: 17 "M̄sa basatire us̄a putipemi. ¿D̄hsena m̄sa basaerari us̄a tire putiḡu? Us̄a tutuaro ñehe quea utipe, sañuducupemi. ¿M̄sa pehe d̄hsena us̄a mehna utiperari?" niducuriquina yero

sahata ijire yojop̄u cj̄ena ḡuh̄u. Yojop̄u cj̄ena tiquina cahmeno saha us̄a yeraḡu ih̄ñañe bucuere tiquina ḡuh̄u. 18 Tiquina yero saha yena oh̄o saha yere m̄sa yojop̄u cj̄ana. Ñu wame yeriquiro Coh̄cj̄ure ño peoro taro siji, vinore sihniedari. Tiquiro sa sihniedaḡu ih̄ñana "Wat̄ñore c̄uriquiro ijire", nimesi m̄sa tiquiro pehere. 19 Yuh̄u mas̄u Coh̄cj̄u ohorigu ijigu yah̄u ihya, sihniaja. Yuh̄u sa yeḡu ih̄ñana oh̄o saha nine m̄sa yah̄u pehere: "Ih̄ñaña. Ahriquiro pajiro ihyariquiro, queheriquiro ijire. Wapa ne cohteyequina, ñano yeyequina ḡuh̄u tiquina piti tiriquiro ijire tiquiro", nine m̄sa yah̄u. Sa nina macanaḡa yero saha yahuducuna nine m̄sa. M̄sa cahmeno saha us̄a yeraḡu bucuere m̄sa. Sa masiedapenata us̄a ye ih̄ñore ih̄ñana, Coh̄cj̄u yere us̄a masiḡu masinata m̄sa, nidi Jesu tiquinare.

Tiquina ñañene b̄j̄na witiyequina ye macari cj̄enare tuhtiah̄e Jesu
(Lc 10.13-15)

20 Apeye macari cj̄enare tuhtiri Jesu. Ti macarine apeye macari yah̄duoro Coh̄cj̄u tutuaye mehna ye ih̄ñomedi tiquiro. Tiquiro sa ye ih̄ñoep̄eḡuta tiquina ñañe yerire duhuerari tiquina. Sa yero oh̄o saha ni tuhtiri Jesu tiquinare.

21 —Coraz̄in cj̄ana, m̄sa ñano yah̄d̄nata. Bet-

saida cjāna, mūsa gūhu ñano yuhdunata. Mūsa ye macaripure Cohācjū tutuaye mehna ye ihñomi. Tiro wame tiri macare, Sidō wame tiri maca gūhure tiquiro tutuaye mehna yuhū ye ihñogū ihñañe panopu to cjēna pehe tiquina ñañene bujua witiboaga. Sa yeye quehnoañene comesaboaga. Masa dija suhtire saña, peca cjē nujuare tiquina bui dahra site peoboaga tiquina ñañene bujua witiyere ihñoñe.

²² Mūsare niita niaja. Buhiri dahreati deco ijigū Cohācjū Tiro cjēna, Sidō cjēna yuhduoro mūsa pehere mūsa ñari buhirire ña yuhduaro buhiri dahrerota.

²³ Capernau cjāna, mūsa esa tuharo uhmusepu waha duamedī. Mūsare Cohācjū pecapu cohānota. Mūsa ya macapu Cohācjū tutuaye mehna ye ihñomi. Mūsa yuhure tuhoerari. Sodoma wame tiri macare Cohācjū tutuaye mehna yuhū ye ihñogū ti maca pehe yojopure ijiboaga.

²⁴ Mūsare niita niaja. Buhiri dahrerī deco ijigū Cohācjū Sodoma cjēna yuhduoro, mūsa pehere mūsa ñari buhiri ña yuhduaro buhiri dahrerota, nidi Jesu ti macari cjēnare.

—Yuhū cahapu sona taya,
niahye Jesu
(Lc 10.21-22)

²⁵ Ti pjere ohō saha nidi Jesu tiquiro Pacuro mehna yahuducuro:

—Yuhū Pacu, mūhu uhmuse cjēna puhto, ahri yehpa cjēna puhto ijire. Ahri mūhu buheyere “Quehnoano masina ijiaja usā”, niñequinare masigū yerare mūhu. Buhe pehoeyequina pehere mūhu yere masigū yere mūhu. Mūhu sa yegū, “Quehnoare”, niaja yuhū mūhure. ²⁶ Sata ijire. Tiquina pehere masigū cahmedī mūhu, nidi Jesu tiquiro Pacurore.

²⁷ Sa yero masare ohō saha ni yahu nemori:

—Yuhū Pacu ijipihtiyere yuhure ohori. Tiquiro dihita yuhure quehnoano masine. Sa yena usā dihita yuhū masi dutiyequina mehna yuhū Pacure masiaja usā. ²⁸ Mūsa ñañe apee boro nucñe yero saha ijire. Nucñene wūana mūsa tahrīno saha ñañene wahyia wahare mūsa. Sa wahyarina ijina yuhure cahmeña mūsa. Mūsare sogū yeitja. Mūsa ñañe yeyere duhugū yeitja.

²⁹ Yuhū dutiyere yeya. Yeere quehnoano masiña. Yuhū paja ihñagu ijiaja. Sa yegu yuhducaegu ijiaja. Yuhū sa ijigū yeere quehnoano masiña mūsa. Sa yena soye mehna quehnoano jeripohna tinata mūsa.

³⁰ Yeere mūsa yegū mi-joedare. Sa yero mūsa wūaye ti nucūedaro sahata yuhū pehe mūsare mehenogā ye dutiaja, nidi Jesu.

12

Judio masa tiquina sori

decore trigore peheahye Jesu buheyequina

(Mr 2.23-28; Lc 6.1-5)

1 Mehenogã tiquiro sa ni buheri bato saurú ijigũ usã Jesu mehna trigo wesepu esau. Usã tiquiro buhena ujua ahbana, trigore pehe, ihya tuhasa, yuhdu cãa wahau usã. 2 Usã sa yegũ ihñañe, fariseo masa Jesure ohõ saha nidi:

—Tuhoriña usãre. ¿Dahse ye mahu buheyequina saurú mari sori deco ijiepegãta dahrajari? Marine dutiyere yuhduhcaye nine, nidi tiquina.

3-4 Jesu yuhtiri. “Yuhu buheyequina yuhduhcaye niedare”, ni yahuro taro ohõ saha ni yuhtiri:

—Davi tiquiro mehna cjëna mehna ujua ahbaro Cohãcjũ wuhupu sajã, Cohãcjũ ye pãre ihyahye. Ti pãre pahia dihita ihyae tiahye. Cohãcjũ dutiyere tiquina ojoari pũ apeqinare ti pãre ihya dutierare. ¿Davi gũhu tire tiquina yerire Cohãcjũ ojoari pũpu buherari musa? (Ti pãre ihyaro Cohãcjũre yuhduhcaro niedahye. Mi-are ahri pjerire ihyaye yuhu buheyequina gũhu Cohãcjũre yuhduhcaye niedare.)

5 Sa ye Cohãcjũ wuhupu dahrayequina pahia ne soerare mari soye decorire. Sa soerapeta Cohãcjũ dutiyere yuhduhcayequina ijierare. ¿Tire buherari musa Cohãcjũ Moiserere tiquiro cãri pũpu? 6 Musare niita niaja. Cohãcjũ wuhure ño peona

ti wuhupu dahrayequina tiquina soeragũ ihñaepenata “Quehnoanota”, nine musa. Ti wuhu yuhduoro yuhu pehere ño peoro cahmene. 7 Cohãcjũ yere tiquina ojoari pũ ohõ saha nine: “Wahiquinare wejẽ, ujua mhoñe mehna yuhure musa ño peogũ cahmedaja. Apeqinare musa paja ihñagũ pehere cahmeaja yuhu”, nine tiquiro yere tiquina ojoari pũ. Tiquiro sa nidire musa quehnoano tuhona, yuhu buheyequinare tiquina buhiri mariedapegãta tiquinare tuhtieraboaga musa. 8 Yuhu masu Cohãcjũ ohorigu ahri deco saurú decore masa tiquina yeatire yahugu ijigu puhto ijiaja, nidi Jesu fariseo masare.

Omoca bhariquiro quitijire

(Mr 3.1-6; Lc 6.6-11)

9 Tiquiro sa nidi bato waha, judio masa mari buheri wuhupu esau usã Jesu mehna. 10 Topu omoca bhariquiro ijiri. Sa yeye fariseo masa pehe Jesure yahusãñe tehe, tiquirore sinituri:

—Saurú decore mari sori decore masunore yuhduo dutierare Cohãcjũ. ¿Sata ijiajari, mahu tuhogũ? ni sinituri tiquina.

11 Jesu yuhtiri tiquinare:

—¿Musa yaquiro oveja saurú ijigũ coperu tiquiro bora sajãgũ tiquirore ne wioeraboagari musa? Ne wionata musa. 12 Oveja yuhduoro ijire masuno pehe

Cohãcjũ tiquiro ihñagũ. Sa yero saurú ijigũ quehnoañene mari yegũ quehnoarĩne, ni yãhtiri Jesu tiquinare.

¹³ Tiquiro sa nidi bato omoca bũhariquirore ohõ saha nidi:

—Mũhũ omocare siõ potoya, nidi tiquiro.

Tiquiro sa nigũ omoca bũhariquiro pehe siõ poto, omoca quehnoa wahari ape omoca quehnoari omoca yero saha. ¹⁴ Sori decore tiquiro sa yegũ ihñañe, fariseo masa waha, tiquina basi ohõ saha niahye:

—¿Dũhse Jesure wejẽnatar mari? niahye tiquina basi.

Cohãcjũ yere yahu mũhtariquiro panopũ cjãno Jesure yahuahye

¹⁵ Jesu tiquina sa nidire masino, waha wahari. Tiquiro sa wahagũ peyequina masa tiquirore nũnũ tãri. Sa yero tiquiro pehe ijipihitiyequina tiquina mehna cjẽnare dohatiyequinare yũhdũgũ yeri. ¹⁶ Sa yero dohatiyequinare tiquinare tiquiro yũhdũorire apequinare yahu site dutierari tiquiro. ¹⁷ Sa dohatiyequinare yũhdũgũ yero, Cohãcjũ yere yahu mũhtariquiro Isaia panopũ tiquiro ni ojoariro sahata yero nidi Jesu. Ohõ saha ni ojoahye Isaia:

¹⁸ Ohõ saha nine Cohãcjũ: “Ahriquiro yũhũ cahacjãno ijire. Tiquiro yũhũ beseriquiro ijire. Tiquirore

cahãaja. Sa yegũ tiquiro mehna bucueaja. Yaquiro Espiriture tiquirore ohogũtja. Sa yero yũhũ tutuaye mehna ijipihitiyequina masare yũhũ buheyere yahurota tiquiro. ¹⁹ Sa yahuro tiquiro ne purĩno mehna yahusi. Sa yero sañuducusi. Sa yero maca cjã mahapũ peyequina masa watoa tiquiro tutuaro sañuducu yahusi. ²⁰ Wũjũgũ nuhrino cuadũ tiquiro nuhriedagũ yero saha masa gũhũre quehnoano yerota tiquiro. Mehenogã uũri pecare tiquiro yatigũ yeraro saha masa gũhũre quehnoano yerota tiquiro. Sata yeducurota tiquiro watĩnore tiquiro yũhdũducato pano. ²¹ Sa yeye peyequina masa tiquirore wacũ tutueta”, nine Cohãcjũ, ni ojoahye Isaia.

—*Jesu watĩno tutuayere cũore, ni yahusãhye masa (Mr 3.20-30; Lc 11.14-23; 12.10)*

²² Ihcã deco watĩno cũoriquirore masa ne cãhtari Jesu cahapũ. Tiquiro pehe watĩnore cũoro yahuducu masiedari. Sa yero caperi ne bajuerari. Tiquina sa ne wihigũ ihñano, yũhdũgũ yeri Jesu tiquirore. Tiquiro sa yegũ watĩno cũoriquiro ihña,

yahuducuri. ²³ Tiquiro sa wahagū ihñañe, masa ihña maria wahari.

—¿Ahriquiro Davi panamino iji turiariquiro masare yuhduoatiquiro ijiajari? nidi tiquina basi.

²⁴ Jesu watīare tiquiro cohārire tuhoye fariseo masa ohō saha ni tuhoturi:

—Beelzebú watīa pūhtoro tiquiro tutuaye mehna watīare cohāre Jesu, ni tuhoturi tiquina.

²⁵ Tiquina sa ni tuhotugū masino, Jesu queoye mehna yahuri tiquinare, “Watīno ye tutuaye mehna watīare cohāgū niedaja”, nino taro:

—Ihcā yehpa cjēna tiquina basi cahmequeñe, ti yehpa cjēna waha pihtia wahaboaga. Ihcā maca cjēna tiquina basi cahmequeñe ti maca cjēna waha pihtia wahaboaga. Ihcā wuhū cjēna gūhū sata wahaboaga.

²⁶ Sa yeye Beelzebú watīa pūhtoro pehe watīare cohāno, tiquina watīa tiquina basi cahmequeñe niboaga. Sa ye tiquina gūhū waha pihtia wahaboaga. ²⁷ Ohō saha ni yahusāre mūsa yuhūre: “Tiquiro Beelzebú yedohoye mehna watīare cohāre”, ni yahusāre mūsa. Mūsa mehna cjēna gūhū watīare cohāre. ¿Watīno tiquiro tutuaye mehna watīare cohājari tiquina gūhū, mūsa ihñagū? Sa cohāedare. Tire masine mūsa. Yuhū gūhū watīno tutuaye mehna watīare cohāedaja. ²⁸ Sa yegū yuhū pehe watīare cohāgū Cohācjū

yaquiro Espiritu tutuaye mehna tiquinare cohāja. Yuhū sa cohāgū ihñana ohō saha masiña mūsa: Cohācjū masa bui pūhtoro ahri yehpapūre iji tuhasare yojopūre.

²⁹ ‘Ohō sahata ijire queoye mehna mari buhegū: Tutuariquiro ya wuhūpū apeqiro sajà sa yaque masiedare. Tutuariquirore dūhteraro tiquiro ya wuhūpū sajà sa yaque masiedare. Tutuariquirore tiquiro dūhteri bato sajà sa yaque masine, ni yahuri Jesu.

(Sa ni yahuri, watīnore tiquiro yuhūducarire yahuro. Watīno tutuariquiro tiquiro ijiepegāta Jesu tiquirore yuhūducare watīare cohāno.)

Sa ni tuhasa ohō saha ni yahu nemori Jesu.

³⁰ —Ihcāquiro yuhūre cahmedaro, yuhūre ihña tuhtiriquiro ijire. Ihcāquiro yuhūre yedohoeraro, yuhūre wape tigū yero nine.

³¹ ‘Sa yegū mūsa poto niita niaja yuhū. Ijipihtiyē ñañene masa tiquina yegū, yahuducugū gūhūre Cohācjū bo masine. Sa boeperota Espiritu Santore tiquina ñano ni yahuducugū ti pūritare ne bosī. ³² Yuhūre masū Cohācjū ohorigure yuhūre tiquina ñano ni yahuducurire bo masine Cohācjū. Espiritu Santo pehere tiquina ñano ni yahuducurire ne bosī Cohācjū. Yojopūre, deco pihtigū gūhūre tiquina sa nidire bosī tiquiro, ni buheri Jesu tiquinare.

Masa tiquina yahuducuyere t̄hona tiquina ijiye tiyere masiaja mari

(Lc 6.43-45)

³³ Sa yero queoye mehna buhero ohō saha ni yahu nemori tiquinare:

—Quehnoadu yucugū quehnoañene d̄uca tire. Ñadu yucugū ñañene d̄uca tire. Yucugū d̄ucare masina “T̄u d̄ucata ijire”, ni masiaja mari. Mari sa masino saha masa tiquina yahuducuyere t̄hona tiquina ijiye tiyere masiaja mari. ³⁴ Añaa yero saha ñana ijire m̄usa. M̄usa ñana ijina, quehnoañene ni masiedare m̄usa. Mari wacūñep̄u mari t̄hoturiro sahata mari d̄userop̄u wi-jiare. ³⁵ Quehnoariquiro quehnoañene t̄hoture. Sa yero quehnoañene yahuducure. Ñariquiro ñañene t̄hoture. Sa yero ñañene yahuducure. ³⁶ Quehnoano t̄hotu yahuducuna ijiya m̄usa. Quehnoano yahuducuerana, buhiri dahreati deco ijigū m̄usa sa ni maca c̄arire Cohācj̄ure yahu yuhd̄unata. ³⁷ Queoro m̄usa yahuducurire masino “Quehnoana ijire”, ninota Cohācj̄ū. Sa yero ñano m̄usa yahuducurire masino “Ñana ijire”, ninota tiquiro, nidi Jesu tiquinare.

Masa ñañequina Jesure Cohācj̄ū tutuaye mehna ye ihño dutiahye

(Mr 8.12; Lc 11.29-32)

³⁸ Tiquiro sa nidi bato mari judio masare buheyequina,

fariseo masa gūhu tiquiore ohō saha nidi:

—Buhegū, Cohācj̄ū ohorigū ijigū Cohācj̄ū tutuaye mehna ye ihñoña usāre, nimesi tiquina.

³⁹ Jesu yuh̄tiri:

—Yojop̄u cjēna ñañequina, Cohācj̄ure cahmeeñequina Cohācj̄ū tutuaye mehna yuh̄u ye ihñogū ihña duamene. Tiquina sa ihña duepegūta Cohācj̄ū yere yahu m̄htariquirore Jona panop̄u cj̄unore Cohācj̄ū tiquiro tutuaye mehna tiquiro yeri dihitare ye ihñonota masare. ⁴⁰ Jona ihtia deco waro pajiriquiro wahi paa puhiap̄u ijiahye. Tiquiro sa wahariro sahata yuh̄u gūhu masu Cohācj̄ū ohorigū ihtia deco waro masa copep̄u ijigūta. ⁴¹ Nīnive cjēna pehe Jona Cohācj̄ū yere tiquiro yahurire t̄hoye tiquina ñañe yerire buj̄ua witi-ahye. Sa buj̄ua witiyequina ijiye buhiri dahreati deco ijigū tiquina yojop̄u cj̄enare tiquina ñañene buj̄ua witiyequinare “Ñañequina ijire”, ni, yahusāeta. Jona tiquinare Cohācj̄ū yere tiquiro yahugū t̄hoye quehnoañene cahmeahye tiquina pehe. Sa cahmeeñe quehnoano yeye ni-ahye yojop̄u cjēna yuhd̄uro. Sa yeye tiquina yojop̄u cj̄enare yahusāeta. M̄sare niita niaja. Yojop̄u m̄sare yuh̄u buheye Jona tiquiro buheri yuhd̄uro ijire. ⁴² Sa ye buhiri dahreati deco ijigū p̄htoro sur cj̄ōno

panopu cǰõno ducu, yojopu cǰẽnare “Ñañequina ijire”, ni yahusãnota ticoro gũhu. Ticoro Salomo panopu cǰãno tiquiro masiñene tũho duaro yoaropu ahri yehpa ape siepu ijiricoro Salomore tũhoro ahtahye. Sa yero quehnoano yero niahye yojopu cǰẽna yũhdũoro. Sa yero ticoro yahusãnota yojopu cǰẽnare. Mũsare niita niaja. Yojopu mũsare yũhu buheri Salomo tiquiro buheri yũhdũoro ijire, nidi Jesu tiquinare.

Watĩno pari turi masũnore tiquiro sajãri quitire yahuahye Jesu

(Lc 11.24-26)

⁴³ Sa yero pari turi Jesu tiquiro tũhotuye mehna ohõ saha ni quitu yahuri tiquinare:

—Watĩno masũno mehna ijiriquiro waha, aco marieni yehpapu tini, tiquiro ijiatore macamahye. ⁴⁴ Sa bocaeraro, ohõ saha ni tũhotuahye tiquiro. “Masũno yũhu cohãriquiri mehnata pari turi ijigu wahaũtja”, ni tũhotuahye tiquiro. Sa ni tũhoturo tojoaa waha, tiquiro cohãriquiri retã bocahe. Sa tiquiro bocagũ masũno pehe quehnoariquiri ijimahye.

⁴⁵ Sa yero watĩno apequina siete watĩare tiquiro yũhdũoro ñañequinare pijiro wahahye. Tiquiro sa pijigũ tiquina ijipihitiyequina tiquiro mehna ijiahye. Masũno pehe to pano ihcãquiri watĩnore cũoro, ñariquiri ijimahye.

Camepu pehere peyequina watĩare cũoriquiro ijiro, to pano tiquiro ijiriro yũhdũoro ña yũhdũariquiri ijiahye. Yojopu cǰẽna Cohãcũure cũomediquina tiquirore cohãñe, tiquina gũhu ña yũhdũayequina waro wahaeta, nidi Jesu tiquinare.

Jesu acaye tiquirore yahu duahye

(Mr 3.31-35; Lc 8.19-21)

⁴⁶ Masare tiquiro sa ni yahuducuri watoa tiquiro pacoro tiquiro bahana mehna sopecahapu ducu, tiquirore yahu duari. ⁴⁷ Sa yero ihcãquiri Jesure yahuri:

—Mũhu paco mũhu bahana mehna mũhũre yahu duaye sopecahapu ducuri, nidi.

⁴⁸ Tiquiro sa nigũ tũhoro topu ijieyequinare ohõ saha nidi Jesu tiquinare buhero taro:

—¿Noa ijiajari yũhu paco, yũhu bahana gũhu, mũsa ihñagũ? nidi.

⁴⁹ Sa nino, usãre tiquiro buhenare ñurpuha, ohõ saha nidi:

—Ahriquina ijire yũhu paco, yũhu bahana yero saha ijieyequina. ⁵⁰ Tiquina yũhu Pacu uhmũse cǰãno tiquiro cahmeñene yere. Sa yequequina yũhu bahu, yũhu baho, yũhu paco yero saha ijire, nidi Jesu tiquinare.

13

Jesu oteriquiro quitire yahuahye

(Mr 4.1-9; Lc 8.4-8)

¹ Ti decota Jesu wũhũpu ijiriquiro wijiari. Wijia,

ditarap_u waha, ditara d_uht_u cahap_u dujiri. ²Tiquiro sa dujig_u ih_ñañe peyequina masa tiquiro cahap_u cahmecoa wahpaa waha, bihsaro yeri Jesure. Sa bihsag_u ih_ñano yuc_usap_u saj_u, tiap_u dujiri tiquiro. Masa pehe pad_urop_u ducuri. ³Sa yero tiquiro peye queoye mehna yahuri tiquinare, buhero taro. Oh_o saha nidi tiquiro:

—Oteriquiro otero wahahye. ⁴Tiquiro sa otero wahag_u apeye pjeri maha d_uht_u cahap_u bora quehe sahye. Top_u bora quehe saye pjerire minic_ua ahta, ihya c_uahye. ⁵Sa ye apeye pjeri ut_u paca watoa bora quehe sahye. Ut_u paca watoa dihta marieda cj_unop_u duita pihnimahye. ⁶Sa pihnieperota as_u tutuaro asig_u, n_uhcori marieda, ñaia wahahye. ⁷Apeye pjeri taa watoa bora quehe sahye. Taa pehe dia y_uhd_ua waha, oteye pehere wej_uahye. ⁸Apeye pjeri quehnoari yehpap_u bora quehe sahye. Quehnoano pihni, d_uca tiahye. Apeye cj_u cien pjeri, apeye cj_u sesenta pjeri, apeye cj_u treinta pjeri d_uca tiahye. ⁹Ahrire quehnoano t_uhoya m_usa, nidi Jesu.

Jesu queoye mehna tiquiro buherire yahuahye

(Mr 4.10-12; Lc 8.9-10)

¹⁰Tiquiro sa nidi bato us_u tiquiro buhena tiquiro cahap_u esa, sinituu us_u tiquirore:

—¿D_uhse yeg_u masare queoye mehna buheajari m_uh_u? ni, sinituu us_u.

¹¹Jesu y_uhtiri:

—Uhm_use cj_uno tiquiro p_uhtoro ijiyere panop_u cj_una tiquina masiedarire m_usare y_uh_u buhenare masig_u yere Coh_ucj_u. Apequina pehere sa yerare tiquiro. ¹²Sa yero masiñequinare masi nemog_u yerota tiquiro. Sa yeye tiquina pehe quehnoano masieta. Masieñequina pehe mehenog_u tiquina masiepeg_uta tiquina pehere masiedag_u yerota tiquiro. ¹³Sa yeg_u queoye mehna buheaja. Oh_o saha ijire. Yojop_u cj_una ih_ñaepeta, ih_ñedariquina yero saha tojoare. Sa yeye t_uhoepeta masiedare. Tire t_uhoeyequina yero saha ijire tiquina. ¹⁴Sa ijiyequina ijiye Isaia panop_u cj_uno tiquiro ni ojoariro sahata yere tiquina. Oh_o saha ni ojoahye:

Oh_o saha nine Coh_ucj_u:
“Coh_ucj_u yere t_uhonata m_usa. Sa t_uhoepenata, ne masisi m_usa. ¹⁵Ahriquina masa dapu paca b_utiyequina tojoare. Sa ye tiquina cahmo coperire bihare, ‘t_uhoari’, niñe. Tiquina caperire ihmitih_ure, ‘ih_ñari’, niñe. Sa yeraye quehnoano ih_ñañe, masiboaga tiquina. Sa ye t_uhoye, masiboaga tiquina. Tiquina wac_uñep_u quehnoano masiboaga. Sa masiñe

yahure Cohãcjũre cahmeboaga tiquina. Sa yahure cahmegũ tiquina ñañene cohã, tiquinare pecapũ wahaboriquinare yuhdugũ yeboaga yuhũ”, nine Cohãcjũ, ni ojoahye Isaia.

16 'Musa pehe musa ca-
peri mehna ihñana, masine.
Musa cahmo mehna tãhona,
masine. Sa yena bucuena
ijire musa. 17 Musare niita
niaja. Yojopũ musa ihñañene
musa tãhoyere panopũ cjẽna
Cohãcjũ yequina tutuaro ihña
duamahye. Cohãcjũ yere
yahu mãhtariquina gũhũ tire
tutuaro ihña duamahye. Sa
ihña duepeta ne ihñedahye.
Yojopũ musa tãhoye gũhũ
tutuaro tũho duamahye
tiquina. Sa masi duepeta tire
masiedahye, ni yahuri Jesu
usãre tiquiro buhenare.

*Jesu oteriquiro queoyere
yahu pehoahye*

(Mr 4.13-20; Lc 8.11-15)

18 Came Jesu usãre yahu
nemori:

—Tãhoya musa. Oteriquiro
queoyere musare yahutja.
Yũhũre tãhona, quehnoano
masiña. 19 Oteye pjeri
quehnoañe buheye yero saha
ijire. Sa yeye maha dũhtũ ca-
hapũ borari pjeri quehnoañe
buheye yero saha ijire. Sa
yeye masa quehnoañe
buheyere tãhoepeta ne
masiedare. Sa yero masa
quehnoañe buheyere tiquina
tãhogũ ihñano watĩno pehe
ahta, ti buheyere quehnoañe

buheyere masi dutierare
masare. Minicjũa ti pjerire
tiquina dote nediro saha
yere watĩno. 20 Sa ye utã
paca watoa borari pjeri
quehnoañe buheye yero
saha ijire. Sa yeye masa
quehnoañe buheyere tũho,
bucueye mehna duita tire
tũho nene. 21 Sa tũho nepeta
utã paca watoa ijiye cjũ
nũhcori marieñe cjũ yero
saha ahriquina masa gũhũ
tutuerare. Sa tutueraye
ñano yuhdũye, yeequina
tiquina ijiri buhiri apequina
tiquinare ñano yegũ ihñañe
yee pehere duhu cãhre. Ape-
quina tiquinare ñano yegũ
tire ihcãno sahaeraye, yeere
duhu cãhre. 22 Sa ye taa watoa
borari pjeri quehnoañe
buheye yero saha ijire. Sa
yeye masa quehnoañe
buheyere tãhoepeta, ahri
yehpa cjẽne pajiro bũjũa
witi tãhotuye, niñeru pehere
cahĩne. Tiquina sa yegũ ti
pehe quehnoañe buheyere
cahmotare. Sa cahmotagũ
masa quehnoañe pehere yer-
are. 23 Sa ye quehnoari yeh-
papũ borari pjeri quehnoañe
buheye yero saha ijire. Sa ye
masa quehnoañe buheyere
tãhoye, tire quehnoano
masine. Sa masiñequina
ijiye, Cohãcjũ cahmeno
sahata quehnoañene yere
tiquina. Ihquẽquina pajiro
quehnoañene yere cien pjeri
dũca tiro saha. Apequina
doca cjũnogã quehnoañene
yere sesenta pjeri dũca tiro
saha. Apequina mehenogã

quehnoañene yere treinta pjeri dũca tiro saha, ni yahuri Jesu usãre.

Trigo watoa taa diari queoyere yahuahye

²⁴ Sa ye pari turi queoye mehna buheri Jesu:

—Uhmuse cjãno tiquiro pũhtoro ijiye ohõ saha ijire. Wese upũro tiquiro wesepũ quehnoañe pjerire tiquiro oteriro saha ijire uhmuse cjãno tiquiro pũhtoro ijiye.

²⁵ Wese upũro ijipihtiyequina tiquiro mehna cjẽna gãhu tiquina carĩno watoa tiquirore ihña tuhtiriquiro ahtahye. Sa ahtarõ trigore ti oteriro pũ taare oteahye. Ote tuhasa wahaa wahahye.

²⁶ Came trigo pihniahye. Sa ye ti dũca tiro taro yegũ waro diaa wahahye. ²⁷ Sa ye wese upũrore dahra cohteyequina tiquiro cahapũ esa, yahuahye: “¿Pũhto, quehnoañe pjeri dihitare mũhu wesere mũhu otepegũta, dahse ye taa gãhu diajari ti wesere?” nidi tiquina.

²⁸ “Yũhũre ihña tuhtiriquiro ijiaga ti taare oteriquiro”, niahye wese upũro. “¿Taare usã curegũ cahmeajari mũhu?” nimahye tiquirore dahra cohteyequina. ²⁹ “Taare cureracãhña, ‘Trigo pehere cureari’, nina. ³⁰ Trigo taa mehnata bũcũariãhdo. Dũca nedi pje ijigũ neñequinare ohõ saha niitja: ‘Taare cure mũhtaña. Tuhasa mũsa curerire mũjũaña. Came trigore peheya. Pehe peho, tire yũhu ihbori wũhũpũ cũña’,

niitja tiquinare”, niahye wese upũro, nidi Jesu, queoye mehna yahuro.

Mostaza pje queoyere yahuahye Jesu

(Mr 4.30-32; Lc 13.18-19)

³¹ Sa ye apeye queoye mehna usãre ohõ saha ni buheri tja:

—Uhmuse cjãno tiquiro pũhtoro ijiye mostaza pjegã yero saha ijire. Ti pjegã meheni pjegã waro ijire. ³² Ti pjegãre wesepũ tiquiro oteri bato, quehnoano pihnine. Sa yero paji yũhdũadũ wahare. Sa wahagũ minicjũa pari ti dũpũripũ suhti suhare, ni yahuri Jesu. (Sa nino ohõ saha nino niahye. Mostaza pjegã pajidũ tũ bũcũariro saha uhmuse cjũnore mari pũhtoro masiñequina meheñequinagã tiquina iji mũhtaepẽgũta camerũ peyequina wahaeta.)

Pãre pugũ yeye queoyere yahuahye Jesu

(Lc 13.20-21)

³³ Sa ye apeye queoye mehna usãre ohõ saha ni buheri tja:

—Uhmuse cjãno tiquiro pũhtoro ijiye pãre pugũ yeye yero saha ijire. Tire numino ihcã ajuro trigore aco mehna quehnoano tire dahra morene pã bũcũatire. Ticoro sa yegũ pãre pugũ yeye pehe trigore quehnoano seh saa wahare, nidi Jesu. (Sa nino ohõ saha nino niahye. Pãre pugũ yeye trigore ti seh saa wahariro saha uhmuse cjũnore mari

pūhtorore peyequina masa ijipihtiro cjēna masieta.)

Queoye mehna Jesu tiquiro buherire yahuahye

(Mr 4.33-34)

³⁴ Ahri ijipihtiyere buhero, queoye mehna yahuri Jesu. Queoye marieno yahuerari tiquiro tiquinare. ³⁵ Sata yeri tiquiro Cohācjū yere yahu mūhtariquiro ni ojoariro sahata. Ohō saha ni ojoahye panopu:

Queoye mehna yahutja. Cohācjū ahri yehpare tiquiro bajumehnedi bato ne masare tiquiro yahuerarire yahutja, ni ojoahye Cohācjū yere yahu mūhtariquiro mūnano.

Trigo watoa taa diari queoyere yahu pehoahye

³⁶ Sa ye masare cohe ti, wūhūpu sajāa wahari Jesu. Sa yena usā tiquiro buhena tiquiro cahapu esa, sinituu usā:

—Trigo watoa taa diari queoyere yahu pehoya usāre, nii usā tiquirore.

³⁷ Jesu yūhtiri usāre:

—Wese upūro quehnoañe pjerire oteriquiro yero saha ijiaja yūhū. Yūhū masū Cohācjū ohorigū ijiaja.

³⁸ Wese pehe ahri yehpa yero saha ijire. Quehnoañe pjeri pihniñe ūhmūse cjāno pūhtoro ijiropū ijiatiquina yero saha ijire. Taa pehe watīno yequina yero saha ijire. ³⁹ Wese upūrore ihña tuhtiriquiro taare oteriquiro watīno yero saha ijire. Tire

nedi pje pihtiri deco yero saha ijire. Sa ye trigore neñequina angele yero saha ijire. ⁴⁰ Taare tiquina cure ūjūariro saha pihtiri deco ijigū watīno yequinare pecapu cohāeta tiquinare. ⁴¹ Yūhū masū Cohācjū ohorigū yequina angelere ohogutja. Yūhū ohogū angele pehe ñañene ye dutiyequinare, ñañene yeyequinare yūhū pūhtoro ijiropū neañeta. ⁴² Ne sa tuhasa pecapu cohāeta tiquinare. Topū tiquina tutuaro uti, bujūa witiye mehna bahque dihoeta. ⁴³ Sa ye Cohācjū yequina tiquina Pacuro tiquiro pūhtoro ijiropū ijietā. Topū ijiiye, asū deco cjāno yero saha quehnoano buhrioeta tiquina. Ahrire quehnoano tūhoya mūsa, ni yahuri Jesu.

Quehnoa yūhdūyere tiquiro nūorire tiquiro bocari queoyere yahuahye

⁴⁴ Sa ye apeye queoye mehna yahuri tja:

—Ūhmūse cjāno tiquiro pūhtoro ijiiye niñeru tiquiro nūori yero saha ijire. Masūno tire wesepū wacūeno mehna boca, pari turi tire nūo nemoahye. Sa bocaro tutuaro bucueahye tiquiro. Sa yero tiquiro bocarire neno taro, ti wesere dú duahye. Sa yero tiquiro yere dua peho, ti wesere dúahye, ni yahuri Jesu. (Sa nino ohō saha nino niahye. Ūhmūse cjāno tiquiro pūhtoro ijiiye tiquiro bocari yero saha ijire. Tiquiro bocarire tiquiro tutuaro

cahmediro sahata uhmuse
cjănore masa puhtorore
tiquina masidi bato masa
tutuario cahmene tiquirore.)

*Wapa bujuri pje queoyere
yahuahye*

⁴⁵ Sa ye apeye queoye
mehna yahuri tja:

—Uhmuse cjănō tiquiro
puhtoro ijiye wapa bujuyē
pjerire perla wame tiye
pjerire dūriquiō yero saha
ijire. ⁴⁶ Ti pjerire macano
quehnoa yuhduari pjere
bocahye. Bocaro, ti pjere dū
duaro, ijipihtiyē tiquiro yere
dua pehoro wahahye. Sa dua
tuhasa ti pjere wapa bujuri
pjere dūahye, nidi Jesu. (Sa
nino ohō saha nino niahye.
Ti pjere perla pjere tiquiro
cahmediro sahata uhmuse
cjănore masa puhtorore
quehnoano tiquina masidi
bato masa tutuario cahmene
tiquirore.)

Wēñanu queoyere yahuahye

⁴⁷ Sa ye apeye queoye
mehna Jesu yahuri tja:

—Uhmuse cjănō tiquiro
puhtoro ijiye wēñanu tiquina
doque ñodu yero saha ijire.
Tū wēñanu mehna peyequina
wahi sijoro saha ijiyequinare
ñehene. ⁴⁸ Tū wahpaa wa-
hagū wahi wejēñequina pehe
tare paduropu weje nujuu,
quehnoañequina wahire
besere. Quehnoañequinare
tiquina puhusepu bese sajāre.
Ñañequina wahire cohāre.
⁴⁹ Pihtiri deco ijigū ohō saha
ijirota. Angele pehe masare
beseeta. Ñañequinare ne

wioeta quehnoañequina ca-
hapu ijiyequinare. ⁵⁰ Ne wio,
tiquinare pecapu cohāeta.
Topu tiquina uti, tutuario
bujua witiye mehna upiri
bahque dihoeta ñañequina
pehe, ni yahuri Jesu.

*Muna buheyere, wahma
buheye gūhure yahuahye*

⁵¹ Tiquiro sa ni yahuri bato
sinituri usāre:

—¿Ahri ijipihtiyere
tūhoajari mūsa? ni sinituri
tiquiro.

—Tūhoaja usā, ni yūhtii usā.

⁵² Usā sa nigū tiquiro
yahuri usāre:

—Judio masare buheye-
quina uhmuse cjănō tiquiro
puhtoro ijiyere buheye,
puaro buheyere yahure.
Muna buheyere, wahma
buheye gūhure yahure.
Tiquina wūhu upuro yero
saha ijire. Tiquiro wūhupu
ijiyere quehnoañene ne
wioro, wahmare, muna
gūhure ne wiore tiquiro, nidi
Jesu usāre.

*Jesu Nazarepu wahahye
(Mr 6.1-6; Lc 4.16-30)*

⁵³ Ti queoyere tiquiro
buheri bato, wahu usā
tiquiro mehna. ⁵⁴ Waha,
tiquiro masari macapu esau.
Topu esa, judio masa mari
buheye wūhusepu buheri
tiquiro. Tiquiro sa buhegū
tūhoye, tūho maria wahari
tiquina.

—¿Ahriquiō nohopu
tūhoyari ahri buheyere?
¿Dūhsero quehnoano masi
pehoajari tiquiro? Cohācjū
tutuaye mehna ye ihñore

tiquiro basi. ⁵⁵ Ahriquiro taboa dahrariquiro macano ijire. Sa ye tiquiro pacoro María ijire. Sa ye Santiago, José, Simo, Juda, tiquiro bahana ijire. ⁵⁶ Yojoṗare tiquiro bahana numia ahri macapṁ ijire. Sa yero tiquiro mari yero saha ijiriquiro ijire. ¿Sa ijieperota nohopṁ tṁhoyari tiquiro ahri buheyere? ni yahuducuri tiquina basi.

⁵⁷ Sa ye tiquina tiquirore cahmedari. Tiquina sa cahmedagū ihñano ohō saha nidi Jesu tiquinare:

—Cohācjū yere yahu māhtariquirore apequina ño peore. Tiquina sa ño peoepēgūta tiquiro ya maca cjēna, tiquiro acaye tiquirore ño peerare. Sa yena yahure ño peerare masa ohōṗṁ yahu masarigṁ ijigū, nidi tiquiro tiquinare.

⁵⁸ Sa yero tiquirore tiquina wacū tutueragū ihñano, ti macapṁ Cohācjū tutuaye mehna peye tahari ye ihñoadari Jesu.

14

*Ñu wame yeriquiro mṁnana yariarire yahuahye
(Mr 6.14-29; Lc 9.7-9)*

¹ Ti pjere Herode Galilea cjāno pṁhtoro Jesu yerire tṁhooahye. ² Sa tṁhooro ohō saha nimahye:

—Ñu wame yeriquiro ijiaga masatjiāno. Sa yero yojoṗare tiquiro masari bato ahri tutuayere cṁore tiquiro bajumehneñene yero, nimahye Herode tiquiro

cahacjēnare. Jesure “Ñuta ijire”, ni tṁhotumahye tiquiro Ñure tiquina wejēdi bato.

³⁻⁵ Sa yero Ñure tiquiro wejē dutiato pano Herode tiquiro bahuro Felipe namonore namo tiahye. Tiquiro sa yegū ihñano Ñu wame yeriquiro Herode pehere ohō saha nie timahye:

—Mṁhṁ bahṁ namonore namo tigṁ Cohācjū dutiyere yṁhdṁdṁcagṁ nine māhṁ, nie timahye Ñu.

Tiquiro sa nidi buhiri Herode tiquirore wejē duamahye. “Ñu Cohācjū yere yahu māhtariquiro ijire”, ni tṁhoturi judio masa”, nino, tiquina pehere cueahye Herode. “Ñure yahṁ wejēgū tiquina usuaboaga”, nino tiquinare cueahye. Sa cuero Ñure wejē dueramahye. Sa wejē dueraperota Herode tiquirore ñehe dṁhte duti, peresu yeahye. Tiquiro namono Herodia dutiro mehna sa yeahye Herode. ⁶ Sa ye Herode masa bajuari deco ijigū bose deco yeahye tiquiro. Topṁ Herodia macono bose deco wihiyequina tiquina ihñonopṁ basa ihñooahye. Ticoro sa basa ihñogū ihñano Herode bucueahye. Sa bucuero ticorore niahye:

⁷ —Cohācjū mehna poto niita niaja. Yṁhure māhṁ sinino punota ohogṁtja yahṁ māhure, niahye Herode pehe Herodia maconore.

⁸ Tiquiro sa nigū tṁhoro Herodia ticoro maconore

ticoro siniatire yahuahye tiorore. Ticoro sa yahugũ ticoro macono pehe ohõ saha ni siniahye Herodere.

—Ñu wame yeriquiro dapure dute sure dutiya. Sa yegu waparo mehna tiquiro dapure ohoya yahure, niahye ticoro.

⁹ Ticoro sa nigũ tuhoro Herode tutuaro bujua witi-ahye. Masa tiquina ihñonopu “Ohogutja mahure”, niahye tiquiro. Sa yero tiquiro bue tiro “Mahure ohoeraja”, ni masiedahye tiorore. Sa yero ticoro dutiriro sahata Herode pehe tiquiro cahacjēnare Ñure wejē dutiahye. ¹⁰ Sa yero Ñu dapure dute sure dutiahye. ¹¹ Sa dute sure tuhasa, waparo mehna tiquiro dapure ne cãtahye tiquina. Herodia maconore tiquiro dapure tiquina ohogũ, ticoro pehe ticoro pacorore yahduoahye tja.

¹² Tiquina sa yeri bato Ñu buheyequina ahta, tiquiro pagure masa copepu nea cũahye. Sa cũ tuhasa, tiquina tire Jesure yahuye wihiri.

Cinco mil masare ihyaye ohoahye Jesu

(Mr 6.30-44; Lc 9.10-17; Jn 6.1-14)

¹³ Tiquina sa ni yahugũ tuhoro, Jesu usã mehna yucsapu sajã, masa marienopu siho wahari. Jesu topu wahagũ tuhoye, masa tiquina ye macaripu ijiriquina ahta, mahapu tiquirore nũnũ tã cãa wahari. ¹⁴ Sa yero usã wahã

sari bato tiquiro peyequina masare ihñano, paja ihñari tiquinare. Sa paja ihñano tiquina mehna cjēna dohatiyequinare yahdugũ yeri. ¹⁵ Ñamicahapu usã tiquiro buhena tiquirore ohõ saha nii:

—Ñamicahapu waharo nine. Ohõ masa marienopu ijire. Sa yegu macaripu masare tiquina ihyatire dú dutiya tiquina pohe tiatire, nimi usã tiquirore.

¹⁶ Jesu yuhtiri usãre:

—Wahaeracãhdo tiquina. Mũsa basita ihyayere ohoya tiquinare, nidi usãre.

¹⁷ —Ihcã omope paca pã paca, wahi puaro to punota ijire usãre, ni yuhtii usã.

¹⁸ —Tire yahure ne cãhtaya mũsa, nidi usãre.

¹⁹ Tiquiro sa nigũ tuhona neapũ usã. Usã ne sari bato taa bui masare tiquiro duji dutiri. Tiquina dujigũ ihcã omope paca pã pacare, puaro wahire ne, umusepu ihña mũo, Cohãcjũre “Quehnoare”, nidi. Sa ninota pã pacare nuhano, usãre tiquiro buhenare ohori. Tiquiro sa ohogũ usã pehe tire masare itii. ²⁰ Sa ye ijipihtiyequina quehnoano ihya, yapi yahduã wahari. Tiquina yapi wehorire doce puhuse waro ne cahmecoã, wahpo dapou usã tiquiro buhena. ²¹ Topu tire ihyariquina umũã dihitare queogũ cinco mil umũã ijiri. Numia, macanagã gũhu ijiri.

Jesu aco bui tiniahye

(Mr 6.45-52; Jn 6.16-21)

22 Came usāre tiquiro buhenare Jesu ditara ape sie pahrēpū pehāyu dutiri masare tiquiro cohe tiri watoa.

23 Cohe ti tuhasa, cūnūpū mūja, Cohācjūre sinino wahahye. Ńamine topū tiquiro ihcāquirola ijiahye.

24 Ti pjeta ditara decopū yucūsa mehna pehāducuna nimi usā. Wihnono tutuaro ahta, pahcōri bujūye wahcā, yucūsaare quē sajāri.

25 Sa wahagū bohrea mūja tato pano Jesu aco bui tini cāhtari usā cahapū.

26 Usā cahapū tiquiro ahtagū ihñana cue nii usā. Sa cuena sañuducumi usā.

—Yariariquiro mūnano pagū ijire, ni sañuducumi usā.

27 Usā sa cūegū ihñano Jesu ohō saha nidi:

—Ne yūhure ihña cueracāhña. Yūhuta ijiaja, nidi usāre.

28 Tiquiro sa nigū tuhoro Pedro nidi tiquirore:

—Pūhto, potota mūhuta ijigū, aco bui yūhure mūhū cahapū ducu cā dutiya, nidi tiquiro.

29 —Ahtaya, ni yūhtiri tiquiro pehe.

Tiquiro sa nigū Pedro yucūsaare dijia, aco bui Jesu cahapū ducu cāmedi.

30 Wihnono tutuaro ahtagū ihñano cueri tiquiro. Sa cuero diha dijiaa wahamedi.

—Yūhure yedohoya pūhto, ni sañuducuri tiquiro Jesure.

31 Tiquiro sa nigūta tiquiro omocare ñehe,

—Mehenogā wacū tutuare mūhū yūhure. ¿Dūhsegū yūhure wacū tutuerajari mūhū? nidi tiquiro Pedrore.

32 Tiquiro sa nidi bato yucūsapū sajāri tiquina. Tiquina sa sajāri bato wihnono yūhdūa wahari.

33 Sa yena usā tiquiro buhena yucūsapū ijina Jesure ño peou.

—Potota mūhū Cohācjū macūta ijire, nii usā tiquirore.

Genesare cjēna dohatiye-

quinare yūhdūoahye Jesu

(Mr 6.53-56)

34 Sa yeri bato pehā, Genesare wame tiri yehpapū esau.

35 To cjēna Jesure ihña masidi. Sa masiñe tiquiro cahapū ijiyequinare dohatiyequinare ne cāhta dutiri. Sa ye tiquina dohatiyequinare tiquiro cahapū ne cāhtari.

36 —Mūhū suhtiro dūhtū caha dihitare usāre ñehe tuhu dutiya, ni sinidi tiquina Jesure.

Sa ye tiquiro suhtirore ñehe tuhuriquinape topequinata quehnoa wahari.

15

Masa ñañequina wahagū yeyere yahuahye Jesu

(Mr 7.1-23)

1 Sa ye Jerusalē cjēna, fariseo masa, marine judio masare buheyequina mehna Jesu cahapū wihiye, sinituri tiquirore:

2 —¿Dūhse ijiro boro mari acaye būcūna mūnapū tiquina dutirire yerajari mūhū buheyequina pehe? Tiquina ihyato pano tiquina

dutiriro sahata omo coserare, nidi tiquina Jesure.

³ Jesu yuhtiri tiquinare:

—¿Duhse yena mari acaye panopu cjēna ye dutiye dihitare yena tana Cohācjū ye dutiye pehere yera-jari mūsa pehe? ⁴ Ohō saha nine Cohācjū: “Mūsa pacusumūare ño peoya”, nine. Sa yero “Ihcāquiro tiquiro pacusumūare ñañene quitu dahreriquiro ijiro ti buhiri apequina tiquina wejēatiquiro ijirota”, nine Cohācjū. ⁵ Tiquiro sa niepegūta ohō saha ye dutire mūsa pehe tiquina pacusumūare yedoho dutierana: Tiquina pacusumūare ohoborire Cohācjū pehere oho dutire mūsa. Sa ni buhemene mūsa. ⁶ Sa buhena tiquina pacusumūare ño peogū yerare mūsa. Mūsa sa yena Cohācjū dutiyere yuhduhcana nine mūsa, mari acaye panopu cjēna ye dutiye dihitare yena.

⁷ Masa tiquina ihñono dihita quehnoano iji mehona ijire mūsa. Cohācjū yere yahu mahtariquiro Isaia mū sare potota yahu ojoahye panopure:

⁸ Ahriquina masa yuhure quehnoano yahuducuepeta yuhure ne ño peoerare. ⁹ Sa ye yuhure tiquina ñu buheye ne duhseati ijierare. “Cohācjū ye dutiye ijire ahri”, ni meho buhere tiquina ye buheye pehere, ni ojoahye Isaia, nidi

Jesu fariseo masare, mari judio masare buheyequina gāhure.

¹⁰ Sa ni tuhasa tiquiro cahapu masare pijio, ohō saha nidi:

¹¹ —Tuhoya mūsa. Yuhū niñene quehnoano masiña mūsa. Mūsa duserire sajàñe pehe mūsa ihyaye pehe mū sare ñana ijigū yerare. Mūsa ñañe yahuducuye pehe mūsa duseri wijiaye pehe mū sare ñana ijigū yere, nidi Jesu.

¹² Tiquiro sa ni buheri bato usā tiquiro buhena pehe tiquirore yahuu.

—Muhū sa nigū tuhoye fariseo masa usuari, ni yahuu usā tiquirore.

¹³ Tire tūho, ohō saha ni yuhtiri usāre:

—Tiquina fariseo masa taa yero saha ijire. Yuhū Pacu uhmuse cjūno ijipihtiye oteyere tiquiro oterarire nuhcori mehnata cure, cohānota. Sata yerota tiquinare. ¹⁴ Tiquinare sa ihña cāhña mūsa. Tiquina caperi bajueyequina tiquina ihña masiedaro saha ne Cohācjū yere masiedare. Sa ye pecapu wahaeta. Sa masiedapeta apequina masieñequinare buhe du-amedi. Sa ye caperi bajueyequina copepu tiquina boraboriro saha tiquina buhenohriquina gāhū pecapu wahaeta, nidi Jesu.

¹⁵ Tiquiro sa nigū tūhoro Pedro nidi:

—Ahri quitire masa tiquina duseri wijiaye quitire

yahu nemoña usãre tja, nidi tiquiuro Jesure.

¹⁶ Jesu yuhtiri:

—¿Ne, vojopu tãhoerajari musa? ¹⁷ Masa ihyayere ihyagũ tiquina duseripu sajãre. Sa ye tiquina paapu sajã, yuhduã wahare. Ihyo waro ijire. Mari ihyaye marine ñana wahagũ yerare.

¿Ahrire masiedajari musa? ¹⁸ Masa duseripu wijiaye, tiquina yahuducuye pehe tiquina tuhutuyepu ahtare. Tiquina yahuducuye pehe ñaÑe ijiro, masare ñaÑequina ijigũ yere. ¹⁹ ÑaÑe tuhutuye, masare wejẽÑe, apequiuro namono mehna ñano yeye, ñano yeye numia mehna ñano yeye, yaqueye, ni mehoÑe, masare ñaÑe quiti dahreye masa tuhutuyepu ahtare. ²⁰ Ti ñaÑe pehe masare ñaÑequina ijigũ yere. Sa yepegũta bucuna yee tiri sahata masa omo coserapeta tiquina ihyagũ ti masare ñaÑequina ijigũ yerare, nidi Jesu.

Judio masono ijiericoro Jesure wacũ tutuahye (Mr 7.24-30)

²¹ Sa ni buhe tuhasa, usãre siho wahari tja. Tiro wame tiri maca cahapu Sidõ wame tiri maca cahapu esaã usã. ²² Usã topu esagũ Canaa yehpa cjõno topu ijiricoro Jesu cahapu esa, sañuducuri:

—Puhto, Davi panami iji turiagu masare yuhduoacju, yuhure paja ihñaña muhã. Yuhũ maco watĩnore curo, ña yuhduaro yuhdari ticoro, ni sañuducuri ticoro.

²³ Ticoro sa niepegũta Jesu yuhtierari. Sa yegũ ihñana usã tiquiuro buhena pehe tiquiore ohõ saha nimi.

—Waha dutiya ticorore. Ñano cariboro bisiaga, nimi usã.

²⁴ Usã sa nigũ tuhoro yuhtiri ticorore:

—Israe masare Cohãcjũre masieÑequina dihitare yedoho dutiro ohori yuhũ Pacu yuhure, nidi tiquiuro.

²⁵ Tiquiuro sa niepegũta Jesu dahpocãri cahapu dusepe curi mehna quehe sari ticoro.

—Puhto, yedohoya yuhure, nidi ticoro.

²⁶ Jesu yuhtiri ticorore.

—Ohõ saha ijire ahri: Coã warore wuhũ upũro pohne ye ihyayere diayeare oho mahtagũ quehnoaedare. Israe masa yere ape yehpa cjẽnare yuhũ oho mahtagũ quehnoaedare, nidi Jesu ticorore queoye mehna yahuro.

²⁷ —Sata ijire puhto. Sa ijiepegũta diayea gũhũ wuhũ upũro mesa docapu tiquina ihya site boroyere ihya cohtere tiquina gũhũ. Ape yehpa cjõ yuhũ ijiepegũta yuhũ gũhure yedoho masine mahũ, ni yuhtiri ticoro.

²⁸ Ticoro sa nigũ tiquiuro yuhtiri:

—Numio, mahũ yuhure tutuaro wacũ tutuare. Muhũ cahmeno sahata sa waharota, nidi Jesu ticorore.

Tiquiro sa nigũta duita quehnoa wahari ticoro macono.

*Peyequina dohatiye-
quinare yuhdugã yeahye Jesu*

²⁹ Sa ni tuhasa usãre siho waha, Galilea wame tiri ditara duhtu cahapu siho esari tja. Esa, mehenugã canure mija, ta buipu dujiri. ³⁰ Topu tiquiuro ijigũ peyequina masa tini masieñequinare, caperi bajueyequinare, pari yuri wahayequinare, yahuducu masieñequinare, peyequina apequina dohatiyequinare tiquiuro cahapu ne wihiri masa. Ne wihi tuhasa Jesu dahpocãri cahapu duhu cãri tiquina. Tiquina sa duhu cãri bato quehnoa wahagũ yeri Jesu tiquinare.

³¹ Tiquiuro sa yegũ ihñañe masa ihña maria wahari. Yahuducu masieñequina tiquina yahuducugũ ihñañe, pari yuri wahayequina tiquina quehnoa wahagũ ihñañe, tini masieñequina tiquina tinigũ ihñañe, caperi bajueyequina tiquina ihñagũ ihñañe, ihña maria wahari tiquina. Sa ye ohõ saha nidi:

—Israe masa usã puhto, Cohãcjũ tutuagu, quehnoagu ijire, ni ño peori tiquina Cohãcjãre.

*Cuatro mil masare
ihyayere ohoahye Jesu*
(Mr 8.1-10)

³² Tiquiuro sa yeri bato Jesu usãre tiquiuro buhenare ohõ saha nidi:

—Ahriquina masa yuhu mehna ihtia deco waro iji tuhasare. Sa ye pohe mariedare tiquinare. Pohe mariedagũ ihñagũ tiquinare paja ihñaja. “Tiquina

ujua ahbayequina, mahapu borari”, nigu tiquinare ihyaye marieno tiquina ye wuhusepu waha duti dueraja. Sa yegu tiquinare pohe oho duaja, nidi tiquiuro.

³³ Tiquiuro sa nigũ usã tiquiuro buhena tiquiore sinituu:

—¿Dahse mari ohõre masa marienopure pãre boca ohoboagari mari? nii usã tiquiore.

³⁴ —¿Nohope paca pã pacare choajari musa? nidi.

—Siete pã pacare, meheñequinagã wahire choaja, ni yuhtii usã.

³⁵ Usã sa nigũ tiquiuro masare yehpapu duji dutiri.

³⁶ Tuhasa siete pã pacare, wahigã gũhare ne, Cohãcjũre “Quehnoare”, nidi. Sa ninota pã pacare nuha, usãre tiquiuro buhenare ohori. Sa yena usã pehe ti ihyayere masare itii. ³⁷ Sa ye masa tire ihya, yapu yuhduha wahari. Tiquina yapu wehorire siete puhsuse waro ne cahmecoa, wahpo dapou usã.

³⁸ Topu ihyariquinare umua dihitare queogũ cuatro mil waro umua ijiri. Numia, macanagã gũhu ijiri. ³⁹ Tiquina sa ihya tuhasagũ Jesu masare waha duti, yucusapu sajã, Magadán wame tiri yehpapu usãre siho esari.

16

*Fariseo masa, saduceo
masa gũhu Cohãcjũ tutu-
aye mehna ye ihñogũ ihña
duamahye*

(Mr 8.11-13; Lc 12.54-56)

1 Sa ye fariseo masa, saduceo masa mehna Jesu cahapũ wihiri. Tiquiro ñano yegũ ihña duamedi tiquirore yahusã duaye. Sa ye tiquina tiquirore Cohãcjũ tutuaye mehna ye ihño dutimedi tiquiro masiedagũ ihña duaye, “Cohãcjũ ohoriquiro ijierare”, ni duaye. 2 Tiquina sa ye dutigũ Jesu yuhtiri tiquinare:

—Ñamicahapũ umhano sohãgũ ihñana “Quehnoari ñami ijirota”, nine musa. 3 Sa yena bohrearo umhano sohãgũ, ñicuri deco ijigũ ihñana “Acoro ahtarota”, nine musa. Sa quehnoano masiepenata Cohãcjũ tutuaye mehna musare yuhũ ye ihñogũ ihñaepenata ne tire quehnoano masiedare musa. 4 Yojopũ cjëna ña yuhũyequina Cohãcjũre ño peo dueyequina Cohãcjũ tutuaye mehna ye ihñogũ ihña duamene. Ye ihñosi yuhũ. Cohãcjũ yere yahu mũhtariquiro Jona tiquiro dũhse waharire masi tuhasare musa. Ti dihitare ihñoutja musare, ni yuhtiri Jesu.

Sa ni yahu tuhasa siho wahaahari tja.

Fariseo masa saduceo masa tiquina ñañe buheyere yahuahye Jesu
(Mr 8.14-21)

5 Ditarare usã pehãna, pãre bo cũ cã, pehã tari jii usã. 6 Sa yero Jesu usãre yahuri:

—Quehnoano yeya. Fariseo masa, saduceo masa tiquina ye pã pugũ yeyere

ihñana quehnoano yeya. Cuarĩne ti, ni yahuri.

7 Tiquiro sa nigũ tuhona tũho masiedana, usã basi tire yahuducuu:

—Mari pãre mari ne cãhtaeragũ ihñano sa niaga ahriquiro, nimi usã basi.

8 Usã sa nidire masino, usãre sinituri:

—¿Dũhsena musa pã borire wacũajari musa? Mehenogã waro yuhũre wacũ tutuare musa. 9 ¿Yojopũ masiedajari musa? ¿Cinco mil umhare ihcã omope pã pacare yuhũ nuha ohorire, numia gũhũre yuhũ ohorire wacũedagari musa? ¿Nohope puhũse waro musa ne cahmecoa wahpo daporire wacũedagari musa? 10 ¿Sa yegũ siete pã pacare nuha, cuatro mil umhare yuhũ ohorire, numia gũhũre yuhũ ohorire wacũedagari musa? ¿Nohope puhũse waro musa ne cahmecoa wahpo daporire wacũedagari musa? 11 ¿Sa yena pã pugũ yeyere yuhũ yahugũ dũhse yena quehnoano tũhoerajari musa? Sa nigũ pã warore nigũ niedaja. Fariseo masa, saduceo masa tiquina pã pugũ yeyere ihñana quehnoano yeya. Cuarĩne ti, ni yahuri usãre tiquiro.

12 Tiquiro sa ni yahugũpũ usã masii. “Pã pugũ yeye”, nino pã warore nino niedari. Sa nino fariseo masa, saduceo masa tiquina buheyere nino nidi. “Tiquina ye buheyere tũhoeracãhña”, nino nidi.

*Jesu poto Cristo tiqiro
ijiyere Cohãcjũ ohorigiro
tiqiro ijiyere yahuahye Pedro
(Mr 8.27-30; Lc 9.18-21)*

13 Sa ye Jesu mehna wahana, Cesarea Filipino wame tiri maca cahapũ ijiye macaripũ esau usã. Sa yero macapũ sajã sari bato Jesu usãre tiqiro buhenare sinituri:

—¿Noa boro ijiagari yũhũ, masa yũhũre tiquina tuhhotugũ? ni sinituri tiqiro.

14 —“Ñu wame yeriqiro ijire”, nine mũhũre. Apequina “Elia ijire”, nine. Apequina “Jeremia ijiboaga o apeqiro Cohãcjũ yere yahu mũhtariquina mehna cjãno mũnanao ijiboaga”, nine, ni yũhtii usã tiqirore.

15 —¿Mũsa pehe mũsa tuhhotugũ noa boro ijiagari yũhũ? ni, sinituri tiqiro.

16 Simo Pedro yũhtiri:

—Mũhũ Cristo Cohãcjũ ohorigũ ijire. Cohãcjũ catiriqiro waro macũ ijire mũhũ, ni yũhtiri Simo Pedro.

17 —Simo Ñu macũ mũhũ bucuegũ ijire. Ohõ saha ni mũhũ yũhũre yũhtiyeye masa tiquina yahuri ijierare. Yũhũ Pacũ uhmũse cjãno pehe tire mũhũre masigũ yeri.

18 Mũhũre niita niaja. Mũhũ Pedro wame tigũ ijire. (Pedro nino utã nino nine.) Ahri utã paa bui tutuari wũhũre yũhũ yeboriro saha yeequina pehere wacũ tutuayequina ijigũ yeitja yũhũ. Sa ye yeequina ne pecapũ wahasi. 19 Uhmũse cjãno mari pũhtoro ijiro cjã sawire mũhũre ohoutja. Sa

yegũ ahri yehpare mũhũ ye dutieragũ uhmũsepeũ gũhũre ye dutisi. Ahri yehpare mũhũ ye dutigũ uhmũsepeũ gũhũre ye dutiye ijietã, nidi Jesu.

20 Tiqiro sa nidi bato usãre tiqiro buhenare ohõ saha nidi:

—Yũhũre “Cristo ijire tiqiro”, ni yahu site-niedacãhña apeqinare, ni, dutiri usãre.

*Jesu tiqiro yaria masa wi-
jiatire yahuahye*

(Mr 8.31–9.1; Lc 9.22–27)

21 Ti pjeta Jesu usãre tiqiro buhenare quehnoano yahu peho dũcari:

—Jerusalẽpũ yũhũre waha haro cahmene yojopũre. Topũ judio masa mari bucũna, mari pahia pũhtoa, marine judio masare buheyequina gũhũ yũhũre ñano yeeta. Yũhũre wejẽeta. Sata ñano yũhdũro cahmene yũhũre. Sa yegũ ihtia deco wahaboro masa wijiagũta, ni yahuri usãre tiqiro.

22 Tiqiro sa nigũ tuhoro Pedro pehe ape sie cjũnogã Jesure ne sadũca, tiqirore ohõ saha nidi:

—Pũhto, mũhũ nino saha sa wahaeracãhdo. Mũhũre tiquina wejẽdacãhdo, nimesi tiqiro Jesure.

23 Tiqiro sa nigũ tuhoro Jesu majaredũca, tiqirore ohõ saha nidi:

—Satana yero saha yahuducugũ nine mũhũ. Sa niedacãhña. Mũhũ tuhutuye masa ye ijire. Cohãcjũ ye ijierare. Sa yegũ yũhũ yeatire

cahmota duare m̄h̄h̄, nidi Jesu Pedrore.

²⁴ Tiquiro sa nidi bato us̄āre yahuri:

—Ihc̄āquiro yaquiro iji duaro, tiquiro cahmeno ye duamedire duhu c̄ānota. Sa yero yaquiro tiquiro ijiri buhiri ñano yuh̄d̄eperota yuh̄re duhusi. Sa yero yeere yeducuriquiro ijirota.

²⁵ Mas̄no yuh̄re wac̄ūno marieno tiquiro esa tuharo tiquiro cahmeno sahata yero, pecap̄ waharota. Sa yero yeere mas̄no sa yeducuriquiro ijipihtiye decori yuh̄ mehna uhm̄sepe ijirota tiquiro. ²⁶ ¿Ihc̄āquiro mas̄no ahri yehpa c̄jēne ijipih̄tiyere c̄oriquiro Coh̄c̄j̄re cahmedaro pecap̄ waharo, yabere wapatajari tiquiro? Sa ijiriquiro ne wapataerare. Pecap̄ tiquiro jeripohna wahaḡ ne d̄h̄se wapa ye wioro basioerare. ²⁷ Yuh̄ mas̄ Coh̄c̄j̄ ohoriḡ yeequina angele mehna ahri yehpap̄ tojoa taḡ yuh̄ Pac̄ asi siteye mehna tojoa taḡ ijipihtiyequina masare tiquina ñañe yeri buhiri buhiri dahreitja. Tiquina quehnoañe pehere yeḡ quehnoano yeitja tiquinare.

²⁸ Ijirota m̄sare yahutja. Ihquēquina m̄sa oh̄p̄re ijina m̄sa yariato pano yuh̄re yuh̄ puhto sajāḡ ih̄ñanata, ni yahuri Jesu.

17

Jesu tiquiro paḡre came-sahye

(Mr 9.2-13; Lc 9.28-36)

¹ Sa ye seis decori bato Jesu Pedrore, Santiagore tiquiro bah̄ro Ñu ḡuh̄re uhm̄an̄ can̄p̄ tiquina dihitare piji m̄jari. ² Uhm̄an̄op̄ tiquina esari bato tiquina ih̄ñonop̄ tiquiro paḡre comesahye. Tiquiro wuh̄doa as̄ deco c̄j̄no yero saha asi siteahye. Sa yero tiquiro suhtiro buhrioro yero saha yehsero wahahye. ³ Sa ye Jesu Moise m̄n̄ano, Elia m̄n̄ano mehna tiquina yahuducuḡ ih̄ñahye tiquina ihtiaro buheyequina. ⁴ Sa yero Pedro Jesure nimahye:

—Puhto, mari oh̄p̄ ijiḡ quehnoa duare. M̄h̄ cahmeḡ ihtia wuh̄ḡ yeitja. M̄h̄ ya wuh̄ḡ, Moise ya wuh̄ḡ, Elia ya wuh̄ḡ yeitja, nimahye tiquiro.

⁵ Tiquiro sa ni yahuducuri watoa ehmeo quehnoano asiye ehmeo tiquinare cahmotahye. Sa wahaḡ ehmeo watoap̄ yahuducuye bisiro ca tahye.

—Ahriquiro yuh̄ mac̄ yuh̄ cah̄niquiro ijire. Tiquiro mehna bucueaja. Tiquirore t̄hoya, ni yahuducuro ca tahye.

⁶ Sa niḡ t̄hoye tiquiro buheyequina t̄ho maria waha, yehpap̄ doque quehe sahye. ⁷ Tiquina sa wahari bato Jesu tiquina cahap̄ esa, tiquinare b̄acarero, oh̄ saha niahye:

—Wahc̄d̄c̄aya m̄sa. Yojop̄re m̄sa ih̄ñarire, m̄sa t̄hori ḡuh̄re cuerac̄h̄ña, ni ahye tiquiro tiquinare.

8 Tiquiro sa nigū tiquina ihña wahcō, Jesu dihitare ihñahye. Tiquina ihñariquina pehe mariedahye.

9 Sa ye cunurū tiquina dijia tagū Jesu tiquinare tutuaro mehna niahye:

—Mianogāta yuhū sa waharire apequinare yahueracāhña. Yuhū masū Cohācjū ohorigū yuhū yaria masa wijiari batopū tire apequinare yahuya mūsa, niahye Jesu.

10 Tiquiro sa nidi bato Pedro gūhū tiquirore sinituahye:

—“Cristo masare yuhūoatiqiro tiquiro ahtato pano Eliare ahta mūhtano cahmene”, nine marine judio masa buheyequina. ¿Duhse ijiro boro sa niajari tiquina? ni sinituahye tiquina tiquirore.

11 Jesu yūhtiahye:

—Potota ijire. Eliare ahta mūhta dutiri Cohācjū, ijipihiyere quehno mūhtatiqirore.

12 Ohō saha nigū mūhare nigū niaja. Elia wihi tuhasari. Tiquiro sa wihiepegūta tiquina tiquirore ne ihña masiedari. Sa ye tiquina duhse ye duaro yeri jiri tiquirore. Sata yeeta yuhū gūhūre. Yuhū masū Cohācjū ohorigū ijiaja. Tiquina sa yegū ñano yuhūgūtja yuhū, niahye Jesu.

13 Tiquiro sa ni yahugū tiquina quehnoano tūhoahye. “Elia”, nino, Ñu wame yeriquirore nino niahye. Tire masiahye tiquina.

Jesu watñore cūoriquirore yuhūoahye

(Mr 9.14-29; Lc 9.37-43)

14 Sa ye peyequina masa caharū tiquina dijia tagū ihñano ihcāquiro umūno Jesu caharū esa, duhsepe curi mehna quehe sari.

15 —Pūhto, yuhū macūre paja ihñaña. Tiquiro ñama yariayere dohatiriquiro ijire. Sa yero ña yuhūaro yuhūre. Peye tahari pecarū bora sa quehea mūjare tiquiro. Ihquē tahari diarū bora ñojoa mūjare. 16 Sa yegū mūhū buheyequina caharū tiquirore ne sami. Tiquina tiquirore yuhūo masiedari, nidi tiquiro Jesure.

17 Jesu yūhtiri:

—Yojopū cjāna, ñana ijire mūsa. Yuhūre ne wacū tutuerare. Yoa yuhūari pje mūhare buhemi yuhū. ¿Noho puno yoari pje yuhūre mūsa cariboajari? Tiquirore ne cāhtaya yuhūre, nidi Jesu.

18 Sa yero watñore tiquiro tuhtigūta watño pehe masūno mehna ijiriquiro wahaa wahari. Sa wahari batogūta quehnoa wahari tiquiro.

19 Came usā tiquiro buhena usā sehsaro ijina Jesure sinituu:

—¿Dūhsena usā pehe ahriquiro pehere watñore cohā masiedari, mūhū tūhotugū? ni sinituu usā.

20 Jesu yūhtiri:

—Yuhūre mehenogā wacū tutuare mūsa. Poto mūhare yahugūta niaja. Mostaza capegā meheni pjegā ijire.

Ti yero saha Cohãcjũre mehenogã m̄sa wacũ tutuana ohõ saha wahagũ ye masinata m̄sa. Ahdu canũre “Sohõpũ wahaya”, m̄sa nigũ, waharota. Cohãcjũre sata wacũ tutuana, ijipihtiyere ye masine m̄sa. [²¹ Sa ijiepegũta ahriquiroy boro wafĩnore m̄sa cohã duana Cohãcjũre tutuaro sinino cahmene m̄sare. Sa ye duana sijiro cahmene m̄sare Cohãcjũre sinina tana,] nidi Jesu usãre.

Pari turi Jesu tiquiro yaria masa wijiatiye yahuahye
(Mr 9.30-32; Lc 9.43-45)

²² Sa ye Galilea yehpapũ usã tinigũ, Jesu usãre yahuri:

—Yũhũ masũ Cohãcjũ ohorigũ ijiaja. Masa yũhũre ñehe, apequinapũre yũhũre ohoeta. ²³ Sa tiquina ohori bato yũhũre wejẽeta. Sa tiquina wejẽgũ ihtia deco wahaboro masa wijiagũta, ni yahuri tiquiro usãre.

Tiquiro sa ni yahugũ tutuaro bujũa witii usã.

Cohãcjũ wũhũ cjẽ wapare sinituahye apequina

²⁴ Sa yena Capernaupũ sajã sagũ, Cohãcjũ wũhũ cjẽ ijiatire wapa ne cohteyequina Pedro cahapũ esa, tiquirore sinituahye.

—¿M̄sare buheriquiro Cohãcjũ wũhũ cjẽ wapa ijiatire wapa yeajari tiquiro? ni sinituahye tiquina.

²⁵ —Wapa yere tiquiro, ni yũhtiahye Pedro.

Tiquiro sa nidi bato wũhũpũ tiquiro sajãgũ Jesu sinitu mũhtahye Pedrore:

—¿Simo dũhse ni tũhotuajari mũhũ? ¿Ahri yehpa cjẽna pũhũa yabequina pehere wapa neajari, mũhũ tũhotugũ? ¿Tiquina mehna cjẽnare wapa neajari? ¿O ape yehpa cjẽna pehere wapa neajari, mũhũ tũhotugũ? ni sinituahye tiquiro Pedrore.

²⁶ —Ape yehpa cjẽna pehere wapa nene, ni yũhtiahye Pedro.

Tiquiro sa nigũ Jesu yahuahye:

—Sa yero pũhũto tiquiro ya yehpa cjẽnare wapa nedari. ²⁷ Sa ijiepegũta wapa ne cohteyequinare usuagũ ye dueraja mari. Sa yena wapa yenata. Ditarapũ wahaya. Topũ esa, yohyeri dare doque ñoña. Sa yegũ wahi mũhũre ihyariquiroye weje nũoña. Tiquiro dũseropũ niñeru cjoere bocagũta mũhũ. Ti cjoe queoro wapa tiri cjoe ijirota. Yũhũre, mũhũ gũhũre Cohãcjũ wũhũ cjẽna tiquina wapa negũ quehnoano queoro esa tuharota ti cjoe. Ti cjoere bocagũ mari wapamonore wapa yegũ wahaya, niahye Jesu Pedrore.

18

Jesu buheyequina tiquina mehna cjãnore pũhto sũ duamahye

(Mr 9.33-37; Lc 9.46-48)

1 Ti pjere usã tiquiro buhena Jesu cahapũ esa, sinituu tiquirore:

—¿Uhmuse cjño puhtoro ijiropare usã mehna cjño noa wahaboagari puhtoro? ni sinituu usã.

²Usã sa nigũ Jesu nijinogãre pijio, tiquirogãre usã caha duhu docori. Duhu doco tuhasa, usãre nidi:

³—Poto musare yahugutja. Ahriquina macanagã Cohãcjãre tiquina puhtoro waro tuhature. Sa yena musa gãhu tiquina yero saha tuhatura, quehnoañene comesana, uhmuse cjño puhtoro ijiropare wahanata. Tiquina yero saha tuhaturana puhtoro tiquiro ijiropu wahasi musa. ⁴ Sa yero uhmuse cjño puhtoro ijiropare sa tuhutu cãriquiho ahriquiho nijinogã yero saha tuhaturiquirota apequina bui puhtoro wahare. ⁵ Sa yena yeere yena tana ohõ saha ijiyequinagãre cahmena, yũhũ gãhũre cahmene musa, ni yahuri Jesu.

*Ñañene yegũ cuarĩne
(Mr 9.42-48; Lc 17.1-2)*

⁶ Sa yero tiquinare yahu nemori:

—Ahriquiogã yero saha ijiriquiro yũhũre wacũ tuturiquirogãre yahutja musare. Apequiho ahriquiogã yero saha ijiriquirore ñañene ye dutiro tiquiro ña yũhũaro yũhũrota. Tiquiro wamũare pajiria utãre dũhte yo, pajiri mapu tiquirore cohãgũ ñano wahaboaga tiquiro. Sa ijipegũta ahriquiogã yero saha ijiriquirore ñañene ye dutiriquiro tiquiro pehe pajiri mapu tiquina cohãriquiho

yũhũoro ñano yũhũrota. ⁷ Masare ñañene yegũ yeye ijire. Tire yeye ahri yehpa cjẽna ñano yũhũare. Ñañene yeducure masa. Tiquina sa yegũ tiquinare ñañene yegũ yeyequina pehe ña yũhũaro yũhũeta.

⁸ 'Mũhũ omoca mehna ñano yegũ ti omocare mũhũ dũte cohãboro saha ti ñañene duhuya. Tire duhueragũ pecapu wahagũta. Topũre ne peca yatierare. Mũhũ omocare mũhũ cohãgũ ti si dihita butiboaga. Sa yegũ mũhũ pehe sa bajuri turu ijipegũta came Cohãcjũ mehna ijigũta. Pũa omoca mehna pecapu wahagũ mũhũ sa wahagũ ña yũhũaboaga. Sa yegũ ti ñañene duhuya. Mũhũ dahpocã mehna ñano yegũ ti dahpocã gãhũre mũhũ dũte cohãboro saha ti ñañene duhuya. Tire duhueragũ pecapu wahagũta. Topũre ne peca yatierare. Mũhũ dahpocãre mũhũ cohãgũ ti si dihita butiboaga. Sa yegũ sa bajuri turu ijipegũta came Cohãcjũ mehna ijigũta. Pũa dahpocã mehna pecapu wahagũ mũhũ sa wahagũ ña yũhũaboaga. Sa yegũ ti ñañene duhuya. ⁹ Mũhũ capea mehna ñano yegũ tiare ore we mũhũ cohãboro saha ti ñañene duhuya. Tire duhueragũ pecapu wahagũta. Topũre ne peca yatierare. Tiare mũhũ cohãgũ tia dihita butiboaga. Ihcã pehe capea mariedapegũta came Cohãcjũ mehna ijigũta. Pũa capea mehna pecapu wahagũ mũhũ

sa wahagũ ña yuhduaboaga. Sa yegũ ti ñañene duhuya, ni yahuri Jesu.

Oveja butiriquiro queoyere yahuahye Jesu

(Lc 15.3-7)

¹⁰ Sa ni tuhasa ohõ saha ni yahu nemori:

—Ne, ahriquinagãre macanagãre ihña tuhtier-acãhña. Mũsare niita niaja yuhũ. Tiquinagã yeequina angele tiquinagãre cohteyequina uhmũsepu ijiyequina pehe yuhũ Pacũ cahapu sa ijiducure. [¹¹ Yuhũ masũ Cohãcjũ ohorigũ ahri yehpau pecapu waha-boriquinare yuhduogũ tuũ nii yuhũ,] ni yahuri Jesu.

¹² Sa ni tuhasa tiquiro tuhohutye mehna ohõ saha ni queoye mehna buheri usãre.

—Ovejare cohteriquiro cien ovejare cõriiquiro ihcãquiro oveja butia wahagũ ohõ saha yerota tiquinare cohteriquiro pehe. Apequina ovejare noventa y nueve ovejare tiquina ihyaropũ duhu doco, butiriquirore macano waharota. ¹³ Ijirota nii niaja mũsare. Tiquirore bocaro bucuero tiquiro. Apequina noventa y nueve duhsayequina mehna bucuero tiquiro. Tiquinare tiquiro bucuero yuhduoro butiriquiro pehere bocaro tutuaro bucuero. ¹⁴ Sata mari Pacũ uhmũse cjũno ahriquina ihyo ijiyequina gũhũre pecapu tiquina wahagũ cahmedare, ni yahuri Jesu.

Mũhũ acayũro mũhũre ñano yegũ ohõ saha ye dutiahye Jesu
(Lc 17.3)

¹⁵ Sa ni tuhasa ohõ saha ni yahu nemori:

—Mũhũ acayũro mũhũre ñano tiquiro yegũ tiquiro mehna yahugũ wahaya. Mũsa sehsaro tire yahuya. Mũhũ sa yegũ tiquiro mũhũre tuhoboaga. Tiquiro tuhogũ “Mũhũre ne pari turi ohõ saha yesi yuhũ”, tiquiro nigũ mũhũ acayũrore pari turi piti tigũ niaga mũhũ. ¹⁶ Mũhũre tiquiro tũho dueragũ pũrita ihcãquiro mehna waha duagũ o puaro mehna waha duagũ tiquinare piti ti cã, pari turi tiquirore yahuna wahaya. Mũsa sa yena puana o ihtiana tiquirore mũsa yahusãgũ, “Poto tjire”, ni masieta apequina. ¹⁷ Sa yena mũhũ mehna cjẽna gũhũre tiquiro tũho dueragũ ijipihtiyequina Jesu yequina cahmecoañequinare yahusãna wahaya. Sa yena Jesu yequina cahmecoañequinare tiquiro tũho dueragũ ihñana Cohãcjũre ño peo dueriquiro tiquiro ijiro saha yeya tiquirore. Wapa ne cohteriquiro tiquiro ijiro saha yeya tiquirore.

¹⁸ 'Ijirota mũsare niita niaja. Ahri yehpau mũsa Jesu yequina ñañene mũsa ye dutieragũ uhmũsepu gũhũre ye dutisi. Ahri yehpau mũsa quehnoañene ye dutigũ uhmũsepu gũhũre ye dutiye ijirota.

¹⁹ 'Pari turi mũsare yahutja ahrire: Mũsa puana

Cohãcjäre sinigã, mûsa pûana mûsa sinidire ihcãno saha mûsa tûhotugã yûhu Pacu ûhmûse cjãno tire yerota.
 20 Pûaro o ihtiaro yeequina, yeere yeatiquina tiquina cahmecoagã yûhu tiquina mehna ijiaja, ni yahuri Jesu.

Cahacjãno apequiro tiquiro wapamonore tiquiro bo duerari quitire yahuahye Jesu

21 Came Pedro Jesu cahapû esa, sinituri:

—¿Pûhto, yûhu acayûro mûhu yaquiro peye tahari yûhure ñano tiquiro yegã ihñagû nohope tahari tire bogutari yûhu? ¿Siete tahari bogutari yûhu? ni sinituri Pedro.

22 Jesu yûhtiri:

—Siete taharita mûhure apequiro ñano yerire mûhu bogã to wahaerare. Pe ye tahari mûhure ñano tiquiro yegã gûhure boya.

23 'Ûhmûse cjãno masa pûhtoro tiquiro ijiye ahri queoye yero saha ijire. Ijip-ihtiyequina masa pûhtoro tiquiro cahacjênare tiquirore wapamõnequinare wapa ye peho duti duamahye.

24 Tiquina wapamori-tiquiro queo ducagã, tiquirore dahra cohteyequina pehe pajiro wapamori-tiquirore tiquiro cahapû ne cãhtahye. Wapamori-tiquiro paji yûhdûaro wapamoahye tiquiro pûhtoro.

25 Sa yero tiquiro wapa ye masiedagã tiquiro pûhtoro tiquirore, tiquiro namonore, tiquiro pohnene cahacjêna sõ,

tiquinare apequinare dua dutimahye. Sa ye ijipihtiye tiquiro cûoye gûhure dua dutimahye, tiquiro wapa-monore wapa ye peho dutiro.
 26 Tiquiro sa dua dutigã pajiro wapamori-tiquiro pehe dusepe curi mehna quehe sa, tiquiro pûhtoro tutuaro siniahye: “Pûhto, yûhure paja ihñagû cohteniña. Mûhure wapa ye pehoutja”, niahye tiquiro pûhtoro.
 27 Tiquiro sa nigã tûhoro, tiquirore paja ihñano tiquiro wapamonore sata bo cãhye.

28 Tiquiro sa yeri bato wapamori-tiquiro pehe waha, apequiro cahacjânore tiquirore mehenogã wapamori-tiquirore boca sahye. Sa boca saro wamûa ñeheahye tiquirore. “Yûhure mûhu wapamonore wapa ye pehoya”, niahye tiquiro mehna cjânore tiquiro yero saha ijiri-tiquirore cahacjânore.

29 Tiquiro sa nigã apequiro cahacjãno pehe dusepe curi mehna quehe sa, tiquirore tutuaro sinimahye. “Yûhure paja ihñagû mehenogã cohteniña. Mûhure wapa ye pehoutja”, nimahye apequiro cahacjãno tiquirore.

30 Tiquiro sa ni siniepegãta yûhtierahye. Sa yero tiquiro apequiro cahacjânore peresu ye dutiahye. Tee tiquiro wapa ye pehogûpû wioro taro niahye tiquirore.

31 Pajiro wapamori-tiquiro mehenogã wapamori-tiquirore tiquiro sa yegã ihña, usua, apequina cahacjêna pehe tiquina pûhtoro yahusãne

wahahye. ³² Tiquina sa ni yahusāgū tūhoro tiquina pūhoro tiquina yahusāriquiore pijio, ohō saha niahye: “Mūhū ña yūhdūagū ijire. Mūhū yūhūre tutuaro sinigū mūhū wapamonore bo pehomī yūhū. ³³ Mūhūre yūhū sa yepegūta mūhū pehe mūhūre wapamoriquiore boerañohiti. Mūhū wapa-mono pehere yūhū boriro sahata tiquiro mūhūre wapamono gūhūre mūhū bogū quehnoa yūhdūaboaga. ¿Dūhsegū tiquirore paja ihñedari mūhū, sa yegū?” niahye pūhoro tiquirore. ³⁴ Sa nino tutuaro usua, peresu yeahye tiquiro cahacjānore. Tee tiquiro wapa ye pehogūpū wioro taro niahye, ni yahuri Jesu.

³⁵ Sa yero ohō saha ni ahri quitire yahu bato tiri:

—Sata yerota yūhū Pacū ūhmūse cjūno mūsare. Mūsa ijipihtina mūsa acaye mūsare tiquina ñano yerire quehnoano mūsa bo peho-eragū tiquiro mūsare buhiri dahrerota, nidi Jesu.

19

Tiquina namosānumiare cohāñene yahuahye Jesu
(Mr 10.1-12; Lc 16.18)

¹ Tire tiquiro sa ni yahuri bato tiquiro Galileapū ijiriquiro Judea yehpapū ūsāre siho wahari. Jordā wame tiri ma ape sie pahrēpū esā ūsā. ² Topū ūsā wahagū peyequina masa ūsāre nūnū

tā cāri. Tiquina mehna cjēnare dohatiyequinare yūhdūgū yeri tiquiro.

³ Sa ye ihquēquina fariseo masa Jesure yahusā duaye, ñano tiquiro yahuducugū tūho duaye, tiquirore sinituri:

—¿Mari namosānumiare cohāgū quehnoaboagari? ¿Mari dutiye pehe sata ye dutiagari, mūhū tūhotugū? ni sinituri tiquina.

⁴ Jesu yūhtiri:

—¿Cohācjū yere tiquina ojoari pūpū ne ahrire buherari mūsa? Ohō saha ni ojoahye: “Coā waropūre ahri yehpare bajumehnediquiro ūmūno, numino gūhūre yeahye”, ni ojoahye. ⁵ Sa yero ohō saha ni ojoa nemoahye: “Sa yero ūmūno tiquiro pacūsumūare cohā wijia, tiquiro namono mehna ijirota. Sa ye tiquina pūaro ijiepetā ihcā pagū yero saha ijire. ⁶ Sa ye tiquina pūaro yero saha ijierare. Ihcā pagū yero saha ijiye nine. Cohācjū tiquiro omoca dūhte dutiyequina ijire. Sa ye tiquinare cahme duhueraro cahmene”, ni ojoahye, nidi Jesu tiquinare.

⁷ Tiquiro sa nigū fariseo masa sinituri tja:

—Mūhū ohō saha ni yahuepegūta ohō saha ni ojoahye Moise pehe: “Mūhū namonore cohā duagū pāpera pūre tire ojoaya. Sa ojoagū ti pūre mūhū namonore mūhū ohori bato ticorore cohā masine mūhū”, ni ojoahye Moise. ¿Mūhū

nino saha ijiepegūta Moise pehe dūhsero ohō saha ni ojoayari? ni yūhtiri tiquina tiqiurore.

⁸ Jesu yūhti cahmedi tiquinare:

—Cohācjūre mūsa nēcūsumūsa panopū cjēna tiquina tūho dueragū ihñano tiquina namosānumiare tiquina cohāgū, “Sata wahacūnahdo”, niahye Moise. Tiquiro sa niepegūta coā waropūre ahri yehpare sa ijierari. ⁹ Mū sare niita niaja. Masūno tiqiuro namono ticoro ñano yerapegūta ticorore cohāno, apecorore namo tiro, tiqiuro apecoro mehna ñano yero nine. [Sa yero ahriqiuro cohāricorore namo tiriqiuro gūhū ticoro mehna ñano yeriqiuro ijire,] nidi Jesu.

¹⁰ Tiquina sa nigū tahona, usā tiqiuro buhena pehe tiqiurore ohō saha nii:

—Sata umūno tiqiuro namono mehna tiquina cahme cohāedagū mari pehere mari namo tieragū quehnoaboaga, nii usā.

¹¹ Jesu yūhtiri:

—Ihquēquinareta namo ti dutierare Cohācjū. Tiquiro namo ti dutiriquina dihita namo tieta. ¹² Umūare namo ti dutieraye ihquēgā ijire. Ihquēquina umūa numiare cahmeeñequina masa bajuare. Apequina umūa masa tiquina apēni tōho tiquina weriquina pehe namo ti masiedare. Apequina umūa umūse cjūno tiquina pūhtoro yere yedoho duaye, namo tierare. Sa ye

ahriquina namo ti dueyequina sata tūhotu cāhñequina, sata tiquina sohtori tigū quehnoare, nidi Jesu usāre.

Macanagā ye ijiatire Cohācjūre sini basahye Jesu
(Mr 10.13-16; Lc 18.15-17)

¹³ Sa ye masa macanagāre Jesu cahapū ne wihiri. Sa ne wihiye, tiquina Jesure tiqiuro omocare tiquinagā bui ña peo duti duamedī. Sa ye tiquinagāre Cohācjūre sini basa duti duamedī Jesure. Tiquina sa yegū ihñana usā tiqiuro buhena tiquinare tuhtimi. ¹⁴ Usā sa tuhtigū ihñano, usāre Jesu ohō saha nidi:

—Macanagā yūhū cahapū ahtaahro. “Waharīsa”, niedacāhñā tiquinagāre. Tiquinagā Cohācjūre tiquina pūhtoro tūhoture. Sa ye tiqiuro umūse cjūno pūhtoro ijiropū ahriquinagā yero saha tūhotuyequina ijire topūre, nidi Jesu usāre.

¹⁵ Sa ninota tiqiuro omocare tiquinagā bui ña peo tuhasa, wahaa wahari.

Doeri cjē upūro Jesure sinituahye

(Mr 10.17-31; Lc 18.18-30)

¹⁶ Tiquiro sa yeri bato ihcāquiuro Jesu cahapū wihi, sinituri tiqiurore:

—¿Ne quehnoagu buhegu, ijipihtiye decori Cohācjū mehna iji duagu, quehnoañene ye duagu dūhse yeboagari yūhū? nidi tiqiuro.

¹⁷ —¿Dūhse ijiro boro yūhūre quehnoañene sinituajari mūhū? Cohācjū dihita

quehnoariquiro ijire. Ijipihtiye decori Cohãcjũ mehna iji duagũ tiquiro dutiyere yeya, nidi Jesu.

18 —¿Dise boro dutiye pehere nigũ nijari? ni sinitu nemori tiquiro.

Jesu yuhtiri:

—Masare wejẽdacãhña. Wuana tieracãhña. Yaqueracãhña. Ni mehoedacãhña. 19 Mũhũ pacũsumũare ño peoya. Mũhũ basi mũhũ cahĩno saha mũhũ cahapũ ijiriquiro gãhũre cahĩña. Ahri dutiyere yero cahmene, nidi Jesu.

20 —Ahri dutiyere ne yũhdũdũcaera tiĩ yũhũ. ¿Dũhse ye nemoagari yũhũ ijipihtiye decori Cohãcjũ mehna iji duagũ? nidi tiquiro Jesure.

21 Tiquiro sa nigũ tuhoro Jesu yahu nemori:

—Mũhũ ñañe mariegũ iji duagũ mũhũ ye ijipihtiyere duagũ wahaya. Sa duagũ ijipihtiye mũhũ wapatari niñerure pejecũoyequinare ohoya. Mũhũ sa yegũ pajiro mũhũ ye uhmũserũ, Cohãcjũ cahapũ ijirota. Mũhũ sa yeri bato yũhũ mehna cjũ ijigũ ahtaya, ni yahuri Jesu.

22 Tiquiro sa nigũ tuhoro tutuaro bũjũa witiri. Tiquiro doeri cjẽ upũro ijipihtiye cãoriquiro ijiri. Sa yero Jesu yahugũ tuhoro tutuaro bũjũa witiri. Pejecũoyequinare oho dueraro wahaa wahari.

23 Tiquiro sa wahari bato Jesu usãre tiquiro buhenare yahu nemori:

—Ijirota musare niita niaja. Doeri cjẽ upũro Cohãcjũ pũhtoro ijiropũre tiquirore waharo basioera cjũre. 24 Musare yahu nemoutja: Camello pehe awia coperũ tiquiro sajã duagũ basioerare tiquirore. Tiquiro sa ijiro yũhdũoro doeri cjẽ upũro Cohãcjũre cahmedaro, Cohãcjũ pũhtoro ijiropũre waharo basioerare, nidi tiquiro.

25 Tiquiro sa nigũ tuhona usã tuho maria waha, usã basi ohõ saha nii:

—Aa, dũhse tiquiro nino sahata ijigũ, ne ihcãquiro masano Cohãcjũ cahapũ waha masiedaboaga, nii usã basi.

26 Usã sa nigũ Jesu usãre ihũano, yahuri:

—Masa tiquina esa tuhoro tiquina quehnoano yeri mehna Cohãcjũ cahapũ waha masiedare. Cohãcjũ pehe masare pecapũ waboriquinare yũhdũo masine. Tiquiro ijipihtiyere quehnoano ye masi peho cãre, nidi tiquiro usãre.

27 Tiquiro sa nigũ Pedro tiquirore nidi:

—Tuhoriña. Usã pehe usã ye ijipihtiyere cũ cãũ mũhũ mehna wahana tana. ¿Usã ohõ saha yena, dũhse ijiyere wapatanatari usã? nidi tiquiro.

28 Tiquiro sa nigũ tuhoro ohõ saha nidi Jesu:

—Musare niita niaja: Pihitiri deco bato ijipihtiye wahma dihita comesaeta. Ti pjerũre yũhũ masũ Cohãcjũ

ohorigu yahu puhtoro yahu dujiropu asi siteropu dujiitja yahu. Topu yahu dujigū mūsa gūhu doce dujiye pahtaripu puhtoa tiquina dujiye pahtaripu dujinata. Sa yena Israe masare doce cururi cjēnare besenata mūsa quehnoañequina gūhure, ñañequina gūhure.²⁹ Sa ye yeere yena tana mūsa wahūserere, mūsa bahanare, mūsa pacūsmūhare, mūsa pohinare, mūsa weserire cūrina ijina, pajiro wap-atanata. Sa yena ijipihitiye decori Cohācjū mehna injinata.³⁰ Sa ijiepegūta yojopure peyequina puhtoa ijiriquina ti pjepure ihyo ijieyequina tojoaeta. Sa ye yojopure peyequina ihyo ijieyequina ijimediquina ti pjepure puhtoa comesaeta, ni yahurī Jesu usāre tiquiro buhenare.

20

Ɔhse wesere dahrayequina queoyere yahuahye Jesu

¹ Sa ye Jesu pari turi queoye mehna yahu nemori tja:

—Ɔhmūse cjūno masa puhtoro ijire. Wese upuro queoye mehna tiquiro puhtoro ijiyere yahutja mū sare. Tiquiro wese upuro bohrea quehagū tiquiro ya wesere dahratiquinare pijiro wahahye.² “Ihcā cjoe niñeru cjoe wapa yegutja ihcā decore”, niahye tiquinare. “Añ”, niahye dahratiquina. Tiquina sa nigū wesepu dahra dutiro ohoahye tiquiro tiquinare.³ Sa yero decopu

nueve ijigū doeri cjē duaropu wahahye tiquiro. Topu esaro, apequina dahraeyequinare ihñahye.⁴ Sa ihñano tiquinare niahye: “Mūsa gūhu ya wesere dahrana wahaya. Quehnoano wapa yegutja”, niahye tiquiro.⁵ Sa ye tiquina wesepu dahraye wahahye. Sa ye wese upuro coheri pje ijigū, ñamicahapu tres ijigū gūhure dahra dutiahye.⁶ Sa ye ñamicahapu cinco ijigū doeri cjē duaropu tiquiro wahahye tja. Topu esa, apequina dahraeyequinare ihñano, tiquinare niahye: “¿Mūsa dahse yena nijari dahraerapenata ohōpūre?” ni sinituahye tiquinare.⁷ “Ne, usāre dahraye mariedare”, ni yahutiahye tiquina. “Mūsa gūhu ya wesere dahrana wahaya”, niahye tiquinare. Sa ye tiquiro nidiro sahata tiquiro ya wesere dahraye wahahye.

⁸ Sa ye ñamicahapu dahra duhuri pje ijigū wese upuro tiquiro dahrayequinare coheritiquirore ohō saha niahye: “Dahrayequinare pijiya. Tiquina wihigū tiquinare wapa yeya. Camepu yahu dahra dutiriquinare wapa ye mahtaña. Tiquinare wapa ye tuhasa, apequina gūhure wapa ye tuhasa, yahu dahra duti mahtariquinare wapa ye bato tiya”, niahye tiquiro.⁹ Sa yero cinco ijigū dahra ducayequinare ihcā cjoe niñeru cjoe wapa

yeahye. ¹⁰ Tiquiro sa wapa yegū ihñañe, “Ŭsāre paji cjūnogā wapa yerota”, ni tūhotumahye tiquiro duti māhtariquina pehe. Tiquina gūhure ihcāno saha wapa yeahye. ¹¹ Sa ye niñerure tiquiro wapa yegū tiquina pūhtoro mehna usuaye, tiquina basi cahme ni-ahye: ¹² “Ahriquina ũsā batopū tiquiro dahra dutiriquina pehe ihcā horata dahrari. Ŭsā pehe ihcā deco quehnoano dahra nahñoa wahami. Ñano asū asiri ũsāre. Ŭsā sa yoari pje dahraepēgūta ũsā batopū dahra dūcariquina gūhure ihcāno saha wapa yeri tiquiro”, ni usuahye tiquina basi. ¹³ Ihcāquiro tiquina mehna cjūno tiquiro sa nigū tūhoro, wese upūro yūhtiahye tiquirore: “Ne yūhū acayū, ‘Ihcā cjoe niñeru cjoere wapa yegūtja’, nimi mūsare. Yūhū sa nigū yūhtiri mūsā. Sa yegū yūhū nidiro sahata mūsare wapa yei yūhū. Queoro wapa yei mūsare. Ne yaquerū mūsare. ¹⁴ Sa yegū yūhū wapa yerire ne, māhū ya wūhūpū tojoarīsa. Ahriquirore came yūhū dahra dutiriquiro gūhure mūsare yūhū wapa yeriro punota wapa yegūtja. ¹⁵ Yee niñeru ijire ahri. Sa yegū yūhū cahmeno sahata ahri mehna wapa yegūtja. ¿Apequinare bui cjūnogā yūhū quehnoano wapa yegū ihña tuhtiajari māhū?” niahye tiquiro wese upūro, ni yahuri ti queoyere Jesu.

¹⁶ Sa nino, yahu nemori tiquiro:

—Ahri queoye nidiro saha came cjā curua iji māhtari curua ijirota ũhmūsepū. Sa ye iji māhtari curua pehe tiquina camepū cjā curua tojoarota ũhmūsepū, ni yahuri Jesu.

Pari turi Jesu tiquiro yaria masa wijiatire yahuahye

(Mr 10.32-34; Lc 18.31-34)

¹⁷ Sa ye Jerusalēpū wahaducu, ũsāre doce tiquiro buhenare pijio tuhasa, ape siepū ũsāre ũsā sehsharo neari Jesu. Ŭsā sehsharo ũsā ijigū ũsāre yahuri:

¹⁸ —Tūhoya yūhūre. Yo-jopūre Jerusalēpū wahana niaja mari. Topū yūhūre masare Cohācjū ohorigūre ñehe, apequinapūre yūhūre ohoeta. Pahia pūhtoare, judio masare buheyequina gūhūre yūhūre ohoeta. Sa ye yūhūre wejē dutieta tiquina. ¹⁹ Sa wejē dutiye, judio masa ijieyequinare yūhūre ohoeta. Tiquina sa ohori bato tiquina pehe yūhūre bujūpe, tana, curusapū quē bihaeta yūhūre. Sa yegū yūhū yariari bato ihtia deco wahaboro masa wijiagetja, ni yahuri Jesu ũsāre.

Santiago, Ñū mehna tiquina pacoro pehe tiquinare sini basahye Jesure

(Mr 10.35-45)

²⁰ Sa ye Zebedeo namono pūaro ticoro pohne mehna Jesu cahapū esa, dūsepe curi mehna quehe sahye tiquirore sinino taro.

21 —¿Dahse yuhū yegū cahmeajari mūhū? niahye Jesu ticorore.

—Mūhū pūhto sajāgū yuhū pohnare dutiyequina sōñā. Sa yegū mūhū pūa peheripū duji dutiya tiquinare, ni siniahye ticoro.

22 Jesu ohō saha niahye:

—Mūsa ñano yūhdūatire masiedapenata sa sinine mūsa. ¿Yojopure yuhū ñano yūhdūato saha mūsa gūhū ñano yūhdūna ihcāno sahaboagari mūsa? niahye Jesu ticoro pohnene.

—Ihcāno sahanata, ni yūhtiahye Santiago, Ñu mehna.

23 —Ijirota niita niaja mū sare. Yuhū ñano yūhdūato saha ñano yūhdūnata mūsa gūhū. Sa ijepegāta yuhū mehna dutiatiquinare, yuhū mehna dujiatiquinare bese masiedaja yuhū. Yuhū Pacū pehe quehno tuhasari tire. Sa ye tiquiro beseatiquina dihita yuhū poto pehe yuhū cū pehe pehe dujieta, niahye Jesu tiquinare.

24 Sa yena usā apequina diez tiquiro buhena pehe Santiago, Ñu ahriquina pūaro mehna usuau usā. Jesure tiquina pacoro ticoro sini basarire tūhona usuau tiquina mehna. 25 Usā sa usuagū ihñano, Jesu usāre ijipihtina tiquiro buhenare piji cahmecoā, yahuri usāre:

—Cohācjūre masieñequina pūhtoa pehe tiquina masare dutiye, usuaro mehna dutire.

26 Mūsa pehe ne sa yesi mūsa basi. Mūsa mehna cjāno

pūhtoro iji duaro, ijipihtiyequina tiquiro mehna cjēna cahacjāno ijiro cahmene tiquirore. 27 Sa yero ijipihtiyequinare dutiriquiro iji duaro, apequina cahacjāno ijiro cahmene tiquirore. 28 Sata ijigū ijiaja yuhū gūhū. Yuhū masū Cohācjū ohorigū ahri yehpapure masare yedohogū ahtau. Sa yegū peyequina masa ye buhirire yariagū ahtau nii. Sa yegū masare pecapū wahaboriquinare yūhdūogū ahtau nii. Masare dutipegū tagū niedū, nidi Jesu usāre.

Pūaro caperi bajueyequinare ihñagū yeahye Jesu

(Mr 10.46-52; Lc 18.35-43)

29 Sa ye Jericópū ijirina usā wahagū peyequina masa Jesure nūnū tāri. 30 Sa ye Jesu tiquiro yūhdūagū pūaro caperi bajueyequina maha dūhtū cahapū dujiyequina tūhori. Sa tūhoye, ohō saha ni sañuducuri:

—Pūhto, Davi mūnano panami iji turiagū, masare yūhdūoacjū, usāre paja ihñaña, ni sañuducuri.

31 Tiquina sa ni sañuducugū masa pehe tiquinare tuhtiri.

—Dihta mariañña, nidi masa tiquinare.

Tiquina sa tuhtigū tūhoye, to pano tiquina sañuducuriro yūhdūoro sañuducu nemori tja.

—Usā pūhto, Davi mūnano panami iji turiagū, usāre paja ihñaña, ni sañuducu nemori.

32 Tiquina sa nigū tūhoro Jesu esadūca, tiquinare pijio, sinituri:

—¿Dahse yuhũ yegũ cah-meajari m̄sa? ni sinituri.

³³ —Pũhto, us̄are ihñagũ yeya, ni yũhtiri tiquina.

³⁴ Tiquina sa nigũ Jesu tiquinare paja ihñari. Sa paja ihñano tiquina caperire ña peori. Tiquireo sa ña peogũta tiquina pehe ihñaah wahari. Sa ihñañe, tiquireore nũnũ tã cãa wahari.

21

Jerusalẽpũ esahye Jesu

(Mr 11.1-11; Lc 19.28-40; Jn 12.12-19)

¹ Sa ye Jerusalẽpũ esana tana Betfagé wame tiri macapũ esa mũhtau us̄a Jesu mehna. Cũnũ Olivo wame tidũ cahapũ Betfagé ijiri. Topũ esaro, us̄a tiquireo buhena mehna cjẽnare pũaro Jesu tiquireo pano oho mũhtari. ² Ohõ saha dutiri tiquinare:

—Si macapũ burroare nena wahaya. Topũ esana, duita burrore ticoro macũnogã mehna tiquina dũhte docoricorore bocanata. Tiquinare boca, yuta dare pã, ne cãhta basaya yũhũre. ³ Mũsa sa yegũ ihñano, burroa upũro “¿Dahsena tana burroare pãjari m̄sa?” tiquireo nigũ tũhona ohõ saha ni yũhtiya. “Mari pũhtoro burroare cahmedi. Sa yero mianogã wiarota tiquireo”, ni yũhtiya tiquireore, ni duti ohori Jesu pũaro tiquireo buheyequinare.

⁴ Sa yeri Cohãcjũ yere yahu mũhtariquireo tiquireo ni

ojoariro sahata. Ohõ sahata ni ojoahye panopũ:

⁵ Jerusalẽ cjẽnare ohõ saha ni yahuya:

“Ihñaña m̄sa. Mũsa pũhtoro m̄sa cahapũ ahtare. Tiquireo quehnoano masa quehnoariquireo ijire. Burro macũnogã bui pesariquireo ahtarota”, ni yahuya Jerusalẽ cjẽnare, ni ojoahye panopũ.

⁶ Jesu tiquireo dutiriquina pũaro ti macapũ esa, tiquireo dutiriro sahata yeahye tiquina. ⁷ Burrore, ticoro macũnogã gũhũre ne cãhta, tiquina bui sañañe suhtire tu we ne, burrogã bui duhu peori tiquina. Tiquina sa yeri bato Jesu tiquireogã bui m̄ja pjeri, waharo taro. ⁸ M̄ja pje tuhasa, tiquireogã bui Jerusalẽpũ wahari. Tiquireo ahtagũ ihñañe masa peyequina tiquina bui cjẽ suhtire tu we ne, seõ cũ mũhtari tiquireo wahari mahare, Jesure ño peoye. Apequina pehe pũri tiye dũpũrire mahapũ cũ mũhtari tiquireore ño peoye. ⁹ Sa ye tiquireo pano wahayequina, tiquireo bato nũnũ tãñequina mehna sañuducuri:

—Davi panamino iji turiariquireore marine yũhdũoatiquireore ño peouhna. Ahriquireo Cohãcjũ ohoriquireo quehnoano ijiahro. Uhmũse cjũnore “Tutuagũ ijire”, ni ño peouhna, ni sañuducuri masa.

¹⁰ Sa ye Jerusalẽpũ tiquina esagũ to cjẽna pehe ihña maria wahari.

—¿Noa ijjajari ahriquiuro?
ni cahme sinituri tiquina.

¹¹ Apequina masa yũhtiri:

—Ahriquiuro Cohãcjũ yere
yahu mãhtariquiuro Nazare
cjãno Jesu wame tiriquiuro
ijire, ni yahuri tiquina
masare.

*Cohãcjũ wũhũpũ esahye
Jesu*

(Mr 11.15-19; Lc 19.45-48;
Jn 2.13-22)

¹² Came Cohãcjũ wũhũpũ
esari Jesu. Ti wũhũpũ esa,
sajãa wahari. Ti wũhũpũ
duayequinare, dúyequina
gũhũre cohã wiori tiquiuro.
Sa yero niñeru comesaye
mesarire ne majare cũ
mũjari. Bujuaare du-
ayequina tiquina dujiye
pahtari gũhũre sata yeri. ¹³ Sa
yero tiquinare ohõ saha nidi:

—Cohãcjũ yere tiquina
ojoari pũpũ ohõ saha nine:
“Ya wũhũ Cohãcjũ mehna
yahuducuri wũhũ wame
tirota”, nimene tiquiuro ojoari
pũpũ. Mũsa pehe ahri
wũhũpũ duana mũsa basi
cahme yaquere mũsa, nidi
tiquiuro tiquinare.

¹⁴ Tiquiuro sa yeri bato
caperi bajueyequina, tini
masieñequina gũhũ Cohãcjũ
wũhũpũ tiquiuro cahapũ
wihiri. Tiquina sa wihigũ
tiquinare yahdũgũ yeri
tiquiuro. ¹⁵ Sa quehnoañene
tiquiuro yegũ ihñañe, pahia
pũhto, marine judio masare
buheyequina gũhũ usuari
tiquiuro mehna. Sa ye
macanagã Jesure “Davi
panami iji turiagũ, masare
yahdũoacjũ, tutuagũ ijire

mũhũ”, tiquina ni ño peogũ
tũhoye usuari pari turi
tiquina. ¹⁶ Sa usuaye ohõ
saha nidi Jesure:

—¿Tiquina sa nigũ tũhoerajari
mũhũ? Sa niedacãhdo, ni
tuhtiri tiquina Jesure.

—Tiquina sa nigũ tũhoaja.
¿Cohãcjũ ojoari pũpũ ahrire
ne buherari mũsa?

Macanagãre Cohãcjũre
quehnoano ño peogũ
yeri mũhũ, nine
Cohãcjũ yere tiquina
ojoari pũpũ, nidi Jesu.

¹⁷ Sa ni tuhasa tiquinare
cohã cã, Betania wame tiri
macapũ esa, ti ñamine topũ
ijiri.

*Jesu higuerağũre yaria du-
tiahye*

(Mr 11.12-14, 20-26)

¹⁸ Ape deco bohrearopũ
Jerusalẽpũ tojoaro, mũja
ahbari Jesu. ¹⁹ Sa mũja
ahbaro, maha dũhtũ cahapũ
ijidũ higuerağũ wame tidũre
ihñano, tũ dũcare macano
wahamedi. Dũca mariedari
tũ pehe. Pũri dihita ijiri. Tũ
sa ijigũ ihñano Jesu tũre ohõ
saha nidi:

—Ahdũ ne pari turi dũca
tisi, nidi tiquiuro.

Tiquiro sa nigũta duita tũ
pehe ñaia wahari. ²⁰ Tũ sa
wahagũ ihñana usã tiquiuro
buhena ihña maria wahũ.

—¿Yohou, dũhsero ahdũ
duita ñaia wahajari? ni
sinituu usã.

²¹ Jesu yũhtiri:

—Ahrire wacũña mũsa.
Cohãcjũre quehnoano wacũ
tutuaya. “Potota sa yerota
tiquiuro”, nina, ahdũre yũhũ

yeriro sahata ye masinata m̄sa ḡh̄u. Sa yena ah̄d̄re yuh̄u yaria dutiriro yuh̄d̄oro ye masinata m̄sa. Ah̄d̄u can̄re “Duha ne, pajiri map̄u coh̄ād̄u ijiahro”, m̄sa niḡū duha coh̄ād̄u ijirota. ²² Coh̄ācj̄ure m̄sa wacū tutuagū, “Yuh̄u sinidiro sahata waharota”, m̄sa ni wacūgū m̄sa sinidiro sahata waharota, nidi Jesu us̄are.

*Jesure dutiriquiroke sinitu-
ahye apequina*

(Mr 11.27-33; Lc 20.1-8)

²³ Sa ye Coh̄ācj̄u wuh̄up̄u tojoa sa, buheri tiquiro. Tiquiro sa buhegū pahia p̄h̄toa, mari judio masa bucuna mehna tiquiro cahap̄u wihi, sinituri:

—¿Dahsegu can̄u ñamicahare sa yeari m̄h̄u? ¿Noa mah̄ure tire sa ye dutiari? ni sinituri tiquina.

²⁴ Tiquina sa niḡū Jesu yuh̄tiri:

—M̄sa pehere sinitu mah̄taḡtja. Quehnoano yuh̄ure m̄sa queoro yuh̄tiḡū m̄sare yahutja yuh̄u ḡh̄u. ²⁵ ¿Ñu masare tiquiro wame yegū noa boro pehe tiquiroke wame ye dutiyari, m̄sa t̄hotugū? ¿O Coh̄ācj̄u dutierayari? ¿O masa pehe dutiyari, m̄sa t̄hotugū? ni sinituri Jesu tiquinare.

Tiquiro sa niḡū tiquina pehe tiquina basi oh̄o saha nidi:

—¿Dahse ni yuh̄tinatari mari? “Coh̄ācj̄u Ñure dutie tiahye”, mari niḡū, “¿Dahsena Ñu tiquiro dutiepeḡata t̄ho

duerari m̄sa?” niboaga Jesu marine. Sa yena “Coh̄ācj̄u Ñure dutie tiahye”, ni yuh̄ti masiedaja mari. ²⁶ Ahriquina masa pehe “Potota Ñu Coh̄ācj̄u yere yahu mah̄tariquiroke ijiri”, ni t̄hoturi tiquina. Sa ni t̄hotuye “Ñu tiquiro wame yegū Coh̄ācj̄u pehe tiquiroke dutierahye”, mari niḡū t̄hoye masa usueta mari mehna. Sa yena ti ḡh̄ure yahu masiedaja mari, nidi tiquina basi.

²⁷ Tiquina sa nidi bato Jesure yuh̄tiri tiquina.

—Ñure wame ye dutiriquiroke us̄a masiedaga, nidi tiquina.

Tiquina sa niḡū t̄horo oh̄o saha nidi Jesu:

—Ti pje p̄rita yuh̄u ḡh̄u m̄sa sinitu mah̄tarire yahueraja m̄sare. Yuh̄u yerire dutiriquiroke yahueraja m̄sare, nidi tiquiro tiquinare.

*P̄aro pac̄uro queoyere
yahuahye Jesu*

²⁸ Tiquiro sa nidi bato Jesu queoye mehna buhe nemori tiquinare:

—¿Ne, dahse t̄hotuajari m̄sa ahri queoyere? P̄aro pac̄uro ijiahye. Wahmino pehere oh̄o saha niahye tiquiro pac̄uro: “Mac̄u, wesep̄u dahraḡu wahaya”, niahye. ²⁹ “Wahaeraja”, ni yuh̄timahye tiquiro mac̄ano coā warore. Sa nieperota camep̄ure wesep̄u waha duaro ijiahye tiquiroke. Sa yero wahahye tiquiro.

30 Sa yero tiquina pacuro tiquiuro macano dñhsariquiuro cahapm esa, tiquiuro wahminore tiquiuro dutiriro sahata wesepm waha dutimahye. “Am”, nimahye dñhsariquiuro. Sa nieperota wahaerahye tiquiuro. 31 ¿Diquiro pehe tiquiuro pacuro dutiriro sahata yeari? ni sinituri Jesu.

—Tiquiro wahmino pehe yeahye, ni yuhtiri tiquina.

Tiquina sa nigū Jesu yahuri:

—Mñsare niita niaja. Wapa ne cohteyequina, amna mehna ñano yeducuye numia tiquina buipm waro mñsa pehe ña yuhdñana ijire. Sa ye Cohācjū puhtoro ijiropare mñsa esaboriroro tiquina pehe mñsare esa mñhtaboaga. 32 Ñu wame yeriquiro buhero mñsare “Quehnoano yeya”, ni yahumedi. Sa tiquiuro yahugū dñhsariquiuro pacurore tiquiuro yuhtierariro sahata tiquiore tñhoerari mñsa. Sa yena tiquiore yuhtierari. Wapa ne cohteyequina pehe, amna mehna ñano yeducuye numia gūhm tiquiore tñhori. Tiquina sa tñhogū ihñari mñsa. Mñsa sa ihñaeppenata tiquiore ne tñho duerari. Sa yena tñhoerari mñsa, nidi Jesu pahia puhtoare, mari judio masa bucna gūhure.

Ñañequina dahra cohteyequina queoyere yahuahye Jesu (Mr 12.1-12; Lc 20.9-19)

33 Sa ye Jesu pari turi queoye mehna ohō saha ni tiquinare buhe nemori:

—Apeye queoyere tñhoya mñsa. Dihta cñoriquiuro ijiahye. Tiquiro ya dihtapm uñse darire oteahye. Ote tuhasa, sahrñore ye tuhasa, uñsere tiquina cñhta mñtoati copere sehe, uñmñari wñhugā yeahye.

’Sa yero ti wesere apequinare ihcā pehe pahrē pahma cūahye. Sa yero ti wesere tiquinare ihña ihbo duti, ape yehpapm wahaah wahahye tiquiuro. 34 Sa ye uñse ñidi pje ijigū wese upuro tiquiuro cahacjēnare wesere ihña ihboyequina cahapm ohoahye. Wese cjē tiquiuro oteri dñcare tiquiuro ya pahrē cjē dñcare ne dutiro ohomahye. 35 Sa ye wesere ihña ihboyequina pehe tiquiuro cahacjēnare ñano yeahye. Ihcāquiore tutuaro quē, apequiore wejē, apequiore utā mehna doqueahye. 36 Came wese upuro pari turi tiquiuro cahacjēnare tiquiuro oho mñhtariquina yuhdño cjūno ijiri curuare ohomahye tja. Sa ye wesere ihña ihboyequina tiquina gūhure mñnanota yeahye tja.

37 ’Sa yero tiquiuro oho bato tiriquiuro tiquiuro macano ijiahye. “Yuhm macu pehere ño peota”, nino tiquiore ohomahye. 38 Tiquiro sa ni tñhotuepegūta wesere ihña ihboyequina tiquiuro macano ahtagū ihñañe, ohō saha niahye: “Wese upuro macano ijire ahriquiuro. Tiquiurore wejēihna mari. Sa yero ahri wese mari ya wese

tojoarota”, nimahye tiquina basi. ³⁹ Sa niñeta tiquiore ñehe, wese dāhtu cahapu ne cā, wejēahye tiquina tiquiore.

⁴⁰ ‘¿Ne, wese upuro ahtaro dāhse yerotari tiquiore wese ihña ihboyequinare? ni sinituri Jesu pahia pūhtoare, bācūna gūhure.

⁴¹ Tiquiore sa nigū tiquina yāhtiri:

—Tiquiore apequinare wesere ihña ihboat-iquinare camesarota iji māhtañequinare ña yūhdūayequinare wejēno taro. Tiquiore queoro dūcare tu watiquina pehere ihña ihbo dutirotā, ni yāhtiri tiquina.

⁴² Tiquina sa nigūta Jesu yahu nemori tiquinare:

—¿Cohācjū yere tiquina ojoari pūpū ahrire yāhure tiquiore ni ojoarire ne buherari māsa?

Ahriquiore Cristo utā yero saha ijire. Utāre wūhū dahreyequina tiquina cohāno saha masa tiquiore cohāeta. Tiquina sa yepegūta yojopure wūhū dahreyequina wūhure yeye tiquina cū māhtaria utāre tiquina cūno saha Cohācjū tiquiore pūhtoro sōri. Cohācjū pehe ahrire yeri. Tiquiore sa yegū ihñana, “Quehnoa yūhdūare”, ni, tūhotuaja mari, ni ojoahye panopū.

‘¿Tire ne buherari māsa? ⁴³ Mūsare niita niaja yūhū. Cohācjū tiquiore pūhtoro ijiro māsa ijiato ijiboaga. Tiquiore pūhtoro ijiore apequina pehere māsa ijiborirore ohorota Cohācjū. Apequina masa pehe tiquiore dutiro sahata yeeta. [

⁴⁴ Ijipihtiyequina tia utā bui doque queheyequinare mūta sitea wahaeta. Sa yero tia utā pehe masūno bui bora pjero mūtaa wahagū yerota tiquiore. Tiquiore pagū mananore daye manarigā wahagū yerota. (Sata yāhure ño peo dueyequina yūhū buhiri dahreatiquina ñano yūhdūeta,)] nidi Jesu pahia pūhtoare, mari acaye judio masa bācūna gūhure.

⁴⁵ Ti queoyere tiquiore nigū tūhoye, “Sohō tiquiore yahu māhtari queoye, wesere ihña ihboyequina queoye mehna marine nino niaga tiquiore”, ni tūhoturi tiquina. ⁴⁶ Sa ni tūhotuye, tiquiore ñehe duamedī. Masa pehe Jesure ño peo, “Cohācjū yere yahu māhtariquiore ijire tiquiore”, niñequina ijie tiri tiquina. Tire masiñe, pahia pūhtoā, bācūna mehna masare cūeye, Jesure ñehedari.

22

Pajiri bose deco cjē queoyere yahuahye Jesu (Lc 14.15-24)

¹ Sa ye pari turi queoye mehna tiquinare buhe dūcari Jesu.

² —Uhmūse cjāno pūhtoro ijiro ahri queoye yero saha

ijire. Ihcã yehpa cjëna pũhtoro ijiahye. Sa yero tiqiro macũno ya deco bosc deco yehye. Tiquiro omoca dũhteri bosc deco ijiahye. ³ Sa yero pũhtoro tiqiro cahacjënare bosc decore ihñañe ahtatiquinare piji dutiro ohomahye. Tiquina pehe ahta duerahye. ⁴ Sa yero apequinare piji dutiro ohomahye tja tiqiro cahacjënare. “Yũhũ pijioriquinare ohõ saha ni yahuya. ‘Mari ihyatire dahre tuhasari. Wecũare, wecũagã dihi tiyequinagã gãhũre wejẽ tuhasari. Sa yero ijipihtiro bosc deco cjẽ ijiatire quehno tuhasari. Sa yena bosc deco cjëne ihyana ahtaya’, ni yahuya tiquinare”, ni ohomahye pũhtoro tiqiro cahacjënare. ⁵ Tiquina sa yahuri bato tiqiro pijionohriquina sa tũhotu cãhye. Bosc decore ihñañe wahaerahye. Ihcãquiro tiqiro ya wesepũ wahaahye. Apequiro tiqiro dahrayere ihñano wahaahye. ⁶ Apequina pehe tiqiro cahacjënare ñehe, tiquinare ñano ye, wejẽ cãhye. ⁷ Tiquina sa yegũ tũhoro, pũhtoro pehe usuahye. Usua, tiquina sa wejẽdi buhiri buhiri dahre dutiro tiqiro surarare ohoahye. Sa ye surara tiquinare wejẽ peho, tiquina ya macare ujãa cãhye. ⁸ Tiquina sa yeri bato, pũhtoro tiqiro cahacjënare ohõ saha niahye: “Bosc deco cjẽ ijiatire quehno tuhasamedi.

Sa ijiepegũta yũhũ pijio mũhtariquina yũhũ bosc decore ihñaboriquina ijierare. Ñañequina ijiri tiquina. ⁹ Sa yena macare ijiye maharipũ dũhse ijiyequina mũsa boca sayequinare bosc decore ihñatiquinare pijiya”, niahye tiqiro cahacjënare. ¹⁰ Tiquiro sa nigũ tiqiro cahacjëna maharipũ waha, ijipihtiyequinare tiquina boca sayequinare, ñañequina, quehnoañequina gãhũre yahaahye. Tiquina sa pijiri bato esahye tiquina pari. Quehnoano ti bosc deco tiquina yeri tucũre masa waha yũhdũa wahaahye.

¹¹ ‘Topũ tiquina dujigũ pũhtoro pehe ihcãquirore omoca dũhteri deco cjã suhtirore sañeniquirore ihñahye. ¹² “¿Ne yũhũ acayũ, dũhse yegũ omoca dũhteri deco cjã suhtirore sañedapegũta sajã tari mũhũ?” ni sinituahye pũhtoro.

‘Tiquiro sa sinitugũ masũno pehe yũhtierahye. ¹³ Tiquiro sa yũhtieragũ ihñano tiqiro cahacjënare ohõ saha niahye: “Ahriquirore omocarine dũhteya. Tiquiro dahpocãri gãhũre dũhteya. Dũhte tuhasa ne wijia, sopecahapũ cohãña tiquirore nahitianopũ. Topũ tiqiro tutuaro uti, bujũa witiro mehna bahque dihorota”, niahye pũhtoro, ni yahuri Jesu.

¹⁴ Tiquiro sa nidi bato ohõ saha ni bato tiri tiqiro:

—Ahri queoye ijiro saha

Cohãcjũ peyequina masa tiqiro pijioriquina ijiepetameheñequinagã tiqiro mehna tojoaeta, ni yahu bato tiri Jesu.

Puhtoare ye wapare apequina sinituahye Jesure

(Mr 12.13-17; Lc 20.20-26)

¹⁵ Tiquiro sa nidi bato fariseo masa waha, tiqirore tiquina yahusãtire tiquina basi yahuducuahye. Tiquiro ñano yuhtigũ tuho duaye nimahye tiqirore yahusãñe tehe. ¹⁶ Sa yahuducuye

tiquina mehna cjẽnare, Herode ya curua cjẽna gũhare Jesure sinitu dutiye ohoahye. Tiquina pehe Jesu cahapũ wihi, tiqirore meje cũ sinitumedi:

—Buhegũ, poto yahuducugũ ni mehoñe mariegũ mũhũ ijigũ masiaja usã. Cohãcjũ yere queoro mũhũ yahugũ gũhare usã masiaja. Sa yegũ ihcãquiro puhtoro waro ijiepegũta tiqiro gũhare dóyaro marieno potota yahure mũhũ. ¹⁷ Sa yegũ usãre yahuya. ¿Roma cjãno ijipihtiequina puhtoro yere marine wapa yero cahmeajari, mũhũ tuhotugũ? ¿Mari dutiye wapa ye dutiajari, mũhũ tuhotugũ? ni sinitumedi tiquina Jesure.

¹⁸ Tiquina sa nigũ tuhoro tiqirore tiquina ñano ye duayere masino ohõ saha nidi:

—Masa ihñono dihita quehnoano iji mehona ijire mũsa. ¿Dũhsena yũhũ ñano yahuducugũ tuho duajari mũsa? ¹⁹ Yojopũre niñeru

cjoere puhtoare wapa yeati cjoere ne cãhtaya. Ti cjoere ihñauhna, nidi tiqiro.

Tiquiro sa nigũ tuhoye niñeru cjoere ne cãhtari tiquina.

²⁰ Sa yero tiqiro sinituri tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituri.

²¹ —César, masa ijipih-tiequina puhtoro queoye, tiqiro wame gũhũ wahñare, ni yuhtiri tiquina.

Tiquina sa nigũ tuhoro Jesu yahuri:

—Ti pje pũrita masa ijipihtiequina puhtoro yere tiqiro pehere ohoya. Cohãcjũ yere Cohãcjũ pehere ohoya, nidi Jesu.

²² Tiquiro sa nigũ tuhoye, tuho maria waha, wahaa wahari.

Saduceo masa Cohãcjũ tiqiro masoñene sinituahye Jesure

(Mr 12.18-27; Lc 20.27-40)

²³ Sa ye ti decota ihquẽquina saduceo masa Jesu cahapũ wihiri. Saduceo masa pehe “Cohãcjũ yariariquinare masosi”, ni tuhotuyequina ijiri. Sa ye ohõ saha nidi tiquina tiqirore:

²⁴ —Buhegũ, ohõ saha ni buheahye Moise: “Ihcãquiro wahmino namo tiriquiro pohna mariedaperota yariagũ ihñano tiqiro bahũrore tiqiro wahmino namono ijiricorore nũoano cahmene. Sa yero wahmino mũnana tiqiro pohna

tiboriro saha pohna tiro cahmene tiqiro baharore. Sa ye tiqiro pohne tiqiro wahmino manano pohne yero saha ijieta”, ni ojoahye Moise, nidi tiquina saduceo masa.

²⁵ Tire sa ni yahu tuhasa ahri queoyere yahu nemori tiquina Jesure:

—Ihcãquiro masano iji-ahye. Seis bahana tiahye tiqiro. Tiquina wahmino pehe namo ti, pohna mariediquiro yariaa wahahye. Sa yero apequiro tiqiro baharo gãhu tiqiro wahmino namono ijiricorore nũoahye. ²⁶ Sa

nũoari bato tiqiro wahmino yero sahata pohna mariedaperota yariaa wahahye tja. Sa yero ahriquiro baharo tiqiro wahmino manano yero sahata pohna mariedaperota yariaa wahahye. Sa dihita wahahye ihcãquiro pohne waro. Ne pohna mariedapeta yaria pihtia wahahye tiquina.

²⁷ Tiquina namono ijiricoro gãhu tiquina bato yariaa wahahye. ²⁸ ¿Cohãcjũ ijipih-
tiyequinare yariariquina manare tiqiro masogũ diquiro boro namono pehe ijiboagari ticoro? Tiquina ijipih-
tiyequina ticorore namo tiriquina mana ijiahye. ¿Sa yero diquiro namono pehe ijiboagari ticoro pototi? ni sinituri tiquina.

²⁹ Jesu yahtiri tiquinare:

—Cohãcjũ yere tiquina ojoari pũre, tiqiro masiñe gãhure ne masiedare masa.

Sa ye masa tãhotuye pehe ne poto ijierare. ³⁰ Yariariquina mana tiquina masa mujari bato tiquina angele yero saha ijire. Namu marieñequina, manũ marieñe numia ijire topũre. ³¹ Yariariquina mana tiquina masa wijiato pehere musare yahutja. ¿Cohãcjũ musare tiqiro nidire ne buherari masa? Ohõ saha niahye tiqiro. ³² “Yũhu Abrahã, Isaac, Jacob tiquina pũhto ijiaja’, nine Cohãcjũ”, ni ojoahye panopũre. Tiquina yariari bato “Tiquina pũhto ijiaja”, ni yahuahye Cohãcjũ. Sa nieperota yariariquina mana pũhtoro ijierare Cohãcjũ. “Tiquina pũhto ijiaja”, tiqiro niñe mehna catiyequina tiquina ijigũ masiaja mari. Tiquiro catiyequina pũhtoro ijire, ni yahuri Jesu tiquinare.

³³ Tiquiro sa ni buhegũ tãhoye peyequina masa tãho maria wahari.

Quehnoa yũhdũari du-tirore yahuahye Jesu (Mr 12.28-34)

³⁴ Sa ye saduceo masa Jesure tiquina yahti masiedagũ tãhoye, fariseo masa pehe tiqiro caharũ cahmecoari. ³⁵ Sa yero tiquina mehna cjãno marine judio masare buheriquiro pehe Jesu tiqiro ñano nigũ tãho duaro meje cũ sinitumedi tiqirore.

³⁶ —¿Buhegũ, Cohãcjũ ye du-tiro quehnoa yũhdũari du-tiro noho pehe ijiajari, manũ tãhotugũ? ni sinituri tiqiro.

³⁷ Jesu tiquirore yuhtiri:

—“Tutuaro musa jeripohna mehna, musa tutuaye mehna, quehnoano musa wacũñe mehna Cohãcjũre cahña”, nine Cohãcjũ. ³⁸ Ahri dutirota ijire quehnoa yuhduari dutiro apeye dutiye yuhduoro. ³⁹ Ahri dutiro bato apero dutiro quehnoa yuhduare: “Mũhũ basi mũhũ cahño saha mũhũ cahapũ ijyeyquina gãhũre cahña”, nine Cohãcjũ. ⁴⁰ Ahri pua dutirota apeye dutiye gãhũre masi pehogũ yere. Ahri pua dutirore yena, ijipihtiyey apeye dutiyere ye pehona niaja mari. Cohãcjũ yere yahu mũhtariquina panopũ tiquina ojoari gãhũre yena niaja mari, ni yahuri Jesu.

Cristo Davi mũnano pũhtoro ijire

(Mr 12.35-37; Lc 20.41-44)

⁴¹ Sa ye fariseo masa topũ cahmecoañequina tiquina ijigũ Jesu tiquinare sinituri:

⁴² —“Cristo Cohãcjũ tiquiro ohoatiquiro ijire”, nine musa. ¿Noa boro ijiajari tiquiro ñecano mũnano panopũ cjãno, musa tũhotugũ? nidi tiquiro.

—Cristo Davi mũnano panamino iji turiariquiro ijirota, ni yuhtiri tiquina.

Jesu yahuri:

⁴³ —¿Cristo Davi mũnano panamino iji turiariquiro tiquiro ijigũ dũhse yero Davi pehe pũhtoro tiyari Cristore? ¿Dũhse yero sa pũhtoro ti dutiyari Espiritu

Santo tiquirore? Ohõ saha niahye Davi:

⁴⁴ Cohãcjũ yũhũ pũhtoro ohõ saha nidi: “Ohõpũ yũhũ poto pehepũ dujiya. Sa yegũ mũhũre ihña tuhtiyeyquinare mũhũre yuhduũca basautja yũhũ”, nidi Cohãcjũ yũhũ pũhtoro, ni ojoahye Davi.

⁴⁵ Sa ni ojoarota Davi pũhtoro tiahye Cristore. ¿Davi Cristo ñecano iji turiariquiro ijiro dũhse yero tiquiro pũhtoro tiyari Cristore? Cristo Davi pũhtoro ijire, ni yahuri Jesu.

⁴⁶ Tiquiro sa ni yahugũ tiquina tiquirore ne yuhti masiedari. Sa ye to punota sinitu duhu cãri tiquina tiquirore. Sa ye cueye, pari turi sinituerari tiquirore.

23

Judio masare buheyequina, fariseo masa gãhũ tiquina ñano yeyere yahuahye Jesu

(Mr 12.38-40; Lc 11.37-54; 20.45-47)

¹ Sa ye peyeyquina masare, usã gãhũre Jesu yahuri tja.

² —Marine judio masare buheyequina fariseo masa gãhũ Cohãcjũ dutiye Moisere tiquiro cũrire yahueyeyquina ijire tiquina. ³ Tiquina sa yahueyeyquina ijigũ mũsare tiquina yahuriro sahata tire ye pehoya musa. Sa yepenata tiquinare ihña cũedacãhña musa. Tiquina buheriro sahata yerare tiquina. ⁴ Masare peye dutire tiquina. Sa

dutiepeta tiquina dutiro saha masa yeragū ihñañe tiquinare yedohoerare. ⁵ Masa tiquina ihñoño dihita quehnoano ye ihñomene tiquina. Cohācjū yere tiquina ojoari pūre tiquina duhu sāñe acarigāre, bujū cjūñe acarigāre tiquina wūhdoā bui duhte yori, masare ihña dutiye. Tiquina omocari gūhure duhte yori. Sa ye tiquina suhti tu pjeri da bui tiquina ohōri da ehśa yūhdūari da ijire. Cohācjūre tiquina ño peorire masa pehere ye ihñoñe nimene tiquina. Ti queoro ijierare tiquina sa ye ihñoñe. ⁶ Sa ye bose decori ijigū pūhtoā tiquina dujiyepū duji duare. Sa ye judio masa mari buheye wūhūsepū gūhure quehnoañe dujiye pahtari dihitare cahmene tiquina. ⁷ Sa ye doeri cjē duaropū apequina pūhtoare quehnoano ño peo tiquina sinino saha tiquina piti cagū cahmene tiquina. Tiquinare “Buhegū”, masa tiquina ni pisugū cahmene.

⁸ Apequina mūsare pisuye “Buhegū”, niedacāhdo. Mūśa ijipihtina ihcāno saha ijina nine. Sa yegū mūsare buhegū ihcāta ijiaja. ⁹ Sa yena ahri yehpa cjēnare “Mari pacū”, nina tiquinare ño peona niaga. Ne sa niedacāhña. Ūhmūśe cjāno dihita mari Pacū ijire. Tiqiro dihitare ño peoro cahmene marine. ¹⁰ Sa yena masūnore “Pūhto”, niedacāhña. Mūśa pūhto yūhū Cristo pehe ihcāta

ijiaja. ¹¹ Cahācjūno yero saha mūsare yedohoriquiro tiqiro ijire mūśa pūhtoro ijiatiquiro. ¹² Ihcāquiro pūhtoro iji duaro tiqirore ihyo ijiriquiro yero saha ijiro cahmene. Sa yero “Ihyo ijigū ijiaja yūhū”, ni tūhoturiquiro pehe pūhtoro ijirota, ni yahuri Jesu.

Judio masare buheye-quina, fariseo masa mehna tiquina ni mehoñene yahuahye Jesu

¹³ Tiqiro sa nidi bato tiquinare yahu nemori:

—Mūśa judio masare buhena, fariseo masa gūhū ñano yūhdūnata. Masa ihñoño dihita quehnoano iji mehona ijire mūśa. Sijoro saha mūśa buhegū tūhoye masa pehe Cohācjū pūhtoro ijiropūre wahasi. Mūśa gūhū topūre wahasi. Sa yena topūre waha duayequinare cahmotare mūśa.

[¹⁴ ‘Mūśa judio masare buhena, fariseo masa gūhū ñano yūhdūnata. Masa ihñoño dihita quehnoano iji mehona ijire mūśa. Wape wiha numia ye wūhūserē tiquina cūoye gūhūre ehmare mūśa tiquina numiare. Sa yena yoari pje masa ihñonopū Cohācjūre sini ihñomene mūśa masare. Mūśa sa yeri buhiri peyequina yūhdūoro Cohācjū buhiri dahrerota mūsare.]

¹⁵ ‘Mūśa judio masare buhena, fariseo masa gūhū ñano yūhdūnata. Masa ihñoño dihita quehnoano iji mehona ijire mūśa. Pajiri mapū pehā, yoaro cjē yehparipū

wahare m̄sa, m̄sa dutiyere yeatiquirote macana tana. M̄sa dutiyere yeatiquirote boca, tiquirote buhere. M̄sa sa yegū tiquiro pehe m̄sa yuhd̄oro pecar̄m̄ waha-tiquiro ijirota.

16 'M̄sa ñano yuhd̄nata. Caperi bajueyequina tiquina ihña masieno saha masiena ijire m̄sa. Sa ijiepenata apequnare buhemene m̄sa. Ohō saha ni buhemene m̄sa: “ ‘Cohācjū wuh̄m̄ mehna yuh̄m̄ nino sahata yeitja’, nidiquiro, tiquiro nidiro sahata yerapegūta quehnoanota”, ni buhemene m̄sa. “ ‘Cohācjū ya wuh̄m̄ cjē uru mehna yuh̄m̄ nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni ti gūhare buhemene m̄sa.

17 Caperi bajueyequina tiquina ihña masieno saha masiena ijire m̄sa. Tūho masiena ijire. ¿Dise boro pehere ño peoro cahmeajari? Urure ño peorero cahmene. Cohācjū pehe ti uru ti wuh̄m̄p̄m̄ ijigū quehnoañe ijigū yere tire. Sa yena ti wuh̄m̄ pehere ño peoro cahmene m̄sare. Sa ye m̄sa buheye pehe queoro ijierare. 18 Ahri gūhare buhemene m̄sa: “ ‘Cohācjū wuh̄m̄ cjā altar mehna yuh̄m̄ nino sahata yeitja’, nidiquiro tiquiro nidiro sahata yeragū quehnoanota”, ni buhemene m̄sa. “ ‘Ti altar bui ijiye mehna Cohācjūre tiquina ohori mehna yuh̄m̄ nino sahata yeitja’, nidiquiro tiquiro pehere tiquiro nidiro sahata

ye sohtori tiro cahmene”, ni buhemene m̄sa. 19 Caperi bajueyequina tiquina ihña masieno saha masiena ijire m̄sa. ¿Dise boro pehe ti waro ijiajari, m̄sa tūhotugū? Cohācjūre mas̄no tiquiro ohori ti waro ijiera cjūre. Ti altar bui Cohācjūre tiquiro ohogū, quehnoañe wahare ti altar bui ijiye. Sa yero ti altar pehe ihyo ijiri altar ijierare. Cohācjūre tiquina ohori bui cjūnogā quehnoari altar ijire. 20 Sa yero “Cohācjū wuh̄m̄ cjā altar mehna yuh̄m̄ nino sahata yeitja”, ihcāquiro nino, ti altar bui cjē tiquiro ohori mehna sa nino niaga. Sa ye m̄sa buheye pehe queoro ijierare. 21 Sa yero “Cohācjū wuh̄m̄ mehna yuh̄m̄ nino sahata yeitja”, ihcāquiro nino, potota Cohācjū mehnata sa ninota niaga. Cohācjū ti wuh̄m̄ cjūno ijire. 22 Sa yero “‘Uhm̄se mehna yuh̄m̄ nino sahata yeitja’, ihcāquiro nino, Cohācjū ijirop̄m̄ mehnata sa nino niaga. Sa yero Cohācjū mehnata sa nino niaga. Tiquiro pehe to cjūno ijire. Sa ye m̄sa buheye pehe queoro ijierare.

23 'M̄sa judio masare buhena, fariseo masa gūhare ñano yuhd̄nata. Masa ihñono dihita quehnoano iji mehona ijire m̄sa. Moa yero saha ijiyere ihyayere ocagū yeyere c̄ona mehenogā ohomene m̄sa. Cohācjūre ño peona tana pahiare ohomene m̄sa. Mehenogā ohomene m̄sa. Menta, anís,

comino wame tiye ocagũ yeyere ohomene m̄sa. Sa ohoopenata quehnoañene yerare m̄sa. Sa yena masare paja ihñedare m̄sa. Sa yena Cohãcjũre wacũ tutuerare m̄sa. Oteye ducare m̄sa nedire mehenogã pahiare m̄sa ohogũ quehnoare. Sa ohona ohõ saha ye nemoña: Quehnoañene yeya. Sa yena paja ihñaña masare. Sa yena Cohãcjũre wacũ tutuaya. ²⁴ Caperi bajueyequina tiquina ihña masieno saha masiena ijire m̄sa. Ohõ saha yere m̄sa: M̄sa ye dutiyere ye dutina, ihyo ijiyegã warore dutiyere yere m̄sa. Sa yepenata Cohãcjũ pototi tiquiro dutiye warore yerare m̄sa.

²⁵ 'M̄sa judio masare buhena, fariseo masa gũhũ ñano yũhdunata m̄sa. Masa ihñono dihita quehnoano iji mehona ijire m̄sa. M̄sa waparire, m̄sa sihniñe wajarire bui m̄sa cosero saha quehnoañene ye ihñore m̄sa buigã warona. Sa yepenata Cohãcjũ yere queoro yerare m̄sa. Apequina yere ehmana, m̄sa basi dihita bujnyere ne duana ijire m̄sa. Sa dihita tũhoture m̄sa. ²⁶ Caperi bajueyequina tiquina ihña masieno saha masiena ijire m̄sa fariseo masa. M̄sa jeripohnarine comesaya m̄sa. Quehnoañe pehere yeya. M̄sa sa yena masa tiquina ihñonopũ quehnoana ijinata m̄sa.

²⁷ 'M̄sa judio masare buhena, fariseo masa gũhũ

ñano yũhdunata. Masa ihñono dihita quehnoano iji mehona ijire m̄sa. Masa cope, yehseye mehna tiquina wisõri cope yero saha ijire m̄sa. Masa ti coperere tiquina ihñagũ quehnoari cope bajure. Sa bajuepegũta, puhiapũ ahbariquirore, tiquiro cohãrine, ñañene ihñedare tiquina. ²⁸ Sata m̄sa gũhũ masa ihñonopũ quehnoañequina yero saha bajumene m̄sa. Sa quehnoañequina yero saha bajuna m̄sa ijipegũta m̄sa tũhotuyepũ ñañe, ni mehoñe iji yũhdũare ahbaye yero saha, ni yahuri Jesu.

Judio masare buhenequina, fariseo masa gũhũre tiquiro buhiri dahreatire yahuahye Jesu

²⁹ Sa ni tuhasa ohõ saha ni yahu nemori tiquinare:

—M̄sa judio masare buhena, fariseo masa gũhũ ñano yũhdunata. Masa ihñono dihita quehnoano iji mehona ijire m̄sa. Cohãcjũ yere yahu mũhtañequina panopũ cjẽna tiquina masa coperire quehnoano quehnomene m̄sa, tiquinare ño pero saha yena. Sa yena quehnoano yeyequina m̄na tiquina queoyere m̄sa yeri queoyere quehnoano quehnomene m̄sa. ³⁰ Sa yena ohõ saha niducumene m̄sa: “Panopũre usã ñecusum̄na iji turiayequina m̄na tiquina yeriro saha usã pehe yeraboaga. Ti pjerũ ijiyequinare Cohãcjũ yere yahu mũhtariquinare

usã wejêdaboaga”, niducumene mûsa. ³¹ Sa nina mûsa ñecusumûa iji turiayequina Cohâcjû yere yahu mûhtariquinare wejêdiquina mûna tiquina yerire ihñona nine. Tiquinare wejêdiquina mûna tiquina panamena iji turiana mûsa ijiye gûhure ihñona nine mûsa. ³² Mûsa ñecusumûa iji turiayequina mûna tiquina yeriro sahata ye sohtori ticûnahña.

³³ 'Añaa yero saha ña yuhûana ijire mûsa. Mûsa ñañe yerire bujua witi duerana Cohâcjû mûsa ñañe buhirire pecapû mûsare tiquiropo cohâto pano duhti masiedare mûsa. ³⁴ Sa yegû mûsare niita niaja. Cohâcjû yere yahu mûhtariquinare, apequina quehnoano masiñequinare, apequina mûsare buheatiquinare mûsa cahapû ohoutja. Yuhû sa ohogû mûsa pehe ihquêquina tiquinare wejênata. Apequinare curusapû quê bihanata. Apequinare mûsa buheye wuhûsepe tananata. Sa yena macaripepe tiquinare ñano yena, oma nunû tånata mûsa. ³⁵ Mûsa sa yena ijipihtiequina ñañe marieñequinare mûsa wejêdi buhiri buhiri tinata. Abe mûnanore Cañ wejêdi buhiri ijipihntina mûsa gûhû buhiri tinata. Ijipihtiequina tiquiropo bato ijiyequinare quehnoañequinare tiquina wejêdi buhiri gûhure buhiri tinata mûsa gûhû. Sa yena Cohâcjû wuhû cahapû wahiquinare mûsa

ohori altar cahapû Zacariare wejêahye mûsa. Tiquiropo pehe Berequia macûno ijiahye. Sa yena tiquiropo gûhure mûsa wejêdi buhiri buhiri tinata mûsa. ³⁶ Ijirota mûsare yahugata niaja. Tiquina ijipihtiequinare tiquina wejêdi buhiri yojopû cjêna gûhû buhiri tieta, ni yahuri Jesu.

Jerusalê cjênare tutuaro cahîahye Jesu
(Lc 13.34-35)

³⁷ Sa ni tuhasa ohõ saha ni nemori:

—Ahyou, Jerusalê cjâna, Cohâcjû yere yahu mûhtariquinare wejêdina ijire mûsa. Mûsa acaye panopû cjêna gûhû sata yeyequina mûna ijiahye. Sa yena mûsa cahapû tiquiropo ohoriquinare utã paca mehna doque wejêdina ijire mûsa. Canaca ticoro pohnene ticoro wûye dûpûri mehna ticoro moha cuñano saha peye tahari cahîducumî mûsare. Mûsare cahmemî. Mûsa pehe yuhûre ne cahmedari. ³⁸ Yojopû mûsa ya maca cohõri maca ijirota. ³⁹ Ijirota mûsare niita niaja. Camerû ahtahtja yuhû. Sa yuhû ahtagû ihñana mûsa yuhûre “Cohâcjû tutuaye mehna ahtariquiropo quehnoahdo”, ninata. Yuhûre mûsa tire niato pano yuhû tojoa tato pano pari turi yuhûre ihñasi mûsa, nidi Jesu tiquinare.

24

—Cohâcjû wuhû cohâri

wahū ijirota, niahye Jesu
(Mr 13.1-2; Lc 21.5-6)

¹ Sa ye Cohācjū wahapū
ijiriquiro Jesu tiquiro wijia
wihigū usā tiquiro buhena ti
wahūre ti wahū cahapū ijiye
wahūse gūhūre ihñana,

—Quehnoa yūhdūye
wahūse ijicjoare. Ihñaña
mahū gūhū, nii usā tiquirore.

² Jesu yūhtiri:

—Ahri wahūsere yojopūre
ihñamene mūsa. Mūsare
yahugūta niaja. Ahri
wahūsere ijipihtiye mūsa
ihñari, ahri wahūse cjē utā
paca gūhūre cohā pehoeta.
Ne ihcāria utā tojoasi, nidi
tiquiro usāre.

*Pihtiri deco ijiatire
yahuahye Jesu*

(Mr 13.3-23; Lc 21.7-24;
17.22-24)

³ Came Olivo wame tidū
canpū esa, topū dujiri Jesu.
Topū dujigū usā tiquiro
buhena usā sehšaro tiquiro
cahapū esan.

—Yahuya usāre. ¿Dūhse
ijigū sa waharotari mahū ni-
diro saha waharo? ¿Ahri yeh-
papū mahū tojoa tati deco, pi-
htiati deco panogā ijigū dūhse
ti waha dūcagū ihñanatarī usā?
ni sinituu usā.

⁴ Jesu yūhtiri:

—Quehnoano yeya mūsa.
Sa yena mūsare ape-
quina tiquina ni mehoñene
tūhoeracāhña. ⁵ Peyequina
masa “Cristo ijiaja yūhū”,
ni mehoñequina ahtaeta.
Tiquina sa ni mehogū tūhoye
peyequina masa Cohācjū
yere duhueta. ⁶ Mūsa
cahagāpū masa apequina

tiquina cahme wejēgū
tūhonata mūsa. Sa yena
yoaropū gūhūre tiquina
cahme wejēgū tūhoonata
mūsa. Sa tūhooopenata ne
tire pajiro wacūedacāhña. Sa
waharota. Tiquina sa yegū
pihtiati deco dūhsarīnota.

⁷ Ti pjere ihcā yehpa cjēna
ape yehpa cjēna mehna
cahme wejēeta. Sa ye
ihcāquiro pūhtoro yequina
apequiro pūhtoro yequina
mehna cahme wejēeta. Sa
ye peyequina masa yūhū
mehna yarieta. Sa yero peye
yehparipū yehpa űhūminota.
⁸ Sa wahagū ahri yehpa
cjēnare tiquina űano yūhdū
nemoato dūhsarota ti pjere.
űano yūhdū nemoeta.

⁹ Ti pjere apequina
mūsare űehe, űano ye dutiye
ohoeta mūsare apequina
pūhtoapūre. Tiquina sa
ohogū mūsare wejēeta. Yee-
quina mūsa ijiri buhiri
ijipihtiyequina mūsare ihña
tuhtieta. ¹⁰ Ti pjere peye-
quina yeequina ijimediquina
yūhūre cohāeta. Sa ye
tiquina mehna cjēnare
tiquina ihña tuhtieta. Sa
ye tiquina mehna cjēna
tiquina ijiepegūta tiquinare
űano yeatiquinare ohoeta
tiquina. ¹¹ Ti pjere peyequina
“Cohācjū yere yahu māhtana
ijiaja”, ni mehoñequina
ijieta. Sa ye peyequina
masa tiquina ni mehoñene
tūhoeta. ¹² Ti pjere űa
yūhdūaro yeeta masa. Sa ye
tiquina mehna cjēnare cahī
nemosi. ¹³ Sa yena mūsa

tutuana ijina, ahri yehpapu masa catinino puno ihcãno sahana, yãhdɛnata masa. ¹⁴ Sa yero ahri quehnoañe buheye ijipihtiropu ahri yehpare tiquina yahuri buheye ijirota. Cohãcjũ pãhtoro ijiyere yahuri buheye tiquina yahu siteri buheye ijirota, ijipihtiequina ti buheyere tiquina masiato saha. Tiquina sa yahuri bato pihtiri deco dɛcarota.

¹⁵ 'Cohãcjũ yere yahu mãhtariquiro Daniel mãnãno panopu cãno ña yãhdɛariquirore Cohãcjũ yere ñano yeriquirore yahue tiahye panopure. Ti pjere tiquiro ñariquiro pehe Cohãcjũ ya wãhpũ tiquiro ducugũ ihñanata masa. Ahri yãhũ nidire quehnoano masiña masa. ¹⁶ Topu tiquiro ducugũ ihñañe, Judea yehpapu ijiequina pehe cãnu cahapu oma duhtiahro. ¹⁷ Sojaro mehna oma duhtiahro. Ti pjere tiquina wãhũseri bui cã paaripu ijiequina wãhũ puhãpu ijiyere tiquina yere neñe wahaeracãhdo tiquina mãñãno waharo. ¹⁸ Sa ye ti pjere apequina weseripu ijiequina tiquina bui cã suhti wãhpũ ijie suhtire neñe wahaeracãhdo tiquina mãñãno waharo. ¹⁹ Ti pjere niji pacosãnumia, tiquina pohnene apũoñe numia gãhũ pejesoro wahaeta. ²⁰ Sa yena Cohãcjũre ohõ saha ni siniña: "Pohecũ ijigũ judio masa usã soye decori ijigũ gãhũre usã oma duhtiati deco ijieracãhdo", ni siniña masa

Cohãcjũre. ²¹ Ti decorire masa ña yãhdɛaro wahaeta. Ahri yehpare tiquiro bajumehnedi bato masa ñano yãhdɛe tiahye. Tiquina sa yãhdɛepegũta ijipihtieye ti puriñe yãhdɛoro pihtiri deco panogã ña yãhdɛaro yãhdɛeta masa. Sa ñano tiquina yãhdɛri bato pari turi sata ñano yãhdɛsi ahri yehpapu. ²² Cohãcjũ ti decorire meheñe decorigã ijigũ yerota. Tiquiro sa yeragũ ne ihcãquiro masano yãhdɛeraboaga. Sa yero tiquiro beseriquina tiquina yãhdɛatire meheñe decorigã cũnota Cohãcjũ.

²³ Ti pjere apequina mãsare "Ihñaña. Ohõpu ijire Cristo", tiquina nigũ tiquinare tãhoeracãhña. "Topu ijire Cristo", tiquina nigũ tiquinare tãhoeracãhña. ²⁴ "Cristo ijiaja", ni mehoñequina, "Cohãcjũ yere yahu mãhtarina ijiaja", ni mehoñequina ijietã ti pjere. Sa ye Cohãcjũ tiquiro beseriquinare ni mehoñe, tiquina bajumehneñene ye ihñoeta. Cohãcjũ yequinare Cohãcjũre tiquina cohãgũ ye duare tiquina ni mehoñequina. ²⁵ Ahri ijipihtiyere yahuyujaja mãsare ti sa wahato pano. Sa yena tãhoya masa. ²⁶ Apequina masa mãsare "Ihñaña. Masa marienopu ijire Cristo", tiquina nigũ topure ihñana wahaeracãhña. Sa yena "Ohõpu ahri tucũripu ijire tiquiro", tiquina nigũ tiquinare tãhoeracãhña. ²⁷ Yãhũ mãsũ Cohãcjũ ohorigũ

wacũeno mehna tojoa tautja. Ʋpo miadoqueoro Ʋhmũsere asũ mũja taropũ, asũ sajànopũ wacũeno mehna ti miadoqueoro saha wacũeno mehna tojoa tautja yũhũ. ²⁸ Masa tiquina ñaÑe yeducuriropũ topũ Cohãcjũ tiquina ñaÑe buhiri buhiri dahrerota tiquinare, ni yahuri Jesu.

Cristo ahriyehpapũ tiquiro tojoa tatire yahuahye tiquiro
(Mr 13.24-37; Lc 21.25-33; 17.26-30, 34-36)

²⁹ Sa ye tiquinare yahu nemori:

—Ti ñano yũhdũye decori bato asũ deco cjãno, ñami cjãno gũhũ buhrio duhueta. Tiquina sa wahagũ ñahpicoha paca Ʋhmũsepũ ijiye paca bora dijia taeta. Sa ye Ʋhmũse cjẽ yehpari, ñahpicoha gũhũ ti sa wahaducurore came-saeta. Sa ye ñuhmieta. ³⁰ Ti pjeta yũhũ masũ Cohãcjũ ohorigũ Ʋhmũsepũ yũhũ bajumehnenore yũhũ ihñogũ ihñaeta masa. Sa ye ijipihtiye cururi cjẽna utieta. Sa yegũ yũhũ tutuaye mehna, yũhũ asi siteye mehna Ʋhmũano cjẽ ehmeo cururi bui ahri yehpapũre yũhũ tojoa tagũ ihñaeta tiquina. ³¹ Corneta bisirota. Sa yegũ yeequina angelere ijipihtiropũ ahri yehpapũ ohoutja yũhũ. Sa ye ijipihtiropũ yeequina yũhũ beseriquinare tiquina neeta.

³² 'Yojopũre higuerağure tũhotuya mũsa. Tũ queoye mehna mũsare buheitja. Tũ yucũğũ pũri tigũ ihñana, cahma mehenogã dahsagũ masine mũsa. ³³ Sata ahri

ijipihtiye yũhũ nidire ti sa wahagũ ihñana, yũhũ tojoa tato mehenogã ti dahsagũ masinata mũsa. ³⁴ Ijirota niita niaja mũsare. Ti pje cjẽna tiquina yariato pano ijipihtiye yũhũ nidiro sahata sa waharota. Ʋhmũse, ahri yehpa gũhũ pihtia waharota. ³⁵ Yũhũ yahuducuye pehe ne comesasi. Ijipihtiye yũhũ nidiro sahata sa waha sohtori tirota.

³⁶ 'Ti decore yũhũ tojoa tati decore, ti hora gũhũre masiedaja yũhũ. Angele gũhũ tire masiedare. Masa gũhũ masiedare. Yũhũ Pacũ dihita tire masine.

³⁷ 'Noé tiquiro ijiri pje cjẽna tiquina ijiriro sahata ahri yehpapũ yũhũ tojoa tato panogãre sata ijietta masa.

³⁸ Yehpa miniato pano masa ihya, sihni, yeahye. Sa yeye Ʋmũa, numia mehna omoca dahteahye. Noé gũhũ yucũsapũ tiquina sajàto pano sa yee timahye masa.

³⁹ Duita tutuaro acoro ahta, wacũeno mehna yehpa minia wahahye. Masa gũhũ mini pihtia wahahye. Wacũeno mehna tiquina minidiro saha yũhũ masũ Cohãcjũ ohorigũ ahri yehpapũre wacũeno mehna tojoa tautja.

⁴⁰ Ti pjere wesepũ pũaro dahrayequina ijigũ ihcãquiro yũhũre cahmediquirore neitja. Sa yero yũhũre cahmeediquiro topũ tojoarota.

⁴¹ Ti pjere pũaro numia ihcãnopũ tiquina trigore ña mutoñequina numia ijigũ ihcãcoro yũhũre cahmedi-

corore neitja. Sa yero yuhare cahmedicoro topata tojoarota.

⁴² 'Quehnoano wacū masi cohteya. Yuh m̄sa p̄hto, yuh tojoa tati decore ne masiedare m̄sa. ⁴³ Ahrire wacūña. Yaqueriquiro wuhap̄u tiquiro sajã yaqueato panore wuh up̄ro masino, ti ñami tiquiro cariedaboaga, yaqueriquirore cohtero. Sa yero yaqueriquirore tiquiro ya wuhap̄u sajã dutieraboaga. Yaqueriquiro tiquiro wacūeno mehna tiquiro ahtariro saha wacūeno mehna ahtaŋtja yuh. ⁴⁴ Sa yena yeere sa yeducuna yuhare cohteya. Yuh masu Cohãcjũ ohorigu ahri yehpap̄u tojoa tagu wacūeno mehna ahtaŋtja, nidi Jesu.

Apequiro dahra cohteriquiro tiquiro p̄htorore ño peo, apequiro ño peoerare (Lc 12.41-48)

⁴⁵ Sa ye Jesu queoye mehna ohõ saha ni buhe nemori tja:

—Dahra cohteriquiro tiquiro p̄htorore ño p̄oriquiro taño masiniquiro ijire. Tiquiro sa ijigũ ihñano apequina dahra cohteyequina bui cũre tiquirore tiquiro p̄htoro pehe waharo taro. Sa tiquirore cū tuhasa wahaahare p̄htoro. Sa yero ihyari pje ijigũ dahra cohteriquiro apequinare ihyayere itire. ⁴⁶ Came p̄htoro tiquiro ya wuhap̄u tojoa wihire. Tiquiro tojoa wihigũ ihñano dahra

cohteriquiro pehe tiquiro p̄htoro dutiro sahata ye pehoriquiro ijiro, bucueriquiro ijirota. ⁴⁷ Ijirota masare niita niaja. Tiquiro sa yegũ ihñano tiquiro p̄htoro ijipihtiye tiquiro yere ihña ihboriquiro cūnota tiquirore. ⁴⁸ Sa yepegũta ñariquiro dahra cohteriquiro pehe “Yuh p̄htoro bajuerare”, nino, ⁴⁹ apequina dahra cohteyequinare quẽpe, pajiro ihya, sihni, queheyequina mehna queherota. ⁵⁰ Came tiquiro p̄htoro wacūeno mehna tojoa tarota. Ti deco, ti hora gũhare ne masiedare dahra cohteriquiro. ⁵¹ P̄htoro pehe tojoa taro ñariquiro tiquiro ñano yerire taño, tiquirore tutuaro buhiri dahrerota. Sa yero ni mehoñequina tiquina waharop̄u cohãnota tiquirore. Top̄re tiquiro tutuaro uti, bujma witiro mehna bahque dihorota, ni yahuri Jesu.

25

Pua omope nuhmia queoye mehna buheahye Jesu

¹ Sa ye Jesu pari turi queoye mehna ohõ saha ni buhe nemori tja:

—Uhmuse cjãno p̄htoro tiquiro ijiye ahri queoye yero saha ijire: Pua omope nuhmia ijiahye. Ihcã ñami tiquina sihõñe paca mehna omoca d̄hteatiquirore piti caye wahahye. ² Tiquina mehna ihcã omope numia taño masieñequina numia ijiahye. Apequina numia

pehe ihcã omope numia tãho masiñequina numia ijiahye. ³ Tãho masiñequina numia pehe tiquina sihõñe pacare, pose tiye pacare nemahye. Apee pacare ùhse pose tiye pacare ti pihtigã tiquina pioborire nedahye. ⁴ Tãho masiñequina numia pehe tiquina sihõñe paca ùhse pose tiye pacare neahye. Apee paca tiquina pioati paca gãhure neahye. ⁵ Sa ye omoca dũhteatiquiuro tiquiuro bajueragã tiquina numiare wũjũ purĩgũ carĩa wahahye. ⁶ Sa yero ñami decopũ sañuducugũ tũhoahye. “Tũhoya. Omoca dũhteatiquiuro ahtaro ca tare. Tiquiore piti cana ahtaya”, ni sañuducugũ tũhoahye. ⁷ Tiquiuro sa nigũ tũhoye numia wahcã, tiquina ye sihõñe pacare quehnoahye. ⁸ Sa ye tũho masiñequina numia pehe apee numia tũho masiñequina numiare ohõ saha niahye: “Usã sihõñe paca yatiro nine. Sa yena mehenogã mũsa ye ùhsere ohoya usãre”, ni sinimahye tiquina numia. ⁹ Tiquina sa siniepegũta tũho masiñequina numia ohõ saha yũhtiahye: “Usã ye ùhse mari ijipihinare esa tuhaeraboaga. Sa yena ùhse cũoyequinare mũsa basi dúna wahaya”, ni yũhtiahye tũho masiñequina numia pehe. ¹⁰ Sa ye tũho masiñequina numia dúye wahahye. Tiquina sa wahari bato omoca dũhteatiquiuro wihiahye. Tiquiuro wihigũ

ihña tiquina yere quehno tuhasariquina numia tãho masiñequina numia tiquiore piti cahye. Piti ca bose deco omoca dũhteri decopũ tiquiuro mehna ihñañe wahahye. Sa ye bose decore tiquina yeri wũhũpũ apeqũna mehna numia tiquina sajãri bato, sopecahare biha cãhye. ¹¹ Camepũ tũho masiñequina numia pehe wihimahye. “Pũhto, usãre pũohña”, nimahye tiquina numia. ¹² “Ijirota mũsare nita niaja. Mũsare masiedaja yũhũ”, niahye tiquiuro tiquina numiare.

¹³ Sa yena tũho masiñequina numia tiquina yere quehnoano quehno tuhasa, tiquina cohteriro saha quehnoana, ñañe mariena iji, cohteya mũsa gãhũ. Yũhũ tojoa tati decore ti hora gãhure ne masiedare mũsa, ni yahuri Jesu.

Niñeru cjoeri uru cjoeri queoyere yahuahye Jesu

¹⁴ Sa ni yahu tuhasa queoye mehna ohõ saha ni buhe nemori tja:

—Ti pjere yũhũ tojoa tati pje ahri queoye yero saha ijirota. Wũhũ upãro ijiahye. Tiquiuro ape siepũ tinino waharo taro, tiquiore dahra cohteyequinare pijioahye. Sa yero tiquinare tiquiuro yere cohte dutiahye.

¹⁵ Sa cohte dutiro tiquina ihbo masino puno tiquinare niñeru cjoerire ohoahye. Ihcãquiore ihcã omope cjoeri

wapa bujaye cjoerire uru cjoerire ohoahye. Apequirore pua cjoer ohoahye. Apequirore ihcã cjoer ohoahye. Tiquinare oho tuhasa, wahaah wahahye. ¹⁶ Sa ye ihcã omope cjoeri tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dúrire apequinare duahye. Tiquiro duari wapa pua omope cjoeri wapa yeahye tiquirore. Sa yero pua omope cjoeri cuoahye. ¹⁷ Sa yero pua cjoer tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dúrire apequinare duahye. Tiquiro duari wapa pititia cjoer wapa yeahye tiquirore. Sa yero pititia cjoer cuoahye. ¹⁸ Ihcã cjoere tiquiro ohoriquiro pehe cope sehe, ti cjoere yahye, ti copere nuono.

¹⁹ 'Came yoari bato tiquina puhtoro wihahye. Sa wihiro tiquiro niñeru cjoeri mehna tiquina ñehe nemore queoro ahtaro tiquirore dahra cohteyequinare pijioahye. ²⁰ Sa yero ihcã omope cjoeri tiquiro ohoriquiro puhtoro cahapu esa, pua omope cjoeri wiahye tiquirore. "Ihcã omope cjoeri yuhare ohori mahu. Ihñaña. Ti cjoeri mehna apee cjoerire ñehe nemou", niahye tiquirore. ²¹ "Quehnoano yeaya mahu. Mahu quehnoagu, yahu dutiriro saha yerigu ijire. Mehenogãre quehnoano yeaya mahu. Sa yegu

yojopare mahare pajiro mahu dahratire cõtja. Sa yegu yahu mehna bucueya mahu", niahye tiquiro puhtoro. ²² Sa yero pua cjoere ñehediquiro puhtoro cahapu esa, yahuahye tiquirore: "Pua cjoer yuhare ohori mahu. Ihñaña. Ti cjoeri mehna apee cjoeri pua cjoer ñehe nemou", niahye tiquiro. ²³ "Quehnoano yeaya mahu. Mahu quehnoagu, yahu dutiriro saha yerigu ijire. Mehenogãre quehnoano yeaya mahu. Sa yegu yojopare pajiro mahu dahratire cõtja. Sa yegu yahu mehna bucueya mahu", niahye tiquiro puhtoro.

²⁴ 'Sa yero ihcã cjoere ñehediquiro puhtoro cahapu esa, yahuahye tiquirore: "Puhto, mahu apequina pehere tutuaro dahra dutigu ijire. Sa tutuaro dahra dutigu ijigu mahu basi oterapeguta ti ducare nene mahu. ²⁵ Mahu sa ijigã mahure cuei. Sa cuegu cope sehe, ti copere mahu niñeru cjoere nuou. Ihñaña. Ohõru ijire mahu ya cjoer niñeru cjoer", niahye tiquiro. ²⁶ "Mahu ñagu, cape bujagu ijire. Yahu basi oterapeguta ti ducare yahu negu ijigã masine mahu. ²⁷ Yahu sa ijigã ihñaepaguta yahu niñeru cjoere niñeru ihbõri wuhuru ihbõboaya mahu. Mahu sa ihbogã tiquina ti cjoere wiayperu apee niñeru oho nemoboaya tiquina", niahye puhtoro tiquirore. ²⁸ Sa nino apequina tiquiro dahra cohtey-

quinare dutiahye tiquiro: “Niñeru cjoere ehmaña tiquirore. Pua omope cjoerire cūoriquiro pehere ohoya. ²⁹ Cūoyequinare oho nemoutja. Sa ye pajiro cūoeta. Cūoyequina pehere mehenogā tiquina cūoepēgūta tire ehmautja. ³⁰ Ahriquiro dahra cohteriquiro dūhseatiquiro ijierare. Nahitianopu ñanopu cohā cāhña tiquirore. Topu tiquiro tutuaro uti, bñjua witiro mehna bahque dihorota”, niahye pūhtoro, ni yahuri Jesu.

Buhri dahreatire yahuahye Jesu

³¹ Sa ye Jesu yahu nemori:

—Yuhu masu Cohācñū ohorigu ijipihtiequina angele mehna pūhto ijigu tagu, yuhu pūhtoro dujiropu yuhu asi siteye mehna dujigutja.

³² Sa yuhu dujigū, ahri yehpa cñēna ijipihtiequina yuhu cahapu cahmecoeta. Tiquina sa cahmecoari bato pua curua tu wautja tiquinare. Ovejare ihña ihboriquiro ovejare, cabra gūhure tiquiro tu wariro saha masare tu wa docoutja. ³³ Sa tu wagu oveja yero saha ijiyequinare quehnoañequinare yuhu potō pehe bese docoutja. Sa yegu cabra yero saha ijiyequinare ñañequinare yuhu cū pehe pehepu bese docoutja.

³⁴ Yuhu sa yeri bato yuhu ijipihtiequina pūhto pehe yuhu potō pehepu yuhu bese docoriquinare ohō saha ni yahutja: “Yuhu Pacu māsare

quehnoano yere. Ahri yehpare bajumehnenopu mūsa ye ijiatire tiquiro pūhtoro ijirore quehnoyu tuhasari Cohācñū. Sa yena yojopure tiquiro quehnorirōpūre ijina ahtaya. ³⁵ Yuhu ujua ahbagū mūsa pehe yūhure ihyayere ohori. Yuhu aco wūogū yūhure mūsa sihōri. Mūsa cahapu yuhu tinigū yūhure ihña masiedapenata yūhure quehnoano piti cari mūsa. ³⁶ Suhti mariegu yuhu ijigū ihñana mūsa pehe yūhure suhti sāari. Dohatigu yuhu ijigū mūsa yūhure ihñana ahtari. Peresupu yuhu ijigū gūhure yūhure ihñana ahtari mūsa”, niitja quehnoañequinare. ³⁷ Yuhu sa nigū tūhoye tiquina yūhure sinitueta: “¿Pūhto, dūhse ijigū mūhu ujua ahbagū mūhure ihyayere ohori usā? ¿Dūhse ijigū mūhu aco wūogū mūhure sihōri usā? ³⁸ ¿Dūhse ijigū mūhure ihña masiedapenata mūhure quehnoano piti cari usā? ¿Dūhse ijigū suhti mariegu mūhu ijigū mūhure suhti sāari usā? ³⁹ ¿Dūhse ijigū mūhu dohatigū o peresupu mūhu ijigū gūhure mūhure ihñana esari usā?” nieta yūhure. ⁴⁰ Tiquina sa ni sinitugū tūhogu yuhu pūhto tiquinare yahutja. “Ijirota māsare niita niaja. Ahriquina yeequina mehna cñāno ihyo ijiriquiro tiquiro ijepegūta, tiquirore mūsa sata yeri. Sa ijiriquirore sa yena, yūhure yero saha yena nidi mūsa tiquinare”, ni yahutja.

41 'Quehnoañequinare yahu sa ni yahuri bato yahu cū pehe pehepa ducuyequinare yahu ijipihtiyequina pauto ohō saha ni yahutja: "Cohācjū tiquiro buhiri dahreatina ijire masa. Yahu mehna tojoeracāhña. Pecapa wahaya masa. Ti peca ne yatierare. Watino, tiquiro yequina angele gūhu tiquina ijiatire ti pecare yeri Cohācjū. 42 Yahu ujua ahbagū masa pehe yahure ihyayere ohoerari. Yahu aco wūogū masa yahure sihōedari. 43 Yahure masiedana masa yahure piti caerari. Sa ihña cāri. Suhti mariegu yahu ijiepegūta, yahure suhti sāedari masa. Dohatigu yahu ijigū peresupa yahu ijigū gūhure sa ihña cāri masa yahure", ni yahutja tiquinare ñañequinare. 44 Yahu sa nigū tūhoye tiquina yahure sinitueta: "¿Pauto, mahū ujua ahbagū, mahū aco wūogū, usā masiedigu mahū ijigū, suhti mariegu mahū ijigū, dohatigu mahū ijigū, peresupa mahū ijigū dahse ijigū usā pehe mahure yedohoerari?" ni sinitueta yahure. 45 Tiquina sa ni sinitugū yahu tiquinare ohō saha ni yahutja: "Ijirota masare niita niaja. Ahriquina yeequina mehna cāno ihyo ijiriquirore masa ne yedohoerari. Sa ijiriquirore masa yedohoerana, yahureta sa yena nidi masa", ni yahutja tiquinare. 46 Sa yero tiquinare sa buhiri dahreducurota Cohācjū. Ti

buhiri dahreye ne pihtisi. Sa ye, quehnoañequina pehe ijipihtiye decori quehnoano ijietā, ni yahuri Jesu.

26

Pahia pauto, judio masa bucuna mehna Jesure wejē duahye

(Mr 14.1-2; Lc 22.1-2; Jn 11.45-53)

1 Ti ijipihtiyere tiquiro buheri bato Jesu usāre tiquiro buhenare yahuri:

2 —Pua deco bato pascua ijirota. Tire masa masine. Ti pjere yahu masure Cohācjū ohorigure ñeheeta. Ñeheñe, yahure curusapa wejēeta, nidi tiquiro usāre.

3 Sa ye pahia pauto, judio masa bucuna gūhu cahme-coahye. Caifa pahia pauto ya wūhupa cahmecoahye tiquina. 4 Topu cahmecoa, tiquina ni mehoñe mehna Jesure ñehe tiquina wejēatire cahme yahuye niahye.

5 —Bose deco ijigū tiquirore ñehedacūhna, "Masa usuari", nina, niahye tiquina basi.

Numino ehme sitiye uhse mehna Jesure pio peahye

(Mr 14.3-9; Jn 12.1-8)

6 Ti pjere Simo cami bucu mana wihiro ijimediquiro ya wūhupa ijiri Jesu. Tiquiro ijiri maca Betania wame tiri maca ijiri. 7 Ti wūhupa tiquiro ihyari watoa ihcācoro numino ehme sitiye ne cāhta, Jesu dapu bui pio peori. Ti ehme sitiye alabastro wame tiriapu pose tiri. Wapa

bujaye co ijiri. ⁸ Ticoro sa pio peogũ ihñana usã Jesu buhena usuãu.

—¿Dahsero ahricoro ahri core wapa bujayerere sa ye siteajari? ⁹ Ti ehme sitiye duaboaya. Sa duaro pajiro wapa ñeheboaya. Sa ñeheno ti niñerure pejecuoyequinare ohoboaya ahricoro, nii usã tiquiro buhena.

¹⁰ Usã sa ni usuagũ ihñano, Jesu yahuri usãre:

—Sa niedacãhña ticorore. Yuhure quehnoano yero nine. ¹¹ Pejecuoyequina pehe m̄sa mehna sa ijiducueta. Sa yena tiquina pehere m̄sa oho masine. Yuhure pehe ahri yehpapure m̄sa mehna sa ijiducusi. ¹² Yuhure tiquina yato pano yuhure pagure quehnoyuro, ticoro yuhure pio peori. ¹³ Ijirota m̄sare niita niaja. Ijipihtiro ahri yehpapure quehnoañe buheyere tiquina yahuropure ahricoro yojopure ticoro yerire yahueta. Tiquina sa yahugũ tãhoye ticorore masa peyequina wacũeta, ni yahuri Jesu usãre.

Juda Iscariote Jesure ihña tuhtieyequinare ihñoahe

(Mr 14.10-11; Lc 22.3-6)

¹⁴ Ti pjere ihcãquiro usã mehna cãno Juda Iscariote pahia pahtoa cahapure esahye. ¹⁵ Esa, tiquinare sinituahye.

—¿Jesure m̄sare yuhure ihñogũ noho puno wapa yenatari m̄sa? ni sinituahye tiquinare.

Tiquiro sa nigũ tiquina tiquirore treinta cjoeri plata cjoerire ohoahye.

¹⁶ Tiquina sa ohogũ Juda pehe Jesure tiquiro ihñoahtĩ ñamine cohtero niahye.

Jesu tiquiro buheyequina mehna tiquiro ihya bato tiri deco ijiahye

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Sa ye pugũ yeye moremehneñe pãre tiquina ihyati deco bose deco iji ducari deco usã tiquiro buhena Jesu cahapure waha, sinituu tiquirore:

—¿Noho boropure bose deco ijigũ mari ihyatire quehnoyu dutigũ ohoutjari m̄hure usãre? nii tiquirore.

¹⁸ Usã sa nigũ tiquiro yuhtiri:

—Jerusalẽpura wahaya. Topura ijiriquirore ohõ saha ni yahuya: “Marine buheriquiro tiquiro ñano yuhduati deco mehenogã dũsatjiãñohti. Pascua ijigũ m̄hure ya wãhãpura Jesu usãre tiquiro buhenare siho ihyati ijiñohti”, ni yahuya ti wãhure upure, ni ohori Jesu usãre.

¹⁹ Sa yena usãre tiquiro dutiro sahata yena, pascua ijigũ usã ihyatire quehnou usã.

²⁰ Sa ye ti ñamine usã mehna doce tiquiro buhena mehna ihyaro nidi Jesu. ²¹ Usã ihyari watoa tiquiro usãre yahuri:

—Ijirota m̄sare niita niaja. Ihcãquiro m̄sa mehna cãno yuhure ihña tuhtieyequinare ihñonota yuhure, ni yahuri tiquiro usãre.

²² Tiquiro sa nigũ tãhona tutuaro bujãa witina,

tiquirore sinitu ducan usã ijipihtina:

—¿Pũhto, yũhuta ijiajari mũhũre ihũoacjũ? ni sinituu.

²³ Usã sa ni sinitugũ tiquiro yũhtiri:

—Yũhu ihyari papũ yũhu mehna soha ihyariquiro ijire yũhũre ihña tuhtiequinare ihũoatiquiro.

²⁴ Panopũ yũhũre tiquina ojoariro sahata yũhu masũ Cohãcjũ ohorigũ yariagũtja. Sa yero yũhũre ihña tuhtiequinare ihũoatiquiro ñano yũhdũrota. Tiquiro pehe masa bajueraro quehnoa yũhdũaboaya. Ñano yũhdũeraboaya, nidi Jesu.

²⁵ Tiquiro sa nigũta tiquirore ihũoatiquiro Juda sinituri:

—¿Buhegũ, mũhũre ihũoacjũ ijiajari yũhu? ni sinituri tiquiro.

Jesu yũhtiri:

—Ehũ. Mũhuta ijire, nidi.

²⁶ Sa ni yahu tuhasa usã tiquiro buhena mehna ihyaro taro nidi. Sa yero Jesu pãre ne, Cohãcjũre “Quehnoare”, nidi. Sa ni tuhasa tire nuha, usãre tiquiro buhenare itiri.

—Ahrire ne, ihyaya. Ahri yũhu pagũ ijire, nidi tiquiro.

²⁷ Sa ni tuhasa tiquiro sihnidi pare ne, Cohãcjũre “Quehnoare”, ni, usãre ohori.

—Mũsa ijipihtina ahrire sihniña. ²⁸ Ahri yũhu dii ijire. Peyequina masa tiquina ñaũe yerire cohãgũ tagũ yariũtja. Sa yegũ yũhu diire cohãũtja. Cohãcjũ “Mũsare yũhdũoutja”, tiquiro nidiro

esagũ yũhu yariaro mehna tiquiro nidiro sohtori tirota.

²⁹ Mũsare niita niaja. Yũhu Pacũ tiquiro pũhtoro ijiropũ ahmũsepũ mũsa mehna wahma core aũse core sihnitja. Mari sa sihniato pano ahri core sihni nemosi yũhu, nidi Jesu usãre.

³⁰ Sa yena Cohãcjũ yere basa tuhasana cũnrũ Olivo wame tidũrũ wahaũ usã.

Pedro Jesure tiquiro cohãtire yahuahye Jesu

(Mr 14.26-31; Lc 22.31-34; Jn 13.36-38)

³¹ Topũ usã esagũ Jesu pehe usãre yahuri:

—Mia ñami yũhũre cohã cãnata mũsa. Ohõ sahata nine Cohãcjũ tiquiro yere tiquina ojoari pũrũ yũhũre yahuro: “Ovejare ihña ihboriquiro yero saha ijiriquirore yũhu Cohãcjũ cohãgũtja. Yũhu sa cohãgũ tiquiro yequina oveja yero saha ijiequina duhti site cãa wahaeta”, nine Cohãcjũ tiquiro yere tiquina ojoari pũrũ. ³² Sa yegũ Cohãcjũ yũhũre tiquiro masori bato mũsa pano Galileapũ wahayutja yũhu, nidi tiquiro.

³³ Tiquiro sa nigũ tãhoro ohõ saha nimesi Pedro:

—Yũhu mehna cjẽna ijipihtiequina mũhũre tiquina cohãepẽgũta yũhu pehe mũhũre ne cohãsi, nimesi Pedro tiquirore.

³⁴ Jesu yũhtiri:

—Ijirota niita niaja mũhũre. Mia ñami canaca tiquiro yahuato pano “Yũhu Jesure masiedaga”, niita

muhu. Ihtia taha sa niita muhu, nidi tiquiuro Pedrore.

³⁵ Tiquiuro sa niepeguta Pedro ohõ saha ni yuhtiri:

—Muhu mehna yuhure tiquina wejẽ duepeguta “Jesure masiedaga”, ne nisi yuhu, ni yuhtimedi Pedro.

Sa yena usã gũhu apequina tiquiuro buhena Pedro tiquiuro nidiro sahata nimi usã Jesure.

Getsemani wame tiri wesepu Cohãcjũre siniahye Jesu (Mr 14.32-42; Lc 22.39-46)

³⁶ Sa ye Getsemani wame tiri wesepu Jesu usã tiquiuro buhena mehna waha, topu esa, usãre nidi:

—Ohõ dujiyuya. Mũsa ohõ dujiri watoa sohõ cjũnogãpu Cohãcjũre sinigũ wahagũ ni-aja, nidi tiquiuro usãre.

³⁷ Sa ni tuhasa, Pedrore, puaro Zebedeo pohnene tiquina ihtiarore piji cãri. Sa yero tiquiuro tutuaro bujua witi, ñano jeripohna tiahye.

³⁸ Sa bujua witiro tiquiuro mehna cjẽnare tiquiuro piji cãriquinare ohõ saha niahye:

—Tutuaro ñano jeripohna tiaja yuhu. Yuhure tutuaro purĩno saha tuhotugũ niaja. Sohõ cjũnogã wahagũ niaja. Ohõpu tojoaya. Sa yena yuhu mehnata carĩedacãhña mũsa gũhu, niahye tiquiuro tiquinare.

³⁹ Sa ni tuhasa mehenogã waha nemo, yehrapu quehe sa, Cohãcjũre niahye:

—Mai, yuhu ñano yuhduatire ye dueragũ yeracãhña. Yuhu sa niepeguta yuhu cahmeno saha yeracãhña. Muhu pehe masine. Muhu cahmeno

saha yeya yuhure, ni siniahye tiquiuro Cohãcjũre.

⁴⁰ Sa ni tuhasa, ihtiaro tiquiuro buheyequina cahapu wihiro, carĩnequinare ihñahye. Tiquinare ihñano, Pedrore ohõ saha niahye:

—¿Ihcã hora waro yuhu mehna carĩegu iji masiedajari muhu? ⁴¹ Quehnoano yeya mũsa. Sa yena Cohãcjũre siniducuya mũsa, “Ñano yeari”, nina. Mũsa tuhotuye mehna quehnoañene ye duamene mũsa. Mũsa sehsharo sa ye duepenata tire ye masiedare mũsa, ni yahuahye Jesu.

⁴² Sa ni yahu tuhasa, pari turi waha, Cohãcjũre siniahye:

—Mai, yuhu ñano yuhduatire ye duagu yeya yuhure. Muhu cahmeno saha yeya, ni siniahye tiquiuro.

⁴³ Ni, tiquiuro buheyequina ihtiaro buheyequina cahapu pari turi wihiyahye tja. Sa wihiro carĩnequinareta ihñahye tja. Wujua purĩ yuhduahye tiquinare. ⁴⁴ Sa yero tiquinare cũ cã, pari turi waha, Cohãcjũre siniahye. To pano tiquiuro nidiro sahata niahye tja. ⁴⁵ Sa ni tuhasa tiquiuro buheyequina cahapu wihi, tiquinare ohõ saha niahye:

—¿Yojopu pũritare carĩnina nijari mũsa? ¿Sorĩna nijari mũsa? niahye tiquiuro.

Sa ni tuhasa, masa tiquina ahtagũ ihñano, ohõ saha niahye.

—Tuhoya. Mianogãta yuhu masure Cohãcjũ ohorigure

ñañequinare ohoeta yuhare.
 46 Wahcãña. Isa wahana.
 Ihñaña. Yuhare ihña tuhtiyequinare ihñoatiquiro ohõpu ahtare, niahye tiquiro.

Jesure ihña tuhtiyequina tiquirore peresu yeahye

(Mr 14.43-50; Lc 22.47-53; Jn 18.2-11)

47 Tiquiro sa nino watoa usã mehna cjãno ijimediquire Juda pehe wihiri. Masa peyequina ahtari tiquiro mehna. Tiquina pahia puhto, judio masa bucuna gãhu tiquina ohoriquina ijiri. Ñoseñe pjĩnine, yucu tiãri gãhare cãori. 48 Coã warore Jesure ihña tuhtiyequinare ihñoatiquiro masare ohõ saha ni yahuyu tuhasahye:

—Yuhũ wahsupu ihmidiquireta ijirota musa ñehetiquiro. Tiquirore yuhũ ihmidi bato ñehẽña tiquirore, niahye Juda tiquinare.

49 Sa ye wihiro Jesu cahapu duita wahari.

—¿Buhegu, ijiajari mahũ? ni, tiquirore wahsupu ihmidi.

50 Tiquiro sa ihmigũ Jesu ohõ saha nidi:

—Yuhũ acayũ, ohõpũre mahũ yei tũ ahtarire yeya mahũ, nidi tiquiro.

Sa ye tiquina Jesure ñehedi.

51 Tiquina sa yegũ ihñano Jesu mehna cjãno tiquiro ñoseni pjĩne tũã we ne, pahia puhtoro cahacjũnore cahmonore dũte pahrẽ cãri. 52 Tiquiro sa yegũ ihñano Jesu tiquirore yahuri.

—Mahũ ñoseni pjĩne ihboya. Apequinare mahũ ñosegũ tiquina ñose cahmegũ yariagũta mahũ. 53 Yuhũ Pacũre yuhare yuhũ yedoho dutigũ tiquiro pehe peyequina angelere doce cururire yuhũ cahapu ohoboaya tiquiro. ¿Tire masiedajari mahũ? 54 Sa yedohoboriquiro tiquiro ijiepegũta tiquirore yuhare yedoho dutisi yuhũ. Yuhũ sa dutieragũ Cohãcjũ yere tiquina ojoari pũ ti nidiro sahata sa waharota, nidi tiquiro.

55 Sa ni tuhasa masare yahuri tiquiro:

—¿Dũhse ijiro boro musa ñoseñe pjĩni mehna, yucu tiãri mehna yaque bucũrore yero saha musa yuhare ñehena ahtajari? Decoripe Cohãcjũ wuhũpu masare yuhũ buhe dũjigũ, musa yuhare ne ñehedari. 56 Sa ijiepegũta ahri ijipihtiyẽ sa waharone Cohãcjũ yere yahu mahũtariquina tiquina ni ojoariro sahata, nidi Jesu.

Tiquirore tiquina sa ñehegũ ihñana usã tiquiro buhena tiquirore cohã oma cãa wahũ usã.

Judio masa puhto Jesure sinituahye

(Mr 14.53-65; Lc 22.54-55, 63-71; Jn 18.12-14, 19-24)

57 Sa ye tiquirore ñehediquina pahia puhtoro Caifa wame tiriquire ya wuhũpu ne sahyẽ tiquirore. Ti wuhũputa marine judio masare buheyequina, bucuna gãhu cahmecoahye.

58 Topu Jesure tiquina neagū Pedro yoropu tiquinare ihña nunu tãhye. Sa nunu tãno Caifa ya wuhure cahmotari sahrĩnore esa, ti sahrĩno puhiapu sajãa wahahye. Sajã sa, ti wuhure cohteyequina surara mehna dujiahye. Jesure tiquina duhse yegū ihñano taro niahye.

59 Sa ye pahia puhto, apequna puhto mehna Jesure wejē duti duaye, ni mehoñe mehna tiquiore tiquina ñano buhiri dahreatire wacū macamahye.

60 Tiquina yahusãtire wacū bocaerahye. Sa wacū bocaerapeta peyequina masa tiquiore sa ni meho yahusã maca cãhye. Sa ye puaro tiquina bato wihiyequina tiquiore yahusãhye tja.

61 —Ahriquiore ohō saha nidi: “Cohãcjũ wuhure cohã masiaja. Sa cohãgu ihtia deco wahaboro ti wuhure pari turi yeitja”, tiquiore nigū tãhou usã, ni yahusã maca cãhye Jesure.

62 Tiquina sa nidi bato pahia puhtoro wahcãduca sa, Jesure sinituahye:

—¿Ahriquina mahure tiquina yahusãepegũta tiquinare yuhti cahmedajari mahũ? niahye puhtoro.

63 Tiquiore sa nigū tãhoeperota Jesu sata tãhotu cãhye. Tiquiore sa yuhtieragū ihñano pahia puhtoro pari turi sinituahye tja:

—Cohãcjũ catiriquiore wame mehna poto niña mahũ. Mahũ sa niedagũ tiquiore mahure buhiri

dahrerota. Yahuya usãre. ¿Cristo Cohãcjũ macũta ijiajari mahũ? ni sinituahye tja.

64 Tiquiore sa nigũputa Jesu yuhtiahye:

—Tiquioreta ijiaja. Musare poto yahugũta niaja. Came yuhũ masũ Cohãcjũ ohorigũ yuhũ Pacũ tutuariquiore cahapu tiquiore poto pehepu yuhũ dujigũ ihñanata musa. Sa yena uhmũse cjē ehmeo cururi bui yuhũ ahtagũ gũhure ihñanata musa, ni yuhtiahye Jesu.

65 Tiquiore sa nigũ tãhoro pahia puhtoro tiquiore sañari suhtirore tãhrē cãhye apequnare “Usua yuhũhare”, ni ihña masi dutiro.

—Cohãcjũre pajiro ñano yahuducuro nine ahriquiore. Sa ye tiquiore ñano yahuducuyere tãho tuhasaja mari. Sa ye topequinata yahusãahdo ahriquiore. Ohõputa tiquiore ñano yahuducugũ tãhoaja mari basita. 66 ¿Dahse yenatari mari yojopure ahriquiore? ni sinituahye tiquiore apequna puhtoare.

—Tiquiore ñari buhiri wejē cãno cahmene tiquiore, ni yuhtiahye tiquina.

67 Tiquina sa nidi bato tiquiore wãhdoare sihco puti ohõ, tiquiore quẽpeahye tiquina. 68 Tiquiore quẽpe tuhasa, ohõ saha niahye tiquiore:

—¿Noa pehe mahure quẽajari? Cristo ijigũ ihñedapegũta yahuya usãre, ni bujũpeahye tiquina.

—*Tiquirore masiedaga, ni-
ahye Pedro Jesure*

(*Mr 14.66-72; Lc 22.56-62;
Jn 18.15-18, 25-27*)

⁶⁹ Sa ye ti wuhuh cahapuh ijiri paapuh quehnoari paapuh Pedro pehe dujiahye. Tiquiro sa dujigū ihñano pahia puhtoro cahacjōno tiquiro cahapuh esaro, ohō saha niahye:

—Muhuh gūhuh Jesu Galilea cjūno mehna ijiri, niahye ticoro.

⁷⁰ Ticoro sa nigū tūhoro, Pedro ohō saha niahye:

—¿Duhse ni maca cōo nijari muhuh? Muhuh nidiquirore ne masiedaga yuhuh, niahye Pedro ticorore ijipihtiyequina tiquina tūhoropuh.

⁷¹ Tiquiro sa nidi bato ti paa cjā sahrīno sopecaha cahapuh wahahye Pedro. Topuh tiquiro ijigū apecoro cahacjōno tiquirore ihñano, topuh ijieyequinare ohō saha niahye:

—Jesu Nazare cjūno mehna ijiri ahriquiro, niahye ticoro Pedroro tja.

⁷² Ticoro sa nigū tūhoro Pedro yuhtiahye:

—Cohācjū mehna potō nii niaja. Tiquiro muhuh nidiquirore ne masiedaga yuhuh, ni yuhtiahye Pedro.

⁷³ Sa ye came cjūno topuh ducuyequina Pedro cahapuh waha, tiquirore ohō saha niahye tja:

—Poto tjire. Jesu yequina mehna cjū ijire muhuh gūhuh. Tiquina yero saha yahuducure muhuh, niahye tiquina Pedroro.

⁷⁴ Tiquina sa nigū Pedro yuhtiahye:

—Poto Cohācjū mehna nii niaja musare. Yuhuh potō yuhuh niedagū Cohācjū yuhuhre buhiri dahreahro. Tiquirore musa nidiquirore ne masiedaga yuhuh, ni yuhtiahye tiquiro tiquinare.

Tiquiro sa nigūta canaca yahuahye. ⁷⁵ Tiquiro yahugū tūhoro Jesu tiquirore nidire wacūahye. “Canaca tiquiro yahuato pano ‘Jesure masiedaga’, niita muhuh. Ihtia taha waro sa niita muhuh”, Jesu tiquirore nidire wacūahye Pedro. Sa wacūno, ti sahrīnore wijia, tutuaro utiahye.

27

*Pilato cahapuh Jesure
neahye*

(*Mr 15.1; Lc 23.1-2; Jn 18.28-32*)

¹ Sa ye bohrea quehagūpuh pahia puhtoa mari judio masa bucuna gūhuh Jesure tiquina wejē dutiatire cahme yahuducuahye. ² Tiquina sa yeri bato tiquirore duhte, Pilato cahapuh nea, tiquirore ohoahye Pilatore. Pilato pehe ti yehpa cjēna puhtoro ijiri.

*Juda Iscariote yariaa wa-
hahye*

³ Sa yero Jesure tiquina wejē dutigū ihñano Juda pehe Jesure ihñoriquiro tiquirore tiquiro ihñorire tutuaro wacū bujua witiahye. Sa bujua witiro treinta cjoeri tiquiro ñehedi niñeru cjoerire wiaro waharo, pahia cahapuh,

bucuna cahap̄ esa, ohō saha niahye:

⁴ —Jesu m̄sare ȳh̄h̄ ihñoriquiro ñañe marieniquiro tiquiro ijiepegāta tiquina wejē dutiri tiquirore. Sa yeḡ m̄sare tiquirore ihñoḡ ñano yeḡ niaya ȳh̄h̄, ni yahuahye Juda tiquinare.

Tiquiro sa ni yahuri bato tiquina ȳhtiahye:

—Sata yecūnahdo. Ʋsāre d̄h̄seati ijierare ti m̄h̄h̄ sa niñe. M̄h̄h̄ dihita sa ni t̄h̄hoture tire, ni ȳhtiahye tiquina tiquirore.

⁵ Tiquina sa ni ȳhtiri bato Cohācj̄ ya w̄h̄p̄h̄ Juda tiquiro ye niñeru cjoerire doque site cūahye. Doque site cū, wahaah wahahye. Waha, yuta dare d̄hte ohō, tiquiro basi wam̄are tu suha, uhpu cj̄ sa, yariaa wahahye.

⁶ Sa ye pahia p̄h̄toa niñeru cjoerire ne, ohō saha niahye:

—Ahri niñerure Cohācj̄ w̄h̄h̄ cj̄ acarop̄h̄ niñeru ihbori acarop̄h̄ mari cū masiedaja. Ahri niñeru mehnata mas̄nore wejē dutiri. Sa ye mari ye dutiye marine sa ijiye niñerure ihbo dutierare, niahye tiquina basi.

⁷ Tiquina sa nidi bato “Ohō saha yeihna”, tiquina ni yahuri bato dihi suturire yeriquiro ya yehpare dúahye. Ti cjoeri mehna dúahye. Ape sie cj̄na tiquina wihi tiquina yariaḡ tiquina yati yehpa ijiatore ti yehpare dúahye.

⁸ Sa ye ti yehpare “Dii yehpa”, wame yeri masa. Yojoṗ̄h̄ ḡh̄re sata wame tire.

⁹ Ahri ijipihtiye sa wahahye Jeremia panop̄h̄ “Sa waha harota”, tiquiro ni ojoariro sahata. Tiquiro Cohācj̄ yere yahu m̄htariquiro ijiahye. Ohō saha ni ojoahye tiquiro: “Treinta niñeru cjoerire plata cjoerire ‘To punota wapa yenata tiquirore usā ñeheatire’, nieta Israe masa. ¹⁰ Sa ye ti cjoeri mehna dihi suturire yeriquiro ya yehpare dúeta tiquina. Ohō sahata ȳh̄h̄re ye dutiri Cohācj̄”, ni ojoahye Jeremia panop̄h̄.

Pilato Jesure sinituahye

(Mr 15.2-5; Lc 23.3-5; Jn 18.33-38)

¹¹ Sa ye Pilatore tiquina ohori bato tiquiro pehe Jesure sinituahye:

—¿Potota judio masa p̄htota ijiajari m̄h̄h̄? ni sinituahye Jesure.

—M̄h̄h̄ nino sahata ijiaja, ni ȳhtiahye Jesu.

¹² Sa ni ȳhtieperota, pahia p̄h̄toa, bucuna ḡh̄h̄ tiquina tiquirore yahusāḡ ȳhtierahye Jesu. ¹³ Tiquiro sa ȳhtieraḡ ihñano Pilato sinituahye:

—¿Ahri ijipihtiye m̄h̄h̄re tiquina yahusārire t̄hoerajari m̄h̄h̄? ni sinituahye tiquiro Jesure.

¹⁴ Tiquiro sa ni sinituepegāta Jesu ne mehenoḡ ȳhtierahye. Tiquiro sa ȳhtieraḡ ihñano Pilato ne d̄h̄se ni masiedahye.

Jesure wejē dutiahye

(Mr 15.6-20; Lc 23.13-25; Jn 18.38-19.16)

15 Cuhmaripe pascua ijigū masa yaquiro ijia-tiquirote ihcāquiro peresupū ijiriquirote Pilato sa wio basaducue tiahye. 16 Ti pjere Barrabá wame tiriquiro peresupū ijiahye. Tiquirote masiahye masa. 17 Sa yero tiquina cahmecoagū Pilato pehe sinituahye tiquinare:

—¿Diquiro pehere mūsare wio basaboagari yūhū? ¿O Barrabá pehere o Jesure Cristo tiquina nidiquirote wio basaboagari yūhū? ni sinituahye tiquiro.

18 Jesure masa cahīgū ihñañe judio masa mari pūhtoa tiquirote ihña tuhtiahye. Sa ihña tuhtiyē tiquirote ohoahye Pilatore. Sa yero masa tiquina cahīdi buhiri tiquina ihña tuhtirire masino Pilato Jesure wio duamahye.

19 Sa ye Pilato masare ñañe yeyequinare tiquiro beseri pahtapū dujigū tiquiro namono tiquirote quti ohoahye: “Mia ñamine Jesure quehēgo, tutuaro ñano yūhdū. Sa yegū tiquirote ñañe marieniquirote ne sijoro saha yeracāhña mūhū”, ni yahudoqueoahye tiquiro namono Pilatore.

20 Sa ye coā waropūre pahia pūhtoa, būsna gūhū masare ohō saha ni duti tuhasahye. “Barrabá pehere wio duti, Jesu pehere wejē dutiya”, ni dutiahye masare. 21 Sa yero Pilato masare sinituahye:

—¿Ahriquina pūarore diquiro pehere mūsare wio

basaboagari yūhū? ni sinituahye.

—Barrabá pehere wio basaya usāre, ni yūhtiahye.

22 —¿Ahriquiro Jesu Cristo tiquina nidiquiro pehere dūhse yeitari yūhū, mūsa sa ni sañuducugū? ni sinituahye tiquiro.

—Curusapū quē biha wejēña tiquirote, ni yūhtiahye masa ijipihtiyequina.

23 —¿Yabe borore ñañene yeari ahriquiro, mūsa sa nigū? niahye tiquiro.

Tiquiro sa nigū tūhoye tiquina tutuaro mehna sañuducuahye:

—Curusapū quē biha wejēña tiquirote, ni sañuducuahye masa tiquirote.

24 Tiquina sa ni sañuducugū tūhoro, tiquirote tiquina tūho dueragū ihñano “Masa usua, cahmequeboaga”, nino, yūhtiro ohō saha yeahye Pilato. Masa tiquina ihñonopū tiquiro omo coseahye. Sa omo cosero ohō saha niahye.

—Ahriquirore wejēdi buhiri yee buhiri ijierare. Mūsa ye buhiri ijire, nino omo coseahye.

25 Tiquiro sa nigū tūhoye ijipihtiyequina masa ohō saha niahye.

—Ahriquirore wejēdi buhiri usā, usā pohna gūhū usā ye buhiri ijiahye, niahye masa.

26 Tiquina sa nigū tūhoro Pilato Barrabáre peresupū ijiriquirote wio dutiahye masa tiquina cahmeniquirote. Sa ye tuhasa

Jesu pehere yuta dari mehna tana duti, tiqiurore curusap_u wejē dutiro ohoahye surarare.

²⁷ Tiquiro sa ohogū Pilato ya w_hap_u tiquiro yequina surara Jesure neñe esahye. Sa ye tiquina surara ijipihitiyequina Jesu cahap_u cahmecoahye. ²⁸ Sa ye tiquiro suhtire tu we ne, p_htoro ya suhtiro saha bajuri suhtirore tiqiurore s_hahye. ²⁹ Sa s_ha tuhasa, pota behtore ye tuhasa, tiquiro dapu bui duhu peoahye. Sa duhu peo tuhasa, yuc_ug_ure poto pehe dahra suhahye. Dahra suha tuhasa, d_usepe curi mehna quehe sa, b_uj_upeahye tiqiurore.

—Quehnoano ahtaya. Judio masa p_hto, quehnoano ahtaya, ni b_uj_upeahye tiqiurore.

³⁰ Sa nieta tiqiurore sihco puti ohō, tiquina dahra suhad_ure tiqiurore t_uā we ne, tiquiro dapure quēahye t_u mehната. ³¹ Tiquina sa b_uj_uperi bato tiquina s_hari suhtirore tu we ne, tiquiro ye suhti pehere s_hahye t_u. S_ha tuhasa, curusap_u wejēñe tehe, tiqiurore ne wijiahye.

Tiquina Jesure curusap_u quē biha, wejēahye

(Mr 15.21-32; Lc 23.26-43; Jn 19.17-27)

³² Tiquirore ne c_h, Simo wame tiriqiurore Cirene c_hānore piti ca, tiqiurore Jesu w_hari curusare w_ha c_h dutiri.

³³ W_ha c_h Gólgota wame tirop_u esari. “Gólgota”, nino “Dapu pehtoro”, nino

nine. ³⁴ Sa ye vinore s_uēñe co mehna tiquina moreñe core Jesure ohomedi. Ti acore sihni tuhu, sihniedari tiqiuro.

³⁵ Sa ye Jesu ye suhtire tiquina tu we nedi bato tiqiurore curusap_u quē bihari tiquina. Sa quē biha tuhasa, tiquiro ye suhtire “¿Noa yaro ijiroitari ohō?” ni, cahme doqueperi, ni ojoahye panop_u. ³⁶ Doquepe tuhasa tiqiurore ih_ha d_ujiducuri tiquina. ³⁷ Tiquiro dapu bui curusap_u ohō saha ni ojoari p_hñe duhu ohōri tiquina tiquiro ñañe buhirire yahu duaye. “AHRIQUIRO JESU JUDIO MASA P_hTORO IJIRE”, ni ojoari tiquina ti p_hñe.

³⁸ Came p_haro yaque b_uc_unare Jesu cahap_u apeye curusarip_u quē biha docori tiquina. Ihc_hāquiro tiquiro poto pehe, apequiro tiquiro c_u pehe pehe quē biha docori tiquina. ³⁹ Curusari cahap_u y_hdh_u c_hñequina Jesure ih_ha, tiquina dapu pacare yure, tiqiurore ñano yahuducuri:

⁴⁰ —¿Coh_hāc_hj_u w_hh_ure coh_hā, ihtia deco wahaboro pari turi ti w_hh_ure dahreborig_u ijiajari m_hh_u? Coh_hāc_hj_u mac_u ijig_u m_hh_u basi dijia taya. Sa yeg_u m_hh_u basi yedohoya, nidi masa.

⁴¹ Sata ni b_uj_uperi tiqiurore. Pahia p_htoa g_hh_u, marine judio masare buheyequina g_hh_u, b_uc_una g_hh_u tiqiurore sa ni b_uj_uperi.

⁴² —Tiquiro apequinare y_hdh_uoriquiro ijiro tiquiro basi g_hh_u y_hdh_uoahro. “Israe

masa pũhto ijiaja”, nimene tiqiro. Sa yena tiqiro basi dijia tagũ ihñana tiqirore wacũ tutuanata. ⁴³ Tiquiro pehe Cohãcjũre wacũ tutuamene. Sa yero “Cohãcjũ macũ ijiaja”, nimene tiqiro. Tiquiro sa ijigũ Cohãcjũ pehe tiqirore yedohoahro, ni bujũperi tiquina.

⁴⁴ Yaque bucũna tiqiro cahapũ tiquina quẽ bihanohriquina sata tiqirore bujũpe, ñano yahuducuri tiquina gũhũ.

Jesu yariaa wahahye

(Mr 15.33-41; Lc 23.44-49; Jn 19.28-30; He 6.19-20; 10.19-20)

⁴⁵ Sa ye coheri pje ijigũ ihtia hora waro ijipihtiropũ nahitiano ijiri. ⁴⁶ Sa yero ti pjere nahitia yahdũgũ waro Jesu tutuaro sañuducuri:

—¿Elí, Elí lema sabactani? nidi tiqiro. Sa nino ohõ saha nino niahye: “¿Yũhũ Pacũ, yũhũ Pacũ, dũhsegũ yahũre cohãjari mũhũ?” nino nidi.

⁴⁷ Tiquiro sa nigũ tũhoye ihquẽquina topũ ducuyequina ohõ saha nimedi:

—Cohãcjũ yere yahu mũhtariqirore Eliare pijoro niboaga, nimedi tiquina.

⁴⁸ Sa yero ihcãquiro tiquina mehna cjãno oma cã, aco ihmini sũhte mehna vno sũẽne core soha tuhasa, yucũgũ sohtoapũ dũhte ohõ, Jesu cahapũ esa, tiqirore sihõmedi. ⁴⁹ Tiquiro sa yegũ ihñañe apequina sihõriqirore ohõ saha nidi:

—Cohteniña. Elia ahriqirore tiqiro yahdũogũ ihñañhna mari, nidi apequina.

⁵⁰ Tiquina sa nidi bato pari turi sañuducu, Jesu pehe yariaa wahari. ⁵¹ Tiquiro yariagũta Cohãcjũ wũhũ cjã suhtiro cahsero, topũ tiquina cahmotari cahsero deco tũhũ maa dijia, cjũ saa wahahye. Sa yero yehpa gũhũ ñuhmidi. Sa ñuhmigũ utã paca bujũye paca wahtia wahari. ⁵² Sa ye

masa coperi parĩgũ, peyequina Cohãcjũ yequina mũana panopũ yariariquina mũana masa wijiahye. ⁵³ Masa wijia, Jesu masa wijiari bato ti coperire cohã cã, quehnoari macapũ Jerusalẽpũ wahari tiquina. Topũ tiquina wahagũ peyequina masa ihñahye tiquinare.

⁵⁴ Sa ye ti ijipihtiyere ihñañe, yehpa ñuhmigũ ihñañe, surara pũhtoro tiqiro yequina surara mehna ihña maria wahari. Tiquina Jesure curusapũ ijiriquirore cohteyequina ijiri. Ihña maria waha, ohõ saha nidi:

—Ijirota ijire. Ahriqiro Cohãcjũ macũnota ijimeya, nidi tiquina.

⁵⁵ Sa ye Galileapũ Jesu mehna ahtariquina numia tiqirore yedohoriquina numia yoaropũ tiqirore curusapũ ijiriquirore ihñaducuye nidi. ⁵⁶ Tiquina numia mehna María Magdalena ijiri. Apecoro María wame tiricoro gũhũ ijiri.

Ticoro pehe Santiago, José gũhũ pacoro ijiri. Apecoro Zebedeo namono ijiri.

Jesu pagũre masa copepũ cũahye José

(Mr 15.42-47; Lc 23.50-56; Jn 19.38-42)

⁵⁷ Sa ye ñamicahapũ José Arimatea cjãno doeri cjẽ upũro topũ wihiahye. Tiquiro Jesu buheriquiro ijiri. ⁵⁸ Wihi, Pilato cahapũ esa, Jesu pagũre siniahye. Tiquiro sa sinigũ tũhoro Jesu pagũre tiquirore oho dutiahye Pilato. ⁵⁹ Tiquiro sa dutiri bato José pehe tiquiro pagũre ne dijio, quehnoari suhtiro wete marieni suhtiro mehna tiquiro pagũre wahmeahye.

⁶⁰ Wahme tuhasa, José tiquiro ya masa copepũ cũahye Jesu pagũre. Ti cope tiquina utãpũ seheri cope wahma cope ijiri. Ti copepũ ne sajã duhu cũ tuhasa, pajiria utãre tu torẽ cãhye tia mehna biharo taro. Biha tuhasa, wahaah wahahye.

⁶¹ Sa ye María Magdalena, apecoro María mehna ti copere ihña dujiducuahye.

Jesure tiquina cũri copere surara cohteahye

⁶² Sa ye ape deco, pascua ijiatire tiquina quehnoari deco bato, saurũ ijigũ pahia pũhtoa, fariseo masa gũhũ Pilato cahapũ cahmecoahye. ⁶³ Cahmecoah tuhasa ohõ saha niahye tiquina Pilatore:

—Pũto, tiquiro ni mehoriquiro Jesu catiro ohõ saha niahye: “Ihtia

deco wahaboro masa wi-jiagũtja yũhũ”, niahye tiquiro. ⁶⁴ Tiquiro sa nidiquiro ijigũ tiquiro buheyequina pehe tiquiro pagũre yaqueboaga. Sa yaqueye masare ohõ saha niboaga: “Jesu masa wijiari”, niboaga tiquina. Tiquiro Jesu pehe masare ni mehono nidi. Sa ijiepegũta tiquiro buheyequina pehe “Tiquiro masa wijiari”, niñe, ni mehoñe nieta. Sa yero Jesu tiquiro ni mehoriro yũhdũoro tiquina ye ni mehoñe pehe ña yũhdũarota. “Sa yaqueari”, nigũ ihtia deco waro tiquiro masa copere mũhũ yequina surarare cohte dutiya, niahye tiquina Pilatore.

⁶⁵ Pilato yũhtiahye:

—Aũ. Ti copere cohteahro. Sa yena mũsa gũhũ mũsa ye masino puno ti copere quehnoano cohteya, niahye tiquiro tiquinare.

⁶⁶ Tiquiro sa nigũ tiquina waha, ti copere biharia utã mehnapũta ñehogũpũta wihtã ñeheahye masa tiquina sajãgũ ihña masiñe tehe. Sa ye surarare ti copere cohte dutiahye.

28

Jesu masa wijaahye

(Mr 16.1-8; Lc 24.1-12; Jn 20.1-10)

¹ Sa ye judio masa mari sori deco saurũ pehe yũhdũgũ domingo ijigũ ñami cjũnogã ijigũ María Magdalena apecoro María mehna Jesu masa copere ihñañe wahahye. ² Sa yero duita

yehpa tutuaro ñuhmiahye. Sa ñuhmigũ mari pũtoro tiquiro yaquiro angel umũsepũ ijiriquiro dijia ta, masa copere biharia utãre tu torẽ cã, tia bui dujiahye. ³ Uro miadoqueoro yero saha quehnoano asi siteahye tiquiro. Sa ye tiquiro suhti ehmeo curua yero saha quehnoano yehseye suhti ijiahye. ⁴ Tiquiro sa bajuagũ ti copere cohteyequina surara cue yũdũye, nanare yũdũa waha, buigã warona yaria yũdũa wahahye. ⁵ Sa yero angel pehe tiquina numiare ohõ saha niahye:

—Yũhũre cueracãhña. Curusapũ tiquina quẽ bihariquiro, Jesure mũsa macagũ masiaja yũhũ. ⁶ Tiquiro yojopũre ohõre mariedare. Tiquiro nidiro sahata masa wijiaa wahari. Tiquiro pagũre tiquina cũrirore ihñana ahtaya. ⁷ Sa yena tiquiro buheyequina cahapũ umũñano waha, ohõ saha ni yahuna wahaya: “Jesu masa wijiarĩ. Sa yero mũsa pano Galileapũ tiquiro wahayurota. Topũ tiquirore ihñanata mũsa”, ni yahuna wahaya mũsa. Ahrita ijire mũsare yũhũ yahuri quitĩ, niahye angel tiquina numiare.

⁸ Tiquiro sa nidi bato tiquina numia masa copepũ ijĩye numia sojaro mehna wijia, tiquirore cuepeta bucue yũdũye mehna Jesu buheyequinare yahuye oma cãa wahahye. ⁹ Sa wahayequina numiare Jesu piti ca, ohõ saha niahye:

—¿Quehnoano ijijajari mũsa? niahye tiquiro.

Tiquiro sa nidi bato, tiquina pehe tiquiro cahapũ esa, dahpocãrine ñehe, tiquirore ño peohye.

¹⁰ —Cueracãhña mũsa. Yũhũ bahanare “Galileapũ wahaya”, ni yahuna wahaya. Topũ yũhũre ihñãeta tiquina, niahye Jesu tiquinare.

Masa copere cohteyequina surara tiquina ihñarire yahuahye

¹¹ Tiquiro sa nidi bato numia wahari watoa ihquẽquina masa copere cohteriquina mehna cñena surara, Jerusalẽpũ pahia pũhtoare ijipihiyere yahu pehoye wahahye. Jesu tiquiro masa copepũ wijiarire yahu peho cãhye. ¹² Tiquina sa ni yahugũ pahia pũhtoa, judio masa mari bucũna mehna cahme-coahye. Cahmecoahye, yahuducuahye. Sa yeye surarare ni meho dutiye niñerure wapa yeahye.

¹³ —Ohõ saha niña mũsa masare: “Ñami usã carĩdi bato tiquiro buheyequina pehe masa copepũ wihi, tiquiro pagũre ne cãri jiri”, ni yahuya masare. ¹⁴ Mũsa sa ni yahugũ Pilato pehe mũsa carĩ yũdũarire tũhoboaga. Tiquiro sa tũhogũ, “Mũsare tuhtiarĩ”, nina, mũsare yahu basanata usã tiquirore, niahye tiquina surarare.

¹⁵ Tiquina sa nidi bato surara pehe niñerure ñehe, tiquinare tiquina ni meho dutiro sahata masare

yahuye wahahye. Sa ye tiquina ni mehoriro sahata Jesu tiquiro masa copere wijiarire yahuducuri judio masa. Yojopu gūhure sata nine tiquina.

Jesu tiquiro yere buhe dutiro ohoahye tiquiro buheye-quinare

(Mr 16.14-18; Lc 24.36-49; Jn 20.19-23)

¹⁶ Sa ye usã Jesu buhena once buhena cunupu Galileapu ijidupu Jesu tiquiro waha dutidupu wahau usã.

¹⁷ Topu esa, Jesure ihñana, ño peou usã tiquirore. Sa ño peopenata, usã ihquẽquina “Ahriquiro Cohãcjũ macuno ijieraboaga”, ni tãhotumi.

¹⁸ Usã sa ño peogũ tiquiro pehe usã cahapu wihi, ohõ saha nidi:

—Ahri yehpapare, uhmusepu gūhure Cohãcjũ ijipihtiye-quina bui tutuayere ohori yuhure. ¹⁹ Tiquiro sa ohogũ ohõ saha dutiaja musare: Ijipihtiro cjẽnare yeere buhena wahaya. Yeequina tiquina wahatire buhena wahaya. Sa yena mari Pacu wame mehna, yuhu wame mehna, Espiritu Santo wame mehna tiquinare wame yeya.

²⁰ Sa yena musare yuhu dutirire tiquina ye pehoatire buheya tiquinare musa. Sa yena ahrire yuhu niatire wacũña: Ijipihtiye decori ahri yehpa ijiro puno musa mehna sa ijiducugutja. Musa mehna yuhu sa ijiducuatire wacũña musa, ni yahuri usãre Jesu.

San Marcos

*Ñu wame yeriquiro buhe
ducahye*

*(Mt 3.1-12; Lc 3.1-9, 15-17;
Jn 1.19-28)*

¹ Ahri pũpũ Jesucristo Cohãcjũ macũno tiquiro yerire quehnoañe buheyere yahu dũcaja. ² Cohãcjũ yere yahu mũhtariquiro mũnanao Isaia tiquiro ojoariro sahata yahuye ijire. Ohõ saha ni ojoahye tiquiro:

Cohãcjũ tiquiro macũnore ohõ saha niahye: “Mũhũ pano mahare yahuyuatiquirore ohoyugũ niaja. ³ Sa yero tiquiro masa marienopũ wa-harota. Tiquirore tũhoyequinare yahuro sañuducurota: ‘Mari pũhtoro tiquiro ahtato pano mahare mari quehnoyuro saha quehnoana ijiyuya mũsa. Mũsa ñañe yerire bujũa witiya,’ ni sañuducurota,” niahye Cohãcjũ, ni ojoahye Isaia.

⁴ Ñu wame yeriquiro masa marienopũ buhee tiahye.

—Mũsa ñañe yerire bujũa witiya. Yojobũre quehnoañe pehere comesaya. Sa yena wame yenohrina ijiya. Mũsa sa comesagũ ihñano Cohãcjũ mũsa ñañe yerire borota, ni buhee tiahye tiquiro.

⁵ Sa yero ijipihtiyequina Judea dihta cjẽ macari cjẽna

Jerusalẽ cjẽna mehna tiquiro cahapũ esagũ ihñañõ Ñu pehe Jordã wame tiri mapũ wame yeahye tiquinare. Tiquinare tiquiro wame yegũ tiquina pehe tiquina ñañe yerire yahu yũhdũahye Cohãcjũre.

⁶ Sa yero Ñu camello poari suhtirore sañariquiro wahiquina cahsero mehna tũã dihoriquiro ijiahye. Poreroare, umiquina nũcũ cjẽna umine ihyae tiahye. ⁷ Sa yero ohõ saha ni buhee tiahye.

—Yũhũ bato yũhũ yũhdũoro tutuariquiro ahtarota. Quehnoa yũhdũariquiro ijire tiquiro. Tiquiro yero saha ijieraja yũhũ pehe. Sa yegũ tiquirore tũhotugũ, “Ithyo ijigũ ijiaja yũhũ”, ni tũhotuaja yũhũ. ⁸ Mũsare wame yegũ aco mehna wame yei. Tiquiro pehe yũhũ yũhdũoro yerota. Espiritu Santore masa mehna ijiducugũ yerota, ni buhee tiahye Ñu.

*Ñu Jesure wame yeahye
(Mt 3.13-17; Lc 3.21-22)*

⁹ Sa ye ti pjere Jesu Nazarepũ Galilea yehpapũ ijiri macapũ ijiriquiro Jordã wame tiri mapũ esahye. Topũ tiquiro esagũ Ñu wame yeahye tiquirore. ¹⁰ Tiquiro wame ye tuhasagũ Jesu diapũ ijiriquiro maja sadũca mũmũanopũ ihña mũoahye. Uhmũse parĩ maa wahahye. To parĩ maagũta Espiritu bujua yero saha Jesu bui dijia tahye. ¹¹ Sa yero mũmũsepũ yahuducuro ca tahye:

—Muhū yuhū macū yuhū cahīgū ijire. Muhū mehna tutuaro bucueaja, nino ca tahye ahmūsepū.

Satana ñañene ye dutimahye Jesure

(Mt 4.1-11; Lc 4.1-13)

12 Ti pjere Jesure masa marienopū Espíritu Santo neahye. 13 Topūre esaro cuarenta decori waro ijiahye. Watīno pehe Jesu tiquiro ñañene yegū ihña duaro ñañene ye dutimahye tiquirore. Sa yero Jesu wahiquina nūcū cjēna mehna ijiahye. Topū tiquiro ijigū ihñañe angele pehe tiquirore yedohoahye.

Jesu Galilea yehpapū buhe dhacahye

(Mt 4.12-17; Lc 4.14-15)

14 Sa ye ņure peresupū tiquina biha daporī bato Jesu pehe Galilea yehpapū quehnoañe buheyere Cohācjū pūhtoro ijiyere yahuro wahahye. 15 Ohō saha ni yahuahye:

—Yojopūre ohō saha ijire. Cohācjū tiquiro pūhtoro ijiato mehenogā dūhsare. Mūsa ñañe yerire bujua witiya. Sa yena quehnoañene came-saya. Quehnoañe buheyere tūhoya mūsa, ni buhee tiahye Jesu.

Jesu pititiaro wahi yohyeyequinare “Yuhū mehna cjāna ijiana ahtaya”, niahye

(Mt 4.18-22; Lc 5.1-11)

16 Tire yahu tuhasaro Galilea wame tiri ditara dhūtu cahapū esaro, ihñahye

Simore, tiquiro bahuro Andre mehna. Tiquina wahi yohyeyequina ijiahye. Sa ye tiquina wēñecjare doque ñoñe niahye ti ditarapū.

17 —Yuhū mehna cjāna ijiana ahtaya mūsa. Yuhū mehna mūsa ahtagū mūsa wahire ñehe cahmecoana mūsa ijiro saha Cohācjū yequina ijiatiquinare masare piji cahmecoana ijigū yeitja mū sare. Yuhū mehna mūsa ahtagū sa yeanajare cū tja mū sare, niahye Jesu.

18 Tiquiro sa nigū tūhoye tiquina wēñecjare cū cā, tiquiro mehna wahahye.

19 Sa ye tiquina mehenogā yūhdū cā, Santiagore, tiquiro bahuro ņū gūhure boca sahye tja. Tiquina pehe Zebedeo pohne ijiahye. Tiquina yaria yucūsapū wēñecjare quehnoñe niahye. 20 Sa yero tiquiro pijiogū tiquina pehe tiquina pacūrore, tiquirore yedohoyequina mehna yucūsapū cū cā, Jesu mehna wahahye.

Watīare cūoriquiro Jesure piti cahye

(Lc 4.31-37)

21 Sa ye tiquina Capernau wame tiri macapū esahye. Sa yero saurū ijigū judio masa buheri wūhapū buhero esahye tiquiro. 22 Sa yero tiquiro quehnoano masi pehoriquiro buhero usā judio masare buhyeyequina yero saha ijierahye tiquiro. Tiquiro sa buhegū ti maca cjēna tūho maria wahahye. 23 Ti pjere ti wūhapū ijiriquiro

watĩare c̄oriquiro ijiahye. Sa yero oh̄o saha niahye Jesure:

24 —M̄h̄h̄ Jesu Nazare cj̄ cariboerac̄h̄ña h̄s̄are. ¿D̄h̄se yei t̄h̄ niajari h̄s̄are? ¿M̄h̄h̄ h̄s̄are butiḡu yei t̄h̄ niajari? Coh̄cj̄ mac̄ quehnoaḡ m̄h̄h̄ ijiḡu ȳh̄ masiaja, ni sañuducuahye tiquiro Jesure.

25 Tiquiro sa niḡu t̄horo Jesu tuhtiahye watĩare:

—Dihta mariah̄ña. Duhuya tiquirore, niahye Jesu.

26 Sa yeye watĩa tiquirore yehpar̄ doque quehe sa tunuḡu yeye, tiquiro tutuaro sañuducuri watoa duhuahye tiquirore. 27 Sa ye ijipihtiequina ti w̄h̄p̄ dujiyequina ac̄ua ȳhd̄a waha, oh̄o saha niahye:

—Ahyou. ¿Ahri wahma buheye ijiajari? Tiquiro p̄h̄toro yero saha dutire watĩare. Tiquiro dutiḡu tiquina watĩa pehe ȳhd̄d̄caerare tiquirore, ni yahuducuahye ti w̄h̄p̄ dujiyequina tiquina basi.

28 Sa ye meheñe decori batota duita ijipihtiequina Galilea yehpa cj̄ena tire tiquiro sa yerire t̄hoahye.

Jesu Simo Pedro mare-onore duti ȳhd̄ḡu yeahye
(Mt 8.14-15; Lc 4.38-39)

29 Sa ye Jesu ḡh̄ judio masa buheri w̄h̄p̄ ijiriquina wijiaa wahahye. Tiquina sa wijari bato Jesu, Santiago, Ñu, apequina tiquina mehna cj̄ena ḡh̄re, Simo, tiquiro bah̄ro Andre mehna tiquina ya w̄h̄p̄ siho saj̄a sahye. 30 Ti pjere

Simo mareono ujuaye dohatiricoro cuñano bui ticoro cuñaḡu ih̄ñañe yahuahye Jesure.

31 Tiquina sa ni yahuḡu t̄horo tiquiro pehe ticoro cahap̄ esaro, ticoro omocare ñehe, ticorore weje wahc̄o dapoahye. Tiquiro sa weje wahc̄o dapoḡata ticorore ujuaye surua wahahye. Ti sa sururi bato ticorota ihyayere peoahye.

Jesu peyequina dohatiye-quinare ȳhd̄oahye

(Mt 8.16-17; Lc 4.40-41)

32 Ñamicahap̄ as̄u saj̄ari bato masa peyequina dohatiyequinare, watĩa c̄oyequinare Jesu cahap̄ ne sahye. 33 Sa ye ijipihtiequina ti maca cj̄ena cahmecoa d̄ca sahye ti w̄h̄p̄ sopecahap̄. 34 Sa yero Jesu peyequina dohatiyequinare, peyequina watĩa c̄oyequinare quehnoa wahaḡu yeahye. Peyequina watĩare coh̄ahye. Sa yero Jesure watĩa tiquirore masiḡu ih̄ñoano Jesu pehe tiquinare yahuducu dutierahye.

Jesu buhe tinino wahahye
(Lc 4.42-44)

35 Sa ye ñami cj̄uno wahc̄a, nahitia cj̄uḡu masa marienop̄ Coh̄cj̄are sinino wahahye Jesu. 36 Tiquiro sa wahaḡu ih̄ñañe Simo ḡh̄ tiquirore macañe esahye. 37 Sa ye tiquirore piti caye, oh̄o saha niahye:

—Masa ijipihtiequina m̄h̄re macañe nidi, niahye tiquina.

38 Tiqina sa nigũ tũhoro ohõ saha niahye Jesu:

—Ahri macarine buhegu ahtaũ yũhũ. Sa yena ap-eye macari ohõ cahagã cjẽ macaripũ wahaũhna mari. Yũhũ ti macari gũhũre buheitja, niahye Jesu tiquinare.

39 Sa yero ijipihtiye Galilea yehpare buhe tiniahye. Sa yero macaripe judio masa buheye wũhũsepũ buhero, watĩare masa mehna ijiye-quinare cohã wioahye.

Jesu cami bũcũ mũna wihirore yũhdũoahye

(Mt 8.1-4; Lc 5.12-16)

40 Sa ye apequiro dohatiriquiro cami bũcũ mũna wihiro Jesure piti caro dũsepe curi mehna quehe sa siniahye:

—Mũhũ yũhũre yũhdũo duagũ yũhdũoya, niahye cami bũcũ mũna wihiro.

41 Tiquiro sa nigũ tũhoro Jesu tiquirore paja ihñahye. Sa yero tiquiro omocare siõdoqueo tiquirore ña peoahye. Sa ña peoro ohõ saha niahye:

—Tire ye duaja. Quehnoagũ ijiya mũhũ, niahye Jesu.

42 Tiquiro sa nigũta tiquiro cami ahbari yati maa wahahye. Quehnoa wahahye tiquiro. 43 Tiquiro sa wahagũ ihñano Jesu tiquirore tutuaro mehna yahuahye:

44 —Apequinare ahrire yahu siteracãhña. Sa yahuerapegũta mũhũ pagũre pahire ihñõña. Cohãcjũ dutiye Moiserere tiquiro cũriro

sahata yeya. Sa yegu minicjũare ohoya pahire mũhũ quehnoagũ mũhũ waharire masare mũhũ ihñõatire, niahye Jesu. Sa ni tuhasa “Wahaya”, niahye tiquirore.

45 Tiquiro sa yahu dutierapegũta tiquiro waha, ijipihtiye macari cjẽnare Jesu yerire yahuahye. Tiquiro sa yahuri bato Jesu masa peyequina ijiropũre waha masiedahye. Sa yero tiquiro meheñequinagã ijiropũ iji-ahye. Topũ tiquiro ijigũ peye macari cjẽna tiquiro cahapũ esahye.

2

Jesu tini masieniquirore tinigũ yeahye

(Mt 9.1-8; Lc 5.17-26)

1 Meheñe decori bato Jesu Capernaupũ tojoa wahahye. Wũhũpũ tiquiro ijigũ masa tũhoahye. 2 Sa ye topũ masa peyequina cahmecoa, ti wũhũre wahpa wijiadũca saa wahahye. Sa yero Jesu tiquinare quehnoañe buheyere yahuahye. 3 Sa ye apequina gũhũ ahta, pititiaro mũhũa tini masieniquirore ne wihiyahye. 4 Tiqina masa peyequina ijigũ ihñañe Jesu cahapũ sajã masiedahye. Sa ye tiqina wũhũ buipũ muji pahmare ne wedoqueo, Jesu bui waro meheni copegã dahre, tini masieniquirore tiquiro cuñari cahsero mehna duhu dijioahye Jesu caha waro. “Jesu ahriquirero tiquiro dohatiyere yũhdũgũ yerota”, ni tũhotuahye

tiquina. ⁵ Tiquina sa ni tuhotugū masino Jesu pehe dohatiriquirore ohō saha ni yahuahye:

—Yuhū macū, mūhū ñañe yerire cohā tuhasaū, niahye Jesu tini masieniquirore.

⁶ Tiquiro sa nigū tuhoje, usā acaye judio masare buheyequina topure dujiyequina tiquina basi ohō saha ni tuhotumahye: ⁷ “Ahriquiro sa ni yahuducueracāhdo. Cohācjāre ñano yahuducuro nine tiquiro. Masuno mari yero saha ijiriquiro ijire tiquiro gūhū. Sa yero tiquiro ahriquiro ñañe yerire cohā masiedare. Cohācjū dihita masa tiquina ñañe yerire cohā masine”, ni tuhotumahye tiquina. ⁸ Tiquina sa ni tuhotugū ihñano Jesu tiquina tuhotuyere masino ohō saha niahye:

—¿Duhse yena mūsa sa ni tuhotuajari? ⁹ “Mūhū ñañe yerire cohā tuhasaja”, yuhū nigū, “Ni mehogu ijire”, yuhūre nina nine mūsa masiedapenata. Tiquiro tini masieniquirore “Wahcādūca, wahaya”, yuhū nigū, tiquiro tinigū ihñana yuhū nidi potota ijigū duita masinata mūsa. ¹⁰ Yuhū masū Cohācjū ohorigū ahri yehpapure masa tiquina ñañe yerire cohā masiaja yuhū. Yuhū sa cohārire mūsa masiato saha ohō saha tiquiro wahagū yeitja, niahye Jesu judio masare buheyequinare.

Sa ni tuhasa tini masieniquirore ohō saha niahye:

¹¹ —Mūhūre niita niaja. Wahcādūcaya. Mūhū cuñari cahserore ne cāhña mūhū ya wuhūpū, niahye Jesu tiquirore.

¹² Tiquiro sa nigūta tini masieniquiro wahcādūca sa, tiquiro cuñari cahserore ne, ijipihtieyequina tiquina ihñono wijiaa wahahye. Tiquiro sa yegū ihñañe tiquina ijipihtieyequina ihña acūaa wahahye. “Cohācjū tutuariquiro ijire. Ne mari ohō saha yegūre ihñeda tii”, niahye tiquina basi.

Jesu Levíre “Yuhū mehna cjū ijiacjū ahtaya”, niahye (Mt 9.9-13; Lc 5.27-32)

¹³ Sa ye pari turi Jesu ditara duhtū cahapū wahahye. Sa yero masa peyequina tiquiro cahapū tiquina cahmecoagū ihñano tiquiro buheahye tiquinare. ¹⁴ Sa ye tuhasa topū ijiriquiro waharo Levíre Alfeo macūnore tiquiro dahrari tucūpū boca sahye. Apequina mehna pūhtoa ye ijiatire wapa ne cohteyequina ijiahye Leví gūhū. Tiquirore boca saro ohō saha niahye:

—Yuhū mehna cjū ijiacjū ahtaya mūhū, niahye Jesu Levíre.

Tiquiro sa nigū Leví pehe wahcādūca sa, Jesu mehna wahahye.

¹⁵ Jesu mehna wahayequina peyequina ijiahye. Sa yero Leví ya wuhūpū mesa cahapū peyequina wapa ne cohteyequina mehna, “Ñano yeyequina”,

tiquina niñequina mehna tiquiro buheyequina mehna dujiahye Jesu. ¹⁶ Topu tiquina dujiri bato apequina usã judio masare buheyequina, fariseo masa mehna Jesu tiquiro ihyagũ ihñahye tiquina. Sa ihñañe ohõ saha niahye:

—¿Duhsero ñano yeyequina, wapa ne cohteyequina mehna ihyajari Jesu? ni sinituahye judio masare buheyequina Jesu buheyequinare.

¹⁷ Tiquina sa nigũ tũhoro queoye mehna yũhtiahye Jesu:

—Dohatieyequina duturure macaedare. Dohatieyequina dihita duturure macare. Ñañequina dohatieyequina yero saha ijire. Sa yegu ñañequina dihitare tiquina ñañe yerire bujua witi duti, quehnoañe pehere tiquinare comesagũ yegu tagu nũ yũhũ. Tiquina basi “Quehnoana iji-aja usã”, ni tũhotuyequinare yedohogu tagu niedu yũhũ, niahye tiquiro tiquinare.

Sijiyere Jesure sinituahye apequina

(Mt 9.14-17; Lc 5.33-39)

¹⁸ Ti pjere Ñu buheyequina, fariseo masa gũhũ Cohãcjũre ño peoye tehe, sijie tiahye. Sa ye masa Jesure sinituahye:

—Ñu buheyequina, fariseo masa buheyequina gũhũ Cohãcjũre ño peoye tehe sijire. ¿Duhse ye mũhũ buheyequina sijierajari? niahye tiquina Jesure.

¹⁹ Jesu tiquiro tũhotuye mehna queoye mehna buhero tiquinare ohõ saha ni yũhtiahye:

—Ohõ saha ijire ti: Omoca duhteriquiro bose deco ijigũ tiquiro mehna cjẽna bujua witiro mehna ijierare. Sa ye sijiyequina ijierare. Sata yũhũ buheyequina gũhũ yũhũ mehna ijiye, siji masiedare. ²⁰ Yũhũ Pacu Cohãcjũ yũhũre tiquiro neari bato pũritare pari turi yũhũ buheyequina mehna ijisi yũhũ. Sa ye ti pjeru yũhũ buheyequina gũhũ sijieta, niahye Jesu.

²¹ Panopu cjẽ buheye mehna tiquina buhe more duagũ ihñano ohõ saha ni nemoahye Jesu tiquinare queoye mehna buhero.

—Ne wahma cahsero suhtiro cahsero mehna manano suhtirore sere ohõno cahmedare. Sa yegũ wahma cahsero mari coseri baõo manano suhtirore weje cahmeco, paji yũhdũaro tũhnũgũ yere. (Sata mana buheye wahma buheye mehna piti dahre buheraro cahmene.) ²² Sa yena ne uhse co bisiye core wahiquiro cahsero ajuropũre mana ajuropũre pose yeraro cahmene. Sa yegũ uhse co bisiye pahmuñerũ mana ajurore tũhnũ dijiaa wahare. Ti ajuro tũhnũgũ uhse co gũhũ ajuro gũhũ cohãa wahare. Sa yena uhse co wahma core wahma ajuropũ pose yero cahmene. (Sata wahma buheye mana buheye mehna

buhe moredaro cahmene,) ni buheahye Jesu tiquinare.

*Saurú ijigū Jesu buheye-
quina trigo parorire peheahye
(Mt 12.1-8; Lc 6.1-5)*

²³ Ape deco saurú ijigū Jesu gūhū trigo wesepū wahahye. Tiqiro buheyequina pehe trigo parorire pehe yūhdū cāhye. ²⁴ Tiquina sa yegū ihñañe ohō saha ni tuhtiahye fariseo masa Jesure:

—Tūhorñña usāre. ¿Dahse ye mūhū buheyequina saurú mari sori deco ijiepegūta dahrajari? Mari dutiyere yūhdūdcaye nine, niahye tiquina Jesure.

²⁵⁻²⁶ Tiquina sa nigū tūhoro Jesu tiquinare yūhtiahye. “Yūhū buheye-quina yūhdūdcaye niedare”, nino taro ohō saha niahye:

—Davi mūnano tiqiro mehna cjēna mehna ūjūa ahbaro, Cohācjū wūhūpū sajā, Cohācjū ye pāre ihyahye. Sa yero tiqiro mehna cjēna gūhūre ti pāre ohoahye. Ti pāre pahia dihita ihyae tiahye. Cohācjū dutiye tiquina ojoari pū apequinare ti pāre ihya dutierare. Ti pjere Abiatar wame tiriqiro pahia pūhtoro ijiahye. ¿Davi gūhū tire tiquina yerire Cohācjū yere tiquina ojoari pūre buherari mūsa? (Ti pāre ihyaro Cohācjūre yūhdūdcaro niedahye. Mi-are ahri pjerire ihyaye yūhū buheyequina gūhū Cohācjūre yūhdūdcaye niedare,) niahye Jesu tiquinare.

²⁷ Sa ni tuhasa ohō saha ni nemoahye:

—Sa yero Cohācjū saurú decore tiquina sori deco cūno, masa ya deco cūno nidi dahra wahyariquinare so dutiro. Ti deco cahacjēna ijiatire cūno niedari masare. ²⁸ Sa yegū yūhū masū Cohācjū ohorigū ahri deco saurú decore masa tiquina yeatire yahugū ijigū pūhto ijiaja, niahye Jesu tiquinare.

3

*Omoca būhariqiro quitu
ijire*

(Mt 12.9-14; Lc 6.6-11)

¹ Sa ye Jesu usā judio masa buheri wūhūpū esaro, sajāhye tja. Sa yero omoca būhariqiro gūhū topū ijiahye. Sa ye ti wūhūpū ijieyehye-quina Jesu dihitaro ihñadoque ohōahye. ² Saurú ijigū Jesu omoca būhariqirore tiqiro yūhdūogū ihñā duahye tiquina. Tiqiro sa yegū ihñañe tiqirore yahusā duahye. “Mari sori decore Jesu dahraro nine”, ni yahusā duahye tiquina. ³ Sa yero ohō saha niahye Jesu omoca būhariqirore:

—Wahcādūca saya. Ohōpū ahtaya, niahye.

Sa ni tuhasa ti wūhūpū ijieyehye yahuahye:

⁴—¿Saurú ijigū quehnoañe yegū quehnoaedajari? ¿Oñañe yegū pehere quehnoajari, mūsa tūhotugū? Saurú ijigū masūnore masogū quehnoarñe. Masūnore wejēgū pehere

quehnoaedare, ni yahuahye Jesu tiquinare.

Tiquiro sa niepegūta tiquina pehe ne yuhtierahye. ⁵ Tiquina sa yuhtieragū ihñano Jesu tiquina mehna usuahye. Tiquina tūho dueragū ihñano Jesu bujūa witiahye.

—Mūhū omocare siō potoya, niahye tiquiro omoca buhariquirore.

Tiquiro sa nigū tūhoro tiquiro omocare siō potohye. Tiquiro siō potogūta omoca quehnoa wahahye. ⁶ Sa omoca quehnoa wahagū ihñañe fariseo masa wijiaa wahahye. Wijia, Herode mehna cjēna mehna cahmeco, “¿Dūhse ye Jesure wejēnatari mari?” niahye tiquina basi.

Masa peyequina ditara dūhtū cahapū ijiahye

⁷⁻⁸ Sa ye Jesu tiquiro buheyequina mehna ditara cahapū wahahye. Tiquina sa wahagū ihñañe Galilea cjēna masa peyequina tiquiro bato esahye. Sa ye Judea yehpa cjēna, Jerusalē cjēna, Idumea yehpa cjēna, Jordā wame tiri ma ape sie pahrē cjēna, Tiro wame tiri maca cjēna, to cahapū ijiyequina, Sidō wame tiri maca cjēna, to cahapū ijiyequina mehna masa peyequina ijipihtiyequina tiquiro yerire tūhoye, tiquiro cahapū esahye. ⁹ Sa ye masa peyequina ijiye, Jesu cahare bihsa dūca sahye. Sa yero Jesu yuch sare quehno pahsa

dutiahye tiquiro buheyequinare. ¹⁰ Peyequina dohatiyequinare tiquiro yūhdūogū ihñañe apequina dohatiyequina gūhū Jesure piha duaye, bihsa dūca sahye. ¹¹ Sa ye watīare cūoyequina pehe Jesure ihñañe tiquiro cahapū dūsepe curi mehna quehe sahye.

—Mūhū Cohācjū macū ijire, ni sañuducuahye tiquina tiquirore.

¹² Sa yero tiquinare Cohācjū macūno tiquiro ijiyere tutuaro mehna apequinare yahu dutierahye Jesu.

Jesu tiquiro buheyequinare doce tiquiro ohoatiquinare bese docoahye
(Mt 10.1-4; Lc 6.12-16)

¹³ Sa ye Jesu cūnūpū mūja, tiquiro cahmeñequinare pijiahye. Tiquiro pijigū tūhoye, tiquiro cahapū esahye tiquina. ¹⁴ Sa yero doce ūmūare tiquiro mehna cjēnare, tiquiro ohoatiquinare, apeye macaripūre tiquiro yere buheatiquinare bese docoahye Jesu. Sa ye tiquina ya curua Jesu cūriquina wame tiahye. ¹⁵ Sa yero dohatiyequinare yūhdūoatire, watīare cohāti gūhūre cūahye tiquinare. ¹⁶⁻¹⁹ Ahriquina ijiahye doce ūmūa Jesu tiquiro bese docoriquina: Simo, Santiago Zebedeo macūno, Ōu Santiago bahūro, Andre, Felipe, Bartolomé, Mateo, Tomasu, Santiago Alfeo macūno, Tadeo, Simo celote ya curua

cjēno ijimediquiro, Juda Iscariote, ahriquina ijiahye tiquiro bese docoriquina. Jesu Simore Pedro wame yeahye. Santiagore, Ñu mehna Boanerges wame yeahye. Boanerges “Upo cjēna”, nino nine. Juda Iscariote Jesure ihña tuhtiyequinare ihñoatiquiro ijiahye.

—*Jesu watīno tutuayere curore, ni yahusāhye masa*
(Mt 12.22-32; Lc 11.14-23; 12.10)

²⁰ Tiquinare bese doco tuhasa, dijia, Jesu tiquiro buheyequina mehna wuhapū sajāa wahahye. Sa ye topū pari turi masa peyequina cahmecoañe, bihsaa wahahye. Tiquina sa bihsagū ihñano Jesu ihya masiedahye. Sa ye tiquiro buheyequina gūhū ihya masiedahye. ²¹ Sa ye apequina Jesu acaye tire tūhoye tiquiro cahapū esaye, tiquirore ñehemahye. “Tiquiro tūho masieniquiro waharo nine”, nimahye tiquina.

²² Apequina ohō saha nimahye:

—Beelzebú tiquirore sa wahagū yero niaga. Tiquiro watīare cohāno, Beelzebú watīa pūhtoro tutuaye mehna tiquinare cohāre, nimahye Jerusalēpū ahtariquina usā judio masare buheyequina.

²³ Tiquina sa nigū tūhoro Jesu pehe tiquinare piji, tiquiro tūhotuye mehna queoye mehna yahuahye

tiquinare, “Watīno ye tutuaye mehna watīare cohāgū niedaja”, nino taro.

²⁴ —Watīa tiquina basi cohā masiedare. Sa ye ihcā yehpa cjēna tiquina basi cahme wejē, ti yehpa cjēna yaria pihtia wahaboaga. ²⁵ Sa ye ihcā wūhū cjēna tiquina basi cahmequeñe ti wūhū cjēna waha pihtia wahaboaga. ²⁶ Sa yero Satana watīa pūhtoro pehe watīare cohāno tiquina basita cahmequeñe niboaga. Sa ye tiquina waha pihtia wahaboaga.

²⁷ ‘Ohō saha ijire mari queoye mehna buhegū. Tutuariquiro ya wūhūpū apequiro sajā sa yaque masiedare. Tutuariquirore dūhteraro tiquiro ya wūhūpū sajā sa yaque masiedare. Tutuariquirore tiquiro dūhteri bato sajā sa yaque masine, ni yahuahye Jesu.

(Ohō saha ni yahuahye watīnore tiquiro yūhdūducarire yahuro. Watīno tutuariquiro tiquiro ijiepegāta Jesu tiquirore yūhdūducare watīare cohāno.)

²⁸ Sa ni tuhasa ohō saha ni yahu nemoahye Jesu:

—Poto niita niaja masare. Ijipihtiyē ñañe masa tiquina yegū tiquina yahuducugū gūhūre Cohācjū bo masine. ²⁹ Sa boeperota Espiritu Santore tiquina ñano yahuducugū ti pūritare ne bosī. Tiquina sa nidi buhiri sa buhiri tiducuyequina ijietta, niahye Jesu tiquinare.

30 Jesu Espiritu Santo tiquiro tutuaye mehna watĩare tiquiro cohãepẽgũta “Tiquiro watĩno tutuaye mehna watĩare cohãno nine”, nimahye masa. Tiquina sa nigũ tãhoro ti quitire Espiritu Santo quitire yahuahye Jesu tiquinare.

Jesu acaye tiquirore piji-ahye

(Mt 12.46-50; Lc 8.19-21)

31 Sa ye Jesu bahana tiquiro pacoro mehna wihiahye. Sa wihiey sopecahapũ ijiahye. Apequinare piji dutiahye tiquirore. 32 Sa ye masa tiquiro cahapũ dujiyequina yahuahye tiquirore.

—Mũhũ paco, mũhũ bahana mehna sopecahapũ mũhũre pijiri, niahye.

33 Tiquina sa nigũ tãhoro ohõ saha niahye Jesu tiquinare buhero taro:

—¿Noa ijiajari yũhũ paco, yũhũ bahana gũhũ, mũsa ihñagũ? niahye tiquiro tiquinare buhero.

34 Sa nino tiquiro caha dujiyequinare ihñano ohõ saha niahye:

—Ahriquina ijire yũhũ paco, yũhũ bahana yero saha ijiyequina. Cohãcjũ cahmeñene yere ahriquina.

35 Sa yeyequina yũhũ bahũ, yũhũ baho, yũhũ paco yero saha ijire, ni buheahye Jesu tiquinare.

4

Jesu oteriquiro quitire buheahye

(Mt 13.1-9; Lc 8.4-8)

1 Sa ye pari turi ditara dũhtũ cahapũ Jesu buhe dũcahye. Sa ye topare buhe dũcaro masa peyequina tiquiro cahapũ tiquina cahmecoagũ ihñano Jesu pehe yucũsapũ buhe pahsaye. Sa ye masa pehe ditara dũhtũ cahapũ ducuahye. 2 Sa yero Jesu peye tiquiro tãhotuye mehna piti dahre yahuahye tiquinare buhero.

3 —Ahri quitire tãhoya mũsa, niahye tiquiro.

—Oteriquiro otero wahahye. 4 Tiquiro sa otegũ ap-eye pjeri maha dũhtũ cahapũ bora quehe sahye. Sa bora quehe saye pjerire minicjũa ahta, ihya cãhye. 5 Sa ye apeye pjeri utã pjeri watoa bora quehe sahye. Utã pjeri watoa dihta marieda cjũno ijiepegũ duita pihnimahye. 6 Sa pih-nidi ijieperota, asũ tutuaro asigũ nahcori marieda, ñaia wahahye. 7 Apeye pjeri taa watoa bora quehe sahye. Taa pehe dia yũhdũa waha, oteri pehere wejẽ cãhye. Sa yero dũca mariedahye. 8 Apeye pjeri quehnoari dihtare bora quehe sahye. Quehnoano pihniñe ijiro quehnoano dũca tiahye. Apeye cjũ treinta pjeri, apeye cjũ sesenta pjeri, apeye cjũ cien pjeri dũca tiahye. 9 Ahrire quehnoano tãhoya mũsa, niahye Jesu.

Jesu quitu mehna tiquiro buherire yahuahye

(Mt 13.10-17; Lc 8.9-10)

10 Sa ye tiquina sehsaro ijiye doce buheyequina, apequina Jesu mehna ijiyequina

ti quitire masi duaye, Jesure sinituahye. ¹¹ Tiquina sa sinituri bato Jesu ohō saha ni yahuahye:

—Cohācjū masa pūhtoro tiquiro ijiyere, panopū apequina tiquina masiedarire māsare masigū yere Cohācjū. Apequina pehere sa yerare tiquiro. Tiquinare quititi mehnata buheitja. ¹² Sa ye tiquina ihñāepeta ihñedariquina yero saha tojoare. Sa ye tūhoepeta masisi. Tiquina masiñe quehnoañe pehere camesaboaya. Tiquina sa camesagū ihñano tiquina ñañe yerire boboaya Cohācjū. (Sa ijipegūta tiquina pehe ne tūho duerare,) niahye Jesu.

Jesu oteriquiro quitire yahu pehoahye

(Mt 13.18-23; Lc 8.11-15)

¹³ Tiquiro sa nidi bato ohō saha ni yahu nemoahye tiquinare:

—¿Ahri quitire tūhoena niajari mūsa? ¿Mūsa ahri quitire tūhoerana, dahse apeye quitire tūhonatari mūsa? niahye Jesu tiquinare.

Sa ni tuhasa ohō saha ni yahu nemoahye tiquinare:

¹⁴ —Oteriquiro tiquiro oteri pjeri quehnoañe buheye yero saha ijire. ¹⁵ Sa yero maha dūhtū caha bora quehe sari pjeri quehnoañe buheye yero saha ijire. Sa yero masa quehnoañe buheyere tiquina tūhogū ihñano Satana pehe ahta, ti buheye quehnoañe buheyere masi dutierare tiquinare,

minicjua ti pjerire tiquina dote nediro saha yero. ¹⁶ Sa ye utā pjeri watoa bora quehe sari pjeri quehnoañe buheye yero saha ijire. Sa ye masa quehnoañe buheyere tūho, bucueye mehna duita tire tūho ñehe maa wahare. ¹⁷ Sa tūho ñehepeta utā pjeri watoa ijiye cjū nūhcori marieñe cjū yero saha ahriquina masa gūhū tutuerare. Sa tutueraye, ñano yūhdūye, yeequina tiquina ijiri buhiri apequina tiquinare ñano yegū ihñañe yee pehere duhu cāhre. Apequina tiquinare ñano yegū tire ihcāno sahaeraye, yeere duhu cāhre. ¹⁸ Sa ye taa watoa bora quehe sari pjeri quehnoañe buheye yero saha ijire. ¹⁹ Sa ye masa quehnoañe buheyere tūhoepeta, ahri yehpa cjēne pajiro bujua witi tūhotuye, niñeru pehere cahñe. Apee boro gūhūre peye tutuaro cahmene. Tiquina sa ni tūhotugū ti pehe quehnoañe buheyere cahmotare. Ti sa cahmotagū masa quehnoañe pehere yerare. ²⁰ Sa ye quehnoari yehpapū bora quehe sari pjeri quehnoañe buheye yero saha ijire. Sa ye masa quehnoañe buheyere tūhoye tire cahmene. Sa masiñequina ijiye, Cohācjū tiquiro cahmeno sahata quehnoañene yere tiquina. Ihquēquina mehenno quehnoañene yere treinta pjeri dūca tiro saha. Apequina bui cjūno quehnoañene yere sesenta pjeri dūca tiro saha. Ape-

quina pajiro quehnoañene yere cien pjeri dũca tiro saha, ni yahuahye Jesu tiquinare.

Jesu sihãria quitire buheahye

(Lc 8.16-18)

²¹ Sa ni tuhasa ohõ saha ni nemoahye:

—Ne sihãriare dihi sutu docapũ cũedare. Sa ye tiare cumuno docapũ cũedare. Hmũanopũ

duhu peore quehnoano buhrio dutiye. ²² Ijipihtiye tiquina masiedarire came

masa masieta. Sihãria buhriogũ mari ihña masino saha panopũre tiquina

masiedarire masieta masa. ²³ Ahrire quehnoano tuhoya mũsa.

²⁴ Mehenogã masi duana mehenogã masinata. Pajiro masi duana pajiro masinata. Sa yena mũsa

tuhona quehnoano tuho nũnũña. ²⁵ Quehnoano tuho nũnũriquiuro quehnoano

masinota. Tuho nũnũeniquiro, “Mehenogã tuhoaja”, tiquiro niepegũta ti pehe butia waharota, niahye Jesu tiquinare.

Jesu trigore oteriquiro quitire buheahye

²⁶ Sa ni tuhasa ohõ saha ni yahu nemoahye:

—Cohãcjũ masa pũhtoro tiquiro ijiye trigore oteriquiro yero saha ijire. ²⁷ Ote tuhasa bohrearo tiquiro oteri pihniñene ihñare tiquiro.

“¿Dũhse pihni wijia ta dũcajari?” ni ihña masiedare oteriquiro tiquiro basi. ²⁸ Ti oteri ti basi dũca tire. Pari pũgã wijia mũhtare. Came

pari paro wijia, bũcũare. ²⁹ Ti parori bũcũa tuhasagũ ihñano, pehere peheri pje ijigũ. (Tiquiro ote, ti bũcũarire tiquiro masiedaro saha Cohãcjũ yequina masa tiquina wahari gũhũre yahu peho masiedare masa,) ni buheahye Jesu.

Mostaza pje quitire yahuahye Jesu

(Mt 13.31-32; Lc 13.18-19)

³⁰ Sa ni tuhasa ohõ saha ni buhe nemoahye queoye mehna buhero:

—¿Ne Cohãcjũ masa pũhtoro tiquiro ijiye yabe boro yero saha ijiajari, mũsa tuhutugũ? ¿Dise quiti mehna tire yahunatari? ³¹ Mostaza

pjegã yero saha ijire Cohãcjũ pũhtoro ijiye. Ti pjegã tiquiro otegũre mehene pjegã waro ijire. ³² Sa ijieperota ti pjegã

quehnoano pihnine. Sa yero pajidũ wahare. Sa ye tu dũpũri bũjũye dũpũri bũcũagũ

ihñañe minicjũa ti dũpũripũ suhti suhare, niahye Jesu. (Sa nino ohõ saha nino niahye. Mostaza pjegã pajidũ

tu bũcũariro saha uhmũse cjũnore mari pũhtorore masiñequina meheñequinagã tiquina iji mũhtaepegũta camepũre peyequina wa-haeta.)

Quiti mehna tiquiro buherire yahuahye Jesu

(Mt 13.34-35)

³³ Sa yero ti quiti tiquiro nidiro saha peye quitire tiquina tuho ñeheno puno quehnoañe buheyere

buheahye tiquinare. ³⁴ Quiti marieno yahuerahye

tiquinare. Sa yero tiquina sehsaro ijiyequinare Jesu quehnoano yahu pehoahye tiquiuro buheyequinare.

Jesu wihnonore yusū duti-ahye

(Mt 8.23-27; Lc 8.22-25)

³⁵ Sa ye ti decore ñamicahapū Jesu tiquiuro buheyequinare ohō saha niahye:

—Isa, si pahrēpū pehāuhna, niahye tiquinare.

³⁶ Tiquiuro sa nigū tūhoye yucūsapū saajā, masare yehpapū ducuyequinare tota cū, tiquiuro buheyequina dihita Jesure ne pehā wahahye. Sa ye apeye yucūsari mehna apequina tiquina bato pehāhye. ³⁷ Tiquina sa pehāgū wihnono tutuaro wēahye. Sa wēno yucū sare tutuaro pahcōri quē saajāhye. Mehenogā dūhsamahye tiquina miniboriro. ³⁸ Sa wahari watoa Jesu yucūsa ohoturopū suhti puti buipū carīno niahye. Sa ye tiquina tiquiore wahcōahye.

—¿Buhegū, mūhū cuerajari? Mari minina tana niajū, niahye tiquina tiquiore.

³⁹ Tiquina sa nigūta Jesu pehe wahcā, wihnonore,

—To punota wē duhuya, niahye.

Sa ninota pahcōri gūhure,

—Yusūahya, niahye.

Tiquiuro sa nigūta wihnono yūhdūa wahahye. Sa ye pahcōri gūhū yusū dijiaa wahahye.

⁴⁰ —¿Dūhse yena cue maca cāna niajari mūsa? ¿Mūsa

yūhure wacū tutuerajari? niahye Jesu.

⁴¹ Sa wahagū ihñāñe acūa yūhdūa wahahye.

—¿Yohou, dūhse ijiriquiro boro masūno ijiajari ahriquiuro? Ahri wihnono, pahcōri gūhū tiquiuro dutigū yūhdūdūcaerare tiquiore, niahye tiquina pehe.

5

Watīare cūoriquiore yūhdūoahye Jesu

(Mt 8.28-34; Lc 8.26-39)

¹⁻² Sa ye tiquina si pahrēpū Gerasa cjēna ya yehpapū pehā sahye. Sa yero Jesu pehe yucūsapū sañariquiuro maja sadūcahye. Tiquiuro sa maja sadūcari bato watīa cūoriquiro masa coperi utā coperi watoapū ijiriquiro wijia ta, tiquiuro cahapū ahtahye. ³ Watīa cūoriquiro masa coperi watoa ijiriquiro ijiahye. Apequina pehe tiquiore come da pajiri da mehna ñehe dūhte masiedahye. ⁴ Sa ye peye tahari masa tiquiore dahpocāri apōñe behtori mehna, come dari mehna dūhtemahye. Tiquiuro omocari gūhure dūhtemahye. Sa yero tiquiuro pehe come darire nuha, dahpocāri apōñe behtori gūhure nuha site mūjahye. Sa ye tutu-ariquiuro tiquiuro ijiro mehna masa pehe tiquiore ñehe masiedahye. ⁵ Ñami ijigū, deco ijigū utā coperi watoapū cūnūpū sa sañuducue tiahye tiquiuro. Sa yero utā mehna

tiquiro basi tiquiro pagure quēe tiahye. ⁶ Sa yero yoaropu Jesure ihñadoqueo tiquiro cahapu oma maa cãhta, dusepe curi mehna quehe sahye tiquirore ño peoro taro.

⁷⁻⁸ —Watia duhuya tiquirore, niahye Jesu.

Tiquiro sa nigū tãhoro watia cãoriquiro ohõ saha niahye:

—¿Jesu, Cohãcjũ tutu-
ariquiro macu, yabere
yegu tuu niajari mahu
yuhure? Cohãcjũ tiquiro
ihñonopu siniaja yahu
muhure. Yuhure ñano yer-
acãhña, ni sañuducuahye watia
cãoriquiro Jesure.

⁹ —¿Duhse wame tiajari mahu? niahye Jesu tiquirore.

—Usã peyequina ijiaja. Sa yena “Peyequina watia” wame tiaja. ¹⁰ Usã ahri dihtapu ijinare ape siepu waha dutieracãhña, niahye watia cãoriquiro.

¹¹ Ti pjere yesea peyequina tiquina cahapu cãnu dahpotopu ihyaye niahye. ¹² Topu tiquina ihyaducugũ ihñañe, ohõ saha ni siniahye watia:

—Sisequina yesea cahapu waha dutiya usãre. Tiquina mehna iji dutiya usãre, ni siniahye watia tiquirore.

¹³ Tiquina sa nigū tãhoro tiquinare waha dutiahye Jesu. Tiquiro sa waha dutigũ watia masno mehna ijiriquina waha, yesea dos mil yesea cahapu esahye. Tiquina cahapu tiquina esari bato yesea pehe ijipihtiequina ditara duhtu cahapu

oma buha, ti ditarapu bora ñojoa, mini yaria pihtia wahahye.

¹⁴ Tiquina sa minigũ ihñañe, yeseare cohteyequina pajiri macapu, daye macarigãpu gũhure tire yahuye waha, oma cãa wahahye. Tiquina sa yahugũ tãhoye masa pehe peyequina tiquiro yerire ihñañe wahahye. ¹⁵ Sa ye Jesu cahapu wihiye, watia cãoriquiro tiquiro suhti tiriquire, tãho masiniquiro tiquiro dujigũ ihñañe, ihña maria waha, cueahye. ¹⁶ Sa ye watia cãomediquire, yesea gũhure tiquina sa waharire ihñariquina apequinare yahu pehoahye. ¹⁷ Tiquina sa yahu pehogũ tãhoye, Jesure tutuaro mehna ape siepu waha dutiahye.

¹⁸ Sa yero yucsapu Jesu tiquiro sajãgũ ihñano, “Mahu mehna waha duaja”, ni tutuaro sinimahye watia cãomediquire Jesure. ¹⁹ Tiquiro sa nigũ Jesu tiquirore yahuahye:

—Yahu mehna wahaeracãhña. Mahu ya wãhupu mahu caha ijiequina cahapu yahu mahu puhto mahure yahu yerire yahugu wahaya. Mahure yahu paja ihñarire yahugu wahaya tiquinare, niahye tiquirore.

²⁰ Tiquiro sa nigũ watia cãomediquire pehe Decapoli wame tiri macapu Jesu tiquirore yãhdhorire yahu ducahye. Tiquiro sa ni yahugũ tãhoye ijipihtie-

quina masa tuho maria wahahye.

Jairo maconore yuhdoro, dii mana wihoro dohatiducuricoro gahare yuhdoahye Jesu

(Mt 9.18-26; Lc 8.40-56)

²¹ Sa ye pari turi Jesu tiquiro majare pehã sagũ masa peyequina tiquiro cahapũ ditara dũhtũ cahapũ cahmecoahye. ²² Sa yero usã judio masa buheri wahare ihña ihboriquiro Jairo wame tiriquire ahta, Jesure ihña, tiquiro dahpocãri cahapũ dũsepe curi mehna quehe saro, ohõ saha niahye:

²³ —Yũhũ macogã yariaro nidi. Sa yegũ ticorore mũhũ omoca mehna ña peogũ, yuhdũogũ ahtaya. Mũhũ sa yegũ ticoro masanota, niahye tiquiro Jesure.

²⁴ Tiquiro sa nigũ Jesu gũhũ pehe tiquiro mehna wahahye. Mahapũ tiquiro wahagũ masa peyequina tiquirore nanũ tã cã bihsaro esadũca sahye. ²⁵ Sa yero numino doce cũhmari waro decoripe dii mana dohatiducuricoro topũ ijiahye. To pano peyequina duturu ticorore ñano yuhdũgũ yeahye. ²⁶ Sa yero duturu are ijipihtiye ticoro niñeru mehna wapa yemahye ticoro aco ye dutiro. Tiquina sa yepegũta ticoro mũnanota ijiducu cãhye. Sa yero ticoro tiquinare ihñari bato to pano ijiriro yuhdũoro ñano wahahye. ²⁷ Ticoro sa ñano yuhdũri bato Jesu yeyere

tahoye, apequina yahuahye ticorore. Sa yero ticoro Jesu bato masa peyequina watoa ahta, Jesu suhtirore ñehe tuuahye. ²⁸ “Yũhũ tiquiro suhtiro dihitare ñehe tuhugo quehnoa wahagota”, ni tũhotuahye. ²⁹ Sa yero ticoro sa ñehe tuhuri bato ticoro dii mana dohatiyere yuhdũgũ ticoro pagũre quehnoari pagũ tũhotuahye. ³⁰ Sa yero Jesu tiquiro tutuaye mehna dohatiyere tiquiro cohãrire masino, masa watoa majaredũca sa ihñahye.

—¿Noa yũhũ suhtirore ñehe tuhuajari? niahye tiquiro.

³¹ Tiquiro sa nigũ tahoye tiquiro buheyequina ohõ saha niahye:

—Bihsarĩne. Sa ye masa peyequina mũhare pihare. “¿Noa yũhare ñehe tuhuajari?” nigũ, ¿dũhse nigũ sa niajari mũhũ? niahye tiquina pehe tiquirore.

³² Sa yero Jesu tiquirore ñehe tuhuricorore macahye. ³³ Tiquiro sa macano watoa ticoro pehe ticoro pagũ quehnoa wahagũ tũhoturo, cue nanare dũsepe curi mehna quehe sahye tiquiro caha tiquirore ño peoro. ³⁴ Sa yero ticoro potota yahu pehoahye tiquirore. Ticoro sa ni yahuri bato Jesu ticorore yahuahye:

—Maco, yũhare mũhũ wacũ tutuaye mehna quehnoago tojoare yojopare. Bucueye mehna wahaya. Dohatiye mariego ijiya, niahye Jesu ticorore.

35 Tiquiro sa ni yahuducuri bato judio masare buheri wuhare ihña ihboriquiro ya wuhu cjëna yahuye wihyahye.

—Muh maco yaria wahari. Sa yegu buheriquirore piji cãhteracãhña, niahye tiquina.

36 Tiquina sa niepegũta sa tuhutu cãhno, Jesu ti wuhare ihña ihboriquirore ohõ saha ni yahuahye:

—Bujua witieracãhña. Yuhare wacũ tutuaya. Ti dihitare yeya, niahye ti wuhare ihña ihboriquirore.

37 Sa ni tuhasa Santiago, tiquiro baharo Ñu, Pedro tiquina dihitare “Yuhare mehna ahtaya”, niahye Jesu.

38 Sa yero judio masa buheri wuhare ihña ihboriquiro ya wuhapu esahye. Ti wuhapu masa peyequina ñano bisi ñehe quea utigũ, tiquina sañuducugũ tãhoahye Jesu.

39 —Ñano ni, ñehe quea utieracãhña masa. Ticorogã masa sa ni utigũ yarierare. Carño nine, niahye Jesu tiquinare.

40 Tiquiro sa nigũ tuhoye “Sa ni maca cãhno nine ahriquirõ”, ni bujahaye tiquina pehe tiquirõre.

Sa yero tiquiro tiquinare sopecahapu wio peho cãhye. Sa wio tuhasaro ticorogã pacusumhare, tiquiro mehna cjëna gũhare ticorogã cahapu neahye Jesu. 41 Sa yero Jesu ticoro omocare ñehe, “Talita cum”, niahye tiquiro. “Talita cum”, nino, “Mehenicorogã wahcãña’, niaja yuh”, nino nine.

42 Tiquiro sa nigũ ticorogã wahcãduca sa, tiniahye. Doce cãhmari cãoricoro ijiahye ticoro. Ticorore tiquiro sa yegũ ihñañe tiquina ihña maria wahahye. 43 Sa yero Jesu tutuaro mehna tiquiro sa yerire yahu site dutierahye. Sa ye tuhasa ticorore ihyayere oho dutiahye.

6

Nazare cjëna Jesure cahmedahye

(Mt 13.53-58; Lc 4.16-30)

1 Sa ye topu ijiriquiro Jesu waha, tiquiro buheyequina mehna tiquiro ya dihtapu tojoa sahye. 2 Sa yero Jesu saurũ ijigã judio masa buheri wuhapu buhe ducahye. Tiquiro sa buhegũ masa peyequina tiquirõre tuhoye, acua wahahye.

—¿Ahriquirõ nohopu tuhoyari ahri buheyere? ¿Duhse yero quehnoano masi pehoajari ahriquirõ? Cohãcjũ tutuaye mehna ye ihñore ahriquirõ masare.

3 Ahriquirõ taboa dahrari masano María macano, Santiago, José, Juda, Simo tiquina wahminota ijimederõ. Sa ye tiquiro bahana numia mari ya macapu ijinimedi. Sa yero tiquiro gũhu mari yero saha ijiriquiro ijire, niahye tiquina Jesure tãhoriquina.

Sa ye Jesure ihña tuhtiye, tiquirõre cahmedahye.

4 Tiquina sa cahmedagũ ihñano ohõ saha niahye Jesu:

—Cohãcjũ yere yahu mãhtariquirõre apequina

ño peore. Tiquina sa ño peoepēgūta tiquiro ya maca cǵēna, tiquiro acaye tiquiro ya wāhupā ijiyequinata ño peerare tiquirore. Sa yena yāhure ño peerare māsā ohōre bucharigū yāhū ijigū, niahye Jesu tiquinare.

⁵ Sa yero ti macapū ijiriquiro Jesu Cohācjū tutuaye mehna ye ihño masiedahye. Sa ye ihñoedaperota ihquēquina dohatiyequina bui tiquiro omocare duhu peo, yāhdūoahye tiquiro. ⁶ Sa yero to cǵēna Jesure tiquina wacū tutueragū ihñano, “¿Dahse ijiro boro yāhure cahmedajari?” ni tūhotuahye tiquiro. Sa yero Jesu ti maca cahapū ijiye macaripū buhero wahahye.

Jesu doce buheyequinare buhe dutiro ohoahye

(Mt 10.5-15; Lc 9.1-6)

⁷ Sa ye Jesu doce tiquiro buheyequinare pijio, pūeyequina dihita ohoahye tiquinare macaripūre buhe dutiro. Sa yero tiquiro tutuayere ohoahye tiquinare watīare tiquina cohātire. ⁸ Sa ohoro apee boro, ihyayere, ajurire, niñerure tiquiro ne cā dutierahye tiquinare. Tiquina tuaye cjū dihitare ne cā dutiahye tiquinare. Ihcānota suhtirore saña dutiahye tiquinare. Pūaro saña dutierahye. ⁹ Sa yero cūhta cūñe cahserire saña dutiahye tiquinare. Ihcā suhtirota saña dutiahye tiquinare. Pūaro saña dutierahye. ¹⁰ Sa

yero ohō saha ni yahuahye tiquinare:

—Ijipihtiye macaripūre māsare tiquina carīno ohogū ti wāhupāta tojoarīña. Coā wahanapū wijiaya ti wāhure. ¹¹ Sa yena ape maca cǵēna māsare tiquina cahmedagū tiquina tūho dueragū ti macare yāhdūana dahpocāri cǵē dihta esa wāhārire wejē site cūña māsā tiquinare tiquina ye buhirire masigū yena, ni yahuahye Jesu tiquinare.

¹² Sa ye doce buheyequina masare tiquina ñañe yerire bujūa witi dutiye, quehnoañe pehere ye dutiye, buheye wahahye. ¹³ Sa wahaye peyequina watīare cohāñe, dohatiyequinare ūhse mehna wisōñe yāhdūgū yeahye.

Ñu wame yeriquirore apequina wejēahye

(Mt 14.1-12; Lc 9.7-9)

¹⁴ Sa ye Jesure masa peyequina masiahye. Sa yero tiquiro yerire pūhtoro Herode tūhoahye. Sa tūhooro ohō saha ni tūhotumahye tiquiro: “Ñu wame yeriquiro yariariquiro pari turi bajuaro niaga. Sa bajuariquiro ijiro tiquiro tutuaye mehna tire yero niaga”, ni tūhotumahye Herode. “Jesu Ñuta ijire”, ni tūhotumahye. ¹⁵ Apequina pehe ohō saha ni tūhotumahye: “Elia ijire”, ni tūhotumahye. Apequina pehe “Cohācjū yere yahu māhtariquiro panopū cǵēna yero saha ijire tiquiro”,

ni t̄hotumahye tiquina Jesure. ¹⁶ Tiquina sa ni t̄hotuepeḡata Herode pehe Jesu tiquiro yerire t̄horo oh̄o saha ni t̄hotumahye. “Ñu yah̄u dapu d̄ate sure dutiriquiro bajuaro niaga”, ni t̄hotumahye.

¹⁷⁻¹⁸ Ñure tiquina wej̄eato pano Herode tiquirore ñehe duti, peresu ye dutiahye. Herode tiquiro bah̄uro Felipe namonore Herodia wame tiricorore ehma, namo tiahye.

—M̄ah̄u bah̄u namonore namo tiḡu Coh̄ac̄j̄u dutiyere yuh̄d̄ud̄caḡu nine m̄ah̄u, ni yahuahye Ñu Herodere.

Tiquiro sa nidi buhiri Herode namono Herodia Ñure peresu tiquina yeḡu cahmeahye. ¹⁹ Sa

yero ticoro pehe Ñure ih̄ña tuhtiro, tiquirore wej̄e duti duamahye. Sa ye dueperota ticoro tiquirore wej̄e duti masiedahye. ²⁰ Herode

Ñure cuero “Ñu quehnoañene yeriquiro, quehnoariquiro ijire”, ni t̄hotuahye. Sa yero Herodere cariboro yeahye Ñu pehe tiquirore yahuro. Sa cariboepeḡata tiquiro bucueye mehna t̄homahye Ñure. ²¹ Tiquiro sa bucueye mehna t̄hoepeḡata Herodia tiquirore ticoro wej̄e dutiati deco am̄u sahye. Ti

pje Herode masa bajuari deco ijiḡu tiquiro bose deco dahreahye. Sa ye tiquiro yequina gobierno cj̄ena, surara p̄ah̄toa, Galilea cj̄ena p̄ah̄toa ḡuh̄u tiquiro ya bose

decore ih̄ñañe wihiahye. ²² Sa yero Herodia macono bose decore ih̄ñano wihiro tiquina ih̄ñonop̄u basa ih̄ñoahye. Ticoro sa basa ih̄noḡu ih̄ñañe, Herode tiquiro pijioriquina ḡuh̄u bucueahye. Tiquina sa bucueḡu ih̄ñano oh̄o saha niahye Herode:

—M̄ah̄u cahmeñene siniña yah̄ure. Sa yeḡu ohogut̄ja m̄ah̄ure m̄ah̄u cahmeñene. ²³ Coh̄ac̄j̄u mehna poto niaja m̄ah̄ure. M̄ah̄u sinino puno yeere deco mehna ohogut̄ja m̄ah̄ure, niahye tiquiro ticorore.

²⁴ Tiquiro sa niḡu ticoro Herodia macono pehe ticoro pacoro cahap̄u waha, sinituahye:

—¿Yabere sinigotari yah̄u? ni sinituahye ticoro pacorore.

—Ñu wame yeriquiro dapure siniña, niahye ticoro pacoro pehe.

²⁵ Ticoro sa niḡuta Herodia macono am̄ñano p̄ah̄toro Herode cahap̄u waha, sinituahye:

—Mianoḡata Ñu wame yeriquiro dapure waparo mehna ohoya yah̄ure, niahye ticoro.

²⁶ Ticoro sa niḡu t̄horo p̄ah̄toro Herode pehe tutuaro buj̄ua witiyahye. Masa tiquina ih̄ñonop̄u “Ohogut̄ja m̄ah̄ure”, niahye tiquiro. Sa yero bue tiro, tiquiro “M̄ah̄ure ohoeraja”, ni masiedahye ticorore. ²⁷ Sa yero duita surarare peresup̄u ijiyequinare cohteriquirore Ñu dapure d̄ate sure ne c̄ah̄ta

dutiahye. ²⁸ Tiquiro sa dutigũ tũhoro surara pehe waha, tiquiro dapure dũte sure, waparo mehna ne cãhtahye. Ne cãhta nuhminore Herodia maconore ohoahye. Sa yero ticoro tiquiro dapure ñehe, ticoro pacorore oho yũhdũoahye.

²⁹ Sa ye Ñũ buheyequina ijiriquina pehe tire tũhoye, topũ esa, tiquiro pagũre masa copere ne cã, cũahye.

Jesu cinco mil masare ihyaye ohoahye

(Mt 14.13-21; Lc 9.10-17; Jn 6.1-14)

³⁰ Sa ye Jesu ohoriquina tiquiro cahapũ tojoa saye, tiquina yerire, tiquina buherire yahuahye tiquirore. ³¹ Ti pjere masa peyequina sa majareducuye, tiquinare ne ihyaro ohoerahye. Sa yero ohõ saha niahye Jesu tiquinare.

—Masa marienopũ mari sehsaro sona wahaũhna, niahye tiquinare.

³² Sa ye tiquina sehsaro yucũsa mehna masa marienopũ wahahye.

³³ Tiquina sa wahagũ ihñañe masa peyequina tiquinare masiahye. Sa masiñe peye macari cjẽna mahapũ waha, Jesu tiquiro esatopũ tiquina masa pehe oma cã esa mũhtahye. ³⁴ Tiquina sa esagũ Jesu tuha sa paha, yucũsapũ sañariquiro maja dũcaro, tiquiro masa peyequina ijigũ ihñañe. Oveja cohteriquiro marieñequina yero saha ijiahye masa,

tiquiro ihñañe. Sa yero Jesu tiquinare paja ihñano, peye quehnoañe buheyere buheahye. ³⁵ Ñamicahapũ doce buheyequina Jesu cahapũ esa, ohõ saha niahye:

—Ohõ masa marienopũ ijire. Ñamicaha waharo nine. ³⁶ Ohõ cahagã ijiye wahũseripũ, macaripũ gũhũre tiquina ihyatire dú dutiya masare tiquina pohe tiatire, niahye tiquina Jesure.

³⁷ —Ihyayere ohoya tiquinare, nimahye Jesu tiquiro buheyequinare.

Tiquiro sa nigũ ohõ saha ni yũhtiahye:

—¿Dos cientos niñeru cjoeri mehna tiquina ihyati pãre dũnatari usã? niahye tiquina Jesure.

³⁸ —¿Nohope paca pã ijiajari? Ihñana wahaya, niahye tiquiro.

Tiquiro sa nigũ tiquina pehe ihyayere bocaye, ohõ saha niahye:

—Ihcã omope paca pã paca, pũaro wahi ijire, niahye tiquina pehe.

³⁹ Tiquina sa nigũ tũhoro Jesu pehe pe cururi taa bui duji dutiahye masare.

⁴⁰ Tiquiro sa duji dutiri bato tiquina pe cururi dujiahye. Ihquẽ cururire cincuenta masa ijiahye. Apeye cururi pehere cien masa ijiahye.

⁴¹ Tiquina sa duji tuhasagũ ihñano Jesu pehe ihcã omope paca pã pacare, pũaro wahi mehna ne, uhmũsepũ ihña mũoahye. Sa ihña mũono Cohãcjũre “Quehnoare”, nino

niahye. Tiquiro sa nidi bato pã pacare nuha, tiquiro buheyequinare masare iti duti ohoahye. Sa yero p̄aro wahire iti dutiahye ijipihtiyequinare. ⁴² Sa ye ijipihtiyequina ihya, yapi yuhd̄ua wahahye. ⁴³ Tiquina ihya duharire doce puh̄use waro pãre, wahi gũh̄are ne cahmecoah̄a wahpo dapoahye tiquina. ⁴⁴ Sa ye pãre ihyariquina um̄ua dihitare tiquina queogũ cinco mil um̄ua ijiahye.

Jesu aco bui tiniahye
(Mt 14.22-27; Jn 6.16-21)

⁴⁵ Ti pjeta Jesu tiquiro buheyequinare yuc̄sap̄u sajã duti, ape sie pahr̄ep̄u Betsaidap̄u tiquiro pano peh̄ayu dutiahye. Sa yero tiquina peh̄ari watoa Jesu pehe masare cohe tiahye. ⁴⁶ Cohe ti tuhasa c̄n̄ap̄u Coh̄ãcjũre sinino wahahye. ⁴⁷ Came ñamip̄u yuc̄sa mehna ditap̄u tiquina peh̄aducugũ Jesu ihc̄ãquirola tiquina peh̄a tarirop̄u ijiahye. ⁴⁸ Sa yero tiquina ñano yuhd̄u wajagũ, tiquina pano wiñnono wẽgũ ihñadoqueoahye tiquiro. Sa yero bohrea m̄ja tato pano tiquina cahap̄u esaro, aco bui tini cãa wahahye. Tiquinare tiquiro yuhd̄u cã duamahye. ⁴⁹ Tiquiro yuhd̄u cã duepegũta tiquirore aco bui ahtagũ ihñañe, cue niahye. “Yariariquiro ijiboaga”, ni ihñamahye tiquina. Sa ni tuh̄otuye tiquina sañuducuahye. ⁵⁰ Ijipihtiyequina tiquirore

ihñañe, ihña maria wahahye. Tiquina sa ihña mariagũ ihñano Jesu tiquinare yahuahye:

—Wacũ tutuaya m̄sa. Ne, yuh̄are cueracãhña. Yuh̄uta ijiaja, niahye tiquinare.

⁵¹ Sa ni tuhasa tiquiro tiquina mehna yuc̄sap̄u sajãhye. Tiquiro sajãri batogãta wiñnono yuhd̄ua wahahye. Sa wahagũ tiquina pehe ac̄ua yuhd̄ua wahahye. ⁵² Tiquiro pãre peye yerire wacũedahye tiquina. Tire quehnoano masiedahye.

Jesu Genesare cjẽnare, dohatiyequinare yuhd̄u oahye
(Mt 14.34-36)

⁵³ Sa ye tiquina peh̄a sa, Genesare dihtap̄u peh̄a sa, tiare duhte poho, duhtu cahap̄u pahsahye. ⁵⁴ Sa ye yuc̄sap̄u ijiriquina tiquina majagũta masa pehe Jesure ihña masiahye. ⁵⁵ Sa ihña masiñe ijipitiro tiquina ya yehpap̄u oma maja, dohatiyequinare tiquina cuñañe cahseri mehna yo cãhtahye. “Jesu top̄u ijiri”, masa nigũ tuhoye top̄ure esahye tiquina. ⁵⁶ Sa ye ijipihtiye macari tiquiro esaye macarip̄u, b̄j̄m̄ye macarip̄u, daye macarigãp̄u, meheñe wuh̄usegã ijiye cahap̄u gũh̄are masa dohatiyequinare Jesu cahap̄u nea cũahye. Sa top̄u maharip̄u tiquina c̄nop̄u Jesure tiquiro suhtiro duhtu cahare ñehe tuhu duaye, tutuaro siniahye tiquina:

—Mũhũ suhtiro dũhtũ caha dihitare usãre ñehe tuhu dutiya, ni siniahye.

Sa ye tiquiro suhtirore ñehe tuhuriquinape quehnoa wahahye tiquina.

7

Masa ñañequina wahagũ yeyere yahuahye Jesu (Mt 15.1-20)

1 Sa ye Jerusalẽpũ ahtariquina usã acaye judio masare buheyequina, fariseo masa gãhũ Jesu cahapũ cahmecoahye. 2-4 Fariseo masa ijipihtiyequina apeqũna judio masa mehna panopũ cjẽna tiquina dutiriro saha tiquina omocarine omo coserape ihyera tiahye. Sa ye doeri cjẽ duayequina cahapũ esayequina tiquina ye wũhũsepũ wihiye tiquina dutiriro saha tiquina omocarine omo coseraye ihyera tiahye. Sa ye peye apeye dutiyere panopũ cjẽna judio masa tiquina dutiyere yee tiahye. Sihniñe parire coseye, dihi suturire coseye, come suturire coseye, yee tiahye tiquina judio masa, “Cohãcjũ sa cahmene”, niñe. Sa ye Jesu cahapũ cahmecoañe Jesu buheyequina judio masa tiquina dutiriro saha tiquina omo coseragũ ihñahye fariseo masa. 5 Sa ihña tuhasaye Jesure sinitu-ahye:

—Mũhũ buheyequina ihyaye mari ñecũsumũna mũna tiquina dutiriro sahata tiquina omocarine omo coserare. ¿Dũhse yeye mari

dutiyere yerajari? niahye tiquina Jesure.

6 Tiquina sa nigũ tahoro Jesu yahuahye tiquinare.

—Masa tiquina ihñono dihita quehnoano iji mehona ijire mũsa. Cohãcjũ yere yahu mũhtariquiro mũnano Isaia mũsare panopũre potota yahue tiahye. Ohõ saha niahye:

Ahriquina masa yũhũre quehnoano yahuducuepeta yũhũre ne ño peoerare. 7 Sa ye yũhũre tiquina ñũ buheye dũhseati ijierare. “Cohãcjũ ye dutiye ijire ahri”, ni meho buhere tiquina buheye, ni ojoahye Isaia.

8 Ti ijirota ijire. Panopũ cjẽna ye dutiye pehere yena tana Cohãcjũ ye dutiyere yerare mũsa. 9 Cohãcjũ ye dutiyere cohãna, mũsa acaye ye dutiye pehere yere mũsa. 10 Ohõ saha yena Cohãcjũ ye pehere yũhdũdcana nine mũsa. Panopũre ohõ saha niahye Cohãcjũ tiquiro dutiyere Moiserere cũno: “Mũsa pacũsumũare ño peoya. Ihcãquiro tiquiro pacũsumũare ñano quitidahreriquiro ijiro ti buhiri tiquina wejẽatiquiro ijirota”, niahye Cohãcjũ Moiserere tiquiro cũri dutiye. 11 Tiquiro sa niepegũta ohõ saha ye dutire mũsa tiquina pacũsumũare yedoho dutierana: Tiquina pacũsumũare tiquina ohoborire Cohãcjũ pehere oho dutire mũsa. Sa

ni buhemene m̄sa. ¹² Sa buhena tiquina pac̄sum̄mare ño peoḡu yerare m̄sa tiquinare. ¹³ Sa yena Coh̄c̄j̄ dutiyere yah̄d̄d̄c̄ana nine m̄sa mari acaye panop̄ c̄j̄ena ye dutiye pehere yena. Apequinare m̄sa ye buheye dihitare t̄ho dutire m̄sa. Peye sa ijiyere yere m̄sa, niahye Jesu tiquinare.

¹⁴ Sa ni tuhasaro apequinare pijioahye. Oh̄ saha niahye:

—M̄sa ijipihtina t̄hoya ȳh̄re. Ȳh̄ niñene quehnoano masiña m̄sa. ¹⁵ M̄sa d̄serire sajãñe pehe m̄sa ihyaye pehe m̄sare ñana ijiḡu yerare. M̄sa ñañe yahuducuye pehe m̄sa d̄seri wijiaye pehe m̄sare ñana ijiḡu yere. [¹⁶ Ȳh̄re quehnoano t̄hoya,] niahye Jesu.

¹⁷ Sa ni tuhasa Jesu masa cahap̄ ijiriquiro waha, w̄h̄p̄ sajãa wahahye. Sa sajã saḡu ih̄ñañe tiquiro buheyequina pehe tiquiro buherire sinituahye. Tiquina sa sinituḡu t̄horo oh̄ saha niahye tiquiro:

¹⁸ —¿Ne t̄ho ñehedajari m̄sa? M̄sa d̄serire sajãñe pehe m̄sa ihyaye pehe m̄sare ñana ijiḡu yerare. ¹⁹ Ti m̄sa t̄hotuyep̄re sajãedare. M̄sa paap̄ sajã ȳh̄d̄a wahare, niahye Jesu.

Sa nino “Ijipihtiyeh ihyaye quehnoañe ijire”, nino niahye. ²⁰ Oh̄ saha ni nemoahye:

—M̄sa ñañe yahuducuye pehe m̄sa d̄seri wijiaye

pehe m̄sare ñana ijiḡu yere. ²¹⁻²² Ñano t̄hotuye, w̄hana tiye, numia mehna ñano yeducuye, m̄ha mehna ñano yeducuye, masare wejẽñe, yaqueye, apequiro yere tutuaro cahme ȳh̄d̄e, ñano yeye, ni mehoñe, peye ñañene yeducuye, apequiro yere coo ih̄ña tuhtiyeh, ñano quiti dahreyeh, “Apequinare ȳh̄d̄d̄c̄aja”, ni t̄hotuye, t̄ho masieñequina ijiye, ti ijipihtiyeh m̄sare m̄sa t̄hotuyep̄ ahtare. ²³ Ijipihtiyeh ahri ñañe m̄sa t̄hotuyep̄ ahta, m̄sare ñana ijiḡu yere, niahye Jesu.

Judio masono ijiericoro Jesure wac̄u tutuahye
(Mt 15.21-28)

²⁴ Sa yero Tiro wame tiri maca cahap̄ esaro, to c̄j̄a w̄h̄p̄ sajãa wahahye. Sa yero apequinare tiquiro ijiri w̄h̄re yahu dutierahye. Sa yahu dutieraperota tiquinare tiquiro duhti masiedahye. ²⁵ Ti pjereta numino ticoro macono wat̄no c̄oricoro tiquiro cahap̄ ijiyahye. Sa ye Jesu yerire ih̄ñañe apequina ticoro pacorore yahuahye. Tiquina sa yahuri bato ticoro pacoro pehe waha, Jesu dahpoc̄ari cahap̄ d̄sepe curi mehna quehe sahyeh tiquirorẽ ño peoro. ²⁶ Ticoro Siria yehpap̄ ijiri yehpa Fenicia wame tiri yehpa c̄j̄ono ijiyahye.

—Wat̄nore coh̄r̄ñã ȳh̄ macore, ni siniahye ticoro Jesure.

27 Ticoro sa sinigū tūhoro ohō saha niahye Jesu:

—Wahmanore wūhū upūro pohne ye ihyayere diayeare yūhū oho mūhtagū to wahaerare. (Israe masa yere ape yehpa cjenare yūhū oho mūhtagū to wahaerare,) niahye Jesu ticorore queoye mehna yahuro.

28 —Sa tjire pūhto. Sa ijiepegūta diayea gūhū mesa doca tiquina pohne ihya site dijioyere ihya cohtere tiquina gūhū. (Ape yehpa cjo yūhū ijiepegūta yūhū gūhare yedoho masine mūhū,) ni yūhtiahye ticoro.

29 —Mūhū sa ni yūhtigū mūhū macore watino duhu tuhasari. Ihñago wahaya, niahye Jesu ticorore.

30 Tiquiro sa nigū tūhoro waha, ticoro wūhūpū esaro, ticoro maconore watino marienitoropūre cuñanopū ijiricorore ihñahye.

Cahmono tūhoeriquirore, yahuducu masieniquirore yūhdūoahye Jesu

31 Ti pjere Jesu Tiro wame tiri maca cahapū ijiriquiro waha, Sidō wame tiri macare esa yūhdū cā, Decapoli wame tiri macare esa yūhdū cā, Galilea wame tiri ditarapū esahye. 32 Sa ye cahmono tūhoeriquirore, yahuducu masieniquirore Jesu cahapū ne cāhtahye apequina.

—Mūhū omoca mehna ña peoya tiquirore, ni siniahye tiquina tiquirore.

33 Tiquina sa nigūta Jesu pehe tūhoeriquirore ne cā, masa marienopū siho esahye.

Tiquina sehsaro ijiahye. Sa yero Jesu tiquiro omo piri mehna tūhoeriquirore cahmo coperire ohbe sōahye. Sa ye tuhasa, sihco puti, tiquiro ñehmenore ña peoahye.

34 Sa ye tuhasa ūhmūsepū ihñā mūo, jeri ne, ohō saha niahye:

—Efata, niahye Jesu. “Efata”, nino “Pōohña”, nino nine. Sa nino tiquirore tūho dutiro niahye. Sa yero yahuducu dutiro niahye.

35 Tiquiro sa nigūta tiquiro pehe tūho boca, tiquiro ñehmeno cahbiro wahagū tūhoturo quehnoano yahuducuahye. 36 Sa yero Jesu tiquinare tire apequinare yahu site dutierahye. Tiquiro sa yahu site dutieraripe taharita tja tiquina apequinare yahu site nemoahye. 37 Sa ye masa tūho maria wahaye, ohō saha niahye:

—Ijipihtiyere tiquiro quehnoano yere. Tūhoeyequinare quehnoano tūhogū yere. Yahuducu masieñequina gūhare quehnoano yahuducugū yere Jesu, niahye masa.

8

Cuatro mil masare ihyayere ohoahye Jesu (Mt 15.32-39)

1 Ti pjere pari turi masa peyequina cahmecoari bato ihyaye marieñequina tiquina ijigū ihñano Jesu tiquiro buheyequinare pijioahye:

2 —Ahriquina masa ihtia deco waro yūhū

mehna iji tuhasari. Sa ye tiquinare pohe mariedare. Tiquina pohe mariedagũ ihñagũ tiquinare paja ihñaja yũhũ. ³ Apequina tiquina mehna cjẽna yoaropũ ahtari. “Tiquinapũ ujũa ahbayequina mahapũ borari”, nigũ tiquinare ihyaye marieno tiquina ye wũhũsepũ waha duti dueraja. Sa yegũ tiquinare pohe oho duaja, niahye Jesu tiquiro buheyequinare.

⁴ —¿Dũhse ye mari ohõre masa marienopũre pãre boca ohoboagari mari? niahye Jesu buheyequina tiquirore.

⁵ —¿Nohope paca pã pacare cũoajari mũsa? ni sinituahye Jesu.

—Siete pã paca ijire, ni ahye tiquina.

⁶ Sa yero tiquiro masare yehpapũ duji duti, siete pã pacare ne, Cohãcjũre “Quehnoare”, niahye. Sa ni tuhasa, ti pacare nuha, tiquiro buheyequinare oho, masare iti dutiahye. Tiquiro sa dutiri bato tiquiro buheyequina pehe pãre masare itiahye. ⁷ Sa ye wahi gũhũre meheñequinagã cũoahye tiquina. Sa yero tiquinare Cohãcjũre “Quehnoare”, ni, wahi gũhũre iti dutiahye. ⁸ Tiquina iti tuhasagũ tiquina ihyaye, yapi yũhdũa wahahye. Tiquina ihya dũharire siete pũhũse waro ne cahme-coa wahpo dapoahye tiquina. Tiquina cuatro mil masa ijiahye. ⁹⁻¹⁰ Sa ye tuhasa Jesu masare cohe tiahye. Cohe ti

tuhasa tiquiro buheyequina mehna yucũsapũ sajãhye. Sajã tuhasa Dalmanuta wame tiri maca cahapũ wahahye.

Fariseo masa Jesure Cohãcjũ tutuaye mehna ye ihño dutiahye

(Mt 16.1-4; Lc 12.54-56)

¹¹ Sa ye fariseo masa wihi, Jesu mehna cahme dũse tutuahye. Tiquina Jesure Cohãcjũ tutuaye mehna ye ihño dutiye, tiquiro ye ihño masiedagũ ihña duamahye. ¹² Tiquina sa dutigũ tãhoro Jesu tutuaro bũjũa witi pihopũri, jeri sajãedarõ, ohõ saha niahye:

—¿Mũsa yojopũ cjãna dũhse yena mũsa Cohãcjũ tutuaye mehna ye ihñoñene ihña duajari? Potota niita niaja mũsare. Yojopũ cjãnare mũsare Cohãcjũ tutuaye mehna ne ye ihñosi yũhũ, niahye Jesu.

¹³ Sa ni tuhasa waha, pari turi yucũsapũ sajã, ape sie pahrẽpũ pehãa wahahye.

Fariseo masa, Herode mehna cjẽna gũhũre tiquina ñañe buheyere yahuahye Jesu
(Mt 16.5-12)

¹⁴ Sa wahaye, pãre bo cũ, yucũsapũ ihcãriata pãre cũoahye tiquina. ¹⁵ Sa yero Jesu cua pesaro mehna yahuahye tiquinare.

—Quehnoano yeya. Fariseo masa, Herode mehna cjẽna gũhũ tiquina ye pãre pugũ yeyere ihñana quehnoano yeya. Cuarĩne ti, ni yahuahye.

16 Tiquiro sa nigũ tãhoye tiquiro buheyequina pehe tire tiquina basi yahudu-cuahye.

—Mari pãre mari ne cãhtaeragũ ihñano sa niaga ahriquiri, nimahye tiquina.

17 Tiquina sa nidire masino tiquinare sinituahye Jesu:

—¿Dũhse yena mũsa pã borire wacũajari mũsa? ¿Mũsa masiedajari? ¿Tũhoerajari? ¿Tũho duerajari mũsa?

18 ¿Caperi tina ijiepenata ihñedajari mũsa? ¿Sa yena cahmono tina ijiepenata tũhoerajari mũsa? ¿Mũsa ahrire wacũedajari? 19 ¿Yũhũ ihcã omope paca pã pacare nuha, cinco mil masare yũhũ ohorire wacũedajari mũsa? ¿Tiquina ihya dũharire nohope pũhũsere pã pacare mũsa ne cahmecoa wahpo dapori pũhũsere neari mũsa? niahye Jesu tiquinare.

—Doce pũhũse nei, niahye tiquina tiquirore.

20 —¿Sa ye yũhũ siete pã pacare cuatro mil masare yũhũ ohori bato nohope pũhũsere pã pacare mũsa wahpo dapori pũhũsere neari mũsa? niahye Jesu.

—Siete pũhũse nei, niahye tiquina tiquirore.

21 —¿Sa ihñæpenata quehnoano masiedajari mũsa? niahye Jesu tiquinare.

Jesu caperi bajueriquirore ihñagũ yeahye

22 Sa ye Betsaidapũ tiquina esagũ ihñañe, masa pehe caperi bajueriquirore ne cãhtahye.

—Tiquirore ña peoya, ni tutuaro siniahye tiquina Jesure.

23 Sa yero Jesu caperi bajueriquiro omocare ñehe, ti maca dũhtũ cahapũ tiquirore tũã cãhye. Topũ ne sa, tiquiro caperire sihco puti, tiquiro omocari mehna tiquirore ña peoahye.

—¿Mũhũ ihñagũ bajuajari?

24 Tiquiro sa nigũ tiquiro pehe ihñano ohõ saha niahye:

—Ūmũare ihñaja. Yũhũ sa ihñæpegũta tiquina yucari tiniñe cju yero saha bajure, niahye caperi bajueriquiro.

25 Tiquiro sa nigũ tãhoro Jesu pehe tiquiro omocari mehna tiquiro caperire ña peoahye tja. Tiquiro sa ña peori bato caperi bajueriquiro tutuaro tiquiro ihñagũ caperi quehnoano bajuahye. Sa yero ijipihtiyere quehnoano ihñahye tiquiro. 26 Sa yero Jesu tiquirore tiquiro ya wahũpũ ohoahye.

—Macapũ pũritare wa-hæracãhña, niahye Jesu tiquirore.

Jesu potota Cristo tiquiro ijiyere Cohãcjũ ohoriquiro tiquiro ijiyere yahuahye Pedro (Mt 16.13-20; Lc 9.18-21)

27 Sa ye Jesu tiquiro buheyequina mehna Cesarea Filipino wame tiri maca cahapũ ijiye macaripũ waha nemoahye. Topũ waharo Jesu sinituahye tiquiro buheyequinare:

—¿Noa boro ijiagari yũhũ, masa yũhũre tiquina

tahotugũ? ni sinituahye tiqiro.

²⁸ Tiquiro sa sinitugũ tahoye yuhtiahye tiquina:

—“Ñu wame yeriquiro ijire”, nine. Apequina “Elia ijire”, nine. Apequina “Cohãcjũ yere yahu mah тарикина mehna cjãno ijiboaga”, nine, ni yuhtiahye tiqiro buheyequina tiqirore.

²⁹ Tiquiro sa nidi bato Jesu sinitu nemoahye:

—¿Musa pehe tahotugũ noa boro ijiagari yahu? ni sinituahye tja.

—Muhu Cristo Cohãcjũ ohorigu ijire, ni yuhtiahye Pedro.

³⁰ Tiquiro sa nigũ tahoro Jesu ohõ saha niahye:

—Yuhure “Cristo ijire tiqiro”, ni yahu site niedacãhña apequinapure, niahye tiquinare.

Jesu tiqiro yaria masa wijiati yahuahye

(Mt 16.21-28; Lc 9.22-27)

³¹ Sa ye tiqiro buhe ducahye tiquinare.

—Yuhu masu Cohãcjũ ohorigu ijiaja. Sa yegu tutuaro ñano yuhduguta. Sata waharo cahmene yuhure. Judio masa bucuna, pahia puhto, mari judio masare buheyequina yuhure cahmedaye, yuhure wejẽeta. Tiquina sa wejẽgũ ihtia deco wahaboro masa wijiagtja, niahye Jesu tiquinare.

³² Sa nino ne tuho wisiagũ yero marieno yahuro niahye tiquinare. Tiquiro sa nigũ

tahoro Pedro pehe yoa cjũnogã Jesure ne saduca, tiqirore sa ni dutierahye.

³³ Tiquiro sa ni dutieragũ tahoro Jesu tiqiro buheyequinare majare ihña, tuhtiahye Pedrore.

—Satana yero saha yahuducugu nine mahu. Sa niedacãhña. Muhu tahotuye masa ye ijire. Cohãcjũ ye ijierare, niahye tiqiro Pedrore.

³⁴ Sa ni tuhasa masare tiqiro buheyequina mehna tiqiro cahapu pijio ohõ saha niahye:

—Ihcãquiro yaquiro iji duaro, tiqiro esa tuharo ye duamedire duhu cãnota. Sa yero yaquiro tiqiro ijiri buhiri ñano yuhduperota yuhure duhusi. Sa yero yeere yeducuriquiro ijirota.

³⁵ Masuno tiqiro esa tuharo tiqiro cahmeno sahata yeriquiro pecapu waharota. Sa yero masuno, yeere sa yeducuro, quehnoañe buheyere sa yeducuro, ijipihitiye decori yuhu mehna umhusepu ijiducurota.

³⁶ ¿Ihcãquiro masuno ahri yehpa cjẽne ijipihitiyere cõoriquiro pecapu waharo yabere wapatajari tiqiro? Sa ijiriquiro ne wapataerare.

³⁷ Pecapu tiqiro jeripohna wahagũ ne dahse wapa ye wioro basioeraga. Masuno jeripohna ihyo waro ijierare.

³⁸ Yojopure, ñañequina Cohãcjũre cahmeeñequina tiquina esa tuharo yeri deco ijiro nine. Ihquẽquina yuhure, yuhu buheye gũhure bue

tisāboaga. Tiquina sa yegū ihñagu yuhū masu Cohācjū ohorigu quehnoañequina angele mehna yuhū Pacu asi sitero mehna tojoa tagu yuhure bue tisāñequinare bue tisāgutja yuhū gūhū, ni yahuahye Jesu.

9

¹ Sa ni tuhasa ohō saha ni nemoahye Jesu:

—Potota niita niaja musare. Ihquēquina musa ohōp̄re ijina musa yariato pano Cohācjū tiquiro p̄h̄toro ijirop̄re yuhū sajāgū yuhure ihñanata, niahye Jesu tiquinare.

Jesu tiquiro pagure came-sahye

(Mt 17.1-13; Lc 9.28-36)

² Sa ye seis decori bato Jesu Pedrore, Santiagore, tiquiro bahuro Ñu gūhure uhm̄anū can̄p̄m̄ tiquina dihitare piji m̄jahye. Uhm̄anop̄m̄ esari bato tiquina ihñonop̄m̄ tiquiro pagure comesaa wahahye.

³ Tiquiro suhtiro asi sitero yero saha yehsero wahahye. Ahri yehpa cjēna numia suhti coseyequina numia sa yehseye ye masiedare. ⁴ Sa ye Jesu Elia m̄n̄ano, Moise m̄n̄ano mehna tiquina yahuducugū ihñahye tiquina ihtiaro tiquiro buheyequina.

⁵⁻⁶ Sa ye tiquina tutuaro cueahye. Sa cuero dahse ni masiedamehno ohō saha nimahye Pedro:

—P̄h̄to, mari ohō ijigū quehnoa duare. Ihtia wuhugā yematja. M̄hū ya wuhugā, Moise ya wuhugā,

Elia ya wuhugā yematja, nimahye tiquiro Jesure.

⁷ Sa yero tiquina bui ehmeo curua cahmotahye. Sa cahmotagūta ehmeo watoap̄m̄ nino ca tahye:

—Ahriquiro yuhū macu yuhū cahñiquiro ijire. Tuhoya tiquirore, nino ca tahye.

⁸ Sa nigūta Pedro gūhū ihñamahye. Jesu dihitare ihñahye. Tiquina ihñariquina pehe mariedahye. ⁹ Sa yero can̄p̄m̄ tiquina dijia tagū Jesu tiquinare yahuahye:

—Mianogā yuhure sa wuharire apequinare yahueracāhña. Yuhū masu Cohācjū ohorigu yuhū yaria masa wijiari bato tire apequinare yahuya musa, ni yahuahye tiquiro.

¹⁰ Sa ye tiquiro dutiriro sahata tiquina ihñarire yahuerahye apequinare. Sa ye tiquina basi ohō saha ni sinitu yahuducuahye:

—¿“Yuhū yaria masa wijiari bato”, nino dahse nino niari tiquiro? ni, yahuducuahye tiquina.

Sa ye Jesure ohō saha ni sinituahye:

¹¹ —“Cristo tiquiro ahtato pano Eliare ahta m̄htano cahmene”, nine mari acaye judio masare buheyequina. ¿Dahse ijiro boro sa niagari tiquina? ni sinituahye tiquina tiquirore.

¹²⁻¹³ Jesu yuh̄tiahye:

—Ijirota ijire. Eliare ahta m̄hta dutiri Cohācjū, ijipih̄tiyere quehno m̄htatiquirore. Yuhū masu Cohācjū ohorigu

peye tahari ñano yuhdugata. Apequina yuhure cahmedaye, ñano yeeta. ¿Dahse ijiro boro tire sa ni ojoari, m̄sa t̄hotugū? Sa yegū ahrire niitja m̄sare: Elia wihi tuhasari. Tiquiro sa wihiepegūta tiquina cahmediro saha tiquirore ñano yeahye. Sata ni ojoahye tiquirore, niahye Jesu tiquinare.

Jesu coã wahm̄na cãhtariquirore yuhduoahye
(Mt 17.14-21; Lc 9.37-43)

14 Sa ye dijia ta, apequina buheyequina cahap̄ esa, peyequina masare ihñahye. Tiquiro buheyequina pehe judio masare buheyequina mehna cahme d̄use tutuaye niahye. 15 Sa ye Jesu gūh̄ tiquina dijia tagū ihñañe, ijipihtiyequina masa ac̄na waha, tiquiro cahap̄ oma cãa wahahye. Tiquiro cahap̄ esaye,

—¿Ahtajari? niahye tiquirore.

16 —Ahtaja, ni tuhasa,

—¿Dahse ni cahme d̄use tutuana niari m̄sa tiquina mehna? ni sinituahye Jesu tiquiro buheyequinare.

17 Tiquiro sa ni sinitungū t̄horo, masa watoa ducuriquiro yahuahye tiquirore:

—Buheḡ, yuh̄ mac̄re wat̄no c̄oriquirore mah̄re ne cãhtami. Wat̄no pehe tiquirore yahuducu dutierare. 18 Yuh̄ mac̄re tiquiro ñehegū yehpap̄ bora, bahque diho, b̄haa wahae tiri tiquiro. Sa waharo

sahpo tua wahae tiri. Sa yegū mah̄ buheyequinare wat̄nore cohã dutimi. Yuh̄ sa dutiepegūta tiquina cohã masiedari wat̄nore, ni yahuahye Jesure.

19 Tiquiro sa nigū t̄horo Jesu oh̄ saha niahye tiquinare:

—Ne, yuh̄re wacū tutuerare m̄sa. Yoari pje m̄sare buhemaja yuh̄. ¿Noho puno yoari pje yuh̄re m̄sa cariboajari? Tiquirore ne cãhtaya yuh̄re, niahye Jesu.

20 Tiquiro sa nigū t̄hoye wat̄no c̄oriquirore Jesu caha ne cãhtahye. Tiquina ne wihigū ihñano wat̄no pehe coã wahm̄na cãhtariquirore yehpap̄ doque quehe sa, tunu nanaregū yeahye. Sa yero sahpo tuaa wahahye.

21 —¿Noho puno yoari pje wat̄nore c̄oajari ahriquiro? ni, sinituahye Jesu pehe tiquiro pac̄rore.

—Nijinogã ijiprota tiquirore c̄o d̄cari. 22 Sa yero wat̄no pehe tiquirore pecap̄, acop̄ cohã wejēmedi. Sa yegū mah̄ ye masigū h̄s̄are paja ihñã, yedohoya, niahye tiquiro pac̄ro Jesure.

23 Tiquiro sa nigū t̄horo oh̄ saha niahye Jesu:

—¿“Mah̄ ye masiegū ijire”, nijari mah̄ yuh̄re? Yuh̄re mah̄ wacū tutuagū ihñano, Cohãc̄j̄ ijipihtiyere ye peho masine, mah̄re yedohoro, niahye Jesu.

24 Tiquiro sa nigūta coã wahm̄na cãhtariquiro pac̄ro oh̄ saha ni sañuducuahye:

—Muhare wacū tutuaja. Yuhū wacū tutueragū ihñagu yuhare yedohoya mahare yuhū wacū tutuato saha, niahye tiquiro.

25 Sa yero masa peyequina tiquina cahapū oma cāhta, tiquina cahmecoagū ihñano, Jesu watñore ohō saha ni tuhtiahye:

—Muhū yahuducu dutiegū, tūho dutiegū ahriquiromehna ijirigū wahaya. Sa wahagū tiquirore pari turi cariboeracāhña, niahye Jesu.

26 Tiquiro sa nigū tūhoro watño sañuducu, coā wahmū cāhtariquiromehpapū doque quehe sa tunu nanaregū ye, wahahye. Tiquiro sa yegū coā wahmū cāhtariquiromehyariquiromehyero saha wahahye.

27 —Tiquiro yariaa wahare, nimahye masa peyequina.

Tiquina sa niepegūta Jesu pehe tiquiro omocare ñehe, tiquirore wahcōahye. Tiquiro sa wahcōgū wahcāhye tiquiro pehe. 28 Came Jesu gūhū wūhūpū tiquina sajā sagū tiquiro buheyequina tiquirore sinituahye:

—¿Dahse yena usā pehe watñore cohā masiedayari, mahū tūhotugū? ni sinituahye tiquina.

29 —Ahriquiromehborowatñore cohā duana Cohācjūre tutuaro sinino cahmene mū sare, ni yūhtiahye Jesu tiquinare.

Pari turi Jesu tiquiro yaria masa wijiature yahuahye
(Mt 17.22-23; Lc 9.43-45)

30 Sa ye topū ijiriquina waha, Galilea yehpapū esa, yūhdūa wahahye. Topū tiquina waharire apequina masigū cahmedahye Jesu tiquiro yequinare buhero taro. 31 Topū esaro tiquiro buheyequinare buheahye. Ohō saha ni buheahye:

—Yuhū masū Cohācjū ohorigū ijiaja. Masa yuhare ñehe, apequinapūre yuhare ohoeta. Tiquina sa ohori bato yuhare wejēeta. Tiquina sa wejōrigū ijiepegūta ihtia deco wahaboro masa wijiagūta, niahye tiquinare.

32 Tiquiro sa nigū tūhoye tiquina quehnoano tūho ñehedahye. Sa ye cūeye, tiquirore tire sinitu nemoedahye.

Jesu buheyequina tiquina mehna cjūnore pūhto sō duaye nimahye

(Mt 18.1-5; Lc 9.46-48)

33 Sa ye Capernaupū tiquina esari bato wūhūpū tiquina ijigū Jesu pehe sinituahye tiquinare.

—¿Mahapūre ahtana, dahse ni yahuducu cāhtana niari mūsa? ni, sinituahye tiquinare.

34 Tiquiro sa sinitugū tiquina yūhtierahye. Mahapūre ahtaye, cahme ohō saha ni yahuducu cāhtaye niahye:

—¿Mari mehna cjūnore diquiromehpehere mari pūhtoro

sõnatari mari? ni yahuducuye niahye mahapure ah-taye.

³⁵ Sa ye tiquina sa nidire bue tiye Jesure yãhtierahye. Tiquina sa yãhtieragũ ihñano Jesu nuju sa, tiquiore buheyequinare doce buheyequinare pijio ohõ saha niahye:

—Musa pãtoa iji duana ijipihtiyequina masa tiquina cahacjãna ijiro cahmene musare. Sa yena ihyo ijina ijipihtiyequina docapu ijinata musa, niahye Jesu tiquinare.

³⁶ Sa nino nijinogãre tiquina watoa duhu do-coahye. Duhu doco tuhasa tiquiogãre ne wua, ohõ saha ni yahuahye:

³⁷ —Yeere ye duana ahriquiogãre musa cahmena, yuhũ gũhũre cahmene musa. Sa yena yuhũre cahmena, yuhũre ohoriquiore mari Pacũ gũhũre cahmene musa, niahye Jesu tiquinare.

Marine ihña tuhtiriquiro ijieraro, mari mehna cjãno ijire

(Mt 10.42; Lc 9.49-50)

³⁸ Came Ñu ohõ saha niahye Jesure:

—Buhegũ, mũhũ wame mehna wafãre cohãriquiore usã ihñaũ. Mari mehna cjãno tiquiore ijieragũ ihñana tire tiquiore ye dutierahti usã, niahye tiquina.

³⁹ Tiquina sa nigũ tuhoro Jesu tiquinare yahuahye:

—Sa niedacãhña musa tiquiore. Ihcãquiore yuhũ wame mehna Cohãcjũ tu-tuaye mehna yero, came

yuhũre ñano ni yahuducu masiedare. ⁴⁰ Marine ihña tuhtiriquiro ijieraro, tiquiore mari mehna cjãno ijire. ⁴¹ Musare potota nii niaja. Yeequina musa ijigũ ihñañe apequina musare tiquina yedohogũ ihñano Cohãcjũ tiquinare quehnoano yerota. Acore musare tiquina mehenogã sihõgũ tiquinare quehnoano yerota Cohãcjũ tiquina sa yeri wapa, niahye Jesu tiquinare.

Ñañene yegũ cuarĩne

(Mt 18.6-9; Lc 17.1-2)

⁴² Sa yero Jesu yahu nemoahye:

—Ahriquiogã yero saha ijiriquiore yuhũre wacũ tutua dcãriquiore yahugãtja musare. Apequiore ahriquiogã yero saha ijiriquiore ñañene ye dutiro tiquiore ña yuhũaro yuhũarota. Ihcãquiore

tiquiore wamãpũ pajiria utãre dũhte yo, pajiri mapũ tiquiore tiquina cohãgũ ñano wahaboaga tiquiore. Sa ijiepegũta ahriquiogã yero saha ijiriquiore ñañene ye dutiriquiro tiquiore pehe pajiri mapũ tiquina cohãriquiore yuhũaroro ñano yuhũarota.

⁴³⁻⁴⁴ Mũhũ omoca mehna ñano yegũ ti omocare mũhũ dũte cohãboriro saha ti mũhũ ñano yeye pehere duhuya. Tire duhueragu pecapũ wahagũta. Topãre ne peca yatierare. Sa ye becoa ne yarierare. Mũhũ omocare cohãgũ ti si dihita butiboaga. Sa yegũ mũhũ pehe sa bajuri turu ijiepegũta came Cohãcjũ

mehna ijiguta. Pua omoca mehna pecapu wahagu mahu sa wahagū ña yuhduaboaga. Sa yegu ti mahu ñano yeye pehere duhuya. ⁴⁵⁻⁴⁶ Mhu dahpocā mehna ñano yegu ti dahpocā gāhure mahu dute cohāboriro saha ti mahu ñano yeye pehere duhuya. Tire duhueragu pecapu wahaguta. Topure ne peca yatierare. Sa ye becoa ne yarierare. Mhu dahpocāre mahu cohāgū ti si dihita butiboaga. Sa yegu sa bajuri turu ijiepeguta came Cohācjū mehna ijiguta. Pua dahpocā mehna pecapu wahagu mahu sa wahagū ña yuhduaboaga. Sa yegu ti mahu ñano yeye pehere duhuya. ⁴⁷⁻⁴⁸ Mhu capea mehna ñano yegu tiare ore we mahu cohāboriro saha ti mahu ñano yeye pehere duhuya. Tire duhueragu pecapu wahaguta. Topure ne peca yatierare. Sa ye becoa ne yarierare. Tiare mahu cohāgū tia dihita butiboaga. Ihcā capea mariedapeguta came Cohācjū mehna ijiguta. Pua capea mehna pecapu wahagu mahu sa wahagū ña yuhduaboaga. Sa yegu ti mahu ñano yeye pehere duhuya.

⁴⁹ Ahri yehpapu ijina ñano yuhduanata msa. Pecapu mari ujūgū marine purino saha ñano yuhduanata msa. ⁵⁰ Moa quehnoano ocare. Moa ocaeragū ti moare ocagū yero basioerare. Moa ocaeraro ti moa ne quehnoaedare. Ti moare duhsero basioerare. Sa

ijigū ihñana ti moare cohāno cahmene. Moa quehnoano ti ocaro saha msa gāhu masa quehnoana ijiya. Sa yena apequina mehna quehnoano mehna ijiya, ni yahuahye Jesu tiquinare.

10

Tiquina namosānumiare cohāñene yahuahye Jesu
(Mt 19.1-12; Lc 16.18)

¹ Sa ye tiquiro topu ijiriquiro waha, Judea yehpa cahapu esa, Jordā wame tiri ma ape sie pahrēpu esahye. Topu tiquiro esagū ihñañe masa peyequina tiquiro cahapu cahmecoahye tja. Tiquina sa cahmecoagū ihñano to pano tiquiro buheriro sahata pari turi buheahye tja. ² Tiquiro sa buheri watoa fariseo masa wihiahye. Jesure ñano tiquiro yahuducugū taho duamahye tiquina. Sa taho duaye tiquina Jesure sinituahye.

—¿Mari namosānumiare cohāgū quehnoaboagari? ¿Mari dutiye pehe sata ye dutiajari, mahu tūhotugū? ni sinituahye tiquina.

³ —¿Duhse ye dutiajari to Moise msare tiquiro cūri? ni yuhthiahye Jesu.

⁴ —“Papera pūre msa cohāñene yahuyere ojoana msa namosānumiare cohā masine”, niahye Moise, ni yuhthiahye fariseo masa pehe.

⁵ Tiquina sa nigū tūhoro ohō saha ni yahuahye Jesu:

—Cohācjū dutiyere msa ye dueragū ihñano sa ni ojoahye Moise. ⁶ Tiquiro

sa ni ojoari ijiepegūta ahri yehpare bajumehnediquiro ʔmʔno, numino gūhare yeahye. ⁷ Sa yero ʔmʔno tiquiro pacʔsʔmʔare cohā wijia, tiquiro namono mehna ijirota. ⁸ Sa ye tiquina pʔaro ijiepetā ihcā pagʔ yero saha ijire. Sa ye tiquina pʔaro yero saha ijierare. Ihcā pagʔ yero saha ijiye nine. ⁹ Cohācjū tiquiro omoca dʔhte dutiriquina ijire. Sa ye tiquinare cahme duhueraro cahmene, niahye Jesu tiquinare.

¹⁰ Sa ni tuhasa tiquiro buheyequina mehna wʔhʔpʔ sa jāa wahahye. Wʔhʔpʔ sa jā sa, tiquina namosānumiare cohāñene tiquiro buheyequina sinituahye tja tiquiore. ¹¹ Tiquina sa sinitugū tiquiro yʔhtiahye:

—Tiquiro namonore cohāriquiro apecorore namo tiro, apecoro mehna ñano yeriquiro ijire. Sa yero tiquiro cohāricorore ñano wahagū yero nine. ¹² Sa yero numino pehe ticoro manʔnore cohāno, apequiore manʔ tiro, tiquiro mehna ñano yericoro ijire, niahye Jesu tiquinare.

Macanagā ye ijiatire Cohācjūre sini basahye Jesu (Mt 19.13-15; Lc 18.15-17)

¹³ Sa ye macanagāre Jesure ña peo dutiye tehe tiquinagāre Jesu cahapʔ ne cāhtaye niahye. Tiquina sa yegū ihñañe tiquiro buheyequina pehe tiquinagāre ne cāhtayequinare tuhtiahye.

¹⁴ Tiquina sa tuhtigū ihñano Jesu usuaro, ohō saha niahye tiquinare:

—Macanagā yʔhʔ cahapʔ ahtaahro. “Waharīsa”, niedacāhña tiquinagāre. Tiquinagā Cohācjūre tiquina pʔhoro tʔhoture. Sa ye Cohācjū tiquiro pʔhoro ijiorpʔare ahriquinagā yero saha tʔhotuyequina ijire topʔare. ¹⁵ Ijirota niita ni-aja mʔsare. Ahriquinagā Cohācjūre tiquina cahmeno saha mʔsa pehe cahmedana, tiquiro cahapʔ wahasi mʔsa. Mʔsa wahaeragū mʔsa pʔhoro ijisi tiquiro, niahye Jesu.

¹⁶ Sa ni tuhasa Jesu macanagāre ne wʔa, tiquinagāre ña peoro ohō saha niahye:

—Ahriquinagā quehnoañequina wahaahro, ni sini basahye Cohācjūre.

Doeri cjē upʔro Jesure sinituahye

(Mt 19.16-30; Lc 18.18-30)

¹⁷ Sa ye Jesu mahapʔ tiquiro wahaducugū apequiore pehe oma cā, tiquiro dahpocāri cahapʔ dʔsepe curi mehna quehe sahye tiquiore ño peoro.

—¿Ne, quehnoagʔ buhegʔ, yʔhʔ ijipihtiye decori Cohācjū mehna iji duagʔ dʔhse yegʔtari yʔhʔ? niahye tiquiro Jesure.

¹⁸ Tiquiro sa nigū Jesu yʔhtiahye:

—¿Dahse ijiro boro yahure “Quehnoagũ”, ni pisuajari mũhũ? Cohãcjũ dihita quehnoariquiro ijire. 19 Ahri Cohãcjũ dutiyere masine mũhũ: Masare wejêdacãhña. Wũana tieracãhña. Yaqueracãhña. Ni mehoedacãhña. Apequina yere ni meho nedacãhña. Mũsa pacũsumũare ño peoya. Ahri dutiyere yero cahmene masare, ni yahuahye Jesu tiquirore.

20 —Buhegũ, tire ijipihiyere coã wahmũa cãhtagũ ijigũpũta yũhdũducaera tii yũhũ, niahye tiquiro Jesure.

21 Tiquiro sa nigũ tũhoro Jesu pehe tiquirore ihñadoque ohõ, cahñahye. Sa yero ohõ saha niahye:

—Mehenogã dahsare mũhũre mũhũ ye pehoato. Ijipihiyere mũhũ yere duagu wahaya. Sa yegũ ijipihiyere mũhũ wapatari niñerure pejecũoyequinare ohoya. Mũhũ sa yegũ pajiro mũhũ ye mũhmũsepe, Cohãcjũ cahapũ ijirota. Mũhũ sa yeri bato yũhũ mehna cjẽ ijiajũ ah-taya, niahye Jesu tiquirore.

22 Tiquiro sa nigũ tũhoro tiquiro pehe peye doeri cjẽ cũoriquiro ijiro tire pejecũoyequinare oho dueraro, bujũa witi, coera, wahaa wahahye.

23 Tiquiro sa bujũa witi gũ ihñano Jesu majaredũca sa, tiquiro buheyequinare ihñadoque ohõ, ohõ saha niahye:

—Doeri cjẽ cũoyequina Cohãcjũ pũhtoro ijipore

tiquinare waharo basioera cjũre, niahye tiquinare.

24 Tiquiro sa nigũ tũhoye tiquina pehe tiquirore tũho maria wahahye. Sa ni tuhasa Jesu pari turi yahuahye tiquinare:

—Yũhũ acaye, ijipihiyequina doeri cjẽ opana Cohãcjũre wacũno marieno Cohãcjũ pũhtoro ijipore tiquinare waharo basioerare. 25 Camello pehe awia copepe tiquiro sajã duagũ basioerare. Tiquiro sa ijiro yũhdũoro doeri cjẽ cũoriquirore Cohãcjũre wacũno marieno Cohãcjũ pũhtoro tiquiro ijipore tiquirore waharo basioerare, ni yahuahye tiquinare.

26 Tiquiro sa nigũ tũhoye to pano tiquina tũho mariariro yũhdũoro tũho maria waha, tiquina basi ohõ saha niahye:

—Yohou, tiquiro nino sahata potota ijigũ ne ihcãquiro masũnore yũhdũoeraboaga Cohãcjũ, niahye tiquina basi.

27 Tiquina sa nigũ tũhoro Jesu tiquinare ihñadoque ohõ, ohõ saha niahye:

—Masa tiquina esa tuharo quehnoano yeri mehna Cohãcjũ cahapũ waha masiedare. Cohãcjũ pehe masare pecapũ wahaboriquinare yũhdũo masine. Tiquiro ijipihiyere quehnoano ye masi peho cãhre, niahye Jesu tiquinare.

28 Tiquiro sa nigũ Pedro tiquirore ohõ saha niahye:

—Tũhorĩña. Ũsã pehe ijipihiyere ũsã yere cũ cãhũ mũhũ

mehna wahana tana, niahye tiquiro Jesure.

²⁹ Tiquiro sa nigāta Jesu ohō saha niahye:

—Ijirota niita niaja māsare.

Quehnoañe buheyere, yeere yena tana yūhure ño peona tana mūsa wūhūserere, mūsa bahanare, mūsa pačusumūare, mūsa pohinare, mūsa weserire cūrina ijina, pajiro wap-atanata mūsa yojopūre.

³⁰ Sa yena mūsa wūhūserere, mūsa bahanare, mūsa pa-
cosānumiare, mūsa pohinare, weserire, to pano mūsa cūoriro yūhdūoro yojopūre peye cūonata mūsa.

Sa ye apequina māsare ñano yeeta. Sa yena camepūre ape tjuropū ijiptiye decori Cohācjū mehna ijinata.

³¹ Yojopūre peyequina pūhtoa ijiriquina ti pjepūre ihyo ijiyequina tojoaeta. Sa ye yojopūre peyequina ihyo ijiyequina ijiriquina ti pjepūre pūhtoa came-
saeta tja, ni yahuahye Jesu tiquinare.

Pari turi Jesu tiquiro yaria masa wijiature yahuahye

(Mt 20.17-19; Lc 18.31-34)

³² Sa ye tiquina mahapū maja, Jerusalēpū mūjañe niahye. Jesu tiquina panogā ūhmū tāhye. Sa tiquiro ūhmū tāgū ihñañe tiquiro buheyequina ihña maria wahahye. Sa ye tiquina bato nūnū tāriquina pehe cuero mehna nūnū tāhye. Sa yero Jesu tiquiro buheyequinare tiquina sehsaro neahye tja.

Sa yero masa tiquirore dūhse yeatire Jesu yahu dūcahye tiquinare.

³³ —Tūhoya yūhure. Yojopūre Jerusalēpū wahana niaja mari. Topū masa yūhū masare Cohācjū ohorigūre ñehe, apequinapūre yūhure ohoeta. Pahia pūhtoare, mari acaye judio masare buheyequina gūhure yūhure ohoeta. Sa ye yūhure wejē dutieta tiquina. Sa wejē dutiye judio masa ijieyequina pehere yūhure ohoeta. ³⁴ Tiquina sa ohori bato tiquina pehe yūhure bujape, sihco puti ohō, tana, wejēeta. Sa yegū yūhū yariari bato ihtia deco wahaboro masa wijiagūtja, ni yahuahye Jesu tiquinare.

Santiago, Ñu mehna Jesure siniahye

(Mt 20.20-28)

³⁵ Sa ye Santiago, Ñu mehna Jesu cahapū esaye, siniahye tiquirore. Tiquina Zebedeo pohne ijiahye. Sa ye ohō saha ni siniahye:

—Buhegū, ūsā sinino saha ūsāre yeya mūhū, niahye tiquina Jesure.

³⁶ —¿Dūhse yūhū yegū cah-meajari mūsa? niahye Jesu tiquinare.

³⁷ —Ijipthiyequina pūhthora ijigū ūsāre mūhū mehna duji dutiya. Ihcāquiro mūhū poto pehe, apequiro mūhū cū pehe pehe duji dutiya ūsāre, mūhū mehna pūhtoa ūsā ijiato saha, niahye tiquina Jesure.

38 Tiquina sa nigū tūhoro ohō saha ni yahuahye Jesu tiquinare:

—Musa ñano yuhduatore masiedapenata sa sinine yuhure. ¿Yojopure yahu ñano yuhduato saha musa gūhu ñano yuhduna ihcāno sahaboagari? ni sinituahye tiquinare.

39 Tiquiro sa sinitugū tūhoye tiquina yūhtiahye:

—Ihcāno sahanata, ni yūhtiahye tiquina.

Tiquina sa nigū Jesu ohō saha ni yahuahye:

—Yuhu ñano yuhduato saha ñano yuhdunata musa gūhu.

40 Musa sa yuhdunanaja musa ijiepegūta, yuhu mehna dutiatiquinare, yuhu mehna dujiatiquinare bese masiedaja yuhu. Ahrire yuhu Pacu pehe quehno tuhasari. Sa ye tiquiro beseatiquina dihita yuhu poto pehe yuhu cū pehe pehe dujieta, niahye Jesu tiquinare.

41 Sa ye apequina pua omopequina buheyequina Santiago, Ñu ahriquina puaro mehna usuahye tiquina sa sinidire tūhoye. 42 Tiquina sa usuagū ihñano Jesu tiquiro buheyequinare pijio ohō saha niahye:

—Cohācjūre masieñequina puhtoa pehe tiquina masare dutiye, usuaro mehna dutire.

43 Musa pehe ne sa yesi musa basi. Musa mehna cjāno puhtoro iji duaro, ijipihtiyequina tiquiro mehna cjēna cahacjāno ijiro cahmene

tiquirore. 44 Sa yero ijipihtiyequinare dutiriquiro iji duaro, apequina cahacjāno ijiro cahmene tiquirore.

45 Sata ijigū ijiaja yuhu gūhu. Yuhu masu Cohācjū ohorigū ijiepegūta ahri yehpau masare yedohogū ahtau. Sa yegu peyequina masa ye buhirire yariagū ahtagū nii. Sa yegu peyequina masare pecau wahaboriquinare yuhduogū ahtagū nii. Masare dutipegū ahtagū niedu, niahye Jesu tiquinare.

Bartimeore, caperi bajuieriquirore ihñagū yeahye Jesu

(Mt 20.29-34; Lc 18.35-43)

46 Sa ye tiquina Jericóru esahye. Sa yero Jesu tiquiro buheyequina, masa peyequina mehna ti macau ijieyequina tiquina wahagū Bartimeo pehe maha duhtu cahau dujiahye. Tiquiro Timeo macano caperi bajuieriquiro ijiro, decoripe masare niñerure siniducuriquiro ijiahye. 47 Sa yero topu Jesu Nazare cjāno tiquiro cahau ahtagū tūhoro Bartimeo ohō saha ni sañuducuahye:

—Jesu, Davi manano panami iji turiagu, masare yuhduoacju, paja ihñaña yuhure, ni sañuducuahye Jesure.

48 Tiquiro sa nigū tūhoye masa peyequina Bartimeore “Dihta mariañña”, ni tuhtiahye tiquina tiquirore. Tiquina sa tuhtigū tūhoro Bartimeo to pano tiquiro

sañuducuro yãhdũo cjũno
sañuducu nemoahye tja:

—Jesu, Davi m̃ñano
panami iji turiagũ, masare
yãhdũoacjũ, paja ihñaña
yãhũre, ni sañuducuahye
tiquiro.

⁴⁹ Tiquiro sa ni sañuducugũ
tãhoro Jesu pehe esadũca,
“Pijiohya tiquirore”, niahye.
Tiquiro sa nigũ tiquina pehe
caperi bajueriquirore piji
cãhye:

—Bucueya. Wahcãdũcaya.
Tiquiro m̃hũre pijiore, ni-
ahye tiquina Bartimeore.

⁵⁰ Tiquina sa nigũ tãhoro
tiquiro bui cjã suhtirore
tu we cũ, uhpu yãhdũ cã,
Jesu cahapũ esadũcahye.

⁵¹ Sa yero Jesu sinituahye
tiquirore.

—¿Dãhse yũhũ yegũ cah-
meajari m̃hũhũ? niahye Jesu
tiquirore.

—Yũhũ pũhto, yãhũre
ihñaagũ yeya, niahye caperi
bajueriquiro.

⁵² —Wahaya. M̃hũhũ yãhũre
wacũ tutuagũ quehnoa wa-
hare, niahye Jesu tiquirore.

Tiquiro sa nigũta caperi ba-
jueriquiro ihñaah wahahye. Sa
quehnoa waharo Jesu mehna
mahapũ wahaa wahahye.

11

Jerusalẽpũ esahye Jesu

(Mt 21.1-11; Lc 19.28-40; Jn
12.12-19)

¹ Sa ye Jerusalẽpũ tiquina
esato panogã Betfagã wame
tiri maca cahapũ, Beta-
nia wame tiri maca ca-
hapũ ijidũpũ, Olivo wame
tidũ cãhũpũ esa m̃hũtahye.

Topũ esaro pũarore tiquiro
buheyequina mehna cjẽnare
Jesu ohoro ohõ saha niahye:

² —Si macapũ wahaya.
Topũ esana duita bur-
rogãre tiquina dũhte do-
coriquirogãre bocanata. Ape-
quina pesamehnediquirogã
ijiaga. Tiquirogãre bocana,
yuta dare pã, ne cãhta
basaya yãhũre. ³ Mũsa sa
yegũ ihñano burrogã upũro
“¿Dãhsena burrogãre pãjari?”
tiquiro nigũ tãhona, ohõ
saha ni yũhtiya tiquirore:
“Mari pũhoro burrogãre
cahmedoqueo nidi. Sa yero
mianogãta wiarota tiquiro”,
ni yahuya tiquirore, ni
yahu duti ohoahye tiquiro
buheyequinare pũarore.

⁴ Tiquiro sa nigũ waha,
wũhũ cahapũ ijiri ma-
hapũ sopecaha cahapũ
burrogãre tiquina dũhte
docoriquirogãre bocahye.
⁵ Sa ye tiquirogãre yuta
dare tiquina pãgũ ihñañe
topũ ducuyequina sinituahye
tiquinare:

—¿Dãhse yena tana mũsa
yuta dare pãjari burrogãre?
ni sinituahye tiquina.

⁶ Tiquina sa nigũ tãhoye,
tiquina pehe Jesu tiquiro
nidiro sahata yahuahye topũ
ducuyequinare. Tiquina sa
yahugũ tãhoye topũ ducuye-
quina pehe “Neahña”, niahye
tiquinare. ⁷ Sa ye tiquina
burrogãre Jesu cahapũ ne
sahye. Tiquina ne sari bato
tiquirogã bui tiquina suhtire
duhu peo tuhasagũ ihñano,
Jesu pehe tiquirogã bui m̃jã

pjeahye, waharo taro. ⁸ Sa ye masa peyequina tiquina bui sañañe suhtire tu we ne, mahap_m seõ cū m_mhtahye, Jesure ño peoye. Apequina pehe pūri tiye d_mp_mrire weserip_m tiquina ne cāhtari d_mp_mrire mahap_m cūahye.

⁹ Sa ye tiquiroye pano wahahequina, tiquiroye bato ah-tayequina mehna ohō saha ni sañuducuahye:

—Ahriquiroye ño peouhna. Ahriquiroye Cohācjū tiquiroye ohoriquiroye quehnoano iji-ahro. ¹⁰ Mari ñecu iji turiariquiroye Davi m_mnano p_mhtoro tiquiroye ijiriro saha ahtariquiroye quehnoano iji-ahro. Æhm_mse cj_mnore “Tu-tuag_m ijire”, ni ño peouhna, ni sañuducuahye tiquina.

¹¹ Sa yero Jesu Jerusalēp_m esaro Cohācjū ya w_mh_mp_m sajā saro, ti w_mh_mp_m ijiyere ijipihtiyere ihña peho cāhye. Ihña tuhasa “Ñamicahap_m ijire. Deco cjūnota waha_mhna”, nino, Jesu tiquiroye buheye-quina doce buheyequina mehna Betaniap_m wahahye.

Jesu higuera_m yaria dutiahye

(Mt 21.18-19)

¹² Sa ye ape deco tiquina Betaniap_m ijiriquina wahaah wahahye. Sa yero Jesu pehe _mja ahaa waha, yorop_m higuera wame tid_mre quehnoano pūri tid_mre ihñano t_m d_mcare macano wahamahye. ¹³ D_mca mariedahye. D_mca tiri pje ijieraro pūri dihita ijahye.

¹⁴ Sa yero d_mca mariedagū ihñano ohō saha niahye:

—Ah_m d_mcare masa ne pari turi ihyeracāhdo. Ne d_mca tieracāhdo, niahye Jesu.

Tiquiroye sa nigū tiquiroye buheyequina pehe t_mhoahye.

Jesu Cohācjū w_mh_mre Cohācjū mehna yahuducuri w_mh_m ye dutiahye

(Mt 21.12-17; Lc 19.45-48; Jn 2.13-22)

¹⁵ Tiquiroye sa yeri bato tiquina Jerusalēp_m esahye. Top_m esaro, Jesu Cohācjū ya w_mh_mp_m sajā saro apee boro duayequinare, d_myequina gūh_mre cohā wioahye. Sa yero niñeru comesaye mesarire yo wahcō, ne majare cū m_mjahye. Bujuaare duayequina tiquina dujiye pahtari gūh_mre sata yeahye.

¹⁶ Sa yero apee borore ne sajā dutierahye masare.

¹⁷ Sa yero Jesu ohō saha ni buheahye tiquinare:

—Ohō saha nine Cohācjū yere tiquina ojoari pū: “Ya w_mh_m Cohācjū mehna yahuducuri w_mh_m wame tirota. Sa yero ijipihtiro cjēna ya w_mh_m ijirota”, ni ojoahye Cohācjū yere tiquina ojoari pū. Ti pū sa niepegūta m_msa pehe ahri w_mh_mp_m duana, m_msa basi cahme yaquere m_msa, ni buheahye tiquinare.

¹⁸ Tiquiroye sa ni buhegū ijipihtiyequina masa pehe t_mho maria wahahye. Sa ye pahia p_mhtoa, usā judio masa buheyequina mehna tiquiroye cue niahye. Sa ye tiquina tiquiroye wejēatire

wacũ macamahye. ¹⁹ Tiquina sa yegũ ñamicahapũ Jesu tiquiuro buheyequina mehna ti macapũ ijiriquina wahaa wahahye.

*Higueragũ ñaia wahahye
(Mt 21.20-22)*

²⁰ Sa ye bohrearo mahapũ maja taye, higueragũre ihñahye. Tũ nuhcoripũ ñai dũca, ñaia wahahye tũ. ²¹ Tũre ihñano Pedro pehe wacũ, ohõ saha niahye:

—Buhegũ, ihñaña. Higueragũ mũhũ yaria dutidũ yaria wahaya, niahye Pedro.

²² Tiquiro sa nigũta Jesu yahuahye tiquinare:

—Cohãcjũre wacũ tutuaya mũsa. ²³ Ijirota niita niaja mũsare. Ahdũ canũre pajiri mapũ mũsa cohã dutigũ mũsa nidiro saha sa waharota. Cohãcjũre quehnoano mũsa wacũ tutuagũ “Yũhũ sini-diro saha waharota”, mũsa ni tũhotugũ mũsa nidiro saha waharota. ²⁴ Sa yegũ ahrire yahugũtja mũsare. Cohãcjũ mehna yahuducuna, tiquiore sinina, “Yũhũ sini-diro saha ohorota yũhare”, ni tũhotuya. Mũsa sa yegũ ihñano Cohãcjũ mũsa siniñene ohorota. ²⁵ Sa yena Cohãcjũ mehna mũsa yahuducuatõ pano mũsare apequina tiquina ñano yegũ mũsa usarire duhuya. Mũsa sa yegũ ihñano mari Pacũ uhmũse cjũno mũsa ñaãe yeri pehere tiquiuro gũhũ usua duhurota. [²⁶ Mũsare ñano yeriquinare mũsa usua duhueragũ mari Pacũ gũhũ

uhmũse cjũno mũsa ñaãe yeri pehere usuaro ne duhusi tiquiuro gũhũ,] niahye Jesu.

Pahia pũhtoa, judio masare buheyequina, bucũna mehna Jesu mehna cahme dũse tini wiahye

(Mt 21.23-27; Lc 20.1-8)

²⁷ Tiquiro sa nidi bato tiquina Jerusalẽpũ wahahye tja. Sa ye Jesu Cohãcjũ wũhũpũ tiquiuro tinigũ ihñaãe pahia pũhtoa, usã judio masare buheyequina, bucũna gũhũ tiquiuro cahapũ esaye, tiquiore sinituahye:

²⁸ —¿Dũhsegũ canũre sa yeari mũhũ? ¿Noa mũhũre tire sa ye dutiari? ni sinituahye tiquina Jesure.

²⁹ Tiquina sa nigũ Jesu yũhtiahye:

—Mũsa pehere sinitu mũhtagũtja. Quehnoano yũhũre mũsa yũhtigũ mũsare yahugũtja yũhũ gũhũ. ³⁰ ¿Ñũ masare tiquiuro wame yegũ noa boro pehe tiquiore wame ye dutiyari, mũsa tũhotugũ? ¿O Cohãcjũ dutierayari? ¿O masa pehe tiquiore dutiyari, mũsa tũhotugũ? ni sinituahye tiquinare.

³¹ Tiquiro sa nigũ tiquina pehe tiquina basi ohõ saha niahye:

—¿Dũhse ni yũhtinatari mari? “Cohãcjũ Ñũre dutiri jiri”, mari nigũ, “¿Dũhsena Cohãcjũ Ñũre tiquiuro dutiepegũta tiquiore tũho duerari mũsa?” niboaga Jesu marine. ³² Sa yero “Ñũ tiquiuro wame yegũ Cohãcjũ pehe tiquiore dutierari jiri”,

mari nigū masa pehe usueta mari mehna, niahye tiquina basi.

“Potota Ñu Cohācjū yere yahu māhtariquiro ijire”, ni tūhotue tiahye masa pehe. Sa ye pahia pūhtoa, usā judio masare buheyequina, buncuna mehna tiquinare cue niahye. ³³ Sa ye tiquina Jesure ohō saha ni yūhtiahye:

—Ñure wame ye dutiriquirore usā masiedaga, niahye tiquina Jesure.

—Ti pje pūrita yūhū gūhū ahrire yūhū yerire dutiriquirore yahueraja mūsare, niahye Jesu tiquinare.

12

Ñañequina dahra cohteyequina quitire yahuahye Jesu (Mt 21.33-46; Lc 20.9-19)

¹ Sa ye Jesu tiquiro tūhotuye mehna ohō saha ni queoye mehna buhe dūcahye tiquinare.

—Wese upūro ūhse darire oteahye. Ote tuhasa, sahrīnore doco, ūhsere tiquina cūhta mūtoati copere sehe, ūhmūari wūhūgā dahreahye tiquiro. Sa yero ti wesere apequinare ihcā pehe pahma cūno, ti wesere cohte dutiahye. Cohte duti tuhasa ape siepū wahaa wahahye tiquiro. ² Came ūhse ñidi pje ijigū wese upūro tiquiro cahacjūnore wese cjē tiquiro ya pahma cjē dūcare ne dutiro ohomahye. ³ Sa ye wesere cohteyequina pehe tiquiro cahacjūnore ñehe,

quēahye tiquirore. Sa ye tuhasa tiquiro cahacjūnore ūhse tōhorine ohoerapeta tojoa dutiahye tiquirore.

⁴ Sa yero wese upūro apequiro tiquiro cahacjūnore ohomahye tja. Sa ye cohteyequina pehe tiquiro dapure camī dahre, ñano yeahye tiquina tiquirore.

⁵ Sa yero apequiro pehere tiquiro ohogū cohteyequina tiquirore wejēahye. Peyequina apequina gūhare sa dihita ye mūjahye. Apequina pehere quē, apequina pehere wejēahye tiquina.

⁶ ‘Sa yero wese upūro macūno dihita dūhsahye. Tiquiro cahīniquiro ijiahye. Sa yero tiquiro macūnore ohoahye, “Yūhū macū pehere ño peoeta”, nino. ⁷ Tiquiro sa ni tūhotuepegūta cohteyequina tiquina basi ohō saha ni yahuducuahye: “Wese upūro macūno ijire ahriquiro. Tiquirore wejēihna mari. Sa yero ahri wese mari ya wese tojoarota”, nimahye tiquina basi. ⁸ Sa ñiñe tiquirore ñehe, wejē, wese dūhtū cahapū ne cā, cohā cāhye tiquina tiquirore.

⁹ ‘¿Ne wese upūro ahtaro dūhse yerotari tiquiro wesere cohteyequinare, mūsa tūhotugū? Ohō saha yerota tiquinare: Tiquiro tiquinare wejēno, apequina pehere wesere cohte dutirota. ¹⁰⁻¹¹ ¿Cohācjū yere tiquina ojoari pūre ahrire buherari mūsa? Ohō saha ni ojoahye:

Ahriquiroy Cristo utā yero saha ijire. Utāre wuhure dahreyequina tiquina cohāno saha masa tiquiore cohāeta. Tiquina sa cohāepēgūta yojopure wuhure dahreyequina wuhure yeye, tiquina cū mūhtaria utāre tiquina cūno saha Cohācjū tiquiore pūhtoro sōri. Cohācjū pehe ahrire yeri. Tiquiro sa yegū ihñana, “Quehnoa yuhdure”, ni tūhotuaja mari, ni ojoahye panopure.

¿Tire ne buherari mūsa? ni-ahye Jesu tiquinare.

12 Tiquiro sa nigū tūhoye pahia pūhtoa, usā acaye judio masare buheyequina, bucūna mehna ohō saha ni tūhotuahye: “Jesu wesere cohteyequina quitī mehna marine tuhtiro nine”, ni tūhotuahye. Sa ni tūhotuye Jesure ñehe duamahye. Sa ñehe duepeta masare cue niahye. Sa cueye tiquiore cohā cāa wahahye.

Fariseo masa, Herode ya curua cjēna mehna gobierno cjē wapare sinituahye Jesure (Mt 22.15-22; Lc 20.20-26)

13 Waha, tiquina fariseo masare, Herode ya curua cjēna gūhure Jesure sinitu tiquiro yūhtigū ye duamahye tiquina, tiquiore yahusāñe tehe. 14 Sa ye Jesu cahapū esaye, tiquiore niji sio sinitumahye:

—Buhegū, poto yahuducugū, ni mehoñe mariegū mūhū ijigū masiaja usā. Cohācjū yere queoro mūhū yahugū gūhure masiaja usā. Sa yegū ihcāquiroy pūhtoro waro ijiepegūta tiquiro gūhure dōyaro marieno potota yahure mūhū. Sa yegū usāre yahuya. ¿Roma cjēno ijipihtiyequina pūhtoro yere marine wapa yero cahmeajari, mūhū tūhotugū? ¿Mari dutiye wapa ye duti-ajari, mūhū tūhotugū? ni sinituahye tiquina Jesure.

15 Tiquina sa sinitugū tūhoro tiquina ñano ye du-ayere masino Jesu ohō saha ni sinituahye tiquinare:

—¿Dahse yena yūhū ñano yahuducugū tūho duajari mūsa? Yojopure niñeru cjoere ne cāhtaya. Ti cjoere ihñauhna, niahye Jesu tiquinare.

16 Tiquiro sa nigū tūhoye tiquina pehe ihcā cjoere ne cāhtahye. Tiquina ne wihigū Jesu sinituahye tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituahye tiquiro.

—César, masa ijipihtiyequina pūhtoro queoye, tiquiro wame gūhū wahñare, ni yūhtiahye tiquina.

17 Tiquina sa nigū Jesu yahuahye tiquinare:

—Ti pje pūrita masa ijipihtiyequina pūhtoro yere tiquiro pehere ohoya. Cohācjū yere Cohācjū pehere ohoya, ni yahuahye Jesu.

Tiquiro sa nigū tuhoye tuho maria wahahye.

Cohācjū tiquiro masoatire yahuahye Jesu saduceo masare

(Mt 22.23-33; Lc 20.27-40)

¹⁸ Sa ye ihquēquina saduceo masa Jesu cahapū wihiahye. Saduceo masa pehe “Cohācjū yariariquinare masosi”, ni tuhohuyequina ijiahye. ¹⁹ Sa ye tiquina ohō saha niahye tiquirore:

—Buhegū, ohō saha ni buheahye Moise: “Ihcāquiro wahmino namo tiriquire pohna mariedaperota yariagū ihñano tiquiro bahurore tiquiro wahmino namono ijiricorore nūoano cahmene. Sa yero wahmino mūnano tiquiro pohna tiboro saha pohna tiro cahmene tiquiro bahurore. Sa ye tiquiro pohne tiquiro wahmino mūnano pohne yero saha ijieta”, ni ojoahye Moise, niahye tiquina Jesure.

²⁰ Tire ni tuhasa, ahri quitireta yahu nemoahye Jesure:

—Ihcāquiro masano ijiahye. Seis bahana tiahye. Tiquiro wahmino pehe namo ti, pohna mariedaperota yariaa wahahye. ²¹ Sa yero apequiro tiquiro bahuro gūhū tiquiro wahmino namono ijiricorore cūmahye. Tiquiro sa nūoari bato tiquiro wahmino yero saha pohna mariedaperota yariaa wahahye tja. Sa yero ahriquire bahuro tiquiro wahmino mūnano yero saha pohna

mariedaperota yariaa wahahye. ²² Sa dihita wahahye ihcāquiro pohne waro. Ne pohna mariedapeta yaria pihtia wahahye tiquina. Tiquina namono ijiricoro gūhū tiquina batota yariaa wahahye. ²³ ¿Ne, Cohācjū ijipihiyequinare yariariquina mūnare tiquiro masogū diquire namono pehe ijirotari ticoro? Tiquina ijipihiyequina ticorore namo tiriquina mūna ijiahye. ¿Sa yero diquire namono pehe ijiboagari ticoro pototi? ni sinituahye tiquina.

²⁴ Jesu yūhtiahye tiquinare:

—Cohācjū yere tiquina ojoari pūre, tiquiro masiñe gūhūre ne masiedare mūsa. Sa yero mūsa tuhohuye pehe ne poto ijierare. ²⁵ Yariariquina mūna tiquina masa mūjari bato angele yero saha ijire. Namō marieñequina, manū marieñe numia ijire topūre. ²⁶ Yariariquina mūna tiquina masa wijiato pehere mūsare yahugātja: Tire Moise quehnoano yahu pehoahye. Mehenūgā ūjūri quitire ohō saha ni yahuahye tiquiro: “Yūhū Abrahā, Isaac, Jacob tiquina pūhto tjiaja”, ni yahuri Cohācjū yūhūre”, ni ojoahye Moise tiquiro ojoari pūpū. ²⁷ Tiquina yariari bato “Tiquina pūhto tjiaja”, ni yahuahye Cohācjū. Sa nieperota yariariquina mūna pūhtoro ijierare Cohācjū. “Tiquina pūhto tjiaja”, tiquiro niñe mehna catiye-

quina tiquina ijigū masiaja mari. Tiquiro catiyequina pūhtoro ijire. Sa yena “Yariariquina masasi”, ni tūhotuna potota tūhotuerare mūsa, niahye Jesu tiquinare.

Quehnoa yūhdūro dutirore yahuahye Jesu
(Mt 22.34-40)

²⁸ Sa ye ihcāquiro ūsā acaye judio masare buheyequina mehna cĵāno tiquina cahapū wihī, tiquina cahme yahuducugū tūhoahye. Jesu quehnoano yūhtiyere tūhoro sinituahye tiquirore.

—¿Cohācjū ye dutiro quehnoa yūhdūari dutiro noho pehe ijiajari, mūhū tūhotugū? ni sinituahye tiquiro Jesure.

²⁹ Jesu tiquirore yahuahye:

—Ahri dutiro ijire apeye dutiye bui quehnoa yūhdūari dutiro: “Israe masa, tūhoya. Cohācjū mūsa pūhtoro yūhū ihcāta ijiaja. ³⁰ Tutuaro mūsa jeripohnari mehna, quehnoano mūsa wacūñe mehna, mūsa tutuaye mehna yūhūre cahīña”, nine Cohācjū.

³¹ Ahri dutiro bato apero dutiro quehnoano ijire. “Mūhū basi mūhū cahīno saha mūhū cahapū ijieyequina gūhūre cahīña”, nine Cohācjū. Ahri pūaro dutirota ijipihtiyē apeye dutiye yūhdūoro ijire, ni yahuahye Jesu tiquirore.

³² Tiquiro sa nigū judio masare buheriquiro ohō saha niahye:

—Sa tĵire. Buhegū, potota nine mūhū. Cohācjū ihcāquirota ijire. Apequiro

tiquiro yero saha ijiriquiro mariedare. Mūhū niñe potota ijire. ³³ Cohācjūre tutuaro mari jeripohnari mehna, mari wacūñe mehna, mari tutuaye mehna tiquirore cahīno cahmene marine. Yūhū caha ijieyequinare yūhū basi yūhū cahīno saha tiquina gūhūre cahīno cahmene yūhūre. Wahiquinare wejē hĵā mūo mari ohori mehna mari ño peogū quehnoarīmene. Ahri yūhdūoro Cohācjūre, masa gūhūre mari cahīne quehnoa yūhdūare. Mūhū sa niñe ijirota ijire, niahye judio masare buheriquiro Jesure.

³⁴ Tiquiro sa quehnoano yūhtigū tūhoro Jesu yahuahye tiquirore:

—Mehenogā dūhsare mūhūre Cohācjūre mūhū quehnoano masiato, niahye tiquirore.

Tiquiro sa nigū tūhoye apequina cueye, ne sinituerahye Jesure.

Cristo Davi mūnano pūhtoro ijire

(Mt 22.41-46; Lc 20.41-44)

³⁵ Sa ye Cohācjū wūhūpū buhero ohō saha niahye Jesu:

—“Cristo Davi mūnano panamino iĵi turiariquiro ijire”, ni buhere mari acaye judio masare buheyequina. ¿Dūhse niñe sa ni buheajari tiquina? ³⁶ Davi tiquiro basi Espīritu Santo tiquiro dutiroto sahata ohō saha ni yahuahye:

Cohācjū yūhū pūhtoro ohō saha nidi: “Ohōpū

yahu poto pehe dujiya. Sa yegu mahure ihña tuhtiequinare mahure yuhdudaca basagutja yuhu”, nidi Cohãcjũ yahu pãhtorore, ni ojoahye Davi manano.

37 Sa ni ojoaro Davi manano pãhtoro tiahye Cristore. ¿Davi manano Cristo ñecano manano iji turiariquiro ijieperota dahsero Davi pehe pãhtoro tiyari Cristore? Cristo Davi manano pãhtoro ijire, ni yahuahye Jesu.

Tiquiro sa ni buhegã peyequina masa bucueye mehna tãhoahye tiquirore.

Jesu judio masare buheyequina tiquina ñañene yahuahye

(Mt 23.1-36; Lc 11.37-54; 20.45-47)

38 Sa yero tiquiro buhe nemono ohõ saha niahye:

—Mari acaye judio masare buheyequina tiquina ñañe yeyere quehnoano ihñaña. Sa yena tiquina yero saha yeracãhña. Tiquina yoaye suhti saña, masa tiquina ihñonopũ majare, doeri cjẽ duaropũ apequna pãhtoare quehnoano ño peo tiquina sinino saha tiquina piti ca sinigã cahmene tiquina. 39 Sa ye mari judio masa buheye wãhũsepũ quehnoañe dujiye dihitare duji duare. Sa ye bose deco ijigã topũ gũhure quehnoañe dujiye dihitare cahmene tiquina.

40 Tiquina wape wiha numia ye wãhũsere tiquina cãoye

gũhure ehmare ti numiare. Sa ye tiquina masa ihñonopũ yoari pje Cohãcjũre siniducumene masare ihña dutiye. Tiquina sa yeri buhiri apequna bui cjũno tiquinare Cohãcjũ pajiro buhiri dahrerota, niahye Jesu tiquinare.

Wape wihoro ticoro ohorire yahuahye Jesu

(Lc 21.1-4)

41 Sa yero Jesu Cohãcjũ wãhũ cjẽ niñeru tiquina sãri acarõ cahapũ dujiahye. Topũ masa tiquina niñeru duhu sãgũ ihña dujiro niahye. Sa ye niñeru opana ti acaropũ pajiro duhu sãhye. 42 Sa yero wape wihoro pejecũoricoro ti acaropũ ahta, pãa cjoegã duhu sãhye. Pãa cjoe ihcã centavo pose ijire. 43 Ti cjoeri ticoro duhu sãgũ ihñano tiquiro buheyequinare pijioahye:

—Ijirota niita niaja mãsare. Ahricoro wape wihoro pejecũoricoro pehe niñeru ihbori acaropũ duhu sãno apequna ijipihitiyequina tiquina ohori yuhdũoro ohori ticoro pehe. 44 Apequna doeri cjẽ opana pajiro tiquina ohoepegãta tiquina ye pajiro dahsare. Ahricoro pehe pejecũoricoro ijieperota ijipihitiye ticoro ihyatire dũborigãre oho pehori, niahye Jesu.

13

—Cohãcjũ wãhũ cohãri wãhũ ijirota, niahye Jesu (Mt 24.1-2; Lc 21.5-6)

1 Sa ye Cohãcjũ wuhupure tiquina wijiagũ ihcãquiro buheyequina mehna cjãno ohõ saha niahye:

—Buhegũ, ihñaña. Ahri wuhuse quehnoañe utã paca mehna tiquina yeri wuhuse quehnoa yuhdaye wuhuse ijicjoare, niahye tiquiro.

2 Tiquiro sa nigũ Jesu yahuahye tiquinare:

—Ahri ijipihtiye mari ihñari wuhuse, ahri wuhuse cjẽ utã paca gũhure cohã pehoeta. Ne ihcãria utã tojoasi, niahye Jesu tiquinare.

Decoripihtiatire yahuahye Jesu

(Mt 24.3-28; Lc 21.7-24; 17.22-24)

3 Sa ye Jesu Olivo wame tidũ canupũ Cohãcjũ wuhũ potopũ ijidupũ esahye. Tũ buipũ dujiahye. Topũ Pedro, Santiago, Ñu, Andre mehna tiquina sehsaro ijiye, tiquina tiquiore sinituahye:

4 —Yahuya usãre. ¿Duhse ijigũ sa waharotari mũhũ ni diro saha waharo? ¿Deco pihatiato panogã ijigũ duhse ti waha ducagũ ihñanatari usã? ni sinituahye tiquina Jesure.

5 Jesu yuhthiahye:

—Quehnoano yeya mũsa. Sa yena apequina tiquina ni mehoñene tuhøracãhña mũsa. 6 Peyequina masa “Cristo ijiaja yuhũ”, ni mehoñequina ahtaeta. Tiquina sa ni mehogũ tuhoye peyequina masa Cohãcjũ yere duhueta.

7 ’Musa cahagã masa apequina tiquina cahme

wejẽgũ tuhonata mũsa. Sa yena yoaropũ gũhure tiquina cahme wejẽgũ tuhoonata mũsa. Sa tuhooopenata ne tire pajiro tuhøtueracãhña. Sa waharota. Tiquina sa yegũ pihtiati deco duhsarĩnota. 8 Ti pjere ihcã yehpa cjẽna ape yehpa cjẽna mehna cahme wejẽeta. Sa ye ihcãquiro puhtoro yequina apequiro puhtoro yequina mehna cahme wejẽeta. Sa yero ijipihitiri yehpa ñuhminota. Sa ye peyequina masa ujuã mehna yarieta. Sa wahagũ ahri yehpa cjẽnare tiquina ñano yuhdũ nemoato duhsarĩnota. Ñano yuhdurĩeta.

9 ’Sa wahagũ ihñana mũsa basi quehnoano yeya. Apequina mũsare ñehe, ñano ye dutiye ohoeta apequina puhtoapure. Sa ye judio masa mari buheye wuhusepũ mũsare quẽeta. Tiquina sa yegũ bujũye macari cjẽna puhtoa, tiquina bui puhtoa gũhũ mũsare buhiri dahr-eye tehe sinitueta mũsare. Yeequina mũsa ijiri buhirire apequina mũsare yahusãeta. Sa yena yeere yahunata mũsa tiquinare. 10 Sa ye pihatiati deco pano quehnoañe buheye ijipihtiye yehpari cjẽnare buheripũ ijirota. 11 Sa yena mũsare buhiri dahre dutiye, buhiri dahre dutiatiquiro cahapũ tiquina neagũ tiquiore mũsa niatire “Yahu masiedaboaga”, ni tuhøtueracãhña mũsa. Ti pjere mũsa niatire mũsare Espiritu Santo yahurota.

Tiquiro sa yahurire yahuya m̄sa. M̄sa esa tuhara yahuducusi m̄sa. Espiritu Santo m̄sare yahuducu basarota. ¹² Ti pjere tiquina wahmis̄m̄sa tiquina bahanare wejē dutiye ohoeta p̄htoare, yeequina tiquina ijiri buhiri. Tiquina pac̄s̄m̄sa tiquina pohne wejē dutiye ohoeta p̄htoare. Tiquina pohne pehe tiquina pac̄s̄m̄sare wejē dutiye ohoeta p̄htoare. ¹³ Sa ye yeequina m̄sa ijiri buhiri m̄sare masa ijipihtiyequina ih̄na tuhtieta. Tiquina sa yepeḡata ahri yehpap̄ m̄sa catiro puno m̄sare tiquina ñano yerire ihc̄ano sahana yah̄re duhuerana, yah̄nata m̄sa.

¹⁴ Sa yena ña yah̄ariquirore Coh̄c̄j̄ yere ñano yeriquirore ih̄nata m̄sa. Coh̄c̄j̄ ya wah̄p̄ tiquiro ducuḡ ih̄nata. Top̄ tiquirore ijieraro cahmene. Top̄ tiquiro ducuḡ ih̄ñañe Judea yehpap̄ ijiiyequina c̄n̄ c̄j̄p̄ duhti oma m̄jaa wahaahro. Ahri yah̄ nidire quehnoano masiña m̄sa. ¹⁵ Sojaro mehna oma duhtiahro. Ti pjere tiquina wah̄se bui c̄j̄ paarip̄ ijiiyequina wah̄ puhiaip̄ ijiiyere tiquina yere neñe wahaerac̄hdo tiquina waha madoqueoato saha. ¹⁶ Sa ye ti pjere apequina tiquina weserip̄ ijiiyequina tiquina bui c̄j̄ suhtire wah̄p̄ ijiiye suhtire neñe wahaerac̄hdo tiquina waha madoqueoato saha.

¹⁷ Ti pjere niji pacos̄numia,

tiquina pohne ap̄oñe numia ḡh̄ pejec̄oro wahaeta. ¹⁸ Sa yena oh̄ saha ni siniña Coh̄c̄j̄: “Pohec̄ ijiḡ sa wahaerac̄hdo”, ni siniña tiquirore. ¹⁹ Ti decorire masa ña yah̄aro wahaeta. Ahri yehpare tiquiro bajumehnedi bato masa ñano yah̄e tiahye. Ti sa ijiepeḡata ijipihtiye ti puriñe yah̄oro pihtiatideco ijiḡre ña yah̄aro masa yah̄eta. Sa ñano tiquina yah̄ari bato pari turi sa ña yah̄aro yah̄asi ahri yehpap̄. ²⁰ Sa yero Coh̄c̄j̄ ti decorire meheñe decoriḡ ijiḡ yerota. Tiquiro sa yeraḡ ne ihc̄aquiromo yah̄eraboaga. Sa yero tiquiro beseriquina tiquina yah̄atire meheñe decoriḡ c̄n̄ota Coh̄c̄j̄.

²¹ Ti pjere apequina m̄sare “Ih̄ñañe. Ahriquiro ijire Cristo”, tiquina niḡ tiquinare t̄hoerac̄h̄ña. “Top̄ ijire Cristo”, tiquina niḡ ḡh̄re t̄hoerac̄h̄ña. ²² “Cristo ijiaja”, ni mehoñequina, “Coh̄c̄j̄ yere yahu mahtana ijiaja”, ni mehoñequina ijietati pjereta. Sa ye Coh̄c̄j̄ beseriquinare ni mehoñe, tiquina tutuaye mehna ye ih̄oeta. Coh̄c̄j̄ yequinare Coh̄c̄j̄re tiquina coh̄ duaḡ ye duare tiquina mehoñequina. ²³ Ahrire yahuyaja m̄sare sa wahato pano. Sa yena quehnoano yeya m̄sa, ni yahuahye Jesu.

Jesu ahri dihtap̄re tiquiro

tojoa tatire yahuahye

(Mt 24.29-35, 42-44; Lc 21.25-36)

²⁴ Sa ni tuhasa ohō saha ni yahuahye Jesu:

—Ti decori ijigū tiquina ñano yūhduri bato asū deco cĵano, ñami cĵano gūhū buhrio duhu cāeta. ²⁵ Tiquina sa wahagūta ñahpicoha paca ūhmūsepū ijiye paca bora dijiaa wahaeta. Sa ye ūhmūse cĵē yehpari, ñahpicoha gūhū ti sa wahaducurore comesaeta. Sa ye ñuhmieta. ²⁶ Ti pjeta yūhū masū Cohācĵū ohorigū ahtagūtja. Sa ye ūhmūsepū yūhū tutuaye mehna yūhū asi siteye mehna ūhmūse cĵē ehmeo cururi buipū ahri yehparūre yūhū tojoa tagū ihñāeta masa. ²⁷ Sa yegū yeequina angelere ijipihtiropū ahri yehparū ohogūtja. Sa ye ijipihtiropū yeequina yūhū beseriquinare tiquina neeta.

²⁸ 'Yojoarūre higueraĵure tūhotuya mūsa. Tū quiti mehna mū sare queoye mehna buhegūtja. Tū yucūgū pūri tigū ihñana cūhma mehenogā dūhsagū masine mūsa. ²⁹ Sata ahri ijipihtiye yūhū nidi sa wahagū ihñana, yūhū tojoa tato mehenogā dūhsagū masinata mūsa. ³⁰ Ijirota niita niaja mū sare. Ti pje cĵēna tiquina yariato panore ijipihtiye yūhū ni diro sahata sa waharota. ³¹ Ūhmūse, ahri yehpa gūhū pihtia waharota. Yūhū yahuducuye pehe ne comesasi. Ijipihtiye yūhū ni diro sahata sa waha sohtori tiarota.

³² 'Ti decore yūhū tojoa tati decore, ti hora gūhūre masiedaja yūhū. Angele gūhū tire masiedare. Masa gūhū ne masiedare. Yūhū Pacū dihita tire masine.

³³ 'Mūsa gūhū ti decore masiedare. Sa yena quehnoano yeya. Quehnoano cohteya. Cohācĵūre siniña mūsa. ³⁴ Ohō saha cohteya mūsa. Ahri quiti mehna mū sare queoye mehna buhegūtja. Wūhū upūro yoaropū tiquiro tinino saha ijire ahri. Tiquiro wahato pano tiquiro cahacĵēnare wūhūre cohte dutiahye. Tiquinape tiquina dahrayere cūahye. Sa yero wūhūre cohteriquirore tiquiro tojoa tatore cohte dutiahye. ³⁵ Sa yena mūsa gūhū quehnoano wacū masi cohteya. Wūhū upūro tiquiro tojoa tatore tiquina masiedariro saha yūhū mūsa pūhto tojoa tati decore masiedare mūsa gūhū. Ñamicahapū, ñami deco, canaca tiquiro yahuri pje ijigū bohrearopū ahtaboaga. ³⁶ Yūhū sa wacūeno mehna yūhū wihiatore masina, yeere sa yeducuya. Sa yena yūhūre quehnoano cohteya. ³⁷ Sa yegū mū sare yūhū nino sahata ijipihtiyequinare sa niaja: Quehnoano wacū masi cohteya, niahye Jesu tiquinare.

14

Pahia pūhto, judio masare buheyequina mehna

Jesure wejẽ duahye

(Mt 26.1-5; Lc 22.1-2; Jn 11.45-53)

¹ Sa ye ti pjere pascua wame tiri bosc deco pano pugũ yeye moremehneñe pãre tiquina ihyati deco pano, pua deco duhsariãhye. Ti pjere pahia puhto, usã acaye judio masare buheyequina mehna Jesure tiquina ni mehoñe mehna tiquina ñehe wejẽatire cahme yahuducuye niahye.

² —Bosc deco ijigũ tiquirore ñehedacũhna “Masa usuari”, nina, niahye tiquina basi.

Numino ehme sitiye uhsce mehna Jesure pio peohye

(Mt 26.6-13; Jn 12.1-8)

³ Sa ye Jesu gũhũ Betaniapũ, Simo cami bucũ muna wihiro ijimediquiro ya wuhũpũ ijiahye. Sa yero tiquina ihyari watoa numino pehe alabastro mehna yeriare ehme sitiye nardo wame tiye uhsere pose tiriare ne wihiahye. Ti uhsce pehe wapa bujũye ijiahye. Sa yero ticoro tiare pohadoqueo, Jesu dapu bui pio peohye. ⁴ Ticoro sa yegũ ihñañe apequina usuaa wahahye.

—¿Dahse yero ahricoro ahri ehme sitiye co wapa bujũyere sa ye siteajari? ⁵ Tire ticoro duaboaya. Tire duaro tres cientos niñeru cjoerire wapataboaya. Sa yero ti niñerure pejecũoyequinare ohoboaya ticoro, ni cohteahye apequina pehe ticoro sa yegũ ihñañe.

Sa ye tiquina ticorore tuhti-ahye.

⁶ Tiquina sa nigũ tãhoro Jesu tiquinare yahuahye:

—Sa niedacãhña ticorore. Yũhũre ticoro quehnoano yero nine. ⁷ Pejecũoyequina pehe mũsa mehna sa ijiducuetã. Sa yena mũsa cahmedi pje tiquinare oho masine. Yũhũ pehe ahri yehpare mũsa mehna sa ijiducusi. ⁸ Ticoro cũoro puno mehna ticoro yũhũre sa yeri. Yũhũre tiquina yato pano yũhũ pagũre quehnoyuro, ehme sitiye pio peori ticoro. ⁹ Sa yegũ potota niita niaja mũsare. Ijipihtiro ahri yehpapũ quehnoañe buheyere tiquina yahuatopũ ahricoro yojopũre ticoro yerire yahueta. Tiquina sa yahugũ tãhoye ticorore masa peyequina wacũeta, ni yahuahye Jesu.

Juda Iscariote Jesure ihña tuhtiyequinare tiquiro ihñaotire yahuahye pahia puhtoare

(Mt 26.14-16; Lc 22.3-6)

¹⁰ Ti pjereta Juda Iscariote doce buheyequina mehna cãno Jesure tiquiro ihñaotire yahuro wahahye tiquirore ihña tuhtiyequinare, pahia puhtoare. ¹¹ Sa ye pahia puhtoã tire tãhoye bucueahye.

—Mũhũre niñerure ohonatja, niahye tiquina Judare.

Sa yero Jesure ihña tuhtiyequinare tiquiro ihñaotire wacũ macahye.

Jesu tiquiro buheyequina mehna tiquina ihya bato tiri deco ijiahye

(Mt 26.17-29; Lc 22.7-23; Jn 13.21-30; 1 Co 11.23-26)

12 Pugū yeye more-mehneñe pāre tiquina ihyati bose deco iji ducari deco, ovejare pascua deco ijigū ihyatiquirore tiquina wejēati deco ijiahye. Ti pjere tiquiro buheyequina pehe sinitu-ahye Jesure:

—¿Noho boropu bose deco ijigū mari ihyatire quehnoyu dutigu ohoutjari mahu usāre? niahye tiquirore.

13 Tiquina sa nigūta Jesu pehe puaro tiquiro buheyequina mehna cjenare ohoahye.

—Jerusalēpu wahaya. Topu msa esagū aco suture wariquiro msare piti carota. Tiquiro piti cagū tiquiro mehna wahaya.

14 Sa wahana tiquiro siho sajāri wahu pu esana wahu upurore ohō saha ni yahuya: “¿Nohopu yahu buheye-quina mehna pascua cje ihyayere ihyanatari?” nidi buheriquiro”, niña wahu upurore. 15 Msa sa nigū tūhoro ahmano cja tucūre pajiri tucūre mari cahmeñe mehna tiquina quehno ri tucūre ihñonota wahu upuro. Topu mari ihyatire dahreya msa, niahye Jesu tiquinare.

16 Tiquiro sa nigū tūhoye tiquina tiquiro buheyequina ti macapu wahahye. Topu esagū tiquinare tiquiro ni- diro sahata wahahye. Sa ye

tiquina pascua cje ihyayere dahreahye.

17 Sa ye nahitia cāhtagū Jesu doce tiquiro buheye-quina mehna topu esahye.

18 Sa yero tiquina mehna mesapu ihyaro Jesu tiquinare yahuahye:

—Poto niita niaja msare. Ihcāquiro msa mehna cjanu yahu mehna ihyariquirota yahu ihña tuhtiequinare ihñonota, ni yahuahye Jesu tiquinare.

19 Tiquiro sa nigū tūhoye tiquina pehe buja witiahye.

—¿Yahuata ijajari mahure ihñoaču? ni sinitu phtiahye tiquina Jesure.

20 —Msa mehna cjunota ijire tiquiro. Yahu ih- yari papu yahu mehna soha ihyariquirota ijire yahu ihña tuhtiequinare ihñoaquiro. 21 Panopu yahu tiquina yahu ojoariro sahata yahu masu Cohācjū ohorigu yariagūta.

Sa yero yahu ihña tuhtie-quinare ihñoriquiro pe- jecuro yahurota. Tiquiro pehe masa bajuera gū, quehnoa yahdaboya. Nāno yahderaboya, niahye Jesu tiquinare.

22 Sa ni yahu tuhasaro tiquiro buheyequina mehna ihyaro taro niahye. Sa yero Jesu pāre ne, Cohācjūre “Quehnoare”, niahye. Sa ninota tiare nuha, itiahye tiquinare.

—Ahrire ne ihyaya. Ahri yahu pagu ijire, niahye tiquiro tiquinare.

23 Sa ni tuhasa tiqiro sihnini pare ne, Cohācjüre “Quehnoare”, ni tuhasa, ohoahye tiquinare. Tiquiro oho tuhasagū tiquina ijipihtiyequina tire sihniahye.

24 —Ahri yuhū dii ijire. Peyequina masa tiquina ñañe yerire cohāgū tagū yariagutja. Sa yegū yuhū diire cohāgutja. Mari Pacū “Mūsare yuhūogutja”, tiqiro nidiro esagū yuhū yariaro mehna tiqiro nidiro sohtori tirota. 25 Poto niita niaja mūsare. Cohācjū tiqiro pūhtoro ijiropū wahma core ūhse core yuhū sihniato pano, ahri dihtapūre ūhse core pari turi sihnisi yuhū, niahye Jesu tiquinare.

Pedro Jesure tiqiro cohātire yahuahye Jesu

(Mt 26.30-35; Lc 22.31-34; Jn 13.36-38)

26 Sa ye tiquina ihcā taha Cohācjū ye basayere basa tuhasa, cūnupū Olivo wame tidupū wahaa wahahye. 27 Topū siho esaro Jesu tiquinare yahuahye:

—Yojopūre mūsa ijipihitina yuhūre cohānata. Ohō sahata nine Cohācjū yere tiquina ojoari pūpū yuhūre yahuro: “Ovejare ihña ihboriquiro yero saha ijiriquirore Cohācjū cohānota. Sa tiqiro cohāgū tiqiro yequina oveja yero saha ijieyehina duhti site cāa wahaeta”, nine Cohācjū yere tiquina ojoari pūpū. 28 Sa yegū Cohācjū yuhūre tiqiro masori bato mūsa pano

Galileapū wahayugutja yuhū, niahye Jesu tiquinare.

29 Tiquiro sa nigū Pedro ohō saha niahye:

—Yuhū mehna cjēna ijipihitiyequina tiquina cohā cāepēgūta yuhū pehe mūhure ne cohāsi, nimahye Pedro tiqirore.

30 Jesu yuhūtiahye:

—Potota niita niaja mūhure. Mia ñamita canaca pūa taha tiqiro yahurato pano “Yuhū Jesure masiedaja”, nigūta mūhū. Ihtia taha sa nigūta mūhū, niahye Jesu Pedrore.

31 Tiquiro sa niepegūta Pedro ohō saha ni tutuaro bisiro yuhūtiahye:

—Mūhū mehna yuhūre tiquina wejē duepegūta “Jesure masiedaja”, ne nisi yuhū, ni yuhūtimahye tiqiro Jesure.

Pedro sa nigū tūhoye tiqiro mehna cjēna gūhū sa dihita ni yuhūtiahye.

Getsemaní wame tiri wesepū Jesu Cohācjüre siniahye

(Mt 26.36-46; Lc 22.39-46)

32 Sa ye tiquina Getsemaní wame tiri wesepū wahahye. Topū esaro ohō saha niahye Jesu:

—Yuhū Cohācjüre yuhū sinino watoa ohō dujiyuya, niahye tiqiro buheyequinare.

33 Sa ni tuhasa Pedrore, Santiagore, Ñure tiquinare ihtiarore piji cāhye. Tiquinare sa piji cāno, pajiro tūhotu dūcahye tiqiro. Sa yero ñano jeripohna tiahye.

34 Sa bujua witiro tiquiuro mehna cjēnare tiquiuro piji cāriquinare ohō saha niahye:

—Yuhū ñano jeripohna tiaja. Yuhūre tutuaro purīno saha tūhotugū niaja. Ohō tojoaya. Sa yena yuhū mehnata carīedacāhña mūsa gūhū, niahye Jesu tiquinare.

35-36 Sa ni tuhasa tiquiuro topū mehenogā waha nemo, yehparū quehe saro, Cohācjūre niahye:

—Mai, mūhū ijipihiyere ye masine. Sa yegū yuhū ñano yuhūatire ye dueragū yeracāhña. Yuhū sa niepegūta yuhū cahmeno saha yeracāhña. Mūhū pehe masine. Mūhū cahmeno saha yeya yuhūre, ni siniahye tiquiuro Cohācjūre.

37 Sa ni tuhasa, ihtiaro tiquiuro buheyequina cahapū wihiro, carīñequinare ihñahye. Tiquinare ihñano Pedrore niahye:

—¿Simo, carīgū nijari mūhū? ¿Ihcā hora waro yuhū ihcāno mehna carīegū iji masiedajari mūhū?

38 Quehnoano yeya mūsa. Sa yena Cohācjūre siniducuya mūsa, “Ñano yeari”, nina. Mūsa tūhotuye mehna quehnoañene ye duamene mūsa. Mūsa sehsaro sa ye duepenata tire ye masiedare mūsa, niahye Jesu Pedrore.

39 Sa ni yahu tuhasa pari turi waha, Cohācjūre siniahye. To pano tiquiuro sinidiro sahata siniahye tja. 40 Sa sini tuhasaro pari turi tiquina cahapū wihiahye tja. Sa wihiro carīñequinare

ihñahye tja. Wujua quehe yuhūahye tiquina. Sa ye tiquina Jesure dūhse ni masiedahye. 41 Sa yero pari turi Cohācjūre tiquiuro sinidi bato tiquina cahapū wihī, tiquinare niahye:

—¿Yojopū pūritare carīnina nijari mūsa? ¿Sorīna nijari mūsa? To punota umū saro taro nine. Mi-anogāta yuhūre Cohācjū ohorigure ñañequinare tiquina ohoati pje umū saro nine. 42 Wahcāña. Isa wahana. Ihñaña. Yuhūre ihñā tuhtiyequinare ihñōatiquiro ohō ahtare, niahye Jesu tiquinare.

Jesure ihñā tuhtiyequina tiquiore peresu yeahye

(Mt 26.47-56; Lc 22.47-53; Jn 18.2-11)

43 Tiquiuro sa nino watoata Juda, doce buheyequina mehna cjāno ijimediquiro wihiahye. Sa ye masa peyequina ñoseñe pjīni, yucū tiāri cūoyequina tiquiuro mehna wihiahye. Pahia pūhtoā, judio masare buheyequina, bucūna, tiquina ohoriquina masa pehe ijiahye. 44 Coā warore Jesure ihñā tuhtiyequinare ihñōatiquiro masare ohō saha ni yahu queo tuhasahye.

—Wahsupure yuhū ihmidiquiuro tiquiurota ijirota mūsa ñeheatiquiro. Tiquiore yuhū ihmidi bato ñeheña tiquiore. Sa yena quehnoano ñeheña tiquiore “Duhtiarī”, nina, ni yahu tuhasahye Juda pehe.

45 Sa yero wihirota Jesu cahap_u duita waha mado-queoahye.

—Buheg_u, ninota wah-supure ihmiahye tiquirore.

46 Tiquiro sa yegū ihñañe tiquina Jesure ñeheahye.

47 Tiquina sa yegū ihñano to cahap_u ducuyequina mehna cjāno tiquiro ñoseni pjīne tūā we nedoqueo, pahia pūhtoro cahacjānore tiquiro cahmonore dute pahrē cāhye.

48 Sa yero Jesu ohō saha ni-ahye:

—¿Dahse ijiro boro mūsa ñoseñe pjīni mehna, yuch tiāri mehna ahtana, yaqueriquirore yero saha yahūre ñehena ahtajari? 49 Decoripe Cohācjū wahup_u masare yahū buhe dujigū, mūsa yahūre ne ñehedari. Sa ijepegūta ahri ijipihtye sa waharo niaga Cohācjū yere tiquina ni ojoariro sahata, niahye Jesu masare.

50 Sa ye Jesu buheyequina tiquirore cohā cā, ijipihtyequina oma site cāa wahahye.

51 Sa yero wahmūno suhti mariediquiro ihcāno coma cjūno dihita comariquiro Jesu bato nūnū tāmahye. Tiquiro sa nūnū tāgū ihñañe tiquirore ñehemahye.

52 Tiquirore tiquina ñehe duagū ihñano tiquiro coma cjūnore cohā cā, suhti mariediquiro oma cāa wahahye.

Pūhtoa cahap_u neahye Jesure

(Mt 26.57-68; Lc 22.54-55, 63-71; Jn 18.12-14, 19-24)

53 Sa ye pahia pūhtoro cahap_u Jesure ne cāhye. Sa ye ijipihtyequina pahia pūhtoa, bucūna, usā acaye judio masare buheyequina gūhū cahmecoahye. 54 Sa yero Pedro pehe Jesu bato yoarop_u nūnū tāhye. Sa nūnū tāno pahia pūhtoa ya wūhū cahap_u esahye. Sa yero tiquiro ti wūhūre cohteyequina surara mehna peca dūhtū cahap_u sohma dujahye.

55 Pahia pūhtoa, ijipihtyequina apequina pūhtoa gūhū Jesure wejē duti du-aye, ni mehoñe mehna tiquirore tiquina ñano buhiri dahreatore wacū macañe nimahye. Tiquina yahusātire wacū bocaerahye.

56 Sa wacū bocaerapeta peyequina masa tiquirore sa yahusā maca cāhye. Tiquina yahusāñe poto ijierahye. Apequiro sijoro saha ni, apequiro sijoro saha niahye. 57 Sa ye apequina top_u esaye, Jesure yahusāhye.

58 —Ahriquiro ohō saha nidi: “Yūhū ahri wūhūre Cohācjū wūhūre masa tiquina dahreri wūhūre cohāgūtja. Sa cohāg_u ihtia deco wahaboro ti wūhūre pari turi yegūtja. Ti wūhū masa tiquina dahreri wūhū ijisi”, tiquiro nigū usā tūhou, niahye ni meho yahusāñequina.

59 Tiquina sa ni yahusāpepegūta tiquina yahusāñe gūhū poto ijierahye. Apequiro sijoro saha ni, apequiro sijoro saha niahye.

60 Tiquina sa nigū tūhoro pahia pūhtoro tiquina wa-

toa ducuriquiro wahcādūca sa, Jesure sinituahye:

—¿Ahriquina mahure tiquina yahusāepēgūta tiquinare yuhti cahmedajari mahū? ¿Mahure tiquina yahusāire dūhse ni yuhti cahmeajari mahū? niahye tiquiro Jesure.

⁶¹ Tiquiro sa nigū tūhoeperota Jesu sata tūhotu cāhye. Tiquiro sa yuhtieragū ihñano pahia puhtoro tiquirore sinituahye tja:

—¿Cristota ijiajari mahū? ¿Quehnoariquiro Cohācjū macu warota ijiajari mahū? niahye tiquiro Jesure.

⁶² —Tiquiro tjiaja. Sa yena yuhure masure Cohācjū ohorigare yuhū Pacu tutu-ariquiro poto pehepu yuhū dujigū ihñanata mūsa. Sa yena ahmūse cjē ehmeo cururi watoa yuhū ahtagū gūhure ihñanata mūsa, niahye Jesu tiquirore.

⁶³⁻⁶⁴ Tiquiro sa nigūta pahia puhtoro pehe tiquiro sañari suhtirore tiquiro basi tūhrē cāhye, apequinare “Usua yuhdūare”, ni ihña masi dutiro.

—Cohācjūre ñano yahuducuro nine ahriquiro. Sa yena tiquiro ñano yahuducuyere tūho tuhasaja mari. Sa ye topequinata yahusāahdo ahriquirore. ¿Sa yena dūhse yenatari mari yojopure ahriquirore? niahye pahia puhtoro apequina puhtoare.

—Tiquiro ñari buhiri wejēno cahmene tiquirore, ni yuhtiahye apequina puhtoa.

⁶⁵ Sa ye tiquina mehna cjēna Jesure sihco puti, tiquiro caperire dūhte biha, tiquirore quēpeahye. Quēpe tuhasa ohō saha nipeahye:

—¿Noa pehe mahure quēari? Ihñedapeguta yahuya usāre, ni bujūpeahye tiquina.

Sa ye puhtoro yequina surara pehe Jesure quēpe tuhasa, neahye.

—*Tiquirore masiedaga, niahye Pedro Jesure*

(Mt 26.69-75; Lc 22.56-62; Jn 18.15-18, 25-29)

⁶⁶ Sa yero wuhū caha ijiri paapu quehnoari paapu Pedro ijigū pahia puhtoro cahacjōno wihiahye. ⁶⁷ Pedro tiquiro sohmagū ihñano ticoro tiquiro dihitare ihñaducuahye.

—Nazare cjāno mehna, Jesu mehna mahū gūhū ijiri, niahye ticoro Pedrore.

⁶⁸ Ticoro sa nigū tūhoro tiquiro ohō saha niahye:

—¿Dūhse ni macago nijari mahū? Mahū nidiquirore ne masiedaja yuhū, niahye Pedro ticorore.

Tiquiro sa nidi bato Pedro sahrīno sopecaha cahapu wahahye. Sa yero topu tiquiro ducugū canaca yahuahye.

⁶⁹ Topu tiquiro ijigū ihñano cahacjōno pehe ticoro cahapu ducuyequinare yahuahye tja:

—Ahriquiro gūhū Jesu buheyequina mehna cjāno ijire, niahye ticoro.

⁷⁰ Ticoro sa nigū tūhoro Pedro pari turi ohō saha niahye tja:

—Tiquirore masiedaja yuhū, niahye tja.

Sa yero came cjūnopū topū ducuriquina Pedrore ohō saha niahye:

—Ijirota ijire. Mūhū Galilea cjū ijire. Sa yegū tiquina mehna cjāta ijire mūhū, niahye tiquina tiquirore.

⁷¹ Tiquina sa nigū tūhoro tiquiro yūhtiahye:

—Potota Cohācjū mehna niaja mūsare. Potota yuhū niedagū Cohācjū yūhūre buhiri dahreahro. Tiquirore mūsa nidiquirore ne masiedaga yuhū, ni yūhtiahye Pedro tiquinare.

⁷² Tiquiro sa nigūta canaca yahuahye tja. Tiquiro sa yahugū tūhoro Jesu tiquirore nidire wacūahye Pedro: “Canaca pūa taha tiquiro yahuato pano mūhū yūhūre ‘Jesure masiedaga’, nigūta mūhū. Ihtia taha sa nigūta mūhū”, Jesu tiquiro nidire wacūahye Pedro pehe. Tiquiro sa nidire wacūno, tutuaro utiahye Pedro.

15

Pilato Jesure sinituahye

(Mt 27.1-2, 11-14; Lc 23.1-5; Jn 18.28-38)

¹ Sa ye bohrearopū pahia pūhtoā, būcūna, ūsā judio masare buheyequina, ijipihtiyequina apequina pūhtoā mehna cahmecoā, yahuducuahye tiquina yeatire masiñe tehe. Tiquina basi yahuducu tuhasa, Jesure dūhte, ne cā, Pilatore ohoahye tiquirore.

² Tiquina ne sagū ihñano Pilato tiquirore sinituahye:

—¿Potota judio masa pūhtota ijiajari mūhū? niahye tiquiro Jesure.

—Mūhū nino sahata ijiaja, ni yūhtiahye Jesu.

³ Sa ye pahia pūhtoā peye yahusāhye tiquirore.

⁴ Tiquina sa ni yahusāgū tūhoro Pilato tiquirore sinituahye tja:

—Ahriquina mūhūre peye yahusāñe nine. ¿Tiquina sa yahusāepēgūta yūhtierajari mūhū? niahye tiquiro.

⁵ Tiquiro sa niepēgūta Jesu ne pari turi yūhti nemoedahye. Sa yero Pilato ne dahse ni masiedahye.

Jesure wejē dutiahye

(Mt 27.15-31; Lc 23.13-25; Jn 18.38-19.16)

⁶ Cūhmaripe pascuaripe masa yaquiro ijia-tiquirore ihcāquiro peresupū ijiriquirore tiquina cahmediquirore Pilato wio basaducue tiahye. ⁷ Ti pjere Barrabá wame tiriquiro peresupū ijiahye. Tiquiro pūhtoare cohā duayequina, masare wejēñequina mehna cjāno ijiahye. ⁸ Sa ye masa peyequina Pilato cahapū esaye, tiquirore siniahye:

—Cūhmaripe ūsāre mūhū yeducuriro sahata yeya ūsāre. Ihcāquiro peresupū ijiriquirore ūsāre wio basaya, niahye tiquina.

⁹ Tiquina sa nigūta Pilato tiquinare sinituahye:

—¿Mūsa yaquiro ijia-tiquirore mūsa judio masa

pəhtorore wio basaboagari yuhə? ni sinituahye masare Jesure wio duaro.

¹⁰ Jesure masa tiquina cahīgū ihñañe pahia pəhtoa gūhə tiquireore ihña tuhtiahye. Sa ihña tuhtiye tiquireore ohoahye Pilatorə. Sa yero masa tiquina cahīdi buhiri tiquina ihña tuhtirire masino Pilato Jesure wio duamahye.

¹¹ Tiquiro sa wio duepegūta pahia pəhtoa Jesu mehna masare usuagū yeahye. Ohō saha ni dutiahye tiquinare: “Barrabá pehere wioya. Jesure wejē dutiya”, ni dutiahye masare. ¹² Sa yero Pilatore Barrabáre tiquina wio dutiri bato Pilato tiquinare sinituahye tja:

—¿Ahriquiuro judio masa pəhtoro mħsa nidiquiro pehere dħse yegutari yuhə, mħsa sa nigū? ni sinituahye tiqiro.

¹³ —Curusapə quē biha wejēña tiquireore, ni sañuducuahye masa.

¹⁴ —¿Yabe borore ñañene yeari ahriquiuro, mħsa sa ni sañuducugū? ni sinituahye tiquinare.

Tiquiro sa nigū tħoye tiquina sañuducu nemoahye tja:

—Curusapə quē biha wejēña tiquireore, ni sañuducuahye tiquina.

¹⁵ Tiquina sa ni sañuducugū tħoro Pilato pehe masare bucuegū ye duaro Barrabá pehere peresupə ijiriquirore wio dutiahye masa tiquina cahmediquirore. Sa yero

Jesu pehere yuta dari mehna tana duti, curusapə quē biha wejē dutiro ohoahye surarare.

¹⁶ Sa ye surara Pilato ya wħpə pretorio wame tiri wħpə tiquireore ne sahye. Ne sa tuhasa tiquina apequina surarare tiquina mehna cjēnare cahmecoañe tehe pijioahye. ¹⁷ Sa ye tiquina pəhtoro ya suhtiro yero saha bajuri suhtirore Jesure sãa, pota behtore dahre, ti behtore tiqiroo dapu bui duhu peoahye.

¹⁸ Sa ye tuhasa ohō saha ni bujpeahye tiquina tiquireore:

—Quehnoano ahtaya. Judio masa pəhto, quehnoano ahtaya, ni bujpeahye.

¹⁹ Sa nieta yucəgū mehna tiqiroo dapure quē, tiquireore sihco puti wisō, cua pesaro yeyequina yero saha tiquireore quehe sa, ño peoro saha yeahye. Tiquirore ñano yeye niahye. Sa ye bujpeye niahye. ²⁰ Sa yepe tuhasa tiquina sãari suhtirore tu we nedoqueo, tiqiroo ye suhti pehere tiquireore sãa, tiquireore curusapə quē biha wejēñe wahaye, nea wahahye tiquina.

Tiquina Jesure curusapə quē biha wejēahye

(Mt 27.32-44; Lc 23.26-43; Jn 19.17-27)

²¹ Sa ye topə wahariquiuro, Simo Cirene cjəno ihquē wħhse ijiropə esariquiuro, tiquina cahapə wihīgū ihñañe surara pehe tiquireore Jesu ya curusare wħa cã dutiahye.

Alejandro, Rufo pacuro
ijiahye Simo pehe.

22 Waha, Gólgota wame
tiropu esahye. Gólgota nino
“Dapu pehtoro”, nino nine.
23 Sa ye vinore mirra wame
tiye co mehna tiquina moredi
core Jesure ohomahye. Sa
yero ti core sihni duerahye
tiquiro. 24 Sa ye curusapu
Jesure quē bihahye tiquina.
Quē biha tuhasa tiquiro suhti
ijirire “¿Noa yaro ijirrotari
ohō?” ni cahme doque-
peahye tiquina.

25 Jesure curusapu tiquina
quē bihagū ihtia hora
duhsahye coheri pje esato.
26 Sa ye curusapu ohō saha
ni ojoari pjīne duhu ohōahye
tiquina tiquiro ñañe buhirire
yahu duaye. “AHRIQUIRO
JUDIO MASA PHTORO IJIRE”,
ni ojoahye tiquina ti pjīne.
27 Sa ye puaro yaque bucuna
Jesu caha apeye curusaripu
tiquina quē biha ohōriquina
ijiahye tiquina. Ihcāquiro
poto pehe, apequiro cū
pehe pehe quē biha ohōahye
tiquina gūhure. [28 Tiquina
sa yegū panopu Cohācjū
yere tiquina yahu ojoariro
sahata waharo niahye. Ohō
saha ni ojoahye: “ ‘Dutiyere
yuhduhcayequina mehna
cjāno ijire’, ni, tūhoturi
masa tiquirore”, ni ojoahye
panopu.]

29 Sa ye curusari cahapu
yuhdu cāñequina Jesure ihña,
tiquina dapu pacare yure-
doqueo, tiquirore ñano ni
yahuducuahye:

—Quehnoare. Quehnoare.

¿Cohācjū wūhure cohā, ihtia
deco wahaboro pari turi ti
wūhure dahreacjū ijiajari
mahu? 30 Mūhū basi dijiahye.
Sa yegū mahū basi yedohoya.
Sa yegū yuhdu witigūta mahū,
ni bujūpeahye tiquina.

31 Tiquina yero sahata
pahia puhtoā gūhū usā judio
masare buheyequina gūhū
tiquirore sa ni bujūpeahye.
Sa ni bujūpeye ohō saha
niahye tiquina basi:

—Tiquiro apequinare
yuhduoriquiro ijieper-
ota tiquiro basi yuhduo
masiedare. 32 “Israe masa
puhto, Cristo ijiaja”, nimesi
tiquiro. Sa yena tiquiro
basi dijia tagū ihñana
tiquirore wacū tutuanata, ni
bujūpeahye tiquina.

Sa ye yaque bucuna tiquiro
caha tiquina quē biha
ohōriquina gūhū sata ñano ni
bujūpeahye tiquirore tja.

Jesu yariaa wahahye
(Mt 27.45-56; Lc 23.44-49;
Jn 19.28-30; He 6.19-20; 10.19-
20)

33 Sa ye coheri pje ijigū ihtia
hora waro ijipihtiropu nahi-
tiaa wahahye. 34 Sa yero
nahitia yuhdugū waro Jesu tu-
tuaro sañuducuahye:

—¿Eloi, Eloi lema sabac-
tani? niahye tiquiro.

Sa nino ohō saha nino ni-
ahye. “¿Yuhū Pacu, yuhū
Pacu, duhsegū yūhure cohājari
mahū?” nino niahye.

35 Tiquiro sa nigū tūhoye
ihquēquina topu ducuriquina
ohō saha nimahye:

—Cohācjū yere yahu
mūhtariquirore Elia mūnanore

pijioro niboaga, nimahye tiquina.

³⁶ Sa yero ihcãquiro tiquina mehna cjãno oma cã, aco ihmini sũhtere vino sũẽñe core tiquiro sohari sũhtere ne cã, yucũgũ sohtoapũ dũhte ohõ, Jesure sihõmahye. Sa sihõno ohõ saha nimahye:

—Cohteniña. Elia m̃ññano ahriquiroro tiquiro yũhdũogũ ihñarĩhna mari, nimahye tiquiro apequinare.

³⁷ Tiquiro sa nidi bato Jesu pehe tutuaro sañuducu, yariaa wahahye. ³⁸ Tiquiro yariagũta Cohãcjũ wũhũ cjã suhtiro cahsero tore tiquina cahmotari cahsero deco mehna bui pehe tũhnũ dijia ta, tũhnũ maa cjũ saa wahahye. ³⁹ Tiquiro sa yariagũ ihñano surara pũhtoro Jesu caha ducuriquiro ohõ saha niahye:

—Ijirota ijire. Ahriquiroro Cohãcjũ mac̃nota ijire, niahye tiquiro.

⁴⁰ Sa ye yoaropũ ducuye numia Jesure ihñaducuye niahye. Tiquina numia mehna María Magdalena ijiahye. Apecoro María wame tiricoro gũhũ ijiahye. Ticoro pehe José, tiquiro bahũro Santiago, tiquina pacoro ijiahye. Apecoro Salomé ijiahye. ⁴¹ Tiquina numia Jesu yere quehnoano tũhoyequina numia ijiye, Galilea yehpapũ tiquiro ijigũ tiquirore yedohoe tiahye. Tiquina numia mehna peyequina apequina numia gũhũ Jerusalẽpũ Jesu mehna ahtariquina numia ijiahye.

Jesu pagũre masa copepũ cũahye

(Mt 27.57-61; Lc 23.50-56; Jn 19.38-42)

⁴²⁻⁴³ Sa ye ti deco tiquiro yariari deco saurũ pano judio masa usã sori deco pano ijiri deco ijiahye. Sa yero pascua cjẽ ijiatire tiquina quehnoyuri deco ijiahye. Ti ñamita José Arimatea cjãno cuero marieno Pilato cahapũ esahye Jesu pagũre sinino esaro. José judio masa usã pũhtoa mehna cjãno, pũhtoa tiquina cua pesaro ihñariquiroro waro ijiahye. Sa yero Cohãcjũ masa bui tiquiro pũhtoro sajãtore cohtero niahye. ⁴⁴ Sa yero José Pilatore tiquiro sini tuhasagũ tũhoro tũho maria wahahye Pilato pehe. “¿Jesu yaria tuhasayari?” ni tũhoturo, tũho maria wahahye. Sa yero surara pũhtoro pijio ohõ saha niahye tiquirore:

—¿Jesu yariaa wahari? ni, sinituahye tiquirore.

⁴⁵ Tiquiro sa nigũ surara pũhtoro yũhtiahye:

—Yariaa wahari, niahye.

Tiquiro sa nigũ Pilato Jesu pagũre oho dutiahye Josére. ⁴⁶ Tiquiro sa oho dutiri bato José quehnoari suhtirore dúahye. Dú tuhasa, Jesu pagũre ne dijio, suhtiro mehna wahme, masa copepũ utãpũ tiquina seheri copepũ tiquiro pagũre cũahye. Cũ tuhasa, ti cope caha ijiria utãre pajiria utãre tu torẽ cã, ti copere bihahye. ⁴⁷ Sa ye María Magdalena, María

José pacoro Jesure tiquina cūrirore ihñahye.

16

Jesu masa wijiahye

(Mt 28.1-10; Lc 24.1-12; Jn 20.1-10)

¹ Sa ye saurú yuhdugū María Magdalena, María Santiago pacoro, Salomé mehna wisōñe co ehme sitiye dūahye tiquiro pagure wisōñe tehe. ² Sa ye domingo bohrea queharo Jesure tiquina cūri copepū wahahye tiquina. ³ Wahaducuye, ohō saha niahye:

—¿Ti copere biharia utāre noa marine pōo basarotari na? niahye tiquina basi.

⁴ Ti copepū esaye, ti copere biharia utāre pajiria utāre tiquina pōo cūriare ihñahye tiquina. ⁵ Sa ihñañe ti copepū sajā sahye. Sa sajā saye, wahmānore potō pehe dujiriquirore yehseye suhti tiriquire ihña, acūaa wahahye. ⁶ Tiquina sa acūagū ohō saha niahye tiquiro:

—Yuhure ihña acueracāhña. Jesu Nazare cjāno tiquina quē biha wejēdiquiro mūsa macariquiro masa wijia tuhasari. Ohōre mariedare. Tiquirore tiquina cūrirore ihñaña. ⁷ “Tiquiro mūsa pano Galileapū waharota”, ni yahuna wahaya tiquiro buheyequinare, Pedro gūhure. Topū tiquiro ni-di-ro sahata mūsa tiquirore ihñanata, ni yahuahye wahmāno tiquinare.

⁸ Tiquiro sa nigū tuhoye tiquina cueye, nanare, masa

cope cahapū ijiriquina oma cāa wahahye. Sa cueye apequinare yahuerahye.

Jesu María Magdalenare bajuahye

(Jn 20.11-18)

[⁹ Sa ye domingo ijigū Jesu tiquiro masa wijiari bato María Magdalenare bajua māhtahye. Ticoro siete watīare cūmedicoro ijimahye. Sa yero Jesu tiquiro yariato pano watīare tiquiro cohānohricoro ijiahye. Sa yero ticoro pehere bajua māhtahye tiquiro masa wijiari bato. ¹⁰ Sa ye Jesu mehna cjēna tiquiro yariagū ihñañe tutuaro bajua witi, utiye niahye. Sa tiquina utiri watoa ticoro pehe tiquirore ihñarire yahumahye tiquinare. ¹¹ “Cristo catiri. Ihñaa”, ticoro ni yahuepegāta taho duerahye.

Jesu tiquiro buheyequinare bajuahye

(Lc 24.13-35)

¹² Came pūaro tiquina mehna cjēna wuhuse marienopū tiquina tinigū Jesu sijoro saha bajuriquiro tiquinare bajuahye. ¹³ Tiquiro sa bajuagū ihñañe tiquina tojoaa waha, apequinare Jesu yequinare tire yahuahye. Tiquina sa ni yahuepegāta tiquina pehe taho duerahye.

Jesu tiquiro yere buhe ditiro ohoahye tiquiro buheyequinare

(Mt 28.16-20; Lc 24.36-49; Jn 20.19-23)

14 Came doce tiquiro buheyequinare mesa cahapũ tiquina dujigũ tiquinare bajuahye tiquiro. Sa yero tiquirore ihñariquinare tiquina yahugũ tãho dueyequinare masino Jesu tiquinare tuhtiahye. Tiquirore tiquina quehnoano wacũ tutuerari buhirire tuhtiahye tiquinare. 15 Sa tuhti tuhasaro tiquinare ohõ saha niahye:

—Ahri yehpa ijipihtiropũ quehnoañe buheyere ijipihitiyequina masare buhena wahaya. 16 Yũhũre wacũ tutuayequinare tiquina wame yenhriquinare pecapũ wãhãboriquinare yũhũorota Cohãcjũ. Sa ye yũhũre wacũ tutueyequina Cohãcjũ tiquiro buhiri dahreatiquina pecapũ wahatiquina ijieta. 17 Sa ye yũhũre wacũ tutuayequina yũhũ tutuaye mehna ohõ saha yeeta: Yũhũ tutuaye mehna, yũhũ wame mehna watĩare cohãeta. Sa ye wahma yahuducuyere yahuducueta. 18 Sa ye añãare tiquina ñehẽgũ, ijipihtiye nima dahse ijiye nimare tiquina sih-nigũ, tiquinare ne purĩsi. Sa ye dohatiyequina bui tiquina omocarine tiquina ñã peogũ dohatiyequina pehe quehnoa wahaeta, niahye Jesu tiquiro buheyequinare.

Jesu uhmũsepũ mũjaa wahahye

(Lc 24.50-53)

19 Sa ni yahu tuhãsa mari pũhtoro Jesu uhmũsepũ mũjaa wahahye. Topũ esaro

Cohãcjũ poto pehe dujiahye tiquiro mehna pũhtoro ijiro. 20 Sa ye Jesu buheyequina ijipihtiropũ quehnoañe buheyere buheye wahãã wahahye. Tiquina sa buhegũ mari pũhtoro tiquinare yedohoahye. Tiquiro tutuaye mehna ye ihñõ, masigũ yeahye tiquinare, masare tiquiro ye buheyere tãho dutiro. To punota ijire.]

San Lucas

1-2 Pũhto Teófilo, ahrire mũhũ buheatire mũhũre ojoa ohogũ niaja. Jesu mũsã mehna ijinino tiquiro yerire apequina ojoa dũca tuhasari jiri. Coã waropũre Jesure ihũariquina, tiquiro yere buheriquina tiquina ni yahuriro sahata apequina tire ojoa dũca tuhasari jiri. 3 Sa yegũ ahri ijipihtiyere quehnoano masi peho duagũ buhei. Sa yegũ yũhũ gũhũ tire quehnoano ojoa duaja mũhũ buheatire yegũ. 4 Jesu yere yahuyequina mũhũre buhe tuhasari. Tire quehnoano mũhũ masi nemoatire ahri pũre mũhũre ojoa ohogũ niaja.

Ñu wame yeatiquiro tiquiro masa bajuatire angel yahuahye

5 Jesu masa bajuato pano, Herode Judea yehpa cjẽna pũhtoro tiquiro ijigũ Zacaria wame tiriquire pehe pahi ijiahye. Sa yero Zacaria tiquiro ya curua cjẽna pehe pahia curua Abia mũnana ya curua cjẽna ijiahye. Zacaria namono gũhũ pahi Aaron mũnana panameono iji turiaricoropũ ijiahye. Ticoro pehe Elisabe wame tiricoro ijiahye. 6 Tiquina pũaro Cohãcjũ dutiyere quehnoano ye pehoyequina tiquina ijigũ ihũano, “Decoripe quehnoañene yere”, ni ihũahye Cohãcjũ tiquinare.

7 Elisabe ne pohna marienico ijahye. Ticoro Zacaria mehna sata muhũ cãhye pohna mariedape.

8 Pahia dahrayere dahraye tehe, decoripe tiquina came-sae tiahye. “Zacaria ya curua cjẽna ijire”, tiquina nidi bato tiquiro pahia decoripe tiquina yeducuriro saha Cohãcjũ ya wũhũpũ dahraro taro niahye Zacaria. 9 Pahia sa yeducuriro saha tiquina “¿Noare ijivotari mũã mũoatiquiro?” niñe, doquer-eye mehna bueyere ehme sitiye mũã mũoatiquirore beseahye. Cohãcjũre ño peori altarpũ tiquina beseriquiro Zacaria ehme sitiye mũã mũoatiquiro ijiahye. Sa yero tiquiro Cohãcjũ wũhũpũ sajãa wahahye mũã mũono waharo. 10 Wũhũpũ ijiro ehme sitiye tiquiro mũã mũono watoa ijipihtiyequina masa pehe sopechãpũ Cohãcjũre sinie tiahye. 11 Ti pjere Cohãcjũ yaquire angel Cohãcjũre ño peori altar poto pehe bajuadũca sahye Zacariare. 12 Tiquiro sa bajuagũ ihũano Zacaria tiquirore ihũana maria, cuea wahahye. 13 Sa tiquiro cuegũ ihũano angel tiquirore yahuahye: —Zacaria, cueracãhña. Cohãcjũ mũhũ sinidire tũhori. Sa yena mũsa pohna tinata. Mũsa macũ masa bajuarota. Tiquiro bajuagũ Ñu wame yeya tiquirogãre. 14-17 “Tiquiro quehnoariquire, tutu-ariquire ijire”, ni, ihũanota

Cohãcjũ mũhu macũre. Tiquiro masa bajuari bato vinore, sihbiorire sihnisi. Sa yero tiquiro masa bajuari bato Espiritu Santo nidiro sahata yeriquiro ijirota tiquiro. Sa yero peyequina mũhu acaye Israe masare Cohãcjũ mari pũtorore quehnoano cahmegũ yerota mũhu macũ. Sa yero tiquiro Cohãcjũ yere buhero Elia mũnano Cohãcjũ yere yahu mũhtariquiro tiquiro buheriro sahata Espiritu Santo yedohoro mehna Cohãcjũ tutuaye mehna mũhu macũ gũhu buherota. Sa buhero tiquina pacũsmũna tiquina pohne mehna quehnoano cahme cahĩgũ yerota. Sa yero dutiyere yãhdũdũcariquinare quehnoano tiquina ño peoye mehna yãhtigũ yerota. Sa buhero mari pũtoro Cohãcjũ yequina ijiatire yerota tiquiro. Sa yegũ tiquiro masa bajuari bato mũhu bucuegũta. Peyequina apequina gũhu bucueeta, niahye angel Zacariare.

18 Tiquiro sa nigũ tũhoro Zacaria pehe sinituahye angelre:

—Ûsã bucũna ijiaja. ¿Sa yegũ mũhu nidi poto ijigũ dũhse masigũtari yãhu? niahye tiquiro.

19 Tiquiro sa nigũ angel pehe tiquirore yahuahye:

—Yũhu Gabriel wame tigũ ijiaja. Cohãcjũ cahacjũ tiquiro cahapũ ducugũ ijiaja yũhu. Cohãcjũ ahri quehnoañe quitire yahu dutiro, mũhu

cahapũ yũhũre ohori. 20 Yũhu yahuriro sahata potota waharota. Yũhu sa niepegũta yũhũre mũhu poto tũhoerari. Sa yegũ yojopũre mũhu yahuducuegũ wahagũta. Mũhu macũ tiquiro bajuari bato yahuducugũta tja, niahye angel Zacariare.

21 Sopecahapũ ijiiyequina masa Zacariare cohteye niahye. “¿Dũhse ijiro boro tiquiro Cohãcjũ wãhãpũ ijiro, sojaro wijia taerajari?” ni, cohteye niahye masa tiquirore. 22 Sa yero ti wãhãpũ ijiriquiro wijia wihi, tiquina mehna yahuducu masiedahye. Tiquiro sa yahuducu masiedagũ ihñañe “Tiquiro Cohãcjũ wãhãpũ bajuano hno niaya”, ni, tũhotuahye tiquina. Sa yero yahuducu masiedaro tiquiro omocari mehna masare yahuducuahye.

23 Cohãcjũ wãhãpũ tiquiro dahraye pihtigũ, tojoaa wahahye tiquiro ya wãhãpũ. 24 Tiquiro sa wahari bato tiquiro namono Elisabe coã nijinore cũo cãhtaro niahye. Sa yero ticoro ihcã omope asũri waro masa cahapũ wahaerahye. 25 Ohõ saha niahye ticoro: “Yojopũre yũhũre Cohãcjũ yedohori. Yũhu pohna mariego ijigo tutuaro bũoro tũhotuu yũhu. Cohãcjũ yedohoro mehna nijinogãre bocagota”, ni tũhotuahye ticoro.

*Jesu tiquiro masa baju-
atire yahuahye angel*

26-27 Elisabe seis asūri ticoro niji pacoro ticoro ijiri bato Cohācjū pehe angel Gabriel wame tiriquirote nuhmino cahapū ohoahye. Ticoro Nazarepū Galilea yehpapū ijiri macapū ijiahye. María wame tiricoro ijiahye. José wame tiriquiro ijiahye ticoro mehna omoca dūhteatiquiro. Tiquiro panopū cjūno Davi mūnano panamino iji turiariquiro ijiahye. ²⁸ Sa yero María cahapū esaro, angel yahuahye:

—¿Ne, ijiajari mūhū, María? Cohācjū mūhū mehna ijiro nine. Sa yero mūhūre quehnoano yero nine. [Ijipihitiye numia apequina numia yūhdūoro quehnoano yere mūhūre,] niahye angel ticorore.

²⁹ Tiquiro sa nigū tūhoro, ticoro tutuaro wacū tūhotuahye. Angel tiquiro yahurire tūhoturo “¿Dūhse nino yūhūre sa niagari?” ni wacūahye ticoro. ³⁰ Ticoro sa ni wacūgū ihñano angel yahuahye ticorore:

—María, Cohācjū mūhūre tutuaro cahīne. Sa yego mūhūre yūhū yahuatire tūho acūeracāhña. ³¹ Quehnoano tūhoya. Nijinore bocagota mūhū. Sa yero mūhū macū masa bajarota. Tiquirote Jesu wame yegota mūhū. ³²⁻³³ Tiquiro tutua yūhdūariquiro ijirota. Sa ye tiquirote “Cohācjū ūhmūse cjūno macūno ijire”, ni eta masa. Sa yero mūhū macū ñesūno iji turiariquiro mūnanopū Davi mūnano

Israe masa tiquina pūhtoro tiquiro ijiri sa hata mūhū macū gūhūre cūnota Cohācjū. Sa yero ijipihitiye decori tiquiro Israe masare dūtirota. Sa yero tiquiro pūhtoro ijiye pehe ne pihtisi, niahye angel.

³⁴ Tiquiro sa nigū María pehe sinituahye:

—¿Dūhse yūhū manū mariedapegota pohna tiboagari yūhū? niahye ticoro.

³⁵ Ticoro sa nigū angel pehe yahuahye:

—Espíritu Santo mūhūre pohna tigū yerota. Sa yero Cohācjū tiquiro tutuaye ehmeo curua yero saha ahtarota mūhūre. Sa ye “Cohācjū macūno ijire”, ni eta masa mūhū macūre ñañe yerariquirote. ³⁶⁻³⁷ Cohācjū ijipihitiyere ye masine. Sa yero mūhū acayoro Elisabe būcūoro ijieperota nijinogāre bocari ticoro gūhū. Ticoro pohna tirota ūmanogāre. Masa ticorore “Pohna marienicoro ijire”, tiquina nidicoro, yojopūre seis asūri waro wahare nijino ticoro bocari bato, niahye angel Maríare.

³⁸ Tiquiro sa nigū María yūhtiahye:

—Yūhūre tūhoya. Mari pūhtoro tiquiro cahacjō ijiaja yūhū. Mūhū nidiro saha yūhūre sa wahaahro, niahye ticoro.

Ticoro sa nidi bato angel wahaa wahahye.

María Elisabere ihñano wahahye

39 Tiquiro sa nidi bato María canu cju ijiri yehpapu Judea yehpapu ijiri macapu sojaro mehna wahaa wahahye. 40 Topu esaro, Zacaria ya wuhuru sajano, “¿Ne, ijiajari?” niahye ticoro Elisabere. 41 Ticoro sa nigū Elisabe tuhogūta, ticoro macano pehe niji suhtiropu ijiriquiro ñuhmiahye. Elisabe Espiritu Santo dutiriro sahata ye pehoricoro ijiro, tiquiro tutuayere cuoricoro ijiahye. 42 Sa yero tutuaro bucueye mehna ticoro tutuaro yahuducuahye.

—Ijipihtiyequina numia yuhduoro mahure quehnoano yeri Cohācjū. Mūhu macu gūhure quehnoano yeri Cohācjū. 43 Cuehi, yuhu puhtoro pacoro yuhu cahapu ahtagū quehnoano yeri yuhure Cohācjū. 44 Mūhu yuhure “¿Ne, ijiajari?” mūhu nigū yuhu macu pehe niji suhtiropu ijiriquiro bucueye mehna ñuhmiahti yuhure. 45 Cohācjū tiquiro nidiro sahata yerota. Sa yego tiquiro yahurire tuhorigo ijigo bucuego ijire mūhu, niahye Elisabe.

46 Ticoro sa nigū María yuhtiahye:

“Cohācjū quehnoariquiro, tutuariquiro ijire”, niaja. Yuhu quehnoano jeripohna tiaja. 47 Cohācjū yuhure pecapu wahaborigore yedohoriquiro ijire. Sa yero yojopure yuhure quehnoano

bucueye mehna ijigū yere. 48-49 Yuhure tiquiro cahacjōre wacūri jiri. Cohācjū tutua yuhduariquiro quehnoañe dihitare yuhure yedohori. Sa ye yojopure “Ticorore Cohācjū quehnoano yeri”, ijipihtiyequina masa sa ni, yahuducuaeta yuhure. Cohācjū ñañe marieniquiro ijire. 50 Ijipihtiye decori ijipihtiyequina tiquirore ño peoyequinare tiquiro paja ihñariquiro ijire. 51 Cohācjū tiquiro tutuaye mehna yeahye. “Apequinare masi yuhducaja”, niñequinare yuhducahye tiquiro. 52 Puhtoare cohāhye tiquiro. Sa yero cahacjēna pehere puhtoa yero saha cūahye tiquinare. 53 Ujua ahbayequinare tiquiro quehnoañe ihyayere ohoahye. Sa yero peye doeri cje cuoyequinare doeri cje cuoeragū yeahye tiquiro. 54-55 Mari ñecusumua iji turiayequina manare tiquiro yahu cūriro sahata ye pehoahye Cohācjū. “Pecapu wahaboriquinare yuhduoutja”, tiquiro ni yahu cūriro sahata ye pehoahye. Sa yero tiquiro ca-

hacjēnare Israe masare
 tiquiro yedohoahye.
 Abrahā mnananore
 mari ñecusumua
 mnanare ijipihtiye-
 quina tiquiro acaye
 tiquiro bato ijiyequina
 gūhare Cohācjū ijipi-
 htiye decori sa paja
 ihñaducuriquiro ijie
 tiahye. Tiquinare
 tiquiro yahu cūrire
 boerahye Cohācjū,
 niahye María.

⁵⁶ Ihtia asū waro Elisabe
 mehna ijiahye. To puno
 ticoro ijiri bato ticoro ya
 macapū tojoaa wahahye
 María.

Ñu masa bajuahye

⁵⁷ Elisabe ticoro niji wahcō,
 pohna tiahye. Ticoro macno
 masa bajuahye. ⁵⁸ Sa yero
 Cohācjū ticorore tiquiro sa
 yegū ticoro ya maca cjēna
 ticoro acaye gūhū ticoro
 mehna bucueahye. ⁵⁹ Ocho
 decori tiquiro masa bajuari
 bato, tiquiro pacusumua
 tiquirogāre cuhnucunū so-
 htoa cahserogāre yahre
 ne dutiye tee niahye. Sa
 yeye tiquina mehna cjēna
 tiquina cahapū esahye
 tiquina yahre negū ihñañe
 tehe. Tiquina mehna cjēna
 Zacaria tiquiro pacuro
 wamene tiquirogāre wame
 ye duamahye. ⁶⁰ Tiquina sa
 wame ye duepegūta tiquiro
 pacoro ohō saha niahye:

—Tiquiro pacuro wamene
 wame yeraja. Ñu wame
 yematja tiquirogāre, niahye
 ticoro.

⁶¹ —Mūhū acaye ne
 ihcāquiro Ñu wame tiriquiro
 mariedare, niahye tiquina
 ticorore.

⁶² Sa ye tiquina omocari
 mehna yahuducu, Zacariare
 sinituahye tiquina:

—¿Mūhū waro dahse wame
 ye duajari mūhū macure? ni,
 sinituahye tiquirore.

⁶³ Tiquina sa nigū tiquiro
 pehe ojoari pñine sini, ñehe,
 ojoahye: “Yūhū macū Ñu
 wame tirota”, ni, ojoahye
 Zacaria. Tiquiro sa ni
 ojoagū tiquina pehe taho
 maria wahahye. ⁶⁴ Tiquiro
 sa ni ojoari bato tiquirore
 yahuducugū yeahye Cohācjū.
 Sa yero tiquiro yahuducua
 wahahye.

—Cohācjū tutuariquiro,
 quehnoariquiro ijire, niahye
 tiquiro.

⁶⁵ Tiquiro sa ni yahudu-
 cugū tūhoye to cjēna taho
 maria wahahye. Sa ye ahri
 ijipihtiyere Judea yehpa
 cjēnare cūnū cju watoa
 ijiyequinare masa yahu
 siteahye. Sa ye masa to cjēna
 quehnoano masi phtia wa-
 hahye. ⁶⁶ Ijipihtiyequina tire
 tūhoye wacūahye. “Cohācjū
 tutuayere ahriquirogā core.
 Sa yero ihyo ijiriquiro ijisi
 tiquirogā”, ni, tūhotuahye
 masa.

*Zacaria Cohācjūre ño
 peoahye*

⁶⁷ Sa yero tiquiro pacuro
 Zacaria Espiritu Santo du-
 tiriro sahata ye pehoriquiro
 ijiro tiquiro tutuayere

caoriquiro ijiro Cohãcjũ yere yahuahye:

68 Cohãcjũre ño peouhna mari. Mari Israe masa tiquiro yequina ijaja mari. Sa yero mari cahapũ wihiro, marine yedohoro quehnoano yuhdugũ yerota. 69 Sa yero Cohãcjũ tutu-ariquiore marine pecapũ wahaborinare quehnoano yuhdugũ yeatiquiore ohori jiri. Marine quehnoano yuhduoatiquiore tiquiro acayuro mnanano Davi ijire. Davi mnanano pehe marine yuhduoatiquiore cahacjãno ijire. 70 Panopũ tiquiro yere yahu mñhtariquinare Cohãcjũ ohõ sahata ni ahrire yahu dutiahye. 71 Marine ihña tuhtiyequina marine ñano tiquina ye duagũ ihñano “Mũsare yedohoutja”, ni, cũahye Cohãcjũ marine. 72 Mari ñecusũmũa mnanare “Mũsare paja ihñagũ, yedohoutja. Mũsare yuhũ yahu cũrire wacũtja”, niahye Cohãcjũ mari ñecusũmũa iji turi-ayequina mnanare. Ti pjerũre tiquiro nidiro sahata marine yojopũre yere. 73-75 Ohõ saha ni cũahye Cohãcjũ panopũre Abrahãre: “Mũhũ acaye camepũ ijiyequinare ihña

tuhtiyequina tiquina ijigũ cohãũtja. Sa yegũ mũhũ acayere yedohoutja. Sa ye tiquina cuero marieno yuhũ dutiyere ye masieta. Sa yegũ tiquina ñañene yuhũ cohãgũ, tiquina yuhũ ihñonopũ ijipihtiye decori quehnoañequina ijiducuetã”, ni, yahu cũahye panopũ Cohãcjũ mari acayuro mnananore Abrahãre, niahye Zacaria.

Sa ni tuhasa tiquiro macũnore ohõ saha niahye:

76-77 Macũ, mũhũre ohõ saha nieta masa: “Cohãcjũ tutua yuhduariquiore tiquiro yere yahu mñhtariquiore ijire”, nieta mũhũre. Sa yegũ mũhũ mari pũhtoro Cristo pano wahayugũta mũhũ. Sa wahagũ ohõ saha ni yahugũta mũhũ. “Cohãcjũ mũsa ñañene cohãno, pecapũ wahaborinare yuhduorota mũsare”, ni, yahugũta mũhũ. Sa ni yahugũ mari pũhtoro tiquiro ah-tatire yahuyugũ nigũta mũhũ. 78 Cohãcjũ pehe marine tutuaro paja ihñariquiore marine quehnoano yeriquiro ijiro, tiquiro marine pecapũ wahaborinare yuhduo duare. Marine yuhduoro ahtaro Cristo mari

cahapu ahtarota.
 79 Ijipihtiyequina
 marine pecapu wa-
 haborinare yuhduo
 duare tiquiro. Sa yero
 Cohācjäre masiena
 mari ijigū ihñano ma-
 rine masigū ye duare
 tiquiro. Sa yero mari
 quehnoano ihcāno
 mehna mari ijiatire
 yahurota marine,
 niahye Zacaria.

80 Sa yero Zacaria macno
 quehnoano pagu tiriquire
 masahye. Sa yero Cohācjäre
 tutuaro ño peohye. Sa yero
 yoari pje masa marienopu
 ijie tiahye. Israe masare
 buhe ducaro topata ijie
 tiahye.

2

Jesu masa bajuahye *(Mt 1.18-25)*

1 Ti pjere ijipihtiye yeh-
 pari cjēna puhtoro Augusto
 ijie tiahye. Sa yero ijip-
 ihtiyequinare queo duti-
 ahye. 2 Ahriquina masare
 tiquina coā queo ducagū
 Siria yehpa cjēna puhtoro
 Cirenio wame tiriquire
 ijiahye. 3 Sa ye ijipihtiye-
 quina tiquina ñecusuma
 panopu cjēna ye macaripu
 tiquina wamene oja ohōñe
 wahahye. 4 José gūhu
 Nazarepu Galilea yehpapu
 ijiri macapu ijiriquina waha,
 Judea yehpapu Belē wame
 tiri macapu esahye. Puhtoro
 Davi manano panopu cjāno
 tiquiro masa bajariro iji-
 ahye Belē. José Davi manano

panamino iji turiariquiro
 ijiro Belēpu tiquiro wamene
 oja ohō dutiro wahahye.
 5 Sa yero María tiquiro
 omoca duhteaticoro mehna
 topu tiquiro wamene oja
 ohō dutiro esahye. Ticoro
 pehere meheñe decorigā
 duhsahye nijino bajuato.
 6 Sa yero Belēpu esaro ticoro
 niji wahcōahye. 7 Topure
 masa tiquina carñi wahu ne
 esa tuhaerahye tiquinare.
 Sa yero ticoro pohna ti
 tuhasa, tiquirogāre suhtiro
 mehna coma, wecua tiquina
 ihyari cohropu, taa bui
 tiquirogāre duhu peohye.
 Tiquirogā ticoro coā macu ti
 mahtariquiregā ijiahye.

Angele ovejare ihña ih- boyequinare bajuahye

8 Ti ñamine oveja tiquina
 ijipopu ovejare ihña ih-
 boyequina tiquina yequina
 ovejare ihña ihboye ni-
 ahye. 9 Sa yero Cohācjū
 ohoriquiro angel tiquinare
 bajuahye. Tiquiro sa bajuagū
 Cohācjū asi siteye tiquinare
 buhrioahye. Tiquiro sa asi
 sitegū ihñañe, ovejare ihña
 ihboyequina cuea wahahye.
 10 Tiquina sa wahagū angel
 tiquinare yahuahye:

—Quehnoañe quitire
 musare yahugu ahtaja.
 Ijipihtiyequinare masare
 bucuegū yerota ahri quiti.
 Sa yena yahure cueracāhña
 musa. 11 Mia ñamine
 puhtoro Davi manano ya
 macapu musare pecapu wa-
 haborinare yuhduoatiquiro,
 Cristo Cohācjū ohoriquiro

mari puhtoro masa bajua tuhasari. ¹² Sa yero suhtiro mehna comariquirogã wecna ihyari cohro bui tiquina duhu peoriurogã masa ihñatiurogã tiuro ijirota, ni yahuahye angel tiquinare.

¹³ Tiuro sa nigãta peyequina umuse cãna iji mahariuro angel mehna Cohãcãre ño peahye. Ohõ saha ni ño peahye tiquina:

¹⁴ Cohãcãre umuse cãnore ño peouhna. Sa ye Cohãcã tiuro cahñequina cuero marieno cahmequeno marieno quehnoano ijiahro, ni, ño peahye angele pari.

¹⁵ Sa ni tuhasa umusepu tiquina majari bato ovejare ihña ihboyequina pehe tiquina basi cahme yahuducahye:

—Ahrire Cohãcã marine tiuro yahurire Belẽpu isa ihñaahna, niahye tiquina basi.

¹⁶ Sa niñe sojaro mehna wahaa wahahye. Tiquina Mariare, Josere boca sa, nijinogãre wecna ihyari cohropu tiquina duhu peoriurogãre ihñahye tiquina.

¹⁷ Ovejare ihña ihboyequina tiurogãre ihña tuhasa nijinogãre angel tiuro yahurire yahuahye apeqinare. ¹⁸ Tiquina sa ni yahugã ijipihtiyequina tiquinare tãho maria wahahye. ¹⁹ Ahri ijipihtiyere Maria wacũ tãhotuahye. ²⁰ Sa

yeye ovejare ihña ihboyequina pehe angel tiuro yahuriro saha ijigã ihñañe, “Cohãcã tutuariuro ijiire”, ni bucueahye. Sa ni bucueye tojoaa wahahye.

Cohãcã wuhuru Jesu pacusumna tiurogãre neahye

²¹ Ihcã semana bato nijinogã tiuro cuhnucunu sohtoa cahserogãre yãhre ne tuhasa tiurogãre tiquina Jesu wame yeahye. Jesure coã waro ticoro bocato pano angel pehe “Jesu wame yeya tiurogãre”, ni yahu tuhasahye. Sa yeye tiurogãre Jesu wame yeahye.

²²⁻²⁴ Cohãcã dutiye Moise tiuro yahuriro saha yeye tehe, José, María mehna Jerusalẽpu wahahye. Topu wahahye María ticoro pohna tiri bato pagu quehnoaricoro ticoro tojoarire ihõno taro. Cohãcã dutiriro

sahata tiquina minicãare ohoye wahahye Cohãcãre ño peoye. Ohõ saha dutiahye Cohãcã: “Bujuaare puaro ohoya yãhre. O tiquina mariedagã apequina boro minicãare ohoya yãhre ño peona”, ni dutiahye Cohãcã. Tiuro dutiriro sahata yeahye tiquina ticoro pagu quehnoari pagu ticoro waharire ihõñe taye.

Topu wahaye tiquina Jesugãre neahye. Tiurogãre Cohãcãre “Ahriurogã mahu yauro ijiaturogã ijiire”, ni ihõñe wahahye. Ohõ saha yeahye Cohãcã

yere tiquina ojoari pūpu tiquiro ye dutiriro sahata. “Ijipihtiyequina masa pohna coã bajua mūhtañequinagāre Cohācjūre ihñña. ‘Ahriquirogā mūhu yaquirogā ijiatiquiro ijire’, ni ihñña”, ni dutiahye Cohācjū. Sa ye tiquiro dutiriro sahata yeahye tiquina, Jerusalēpu ijiye.

²⁵ Ti macapu Simeo wame tiriquiro ijiahye. Tiquiro quehnoariquiro, Cohācjūre ño peoriquiro ijiro, Israe masare Cohācjū yedohoatire coheriquiro ijiahye. Sa yero Simeo Espiritu Santo tiquiro nidiro saha yeriquiro ijiahye. ²⁶ Sa yero tiquiro yariato pano Cohācjū tiquiro ohoatiquirore Cristore tiquiro ihñatire yahuahye Espiritu Santo tiquirore Simeore. ²⁷ Sa yero Espiritu Santo tiquirore dutigū Cohācjū wūhūpu sajā wahahye. Tiquiro sajā sari bato Jesu pacūsumūa tiquina macūnogāre ne sajāhye. Cohācjū tiquiro dutiriro sahata yeye niahye. ²⁸ Simeo pehe tiquiogāre wūa ne, Cohācjūre ño peo, “Quehnoare”, ni, tiquiro mehna yahuducuahye.

Ohō saha niahye tiquiro Cohācjūre:

²⁹⁻³² Yojopū pūritare pūhto, mūhu nidiro sahata masare pecapū wahaboriquinare yūhdūoatiquirore ohori jiri mūhu. Tiquiro judio masa ijieyequinare buhero

mūhare quehnoano masigū yerota tiquinare. Masare yūhdūoatiquiro Israe masūnore mūhu cūahye. Usā acayūrore Israe masūnore mūhu cūgū ijipihtiyequina masiñe, “Israe masare quehnoano yere Cohācjū”, nieta masa. Ahriquirogā usāre yūhdūoatiquiro ijire. Sa yegū ahriquiogāre ihñña tuhasagū, yojopūre quehnoano bucuēgū yariātja, niahye Simeo.

³³ Simeo tiquiogāre tiquiro sa nigū tiquiogā pacūsumūa pehe tuho maria wahahye. ³⁴ Sa yero Simeo tiquinare “Quehnoano ijiya masa”, nino tiquiro María Jesu pacorore yahuahye:

—Cohācjū ahriquiogāre beseahye. Sa beseriquogā tiquiro ijiepegūta judio masa peyequina tiquirore yūhdūdūcaeta. Sa ye tiquina pecapū wahaeta. Sa yero judio masare peyequina tiquiro yūhdūoatiquiro gūhare Cohācjū beseri tiquiogāre. Tiquiro Cohācjū yere yahuriquiro tiquiro ijiepegūta masa peyequina tiquirore ñano ni yahuducuaeta. ³⁵ Tiquina sa yegū apequina tiquina ñano wacūñene masieta. Sa yego mūhu tutuaro purīno yero saha būjūa witigota, niahye Simeo Mariare.

³⁶ Topū Cohācjū yere yahu mūhtaricoro Ana wame tiricoro ijiahye. Ticoro

Fanuel macono ijiro, Aser manano ya curua cjoño ijiahye. Bucuro waro ijiahye. Ticoro nuhmino ijiro manuh tiahye. Sa yero siete cuhmari waro ticoro manano mehna ijiahye. To puno tiquiro ijiri bato ticoro manano yariaa wahahye. ³⁷ Sa yero ochenta y cuatro cuhmari waro wape wihoro ijie tiahye ticoro. Sa yero ticoro deco gũhure ñami gũhure Cohãcjũ yere yero taro siji, Cohãcjũ mehna yahuducu, Cohãcjũ wuhure ne wijiaera tiahye. ³⁸ Simeo tiquiro yahuducuri watoa ticoro tiquina cahapũ wihiro, bucuero, Cohãcjũre “Quehnoare”, niyahye. Sa yero Jerusalẽ cjẽnare pecapũ wahaboriquinare yuhũoatiquirore cohteyequinare ticoro Jesugãre yahuahye peyequina masare.

José, María, Jesu mehna Nazarepũ tojoaa wahahye tja

³⁹ Cohãcjũ dutiriro sahata ye tuhasaye, tiquina ya macapũ Nazarepũ tojoaa wahahye. Galilea yehpapũ ijiahye ti maca Nazare. ⁴⁰ Sa yero Jesu quehnoano masa, tutuariquiro wahahye. Sa yero tiquiro quehnoano tũho masiniquiro ijiahye. Sa yero tiquirore Cohãcjũ quehnoano yeahye.

Jesu coã wahmũa dũcaro, Cohãcjũ ya wũhũpũ judio masare buheyequina mehna yahuducuro niahye

⁴¹ Cuhmaripe Jesu pacusumũa Jerusalẽpũ pascua decorire bosc decorire ihñañe wahae tiahye. ⁴² Jesu doce cuhmari tiquiro cuogũ tiquina yeducuro sahata tiquina ijipihitiquina Jerusalẽpũ wahahye. ⁴³ Sa yeye bosc decorire ihña tuhasa tiquina ya macapũ tojoaa wahahye tja. Tiquina sa tojoepẽgũta Jesu pehe Jerusalẽpũ tojoa cãhye. Tiquiro pacusumũa tiquiro tojoa queherire masiedahye. ⁴⁴ “Tiquiro mari mehna cjẽna mehna ijiaga”, ni tũhotumahye tiquina. Sa ye tiquina ihcã deco waro Jesu marieno wahamahye. Sa ye tiquina Jesure tiquina acaye watoa macamahye. ⁴⁵ Ne bocaerahye. Sa ye tiquina Jerusalẽpũ tiquirore macañe wahahye.

⁴⁶ Ihtia deco bato Cohãcjũ wuhũpũ tiquirore boca sahye. Sa yero Jesu judio masare buheyequinare tũho, tiquinare sinituro niahye. Sa ye cahme yahuducuye niahye. ⁴⁷ Tiquina ijipihitiquina Jesure tũhoye quehnoano masiniquirogã tiquiro ijigũ ihñañe, tiquina tũho maria wahahye. ⁴⁸ Tiquiro pacusumũa gũhũ Jesure ihñañe, ihña maria wahahye. Sa yero tiquiro pacoro tiquirore ohõ saha niahye:

—¿Macũ, dũhsegũ sa yejari mũhũ usãre? Mũhũ pacusumũa ohõ saha ni tũhotuu usã. “Tiquiro butia wahaga”, ni macaja

usã mähure, niahye ticoro macunore.

⁴⁹ Ticoro sa nigũ tiquiro pacusumhare yahuahye:

—¿Dahsena yahure macajari musa? Yah Pacu yahure tiquiro dutiriro saha yegu niaja. ¿Tire masiedajari musa? niahye tiquiro.

⁵⁰ Tiquiro sa niepegũta tiquina tũho ñehedahye.

⁵¹ Sa yero Jesu Nazarepu tojoaa waha, tiquiro pacusumhare ne yuhducaerahye. Ahri ijipihitiye tiquiro yerire María quehnoano wacũahye.

⁵² Sa yero Jesu bucna, quehnoano tũho masiniquiro wahahye. Sa ye Cohãcjũ, masa gãhu “Quehnoariquiro ijire”, ni ihñahye tiquirore.

3

Ñu wame yeriquiro masare Cohãcjũ yere yahuahye

(Mt 3.1-12; Mr 1.1-8; Jn 1.19-28)

¹ Ti pjere tiquina pũhtoro Tiberio wame tiriquiro pũhtoro ijiri bato quince cahmari wahahye. Sa yero Poncio Pilato wame tiriquiro Judea yehpa cjẽna pũhtoro ijiahye. Sa yero Herode wame tiriquiro Galilea yehpa cjẽna pũhtoro ijiahye. Tiquiro bahuro Felipe Iturea yehpa cjẽna, Traconite yehpa cjẽna gãhu tiquina pũhtoro ijiahye. Sa yero Lisania wame tiriquiro Abilinia yehpa cjẽna pũhtoro ijiahye. ² Sa ye Anás, Caifa mehna ijipihitiyequina pahia pũtoa ijiahye. Ahriquina ijipihitiyequina

tiquina ijiri pjere Ñu Zacaria macano masa marienopu ijiriquirore Cohãcjũ pehe tiquirore tiquiro yere yahu dutiahye. ³ Sa yero Jordã wame tiri ma duhtu cahapu ijiri yehpau ijipihitiropu Ñu buhero wahahye.

—Musa ñaño yeyere bujua witiya. YojoPURE quehnoañe pehere comesaya. Sa yena wame yenohrina ijiya. Musa sa comesagũ ihñano Cohãcjũ musa ñaño yerire borota, ni, buhee tiahye tiquiro.

⁴ Isaia munano panopu cjãno Cohãcjũ yere yahu mũhtariquiro ojoariro sahata ahriquiro yojoPURE yero niahye. Ohõ saha ni ojoahye Isaia Ñu tiquiro buheatire:

Masa marienopu yahuducu sañuducuriquiro ohõ saha ni buherota: “Mari pũhtoro ah-tato pano mahare mari quehnoyuriro saha quehnoana ijiyuya musa. Musa ñaño yerire bujua witiya. ⁵ Pe wũhturi, pe buhuari gãhure quehnoari paa mari yeriro saha, pari yawi ijiye maharine potoye mahari mari yeriro saha, ñaño maharine quehnoañe maharine mari yeriro saha, wetere musa coseriro saha musa ñaño yeyere duhuya. ⁶ Musa sa yegũ Cohãcjũ masare pecapu wahaborinare tiquiro yuhduogũ ihñæta ijipihitiri yehpa

cjēna”, ninota tiquiro sañuducu yahuriquiro pehe, ni ojoahye Isaia mnanano panopure.

7 Masa peyequina Ñu cahapū wihye tiquiro tiquinare wame yegū cahmeahye tiquina. Sa yero tiquiro tiquinare yahuahye:

—Añaā pari yero saha ña yuhduna, cue duhti duana ijire mūsa. Mūsa ñañe yerire bujua witi duerana Cohācjū mūsa ñañe buhirire tiquiro buhiri dahreato pano duhti masiedare mūsa. ⁸ Sa yena potota mūsa ñañene bujua witina ijina, quehnoañene comesana ijina, quehnoañe pehere yeya mūsa. Ohō saha ni tūhotueracāhña. “Panopū cjāno Abrahā mari ñecu mnanano ijie tiahye. Sa yena tiquiro panamena ijina mari Cohācjū yequina ijiaja”, ni tūhotueracāhña mūsa. Mūsare niita niaja. Abrahā panamena iji turiana ijimene mūsa. Mūsa sa ijiepegūta ti mūsa sa ijiye dūhseati ijierare. Cohācjū pehe ahri utā paca mehna Abrahā acayere dahre masine. Sa ye Abrahā acaye mūsa ijiye ihyo waro ijire utā paca ihyo waro ti ijiro saha. ⁹ Ohō saha ijire: Masa yucari yero saha ijire. Cohācjū pehe yucarire quēatiare comeare cūoriquiro yero saha ijire. Sa yero ñañe dūca tiye cjure dūte cohā, ti nūhcori gūhure dūte sure peho cānota. Dūte sure tuhasa, pecapū ujūanota tiquiro ti cjure, nūhcori gūhure. Sata yerota

masa gūhure tiquirore cahmeeñequinare, niahye Ñu masare.

¹⁰ Tiquiro sa nigū tūhoye masa pehe tiquirore sinituahye:

—¿Dūhse yenatari usā? niahye tiquina Ñure.

¹¹ —Pūa suhtiro cūoriquiro suhti mariediquirore ihcāno ohoya. Sa yena mūsa ihyaye cūona apequina gūhure ohoya, niahye Ñu.

¹² Meheñequinagā pūhtoa ye ijiatire wapa ne cohteyequina wame yenohriquina iji duahye tiquina gūhū. Sa yeye Ñu cahapū wihye, tiquirore sinituahye:

—¿Buhegū, usā pehe dūhse yenatari usā? niahye tiquina tiquirore.

¹³ —Mūsa pūhtoa tiquina dutiro punota masare wapa neña. Ni meho wapa ne nemoedacāhña, ni yahuahye Ñu tiquinare.

¹⁴ Apequina surara tiquirore sinituahye tja:

—¿Usā pehe dūhse yenatari? niahye tiquina tiquirore tja.

—Masa yere niñerure ehmedacāhña. Sa yena tiquina ye niñerure ni meho nedacāhña. Mūsare tiquina wapa yero punota bucueya, ni, yahuahye Ñu.

¹⁵ Masa Cristore Cohācjū tiquiro ohoatiquirore cohteye niahye. Sa yeye ohō saha ni tūhotu dūcahye tiquina Ñure. “Ahriquiro Ñu pehe Cristo ijiboaga”, ni tūhotumahye tiquina.

16 Tiquina sa nigū tūhoro Ñu ijipihtiyequinare yahuahye:

—Yūhū bato yūhū yūhdūoro tutuariquiro ahtarota. Quehnoa yūhdūariquiro ijire tiquiro. Tiquiro yero saha ijieraja yūhū pehe. Sa yegū tiquirore tūhotugū, “Ihyo ijīgū ijiaja”, ni tūhotuaja yūhū. Yūhū pehe mūsare wame yegū aco mehna wame yemi. Tiquiro pehe yūhū yūhdūoro yerota. Espiritu Santore masa mehna ijiducugū yerota. Sa yero pecapū ñañene tiquiro ujūa wero saha tiquiro ahtariquiro pehe mūsa ñano yeyere cose werota. 17 Yūhū bato ahtariquiro trigo cahseri cohāriquiro yero saha ijire. Ti cahserire cohāriquiro tiquiro batiro mehna ijipihtiyē trigo pjeri cahserire puti were. Sa ye tuhasa trigo pehere tiquiro ihbori wūhūpū cūnota. Sata yerota tiquina ñañene bujūa witiyequinare yūhū bato ahtariquiro. Tiquiro puti weri cahseri pehere ujūanota. Ti peca tiquiro ujūari peca ne yatisi. Sata yerota tiquiro yūhū bato ahtariquiro tiquina ñañene bujūa witiyequinare, ni yahuahye Ñu.

18 Peyē tiquiro sa ni yahuyē mehna masare quehnoañē buheyere yahuahye Ñu. 19 Sa yero pūhtoro Herode pehe tiquiro bahūro Felipe namonore tiquiro namo tiri buhiri, pajiro ñañene tiquiro yeri buhiri gūhūre Ñu tiquirore yahumahye.

20 Tiquiro sa ni yahuri buhiri Herode pehe Ñure peresu yeahye, pari turi ñañene yero.

*Ñu Jesure wame yeahye
(Mt 3.13-17; Mr 1.9-11)*

21 Ñure tiquina peresu yeato pano apequina masare Ñu pehe wame yero niahye. Tiquinare wame yero Jesu gūhūre wame yeahye. Sa yero Jesu diapū ducuriquiro Cohācjūre tiquiro sinino watoa ūhmūse parī maa wahahye. 22 Sa parī maari bato Espiritu Santo bujua yero saha bajuriquiro Jesu buipū dijia tahye. Tiquiro ahtagū ūhmūsepū yahuducuro ca tahye:

—Mūhū yūhū macū yūhū cahīgū ijire. Mūhū mehna tutuaro bucueaja, nino ca tahye ūhmūsepū.

Jesu acayē panopū cjēna ijiahyē

(Mt 1.1-17)

23 Jesu buhe dūcari cūhmare treinta cūhmari cūoahye tiquiro. “Tiquiro José macūno ijire”, ni, tūhotumahye masa. José pehe Elí macūno ijiahye. 24 Elí Matat macūno ijiahye. Matat Leví macūno ijiahye. Leví Melqui macūno ijiahye. Melqui Jana macūno ijiahye. Jana José macūno ijiahye. 25 José Matatía macūno ijiahye. Matatía Amós macūno ijiahye. Amós Nahúm macūno ijiahye. Nahúm Esli macūno ijiahye. Esli Nagai macūno ijiahye. 26 Nagai Maat macūno ijiahye. Maat

Matatía macyno ijiahye. Matatía Semei macyno ijiahye. Semei Josec macyno ijiahye. Josec Judá macyno ijiahye. ²⁷ Judá Joanán macyno ijiahye. Joanán Resa macyno ijiahye. Resa Zorobabel macyno ijiahye. Zorobabel Salatiel macyno ijiahye. Salatiel Neri macyno ijiahye. ²⁸ Neri Melqui macyno ijiahye. Melqui Adi macyno ijiahye. Adi Cosam macyno ijiahye. Cosam Elmadam macyno ijiahye. Elmadam Er macyno ijiahye. ²⁹ Er Josué macyno ijiahye. Josué Eliezer macyno ijiahye. Eliezer Jorim macyno ijiahye. Jorim Matat macyno ijiahye. ³⁰ Matat Leví macyno ijiahye. Leví Simeo macyno ijiahye. Simeo Judá macyno ijiahye. Judá José macyno ijiahye. José Jonam macyno ijiahye. Jonam Eliaquim macyno ijiahye. ³¹ Eliaquim Melea macyno ijiahye. Melea Mena macyno ijiahye. Mena Matata macyno ijiahye. Matata Natán macyno ijiahye. ³² Natán Davi macyno ijiahye. Davi Isaí macyno ijiahye. Isaí Obed macyno ijiahye. Obed Booz macyno ijiahye. Booz Salmón macyno ijiahye. Salmón Naasón macyno ijiahye. ³³ Naasón Aminadab macyno ijiahye. Aminadab Admin macyno ijiahye. Admin Arni macyno ijiahye. Arni Esrom macyno ijiahye. Esrom Fare macyno ijiahye. Fare Judá macyno ijiahye. ³⁴ Judá Jacob macyno ijiahye. Jacob

Isaac macyno ijiahye. Isaac Abrahã macyno ijiahye. Abrahã Taré macyno ijiahye. Taré Nacor macyno ijiahye. ³⁵ Nacor Serug macyno ijiahye. Serug Ragau macyno ijiahye. Ragau Peleg macyno ijiahye. Peleg Heber macyno ijiahye. Heber Sala macyno ijiahye. ³⁶ Sala Cainán macyno ijiahye. Cainán Arfaxad macyno ijiahye. Arfaxad Sem macyno ijiahye. Sem Noé macyno ijiahye. Noé Lamec macyno ijiahye. ³⁷ Lamec Matusalē macyno ijiahye. Matusalē Enoco macyno ijiahye. Enoco Jared macyno ijiahye. Jared Mahalaleel macyno ijiahye. Mahalaleel Cainán macyno ijiahye. ³⁸ Cainán Eno macyno ijiahye. Eno Sete macyno ijiahye. Sete Adán macyno ijiahye. Adán Cohãcǰu yeriquiro ijiahye.

4

Watĩno ñañene ye dutimahye Jesure

(Mt 4.1-11; Mr 1.12-13)

¹ Jesu Espĩritu Santo dutiro saha ye pehoriqiro ijiro, Jordã wame tiri ma caharũ ijiriquiro tojoaa wahahye. Tiquiro sa tojoaa wahagũ Espĩritu Santo pehe tiquirore masa marienopũ neahye. ² Topũ esaro cuarenta decori ijiahye. Sa yero watĩno pehe Jesure ñañene yegũ cahmemahye. Sa yero ñañene ye dutimahye tiquirore. Ti decorire ne Jesu ihyerahye. Sa yero ti

decori pihigũ waro tiquiro
ujua ahbahye.

3 Tiquiro sa ujua ahbagũ
ihñano watĩno ohõ saha
nimahye Jesure:

—Mũhu Cohãcjũ macu
ijigu, ahria utãre ihyaye do-
jomehneña, nimahye Jesure.

4 Jesu ohõ saha ni
yũhtiahye:

—Yeraja. Cohãcjũ yere
tiquina ojoari pũpu ohõ saha
nine: “Masare ihyaye mehna
dihita catieraro cahmene.
Ijipihtiye Cohãcjũ ye yahuye
mehna ijiro cahmene”, nine
Cohãcjũ, ni yũhtiahye Jesu
watĩnore.

5 Tiquiro sa nidi bato
watĩno pehe tiquirore canu
ahmuanu buipũ ne mĩa saro,
duita ijipihtiye macarine
ihño dijioahye Jesure. ⁶ Sa
ihñono Jesure yahuahye:

—Ijipihtiye ahri macari
yũhũre tiquiro ohori ijire. Sa
yegu yũhũ cahmediquirore
oho masiaja. Sa yegu
ahri macarine, ahri macari
cjẽnare dutiati gũhũre,
tiquina cuoye mehna mũhũre
ohoutja. ⁷ Yũhũre mũhu ño
peogũ ahri macari ijipihtiye
macarine mũhũre ohoutja,
niahye watĩno Jesure.

8 Jesu ohõ saha ni
yũhtiahye tiquirore:

—Mũhũre ño peeraja.
Ohõ saha nine Cohãcjũ yere
tiquina ojoari pũ: “Mũhu
pũhtoro Cohãcjũ dihitare ño
peoya. Tiquiro ye dutiye
dihitare yeya”, ni ojoahye
Cohãcjũ yere, niahye Jesu
watĩnore.

⁹⁻¹¹ Tiquiro sa nidi bato
Jerusalẽpu watĩno pehe
tiquirore ne cã, Cohãcjũ wũhu
buiipũ ne sahye. Ne sa tuhasa
tiquirore ohõ saha nimahye:

—Cohãcjũ yere tiquina
ojoari pũ ohõ saha nine:
“Cohãcjũ tiquiro yequina
angelere mũhũre ihña ihbo
dutirotã. Sa yeye tiquina
pehe mũhũre ihña ihboeta,
‘Mũhũpu utãpu puhari’, niñe”,
ni ojoahye Cohãcjũ yere
tiquina ojoari pũpu. Tiquiro
sa nidi poto ijigũ mũhu
Cohãcjũ macu ijigu, yehpapũ
uhpu dijia ihñoña yũhũre.
Mũhũre tiquina yedohogũ
ihñoña yũhũre, nimahye
watĩno Jesure.

¹² Jesu uhpu dijia ihño
dueraro ohõ saha ni
yũhtiahye tiquirore:

—Cohãcjũ yere tiquina
ojoari pũ ohõ saha nine:
“Mũsa pũhtoro Cohãcjũ
tiquiro nidire ‘¿Poto ijiajari?’
ni masi duana, Cohãcjũre
ye ihño duti tuhueracãhña”,
nine Cohãcjũ yere tiquina
ojoari pũpu, niahye Jesu
watĩnore.

¹³ Sa yero watĩno ijipihtiye
ñañene Jesure ye dutimahye.
Sa duti tuhasaro mehenogã
duhu cãriahye.

*Galilea yehpapũ Jesu buhe
ducahye*

(Mt 4.12-17; Mr 1.14-15)

¹⁴ Came Jesu Galileapũ
tojoaa wahahye. Sa yero
tiquiro Espĩritu Santo tutuaye
mehna yeahye. Topũ ijipi-
htiropũ masa tiquirore quiti-
tiahye. ¹⁵ Judio masa buheye
wũhũsepũ Jesu gũhũ buhee

tiahye. Sa ye ijipihtiyequina masa tiqirore quehnoano yahuducuahye.

Nazare cjēna Jesure ne cahmedahye

(Mt 13.53-58; Mr 6.1-6)

16-17 Came Nazarep_u Jesu tiqiro masarirop_uta esahye. Top_u esa, saurú ijigū tiqiro sa yeducuro saha judio masa tiquina buheri w_uh_up_u sajā sahye. Top_u tiqiro Cohācjū yere tiquina ojoari pūre buhero taro top_u ducuahye. Tiqiro sa ducugū ihñañe to cjēna pehe Cohācjū yere yahu māhtariqiro Isaia mānana tiqiro ojoari pūre tiqirore ohoahye. Ti pūp_u Jesu ahri yahuyere bocaro buheahye:

18 Cohācjū yaqiro Espiritu y_uh_u mehna ijiro, y_uh_ure dutiri. Tiqiro pejec_uoyeqinare quehnoañe buheyere yahu dutiro ohori y_uh_ure. Sa yero peresup_u ijieyequina gūh_ure tiquinare tiqiro y_uhd_uoatire yahu dutiro ohori y_uh_ure. Caperi bajueyequina tiquina quehnoano ihñatire ohori y_uh_ure. Sa yero masa ñano tiquina yenohriquinare wioacj_ure y_uh_ure ohori. 19 Mari p_uhtoro Cohācjū tiqiro yequinare pecap_u w_uh_uaboriqinare tiqiro y_uhd_uoatire y_uh_ure

yahu dutiro ohori, ni buheahye Jesu.

20 Sa ni buhe tuhasa Jesu ti pūre quehnoari tunu torē, w_uh_u cjūnore wia tuhasa, nuju sahye. Tiqiro nuju sagū ihñañe top_u ijieyequina ijipihtiyequina tiqiro dihitare ihñahye. 21 Tiquina sa yegū tiqiro tiquinare yahu d_ucahye:

—Ahri mianogāta y_uh_u buhero saha Cohācjū tiqiro nidiro sahata waharo nine, niahye Jesu.

22 Tiqiro sa nigū t_uhoye “Ahriqiro quehnoariqiro ijire”, ni t_uhotuahye tiquina. Sa yeye tiquina tiqiro quehnoano yahuducugū t_uhoye, t_uho maria wahahye. Sa yeye ohō saha niahye tiquina basi:

—¿Yohnah, José macano ijierajari ahriqiro? niahye tiquina basi.

23 Tiquina sa nigū masino Jesu yahuahye tiquinare:

—Y_uh_u buheyere t_uho duerana, ohō saha ni t_uhoture m_usa y_uh_ure: “Duturu dohatiro tiqiro basi aco ti masine duturu waro tiqiro ijyere ihñono. M_uh_u gūh_u duturu tiqiro ye ihñono saha m_uh_u nidiro saha ijig_u Cohācjū tutuaye mehna ye ihñoña *usāre*. Capernaup_ure Cohācjū tutuaye mehna ye ihñoñohti m_uh_u. *Usā gūh_ure sa ye ihñoña, m_uh_u buheyere ‘Poto tjire’, usā niato saha*”, ni duare m_usa y_uh_ure. 24 Ahrire yahutja m_usare. Cohācjū yere yahu māhtariqirore

tiquiro ya maca cjēna ño peoerare. Sa yena yahure ño peoerare m̄sa ohõp̄u yah̄u masariḡu ijiḡu. ²⁵ Sata ijiahye panop̄ure. Panop̄u Elia tiquiro ijiri pjere ihtia cahma ape cahma deco waro ne acoro ahtaerahye. Sa yero ijipihtiroputa ne ihyaye mariedahye. ²⁶ Ti pjere peyequina wape wiha numia Israe yehpap̄u tiquina ijiepeḡuta Cohãcj̄u Elia m̄nanore tiquinare yedoho dutiro ohoerahye. Tiquiro ya macare sa ye dutieraperota ape yehpap̄u Sidõ cahap̄u ijiri macap̄u Sarepta wame tiri maca cjõno wape wihore yedoho dutiro Elia m̄nanore ohoahye Cohãcj̄u. ²⁷ Came Cohãcj̄u yere yahu mahtariquiro Eliseo m̄nanao tiquiro ijiri pjere Israe yehpap̄u peyequina cami buc̄u m̄na wiha tiquina ijiepeḡuta ihcãquiro Israe mas̄nore ne quehnoa wahaḡu yerahye Eliseo m̄nanao. Tiquiro ya yehpa cjēnare yeraperota Naamán wame tiriquiro Siria yehpa cj̄no dihitare quehnoa wahaḡu yeahye tiquiro. Sa yero Israe masare yedohoeraro, Israe masa ijieyequina pehere yedohoahye Cohãcj̄u, niahye Jesu tiquinare.

²⁸ Tiquiro sa niḡu t̄hoye ijipihtieyquina ti w̄h̄ap̄u ijieyquina usua ȳhd̄aa wahahye. ²⁹ Sa yeye tiquina wahcãd̄uca, Jesure ne wijia, ti maca d̄ht̄u cahap̄u ijiri c̄n̄ap̄u tiquirore tadoque

dijio duamahye. ³⁰ Tiquina sa ye duepeḡuta Jesu tiquina watoata wahaa wahahye.

Wat̄nore c̄horiquiro Jesure piti cahye

(Mr 1.21-28)

³¹ Came Jesu Galilea yehpap̄u ijiri macap̄u Capernaú wame tiri macap̄u esa, saurú ijiḡu masare buheahye. ³² Quehnoano masi pehoriquiro tiquiro buheḡu t̄hoye masa t̄ho maria wahahye. ³³ Ti w̄h̄ap̄u wat̄nore c̄horiquiro ijiahye. Tutuaro sañuducuahye:

³⁴ —M̄h̄u Jesu Nazare cj̄u us̄are cariboeracãh̄ña m̄h̄u. ¿D̄h̄se yeḡu taḡu niajari us̄are? ¿M̄h̄u us̄are butiḡu yeḡu taḡu niajari? Cohãcj̄u mac̄u, quehnoaḡu m̄h̄u ijiḡu yah̄u masiaja, ni sañuducuahye Jesure.

³⁵ Tiquiro sa niḡu t̄horo Jesu tuhtiahye wat̄nore:

—Dihta mariah̄ña. Duhuya tiquirore, niahye Jesu.

Tiquiro sa nidi bato mas̄nore wat̄no pehe yehpap̄u doque quehe sa tunuḡu yeahye. Tiquiro sa yeri bato tiquiro pehe quehnoa wahahye. ³⁶ Top̄u ijieyquina ijipihtieyquina tiquiro sa wahaḡu ih̄ñañe, ih̄ña maria wahahye. Sa ye tiquina basi ohõ saha ni yahuducuahye:

—¿Yabe boro buheye ijiajari ahri sa wahaḡu yeye? Yohnah. Tutuaro mehna p̄h̄toro yero saha ahriquiro wat̄fare dutire. Sa yeye tiquiro dutiro sahata tiquina

masare duhure, ni yahudu-
cuahye tiquina basi.

³⁷ Tiquiro sa yegū ihñañe
ti yehpar_u ijipihrop_u masa
Jesure quti dahreahye.

*Jesu Simo Pedro mare-
onore dutire y_uhd_uoahye*

(Mt 8.14-15; Mr 1.29-31)

³⁸ Judio masa tiquina
buheri w_uh_ure wijia, Simo ya
w_uh_upar_u sajã sahye Jesu. Top_u
Simo mareono dohatiro ni-
ahye. Tutuaro ujuaye tiahye.
Sa ye tiquina ticoro dohatigū
yahuahye Jesure. ³⁹ Tiquina
yahuri bato tiquiro ticoro
cahap_u esa, ujuayere suru
dutihaye. Tiquiro sa suru
dutiri bato ticorore ujuaye
surua waha, duita quehnoa
wahahye. Ticoro sa waharo
wahcã nuju sa, ticorota
tiquinare ihyayere peoahye.

*Peyequina dohatiyе-
quinare y_uhd_uoahye Jesu*

(Mt 8.16-17; Mr 1.32-34)

⁴⁰ Asū sajãri bato ijipi-
htiyequina masa tiquiro
cahap_u ijiyequina dohatiyе-
quinare Jesu cahap_u ne
sahye. Dohatiyequina
peyequina sijoro saha ijye
dohatiyere c_uoahye. Sa
yero Jesu tiquiro omocari
mehna tiquina bui ña peo,
ijipihiyequinare tiquina
dohatiyere quehnoano
y_uhd_uoahye. ⁴¹ Watia gūhure
Jesu duhu dutigū tiquina
duhuye sañuducuahye:

—M_uh_u potota Cohãcjū
mac_u ijire, niahye tiquina
Jesure.

Jesu Cohãcjū ohoriquiro
tiquiro Cristo ijigū watia

masiahye. Sa yero Jesu
tiquinare yahuducu dutier-
ahye, “ ‘Cristo ijire’, ni yahu
siteari”, nino.

*Galilea yehpar_u buheahye
Jesu*

(Mr 1.35-39)

⁴² Bohrea m_uja tagū Jesu
ti macap_u ijiriquiro waha,
masa marienop_u esahye.
Tiquiro sa esari bato masa
tiquirore maca cã, boca saye,
ohō saha niahye:

—Ūsã ya macap_u tojoaya
usã mehna. Ape sie wa-
haeg_uta, nimahye tiquina
Jesure.

⁴³ Tiquina sa niepegūta
tiquiro pehe ohō saha ni
y_uhtiahye:

—Cohãcjū tiquiro p_uhtoro
ijiyere quehnoañe buheyere
apeye macarip_u gūhure buhe
duaja y_uh_u. Cohãcjū y_uh_ure
ohori tire yahuacj_ure, niahye
Jesu tiquinare.

⁴⁴ Sa yero Judea yehpar_u
ijye w_uh_usep_u, judio masa
tiquina buheye w_uh_usep_u
tiquiro buhe tiniahye.

5

*Jesu tiquiro buheye-
quinare peyequina wahi
wejĕgū yeahye*

(Mt 4.18-22; Mr 1.16-20)

¹ Ape deco Jesu Genesare
wame tiri ditara d_uht_u ca-
hap_u esahye. Top_u tiquiro
ijigū ihñañe peyequina masa
Cohãcjū yere t_uho duaye
tiquirore n_un_u tã sahye.
Quehnoano wahpa d_uca saa
wahahye masa pari. ² P_ua
yuc_usa pad_urop_u pahsaye

yuc̄sarire Jesu ihñahye. Ti yuc̄sari cjēna yohyeyequina maja saduca, tiquina wēñecjüre coseye niahye. ³ Sa yero Jesu Simo yariap̄u sajāhye. Sajā tuhasa tia yuc̄sare dia d̄ht̄u cahap̄u cuñariare weje buho duti-ahye. Sa yero yuc̄sap̄u duji, masare buheahye. ⁴ Buhe tuhasa, Jesu Simore ohō saha niahye:

—Deco cjūnogā tu wioya. Sa yena m̄h̄u mehna cjēna mehna m̄sa wēñecjüre doque ñoña wahi ñeheanaja, niahye Jesu.

⁵ Tiquiro sa nigū t̄horo Simo Jesure yahtiahye:

—P̄hto, wahi wejē bohreami usā mia ñamine. Bohreepenata ne ihcāquirogā wejēdahti usā. Sa wejēdapenata m̄h̄u dutiro saha doque ño tuhunata, ni yahtiahye Simo.

⁶ Sa ni tuhasa tiquina doque ñoahye. Sa tiquina doque ñogū tiquina wēñecjüre peyequina wahi sajāhye. Peyequina tiquina sajāgū wēñecjū t̄h̄n̄u wahamahye. ⁷ Sa wahagū ihñañe aperia cjēnare tiquina mehna cjēnare pijioahye.

—M̄sa ḡh̄u yedohona ah-taya usāre, ni pijioahye Simo ḡh̄u.

Tiquina sa yedohori bato p̄aria yuc̄sa quehnoano miniparo bocahe wahire. ⁸ Simo Pedro sa wahi peye-quina tiquina sajāgū ihñano, Jesu cahap̄u d̄sepe curi mehna quehe sa, tiquirore niahye:

—Ȳh̄u p̄hto, m̄h̄u mehna ijiboḡu ijieraja ȳh̄u. Ñaḡu ijiaja ȳh̄u. Sa yeḡu ȳh̄ure duhuya, niahye Simo Jesure.

⁹ Tiquiro, ijipihtiyequina tiquiro mehna cjēna ḡh̄u peyequina wahi sajāgū ihñañe, ihña maria wahahye tiquina ḡh̄u. ¹⁰ P̄h̄aro Simo mehna cjēna Zebedeo pohne Santiago, tiquiro bah̄aro Ñu mehna, tiquina ḡh̄u ihña maria wahahye. Tiquina sa ihña mariagū ihñano Jesu Pedrore yahuahye:

—Ihña mariedacāhña. Yojop̄are m̄h̄u wahire ñehe cahmecoaḡu m̄h̄u ijiro saha Cohācjū yequina ijia-tiquinare piji cahmecoaḡu ijiḡuta m̄h̄u, niahye Jesu Simore.

¹¹ Tiquiro sa nidi bato tiquina yuc̄sarire ditara d̄ht̄u cahap̄u weje mo cū cā, tiquina ye ijipihtiyere top̄ata cū cā, Jesu mehna wahaa wahahye.

*Jesu cami b̄sc̄u m̄na wihi-
rore cami yatigū yeahye
(Mt 8.1-4; Mr 1.40-45)*

¹² Jesu ape macap̄u tiquiro ijigū cami b̄sc̄u m̄na wihiro tiquirore piti cahye. Sa piti caro tiquiro Jesure ihña, d̄sepe curi mehna quehe sa, tutuaro siniahye:

—P̄hto, m̄h̄u ȳh̄ure ȳhd̄uo duaḡu ȳhd̄uoaya, ni siniahye.

¹³ Tiquiro sa nidi bato Jesu tiquirore ña peoro ohō saha niahye:

—Tire ye duaja. Yojopu quehnoagu ijiya mahu, ni ahye.

Tiquiro sa niguta tiquiro cami ahbari yatia wahahye. ¹⁴ Sa yero Jesu tiquirore duti-ahye:

—Ahri yahu ohō saha yerire apequinare yahueracāhña. Pahi cahapu wahaya yojopare. Sa yegu mahu pagure quehnoari pagu waharire ihñoña tiquirore. Cohācjū dutiye Moiserē tiquiro cūri nidiro saha yeya. Sa yegu pahire pūaro minicjūare ohoya mahu cami yūhdurire ijipihtiequinare ihñogu tuhū, niahye cami bucu muna cūomediquirore.

¹⁵ “Yahueracāhña”, tiquiro sa niepegūta ijipihtiropu masa Jesure quiti dahre nemoahye. Tiquina sa quiti dahregū tuhoye masa peyequina tiquiro cahapu esahye. Dohatiyequina yūhdu duaye, tiquina gūhu tiquiro cahapu esahye. ¹⁶ Tiquina sa esaepegūta Jesu masa marienopu Cohācjūre sinino wahaa wahahye.

Jesu tini masieniquirore yūhdūoahye

(Mt 9.1-8; Mr 2.1-12)

¹⁷ Ape deco Jesu buhegū fariseo masa, judio masare buheyequina gūhu topu dujahye. Tiquina peye macari Galileapu ijiye macari cjēna, Judeapu ijiye macari cjēna, Jerusalē cjēna ijiahye. Sa yero Jesu Cohācjū tutuaye mehna dohatiyequinare yūhdūoahye.

¹⁸ Meheñequinagā umua tini masieniquirore tiquiro cuñari cahsero mehna yo wua wihiahye. Sa yeye tiquirore Jesu cahapu cū duaye, wūhapu yo sajà duamahye tiquina tiquirore.

¹⁹ Sa sajà duepeta masa peyequina ijigū tiquina tiquirore yo sajà masiedahye. Sa yeye tiquirore wūhu buipū yo mūjahye. Yo mūja sa, mehenogā pōo we, ti copepu tini masieniquirore tiquiro cuñari cahsero mehna duhu dijioahye Jesu cahapu ijiyequina watoa. ²⁰ “Jesu ahriquirōre tiquiro dohatiyere yūhdugū yerota”, ni tūhotuahye tiquina. Tiquina sa ni tūhotugū masino Cohācjūre tiquina wacū tutuayere masino, Jesu tini masieniquirore ohō saha ni yahuahye:

—Yūhu acayū, mahu ñañe yeyere yūhu cohā tuhasaū, niahye Jesu tiquirore.

²¹ Tiquiro sa nigū tuhoye fariseo masa, judio masare buheyequina gūhu tiquina basi ohō saha ni tūhotumahye: “Ahriquirō sa ni yahuducueracāhdo. Masano mari yero saha ijiro, tiquiro ñañe yeyere cohā masiedare. Cohācjū dihita masa tiquina ñañe yeyere cohā masine”, ni, tūhotumahye tiquina.

²² Jesu tiquina tūhotuyere masino, ohō saha niahye:

—¿Dahse yena sa ni tūhotuajari mūsa? ²³ “Mahu ñañe yeyere yūhu cohā

tuhasaja”, yuhū nigū, “Ni mehogu ijire”, yuhare nine mūsa quehnoano masiedapenata. “Wahcādūca wahaya”, yuhū nigū tiqiro tinigū ihñana yuhū nidi poto ijigū duita masinata. ²⁴ Yuhū masū Cohācjū ohorigū ahri yehparū ñañe yeyere cohā masiaja yuhū. Masa tiquina ñañe yeyere cohācjūre cūri Cohācjū yuhare. Yuhū sa cohārire mūsa masiato saha ohō saha ye ihñoutja mūsa ihñatire, niahye Jesu.

Sa ni tuhasa tini masieniquirore ohō saha niahye:

—Muhare niita niaja. Wahcādūcaya. Mūhū cuñari cahserore ne cāhña mūhū ya wuhūpū, niahye tiqirore.

²⁵ Tiquiro sa nigū tūhorota ijipihtiequina tiquina ihñonopū wahcādūca, tiqiro cuñari cahserore ne, tiqiro ya wuhūpū tojoa wahahye. Sa waharo tiqiro Cohācjūre ño peoro, bucueye mehna quehnoano yahuducuahye.

²⁶ Tiquiro sa yegū ihñañe masa pehe ijipihtiequina ihña maria wahahye. Tiquina ihña maria waha, Cohācjūre ño peoye, bucueye mehna quehnoano yahuducuahye:

—Miare sijoro saha ijiyere ihñan mari, niahye tiquina.

Jesu Levíre pijiahye
(Mt 9.9-13; Mr 2.13-17)

²⁷ Sa ye tuhasa waha, Leví wame tiriqirore tiqiro dahrari tucūpū ijiriquirore boca sahye Jesu. Leví pehe pūhtoa ye ijiatire masare

wapa ne cohteriquiro iji-ahye. Sa boca saro tiqirore ohō saha niahye:

—Yuhū mehna cjū ijiajū ahtaya, niahye tiqiro Levíre.

²⁸ Tiquiro sa nigū Leví pehe ijipihtieye tiqiro dahrayere duhu cā, Jesu mehna wahaa wahahye.

²⁹ Came Leví ya wuhūpū Jesu ya bose deco yeye niahye. Topū peyequina wapa ne cohteyequina, apequina Leví gūhū mehna dujiahye.

³⁰ Tiquina mehna Jesu gūhū dujigū ihñañe meheñequinagā fariseo masa, judio masare buheyequina mehna usua, Jesu buheyequinare sinituahye.

—¿Dahsena ñano yeyequina, wapa ne cohteyequina mehna ihyajari mūsa? ni tuhtiahye tiquina.

³¹ Tiquina sa nigū tūhoro Jesu yūhtiahye tiquinare. Ohō saha ni queoye mehna buheahye:

—Dohatieyequina duturure macaedare. Dohatieyequina dihita duturure macare. Ñañequina dohatieyequina yero saha ijire. ³² Sa yegū ñañequina dihitare tiquina ñañene bujūa witi dutigū, quehnoañe pehere comesagū yegū tūū nū yuhū. Tiquina basi “Quehnoana ijiaja usā”, ni tūhotuyequinare yedohogu ahtaerū yuhū, niahye Jesu.

Sijiyere Jesure sinituahye
apequina
(Mt 9.14-17; Mr 2.18-22)

33 Sa yeye meheñequinagã masa Jesure ohõ saha ni sini-tuahye:

—Ñu buheyequina peye tahari Cohãcjüre ño peoye tehe, sijire. Sa yeye, tiquina peye tahari Cohãcjüre sinine. Fariseo buheyequina gãhu tiquina yero saha yere. Tiquina sa yepegãta mãhu buheyequina pehe ihya, sihnine. Sa ye Cohãcjüre ño peoye tehe, sijierare. ¿Dahse yeye sa yerajari tiquina? niahye tiquina Jesure.

34 Tiquina sa nigã Jesu tiquiro tãhotuye mehna quti dahre buhero taro tiquinare ohõ saha ni yãhtiahye:

—Ohõ saha ijire ti: Omoca dãhteropu tiquina pijioriquina omoca dãhteriquiro mehna ijiye, siji masiedare. Sata yãhu buheyequina gãhu yãhu mehna ijiye, siji masiedare. Yãhu omoca dãhteriquiro yero saha ijiaja. Omoca dãhteriquiro bose deco tiquiro yegã tiquiro mehna cjëna ihyeyequina ijierare. 35 Yãhu Pacu Cohãcjũ yãhure tiquiro nedi bato pãritare yãhu buheyequina mehna ijisi yãhu. Sa yeye ti pjerãta yãhu buheyequina gãhu sijieta, niahye Jesu.

36 Panopu cjë buheye wahma buheye mehna tiquina buhe more duagã ihñano ohõ saha ni nemoahye Jesu tiquinare queoye mehna buhero.

—Ne wahma suhtirore meheni cahserogã tãhrë ne, mãna suhtirore sere ohõno cahmedare. Mari

sa sere ohõna wahma cahserore tãhrë cohãna niaja. Sa yero wahma cahsero mãna suhtiro mehna ihcãno saha bajuerare. 37 Sa yena ne ahse co bisiye core wahiquiro cahsero ajuropure mãna ajuropure pose yero cahmedare. Sa yegã ahse co bisiye pahmuñepu mãna ajurore tãhrë cãhre. Sa tãhnugã ahse co gãhu, ajuro gãhu cohãa wahare. 38 Sa yena ahse co wahma core wahma ajuropu pose yero cahmene. (Sata wahma buheye mãna buheye mehna buhe moredaro cahmene.) 39 Mãna core masa tiquina sihnidi bato, wahma core cahmedare tiquina. Ohõ saha nine masa. “Mãna co wahma co bui cjũnogã quehnoañe ijire”, nine masa, niahye Jesu tiquinare.

6

Judio masa tiquina sori decore trigore peheahye Jesu buheyequina

(Mt 12.1-8; Mr 2.23-28)

1 Ape deco saurú ijigã Jesu gãhu trigo wesepu esahye. Topu esa, tiquiro buheyequina pehe trigo parorire pehe, ti pjerire sahquë site dijio, ti pjerire ihya cã wahaa wahahye tiquina. 2 Tiquina sa yegã ihñañe meheñequinagã fariseo masa tiquinare sinituahye:

—¿Dahse yena mãsa saurú mari sori deco ijiepegãta Cohãcjũ tiquiro dutierari

decore dahrajari m̄usa?
niahye fariseo masa.

Tiquina sa nigū t̄horo Jesu
tiquinare ȳhtiahye “Ȳh̄h̄
buheyequina ȳhd̄d̄caye
niedare”, nino taro:

3-4 —Davi m̄n̄ano tiquiro
mehna c̄j̄na mehna ɱ̄ja
ahbaro, Coh̄c̄j̄ w̄h̄p̄ saj̄,
Coh̄c̄j̄ ye p̄re ihyahye.
Sa ihyaro tiquiro mehna
c̄j̄na ḡh̄re ti p̄re ihya
dutiho ohoahye. Ti p̄re
pahia dihita ihyae tiahye.
Coh̄c̄j̄ dutiye ti p̄re ape-
quinare ihya dutierare. ¿Davi
m̄n̄ano tire tiquiro yerire
buherari m̄sa? (Ti p̄re ih-
yaro Coh̄c̄j̄re ȳhd̄d̄caro
niedahye. Miare ahri p̄j̄re
ihyaye ȳh̄ buheyequina
ḡh̄ Coh̄c̄j̄re ȳhd̄d̄caye
niedare.)⁵ Ȳh̄ mas̄
Coh̄c̄j̄ ohoriḡ ahri deco
saurú decore masa tiquina
yeatire yahuḡ ijiḡ p̄hto
ijiaja, niahye Jesu.

Omoca b̄hariquiro quit̄i
(Mt 12.9-14; Mr 3.1-6)

6 Ape deco saurú ijiḡ Jesu
judio masa tiquina buheri
w̄h̄p̄ saj̄ saro, buheahye
masare. Top̄ omoca
poto pehe b̄hariquiro iji-
ahye.

7 Meheñequinaḡ
judio masare buheyequina,
fariseo masa ḡh̄ Jesure
yahus̄ duamahye. “Saurú
decore mas̄n̄ore dohatiyere
ȳhd̄d̄oaga Jesu”, ni, ih̄na
n̄n̄ yahus̄ duamahye
tiquina Jesure. ⁸ Jesu tiquina
t̄hotuyere masino, omoca
b̄hariquirore oh̄ saha
niahye:

—Wahc̄d̄caya. Oh̄p̄ ah-
taya, niahye tiquiro.

Tiquiro sa nidi bato
omoca b̄hariquiro pehe
wahc̄d̄ca, top̄ ducuahye.
⁹ Sa yero Jesu tiquinare
sinituahye.

—M̄sare sinitutja:
¿Saurú ijiḡ yabere ye
dutiajari Coh̄c̄j̄ du-
tiye? ¿Quehnoañene yeḡ
quehnoadajari? ¿Ñañene
yeḡ pehere quehnoabo-
gari, m̄sa t̄hotuḡ? Saurú
ijiḡ mas̄n̄ore masoḡ
quehnoar̄ne. Saurú ijiḡ
mas̄n̄ore wej̄ḡ pehere
quehnoadare. Ñar̄ne,
niahye Jesu tiquinare.

¹⁰ Sa nino Jesu tiquinare
ijipihtiyequinare ih̄n̄adoqueo,
omoca b̄hariquirore oh̄
saha niahye tja:

—M̄h̄ omocare sī po-
toya, niahye tiquiro.

Tiquiro sa niḡta omoca
b̄hariquiro pehe sī po-
toḡta, omoca quehnoa
wahahye. ¹¹ Tiquiro sa yeḡ
ih̄n̄añe tiquina tiquiro mehna
tutaro usuahye.

—¿D̄h̄se yenatari mari
ahriquirore? niahye tiquina
basi.

*Jesu tiquiro buheye-
quinare docere tiquiro ohoa-
tiquinare bese docoahye*
(Mt 10.1-4; Mr 3.13-19)

¹² Ti decorire Jesu c̄n̄p̄
Coh̄c̄j̄re sinino m̄jaa
wahahye. Top̄ ijiro, ñamine
Coh̄c̄j̄ mehna yahuducu
bohreahye. ¹³ Bohrearop̄
tiquiro buheyequinare
tiquiro cahap̄ pijioahye.

Pijio tuhasa, tiquina mehna cĵenare doce waro tiquiro ohoatiquinare bese do-coahye. Sa ye tiquiro cūriquina wame tiahye. ¹⁴⁻¹⁵ Ahriquina ijiahye Jesu tiquiro bese docoriquina: Simo ijiahye. Simore Pedro ni pisuahye Jesu pehe. Simo bahuro Andre, Santiago, Ñu, Felipe, Bartolomé, Mateo, Tomasu, Santiago ijiahye. Santiago pehe Alfeo macno ijiahye. Sa ye Simo celote ya curua cĵano ijimediquiro, ¹⁶ Juda Santiago bahuro, Juda Iscariote tiquina ijiahye tiquiro bese docoriquina. Juda Iscariote pehe Jesure ihña tuhtieyquinare ihñoatiquiro ijiahye.

Jesu peyequina masare buheahye
(Mt 4.23-25)

¹⁷ Sa ye Jesu tiquiro buheyequina mehna cññ buipñ ijiriquina dijia taye, peyequina apequina tiquiro buheyequina mehna dijia wihiduca, quehnoari paapñ ducuahye tiquina. Ijipihtiropñ Judea yehpapñ ijiye macari cĵena, Jerusalē cĵena, Tiro wame tiri maca cĵena, Sidō wame tiri maca cĵena pajiri ma duhtu cahapñ ijiye macari cĵena masa peyequina tiquiro cahapñ wihiahye. ¹⁸ Tiquina Jesu buheyere tuhoye tehe, tiquina dohatiyere cohāgū cahmeahye. Wafia cnoyequina gūhñ tiquiro

cahapñ wihi, quehnoa wahahye. ¹⁹ Jesu tiquiro tutuaye mehna yuhdugū yeahye tiquinare. Sa ye tiquina ijipihtieyquina tiquirore dahra tuhuye ahtahye.

Jesu bucueye, bujña witiye gūhñre buheahye
(Mt 5.1-12)

²⁰ Came Jesu tiquiro buheyequinare ihña, yahuahye:

—Musa pejecuona, (musa ñañene bujña witina), Cohācjū tiquiro puhtoro ijiropñ wahanata musa. Sa yena musa bucuenata.

²¹ 'Yojopñre musa uña ahbana, yapina ijinata. Sa yena bucuenata.

'Yojopñ utina ijina, came musa bujñnata. Sa yena musa bucuenata.

²² 'Yuhñ masñ Cohācjū ohorigñ ijiaja. Sa yena yeere yena musa ijiri buhiri apequina musare tiquina ihña tuhtiepegūta bucuena ijire musa. Musare tiquina cohāpegūta bucuenata. Musare tiquina ñano yahuducuepegūta "Ñana ijire", musare tiquina niepegūta musa pehe bucuenata.

²³ Musare tiquina sa yegū ihñano uhmusepñ musa esagū pajiro quehnoano yerota Cohācjū musare. Sa yena tutuaro bucuena ijiya. Quehnoano jeripohna tina ijiya. Musare ihña tuhtieyquina tiquina acaye panopñ cĵena sata ñano yeahye Cohācjū yere yahu muhtariquina gūhñre.

24 'Sa yena m̄sa yojop̄u peye c̄ona ahri yehpap̄u m̄sa quehnoano iji c̄a tuhasari. Sa yena ñano ȳhd̄nata ijinata m̄sa.

25 'Yojop̄u yapina m̄sa ūj̄na ahbanata. M̄sa sa ijinata ñano ȳhd̄nata.

'Yojop̄u m̄sa buj̄urina ijina camer̄u utinata. Sa yena ñano ȳhd̄nata.

26 ' "Coh̄c̄j̄u yere yahu m̄htana ijiaya", ni mehoñequinare "Quehnoañequina ijire", nimahye peyequina panop̄u c̄j̄na. Sa nimediquina tiquina acaye yojop̄u c̄j̄na ḡh̄u sata "Quehnoañequina ijire", niboaga ihquēquina m̄sa mehna c̄j̄nare. Tiquina sa ninohrina m̄sa ijina ñano ȳhd̄nata m̄sa ḡh̄u, ni buheahye Jesu.

M̄sare ih̄na tuhtiyequina tiquina ijiepeḡta tiquina ḡh̄u cah̄ña

(Mt 5.38-48; 7.12)

27 Sa yero oh̄ saha ni buhe nemoahye Jesu:

—Ȳh̄u t̄ho duanare, m̄sareta niḡu niaya. M̄sare ih̄na tuhtiyequina tiquina ijiepeḡta tiquina ḡh̄u cah̄ña. M̄sare ih̄na tuhtiyequinare quehnoano yeya.

28 M̄sare "Ñano ȳhd̄nahro", niñequina tiquina ijiepeḡta quehnoa dutiya tiquinare. M̄sare ñano yeyequina tiquina ijiepeḡta "Tiquina ḡh̄u quehnoano ijiagro", ni sini basaya Coh̄c̄j̄u.

29 Ihc̄aqui m̄sa wahsupure tiqui quēḡu, ape

sie ḡh̄u quē dutiya tiquiore. M̄sa bui c̄j̄a suhtirore tiquiore ehmaḡu m̄sa camisa ḡh̄u sa oho c̄h̄ña tiquiore. 30 M̄sare sinidiquirore tiquiore sinino punota ohoya tiquiore. M̄sa yere tiquiore neḡu tiquiore sinituerac̄h̄ña pari turi tire. 31 Apequina m̄sare tiquina quehnoano yeḡu cahmene m̄sa. Tiquinare m̄sa quehnoano yeḡu cahmeno saha quehnoano yeya tiquina ḡh̄u. Tiquina quehnoano yerapeḡta m̄sa pehe tiquinare quehnoano yeya.

32 'M̄sare cah̄ñequina dihitare m̄sa cah̄ḡu ti ne d̄h̄seati ijierare apequina pehere m̄sa cah̄edaḡu. Ñañequina ḡh̄u sata yere. 33 Sa yena m̄sare quehnoano yeyequina dihitare m̄sa quehnoano yeḡu ti ḡh̄u ne d̄h̄seati ijierare apequina pehere m̄sa quehnoano yeraḡu. Tire ñañequina ḡh̄u yere.

34 Sa yero "Ȳh̄u wiaya tire", m̄sa niñequina dihitare m̄sa wasoḡu ne ti d̄h̄seati ijierare. Ñañequina ḡh̄u apequinare "Ȳh̄u wiaya tire", tiquina niñequinare wasore. 35 Sa yena m̄sa pehe m̄sare ih̄na tuhtiyequina ḡh̄u cah̄ña. Sa yena tiquinare quehnoano yeya. Apequiore wasona "Ȳh̄u ne wiasi ahriquiore", ni t̄hotuenata tiquiore wasoya. Coh̄c̄j̄u pehe tiquiore "Quehnoare", nieñequina

gũhure, ñañequina gũhure quehnoano yere. Tiquiro yero saha yeya m̄sa gũh. M̄sa sa yegũ Cohãcjũ tutuaro quehnoano yerota m̄sare. Sa yena Cohãcjũ tutua yũhdũariquiro ãhm̄se cjũno pohna ijinata. ³⁶ Mari Pacũ ãhm̄se cjũno tiquiro paja ihñariro sahata m̄sa gũh masare paja ihñaña, ni yahuahye Jesu.

Apequina gũhure “Ñañequina ijire”, niedacãhña

(Mt 7.1-5)

³⁷ Sa yero tiquinare yahu nemoahye:

—Apequinare “Ñañequina ijire”, niedacãhña m̄sa. M̄sa sa niedagũ Cohãcjũ m̄sa gũhure “Ñana ijire”, nisi. Apequina m̄sare tiquina ñano yerire tiquina ñano nidi gũhure boya m̄sa. M̄sa sa bogũ ihñano Cohãcjũ m̄sa gũhure m̄sa ñañe yerire borota. ³⁸ Apee borore c̄ona apequinare ohoya. M̄sa sa ohogũ Cohãcjũ gũh m̄sare ohorota. Sa ohoro quehnoano queoro m̄sare pajiro ohorota. Quehnoano wahpa yũhdũro ohorota. Apequinare m̄sa ohoriro punota Cohãcjũ gũh m̄sa gũhure ohorota, niahye Jesu tiquinare.

³⁹ Sa ni tuhasa Jesu quitu mehna buhero ohõ saha ni yahu nemoahye:

—Caperi bajueyequina sehsaro tiquina basi quehnoano tũã cã masiedare. Sa tũã cãñe, tiquina p̄aropũ bora maa sajãa wahaeta

copepũ. (Sata Cohãcjũ yere masieñequina apequinare buhe masiedare. Sa ye tiquina ijipihtiyequina pecapũ wahaeta.) ⁴⁰ Buheyequina tiquinare buheriquirore masi yũhdũdũcaera Sa ijiepetã ijipihtiyequina buheyequina tiquina quehnoano buhe pehorĩ bato tiquinare buheriquiro yero saha ijietta, niahye Jesu.

⁴¹ Sa ni tuhasa apeye quitu mehna yahu nemoahye:

—Mari queoye mehna buhegũ ohõ saha yena ijire m̄sa: M̄sa acayũro tiquiro capeapũ meheni pohcarogã tiquirore bora sajãgũ ti pohcarogãre quehnoano ihñare m̄sa. M̄sa ya capeapũ pajiri pjĩ ijiepegũta ti pjĩne ne ihñedare m̄sa. Meheni pohcarogãre m̄sa ihñano saha m̄sa acayũro tiquiro ñano yeye pehere quehnoano ihñare m̄sa. M̄sa basi m̄sa ñañene tutuaro yepenata tire masiedare m̄sa pajiri pjĩne m̄sa ihñedaro sahata. ¿Dũhse yena sa yeajari m̄sa? ⁴² Ohõ saha nina yero saha ijire m̄sa: “Yũhũ acayũ, ñañene yegũ nine m̄hũ. Sa yegũ tire duhuya”, nina yero saha ijire m̄sa. Sa nina ijiepenata pajiro ñañene yere m̄sa pehe. ¿Dũhse yena m̄sa ñañene yepenata tire masiedajari m̄sa? Masa ihñono dihita quehnoano iji mehona ijire m̄sa sa yena. Pajiri pjĩne m̄sa capeapũ ijiri pjĩne m̄sa ne m̄htaboriro saha m̄sa ñano yeye pehere duhu m̄htaña. M̄sa sa yeri bato

masa acayuro tiquiro ñano yeyere duhugū ye masiboaga meheni pohcarogāre masa neboriro saha, ni buheahye Jesu.

Masa yahuducuyere t̄hona tiquina ijiye tiyere masiaja mari

(Mt 7.17-20; 12.34-35)

⁴³ Sa yero queoye mehna buhero ohō saha ni yahu nemoahye tiquinare:

—Quehnoadu yucugū ñañene d̄ca tierare. Sa yero ñadu quehnoañene d̄ca tierare. ⁴⁴ Yucū d̄care masina t̄re masine masa. Potagū higuera pacare d̄ca tierare. Sa yero pota bucugū uhse t̄horine d̄ca tierare. ⁴⁵ Sata ijire masa gūhū. Quehnoariquiro tiquiro t̄hotuyepū quehnoañe ijire. Sa yero tiquiro quehnoañene yere quehnoadū quehnoañene d̄ca tiro saha. Ñariquiro tiquiro t̄hotuyepūre ñañe ijire. Sa yero tiquiro ñañene yere ñadu ñañene d̄ca tiro saha. Mari t̄hotuyepū marine ti ijiro saha yahuducujaja mari, ni yahuahye Jesu.

P̄na w̄hū yeyequina quitire yahuahye Jesu

(Mt 7.24-27)

⁴⁶ Sa yero tiquinare yahu nemoahye:

—Masa ȳhure “P̄hto”, nine. Sa niepenata ȳhū dutiye pehere yerare masa. ¿D̄hse ijiro boro sa yerajari? ⁴⁷ Ijipihtiyequina ȳhure cahmeñequina ȳhū yahuyere t̄hore. Sa yeye ȳhū dutiyere ȳhd̄d̄caerare.

Ohō sahata ijire ȳhure ȳhd̄d̄caeyequina: ⁴⁸ W̄hū dahreriquiro yero saha ijire tiquina. Tiquiro uhcūñe coperire sehe, w̄hure doco d̄care. Ti w̄hū quehnoano tiquiro yeri w̄hū ijiro dia minigū tutuaro aco tutuepegūta ti w̄hū quehnoano tojoare. ⁴⁹ Sa yeye ȳhū dutiyere t̄hoepeta ȳhd̄d̄caeyequina pehe w̄hure quehnoano yerariquiro yero saha ijire. Ti w̄hure buigā doco, quehnoano ye d̄caerare. Tiquiro sa yeri w̄hū ijiro dia minigū aco tutuagū duita ti w̄hū cohō b̄r̄na wahare. Sa yero ti w̄hū tutuaro bora quehea wahare, niahye Jesu.

7

Surara p̄htoro cahacj̄nore tiquiro dohatigū Jesu ȳhd̄d̄cah̄ye tiquirore

(Mt 8.5-13)

¹ Ti quitire masare yahu tuhasa Jesu gūhū Capernaupū esahye. ² Topū ijiriquiro cien surara p̄htoro tiquiro cahacj̄nore tutuaro cah̄ahye. Tiquiro cahacj̄no pehe tutuaro dohatiro, yariaropū niahye. ³ Sa yero Jesu yeyere t̄horo, judio masa bucunare Jesu cahapū ohoahye p̄htoro pehe.

—Dohatiriquirore ȳhd̄d̄ogū ahtaya, ni, yahu dutiro bucunare ohoahye p̄htoro.

⁴ Tiquina Jesu cahapū esa, ohō saha ni tutuaro mehna yahuahye tiquirore:

—Surara p̄htoro us̄are ohori. Tiquiro cahacj̄nore

dohatiriquirote yuhdugū cahmedi tiquiro. Tiquiro pūhtoro pehe quehnoariquiro ijire. Tiquiro sa ijigū yedohoya tiquirote. ⁵ Mari ya maca cjēnare tiquiro cahīne. Sa yero tiquiro usā buheri wuhare tiquina yeri wapare wapa yere, niahye bucuna Jesure.

⁶ Tiquina sa ni yahugū tūhoro Jesu pehe tiquina mehna wahahye. Surara pūhtoro ya wuhū cahagāpū tiquiro esagū pūhtoro pehe tiquiro mehna cjēnare Jesure ohō saha ni yahu dutiro ohoahye:

—Pūhto, quehnoanota. Ahtaeracāhña. Quehnoagu ijieraja yuhū. Ya wuhūpū mūhure sajā ta dutibogu ijieraja yuhū. ⁷ Sa yegū mūhū cahapū wahaeraja. Yuhū sa ijiepegūta mūhū masiñe mehna yuhdū dutiya mūhū tiquirote. Mūhū sa yegū yuhū cahacjāno quehnoanota. ⁸ Yuhūre yuhū bui ijieyequina apequina pūhtoa dutire. Sa yegū yuhū gūhū surarare dutiaja. Ihcāquirote “Wahaya”, yuhū nigū tiquiro wahare. Apequirote “Ahtaya”, yuhū nigū tiquiro ahtare. Yuhū cahacjānore “Ahrire yeya”, yuhū nigū tire tiquiro yere. Mūhū gūhū dutigūta ijire. Sa yero mūhū dutiro saha tiquiro dohatiriquiro yuhdūrota, ni yahu dutiahye surara pūhtoro.

⁹ Tiquiro sa nigū tūho maria waharo, peyequina masa tiquiro mehna ijieyequinare

majaredūca sa, yahuahye:

—Mūsare niita niaja. Tiquiro surara pūhtoro Israe masano ijieriquiro Cohācjūre tutuaro wacū tutuare. Tiquiro cahacjānore yuhū yuhdugū yeatire masi tuhasare. Israe masare ne ahriquiro yero saha ijieyequinare ihñeda tirū yuhū, niahye Jesu.

¹⁰ Tiquiro sa nidi bato surara pūhtoro Jesu cahapū tiquiro ohoriquina tiquina pūhtoro ya wuhūpū tojoaa wahahye. Tojoa sa dohatiriquiro yuhdūriquiropūre ihñahye tiquina.

Jesu wape wihoro macūnore masoahye

¹¹ Came cjūnogā Nai wame tiri macapū Jesu tiquiro buheyequina mehna peyequina masa mehna wahahye. ¹² Ti macare sajāri sopecaha cahapū tiquiro esagū yariariquirote masa ne wijia taye niahye. Yariariquiro pacoro wape wihoro ijiahye. Ihcāquirola ijiriquiro yari-ahye. Sa ye to cjēna masa peyequina ticoro mehna wahahye. ¹³ Tiquina sa wahagū ihñano Jesu ticorore paja ihñahye.

—Utieracāhña, niahye Jesu ticorore.

¹⁴ Sa nino yariariquiro tiquiro masa putire ña peoahye. Tiquiro sa ña peogū ihñañe ti putire wūayequina pehe esadūcahye.

—Macu, yahu mahure ohõ saha niaja. Wahcã nujuña, niahye Jesu.

15 Tiquiro sa nidi bato yariariquiro manano wahcã nuju, yahuducuahye. Sa yero Jesu tiquirore tiquiro pacorore wiahye. 16 Tiquiro sa yegũ ihñañe tiquina ijip-
ihtiyequina cuea wahahye. Sa yeye tiquina Cohãcjũre ño peo, ohõ saha niahye:

—Cohãcjũ yere yahu mahariquiro masi yuhdhariquiro yojopu pũritare mari watoa ijire, niahye tiquina.

—Cohãcjũ marine tiquiro yequinare yedohoro wihi tuhasare, niahye apequina.

17 Sa yeye ijipihtiyequina Judea yehpa cjẽnare ti yehpa dũhtu cahapu ijiye macari cjẽnare Jesu yerire masa yahu site pehoahye.

Ñu wame yeriquiro tiquiro buheyequinare Jesure sinitu dutiahye

(Mt 11.2-19)

18 Sa ye Jesu yerire ihñañe Ñure yahuahye tiquiro buheyequina. Sa tiquina yahugũ tũhoro puarore tiquiro cahapu pijio, 19 Jesure sinitu dutiro ohoahye Ñu. Ohõ saha ni sinitu dutiahye:

—¿Ñu “Yuhu bato apequiro ahtarota”, tiquiro nidigũta ijijari mahu? ¿Tiquiro nidigũ mahu ijieragũ apequirore cohtenatarĩ usã? ni sinitu dutiahye Ñu puaro tiquiro buheyequinare.

20 Sa ye tiquina Jesu cahapu esa, sinituahye tiquirore:

—Ñu wame yeriquiro mahure sinitu dutiro ohoari usãre. ¿Ñu “Yuhu bato apequiro ahtarota”, tiquiro nidigũta ijijari mahu? ¿Tiquiro nidigũ mahu ijieragũ apequirore cohtenatarĩ usã? ni sinituahye tiquina Jesure.

21 Ti pjeta peyequina dohatiyequinare, watĩa cuoyequinare, caperi bajueyequinare yahdugũ yeahye Jesu. 22 Sa yero Ñu mahariquiro horiquinare Jesu yuhtiahye:

—Yojopure masa ihñarire masa tũhorire Ñure yahuna wahaya: Ohõ saha niña: “Caperi bajueyequina ihñare. Tini masieñequina tinine. Cami ahbariquina quehnoa wahare. Tũhoerariquina tũhoa wahare. Yariariquina masaa wahare. Tiquina ijipihtiyequinare quehnoa wahagũ yei yahu. Sa yegu pe-
jecuoyequinare quehnoañe buheyere yahuaja. 23 Yuhure tũhoriquiro ‘Poto ijire’, nidiquiro tiquiro bucueriquiro ijire”, Ñure ni yahuna wahaya, niahye Jesu.

24 Ñu buheyequina tiquina wahari bato Jesu pehe Ñu tiquiro ijiye tiyere yahu dũcahaye peyequina masare:

—Masa marienopu esana, taare wihnono wẽdoqueo mũjagũ ihñana eserari masa. 25 “Quehnoañe suhti sañariquirore ihñana wahañna”, niedari masa masa marienopu wahañna. Quehnoañe suhti sañañequina wapa bujuyere cuoyequina puhto a ye

wuhasepa ijire. Masa marienopa ijierare. ²⁶ Masa marienopa esana Cohãcjũ yere yahu mahitariquirore ihñana esari masa. Ijirota ijire. Ñu Cohãcjũ yere yahu mahitariquiro ijire. Apequina Cohãcjũ yere yahu mahitariquina yuhdũoro ijiriquiro ijire tiquiro pehe. ²⁷ Panopa Cohãcjũ yere tiquina ojoari pũpa Ñure ohõ saha ni yahuahye:

Mari Pacu tiquiro macanore ohõ saha niahye: “Mũhu pano mahure yahuyuatiquirore ohogutja. Mũhu wihiatore quehnoyurota tiquiro”, niahye Cohãcjũ, ni ojoahye panopure Ñure.

²⁸ Mũsare poto niita niaja. Apequina masa ijipihitieuquina bui ijire Ñu. Ahri decoripure tiquiro sa ijiepegũta Cohãcjũ tiquiro pahutoro ijiropure ijipihtieuquina docapa ijiriquiro pũrita Ñu bui ijire, niahye Jesu masare.

²⁹ Tiquiro sa nigũ tahoye ijipihtieuquina masa, wapa ne cohteyequina mehna Ñu tiquiro wame yenohriquina ijieye ohõ saha ni tahotuahye Cohãcjũre. “Cohãcjũ poto yeriquiro ijire”, ni tahotuahye tiquina. ³⁰ Fariseo masa pehe, judio masare buheyequina gũhu Ñu wame yenohriquina iji duerahye. Sa ye tiquinare Cohãcjũ yequina tiquiro ye duagũ cahmedahye tiquina.

³¹ Sa yero Jesu pari turi yahuahye:

—¿Yojopa cjẽna masa disequina yero saha ijiajari tiquina, masa tahotugũ?

³² Tiquina macanagã yero saha ijire. Apequina tiquina cahmeno saha yeragũ bucuere tiquinagã. Doeri cjẽ duaropa apepe dujiye, ohõ saha ni pisuducure tiquinagã basi: “Mũsa basatire usã putipemi. ¿Dũhsena masa basaerari usã putipegũ? Usã tutuaro ñehe quea utipe, sañuducumi. ¿Mũsa pehe dũhsena usã mehna utiperari?” niducyequina yero sahata ijire yojopa cjẽna gũhu. Yojopa cjẽna tiquina cahmeno saha usã yeragũ ihñañe bucuere tiquina gũhu. ³³ Ñu wame yeriquiro Cohãcjũre ño peoro taro sijiro, vinore sihniedare. Tiquiro sa sihniedagũ ihñana, “Watĩnore core. Sa yero taho masieniquiro ijire”, nimesi masa tiquirore. ³⁴ Yũhu masu Cohãcjũ ohorigu ijigu, yũhu ihya sihniaja. Yũhu sa yegũ ihñana ohõ saha nine masa yũhu pehere. “Ihñaña. Ahriquiro pajiro ihyariquiro, queheriquiro ijire. Wapa ne cohteyequina, ñano yeyequina gũhu tiquina mehna piti tiriquiro ijire tiquiro”, nine masa yũhure. Sa nina macanagã yero saha yahuducuna ijire masa. Mũsa cahmeno saha usã yeragũ bucuere masa. ³⁵ Sa masiedapenata usã ye ihñorire ihñana, Cohãcjũ yere usã masigũ masinata masa, ni

yahuahye Jesu.

Simo wame tiriquireo fariseo masuno ya wuhupũ ijiahye Jesu

³⁶ Fariseo masuno tiquireo ya wuhupũ ihya dutiro pijiahye Jesure. Tiquireo sa pijigũ Jesu tiquireo ya wuhupũ esa, tiquina ihyari mesa cahapũ nuju sahye. ³⁷⁻³⁸ Ti macapũre ñaÑe yericoro ijiahye. Jesu fariseo masuno ya wuhupũ tiquireo dujigũ ticoro tũhoahye. Sa tũhoro alabastro mehna yeriare ehme sitiye pose tiriare ne cãhta, Jesu behero pehepũ wihidũca, utiahye. Sa utiro, Jesu dahpocãrine ticoro yahco co mehna weo, ticoro poari mehna wũoahye. Tiquireo dahpocãri wũagũ ihñano ticoro tiquireo dahpocãrine ihmi, ehme sitiye mehna pio peoahye. ³⁹ Ticoro sa yegũ ihñano fariseo masuno Jesure pijiriquireo tiquireo basi ohõ saha ni tũhotumahye: “Ahricoro tiquireore ñehe tuhuricoro ñaÑe yericoro ijire. Ahriquireo Jesu Cohãcjũ yere yahu mũhtariquireo ijiro tire masiboaga”, ni, tũhotumahye. ⁴⁰ Tiquireo sa ni tũhotuyere masino Jesu yahuahye tiquireore:

—Simo, yojopũ pũritare mũhare yahu duaja, niahye Jesu.

—¿Buhegũ, yũhare dũhse ni yahu duajari mũhũ? niahye Simo.

⁴¹ Tiquireo sa nigũ Jesu ohõ saha ni queoye mehna buhe yahuahye:

—Pũhtorore pũaro wapamoÑequina ijiahye. Ihcãquireo wapamoriquireo quinientos niñeru cjoerire wapamoahye. Apequireo pehe cincuenta niñeru cjoerire wapamoahye. ⁴² Sa ye tire tiquina wapa ye masiedagũ ihñano tiquireo tiquina wapamoÑene wapa ye dutierahye. ¿Yojopũ pũritare diquireo pehe wapamoriquireo tiquireo pũhtorore cahĩ yũhdũrotari? ni sinituahye Jesu.

⁴³ Simo yũhtiahye:

—Õbah, pajiro wapamoriquireo mehenogã wapamoriquireo yũhdũoro tiquireo pũhtorore cahĩboaga, niahye Simo.

—Poto yũhtiri mũhũ yũhare, niahye Jesu.

⁴⁴ Sa ni tuhasa tiquireore pio peoricorore majare ihña, Jesu Simore yahu nemoahye:

—Ahricorore ihñaña mũhũ. Mũhũ ya wuhupũ yũhũ sajà wihiri bato yũhũ dahpocãrine coseati acore yũhare ohorerari mũhũ. Ahricoro pehe ticoro yahco co mehna yũhũ dahpocãrine weo, ticoro poari mehna wũori yũhare.

⁴⁵ Mũhũ pehe yũhare piti ca ihmiedari. Ahricoro pehe ohõpũ yũhũ dujiro puno yũhũ dahpocãrine ihmidi. ⁴⁶ Mũhũ pehe yũhũ dapure uñse mehna pio peorerari. Ticoro pehe yũhũ dahpocãrine ehme sitiye mehna pio peori. ⁴⁷ Sa nigũ mũhũreta yahugũta niaja. Ahricoro ticoro ñaÑe yeye pe yũhdũaye ijire. Sa ijieperota ticoro tutuaro

cahĩne yũhũre. Sa yegu ticoro ñañene bou. Sa yeye tiquina ñañene mehenogã yũhũ bonohriquina mehenogã cahĩne yũhũre, niahye Jesu Simore.

⁴⁸ Sa ni tuhasa tiquiro ticorore yahuahye:

—Yojopũ pũritare mũhũ ñañe yeyere bou, niahye Jesu.

⁴⁹ Tiquiro sa nigũ tũhoye Jesu mehna dujiyequina tiquina basi ohõ saha ni yahuducuahye:

—Ahriquiro potota ñañe yeyere boriquiro ijire. ¿Dũhse ijiriquiro boro ijiajari ahriquiro ñañene boriquiro? niahye tiquina basi.

⁵⁰ Sa yero Jesu numinore ohõ saha ni yahuahye:

—Yũhũre mũhũ wacũ tutuagũ mũhũre pecapũ waha-borigore yũhdũoaja. Cuero marieno mũhũ ya wũhũpũ tojoaa wahaya, niahye Jesu ticorore.

8

Numia Jesure yedohoahye

¹ Came bujũye macaripũ, daye macarigãpũ gũhũre esa, Cohãcjũ tiquiro pũhtoro ijiyere quehnoañe buheyere yahuahye Jesu. Doce tiquiro buheyequina pehe tiquiro mehna ijiahye. ² Sa ye numia gũhũ watĩa cũomediquina numia, dohatimediquina numia Jesu quehnoa wahagũ tiquiro yeriquina numia tiquiro mehna tiniahye. “María”, tiquina nidicorore “Magdalena”, ni pisue tiahye ticorore. Ticorore siete watĩare Jesu cohãhye to pano.

Sa yero ticoro gũhũ Jesu mehna tiniahye. ³ Chuza wame tiriquiro Herodere yedohomediquiro namono Juana gũhũ Jesu mehna tiniahye. Susana wame tiri-coro gũhũ apequina numia mehna peyequina tiquina cũoye mehna Jesu gũhũre yedohoahye.

Jesu oteriquiro quitire yahuahye

(Mt 13.1-9; Mr 4.1-9)

⁴ Sa ye peye macari cjẽna Jesu cahapũ cahmecoahye. Tiquina sa cahmecoari bato Jesu tiquiro tũhotuye mehna queoye mehna tiquinare yahuahye buhero taro:

⁵ —Oteriquiro otero wahahye. Tiquiro sa otegũ ap-eye pjeri maha dũhtũ cahapũ bora quehe sahye. Sa yeye ti pjerire masa cahta diho cũahye. Sa ye minicjũa pari pehe ti pjerire ihyahye. ⁶ Sa ye apeye pjeri utã paca watoa bora quehe sahye. Topũ yehpãpũ aco mariedahye. Sa ye ti pjeri pihni wahcãdũca ñaia wahahye. ⁷ Apeye pjeri taa watoa bora quehe sahye. Taa pehe ti oteye mehna pihniahye. Taa pehe dia yũhdũa waha, oteyere wejẽahye. ⁸ Apeye pjeri quehnoari yehpãpũ bora quehe sahye. Quehnoano pihni, dũca tiahye. Sa ye peye dũca tiahye, niahye Jesu.

Sa ni tuhasa ohõ saha tutu-aro ni nemoahye:

—Ahrire quehnoano tũhoya mũsa, niahye tiquiro.

Jesu queoye mehna tiquiro buherire yahuahye

(Mt 13.10-17; Mr 4.10-12)

⁹ Came tiquiro buheye-quina ti queoyere masi duaye, Jesure sinituahye:

—¿Ahri queoye mehna dũhse ni yahugũ niajari mũhũ? ni, sinituahye tiquina.

¹⁰ Tiquina sa nigũ Jesu yũhtiahye:

—Cohãcjũ masa pũhtoro tiquiro ijiyere panopũ apeqũna tiquina masiedarire mũsare masigũ yerota Cohãcjũ. Apeqũna pehere sa yerare tiquiro. Tiquinare queoye mehnata buheitja. Yũhũ sa yegũ tiquina yũhũ buheyere tũhoepeta masisi, niahye Jesu tiquiro buheye-quinare.

Jesu oteriquiro quitire yahu pehoahye

(Mt 13.18-23; Mr 4.13-20)

¹¹ Sa ni tuhasa tiquinare yahu nemoahye:

—Ohõ saha ni yahure ahri quiti: Oteye pjeri quehnoañe buheye yero saha ijire. ¹² Sa ye maha dũhtũ cahapũ borari pjeri pehe quehnoañe buheye yero saha ijire. Sa yero masa quehnoañe buheyere tiquina tũhogũ ihñano watĩno pehe ahta, ti buheyere masi dutierare masare. Minicjũa ti pjerire tiquina dote nediro saha yere. Tiquiro sa yeragũ tiquina Cohãcjũre wacũ tutuaboa. Tiquina sa wacũ tutuagũ ihñano Cohãcjũ pehe tiquinare pecapũ wãhaboriquinare yũhdũoboa.

¹³ Utã pjeri watoa borari pjeri

quehnoañe buheye yero saha ijire. Sa ye masa quehnoañe buheyere tũho, bucueye mehna tire tũho nene. Sa tũho nepeta utã watoa ijiye cjũ nũhcori marieñe cjũ yero saha ahriquina masa gũhũ tutuerare. Sa tutueraye yeequina tiquina ijiri buhiri apeqũna tiquinare ñano yegũ ihñañe yee pehere duhu cãhre.

¹⁴ Sa ye taa watoa borari pjeri quehnoañe buheye yero saha ijire. Sa ye masa quehnoañe buheyere tũhoepeta, ahri yehpa cjẽne pajiro bũjũa witi tũhotu, niñeru pehere cahĩ, ahri yehpa cjẽne bucuere tiquina. Sa yeye ti pehe quehnoañe buheyere cahmo-tagũ, masa pehe quehnoañe pehere yerare.

¹⁵ Sa ye quehnoari yehpapũ borari pjeri quehnoañe buheye yero saha ijire. Sa yeye masa quehnoañe buheyere tũhoye, quehnoano mehna ti buheyere yũhdũdũcaerare. Sa ye yucũgũ dũca tiro saha quehnoañe buheyere tũhoyequina pehe Cohãcjũ tiquiro cahmeno saha quehnoañene yere, niahye Jesu.

Jesu sihãria quitire buheahye

(Mr 4.21-25)

¹⁶ Sa ni tuhasa apeye queoye mehna buheahye tiquiro:

—Ne sihãriare dihi sutu docapũ cũedare masa. Sa ye tiare cumuno docapũ cũedare. Uhmũanopũ tiare duhu pe-ore wũhũpũ sajã tayequina

tiquina quehnoano ihña sajà tato saha. ¹⁷ Ijipihtiye tiquina masiedarire came masa masieta. Sihãria buhriogũ mari ihña masino saha panopũ tiquina masiedarire masieta masa.

¹⁸ Sa yena m̄sa tũhona quehnoano tũho n̄nũña. Quehnoano tũho n̄nũriquiuro, quehnoano masinota. Tũho n̄nũediquiro “Mehenogã tũhoaja”, tiquiuro niepegũta ti pehere boaa waharota, niahye Jesu.

Jesu acaye tiquiore piji-ahye

(Mt 12.46-50; Mr 3.31-35)

¹⁹ Came Jesu bahana tiquina pacoro mehna tiquiuro cahapũ wahaye nimahye. Masa peyequina ijigũ tiquiuro cahapũ eserahye. ²⁰ Sa yero ihcãquiuro Jesure yahuahye:

—Mũhũ paco mũhũ bahana mehna sopecahapũ ducuri. Mũhũre ihñañe taye niñohti, niahye tiquiuro Jesure.

²¹ Tiquiuro sa nigũ Jesu ohõ saha ni yahuahye ijipihtiyequinare:

—Cohãcjũ buheyere tũhoyequina, tire yũhdũdũcaeyequina ohou, dũhse ijiriquiro tiquinata yũhũ paco yũhũ bahana yero saha ijire, niahye Jesu tiquinare.

Jesu wihnonore yũsũ duti-ahye

(Mt 8.23-27; Mr 4.35-41)

²² Ape deco Jesu tiquiuro buheyequina mehna yucũsapũ sajàhye.

—Isa, pehãhna, ni, tiquina ijipihtiyequina tia

mehna ditarapũ pehãa wahahye.

²³ Sa pehãno carĩa wahahye Jesu. Tiquina sa pehãducuropũ tutuaro wihnono wẽahye. Wihnono wẽgũ bujũye pahcõri wahcã, tiquinare mio cãmahye. Sa waharo miono cua yũhdũahye tiquinare. ²⁴ Sa wahagũ ihñañe, acũaa waha, Jesu cahapũ waha, tiquiore wahcõahye.

—Buhegũ, mari yariana tana niajũ, niahye tiquina.

Tiquina sa nigũ Jesu pehe wahcã, wihnonore,

—To punota wẽ duhuya, niahye.

Sa nino pahcõri gũhũre,

—Yũsũa wahaya, niahye.

Tiquiro sa nigũta wihnono yũhdũa wahahye. Sa ye pahcõri gũhũ yũsũ dijiaa wahahye. ²⁵ Sa wahari bato Jesu tiquinare ohõ saha niahye:

—¿Mũsa yũhũre wacũ tutuerajari? niahye tiquiuro.

Tiquiro sa nigũ tiquina pehe cue, acũaa waha, tiquina basi ohõ saha ni yahuducuahye:

—Watĩa cũoriquiore yũhdũoahye Jesu (Mt 8.28-34; Mr 5.1-20)

²⁶ Sa ye tiquina ape sie pahrẽpũ Gerasa cjẽna ya yehrapũ pehã sahye. Ti

yehpa Galilea yehpa potō
ijiahye. ²⁷ Topu Jesu tiquiro
maja saducagū waro to cĵano
watia cūoriquiro tiquiro
cahapu ahtahye. Tiquiro
yoari pje suhti marieniquiro
ijiro, tiquiro ya wuhapure
ne ijierahye. Sa yero masa
coperi utāpu tiquina seheri
coperi cahapu ijie tiahye
tiquiro. ²⁸⁻²⁹ Sa ye peye tahari
watia tiquirore ñeheahye.
Sa yero tiquiro peresupu
ijigū tiquiro omocarine, dah-
pocārine come dari mehna
dahteriquiro ijieperota, ti
darire tūā sure mājahye.
Sa ye watia pehe tiquirore
masa marienopu ne cā mājāe
tiahye. Sa yero tiquiro Jesure
ihñadoqueo, tutuaro sañuducu,
Jesu cahapu dusepe curi
mehna quehe sahye. Tiquiro
sa yegū ihñano Jesu pehe
tiquirore dutiahye:

—Ahriquiro mehna ijier-
acāhña. Wahaya watia, ni-
ahye.

Tiquiro sa nigū tūhoro
watia cūoriquiro tutuaro
sañuducu, sinituahye Jesure:

—¿Jesu, ahmuse cĵū Cohācĵū
macu yabere yei tūū niajari
māhu yahure? Yahure ñano
yeracāhña, niahye watia
cūoriquiro.

³⁰ Tiquiro sa nigū Jesu pehe
sinituahye tiquirore:

—¿Dahse wame tĵajari
māhu? niahye.

Peyequina watia tiquiro
mehna ijiahye. Sa yero
ohō saha niahye tiquinare
cūoriquiro.

—Watia peyequina wame
tĵaja usā, ni, yahťiahye watia
cūoriquiro.

³¹ —Uhcūāri coperu usāre
waha dutieracāhña, ni, tutu-
aro siniahye watia pehe.

³² Ti pjere topu cūnu dahpo-
topu yesea peyequina ihyaye
niahye. Tiquina topu ihyagū
ihñañe watia ohō saha ni sini-
ahye Jesure:

—Sisequina yesea cahapu
waha dutiya usāre. Tiquina
mehna iji dutiya usāre, ni,
siniahye watia.

Tiquina sa nigū tūhoro
Jesu tiquinare yesea cahapu
waha dutiahye. ³³ Tiquiro sa
waha dutiri bato watia pehe
masano mehna ijimediquina
waha, yesea cahapu esahye.
Tiquina cahapu tiquina
esari bato yesea pehe pari
cĵāpu oma maa buhaa waha,
ditarapu bora ñjoa mini
yaria pihtia wahahye.

³⁴ Yeseare cohteyequina
yesea tiquina sa minigū
ihñañe, cue, oma cāa
wahahye. Sa oma cā
macapu esa, ti maca cĵēnare,
ihquē wuhuse ijiro cĵēna
gūhure tiquina ihñarire yahu
siteahye. ³⁵ Tiquina sa yahu
siteri bato masa ihñañe wa-
hahye. Sa ye Jesu cahapu esa,
watia cūomediquirore suhti
sañariquiro tūho masiniquiro
tiquiro dujigū ihñahye
tiquina. Tiquina ijipihtiyere
ihñañe, tiquina cue ni-
ahye. ³⁶ Watia cūomediquiro
tiquiro quehnoa waharire
ihñañequina apequinare
tiquina ihñarire yahuahye.
³⁷ Ti pjeta Gerasa yehpa cĵēna

peyequina Jesure tutuaro cueye, tiquirote waha dutiahye. Tiquina sa waha dutigū Jesu yuc̄sap̄ sajā, waharo taro niahye. ³⁸ Waf̄ia c̄uomediquiro Jesu wahato pano tutuaro sinimahye tiquirote:

—M̄h̄h̄ mehna waha duaja, ni sinimahye.

³⁹ Tiquiro sa nigāta Jesu tiquirote ȳhtiahye:

—M̄h̄h̄ ya macap̄ wahaaya. Sa wahaḡu Cohācj̄ū m̄h̄h̄re tiquiro yerire yahuya apequinare, niahye Jesu.

Tiquiro sa nidi bato waha, tiquiro ya macap̄ esaro, mas̄no pehe Jesu tiquirote yerire ijipihtiequina tiquiro ya maca cj̄enare yahuahye.

Jairo maconore ȳhd̄oro, dii m̄na wihoro dohatiducuricoro ḡh̄h̄re ȳhd̄oahye Jesu

(Mt 9.18-26; Mr 5.21-43)

⁴⁰ Ape sie pahr̄p̄ Jesu parituri tiquiro pehā sagū ihñāñe masa peyequina tiquirote cohte, bucueye mehna piti cahye tiquirote. ⁴¹⁻⁴² Top̄u judio masa buheri w̄h̄h̄ cohteriquiro Jairo wame tiriquire Jesu cahap̄ esa, tiquiro dahpocāri cahap̄ d̄usepe curi mehna quehe sahye tiquirote ño peoro. Tiquiro macono yariaro niahye. Ticoro ihcācorota ijiricoro doce c̄hm̄ari c̄horicoro ijiahye. Sa yero tiquiro ya w̄h̄h̄p̄ Jesure piji cāhye. “Ā”, ni, tiquiro mehna wahahye Jesu ḡh̄h̄.

Mahap̄u tiquina sa wahagū pe ȳhd̄uayequina masa ijiye, wahpa ȳhd̄uahye. ⁴³ Sa yero apecoro numino doce c̄hm̄ari waro dii m̄na dohatiducuricoro top̄u ijiahye. To pano duturuare ijipihtie tioro ye niñeru mehna wapa yemahye tioro aco ye dutiro. Tiquina sa aco yepegāta m̄nanota ijiducu cāhye tioro. ⁴⁴ Sa yero tioro Jesu behero pehep̄ ahta, tiquiro suhtiro sohtoare tioro ñehe tuhugāta tioro dohatiye pihtia wahahye. ⁴⁵ Ticoro sa ñehe tuhugū t̄hoturo Jesu sinituahye.

—¿Noa ȳh̄h̄ suhtirore ñehe tuhuajari? niahye tiquiro.

Ijipihtiequina “Ñehe tuhuer̄”, niahye. Sa ye Pedro ḡh̄h̄ ohō saha niahye:

—Buheḡu, bihsar̄ne. Sa yeye masa peyequina m̄h̄h̄re ñehe tuhure. ¿D̄h̄seḡu sa ni sinituajari m̄h̄h̄? niahye tiquina Jesure.

⁴⁶ Tiquina sa nigū Jesu ȳhtiahye:

—Mianogāta ȳh̄h̄ ȳhd̄ugū yei ihcācorore. Sa yeḡu ȳh̄h̄re tioro ñehe tuhugū masiaja, niahye tiquiro.

⁴⁷ Tiquiro sa nigū t̄horo tioro duhti masiedaro, nanarericoro Jesu cahap̄ d̄usepe curi mehna quehe sahye tiquirote ño peoro. Sa ye ijipihtiequina masa tiquina t̄horop̄u tioro dohatiyere, Jesure tioro ñehe tuhurire, tioro quehnoa waharire yahuahye tioro. ⁴⁸ Ticoro yahu tuhasagū Jesu tiorore yahuahye:

—Maco, yuhure mahū wacū tutuaye mehna quehnoago tojoare yojopare. Bucueye mehna wahaya, niahye ticorore.

⁴⁹ Tiquiro sa nini watoa Jairo ya wuhupū ijiriquiro yahuro wihiahye:

—Muhū macogā yariaa wahari. Sa yegū buheriquirore piji cāhtaeracāhña, niahye tiquiro.

⁵⁰ Tiquiro sa nigū tūhoro, Jairore ohō saha ni yuahaye Jesu:

—Bujūa witi tūhotueracāhña. Yuhure wacū tutuaya. Ti dihitare yeya. Muhū sa yegū ticorogā masaa waharota, niahye Jesu.

⁵¹ Sa ni tuhasa tiquiro ya wuhupū esa, Pedro, Ōu, Santiago, dohatiricoro pacusumua topequinata ne sajahye. Apequina pehere Jesu sa jā dutierahye. ⁵² Topū ijipihtiequina masa tiquina űehe quea utiri watoa sa jā sahye Jesu.

—Utieracāhña. Ticorogā yarierare. Carīno nine, niahye tiquiro.

⁵³ Tiquiro sa nigū tūhoye tiquina pehe ticoro yariaricoro ijigū masiñe, Jesure bujahye. “Sa ni maca cāno nine”, ni bujahye. ⁵⁴ Sa yero Jesu ticorogā omocare űehe, pisuahye:

—Mehenicorogā wahcāñña, niahye.

⁵⁵ Tiquiro sa nigūta yariaricoro masaa waha, wahcādūca sahye ticorogā. Ticoro wahcādūcari bato

Jesu ticorore ihyayere oho dutiahye. ⁵⁶ Ticoro sa masagū ihñañe ticoro pacusumua ihña maria wahahye. Sa yero Jesu tire apequinare yahu dutierahye.

9

Jesu doce tiquiro buheyequinare buhe dutiro ohoahye (Mt 10.5-15; Mr 6.7-13)

¹ Sa ye Jesu docere tiquiro buheyequinare pijio, tiquiro tutuayere ohoahye tiquinare. Watīare tiquina cohātire, dohatiyequinare yūhdugū yeati gūhure tiquiro tutuayere ohoahye tiquinare. ² Sa ye tuhasa tiquinare Cohācjū tiquiro pūhoro ijiyere buhe dutiro, dohatiyequinare yūhdūo dutiro ohoahye tiquinare. ³ Ohō saha ni dutiahye Jesu tiquinare:

—Mūsa wahana apee borore nedacāhña. Tua dūre, ajurore, ihyayere, niñerure nedacāhña. Mūsa sañano dihitare saña cāhña. Apeye suhtire nedacāhña. ⁴ Ijipihtie macaripū mūsare tiquina carīno ohogū ti wuhupūta ijiniña. Coā wahanapū wijiaya ti wuhure. ⁵ Apeye macari cjēna mūsare tiquina cahmedagū ihñana ti macarine yūhdū cāa wahaya. Sa wahana mūsa dahpocāri cjē dihta esa wahārire wejē site cūñña mūsa tiquinare tiquina ye buhirire masigū yena, niahye Jesu.

⁶ Tiquiro sa nidi bato tiquiro buheyequina pehe waha, ijipihtie macaripū

quehnoañe buheyere yahu tiniahye. Sa ye dohatiyequinare yuhduoe tiahye.

Jesu tiquiro yerire Herode tahoahye

(Mt 14.1-12; Mr 6.14-29)

7 Sa ye Herode Galilea yehpa cjēna puhtoro Jesu yerire tahoahye. “¿Noa boro ijiajari tiquiro Jesu?” nieperota ne masiedahye. Ihquēquina ohō saha nimahye Jesure. “Ñu wame yeriquiro mnanano masa mujahye. Sa yero ‘Jesu’, tiquina nidiquiro tiquirota ijire”, nimahye ihquēquina. Tiquina sa nigū tūhoro Herode Jesure duhse ni masiedahye. 8 Sa ye apequina “Tiquiro Elia mnanano yojopu bajuaro nine”, nimahye. Apequina pehe “Cohācjū yere yahu mūhtariquina panopu cjēna mehna cjūno yojopu masa bajuaro nine”, nimahye Jesure. 9 Tiquina sa ni yahuducuepegūta ohō saha ni tūhotuahye Herode: “Ñu dature dute sure duti tuhasau yahu. ¿Yojopure ijiriquiro masa tiquina yahuriquiro noa boro ijiboagari tiquiro pehe?” ni, tūhoturo tiquiro Jesure ihña duamahye.

Jesu cinco mil masare ihyayere ohoahye

(Mt 14.13-21; Mr 6.30-44; Jn 6.1-14)

10 Sa ye Jesu tiquiro ohoriquina tiquiro cahapu tojoa sa, tiquina yerire yahuahye Jesure. Tiquina yahu tuhasagū Jesu tiquina

dihitare Betsaida wame tiri macapu siho wahahye. 11 Tiquina waharire masiñe, masa peyequina tiquinare nūnu tā cāa wahahye. Jesure tiquina umu sagū ihñano piti cahye Jesu tiquinare. Sa yero tiquiro Cohācjū puhtoro ijiyere tiquinare yahu, dohatiyequinare yuhdugū yeahye.

12 Namicahapu doce tiquiro buheyequina tiquiro cahapu esa, Jesure yahuahye:

—Ohō masa marienopu ijire. Ohō majano cjē wuhūsepu ahriquina masare ohoya. Cariato, tiquina ihyati gūhare maca dutiya tiquinare, niahye tiquina Jesure.

13-14 Tiquina sa nigū Jesu yuhtiahye tiquinare:

—Sa niedacāhña. Ihyayere ohoya tiquinare, niahye.

Tiquiro sa nigū tūhoye tiquina yuhtiahye:

—Ihcā omope paca pā paca, puaro wahi to punota cuoaja mari. ¿Ahriquina peyequina masa tiquina ihyatire dūboagari usā? niahye tiquiro buheyequina.

Peyequina masa tiquina ijigū ihñañe sa niahye tiquiro buheyequina. Topure cinco mil umua ijiahye. Sa yero Jesu yahuahye tiquiro buheyequinare:

—Cincuenta masare ihcā curua duji dutiya. Apeye cururi gūhare topequinata duji dutiya, niahye Jesu tiquiro buheyequinare.

15 Tiquiro sa nigū buheyequina tiquiro dutiro sahata

ye, ijipihtiyequina masare duji dutiahye. ¹⁶ Duji duti tuhasa Jesu ihcã omope paca pã pacare p̄aro wahire ne, uhm̄anop̄u ihña m̄oahye. Sa ihña m̄ono Cohãcjũre “Quehnoare”, niahye. Tiquiro sa nidi bato pã pacare nuha, tiquiro buheyequinare masare iti dutiro ohoahye. ¹⁷ Sa ye tiquina ijipihtiyequina masa ihya, yapi yuhd̄ua wahahye. Tiquina yapi wehorire doce p̄uh̄use ne cahmecoah wapo dapoahye tiquiro buheyequina.

Jesu potota Cristo tiquiro ijiyere Cohãcjũ ohoriquiro tiquiro ijiyere yahuahye Pedro (Mt 16.13-19; Mr 8.27-29)

¹⁸ Ihcã deco Jesu ihcãquirola ijiro, Cohãcjũre sinino niahye. Tiquiro sinini watoa tiquiro buheyequina tiquiro cahap̄u esahye. Sa yero Jesu sinituahye tiquinare:

—¿Noa boro ijiagari yuh̄u, masa yuh̄ure tiquina t̄ahotugũ? ni sinituahye.

Tiquiro sa sinitugũ t̄ahoye tiquiro buheyequina yuhtiahye:

¹⁹ —“Ñu wame yeriquiro ijire”, nine m̄uh̄ure. Apequina “Elia ijire”, nine. Apequina “Cohãcjũ yere yahu m̄uhtariquina mehna cjũno panop̄u cjũno masa bajuaro nine yojop̄are”, nine, ni yuhtiahye tiquiro buheyequina pehe tiquirore.

²⁰ Tiquina sa nidi bato Jesu tiquinare sinituahye tja:

—¿Musa pehe musa t̄ahotugũ, noa boro ijiagari yuh̄u? ni, sinituahye tja.

—Muh̄u Cristo Cohãcjũ ohorigu ijire, ni yuhtiahye Pedro.

Jesu tiquiro yaria masa wijiagatjare yahuahye

(Mt 16.20-28; Mr 8.30-9.1)

²¹ Sa ye Pedro “Cristo ijire m̄uh̄u”, tiquiro nidire apequinare Jesu yahu site dutierahye tiquiro buheyequinare. ²² Sa ni yahu site dutiera tuhasa ohõ saha ni nemoahye:

—Yuh̄u masu Cohãcjũ ohorigu tutuaro ñano yuhd̄uta. Sata yuhd̄uro cahmene yuh̄ure. Sa ye mari judio masare buheyequina, buc̄una, pahia p̄ahtoa mehna yuh̄ure cahmeda, yuh̄ure wejẽeta. Tiquina wejẽdi bato ihtia deco wahaboro masa wijiagatjare, niahye Jesu tiquinare.

²³ Came ijipihtiyequinare ohõ saha ni yahuahye Jesu:

—Ihcãquirola yaquirola iji duaro, tiquiro cahmeno ye duamedire duhu cãnota. Sa yero yaquirola tiquiro ijiri buhiri ñano yuhd̄uaperota yuh̄ure duhusi. Sa yero yeere yeducuriquirola ijirota.

²⁴ Masuno yuh̄ure wacũno marieno tiquiro esa tuharo tiquiro cahmeno saha yero, pecap̄u waharota. Sa yero yeere sa yeducuriquirola ijipihtiye decori yuh̄u mehna uhm̄usep̄u ijiducurota. ²⁵ ¿Ihcãquirola masuno ahri yehpa cjẽne ijipihtiye c̄oriquiro Cohãcjũre

cahmedaro pecapu waharo, yabere wapatajari tiquiro? Sa ijiriquiro ne wapataerare. ²⁶ Ihquēquina yuhure, yuhu buheye gūhure bue tisāboaga. Tiquina sa yegū ihñagu yuhu gūhu yuhure sa yeyequinare bue tisāgutja. Yuhu masu Cohācjū ohorigu quehnoañequina angele mehna usā asi siteropu, yuhu Pacu tiquiro asi siteropu tojoa tagu tiquinare bue tisāguta. ²⁷ Poto niita niaja mūsare. Yojopure ihquēquina mūsa ohōpūre ijiyequina mūsa yariato pano Cohācjū ijipihtiyequina bui puhtoro tiquiro iji ducagū ihñanata mūsa, niahye Jesu tiquinare.

Jesu tiquiro pagure came-sahye

(Mt 17.1-8; Mr 9.2-8)

²⁸ Sa ye ocho decori tire tiquiro yahuri bato Jesu Pedrore, Ñure, Santiagore tiquina dihitare pijiahye. Sa ye waha, Cohācjūre siniñe waha, cunapu mūjaa wahahye tiquina. ²⁹ Cohācjūre tiquiro sinini watoa Jesu ya wuhdoa comesahye. Sa yero tiquiro suhtiro asi siteri suhtiro quehnoano yehseri suhtiro wahahye. ³⁰ Tiquiro sa wahari watoa puaro umua tiquiro mehna yahuducuye niahye. Yahuducuyequina pehe Elia mūnano, Moise mūnano gūhu ijiahye. ³¹ Tiquina uhmuse cjē asi siteye mehna bajuahye. Jesu camegāta Jerusalēpu tiquiro yariatire tiquina Jesu mehna yahuducuye niahye.

³² Pedro gūhure wūjua purī yuhduahye. Sa carīepeta acua, wahcā wihi, Jesu tiquiro asi siteyere ihñañe, puaro tiquiro mehna ducuyequina gūhure ihñahye. ³³ Moise mūnano gūhu tiquina wahato panogā Pedro Jesure ohō saha nimahye:

—Puhto, mari ohōre ijigū quehnoa duare. Ihtia wuhugā yenatja. Mūhu ya wuhugā, Moise ya wuhugā, Elia ya wuhugā yenatja, nimahye Pedro.

Sa nieperota tiquiro nidire ne masiedahye. ³⁴ Tiquiro sa ni yahuducuri watoa tiquinare ehmeo curua cahmotahye. Sa cahmotagū ihñañe tiquina cuea wahahye. ³⁵ Sa yero ehmeo puhiapu yahuducuye bisiro ca tahye:

—Ahriquirō yuhu macu, yuhu beseriquiro ijire. Quehnoano tuhoya tiquirore, nino ca tahye ehmeo curua puhiapure.

³⁶ Tiquiro sa nidi bato Jesu dihitare ihñahye tiquina. Came tiquina ihñarire apequinare yahuerahye. Ne ihcāquiore yahuerahye.

Jesu watīno cūoriquirogāre yuhduoahye

(Mt 17.14-21; Mr 9.14-29)

³⁷ Ape deco tiquina cunapu tiquina dijia tagū peyequina masa Jesure piti cahye. ³⁸ Sa yero tiquina mehna cjāno Jesure pisuahye:

—Buhegu, mūhure tu-tuaro ahrire sini duaja yuhu. Yuhu macu ihcāquiota

ijire. Sa yegũ tiquirore ihña basaya mũhũ. ³⁹ Watĩno tiquirore ñehe, sañuducu tunu nanaregũ ye, sahpo tua wahagũ yee tire. Sa yero watĩno yũhũ macũre ñano yũhdũgũ ye, ne duhu duerare. ⁴⁰ Mũhũ buheyequinare watĩnore cohã dutigũ tutuaro sinimi. Yũhũ sa siniepegũta tiquina tiquirore cohã masiedari, niahye tiquiro Jesure.

⁴¹ Tiquiro sa nigũ Jesu pehe ohõ saha niahye tiquiro buheyequinare:

—Yojopũ cjẽna mũsa ñana ijire. ¿Yũhũre ne wacũ tutuerabutiajari? Yoabutiari pje mũsare buhemi yũhũ. ¿Noho puno yoari pje yũhũre mũsa cariboboagari? ni tuhtiahye Jesu.

Sa ni tuhasa watĩa cãoriquiro pacũrore ohõ saha niahye:

—Mũhũ macũre ne cãhtaya, niahye.

⁴² Tiquiro sa nidi bato tiquiro macũno Jesu cahapũ tiquiro ahtari watoa watĩno pehe tiquirore yehrapũ doque quehe sa, tunu nanaregũ yeahye. Tiquiro sa yegũ Jesu watĩnore waha dutiahye. Tiquiro sa dutigũ watĩnore cãoriquirogã yũhdũa wahahye. Sa yero Jesu pehe tiquirogãre wiahye tiquiro pacũrore.

⁴³ Ijipihtiyequina masa Cohãcjũ tutuaye mehna tiquiro quehnoa wahagũ ihñañe, ihña maria wahahye.

Pari turi Jesu tiquiro yaria masa wijiatire yahuahye

(Mt 17.22-23; Mr 9.30-32)

Masa Jesu tiquiro yerire tiquina ihña, ihña maria wahagũ Jesu pehe tiquiro buheyequinare ohõ saha ni yahuahye:

⁴⁴ —Mianogãta yũhũ yahuatire boeracãhña mũsa. Yũhũre Cohãcjũ tiquiro ohorigũre apequiro yũhũre ñehe dutiro ohorota masare, niahye Jesu.

⁴⁵ Tiquiro sa niepegũta tiquina pehe tiquiro yahuyere quehnoano tãhoerahye. Tiquiro yahurire tiquinare masino basioerahye. Ti pjeta Cohãcjũ tiquinare tire tãho dutiero niahye. Sa ye tiquina cueye, tire tiquirore sinituerahye.

Jesu buheyequina tiquina mehna cjãnore pũhto sõ duamahye

(Mt 18.1-5; Mr 9.33-37)

⁴⁶ Came Jesu buheyequina cahme sehña soye niahye:

—¿Mari mehna cjãno diquiro pehe pũhtoro sajãnotari? niñe niahye tiquina basi.

⁴⁷ Tiquina sa nigũ Jesu pehe tiquina tãhotuyere masino, nijinogãre tiquiro cahapũ ducu duti, tiquiro buheyequinare yahuahye:

⁴⁸ —Yeere yena tana ahriquirogãre cahmena, yũhũ gũhũre cahmene mũsa. Sa yena yũhũre cahmena, yũhũre ohoriquiro gũhũre cahmene mũsa. Mũsa mehna cjãno mũsa cahacjãno ijiro

tiquiro gũhu pũhoro ijirota, niahye Jesu.

Marine ihña tuhtiriquiro ijieraro, mari mehna cjãno ijire

(Mr 9.38-40)

49 Came Ñu Jesure ohõ saha ni yahuahye:

—Buhegu, mũhu wame mehna watĩare cohãriquirõre usã ihña. Mari mehna cjãno tiquiro ijieragũ ihñana tire tiquirõre ye dutierũ usã, niahye Ñu Jesure.

50 Tiquiro sa nigũ Jesu Ñure apequina buheyequina gũhure ohõ saha ni yahuahye:

—Sa niedacãhña musa tiquirõre. Marine ihña tuhtiriquiro ijieraro, tiquiro mari mehna cjãno ijire, niahye Jesu tiquiro buheyequinare.

Jesu Santiagore, Ñu gũhure tuhtiahye

51 Ti pjere Jesu uhmũsepu tiquiro wahato panogã, “Jerusalẽpu wahautja”, niahye tiquiro. Sa nino topũ waharo niahye. 52 Sa ye Jesu tiquiro pano ohoriquina waha, Samaria yehpa cã macapũ esa, topũ Jesu tiquiro ijiatire quehno duamahye.

53 Jesu Jerusalẽpu waharo taro niahye. Topũ wahatiquiro tiquiro ijigũ tũhoye, to cjẽna tiquirõre cahmedahye.

54 Tire tũhoye Santiago, Ñu mehna yahuahye Jesure:

—Pũhto, mũhu cahmegũ uhmũse cã peca mehna

tiquinare wejẽ dutinata, nimahye tiquina tiquirõre.

55 Tiquina sa nigũ Jesu majare ihña, tuhtiahye tiquina puarõre.

56 Sa tuhti tuhasa, ape macapũ Jesu gũhu wahaa wahahye.

Apequina Jesu mehna wahamahye

(Mt 8.19-22)

57 Ti mahapũ tiquina wahagũ, ihcãquiro Jesure yahuahye:

—Mũhu mehna waha duaja noho mũhu waharõpũ, niahye tiquiro.

58 Tiquiro sa ni tuhasagũ Jesu yũhtiahye:

—Ihquẽquina nũcu cjẽna wahiquina tiquina coperi cõore. Minicjũna gũhu tiquina suhti cõore. Yũhu masũ Cohãcjũ ohorigũ pehe yũhu carĩni wũhu cõoeraja, niahye Jesu.

59 Came apequirõre Jesu pijahye:

—Yũhu mehna cjũ ijiajũ ahtaya, niahye.

Tiquiro sa nigũ yũhtiahye Jesure:

—Pũhto, yũhu pacũ tiquiro yariagũ yarĩgutja. Sa ya tuhasagũ pũrita mũhu mehna wahagutja, niahye tiquiro.

60 Tiquiro sa nigũ Jesu yahuahye:

—Yũhure cahmeeñequina yariariquina yero saha ijire. Tiquina pehe yariariquinare yaahro. Sa yegũ mũhu pehe Cohãcjũ tiquiro pũhoro ijiyere quehnoañe buheyere buhegu ahtaya, niahye Jesu tiquirõre.

61 Sa yero apequiro Jesure ohō saha niahye:

—Pahto, m̄h̄h̄ mehna wahautja. M̄h̄h̄ mehna ȳh̄h̄ wahato pano ȳh̄h̄ acayere cohe tini wahautja, niahye tiquiro Jesure.

62 Tiquiro sa nigū Jesu yahuahye tiquirore:

—Dahrariquiro dahra dueraro tiquiro d̄h̄seatiquiro ijierare. Tiquiro yero sahata ijiriquiro ohō saha ijire: “Cohācjū yere ye du-aja”, nieperota tire yerare. Tiquiro Cohācjū yaquiro ijiboriquiro ijierare, niahye Jesu.

10

Jesu setenta y dos buheyequinare buhe dutiro ohoahye

1 Came Jesu apequina buheyequinare setenta y dos buheyequinare bese, macarip̄h̄ tiquiro wahato pano ohoyuahye. Ti macarine p̄ēyequina di-hita ohoyuahye tiquiro.

2 Sa ohoyuro ohō saha ni yahuahye tiquinare queoye mehna buhero:

—Trigo peye ti bucuha tuhasagū peye ijigū dahraye pajiro ijire. Sa ijiepegūta dahrayequina pehe meheñequinagā ijire.

Sata quehnoañe buheyere tuhoatiquina peyequina ijigū pajiro ijire mari dahraye. Sa ijiepegūta meheñequinagā dahrari masa yero sahata quehnoañe buheyere buheatiquina gūh̄h̄ meheñequinagā ijire.

Sa yena quehnoañe buheyere buheatiquinare apequinare

tiquiro ohoatire siniña Cohācjūre m̄h̄sa. 3 Wahaya m̄h̄sa. M̄h̄sare ȳh̄h̄ ohogū m̄h̄sa oveja pohne yayia watoa tiquina ijiro sahata m̄h̄sa gūh̄h̄ ñañequina usuayequina watoa ijinata.

4 Niñeru ajurore, paji cjūri ajuro gūh̄h̄re, dahpo suhtire nedacāhña. M̄h̄sa mahap̄h̄ tinina apequinare boca sa yahuducueracāhña. Poto wahaya. 5 Ijipihtiye m̄h̄sa sajāñe w̄h̄h̄sep̄h̄ sajāna,

“Ahri w̄h̄h̄ cjēna quehnoano ijahro”, ni m̄h̄htaña. 6 Ti w̄h̄h̄ cjēna quehnoano mehna ijiyequina cahmequeno marieñequina tiquina ijigū, tire niña tiquinare. Quehnoano mehna tiquina ijieragū ihñana ti w̄h̄h̄ cjēnare sa niedacāhña. 7 Ihcā w̄h̄h̄p̄h̄ sajā sadacana tiquina quehnoañequina ijigū ti w̄h̄h̄p̄h̄ta tojoaya. Top̄h̄ tiquina duhu peorire ihya, sihniña. Dahrayequinare tiquina wapatayere neno cahmene. Sa yena tiquina wapatayere tiquina neno sahata tiquina duhu peorire neña m̄h̄sa gūh̄h̄. Sa yena ihcā w̄h̄h̄p̄h̄ta m̄h̄sa esari w̄h̄h̄p̄h̄ta ijina, ti maca cjē

ngā w̄h̄h̄sep̄h̄ carī tiniedacāhña.

8 Macap̄h̄re m̄h̄sa esana to cjēna pehe m̄h̄sare tiquina cahmeñequina ijigū ti ihyayere tiquina duhu peorire ihyaya. 9 To cjēna dohatiequinare ȳh̄h̄h̄oya. Sa yena ohō saha niña to cjēnare: “Cohācjū yojop̄h̄re mari p̄h̄toro tiquiro ijiati

8 Macap̄h̄re m̄h̄sa esana to cjēna pehe m̄h̄sare tiquina cahmeñequina ijigū ti ihyayere tiquina duhu peorire ihyaya. 9 To cjēna dohatiequinare ȳh̄h̄h̄oya. Sa yena ohō saha niña to cjēnare: “Cohācjū yojop̄h̄re mari p̄h̄toro tiquiro ijiati

mehenogã dũhsare”, niña tiquinare. ¹⁰ Ape macapũ mũsa esagũ tiquina pehe mũsare cahmedaboaga. Tiquina cahmedagũ ihñana ti maca decopũ waha, ohõ saha niña tiquinare. ¹¹ “Ahri maca cjẽ dihtare dahpocãri cjẽ dihtare wejẽ site cohãna niaja usãre mũsa cahmedari buhiri ihñona. Sa yena ahrire wacũña. Cohãcjũ mari puhtoro yojopũre tiquiuro ijiati mehenogã dũhsare”, niña tiquinare. ¹² Mũsare poto niña niaja. Sodoma cjẽna ña yũhdũayequina ijiyahye. Tiquina sa ijipegũta pihtiatu deco ijigũ Cohãcjũ tiquiuro buhiri dahreati deco ijigũ Sodoma cjẽna yũhdũoro mũsare cahmeeñequina pehere buhiri dahrerota, niahye Jesu.

Apeye macari cjẽna Cohãcjũre yũhdũdcayequina ijire

(Mt 11.20-24)

¹³ Came Jesu ohõ saha niahye macari cjẽnare:

—Corazín cjãna, mũsa ñano yũhdũnata. Betsaida cjãna, mũsa gũhũ ñano yũhdũnata. Mũsa ye macaripũre Cohãcjũ tutuaye mehna ye ihñomi. Tiro wame tiri macare, Sidõ wame tiri maca gũhũre tiquiuro tutuaye mehna yũhũ ye ihñogũ ihñañe panopũ to cjẽna pehe tiquina ñañene bujũna witiaboaga. Sa ye quehnoañene comesaboaga. Duita tiquina masa dija suhtire saña, tiquina basi peca cjẽ nujuare tiquina bui

dahra site peoboaga tiquina ñañene bujũna witiyere ihñañe. ¹⁴ Cohãcjũ tiquiuro buhiri dahreati deco ijigũ Tiro cjẽna, Sidõ cjẽna yũhdũoro mũsa pehere mũsa ñari buhiri mũsare tutuaro buhiri dahrerota tiquiuro. ¹⁵ Capernau cjãna, mũsa esa tuharo uhmũsepũ waha duamene. Mũsa sa waha duepegũta mũsa ñari buhiri mũsare Cohãcjũ pecapũ cohãnota, niahye Jesu.

¹⁶ Sa ni tuhasa Jesu tiquiuro buheyequinare yahuahye:

—Mũsare tuhoyequina yũhũ gũhũre tuhore. Mũsare cahmeeñequina, yũhũ gũhũre cahmedare. Sa yeye yũhũre cahmeeñequina, tiquina yũhũre ohoriquiro gũhũre cahmedare, niahye Jesu tiquinare.

Setenta y dos buheyequina tojoa wihiahye

¹⁷ Came setenta y dos buheyequina bucueye mehna tojoa wihiahye:

—Puhto, mũhũ wame mehna mũhũ tutuaye mehna wafĩare usã dutigũ tiquina pehe usãre yũhdũdũcaerare, niahye tiquina Jesure.

¹⁸ Tiquina sa nigũ Jesu yũhtiahye tiquinare:

—Uhmũsepũ mia site-doque dijioro sahata, wafĩno tiquiuro bora dijia tagũ ihñau. ¹⁹ Quehnoano tuhoya. Mũsare yũhũ tutuayere ohou yũhũ. Sa yegũ añaa parire, cutipa parire, wafĩnore marine ihña tuhtiriquirore mũsa yũhdũdũcatire ohou yũhũ. Sa ye tiquina mũsare ñano ye masiedare. ²⁰ Yũhũ sa

ohoepegūta watīa musare tiquina yūhdūcaeragū ihñana ti dihitare bucuera-cāhña. Ahri pehere bucueya. Ūhmūsepū Cohācjū yequina tiquina wamene tiquiro ojoa ohōri tjpū mūsa wamene tiquiro ojoa ohōgū ihñana, ti pehere bucueya mūsa, niahye Jesu tiquinare.

Jesu bucueahye

(Mt 11.25-27; 13.16-17)

²¹ Ti pjere Espiritu Santo Jesure tutuaro bucuēgū yeahye. Sa yero Jesu ohō saha niahye:

—Mai, mūhū ūhmūsepū gūhūre yehpapū gūhūre pūhto ijire. Masi yūhdūcaeragū mūhū yahuerarire ihyo ijiequina pehere yahuri mūhū. Mūhū sa yegū ihñagu “Quehnoa yūhdūare”, ni-aja. Sata ijire mai. Mūhū ye duariro sahata, mūhū cahmediro sahata tiquinare mūhū yere yahuri mūhū, niahye Jesu.

Sa ni tuhasa apequinare ohō saha niahye:

²² —Yūhū Pacū ijipihtiyere yūhūre ohori. Yūhū Pacū dihita yūhūre masine. Yūhū gūhū tiquirore masiaja. Yūhū beseriquina gūhū tiquirore masine, yūhū masi dutiye-quina ijieye. Topequinata yūhū Pacūre masiaja ūsā, niahye Jesu.

²³ Tiquiro sa nidi bato tiquina sehsaro ijigū Jesu tiquiro buheyequinare ohō saha niahye:

—Ahri ijipihtiyere mūsa ihñana bucuena ijire.

²⁴ Ijirota ijire. Peyequina Cohācjū yere yahu māhtariquina, ihquē yehpari cjēna pūhto gūhū yojopū mūsa ihñarire ihñā duamahye tiquina gūhū. Sa ye mūsa tūhori gūhūre tūho duamahye, niahye Jesu.

Quehnoariquiro Samaria cjūno quitire yahuahye Jesu

²⁵ Ti pjeta judio masare buheriquiro Jesu cahapū wihi, Jesure tiquiro ñano yahuducugū ye duamahye:

—¿Buhegū, yūhū ijipihtiyere decori Cohācjū mehna iji duagu dūhse yeboagari yūhū? ni, sinituahye tiquiro Jesure. Tiquiro sa nigū Jesu yūhtiahye tiquirore:

—¿Dūhse ni yahuajari Cohācjū yere tiquina ojoari pūpū? ¿Cohācjū tiquiro ni ojoarire dūhse ni tūhotuajari mūhū? niahye Jesu tiquirore.

²⁷ Jesu sa nigū tiquiro yūhtiahye:

—Ohō saha niahye Cohācjū: “Tutuaro mūsa jeripohnari mehna, quehnoano mūsa tutuaye mehna, mūsa wacūñe mehna Cohācjūre cahñā. Sa ye mūhū basi mūhū cahñno saha mūhū cahapū ijiequina gūhūre cahñā”, niahye tiquiro Jesure.

²⁸ Tiquiro sa nigū Jesu yūhtiahye:

—Potota nine mūhū. Tire yeya. Sa yegū ijipihtiyere decori Cohācjū mehna ijigūta mūhū, niahye tiquirore.

²⁹ “Ahriquiro Cohācjū dutiyere ye pehoriquiro ijire”, masa tiquirore tiquina ni

ihñagũ cahmeahye judio masare buheriquiro. Sa cahmeno tiquiro Jesure ohõ saha ni sinituahye:

—¿Noa boro ijiboagari yũhũre mũhũ cahĩ duriquiro? niahye tiquiro.

³⁰ Tiquiro sa nigũ Jesu ohõ saha ni queoye mehna piti dahre buheahye:

—Ihcã deco Jerusalẽpu ahtariquiro Jericõpu wahariquirore mahapũ tiquiro tinigũ yaqueyequina tiquirore ñeheahye. Sa ñeheñe, tiquiro suhtirore tu we ne, tiquirore tutuaro quẽahye. Sa tutuaro quẽ, tiquiro yariaro taro yegũ duhuahye tiquina tiquirore. ³¹ Ti pjeta pahi ti mahapũ ahtahye. Sa ahtaro tiquina quẽdiquirore ihñaeperota maha ape sie duhtũ cahapũ yũhdũ cãa wahahye. ³² Sa ye Cohãcjũ wũhũpũ dahrariquiro gũhũ pejecũoriquiro cahapũ esa, tiquirore ihña, maha ape sierũ yũhdũ cãa wahahye.

³³ Sa ye Samaria cjãno pehe topũ waha, yoa cjũnopũ pejecũoriquirore ihña, tiquirore paja ihñahye. ³⁴ Sa yero tiquiro pejecũoriquiro cahapũ esa, uñse, vino mehna moredire tiquiro camine pio peoahye. Pio peo tuhassa suhtiro cahsero mehna duhteahye tiquiro camine. Tuhassa, pejecũoriquirore tiquiro yaquiro burro bui duhu peo, carĩni wũhũpũ ne cãhye tiquirore. Topũ ijiro, Samaria cjãno quehnoano ihña ihboahye tiquirore.

³⁵ Ape deco tiquiro carĩni

wũhũ upũrore pũa cjoe niñeru cjoerire oho, ohõ saha niahye: “Ahriquirore ihña ihboya. Ahri esa tuhaeragũ pari turi tojoa tagũ wapa ye pehoutja”, niahye Samaria cjãno wũhũ upũrore, niahye Jesu.

³⁶ Sa ni tuhassa judio masare buheriquirore sinituahye Jesu:

—¿Ahriquina ihtiaro mũmũa diquiro pehe ijiajari pejecũoriquirore cahĩdiquiro? niahye Jesu.

³⁷ Tiquiro sa nigũ tũhoro buheriquiro pehe Jesure yũhtiahye:

—Pejecũoriquirore yedohoriquiro ijiaga tiquirore cahĩdiquiro, niahye tiquiro Jesure.

—Wahaya. Mũhũ gũhũ masare sata yei wahaya, niahye Jesu buheriquirore.

Marta, María gũhũ cahapũ tinishye Jesu

³⁸ Sa ye Jesu tiquiro buheyequina mehna tiquina wahagũ, ape macapũ tiquina tinigũ, Marta wame tircoro tiquinare ticoro ya wũhũpũ sajã ta dutiahye. ³⁹ Ticoro bahoro María tiquiro dahpocãri cahapũ duji, tiquiro buheyere tũhoahye. ⁴⁰ Ticoro sa yegũ ihñano Marta ticoro dahraye peye ijigũ usuahye. Sa yero ticoro Jesure yahuahye:

—¿Pũhto, yũhũ ihcõta dahragũ yũhũre yũhũ baho ticoro yedohoeragũ mũhũre quehnojari, mũhũ ihñagũ?

Ticorore yuhare yedoho dutiya, niahye Marta Jesure.

⁴¹ Ticoro sa nigū Jesu yuhtiahye:

—Marta, dahraye peye cuogo pajiro tuhature mūhū.

⁴² Cohācjū tiquiro yere tuho dutire. María quehnoañene yero taro, tire cahmene. Sa yegū yuhare ticoro tuhogū “Yedohogo wahaya”, niedaja ticorore, niahye Jesu Martare.

11

Jesu Cohācjūre siniñene buheahye

(Mt 6.9-15; 7.7-11)

¹ Ihcā deco Jesu Cohācjūre sinino niahye. Tiquiro sini tuhasagū, ihcāquiro tiquiro buheyequina mehna cjāno tiquirore ohō saha niahye:

—Puhto, Ñu tiquiro buheyequinare tiquiro buheriro sahata Cohācjūre siniñene usā gūhure buheya mūhū, niahye tiquiro Jesure.

² Tiquiro sa nigū tuhoru Jesu tiquinare yahuahye:

—Ohō saha Cohācjūre siniña:

“Usā Pacū, umuse cjū mūhū quehnoagu sa ijiducure. Yo-

jopure ijipihtiyequina puhto ijiya. ³ Sa yegū decoripe usā

ihyatire ohoducuya usāre. ⁴ Apequina usāre

tiquina ñañe yerire usā boaja. Sa yegū

mūhū gūhū usā ñañe yerire boya. Sa yegū

usā ñañene ye duagū usā tutuaro cahmegū

ihñagu tire usāre ye

dutieguta”, ni siniña Cohācjūre, niahye Jesu tiquinare.

⁵ Came Jesu quiti mehna tiquiro buheyequinare ohō saha ni buheahye:

—Ihcāquiro ñami decopū tiquiro acayuro ya wuhupū waha, tiquirore siniahye: “Yuhū acayū,

ihitaria pā pacare ohoya yuhare. ⁶ Apequiro yuhū

acayuro tinino ahtariquiro mianogāta ya wuhupū wihiri.

Sa yegū tiquirore yuhū nuati mariedare”, niahye tiquiro

acayurore. ⁷ Tiquiro sa nigū tiquiro acayuro wuhū

puhiarū ijiriquiro yuhtiahye: “Yuhare cariboeracāhña.

Sopcaha bihariro ijire. Yuhū, yuhū pohna mehna

carīna niaja. Wahcāno pjeraga yuhare mūhure ihyayere

ohoborigū”, niahye tiquiro acayuro. ⁸ ¿Duhse waharotari

sinidiquirore? Poto niaja mū sare. Tiquiro acayuro

ijieperota, ihyaye ohoboriguero wahcā duerahye.

Tiquiro wahcā duerapegāta ihyaye sinidiquiro pehe bue

tiro marieno tiquiro yoari pje siniducugū ijipihtiye tiquiro

sinidiro sahata ohorota. ⁹ Sa yegū ahrire mū sare ni yahugū

niaja: Cohācjūre siniña. Sa sinina mūsa nenata.

Mūsa sinidire bocanata. Tiquirore sa siniducuya.

Mūsa sa yegū tiquiro ohorota. ¹⁰ Ijipihtiyequina Cohācjūre

siniñequina neeta. Sa ye tiquina sinidire bocaeta.

Sa yero ijipihtiyequina Cohācjūre sa siniducuye-

quinare tiquiro tiquinare ohorota.

¹¹ ¿Musa pohna musare wahire tiquina sinigū añare ohoboagari musa tiquinare?

¹² ¿Musa pohna canaca dhere tiquina sinigū cutipare ohoboagari musa tiquinare? Ne ohosi.

¹³ Musa ñana ijiepenata musa pohmare quehnoañene ohoe tiri musa. Sa yero Cohācjū pehe musa ohori yuhdoro quehnoañene ohore musare. Tiquiro mari Pacu hmusē cjēno Espiritu Santore ohorota tiquirore siniñequinare, niahye Jesu tiquiro buheyequinare.

—Jesu watīno tutuayere chore, ni, yahusāhye masa
(Mt 12.22-30; Mr 3.20-27)

¹⁴ Ti pjere Jesu watīnore cohāno niahye. Watīno pehe yahuducu masiedagū yeahye masunore. Sa yero watīno masunore tiquiro duhuri bato masuno pehe yahuducu dcahye. Tiquiro yahuducugū tūhoye masa peyequina tūho maria wahahye. ¹⁵ Tiquina sa tūho mariepegūta apequina pehe ohō saha niahye:

—Ahriquiro Jesu watīare tiquiro cohāgū Beelzebú wame tiriquiro watīa pūhtoro pehe tiquirore yedohore, niahye apequina.

¹⁶ Apequina “¿Jesu Cohācjū tiquiro ohoriquiro ijiajari?” ni masi duaye tiquirore Cohācjū tutuaye mehna ye ihño dutimahye. ¹⁷ Tiquina

sa dutigū tūhoro “Watīno tutuaye mehna watīare cohāre”, ni, tiquina tūhotuyere masino, tiquinare ohō saha ni yahuahye Jesu, “Watīno ye tutuaye mehna watīare cohāgū niedaja”, nino taro:

—Ihcā yehpa cjēna tiquina basi cahmequeñe, ti yehpa cjēna yaria pihtia wahaboaga. Sa ye ihcā wāhū cjēna tiquina basi cahmequeñe, ti wāhū cjēna waha pihtia wahaboaga. ¹⁸ Sa ye, watīno yequina watīa tiquina basi cahmequeñe, tiquina watīa gūhū waha pihtia wahaboaga. Ihcā curua iji masiedaboaga. Musa yuhare ohō saha nine. “Tiquiro watīno tutuaye mehna watīare cohāre”, musa yuhare nina niaga. ¹⁹ ¿Yuhare musa nidi poto ijigū musa mehna cjēna watīare cohāñe watīno tutuaye mehnata cohājari tiquina gūhū, musa ihñagū? Musa mehna cjēna watīare cohāñe, watīno tutuaye mehna cohāñe niedare. Ahrire masina watīno tiquiro tutuaye mehna watīare yuhū cohāedagū masinata musa. ²⁰ Sa yegu yuhū pehe watīare cohāgū Cohācjū tutuaye mehna cohāja. Ahrire masina, Cohācjū tiquiro pūhtoro iji dcahyere masinata musa.

²¹ Tutuariquiro tiquiro ye wamoa mehna tiquiro ya wāhūre tiquiro ihña ihbogū tiquiro yere apequina yaque masiedare. ²² Tiquiro sa ihña ihboepēgūta apequiro tutua yuhdriquiro

tiquiro mehna cahmeque, tiquirore yahudhaca, tiquiro ye wamoare ehma cã, tiquiro yere ehma cãhre. Ohõ sahata ye yahudhacarõ cahmene watĩare. ²³ Ihcãquiro yahure cahmedaro, yahure ihña tuhtiriquiro ijire. Ihcãquiro yahure yedohoeraro yahure ñano yero nine, ni buheahye Jesu.

Watĩno pari turi masũnore tiquiro sajãri quitire yahuahye Jesu

(Mt 12.43-45)

²⁴ Sa yero tiquiro tãhotuye mehna ohõ saha ni queoye mehna buheahye tiquinare:

—Watĩno masũno mehna ijiriquiro waha, tiquiro aco marieni yehparũ tinino, tiquiro ijiatore macamahye. Bocaeraro, ohõ saha ni tãhotuahye: “Masũno yahũ duhuriquiro mehna pari turi ijigũ wahaũtja”, ni, tãhotuahye tiquiro. ²⁵ Sa nino tiquiro tojoa waha, masũnore bocaheye. Sa tiquiro bocagũ masũno pehe quehnoariquiro ijimahye.

²⁶ Sa yero watĩno apequina siete watĩare tiquiro yahudhoro ñañequinare pijiro wahahye. Tiquiro sa pijigũ tiquina ijipihtiyequina watĩa masũno mehna ijiahye. Sa yero masũno pehe to pano ihcãquiro watĩnore cũoro, ñariquiro ijimahye. Camerũ pehere peyequina watĩare cũoriquiro ijiro, to pano tiquiro ijiriro yahudhoro ña yahdhariquiro ijiahye, niahye Jesu.

Jesu bucueyere yahuahye

²⁷ Tire tiquiro sa nigũ masa watoa ijiricoro numino Jesure yahuahye:

—Mũhare pohna tiricoro, mũhare apũoricoro bucuericoro ijire, niahye Jesure.

²⁸ Ticoro sa ni tuhasagũ tãhoro Jesu ticorore yahthiahye:

—Cohãcjũ yahuducuyere tãhoyequina tiquiro dutiyere yeyequina tiquinata ijiaga bucueyequina, niahye Jesu ticorore.

Masa ñañequina Jesure Cohãcjũ tutuaye mehna ye ihño dutiahye

(Mt 12.38-42; Mr 8.12)

²⁹ Sa ye peyequina masa Jesu caharũ tiquina wi-higũ, tiquiro tiquinare yahu nemoahye:

—Yojorũ cjẽna ñañequina ijire. Yahure poto nigũ yahũ ijiyere tiquina masi duaye, Cohãcjũ tutuaye mehna yahũ ye ihñogũ ihña duamene. Tiquina sa ihña duepegũta Jona panorũ cjãno Cohãcjũ tutuaye mehna tiquiro yeri dihitare ihñonota Cohãcjũ tiquinare. ³⁰ Jona Cohãcjũ yere yahu mãhtariquiro ijiro, tiquiro Nĩnive wame tiri maca cjẽnare Cohãcjũ yere tiquiro masigũ yeriro sahata yahũ masũ Cohãcjũ ohorigũ masigũ yeaja yojorũ cjẽnare. ³¹ Buhiri dahreati deco ijigũ pãhtoro sur cjõno panorũ cjõno ducu, yojorũ cjẽnare “Ñana ijire mãsa”, ni, yahusãnota ticoro. Ticoro Salomo panorũ cjãno tiquiro masiñene tãho duaro

yoaropu ahri yehpa ape siepu ijiricoro Salomoro tuhoro ahtahye. Sa yero quehnoano yero niahye yojopu cjēna yuhduoro. Sa yero ticoro yahusānota yojopu cjēnare. Sa nigu musare poto niita niaja. Yojopu musare yuhu buheye Salomo tiquiro buheri yuhduoro ijire. ³² Buhiri dahreati deco ijigū Nínive wame tiri maca cjēna gūhu ducu, yojopu cjēnare “Ñana ijire musa”, ni yahusāeta tiquina. Jona tiquinare Cohācjū yere tiquiro yahugū tuhoye, tiquina ñañene bujua witi, quehnoañene cahmeahye tiquina pehe. Sa cahmeñe quehnoano yeye niahye yojopu cjēna yuhduoro. Sa ye tiquina gūhu yojopu cjēnare “Ñana ijire musa”, ni yahusāeta. Musare poto niita niaja. Yojopu musare yuhu buheye Jona tiquiro buheri yuhduoro ijire, ni yuahaye Jesu.

Masa tiquina tuhuturo sahata yere

(Mt 5.15; 6.22-23)

³³ Sa yero queoye mehna buhero ohō saha ni yahu nemoahye tiquinare:

—Masa sihāriare sihāñe nuodare. Tiare sihāñe dihi sutu docapu duhu dapoerare. Tiare uhmusepu duhu peore wuhupu sajā tayequina tiquina quehnoano ihña sajā tatore yeye. ³⁴ Sihāria quehnoano buhriogū mari quehnoano ihña masino sahata quehnoañene tuhutuye mehna quehnoano ye

masinata musa. Musa tuhuturo sahata yere musa. Quehnoañene tuhotuna quehnoano yere musa. Quehnoañene tuhotuerana ñañe pehere yere musa. ³⁵ Sa yena quehnoano yeya. Musa tuhutuyepu ñañene wacūedacāhña. Ñañene ne cahmedacāhña. ³⁶ Tuhasa musa tuhutuyepu quehnoañe ijigū, ñañe ne mariedagū quehnoañe dihitare tuhotunata, ni buheahye Jesu.

Fariseo masare, judio masare buheyequina gūhure Jesu tuhti yuahaye

(Mt 23.1-36; Mr 12.38-40; Lc 20.45-47)

³⁷ Jesu tiquiro buhe tuhasagū ihña, fariseo masano tiquirore tiquiro ya wuhupu ihya dutiro pijiahye. Sa yero Jesu tiquiro ya wuhupu sajā sa, tiquina ihyaropu tiquina mehna nuju sahye. ³⁸ Tiquiro sa nuju sagū fariseo masano pehe Jesure ihña nunano judio masa tiquina omo coseducuro sahata tiquiro omo coseragū ihñano ohō saha ni tuhoutuahye: “Yohou. ¿Ahriquiro dahsero omo coserajari usā yero saha?” ni tuhoutuahye. ³⁹ Tiquiro sa ni tuhutugū masino Jesu tiquirore yuahaye:

—Musa fariseo masa sihniñe parire, wapari gūhure bui pehe dihitare musa cosero sahata quehnoañene ye ihñore musa buigā warona. Sa yepenata Cohācjū

yere queoro yerare. Apequina yere ehma m̄jare m̄sa. Sa yena ñañe dihitare t̄hoture m̄sa. ⁴⁰ T̄ho masiedare m̄sa. Coh̄c̄j̄ m̄sa paḡr̄ire yeriquiro m̄sa t̄ho masiñe ḡh̄ure yeahye. ¿Tire masiedajari m̄sa? ⁴¹ Sa yena m̄sa yere pejes̄oyequinare ohoya m̄sa. M̄sa sa yena quehnoañene t̄hotuna ijinata.

⁴² 'M̄sa fariseo masa ñano ȳhd̄nata. Moa yero saha ijiyere ihyayere ocaḡ yeyere c̄ona mehenoḡ ohomene m̄sa. Coh̄c̄j̄re ño peonata pahiare ohomene m̄sa. Sa ohoepenata quehnoañene yerare m̄sa. Sa yena masare paja ihñedare m̄sa. Sa yena Coh̄c̄j̄re ño peoerare m̄sa. Oteye d̄caḡare m̄sa nedire mehenoḡ Coh̄c̄j̄re m̄sa ohoḡ quehnoar̄ine. Sa ohona oh̄ saha ye nemoña: Quehnoañene yeya. Sa yena paja ihñaña masare. Sa yena Coh̄c̄j̄re ño peoya m̄sa.

⁴³ 'M̄sa fariseo masa ñano ȳhd̄nata. Buheri w̄h̄p̄u ijina, quehnoañe dujiye dihitare duji duare m̄sa. Doeri c̄j̄e duarop̄u apequina p̄h̄toare quehnoano ño peo tiquina sinino saha m̄sare p̄iti caḡ cahmene m̄sa.

⁴⁴ 'Ñano ȳhd̄nata m̄sa. Masa cope n̄ori cope yero saha ijire m̄sa. Ti cope cahaḡ masa ijiye, puhiar̄p̄ c̄j̄no ahbariquirore ihñedare tiquina. (Sata masa m̄sa cahaḡ ijiye, m̄sa t̄hotuyep̄ure ñañe ijiyere

masiedare tiquina,) niahye Jesu tiquinare.

⁴⁵ Tiquiro sa niḡu t̄horo judio masare buheyequina mehna c̄j̄no Jesure yahuahye:

—Buheḡu, tire niḡu us̄a ḡh̄ure ñano nii niaga m̄h̄u, niahye tiquiro Jesure.

⁴⁶ Tiquiro sa niḡu Jesu ȳhtiahye:

—Ijirota ijire. Judio masare buhena m̄sa ḡh̄u ñano ȳhd̄nata. M̄sa apequinare tiquina ye masiedarire ye dutire m̄sa tiquinare. Sa ye dutiepenata m̄sa pehe tiquinare ne mehenoḡ yedohoerare ti dutiyere tiquina yeati pehere.

⁴⁷ 'Sa yena m̄sa ñano ȳhd̄nata. Coh̄c̄j̄ yere yahu m̄htariquina panop̄u c̄j̄na tiquina masa coperire quehnoano quehnomene m̄sa tiquinare ño peoro saha yena. M̄sa sa yepeḡata panop̄u c̄j̄na m̄sa acaye pehe tiquinare wej̄eahye.

⁴⁸ M̄sa acaye panop̄u c̄j̄na pehe Coh̄c̄j̄ yere yahu m̄htariquinare tiquina wej̄ediro sahata m̄sa ḡh̄u yeboaga. Sa yena yojop̄ure ti masa coperire quehnomene m̄sa. Sa quehnona m̄sa acaye tiquinare tiquina wej̄edire wac̄ure m̄sa. Sa tiquina wej̄orire wac̄una "Quehnoa c̄ahre", ni wac̄ure m̄sa.

⁴⁹ 'Coh̄c̄j̄ tiquiro masiñe mehna oh̄ saha ni yahuahye: "Yeere yahu m̄htariquina ḡh̄ure ȳh̄u

buhe duti cūriquina gāhure ohoutja tiquinare. Sa yeye tiquina yuhū ohoriquinare apequinare wejē, apequinare ñano yeeta”, niahye Cohācjū. ⁵⁰⁻⁵¹ Ahri yehpare Cohācjū tiquiro bajumehnedi bato Caī pehe Abere wejēahye. Sa ye Cohācjū yere yahu mūhtariquinare Abe bato ijiyequina gāhure ñañequina wejēahye. Came Zacariare Cohācjū wuhapū Cohācjūre ño peori altar cahapū mūsa acaye wejēahye. Ijipihtiequina tiquinare tiquina wejēdi buhiri yojopū cjēnare Cohācjū buhiri dahrerota. Sata ijire. Mū sare nigūta niaja. Ijipihtiequina tiquinare tiquina wejēdi buhirire yojopū cjēnare Cohācjū buhiri dahrerota.

⁵² Mūsa judio masare buhena, mūsa ñano yuhdūnata. Cohācjū masiñene tiquina ojoari pūrine cūopenata apequinare yahuerare mūsa. Mūsa basi Cohācjū yere tūhoerare. Sa yena apequina tiquiro yere tiquina tūho duepegūta tire mūsa tiquinare tūho dutierare, niahye Jesu tiquinare.

⁵³⁻⁵⁴ Tiquiro sa nigū tūhoye judio masare buheyequina, fariseo masa gāhū tiquiro mehna usua, tiquirore ñano yahuducuahye. Sa ye Jesu tiquiro ñano yūhtigū tūho duaye, tiquina peye ni meho cū sinitumahye tiquirore, tiquirore yahusā duaye.

Tiquina ni mehoducurire Jesu yahuahye

(Mt 16.6; 10.26-27; Mr 8.15)

¹ Sa ye Jesu cahapū masa peyequina cahmecoā, wahpa yuhdūahye. Topū Jesu tiquiro buheyequinare ohō saha ni yahu dūcahye:

—Quehnoano wacū masiña mūsa. Fariseo masa tiquina ye pāre pugū yeyere ihñana quehnoano wacū masiña. Tiquina ni mehoducurire nigū niaja “Pāre pugū yeye”, nigū.

² Ijipihtie apequina tiquina masiedarire came masieta.

³ Sa yero ñamipūre tiquina nūo yahuducurire buhri-oropū bajugū yero sahata Cohācjū yahurota. Bihari tucūpū apequirore cahmono caha tiquina nidire masa peyequina watoa yahurota Cohācjū, ni yahuahye Jesu.

Masa tiquina cuea-tiquirore yahuahye Jesu

(Mt 10.28-31)

⁴ Sa yero Jesu yahu nemoahye tiquinare:

—Poto niita niaja mū sare. Masare wejēñequina wejē tuhasa pari turi tiquina wejōriquina mūnare ñano ye nemo masiedare. Sa yena mū sare wejē duayequinare cueracāhña. ⁵ Yojopūre mūsa cueatiquirore mūsa ño peotiquirore yahutja. Cohācjū pehere cue, ño peoya. Tiquiro mūsa yariari bato pecapū cohā masine mū sare. Sata ijire. Poto nigū niaja. Cohācjū pehere cue, ño peoya.

6 'Ihcã omopequina siripia wapa mariedare. Sa wapa mariedapegũta ihcãquirogãre Cohãcjũ ne boerare. 7 Sa yero m̃sa poarire ne ihcã poa da d̃hsaro marieno masi pehore Cohãcjũ. Sata m̃sa ijiye tiye gũhare masi pehore Cohãcjũ. Sa masino m̃sare ihña ihboducure. Siripia ỹhd̃oro Cohãcjũ cahĩne m̃sa pehere. Sa yena tiquirote ño peona, cueracãhña m̃sa, niahye Jesu.

Jesu yequina m̃sa ijiyere yahuya masare

(Mt 10.32-33; 12.32; 10.19-20)

8 Sa ye Jesu yahu nemoahye:

—M̃sare niita niaja. Ihcãquirote “Jesu yaquirote iji-aja”, masare tiquirote nigũ ihñagu, ỹh̃u mas̃ Cohãcjũ ohorigũ “Tiquirote yaquirote ijire”, ni yahutja Cohãcjũ yequina angelere. 9 Ihcãquirote “Jesu yaquirote ijieraja”, masare tiquirote nigũ, ỹh̃u gũh̃u “Tiquirote yaquirote ijierare”, ni, yahutja Cohãcjũ yequina angelere.

10 'Ihcãquirote ỹh̃u ñano tiquirote ni yahuducugũ ti ñañene Cohãcjũ bo masine. Sa boeperota ihcãquirote Espĩritu Santo pehere tiquirote ñano ni yahuducugũ ti ñañene ne Cohãcjũ bosi.

11 'Mari judio masa buheri w̃h̃u p̃h̃toa cahap̃ apequina m̃sare ne sajã “Ñañequina ijire”, ni yahusãeta. Tiquina sa

yahusãgũ m̃sa yahuducuatire “Acuehi, masiedaboaga”, ni t̃hotueracãhña. 12 Tiquina m̃sare yahusãgũta Espĩritu Santo m̃sa yahuducuatire yahurota, niahye Jesu.

Doeri cjẽ up̃ro quitire yahuahye Jesu

13 Sa ye masa mehna cjãno Jesure ohõ saha ni yahuahye:

—Buheg̃, h̃sã pac̃h̃ tiquirote yariari bato tiquirote ye h̃sãre tojoare. Sa yeg̃ ỹh̃u wahmine tire ỹh̃u gũhare queoro tu wa dutiya, niahye tiquirote Jesure.

14 Tiquirote sa nigũ Jesu ỹhtiahye:

—Ne ti borore tu wabog̃u ijieraja ỹh̃u, niahye Jesu tiquirote.

15 Sa ni tuhasa Jesu ijipih̃tiyequinare yahuahye:

—Quehnoano yeya m̃sa. Doeri cjẽne, apee boro gũhare cahĩedacãhña. Peye c̃uoepenata ti mehnata bucueducueraja mari, niahye Jesu.

16 Sa ni tuhasa Jesu quitimehna yahuahye tiquinare:

—Doeri cjẽ up̃ro quehnoari yehpare c̃uoahye. Sa ye ti yehpap̃u tiquirote otegũ quehnoano d̃uca tiahye.

17 Sa yero tiquirote basi ohõ saha ni t̃hotumahye:

“D̃uca ihboye w̃h̃use ne esa tuhaerare. 18 Yojop̃re ohõ saha yeitja: Yojop̃u ỹh̃u ihboye w̃h̃usere cohãcã, m̃na w̃h̃use ỹhd̃oro wahma w̃h̃use yeitja. Ti w̃h̃usep̃u ỹh̃u oteye d̃ucare,

ijipihtiyere yeere ihboutja.
 19 Y_{HH} sa yeri bato, ohō saha ni, t_hhotutja y_{HH} basi: “Y_{HH} peye apee boro c_{HO}g_H ijiaja. Quehnoano soutja. Sa yeg_H ihya, sihni, bucuetja’, ni t_hhotutja y_{HH} basi”, ni t_hhotumahye tiquiro.
 20 Tiquiro sa ni t_hhotug_H Cohācjū tiquirore yahuahye: “M_{HH} ne t_hho masieg_H ijire. Mia ñamita m_{HH} yariagata. M_{HH} sa wahag_H m_{HH} ye, m_{HH} cahīdi butia waharota”, niahye Cohācjū tiquirore, niahye Jesu masare.

21 Tire nino, masare ohō saha ni yahuahye Jesu:

—Sata wahaeta doeri cjē opana Cohācjūre wacūeñequina. Sa yero peye doeri cjēne, niñerure tiquiro ye ijiati dihitare ihboriquiro Cohācjūre wacūedarō, tiquiro pejec_Horiquiro yero saha ijirota, Cohācjū tiquiro ihñag_H. Sa yero Cohācjū tiquirore ihña bucuere, niahye Jesu.

Cohācjū tiquiro pohnene ihña ihbore
 (Mt 6.25-34)

22 Sa ye Jesu tiquiro buheyequinare ohō saha ni yahuahye:

—Ahrire m_sare nig_H niaja: M_sa ihyatire, m_sa suhti sañatire, pajiro buj_{HH} witi t_hhotueracāhña.

23 Cohācjū m_sare bajumehnenō, ihyatiquina dihitare yerari m_sare. Sa yero suhti sañatiquina dihitare yerari m_sare tiquiro.

24 Minicj_{HH} parire Cohācjū tiquiro ihña ihboyere masiña.

Tiquina weseri marieñequina ijire. Sa ye ihyayere tiquina ihboye w_{HH}se tiquinare mariedare. Tiquina sa ijig_H ihñano tiquinare Cohācjū tiquina ihyatire ohore. Minicj_{HH} y_{HH}d_Horo m_sa pehere cahīne Cohācjū.

25 Pajiro m_sa t_hhotuye mehna ti m_sare ihcā hora cati nemog_H yerare. Sa yero m_sa pajiro t_hhotuye d_hseati ijierare. 26 Sa ye pajiro m_sa t_hhotuye mehna ne mehenog_H ye masiedare m_sa. ¿Sa yena pajiro m_sa t_hhotuye ti d_hseati ijierapeg_Hta d_hse yena m_sa ihyatire, m_sa sihniatire, m_sa sañatire pajiro buj_{HH} witi t_hhotuajari?

27 ‘N_{HH} cjē cohore t_hhotuya. Ti cohorī ti basi suhtire yerare. Sa yerapeta quehnoañe suhti sañañequina yero saha quehnoano bajure ti cohorī. Salomo m_{HH}nano quehnoañe suhtire sañariquiro tiquiro ijiepeg_Hta ti cohorī pehe tiquiro y_{HH}d_Horo quehnoa y_{HH}d_Haye cohorī waro ijire.

28 Cohore quehnoañe cohorī yere Cohācjū pehe. Tiquiro sa yepeg_Hta cohorī pehe meheñe decorig_H ijiducume ñai bora dijiaa wahare. Mehenog_H iji, ape deco pecap_H u_{HH} wahare. Ti sa ijiepeg_Hta cohore quehnoañe cohorī ijig_H yere Cohācjū. Sa yero Cohācjū cohore tiquiro quehnoañe cohorī tiquiro yeriro y_{HH}d_Horo m_sa g_Hh_{HH} quehnoano yerota. Suhtire ohorota.

Mehenogã Cohãcjũre wacũ tutuare m̄sa. ²⁹ Sa yena m̄sa ihyatire, m̄sa sihniatire pajiro bujua witi tãhotueracãhña. ³⁰ Cohãcjũre cahmeñequina pehe ahri yehpa cjẽna pehe tire sa macaducuye nine. Mari Pacu ãhm̄use cjãno ijipihtiye m̄sa cahmeñene masine. Tiquiro sa masigũ pajiro bujua witi tãhotueracãhña. ³¹ “Cohãcjũ yũhũ pũhtoro ijire”, ni tãhotu, tiquirore cahmeña m̄sa. M̄sa sa yeri bato Cohãcjũ pehe m̄sa cahmeñe dahsagũ ohorota, ni yahu nemoahye Jesu.

Ëhm̄usepũ mari peye cuo masiaja

(Mt 6.19-21)

³² Sa yero tiquinare yahu nemoahye:

—Yũhũ cahña, meheñequinagã ijiepenata, cueracãhña m̄sa. Cohãcjũ tiquiro pũhtoro ijiropare tiquiro mehna m̄sa ijigũ cahmene tiquiro. ³³ Sa yena m̄sa yere dua pehoya. Tire dua, ti niñerure ne, pejecũoyequinare ohoya. Sata m̄sa yegũ ãhm̄use cjẽ m̄sa wapataye ne pihtisi. Ëhm̄usepũ m̄sa ye ijiro ne pihtierare. Topũre m̄sa yere nea masiedare yaqueriquiro. Sa ye mecasia gũhũ tire tã masiedare. ³⁴ Ëhm̄usepũ m̄sa ye ijigũ ãhm̄use cjẽ dihitare tãhotunata m̄sa, niahye Jesu.

Jesu tiquiro tojoa tatire cohte dutiahye tiquiro yequinare

³⁵⁻³⁶ Sa ni tuhasa tiquinare yahu nemoahye:

—M̄sa yere quehnoyu tuhasariquina yero saha yeere sa yeducuna ijina yũhũre cohteya. Dahra cohteyequina tiquina pũhtoro omoca dũhteri bose decopũ tiquiro wahagũ tiquiro tojoa tatire tiquina cohtere. Tiquina sa cohteriro saha yũhũ tojoa tatire cohteya m̄sa gũhũ. Pũhtoro tiquiro wãhũpũ wihi, sopecahare tiquiro dotegũ tãhoye tiquina duita pũo sũre tiquirore. ³⁷ Dahra cohteyequina tiquina pũhtoro wihigũ tiquiro cahmeno sahata yeducuyequina ijiye, bucueyequina ijieta. Tiquina sa yegũ ihñano pũhtoro pehe dahra cohteriquiro yero saha comesarota. Sa yero dahra cohteyequinare duji dutiro, tiquiro tiquina ihyayere peorota. ³⁸ Tiquiro wihiri pje ñami decopũ, o bohreagũpũ ijiepegãta dahra cohteyequina pehe tiquiro wihiri pjere tiquirore quehnoano cohteyequina ijiye, bucueyequina ijieta tiquina. ³⁹ Ahrire wacũña. Yaqueriquiro wãhũpũ tiquiro wihiato pano ti wãhũ cjãno masiedare. Wãhũ cjãno yaqueriquiro tiquiro wihiatore masino, yaqueriquirore sajã ta dutieraboaga. Sa yero wacũeno mehna ahtare yaqueriquiro. ⁴⁰ Sa yena m̄sa gũhũ cohteya. Yũhũ masũ Cohãcjũ ohorigũ wacũeno mehna ahtaũtja. Sa yena yeere sa yeducuna ijina cohteya m̄sa, niahye Jesu

tiquinare.

*Apequiro dahra co-
hateriquiro tiquiro p̄htorore
tiquiro ño peogã, apequiro
pehe ño peerahye*
(Mt 24.45-51)

⁴¹ Tiquiro sa nigũ Pedro
pehe sinituahye Jesure:

—¿Ahri quitire yahugũ
usãre nigũ niajari? ¿O ijipi-
htiyequinare sa nigũ niajari?
niahye Pedro.

⁴² Tiquiro sa nigũ Jesu
tiquiro t̄hotuye mehna
ohõ saha ni queoye mehna
buheahye tiquinare:

—Dahra cohteriquiro
tiquiro p̄htorore ño pe-
oriquiro t̄ho masiniquiro
ohõ sahata ijire. P̄htoro
tinino waharo, dahra co-
hateriquirore tiquiro ya
wahare cũre. Tiquiro
cũnohriquiro pehe dutiriquiro
ijirota. Sa yero tiquiro ihyari
pje ijigũ apequina dahra co-
hteyequinare ihyayere itire.

⁴³ Came p̄htoro tiquiro wi-
higũ dahra cohteriquiro pehe
tiquiro p̄htoro tiquiro du-
tiriro sahata ye pehoriquiro
ijiro, tiquiro bucueriquiro
ijirota. ⁴⁴ Poto nigũta niaja
m̄sare. Tiquiro sa yegũ
tiquiro p̄htoro ijipihtiye
tiquiro yere ihña ihboriquiro
cũnota tiquirore. ⁴⁵ Apequiro
dahra cohteriquiro pehe
“Yũhũ p̄htoro yoari pje
bajuerare”, niboaga. Sa
nino apequina dahra co-
hteyequinare m̄m̄are, numia
gũhare quẽ m̄ja, pajiro ihya,
sihni, queheboaga. ⁴⁶ Tiquiro
sa yeri bato wacũeno mehna

tiquiro p̄htoro wihirota. Sa
wihiro tiquirore ñano buhiri
dahrerota. Sa yero Cohãcjũre
yũhdũdũcayequinare tiquiro
cohãnop̄ũ tiquirore cohãnota.

⁴⁷ Sa yero dahra co-
hateriquiro tiquiro p̄htoro
cahmeñene masiniquiro
ijieperota tire tiquiro
yeragũ, tiquiro quehnoano
dahraeragũ tiquiro p̄htoro
pehe tiquirore yuta da
mehna tananota. ⁴⁸ Apequiro
pehe dahra cohteriquiro
tiquiro p̄htoro cah-
meñene masieniquiro ijiro
quehnoano yeragũ ihñano
tiquiro p̄htoro pehe derogã
tiquirore tananota. Cohãcjũ
pajiro masare ohoro pajiro
tiquinare apequinare oho
dutirotota. Sa yero tiquiro cah-
meñene masigũ yere masare.
Quehnoano tiquiro masigũ
yenohriquinare quehnoano
yũhti dutire tiquiro, niahye
Jesu.

*Jesu masare cahme tu
wagũ yere*

(Mt 10.34-36)

⁴⁹ Sa ni tuhasa Jesu
tiquinare yahuahye tja:

—Peca m̄jũa weriro sa-
hata yũhũ ahri yehpap̄re
masa tiquina ñañe yeyere
cose wegũ ahtagũ nii. Yo-
jop̄ũ pũrita peca m̄jũa wero
saha ñañe marieñequina
masa tiquina ijigũ tutuaro
cahmeaja yũhũ. ⁵⁰ Yũhũ
ñano yũhdũtja. Yũhũ sa
ñano yũhdũatire cohtegũ,
ñano jeripohna tiaja yũhũ.
⁵¹ ¿Dũhse ni t̄hotuajari
m̄sa yũhare? ¿“Tiquiro

masare tiqairo buheri bato apequina tiquina basi ihña tuhtisi”, ni tãhotuajari mûsa yahure? Sa ijierare. Masare yahû buheri bato ihquẽquina yeere tãhoeta. Apequina pehe tiquinare ihña tuhtieta. Ihcãno saha ijisi masa. Mûsare niguta niaja. Masa yahû buheyere tãhoye, pãa curua cahme tu waeta. ⁵² Yojoþare ihcã wahû cjẽna ihcã omopequina masa yahû buheyere tãhoye, pãa curua tiquina basi cahme tu waeta. Ihcã curua ihtiaro, ape curua þaro ijietia. ⁵³ Tiquiro pacuro tiquiro macunore ihña tuhtirota yaquiro tiquiro ijiri buhiri. Tiquiro macuno gãhû tiquiro pacorore ihña tuhtirota yaquiro tiquiro ijiri buhiri. Sa yero ticoro pacoro maconore ihña tuhtirota yacoro ticoro ijiri buhiri. Sa yero apecoro macono gãhû ticoro pacorore ihña tuhtirota yacoro ticoro ijiri buhiri. Sa yero ticoro mareono ticoro macû namonore ihña tuhtirota yacoro ticoro ijiri buhiri. Sa yero apecoro macû namono gãhû ticoro mareonore ihña tuhtirota yacoro ticoro ijiri buhiri. Sa waharota, yahû buheyere tiquina tãhogã, niahye Jesu.

Quehnoari deco ijiatire, ñari deco ijiatire masa tiquina masiñene yahuahye Jesu

(Mt 16.1-4; Mr 8.11-13)

⁵⁴ Sa ye Jesu masare ohõ saha ni yahuahye tja:

—Ahrie peþepû acoro cururire ihñana, duita “Acoro

ahtarota”, nine mûsa. Mûsa sa nidi bato acoro ahtare. ⁵⁵ Sa yena surpû wihnono ahtagû “Asiri deco ijirota”, nine mûsa ahri yehpapû ijina. Mûsa sa nidi bato cãhmari deco ijire. ⁵⁶ Mûsa masa ihñonopû quehnoano iji mehoducuna ijire. Mûsa ahri yehpare ahmuse gãhure ihñana, quehnoari deco ijiatire, ñari deco ijiatia gãhure masine mûsa. ¿Sa yena yojoþû cjẽ decorire masiepenata dãhsena ahri yehpa cjãna yojoþare mûsa dãhse wahatire masiedajari mûsa? niahye Jesu.

Mûsare ihña tuhtiriquiro mehna mûsa cahmequedire cahmeque duhuya

(Mt 5.25-26)

⁵⁷ Sa ni tuhasa ohõ saha ni yahu nemoahye:

—¿Mûsa pota yeatire yojoþû masiedajari mûsa?

⁵⁸ Apequiro mûhare yahusãno waharo buhiri dahre dutiri wahapû waha dutiboaga. Topû wahana “Pari turi mûhare sa yesi”, nigû cahmeque duhuya. Mûhû sa duhueragû tiquiro buhiri dahre dutiriquiro cahapû neaboaga mûhare. Sa yero buhiri dahre dutiriquiro pehe mûhare surarare tiquiro ohogã, mûhare surara peresu yeeta. ⁵⁹ Mûhare nigû niaja. Topû ijiniita mûhû. Tee tiquina wapa ye dutirire mûhû wapa ye pehogapû wijiaguta mûhû, niahye Jesu.

13

Musa ñañe yerire bujua witi, quehnoañe pehere came-saya

¹ Ti pjere meheñequinagã masa Jesure ohõ saha ni yahue tiahye:

—Galilea cjëna wahiquireore wejẽ ujãa mũo Cohãcjüre tiquina ño peori watoa Pilato pehe tiquinare wejẽahye. Tiquiro sa wejẽgũ wahiquireo dii mehna masa dii more-ahye, ni, yahuahye tiquina Jesure.

² Tiquina yahu tuhasagũ Jesu yãhtiahye:

—¿Galilea cjëna Pilato tiquiro wejẽgũ wejõriquina manare dahse ni tãhotuajari mũasa? ¿Tiquina sa yariagũ apequina Galilea cjëna yãhdũoro ñañequina tiquina ijiri buhiri sa yeyari Cohãcjũ tiquinare, mũasa tãhotugũ?

³ Ijierare. Mũasare niita niaja. Mũasa pehe mũasa ñañene bujua witierana, quehnoañe pehere came-saerana, mũasa gũhu yariana pecapũ wahanata. ⁴ Sa ye sohõ ijiriquina diez y ocho masa Siloé wame tiri wãhu ãhmũari wãhu tiquina bui wihnoa dijiaro, tiquinare wejẽ pehoahye. ¿Sa waha yariaye, apequina Jerusalẽ cjëna yãhdũoro ñañequina ijirari tiquina, mũasa tãhotugũ?

⁵ Ijierare. Mũasare niita niaja. Mũasa ñañene bujua witierana quehnoañe pehere comesaerana, mũasa gũhu yarianata. Sa yena pecapũ wahanata, niahye Jesu tiquinare.

Higueragũ dũca mariedũ quitire yahuahye Jesu

⁶ Sa ni tuhasa apeye queoye mehna piti dahre yahuahye tiquinare:

—Wese upũro tiquiro wese-pẽu higueragũre cũoahye. Sa yero tiquiro tũ dũcare macano wahamahye. Bocaerahye. ⁷ Bocaeraro tiquiro wese dahrariquireore yahuahye. “Tũhoya yũhũre. Ihtia cãhma waro higueragũ dũcare macamaja. Dũca mariedare. Tũ dũca mariedagũ tũre quẽ cohã cãhña. Tũ ya wesepũ ijigũ apedare otero basioerare. Apedũ tũ ihyaborire ihyaboaga tũ dũca mariedũ pehe”, niahye wese upũro tiquirore dahra cohteriquirore. ⁸ Tiquiro sa nigũ tũhoro dahra cohteriquiro ohõ saha niahye: “Pũhto, ahdũ ihcã cãhma waro ducurĩahdo. Tũ nũhcoripũ yũhu sehegutja. Tuhasa, wahiquireo cãhta mehna ti copere yãntja. ⁹ Yũhu sa yeri bato tũ ape cãhma dũca tiro dũca tiboaga. Tũ dũca mariedagũ mũhu quẽ cohã dutigata”, niahye dahra cohteriquiro wese upũrore, ni, yahuahye Jesu.

Saurũ deco ijigũ Jesu dohatiricorore yãhdũoahye

¹⁰ Ti pjere saurũ deco ijigũ Jesu judio masa buheri wũhũpũ buhero niahye. ¹¹ Topũ watĩno cũoricoro ijiahye. Watĩno pehe diez y ocho cãhmari waro dohatigũ yeahye ticorore. Sa yero

pari tjũ ducuricoro ijiro, potoducu masiedahye. ¹² Ticorosa ijigũ ihñano Jesu ticorore ihña, pisuahye:

—Numio, m̄h̄h̄ dohatiye pihtia wahare, ni, pisuahye Jesu.

¹³ Tiquiro pisuri bato ticorore tiquiro ña peogũ duita ticoro quehnoano potoduca sahye. Sa waharo “Cohãcjũ tutuagũ, quehnoagũ ijire m̄h̄h̄”, ni ño peohye ticoro. ¹⁴ Jesu ticorore saurũ deco ijigũ tiquiro ȳhd̄ogũ ihñano judio masa buheri w̄h̄h̄ cohteriquiro pehe tiquiro mehna usuahye. Sa usuaro tiquiro masare ohõ saha niahye:

—Seis decori ijire mari dahraye decori. Sa yena m̄sa dohatiyequinare ȳhd̄o duana, ti decorire tire yeya. Saurũ mari sori decore tire yeracãhña, niahye ti w̄h̄h̄re cohteriquiro.

¹⁵ Tiquiro sa nigũ Jesu ohõ saha ni yahtiahye:

—Masa ihñono dihita quehnoana iji mehona ijire m̄sa. M̄sa wecare, burro gũh̄re c̄ona saurũ decore tiquina d̄hteri dare pã, tiquinare ne buha, sihni dutiboaga. ¹⁶ Yojop̄ ahricorore Abrahã m̄n̄ano acayorore watĩno diez y ocho c̄hm̄ari waro ticorore dohatigũ yere. ¿Saurũ deco ijigũ ticorore ȳhd̄o dutierajari m̄sa? niahye Jesu.

¹⁷ Tiquiro sa nigũ t̄hoye, tiquina b̄oro wahahye. Sa

ye apequina pehe ijipihtiyequina Jesu yerire ihña, bucueahye.

Mostaza pje queoyere yahuahye Jesu

(Mt 13.31-32; Mr 4.30-32)

¹⁸ Sa ye Jesu queoye mehna buheahye masare:

—¿Ne Cohãcjũ masa p̄htoro tiquiro ijiye yabe boro yero saha ijiajari? Ahri quitimehna tire tiquiro p̄htoro ijiyere yahutja ȳh̄h̄.

¹⁹ Mostaza p̄jegã yero saha ijire. Ti p̄jegãre oteriquiro tiquiro ya wesere otere. Tiquiro oteri bato ti p̄jegã pihnine. Sa ye t̄ b̄c̄agũ minic̄na pari ti d̄p̄rip̄ suhti suhare, niahye Jesu. (Sa nino ohõ saha nino niahye. Mostaza p̄jegã pajid̄ t̄ b̄c̄ariro saha uhm̄se c̄j̄nore mari p̄htorore masiñequina meheñequinagã tiquina iji m̄htaep̄gãta camep̄ tiquina peyequina wahaeta.)

Pã pugũ yeye queoyere yahuahye Jesu

(Mt 13.33)

²⁰ Sa yero pari turi Jesu queoye mehna buheahye:

—¿Ne Cohãcjũ masa p̄htoro tiquiro ijiye yabe boro yero saha ijiajari?

²¹ Pãre pugũ yeye yero saha ijire. Tire numino ihcã ajuro trigore aco mehna quehnoano tire dahra morene pã b̄c̄atire. Ticoro sa yegũ pãre pugũ yeye pehe trigore quehnoano seh̄saa wahare, niahye Jesu. (Sa nino ohõ saha nino niahye. Pãre pugũ yeye

trigore ti sehsaa wahariro saha uhmuse cjūnore mari puhtorore peyequina masa ijipihtiro cjēna masieta.)

Meheni sopecahagã quitire yahuahye Jesu

(Mt 7.13-14, 21-23)

22 Sa ye Jesu bujue macarip, daye macarigãpu gũhure buhe cã, Jerusalẽpu esaro taro niahye. 23 Tiquiro sa wahari watoa masuno Jesure ohõ saha ni sinitu-ahye:

—¿Puhto, meheñequinagã masare pecapu waha-boriquinare yuhdurotari Cohãcjũ? niahye tiquiro Jesure.

Tiquiro sa nigũ Jesu queoye mehna buhero ohõ saha ni yahuahye:

24 —Peyequina masa Cohãcjũ cahapu waha duaye, sajã duamene. Meheni sopecahagãre m̄sa sajã duagũ mijorĩne. Sata Cohãcjũ cahapu m̄sa waha duagũ mijorĩne. Masa sa sajã duepeta sajã masiedare. Sa yena m̄sa pehe meheni sopecahagãre m̄sa tutuaro sajã duaboro sahata Cohãcjũ pehere tutuaro masiña.

25 Ohõ saha yerota Cohãcjũ peyequina masare. Tiquiro wũhũ upũro yero saha ijire. Wũhũ upũro wahcã, sopecahagãre biharota. Tiquiro sa yegũ sopecahagãpu ducuna, dotenata. Dotena ohõ saha ninata. “Puhto, sope pahmare põohña”, m̄sa nigũ wũhũ upũro pehe yuhtirota. “M̄sare, m̄sa ahtariro gũhure ne masiedaja yũhũ”,

ni yuhtirota. 26 Tiquiro sa nigũ m̄sa yuhtinata. “Mũhũ mehna usã ihya, sihnii. Usã ya macapu buheri mũhũ”, ninata m̄sa. 27 M̄sa sa nigũ tiquiro pehe yuhtirota. “M̄sare, m̄sa ahtariro gũhure ne masiedaja. Ijipihtina m̄sa ñañe yerina yũhũ cahapu ahtaeracãhña”, ninota wũhũ upũro. 28 Sa ye Abrahãre, Isaare, Jacore, ijipihtiyequina Cohãcjũ yere yahu m̄hartiquinare Cohãcjũ tiquiro puhtoro ijirore tiquina ijigũ ihñana, m̄sa pehe sopecahapu cohõrina ijina tutuaro utinata. Sa yena m̄sa tutuaro bujua witina, bahque dihonata. 29 Ti pjere ijipihtiro cjēna Cohãcjũ tiquiro puhtoro ijiorp̄re esa, tiquiro mehna ihya dujieta. 30 Yojop̄re ihyo ijiyequina ijiriquina ti pjere puhtoa ijietã. Sa yeye yojop̄re puhtoa ijiriquina ti p̄jep̄re ihyo ijiyequina ijietã, niahye Jesu.

Jerusalẽ cjēnare tutuaro cahñahye Jesu

(Mt 23.37-39)

31 Ti pjere meheñequinagã fariseo masa Jesu cahapu esa, tiquirore yahuahye:

—Herode m̄hure wejẽ duare. Sa yegũ ape sierpu waha-ya m̄hũ, niahye tiquirore.

32 Tiquina sa nigũ Jesu pehe yuhtiahye:

—Herode ni mehoñe p̄yariquiro ijire tiquiro. Ohõ saha ni yahuya tiquirore: “Jesu watĩare cohãno nine. Sa yero dohatiyequinare

yuhduoro nine. Tire miare, ñamia gũhare yerota. Sa yero ñamia bohrearo dahra bato tirota”, ni yahuya Herodere. ³³ Sa yegu miare waha, ñamia gũhare waha, ñamia bohrearo gũhare waha, Jerusalēpu esautja. Cohācjū yere yahu m̄htagure yuhure wejēeta masa. Cohācjū yere yahu m̄htariquinare tiquina wejēgū Jerusalēpu ijiro cahmene tiquinare. Sa yegu yuhū gũhare Jerusalēpu ijiro cahmene.

³⁴ 'Ahyou, Jerusalē cjāna, m̄sa Cohācjū yere yahu m̄htariquinare wejē, m̄sa cahapu tiquiho ohoriquinare utā paca mehna doque wejēdi m̄sa. Canaca ticoro pohne ne w̄ye d̄p̄ri mehna ticoro moha cuñano saha peye tahari m̄sare cahīducumi. M̄sare cahmemi. M̄sa pehe yuhure ne cahmedari. ³⁵ Yojopu m̄sa ya maca cohōri maca ijirota. Ijirota niita niaja m̄sare. Cohācjū mari p̄htoro tiquiho tutuaye mehna ahtahtja yuhū. Yuhū ahtagū m̄sa yuhure “Cohācjū tutuaye mehna ahtariquiho quehnoahdo”, ninata. Yuhure m̄sa tire niato pano pari turi yuhure ihñasi m̄sa, niahye Jesu.

14

Dohatiriquiroke yuhduoahye Jesu

¹ Ape deco saurū ijigū fariseo masa p̄htoa mehna cjāno ya w̄h̄pu Jesu ih-yaro wahahye. Ti w̄h̄pu

ijiyequina tiquiroke ihña n̄n̄ahye. ² Sa yero omoca, ñecu gũhū ipinohriquiho tiquiho cahapu esahye. ³ Sa yero Jesu judio masare buheyequinare, fariseo masa gũhare sinituahye:

—¿Saurū ijigū dohatiriquiroke yuhduo dutiajari Cohācjū yere tiquina ojoari p̄pu? niahye Jesu.

⁴ Tiquiho sa ni sinituepegāta tiquina yuh̄tierahye. Tiquina yuh̄tieragū ihñano Jesu dohatiriquiroke yuhduo, “Wahaya”, niahye tiquiroke. ⁵ Sa ye tuhasaro, tiquinare sinituahye tja:

—¿Ihcāquiho m̄sa mehna cjāno tiquiho mac̄no saurū deco mari sori deco ijigū aco ijiri copepu tiquiho bora sajāgū ne wioeraboagari, m̄sa tuh̄otugū? ¿Tiquiho yaquiho wecu gũhare ne wioeraboagari, m̄sa sa nina? Ne wioboaga tiquiho, niahye Jesu.

⁶ Tiquiho sa niepegāta tiquina tiquiho siniturire yuh̄ti masiedahye tja.

Omoca d̄h̄teri bose deco ijigū pijioriquinare yahuahye Jesu

⁷ Fariseo masano ya w̄h̄pu ijiro ti w̄h̄pu cjāno tiquiho pijioriquina quehnoañe dujiyere tiquina besegū ihñahye Jesu. Sa ihña tuh̄asa ohō saha ni yahuahye ijipihtiyequinare:

⁸ —Omoca d̄h̄teri bose deco m̄sare tiquiho pijiogū, quehnoañe dujiyere bese dujieracāhña. M̄sa

yuhduoro cua pesayequinare pijiooaga ahri wahu upuro. ⁹ Tiquiro sa yegū msa quehnoañe dujiyepu dujigū “Ahriquina cua pesayequina pehere msa dujiyere ohoya”, niboaga wahu upuro msare. Tiquiro sa nigū msa pehe buoro wahana, ñaÑe dujiyepu dujioboaga. ¹⁰ Sa yena wahu upuro msare tiquiro pijioagū, ñaÑe dujiyepu duji mhtaña. Msa sa yegū wahu upuro msare “Quehnoañe dujiye pehere dujina ah-taya”, ninota msare tiquiro. Msa sa wahagū apequina tiquiro pijioriquina pehe msare ño peoye mehna ihñaeta. ¹¹ Ihcāquiro tiquiro basi “Pūhtota ijiaja”, ni tūhoturiquiro cahacjāno ijirota. Sa yero apequiro “Cahacjū ijiaja”, ni, tūhoturiquiro, apequinare yuhduca dueriquiro tiquiro pehe pūhtoro ijirota, niahye Jesu tiquinare.

¹² Sa ni tuhasa Jesu wahu upurore yahuahye:

—Mahu bose deco dahregu mahū cahapu ijiyequinare, mahū bahanare, mahū acayere, doeri cje opanare pijioeracāhña. Mahū tiquinare pijioagū mahū gūhare tiquina gūhu piji cahmeeta. Sa piji cahmeÑe mahūre tiquina wapamonore wapa yeeta. ¹³ Mahū bose deco dahregu pejesoyequinare, tini masieñequinare, pari yuri wahayequinare, caperi bajueyequinare pijiohya. ¹⁴ Mahū sa yegū ihñano Cohācjū mahūre quehnoano yerota. Tiquina

pehe mahūre tiquina wapamonore wapa ye masiedare. Sa yero quehnoañequina yariariquina tiquina masa mahari pje ijigū Cohācjū pehe quehnoano mahū yeri wapa mahūre quehnoano yerota, niahye Jesu wahu upurore.

Pajiri bose deco queoyere yahuahye Jesu
(Mt 22.1-10)

¹⁵ Tiquiro sa nigū tūhoro apequiro ihyari mesa cahapu dujiriquiro, Jesure yahuahye:

—Cohācjū tiquiro pūhtoro ijiorpu tiquiro ihyari mesa cahapu dujiyequina tutuaro bucueyequina ijietā, niahye tiquiro Jesure.

¹⁶ Tiquiro sa nigū Jesu ahri queoyere yahuahye tiquirore:

—Pajiri bose deco dahreriquiro peyequina masare pijioahye. ¹⁷ Tiquiro pijiori bato bose deco tiquiro cahacjānore tiquiro pijioriquinare yahu dutiro ohoahye. “Isa, ijipihtiyere bose deco cje ijiatire quehno tuhasari. Sa yero msare pijiori”, ni, yahu dutiahye tiquiro cahacjānore. ¹⁸ Tiquiro cahacjāno tiquiro sa ni yahuepegūta, tiquiro pijionohriquina pehe “Waha masiedaja”, niahye tiquina. Tiquiro pijio mahūtanohriquiro ohō saha ni yahuahye tiquiro cahacjānore. “Mianogāta yehpare dūu. Sa yegū ti yehpare ihñagu wahagu niaja. Sa yero waharo basioeraga. Ño peo

cjũña m̄h̄u ȳh̄ure. Ȳh̄ure basioerare”, niahye tiquiro pijio m̄htanohriquiro pehe tiquiro cahacj̄nore. ¹⁹ Apequiro pehe oh̄o saha niahye: “Wec̄h̄are p̄h̄a omoca pihtiequinare mianoḡata d̄u. Buhe tuhuḡu wah̄u t̄h̄u niaja ti weje c̄atore. Sa yeḡu wec̄h̄are ‘¿Quehnoano dahrajari?’ ni ih̄ñaḡu wahaḡu t̄h̄u niaja. Sa yeḡu wahasi. Ȳh̄ure basioerare”, niahye tiquiro ḡh̄u. ²⁰ Apequiro pehe oh̄o saha niahye: “Ȳh̄u mianoḡata omoca d̄h̄tei. Sa yero bose decop̄h̄ waharo basioeraga ȳh̄ure”, niahye tiquiro cahacj̄nore.

²¹ Tiquiro sa niḡu cahacj̄no pehe tojoa waha, tiquiro p̄htorop̄h̄are tiquina nidire yahu peho c̄ahye. Tiquiro sa ni yahuḡu tiquiro p̄htoro tutuaro usua, oh̄o saha niahye tiquiro cahacj̄nore. “W̄h̄use watoa cj̄ maharip̄h̄ wahaya. Pejec̄h̄oyequinare macar̄isa. Sa yeḡu pejec̄h̄oyequinare, tini masieñequinare, caperi bajueyequinare, pari yuri wahayequinare ūm̄ñano ne c̄ah̄taya tiquinare”, niahye p̄htoro. ²² Came cj̄noḡa tiquiro cahacj̄no yahuahye tiquiro p̄htorore: “P̄h̄to, m̄h̄u dutiriro sahata yei. Ȳh̄u sa yepeḡata apequina ḡh̄u esa tuhaeta”, niahye tiquiro cahacj̄no. ²³ Tiquiro sa niḡu p̄htoro tiquirore dutiahye: “Ih̄qūe w̄h̄use ijirop̄h̄ wahaya. Top̄h̄ b̄j̄yue maharip̄h̄, daye mahariḡap̄h̄

ḡh̄ure masare ya w̄h̄up̄h̄ ahta dutiya, ya w̄h̄up̄h̄ tiquina wahpaḡu. ²⁴ Poto nita niaja m̄h̄ure. Ahriquina ȳh̄u pijio m̄htamediquina ȳh̄u ihyayere ne mehenoḡa ihyasi”, niahye p̄htoro, ni yahuahye Jesu.

Jesu mehna wahaḡu mijor̄ne

(Mt 10.37-38)

²⁵ Ti pjere peyequina masa Jesu mehna wahahye. Sa yero Jesu tiquinare majare ih̄ña, yahuahye:

²⁶ —Ihc̄aquiroȳh̄u buheriquiro iji duaro apequina ȳh̄d̄h̄oro ȳh̄u pehere cah̄no cahmene. Tiquiro pac̄rore, tiquiro pacorore, tiquiro namonore, tiquiro poh̄nene, tiquiro bahanare, tiquiro paḡu ḡh̄ure tiquiro cah̄no ȳh̄d̄h̄oro ȳh̄u pehere cah̄no cahmene. ²⁷ Ihc̄aquiroȳh̄u buheriquiro iji duaro yeere sa yeducuriquiro ijirota. Sa yero yaquiroȳh̄u tiquiro ijiri buhiri ñano ȳh̄d̄h̄eperota ȳh̄ure ne duhusi. ²⁸ Ahrire masiyuro cahmene m̄sare. Oh̄o saha ijire ti: W̄h̄u dahreriquiro tiquiro ūh̄m̄ari w̄h̄ure yeato pano w̄h̄u wapa tiatire queo m̄htare. Sa yero, ti w̄h̄ure tiquiro pehoatire masine tiquiro. ²⁹ Wapa tiyere queoeraro ti w̄h̄ure yero pehoeraboa. Sa ye tiquirore ih̄ñañequina b̄j̄yueboa. ³⁰ “Ahriquiroȳh̄u ti w̄h̄ure yero, tutuerare”, ni, b̄j̄yueboa. ³¹ P̄htoro apequiro p̄htoro yeequina

mehna tiquina cahme-queato pano, tiquiro yequina surarare tiquiro cahme wejẽ dutiato pano, tiquiro yequina surarare queorota. “¿Yũhũ diez mil surara mehna apequiro veinte mil surara c̃horiquiro mehna cahme wejẽgũ tutueraboagari yũhũ?” ni, t̃hoturo queorota tiquiro. ³² Sa queoro, tiquiro tutueratire masinota. Sa masino apequiro p̃htoro tiquiro yequina surara mehna cahme wejẽno ahtariquiro yorop̃a tiquiro ijigãta, tutueriquiro pehe “Cahme wejẽdacũhna”, ni dutiro ohoboaga dahra cohteriquirore. ³³ Sa yena yũhũ buhena iji duana, m̃sa yeatire m̃sare masino cahmene. M̃sa ye duaye pehere duhu duerana, yũhũ buhena iji masiedare, ni yahuahye Jesu.

Moa ocayere yahuahye Jesu
(Mt 5.13; Mr 9.50)

³⁴ Sa yero tiquinare yahu nemoahye:

—Moa quehnoano ocare. Ti ocaeragũ ocaye yero basioerare. ³⁵ Moa ocaeraro ti moa ne quehnoaedare. Ti moare d̃hsero basioerare. Ti sa ijigã ti moare cohãno cahmene. Ne d̃hseati ijierare ti moa. (Ti d̃hseati ijieraro saha ijieracãhña m̃sa. Cohãcjũ ye pehere cohãedacãhña.) Ahrire quehnoano t̃hoya m̃sa, niahye Jesu.

15

Oveja butiriquiro queoyere yahuahye Jesu
(Mt 18.10-14)

¹ Sa ye ape deco peyequina wapa ne cohteyequina apequina “Ñañequina”, tiquina niñequina mehna Jesure t̃hoye ahtahye. ² Tiquina sa yegũ ihñañe fariseo masa, judio masare buheyequina gũhũ Jesure ihña tuhtiye, ohõ saha niahye tiquina basi:

—Ahriquiro ñañequinare piti tire. Sa yero tiquina mehna ihyare, ni, yahuducuahye tiquina basi.

³ Tiquina sa ni yahuducugũ Jesu tiquiro t̃hotuye mehna ohõ saha ni, queoye mehna buheahye tiquinare:

⁴ —¿Cien oveja c̃horiquiro ihcãquiro oveja butigũ ihñano d̃hse yerotari tiquiro? Ohõ saha yerota. Tiquiro noventa y nueve ovejare tiquina ihyarirop̃a cũ, butiriquirore macano waharota. Ovejare bocarop̃a duhurota.

⁵ Tiquirore bocaro bucuero. Sa yero tiquiro butiriquirore w̃ha peo, tiquiro ya w̃h̃p̃a ne tojoaa waharota. ⁶ Ne tojoa sa, tiquiro cahap̃a ijiyequinare, tiquiro acayere piji cahmecoanota. “Yaquiro oveja butiriquirore boca tuhasaũ. Sa yena yũhũ mehna bucueya”, ninota tiquiro tiquinare. ⁷ Poto niita niaja m̃sare. Noventa y nueve oveja peyequina tiquina ijiro sahata, peyequina masa ohõ saha ni t̃hoture: “Ñano yeraja.

Sa yegu yuhu ñañene bujua witisí. Quehnoañe pehere comesasi yuhu”, ni, tãhoture peyequina masa. Tiquina sa ni tãhotugũ ihñañe umhuse cjẽna Cohãcjũ caharu ijiyequina bucuere. Apequiore pehere bucuere. Butiriquiore oveja ihcãquiota butiriro sahata tiquiuro upuro tiquiore bocariro sahata ihcãquiore ñariquiore tiquiore ñañene bujua witiğũ, quehnoañe pehere comesagũ ihñañe, Cohãcjũ caharu ijiyequina tutuaro bucuere, niahye Jesu.

Niñeru cjoe butiri queoyere yahuahye Jesu

⁸ Sa ni yahu tuhasa, queoye mehna yahu nemoahye tja:

—¿Pua omope cjoeri niñeru cjoeri cõoricoro ihcã cjoe butiğũ dũhse yerotari ticoro? Ohõ saha yerota ticoro. Sihãriare sihã, wũhure coha, quehnoano maca pehorota. Ti cjoere bocaropũ duhurota.

⁹ Ti cjoere boca tuhasa, ticoro caharu ijiyequinare, ticoro mehna cjẽnare piji cahme-coanota. “Niñeru cjoe yũhure butiri cjoere bocau. Sa yena yuhu mehna bucuera”, ninota ticoro. ¹⁰ Potota niita niaja musare. Sata ihcãquiore ñariquiore tiquiore ñañene bujua witiğũ quehnoañe pehere comesagũ Cohãcjũ yequina angele pehe tutuaro bucueta, niahye Jesu.

Tiquiuro macano butiri queoyere yahuahye Jesu

¹¹ Sa ni yahu tuhasa Jesu queoye mehna yahu nemoahye tja:

—Bucuro pohne puaro umua ijiahye. ¹² Dũhsariquiore pehe ohõ saha niahye tiquiuro pacurore: “Mai, mũhu yariari bato mũhu ohoatire yũhure ohoya”, niahye tiquiuro pacurore. Tiquiuro sa nigũ tiquina pacuro puaropũreta tiquiuro pohnene itiahye tiquiuro cõorire. ¹³ Meheñe decorigã bato dũhsariquiore tiquiuro yere ijipihtiyere ne, yoaropũ ape yehparũ wahaa wahahye. Topũ esaro tãho masieniquiore yero saha ye, tiquiuro niñerure, tiquiuro yere ye site peho cãhye. ¹⁴ Tiquiuro ye site pehori bato ti yehparũre ne ihyaye mariedi pje iji dũcahye. Sa yero tiquiuro ujua ahbahye. ¹⁵ Sa yero ti yehpa cjẽ dahrayere macahye. Tiquiuro bocagũ tiquiuro puhtoro yesea cohteriquiuro sũahye tiquiore. ¹⁶ Sa yero tiquiuro yeseare nu, tiquina ihyayere ihya duamahye. Tiquiuro sa ihya duepegãta ti ihyayere to cjẽna ohoerahye tiquiore. ¹⁷ Sa ye tiquiuro topũ wacũahye. “Yũhu pacure dahra cohteyequina pehe bujũye ihyayere ihyare. Tiquina ihya dũhari gũhu bujũye dũhsare. Tiquina sa quehnoano yũhdũri watoa yũhu pehe ohõpũ ijiğũ, ujua ahbagũ niaga. ¹⁸ Yojopũre yũhu pacũ caharu tojoagũtja. Yũhu pacũ caharu esagũ ohõ saha niitja tiquiore: ‘Mai, Cohãcjũre ñano yei. Mũhu gũhure ñano yei. ¹⁹ Ñagũ ijiaja yũhu. Mũhu macũ yero saha ijibogũ ijieraja yũhu.

Muhare dahra cohteriquiro yero saha yeya yuhare', niitja yuhu pacure", ni tuhoutuahye tiquiro. ²⁰ Sa ni tuhouturota wahcaduca, tiquiro pacuro cahapu tojoaa wahahye. Topu tiquiro esariquiro tojoa tagu tiquiro pacuro pehe yoaroputa tiquiro macunore ihnahye.

¹⁹ Tiquiro sa wihigu ihnano macunore paja ihnahye. Paja ihnano tiquiro cahapu oma ca, tiquirore que suhsu maa, tiquiro wahsupure ihmiahye pacuro tiquiro macunore. ²¹ "Mai, Cohacjare nano yei. Muhu gahare nano yei. Nagu ijiaja yuhu. Muhu macu yero saha ijbogu ijieraja yuhu", niahye tiquiro pacurore. ²² Tiquiro sa nigu tuhoro pacuro pehe dahra cohteyequinare pijiahye. "Sojaro mehna, quehnoa yuhduri suhtirore ne cahaya. Sa yena yuhu macure saana. Saa tuhasa, tiquiro omoca sahari behtore saa, dahpo suhti gahare saana. ²³ Saa tuhasa, dihi tiriquiregare wecugare wejena. Bose deco yeihna mari. ²⁴ Ahriquiro yuhu macu yariariquiro yero saha wahariquiro ijire. Sa wahaeperota yojopure catire tiquiro. Tiquiro butimediquirore pari turi boca. Sa yena bosc deco yeihna mari", niahye tiquiro pacuro. Tiquiro sa nidi bato bosc deco dahre dcahye tiquina.

²⁵ Ti pjere tiquiro wahmino pehe wesepu ijiahye.

Wesepu ijiriquire cohe tojoa taro wuhu cahapu esaro, tiquina basayere tuhohahye tiquiro. ²⁶ Tuhoro, ihcaquiro dahra cohteriquirore pijio, tiquirore sinituahye tiquiro: "¿Dahse ijiro boro basaye niari?" niahye tiquiro dahra cohteriquirore. ²⁷ "Muhu bahu coheri. Tiquiro quehnoariquiro, catiriquire tiquiro cohegu muhu pacu dihi tiriquiregare wecugare wejē dutiri", ni yuhthahye dahra cohteriquiro. ²⁸ Tiquiro sa ni yahugu tiquiro wahmino pehe tutuaro usuario, wuhupu sajadedahye. Tiquiro sajadedagu ihnano tiquiro pacuro sopecahahu wijia ta, "Saja taya", ni, pijimahye tiquiro macunore. ²⁹ Tiquiro sa pijigu macuno yuhthahye. "Tuhoya mai. Yoari pje muhare dahra cohteriquiro yero saha muhare yedohomi. Sa yegu muhu dutiyere ne ihca taha yuhdudacaeru. Yuhu muhare dahra cohtepegata yuhure ne ohoerari muhu. Ne ihcaquiro wahiquiregare ne ohoerari muhu yuhure yuhu piti tiyequina mehna yuhu bosc deco dahreatire. ³⁰ Sa yero ahriquire muhu macu pehe nañequina numia mehna muhu yere ye site pehoñhti. Tire ye site peho tuhasa, wuhupu tiquiro tojoa wihigu dihi tiriquiregare wecugare wejē dutiñhti muhu tiquiro ihyatiquire", niahye tiquiro wahmino pehe pacurore. ³¹ "Macu, yuhu mehna ijipihtiye decori

mahu ijigū ijipihtiye yahu caoye mahu ye ijire. ³² Mahu bahu pehe yariariquiro yero saha wahari marine. Sa ye yojopare tiquiro catiriquiro ijire. Tiquiro butiriquiro yero saha ijiri. Tiquiro sa wahari bato yojopare tiquirore bocau. Sa yero tiquiro tojoa wihigū mari bose deco ye bucuegū quehnoare”, niahye tiquiro macanore, niahye Jesu tiquinare.

16

Niñeru cohteriquiro taho masiniquiro quitire Jesu yahuahye

¹ Sa ye ahri quitire tiquiro buheyequinare yahuahye Jesu:

—Doeri cjē uparo ye niñerure cohteriquiro niñerure quehnoano tiquiro ihboeragū ihñano apequiro pehe yahusāhye doeri cjē uparore. “Mahu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore pūhtoro yahuahye. “Yee niñerure mahu ye siterire apequiro yahure yahuri. Sa yegu yeere cohtegu iji nemosi mahu. Sa yegu yeere mahu yerire yahu peho ojoaya. Mahure cohāgu niaja”, niahye pūhtoro tiquirore. ³ Tiquiro sa nidi bato ohō saha ni tūhotuahye cohteriquiro tiquiro basi: “Yahu pūhtoro yahure cohāno taro niaga. Yahu

tutueraja. Sa yegu tutuaro dahra masiedaja. Sa yegu apequinare yahu niñerure sinigū buro yuhduboaga yahu. ¿Sa yegu dahse yeitari yahu? ⁴ Yojopu pūritare yahu yeatire masiaja yahu. Ohō saha yahu yegū yahu dahraye mariedagū yahu pūhtorore wapamoñequina yahure cahīeta. Sa ye tiquina ye wuhusepu sajā dutieta yahure”, ni tūhotuahye tiquiro. ⁵ Sa ni tūhoturo tiquiro ijipihtiyequina tiquiro pūhtorore wapamoñequinare pijioahye. Pijio tuhasa, cohteahye. Wihi māhtariquirore ohō saha ni sinituahye tiquiro. “¿Yahu pūhtorore noho puno wapamoajari mahu?” niahye tiquiro. ⁶ Tiquiro sa nigū wapamoriqiro pehe yūhtiahye. “Cien tambores uhsere olivo dūca mehna tiquina yeri uhsere wapamoaja tiquirore”, ni, yūhtiahye. Tiquiro sa ni yahugū cohteriquiro pehe ohō saha ni yahuahye. “Ohōpu ijire mahu wapamonore ojoa ohōri pū. Dujiya. Sa yegu mahu wapamonore deco mehna ne, deco mehna ojoa quehnoña”, niahye cohteriquiro wapamoriqirore. ⁷ Sa ni tuhasa apequiro wapamoriqirore sinituahye tiquiro. “¿Mahu waro, noho puno wapamoajari?” niahye tja. “Cien ajuri trigo pjeri ajurire wapamoaja yahu”, niahye wapamoriqiro niñerure cohteriquirore. “Ohōpu ijire mahu wapamonore ojoa

ohōri pũ. Mũhũ wapamonore ochenta oja quehnoña”, ni ahye cohteriquiro. ⁸ Tiquiro sa quehnoano ni meho mihnigũ ihñano “Ahriquiro ni mehoriquiro quehnoano masidiquiro ijiaga”, ni tãhotuahye tiquiro pũhtoro niñerure cohteriquirore. Ahri deco cjēna, Cohãcjũre cahmeeñequina tiquina yere quehnorire tiquina niñeru ihborire Cohãcjũ yequina yũhdũoro masiaga tiquina, niahye Jesu.

⁹ Sa ni tuhasa Jesu yahu nemoahye:

—Sa yegũ mũsare niita niaja. Mũsa cũoyere, pejecũoyequinare mũsa ohogũ, tiquina pehe mũsare cahĩeta. Mũsa sa yegũ mũsa cũoye pihtiarĩ bato mũsa uhmũsepũ esagũ mũsare cahĩeta topũre.

¹⁰ 'Ihyo ijiyequina ye dahrayere poto yena, pũhtoa ye dahraye gũhare poto yenata. Ihyo ijiyequina ye dahrayere queoro yerana, pũhtoa ye dahraye gũhare queoro yesi mũsa. ¹¹ Sa yena ahri yehpapũ mũsa cũoye mehna mũsa quehnoano yerana Cohãcjũ mũsare tiquiro ye buheye gũhare quehnoano yesi mũsa. Sa yero ti buheyere cũsi tiquiro. ¹² Sa yena apequiro yere mũsa quehnoano ye basaeragũ ihñano mũsa ye ijiatire ohosi mũsare.

¹³ 'Ihcãquiro Cohãcjũ pehere wacũno, tutua yũhdũaro niñeru pehere wacũedare. Niñeru pehere tutua

yũhdũaro wacũno Cohãcjũ pehere wacũedare. Niñeru dihitare cahmediquiro ijiro Cohãcjũre bucuegũ yerare. Cohãcjũ gũhare, niñeru gũhare pũarore cahme yũhdũũcaro basioerare mũsare. Niñerure cahme yũhdũariquiro Cohãcjũre quehnoano ño peo masiedare, niahye Jesu.

¹⁴ Tiquiro sa nigũ tãhoye fariseo masa pehe tiquirore bũjũpeahye. Tiquina pehe niñerure cahĩahye. Sa ye bũjũpeahye. ¹⁵ Tiquina bũjũpegũ tãhoro Jesu tiquinare yahuahye:

—Masa tiquina ihñonore mũsa quehnoano yemene. Mũsa sa yegũ “Quehnoañequina, poto yeyequina ijire”, nimene masa mũsare. Cohãcjũ pehe mũsa tãhotuyere masine. Masa “Quehnoa yũhdũare”, tiquina nidire Cohãcjũ pehe sijoro saha ni tãhoture. Tire ihña yabire, niahye Jesu.

Cohãcjũ dutiyere, tiquiro pũhtoro ijiyere yahuahye Jesu

¹⁶ Sa ni tuhasa ohõ saha ni nemoahye Jesu:

—Ñũ wame yeriquiro tiquiro ijiato pano Moiserere tiquiro cũri dutiye mehna Cohãcjũ marine dutiri. Cohãcjũ yere yahu mũhtariquina tiquina ojoari mehna gũhũ marine dutiri. Yojopũ pehere Ñũ tiquiro buhe dũcari bato quehnoañe buheyere, Cohãcjũ tiquiro pũhtoro ijiye gũhare masi dũcare masa. Sa masiñe

masa tiquina esa tuhara
 tiquina tutuaye mehna
 Cohãcjũ tiquiroy pãhtoro
 ijirore sajã duamene.
 17 Moiseroy tiquiroy cãri du-
 tiyepũ Cohãcjũ nidiroy sa-
 hata yey pehorota tiquiroy. Uhmũse
 gãhũ ahri yehpa gãhũ pihtia
 wahaepẽgũta Cohãcjũ nidiroy
 sahata yey pehorota, niahyy
 Jesu.

*Namonore cohãñene
 yahuahyy Jesu
 (Mt 19.1-12; Mr 10.1-12)*

18 Sa ni tuhasa ohõ saha ni
 nemoahyy Jesu:

—Masũno tiquiroy na-
 monore cohãno, apecoro
 mehna omoca dũhtero,
 ticoro mehna ñano yero nine.
 Apequiroy tiquiroy cohãricoro
 mehna omoca dũhtero,
 tiquiroy gãhũ ticoro mehna
 ñano yero nine, niahyy Jesu.

*Doeri cjẽ upũro, pe-
 jecũoriquiroy queoyere
 yahuahyy Jesu*

19 Sa yey queoyey mehna
 yahuahyy Jesu:

—Ti pjerũre doeri cjẽ
 upũro ijyey tiahyy. Tiquiroy
 suhti pehe wapa bũjũ
 yũhdũahyy. Sa yero decoripe
 quehnoañey dihitare ihyaro,
 peyey cũoahyy tiquiroy. 20 Sa
 yero ti pjere apequiroy pe-
 jecũoriquiroy, Lãzaro wame
 tiriquiroy ijyey tiahyy. Tiquiroy
 pagũ peyey cami tiriquiroy
 ijyehyy. Sa yey apequina
 pehe tiquirore doeri cjẽ
 upũro ya wãhũ cjã sahrĩno
 cahapũ ne saey tiahyy. 21 Sa
 yero pejecũoriquiroy pehe
 doeri cjẽ upũro tiquiroy ihyari

mesa docapũ yehpapũ dujiroy
 tiquiroy ihyy site dijiroyey
 ihyyey timahyy. “Tiquiroy
 ihyy site dijiroyey ihyyagũ
 yapigũta yãhũ”, ni, tãhotuy
 timahyy tiquiroy. Sa yey diayey
 tiquiroy caminy nehneyey
 ahtaey tiahyy.

22 ‘Sa yero pejecũoriquiroy
 tiquiroy yariãã wahagũ,
 Abrahã cahapũ paraĩso wame
 tiropũ angeley tiquirore ne
 mũjahyy. Sa yero doeri
 cjẽ upũro gãhũ tiquiroy
 batogãta yariãã wahahyy.
 Tiquiroy yariãgũ tiquirore
 yahyy. 23 Sa yero doeri
 cjẽ upũrore tutuaro peca
 uũjahyy. Sa yero pecapũ
 ijiroy uhmũsepũ ijiriquirore
 Abrahãrey ihñahyy. Lãzaro
 gãhũrey ihñahyy. 24 Ihñã
 tuhasa, tiquiroy Abrahãrey
 pisuahyy. “Yũhũ acayũ
 Abrahã, paja ihñãña yũhũrey.
 Pecapũ yũhũ ñano yũhdũgũ
 niãja. Yũhũ sa wahãgũ
 Lãzarore yũhũrey ohoya. Sa
 yero acore tiquiroy omo
 piriãpũ soha, yũhũ ñehmenore
 aco mehna nehono ahtaãhroy.
 Tire yũsũoãhroy tiquiroy”,
 niahyy doeri cjẽ upũro.
 25 Tiquiroy sa nigũ Abrahã
 tiquirore yahuahyy: “Yũhũ
 acayũ, catigũpũ mũhũ ijyey
 htiyey quehnoañeny cũori.
 Lãzaro pehe decoripe ñano
 yũhdũri. Yojopũ pehery mũhũ
 ñano yũhdũgũ tiquiroy pehe
 ohõpũrey bucueyey mehna
 ijiroy nine. 26 Sa yey mari
 watoã uhcũãri cope ijyey. Sa
 yey ohõrey ijyeyquina topũrey
 waha masiedare. Sa yey topũ
 ijyeyquina ohõpũrey ahta du-

ayequina ahta masiedare”, niahye Abrahã doeri cjẽ upũrore. ²⁷ Tiquiro sa nigũ doeri cjẽ upũro ohõ saha ni nemoahye: “Yũhũ acayũ, tutuaro siniaja mũhũre. Lázaro yũhũ pacũ ya wũhũpũ ohoya. ²⁸ Yũhũ ihcã omopequina bahana tii. Lázaro tiquinare yahuahro. Tiquina ohõre ñano yũhdũropũre ahtaeracãhdo”, niahye tiquiro. ²⁹ Sa nigũ Abrahã pehe yũhtiahye: “Cohãcjũ dutiyere Moise marine cũrire, Cohãcjũ yere yahu mũhtariquina tiquina ojoarire cũore mũhũ bahana. Sa ye mũhũ bahana tireta tũhoahro”, niahye Abrahã. ³⁰ Tiquiro sa nigũ doeri cjẽ upũro pehe yũhtiahye: “Yũhũ acayũ Abrahã, tire cũoepeta quehnoano tũhosi. Lázaro yariariquiro masa bajua, tiquina cahapũ esagũ ihñãne tiquina pehe ñãñene bũjũa witi, quehnoañe pehere comesaeta. Sa ye quehnoañene yeeta yũhũ bahana pehe”, niahye doeri cjẽ upũro mũnano. ³¹ Tiquiro sa nigũ Abrahã pehe yahuahye: “Mũhũ bahana Moise cũri pũ tiquiro yahuyere, Cohãcjũ yere yahu mũhtariquina mũna tiquina yahuyere tũho dueyequina ijire. Sa ye Lázaro yariariquiro mũnano masa bajuepegũta tiquina Cohãcjũre tũho duasi”, niahye Abrahã, ni, yahuahye Jesu.

17

Ñãñene yegũ cuarĩne
(Mt 18.6-7, 21-22; Mr 9.42)

¹ Sa ye Jesu yahuahye tiquiro buheyequinare:

—Masare ñãñe yegũ yeye peye ijire. Sa yeye masa ñãñene yere. Ti sa ijiepegũta masũnore ñãñene yegũ yeriquiro pehe ña yũhdũaro yũhdũrota. ² Masũnore

tiquiro wamũapũ pajiria utãre dũhte yo, pajiri mapũ tiquirore cohãgũ ñano wahaaboaga tiquiro. Apequiro pehe ahriquinagã mehna cjũnogãre ñãñene yegũ yero pajiri mapũ tiquina cohãriquiri yũhdũoro ñano yũhdũrota. Tiquirore tutuaro buhiri dahrero cahmene.

³ Quehnoano yeya mũsa. Mũsa acayũro ñano tiquiro yegũ ihñãna “Yeracãhña”, niña tiquirore. Sa yena tiquiro ñãñene bũjũa witi, quehnoañene comesagũ mũsa pehe tiquiro ñãñe yeyere boya. ⁴ Sa yero mũsa acayũro ihcã decota siete tahari mũsare ñano tiquiro yegũ mũsare tiquiro bo dutigũ boya. “Pari turi mũhũre ñano yesi”, siete tahari tiquiro nigũ tope taharita tiquiro ñano yerire boya, niahye Jesu.

Cohãcjũre wacũ tutuayere yahuahye Jesu

⁵ Sa ye Jesu buheyequina tiquirore ohõ saha niahye:

—Cohãcjũre usãre quehnoano wacũ tutua nemogũ yeya, niahye tiquina Jesure.

⁶ Tiquina sa nigũ Jesu yũhtiahye:

—Mostaza capegã meheni pjegã ijire. Ti yero saha Cohãcjüre mehenogã wacũ tutuana, ohõ saha wahagũ ye masinata m̄sa: Ahd̄m̄ yuc̄ḡure ohõ saha ni masine: “M̄h̄m̄ yuc̄ḡm̄ m̄h̄m̄ basi duhtu cã, pajiri map̄m̄ bora ñojoañã”, ni masine m̄sa. M̄sa sa nigũ t̄m̄ yuc̄ḡm̄ pehe m̄sa dutiro sahata waharota, niahye Jesu.

Dahra cohteriquiro tiquiro dahrayere yahuahye Jesu

7 Came ahri quitire yahuahye Jesu:

—M̄sare dahra cohteriquiro ijiro wesep̄m̄ tanare. Sa yero ovejare ihña ihbore. ¿Dahra cohteriquiro tiquiro tojoa wihigũ dahse niboagari m̄sa tiquirore? ¿“Sojaro mehna ahtaya. M̄h̄m̄ ihyaye ohõp̄m̄ ijire”, niboagari m̄sa? 8 Sa niedare m̄sa. Tiquirore ohõ saha nine m̄sa: “Ȳh̄m̄ ihyayere doha quehnoña. Sa yeḡm̄ ȳh̄m̄ ihya sihnigũ ȳh̄m̄ cohteya. Ȳh̄m̄ bato m̄h̄m̄ ḡh̄m̄ ihya sihniña”, nine m̄sa dahra cohteriquirore. 9 Dahra cohteriquiro m̄sa dutiyere tiquiro yegũ tiquirore “Quehnoare”, niedare m̄sa. Tiquiro dahraye dihitare yero niaga tiquiro. 10 M̄sa ḡh̄m̄ tiquiro yero saha ijire. Cohãcjũ dutiriro sahata ye pehona ohõ saha ni, t̄h̄otuya m̄sa. “Ûsã ḡh̄m̄ dahra cohtena dihita ijiaja. Ihyo ijina ijiaja ùsã. Ûsã dahraye dihitare yei ùsã”, ni, t̄h̄otuya

m̄sa, niahye Jesu tiquiro buheyequinare.

P̄m̄a omopequina camib̄m̄c̄m̄ m̄na wihare ȳh̄d̄m̄oahye Jesu

11 Ape deco Jerusalẽp̄m̄ Jesu waharo niahye. Top̄m̄ waharo Samaria yehpa, Galilea yehpa, ti p̄m̄a yehpa watoa ȳh̄d̄m̄ cãhye. 12-13 Ape macap̄m̄ wahari mahap̄m̄ tiquiro tinigũ p̄m̄a omopequina camib̄m̄c̄m̄ m̄na wiha pehe tiquirore piti cahye. Sa ye yoa cjũnop̄m̄ ducuye pisuahye:

—Jesu, p̄h̄to, ùsãre paja ihñaña, niahye tiquina.

14 Sa nigũ tiquinare ihña, yahuahye Jesu:

—Pahire m̄sa paḡm̄ire quehnoañe paḡm̄i m̄sa waharire ihñona wahaya, niahye tiquinare.

Sa nidi bato tiquina wahari watoa quehnoa wahahye. 15 Sa yero ihcãquiro tiquina mehna cjũno quehnoano tiquiro paḡm̄ wahagũ ihñano, Jesu cahap̄m̄ majare tojoa tahye. Sa tojoa taro tutuaro mehna Cohãcjüre ño peoahye. “Cohãcjũ tutu-ariquiro, quehnoariquiro ijire”, ni, ño peoahye tiquiro. 16 Sa nino tiquiro Jesu dahpocãri caha d̄usepe curi mehna quehe sa, “Quehnoare”, niahye tiquiro. Samaria cjũno ijiahye. 17 Tiquiro sa yeri bato Jesu ohõ saha ni sinituahye:

—P̄m̄a omopequina ijiri masa quehnoa wahariquina. ¿Apequina nueve d̄hsayequina pehe nohop̄m̄

ijiagari tiquina? ¹⁸ Ahriquiroy ape yehpa cĵano dihita Cohăcĵure “Quehnoare”, nino taro tojoa tari. ĴDuhse ijiro boro apequina ahtaerajari? niahye Jesu.

¹⁹ Sa ni tuhasa Jesu yahuahye dusepe curi mehna quehe sariquiroye.

—Wahcădăcaya. Wahaya. Măhă Cohăcĵure wacū tu-tuaga, yăhdăre măhă, niahye Jesu tiquiroye.

*Cohăcĵă tiquiroy păhtoro iji-
atire yahuahye Jesu*

(Mt 24.23-28, 36-41)

²⁰ Ti pjere meheñequinagă fariseo masa Jesure sinitu-ahye:

—ĴDuhse ijigă Cohăcĵă păhtoro iji dăcarotari? ni-ahye tiquina.

Tiquina sa nigă Jesu yăhtiahye:

—Cohăcĵă tiquiroy păhtoro iji dăcagă masa ihă masiedare. ²¹ “Cohăcĵă păhtoro ijiye ohăpă ijire”, ni masiedare. “Sohăpă ijire”, ni masiedare. Cohăcĵă tiquiroy păhtoro ijiye masa tiquina tăhotuyepă ijire, niahye Jesu fariseo masare.

²² Sa ni tuhasa Jesu tiquiroy buheyequinare ohă saha ni yahuahye:

—Came yăhă masă Cohăcĵă ohorigă ahri yehpapă yăhă tojoa tatire tutuaro cahmenata măsă. Mehenogă yăhăre ihă duepenata yăhăre ihăsi măsă. Măsă yăhăre sa ihă duepegăta ti pjere ahtasi yăhă. ²³ Apequina măsare ohă saha nieta. “Tiquiroye

ihăhă. Cristo ijire. Ahriquiroye ihăhă. Cristo ijire”, nieta măsare. Tiquina sa niepegăta tiquinare tăhoeracăhă. ²⁴ Ĵpo mi-adoqueoro wacūeno mehna ti mia sitedoqueoro sahata yăhă găhă masă Cohăcĵă ohorigă wacūeno mehna tojoa tautja. ²⁵ Ahrire yăhă yeato pano yăhă tutuaro ņano yăhdăta. Sa ye yojopă cĵăna yăhăre cahmesi. ²⁶ Noé tiquiroy ijiri pje cĵăna tiquina ijiriro sahata yăhă masă Cohăcĵă ohorigă yăhă tojoa tagă sata ijieta masa. ²⁷ Noé tiquiroy ijiri pjere ijipihtiyequina masa sa ihyaducue tiahye. Sa ye sihniducue tiahye. Ĵmăa, numia mehna omoca dăhtee tiahye. Noé pajiria yucăsapă tiquiroy sajăto pano Cohăcĵă tiquinare tiquiroy mioato pano ti ijipihtiyere masa yeducue tiahye. Sata ijirota yăhă tojoa tagă găhăre. ²⁸ Lote tiquiroy ijiri pje cĵăna tiquina ijiriro sahata yăhă tojoa tagă ijieta masa. Lote tiquiroy ijie tiri pjere masa ihya, sihni, dú, dua, weserire ote, wăhăse yeahye. ²⁹ Tiquina sa yeri watoa Sodoma wame tiri macapă ijiriquiroy Lote tiquiroy wahari deco ūhmăse cĵă peca, peca asiye paca ută pjeri găhă acoro ahtaro saha tiquina bui bora pje, tiquinare wejă pehoe tiahye. ³⁰ Yăhă masă Cohăcĵă ohorigă wacūeno mehna yăhă tojoa tagă tiquina yero sahata yeyequina ijieta masa ti

pjere.

³¹ Ti pjere ihcãquiro tiquiro ya wuhũ bui cjã paapu quehnoari paapu ijiriquiro wuhũ puhiapu tiquiro ye ijigũ tire neno wahaeracãhdo tiquiro sojaro mehna wahato saha. Sa yero wesepu ijiriquiro gũhu ti pjere tiquiro ya wuhũpu piheracãhdo tiquiro sojaro mehna wahato saha. ³² Lote namono ticoro waharire wacũña masa. ³³ Masano yuhũre wacũno marieno tiquiro esa tuhoro tiquiro cahmeno saha yero, pecapu waharota. Sa yero yeere sa yeducuriquiro ijipihtiye decori yuhũ mehna ahmũsepu ijirota.

³⁴ Ti ñamine puaro ihcã cuñanopu carĩnequinare ihcãquiro yuhũre cahmeniquirore neitja. Sa yero yuhũre cahmedariquiro topu tojoarota. ³⁵ Ti pjere puaro numia ihcãnopu tiquina trigore tu mutoñe numiare ihcãcoro yuhũre cahmenicorore neitja. Sa yero yuhũre cahmedaricoro topu tojoarota. ³⁶ [Sa ye wesepu puaro dahrayequina tiquina ijigũ ihcãquirota neitja. Ihcãquiro topu tojoarota,] niahye Jesu.

³⁷ Sa nigũ tiquiro buheyequina pehe sinituahye tiquirore.

—¿Nohopu sa waharotari? ni sinituahye tiquina.

Tiquina sa nigũ Jesu yuhtiahye:

—Masa tiquina ñano yeducuriporu, topu Cohãcjũ buhiri

dahrerota tiquinare, niahye Jesu.

18

Wape wihoro ticoro buhiri dahre dutiye queoyere yahuahye Jesu

¹ Sa ye Jesu tiquinare Cohãcjũre siniñene yahuro ohõ saha niahye:

—Masa Cohãcjũre sinina, cohteya tiquiro yuhtiatire. Yoari pje cohtepenata bujua witieracãhña. Tiquirore sinina duhueracãhña, niahye Jesu.

² Tiquiro sa nidire buhero taro ahri queoye mehna yahuahye tiquinare:

—Ape macapu tiquina buhiri dahre dutiriquiro ijiahye. Tiquiro Cohãcjũre ño peoerahye. Sa yero masa gũhũre ño peoerahye. ³ Sa yero wape wihoro gũhu topu ijiahye. Ticoro tiquiro cahapu sa majareno ohõ saha niahye: “Yuhũre ihña tuhtiriquirore buhiri dahre dutiya mũhu. Yuhũre ni cahmota basaya”, ni siniducuahye ticoro tiquirore. ⁴ Ticoro sa nigũ peye tahari tiquiro “Yesi yuhũ”, nimahye ticorore. Tiquiro sa niepegũta ticoro peye tahari sa siniducuro tiquirore ni cariboro ye cãmahye. Ticoro caribogũ, ohõ saha niahye tiquiro basi. “Yuhũ Cohãcjũre, masa gũhũre ño peoeraja. ⁵ Yuhũ sa ño peoegu yuhũ ijiepegũta ahricoro pehe yuhũre caribo ye cãmaga.

Yuhure sa cariboro yuhure caributigū yerota ticoro. Sa ni yahusāducugū ticorore ihña tuhtiriquirore buhiri dahre dutiitja”, niahye buhiri dahre dutiriquiro, niahye Jesu.

⁶ Sa nino Jesu tiquinare yahu nemoahye:

—Sa niahye ñariquiro buhiri dahre dutiriquiro. Tiquiro nidire wacūña m̄sa. ⁷ Tiquiro yuhd̄oro Cohācjū pehe tiquiro yequina tiquiro beseriquinare ñamip̄, decop̄ tiquirore sinidiquinare yuhtiro, yedohorota. ⁸ M̄sare niita niaja. Cohācjūre tiquina sinidiro sahata duita tiquinare yedohorota. ¿Tiquiro sa yuhtiriquiro ijiepegūta yuh̄ mas̄ Cohācjū ohoriḡ ahri yehpap̄ tojoa taḡ Cohācjūre wacū tutuayequinare bocaboagari yuh̄? niahye Jesu.

P̄aro masa Cohācjūre tiquina siniñe quitire yahuahye Jesu

⁹ Sa ye apeye quitit mehna ohō saha ni yahuahye Jesu: “Ūsā pehe quehnoana ijiaja. Apequina pehe ñano yeyequina ijire”, ni, tuhotuyequinare ahri quitire yahuahye:

¹⁰ —Cohācjū ya wuhap̄ p̄aro am̄a Cohācjūre siniñe wahahye. Ihcāquiro fariseo mas̄no ijiahye. Apequiro wapa ne cohteriquiro ijiahye. ¹¹ Sa yero fariseo mas̄no pehe ducu, ohō saha ni yahuahye Cohācjūre: “Yuh̄ yaqueriḡ, ñañene

yeriḡ, numia mehna ñano yeriḡ ijieraja. Apequina yero saha ijieraja. Ahriquiro wapa ne cohteriquiro yero saha ñaḡ ijieraja. Sa yeḡ m̄hure ‘Quehnoare’, niaja Cohācjū. ¹² Yuh̄ semanaripe p̄a decore m̄h̄ yere yeḡ sijiaja. Sa yeḡ p̄a omope cjoeri niñeru cjoerire wapataḡ ihcā cjoere m̄hure ohoaja”, niahye fariseo mas̄no Cohācjūre. ¹³ Sa yero wapa ne cohteriquiro pehe yoarop̄ muhri yo ducu, tiquiro ñañene buj̄a witi, uh̄m̄sep̄re ihñedahye. Tiquiro ñañene buj̄a witiriquiro ijiro tiquiro cutirore quē ohō, siniahye Cohācjūre: “Cohācjū, yuh̄ ñaḡ ijiaja. Sa yeḡ m̄h̄ paja ihñaña yuh̄”, niahye tiquiro Cohācjūre. ¹⁴ M̄sare niita niaja. Ahriquiro wapa ne cohteriquiro pehere tiquiro ya wuhap̄ tojoaḡ Cohācjū pehe “M̄h̄ ñañene cohā tuhasa”, niahye tiquirore. Apequiro fariseo mas̄nore “M̄h̄ ñañene cohā”, niedahye Cohācjū. “Yuh̄ quehnoaḡ ijiaja”, nidiquiro Cohācjū ihñaḡ ñariquiro ijire. “Yuh̄ ñaḡ ijiaja. Sa yeḡ yee ñañene buj̄a witiaja”, nidiquirore Cohācjū quehnoariquiro ijiḡ yerota tiquirore, niahye Jesu.

Macanagāre tiquina ye ijiatire Cohācjūre sini basahye Jesu

(Mt 19.13-15; Mr 10.13-16)

¹⁵ Sa ye masa tiquina pohnene macanagāre Jesure

ña peo dutiye tehe, tiquiro cahap̄ ne wihiahye. Tiquina sa yegū ihñañe Jesu buheyequina tiquinagāre ne wihiequinare tuhtiahye. ¹⁶ Tiquina sa tuhtigū ihñano Jesu macanagāre pijioahye tiquiro cahap̄. Pijio tuhasa ohō saha niahye tiquiro buheyequinare:

—Macanagā yuh̄ cahap̄ ahtaahro. “Waharīsa”, niedacāhña tiquinagāre. Tiquinagā Cohācjūre tiquina p̄htoro tuhature. Sa ye Cohācjū p̄htoro ijirop̄re ahriquinagā yero sahata tuhature. ¹⁷ Potota niita niaja m̄sare. Ahriquinagā Cohācjūre tiquina cahmeno saha m̄sa pehe cahmedana, tiquiro cahap̄ wahasi m̄sa. M̄sa wahaeragū m̄sa p̄htoro ijisi tiquiro, niahye Jesu.

Doeri cjē up̄ro Jesure sinituahye

(Mt 19.16-30; Mr 10.17-31)

¹⁸ Tiquiro sa nidi bato judio masa p̄htoa mehna cjūno Jesure sinituahye:

—¿Ne, quehnoagū, buhegū, ijipihtiyere decori Cohācjū mehna iji duagū, d̄hse yeboagari yuh̄? niahye tiquiro.

¹⁹ Tiquiro sa nigū Jesu yuh̄tiahye:

—¿D̄hse ijiro boro yuh̄re “Quehnoagū”, ni pisuajari m̄h̄? Cohācjū dihita quehnoariquiro ijire. ²⁰ Ahri Cohācjū dutiyere masine m̄h̄. “W̄ana tieracāhña.

Masare wejēdacāhña. Yaque-racāhña. Ni mehoedacāhña. M̄sa pac̄sum̄are ño peoya”, ni, sa ye dutire Cohācjū. Sa yegū tire yeya m̄h̄, niahye Jesu.

²¹ Tiquiro sa nigū Jesure yuh̄tiahye:

—Tire ijipihtiyere yuh̄ coā wahm̄a cāhtagū ijiḡp̄ta yuh̄d̄m̄caerahti, niahye tiquiro.

²² Tiquiro sa nigū tuhoro, Jesu tiquirore ohō saha ni yahuahye:

—Mehenogā d̄hsare m̄h̄re m̄h̄ ye pehoati. Ijipihtiyere m̄h̄ yere duagū wahaya. Sa yegū ijipihtiyere m̄h̄ wapatarī niñerure pejec̄oyequinare ohoya. M̄h̄ sa yegū peye m̄h̄ ye uhm̄sep̄, Cohācjū cahap̄ ijirota. Sa ye tuhasagū yuh̄ mehna cjū ijic̄j̄ ahtaya, niahye Jesu tiquirore.

²³ Tiquiro sa nigū tuhoro tiquiro pehe peye doeri cjē c̄oriquiro ijiro tire pejec̄oyequinare oho dueraro, tutuaro b̄j̄a witi, wahaa wahahye.

²⁴ Tiquiro sa b̄j̄a witi gū ihñano Jesu ohō saha ni yahuahye apequinare:

—Doeri cjē opana Cohācjū tiquiro p̄htoro ijirop̄re tiquinare waharo basioera cjūre. ²⁵ Camello pehe awia cop̄re tiquiro sajā duagū basioerare tiquirore. Tiquiro sa ijiro yuh̄d̄oro doeri cjē up̄ro Cohācjūre cahmedaro, Cohācjū tiquiro p̄htoro ijirop̄re waharo basioerare, niahye Jesu.

²⁶ Tiquiro sa nigũ tiquirore tũhoyequina ohõ saha niahye:

—Aa, dũhse tiquiro nino saha poto ijigũ, ne ihcãquiro masũno Cohãcjũ cahapũ waha masiedaboaga, niahye tiquina basi.

²⁷ Tiquina sa nigũ Jesu yũhtiahye:

—Masa tiquina esa tuharo quehnoano yeri mehna Cohãcjũ cahapũ waha masiedare. Cohãcjũ pehe masare pecapũ wahaboriquinare yũhdũo masine. Tiquiro ijipihtiyere quehnoano ye masi peho cãre, niahye Jesu tiquinare.

²⁸ Tiquiro sa nigũ Pedro tiquirore ohõ saha niahye:

—Tũhorĩña. Ɔsã pehe ijipihtiyere Ɔsã yere cũ cãũ mahũ mehna wahana, niahye tiquiro Jesure.

²⁹ Tiquiro sa nigũ Jesu ohõ saha niahye:

—Potota mũsare niita niaja. Mũsa Cohãcjũ yere yena tana mũsa wũhũsere, mũsa pacũsumũare, mũsa bahanare, mũsa namosãnumiare, mũsa pohnare cũrina ijina pajiro wapatanata mũsa yojopũre. ³⁰ Mũsa cũri yũhdũoro wapatanata. Sa yena mũsa yariari bato ijipihtiyere decori Cohãcjũ mehna ijinata mũsa, niahye Jesu tiquinare.

Pari turi Jesu tiquiro yaria masa wijiatiye yahuahye

(Mt 20.17-19; Mr 10.32-34)

³¹ Sa ye Jesu doce tiquiro buheyequinare neahye. Sa neano tiquinare yahuahye:

—Tũhoya yũhũre. Yojopũre mari Jerusalẽpũ wahana niaja. Topũ yũhũre masũre Cohãcjũ ohorigure Cohãcjũ yere yahu mũhtariquina panopũ tiquina yahuriro sahata sa yeeta yũhũre. ³² Topũ masa yũhũre ñeheñe, judio masa ijieyequinare ohoeta yũhũre. Yũhũre tiquina ohori bato tiquina yũhũre bajũpe, ñano ni, yũhũre sihco puti ohõeta. ³³ Sa ye yuta dari mehna tana tuhasa wejẽeta yũhũre. Sa yegũ ihtia deco wahaboro masa wijiagũta yũhũ, niahye Jesu tiquinare.

³⁴ Tiquiro sa ni yahurire quehnoano masiedahye tiquiro buheyequina. Cohãcjũ tire tiquinare quehnoano masigũ yerani-ahye.

Caperi bajueriquirore ihũagũ yeahye Jesu

(Mt 20.29-34; Mr 10.46-52)

³⁵ Sa ye Jesu gũhũ Jericõ wame tiri maca cahagãpũ esahye. Topũ caperi bajueriquiro maha dũhtũ caha duji, niñeru sinino niahye. ³⁶ Sa yero masa peyequina tiquiro caha yũhdũagũ tũhoro sinituahye tiquinare:

—¿Dũhse ijiro boro masa peyequina yũhdũajari? ni sinituahye tiquiro.

³⁷ —Jesu Nazare cjũno waharo nine, ni, yahuahye apequina tiquirore.

³⁸ Tiquina sa ni yahugũ tũhoro tiquiro saũducuahye:

—Jesu, Davi mũnano panami iji turiagũ, masare yũhdũoacjũ, yũhũre paja

ihñaña, ni sañuducuahye Jesure.

³⁹ Tiquiro sa nigū tiquiro caha ihñaducuyequina pehe, “Dihta mariahña”, ni tuhtiahye tiquirore. Tiquina sa ni tuhtiepegūta to pano tiquiro sañuducuriro yuhduoro sañuducu nemoahye tja:

—Davi manano panami iji turiagu, masare yuhduoacju, yuhure paja ihñaña, ni sañuducuahye tiquiro.

⁴⁰ Tiquiro sa ni sañuducugū tuhoro, Jesu pehe esaduca, “Pijioya tiquirore”, niahye. Tiquiro sa nigū tiquina pehe caperi bajueriquirore piji cāhye. Tiquina sa piji cāgū Jesu cahapu esagū Jesu pehe tiquirore sinituahye:

⁴¹ —¿Dahse yuhu yegū cahmeajari mahu? niahye Jesu.

—Yuhu puhto, yuhure ihñagū yeya, ni yuhtiahye caperi bajueriquiro.

⁴² —Ihñaña. Yuhure wacū tutuagu, quehnoa wahare mahu, niahye Jesu tiquirore.

⁴³ Tiquiro sa nigūta caperi bajueriquiro ihñaa wahahye. Sa quehnoa waharo, tiquiro Jesu mehna wahahye. “Cohācjū tutuariquiro ijire”, niahye tiquiro. Sa ye masa peyequina caperi bajueriquiro ihñagū ihñañe “Cohācjū quehnoariquiro, tutuariquiro ijire”, niahye tiquina gūhu.

19

Zaqueo Jesure piti cahye

¹ Sa ye Jesu Jericóru esa, ti macaru yuhdu cāno taro

niahye. ² Doeri cjē upuro Zaqueo wame tiriquireo wapa ne cohteyequina puhtoro topu ijiahye. ³ Sa yero tiquiro Jesure “¿Diquiro boro ijiagari?” ni ihña masino taro Jesure ihña duamahye.

Sa tiquiro ihña duepegūta ummediquireogā ijigū masa peyequina tiquirogāre cahmotahye. ⁴ Sa yero tiquiro masare oma yuhdu cā, sicómoro wame tidu yucuguru mujahye Jesure ihñano taro. Came cjūnogā tu cahapu Jesu yuhduaro taro niahye. Sa yero Zaqueo tpu cohtero niahye. ⁵ Tiquiro sa cohte pesari watoa Jesu pehe tu dahpotopu esaduca, Zaqueore ihña mo, tiquirore pisuahye:

—Zaqueo yojopare mahu ya wahu ru tojoagutja. Sa yegu sojaro mehna dijia taya, niahye Jesu.

⁶ Tiquiro sa nigū Zaqueo pehe sojaro mehna dijia ta, tutuaro bucueye mehna tiquiro ya wahu ru waha dutiahye Jesure. ⁷ Tiquiro sa piti cagū ihñañe, ijipihtiyequina masa tiquina basi ohō saha ni yahuducuahye:

—Ahriquireo Jesu ñariquireo ya wahu ru tinino waha duare, ni, yahuducuahye ijipihtiyequina tiquina basi.

⁸ Zaqueo pehe piti ca tuhasa topu ducuro, Jesure yahuahye:

—Puhto, tuhoya yuhure. Ijipihtiyeyere deco mehna pejecuoyequinare ohoutja. Sa yegu yuhu apeqirore

cien niñeru cjoerire ni meho ehmarigū ijigū, cuatro cientos niñeru cjoerire wapa ye bui peoutja tiquirore, niahye Zaqueo Jesure.

⁹ Tiquiro sa nigū Jesu pehe yahuahye tiquirore:

—Miare mahure mahū ya wuhupū ijiyequina gūhure pecapū wahaboriquinare Cohācjū yuhduo tuhasare. Mūhū gūhū Abrahā mūnano acayū ijire. ¹⁰ Yuhū masū Cohācjū ohorigū pecapū wahaboriquinare macagū ahtagū nii. Topū wahaboriquinare quehnoano yuhduogū ahtagū nii, niahye Jesu Zaqueore.

Niñeru cjoeri uru cjoeri quitire yahuahye Jesu
(Mt 25.14-30)

¹¹ Sa ye tiquirore tūhoyequinare Jesu apeye queoye mehna yahuahye. Mehenogā dahsahye Jerusalēpū ye niñeru mehna tiquina tiquiro esato. Sa ye tiquirore tūhoyequina ohō saha ni tūhotuahye: “Cohācjū pūhtoro yojopūre iji dūcaro taro nine”, ni, tūhotuahye tiquina. ¹² Tiquina sa ni tūhotugū Jesu yahuahye tiquinare:

—Ihcāquiro pūhtoro macūno pūhtoro sajātiquiro yoaropū ape yehpapū waharo taro niahye. Topūre esagū ihñano tiquina tiquirore pūhtoro sōñe tee niahye. Came tiquiro ya wuhupū tojoa wihiro taro niahye. ¹³ Coā warore tiquiro wahato panore pūhtoro pūa omopequina

dahra cohteyequinare pijioahye. Sa pijioro, tiquiro tiquinare tiquinape cjoeri niñeru cjoeri wapa bujūye cjoeri uru cjoerire ohoahye. Oho tuhasa, yahuahye tiquinare: “Yuhū mariedagū ahri niñeru mehna mūsa wapata nemoatire macañā”, niahye tiquiro dahra cohteyequinare. ¹⁴ Sa ye tiquiro ya maca cjēnata tiquirore cahmedahye. Sa cahmedaye, apequinare tiquirore pūhtoro yahu dutiye ohoahye. “Mūhū usā pūhto ijigū cahmedaja usā”, niahye tiquina yahu dutiriquina pehe. ¹⁵ Sa tiquina cahmedapegūta came tiquina pūhtoro sajāhye tiquiro. Pūhtoro sajā tuhasa tiquiro ya wuhupū tojoa tahye.

’Sa tojoa wihiro dahra cohteyequinare tiquiro tiquinare tiquinape cjoeri niñeru mehna tiquina tiquiro esato. Sa ye tiquirore tūhoyequina ohō saha ni tūhotuahye: “Cohācjū pūhtoro yojopūre iji dūcaro taro nine”, ni, tūhotuahye tiquina. ¹⁶ Tiquiro pijiori bato, wihi māhtariquiro tiquirore yahuahye: “Pūhto, mahū niñeru cjoe, yuhūre mahū ohori cjoe mehna pūa omope cjoeri wapata nemou yuhū”, niahye dahra cohteriquiro pūhtoro. ¹⁷ “Quehnoano yeaya mahū. Mūhū quehnoagū dahra cohtegū ijire. Mūhū mehenogā mehna yuhū dutiriro sahata ye pehogū ijigū yojopū pūa omope macari cjēna tiquina pūhto ijicjū wahagūta mahū”, niahye pūhtoro dahra cohteriquirore. ¹⁸ Tiquiro

bato wihiriquiro tiquiro mehna cjũno ohõ saha ni-ahye: “Pũhto, mũhũ ya cjoe niñeru cjoe yũhũre mũhũ ohori cjoe mehna ihcã omope cjoeri wapata nemou yũhũ gãhũ”, ni yahuahye tiquiro pũhtoro. ¹⁹ “Ihcã omope macari cjẽna pũhto ijiacjũ wahagũta mũhũ”, niahye pũhtoro tiquirore. ²⁰ Tiquiro sa nidi bato apequiro dahra cohteriquiro wihĩ, yahuahye: “Pũhto, mũhũ niñeru cjoe ohõ ijire. Suhtiro cahsero mehna coma, ti cjoere ihbou. ²¹ Mũhũ tutuaro dahra dutigũ ijire. Sa tutuaro dahra dutigũ ijigũ mũhũ basi oterapegũta ti dũcare nene mũhũ. Sa yegũ mũhũre cue nii”, niahye tiquiro pũhtoro “Ti cjoe mehna wapataeru yũhũ”, ni yahuro. ²² Tiquiro sa nigũ tiquiro pũhtoro ohõ saha niahye: “Mũhũ sa nigũ ñagũ ijire mũhũ. Yũhũre mũhũ sa nidi buhiri mũhũre buhiri dahregũtja yũhũ. Yũhũ mũhũre tutuaro dahra dutigũ yũhũ ijigũ masine mũhũ. Apequina yere yũhũ negũ yũhũ oterarigũ ijiepegũta dũcare negũ yũhũ ijigũ masine mũhũ. ²³ Yũhũ sa ijigũ ihñapegũta ya cjoere niñeru ihbori wũhũpũ cũedahya mũhũ. Tire tiquina wasori wapa wapata nemoboaya mũhũ. ¿Dũhsegũ sa yerari mũhũ? Tire mũhũ yegũ tojoa wihigũ wapata nemoboaya yũhũ”, niahye tiquina pũhtoro. ²⁴ Sa ni tuhasa tiquiro cahapũ ducyequinare dutiahye: “Niñeru cjoere ehmaña

tiquirore. Pũa omope cjoerire cũoriquirore ohoya”, niahye pũhtoro. ²⁵ Tiquiro sa nigũ tiquina pehe yahuahye tiquirore: “Pũhto, pũa omope cjoeri cũoriquiro peye cũo tuhasare”, niahye tiquina. ²⁶ Tiquina sa nigũ pũhtoro yũhtiahye: “Mũsare niita niaja. Ijip-ihtiyequina cũoyequinare oho nemoutja. Cũoeriquiro pehere mehenogã tiquiro cũoepẽgũta tire ehmagũtja. ²⁷ Yojoipũ pũritare yũhũre ihña tuhtiyequinare yũhũre tiquina pũhtoro iji dutier-ariquinare yũhũ cahapũ ne cãhtaya. Sa yena yũhũ ihñonopũ wejẽña tiquinare”, niahye pũhtoro dahra cohteyequinare, ni, buheahye Jesu.

Jerusalẽpũ esahye Jesu

(Mt 21.1-11; Mr 11.1-11; Jn 12.12-19)

²⁸ Sa ni tuhasa Jesu apequina pano Jerusalẽpũ wahahye. ²⁹ Tiquiro Betfagẽ wame tiri maca cahapũ Betania wame tiri maca cahapũ esa, cũnũ Olivo wame tidũ cahapũ esa mũhtahye. Jerusalẽpũ tiquiro esato mehenogã dũhsatjiãhye. Sa yero pũaro tiquiro buheyequinare Jesu ohoro ohõ saha niahye:

³⁰ —Si macapũ burrogãre nena wahaya. Topũ esana, burrogãre tiquina dũhte docoriquirogãre boca sanata. Apequina pesamehnediquirogã ijiaja. Tiquirogãre bocana, yuta

dare pã, ne cãhta basaya yuhure. ³¹ MUSA sa yegũ ihñano, burrogã uparo “¿Dahsena burrogãre pãjari?” tiquiro nigũ tahona ohõ saha ni yuhtiya tiquirore: “Mari puhtoro burrogãre cahmedoqueo nidi”, ni, yahuya tiquirore, ni yahu duti ohoahye tiquiro buheye-quinare puarore.

³² Tiquiro sa nigũ tiquina puaro pehe tiquiro nidiropu esahye. Tiquina sa esagũ ijipihtiye Jesu tiquiro nidiro sahata ijiahye. ³³ Sa ye tiquirogãre tiquina pãgũ ihñañe tiquirogã opana tiquinare sinituahye:

—¿Dahse yena tana musa yuta dare pãjari burrogãre? ni, sinituahye tiquina.

³⁴ —Mari puhtoro burrogãre cahmedoqueo nidi, ni yuhtiahye tiquina.

³⁵ Sa ni yahu tuhasa tiquirogãre Jesu cahapu ne sahye. Ne sa tuhasa tiquina bui cjẽ suhtire tiquirogã bui seõ peo, tiquirogã buipũ Jesu mija pjegũ yedohoahye tiquina. ³⁶ Jesu tiquirogã bui pesagũ tiquiro wahato pano masa tiquina bui cjẽ suhtire tu we ne, mahapu seõ cũ muhtahye Jesure ño peoye. ³⁷ Sa ye tiquina Jerusalẽ cahagãpu esa, Olivo wame tidũpu dijia tari mahapu esahye. Topũ Jesu buhegũ tũhoyequina peyequina ijipihtiye Cohãcjũ tutuaye mehna tiquiro ye ihñorire, tiquiro quehnoañe yerire tiquina ihñarire wacũñe, Cohãcjũre

“Quehnoagu, tutuagu ijire”, ni sañuducuahye. Sa ye tutuaro sañuducu, Cohãcjũre ño peoye, ohõ saha niahye:

³⁸ —Ahriquiro Cohãcjũ tiquiro ohoriquire, mari puhtorore Cohãcjũ quehnoano yeahro. Uhmuse cjẽna quehnoano ijiahro. Cohãcjũ tiquiro tutuariquiro ijigũ ijipihtiyequina masi-ahdo, ni ño peoahye tiquina.

³⁹ Tiquina sa nigũ tũhoye fariseo masa meheñequinagã tiquina watoa ijiyequina Jesure yahuahye:

—Buhegũ, muhũ buheye-quinare dihta maria dutiya, niahye tiquina.

⁴⁰ —Musare niita niaja. Tiquina sañuducueragũ utã paca pari pehe sañuducuboaga, niahye Jesu fariseo masare.

⁴¹ Sa ni tuhasa Jesu Jerusalẽ cahagãpu esa, ti macare ihñano, utiahye. ⁴² Ohõ saha niahye tiquiro:

—Jerusalẽ cjãna yojopũ pũritare musare pecapu wãhaborinare Cohãcjũ tiquiro yuhduotire musa masigũ quehnoa yuhduaboaga. Sa ijiepegũta yojopũre musa tire ne tũho duerare. Sa yero Cohãcjũ tire musare masi dutierare. ⁴³ Musare ihña tuhtiyequina musa ijiri macare cahmota so-toa peho quẽheeta. Sa ye, musare tiquina wijia dutisi. ⁴⁴ Ti pjeta tiquina musa ya macare cohã pehoeta. MUSA gũhure wejẽeta. Musare ihña tuhtiyequina quehnoano cohã pehoeta musa ya

20

macare. Cohācjū pecapū wāhaborinare mūsare tiqiro yūhduoatire mūsa masi duerari. Mūsa masi duerari buhiri mūsare ihña tuhtiyequinare Cohācjū mūsare cohā dutirota, niahye Jesu Jerusalē cjenare.

Cohācjū wāhūpū Jesu esahye

(Mt 21.12-17; Mr 11.15-19; Jn 2.13-22)

45 Sa ye Jerusalēpū esaro, Jesu Cohācjū wāhūpū sajāa wahahye. Sa yero apee boro duayequinare ti wāhūpū ijyiequinare boca saro, tiquinare cohā wio cāhye. Ohō saha niahye tiquinare:

46 —Cohācjū yere tiquina ojoari pūpū ohō saha nine: “Ya wāhū Cohācjū mehna yahuducuri wāhū wame tirota”, niahye tiqiro yere tiquina ojoari pūpū. Tiquiro sa niepegūta mūsa pehe ahri wāhūpū duana, mūsa basi cahme yaquere mūsa, niahye Jesu.

47 Sa ye decoripe Cohācjū wāhūpū Jesu buheahye. Sa ye pahia pūhtoā, judio masare buheyequina, masa pūhtoā gūhū tiqirore tiquina wejēatire wacū macahye. 48 Masa ijipihtiyequina tiqirore sa tūhoducuye, tiqiro buheyere quehnoano tūho nūnūñequina ijiahye. Tiquina sa quehnoano tūho nūnūgū Jesure wejē duayequina pehe tiqirore tiquina wejēatire bocaerahye.

Pahia pūhtoā, judio masare buheyequina, būcūna gūhū Jesu mehna cahme tuhtiyehye

(Mt 21.23-27; Mr 11.27-33)

1 Ape deco Cohācjū wāhūpū Jesu masare quehnoañe buheyere buhero niahye. Tiquiro sa buhegū pahia pūhtoā, judio masare buheyequina, būcūna mehna tiqiro cahapū wihiye, sinituahye:

2 —Yahuya usāre. ¿Dūhsegū canūre sa yeari mūhū? ¿Noa mūhūre tire sa ye dutiari? niahye tiquina Jesure.

3 Tiquina sa nigū Jesu yūhtiahye tiquinare:

—Mūsa pehere sinitu māhtagūta. Yahuya yūhūre.

4 ¿Ñū masare tiqiro wame yegū noa boro pehe tiqirore wame ye dutiyari, mūsa tūhotugū? ¿O Cohācjū dutierayari? ¿O masa pehe dutiyari, mūsa tūhotugū? ni sinituahye Jesu tiquinare.

5 Tiquiro sa nigū tiquina pehe tiquina basi ohō saha niahye:

—¿Dūhse ni yūhtinatari mari? “Cohācjū Ñūre dutie tiahye”, mari nigū, “¿Dūhsena Ñūre Cohācjū dutiepegūta tiqirore tūho duerari mūsa?” niboaga Jesu marine. Sa yena “Cohācjū Ñūre dutiye tiahye”, ni yūhti masiedaja mari. 6 Ahriquina masa pehe “Potota Ñū Cohācjū yere yahu māhtariqiro ijire”, ni tūhoture tiquina. Sa ni

tahotuye “Ñu tiquiro wame yegū Cohācjū tiquirore dutierahye”, mari nigū tahoye marine masa utā paca mehna doqueeta. Sa yena ti gūhare yūhti masiedaja mari, ni yahuducuahye tiquina basi.

⁷ Sa ni yahuducu tuhasa tiquina Jesure yūhtiahye:

—Ñure wame ye dutiriquirore usā masiedaja, niahye tiquina.

⁸ Tiquina sa nigū Jesu yūhtiahye:

—Ti pje pūrita yūhu gūhu mūsa sinitu māhtarire yahueraja mū sare. Ahrire yūhu yerire dutiriquirore yahueraja mū sare, niahye tiquinare.

Ñañequina dahra cohteyequina queoyere yahuahye Jesu (Mt 21.33-44; Mr 12.1-11)

⁹ Sa ye Jesu tiquiro tahotuye mehna queoye mehna ohō saha ni buhe dūcahye masare:

—Wese uparo uhse darire oteahye. Ote tuhasa, ti wesere apequinare ihcā pehe pahma cūahye. Pahma cūno ti wesere tiquinare ihña ihbo dutiahye. Sa duti tuhasa ape yehpapū waha, yoari pje bajuerahye. ¹⁰ Sa yero uhse ñidi pje ijigū wese uparo tiquiro cahacjūnore wesere ihña ihboyequina cahapū ohoahye. Wese cjē oteri dūcare tiquiro ya pahrē cjēne ne dutiro ohomahye. Sa ye ihña ihboyequina pehe tiquiro cahacjūnore piti ca quēahye tiquirore. Sa ye tiquina tiquirore dūcare

ohoerapeta tojoa dutiahye. ¹¹ Sa yero wese uparo apequiro tiquiro cahacjūnore ti wese cjē oteri dūcare ne dutiro ohomahye tja. Sa ye wesere ihña ihboyequina tiquiro gūhare quē, ñano yeahye tiquirore. Sa ye tuhasa tiquirore ti dūcare ohoerapeta tojoa dutiahye tja. ¹² Tiquina sa yeri bato wese uparo apequiro cahacjūnore ohomahye tja. Sa ye wesere ihña ihboyequina pehe tiquiro gūhare cami dahre, ti wese dūhtū cahapū cohā cāhye tiquirore.

¹³ Tiquina sa yeri bato wese uparo ohō saha ni tahotumahye: “¿Dūhse yegutari yūhu? Ohō saha yegutja. Yūhu macūre yūhu cahñiquirore ohogutja. Ijirota ijire. Tiquina tiquirore ño peoeta”, ni tahotumahye wese uparo pehe. ¹⁴ Sa ye tiquiro macūnore tiquiro ohoriquirore esagū ihñañe ihña ihboyequina pehe tiquina basi ohō saha ni, yahuducuahye. “Ahriquiro wese uparo macūno ijire. Tiquirore wejēihna. Sa yero ahri wese mari ya wese tojoarota”, nimahye tiquina basi. ¹⁵ Sa ni tuhasa wese uparo macūnore wese dūhtū cahapū nea, wejē cāhye tiquirore. ¿Tiquina sa yegū ihñano dūhse yerotari wese uparo wesere ihña ihboyequinare? niahye Jesu.

¹⁶ —Ti wesere ihña ihboyequinare wejēno taro, apequinare wesere ihña ihbo dutirota, ni yūhtiahye Jesu

tiquiro basi.

Tiquiro sa nigũ tãhoye masa pehe ohõ saha niahye:

—Marine sa wahaeracãhdo, niahye tiquina.

¹⁷Tiquina sa nigũ Jesu pehe tiquinare sinituahye:

—¿Cohãcjũ yere tiquina ojoari pũre ohõ saha ni yahuducuye, dahse nino niajari, m̄sa tãhotugũ?

Ahriquiro Cristo utã yero saha ijire. Utãre wãhũ dahreyequina tiquina cohãno saha masa tiquirore cohãeta. Tiquina sa yepegũta yojopare wãhũ dahreyequina wãhũre yeye tiquina cũ m̄htaria utãre tiquina cũno saha Cohãcjũ tiquirore pãhtoro sõri, ni ojoahye.

¹⁸ 'Ijipihtiyequina tia utã bui doque queheyequinare m̄ta sitea wahaeta. Sa yero tia utã masũno bui bora pjero, m̄taa wahagũ yerota tiquirore. Tiquiro pagũ m̄nanore daye manarigã wahagũ yerota, niahye Jesu. (Sa nino tiquirore cahmedariquina, tiquiro buhiri dahreatiquina tiquina ñano yahd̄atire yahuro niahye.)

Pãhtoa ye wapare apequina sinituahye Jesure

(Mt 21.45-46; 22.15-22; Mr 12.13-17)

¹⁹ Tiquiro sa nigũ tãhoye judio masare buheyequina, pahia pãhtoa gũhũ, “Jesu wesere ihña ihboyequina queoye mehna marine

tuhtiro nine”, ni, tãhotuahye tiquina.

Sa ni tãhotuye tiquina Jesure ñehe duamahye. Sa ñehe duepeta tiquina masare cue niahye. ²⁰ Sa cueye, Jesure tiquina ñeheatu pjere cohteahye tiquina. Sa ye “Poto ijiyequina yero saha ye meho ijia m̄sa”, niahye tiquina apequinare. Tiquiro ñano ni yãhtigũ ye duaye nimahye tiquirore yahusã duaye. Sa ye Jesure sinitu dutiye ohoahye ni mehoñequinare. Jesu ñano ni yahuducugũ tãhoye ti yehpa cjẽna pãhtoro peresu ye dutiye tee nimahye. ²¹ Sa ye tiquina Jesure ni meje cũ sinituye nimahye:

—Buhegũ, poto yahuducugũ, ni mehoñe mariegũ m̄hũ ijigũ usã masiaja. Sa yegũ ihcãquiro pãhtoro waro tiquiro ijiepegũta tiquiro gũhũre dõyaro marieno potota yahure m̄hũ. M̄hũ Cohãcjũ yere poto m̄hũ buhegũ gũhũre usã masiaja. ²² Yahuya usãre. ¿Ne, Roma cjũnore ijipihtiyequina pãhtoro gobierno cjẽne marine wapa yero cahmeajari, m̄hũ tãhotugũ? ¿Mari dutiye wapa ye dutiajari, m̄hũ tãhotugũ? ni sinituahye tiquina Jesure.

²³ Tiquina sa nigũ tãhoro Jesu tiquina ñano ye duayere masino, tiquinare yãhtiahye:

²⁴ —Yojopare niñeru cjoere pãhtoare wapa yeati cjoere ne cãhtaya. Ti cjoere ihñaũhna, niahye.

Ti cjoere tiquina ne wihigũ ihñano ohõ saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquinare.

—César, masa ijipihtiyequina puhtoro queoye, tiquiro wame gũhũ wahñare, ni yuhtiahye tiquina.

²⁵ Tiquina sa nigũ Jesu yahuahye:

—Ti pje pũrita masa ijipihtiyequina puhtoro yere tiquiro pehere ohoya. Cohãcjũ yere Cohãcjũ pehere ohoya, niahye Jesu tiquinare.

²⁶ Sa ye masa tiquina ihñonopũ Jesure ñano ni yahuducugũ ye masiedahye tiquina. Sa ye Jesu yuhtiyere tũhoye, tiquina tũho maria wahahye. Sa tũho maria waha, dihta maria wahahye.

Cohãcjũ tiquiro masoatire yahuahye Jesu saduceo masare

(Mt 22.23-33; Mr 12.18-27)

²⁷ Sa ye meheñequinagã saduceo masa Jesu cahapũ wihiahye. “Cohãcjũ yariariquinare masosi”, ni tũhotuyequina ijiahye saduceo masa. Sa ye tiquina ohõ saha niahye tiquirore:

²⁸ —Buhegũ, ohõ saha ni buheahye Moise: “Ihcãquiro tiquiro wahmino namo tiriquire pohna mariedaperota tiquiro yariagũ ihñano tiquiro bahũrore tiquiro wahmino namono ijiricorore nũoano cahmene. Sa yero tiquiro wahmino mũnano tiquiro pohna taboriro sahata

pohna tiro cahmene tiquiro bahũrore. Sa ye tiquiro pohne tiquiro wahmino mũnano pohne yero saha ijietã”, ni, ojoahye Moise, niahye tiquina.

²⁹ Tire ni tuhasa ahri quitire tja yahu nemoahye Jesure:

—Ihcãquiro masũno ijiahye. Seis bahana tiahye. Tiquina wahmino pehe namo ti, pohna mariediquiro yariaa wahahye. ³⁰ Sa yero apequiro tiquiro bahũro gũhũ tiquiro wahmino namono ijiricorore nũoahye. Tiquiro sa nũoari bato tiquiro wahmino yero sahata pohna mariedaperota tiquiro gũhũ yariaa wahahye. ³¹ Sa yero ahriquire bahũro gũhũ tiquiro wahmino mũnano yero sahata pohna mariedaperota yariaa wahahye. Sa dihta wahahye ihcãquiro pohne waro. Ne pohna mariedapeta yaria pihtia wahahye. ³² Tiquina namono ijiricoro gũhũ tiquina batota yariaa wahahye. ³³ ¿Ne, Cohãcjũ ijipihtiyequinare yariariquina mũnare tiquiro masogũ diquiro namono pehe ijiboagari ticoro pototi? Tiquina ijipihtiyequina ticorore namo tiriquina mũna ijiahye. ¿Sa yero diquiro namono pehe ijiro-tari? ni sinituahye tiquina.

³⁴ Tiquina sa nigũ Jesu yuhtiahye:

—Yojopũ cjẽna omoca duhtere. ³⁵ Tiquina sa duhtepegũta apequina pehe

topu cjëna pehe sa ijierare. Apequina umhare, numia gühure poto yeyequinare Cohãcjü quehnoañequina ijigü yerota. Tiquina yariari bato masa mñaeta. Sa ye tiquina topu omoca duhterare. ³⁶ Sa ye tiquina angele yero sahata ne yariasi. Tiquina Cohãcjü masoriquina ijiye, Cohãcjü pohne ijire. ³⁷ Yojopare yariariquina mana tiquina masa wijiati pehere masare yahutja. Tire Moise quehnoano yahu pehoahye. Tiquiro mehenagã ujüri quitire ohõ saha ni yahuahye: “Abrahã, Isaac, Jacob tiquina puhtoro ijire Cohãcjü,” ni ojoahye Moise. ³⁸ Tiquina yariari bato “Tiquina puhto ijiaja”, ni yahuahye Cohãcjü. Sa nieperota yariariquina mana puhtoro ijierare Cohãcjü. “Tiquina puhto ijiaja”, tiquiro niñe mehna catiyequina tiquina ijigü masiaja mari. Tiquiro catiyequina puhtoro ijire. Ijipihtiyequina masa catire, Cohãcjü ihñagã, niahye Jesu tiquinare.

³⁹ Tiquiro sa nigü meheñequinagã judio masare buheyequina ohõ saha niahye:

—Buhegu, mahu quehnoano yuhtiri, niahye tiquina Jesure.

⁴⁰ Sa ye pari turi Jesure sinitu duerahye tiquina.

Cristo pehe Davi manano puhtoro ijire

(Mt 22.41-46; Mr 12.35-37)

⁴¹ Came Jesu ohõ saha ni yahu nemoahye tiquinare:

—“Cristo Davi manano panamino iji turiariquiro ijirota”, ni buhere apequina. ¿Dahse ye tiquina sa ni buheajari? ⁴² Davi manano tiquiro basi Salmopu tiquiro ojoari püpu ohõ saha ni, ojoahye:

Cohãcjü yahu puhtorore ohõ saha nidi: “Ohõpu yahu poto pehepu dujiya. ⁴³ Sa yegu mahure ihña tuhtiyequinare mahure yuhduca basautja yahu”, nidi Cohãcjü yahu puhtorore, ni, ojoahye Davi manano.

⁴⁴ Sa ni ojoaro Davi manano Cristore “Yahu puhtoro”, ni pisuahye. Davi manano Cristo ñecano iji turiariquiro ijieperota Cristore “Yahu puhtoro”, ni pisuahye. ¿Davi manano Cristo ñecano iji turiariquiro ijieperota dahse ijiro boro tiquiro “Yahu puhtoro”, ni pisuyari Cristore? Cristo pehe Davi manano puhtoro ijire, ni yahuahye Jesu.

Judio masare buheyequina tiquina ñaño yeyere yahuahye Jesu

(Mt 23.1-36; Mr 12.38-40; Lc 11.37-54)

⁴⁵ Masa peyequina Jesure tiquina tuhori watoa Jesu pehe tiquiro buheyequinare ohõ saha ni yahuahye:

⁴⁶ —Mari judio masare buheyequina tiquina ñaño yeyere ihñana quehnoano

wacũ masiña. Sa yena tiquina yero saha yeracãhña. Tiquina yoaye suhti saña, masa tiquina ihñonopũ tini, doeri cjẽ duaropũ apeqũna pũhtoare quehnoano ño peo tiquina sinino saha tiquina piti ca sinigũ cahmene tiquina. Sa ye tiquina mari judio masa buheye wũhũsepũ quehnoañe dujiye dihitare duji duare. Sa ye bose deco ijigũ topũ gãhũre quehnoañe dujiye dihitare cahmene.

⁴⁷ Tiquina wape wiha numia ye wũhũsere tiquina cũoye gãhũre ehmare ti numiare. Sa ye tiquina masa ihñonopũ yoari pje Cohãcjũre siniducumene masare ihña dutiye. Tiquina sa yegũ apeqũna bui cjũno tiquinare Cohãcjũ buhiri dahrerota, niahye Jesu tiquinare.

21

*Wape wihoro Cohãcjũ
wũhũpũ ticoro ohorire
yahuahye Jesu
(Mr 12.41-44)*

¹ Sa ni yahu tuhasa Cohãcjũ wũhũ cjẽ niñeru tiquina sãri acarore niñeru opana tiquina ye niñerure duhu sãgũ ihña dujiro niahye Jesu.

² Sa ihñano wape wihoro pejecũoricoro pũa cjoegãre ticoro duhu sãgũ gãhũre ihñahye. ³ Tire ihña tuhasa ohõ saha ni yahuahye:

—Potota niita niaja mũsare. Ahricoro wape wihoro pejecũoricoro pehe niñeru sãri acaropũ duhu

sãno apeqũna ijipihtiye-quina ohori yũhdũoro ohori ticoro pehe. ⁴ Apeqũna niñeru opana pajiro tiquina ohoepẽgũta tiquina ye pajiro dũhsare. Ahricoro pehe pejecũoricoro ijieperota ijipihtiye ticoro ihyatire ticoro dũborigãre oho pehori, niahye Jesu.

—Cohãcjũ wũhũ cohõri wũhũ ijirota, niahye Jesu
(Mt 24.1-2; Mr 13.1-2)

⁵ Sa ye apeqũna Cohãcjũ wũhũre ohõ saha niahye:

—Quehnoañe utã paca mehna yeri wũhũ, quehnoa yũhdũari wũhũ ijicjoare. Masa Cohãcjũ ya wũhũ ijiatire tiquina ohori gãhũ ti wũhũpũre quehnoano cũri jire, ni, yahuducuye niahye.

Tiquina sa nigũ Jesu yahuahye tiquinare:

⁶ —Ahri ijipihtiye mari ihñari wũhũsere, ahri utã paca gãhũre cohã pehoeta. Ne ihcãria utã tojoasi, niahye Jesu tiquinare.

*Pihtiati deco ijiatire
yahuahye Jesu
(Mt 24.3-28; Mr 13.3-23)*

⁷ Tiquiro sa nigũ tũhoye tiquina pehe sinituahye tiquirore:

—¿Buhegu, dũhse ijigũ mũhũ nidiro saha sa waharotari? ¿Pihtiati deco panogã ijigũ dũhse ti waha dũcagũ ihñanatarĩ usã? ni sinituahye tiquina Jesure.

⁸ Jesu yũhtiahye tiquinare:
—Quehnoano yeya mũsa. Sa yena mũsare apeqũna tiquina ni mehoñene

tuhoceracãhña. Peyequina masa “Cristo ijiaja yũhũ”, ni mehoñequina ahtaeta. Sa niñe, “Yojopũre pihtiati deco ijiato mehenogã dũhsare”, nieta. Tiquina sa nigũ tuhoceracãhña. ⁹ Sa ye apequina “Cahme wejẽñe nine”, mũsare nieta. “Yojopũre pũhtoare masa cohãñe nine”, nieta. Mũsa tire tuhona cueracãhña. Pihtiati deco pano ohõ saha waha mũhtanota. Sa wahagũ pihtiati deco wahato dũhsarĩnota, niahye Jesu.

¹⁰ Sa ni tuhasa ohõ saha ni yahu nemoahye:

—Ihcã yehpa cjẽna ape yehpa cjẽna mehna cahme wejẽeta. ¹¹ Sa yero tutuaro yehpa ñuhmi, masa peyequina uña mehna yaria, ijipihtiro cjẽna dohatieta. Sa ye uhmũse cjẽ cua pesaye bajuagũ ihñañe, masa ihña maria wahaeta.

¹² Ahri ijipihtiye sa wahato pano, apequina mũsare ñehe, ñano yeeta. Sa ye mari judio masa buheye wũhũsepu tiquina mũsare yahusã, peresu yeeta mũsare. Tiquina sa yegũ peye yehpari cjẽna pũhtoa cahapu, peye macari cjẽna pũhtoa cahapu ducunata mũsa tiquina yahusãnohrina. Yeequina mũsa ijiri buhiri sa yeeta. ¹³ Tiquina sa yahusãgũ mũsa pehe quehnoañe buheyere tiquinare yahunata. ¹⁴ Ti pjere mũsare tiquina yahusãgũ pũhtoro mũsa yũhtiatire “Yahu masiedaboaga”, ni tuhoteracãhña

mũsa. ¹⁵ Yũhũ mũsare yahu basautja. Mũsare sa yedohogu tũho masiñene, quehnoañe yahuducuye gũhũre mũsare yahugũ yeitja. Mũsa sa yegũ mũsare ihña tuhtiequina pehe mũsa yahuducuyere tũho, “Ti poto ijierare”, ni, yũhti masisi. ¹⁶ Ti pjere mũsa pacũsmũsa, mũsa bahana, mũsa acaye, mũsa mehna cjẽna gũhũ mũsare ihña tuhtiequinare ohoeta mũsare, yeequina mũsa ijiri buhiri. Tiquina sa yegũ mũsare ihña tuhtiequina mũsa mehna cjẽnare apequinare wejẽeta. ¹⁷ Sa ye yeequina mũsa ijigũ ihñañe, ijipihtiequina mũsare ihña tuhtietia. ¹⁸ Mũsare sa ihña tuhtiepetã ne mehenogã mũsare ñano yesi. ¹⁹ Sa yena mũsa wacũ tutuana ijiya. Mũsa sa yena, Cohãcjũ mehna sa iiducunata.

²⁰ Sa ye peyequina surara Jerusalẽpu tiquina cahmota sotoa peho cãgũ ihñana, Jerusalẽne tiquina cohãto mehenogã dũhsagũ masinata mũsa. ²¹ Ti sa wahagũ ihñañe Judea yehpapũ ijieyequina cunũ cju cahapu oma duhtiahro. Sa ye Jerusalẽpu ijieyequina wahaahro. Sa ye wesehipũ ijieyequina Jerusalẽpu tojoeracãhdo sojaro mehna tiquina wahato pehe. ²² Ti decoripũ buhiri dahreye decoripũ ijipihtiye Cohãcjũ tiquiro ojoari pũ tiquiro nidiro sahata sa waharota. ²³ Ijipihtiropu ahri yehpapũ ñano yũhdũeta. Ti sa wahagũ, niji wahcõñe numia, tiquina

pohnene apũoñe numia gũhu pejecuro wahaeta. ²⁴ Apequina ahri maca cjēna mehna cahme wejēta. Sa ye apequina ahri maca cjēnare ijipihtiye yehparipũ ne cã, peresu yeeta. Sa ye judio masa ijieyequina Jerusalēne ñano ye, tiquinare yũhdũcaeta. Judio masa ijieyequina ya deco pihtigũpũ Jerusalē cjēnare ñano ye duhueta, ni yahuahye Jesu.

Jesu ahri yehpapũ tiquiro tojoa tatire yahuahye

(Mt 24.29-35, 42-44; Mr 13.24-37)

²⁵ Sa yero tiquinare yahu nemoahye:

—Ti pjere asũ deco cjũno, ñami cjũno, ñahpicoha gũhu sijoro saha ijieyequina wahaeta. Ijipihtiyequina ahri yehpa cjēna “Acuehi, yarianata”, ni tũhotuyequina pajiri ma cjē pahcõri cua yũhdũaro ti pahcõri bisi cãhtagũ tũhoye tutuaro cueeta. ²⁶ Ti pjere ãhmũse cjē yehpari, ñahpicoha gũhu ti sa wahaducurore came-saeta. Sa ye ñuhmieta. Ti sa wahagũ ihñañe, masa pehe ahri yehpa pihtiatire cohteye, tutuaro cueeta. ²⁷ Ti pjeta yũhu masũ Cohãcjũ ohorigũ Cohãcjũ tutuaye mehna tiquiro asi siteye mehna ehmeo curua buipũ yũhu ahtagũ ihñañe masa. ²⁸ Ahri sa waha dũcagũ ihñana, wacũ tutuana ijiya. Sa yena ãhmũsepũ ihñañe. Ti pjere Cohãcjũ mũsare pecapũ wahaborinare

tiquiro yũhdũoato mehenogã dũhsarota, niahye Jesu.

²⁹ Sa ni tuhasa ahri queoye mehna buheahye Jesu:

—Higueragũre, apeye cju gũhũre tũhotuya mũsa. ³⁰ Tu yucũgũ pũri tigũ ihñana, cũhma mehenogã dũhsagũ masine mũsa. ³¹ Sata ahri ijipihtiye yũhu nidire ti sa wahagũ ihñana, Cohãcjũ tiquiro pũhtoro ijiati pje mehenogã dũhsagũ masinata mũsa.

³² 'Mũsare poto niita ni-aja. Ti pje cjēna tiquina yariato pano ijipihtiye yũhu nidiro sahata sa waharota. ³³ ãhmũse, ahri yehpa gũhu pihtia waharota. Yũhu yahuducuye pehe ne came-sasi. Ijipihtiye yũhu nidiro sahata sa waha sohtori tirota.

³⁴ 'Yũhu tojoa tati decore ne masiedare mũsa. Sa yena quehnoano yeya. Bose decorire queheye decorire yeducueracãhña. Sa yena queheracãhña. Ahri yehpa cjēne pajiro tũhotueracãhña. Mũsa yũhu nidiro sahata yena, wacũeno mehna ahri yehpapũ yũhu ahtagũ mũsa ne acũasi. ³⁵ Wahiquirore yuri da wacũeno mehna ti da tũã suhoro saha wacũeno mehna ahtaũtja yũhu. Ijipihtiyequina ahri yehpa cjēna tiquina masiedi watoa ti deco wacũeno mehna sa waharota. ³⁶ Quehnoano wacũ masi cohteya. Sa yena Cohãcjũre ahrire sa siniducuya: “Ahri pihtiatu decore sa wahagũ yũhũre yedohoya. Tutuayere ohoya yũhũre ahrire quehnoano yũhu

yuhduatire. Sa yegu Cristore mahu ohoriquirore cuero marieno yuhare piti cagū yeya”, ni, siniña Cohācjäre, niahye Jesu.

³⁷ Sa ye ti decorire Cohācjū wuhuru Jesu buhee tiahye. Naminipe buhe tuhasaro Olivo wame tidu canuru waha, topu iji bohreaye tiahye. ³⁸ Bohreayepa tahari ijipihyequina masa Cohācjū wuhuru tiquiore tuhoye wahae tiahye.

22

Pahia puhto, judio masare buhequina mehna wejē duahye Jesure

(Mt 26.1-5, 14-16; Mr 14.1-2, 10-11; Jn 11.45-53)

¹ Sa ye ti pjere pugū yeye moremehneñe päre tiquina ihyati bosc deco mehenogā dūhsahye. Ti bosc deco pascua wame tiahye. ² Sa ye pahia puhto, judio masare buhequina mehna Jesure wejē duaye, tiquina wejēatire wacū macahye. Jesure wejē duepeta, masa pehere cueahye, “Usuari”, niñe.

³ Sa ye watino Juda Is-cariotere ñano tiquiore ye dutigū Juda pehe yuhthahye tiquiore. Juda doce buhequina mehna cjāno ijimahye.

⁴ Sa yero tiquiore pahia puhtoare, Cohācjū wahu cjēna surara puhto mehna gūhare yahuro wahahye. Tiquina cahuru esa, tiquinare Jesure tiquiore ihñoatire yahuahye tiquinare. ⁵ Tiquiore sa nigū tuhoye, tiquina bucu,

“Mahare niñerure wapa yenatja”, niahye tiquina Judare. ⁶ Tiquina sa nigū Juda “Ahu, tiquiore musare ihñoutja”, ni, masa tiquina ihñeno watoa Jesure ihña tuhtiequinare tiquiore ihñoati ñamine cohtero niahye.

Jesu buhequina mehna tiquiore ihyato tiati deco ijiahye

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pugū yeye moremehneñe päre ihyati bosc deco iji ducari deco ijiahye. Sa yero pascua cjē ijiatire ovejare tiquina ihyatiquinare tiquina wejēdi deco ijiahye.

⁸ Ti pjeta Pedrore, Nū gūhare Jesu yahuahye:

—Bosc decopu mari ihyatire quehnona wahaya, niahye Jesu tiquinare.

⁹ —¿Noho boropu mari ihyatire quehnoyu dutigū ohoajari mahū usāre? ni sinituahye tiquina tiquiore.

¹⁰ Tiquina sa nigū Jesu yuhthahye:

—Jerusalēpu mūsa esagū aco sutu wuhariquiore musare piti carota. Tiquiore piti cagū tiquiore mehna wahaya.

¹¹ Sa wahana tiquiore siho sajāri wuhuru esana wahu upurore ohō saha ni yahuya.

“¿Nohopu yahu buhequina mehna pascua cjē ihyayere ihyanatari?” nidi buheriquiro”, niña wahu upurore. ¹² Mūsa sa nigū tuhoro uhmūano cjā tucūre pajiri tucūre mari cahmeñe

mehna tiquina quehñori
tucũre ihñonota wũhũ upũro.
Topũ mari ihyatire dahreya
mũsa, niahye Jesu tiquinare.

13 Tiquiro sa nigũ tiquina
ti macapũ wahahye. Topũ
tiquina esagũ tiquinare
tiquiro nidiro sahata wa-
hahye. Sa ye tiquina pascua
cjẽ ihyatire dahreahye.

14 Ihyari pje ijigũ Jesu doce
tiquiro buheyequina mehna
ihya dujiahye. 15-16 Topũ ih-
yaropũ dujiro Jesu tiquinare
yahuahye:

—Mũsare niita niaja. Ahri
pascua bose decore mari
dahreaja Cohãcjũ tiquiro
yequinare tiquiro yũhdũotire
wacũna. Came Cohãcjũ
tiquiro pũhtoro ijiropũ
tiquiro yequinare yũhdũo
tuhasarota. Tiquiro sa
yũhdũoato pano ahri deco
cjẽne pari turi ihyasi yũhũ.
Sa yegũ yojopũre yũhũ ñano
yũhdũato pano ahri pascua
cjẽ ihyayere mũsa mehna
tutuario ihya duahti yũhũ,
niahye Jesu.

17-18 Sa ninota Jesu si-
hnidi pare ne, Cohãcjũre
“Quehnoare”, ni sini,
tiquinare yahuahye:

—Mũsare niita niaja.
Cohãcjũ ijipihtiyequina
pũhtoro tiquiro ijiato pano
ahri vinore ne pari turi
sihnisi yũhũ. Sa yena ahri
vinore ne, mũsa basi iti
sihniña, niahye Jesu.

19 Sa ni tuhasa pãre ne,
Cohãcjũre “Quehnoare”, ni-
ahye. Sa yero tiare nuha, iti-

ahye tiquinare. Tiare itiro,
tiquinare yahuahye:

—Ahri yũhũ pagũ ijire.
Yũhũ pagũ yũhũre ihña
tuhtiyequinare tiquina
ohori pagũ ijirota mũsare
yũhũ yũhdũoati. Sa yena
yũhũre mũsa wacũatire ahrire
ihyaya, niahye Jesu.

20 Sa ihya tuhasa sata
tiquiro tiquinare sihnidi pa
gũhũre ohoahye. Sa ohoro,
tiquinare yahuahye:

—Mũsa ñaño yeyere cohãgũ
tagũ yariũtja. Sa yegũ yũhũ
diire cohãũtja. Cohãcjũ
“Mũsare yũhdũoutja”, tiquiro
nidiro esa tuhagũ yũhũ
yariaro mehna tiquiro nidiro
sohtori tirota.

21 Yojopũre tuhoya mũsa.
Yũhũre ihña tuhtiyequinare
yũhũre ihñootiquiro yo-
jopũre yũhũ mehna ohõ
dujire. 22 Cohãcjũ tiquiro
dutiriro sahata yũhũ masũ
Cohãcjũ ohorigũ yariũtja.
Tiquiro sa yaria dutiepegũta
yũhũre ihña tuhtiyequinare
ihñootiquiro pũrita ña
yũhdũaro yũhdũrota, niahye
Jesu tiquinare.

23 Tiquiro sa nigũ tiquina
pehe tiquina basi ohõ saha ni
sinituahye:

—¿Jesure ihña tuhtiye-
quinare ihñootiquiro mari
mehna cjũno diquiro boro
ijiagari? ni, yahuducuahye
tiquina basi.

—¿Mari mehna cjũno
diquiro pehe ijiagari pũhtoro?
ni yahuducuahye Jesu buheye-
quina tiquina basi

24 Came Jesu buheyequina ohō saha ni yahuducuahye:

—¿Mari mehna cjāno diquiro pehe ijiagari pūhtoro? ni yahuducuahye tiquina basi.

25 Tiquina sa ni yahuducugū tūhoro Jesu tiquinare yahuahye:

—Cohācjūre cahmeeñequina pūhtoa pehe tiquina masare dutiye, purīno mehna dutire. Sa ye pūhtoare “Tiquina masare yedohoyequina ijire”, nimene apequina masa tiquinare. 26 Mūsa pehe sa yesi mūsa basi. Mūsa mehna cjāno mūsa wahmi pehere tiquiro bahūro yero saha ijiro cahmene. Mūsa mehna cjāno pūhtoro iji duaro cahacjūno yero saha ijiro cahmene tiquirore. 27 ¿Diquiro ijiagari pūhtoro? ¿Ihya dujiriquiro pehe pūhtoro ijiagari? ¿O ihyayere itiriquiro pehe pūhtoro ijiagari? Ihya dujiriquirota ijiaga pūhtoro. Tiquiro sa ijiepegūta yūhū pehe cahacjūno yero saha mū sare yedohogu ahtaū.

28 'Masa yūhūre tiquina ñano yepegūta mūsa pehe yūhūre duhuerare. 29 Sa yegu yūhū Pacū yūhūre tiquiro pūhtoro sōriro sahata mūsa gūhūre pūhtoa sōgutja yūhū. 30 Yūhū pūhto yūhū ijigū yūhū ihyari mesapū mūsa gūhū ihya, sihninata. Sa yena mūsa pūhtoa dujiyere dujina. Mūsa topū dujina Israe masare doce cururi cjēnare besenata mūsa ñañequinare,

quehnoañequinare, niahye Jesu tiquiro buheyequinare.

Pedro Jesure tiquiro cohātire yahuahye Jesu (Mt 26.31-35; Mr 14.27-31; Jn 13.36-38)

31 Sa ni tuhasa Pedrore Jesu ohō saha ni yahuahye:

—Simo Pedro yūhūre tūhoya. Mū sare ijipihtinare watīno yūhūre cohāgū ye duare. Trigo wese cjāno trigore tiquiro wejē site cohāriro sahata mū sare ijipihtinare watīno ñano ye duare. Sa ye duaro, Cohācjūre sinidi.

32 Tiquiro sa sinigū ihñagū yūhū pehe Cohācjūre sini basau mūhūre. Yūhūre mūhū wacū tutua duhueratire sini basau mūhūre. Sa yegu mūhū yūhū mehna cjū pari turi ijigu yeequinare yedohoya mūhū, yūhūre tiquina wacū tutua nemoati, niahye Jesu Pedrore.

33 Tiquiro sa nigū Pedro yūhtiahye:

—Pūhto, yūhūre tiquina peresu yepegūta, yūhūre tiquina wejē duepegūta mūhū mehna cjū ijūtja, niahye Pedro.

34 Jesu yūhtiahye:

—Pedro, mūhūre niita niaja. Mia ñami canaca tiquiro yahuato pano “Jesure masiedaja”, nigūta mūhū apequinare. Ihtia taha sa nigūta mūhū, niahye Jesu Pedrore.

Jesure tiquina ñano ye dūcato mehenogā dūhsahye

35 Sa ni tuhasa Jesu tiquiro buheyequinare yahuahye:

—¿Sohõ ijiri pje niñeru ajuro mariena, pajiri ajuro mariena, dahpo suhti mariena m̄sare yuh̄u ohogũ apee boro d̄hsari m̄sare? ni sinituahye Jesu.

—Ne us̄are yabe d̄hsaerari, ni yuh̄tiahye tiquina.

³⁶ —Ti pjere m̄sare d̄hsaerap̄egũta yojop̄u pehere niñeru ajurore c̄ona tire neña. Pajiri ajurore c̄ona ḡuh̄u neña. Sa yena m̄sare ñoseni pj̄i mariedagũ m̄sa suhtire duana ti pj̄ine d̄uya. ³⁷ Ahrire m̄sare nii niaja. Cohãcjũ yere tiquina ojoari p̄up̄u tiquina nidiro sahata yuh̄ure sa waharo cahmene. Ohõ saha niahye ti p̄up̄u: “Tiquiro dutiyere yuh̄ud̄ucayequina mehna cjãno ijire’, nieta masa”, ni, ojoahye, niahye Jesu.

³⁸ —Ihñaña p̄ahto. P̄ua pj̄i ñoseñe pj̄inine c̄oaja us̄a, niahye tiquiro buheyequina.

—To punota ijire, ni yuh̄tiahye Jesu.

Getsemaní wame tiri wesepe Jesu Cohãcjũre siniahye
(Mt 26.36-46; Mr 14.32-42)

³⁹ Sa ye Jesu tiquiro sa yeducuriro sahata Olivo wame tid̄u c̄un̄up̄u wahahye. Tiquiro sa wahagũ tiquiro buheyequina tiquiro mehna wahahye. ⁴⁰ Top̄u esaro tiquiro tiquinare yahuahye:

—Cohãcjũre siniña m̄sa ñano yeratire, niahye Jesu tiquinare.

⁴¹ Sa ni tuhasa tiquiro dihita mehenogã waha nemo,

d̄usepe curi mehna quehe sa, Cohãcjũre siniahye:

⁴² —Mai, yuh̄u ñano yuh̄d̄uatire ye d̄ueraḡu yeracãhña. Yuh̄u sa niepegũta yuh̄u cahmeñe pehere yeracãhña. M̄uh̄u pehe masine. M̄uh̄u cahmeno saha yeya yuh̄ure, ni siniahye Jesu Cohãcjũre.

⁴³ Tiquiro sa sinigũ uhm̄usep̄u ahtariquiro angel Jesure bajua, yedohoahye tiquirore. ⁴⁴ Sa yero Jesu ñano jeripohna ti, tutuaro mehna Cohãcjũre siniahye. Sa yero tiquiro asi ti cuhsaye dii pjeri yero saha tiquirore wijia, yehpap̄u bora quehe sahye.

⁴⁵ Cohãcjũre sini bato ti, wahcãd̄uca sa, tiquiro buheyequina cahap̄u wihiahye. Tiquiro wihigũ tiquiro buheyequina tutuaro b̄uj̄ua witiyequina ijiye, carĩne niahye. ⁴⁶ Sa yero Jesu tiquinare ohõ saha ni yahuahye:

—¿D̄hsena car̄ajari m̄sa? Wahcãña. Cohãcjũre siniña m̄sa, “Ñano yeari”, nina, niahye Jesu tiquinare.

Jesure ihña tuhtiyequina tiquirore peresu yeahye

(Mt 26.47-56; Mr 14.43-50; Jn 18.2-11)

⁴⁷ Tiquiro sa ni yahudu-curri watoa masa peyequina wihiahye. Juda doce buheyequina mehna cjãno ijimediquiro masare uhm̄u tã cãhtariquiro ijiahye. Sa yero tiquiro Jesu cahap̄u wihi, wahsupu ihm̄iahye tiquirore. ⁴⁸ Tiquiro sa

ihmigū Jesu tiquirore sinitu-
ahye:

—¿Juda, yuhū masure
Cohācjū ohorigure yahure
ihña tuhtiyequinare ihñogu
yahure wahsupu ihmiñe
mehna sa yeajari mahū?
niahye Jesu.

⁴⁹ Tiquiro sa nidi bato Jesu
buheyequina masa Jesure
tiquina ñeheatire masiñe,
tiquirore sinituahye:

—¿Puhto, usā ñoseñe pjñi
mehna tiquina mehna cah-
mequema? niahye tiquina.

⁵⁰ Tiquina sa nidi bato
ihcāquiro Jesu buheyequina
mehna cjāno pehe pahia
puhtoro cahacjānore tiquiro
ñoseni pjñi mehna tiquiro
cahmonore poto pehe ijiri
cahmonore date pahrē cāhye.

⁵¹ Tiquiro sa yegū ihñano Jesu
tiquirore ohō saha niahye:

—Sa yeracāhña, niahye.

Ni, cahacjāno cahmono
ijiriropu ña ohōahye. Tiquiro
ña ohōgūta cahmono
manano sahata ijiahye
tja. ⁵² Sa ye tuhasa pahia
puhtoare Cohācjū wuhū cjēna
surara puhtoare, bucna
gūhure tiquirore ñeheñe
ahtariquinare Jesu sinitu-
ahye:

—¿Dahse ijiro boro mūsa
ñoseñe pjñi, yucu tiāri mehna
yaqueriquirore tiquina
yeriro saha mūsa yahure
ñehena ahtajari? ⁵³ Decoripe
Cohācjū wuhūpu mūsa mehna
yuhū ijigū, mūsa yahure
ñehedari. Sa ijiepegūta yo-
jopure mūsa ya deco yahure
mūsa ñano yeati deco ijire.

Yojopu watño tiquiro ñano
yeati deco gūhū ijire, niahye
Jesu.

—*Tiquirore masiedaja, ni-
ahye Pedro Jesure*

(Mt 26.57-58, 69-75; Mr
14.53-54, 66-72; Jn 18.12-18,
25-27)

⁵⁴ Tiquina Jesure ñehe
tuhasa pahia puhtoro ya
wuhūpu neahye tiquina
tiquirore. Tiquina topu
neagū Pedro yoaropu
tiquinare ihña nūnu tāhye.

⁵⁵ Puhtoro ya wuhūpu esa,
topu wuhū cahapu ijiri paapu,
quehnoari paa decopu peca
wijiāhye apequina. Tiquina
wijiāgū ihñano Pedro peca
cahapu dujiyequina mehna
dujiahye. ⁵⁶ Tiquiro dujiri
bato ihcācoro cahacjōno
tiquirore quehnoano ihña,
apequinare ohō saha ni
yahuahye:

—Ahriquiro gūhū tiquiro
mehna ijiri, niahye ticoro.

⁵⁷ Ticoro sa nigū tuhoro Pe-
dro yuhtiahye:

—Numio, tiquirore ne
masiedaja yuhū, nimahye
tiquiro.

⁵⁸ Came cjūnogā apequiro
Pedrore ihña, ohō saha ni
yahuahye:

—Mūhū gūhū tiquina
mehna cjū ijire, niahye
tiquiro.

—Ne ijieraja, nimahye Pe-
dro.

⁵⁹ Ihcā hora bato apequiro
apequinare ohō saha ni
yahuahye:

—Ijirota ijire. Ahriquiro
Galilea cjāno ijire. Sa
yero potota Jesu mehna

ijiri ahriquiro gũhũ, niahye tiquiro apequinare.

60 Tiquiro sa nigũ Pedro yũhtiahye:

—Ne, mũhũ nidiquirore masiedaja yũhũ, ni yũhtiahye Pedro.

Tiquiro sa ni yahuducuri watoa canaca yahuahye.

61 Tiquiro yahugũta Jesu wũhũ cahapũ ijiriquiro Pedrorore majare ihñadoqueoahye. Tiquiro sa yegũ Pedro pehe Jesu tiquiro nidire wacũahye. “Mia ñami canaca tiquiro yahuato pano, ‘Yũhũ Jesure masiedaja’, nigũta mũhũ. Ihtia taha sa nigũta mũhũ”, Jesu tiquiro nidire wacũahye Pedro. 62 Sa wacũno Pedro topũ wijia ta, tutuaro utiahye.

Jesure bũjũpe, quẽahye tiquina

(Mt 26.67-68; Mr 14.65)

63 Sa ye Jesure cohteyequina surara tiquirore bũjũpe, quẽpeahye. 64 Sa quẽpeye, tiquiro caperire dũhte cahmota, tiquirore sinituahye:

—¿Diquiro mũhũre quẽari? Ihñedapegũta yahuya usãre, ni sinitupeahye tiquina.

65 Sa ye peye ñano ni yahuducuahye tiquina tiquirore.

Jesure pũhtoa sinituahye

(Mt 26.59-66; Mr 14.55-64; Jn 18.19-24)

66 Bohrearopũ judio masa bũcũna, pahia pũhtoa, judio masare buheyequina gũhũ cahmecoahye. Tiquina sa cahmecoanopũ apequina

tiquina cahapũ Jesure ne cãhtahye.

67 —Yahuya usãre. ¿Cristota ijiajari mũhũ? ni sinituahye tiquina Jesure.

Tiquina sa nigũ Jesu yũhtiahye:

—Mũsare yũhũ yahugũ, yũhũre tũhosi mũsa.

68 Mũsare yũhũ sinitugũ yũhũre yũhtisi mũsa. Sa yena yũhũre wiosi mũsa. 69 Mũsa wioerapegũta came cjũnogã ijipihtiye decori yũhũ masũ Cohãcjũ ohorigũ Cohãcjũ tutuariquiro tiquiro potopehepũ dujigũtja, niahye Jesu.

70 Tiquiro sa nigũ tiquina ijipihtiyequina sinituahye tja pari turi:

—¿Sa nigũ Cohãcjũ macũta ijiajari mũhũ? niahye tiquina.

—Mũsa nino sahata ijiaja, ni yũhtiahye Jesu tiquinare.

71 Tiquiro sa nigũ tiquina ohõ saha ni yahuducuahye tiquina basi:

—Ahriquiro Cohãcjũre pajiro tiquiro ñano yahuducugũ mari basi tũhou. Sa ye topequinata yahusãhdo ahriquirore, niahye tiquina basi.

23

Pilato Jesure sinituahye

(Mt 27.1-2, 11-14; Mr 15.1-5; Jn 18.28-38)

1 Sa ni tuhasa tiquina ijipihtiyequina wahcãdũca, Jesure Pilato cahapũ neahye.

2 Ne esa, Jesure yahusã dũcahye:

—Ahriquiro mari ya yehpa cĵenare tiquiro ñano ye dutigũ usã tãhou. Mari pãhtorore ahriquiro wapa ye dutierare. Sa yero tiquiro “Pãhto ijiaja. Cristo masare yãhdũoacjũ ijiaja yãhũ”, ni yahuducure tiquiro basi, ni yahusãhye tiquina Jesure.

³ Tiquina sa ni yahusãri bato Pilato Jesure sinituahye:

—¿Judio masa pãhtota ijiajari mãhũ? niahye tiquiro Jesure.

—Mũhũ nino sahata ijiaja, ni yãhtiahye Jesu.

⁴ Tiquiro sa nigũ Pilato pahia pãhtoare, masa gãhũre yahuahye:

—Ahriquiro buhiri mariedare, niahye tiquiro.

⁵ Tiquiro sa niepegũta tiquina tutuaro yahusã nemoahye:

—Tiquiro buheye mehna masare cahmequegũ yere. Galilea yehpapũ tiquiro tire ye dũcari. Sa ye dũca tuhasa ijipihtiro Judea yehpapũ tire tiquiro yere. Sa yero yojopũ ohõpũ gãhũre tire yero taro nine, ni, yahusãhye tiquina.

Herode Jesure sinituahye

⁶ Tiquina sa ni yahusãgũ tãhoro Pilato pehe sinituahye:

—¿Ahriquiro Galilea cĵãno ijiajari? niahye tiquiro.

⁷ —To cĵũnota ijire, ni yãhtiahye apequina.

Tiquina sa ni yãhtigũ tãhoro Pilato pehe Jesu tiquiro ijiri yehpare masino pãhtoro Herode ya yehpa

cĵãno Jesu tiquiro ijigũ masiahye. Tire masino Jesure Herode cahapũ ohoahye. Ti pjere Herode Jerusalẽpũ ijiahye. ⁸ To pano Herode Jesure tãho tuhasahye. Tiquiro sa tãhori bato yoari bato tiquirore ihña duahye. Jesu Cohãcĵũ tutuaye mehna tiquiro ye ihñogũ ihña duamahye tiquiro. Sa yero tiquiro Jesure ihñano, bucueahye. ⁹ Sa yero peye tahari sinituahye Jesure. Tiquiro sa sinituepegũta Jesu ne yãhtierahye tiquirore. ¹⁰ Pahia pãtoa, judio masare buheyequina gãhũ Herode cahapũ esa, tutuaro Jesure yahusãhye. ¹¹ Tiquina yahusãri bato, Herode tiquiro yequina surara mehna bũjũpe, Jesure ñano yeahye. Sa bũjũpeye, quehnoari suhtirore pãhtoro tiquiro sañari suhtiro yero saha bajuri suhtirore sãahye tiquina Jesure. Sa bũjũpe tuhasa, tiquirore Pilato cahapũ ohoahye tja. ¹² Ti decore Herode, Pilato mehna quehnoano tiquina basi cahme yeyequina iji dũcahye. To panore tiquina basi cahme ihña tuhtiyequina ijinimahye.

Masa Jesure wejẽ dutiahye (Mt 27.15-26; Mr 15.6-15; Jn 18.39-19.16)

¹³ Sa ye Pilato pahia pãhtoare, apequina pãhtoare, masa gãhũre tiquiro pijiogũ, cahmecoahye. ¹⁴ Tiquina cahmecoa pihtigũ ihñano ohõ saha niahye Pilato tiquinare:

—Ahriquiore yuhure ne cãhtana, “Tiquiro masare ñano ye dutiri”, nimesi m̄sa yuhure. Yojop̄ m̄sa ih̄nop̄ ahriquiore quehnoano sinitu pehou tja. Yuh̄ sa sinituri bato m̄sa tiquirore sa yahusãducuḡ tiquirore ñāne buhiri ne mariedare, yuh̄ ih̄aḡ. 15 Herode ḡh̄ tiquirore “Ne, ñāne buhiri mariedare”, nidi. Sa nino ahriquiore pari turi us̄are oho majare tojore tja. Sa yena ahriquiore tiquiro ñāne buhiri mariedaḡ tiquirore m̄sa wejē duti masiedare. 16 Sa yeḡ tiquirore yuta dari mehna tana dutiitja yuh̄. Sa tiquina tanari bato tiquirore wioutja, nimahye Pilato masare.

[17 Cãhmaripe pascua bose decorire masa yaquiro ijiatiquirore ihcãquiro peresup̄ ijiriquirore Pilato wio basaducue tiahye.] 18 Sa ye Pilato “Jesure wioutja”, tiquiro niḡ tãhoye ijipihtiyequina masa oh̄ saha ni sañuducuahye:

—Tiquirore Jesure wejēña. Barrabá pehere us̄are wio basaya, ni sañuducuahye masa.

19 To pano Barrabá pehere Jerusalēp̄ pãhtoare tiquiro cohã dutiri buhiri, masare tiquiro cahmeque dutiri buhiri, tiquiro wejēdi buhiri, peresu yeahye tiquirore. Sa ye camep̄are tiquirore masa wio dutiye niahye. 20 Pilato Jesu pehere wio duamahye. Sa yero tiquiro masare sinituahye tja. 21 Tiquiro

sa wio duepeḡta tiquina tiquirore niahye tja:

—Curusap̄ quē biha wejēña tiquirore. Wejēña tiquirore, ni sañuducuahye tiquina.

22 Tiquina sa niḡ Pilato ihtia taha waro oh̄ saha nimahye tiquinare:

—¿Yabere ñano yeri tiquiro m̄sa sa ni sañuducuḡ? Ne tiquirore ñāne buhiri mariedare. Sa yeḡ tiquirore wejē duti masiedaja. Tiquirore yuta dari mehna tana dutiitja. To punota ye dutiitja. Sa yeḡ wioutja tiquirore, nimahye Pilato.

23 Tiquiro sa niepeḡta tiquina tutuaro mehna sañuducu nemo, Jesure curusap̄ wejē dutiahye. Tiquina sa ni sañuducuḡ tãhoro tiquina cahmediro sahata Pilato yeahye. 24 Sa yero tiquina sinidiro sahata Pilato Jesure wejē dutiahye. 25 Sa dutiro tiquiro peresup̄ ijiriquirore masare cahmequeḡ yeriquirore, masare wejēdiquire masa tiquina sinidiro sahata Pilato Barrabá pehere wioahye. Sa yero Pilato Jesure curusap̄ wejē dutiahye.

Tiquina Jesure curusap̄ quē biha wejēahye

(Mt 27.32-44; Mr 15.21-32; Jn 19.17-27)

26 Sa ye tiquina Jesure wejēne wahaye, neahye. Ti pje tiquina sa yeri watoa Simo wame tiriquire Cirene cãno ihquē wãhuse ijirop̄ esariquire tojoa taro niahye.

Jerusalēp̄u tiqiro wihigū ihñañe Jesure neañequina tiqirore piti ca, ñehe, curusare tiqirore w̄ua cã dutiahye Jesu bato pehe.

27 Sa ye masa peyequina Jesure ihña n̄n̄n̄ tãhye. Sa ye masa watoa ijiyequina numia tiqirore tiquina sa yegū ihñañe tutuaro utiahye.

28 Tiquina utigū t̄horo, tiquina numiare Jesu majare ihña, ohõ saha niahye:

—Jerusalē c̄jãna numia, ȳhure utieracãhña. M̄sa ye ijiatire, m̄sa pohna ye ijiati ḡhure utiya. 29 Apeye decori ijigū ña ȳhd̄aro ȳhd̄anata m̄sa. Ti pjere masa ohõ saha nieta. “Pohna mariena numia, pohna tien numia, ap̄oedari numia yojop̄u mari ijigū quehnoa ȳhd̄aboaga”, nieta numia. 30 Ti pjere c̄n̄re ohõ saha ni yahuducuetã masa. “M̄h̄ c̄n̄ usã buip̄u bora dija taya. Ūsãre n̄oña”, nieta masa cueye. 31 Masa ȳhure buhiri marieḡure ohõ saha tiquina yegū, ñañe buhiri c̄oyequina pehe ña ȳhd̄aro wahaeta, niahye Jesu.

32 Apequina p̄aro dutiyere ȳhd̄d̄c̄ayequina tiquina ijigū tiquina ḡhure Jesu mehna tiquina wej̄atiquinare neahye tiquina. 33 Tiquinare nea, “Dapu pehtoro”, wame tirop̄u esa, curusap̄u Jesure quē biha ohõahye. Sa ye p̄aro ȳhd̄d̄c̄ayequina ḡhure apequirore tiqirore poto pehe, apequirore tiqirore cū pehe pehe quē

biha ohõahye. 34 Tiquina sa yegū Jesu ohõ saha niahye:

—Mai, ahriquina ȳhure wej̄atiquina yojop̄u tiquina ñano yerire boya tiquinare. Tiquina d̄hse yerire masiedare tiquina. Sa yegū tiquina ñano yerire boya, niahye Jesu.

Sa ye Jesu suhtire cahme itiyē, tiquina doquepeahye. Tiquiro suhtire “¿Noa yaro ijirrotari ohõ?” ni cahme doquepeahye tiquina. 35 Sa ye masa top̄u ducuyequina tiquina ihñaducuri watoa judio masa p̄hto Jesure buj̄peahye:

—Tiquiro apequina masare yariaboriquinare ȳhd̄oñoh̄ti. Sa yero tiqiro Cristo Cohãcj̄u beseriquiro ijiro, yojop̄u yariaboriquiro ijiro, tiqiro basi ȳhd̄oahro, ni, buj̄peahye tiquina.

36 Surara ḡh̄u tiqirore buj̄peahye. Jesu cahap̄u esa, tiquina tiqirore ñañe co vinore ohomahye. 37 Tire yeye ohõ saha niahye tiquina:

—M̄h̄u judio masa tiquina p̄hto ijigū m̄h̄u basi ȳhd̄aya. Sa yegū ȳhd̄u witigata m̄h̄u, ni, buj̄peahye tiquina.

38 Sa ye tiqiro bui ohõ saha ni ojoa ohõahye. “AHRIQUIRO JUDIO MASA P̄HTORO IJIRE”, ni, ojoa ohõahye.

39 Apequiro tiqiro mehna tiquina quē biha ohõriquiro ȳhd̄d̄c̄ariquiro pehe ñano yahuducuahye Jesure:

—¿Muhu Cristo masare yuhduoacju ijierajari? Mahu basi, usã gũhare yedohoya, niahye tiquiro Jesure.

40 Tiquiro sa nigũ tuhoro apequiro yuhduhcariquiro Jesu poto pehepu tiquina quẽ biha ohõriquiro pehe tiquirore ohõ saha niahye:

—Mari gũhare poto ijiye mehna buhiri dahrere tiquina. ¿Dũhsegũ Cohãcjũre ne ño peerajari mahu?

41 Marine ñañe buhiri ye, poto yeye nine tiquina. Ñañene mari yeri buhiri marine buhiri dahrere tiquina. Ahriquiro pehe ñañene yerare, niahye tiquiro apequiro yuhduhcariquirore.

42 Sa nino, tiquiro Jesure ohõ saha niahye:

—Jesu, mahu pũhto ijigũ tojoa tagũ, yuhare wacũña, niahye tiquiro Jesure.

43 —Muhare ahrire nii nija. Miare paraíso wame tiropũ mahu yahu mehna ijiita, niahye Jesu tiquirore.

Jesu yariaa wahahye

(Mt 27.45-56; Mr 15.33-41; Jn 19.28-30; He 6.19-20; 10.19-20)

44 Sa ye coheri pje ijigũ asũ asi duhuahye. Sa yero ijipihtiro ti dihtapũre ihtia hora waro quehnoano nahitiahye. 45 Nahitiari watoa, Cohãcjũ wahu cã suhtiro cahsero, tiquina tore cahmotari cahsero decopũ ti cahsero uhmusepũ tuhũ dũca, tuhũ yojoa saa wahahye. 46 Sa yero Jesu tutuaro sañuducuahye:

—Mai, yahu jeripohnare mahare wiaja mahu ihña ihboatire, ni, sañuducuahye Jesu.

Sa ni tuhasa yariaa wahahye.

47 Tiquiro sa yariagũ ihñano, surara pũhtoro pehe “Cohãcjũ tutuariquiro ijire”, nino, “Ahriquiro Jesu munano potota quehnoariquiro ijimeya”, niahye surara pũhtoro.

48 Sa ye tiquina wejẽgũ ihñañe ahtariquina Jesu tiquiro yariagũ ihñañe, tiquina ye wuhusepu tojoaa wahahye. Tojoaa waha, tiquina ñañe yerire bujua witiye mehna tiquina cutiro bui quẽ ohõahye.

49 Ijipihtiyequina Jesu yequina tiquiro mehna cjẽna Galileapũ tiquiro mehna ahtariquina numia gũhu Jesure yoaropũ ihñaducuahye.

Jesu pagure masa copepu cũahye

(Mt 27.57-61; Mr 15.42-47; Jn 19.38-42)

50-51 Ti pjere José wame tiriquiro topũ ijiahye. Judea yehpa cã maca Ari-matea wame tiri maca cjũno ijiahye. Sa yero tiquiro quehnoariquiro, poto yeriquiro ijiro, Cohãcjũ pũhtoro iji dũcatire cohteriquiro ijiahye. Sa yero tiquiro judio masa pũhtoa mehna cjũno ijieperota Jesure tiquina wejẽ dutigũ cahmedamahye tiquiro. 52 Sa yero Pilato cahapũ esa, Jesu pagure siniahye. 53 Sini

tuhasa, Jesu pagure ne dijio, quehnoari suhtiro mehna tiquiro pagure wahmeahye. Sa wahme tuhasa, masa copepũ utãpũ tiquina seheri copepũ cũahye tiquiro pagure. Ti copere ne apequina yariariquinare cũedarĩahye. ⁵⁴ Ti deco saurũ deco ijiatire tiquina quehnoyuri deco ijiahye. Saurũ tiquina sori deco ijiasi mehenogã dũhsahye.

⁵⁵ Sa ye Galileapũ Jesu mehna ahtariquina numia masa copepũ José mehna wahahye. Masa copepũ esa, ti copere ihña, Jesu pagure tiquina cũrire ihñahye. ⁵⁶ Came tiquina ye wahusepũ tojoaa waha, ehme sitiye co, wisõñe mehna quehnoahye tiquina. Sa ye saurũ ijigã Cohãcjũ dutiye Moiseri tiquiro cũri dutiye nino sahata tiquina soahye.

24

Jesu masa wijiahye

(Mt 28.1-10; Mr 16.1-8; Jn 20.1-10)

¹ Domingo ijigũ bohrearopũ tiquina numia ehme sitiye tiquina quehnorire Jesu masa copepũ ne cãmahye. ² Ti copepũ esa, ti copere bihariare utãre tiquina pũo duhu cũria utãre ihñahye. ³ Sa ihñañe tiquina ti copepũ sajãa wahahye. Jesu pagure bo-caerahye tiquina. ⁴ Tiquiro pagure bocaera, “¿Dũhse wahayari?” ni tũhotuahye tiquina. Tiquina sa ni tũhotu yahuducuri watoa pũaro umũa asi siteye suhti

sañañequina tiquina cahapũ ducuahye. ⁵ Topũ tiquina ducugũ ihña, numia cueye, dũsepe curi mehna quehe sahye. Sa ye umũa pehe tiquinare yahuahye:

—¿Dũhsena yariariquiro ijimore Jesure macajari mũsa? Yojopure tiquiro catiriquiro ijire. ⁶ Tiquiro ohõre mariedare. Masa wijia tuhasari. ¿Sohõ ijiri pjere tiquiro Galileapũ mũsa mehna ijiro mũsare tiquiro nidire wacũajari mũsa? ⁷ “Yũhure Cohãcjũ ohorigure apequiro ohorota ñañequinare. Tiquiro ohori bato yũhure curusapũ quẽ biha wejẽeta tiquina. Sa yegũ yũhũ yariari bato ihtia deco wahaboro masa wijiajutja yũhũ”, nidi mũsare. ¿Tiquiro sa nidire wacũajari mũsa? niahye umũa pehe.

⁸ Tiquina sa nigũ tũhoye, numia pehe tiquiro nidire wacũahye. ⁹ Tiquina sa nidi bato tiquina tojoaa waha, once buheyequinare apequina gũhure tire yahu pehoahye. ¹⁰ Tiquina numia pehe María Magdalena, Juana, María Santiago pacoro ijiahye. Tiquina numia apequina numia gũhũ ijiahye Jesu buheyequinare yahuri numia. ¹¹ Tiquina sa ni yahuepegũta Jesu buheyequina pehe “Poto niñe niedaga. Ni mehoñe niaga ahriquina numia”, ni tũhotumahye. Sa ye tiquina numiare tũho duerahye.

¹² Tiquina sa nigũ tũhoro,

Pedro pehe masa copepũ oma cã, ihñano wahahye. Ti copepũ esa, tiquiro muhri ihña sõahye. Jesure tiquina wahmedi suhtiro dihitare ihñahye. “¿Dũhse wahayari?” ni, tũhotu, tiquiro ya wũhũpũ tojoaa wahahye.

Emau wame tiri maca cjã mahapũ Jesu bajuahye (Mr 16.12-13)

13 Ti decota pũaro Jesu buheyequina mehna cjẽna Emau wame tiri macapũ wahaye niahye. Jerusalẽ once kilómetro yoaro ijire Emaupũ esato. 14 Emaupũ waha, ijipihtiye Jerusalẽpũ ti pjere Jesu tiquiro sa waharire tiquirore tiquina ñano yerire yahuducu cãñe niahye. 15 Tiquina sa ni yahuducuri watoa Jesu pehe tiquina cahapũ esa, tiquina mehna wahahye. 16 Sa ye tiquirore ihñapeta tiquina tiquirore ihña masiedahye.

17 —¿Dũhse ni yahuducu cãna niajari mũsa? ni, sinituahye Jesu.

Tiquiro sa nigũ tiquina bujũa witiyequina esadũcahye.

18 Cleofa wame tiri quiro pehe Jesure yũhtiahye:

—¿Yojoapũre Jerusalẽpũ tiquina yerire mũhũ dihita masiedajari? ni sinituahye tiquiro.

19 —¿Dũhse wahari Jerusalẽpũre? niahye Jesu.

Tiquiro sa nigũ Cleofa yũhtiahye:

—Jesure Nazare cjãnore tiquina yerire nina niaja. Tiquiro Cohãcjũ yere yahu

mũhtariquiro ijimedi. Sa ye tiquiro yahuducurire tũhoye, tiquiro yeri gũhare ihñañe, “Tutuariquiro ijire”, ni, tũhotumedi masa. Cohãcjũ gũhũ sata ni tũhotuaga.

20 Mari pahia pũtoa, apequina pũtoa mehna tiquirore wejẽ dutiye, apequinare ohori. Tiquina sa ohogũ apequina pehe tiquirore curusapũ quẽ biha wejẽdi.

21 “Roma cjẽnare cohãtiquiro Israe masa pũthoro ijiatiquiro ijire”, ni, tũhotumi usã tiquirore. Mia mehna ihtia deco wahare tiquiro yariari bato.

22 Meheñequinagã numia usã mehna cjẽna numia usãre acũagũ yeri. Bohrearopũ Jesu tiquiro masa copepũ tiquina numia esa, 23 tiquiro pagũre bocaerañohiti. Tiquiro pagũre bocaeraye, tiquina tojoa wihi yahuri. “Usãre angele bajuari. Jesu catiñohiti”, ni yahuri usãre numia pehe.

24 Tiquina sa nigũ apequina usã mehna cjẽna ti copepũ esa, numia tiquina nidiro sahata ihñañohiti. Tiquina gũhũ Jesure ihñedañohiti, niahye tiquiro Jesure.

25 Tiquiro sa nidi bato Jesu yahuahye tiquinare:

—Mũsa ne tũho masiedare. ¿Cohãcjũ yere yahu mũhtariquina mũna tiquina nidire quehnoano tũhoerari mũsa?

26 Cristore tiquiro pũthoro ijiato pano uhmũsepe tiquiro mũjato pano tiquirore ñano yũhdũro cahmedi. ¿Tire masiedajari mũsa? niahye Jesu tiquinare.

27 Sa nino Cohăcjũ Cristore tiqairo ni yahu tiquina ojoarire Jesu yahu peho cãhye tiquinare. Moise m̃ññano tiqairo ojoarire Jesu yahu d̃cahye. Sa yero ijipih̃tiyequina Cohăcjũ yere yahu m̃h̃tariquina Cristore tiquina ojoari gũh̃ure yahu peho cãhye tiqairo.

28 Tiquina wahari macapũ tiquina esaye taye yegũ, Jesu pehe tiquinare yuh̃du cãa wahamahye. 29 Tiquiro sa yepegũta tiquina tiqiore waha dutierahye:

—Ûsã mehna tojoaya. Ñamicahapũ ijire. Nahinopũ nine, niahye tiquina tiqiore.

Sa yero Jesu tiquina mehna wuh̃apũ sajãa wahahye. 30 Wuh̃apũ sajã sa, tiqairo tiquina mehna ihyari mesapũ nuju sa, pãre ne, Cohăcjũre “Quehnoare”, niahye. Sa nino ti pãre nuha ne, tiquinare ohoahye. 31 Tiquiro sa yegũ ih̃ñañe tiquina Jesure ih̃ña masiahye. Tiquina ih̃ña masi d̃cagũta tiqairo buti maa wahahye. 32 Tiquiro sa buti maa wahagũ ih̃ñañe tiquina basi oh̃o saha ni yahuducuahye:

—Mahapũ tiqairo marine tiqairo yahuducuri watoa Cohăcjũ tiqairo ojoarire tiqairo yahuri watoa mari jeripohnari mehna quehnoano bucueye mehna tãhotuu mari, niahye tiquina basi.

33 Sa ni tuhasa tiquina duita Jerusalẽpũ majare tojoaa wahahye tja. Topũ esa, once buheyequinare apequina mehna cahmecoañequinare bocahye. 34 Tiquina esagũ, once buheyequina oh̃o saha niahye:

—Potota mari pũhtoro masa wijiañohti. Simo Pedro tiqiore ih̃ñañohti, niahye once buheyequina.

35 Tiquina sa nigũ pũaro Emau cjẽna mahapũ Jesure tiquina ih̃narire yahuahye:

—Jesu pãre tiqairo nuhagũ usã ih̃ña masii tiqiore, ni, yahu pehoahye tiquina apequinare.

Jesu tiqairo buheyequinare bajuahye
(Mt 28.16-20; Mr 16.14-18; Jn 20.19-23)

36 Tiquina sa ni yahuri watoa tiquina cahapũ iji tuhasahye Jesu pehe.

—¿Ijjajari m̃sa? niahye tiqairo tiquinare.

37 Tiquiro sa nigũ tãhoye tiquina “Mari yariariqairo m̃nanore ih̃ñana niaja”, ni tãhotuye, tutuaro cueahye.

38 Tiquina sa cuezũ ih̃ñano tiqairo tiquinare yahuahye:

—¿Dũhsena cueajari m̃sa? ¿Dũhsena “Ahri poto ijierare”, nijari m̃sa? 39 Yuh̃u omocarine, yuh̃u dahpocãri gũh̃ure ih̃ñaña. M̃sa yuh̃ure ih̃ñana, ih̃ña masinata. Yuh̃ure ñehe tuhuya. Ñehe tuhuna masinata m̃sa. Yariariqairo m̃nanopũ pagũ

mariedare. Yuhũ pehe pagu tija, niahye Jesu.

⁴⁰ Sa nino tiquiro omocari gũhũre, tiquiro dahpocãri gũhũre ihñoahye tiquinare.

⁴¹ Tiquiro sa ihñoepegũta tiquina tutuaro bucue, ihña maria waha, “Ahri potõ ijieraga”, ni tuhoturĩahye. Tiquina sa tuhoturũ masino Jesu tiquinare sinituahye:

—¿Ohõpũ ihyaye ijiajari? niahye tiquiro.

⁴² Tiquiro sa nigũ tuhoye wahi dohariquirore ohoahye tiquirore. ⁴³ Tire ne, tiquina ihñonopũ Jesu ihyahye. ⁴⁴ Ihya tuhasa, Jesu yahuahye tiquinare:

—Sohõ ijiri pje mũsa mehna ijigũ mũsare yuhũ yahuriro sahata yojopũ yuhũ sa wahau. Cohãcjũ dutiye Moise marine tiquiro cũri tiquiro sa ni ojoariro sahata yuhũre sa wahari. Cohãcjũ yere yahu mũhtariquina, Salmo ojoari pũre ojoayequina gũhũ panopũ yuhũre tiquina ni yahuriro sahata yojopũre yuhũre sa wahari. Sa wahacjũta ijii yuhũ, niahye Jesu.

⁴⁵ Sa ni tuhasa Cohãcjũ yere tiquina yahu ojoarire tiquiro buheyequinare masigũ yeahye Jesu:

⁴⁶ —Cohãcjũ yere tiquina ojoari ohõ saha nine: “Cristore ñano yuhũro cahmene. Sa yero ihtia deco wahaboro tiquiro yariari bato tiquiro masa wijiari. ⁴⁷ Tiquiro masa wijiari bato ijipihtiye yehparipũ tiquiro yequina

Cristo yere yahueta. Masa tiquina ñañene tiquina bũjũa witiatire, quehnoañene tiquina comesatire Cohãcjũ tiquina ñañene tiquiro cohãtire yahueta tiquiro yequina. Sa yahuye taye, Jerusalẽpũ yahu dũcaeta”, niahye Cohãcjũ yere tiquina ojoari pũpũ, niahye Jesu.

⁴⁸ Sa ni tuhasa ohõ saha ni yahu nemoahye:

—Mũsa pehe ahri ijipihtiye ihñarina ijire. Sa yena apequinare yahunata. ⁴⁹ “Espĩritu Santore mũsare ohoutja”, Cohãcjũ tiquiro nidiquirore yuhũ pehe mũsare ohoutja. Tiquiro uhmũse cjẽ tutuayere ohoatiquiro ijire. Sa yena Jerusalẽpũ tiquiro wihiatire cohteya mũsa, niahye Jesu tiquiro buheyequinare.

Jesu uhmũsepũ mũjaa wahahye

(Mr 16.19-20)

⁵⁰ Sa ni tuhasa Jesu tiquinare Jerusalẽpũ ijiiyequinare Betania cahapũ neahye. Topũ esa, Jesu tiquiro omocarine ne mũo, “Quehnoano ijia”, niahye tiquinare. ⁵¹ Sa ni tuhasa, tiquinare cũ, uhmũsepũ mũjaa wahahye. ⁵² Tiquiro mũjari bato tiquina tiquirore ño peo, Jerusalẽpũ tutuaro bucueye mehna tojoaa wahahye. ⁵³ Topũ iji, decoripe tiquina Cohãcjũ wuhũpũ Cohãcjũ mehna yahuducu, “Quehnoare”, ni ño peohye tiquina tiquirore. To punota ijire.

San Juan

Cohãcjũ ye yahuducuyere yahuriquiroy masuñota iji dũcahye

¹ Duitapũta ahri yehpa to ijiato panopũta Cohãcjũ ye yahuducuyere yahuriquiroy Cristo masare yũhdũoatiquiroy duita iji tuhasae tiahye. Tiquiroy Cohãcjũ mehna ijiahye. Sa yero tiquiroy Cohãcjũta iji cãhno ni-ahye. ² Duitapũta coã waropũre Cristo Cohãcjũ mehna ijiahye. ³ Sa yero coã waropũre ne mariedarire bajumehneahye. Ahri yehpare, uhmũsere, ijipihtiyere, masa gũhũre bajumehne dutiahye Cohãcjũ tiquiroy. Sa yero ahriye bajumehne pehoahye tiquiroy. Ahriye yojopũre mari ihñañene, mari ihñedari gũhũre tiquiroy bajumehnedagũ ne mariedaboya. ⁴ Cristo catiyere ohoriquiroy ijiroy nine. Buhriroy marine to quehnoano ihña masigũ yero saha mari Pacũre quehnoano masigũ yere. Sa yero mari Pacũre masigũ yere masare. ⁵ Ahri yehpa cjẽna ñañene wacũ, tiquina tutuaro cahmeñe nahitiano yero saha ijiye nine. Buhriroy quehnoano marine to ihña masigũ yero saha Cohãcjũ ye yahuducuyere yahuriquiroy masare masigũ yere. Sa yero nahitiano buhrioroy to yũhdũdũcaero

sahata Cristore ne ñañe yũhdũdũcaerare.

⁶⁻⁷ Cohãcjũ Ñũ wame tiriquiroy pehere ohoahye, Cristo buhrioroy yero saha ijiriquiroy masare yahu mahta dutiroy. Tiquiroy ohogũ Ñũ pehe masare yahuro ahtari tiquiroy yahuriquiroy Cristore ijipihtiyequina tiquina wacũ tutuatire. ⁸ Ñũ pehe Cristo ijierari. Sa ijieraro tiquiroy Cristo pehere masare yahu mahtano ahtari. ⁹ Cristo buhrioroy yero saha ijiriquiroy ijipihtiyequina masare Cohãcjũre masigũ yeatiquiroy pehe ahri yehpapũ ahtari jiri. Ijiroyta ijire ahri. Tiquiroy buhrioroy yero saha ijiriquiroy warota ijire.

¹⁰ Sa yero Cristo ahri yehpapũ ijiri jimedi. Ahri yehpare bajumehnediquiroy ijiahye. Tiquiroy sa ijiepegũta tiquiroy ya yehpa cjẽna tiquiroy ne masiedari. ¹¹ Tiquiroy ya yehpapũ masa bajuari jimedi. Tiquiroy ya yehpapũ tiquiroy masa bajuariquiroy ijiepegũta tiquiroy ya yehpa cjẽna pehe ne tiquiroy cahmedari jiri. ¹² Tiquina sa cahmedapegũta apequina pehere ijipihtiyequina tiquiroy cahmeñequina pehere tiquinare Cohãcjũ tiquiroy pohne ijigũ yeri jiri. Tiquiroy wacũ tutuayequina pũrita potota tiquiroy pohne warota ijire. ¹³ Tiquina Cohãcjũ pohneta ijiye nine. Sa ye masa tiquina masa bajuariroy saha ijierare,

Cohãcjũ pohne tiquina wahagũ.

¹⁴ Sa yero Cristo masano tiquiro iji ducari bato mari mehnata ijire tiquiro. Tiquiro sa ijigũ ihñana masare cahñiquiro, potota yahuriquiro tiquiro ijigũ usã masii. Tiquiro dihita Cohãcjũ macano ijiro tutuariquiro quehnoariquiro ijiri. Tiquiro sa ijiriquiro ijigũ usã masii. ¹⁵ Ñu Cristore yahu mahtano ohõ saha ni sañuducuri masare yahuro:

—Siquiro ahtare yahu ohõ saha ni yahuriquiro: “Tiquiro yahu bato ahtariquiro ijire. Sa ijieperota tiquiro yahu yahdoro tutuariquiro ijire. Tiquiro yahu masa bajuato panoru iji tuhasahye. Sa yero tiquiro yahu yahdoro tutuariquiro ijire”, masare yahu ni yahuriquiro ahriquirola ijire, nidi Ñu Jesure masare yahuro.

¹⁶ Tiquiro Cristo pehe quehnoano tutuaro masare cahñiquiro ijiro marine ijiphtinare quehnoano yeducuri. ¹⁷ Cohãcjũ dutiyere Moise pehe cũ mahtahye marine. Jesucristo pehe Cohãcjũ masare tiquiro cahñene buhero ahtari. Cohãcjũ tiquiro potota yahuducuye gũhare buhero ahtari. ¹⁸ Masa ne Cohãcjũre ihñedare. Tiquirore mari ihñedapegũta tiquiro macano ihcãquirola ijiriquiro tiquiro Pacuro mehna sa ijuducure. Sa yero tiquiro Pacurore marine masigũ yeri.

Apequina Ñu wame yeriquirore sinituahye

(Mt 3.3, 11-12; Mr 1.2-3, 7-8; Lc 3.4-6, 15-17)

¹⁹ Usã acaye judio masa pãtoa Jerusalẽpu ijiyequinare pahiare, Cohãcjũ wãhãpu dahrayequina gũhare Ñu cahãpu ohori jiri. “¿Noa boro ijiajari maãh?” ni sinitu dutiye ohori jiri tiquinare. Tiquina sa sinitugũ ohõ saha ni yahuri Ñu pehe. ²⁰ Yeero boro marieno yahuri. Potota yahuri:

—Yahu Cristo Cohãcjũ masare yahdoro dutiro tiquiro ohorigã ijieraja, nidi tiquiro.

²¹ Tiquiro sa nigũ tiquina pehe tiquirore pari turi sinituri tja:

—¿Maãh Cristo ijieragã Elia pehe ijiajari maãh? nidi tiquina.

—Ijieraja yahu, nidi tiquiro.

—¿Usã cohterigã Cohãcjũ yere yahu mahtacã pehe ijiajari maãh? nidi tiquina.

—Tiquiro ijieraja yahu, nidi Ñu pehe.

²² Tiquiro sa nigũ tiquina tiquirore pari turi sinituri tja:

—Usãre sinitu dutiriquinare usã yahuro quehnoano poto usãre yahu madoqueohya. ¿Noa boro pehe ijiajari maãh? ¿Maãh basita dũhse ijigã ijiajari maãh? “Sa ijigã ijiaja yahu”, ni yahuya usãre, nidi tiquina Ñure.

²³ Tiquina sa nigũ ohõ saha ni yãhtiri tiquiro:

—Masa marienopu ohõ saha ni sañuducugu ijiaja yuhu, Cohãcjũ yere yahu mæhtariquiro Isaia mænano tiquiro ni yahuriro sahata: “Mari puhtoro tiquiro ahtato pano mahare mari quehnoyuro saha quehnoana ijyuya masa”, ni masare yahu sañuducugu ijiaja yuhu, nidi Ñu tiquinare.

24 Ñure sinituyequina fariseo masa tiquina ohoriquina ijiri. 25 Sa ye tiquina Ñure sinituri tja:

—¿Muhu Cristo, Elia, Cohãcjũ yere yahu mæhtagu usã cohterigu ijierapeguta dæhsegu masare wame yeajari muhu? nidi tiquina.

26 Tiquina sa nigũ tæhoro yæhtiri tiquiro:

—Yuhu aco mehna masare wame yeaja. Apequiro pehe masa masieniquiro pehe masa watoa iji tuhasare. 27 Tiquiro pehe yuhu bato ahtariquiro yuhu yæhdæoro tutuariquiro ijire. Quehnoa yæhdæariquiro ijire. Tiquiro yero saha ijieraja yuhu pehe. Sa yegu tiquiore tæhotugu, “Ithyo ijigu ijiaja yuhu”, ni tæhotuaja yuhu, nidi Ñu tiquinare.

28 Sa ni yahuducuri tiquina, Betaniapu Jordã wame tiri ma ape sie pahræpu, Ñu masare tiquiro wame yeriropu.

Jesu Cohãcjũ ohoriquiro tiquiro yaquiro cordero yero saha ijiriquiro ijire

29 Ape decopu Jesu Ñu cahagã cjũno tiquiro ahtagũ Ñu tiquiore ihñano ohõ saha nidi:

—Ihñaña. Ahriquiro Cohãcjũ ohoriquiro tiquiro yaquiro cordero yero saha ijiriquiro ijire. Corderore mari wejẽdiro sahata masa ahriquiro gæhare wejẽeta. Sa yariaro ahri yehpa cjænare tiquina ñaÑe yerire cohãnota tiquiro. 30 Ahriquiota ijire yuhu ohõ saha nidiquiro: “Yuhu bato ahtariquiro yuhu yæhdæoro tutuariquiro ijire. Yuhu masa bajuato pano tiquiro iji tuhasahye. Sa yero tiquiro yuhu yæhdæoro tutuare”, yuhu nidiquiro ahriquiota ijire. 31 Yuhu pehe ahriquiore masiedahti. Sa masiedapeguta aco mehna wame yei ahta ni yuhu acaye Israe masa ahriquiore tiquina masiatore, nidi Ñu.

32 Sa ni tuhasa Ñu yahu nemori:

—Espíritu Santo æhmæsepu bujua yero saha Cristo bui dijia ta, tiquiro bui wi-hidæcagũ ihña. 33 Cohãcjũ yæhare tiquiro yahueragũ tiquiore ne masiedaboaga yuhu. Tiquiro yæhare masare aco mehna wame ye dutiro ohoriquiro Cohãcjũ pehe ohõ saha ni yahu mæhta tuhasari yæhare: “Espíritu Santo dijia ta tiquiro bui wi-hidæcanohriquiro tiquiota ijiota. Tiquiro pehe Espíritu Santore masa mehna ijiducugũ yerota”, nidi Cohãcjũ

yuhure. ³⁴ Yojopu pūritare tiqirore ihña tuhasa yuhu. Sa ihñagu “Potota Cohãcjũ macano ijire”, nii yuhu msare, ni yahuri Ñu usãre.

Jesu buheyequina tiqiro piji mahtariquina ijire

³⁵⁻³⁶ Ape decopu Ñu mehna usã pñana tiqiro buhena usã ducugũ, Jesu usã cahapu yuhdu cãno nidi. Tiqiro sa yuhdu cãgũ Ñu tiqirore ihñano, pari turi ohõ saha nidi usãre:

—Ihñaña. Ahriqiro Cohãcjũ yaqiro cordero yero saha ijiriquiro ijire, nidi Ñu.

³⁷ Tiqiro sa nigũ usã pñana tiqiro buhena pehe tire tuhona Jesure nñnu tãu. ³⁸ Usã sa nñnu tãgũ ihñano Jesu usãre majare ihña, sinituri:

—¿Yabere macana nijari msa? nidi tiqiro.

Tiqiro sa nigũ usã gũhu sinituu tiqirore:

—¿Buhegu, nohopu ijiajari mahu? nii usã tiqirore.

³⁹ —Yuhu mehna ahtatjiãna ihñana taya, nidi Jesu usãre.

Tiqiro sa nigũ usã pehe tiqiro ijiropu ihñana waha. Ti pjere ñamicahapu cuatro hora ijiri. Sa yena ti decore tiqiro mehna tojoau usã.

⁴⁰ Usã pñana Ñure tuhorina, Jesure nñnu tãrina yuhu piti Andre mehna ijii. Andre pehe Simo bahuro ijiri.

⁴¹ Sa yero duita tiqiro wahminore Simore maca, boca, tiqirore ohõ saha ni yahuahye:

—Mesiare Cohãcjũ marine yuhduo dutiro tiqiro ohoriquirore usã boca, niahye Andre Simore. Mesia usã ye mehna nina, Cristo nina nijaja.

⁴² Sa ni tuhasa tiqiro Simore Jesu cahapu neari. Tiqiro cahapu esagũ ihñano Jesu pehe Simore ohõ saha nidi:

—Mahu Simo wame tigu, Ñu maca ijire. Yojopure mahure Cefa wame yeitja, nidi Jesu Simore. Cefa usã ye mehna nina, Pedro nina nijaja.

Felipere, Natanae gũhure pijiahye Jesu

⁴³ Ape decopu Jesu Galilea yehrapu waha duari. Sa yero tiqiro wahato pano Felipere piti ca ohõ saha nidi:

—Yuhu mehna cjũ ijiajau ahtaya, nidi Jesu.

⁴⁴ Felipe pehe Betsaida cjãno ijiri. Tiqiro Andre, Pedro mehna ihcã maca cjẽna ijiri tiquina. ⁴⁵ Sa yero Felipe Natanaene maca, tiqirore bocaro ohõ saha ni yahuri:

—Cohãcjũ dutiyere Moise tiqiro ojoari pũpu tiqiro yahuriquirore apeqina Cohãcjũ yere yahu mahtariquina gũhu tiquina yahuriquirore usã boca. Jesu Nazare cjãno, José macanota ijire, nidi tiqiro Natanaene.

⁴⁶ —Nazarepue ne ihcãqiro quehnoariqiro mariedare, nidi Natanae.

—Ihñagu taya mahu, nidi Felipe.

47 Sa ye Jesu cahapũ tiquiro esagũ ihñano Jesu pehe ohõ saha nidi Natanaene:

—Ahriquiro yojopũ ahtariquiro potota quehnoariquiro judio masũno warota ijire. Tiquirore mehoñe ne mariedare, nidi Jesu Natanae pehere.

48 Tiquiro sa nigũ tuhoro Natanae pehe tiquirore sini-turi:

—¿Dahsegu yuhure quehnoano masiajari mũhũ? nidi.

—Felipe mũhure tiquiro pijiato pano, higueraqu docapũ mũhũ ijigũ ihñan yuhũ mũhure, nidi Jesu.

49 Tiquiro sa nigũ Natanae pehe ohõ saha nidi tja:

—Buhegu, potota mũhũ Cohãcjũ macũ ijire. Mũhũ Israe masa usã puhto ijiacjũ ijire, nidi Natanae.

50 Tiquiro sa nigũ tuhoro ohõ saha ni yuhtiri Jesu:

—Higueraqu docapũ yuhũ mũhure ihñarire masigu yuhure “Cohãcjũ macũ ijire”, ni wacũ tutuare mũhũ. ¿Tita mũhure sa masigũ yeajari? Ahri mũhure yuhũ ihñari yuhũoro Cohãcjũ tutuaye mehna ye ihñogutja yuhũ mũhure. Yuhũ sa ye ihñogũ ihñaguta mũhũ, nidi Jesu Natanaene.

51 Sa ninota ohõ saha ni yahu nemori:

—Potota mũhure niita niaja. Yuhũ masũ Cohãcjũ ohoriguta ijaia. Uhmusepu parĩ maagũ Cohãcjũ tiquiro yequina angele yuhũ bui tiquina dijia tagũ, tiquina

mũjagũ gũhare ihñaguta mũhũ, nidi Jesu tiquirore.

2

Caná wame tiri macapũ tiquina omoca dũhteropũ Jesu wahahye

1 Ihtia deco bato Canápu Galilea yehpapũ ijiri macapũ omoca dũhteri bose deco ijiri. Sa yero Jesu pacoro ti wuhapũ ijiri. ² Jesu mehna usãre tiquiro buhena gũhare omoca dũhteropũ pijiori tiquina. ³ Ti bose deco cjẽ vino pihtigũ Jesu pacoro tiquirore yahuri:

—Yojopũre vino pihtia wahari, nidi ticoro Jesure.

4 Ticoro sa nigũ tuhoro Jesu ohõ saha nidi:

—¿Iño, dahsego tago tire yuhure yahuajari mũhũ? Masa yuhure tiquina masiato dũhsarĩne, nidi Jesu tiquiro pacorore.

5 Tiquiro sa nidi bato tiquiro pacoro pehe tiquina cahacjẽnare dutiri:

—Yuhũ macũ tiquiro dutiro sahata yeya, nidi ticoro.

6 Ti pjepũre usã acaye judio masa Cohãcjũ yere yeye tehe masare tiquina pagũrire sa coseducu dutie tiri. Sa ye ti wuhapũre seis suturi utã mehna tiquina yeri suturi aco pose tiye suturi ijiri. Ti suturi Cohãcjũ yere yeye tehe tiquina coseye aco pose tiye suturi ijiri. Ti suturi cincuenta o setenta litro pose esa tuhari. ⁷ Sa yero tiquina cahacjẽnare dutiri Jesu:

—Ahri suturire acore pio sã nemoña. Quehnoano wahpo dapoya, nidi Jesu.

Tiquiro sa nigũ tiquina pehe quehnoano wahpo dapo peho cãhri ti suturire.

⁸ Tiquina sa yeri bato Jesu tiquinare dutiri tja:

—Yojopure ti acore wa ne, wuhũ cjãnore ohoya, nidi.

Tiquiro sa nigũ tũhoye ti acore wa ne, wuhũ cjãnore ohori. ⁹ Tiquina sa ohogũ tiquiro pehe ti acore vino wahagũ yeri acore sihni tuhuri. Ti acore tiquiro dahse yerire masiedari tiquiro. Tiquiro sa masiedapegũta tiquiro cahacjẽna ti acore wayequina pehe masidi. Wuhũ cjũno sa masiedaro omoca dahteriquirore pijio, ohõ saha ni yahuri:

¹⁰ —Apequina masa quehnoañe vinore sihõ mũhtare. Masa tiquina quehnoano sihnidi batopũ ña cjũñe core sihõri tiquina. Mũhũ pehe quehnoañe core ihbo, came cjũno ti core sihõri usãre, nidi wuhũ cjũno omoca dahteriquirore.

¹¹ Canápurũ Galileapurũ ijiri macapurũ Jesu acore vino tiquiro wahagũ yero, topũ Cohãcjũ tutuaye mehna coã ye dũcari. Sa yero apequinare tiquiro tutuayere ihñori Jesu. Tiquiro sa ihñori bato usã tiquiro buhena tiquirore wacũ tutuau.

¹² Came Jesu tiquiro pacorore, tiquiro bahanare, usãre tiquiro buhena gũhare Capernaupũ siho esari. Topũ

esana, meheñe decorigã tojoarĩ usã.

Jesu Cohãcjũ wuhũpure esahye

(Mt 21.12-13; Mr 11.15-18; Lc 19.45-46)

¹³ Pascua ijigũ judio masa usã bose deco iji-ato mehenogã dahsatjiãri. Sa yero Jesu Jerusalẽpurũ esari. ¹⁴ Topũ esaro tiquiro Cohãcjũ wuhũpurũ sajã saro, wecũare, ovejare, bujuaare duayequinare boca sari. Sa yero niñerure came-sayequina mesaripurũ dujigũ tiquina gũhare boca sari. ¹⁵ Sa boca saro yuta dari mehna tanari da ye, tiquinare ijipihtiyequinare sopecahapurũ tana nũnũ wiori. Oveja, wecũa gũhũ tana nũnũ wio cãri tiquiro. Sa yero niñeru comesayequina ye mesarire ne majaredoqueo, doque cũ cãri. Ti niñeru cjoeri gũhare doque site cãri. ¹⁶ Sa ye tuhasa bujuaare duayequinare ohõ saha nidi:

—Mũsa bujuaare ne wiji-aya. Yuhũ Pacũ ya wuhũre apee boro duari wuhũ yeracãhña, nidi Jesu tiquinare.

¹⁷ Tiquiro sa yegũ ihñana usã tiquiro buhena pehe Cohãcjũ yere tiquina ojoari pũpurũ tiquiro nidire wacũu: “Cohãcjũ, mũhũ ya wuhũre tutuaro cahĩaja. Sa cahĩgũ ti wuhũre ñano tiquina yegũ ihñagũ tutuaro bũjũa witiaja yuhũ’, ni ojoahye Cohãcjũ yere tiquina ojoari pũpurũ”, ni wacũu usã Jesu buhena.

18 Jesu tiquiro sa yeri bato usã acaye judio masa pãthoa tiquirore sinituri:

—¿Duhsegũ mahũ ahriquinare Cohãcjũ wãhũpũre ijiyequinare cohã wioari? Cohãcjũ mahũre tire ye dutiriquiro tiquiro ijigũ Cohãcjũ tutuaye mehna ye ihñõña mahũ usã ihñãtire, nidi tiquina Jesure.

19 Tiquina sa nigũ Jesu yãhtiri:

—Ahri wãhũre masa cohãgũ ihtia deco wahaboro tuhasautja yãhũ, nidi Jesu tiquinare.

20 —Ihtia deco ahri wãhũre yesi mahũ. Cuarenta y seis cahmari waro tiquina yeri wãhũ ijire ahri wãhũ, nidi tiquina pehe Jesure.

21 Tiquiro sa nigũ tiquina tiquirore quehnoano tãhoerari. Jesu “Ahri wãhũre”, nino tiquiro pagure nino nidi jimedi.

22 Sa ye tiquiro yariari bato, tiquiro masa wijiari bato usã tiquiro buhena pehe tiquiro nidire wacũna, Cohãcjũ yere tiquina ojoari pũre Jesu tiquiro yahuri gũhare “Ti ijirota ijire”, ni wacũu usã.

Ijipihtiyequina tiquina wacũñene Jesu masine

23 Pascua bose deco ijigũ Jesu Jerusalẽpũ ijiri. Topũ tiquiro ijigũ masa peyequina Cohãcjũ tutuaye mehna tiquiro ye ihñõgũ ihñãñe tiquirore wacũ tutuari. 24 Tiquina sa wacũ tutuepegũta Jesu masa tiquina wacũñene quehnoano masino, “Yãhũre

sa wacũ tutuaducueta”, ni tãhotuerahye. 25 Masa tiquina tãhotuyere quehnoano masidi tiquiro. Sa masino masa tiquina tãhotuyere apequinare ne sinituerari.

3

Jesu Nicodemo yahuahye

1 Ti macare Nicodemo wame tiriquire, judio masa pãthoa mehna cjãno ijiri. Tiquiro fariseo masa ya curua cjãno ijiri. 2 Sa yero ihcã ñami tiquiro Jesu cahapũ ahta, tiquiro mehna yahudu-cuahye:

—Buhegũ, mahũ Cohãcjũ buhe dutiro tiquiro ohorigũ mahũ ijigũ usã masiaja. Cohãcjũ mahũre tiquiro yedohoeragũ mahũ pehe tiquiro tutuaye mehna ne ye ihñõedaboaga. Mahũ peye tahari Cohãcjũ tutuaye mehna ye ihñõre, niahye Nicodemo Jesure.

3 Tiquiro sa nigũ Jesu pehe yahuahye:

—Ijirota mahũre niita niaja. Wahma masa bajuariquire yero saha pari turi masa bajuariquire dihita Cohãcjũ yaquire iji masine, niahye Jesu.

4 —Yohnah. ¿Bucũro pehe duhse ye pari turi masa bajuaboari tiquiro? Tiquiro pacoro niji suhtiropũ majare sajã, pari turi bajua masiedaboaga tiquiro, niahye Nicodemo.

Tiquiro sa nigũ Jesu yãhtiahye:

5 —Ijirota niita niaja mähure. Wahma masa bajuariquiro yero saha aco mehna, Espíritu Santo tiquiro tutuaye mehna pari turi masa bajuariquiro dihita Cohãcjũ yaquiro iji masine. 6 Numia niji pacosãnumia ijiye, macanagãre masa bajuagũ yere. Espíritu Santo pehe masare Cohãcjũ pohne ijigũ yere. 7 “Wahma masa bajuariquiro yero saha pari turi masa bajuariquiro dihita Cohãcjũ yaquiro iji masine”, yũhũ nigũ, tũho wisieracãhña. 8 Espíritu Santo masare Cohãcjũ pohne tiquiro yegũ ti wihnono yero saha ijire. Wihnono to ahtaripũ ahtare. To ahtaro ca tagũ mari tũhoaja. Sa tũhoepenata to ahtarirore, to waharirore ne masiedaja. Sata yere Espíritu Santo masare Cohãcjũ pohne yero, niahye Jesu Nicodemore.

9—Mũhũ niñene quehnoano masiedaga, niahye Nicodemo.

10 Tiquiro sa nigũ tũhoro ohõ saha niahye Jesu:

—¿Mũhũ judio masare buhegũ ijiepegũta, dahsegũ yũhũ niñene tũhoerajari? 11 Ijirota niita niaja mähure. Ũsã masidire usã ihñarire usã yahuaja. Ũsã sa yahuepegũta ne mũsa acaye judio masa ne tũho duerare. 12 Ahri yehpa cjẽ mehna masa tiquina masa bajuari mehna mũsare queoye mehna yũhũ buhe mũhtarire “Ijirota ijire”, niedare mũsa. Sa niedana queoye mehna buhero marieno Cohãcjũ yere yũhũ

yahugũ gũhure “Ijirota ijire”, nisi mũsa.

13 'Ne ihcãquiro uhmũsepũ Cohãcjũ cahapũ wahariquiro ne pari turi tojoa tasi. Yũhũ masũ Cohãcjũ ohorigũ yũhũ dihita uhmũsepũ ijirigũ ahri yehpapũ ahtau. Sa yegũ yũhũ dihita Cohãcjũ yere mũsare yahu masiaja. 14 Panopũre masa marienopũ Moise mũnano bronce wame tiri come mehna tiquina yeriquirore añare yucũgũ tiquina docodũpũ duhu yoahye. Yucũgũpũ tiquina duhu yoriro sahata yũhũre masare Cohãcjũ ohorigũre tiquirore tiquina yeriro sahata yũhũ gũhure duhu yoeta. 15 Yũhũre tiquina sa yeri bato ijipihtiyequina yũhũre wacũ tutuayequina ijipihtiye decori Cohãcjũ mehna iiducueta, niahye Jesu.

Cohãcjũ ijipihtiyequinare cahñe

16 Sa ni tuhasa ohõ saha ni nemoahye:

—Cohãcjũ ijipihtiyequina ahri yehpa cjẽnare tutuaro cahñe. Sa yero yũhũre tiquiro macare ihcũta ijigũre Cohãcjũ ohori ijipihtiyequina yũhũre wacũ tutuayequina pecapũ tiquina “Wahaeracãhdo”, nino. Sa ye ijipihtiye decori Cohãcjũ mehna ijieta tiquina. 17 Cohãcjũ yũhũre tiquiro macare masare buhiri dahre dutiro ohoerari yũhũre ahri yehpapũre. Sa yero masare pecapũ waha-boriquinare yũhũoacjũre yũhũre ohori.

18 'Yuhure Cohãcjũ macure wacũ tutuayequinare ne buhiri dahresi Cohãcjũ. Yuhure wacũ tutueyequina pũritare Cohãcjũ buhiri dahre duti tuhasari. Masa yuhure Cohãcjũ macure ihcũta ijigure tiquina wacũ tutuerari buhiri, buhiri dahrerota tiquinare. 19 Yuhũ, Cohãcjũ macũ ahri yehpapũ ah-tagũ buhriero quehnoano marine to ihña masigũ yero sahata Cohãcjũ yere quehnoano masigũ yeaja. Yuhũ sa masigũ yegũ ihñañe yuhure wacũ tutueyequina yuhure cahmedare. Tiquina ñañe yeye pehere quehnoano cahmene. Tiquina sa cahmedi buhiri tiquinare buhiri dahrerota. 20 Ijipihtiyequina ñañene yeyequina tiquina ñañe yeyere duhu duerare. Sa ye buhriero to bajumehmeno sahata tiquina ñañe yerire "Bajumehneri", niñe, yuhure cahmedari tiquina. 21 Quehnoañene yeyequina pehe yuhure, yuhũ buheye gũhure cahmene. Cohãcjũ yere tiquina yeyere yuhũ quehnoano bajuro dahregũ bæ tierare tiquina. Sa ye yuhure buhriero yero saha ijigure cahmene, ni yahuahye Jesu.

Pari turi Ñu wame yერიқиrо Jesure yahuahye

22 Came Jesu usãre tiquiرو buhenare Judea yehpapũ siho wahari. Topũ esaro to cjẽna mehna meheñe decorigã tojoa, wame yeri

tiquinare. 23 Ñu gũhũ masare wame yero niahye Enón wame tiri macapũ. Enón Salim wame tiri maca cahapũ ijiri. Topũ dia ijiri. Sa yero Ñu topũ wame yero niahye masare. 24 Tiquina peresu yeato pano Enópũ wame yero niahye Ñu. 25 Ti pjere Ñu buheyequina mehna cjẽna meheñequinagã judio masũno mehna wame yeyere yahuducuye niahye. 26 Sa ye tiquina Ñu cahapũ esa, tiquiروre yahuahye:

—Buhegũ, Jordã si pahrẽpũ mũhũ mehna ijiriquiرو "Tiquiروta ijiaga", mũhũ nidiquiرو pehe yojopũre masare wame yero nine. Tiquiرو sa yegũ ijipihtiyequina tiquiرو cahapũ dihita wahare, niahye tiquina Ñure.

27 Tiquina sa nigũ tahoro Ñu yũhtiahye:

—Tiquiرو tutuariquiرو ijigũ Cohãcjũ pehe tiquiروre sa ijigũ yere. 28 "Cristo ijieraja", yuhũ nigũ mũsa tahori. Sa ijierapegũta tiquiرو pano ohonoho mũhtarigũ ijiaja yuhũ. 29 Cristo mehna masa tiquina wahagũ ihñagũ tutuaro bucueaja. Ohõ saha ijire ti: Omoca dũhteriçoro ticoro manũno mehna ijiro wahare. Omoca dũhtegũ cohteriquiرو pehe dũhteatiquiرو namo tigũ ihñano tiquiرو yahuducugũ tahoro tutuaro bucuere. Sa yegũ yuhũ omoca dũhtegũ cohteriquiرو tiquiرو bucuero saha Cristo mehna masa

tiquina wahagũ ihñagu tutuaro bucueaja. ³⁰ Cristo pehere wacũ tutuaro cahmene masare. Yũhu pehere wacũ tutuero cahmene masare, ni yũhtiahye Ñu.

Cohãcjũ macũno uhmũsepũ ahtariquiuro ijire

³¹ Sa ni tuhasaro ohõ saha ni nemoahye Ñu:

—Uhmũsepũ ahtariquiuro ijipihtiyequina yũhdũoro tutuariquiuro ijire. Ahri yehparũ masarina ijina ahri yehpa cjãna ijiaja mari. Sa yena ahri yehpa cjẽne yahuducuaaja mari. Uhmũsepũ ahtariquiuro pehe ijipihtiyequina yũhdũoro tutuariquiuro ijire. ³² Tiquiro ihñarire, tiquiro tũhorire tiquiro yahure. Tiquiro sa yahuepegũta tiquiro yahuyere masa pehe ne tũho duerare. ³³ Uhmũsepũ ahtariquiuro tiquiro yahuyere masa tũhoye, “Cohãcjũ potota nidiquiro ijire”, niñe nine tiquina. ³⁴ Ahriquiuro Cristore Cohãcjũ ohoriquirore Espiritu Santo ye tutuayere oho pehore Cohãcjũ. Sa yero tiquiro Cohãcjũ ye yahuducuyere yahure. ³⁵ Cohãcjũ tiquiro macũnore tutuaro cahĩne. Sa yero ijipihtiyequina pũhoro iji dutiri tiquiro macũnore. Ijipihtiye upũro iji dutire tiquirore. ³⁶ Cohãcjũ macũnore wacũ tutuayequina pehe ijipihtiye decori Cohãcjũ mehna ijjeta. Tiquiro macũnore yũhdũũcayequina pehe Cohãcjũ caharũ wahasi. Sa

ye ijipihtiye decori uhmũsepũ ijisi. Sa yero Cohãcjũ tiquinare tutuaro buhiri dahrerota, niahye Ñu.

4

Jesu Samaria cjõno mehna yahuducuro niahye

¹ Jesu Ñu yũhdũoro peyequina buheyequinare tiquiro cũogũ, Ñu yũhdũoro masare tiquiro wame yegũ fariseo masa tũhoahye. ² Tiquina sa tũhoepegũta Jesu pehe tiquiro basi masare wame yerari. Ušã tiquiro buhena pehe masare wame yei. ³ Fariseo masa tiquina sa masigũ tũhoro Jesu pehe Judea yehparũ ijiriquiro Galilea yehparũ ušãre siho tojoaa wahari.

⁴ Topũ wahana Samaria yehpare esa yũhdũ cãna tana nii ušã. ⁵ Sa yũhdũ cãna Samaria yehparũ ijiri macarũ Sicar wame tiri macarũ esau. Ti maca caharũ panorũ cjũno Jacob mũnano tiquiro macũno José mũnanore tiquiro ohori yehpa ijiri. ⁶ Topũ Jacob mũnano tiquiro sihnidi cope ijiri. Sa yero Jesu pehe yoarorũ ahtariquiuro ijiro, tiquiro wahyia yũhdũaro ti cope dũhtũ caharũ nuju sari. Ti pje tiquiro nuju sari pje coheri pje waro ijiri. ⁷⁻⁸ Ušã tiquiro buhena pehe macarũ ihyayere ušã dũna wahari bato ihcãquiota tiquiro topũ tojoa nuju sari. Sa yero Samaria cjõno ti copereũ aco

waro wihigū Jesu ticorore acore siniahye:

—Acore ohoya yuhure, niahye.

⁹ —Muhū judio masū ijire. Yuhū pehe Samaria cjo ijiaja. ¿Dahsegu yuhure acore siniajari muhū? niahye ticoro Jesure.

Judio masa Samaria cjenare ihña tuhtiyequina ijire. Sa yero ticoro sa niahye.

¹⁰ Ticoro sa nidi bato Jesu ticorore yahuahye:

—Muhure Cohācjū tiquiro yedoho duayere masigo, muhure acore sinigure masigo, muhū yuhū pehere siniboaya. Muhū sa sinigū apeye aco pehere ohoboaya yuhū. Ti aco pehe catigū yere, niahye Jesu ticorore.

¹¹ Tiquiro sa nigū tūhoro ticoro yūhtiahye tiquirore:

—Ne muhure sutu mariedare. Sa yero ahri cope uhcūārīne. ¿Sa yegu ahri catigū yeye acore nohorū wa neboagari muhū? ¹² Mari ñesū mūnano Jacob panorū cjenō ahri copere marine cūe tiahye. Tiquiro, tiquiro pohne, nuñequina gūhū ahri acore sihnīe tiahye. ¿“Apeye acore ohoboaya yuhū”, muhū nigū, Jacob yūhdūoro tutuagu ijiajari muhū, sa ni tūhotugū? niahye ticoro.

¹³ Ticoro sa nigū Jesu yūhtiahye:

—Ijipihtiyequina ahri acore sihnīnequina, pari turi aco wūoeta. ¹⁴ Yee aco pehere sihnīnequina ne pari turi aco wūosi. Sa ye, yee acore sihnīnequina Cohācjū mehna

sa ijiducueta. Ma pohtepū aco to sa wijiaducuro sahata yee aco ne pihtisi, niahye Jesu.

¹⁵ Tiquiro sa nigū tūhoro numino pehe ohō saha niahye:

—Ti acore ohoya yuhure pari turi yuhū aco wūoeraro quehnoano. Sa yego pari turi ne ohōpūre aco wasi yuhū, niahye ticoro.

¹⁶ Ticoro sa nigū Jesu ticorore yahuahye:

—Ti pje pūrita muhū manūnore pijigo wahaya. Piji tuhasa ohōpū ahtaya tiquiro mehna, niahye Jesu ticorore.

¹⁷⁻¹⁸ —Manū mariego ijiaja yuhū, niahye ticoro.

—Ijirota nimene muhū. Ihcā omope tahari manū ti tuhasamedi muhū. Sa yero yojopūre muhū mehna ijiriquiro muhū manūno ijierare. Sa ye “Manū mariego ijiaja”, nigo potota nimene muhū, niahye Jesu ticorore.

¹⁹ Tiquiro sa nigū tūhoro ohō saha niahye ticoro:

—Āa, Cohācjū yere yahu māhtagū ijire muhū, yuhū tūhotugū. ²⁰ Ūsā ñesūmūa iji turiayequina mūna ahdu cūnūpū Cohācjūre ño peoe tiahye. Sa yena mūsa pehe judio masa “Jerusalēpū Cohācjūre ño peoro cahmene masare”, nie tiri mūsa judio masa, niahye ticoro.

Ticoro sa nigū Jesu yūhtiahye:

²¹ —Numio, yuhū pehere tūhorīña. Camerū ahdu cūnūpū, Jerusalēpū gūhure

mari Pacure ño peosi m̄sa.
 22 M̄sa pehe m̄sa ño peoriquiروه masiedare. Masare yuh̄d̄hoatiquiروه judio mas̄nota ijire. Sa yena us̄a judio masa pehe us̄a ño peoriquiروه masi-aja. 23 Yojop̄re, camep̄ ḡuh̄re Coh̄c̄j̄re potota ño peoyequina tiquina quehnoano t̄hotuye mehna tiquiروه ño peoeta. Sa mari ño peoḡu cahmene Coh̄c̄j̄. 24 Coh̄c̄j̄re, paḡu marieniquiروه tiquiروه ijiḡu masa tiquiروه ih̄ñedare. Sa ye tiquiروه ño peoye, tiquina quehnoano t̄hotuye mehna tiquiروه quehnoano potota ño peoro cahmene masare, niahye Jesu.

25 Tiquiروه sa niḡuta ticoro yuh̄tiahye:

—Mesia, “Cristo” tiquina nidiquiروه pehe masare yuh̄d̄hoatiquiروه tiquiروه ahtatire masiaja yuh̄. Tiquiروه ahtarō marine ijipih̄tiyere buhe peho c̄n̄ota, niahye ticoro.

26 —Yuh̄uta ijiaja Cristo, niahye Jesu ticorore.

27 Tiquiروه sa niḡu waro wih̄i us̄a. Sa yena us̄a tiquiروه buhena pehe Jesu numino mehna tiquiروه yahuducuḡu ih̄ñana, ih̄ña maria waha. Sa ih̄ña mariepenata, “¿D̄ahse cahmeajari m̄uh̄? ¿D̄ahse niari m̄uh̄ ticorore?” ni sinituer̄u tiquiروه. 28 Sa yero numino ticoro ya suture duhu dapo c̄a, macap̄u wahaa wahari. Top̄u esaro masare yahuro, oh̄o saha niahye:

29 —Yuh̄u yerire yahu pehoriquiروه ih̄ñana ahtaya m̄sa. Tiquiروه potota Cristo ijiboaga, ape taha yero, niahye ticoro.

30 Ticoro sa niḡu t̄hoye ti maca cj̄ena pehe Jesure ih̄ñañe ahtari. 31 Ti pjere us̄a Jesu buhena pehe tiquiروه tutuaro ihya dutimi:

—Buheḡu, ihyaya, nimi us̄a.

32 —Sijoro ijije ihyayere c̄hoaja yuh̄. Tire m̄sa masiedare, nidi tiquiروه.

33 Tiquiروه sa niḡu t̄hona us̄a basi oh̄o saha ni yahuduc̄u:

—¿Apequina tiquiروه ihyaye oho tuhasayari? nii us̄a basi.

Us̄a sa niḡu Jesu yahuri:

34 —Masa pehe ihya coare. Yuh̄re ohoriquiروه tiquiروه cahmeñe pehere ye coaja yuh̄ pehe. 35 “Pititia as̄u d̄hsare mari d̄ca duha neatō”, wese up̄aro tiquiروه nidiroh saha m̄sa pehe ni t̄hotuerac̄h̄ña. “Coh̄c̄j̄ yere us̄a yahuato d̄hsar̄ine”, ni t̄hotuerac̄h̄ña. Ijirota niita niaja m̄sare. Yojop̄u p̄uritare masare ih̄ñaña. D̄care neni pje to ijiro sahata, yojop̄u p̄urita masa yuh̄ buheyere tiquina t̄hoati pje ijiro nine. 36 Oteye d̄care neñequinare tiquina wapa yeriro sahata yeere buheriquinare, yeequina ijiatiquinare pijiyequinare, tiquina sa yeri wapa tiquinare quehnoano yeitja yuh̄. Tiquina sa buheḡu t̄hoye yuh̄ buheyere t̄hoyequina

yeequina pehe Cohãcjũ mehna ijipihtiye decori ijiducuenta. Sa ye tiquinare buhe m̄htañequina, came yeequina wahagũ yeequina gũh̄ ihcãno saha bucu-ducuenta. ³⁷ “Ihcãquiro ote m̄htariquiro ijire. Apequiro pehe d̄ucare neniquiro ijire”, nie tiahye panop̄. Ti ijirota ijire. Tiquina sa nidiro sahata ihquẽquina yeere yahu m̄htañequina ijire. Apequina pehe yeere buh-eye, yeequina wahagũ yere. ³⁸ Wese up̄ro yequina dahra cohteyequina oterariquina tiquina ijiepegũ tiquiro oteye d̄ucare tiquinare ne dutiro ohore. Sa masare buhe m̄htaedarina m̄sa ijiepegũta yeequina wahatiquinare buhe dutigũ ohoaja m̄sare. Apequina pehe tiquinare buhe m̄hta tuhasari. Tiquina buheriquinap̄re pari turi buhe nemona, yeequina wahagũ yenata m̄sa pehe. Sa ye buhe m̄htañequina pehe tiquina yedohoro mehna apequinare yeequina wahagũ yenata m̄sa, nidi Jesu.

³⁹ Ti pjere Samaria cjõno “Yũh̄ yerire tiquiro yahu pehori”, ticoro sa nigũ tũhoye Samaria cjẽna peyequina Jesure cahmeahye. ⁴⁰ Sa ye Samaria cjẽna Jesu cahap̄ esaye, “Usã mehna tojoarĩna”, nidi tiquirore. Tiquina sa nigũ usã gũh̄ tiquiro mehna p̄na deco tojoarĩ. ⁴¹ Apequina gũh̄ peyequina Jesure tũhoye,

cahmedi tiquirore. ⁴² Ohõ saha nidi masa numinore:

—Coã warop̄re m̄hũ yahurire tũhona, Jesure cahmei. Yojop̄ p̄ritare tiquiro yahuducuyere tũhona tiquirore cahmeaja. Sa yena tiquiro pehere tũhona ahri yehpa cjẽnare pecap̄ wahaboriquinare yũhd̄oriquiro potota tiquiro ijigũ yojop̄ usã masiaja, nidi masa Samaria cjõnore.

Pũhtoro mac̄nore dohatiriquirore yũhd̄oahye Jesu

⁴³ P̄na deco bato Jesu usãre Galilea yehpap̄ siho wahari. ⁴⁴ Coã warop̄re ohõ saha nie tiri tiquiro: “Cohãcjũ yere yahu m̄htariquirore tiquiro ya yehpa cjẽna tiquirore ño peoerare. Sa ye yũh̄re ño peoerare ohõ cjẽna ohõp̄ yũh̄ bucuarigũ ijigũ”, nie tiri Jesu. ⁴⁵ Sa ye Galileap̄ tiquiro esagũ to cjẽna tiquirore quehnoano piti cari. To pano Jerusalẽp̄ bõse deco Jesu tiquiro yerire ihñariquina ijiri tiquina.

⁴⁶ Sa ye Canáp̄ Galileap̄ ijiri macap̄ acore tiquiro uhse co bajumehnedi macap̄ waha usã tiquiro mehna. Caná cahap̄ ijiri macap̄ Capernau wame tiri macap̄ pũhtoro mac̄no dohatiro niahye. ⁴⁷ Sa yero Jesu Judeap̄ ijiriquiro tiquiro Galileap̄ esagũ pũhtoro tũhoahye. Tire tũhoro Jesu cahap̄ wihiri:

—Yuhū macu yariaro nidi. Sa ye tiquireore yuhduogū ah-taya, ni tutuaro mehna pijiri tiquireore.

⁴⁸ Tiquireo sa nigū tūhoro Jesu yūhtiri:

—Cohācǰū tutuaye mehna yuhū yegū ihñedana, ne yuhūre wacū tutuerare mūsa, nidi Jesu tiquireore.

⁴⁹ Tiquireo sa nigū pūhtoro pehe ohō saha nidi:

—Pūhto, yuhū macu tiquireo yariato pano ahtaya, nidi tiquireo Jesure.

⁵⁰ —Tojoahya. Mūhū macu catiaga, nidi Jesu.

Tiquireo sa nigū tūhoro, “Tiquireo nidiro sahata catirota yuhū macu”, nino, pūhtoro tojoaa wahari.

⁵¹ Sa tojoaducuriquireore tiquireo cahacǰēna tiquireore piti ca, yahuahye:

—Mūhū macu catiri, ni yahuahye tiquina tiquireore.

⁵² —¿Noho asū ijigū yuhduari yuhū macu? ni sinituahye tiquireo cahacǰēnare.

—Canūre coheri pje batogā ujuaye sururi tiquireore, ni-ahye tiquina.

⁵³ Tiquina sa nigū tūhoro ohō saha ni tūhotuahye tiquireo: “Jesu yuhūre tiquireo sa ni yahuri pjeta ujuaye suruaya”, ni tūhotuahye pūhtoro pehe. “Poto ninota niaya yuhūre”, nino, tiquireo ijipihtiyequina tiquireo acaye mehna Jesure wacū tutu-ahye.

⁵⁴ Jesu Judea yehpapū ijiriquiro Galilea yehpapū tiquireo esari bato pūhtoro

macunore tiquireo yuhduorire mari queogū pūa taha Cohācǰū tutuaye mehna ye ihño tuhasari Jesu.

5

Tini masieniquirore yuhduoahye Jesu

¹ Came judio masa Cohācǰūre usā ño peori bose deco ijigū Jesu Jerusalēpū esari tja. ² Topū oveja wame tiri sopecaha cahapū cuhsari cope ijiri. Usā judio masa ye mehna niñe Betzata wame tiri cope ijiri. Ti cope cahapū ihcā omope tihamehneñe tucūri ijiri. ³ Ti tucūripū peyequina dohatiyequina cuñari. Caperi bajueyequina, pari yuri wahayequina, tini masieñequina tiquina ti cope cahapū ijiri. [Topū ijiye aco ñuhmi maanore cohteye nidi.

⁴ Topū buharo ti cope cǰē acore ihquē tahari ñuhmigū ye mājahye angel. Ti cope cǰē aco ñuhmīdi bato ña mio mūhtariquiro pehe dūhse ijiyere dohatiyere cūoriquiro quehnoa wahahye.] ⁵ Sa yero tore treinta y ocho cūhmari waro dohatiriquiro ijiri. ⁶ Topū tiquireo cuñagū ihñano tiquireo sa yoari pje dohatiriquiro ijigū masidi Jesu tiquireore. Sa masino tiquireore sinituri:

—¿Pagū dohatiyē mariegū iji duajari mūhū? nidi Jesu.

⁷ Tiquireo sa nigūta dohatiriquiro yūhtiri:

—Ti aco ñuhmigū yuhūre aco ijiri copepū neaboriquiro mariedare. Ti copepū yuhū

ña mio duepegãta apequna pehe yũhũ pano sa ña mio mãhtaducure, nidi tiqairo Jesure.

8 —Wahcãdũcaya. Mũhũ cuñari cahserore ne cãhña, nidi Jesu tiqairore.

9 Tiquiro sa nigãta dohatiriquiro pehe tiqairo cuñari cahserore ne, tini dũcari. Ti deco saurũ judio masa usã sori deco ijiri. 10 Ti decore Jesu sa yegũ ihñañe judio masa usã pũhtoa pehe dohatimediquirore ohõ saha ni yahuahye:

—Miare saurũ deco mari sori deco ijiepegãta mũhũ cuñari cahserore neare mũhũ. Sa yegũ mari dutiyere yũhdũdũcagũ nine mũhũ, niahye tiquina tiqairore.

11 —Yũhũre yũhũ dohatiyere cohãriquiro pehe ohõ saha nidi yũhũre: “Mũhũ cuñari cahserore ne cãhña”, nidi tiqairo yũhũre, ni yũhtiahye dohatimediquiro.

12 —¿Tire mũhũre sa nidiquiro pehe noa boro ijari tiqairo? ni sinituahye tiquina.

13 Topũ masa peyequina tiquina ijigũ ihñano Jesu pehe waha tuhasari. Sa yero dohatimediquiro pehe tiqairore yũhdũoriquiro wamene masiedahye. 14 Came Cohãcjũ wũhũpũ Jesu tiqairore piti ca yahuri:

—Tãhorĩña mũhũ yũhũre. Yojopũre quehnoano pagũ tire mũhũ. Ñañene ye nemoedacãhña. Pari turi

ñañene ye nemogũ mũhũ dohatiro yũhdũoro wahagũta mũhũ, nidi Jesu tiqairore.

15 Tiquiro sa nidi bato dohatimediquiro pehe usã judio masa pũhtoa tiqairore sinituriquina cahapũ esaro yahuahye tiquinare:

—Jesu wame tiriqairo yũhũre yũhdũgũ yeri, ni yahuahye tiqairo.

16 Sa ye saurũ ijigũ dohatiriquirore tiqairo dohatiyere Jesu cohãgũ masiñe, judio masa usã pũhtoa pehe tiqairore ñano ye dũcari.

17 Sa ñano tiqairore tiquina ye duagũ masino Jesu pehe yahuri tiquinare:

—Yũhũ Pacũ yojopũre dahrarĩno nine. Yũhũ gũhũ dahrarĩi niaja, ni yahuri tiqairore ñano ye duayequinare.

18 Tiquiro sa nigũ judio masa usã pũhtoa pehe tiqairo mehna tutuaro usuaye, to pano tiquina nidiro yũhdũoro tiqairore wejẽ duari. Saurũ decore tiquina sori decore ihcãquiro dohatiriquirore tiqairo yũhdũogũ ihñañe tiquina usuari. Sa usuaye tiqairo Cohãcjũre “Yũhũ Pacũ”, nigũ tãhoye, tiquina pehe to pano tiquina nidiro yũhdũoro usua nemoahye tja. “Yũhũ Pacũ’, nino Jesu tiqairo basi ‘Cohãcjũ mehna ihcãno saha ijiaja’, ni wacũaga tiqairo”, ni tãhoturi judio masa usã pũhtoa.

Jesu Cohãcjũ ohoriquiro ijire

19 Sa ye Jesu tiquinare yahuari:

—Ijirota niita niaja m̄sare. Ȳh̄h̄ Coh̄āc̄j̄ mac̄h̄, ȳh̄h̄ esa tuharo yeraja. Ȳh̄h̄ Pac̄h̄ tiquiro yerire ih̄ñaḡũ, tire yeaja. 20 Ȳh̄h̄ Pac̄h̄ ȳh̄h̄re tiquiro mac̄h̄re cah̄ñe. Sa yero tiquiro yerire ȳh̄h̄re ih̄ño pehore. Ahri yojop̄h̄ tiquiro tutuaye mehna ȳh̄h̄ yeri ȳh̄h̄oro tiquiro apeyere ye dutirota ȳh̄h̄re. Tiquiro sa ye dutiḡũ tiquiro tutuaye mehna ye ih̄ñoutja ȳh̄h̄. Sa yena ih̄ña maria wahanata m̄sa. 21 Ȳh̄h̄ Pac̄h̄ yariariquinare tiquiro masoriro sahata ȳh̄h̄ ḡh̄h̄ ȳh̄h̄ cahmeñequinare masoutja. 22-23 Ne ȳh̄h̄ Pac̄h̄ pehe masa tiquina ñañe buhirire buhiri dahreriquiro ijierare. Ȳh̄h̄ pehere tire tiquina ñañe buhirire buhiri dahreac̄j̄re c̄uri ȳh̄h̄ Pac̄h̄. Ijipihtiyequina masa tiquirore tiquina ño peoriro sahata ȳh̄h̄ ḡh̄h̄re tiquina ño peotire buhiri dahreac̄j̄re c̄uri ȳh̄h̄re. Ȳh̄h̄re tiquiro mac̄h̄re ño peoerana ȳh̄h̄ Pac̄h̄ ḡh̄h̄re ño peoerare m̄sa. Tiquiro ijire ȳh̄h̄re ohoriquiro, nidi Jesu.

24 Sa ni tuhasa oh̄o saha ni yahu nemori:

—Ijirota niita niaja m̄sare. Ȳh̄h̄ yahuducuyere tuhoyequina, ȳh̄h̄re ohoriquirore wac̄ũ tutuayequina ijipihtiye decori ah̄m̄sepeh̄ sa ijiducueta. Sa yeḡh̄ tiquinare buhiri dahresi ȳh̄h̄. Sa ye tiquina pecap̄h̄

wahaboriquina ȳh̄h̄eta. 25 Ijirota niita niaja m̄sare. Pecap̄h̄ wahatiquina ȳh̄h̄re Coh̄āc̄j̄ mac̄h̄re tiquina tuh̄oati p̄je yojop̄h̄ ijire. Camer̄h̄ ḡh̄h̄re ȳh̄h̄re tiquina tuh̄oeta tja. Sa tuhoye tuh̄o n̄h̄ñequina pehe Coh̄āc̄j̄ mehna sa ijiducueta. 26 Coh̄āc̄j̄ ȳh̄h̄ Pac̄h̄ pehe sa ijiducuḡũ yeriquiro ijire. Sa yero ȳh̄h̄re tiquiro mac̄h̄re sa ijiducuḡũ yeac̄j̄h̄ iji dutiri tiquiro ȳh̄h̄re. 27 Sa yeḡh̄ ȳh̄h̄ mas̄h̄ Coh̄āc̄j̄ tiquiro ohoriḡh̄ ȳh̄h̄ ijiḡũ tiquiro masare buhiri dahreac̄j̄re c̄uri ȳh̄h̄re. 28 Ahrire tuh̄ona, tuh̄o mariedac̄h̄ña m̄sa. Ape decop̄h̄re ijipihtiyequina yariariquina masa coperip̄h̄ ijiequina ȳh̄h̄ yahuducuḡũ tuh̄oeta. 29 Sa tuhoye, quehnoañene yeriquina ijipihtiye decori Coh̄āc̄j̄ mehna ijiatiquina masa m̄jaeta. Ñañene yeriquina pehe ñañene tiquina yeri buhiri pecap̄h̄ wahaeta, ni yahuri Jesu.

30 Sa ni tuhasa oh̄o saha ni yahu nemori:

—Ȳh̄h̄ esa tuharo ne yeraja. Ne ȳh̄h̄ basi ȳh̄h̄ cahmeno ye dueraja. Ȳh̄h̄re ohoriquiro tiquiro dutiriro sahata ye duaja. Sa yeḡh̄ tiquiro nidiro sahata buhiri dahreaja. Sa yeḡh̄ ȳh̄h̄ masare buhiri dahreḡh̄ queoro yeaja. 31 “Ȳh̄h̄ tutuaḡh̄ ijiaja”, ȳh̄h̄ ni yahuḡũ “M̄h̄h̄ yahuye ne poto ijierare”, ni masiboaga m̄sa. 32 Apequiro ijire ȳh̄h̄re yahuriquiro. Tiquiro Ñu

pehe masare yahure yuhure. Masare yuhure tiquiro yahuri ijirōta ijire. Tire yuhū quehnoano masiaja. ³³ Mūsa apequina pehere Ŋurure yuhure sinitu dutina ohori. Sa yero potota yahure tiquiro mū sare. ³⁴ “Cohācjū macno ijire ahriquiro”, yuhure ni yahuatiquinare macaedaja. Sa macaedapegūta Ŋu masno tiquiro ijiepegūta yuhure “Cohācjū macno ijire”, tiquiro ni yahurire yahugū niaja. Mūsa yuhure wacū tutuatire, mūsa pecapū wahaborina mūsa yuhduatire yuhure Ŋu tiquiro yahurire yahugū niaja. ³⁵ Sihāria meheñe decorigā ihña masigū yero sahata Ŋu mū sare buhe māhtano mehenogā tiquiro catiro puno mū sare masigū yeri. Tiquiro sa buhegū tūhona meheñe decorigā bucueri mūsa. ³⁶ Yuhū ijyie tiyere tiquiro sa buhepegūta Cohācjū pehe yuhū ijyiere quehnoano yahure. Tiquiro sa yahugū Ŋu yuhū ijyiere tiquiro yahuye yuhduoro ijire Cohācjū ye yahuye. Sa yegū Cohācjū tiquiro tutuaye mehna yuhure tiquiro ye dutirire yojopū yei niaja. Ahrire yuhū yegū ihñana potota Cohācjū ohorigū yuhū ijyiere masine mūsa. ³⁷ Sa yero yuhū Pacū yuhure ohoriquiro tiquiro basi “Tiquiro yuhū ohoriquiro ijire”, ni yahure mū sare. Tiquiro sa ni yahuepegūta tiquiro yahuducuyere ne tūhoerari mūsa.

Sa yena mūsa tiquirore ne masiedari. ³⁸ Yuhure Cohācjū ohorigūre mūsa ne tūho duerari. Sa yena mūsa Cohācjū yere ne cahmedari. ³⁹ Cohācjū yere tiquina ojoari pūre mūsa buhena, “Mari ahri pūre buhena ijipihtiye decori Cohācjū mehna sa ijiducunata”, nine mūsa. Ti pūta yuhure yahure. ⁴⁰ Ti pū yuhure ti yahuepegūta mūsa pehe yuhure cahmedare. Ijipihtiye decori Cohācjū mehna mūsa sa ijiducuatire yuhure sini duerare mūsa, ni yahuri Jesu.

⁴¹ Sa ni tuhasa ohō saha ni nemori:

—Yuhure mūsa ño peo-eragū ihñagū usueraja yuhū pehe. ⁴² Mūsa pehe Cohācjūre mūsa cahñedagū masiaja yuhū. ⁴³ Cohācjū yuhū Pacū tiquiro yuhure dutiriro sahata yuhū ahtaepēgūta mūsa yuhure cahmedari. Apequiro pehere Cohācjū ohoeriquiro tiquiro ijiepegūta tiquiro pehere cahmenata mūsa. ⁴⁴ Apequina masa mū sare tiquina ño peogū cahmene mūsa. Cohācjū mūsa mehna tiquiro bucuēgū cahmedare mūsa. Tiquiro dihita Cohācjū waro ijire. Sa cahmedana yuhū gūhure tūhoerare mūsa. Yuhure wacū tutuerare. ⁴⁵ Mū sare yuhū Pacūre ne yahusāsi yuhū. Tire masiña mūsa. Moise tiquiro ojoari pū pehe mū sare yahusānota. “Ti pū cjē dutiyere mari ye pehona, Cohācjū cahapū wahanata”, mūsa nidi pū pehe mū sare yahusānota.

46 Moise tiqairo ojoari pũpu yahũ pehere yahuahye. Sa yena ti pũre “Ijirota ijire”, nina, yahũ yahuye gãhũre “Ijirota ijire”, niboaya mũsa.
47 Moise tiqairo ojoari pũre “Ijirota ijire”, niedana, yahũ yahuducuye gãhũre “Ijirota ijire”, nisi mũsa, nidi Jesu tiquinare.

6

Cinco mil masare ihyayere ohoahye Jesu

(Mt 14.13-21; Mr 6.30-44; Lc 9.10-17)

1 Sa tiqairo buheri bato Galilea wame tiri ditara ape sie pahrẽpu usã Jesu mehna pehãa wahũ. Ti ditara pajiri ditara Tiberia wame tiri.
2 To pano Galilea yehpãpu Jesu dohatiyequinare tiquina dohatiyere tiqairo cohãgũ masa ihñae tiri. Tiquina sa ihñari bato Jesu pehãgũ ihñañe masa peyequina tiqairore nanũ tã cãri. 3 Topũ esana usã tiqairo buhena pehe tiqairo mehna cãnpũ mũja sa, tu buipũ dujii. 4 Ti deco pascua wame tiri bose deco ijiato judio masa usã ya bose deco mehenogã dahsari.
5-6 Topũ dujiro, Jesu peyequina masa tiqairo cahãpu tiquina ahtagũ ihñadoqueori. Sa ihñadoqueoro Felipere sinituri:

—¿Ahriquina masa tiquina ihyatire nohopũ dúnatari mari? nidi Felipere.

Jesu tiqairo basi tiqairo yeatire masieperota Felipere sinituri, “¿Dahse yahitrotari?” nino. 7 Tiquiro

sa sinitugũ tuhoro Felipe yahituri:

—Doscientos niñeru cjoeri pose ihyayere mari dũepẽgũta masare dayegã ihyayere mari itiepẽgũta ne esa tuhasi, nidi Felipe Jesure.

8 Usã mehna cãno Andre, Simo Pedro bahũro pehe Jesure yahuri:

9 —Ihcã omope pã pacare, pũro wahire nijino ohõ cũore. To punogãta tiqairo cãepẽgũta masa pehe peyequina waro ijire. Sa yero ahri mehenogã ihyaye ne esa tuhasi, nidi Andre.

10 —Masare duji dutiya mũsa, nidi Jesu usãre tiqairo buhenare.

Topũ taa dayegã ijiro ijiri. Usã duji dutigũ masa nuju sa pihtiarĩ taa buipũ. Umũa dihitare mari queogũ cinco mil ijiri. 11 Tiquina sa nuju sagũ ihñano Jesu pehe pãre ne, Cohãcjũre “Quehnoare” nidi. Sa ni tuhasarota usãre tiqairo buhenare iti dutiri. Tiquiro sa dutigũ usã pehe dujiyequinare iti cãũ. Pũro wahi gãhũre iti cãũ. Ijip-ihtiyequinare quehnoano tiquina esa tuharo ihyayere tiquinare itii. 12 Sa ye masa pehe yapia wahari. Tiquina sa yapigũ ihñano Jesu usãre nidi:

—Tiquina ihya daharire quehnoano ne peho cãhña. Sa yena tiquina ihya daharire ne bosĩ, nidi.

13 Tiquiro sa nigũ usã pehe ihcã omope pã paca dahsarire usã ne cahme-coagũ doce pũhũse waro

wijiari. ¹⁴ Sa ye masa ti bajumehnenore Jesu tiquiro yegũ ihñañe, ohõ saha nidi:

—Ijirota ijire. Ahriquiro Cohãcjũ yere yahu mahtariquiro²³ ahri yehparũ ahtariquiro mari cohteriquirota ijire, nidi tiquina.

¹⁵ Tiquina Jesure tiquina pũhtoro ijiatiquiro ñehe sõ duamedì. Jesu tire masino pari turi ihcãquirota cãnarũ wahaa wahari.

Jesu aco bui tiniahye
(Mt 14.22-27; Mr 6.45-52)

¹⁶ Ñamicaharũ usã tiquiro buhena ditararũ buhan.

¹⁷ Topũre buha sa, yucũsarũ sajã, Capernau wame tiri macarũ pehã. Usã pehãri pje ñamirũ ijiri. Sa yero Jesu usã caharũ ahtaeranidi.

¹⁸ Wihnono tutuaro wẽgũ, pajiri ma pahcõri wahcãri.

¹⁹ Ihcã omope kilómetro esaboro waro usã esagũ waro Jesu usã caharũ wihiri. Aco bui tiquiro ahtagũ ihñan usã. Sa usã caharũ tiquiro ahtagũ ihñana usã cuei. ²⁰ Sa usã cuegũ ihñano tiquiro usãre yahuri:

—Ne yuhũre ihña cueracãhña. Yuhuta ijiaja, nidi Jesu.

²¹ Tiquiro sa nigũ tuhona usã bucueye mehna tiquirore piti ca sajã dutii. Tiquiro sajãri batogãta usã wahari yehparũre pehã sa tuhasan.

Masa pehe Jesure macahye

²² Ti ñamine masa topũ tojoariquina pehe ihcãriata usã pehãtiare ihñahye. Tia mehna usã pehãgũ ihñari tiquina.

Jesu usã mehna tiquiro wahaeragũ gũhare ihñari tiquina. Sa ye ape decore tiquirore cohteye nimahye.

²³ Tiberia wame tiri macarũ ahtaye, Jesu Cohãcjũre “Quehnoare”, tiquiro nidiro cahagã cjũnopũ, masare tiquiro ihyaye itiriro caha cjũnopũ wahã sahye tiquina yucũsa mehna. ²⁴ Sa ye ape deco usã Jesu mehna ijirirore usã mariedagũ ihñañe, masa yucũsarũ sajã, Capernaupũ usãre nũnũ tã pehã sari. Jesure maca saye nidi tiquina.

Jesu catiyere oho, ihyaye yero saha ijiriquiro ijire

²⁵ Ditararũ pehã, Jesure boca saye, masa sinituri tiquirore:

—¿Buhegũ, dũhse ijigũ ahtari mahũ ohõpũre? ni sinituri tiquina.

²⁶ Tiquina sa sinitugũ Jesu tiquinare yahuri:

—Ijirota niita niaja mũsare. Bajumehnedire yuhũ yepegũta yuhũ pehere wacũ tutuerare mũsa. Yuhũre wacũ tutuerape-nata yuhũre macare mũsa. Yuhũ mehna bujũye ihyana, mũsa yapirina yuhũre maca cãhtari tja. ²⁷ Ihyaye ne sa ijiducuerare. Camerũ pihtia wahare. Sa yena tire wacũducueracãhña. Apeye ihyaye sijoro saha ijieye ihyaye pehere macaña mũsa. Ti ihyayere bocana ijipihtieye decori Cohãcjũ mehna ijinata. Sa ye ti ihyaye pũrita ne pihtierare. Ti ihyayere

yahu masu Cohãcjũ ohorigu musare ohoutja. Cohãcjũ yahu Pacu yahure tire oho dutiriquiro ijire. Cohãcjũ tiquiro ohorigu yahu ijiyere ihño tuhasari musare, nidi Jesu.

²⁸ Tiquiro sa nigũ tiquina sinituri tiquirore:

—¿Cohãcjũ tiquiro ye dutiyere yena tana dahse yenatari usã? ni sinituri tiquina.

²⁹ —Ahrire Cohãcjũ musare ye dutire: “Yuhu ohoriquirore wacũ tutuaya”, nino musare ye dutire Cohãcjũ, nidi Jesu.

³⁰ Tiquiro sa nigũ tuhoye tiquina ohõ saha nidi tja:

—Cohãcjũ ohorigu ijigu tiquiro tutuaye mehna ye ihñoña usãre mahure usã quehnoano wacũ tutuatre. ¿Yabe borore yeitjari mahu? ³¹ Mari ñecusuma manaru panopu cjẽna masa marienopu maná wame tiye pacare ihyae tiahye. Cohãcjũ yere tiquina ojoari pũru ohõ saha ni yahuahye: “Tiquiro tiquinare uhmuse cjẽ ihyayere ohoe tiahye tiquina ihyatire”, ni ojoahye Cohãcjũ yere tiquina ojoari pũru. ¿Tiquiro sa yeriro sahata yeitjari mahu gãhu? nidi tiquina.

³² Tiquina sa nigũ Jesu yahuri tiquinare:

—Ijirota niaja musare. Moise uhmuse cjẽ ihyayere ohoerari musare. Yuhu Pacu pehe uhmuse cjẽ ihyaye potota ijiyere musare ohoriquiro ijire. ³³ Cohãcjũ

ye ihyaye uhmusepu dija taye, ijiptihiri yehpa cjẽnare catiyere oho masine, nidi Jesu tiquinare.

³⁴ —Puhto, decoripe ti ihyayere ohoya usãre, nidi tiquina.

³⁵ Tiquina sa nigũ tãhoro Jesu yahuri tiquinare:

—Yuhu pehe catiyere oho, ihyaye yero saha ijigu ijiaja. Mari ye ihyayere mari ihyari batota duita ujua ahbaa wahaja mari tja. Sihniñe gãhure mari sihnidi batota aco wãoa wahaja tja. Sa ijiepegũta yahure cahmediquiro, yahure wacũ tutuariquiro ujua ahbaerariquiro yero saha tiquiro bucueye tiquirore pihtisi.

³⁶ Musa pehe yahure ihñaepenata yahure wacũ tutueranine. Tireta musare yahue timi yuhu.

³⁷ Ijipihitiyequina yeequina ijiatiquinare yahure yahu Pacu tiquiro cũriquina pehe yahure cahmeeta. Sa ye yahure cahmeñequinare ne cohãsi yuhu. ³⁸ Uhmusepu ahtagu yuhu cahmeno yei ahtagu niedu yuhu. Yuhure ohoriquiro tiquiro cahmediro sahata yei ahtagu nii yuhu.

³⁹ Ahrita ijire yahure ohoriquiro tiquiro cahmeñe waro: Ijipihitiyequina yeequina yahure tiquiro ohoriquinare yuhu boeragũ cahmene yahure ohoriquiro pihtiri deco ijigũ tiquina masa majatire. ⁴⁰ Ijipihitiyequina yahure Cohãcjũ macure ihñañequina, yahure wacũ tutuayequina

ijipihtiye decori tiquiro mehna tiquina ijigū cahmene yuhū Pacu. Sa yegu pihtiri decopu tiquinare masoutja, nidi Jesu.

41 “Yuhū uhmusepu ahtaye ihyaye yero saha ijigū ijiaja”, tiquiro nigū tūhoye judio masa usā puhto pehe tiquiro mehna usua, tiquina basi Jesure ñano ni yahuducuri.

42 —¿Ahriquiro Jesu José macno ijierajari? Tiquiro pacuro, pacoro gūhare mari masiaja. Sa yero mari yero saha pagu tiriquireta ijire. ¿Sa ijieperota dahsero “Uhmusepu ahtau”, niajari tiquiro? ni usuari tiquina.

Tiquina sa nigū tūhoro Jesu yahuri tiquinare:

43 —Musa yūhure ñano ni yahuducueracāhña. 44 Yuhū Pacu yūhure ohoriquiro pehe masare yuhū pehere cahmegū yere. Tiquiro sa yeragū masa pehe yeequina iji masiedaboaya. Pihtiri deco ijigū yeequinare masoutja yuhū. 45 Cohācjū yere yahu mahtariquina pehe ohō saha ni ojoahye: “Cohācjū tiquinare buherota”, ni ojoahye Cohācjū yere yahu mahtariquinapu. Ijipih-tiyequina yuhū Pacu ye buheyere tūhoyequina, tiquirore yūhtiyequina yūhure cahmene. Sa yeye yeequina ijire.

46 Yuhū Pacure ne ihcāquiro masno ihñedare. Yuhū Cohācjū ohorigū dihita yuhū Pacure ihñau. 47 Ijirota niaja masare. Yūhure wacū tutuariquiro ijipihtiye

decori yuhū Pacu mehna sa ijiducurota. 48 Yuhū catiyere oho, ihyaye yero saha ijigū ijiaja. 49 Musa ñecusamna muna iji turi-ayequina masa marienopu manāre ihyae tiahye. Sa tire ihyae-peta yariaa wahae tiahye. 50 Uhmusepu ahtari ihyayere yuhū niñe ihyayere masno ihyaro, ne pecapu wahasi. 51 Yuhū uhmusepu ahtari ihyaye catiyere oho, ihyaye yero saha ijigū ijiaja yuhū. Ahri ihyayere ihyariquiro ijipihtiye decori yuhū Pacu mehna sa ijiducurota. Ahri ihyaye catigū yere. Ahri ihyaye yero saha ijiye yuhū paguta ijire. Ijipihtiri yehpa cjēna Cohācjū mehna tiquina sa ijiducuro-tire yuhū pagure ohogutja. Sa ohogu yariagutja, nidi Jesu.

52 Tiquiro sa nigū tūhoye usā acaye judio masa pehe tire ohō saha ni yahuducuri tiquina basi:

—¿Ahriquiro dahse ye tiquiro pagure ihyatire ohorotari? nidi tiquina basi.

53 Tiquina sa nigū tūhoro Jesu yahuri:

—Ijirota niaja masare. Yuhū masu Cohācjū ohorigū ijiaja. Yuhū pagure ihyeriquiro, yuhū diire sih-nieniquiro uhmusepu wahasi. 54 Sa yuhū pagure ihyariquirore, yuhū diire sih-nidiquirore pihtiri deco ijigū masoutja. Sa yero uhmusepu sa ijiducurota tiquiro. 55 Yuhū pagu potota ihyaye waro

yero saha ijire. Yuhū dii potota sihniñe yero saha ijire. ⁵⁶ Yuhū pagure ihyariquiro yuhū diire sihnidiquiro yuhū mehna bucueye mehna ijiducurota. Sa yegu yuhū gūhū tiquiro mehna bucueye mehna ijiducuaaja. ⁵⁷ Yuhū Pacu yuhūre ohoriquiro sa ijiducure. Sa ijiducuro, yuhū gūhūre sa ijiducugū yere. Sa yeye yuhūre sa ijiducugure masa ihyaye, Cohācjū mehna uhmūsepu sa ijiducueta tiquina gūhū. ⁵⁸ Ahri tjire uhmūsepu ahtari ihyaye. Mari ñecusumna muna iji turiayequina tiquina ihyari yero saha ijierare ahri ihyaye. Tiquina pehe ti ihyayere ihyaepeeta yaria pihtia wahae tiahye. Ahri ihyaye pehere ihyariquiro uhmūsepu sa ijiducurota, nidi Jesu.

⁵⁹ Capernaupu judio masa usā buheri wuhupu Jesu buhero, sata ni yahuri.

Jesu ye buheyere tūhona uhmūsepu sa ijiducunata mari

⁶⁰ Peyequina Jesure cahmeñequina tiquiro sa ni buheyere tūhoye, ohō saha ni yahuducuri:

—Ahri buheye tutuaro mijore. Sa yena mari tūho duera cjūaja, ni yahuducuri tiquina basi.

⁶¹ Tiquina sa nigū Jesu pehe tiquina yahuducurire masidi. Sa masino tiquiro sinituri tiquinare:

—¿Ahri buheyere tūhona usuajari mūsa? ⁶² ¿Yuhū masu Cohācjū ohorigu uhmūsepu

yuhū tojoaa wahagū ihñana dūhse ni tūhotunatari mūsa? ¿To gūhūre usuanatari mūsa? ⁶³ Masuno tiquiro jeripohnare curo catire. Tiquiro pagu pehe tiquirore catigū yerare. Masuno tiquiro jeripohna tiquirore catigū yero saha yuhū buheye pehe mū sare Cohācjū mehna sa ijiducugū yere. ⁶⁴ Apequina mūsa mehna cjēna ne yuhūre wacū tutuerare, nidi Jesu.

Coā waropure Jesu tiquirore wacū tutueyequinare masidi. Sa yero tiquirore ihña tuhtieyquinare ihñoatiquiro gūhūre masi tuhasari. Sa tiquirore wacū tutueyequinare masino “Apequina mūsa mehna cjēna yuhūre wacū tutuerare”, nidi Jesu. ⁶⁵ Sa ni tuhasa ohō saha ni nemori:

—Ohō saha ni yahumi mū sare: “Yuhū Pacu masare yuhū pehere cahmegū yere. Tiquiro sa yeragū masa pehe yeequina iji masiedaboaya”, mū sare nie timi, nidi Jesu.

⁶⁶ Tiquiro sa ni buhegū tūhoye peyequina Jesure cahmemediquina tiquirore cohā, tiquiro mehna pari turi wahaerari. ⁶⁷ Tiquina sa yegū ihñano Jesu usāre doce tiquiro buhenare sinituri:

—¿Mūsa gūhū yuhūre cohānatjari? ni sinituri usāre. ⁶⁸ Tiquiro sa nigū Simo Pedro yuhtiri tiquirore:

—Puhto, usāre apequiro buheriquiro mariedare. Mūhū ye buheyere tūhona

Cohãcjũ mehna sa ijiducunatja usã. Mũhũ ye buheye dihita tire yahure usãre. 69 Sa yena usã mũhũre wacũ tutuaja. Sa yena mũhũ quehnoagũ, Cohãcjũ macũ tiquiro ohorigũ mũhũ ijigũ usã masiaja. Sa yena mũhũre cohãsi usã, nidi Simo Pedro Jesure.

70 Tiquiro sa nigũ tuhoro Jesu yahuri usãre:

—Yũhũ pehe mũsare doce besei. Sa ijiepegũta ihcãquiro mũsa mehna cjũno watĩno yaquiro ijiatiquiro ijire, nidi usãre tiquiro buhenare.

71 Sa nino Judare Simo Iscariote macũnore nino nidi. Juda pehe doce usã mehna cjũno Jesure ihña tuhtiyequinare ihñoatiquiro ijiri.

7

Jesu acaye tiquirore “Cohãcjũ macũno ijire”, ni, ne masiedahye

1 Came Jesu Galilea yehpapũ tinino wahari. Judea yehpapũ judio masa tiquirore wejẽ duari. Tiquina sa wejẽ duagũ masino tiquiro ti yehpapũ wahaerari. 2 Judio masa daye wũhũsegã usã yeati bose deco mehenogã duhsatjiãri. 3 Sa ye Jesu bahana tiquirore yahuri:

—Judeapũ wahaya. Topũ mũhũ yequinare mũhũ bajumehneñene ihñogũ wahaya mũhũ. 4 Masare mũhũ bajumehneñene ihño duagũ ne nũosi mũhũ. Ye ihñono cahmene. Potota ahri bajumehneñene ye masigũ ijigũ

tire masare ihñoña, nimesi tiquina.

5 Tiquiro bahana ijiepetata Jesure “Cohãcjũ macũno ijire”, niedari. Sa yeye sa nidi tiquina tiquirore. 6 Tiquina sa nidi bato Jesu yahuri tiquinare:

—Masa yũhũre tiquina quehnoano masiati pje duhsarĩne. Mũsa ihña duana bose deco ijigũ waha masine. 7 Ahri yehpa cjẽna mũsa pehere ihña tuhtierare. Tiquina ñañe yerire yũhũ yahugũ tiquina yũhũ pehere ihña tuhtire. 8 Bose deco ijigũ wahaya mũsa sehsharo. Yũhũ pehere yũhũ wahati pje duhsarĩne. Sa yegũ yũhũ pehe bose decore mianogãre ihñaũ waharĩsi, nidi Jesu tiquinare.

9 Sa nino tiquiro Galileapũ tojoari.

Jesu daye wũhũsegã tiquina yeri bose deco ijigũ wahahye

10 Bose decopũ Jesu bahana tiquina wahari bato Jesu gũhũ tiquina bato wahari. Sa waharo masa tiquina ihñeno watoa wahari. 11 Bose deco ijieyiquina judio masa usã pũhũtoa tiquirore macari:

—¿Nohopũ ijiagari tiquiro? ni sinituahye tiquina.

12 Sa ye masa gũhũ Jesure peyequina yahu wajahe. Apequina “Tiquiro quehnoariquiro ijire”, ni ahye. Apequina “Tiquiro ñariquiro ijire. Masare mehoriquiro ijire”, ni yahu wajahe tiquina.

13 Sa niepetata judio masa usã pũhtoare cueye masa

tiquina ihñenopu Jesure yahu wajahye.

¹⁴ Bose decori deco mehna duhsagū Cohācjū wuhapu Jesu sajā saro, buheri. ¹⁵ Tiquiro sa buhegū usā acaye judio masa tūho maria waha, ohō saha nidi:

—¿Ahriquiroy buheropu buhemehnediquiro ijieperota duhsero quehnoano masi pehoajari? nidi tiquina basi tiquirore.

¹⁶ Tiquina sa nigū Jesu yahuri tiquinare:

—Yuhu buheri yee yahuducuye ijierare. Yuhure ohoriquiro ye yahuducuye pehe ijire ahri buheye.

¹⁷ Cohācjū cahmeñene ye duayequina yuhu buheye pehere Cohācjū ye yahuducuye ti ijigū masieta. Yuhu esa tuharo yuhu buheragū gūhure masieta tiquina. ¹⁸ Ihcāquiroy esa tuharo tiquiro masiñe mehna buhero “Yuhu dihitaro ño peoya”, nino nine tiquiro. Sa ijiepegūta yuhure ohoriquiro pehere masa ño peogū cahmeaja yuhu pehe. Yuhu sa nigū tūhona “Potota ni yahuducure tiquiro. Ne mehoedare”, ni masinata masa.

¹⁹ Cohācjū dutiyere Moise manano pehe cūahye masare. Tiquiro sa cūepēgūta masa ijipihtina ti dutiye pehere ne yuhtierari. ¿Duhsera yuhure wejē duajari masa? nidi Jesu usā acaye judio masare.

²⁰ —Tūho masiedare mahu. Watīnore cūore mahu. Mūhure wejē duayequina mariedare, ni yuhtiri tiquina Jesure.

Tiquina sa nigū Jesu yuhtiri:

²¹ —Mari judio masa mari sori deco saurū ijigū ihcā tahata Cohācjū tutu-aye mehna dohatiriquiro tiquiro dohatiyere yuhu cohāgū masa ihña maria wahari. ²² Mari ñecusumua mana panopu cjēna pehe tiquina pagure cuhnucunū sohtoa cahserogāre yuhre neñequina tiquina yeriro sahata Moise yuhre ne dutiahye. Potota Moise pehe ti dutirore cūedahye. Mari ñecusumua mana iji turia-yequina pehe tire cū, yahu turiahye. Tiquiro sa dutigū saurū sori deco ijiepegūta masanore tiquiro cuhnucunū sohtoa cahserogāre yuhre nene masa. ²³ Saurū ijigū masanore tiquiro cuhnucunū sohtoa cahserogāre yuhre nene masa, Moise dutiyere yena tana. ¿Masa gūhu saurū decore tire yepenata ti decopu dohatiriquirore yuhu yuhdūogū duhsena yuhu mehna usuajari masa? ²⁴ Yuhu yerire masa quehnoano masiedapenata, yuhure ñano tūhotueracāhña. Masa quehnoano masidi bato yuhure masa tūhotugū potota ijirota. Yuhu yerire masina, queoro masiña masa, nidi Jesu.

Jesu coā waropu tiquiro ahtarirore yahuahye

²⁵ Tiquiro sa ni yahuri bato meheñequinagā Jerusalē cjēna tiquirore ohō saha ni yahu wajari:

—¿Ahriquiro judio masa p̄h̄toa tiquina wejē duariquiro ijierajari? ²⁶ Sa yero tiquireore tiquina wejē duepegūta ijipihtiequina ih̄no masare buhero nine tiquiro. Sa ye tiquireore wejē duayequina ijiepetas sa ih̄na cāre. ¿“Tiquiro potota Cristo ijire”, ni, t̄hotuagari p̄h̄toa pehe? ²⁷ Sa ijiepegūta ahriquiro Jesu tiquiro ahtarirōre mari masiaja. Cristo pehe masare ȳh̄d̄oatiquiro tiquiro ah-tagū tiquiro ahtariro pehere masimehnedare. Sa yero masare ȳh̄d̄oatiquiro Cristo waro ijierare Jesu, ni yahu wajari tiquina Jerusalē cjēna.

²⁸ Tiquina sa niñene masino, Jesu ohō saha ni tutuaro sañuducu buheri Cohācjū wah̄p̄:

—Yah̄re ohō saha ni t̄hoture m̄sa: “Tiquirore masiaja. Sa yena tiquiro ahtariro ḡh̄re masiaja”, ni t̄hotumene m̄sa. M̄sa sa ni t̄hotuepenata yah̄re ohoriquireore ne masiedare m̄sa. Yah̄re ohoriquireo poto niniquireo, poto yeriquiro ijire. Tiquirore ne masiedare m̄sa. ²⁹ Tiquirota yah̄re ohori. Sa yeḡ tiquiro cahap̄ta ahta. Sa yeḡ yah̄ pehe tiquireore masiaja, nidi Jesu judio masare.

³⁰ Tiquiro sa nigū t̄hoye tiquireore ñehe duamedi. Tiquina sa ñehe duepegūta Jesu tiquiro ñano ȳh̄d̄ati pje d̄hsarīdi. Sa ye tiquina tiquireore ñehe masiedari.

³¹ Apequina masa pehe peyequina tiquireore wacū tutuaye, ohō saha nidi:

—“Cristo peye tahari Cohācjū tutuaye mehna ye ih̄nota”, panop̄ tiquina ni yahu m̄htariro sahata ahriquiro Jesu pehe peye tahari Cohācjū tutuaye mehna ye ih̄ore. Ijipihtiequina apequina ȳh̄d̄oro Cohācjū tutuaye mehna ye ih̄ore tiquiro. Sa yero Cristo Cohācjū ohoriquireota ijire ahriquiro Jesu, nidi Jesure wacū tutua d̄cayequina.

Fariseo masa Jesure peresu ye dutiah̄ye

³² Masa Jesure tiquina sa ni yahuducugū t̄hoah̄ye fariseo masa. Sa ye tiquina, pahia p̄h̄toa mehna Jesure ñehe dutiye ohoah̄ye surarare, Cohācjū wah̄re cohteyequinare.

³³ Sa yero Jesu judio masare ohō saha nidi:

—Meheñe decorigā m̄sa mehna ijiniitja. Sa yeḡ mehenogā bato yah̄re ohoriquireo cahap̄ wah̄tja. ³⁴ Ȳh̄h̄ ijiatore m̄sa waha masiedare. Sa yena yah̄re macaepenata ne bocasi m̄sa, nidi Jesu judio masare.

³⁵ Tiquiro sa nigū t̄hoye tiquina basi ohō saha ni yahuducuri:

—¿Ahriquiro sa nino nohop̄ waharotari, m̄sa t̄hotugū? ¿Griego masa cahap̄ judio masa waha siteriquina tiquina ijiye macarip̄ griego masap̄re buhero wahaboagari

ahriquiuro? ³⁶ ¿“Yuh̄u ijiatore m̄sa waha masiedare. Sa yena m̄sa yuh̄ure macaepena nata ne bocasi”, tiquiro nigū d̄hse nino boro ahriquiuro sa niajari? ni yahuducuri judio masa tiquina basi.

Catigū yeye m̄arine yahuahye Jesu

³⁷ Bose deco bato tiri deco ti deco waro ijiro nidi. Ti decore Jesu top̄u ducuro, tutuaro mehna sañuducu yahuri:

—Aco w̄hoyequina acore tiquina tutuaro cahmeno saha ijipihtiye decori Coh̄ācjū mehna m̄sa ijiatire tutuaro cahmena yuh̄ure siniña. M̄sa sa sinigū tiquiro yequina m̄sare iji dutiitja. ³⁸ Yuh̄ure wacū tutuayequinare oh̄o saha ni ojoahye Coh̄ācjū yere tiquina ojoari p̄p̄u: “M̄ari pohterip̄u catigū yeye aco sa wijiaducuro sahata catigū yeriquiro tiquina mehna sa ijiducurota”, ni ojoahye Coh̄ācjū yere tiquina ojoari p̄p̄u, ni yahuri Jesu judio masare.

³⁹ Sa catigū yeriquirore wame peo yahuro “Yuh̄ure wacū tutuayequina Esp̄iritu Santore c̄hoeta”, nino nidi Jesu. Tiquiro ah̄m̄sep̄u tiquiro m̄ajaedarīgū Esp̄iritu Santo pehe wihieraniahye.

Judio masa tu wahye p̄na curua

⁴⁰ Jesu tiquiro sa nigū t̄hoye, masa peyequina oh̄o saha ni yahuducuri:

—Ahriquiuro potota Coh̄ācjū yere yahu m̄htariquir̄surara tiquinare.

mari cohteriquiro ijire, nidi masa.

⁴¹ Oh̄o saha nidi apequina gūh̄u:

—Ahriquiuro Cristo marine yuh̄d̄uotiquiro ijire, nidi.

Apequina pehe oh̄o saha nidi:

—Cristo ahtaro, Galilea yehpa cjūno ijisi tiquiro. Ahriquiuro Jesu pehe to cjūnota ijire. ⁴² Cristo

Davi m̄n̄ano panamino ape tjuro cjūno ijiatiquiro ijirota. Sa yero Davi ya maca ijirirōp̄u Belēp̄u Cristo masa bajarota. Oh̄o saha ni yahure Coh̄ācjū yere tiquina ojoari p̄p̄u. Ahriquiuro Jesu pehe Belēp̄u masa bajerahye. Sa yero tiquiro Coh̄ācjū ohoriquiro Cristo waro ijierare, nidi tiquina.

⁴³ Sa ye Jesure t̄homediquina p̄na curua tu wari tiquina basi. ⁴⁴ Meheñequinagā masa pehe Jesure ñehe duamedi. Sa ñehe duepeta tiquirore ñehedari.

Judio masa p̄h̄toa Jesure ne wacū tutuerahye

⁴⁵ Sa ye surara pahia p̄h̄toa cahap̄u fariseo masa cahap̄u tojoaa wahahye. Tiquina tojoa sagū ih̄ñañe tiquina surarare sinituahye:

—¿D̄h̄sena Jesure ñehedari m̄sa? ni sinituahye tiquina pehe.

⁴⁶ —Tiquiro quehnoa yuh̄d̄uaro yahuducuriquiro ijiri. Apequina tiquiro yero saha yahuducuyequina ne mariedare, ni yuh̄tiahye

47 Tiquina sa nigũ fariseo masa pehe ohõ saha ni yahuahye:

—¿Mũsare tiquiro mehogũ “Potota nino niaga”, ni-jari mũsa gũhũ? 48 Mari pũthoa Jesure wacũ tutueye-quina ijiye ne tiquirore cahmedare. Ƴsã gũhũ sa ijina tiquirore cahmedaja. 49 Ahriquina masa pehe Cohãcjũ dutiyere Moisere tiquiro cũrire masiedare. (Sa masieñequina ijiye Jesure wacũ tutuayequina ijiye, tiquirore cahmene.) Tiquina sa cahmedi buhiri tiquinare mari Pacũ buhiri dahrerota, niahye fariseo masa.

50 Fariseo masũno Nicodemo Jesure yahuducuro esariquiro topũ ijiahye tiquina mehna. Tiquina sa nigũ tũhoro ohõ saha niahye tiquiro tiquinare:

51 —Jesu ñano yerire masiedaja mari. Sa masiedana marine tiquiro yahuato pano tiquirore buhiri dahre masiedaja mari. Sa masiedapenata tiquirore buhiri dahrena, mari ye dutiyere yũhdũdũcana niaja mari, niahye Nicodemo tiquinare.

52 Tiquiro sa nigũ tũhoye ohõ saha ni yũhtiahye tiquina:

—¿Mũhũ gũhũ tiquiro yero saha Galilea cjãta ijiajari? Cohãcjũ yere tiquina ojoari pũre buhe pehoya. Sa buhegũ “Cohãcjũ yere yahu mũhtariquina ne ihcãquiro mariedare Galileare”, ni buhe masiita mũhũ. (Sa

yero sa ni maca cãno nine Jesu,) ni yũhtiahye tiquina Nicodemore.

[53 Tiquina sa nidi bato tiquina ye wũhũserũ tojoaa wahahye.

8

Ƴmũno mehna ñano yerikorore judio masa pũthoa wacũeno mehna esa pjeahye

1 Jesu cãrupũ Olivo wame tidũpũ wahari. 2 Sa yero bohrearo Cohãcjũ wũhũpũ tiquiro esari tja. Tiquiro esagũ ihñãñe masa peye-quina tiquiro cahapũ cahmecoari. Tiquina sa cahme-coagũ ihñãno tiquiro pehe dũjtĩjãno tiquinare buhe dũcari. 3 Tiquiro sa buheri watoa usã acaye judio masa buheyequina, fariseo masa mehna ti wũhũpũ numinore ne cãhtari. Ticoro Ƴmũno mehna ñano yegũ waro wacũeno mehna esa pjeahye tiquina ticorore. Sa esa pjeje ticorore Cohãcjũ wũhũpũ ne sajãri tiquina. Ne sajã sa tuhasa ijipihiyequina ihñono ticorore duhu docoye ohõ saha nidi:

4 —Buhegũ, ahricoro Ƴmũno mehna ñano ticoro yegũ waro wacũeno mehna ticorore esa pjei. 5 Cohãcjũ dutiyere Moise mũnanopũ marine tiquiro cũri ohõ saha nine: “Ƴmũno mehna ñano yerikorore Ƴtã paca mehna doque wejẽña”, niahye Cohãcjũ dutiye. ¿Mũhũ waro dũhse ni tũhotuajari ahrire? ni sinituri tiquina Jesure.

⁶ Jesu ñano nigũ taho duaye nimesi tiquina tiquireore yahusãñe tehe. Tiquina sa sinituepegũta Jesu muhri quehe, yehpapũ tiquireo omo piria mehna ojoari. ⁷ Sa tiquina ni sinituducugũ Jesu pehe wahcã nuju sa, tiquinare yahuri:

—Mũsa mehna cjãno ñano yerariquireo ticorore utã mehna doque mũhtaahdo, nidi Jesu.

⁸ Sa ni tuhasa pari turi muhri quehe, yehpapũ ojoari tja. ⁹ Tire tahoje tiquina ñañe yerire wacũñe, tiquina wahmisũmũa pehe wijia mũhtari. Tiquina bato tiriquina mehna cjẽna gũhũ wijia pihtia wahari. Sa yero numino topũ ducuricoro Jesu mehna tojoari. ¹⁰ Sa yero Jesu wahcã nuju sa ticorore sinituri:

—¿Nohopũ wahajari tiquina? ¿Mũhũre buhiri dahre duamediquina mariedajari yojopũre? nidi ticorore.

¹¹ —Mariedare pũhto, ni yũhtiri ticoro.

—Yũhũ gũhũ buhiri dahreraja mũhũre. Wahaya. Sa yego ñañene ye nemoedacãhña, nidi Jesu ticorore.]

Buhrioro marine ihña masigũ yero saha Jesu ahri yehpa cjẽnare mari Pacũre masigũ yere

¹² Pari turi Jesu ti wũhũpũ ijiyequinare yahuri:

—Buhrioro marine to ihña masigũ yero sahata yũhũ ahri yehpa cjẽnare Cohãcjũre

masigũ yeaja. Yũhũre wacũ tutuariquireo ijipihtiyee decori Cohãcjũ mehna sa ijiducurota. Sa yero tiquireo quehnoañene wacũnota. Sa yero tiquireo ñañene wacũ duerare, ni yahuri Jesu.

¹³ Tiquireo sa nigũ tiquireore fariseo masa ohõ saha nidi:

—Mũhũ basi mũhũ ijiye tiyere sa ni yahuducugũ nine. Sa ye mũhũ ohõ saha ni mũhũ esa tuharo mũhũ ni yahuducu maca quẽhe ne dũhseati ijierare, nidi tiquina Jesure.

Tiquina sa nigũ Jesu yũhtiri:

¹⁴ —Yũhũ ahtarirore masiaja yũhũ. Yũhũ wahato gũhũre masiaja yũhũ. Mũsa ne tire masiedare. Mũsa ohõ saha niepegũta yũhũ ijiye tiyere mũsare yũhũ yahuri poto tjire. ¹⁵ Mũsa esa tuharo mũsa ihñari dihitare masine mũsa. Sa yena quehnoano masiedare mũsa. Sa masiedapenata yũhũre ñano ni yahuducure mũsa. Yũhũ pehe yũhũ esa tuharo masare ne sa niedaja. ¹⁶ Sa yegũ masa tiquina ijiye tiyere ihña masigũ yũhũ esa tuharo ihña masiedaja. Yũhũ pũrita yũhũre ohoriquireo mehna ihña masiaja. Sa yegũ masa tiquina ijiye tiyere yũhũ ihña masiñe poto tjire. ¹⁷ Mũsare dutiyee tiquina ojoari pũ ohõ saha ni yahure. “Pũaro masa ihcãno saha tiquina yahugũ ohõ saha tiquina yahuyee poto tjire”, ni yahu ojoari jiri. ¹⁸ Yũhũre yahuriquireo mehna usã pũana tjiaja. Yũhũ

ijiye tiyere yahuaja yuhũ. Sa yero yuhũ Pacũ gũhũ yahure yuhũ pehere. Tiquiro tjire yuhũre ohoriquiro, nidi Jesu.

19 —¿Nohorũ ijiagari mũhũ pacũ? ni sinituri tiquina.

—Yuhũre mũsa masiedare. Yuhũ Pacũ gũhũre masiedare mũsa. Yuhũre masina, yuhũ Pacũ gũhũre masi-boaga mũsa, ni yũhtiri Jesu tiquinare.

20 Jesu tiquinare buhero sa ni yahuducuri Cohãcjũ wũhũpũ tiquina niñeru sãñe acari cahapũ. Tiquiro ñano yuhũuati pje ijieranidi. Sa ye tiquina mehna tiquiro ijiepegũta tiquina tiquirore ñehedari.

—Yuhũ wahatopũre mũsa pehe waha masisi, niahye Jesu

21 Pari turi Jesu tiquinare yahuri tja:

—Yuhũ ahtariorũ wahautja. Yuhũ wahari bato mũsa yuhũre macanata. Sa yena mũsa ñañe buhiri tiye mehna yarianata. Yuhũ wahatopũre mũsa pehe waha masisi, ni yahuri Jesu.

22 —“Yuhũ wahatopũre mũsa pehe waha masisi”, tiquiro nigũ tũhoye, “¿Ahriquiro tiquiro basi wejẽ yariarotari, sa nino?” nidi usã acaye judio masa tiquina basi.

23 Tiquina basi sa nigũ Jesu yahuri tiquinare:

—Mũsa pehe ahri yehpa cjãna ijire. Yuhũ pehe uhmũse cjũ ijiaja. Ahri yehpũ bajuarina ijire mũsa pehe. Uhmũsepũ ahtarigũ ijiaja yuhũ pehe. 24 Mũsa yuhũ

ijiye tiyere yuhũ nidire “Poto ijierare”, nina, mũsa ñañe buhiri tiye mehna yarianata mũsa. Sa yegũ “Mũsa ñañe buhiri tiye mehna yarianata mũsa”, nimi mũsare, nidi Jesu tiquinare.

25 —¿Noa boro ijiajari mũhũ? ni sinituri tiquina.

—Coã waropũre yuhũ niducuriro sahata ijiaja yuhũ. 26 Mũsare yuhũ yahuati pajiro dũhsarĩne. Sa yero mũsa ñano yeri buhirire mũsare yuhũ yahuati pajiro dũhsarĩne. Sa yegũ yuhũre ohoriquiro tiquiro yahurire ahri yehpa cjẽnare yahuaja. Tiquiro yahuri poto tjire, nidi Jesu tiquinare.

27 “Yuhũre ohoriquiro”, tiquiro nigũ tũhoye, “Mari Pacũ ijiaga”, ni tũhotuerari tiquina. 28 Tiquina sa ni tũhotueragũ ihñano Jesu yahuri tiquinare.

—Yuhũre masũre Cohãcjũ ohorigũre mũsa yucũ teõ mehna wahcõ doconata. Mũsa sa yena, “Tiquiro Cohãcjũ ohoriquiro tjire”, ni masinata mũsa yuhũre. Sa yena yuhũ esa tuharo yuhũ yerarigũ ijigũ masinata mũsa. Sa yena yuhũ Pacũ yuhũre tiquiro buheri dihitare yahurigũ yuhũ ijigũ gũhũre masinata mũsa. 29 Sa yero yuhũre ohoriquiro pehe yuhũ mehna ijire. Tiquiro cahmeñene ijipihtiyẽ decori yeducuaja. Sa yero yuhũre tiquiro ne cohãedare, nidi Jesu.

³⁰ Tiquiro sa nigū tuhoye, tiquirore masa peyequina wacū tutuari.

Cohācjū pohne, ñañe yeyequina gūhure yahuahye Jesu

³¹ Sa ye apequina judio masa Jesure wacū tutuari. Sa yero Jesu tiquinare yahuri:

—Yūhū dutiyere ye pehona, potota yūhū buhena ijire mūsa. ³² Sa yena poto masinata mūsa. Poto ijiyere masina, ñañe yeyere duhu masinata. Sa yena cahacjēna yero saha iji nemosi mūsa, nidi Jesu tiquinare.

³³ Tiquiro sa nigū tuhoye ohō saha ni yahtiri tiquina:

—Ūsā pehe panopū cjāno Abrahā mūnano panamena iji turiana ijiaja. Sa yena ne apequina tiquina cahacjāna ijieraja ūsā. ¿Sa yegū “Cahacjēna yero saha iji nemosi”, nigū, dūhse ijiro boro ūsāre sa niajari mūhū? ni sinituri tiquina Jesure.

³⁴ Tiquina sa nigū tūhoro ohō saha nidi tiquiro:

—Ijirota niaja mū sare. Ijipihtiequina ñañene yeyequina pehe tiquina ñañene ye duhu masiedare. Sa yero ñañe pehe tiquina pūhtoro yero saha ijire. Sa ijiyequina ijiye cahacjēna yero saha ijire tiquina. ³⁵ Cahacjāno pehe tiquiro pūhtoro ya curua cjāno ijipihtie decori ijiducuerare. Ti wūhū cjāno macūno pehe ijipihtie decori potota ti curua cjāno ijire tiquiro. (Yūhū pehe Cohācjū macū ijiaja. Sa

yegū dutigū ijiaja. Mūsa ñañe yeyere duhu dutiitja.)

³⁶ Sa yena yūhū Cohācjū macū ñañene yūhū duhugū yenohrina ijina potota ñañene duhurina ijire mūsa.

³⁷ Abrahā mūnano panamena iji turiana mūsa ijigū masiaja. Sa ijiepenata yūhū yahuye pehere tūho duerare mūsa. Sa yena yūhūre wejē duare mūsa. ³⁸ Yūhū Pacū yūhūre tiquiro masigū yerire yahuaja mū sare. Yūhū sa yahuepegūta mūsa pacū watīno mū sare tiquiro dutiyere yere mūsa gūhū, nidi Jesu tiquinare.

³⁹ —Abrahā mūnano panopū cjāno ūsā ñecū mūnano ijie tiahye. Sa yero watīno ūsā pacū ijierare, ni yahtiri tiquina.

Tiquina sa nigū Jesu yahtiri:

—Abrahā panamena iji turiana ijina, tiquiro yeriro sahata yeboaga mūsa.

⁴⁰ Cohācjū yūhūre poto tiquiro yahuyere mū sare yūhū yahuepegūta yūhūre wejē duare mūsa. Abrahā mūnano pehe ne sa yera tiahye. ⁴¹ Mūsa pacū tiquiro yeriro sahata yere mūsa, nidi Jesu tiquinare.

Tiquiro sa nigū tiquina yahtiri:

—Omoca dūhtemehneñequina pohna ijieraja ūsā. Ihcāquirola ijire ūsā Pacū. Tiquirota ijire Cohācjū, nidi tiquina.

⁴² Tiquina sa nigū Jesu yahtiri:

—Cohācjū mehna cjū ijigū, ohōpūre ahtaū. Sa

yena Cohãcjũ m̄sa Pacu tiquiro ijigũ yũhare cahĩboya m̄sa. Yũhũ esa tuharo ahtaeru yũhũ pũrita. Cohãcjũ tiquiro ohogũ ahtau ohõp̄re. 43 ¿Dũhsena yũhũ yahuducuyere tũhoerajari m̄sa? Yũhũ yahuyere tũho duerare m̄sa. Sa yena tũhoerare m̄sa. 44 M̄sa pacu pehe watĩno ijire. Sa yena watĩno cahmeñe pehere ye duare m̄sa. Ahri yehpa coã waropu to iji ducagũp̄u, yojopu gũhare tiquiro masare wejẽdiquiro ijire. Tiquirore poto yahuducuye mariedare. Sa yero tiquiro ne poto yahuducuerare. Tiquiro coã waropare ni meho mãhta ducariquiro ijie tiahye. Sa yero tiquiro sa ni mehoducuriquiro ijiro, ni mehoñene yahure. 45 Yũhũ pehe m̄sare poto yahuaja. Sa yũhũ yahuepegũta yũhare tũhoerare m̄sa. 46 “Mũhũ ñano yegu ijire”, yũhare ni masiedare m̄sa. ¿Poto m̄sare yũhũ yahuepegũta dũhsena tũhoerajari m̄sa? 47 Cohãcjũ pohne pehe tiquiro yahuducuyere tũhore. Tiquiro pohne ijierana, tiquiro yahuducuyere tũho duerare m̄sa, nidi Jesu tiquinare.

Abrahã tiquiro ijiato pano Cristo pehe iji tuhasae tiahye

48 Tiquiro sa nigũ tũhoye judio masa tiquirore ohõ saha nidi:

—“Mũhũ Samaria cjũ ijire. Sa yegu watĩnore cuore mũhũ”, usã nidi poto tjire, nidi tiquina Jesure.

49 Tiquina sa nigũ tũhoro ohõ saha ni yãhtiri Jesu:

—Watĩnore cuoeraja yũhũ. Yũhũ Pacure ño peoaja. M̄sa pehe yũhare ño peoerare.

50 Yũhare masa tiquina ño peogũ cahmedaja yũhũ. Yũhũ Pacu pehe yũhare ño peogũ cahmene masare. Tiquiro pũrita yũhũ ijiye tiyere quehnoano ihña masino, sata ño peo dutire. Sa yero yũhare tiquina cahmedari buhiri, buhiri dahreatiquiro ijirota tiquiro. 51 Ijirota niaja m̄sare. Yũhũ dutiyere yeriquiro ijipihtiye decori Cohãcjũ mehna sa ijiducurota, nidi Jesu.

52 Tiquiro sa nigũ tũhoye ohõ saha nidi tiquina:

—Yojopu pũritare watĩnore cuogu mũhũ ijigũ usã quehnoano masiaja. Abrahã m̄nana variaa wahahye. Cohãcjũ yere yahu mãhtariquina gũhũ yaria pihtia wahahye. ¿Sa yegu “Yũhũ dutiyere yeriquiro ijipihtiye decori Cohãcjũ mehna sa ijiducurota”, nigũ dũhse nigũ sa niajari mũhũ? 53 ¿Usã ñecu m̄nana Abrahã yũhdũoro tutuajari mũhũ? Tiquiro, Cohãcjũ yere yahu mãhtariquina gũhũ variaa wahahye. ¿Mũhũ pehe noa boro ijiajari mũhũ, sa ni yahuducugu? Mũhũ sa nibogu ijierare, nidi tiquina.

54 Tiquina sa nigũ tũhoro Jesu yahu nemori:

—Yũhũ basi “Tutuagu ijiaja yũhũ”, yũhũ nigũ, tutuagu ijieraboaga yũhũ. Yũhũ Pacu pehe “Tiquiro tutuariquiro

ijire”, nine yuhure. “Усã Pacu”, musa nidiquiro pehe yuhu Pacu tjire. ⁵⁵ Musa pehe yuhu Pacure ne masiedare. Yuhu pehe tiquireore masiaja. “Tiquireore masiedaja”, nigu musa yero saha ni mehoñe peyagu ijiboaga yuhu. Potota tiquireore masiaja. Sa yegu tiquireo dutiyere yeaja. ⁵⁶ Ahri yehpau yuhu ahtatore mari ñecu Abrahã munano masie tiahye. Sa masino tiquireo bucuee tiahye, nidi Jesu.

Tiquireo sa nigu tiquina yuhtiri:

⁵⁷ —Cincuenta cuhmari cuoeraga muhu. Abrahã munano panoru cãno ijiri. ¿Yojopure tiquireo munanore muhu dahse masiboagari? nidi judio masa Jesure.

⁵⁸ —Ijirota niaja musare. Abrahã tiquireo ijiato pano yuhu pehe iji muhta tuhasae tii, nidi Jesu tiquinare.

⁵⁹ Tiquireo sa nigu tuhoye tiquina pehe utã pacare ne, tiquireore doque duamedi. Tiquina sa doque duepegũta Jesu pehe Cohãcjũ wuhapu ijiriquiro duhti wijiaa wahari.

9

Caperi bajueriquirore ihñagũ yeahye Jesu

¹ Sa yena Jesu usã tiquireo buhena mehna mahapu wahana, apequireore caperi bajueriquirore boca san. Tiquireo wahma masa bajaroputa caperi bajueriquirore ijie tiahye. ² Usã

gũhu tiquireore ihñana, sinituu Jesure:

—¿Buhegu, ahriquireo duhsero caperi bajueriquiro masa bajuayari? ¿Ñañene yeyari tiquireo sa waharo? ¿O tiquireo pacusumua pehe ñañene yeyari tiquireo sa wahagũ? ni sinituu usã pehe Jesure.

³ Usã sa nigu tuhoro ohõ saha ni yuhtiri tiquireo:

—Ahriquireo ñañene yeri buhiri caperi bajueriquiro wahaerari. Tiquireo pacusumua gũhu ñañene tiquina yeri buhiri caperi bajueriquiro wahaerari. Cohãcjũ tiquireore caperi bajueragũ yeri tiquireore ihñagũ yero taro, masare tiquireo ihñootire. ⁴ Yuhure ohoriquiro tiquireo cũrire yojopure yero cahmene marine. Ñamipu mari dahra masieno sahata camepu yuhure ohoriquiro tiquireo cũrire ye masiedaja mari. ⁵ Ahri yehpau buhrioro marine to ihña masigũ yero saha ijigu ahri yehpa cjenare Cohãcjũ yere masigũ yeaja yuhu, nidi Jesu.

⁶ Sa ni tuhasarota yehpau sihco puti cũri. Tiquireo sa sihco puti cũrire dihta mehna dahra more, caperi bajueriquirore tiquireo caperire wisõri. ⁷ Sa wisõno ohõ saha nidi Jesu:

—Siloé wame tiri copepu cuhsari copepu muhu caperire cosegu wahaya, nidi Jesu.

Siloé usã ye mehna niñe “Ohoŕi cope”, niñe nidi.

Jesu tiquiro caperire cose dutiriquiro pehe waha, cose, caperi ihñariquiro p̄a tojoa wihiri. ⁸ Tiquiro tojoa wihigũ tiquiro cahap̄a ijiyequina tiquirore ihñari. To pano niñeru sinimediquiro tiquiro ijigũ ihñariquina tiquirore ohõ saha nidi tiquina basi:

—¿Ahriquiro sohõ ijiriquiro niñeru sinidiquiro ijierajari? nidi tiquina.

⁹—Tiquirota ijire, nidi apequina pehe.

—Tiquiro ijierare. Tiquiro saha bajuriquiro ijire, nidi apequina pehe.

Tiquina sa nigũ tãhoro caperi bajueramediquiro pehe ohõ saha nidi:

—Tiquiro tjiaja yah̄a, nidi tiquinare.

¹⁰ Tiquiro sa nigũ masa tiquirore sinituri.

—¿Caperi bajueḡa ijiriḡa dahse waha ihñari mah̄a? ni sinituri tiquina tiquirore.

¹¹—Jesu wame tiriquiro sihco co mehna dihta mehna dahra more, yah̄a caperire wisõri. Yah̄are wisõ tuhasa “Siloé wame tiri copep̄a mah̄a caperire coseḡa waha”, tiquiro nigũ coseḡa esau yah̄a. Yah̄a sa coseri bato yah̄a caperi quehnoano bajuri yah̄are, ni, yahuri tiquiro masare.

¹²—¿M̄ah̄are sa yeriquiro nohop̄a ijiagari tiquiro? nidi tiquina.

—Õbah. Noho ijiro ijiaga, nidi tiquiro.

Caperi bajueramediquirore fariseo masa sinituahye

¹³ Sa ni yahuducu tuhasa tiquina caperi bajueramediquirore fariseo masa cahap̄a neari. ¹⁴ Ti deco Jesu dihtare sihco co mehna dahra more caperi bajueriquirore tiquiro ihñagũ yeri deco saurú deco ijiri. Ti deco usã sori deco ijiri. ¹⁵ Sa ye fariseo masa pehe tiquirore sinituahye tja.

—¿Dahse ye mah̄a ihñari? ni sinituahye tiquina.

—Dihta mehna yah̄a caperire wisõri. Sa yeḡa yah̄a caperire yah̄a coseri bato ihña dahca yah̄a, ni yahuahye tiquiro tiquinare.

¹⁶—Tiquiro saurú decore mari sori decore mari dahra dutieri decore dahraya. Sa yero tiquiro Cohãcjũ yaquiro ijierare, niahye apequina fariseo masa pehe.

Apequina pehe ohõ saha niahye:

—Ñañene yeriquiro ohõ saha yah̄d̄ao masiedare. Sa yero tiquiro quehnoariquiro ijiboaga, niahye apequina.

Sa ye tiquina p̄a curua tu wahye tiquina basi. ¹⁷ Sa ye pari turi tiquina caperi bajueramediquirore sinituahye tja.

—¿M̄ah̄are caperire quehnoano yeriquirore mah̄a waro dahse ni tãhotuajari Jesure? niahye tiquina tiquirore.

—Tiquiro potota Cohãcjũ yere yahu mah̄tariquiro ijire, niahye caperi bajueramediquiro.

18 Coã waropare judio masa ohõ saha ni tãhotumahye. “Ahriquiroy caperi bajueramediquiro ijierare”, ni tãhotumahye tiquina. Sa ni tãhotuye caperi bajueramediquiro pacusumãare pijioahye tiquina. 19 Pijio, tiquiroy pacusumãare sinituahye fariseo masa pãhtoa.

—¿Ahriquiroy potota mäsã macã ijajari? ¿Duita tiquiroy caperi bajueriquiro masa bajuari? ¿Potota caperi bajueriquiro ijieperota dũhsero ihñajari yojopare? ni sinituahye tiquina tiquiroy pacusumãare.

20 —Ahriquiroy usã macãta ijire. Sa yero duita caperi bajueriquiro masa bajue tiri tiquiroy. 21 Tire masiepenata tiquiroy ihñarire, tiquiroy ihñagũ yeriquiro gãhãre masiedaja usã. Usã macãre sinituya. Bũcãro ijire tiquiroy. Tiquiroy basi yahu masine, niahye tiquiroy pacusumãa.

22 Judio masa usã pãhtoa coã waropare ohõ saha nie tiahye.

—“Jesuta Cristo Cohãcjũ ohoriquiroy ijire”, niñequinare mari buheye wãhũsepu saã dutisi usã, nie tiahye judio masa pãhtoa.

Tiquina sa nigũ tãhoye caperi bajueramediquiro pacusumãa judio masa pãhtoare cue niahye. 23 Sa cueye, “Bũcãro ijire tiquiroy. Tiquiroy sinituya”, niahye tiquina judio masa pãhtoare.

24 Came judio masa pãhtoa pari turi pijioahye caperi bajueramediquirore tãa. Pijio ohõ saha niahye tiquiroyre:

—Cohãcjũ mehna poto yahuya mũhũ. Jesure ni mehoriquiroy tiquiroy ñãñe yeriquiro ijigũ usã masiaja. Sa yegũ poto yahuya usãre, niahye judio masa caperi bajueramediquirore.

25 Tiquina sa nigũ tãhoro ohõ saha ni yãhtiahye tiquiroyre:

—Jesure tiquiroy ñãñe yeriquiro ijigũ masiedaja yũhũ. Ihcãnota masiaja yũhũ. Panopare caperi bajuegũ ijie tii yũhũ. Yojopare ihñaja yũhũ. Ti dihitare masiaja yũhũ, ni yãhtiahye caperi bajueramediquiro tiquinare.

26 —¿Dũhse yeri mũhãre tiquiroy? ¿Mũhũ caperi ihñãtare dũhse yeri tiquiroy mũhãre? ni sinituahye tiquina.

27 —Tireta mũsare yahu tuhasami yũhũ. Yũhũ sa niepegũta mäsã ne tãho duerare yũhãre. ¿Dũhse ye duana pari turi yũhũ yahugũ tãho duajari mäsã? ¿Mäsã gãhũ tiquiroy buhena iji duajari? niahye tiquiroy tiquinare.

28 Tiquiroy sa nigũ tãhoye tiquina tuhtiahye tiquiroyre:

—Mũhũ Jesu buherigu ijire. Usã pehe Moise buhena ijiaja. 29 Potota Cohãcjũ Moiserẽ yahuducue tiahye. Jesu tiquiroy ahtarirore usã masiedaja, niahye tiquina caperi bajueramediquirore.

30 Tiquina sa nigũ yãhtiahye tiquiro:

—¿Tiquiro ahtarirore m̄usa masiedagũ yãhure ihñagũ yeriquiro ijero, Cohãcjũ ohoriquiro ijieraboagari tiquiro? 31 Cohãcjũ ñañe yeyequinare tiquina siniñene tãhoerare. Ti pũritare mari masiaja. Tiquinare tãhoeraperota Cohãcjũre ño peoriquirore, tiquiro dutiyere yeriquirore tiquiro siniñene tãhore Cohãcjũ.

32 Coã waropure ahri yehpa iji dũcagũp̄ure ne coã masa bajaropũ caperi bajueriquirore ne ihcãquiroy ihñagũ yeriquiro marieda tiahye. 33 Sa yero Jesu Cohãcjũ ohoriquiro ijieraro yãhure ihñagũ yeraboaya tiquiro, niahye tiquiro tiquinare.

34 —Mũhũ duita ñagũ ijie tiahye. ¿Sa ijiepegũta usãre buhe duajari mũhũ? niahye judio masa pũhtoa tiquirore.

Sa ni tuhasayeta tiquina tiquirore cohã wio cãhye.

Jesu yere cahmeeñequina caperi bajueyequina tiquina ihña masieno saha mari Pacũre masiedare

35 Sa yero caperi bajueramediquirore tiquina cohã wiorire Jesu tãhori. Sa tãhoro caperi bajueramediquirore boca saro tiquirore sinituri:

—¿Masũnore Cohãcjũ ohoriquirore wacũ tutuajari mũhũ? nidi Jesu.

36 —¿Pũhto, noa ijiajari tiquiro? Tiquirore masigũ wacũ tutuagũtja

tiquirore, nidi caperi bajueramediquiro Jesure.

37 —Tiquirore ihña tuhasari mũhũ. Yojopure mũhũ mehna yahuducugũ tiquirota ijiaja yãhũ, nidi Jesu caperi bajueramediquirore.

38 —Pũhto, mũhũre wacũ tutuaja, nidi caperi bajueramediquiro.

Sa nino tiquiro Jesu caha dũsepe curi mehna quehe sa, tiquirore ño peori.

39 Tiquiro sa ño peogũ ihñano ohõ saha nidi Jesu:

—Quehnoañequina, ñañequina gũhũ tiquina yerire masigũ yei ahtaũ ahri yehpapure. Caperi bajueyequina tiquina ihña masieno saha tiquina yero saha ijieyequina yãhũ Pacũre masiedare. Sa masieñequinare yãhũ Pacũre masigũ yei ahtaũ yãhũ. “Usã quehnoano masiaja”, ni tãhotumediquina quehnoano tiquina masiedarire masigũ yei ahtaũ yãhũ, nidi Jesu.

40 Tiquiro sa nigũ tãhoye meheñequinagã fariseo masa tiquirore ohõ saha nidi:

—¿“Caperi bajueyequina tiquina ihña masieno saha quehnoano masiedare m̄usa gũhũ”, nii niajari mũhũ usãre? nidi fariseo masa Jesure.

41 Tiquina sa nigũ ohõ saha nidi Jesu:

—Caperi bajueyequina tiquina ihña masieno saha poto m̄usa quehnoano masiedagũ, m̄usare buhiri mariedaboaya. “Usã quehnoano masina ijiaja”, m̄usa nidi buhiri, buhiri tina

ijinine m̄sa yojop̄are, nidi Jesu tiquinare.

10

Ovejare cohteriquiro quitire yahuahye Jesu

¹ Came queoye mehna buhero oh̄o saha nidi Jesu:

—Ijirota niaja m̄sare. Ovejare cohteri sahr̄no sopecaha saj̄edariquiro, sopecaha marienop̄u saj̄ariquiro pehe yaque būcuro ijire. ² Sopecaha saj̄ariquiro pehe ovejare cohteriquiro ijire. ³ Sopecahare cohteriquiro sopecahare p̄ore ovejare cohteriquiro saj̄atore. Ovejare cohteriquiro yahuducuḡu t̄ho c̄htare tiquiro nuñequina oveja pari. Tiquinare pijoro tiquina wame mehna pisuducure tiquiro. Sa yero tiquinare sahr̄nop̄u ijiriquinare piji wiodocore sopecahap̄u. ⁴ Tiquiro yequinare ijipihtiyequinare piji wio tiquinare sa uhm̄u t̄aducure. Oveja pehe tiquiro yahuducuyere t̄ho masiñe tiquiro bato n̄n̄u t̄are. ⁵ Apequirore tiquina ih̄na masieniquirore n̄n̄u t̄adare tiquina. Sa ye apequina tiquina yahuducuyere t̄hoye, cue oma sitea wahare, nidi Jesu tiquinare.

⁶ Ahri queoyere tiquiro sa yahuepeḡata tiquiro yahuyere masiedari tiquina.

Jesu ovejare quehnoano cohteriquiro yero saha tiquiro yequinare quehnoano cohtere

⁷ Pari turi Jesu tiquinare yahuri tja:

—Ijirota niaja m̄sare. Ovejare cohteri sahr̄no sopecaha yero saha ijiaja ȳh̄h̄. ⁸ Ijipihtiyequina ȳh̄h̄ pano ahtayequina ni mehoñene buheyequina yaqueyequina yero saha ijire. Tiquina sa ijiepeḡata oveja yero saha ijieyequina yeequina pehe apequinare ne t̄ho c̄edare. ⁹ Ȳh̄h̄ ovejare cohteri sahr̄no sopecaha yero saha ijiaja. Sopecaha saj̄añequina yero saha ijire ȳh̄h̄re wac̄u tutuayequina. Sa yeḡu tiquinare pecap̄u wahaboriquinare ȳhd̄outja. Ovejare cahmotari sahr̄no tiquinare cahmotariro sahata ȳh̄h̄ ȳhd̄oyequinare cahmotat̄ja. Sa ye tiquina cahmeñene cuoeta tiquina, nidi Jesu.

¹⁰ Sa ni tuhasa oh̄o saha ni nemori:

—M̄sare ni meho buheyequina ovejare yaqueyequina yero saha ijire. Apequina yaque duaye, apequina wej̄e duaye ahtare. Oveja yero saha ijieyequinare, yeequina ijipihtiye decori Coh̄ãcj̄u mehna ijiatiquinare yeḡu ahtāu ȳh̄h̄. Sa yeḡu yeequina decoripe tiquina bucueatire ahtāu ȳh̄h̄. ¹¹ Ovejare quehnoano cohteriquiro yero saha ijiaja ȳh̄h̄. Ovejare quehnoano cohteriquiro yariatiquiro ijieperota tiquiro yequina ovejare cohtere, “Sijoro wahari”, nino. Yeequina Coh̄ãcj̄u mehna tiquina sa

ijiducuatire yegũ yariatja yũhũ. ¹² Oveja upũro cahacjãno pehe oveja upũro ijierare. Sa yeye oveja tiquiro yequina ijierare. Sa yero yairo ovejare tiquiro ihyaro ahtagũ ihñano tiquiro cahacjãno pehe ovejare cohã doco cã, oma cãa wahare. Tiquiro sa cohã docori bato, yairo ovejare tiquiro ñehegũ ihñañe oveja pari oma site cãa wahare. ¹³ Tiquiro cahacjãno pehe tiquiro wapataye dihitare cahmene. Sa yero tiquiro ovejare quehnoano cohte coerare, nidi Jesu.

¹⁴ Sa ni tuhasa ohõ saha ni nemori:

—Ovejare quehnoano cohteriquiro yero saha ijiaja yũhũ. Sa yegũ yeequinare masiaja yũhũ. Sa yeye yeequina pehe yũhũre masine. ¹⁵ Sata yũhũ Pacũ gũhũ yũhũre masine. Sa yegũ yũhũ gũhũ yũhũ Pacũre masiaja. Oveja yero saha ijiyequina yeequina Cohãcjũ mehna tiquina sa ijiducuatire yariatja yũhũ. ¹⁶ Apequina oveja ape sahrĩno cjẽna yero saha ijiyequina apequina masa gũhũ yeequina ijieta. Tiquina gũhũre neagutja. Sa ye yũhũ yahuducugũ tũho cãeta tiquina gũhũ. Sa ye yeequina ijiptiyequina ihcã curuata ijieta. Sa yegũ yũhũ dihita yeequinare cohteitja, nidi Jesu.

¹⁷ Sa ni tuhasa ohõ saha ni nemori:

—Yeequina Cohãcjũ mehna tiquina sa ijiducuatire

yariatja yũhũ. Yũhũ yariari bato masa mũjagutja. Sa yeacjũ yũhũ ijigũ yũhũ Pacũ yũhũre cahĩne. ¹⁸ Yũhũ wejẽ dutieragũ yũhũre wejẽ masiedaboaya tiquina. Yũhũ cahmeno sahata yũhũre wejẽeta. Sa yegũ yeequina Cohãcjũ mehna tiquina sa ijiducuatire yariatja. Yaria masiaja yũhũ. Sa yegũ masa mũja masiaja. Yũhũ Pacũ yũhũre tireta ye dutiri, nidi Jesu.

¹⁹ Tiquiro sa nigũ tũhoye judio masa pũa curua tu wari. Apequina sijoro tũhotu, apequina gũhũ sijoro tũhoturi.

²⁰ —Tiquiro watĩno cũore. Sa yero tũho masiedare. ¿Dũhsena tiquirore pari turi tũhoajari masa? nidi apequina peyequina judio masa.

²¹ Apequina pehe ohõ saha nidi:

—Watĩno cũoriquiro ijiro sa ni yahuducueraboaya. Caperi bajueriquirore ihñagũ ye masiedare watĩnore cũoriquiro. Sa yero watĩnore cũoerare Jesu, nidi apequina judio masa.

Judio masa Jesure cahmedahye

²² Ape deco usã acaye judio masa Jerusalẽpũ bose deco yeye nidi pari turi. Cohãcjũ wũhũre panopũ Cohãcjũre tiquina ohorire tiquina wacũati deco ijiri. Ti pjere pohecũ ijiri. ²³ Ti decore Salomo wame tiri tucũpũ Cohãcjũ wũhũpũ ijiri tucũpũ Jesu ihña tinino nidi. ²⁴ Ti tucũpũ tiquiro ijigũ ihñañe

usã acaye judio masa tiqiro cahap̄ cahmecoa, tiqirore sinituri.

—Yoabutiari pje usãre quehnoano yahueraga m̄h̄h̄. Poto usãre quehnoano yahu madoqueohya m̄h̄h̄. ¿Cohãcjũ ohoriḡh̄ Cristota ijiajari m̄h̄h̄? nidi tiquina Jesure.

²⁵ Tiquina sa nigũ tãhoro ohõ saha ni yãhtiri Jesu:

—M̄sare yahu tuhasamajaḡh̄. Ȳh̄h̄ sa yahuepegũta yãh̄h̄re tãho duerare m̄sa. Ȳh̄h̄ Pac̄h̄ yãh̄h̄re tiqiro dutiriro sahata tiqiro tutuaye mehna ye ihñojaja. Sa yeḡh̄ ȳh̄h̄ Cristo ijiy-ereta m̄sare ihñoḡh̄ niaja.

²⁶ Ȳh̄h̄ sa ihñopegũta yãh̄h̄re tãho duerare m̄sa. M̄sa pehe yeequina ijierare. Sa yena apequiro yequina oveja yero saha ijina, ȳh̄h̄ pehere tãhoerare m̄sa.

²⁷ Ovejare cohteriqirore tiqiro yequina tiquina tãhoro saha yãh̄h̄re yeequina tãhore. Sa yeḡh̄ tiquinare masiaja ȳh̄h̄. Sa ye tiquina ȳh̄h̄ mehna wahare.

²⁸ Sa yeḡh̄ ijipihtiye decori Cohãcjũ mehna ijigũ yeaja tiquinare. Sa ye tiquina pecap̄h̄ wahasi. Sa yeḡh̄ yeequinare ȳh̄h̄ cohtegũ apequina pehe ne yãh̄h̄re ehma masiedare yeequinare.

²⁹ Ȳh̄h̄ Pac̄h̄ yãh̄h̄re yeequinare ohoriquiro ijipihtiyequina yãhd̄h̄oro tutuariquiro ijire. Sa ye ȳh̄h̄ Pac̄h̄ pehe yeequinare tiqiro cohtegũ apequina pehe tiqiro gũh̄h̄re ne ehma

masiedare tiquinare. ³⁰ Ȳh̄h̄h̄, ȳh̄h̄h̄ Pac̄h̄ mehna ihcãta ijiaja, nidi Jesu judio masare.

³¹ Tiqiro sa nigũ tãhoye judio masa pehe tiqirore tiquina doque wejẽati utã pacare pari turi nemedi tja.

³² Tiquina sa yegũ ihñano Jesu sinituri tiquinare:

—Ȳh̄h̄h̄ Pac̄h̄ tutuaye mehna peye tahari ye ihñomi m̄sare. ¿Dise boro pehere ȳh̄h̄h̄ yeri buhiri yãh̄h̄re utã paca mehna doque wejẽ duajari m̄sa? ni sinituri Jesu.

³³ Tiqiro sa nigũ tãhoye ohõ saha nidi tiquina:

—Cohãcjũ tutuaye mehna m̄h̄h̄h̄ ye ihñori buhiri m̄h̄h̄h̄re utã mehna doque wejẽ dueraja usã. Cohãcjũre m̄h̄h̄h̄ ñano yahuducuri buhiri m̄h̄h̄h̄re utã paca mehna doque wejẽ duaja usã. Mas̄h̄ ijiepegũta “Cohãcjũ ijiaja ȳh̄h̄h̄”, m̄h̄h̄h̄ niñe buhiri mehna m̄h̄h̄h̄re utã paca mehna doque wejẽ duaja usã, ni yãhtiri tiquina.

³⁴ Tiquina sa ni yãhtigũ tãhoro Jesu tiquinare yahuri:

—M̄sa gũh̄h̄re “Cohãmana”, ni pisuri Cohãcjũ. Sata ni ojoahye tiqiro dutiyere tiquina ojoari pũp̄h̄.

³⁵ Cohãcjũ yere tiquina ojoari pũ potota ijigũ mari masiaja. “Ni mehoñe ijire”, ti pũre ni masiedaja mari. Sa yero tiqiro yere tãhoyequinare potota tiqiro “Cohãmana”, ni pisure. ³⁶ Cohãcjũ yãh̄h̄re besetjiãno, ahri yehpap̄re ohori. Sa yeḡh̄ ȳh̄h̄ “Cohãcjũ

macu ijiaja”, yuhu nidi buhiri “Cohãcjãre ñano yahuducuro nine Jesu”, nine musa yuhure. ¿Duhkena yuhure sa nijari musa? ³⁷ Yuhu Pacu tiquiro cahmediro sahata tiquiro tutuaye mehna yuhu ye ihñoedagũ pũritare yuhu buherire “Poto tjire” niedaboaga musa. ³⁸ Yuhu Pacu tiquiro tutuaye mehna yuhu ye ihñoepẽgũta yuhu pehere tũho duerare musa. Sa tũho duerapenata tiquiro tutuaye mehna yuhu ye ihñoogũ ihñana yuhu yerire “Poto tjire”, niña musa. Musa sa nina, yuhu Pacu mehna usã ihcãno saha ijigũ masinata musa. Sa yena tũhonata musa, nidi Jesu tiquinare.

³⁹ Tiquiro sa nigũ tiquina pari turi tiquirore ñehe duamedi. Tiquina sa ñehe duagũ ihñano tiquiro duhti wijiaa wahari.

⁴⁰ Sa wijiariquiropũta Ñu masare tiquiro wame ye mũhtariorũ Jordã asũ mũja taro pehepũ pari turi Jesu wahari tja. Topũ esaro tojoa cãri tiquiro. ⁴¹ Sa ye masa peyequina tiquirore ihñañe esari. Ohõ saha nidi tiquina basi:

—Ñu pehe Cohãcjũ tutuaye mehna ye ihñoedari. Sa ye ihñoedapegũta ijipihtiye Jesure tiquiro yahuri pehe queorota ijire, nidi masa tiquina basi.

⁴² Sa ye topũre masa peyequina wacũ tutua dũcari Jesure.

11

Lázaro wame tiriquire yariaa wahahye

¹ Sa ye Betania wame tiriquire maca cjũno Lázaro wame tiriquire dohatiro niahye. Ti macapũ tiquiro wahmiosãnumia gũhu María, Marta mehna ijiri. ² María pehe Jesure ehme sitiye pio wisõaticoro, ticoro poari mehna tiquirore tu coseaticoro ijire. Ticoro bahuro Lázaro pehe dohatiro niahye. ³ Sa ye tiquina numia apequinare Jesure yahu dutiye ohoahye.

—Puhto, mũhu cahñiquiro dohatiro nine, ni yahu dutiye ohoahye Lázaro wahmiosãnumia.

⁴ Ti quitire tũhoro ohõ saha nidi Jesu:

—Yojopũre Lázaro tiquiro dohatiye tiquiro yariati ijierare. Cohãcjũ tutuayere masare ihñoatire yojopũre tiquiro dohatire. Sa ye yuhu tutuagũ yuhu ijigũ gũhure masa ihñaeta, nidi Jesu.

⁵ Jesu Martare, ticoro bahoro gũhure, Lázaro gũhure tutuaro cahĩdi. ⁶ Sa nino Lázaro tiquiro dohatigũ tũhoeperota topũ Jesu pũa deco tojoari. ⁷ Pũa deco bato Jesu ohõ saha nidi usãre tiquiro buhenare:

—Pari turi Judea yehpapũ tojoa wahaũhna tja, nidi usãre.

⁸ —Buhegũ, canũagãta judio masa mũhure utã paca mehna doque wejẽ duamedi. ¿Duhsegũ pari turi tojoa

waha duajari mahu? nii usã pehe.

9 Usã sa nigũ tũhoro tiqirore tiquina wejẽ masiedarĩne yahuro, queoye mehna buhero ohõ saha nidi usãre:

—Pajiro tũhotueracãhña. Ihcã decore doce horari waro ijire. Asũ deco cjãno ijigũ quehnoano ihñaja mari. Sa yena decore tinina, ne puha boraeraja mari.

10 Nahitianopu tiniñequina puha boraahare. Asũ deco cjãno mariedagũ quehnoano ihñedare tiquina, nidi Jesu. (Sa nino ohõ saha nino niahye: “Yojopure yuhu Pacu yere yuhu yahu pehoato duhsarĩne. Sa ye yuhare wejẽ masiedarĩne”, nino niahye.)

11 Sa nino usãre yahu nemori tja:

—Mari mehna cjãno Lázaro, carĩno niaga. Tiquiro sa carĩpepegũta yuhu tiqirore wahcõgu wahaũtja, nidi usãre.

12—Puhto, Lázaro carĩniqiro ijiro, yuhũrota, nii usã.

13 Usã sa niepegũta Jesu “Carĩno niaga”, nino “Yariaa wahare”, nino nidi jimedi. Tiquiro sa nigũ tũhona “Lázaro soro niaga”, ni tũhotumi usã pehe. 14 Usã sa ni tũhotugũ masino Jesu potu yahuri usãre:

—Lázaro yariaa wahaga. 15 Yuhu marieno tiqiro yariagũ quehnoarĩne. Sa yena musa yuhare wacũ tutua nemonata. Isa mari ihñana wahaũhna tiqiro cahapu, nidi Jesu.

16 Tomasu sũhdũariqiro tiquina ni pisuriqiro ohõ saha nidi usãre:

—Mari gũhu Jesu mehna wahaũhna. Tiquirore wejẽne, mari gũhare wejẽahdo, nidi Tomasu.

Jesu sa ijiducugũ yeriqiro masare masoriqiro ijire

17 Sa ye topure usã esari bato to cjẽna ohõ saha ni yahuri Jesure:

—Pititia deco wahare Lázaro mũnanore masa copepu tiquina cũri bato, ni yahuri tiqirore.

18 Betania pehe Jerusalẽ cahapu ihtia kilómetro yoaro ijiri. 19 Sa ye usã acaye judio masa peyequina Martare, María gũhare ñehe quea utiye ahtahye Lázaro yariari bato. 20 Sa yero Jesu mehna usã esana tana yegũ tũhoro Marta pehe usãre piti caro ahtari jiri. Ticoro sa piti caro wahagũ María pehe tiquina ya wãhũpu tojoahye. 21 Sa piti caro Marta ohõ saha nidi Jesure:

—Puhto, yuhu bahũ tiqiro yariato pano mahu ohõpu ijigũ tiqiro yariaraboaya. 22 Yojopu gũhare Cohãcjũre mahu sini basagũ tiqiro mahu sinino sahata yerota, nidi Marta Jesure.

23 —Mũhu bahũ masa wĩjarota, nidi Jesu ticorore.

24 —Ahri yehpa pihtiatu deco tiqiro masa wĩjatore masiaja yuhu, nidi ticoro.

25 Ticoro sa nigũ Jesu yahuri tja:

—Yuhu masa wĩjiagũ yegu tjiaja. Yuhu sa ijiducugũ yegu

tjiaja. Yuhure wacũ tutu-
ariquiro yarieperota sa ijidu-
curota. ²⁶ Sa ye ijipihtiye-
quina Cohãcjũ mehna ijidu-
cuyequina yuhure wacũ tutu-
ayequina ne pecapũ wahasi.
¿Ahrire masiajari mahũ? nidi
Jesu ticorore.

²⁷ —Puhto, masiaja yuhũ.
Cristo Cohãcjũ macũ, “Ahri
yehpapũ ahtarota”, tiquina
nidigũ mahũ ijigũ masiaja
yuhũ, nidi Marta Jesure.

*Lázaro masa cope cahapũ
esaro Jesu utiahye*

²⁸ Marta sa ni tuhasa
ticoro bahoro Mariãre pijiro
wahari.

—Marine buheriquiro
mari ya macapũre wihiri.
Mahure pijire, derogã ni
yahuahye Mariãre.

²⁹ Ticoro sa nigũ tãhoro
María sojaro mehna
wahcãdũca, usã cahapũ
ahtahye Jesure ihñano taro.

³⁰ Tiquina ya macapũ esera
nii usã. Marta ticoro piti
cariropũ ijiniũ usã. ³¹ Judio
masa ti wãhũpũ Mariãre
ñehe quea utiye niahye. Sa
ye ticoro wahagũ ihñañe,
tiquina ticorore nanũ tã
cãhye. “Ticoro bahoro
mãnanore tiquina cũri
copepũ utiro waharo nine
ticoro”, ni tãhotumahye
tiquina. Sa ni tãhotuye
ticorore nanũ tã cãhye.

³² Sa yero María usã cahapũ
wihiro, Jesure ihña, tiquiro
dahpocãri cahapũ dũsepe
curi mehna quehe sari.

—Puhto, yuhũ bahũ tiquiro
yariato pano mahũ ohõpũ

ijigũ tiquiro yarieraboaya,
nidi ticoro Jesure.

³³ Sa yero judio masa ticoro
mehna ahtariquina gũhũ
tiquina utigũ ihñano Jesu
pehe tutuaro bajũa witi ñano
jeripohna tiri.

³⁴ —¿Lázaro mãnanore no-
hopũ cohãri masa? ni sinituri
Jesu.

—Ihñau taya, ni piji cãri
tiquina.

³⁵ Tiquina sa nigũ tãhoro
Jesu utiri.

³⁶ —Lázaro mãnanore Jesu
tutuaro cahĩmeyari, nidi judio
masa tiquina basi.

³⁷ Apequina pehe ohõ saha
nidi:

—Caperi bajueriquirore
ihñagũ yeriquiro ijire
ahriquiri Jesu. ¿Sa yero
Lázaro tiquiro yariato pano
tiquirore yãhdũeraboayari?
nidi tiquina.

Lázaro masa wijiahye

³⁸ Sa yero Jesu pari turi
tutuaro bajũa witiri. Sa yena
usã ijipihtina Lázaro masa
copepũ esau. Utãpũ tiquina
seheri cope ijiri. Sa yero
tiquiro pagũre tiquina siõ sãa
cũri cope ijiri. Sa yero ti cope
pajiria utã mehna tiquina
bihari cope ijiri.

³⁹ —Utã bihariare neña,
nidi Jesu.

Tiquiro sa nigũ tãhoro
Marta yariariquiro mãnanao
wahmiono ohõ saha nidi:

—Puhto, yojopũ pititia deco
waha tuhasare tiquiro yari-
ari bato. Sa yero tiquiro
pagũ ijiriro urĩ yãhdũaga, nidi
Jesure.

40 —“Yahure wacũ tutuago Cohãcjũ tutuayere ihñagota”, mahure nimigu, nidi Jesu Martare.

41 Tiquiro sa nidi bato tiquina utã bihariare ne wiori. Tiquina sa nedi bato Jesu pehe umusepu ihña mo, Cohãcjũre ohõ saha nidi:

—Mai, yahure mahu tuho tuhasari. Tire mahu yegũ masigu bucueaja mahure. 42 Yahure mahu decoripe tuhoducure. Tire masiaja. Sa masiepegata yahu mahu ohorigu yahu ijigũ ohõre ducuyequina tiquina masiatire mahure sa niaja. Tire “Potota ijire”, tiquina nino quehnoano sa nigũ niaja, nidi Jesu tiquiro Pacurore.

43 Sa ni tuhasa Jesu tutuaro sañuducuri:

—Lázaro ahtaya, ni sañuducuri tiquiro.

44 Tiquiro sa nigũ yariariquiro manano omocarine tiquiro dahpocãri gũhure suhti cahseri mehna tiquina dahtemediquiro, tiquiro dapure suhtiro mehna tiquina wahmemediquiro, masa copepu wijia tari.

—Tiquina dahterire pãña tiquirore, nidi Jesu.

Judio masa puhto pehe Jesure ñehe duamahye

(Mt 26.1-5; Mr 14.1-2; Lc 22.1-2)

45 Tiquiro sa masogũ ihñañe peyequina judio masa mehna cjẽna María mehna ahtariquina Jesure wacũ tutua, cahmedi.

46 Apequina tiquina mehna

cjẽna pehe fariseo masa cahapu esaye, Jesu yerire yahuahye tiquinare. 47-48 Sa ye pahia puhto, fariseo masa puhto gũhu cahmecoa, tiquina basi ohõ saha ni yahuducuahye:

—Jesu peye tahari Cohãcjũ tutuaye mehna ye ihõre. Tiquiro sa ye ihõogũ “Tire yeracãña”, mari niedagũ ijipihtiyequina masa tiquirore cahmeñe, tiquiro mehna wahaboaga. Sa ye Roma cjẽna puhto Cohãcjũ wũhure cohã dutiye ohoeta tiquina yequina surarare. Mari ya dihta gũhure ehmaeta tiquina. (Mari ya dihta cjẽna Jesure tiquina puhtoro cũgũ ihñañe Roma cjẽna puhto “Marine cohãñe nine”, ni usua ñano yeeta marine.) ¿Sa yena dahse yenatari yojopure? ni yahuducuahye tiquina basi.

49 Tiquina sa niepegata apequiro Caifa wame tiriquire ti cahmare pahia puhtoro ijiro, tiquinare yahuahye:

—Musa pehe ne masiedare. 50 Judio masa ijipihtina mari ye ijiatire ihcãquiro masano tiquiro yariagũ quehnoare. Tiquiro yarieregũ marine ijipihtina judio masare cohã peho cãboaga. Tire musa masiedare, niahye Caifa tiquinare.

51 Sa nino tiquiro esa tuharo sa nino niedahye. Pahia puhtoro tiquiro ijigũ judio masa ye ijiatire Jesu yariatire mari Pacu pehe

12

Caifare sa ni yahu duti-
ahye. ⁵² Jesu yariaro judio
masa dihitare yuhduoro taro
niedare. Sa yariaro ijipi-
htiyequina Cohãcjũ pohnene
ahri yehpapũ iji siteyequina
gũhure ihcã curuata ijigũ
yeatire yariatiquiro ijiri Jesu.
⁵³ Sa ye ti decota tiquina
“¿Jesure dahse ye wejẽnatari
mari?” ni yahuducuye,
tiquirore wejẽne tee niahye.

⁵⁴ Tiquina sa wejẽ duagũ
masino Jesu peyequina judio
masa watoa pari turi tinino
wahaerari. Sa yero masa
marieno cahagã Efraĩ wame
tiri macapũ usãre siho wa-
hari. Usãre ti maca siho to-
jarĩdi Jesu.

⁵⁵ Ti pjere pascua bose
decori usã judio masa usã
bose decori ijiato mehenogã
dahsatjiãri. Sa ye bose deco
panogã masa peyequina ap-
eye macari cjẽna Jerusalẽpũ
cahmecoari. Pascua cjẽne
tiquina ihyato pano Cohãcjũ
yere yeye tehe, tiquina
cahmomohnore cohoro
saha tiquina ñañene cosee
tee nidi. ⁵⁶ Sa ye tiquina
Jesure macañe niahye. Sa ye
Cohãcjũ wãhũpũ ijieyequina
ohõ saha ni yahuducuahye:

—¿Bose decore ihñano
ahtaeraboari Jesu, musa
tãhotugũ? niahye tiquina
basi.

⁵⁷ Sa ye pahia pũtoa,
fariseo masa gũhũ ohõ saha
ni yahu dutiahye masare:

—Jesu wihigũ ihñana,
yahuya usãre. Tiquirore
ñehena tana niaja, niahye
pũtoa masare.

*María Jesu dahpocãrine
ehme sitiye mehna pio
peoahye*

(Mt 26.6-13; Mr 14.3-9)

¹ Jesu, usã tiquiro buhena
mehna Betaniapũ usã esari
bato pascua deco esato
seis decori waro dahsarĩdi.
Lázaro Jesu masoriquiro ti
maca cjũno ijiri. ² Usã esari
bato Jesu gũhũ usã ihyatire
dahrerri apequina. Sa ye
Lázaro, Jesu, usã mehna mesa
cahapũ nuju sau. Usã sa nuju
sari bato Marta ihyayere
peori usãre. ³ Sa yero María
ehme sitiye uhsere nardo
wame tiye cohorri uhsere
kilo deco mehna ne cãhta
Jesu dahpocãrine pio peori.
Ti uhse wapa ti yuhduari.
Pio peo tuhasa ticoro poari
mehna wũori. Ticoro sa
pio peori bato ti wãhũ
quehnoano ehme siti sehsaa
wahari. ⁴ Usã mehna cjũno,
Jesure ihña tuhtiequinare
ihñoatiquiro Juda Iscariote
pehe ohõ saha nidi:

⁵ —¿Dahse yero ahricoro
sa ye siteajari? Tire ticoro
duaboaya. Tire duaro tres
cientos niñeru cjoerire wa-
pataboaya. Sa yero ticoro
ti niñerure pejecũoyequinare
ohoboaya, nidi tiquiro.

⁶ Juda pehe pejecũoyequinare
yedoho duerari. Tiquiro usã
niñerure ihbo basariquiro
ijieperota yaqueriquiro ijiri.
Sa yero tiquiro usã niñerure
ihquẽ tahari ne mũjari. Sa
yero “Ti niñerure neitja”,
nino, sa nidi Mariãre tiquiro.

⁷ Tiquiro sa nigũ tũhoro ohõ saha nidi Jesu:

—Sa niedacãhña ticorore. Ticoro ehme sitiye yũhure ticoro dũharire yũhure pio peori, yũhure tiquina yato pano yũhũ pagũre quehnoyuro. Pe-jecũoyequina pehe mũsa mehna sa ijiducueta. Sa yena tiquinare oho masine mũsa. ⁸ Yũhũ pehe ahri yehpapũre mũsa mehna sa ijiducusi, nidi Jesu.

Pahia pũhtoa Lázarore wejẽ duahye

⁹ Sa ye Jesu Betaniapũ tiquiro ijigũ tũhoye, usã acaye judio masa peye-quina tiquirore ihñañe ahtari. Tiquiro dihitare ihñañe ahtaye niedari. Lázaro yariamediquirore Jesu masoriquirore tiquiro gũhure ihñañe ahtaye nidi. ¹⁰ Tiquina ihñañe esarire masiñe, pahia pũhtoa Lázaro gũhure wejẽ duari. ¹¹ Lázaro yariamediquiro Jesu masoriquiro ijigũ ihñañe peye-quina masa Jesure wacũ tutuari. Tiquiro sa masogũ ihñañe peyequina judio masa tiquina pahia ye buheye pehere duhu cãri. Tiquina sa duhugũ ihñañe pahia pũhtoa pehe usua yũhdũye Lázarore wejẽ duari.

Jerusalẽpũ esahye Jesu

(Mt 21.1-11; Mr 11.1-11; Lc 19.28-40)

¹² Pascua bose decore tiquina yegũ peyequina masa Jerusalẽpũ ihñañe wahari jiri. Ape deco Jerusalẽpũ

Jesu ahtatire masa tũhori. ¹³ Sa ye iqui pohnarine ne cã, tiquirore piti caye wahari. Sa piti caye ohõ saha ni sañuducuri tiquina:

—Ahriquirore ño peouhna. Ahriquirõ Cohãcjũ ohoriquiro quehnoano ijiahro. Ahriquirõ judio masa mari pũhtoro tjire, ni sañuducuri tiquina.

¹⁴ Jesu burrogã tiquiro bocariquirogã bui pesari. “Ohõ sahata yerota”, ni ojoahye Cohãcjũ yere tiquina ojoari pũpũ:

¹⁵ Jerusalẽ wame tiri maca cjãna, cueracãhña mũsa. Ihñaña. Mũsa pũhtoro burrogã bui pesa cãhtare, ni yahuahye Cohãcjũ yere tiquina ojoari pũpũ.

¹⁶ “Tiquina sa ni ojoari Jesure nino niaga”, ni, usã tiquiro buhena quehnoano masiedarĩ. Sa masiedapenata uhmũsepũ Jesu mũjari bato usã ti ojoarire wacũ boca tũho masii. Ohõ saha ni tũhotuu: “Cohãcjũ yere tiquina ojoari pũ pehe Jesure yahuro nimeya. Sa ye Cohãcjũ yere tiquina ojoari pũ ni diro sahata yeri masa Jesure”, ni tũhotu, masii usã.

¹⁷ Lázarore masa copepũ ijiriquirore Jesu pisu masogũ ihñariquina pehe yahuri masare. ¹⁸ Sa ye Lázarore Jesu masorire tũhori bato masa peyequina Jesure ihñañe ahtari. ¹⁹ Tiquina sa ahtagũ ihñañe fariseo masa tiquina basi ohõ saha niahye:

—Ijipihtiyequina Jesu yequina dihita wahaye nine yojopure. Sa yena mari dahse ye masiedaga tiquinare, niahye fariseo masa tiquina basi.

Meheñequinagã griego masa Jesure maca cãhtahye

²⁰ Sa ye bose deco Cohãcjãre ño peoye ah-tayequina mehna cjẽna meheñequinagã griego masa ijiri. ²¹ Sa ye tiquina Felipe cahapũ wihiahye. Felipe pehe Betsaida wame tiri maca Galilea yehpapũ ijiri maca cjãno ijiri. Sa ye tiquireo cahapũ wihiriquina ohõ saha niahye tiquireore:

—Jesure ihña duaga usã, niahye tiquina.

²² Tiquina sa nigũ tuhoro Felipe Andrepure tire yahuro wahahye. Sa ye tiquina purõ Jesure yahuri. ²³ Tiquina sa ni yahuri bato Jesu tiquinare yahuri:

—Yũhu masũ Cohãcjũ ohorigũ ijiaja. Yũhure ijipihtiyequina tiquina ño peoati pje yojopure ijirota nine. Yojopure yũhu yariati pje ijirota nine. ²⁴ Potota musare yahugũ niaja. Oteri pjere yehpapũ mari yaeragũ, ti pjere mari oteragũ ihcã pjeta tojoarota. Sa yero ti pjere mari yari bato pihni, dũca tirota. (Sata yũhu yariari bato yũhure tiquina yari bato peyequina masare Cohãcjũ mehna sa ijiducuatiquina ijigũ yeitja yũhu.) ²⁵ Ahri yehpapũ musa ijiyere pajiro tuhutuboaga

musã. Sa tuhutuna Cohãcjũre wacũedana, pecapũ wahanata musã. Ahri yehpapũ musã ijiyere sa tuhutu cãna, Cohãcjũ mehna sa ijiducunata. ²⁶ Yeere ye duana yũhu buheyere quehnoano tuhoya musã. Musã sa yena musã gũhu yũhu ijirõpũ ijinata. Yeere yeriquirore yũhu Pacũ pehe ño peorota, nidi Jesu.

Jesu tiquireo yariatore yahuahye

²⁷ Sa ni tuhasa ohõ saha ni nemori:

—Yojopure yũhu ñano jeripohna tiaja. ¿Yũhu Pacũre dahse nigutari yũhu? ¿“Mai, yũhu ñano yũhdũatire yer-acãhña yũhure”, niboagari yũhu? Tire niedaja yũhu. Ñano yũhdũacjũta ahri yehpapũ ahtaũ. Sa yero yũhu ñano yũhdũati pje yojopure ijirota nine, ni yahuri usãre tiquireo buhenare.

²⁸ Sa yero ohõ saha nidi tiquireo Pacũrore:

—Mai, mũhu tutuagũ ijiyere yojopure ihñoña masare, nidi Jesu tiquireo Pacũrore.

Tiquireo sa nigũ ahmũsepũ yahuducuro ca tari:

—Tutuagũ yũhu ijiyere masare ihño tuhasaũ. Yojopure sa yegũ pari turi ihñoutja masare, nino ca tari.

²⁹ Tiquireo sa nigũ tuhoye topũ ducuyequina masa peyequina ohõ saha nidi:

—Upõ ijiaga sa bisiro, nidi masa.

—Angel Jesure yahuro nidi, nidi apequina masa.

³⁰ Ohõ saha nidi Jesu pehe:

—Uhmusepu sa bisiro yuhure taho dutiro niedari. MUSA pehere taho dutiro sa bisiro ca tari. ³¹Yojopure ahri yehpa cjēna tiquina ñaṇe yeri buhirire buhiri dahrerota tiquinare. Ahri yehpa cjēna puhtoro watīnore cohānota Cohācjū. ³²Sa yegū yuhure curusapu tiquina wahcō docogū peyequina masare yeequina ijiatiquinare yeitja yuhū, nidi Jesu.

³³Sa nino curusapu tiquiro yariatire yahuro nidi Jesu masare. ³⁴Tiquiro sa nigū tūhoye masa pehe tiquirore ohō saha nidi:

—Cohācjū yere tiquina ojoari pūrū ohō saha nine: “Cristo ijipihtiye decori ijirota”, ni ojoahye. ¿Tiquiro sa ni ojoagū mūhure masure Cohācjū ohorigure dūhse yeye curusapu wahcō docoetari masa mūhure? ¿Masuno Cohācjū ohoriquiro noa ijiajari tiquiro? ni sinituri tiquina.

³⁵Tiquina sa nigū ohō saha ni yūhtiri Jesu:

—Buhrioro mehna mari ihña masigū yero saha masare Cohācjū yere quehnoano masigū yeaja yuhū. Came cjūnogā mUSA mehna ijisi yuhū. MUSA yuhū buhegū yojopure tūhoya mUSA “Ñaṇe yeari”, nina, Cohācjū mehna mUSA sa ijiducuatire. Yuhū buheyere tūhoeyequina nahitiano tiniñequina yero saha tiquina wahatore masiedare. ³⁶Sa yegū buhrioro yero saha ijigū ijiaja yuhū. Sa yegū

mUSA buhegū Cohācjū yere quehnoano masigū yeaja mUSA. Yojopure yuhū wahato pano yuhure wacū tutuaya. Sa wacū tutuana yeequina ijinata mUSA, nidi Jesu.

Sa ni yahu tuhasa duhti cāa wahari.

Judio masa Jesure cahmedahye

³⁷Peye tahari Cohācjū tutuaye mehna tiquinare Jesu tiquiro ye ihñoepegūta peyequina judio masa tiquirore ne taho duerari. ³⁸Cohācjū yere tiquina ojoari pūrū Isaia mūnano tiquiro ojoariro sahata yeye nidi tiquina. Ohō saha ni ojoahye Isaia mūnano:

Cohācjū, mūhū buheyere usā yahugū masa ne taho duerare. Mūhū tutuayere tiquinare mūhū ye ihñoepegūta, tire “Poto ijierare”, nidi tiquina, ni ojoahye Isaia mūnano.

³⁹Tiquina sa taho dueragū ihñano Cohācjū tiquinare masiedagū yeri. Ti gūhure Isaia mūnano ohō saha ni ojoahye:

⁴⁰Caperi bajueyequina yero saha ijigū yee tiahye Cohācjū tiquinare. Sa yero tiquiro yere masiedagū yee tiahye tiquinare. Sa ye tiquiro tutuayere ihñaepecta tiquina ihñarire masiedare. Sa ye tiquiro buheyere tūhoepeta tire masiedare tiquina. Cohācjū

ye buheyere masiñe tiquina ñañe yerire cohã dutiboaya. Sa yero tiquinare yuhduoboaya tiquiro, ni ojoahye Isaia mñnano Cohãcjũ yere tiquina ojoari pũpũ.

⁴¹ Sa ni ojoaro Isaia Cristo tutuayere masino tiquiro nidiro sahata Cristore yahu ojoahye.

⁴² Apequina Jesure tiquina cahmedapegũta judio masa usã pũhtoa mehna cjẽna peyequina Jesure wacũ tutua, cahmedi. Sa cahmepeta tiquina fariseo masare cueye apequinare “Jesu yequina wahau usã”, ni yahu duerari. Tire tiquina yahugũ tũhoye Jesure tiquina cahmedi buhiri judio masa usã buheri wũhũpũ tiquinare sajã dutieraboaga fariseo masa pehe. ⁴³ Cohãcjũre bucuegũ ye duepeta ti yuhduoro fariseo masa pehere bucuegũ ye duari Jesure cahme dũcayequina. Sa ye tiquina “Jesu yequina wahau”, ni apequinare yahu duerari.

Jesu yahuyere tiquina tũho duerari buhiri masa buhiri tieta

⁴⁴ Sa ye Jesu tutuaro sañuducu, yahuri:

—Yũhũre wacũ tutuariquiro yũhũ dihitare wacũ tutuerare. Yũhũre ohoriquiro gũhũre wacũ tutuare tiquiro. ⁴⁵ Sa ye yũhũre masiñequina yũhũre ohoriquiro gũhũre masine. ⁴⁶ Buhrioro mehna mari ihña masigũ yero saha ahri

yehpapũ Cohãcjũ yere masigũ yei ahtaũ nii yũhũ. Sa yegũ Cohãcjũ yere masare masigũ yeaja. Ihcãquiro nahitiano wahariquiro yero saha ñañene yeducure. Yũhũre wacũ tutuariquiro tiquiro yero saha yesi. Yũhũre wacũ tutuariquiro potota tũhorota. ⁴⁷ Apequina yũhũ yahuyere tũhoepeta yũhũ nidiro saha yerare. Tiquina sa yerapegũta tiquina yerari buhirire buhiri dahresi yũhũ pehe tiquinare. Ahri yehpapũre buhiri dahregũ ahtagũ niedũ yũhũ. Ahri yehpa cjẽnare pecapũ wahaboriquinare yuhduoacjũ ahtagũ nii yũhũ. ⁴⁸ Yũhũre cahmeeñequina, yũhũ yahuye gũhũre cahmeeñequina buhiri dahrenohatiquina ijjeta. Tiquina yũhũ yahuyere tiquina tũhoerari buhiri ahri yehpa pihtiri deco ijigũpũ buhiri tieta. ⁴⁹ Yũhũ esa tuharo yeraja. Yũhũ Pacũ yũhũre ohoriquiro pehe yũhũre yahu dutiri. Sa yero yũhũ yahuye pehe tiquiro ye yahuducuyere ijire. ⁵⁰ Tiquiro ye yahuducuyere tũhona Cohãcjũ mehna sa ijiducunata mũsa. Sa yegũ yũhũ Pacũ tiquiro yahu dutiriro sahata yahuaja mũsare, nidi Jesu.

13

Jesu buheyequina dah-pocãrine coseahye tiquiro

¹ Sa ye pascua deco bose deco panogã ahri yehpare tiquiro cohã cãtore tiquiro Pacũro cahapũ tiquiro wahatore masidi Jesu. Sa yero

ahri yehpa cjēnare tiquiro yequinare tiquiro tutuaro cahīdi tiquina mehna tiquiro ijiro puno. Sa cahīducure tiquiro yequinare.

² Ti ñamine Jesu usā tiquiro buhena mehna usā ihyagū Juda Iscariotere Simo macunore Jesure ihña tuhtiyequinare ihño duti tuhasari jiri watīno pehe.

³ Sa yero mari Pacu Cohācjū Jesure ijipihtiyequina bui tiquiro pūhtoro sōrire masidi Jesu. Sa yero Cohācjū cahapū tiquiro ahtarire came uhmūsepū tiquiro mūjati gūhure masidi. ⁴ Sa masino wahcādūca, tiquiro suhtiro bui cjānore tu we ne, tore cū tuhasa, suhtiro cahsero mehna tiquiro pari yūju dūhteri. ⁵ Dūhte tuhasa, waparopū acore pio sāa, usā tiquiro buhena dahpocārine cose dūcari. Usāre cose tuhasa tiquiro dūhteri cahsero mehna wūori usā dahpocārine.

⁶ Apequina buheyequinare cose cā, Simo Pedropūre esari. Tiquiro dahpocārine tiquiro coseato pano Pedro pehe tiquirore ohō saha nidi:

—¿Pūhto, yūhū dahpocārine cosegū tūū niajari mūhū? nidi Pedro Jesure.

⁷ —Mianogā mūhūre yūhū yeatire masiedare mūhū. Sa masiedapegūta camepū masiita mūhū, nidi Jesu tiquirore.

⁸ —Yūhū dahpocārine ne cosesi mūhū, nidi Pedro.

—Mūhūre yūhū coseragū yaquiro ijisi mūhū, nidi Jesu.

⁹ —Pūhto, yūhū dahpocāri dihitare coseracāhña. Yūhū dahpocārine, yūhū omo-carine, yūhū dapu gūhure coseya, nidi Pedro.

¹⁰ Tiquiro sa nigū Jesu queoye mehna buhero ohō saha nidi:

—Ihcāquiro masano cuhsaro tiquiro pagūre quehnoano tu cose pehore. Sa yero pari turi tiquirore tu cosero cahmedare. Tiquiro dahpocāri dihitare tu cosero cahmene. Ijipihtina mūsa ñañe yerire coserina mūsa ijiepegūta ihcāquiro mūsa mehna cjāno tiquiro ñañene cosemehnediquiro ijire, nidi Jesu.

¹¹ Jesu tiquirore ihña tuhtiyequinare ihñoatiquirore masidi: Sa masino “Ihcāquiro mūsa mehna cjāno tiquiro ñañene cosemehnediquiro ijire”, nidi.

¹² Usā dahpocārine cose tuhasa, tiquiro suhtirore saña tuhasa, nuju sari tiquiro dūjiriropūta.

—¿Mianogā mūsare yūhū yerire masiajari mūsa? ¹³ Mūsa yūhūre “Buhegū”, ni pisuna, “Pūhto”, ni pisuna poto ninata nine mūsa yūhūre. Mūsare buhegū, mūsa pūhto potota ijiaja yūhū. ¹⁴ Sa yena yūhū mūsare buhegū, mūsa pūhto ijiepegūta mūsa dahpocārine yūhū cosegū ihñana mūsa gūhū mūsa mehna cjēna dahpocārine coseya. ¹⁵ Mianogā mūsa yeatire mūsare ihñou. Mūsa mehna cjēnare mūsa yedohoatire ihñou. Mūsare

yuhū yeriro sahata mūsa gūhū yeya. ¹⁶ Ijirota niaja mūsare. Mūsa yuhū cahacjēna yero saha ijina yuhū bui ijierare. Mūsare buhe duti yuhū ohorina ijire mūsa. Sa yena yuhū bui ijierare mūsa. Sa yegū “Yuhū yeriro sahata yeya”, nii mūsare. ¹⁷ Ahrire masina, yuhū dutiyere yena, bucuena ijinata mūsa.

¹⁸ Mūsare ijiptinare sa niedaja. Yuhū beseriquinare masiaja yuhū. Cohācjū tiquiro yere tiquina ojoari pūpū tiquiro ni ojoariro sahata wahaarota. “Yuhū mehna ihyariquirota yuhūre wejē duari”, ni ojoahye Cohācjū yere tiquina ojoari pūpū. ¹⁹ Tiquiro sa yeato pano ahrire yahuyugū niaja mūsare. Yuhūre tiquiro sa yeri bato, “Jesuta Cristo Cohācjū ohoriquirota ijire”, mūsa niatire ahrire mūsare yahuyugū niaja yuhū. ²⁰ Ijirota mūsare niaja. Yuhū ohoriquinare cahmediquiro yuhū gūhūre cahmene tiquiro. Sa yero yuhūre cahmediquiro yuhūre ohoriquiro gūhūre cahmene tiquiro, nidi Jesu usāre tiquiro buhenare.

Juda Jesure ihña tuhtiyequinare tiquiro ihñootore yahuahye Jesu

(Mt 26.20-25; Mr 14.17-21; Lc 22.21-23)

²¹ Sa ni yahu tuhasa Jesu tutuaro bujūa witiri. Sa bujūa witiro yahuri tiquiro usāre.

—Ijirota mūsare niaja. Ihcāquiro mūsa mehna cjāno

yuhūre ihña tuhtiyequinare yuhūre ihñonota, nidi Jesu.

²² Tiquiro sa nigū tūhona Jesure ihñootiquirore masiedana, usā basi cahme ihñau. ²³ Jesu buheyequina mehna cjū yuhū, Jesu cahīdigu ijii. Sa yegū tiquiro cahapū pari paha dujii. ²⁴ Sa yero Simo Pedro yuhūre tiquiro omoca mehna sinituri:

—¿Jesure ihñootiquiro noa pehere nino niajari Jesu? Yahuya usāre, nino, tiquiro omoca mehna sinituri Pedro.

²⁵ Tiquiro sa nigū yuhū pehe Jesu cahapū dujirigu sinituu tiquirore:

—¿Pūhto, noare nigū niajari mūhū? nii yuhū.

²⁶ —Ahrira pāre dahra waha ne, yuhū ña mio yuhū ohoatiquiro pehe tiquirota ijire yuhūre ihñootiquiro, nidi Jesu.

Sa ni tuhasa pāre tiquiro dahra waha nedirore ña mio tuhasa tire Simo Iscariote macūnore Judare ohori. ²⁷ Sa yero pāre tiquiro ñehedi bato watīno pehe Judare ñano ye dutiri jiri. Sa yero Jesu tiquirore ohō saha nidi:

—Mūhū yeatore sojaro mehna ye madoqueohya mūhū, nidi Jesu Judare.

²⁸ Tiquiro sa nigū tūhona usā mesapū dujina, Jesu Judare tiquiro nidire quehnoano masieda.

²⁹ Ihquēquina ohō saha ni tūhotumi: “Juda usā niñerure ihboriquiro ijire. Sa yero bose deco usā ihyatire dú dutiro ohori Jesu Judare. O pejecūoyequinare niñerure oho dutiro niboaga Jesu”,

ni tuhotumi usã ihquẽquina.
 30 Sa yero Juda ti pãre ñehe tuhasa, wijiaa wahari. Tiquiro wijiaru pje ñami ijiri.

Wahma dutirore yahuahye Jesu

31 Tiquiro wijiaru bato ohõ saha nidi Jesu:

—Yojopu pũritare yuhu masu Cohãcjũ ohorigu yuhu tutuagu yuhu ijiye tiyere ihñonota Cohãcjũ masare. Sa yegu Cohãcjũ tiquiro tutuariquiro ijiyere ihñoutja yuhu pehe. 32 Sa yegu Cohãcjũ tiquiro tutuayere yuhu ihñogũ tiquiro pehe yuhu tutuaye gũhure yojopu pũritare ihño madoqueorota.

33 Yuhu pohna yuhure tuhoya. Meheñe decorigã musa mehna ijinigtja. Yuhu wahari bato yuhure macanata musa. Sa yegu mari acaye judio masare yuhu nidiro sahata musa gũhure niaja. “Yuhu wahatore musa pehe waha masiedare”, tiquinare yuhu nidiro sahata musa gũhure yahuaja. 34 Wahma dutirore musare yahugutja. Musu mehna cjẽnare cahĩña musa. Musare yuhu cahĩdiro sahata, musa mehna cjẽnare cahĩña. 35 Sa yena musa mehna cjẽnare musa cahĩgũ ihñañe, yeequina musa ijiyere masieta apequina, nidi Jesu usãre.

“Jesure masiedaja”, Pedro tiquiro niatire yahuahye Jesu (Mt 26.31-35; Mr 14.27-31; Lc 22.31-34)

36 Tiquiro sa nigũ Simo Pedro Jesure sinituri:

—¿Pũhto, nohopu wahautjari mahu? nidi Pedro.

—Yuhu wahatopure yojopure yuhu mehna waha masiedare mahu. Yojopure waha masiedapeguta came yuhu cahapu wahauta mahu, nidi Jesu Pedrose.

37 —¿Pũhto, duhsegu yojopure mahu mehna waha masiedaboari yuhu? Yuhure tiquina wejẽ duepeguta mähure ne duhuse yuhu, nidi Pedro Jesure.

38 —¿Yuhure ne duhueragutari mahu? Poto mähure yahutja. Canaca tiquiro yahuato pano “Jesure masiedaja”, niita mahu apequinare. Ihtia taha sa niita mahu, nidi Jesu Pedrose.

14

Jesu Cohãcjũ cahapu wahari maha yero saha ijire

1 Came Jesu usãre ohõ saha ni yahuri:

—Ne bujna witi, pajiro wacũedacãhña. Cohãcjũre wacũ tutuaya. Sa yena yuhu gũhure wacũ tutuaya. 2 Yuhu Pacu tiquiro ijiropure peye wuhuse ijire. Musu ijiatore quehnoyugu wahagutja. Ti ijirota ijire. Sa yegu musare tire yahuaja. 3 Sa yegu musa ijiatore quehno tuhasa, tojoa taatja yuhu. Sa yegu yuhu cahapu musa ijiatire musare negu ahtaatja yuhu. 4 Sa yena yuhu wahati mahare masine musa, nidi Jesu usãre tiquiro buhenare.

5 —Pũhto, mahu wahatore masiedaja usã. ¿Sa yena

duhse ye mahu wahati mahare masinatari usã? ni sinituri Tomasu Jesure.

⁶ Tiquiro sa ni sinitugã Jesu yahuri:

—Cohãcjũ caharu wahagũ yegu ijiita niaja yahu. Sa yegu poto ijiyere yahugu ijiita niaja yahu. Sa yegu ahmusepure catiducugũ yegu ijiita niaja yahu. Sa ye yeequina dihita yahu Pacu caharu wahaeta. ⁷ Yuhure masina, yahu Pacu gũhure masiboya musa. YojoPURE tiquirore ihñari musa. Sa yena tiquirore masi tuhasare musa, nidi Jesu usãre.

⁸ Tiquiro sa nigã Felipe ohõ saha nidi:

—Puhto, mari Pacure ihñoña usãre. To punota ihña duaja usã, nidi tiquiro.

⁹ Tiquiro sa nigã Jesu yahuri:

—¿Felipe, yoari pje yahu mehna ijiepegata, mahu masiedajari yuhure? Yuhure ihñariquiro yahu Pacu gũhure ihña tuhasari. ¿Sa yegu “Mari Pacure ihñoña usãre”, nigu duhsegu sa nijari mahu yuhure? ¹⁰ Yuhu, yahu Pacu mehna puana ijiepenata ihcãta ijiaja. ¿Tire “Poto ijierare”, niimeje nijari mahu? Musare yahugu yahu esa tuharo yahugu niedaja. Yuhu Pacure yahu basagu niaja. Sa yero tiquiro yahu mehna ijiriquiro tiquiro tutuaye mehna ye ihñore. ¹¹ Yuhu, yahu Pacu mehna puana ijiepenata ihcãta ijiaja. Tire “Ijirota ijire”, ni wacũña musa. Tire “Ijirota

ijire”, niedana, Cohãcjũ tutuaye mehna yahu ye ihñore wacũna, yahu Pacu mehna yahu ihcãta ijiyere “Ijirota ijire”, ni wacũña musa. ¹² Ijirota musare niaja. Yuhure wacũ tutuariquiro yahu yeriro sahata yerota. Sa yero tiquiro pehe yahu yuhdoro yerota. Yuhu Pacu caharu tojoa wahu tuh niaja yojoPURE. Sa yero yuhure wacũ tutuariquiro yahu yuhdoro Cohãcjũ tutuaye mehna ye ihñonota. ¹³ Sa yegu yuhure wacũ tutuayequina tiquina sinino punota yeitja. Sa yegu yahu Pacu tiquiro tutuariquiro ijiyere ihñoutja. ¹⁴ Yuhure wacũ tutuana musa ijigã musa sinino punota yeitja, nidi Jesu.

—*Espíritu Santore musare ohoutja, ni yahuahye Jesu*

¹⁵ Sa ni tuhasa ohõ saha ni nemori:

—Yuhure musa cahina, yahu dutiyere quehnoano ye pehonata. ¹⁶ Yuhu Pacure siniitja. Yuhu sa sinigã yahu Pacu pehe apeqirore musare yedohoatiquirore musare ohorota. Sa yero tiquiro musare yedohoa-tiquiro pehe ijipihtiye decori musa mehna ijirota. ¹⁷ Tiquiro poto yahuriquiro Espiritu Santota ijire. Ahri yehpa cjëna pehe Espiritu Santore masiedare. Sa ye tiquirore cho masiedare. Tiquirota musa mehna ijirota. Sa yena musa pehe tiquirore chonata. Sa yena tiquirore masine musa. ¹⁸ Musare cohãsi yahu. Musa

mehna ijigū tagū, tojoa taŭtja yahu. ¹⁹ Sa ijiepegūta mehenogā dūhsare yahu wahato. Yahu wahari bato ahri yehpa cjēna yahure wacū tutueyequina yahure pari turi ihñasi. Mūsa pehe yahure ihñanata. Yahu catigū ijigū mūsa gūhu ijipihtiye decori Cohācjū mehna catinata. ²⁰ Ti deco yahu tojoa tati deco yahu Pacu mehna ihcūta usā ijigū masinata mūsa. Sa yegu yahu mehna cjāna mūsa ijigū mūsa mehna cjū yahu ijigū gūhure masinata mūsa. ²¹ Yahu dutiyere yeriquiro yahure cahñiquirota ijire. Sa yero yahure cahñiquirore yahu Pacu pehe cahñota. Sa yegu yahu gūhu tiquirore cahñitja. Sa ye yahure quehnoano masigū yeitja tiquirore, nidi Jesu usāre tiquiro buhenare.

²² Usā mehna cjāno apequiro Juda wame tiriquire ijiri. Juda Iscariote Jesure ihña tuhtiyequinare ihñoatiquiro ijierari tiquiro. Apequiro Juda ijiri. Sa yero tiquiro Jesure sinituri:

—¿Pūhto, dūhse yeitjari mūhu usāre sa nigū? ¿Ahri yehpa cjēnare mūhure masigū yeragū, yabere yeitari mūhu usā dihitarē mūhure masigū yegu? ni sinituri Juda.

²³ Tiquiro sa nigū tūhoro Jesu tiquirore yahuri:

—Yahure cahñequina, yahu dutiyere quehnoano yeye nine. Tiquina sa yegū yahu Pacu pehe tiquinare cahñota. Sa yena tiquina mehna ijina ahtanatja usā. ²⁴ Yahure cahñiquiro yahu dutiyere

yerare. Sa ye yahu yahuye mūsa tūhori pehe yee yahuye ijierare. Yūhure ohoriquiro ye yahuye pehe ijire. Tiquiro yahu Pacu ta ijire.

²⁵ Mūsa mehna ijinigū ahrire mū sare yahugū ni-aja. ²⁶ Came yahu sinigū yahu Pacu Espiritu Santore ohorota mū sare. Sa yero Espiritu Santo pehe mū sare yedohoatiquiro ijiro, mū sare buhe pehorota tiquiro. Sa yero mū sare yahu yahurire mū sare wacūgū yerota tiquiro.

²⁷ Mū sare quehnoano ijigū yeitja yahu. Yahu quehnoano ijiriro sahata quehnoano ijigū yeitja yahu mū sare. Ahri yehpa cjēna tiquina ni mehoriro sahata yesi yahu mū sare. Yahu pūrita potota quehnoano ijigū yeitja mū sare. Būjua witi pajiro wacūedacāhña mū sa. Sa yena cueracāhña mū sa. ²⁸ “Yahu wahatja. Sa yegu mū sa mehna ijigū tagū tojoa taŭtja”, mū sare yahu sa ni yahugū tūho tuhasari mū sa. Tire tūhona, bucueboaya mū sa. Yūhure mū sa poto cahña, bucueboaya mū sa. Yahu Pacu pehe yahu yūhdūoro tutuare. Sa yena tiquiro cahapū yahu wahatore mū sa masidi bato yūhure cahña, bucueboaya mū sa. ²⁹ Mū sa yūhure wacū tutuatire yahu wahatore yahuyugū niaja mū sare.

³⁰ Ahri yehpa cjēna pūhtoro wafino pūhtoro ijiro taro nine yojopare. Tiquiro sa ijiro tagū yahu mū sa mehna yahu yahuducu bato tiati pje

mehenogã dũhsare. Tiquiro pehe yũhũre yũhdũdũca masiedare. ³¹ Sa yegu yũhũre yũhũ Pacũ tiquiro dutiriro sahata yeaja yũhũ. Sata yeaja yũhũ, yũhũ Pacũre yũhũ cahĩĩene ahri yehpa cĩẽna tiquina masiatire. Wahcãdũcaya. Isa wahana, nidi Jesu usãre tiquiro buhenare.

15

Jesu uhse da yero saha ijiriquiro ijire

¹ Came queoye mehna buhero usãre ohõ saha nidi Jesu:

—Yũhũ potota uhse da yero saha ijigũ ijiaja. Yũhũ Pacũ pehe uhse dare ihña ihboriquiro yero saha ijire.

² Yeequina uhse da dũpũri yero saha ijieyequina yũhũ mehna cĩẽnata ijire. Uhse da dũpũri dũca marieñe dũpũrĩre ihña ihboriquiro tiquiro pehe cohãriro saha yũhũ Pacũ tiquiro cahmeñene yerariquinare cohãre. Dũca tiye dũpũrĩre ihña ihboriquiro tiquiro quehnoriro saha yũhũ Pacũ tiquiro cahmeñene yeyequinare yedohorota tiquiro, “Yũhũ cahmeñene ye nemoahdo”, nino. ³ Yeere tahona, “Ijirota ijire”, nidi mũsa. Sa yero yũhũ Pacũ mũsa ñaĩe yerire cohã tuhasari. ⁴ Yũhũ mehna cĩãna ijiya mũsa. Sa yegu mũsa mehna ijiitja. Uhse da dũpũri uhse da mehna wahñaedaye dũpũri ijiye, ti dũpũri pehe dũca mariedare.

Sata yũhũ mehna cĩãna ijierana, yũhũ Pacũ cahmeñene ye masiedare mũsa.

⁵ Yũhũ uhse da yero saha ijigũ ijiaja. Mũsa pehe ti da dũpũri yero saha ijina ijire. Yũhũ mehna cĩãno mehna yũhũ ijigũ dũca tiye dũpũri yero saha tiquiro yũhũ Pacũ cahmeñene yere. Yũhũ mehna cĩãna ijierana yũhũ Pacũ cahmeñene ye masiedare mũsa. ⁶ Ñaĩe dũpũrĩre tiquiro cohãboriro saha yũhũ mehna cĩẽna ijieyequinare yũhũ Pacũ cohãnota. Ti dũpũri ñai dijiaa wahagũ uhse dare ihña ihboriquiro ti dũpũrĩre ne cahmecoa pecarũ ujũa cohãnota. Sata yerota Cohãcĩũ yũhũ mehna cĩẽna ijieyequinare.

⁷ Yũhũ mehna cĩãna ijina, yũhũ buheyere boeraboaga mũsa. Sa boerana, mũsa cahmeno punota siniña. Sa yegu mũsa sinino punota ye basantja. ⁸ Yũhũ Pacũ cahmeñene yena mũsa ijigũ ihñaĩe “Jesu yequina ijire ahriquina”, ni masieta masa. Sa ye mũsare ihñaĩe yũhũ Pacũre ño peoeta. ⁹ Yũhũ Pacũ yũhũre tiquiro cahĩdiro sahata mũsare yũhũ gũhũ cahĩe tii. Yũhũ cahĩna ijiducuya mũsa. ¹⁰ Yũhũ cahĩnequina ijiducyeyequina yũhũ dutiyere yere. Yũhũ Pacũ ye dutiyere yeaja yũhũ. Sa yegu tiquiro cahñogu ijiducujaja yũhũ. Sata mũsa gũhũ yũhũ dutiyere yena yũhũ cahĩna ijiducunata mũsa.

¹¹ Ahĩre mũsare yahuu yũhũ mehna mũsa quehnoano

bucueatire. Sa yena tutuaro bucuenata m̄sa. ¹² Ohõ saha dutiaja m̄sare: M̄sare yuh̄u cahĩdiro sahata m̄sa mehna cj̄ena ḡuh̄are cahĩña. ¹³ Ihc̄aquiroy mas̄no tiquiro mehna cj̄ano ye buhiri yariaro tiquiro mehna cj̄anore tutuaro cahĩne, apequina tiquina cahĩdiro yuh̄d̄uro. ¹⁴ Sa yena yuh̄u dutiyere yena yuh̄u mehna cj̄ana ijire m̄sa. ¹⁵ Potota yuh̄u mehna cj̄ana waro ijire m̄sa. M̄sa sa ijigũ ijipihtiyey yuh̄u yerire yahuaaja m̄sare. Cahacj̄ano tiquiro p̄h̄toro yerire masiedare tiquiro. Sa yegũ “Yuh̄u cahacj̄ana ihyo ijina ijire m̄sa”, m̄sare niedaja. Yuh̄u Pacũ yuh̄ure tiquiro yahurire m̄sare yahu pehou. Sa yahugũ “Yuh̄u mehna cj̄ana ijire m̄sa”, m̄sare niaja yojop̄re. ¹⁶ M̄sa pehe yuh̄ure ne beserari. Yuh̄u pehe m̄sare besei yuh̄u Pacũ cahmeñene m̄sa yeatire. M̄sa sa yegũ m̄sa yeye ne ihyo waro ijisi. Ahri deco yoaro punota sa ijiducuati ijire m̄sa yeye. M̄sa sa yegũ yuh̄ure m̄sa wacũ tutuagũ yuh̄u Pacũre m̄sa sinino punota tiquiro m̄sare ohorota. ¹⁷ Ahrire m̄sare dutiaja yuh̄u: M̄sa mehna cj̄enare cahĩña m̄sa, ni yahuri Jesu.

Jesure tiquiro yequina ḡuh̄are ahri yehpa cj̄ena ihña tuhtire

¹⁸ Sa yero tiquiro yahu nemori:

—Ahri yehpa cj̄ena m̄sare tiquina ihña tuhtigũ ihñana

ahrire wacũña m̄sa: M̄sare tiquina ihña tuhtiatoy pano yuh̄u pehere ihña tuhti m̄htari tiquina. ¹⁹ Coh̄c̄j̄ure cahmedana m̄sa ijigũ, ahri yehpa cj̄ena tiquina cahme cahĩdiro sahata m̄sa ḡuh̄are cahĩboaya tiquina. Ahri yehpa cj̄ana m̄sa ijigũ m̄sare besei. Sa yena yojop̄re ahri yehpa cj̄ana waro ijierare m̄sa. M̄sa sa ijieragũ ihñañe ahri yehpa cj̄ena m̄sare ihña tuhtire. ²⁰ “Yeequina ijina m̄sa yuh̄u bui ijierare”, m̄sare yuh̄u nidire wacũña m̄sa. Sa yena yuh̄u docapũ ijina yuh̄u ñano yuh̄d̄uriro sahata ñano yuh̄d̄unata m̄sa ḡuh̄u. Yuh̄ure ñano yeriquinata m̄sa ḡuh̄are ñano yeeta. Yuh̄u buhegũ yuh̄tirikuinata m̄sa buhegũ ḡuh̄are yuh̄tietia tiquina. ²¹ Ahri yehpa cj̄ena yuh̄ure ohoriquirore masiedare. Sa ye yuh̄ure wacũ tutuana m̄sa ijigũ ihñañe tiquina ñano yeeta m̄sare.

²² Tiquinare yuh̄u buhegũ ahtaeragũ yuh̄ure tiquina cahmedari buhiri, buhiri mariedaboaya. Yojop̄re tiquinare yuh̄u buheri bato “Ñañe buhiri mariedare us̄are”, ni masiedare tiquina. ²³ Yuh̄ure ihña tuhtirikuiroy yuh̄u Pacũ ḡuh̄are ihña tuhtire. ²⁴ Coh̄c̄j̄u tiquiro tutuaye mehna apequina tiquina ne yerarire ye ihñou. Sa ye tiquinare tire yuh̄u ye ihñoadagũ tiquinare ñañe buhiri mariedaboaya. Coh̄c̄j̄u tutuaye mehna yuh̄u

ye ihñorire tiquina ihñari bato yuhure yuhū Pacu gūhure ihña tuhtire tiquina. ²⁵ Sa ihña tuhtiyē Cohācjū yere tiquina ojoari pūpū duitapūta tiquiō ni ojoariro sahata yeye nidi tiquina. Ohō saha ni ojoahye: “Tiquinare yuhū ñano yerapegūta yuhure ihña tuhtire tiquina”, ni ojoahye duitapūta Cohācjū yere tiquina ojoari pūpū.

²⁶ Yuhū batopū mūsare yedohoatiquiō, yuhū Pacu mehna ijiriquiō mūsare yuhū ohoatiquiō Espiritu Santota ijire. Tiquiō potota yahuriquiō ijire. Sa yero tiquiō ahtarō, yuhū ijiye tiyere yahurota mūsare. ²⁷ Masare yuhū buhe ducagūpūta mūsa gūhū decoripe yuhū mehna ijiducuri. Sa yena mūsa gūhū yuhū ijiye tiyere yahunata apeqinare, ni yahuri Jesu.

16

¹ Sa ni tuhasa usāre ohō saha ni yahu nemori:

—Came yuhū buheyere yuhū gūhure mūsa cohādatire ahrire ijiphtiyere yahū mūsare. ² Judio masa mari buheye wuhūsepū mūsa sajā duagū mūsare sajā dutisi yequina mūsa ijiri buhiri. Sa ye ape tahapū mūsare wejē, “Cohācjū cahmeñene yena niaja”, ni tūhotuetamaga apeqina. ³ Sa ye yuhū Pacure, yuhū gūhure tiquina masiedare. Sa masiedaye mūsare ñano yeeta tiquina. ⁴ Sa yena mūsare ñano tiquina yegū ihñana “Tiquina ohō

saha yeato panota Jesu yahu tuhasari usāre”, ni wacūnata mūsa. Mūsa sa ni wacūatire yojopūre ahrire yahu mūhtagū niaja mūsare, ni yahuri Jesu.

Espiritu Santo tiquiō yeatire yahuahye Jesu

Sa ni tuhasa ohō saha ni yahu nemori:

—Coā waropūre mūsa mehna ijigū ahrire mūsare yahuerū. ⁵ Yojopū pehere yuhure ohoriquiō cahapū wahaūtja. “¿No-hopū wahaūtjari mūhū?” yuhure ni, ihcāquiō borota ne sinituerari mūsa. ⁶ Sa sinituerapenata yuhū wahaūtire mūsare yuhū yahu mājagū mūsa ñano jeripohna tire. ⁷ Mūsare ijirota yahugūta niaja. Yuhū wahari bato mūsare quehnoanota. Yuhū wuhūsepū wahaeragū mūsare yedohoatiquiō pehe ahtaeraboaya.

Wahagū mūsare tiquiōre oho dijioutja yuhū. ⁸ Yuhū sa oho dijiogū tiquiō ahtarota. Sa wihiro ahri yehpa cjēna ñañe yeyequina tiquina ijiyere tiquinare masigū yerota tiquiō. Sa yero quehnoano ijiye tiye gūhure buherota tiquiō masare. Sa yero Cohācjū masare tiquiō buhiri dahreato gūhure yahurota masare yedohoa-tiquiō pehe. ⁹ Yuhure wacū tutueyequina ijire ahri yehpa cjēna. Sa yero yedohoatiquiō pehe masa ñañe yeyequina tiquina ijiye tiyere tiquinare masigū yerota. ¹⁰ Yuhū Pacu cahapū

wahautja. Yuh̄u sa wahari bato masa yuh̄ure ihñasi. Sa yero quehnoano ijiye tiye ḡuh̄ure buherota yedohoat-
tiquiro pehe. ¹¹ Ahri yehpa c̄jēna p̄ah̄torore wat̄n̄ore Coh̄ācj̄ū buhiri dahre duti tuhasari. Sa yero Coh̄ācj̄ū masare tiquiro buhiri dahreati ḡuh̄ure yahurota yedohoatiquiro pehe.

¹² Pajiro ijire m̄sare yuh̄u yahuati. Yuh̄u sa yahu nemo duepeḡata tire yuh̄u yahuḡū yojop̄u masinisi m̄sa. Sa yena yojop̄ure quehnoano tuhosi m̄sa. ¹³ Yuh̄u sa yahu nemoedaḡū Esp̄ritu Santo pehe m̄sare yahu nemono ahtarota. Tiquiro esa tuharo m̄sare yahusi. Tiquirore yuh̄u Pac̄u yahu dutirire tiquiro yahurota m̄sare. Sa yero m̄sare poto yahu pehorota. Sa yero “Camep̄u oh̄o saha waharota”, ni yahurota tiquiro m̄sare. ¹⁴ Sa yero yeere m̄sare tiquiro yahurota. Sa yahuro yuh̄ure ño peoḡū yerota masare. ¹⁵ Ijipihtiye yuh̄u Pac̄u ye, yee ḡuh̄u ijire. Sa yeḡu “Esp̄ritu Santo pehe yeere yahurota m̄sare”, nii m̄sare, ni yahuri Jesu.

—*Buj̄ua witina ijiepenata came bucuenata m̄sa, ni yahuahye Jesu*

¹⁶ Sa ni tuhasa oh̄o saha ni yahu nemori:

—Mehenoḡā bato m̄sa yuh̄ure ihñasi. Sa yena mehenoḡā bato m̄sa yuh̄ure ihñanata tja, nidi Jesu us̄are tiquiro buhenare.

¹⁷ Tiquiro sa niḡū tuhona, us̄a pehe meheñequinaḡā oh̄o saha ni yahuducuu us̄a basi:

—¿“Mehenoḡā bato m̄sa yuh̄ure ihñasi. Sa yena mehenoḡā bato m̄sa yuh̄ure ihñanata tja”, nino d̄uh̄se nino sa niajari marine? ¿Sa yero “Yuh̄u Pac̄u cahap̄u wahautja”, nino d̄uh̄se ijero boro marine sa niagari tiquiro? ¹⁸ ¿“Mehenoḡā bato”, nino d̄uh̄se nino sa niajari ahriquiro? Tiquiro ni yahurire quehnoano masiedaja mari, ni yahuducuu us̄a basi.

¹⁹ Us̄a sa ni yahuducuḡū Jesu tiquirore us̄a sinitu duarire masino, us̄are yahuri:

—¿“Mehenoḡā bato m̄sa yuh̄ure ihñasi. Sa yena mehenoḡā bato yuh̄ure ihñanata tja”, yuh̄u nidire sinitu duajari m̄sa? ¿Tire yuh̄u nidire masiedajari m̄sa? ²⁰ Ijirota m̄sare niḡu niaja. Yuh̄u yariaḡū ihñana m̄sa utinata. Sa yena tutuaro buj̄ua witinata. Sa ye yuh̄ure ño peoeyequina pehe bucueeta. M̄sa pehe buj̄ua witina ijiepenata, came bucuenata m̄sa. ²¹ Oh̄o saha ijire ti: Numino niji wahc̄ōno, ticoro ñano yuh̄d̄uato pano ijire. Sa yero ticoro tutuaro buj̄ua witiere. Sa buj̄ua witiereperota ticoro poh̄na tiri bato ticorore pur̄idire wac̄ūedare ticoro. Nijinoḡā ahri yehpap̄u tiquiro masa bajuaḡū ticoro bucuere. Sa yero ticorore pur̄idire

wacũedare. ²² Sata m̄sa yo-
jop̄re buj̄na witinata. Came
m̄sare ih̄nautja. Sa yena
m̄sa tutuaro bucuenata.
M̄sa sa bucuẽgũ apequina
m̄sare buj̄na witiġũ ye
masisi.

²³ 'Ti deco m̄sa yuh̄re
ih̄nari deco yuh̄re sinitusi
m̄sa. Masi tuhasarinap̄
ijinata. Ijirota m̄sare
niġũ niaja. Yuh̄re m̄sa
wacũ tutuagũ ih̄nano yuh̄
Pac̄re m̄sa siniñene tiq̄iro
m̄sare ohorota. ²⁴ Ahri deco
pano yuh̄ tutuaye mehna
Coh̄c̄jũre siniedarĩdi m̄sa.
Yuh̄re wacũ tutuatjiãna
Coh̄c̄jũre siniña. M̄sa sa
sinigũ m̄sa sinidire m̄sare
ohorota, m̄sa quehnoano
bucueatire, nidi Jesu us̄re.

*Ñañequinare Jesu pehe
yuh̄duducahye*

²⁵ Sa ni tuhasa oh̄ saha ni
nemori:

—Queoye mehna m̄sare
yahue tii. Sa yahuepegũta
came m̄sare queoye mehna
yahusi yuh̄. Sa yahueragũ
yuh̄ Pac̄ pehere quehnoano
poto yahutja m̄sare. ²⁶ Ti
decore m̄sare yuh̄ Pac̄re
sini basasi yuh̄. Yuh̄re
wacũ tutuana, m̄sa basi
tiq̄irore sininata. ²⁷ M̄sa
yuh̄re cah̄ne. Sa yena yuh̄
Pac̄ cahap̄ yuh̄ ahtarigũ
ijigũ “Ijirota ijire”, nine
m̄sa. Sa nina m̄sa ijigũ
ih̄nano yuh̄re cah̄na m̄sa
ijigũ ih̄nano yuh̄ Pac̄ pehe
m̄sare cah̄ne. Tiquiro
sa cah̄gũ tiq̄irore m̄sa
sininata. ²⁸ Yuh̄ Pac̄ cahap̄
ijirigũ ahri yehpap̄re ahtaũ

yuh̄. Sa yegũ yojop̄re ahri
yehpap̄ ijirigũ yuh̄ Pac̄
cahap̄ wahaũtja, nidi Jesu.

²⁹ Tiquiro sa nigũ us̄
tiq̄iro buhena oh̄ saha nii:

—Yojop̄ pũrita queoye
marieno yahuducugũ
quehnoano bajuro yahugũ
nine m̄h̄ us̄re. ³⁰ M̄h̄
quehnoano masi pehogũ
m̄h̄ ijigũ yojop̄ pũritare
us̄ masiaja. Sa ye apequina
m̄h̄re buhe masiedare.
Tire yojop̄re us̄ quehnoano
masiaja. Us̄ quehnoano
masina, Coh̄c̄jũ cahap̄
ahtarigũ m̄h̄ ijigũ “Ijirota
ijire”, niaja us̄, nii us̄ Jesure.

³¹ Us̄ sa nigũ Jesu yuh̄tiri
us̄re:

—¿Yojop̄re “Ijirota ijire”,
niajari m̄sa? ³² Came c̄jũno
ijipihtina m̄sa wuh̄sep̄
waha sitena, yuh̄re coh̄nata
m̄sa. M̄sa sa coh̄epegũta
yuh̄ Pac̄ pehe yuh̄
mehna ijire. Sa yegũ yuh̄
ih̄c̄ta ijieraja. ³³ Ahrire
m̄sare yahu m̄htaũ, yuh̄re
m̄sa wacũ tutuaye mehna
m̄sa quehnoano ijiatore.
Coh̄c̄jũre cah̄meeñequina
cahap̄ m̄sa ijigũ ñano yeeta
m̄sare tiquina. Tiquina
sa yepegũta bucuẽya m̄sa.
Ahri yehpa c̄jẽna tiquina ñañe
yerire yuh̄duducagũ ijiaja
yuh̄. Sa yena yuh̄re wacũ
tutuana bucuẽya m̄sa, nidi
Jesu us̄re tiq̄iro buhenare.

17

*Jesu tiq̄iro buheye-
quinare Coh̄c̄jũre sini
basahye*

1 Sa ni yahu tuhasa Jesu aħmuanopu ihña mho, Cohãcjãre ohõ saha ni yahuducuri:

—Mai, yojopure mahu yahu queoriro sahata yahure ñano tiquina yeati pje esarota nine. Yahure mahu macure masare ño peogũ yeya. Mahu sa yegũ mahure masare ño peogũ yeitja yahu gũh.

2 Ijipihtiequina puhto yahure cũri mahu. Sa yegu yahure mahu ohoriquinare mahu mehna sa ijiducugũ yeitja yahu. Sa yegu mahure masare ño peogũ yeitja yahu. ³ Mahu dihita Cohãcjũ waro ijire. Yahu Jesucristo mahu ohorigu ijjaja. Sa ye ijipihtiequina mahure masiñequina, yahu gũhure masiñequina aħmusepu mari mehna sa ijiducuetã, nidi Jesu.

4 Sa ninota ohõ saha ni nemori mari Pacure:

—Ahri yehpare mahu ye dutirire ye peho tuhasa yahu. Sa yegu mahure masare ño peogũ yei yahu. ⁵ Ahri yehpa ijiato pano mahu mehna yahu ijigũ ijipihtiequina yahure tiquina ño peo mahtariro sahata yojopure yahure tiquina ño peogũ yeya tja.

6 'Ahri yehpare ijiequinare yahure mahu ohoriquinare mahure masigũ yei. Mahu ohoriquina mahu yequina ijire. Sa yegu tiquinare ohori mahu yahure. Sa ye mahu dutiyere yeri tiquina. ⁷⁻⁸ Yahure mahu yahurire tiquinare buhei.

Yahu sa buhegũ tahoye yahu buheyere cahmedi tiquina. Sa ye potota mahu cahapu ahtarigu yahu ijigũ masine tiquina. Sa ye mahu ohorigu yahu ijigũ "Ijirota ijire", ni tahoture tiquina. Sa ye ijipihtie yee mahu ye ti ijigũ masine tiquina.

9 'Tiqinare mahure sini basagu niaja. Apequina pehere sini basagu niedaja yahu. Yahure mahu ohoriquina mahu yequina ijire. Sa yegu tiquinare sini basagu niaja mahure.

¹⁰ Tiquina ijipihtiequina mahu yequina ijire. Sa ye mahu yequina pehe yequina ijire. Yahure wacũ tutuaye yahu tutuagu ijiyere masigũ yere tiquina masare.

¹¹ 'Yojopure ahri yehpare tojoasi yahu. Mahu cahapu waha tũ niaja. Yahu sa wahaepẽgũta yojopure yahure mahu ohoriquina ahri yehpare tojoare. Mai, mahu quehnoagu ijire. Yahure mahu ohoriquinare mahu tutuaye mehna ihña ihbo basaya. Mahu sa ihña ihbogũ mari ihcũta mari ijiro saha tiquina gũh ihcã curuata ijjahro. ¹² Tiquina mehna ijigu mahu tutuaye mehna tiquinare quehnoano ihña ihbou. Ihcãquiro pũrita pecapu waharota mahu yere tiquina ojoari pũpu yahuriro sahata.

¹³ 'Yojopure mahu cahapu waha tũ niaja. Sa yegu ahri yehpare ahri ijipihtiyere yeequinare yahuaja yahu mehna tiquina quehnoano

bucueatire. ¹⁴ Mũhũ yere yahuu tiquinare. Tiquina gũhũ yũhũ yero sahata ahri yehpapũ iji dojoatiquina ijierare. Sa ye ahri yehpa cjẽna pehe tiquinare ihña tuhtire. ¹⁵ “Ahri yehpapũ ijieyquinare, yeequinare neahña”, niedaja. Yũhũ sa niedapegũta tiquinare quehnoano ihña ihboya. “Watĩno ñañene tiquinare ye dutiari”, nigũ, quehnoano ihña ihboya tiquinare. ¹⁶ Ahri yehpa cjũ ijieraja. Tiquina gũhũ yũhũ yero sahata ahri yehpapũ iji dojoatiquina ijierare. ¹⁷ Yeequinare mũhũ buheye mehna quehnoañequina yeya tiquinare. Mũhũ yahuye pehe ijirota ijire. ¹⁸ Ahri yehpapũ yũhũ ohoriro sahata yũhũ pehe yeequina gũhũre mũhũ yere buhe dutigũ ohou. ¹⁹ Mũhũ cahmeñene yegũ tagũ yariacjũ ijigũ yũhũ pagũre ohoaja. Sa yeaja yũhũ, yeequina gũhũ mũhũ cahmeñene pota tiquina quehnoano yeatire.

²⁰⁻²¹ ‘ “Yeequina yojopũre ijieyquina dihitarẽ yedohoya”, ni sini basaeraja yũhũ. Yeequina apequina gũhũre yeere tiquina buheri bato tiquina gũhũ yũhũre wacũ tutuaeta. Tiquina gũhũre yedohoya, yeequina ijipihtiyequina ihcã curua tiquina ijiro quehnoano. Yũhũ mũhũ mehna mari pũana ijiepenata ihcãta ijiaja. Ihcãta mari ijiro sahata tiquina gũhũ mari mehna ihcã curuata ijiahro. Ihcã cu-

ruata ijiahro, mũhũ ohorigũ yũhũ ijieyere ijipihtiyequina masa “Ijirota ijire”, tiquina niatire. ²² Yũhũre mũhũ tutuaye ohorire yeequinare ohou. Ti tutuayere cũoye, ihcãta mari ijiro sahata tiquina gũhũ ihcã curuata ijietã. ²³ Yũhũ tiquina mehna ijiaja. Sa yegũ mũhũ yũhũ mehna ijire. Mari sa ijigũ yeequina potota ihcã curuata quehnoano ijietã. Ihcã curuata tiquina ijigũ ihñañe mũhũ ohorigũ yũhũ ijieyere ahri yehpa cjẽna masieta. Sa ye yũhũre mũhũ cahĩdiro sahata yeequina gũhũre mũhũ cahĩñene masieta masa.

²⁴ ‘Mai, ahri yehpa iji dũcato pano yũhũre cahĩe tiri mũhũ. Sa cahĩgũ yũhũ tutuagũ ijieyere ihñori mũhũ. Sa yegũ yũhũre mũhũ ohoriquinare yũhũ mehna tiquina ijigũ cahmeaja, yũhũ tutuagũ ijieyere tiquina masiatire. ²⁵ Mai, mũhũ quehnoagũ ijire. Ahri yehpa cjẽna ñañequina mũhũre masiedare. Yũhũ pehe mũhũre masiaja. Sa ye mũhũ ohorigũ yũhũ ijigũ masine yeequina. ²⁶ Tiquinare mũhũre masigũ yei. Came gũhũre mũhũre tiquinare masigũ yeitja, yũhũre mũhũ cahĩdiro sahata apequinare tiquina cahĩatire. Sa yegũ yeequina mehna ijigũtja, nidi Jesu mari Pacũre.

18

Jesure peresu yeahye
(Mt 26.47-56; Mr 14.43-50;
Lc 22.47-53)

¹ Tiquiro sa nidi bato Jesu, usã gãhũ tiquiro buhena Cedrõ wame tiri mare pehã, olivo wame tiye cjũ wesepũ esau. ² Peye tahari ti wesepũ Jesu mehna cahmecoae tii. Sa yero Juda Jesure ihña tuhtiyequinare ihñoatiquiro ti wesere masidi. ³ Sa masino pũa curua surarare uhmũ tã cãhtari ti wesepũ Jesure ihñono taro. Ihcã curua surara waro ijiri. Ape curua surara Cohãcjũ wuhũre cohteyequina ijiri. Tiquina pahia pũhto, fariseo masa tiquina ohoriquina ijiri surara, Cohãcjũ wuhũre cohteyequina mehna. Sa ah-taye sihãñe pacare, sihãñe cjũ gãhũre sihã cãhtari. Tiquina wamo gãhũre ne cãhtari tiquina. ⁴ Ti wesepũ tiquina wihiri bato Jesu tiquiro ñano yuhduatire masino, tiquinare piti ca, sinituri:

—¿Noare macana niajari mũsa? nidi Jesu.

⁵ —Jesu Nazare cjãnore macaja usã, ni yuhtiri tiquina.

—Tiquiro tjaja yuhũ, nidi Jesu.

Juda pehe Jesure ñehe dutiro ihñoriquiro tiquina mehna ijiri. ⁶ Sa ye “Tiquiro tjaja yuhũ”, Jesu nigũta tiquina pehe tũho maria waha, du siti maa, yehpapũ bora quehe sari. ⁷ Tiquina sa wahagũ ihñano parĩ turi sinituri tiquinare Jesu:

—¿Noare macana niajari mũsa? nidi.

—Jesu Nazare cjãnore macana niaja usã, ni yuhtiri tiquina tja.

⁸ —“Yuhũ tjaja”, ni tuhasamigu yuhũ mũsare. Sa yena yuhũre ñehena ahriquinare yuhũ mehna cjẽnare peresu yeracãhña mũsa, nidi Jesu.

⁹ Sa usãre cahĩno ne ihcãquirore butigũ yerari. Sa yero to pano Cohãcjũre tiquiro nidiro sahata yero nidi tiquiro. “Yuhũre mũhũ ohoriquinare ne ihcãquiro boerũ”, tiquiro nidiro sahata yero nidi Jesu. ¹⁰ Sa ye Simo Pedro ñoseni pjĩne cuoro, ti pjĩne tuã we nedoqueo, pahia pũhtoro cahacjũno Malco wame tiriquire cahmonore dũte pahrẽ cãri. Poto pehe cjã cahmonore dũte pahrẽ cãri. ¹¹ Tiquiro sa dũte pahrẽgũ ihñano Jesu tiquirore ohõ saha nidi:

—Mũhũ ñoseni pjĩne ihboya. Yuhũ Pacũ yuhũre tiquiro ñano yuhdu dutiro sahata ñano yuhdutja yuhũ, nidi Jesu Pedore.

Pahia pũhtoro cahapũ Jesure neahye tiquina

(Mt 26.57-58; Mr 14.53-54; Lc 22.54)

¹² Tiquiro sa ni tuhasagũta surara, tiquina pũhtoro mehna, Cohãcjũ wuhũre cohteyequina surara gãhũ Jesure ñehe, tiquirore dũhteri. ¹³ Dũhte tuhasa Anás cahapũ nea mũhtari tiquina. Anás pehe Caifa mareino ijiri. Caifa pehe ti cahmare pahia pũhtoro ijiri. ¹⁴ “Judio masa ye ijiatire ihcãquiro masũno yariagũ quehnoanota”, nidiquire boro ijiri Caifa pehe.

—*Jesure masiedaja, ni-
ahye Pedro*

(Mt 26.69-70; Mr 14.66-68;
Lc 22.55-57)

¹⁵ Sa yena yuh̄u Simo Pedro mehna Jesure yoa cj̄unop̄u ih̄ña n̄n̄u t̄āu. Caifa ya w̄uh̄up̄u neañe nidi Jesure. Yuh̄u pehe pahia p̄uhtoro tiquiro ih̄ña masinoh̄ḡu ijiḡu Jesu bato p̄uhtoro ya w̄uh̄u ijiri sahr̄inop̄u sajã wahāu.

¹⁶ Yuh̄u sa sajãḡu Pedro pehe sahr̄ino sopecahap̄u tojoadāca sari. Sa yeḡu majare wijia ta, sopecahare cohtericorore sinituu. Yuh̄u sa sinitu tuhasaḡu ticoro Pedroro sajã ta dutiri. Ticoro sajã ta dutiri bato yuh̄u Pedroro ne sajãa wahāu.
¹⁷ Yuh̄u sa ne sajãḡu ih̄ñano sopecahare cohtericoro pehe Pedroro sinituri:

—¿Jesu buheyequina mehna cj̄u ijierajari m̄uh̄u? nidi ticoro Pedroro.

—Ijieraja yuh̄u, ni yuhtiri Pedro pehe.

¹⁸ Usã esato pano to cj̄ëna p̄uhtoa cahacj̄ëna, surara mehna tiquina sohmati pecare wijiã tuhasari jiri. Yuh̄uar̄idi. Sa ye tiquina ti peca d̄uht̄u caha ducuye, sohmañe nidi. Tiquina sa sohmaḡu ih̄ñano Pedro ḡuh̄u ahta, sohmani.

*Pahia p̄uhtoro Jesure sinitu-
ahye*

(Mt 26.59-66; Mr 14.55-64;
Lc 22.66-71)

¹⁹ Sa ye pahia p̄uhtoro Jesu buherire, usã tiquiro buhena ḡuh̄u sinituahye Jesure.

²⁰ Tiquiro sa sinituḡu Jesu pehe yuhtiahye tiquirore:

—Ijipihtiyequinare buheḡu tiquina ih̄ñoño ducuu. Sa buheḡu judio masa mari buheye w̄uh̄usep̄u Cohãcj̄u w̄uh̄up̄u ḡuh̄u sa buhedu-
cuu yuh̄u. Duhtitjiãḡu buheru yuh̄u.
²¹ ¿Duh̄seḡu yuh̄u sinituajari m̄uh̄u? Sinitu duaḡu yuh̄u buheyequinare sinituya. Yuh̄u buherire tiquina masine, ni yuhtiahye Jesu.

²² Tiquiro sa niḡu tuhoru top̄u ducuriquiro surara pehe tiquiro omoca mehna Jesure quẽahye.

—Sa niedacãh̄ña pahia p̄uhtorore, niahye surara pehe Jesure.

²³ Tiquiro sa niḡuta Jesu oh̄o saha niahye:

—Ñano yuh̄u ni yahudu-
curire yahuya yuh̄u. ¿Poto masare yuh̄u yahuepeḡuta, duh̄seḡu taḡu yuh̄u quẽajari m̄uh̄u? niahye Jesu surarare.

²⁴ Came Anás Jesure tiquina d̄uhteriquirore Caifa pahia p̄uhtoro cahap̄u ohoahye.

*—Jesure masiedaja, pari-
turi niahye Pedro*

(Mt 26.71-75; Mr 14.69-72;
Lc 22.58-62)

²⁵ Sa ye Simo Pedro peca d̄uht̄u cahap̄u ducuro, sohmano nidi. Tiquiro sa sohmaducuḡu ih̄ñañe to cj̄ëna tiquirore sinituri:

—¿M̄uh̄u ḡuh̄u Jesu buheye-
quina mehna cj̄u m̄uh̄u ijiera-
jari? nidi tiquina Pedroro.

—Ijieraja yuhũ, ni yuhtiri Pedro.

²⁶ Sa yero pahia puhtoro cahacjēna mehna cjāno Pedro tiqiro cahmono dute pahrēdiquiro acayuro pehe Pedrore sinituri:

—¿Jesure tiquina ñehedi weseɸu yuhũ ijigũ mũhu gũhu tiqiro mehna ijieracoahte? ni sinituri tiqiro Pedrore.

²⁷ —Yuhũ tiqiro mehna ijierũ, nidi Pedro.

Tiqiro sa nigũta canaca yahuri.

Jesure Pilato sinituahye

(Mt 27.1-2, 11-14; Mr 15.1-5; Lc 23.1-5)

²⁸ Ñami cjũno ijigũ Caifa ya wuhũɸu ijiriquina Jesure ne wija, Roma cjēna puhtoro Pilato ya wuhũɸu nea wahari tiquina. Sa wahaepeta tiqiro ya wuhũɸu sajāedari. Pascua deco ijigũ tiquina ihyatiquina ijiye, ohõ saha nidi: “Judio masũno ijierare Pilato. Tiqiro sa ijiriquiro ijigũ tiqiro ya wuhũre sajāna, mari dutiyere yuhduɸcana niboaga. Sa yena mari sajāgũ marine bose deco cjē ihyayere ihyah dutieraboaga”, nidi. Sa ñiñe puhtoro Pilato ya wuhũre sajāedari Jesure neariquina pehe. ²⁹ Tiquina sa sajāedagũ ihñano Pilato tiquina cahapũ wuhũ sopechahapũ esadũcaro, tiquinare sinituri:

—¿Yabe buhirire ahriquiore yahusã duajari mũsa? nidi Pilato tiquinare.

³⁰—Ahriquiore quehnoariquiore ijigũ mũhũre usã ohoeraboaya. Ñariquiore ijire tiqiro, ni yuhtiri tiquina.

³¹ Tiquina sa nigũ Pilato ohõ saha nidi:

—Mũsa basita tiquiore neañã. Sa yena mũsa ye dutiye ti nidiro sahata tiquiore buhiri dahreya, nidi Pilato tiquinare.

—Mũsa ye dutiye pehe usãre masũnore wejē dutierare, nidi tiquina Pilatore.

Sa ñiñe Jesure wejē dutiye tee nidi.

³² Tiquina sa wejē dutigũ Jesu pehe curusapũ tiqiro yariatire to pano tiqiro yahuriro sahata wahari.

³³ Tiquina sa nidi bato, Pilato pehe wuhũɸu majare sajã, Jesure pijioahye. Pijio tuhasa, tiquiore sinituahye:

—¿Judio masa tiquina puhto tjiajari mũhu? ni sinituahye Pilato.

³⁴ —¿Mũhu esa tuharota sa ni sinituajari mũhu yuhũre? ¿O apequina pehe yuhũre tiquina yahusãri bato tire sinituajari mũhu? niahye Jesu Pilatore.

³⁵ —Judio masũ ijieraja yuhũ. Mũhu ya yehpa cjēna, pahia puhto gũhu mũhũre ohori usãre. ¿Yabere ñano yeari mũhu tiquina sa buhiri dahre duagũ? niahye Pilato.

³⁶ —Ahri yehpa cjũ puhto ijieraja yuhũ. Ahri yehpa cjũ puhto yuhũ ijigũ, yuhũ buheyequina yuhũre yedohoboaya. Judio masare ñehe dutieraboaya. Yuhũ puhto

ijiyeh ahri yehpa cjē ijierare, niahye Jesu Pilatore.

³⁷ —¿Sa yegm p̄hto ijiajari m̄hm sa niḡm? niahye Pilato.

—M̄hm nino sahata p̄hto ijiaja. Masa tiquina p̄hto ijiḡm taḡm masa bajum ȳhm. Sa yegm ahri yehpam ahtau tiquina p̄hto ijii t̄hm, poto ijiyere yahuḡm t̄hm. Ijipihiyequina poto ijiyere t̄ho duayequina, ȳhm yahuyere t̄hore, niahye Jesu.

³⁸ —¿Yabe boro ijiajari poto ijiyeh? niahye Pilato.

Judio masa Jesure wejē dutiahye

(Mt 27.15-31; Mr 15.6-20; Lc 23.13-25)

Sa ni tuhasa Pilato judio masa caha majare tojoa tiquinare yahuri:

—Ahriquiuro Jesure ne buhiri mariedare. ³⁹ C̄hmaripe pascua ijiḡm ihc̄aquiuro peresu ijiriquiurore m̄sa wio dutiducure. ¿Sa yegm ahriquiuro Jesureta m̄sa p̄htoro ijiatiquiuro m̄sare wio basagari ȳhm? nidi Pilato judio masare.

⁴⁰ Tiquiro sa niḡm t̄hoye judio masa oh̄o saha ni sañuducuri:

—Tiquirore wioerac̄h̄ña. Barrabá pehere ḡs̄are wio basaya, ni sañuducuri judio masa Pilatore.

Barrabá pehe yaque b̄m̄cro ijiri.

19

¹ Tiquina sa ni sañuducuri bato Pilato Jesure tana dutiahye. Sa ye tiquiro yequina surara pehe tiquirore

tanahye. ² Tana tuhasa tiquina pota behto ye tuhasa, Jesu dapu buipm duhu peoahye. Duhu peo tuhasa, p̄htoa ye suhti borore tiquirore s̄aa tuhasa, tiquiro cahapm esa d̄m̄ca, oh̄o saha ni b̄j̄m̄peahye tiquina:

³ —Quehnoano ahtaya. Judio masa p̄hto, quehnoano ahtaya, ni b̄j̄m̄pe, Jesu wahdoare quē m̄jahye.

⁴ Sa yero Pilato pari turi judio masa cahapm waha, tiquinare yahuri:

—T̄hoya m̄sa. Ahriquiuro ne buhiri mariediquiro ijire. Sa yegm tire m̄sa masiatire m̄sa cahapm tiquirore ne c̄htām, nidi Pilato.

⁵ Tiquiro sa ni tuhasaḡm Jesu pota behto pesariquiuro, p̄htoa ye suhti borore sañariquiuro wahapm ijiriquiro wijia tari. Tiquiro sa wijia taḡm Pilato tiquinare oh̄o saha nidi:

—Ih̄ñaña. Ahriquiuro ijire tiquiro, nidi Pilato.

⁶ Tiquiro sa ni tuhasaḡm t̄hoye, pahia p̄htoa, surara ḡhm Jesure ih̄ñañe, sañuducuri:

—Curusapm quē biha wej̄ña tiquirore. Curusapm quē biha wej̄ña tiquirore, ni sañuducuri tiquina.

—Tiquiro ne buhiri mariedare. Sa yena m̄sa basita tiquirore neahña. Sa yena m̄sata tiquirore curusapm quē biha wej̄ña, nidi Pilato tiquinare.

⁷ —Tiquiro basi “Coh̄c̄j̄ mac̄m ijiaja”, nie tiri. Tire tiquiro sa niḡm ḡs̄a dutiye

pehe tiqirore wejē dutire, nidi tiquina Pilatore.

8 Tiquina sa nigū tūhoro cue yūhdūa wahari Pilato pehe. 9 Sa yero pari turi wūhūpūre majare sa jā, Jesure sinituahye tja:

—¿Noho c jū ijiajari māhū? ni sinituahye tiqiro Jesure.

Tiqiro sa ni sinituepegūta Jesu tiqirore yūhtierahye.

10 Tiqiro sa yūhtieragū ihñano Pilato tiqirore sinitu nemoahye:

—¿Yūhūre yūhtierajari māhū? Yūhū māhūre perezupū ijirigare wio masiaja. Sa yegū māhūre curusapū gūhūre quē biha wejē duti masiaja yūhū. ¿Tire masiedajari māhū? niahye Pilato Jesure.

11 —Cohācjū māhūre tiqiro dutieragū yūhūre ñano ye dutieraboaya māhū. Yūhūre ihña tuhtiyequinare ihñoriquiro pehe māhū yūhdūoro ñano buhiri tire, niahye Jesu Pilatore.

12 Tiqiro sa nigū tūhoro Pilato pehe tiqirore wio duamahye. Tiqiro sa wio duepegūta pari turi judio masa sañuducuri:

—Jesu “Pahto ijiaja”, nino mari ijipihina pūhtorore Roma cjanore ihña tuhtiriquiro ijire tiqiro. Sa yegū tiqirore wiogū māhū gūhū mari pūhtorore ihña tuhtigū ijiaga māhū, ni sañuducuri judio masa Pilatore.

13 Tiquina sa nigū tūhoro Jesure wūhūpū ijiriquirore ne

wijia ta, buhiri dahre dutiro taro tiqiro dujiri pah-tapū nuju sari Pilato. Tiqiro buhiri dahre dutiri paa utā mehna tiquina yeri paa judio masa ye mehna Gabata wame tiri. 14 Ti deco pas-cua bose deco usā ihyatire usā quehnori deco ijiri. Ti pjere coheri pje waro ijiri. Nuju sa tuhasa Pilato masare ohō saha ni yahuri:

—Ahriquirō tjire mūsa pūhtoro, nidi tiqiro.

15 Tiqiro sa nigū tūhoye judio masa sañuducuri:

—Yariahro tiqiro. Yariahro tiqiro. Curusapū quē biha wejēña tiqirore, ni sañuducuri tiquina.

—¿Mūsa pūhtoro tiqiro ijiepegūta tiqirore curusapū quē biha wejē dutiajari mūsa? nidi Pilato.

Tiqiro sa nigū ohō saha ni yūhtiri pahia pūhtoa:

—Mari ijipihina pūhtoro Roma cjanota tiqiro usā pūhtoro ijire. Apequirō pūhtoro usāre mariedare, ni yūhtiri pahia pūhtoa.

16 Tiquina sa ni yahuducuri bato Pilato Jesure curusapū quē biha wejē dutiro, tiqirore ohori tiquinare.

Jesure quē biha wejēahye tiquina

(Mt 27.32-44; Mr 15.21-32; Lc 23.26-43)

Sa ye tiquina Jesure ne wijiari. 17 Tiquina ne wijiagū Jesu pehe tiqiro ya curusare tiqiro basi wūa ne, dapu pehtoro wame tiropū esari. Usā judio masa ye mehna Gógota wame

tiri. ¹⁸ Topu esaye tiquina Jesure quē biha ohōri. Sa ye apequina puarore ihcāquiro tiquiro poto pehe, apequiro tiquiro cū pehe pehe quē biha ohōri tiquina. Sa yero Jesu tiquina deco curusapu wahñari. ¹⁹ Tiquina quē biha tuhasagū Pilato taboa pjñe oja duti, Jesure tiquina quē biha ohōri curusapu quē biha ohō dutiri jiri ti pjñe. Ohō saha ni oja dutiri jiri tiquiro: “AHRIQUIRO JESU NAZARE CJENO, JUDIO MASA PŪHTORO IJIRE”, ni oja dutiri jiri Pilato ti pjñe.

²⁰ Ti pjñe ojoaro judio masa ye mehna, Roma cjēna ye mehna, griego masa ye mehna ojaari jiri apequiro. Sa yero Jesure curusapu tiquina quē biha ohōriro maca cahagā ijiri. To cahagā ijiyequina peyequina judio masa Pilato oja dutirire ihña, buheri. ²¹ Sa buhe tuhasa judio masa usā pahia puhtoah ohō saha nidi Pilatore:

—“Ahriquiro judio masa puhtoro ijire”, ni oja dutieracāhña. Usā puhtoro ijierare ahriquiro. Sa yegu ohō saha ni oja quehno dutiya mahu. “Ahriquiro ‘Judio masa puhto ijiaja’, ni ihcāquirota tiquiro basita sa ni tūhoturiquiro ijiri”, ni oja quehno dutiya, nidi pahia puhtoah.

²² —Yuhu oja duti mahariro sahata ijirota, nidi Pilato tiquinare.

²³ Jesure tiquina quē bihari bato pititiaro surara pehe Jesu suhtire tiquina basi

itiri. Tiquina sa iti duepegāta ihcā suhtiro yoari suhtiro dohori marieni suhtiro ijiri. Ti suhtiro suhari suhtiro ijiri. ²⁴ Ti suhtiro sa ijigā ohō saha nidi tiquina basi:

—Ahri suhtirore tūhrēdacāhna. Ahri suhtirore neatiquirore masi duana, doquepeihna mari, nidi tiquina basi.

Sa doquepeye, Cohācjū yere tiquina ojaari pūpu tiquina ni ojaariro sahata yeye nidi tiquina. “Yuhu suhtire tiquina basi itiri. Sa ye yuhu suhtire neatiquinare masi duaye, doqueperi tiquina”, ni ojaahye Cohācjū yere tiquina ojaari pūpu. Tiquiro sa ni ojaariro sahata sa yeye nidi tiquina.

²⁵ Surara tiquina sa yegā, Jesu pacoro, Jesu mūono, María Cleofa namono, María Magdalena mehna Jesu curusa cahagā ihñaducuri tiquina. ²⁶ Sa yero tiquiro pacoro yuhu tiquiro cahñogu gūhu tiquiro cahapu usā ducugū ihñano tiquiro pacorore yahuri Jesu:

—Yojopare ahriquiro mahu macu ijire, nidi Jesu tiquiro pacorore.

²⁷ Sa ni tuhasa, yuhure ohō saha ni yahuri tiquiro:

—Yojopare ahricoro mahu paco ijire, nidi Jesu yuhure.

Tiquiro sa nidi bato Jesu pacorore ya wuhuru iji dutii.

Jesu yaria wahahye
(Mt 27.45-56; Mr 15.33-41; Lc 23.44-49)

²⁸ Tiquiro sa ni yahuri bato ohō saha ni tūhotu, masi-ahye Jesu: “Ijipihtiye Cohācjū

yuhure dahra dutiro tiquiro cūrire ye pehou”, ni tūhotu, masiahye Jesu. Sa masino Cohācjū yere tiquina ojoari pūpū tiquiro ni yahuriro sahata ohō saha nidi Jesu:

—Aco wūoaga yūhū, nidi Jesu.

²⁹ Sa yero topū vino sūēñe co pose tiri sutu dujiri. Sa yero topū ijiriquiro aco ihmini sūhtere sūēñe co mehna tiquina sohari sūhtere yucūgū hisopo wame tidū sohtoapū dūhte ohōri. Sa yero Jesu dūseropū siō ohōri. ³⁰ Ti core Jesu ihmi tuhasa ohō saha nidi:

—To punota ijiaga, ninota tiquiro dapure muhri yo, yariaa wahari.

Surara Jesu pati pahma batogā ñoseahye ñosenū mehna

³¹ Ti deco pascua bose deco pano ijiri. Bose deco cjēne ūsā ihyatire quehñori deco ijiri. Sa ye ape deco saurū ijigū tiquina bose deco ijigū curusaripū yariariquinare cū duerari. Ti deco Cohācjūre tiquina ño peori bose deco ijiri. Sa ye ti decopū tiquina quē biha ohōriquinare curusaripū tiquina wahñagū cahmedari tiquina. Sa ye tiquina quē biha ohōriquinare tiquina ñecū cohārine quē nuha dutiye tehe, judio masa siniahye Pilatore, “Tiquina yaria madoqueoahro”, niñe. Tiquina sa yeri bato tiquina pagurire ne dijio madoqueoye tee nidi. ³² Tiquina sa dutigū surara pehe curusari cahapū esa, ihcāquiro

yaqueriquiro ñecū cohārine quē nuhari. Apequiro gūhure sata yeri tiquina. ³³ Sa ye Jesu ñecū cohārine quē nuhae tee yemehe, tiquiro yariariquiro ijigū ihñāñe, quē nuhaedari.

³⁴ Sa quē nuhaedaye ihcāquiro surara tiquiro pati pahma batogā ñosenū mehna ñosedī. Tiquiro sa ñosegū duita tiquiro dii, aco mehna wijiari. ³⁵ Ti sa wahagū ihñāñ yūhū. Yūhū ahri pūre ojoarigū mūsare poto yahuaja. Poto yūhū yahuye ijigū masiaja yūhū. Mūsare yahuaja mūsa gūhū Jesure mūsa wacū tutuato saha. ³⁶ Cohācjū yere tiquina ojoari pū ti nidiro sahata sa wahari: “Tiquiro cohārine ne ihcā cohāre quē nuhaedari”, tiquiro ni ojoariro sahata Jesu ñecū cohārine ne ihcā cohāre quē nuhaedari. ³⁷ Sa yero ape pūpū Cohācjū yere tiquina ojoari pūpū ohō saha nine. “Tiquirore tiquina ñosediquirore ihñāeta tiquina”, ni ojoahye Cohācjū yere tiquina ojoari pūpū.

Jesu pagure masa copepū cūahye

(Mt 27.57-61; Mr 15.42-47; Lc 23.50-56)

³⁸ Tiquiro yariari bato José Arimatea cjāno Jesu pagure ne dijioro taro, Pilatore siniahye. José pehe apequina judio masare cuero, Jesure wacū tutuariquiro tiquiro ijiyere yahu duerahye. Sa yero tiquiro pagure sinidi bato Pilato pehe Jesu pagure nea dutiahye. Tiquiro nea

dutigū José curusa cahapū esa, Jesu pagure nea wahahye. ³⁹ Nicodemo gūhū José mehna wahahye. Tiquiro yucūgū cjē ehme sitiye, mirra wame tiye ehme sitiye yucūgū cjē mehna dahra moredire ne cāhye. Jesu pagure tiquina cohāto pano tiquina quehnoati ijiahye ti ehme sitiye. Tiquiro ne cāhtari treinta kilo nūcūahye. Nicodemo sohō ijiri pje Jesu mehna tiquiro coā yahuducuri pje ñamipū Jesu cahapū esariquiro ijiahye. ⁴⁰ Sa ye tiquina pūaro Jesu pagure ne, judio masa yariariquinare usā cohāducuro sahata tiquiro pagure ehme sitiye mehna suhti mehna wahmeahye. ⁴¹ Curusapū Jesure tiquina wejēdiro cahapū wese ijiri. Ti wesepū masa cope utāpū wahma tiquina seheri cope ijiri. Ti copere ne ihcāquiro yariariquirore cohāedarīdi. ⁴² Pascua bose deco judio masa bose deco usā ihyatire quehnoari deco ijiri. Sa ijiri deco ijigū ti cope cahagā tiquiro curusa ijigū, topū cūahye tiquina Jesu pagure.

20

Jesu masa wijiahye

(Mt 28.1-10; Mr 16.1-8; Lc 24.1-12)

¹ Domingo ñami cjūnogā ijigū, bohreato panogā María Magdalena Jesu masa copepū esahye. Topū esaro ti copere tiquina tu biharia utāre yoa cjūnopū tiquina pōo cūria utāre ihñahye ticoro. ² Sa ijigū ihñano, usā cahapū oma

tojoa tari ticoro. Simo Pedro mehna yūhū usā pūana ijii. Wihi ohō saha ni yahuri usāre ticoro:

—Mari pūhtoro pagure ne cāri jiri. Nohopū ne cā cūcoayaye mari masiedaja, nidi ticoro usāre.

³ Ticoro sa nigū tūhona, Pedro mehna masa copepū ihñana wahau usā. ⁴ Sa ihñana wahana usā pūana oma cān. Sa oma cāna, yūhū Pedroro oma yūhdū cāgū masa copepū esa māhtau. ⁵ Topū esagū muhri ihña sōu ti copepare. Muhri ihña sōgū tiquirore tiquina wahmedi suhtiro dihitare ihñau. Sa ye ti copere sajāedū. ⁶ Yūhū sa ihñari batopū Simo Pedro yūhū batopū wihiri. Wihi masa copepū sajā, tiquiro pagure tiquina wahmedi suhtirore ihñari tiquiro. ⁷ Sa yero Jesu dapure tiquina wahmedi cahsero gūhūre ihñari tja. Ti cahsero sijoro cuñano tiquiro torēdi cahsero ijiri. ⁸ Sa yegū yūhū gūhū masa copepū esa māhtarigū ti copepū sajān. Jesu sa mariedagū ihñagū “Potota Jesu masa wijiahya”, ni tūhotuu yūhū. ⁹ Ti copepū usā wahato pano Cohācjū yere tiquina ojoari pūpū Cristo tiquiro yariatire yahurire, tiquiro masa wijiatire yahuri gūhūre usā quehnoano masiedarīmi. Ti copere yūhū ihñari bato, “Ijirota Jesu masa wijiahya”, ni, tūhotuu yūhū. ¹⁰ Sa ihña tuhasa usā ye wuhusepū tojoaa wahau.

*Jesu María Magdalenare
bajuahye*

(Mr 16.9-11)

11 Sa ye masa copepɛ María majare tojoa ta, ti cope sopecahapɛ wihi, ducuro, utiro niahye. Sa utieperota ticoro muhri ihña sōahye masa copepɛre.

12 Sa ihña sōno pɛaro angelere, yehseye suhti sañañequinare Jesu tiquiro cuñamediropɛ tiquina dujigũ ihñahye ticoro. Ihcãquiro tiquiro dapu timediropɛ dujiahye. Apequiro tiquiro dahpocãri timediropɛ dujiahye. 13 Tiquinare ticoro ihñagũ tiquina pehe ticorore sinituahye:

—¿Numio, dahse yego utiajari mɛhɛ? niahye tiquina.

—Yɛhɛ pɛhtoro pagɛre ne cãri jiri. Sa yego tiquiro pagɛre tiquina cũrire masiedaga yɛhɛ, niahye ticoro.

14 Sa ni tuhasa, majaredɛcameno Jesure topɛ ducuriquirore ihñahye ticoro. Sa ihñaeperota Jesure masiedahye ticoro.

15 —¿Numio, dahse yego utiajari mɛhɛ? ¿Noare macago nijari? niahye Jesu ticorore.

“Ahriquiro ahri wesere cohteriquiro ijire”, ni tãhotumahye ticoro Jesure. Sa ni tãhoturo, ohõ saha niahye ticoro:

—Mɛhɛ tiquiro pagɛre nedigɛ ijigɛ mɛhɛ cũrirore yahuya yɛhɛre. Mɛhɛ yahuri bato tiquiro pagɛre negotja, niahye ticoro tiquirore.

16 Ticoro sa nidi bato Jesu ohõ saha niahye:

—María, niahye.

Tiquiro sa ni pisugũ tãhoro majare ihñadoqueo ticoro hebreo ye mehna ohõ saha niahye:

—Rabuni, niahye ticoro Jesure. “Rabuni”, nino, “Buhegɛ”, nino niahye.

17 —Yɛhɛ Pacɛ cahapɛ mɛjaedarĩaja yɛhɛ. Yɛhɛ sa mɛjaedarĩgũ yɛhɛre ñehedacãhña. Sa yego apequina yeequina cahapɛ wahaya. Tiquina cahapɛ esago ohõ saha ni yahuya tiquinare: “Yɛhɛ Pacɛ cahapɛ wahaɛ tɛhɛ niaja. Mɛsa Pacɛ gũhɛ ijire tiquiro. Yaquiro Cohãcjũ cahapɛ wahaɛ tɛhɛ niaja. Mɛsa yaquiro Cohãcjũ gũhɛ ijire tiquiro’, nidi Jesu”, ni yahuya tiquinare, niahye Jesu Marĩare.

18 Tiquiro sa nidi bato María Magdalena usã Jesu buhena cahapɛ wihi, yahuri usãre:

—Mari pɛhtorore ihñahɛ yɛhɛ, ni, Jesu tiquiro yahu dutirire yahuri usãre ticoro.

*Jesu tiquiro buheye-
quinare bajuahye*

(Mt 28.16-20; Mr 16.14-18; Lc 24.36-49)

19 Ti deco domingo ñamicahapɛ usã Jesu buhena usã acaye judio masare cuena, wãhɛpɛ biha sajã, dujii usã. Sa usã dujigũ Jesu usã watoapɛ bajuadɛca saro ohõ saha nidi:

—¿Ne, ijiajari mɛsa? Quehnoano ijia mɛsa, nidi.

20 Sa ni tuhasa, tiqiro omocarine, tiqiro pati pahma bato gũhare usãre ihñori. Sa yena usã tiqirore usã puhtorore ihñana bucuei. 21 Pari turi Jesu usãre ohõ saha nidi:

—Quehnoano ijiya m̄sa. Yũhũ Pacũ yũhare tiqiro ohoriro sahata, m̄sa gũhare yee buheyere buheanare ohoaja, nidi Jesu usãre.

22 Sa ni tuhasa tiqiro usãre puti peori. Sa puti peoro Espiritu Santore usã ñeheatire ihñono nidi usãre. Ihño tuhasa ohõ saha nidi:

—Yojopũ Espiritu Santore ñeheña m̄sa, m̄sa mehna ijiatiqirore. 23 Apequina tiquina ñaño yerire m̄sa bogũ, sata ijieta. Sa ye apequina tiquina ñaño yerire m̄sa boeragũ ti bori ijisi, nidi Jesu usãre tiqiro buhenare.

Jesure masa wijariquirore Tomasu ihñahye

24 Jesu usã watoapũ tiqiro bajuagũ Tomasu sũhdũariquirõ tiquina ni pisuriquirõ usã mehna mariedari.

25 Tiquiro sa mariedagũ usã mehna cjẽna tiqirore yahumedi.

—Mari puhtorore usã ihñau, ni yahumi usã Tomasure.

Usã sa ni yahuepegũta ohõ saha nidi Tomasu:

—Tiquiro omocarine tiquina quẽ bihari coperire ihñedagũ, ti coperire yũhũ omo piria mehna ohbe tuhueragũ “Ijirota masa wijahya”, nisi yũhũ. Sa

yegũ tiqiro pati pahma bato ijiri copere yũhũ omoca mehna siõ sõedagũ, “Ijirota masa wijahya”, nisi yũhũ tiqirore, nidi Tomasu.

26 Ocho decori bato pari turi usã tiqiro buhena usã wũhũpũ ijii. Ti pjere Tomasu usã mehna ijiri. Ti wũhũ bihari wũhũ ijiri. Bihari wũhũ ijiepegũta Jesu wũhũpũ sajã taro, usã watoapũ bajuadũca saro ohõ saha nidi:

—¿Ne, ijiajari m̄sa? Quehnoano ijiya m̄sa, nidi.

27 Sa ni tuhasa, tiqiro Tomasure yahuri:

—Ihñaña yũhũ omocarine. Sa ye m̄hũ omo piria mehna yũhũ omocarine tiquina quẽ bihari coperire ohbe tuhuya. Sa yegũ m̄hũ omoca mehna yũhũ pati pahma bato ijiri copere siõ sõ tuhuya. “Poto ijierare”, niedacãhña. “Ijirota ijire”, niña m̄hũ, nidi Jesu Tomasure.

28 Tiquiro sa nidi bato Tomasu yahtiri:

—M̄hũ yũhũ puhto ijire. Yaquiro Cohãcjũ ijire m̄hũ, nidi Tomasu Jesure.

29 —Yũhũre m̄hũ ihñari bato yũhare wacũ tutuare m̄hũ. Apequina pehe yũhare ihñedapeta yũhare wacũ tutuaeta. Sa ye tiquina m̄hũ yũhdũoro bucueeta, nidi Jesu Tomasure.

Jesure mari masiatire ahri pũre ojoahye Ñũ

30 Sa yero peye apeye gũhare Cohãcjũ tutuaye mehna ye ihñori Jesu usã mehna ijiro. Tire tiqiro

yerire ahri pūpū ojoa pehoeradū yūhū. ³¹ Sa ojoa pehoerapegūta ahri pūpū yūhū yahurire ojoaū “Jesuta Cristo Cohācjū ohoriquiro ijire. Tiquiro potota Cohācjū macūno ijire”, mūsa ni masiatire. Sa yena mūsa tiquirore wacū tutuana Cohācjū mehna mūsa sa ijuducuatire ojoaū ahri pūre.

21

Jesu siete tiquiro buheyequinare bajuahye

¹ Came Tiberia wame tiri ditara dūhtū cahapū ūsāre tiquiro buhenare Jesu pari turi bajuari tja. Ūsāre bajuaro ohō saha yeri tiquiro. ² Simo Pedro, Tomasu sūhdūariquiro tiquina niniquiro, Natanae Galilea yehpapū ijiri maca, Caná wame tiri maca cjūno, apequina pūaro buheyequina, Zebedeo pohna pūana ūsā ohōpequinata cahmecoān.

³ Sa ūsā cahmecoari bato Simo Pedro ūsāre ohō saha nidi:

—Wahi wejēgū wahaū ni aja, nidi tiquiro.

—Ūsā gūhū mūhū mehna wahanatja, ni ūsā tiquirore.

Sa ni tuhasa buhaa wahaū. Sa yena yucūsa mehna wahaū. Ti űamine ūsā quehnoano wahi wejē bohreenata ne ihcāquiro wahi wejēdadū. ⁴ Bohrea parī quehagū Jesu padūropū ducugū tiquirore ihñami ūsā. Sa ihñāepenata tiquirore ihñā masiedū ūsā. ⁵ Sa yero tiquiro pehe ūsāre sinituri:

—¿Ne wahi wejēajari mūsa? nidi Jesu.

—Ne wejēdabutiaga ūsā, ni yūhtii ūsā.

⁶—Yucūsa poto pehe pahrē pehe doque ñoña. Tie pehe doque ñona wahi wejēnata mūsa, nidi ūsāre.

Tiquiro sa nigū tuhona ūsā tiquiro nidirota doque ñou. Ūsā doque ño tuhasagūta peyequina wahi sajāri. Peyequina wahi sajāgū wēñanūre yucūsapū weje sāana cūedadū ūsā. ⁷ Sa yegū yūhū Jesu cahñogū Pedroro yahuu:

—Mari pūhtorota ijire siquiro padūropū ducuriquiro, ni yūhū Pedroro.

Yūhū sa nigū tuhoro Jesuta tiquiro ijigū masino, Simo Pedro tiquiro suhtirore sañari. Wahi wejēno taro tiquiro suhtirore tu weriquiro ijinidi. Tiquiro suhtirore saña tuhasa, diapū uhpu ñojoaa wahari. ⁸ Sa yena ūsā apequina buhena yucūsapū ijina, cien metro yoaro diapūre pahsaū ūsā. Sa yena wēñanūre wahi peyequina sajādare yucūsa mehna weje pūjuaū ūsā. ⁹ Dūhtū cahapū ūsā wahā sagū, topū peca niti dihita asi cuñari peca ijiri. Ti peca bui tiquiro pūhō cūriquirore wahire ihñānū ūsā. Pā gūhūre ihñānū ūsā.

¹⁰ Sa ūsā ihñāgū ihñāno Jesu ūsāre ohō saha nidi:

—Mianogā mūsa wejēdiquinare meheñequinagā ne cāhtaya, nidi ūsāre.

¹¹ Tiquiro sa nigū Simo Pedro pehe Jesu mehna ijiriquiro yucūsapū sajā,

wēñanare, bujuequina wahi ciento cincuenta y tres wahi sajādure weje majari. Peyequina wahi sajāepeta wēñanare tūhrēdari.

¹² —Ihyana ahtaya, nidi Jesu usāre.

“¿Noa boro ijiajari mahu?” ni sinituere usā tiquirore. Usā puhtoro tiquiro ijigū masii usā. ¹³ Sa yero Jesu peca cahapu esaro, pāre ne, usāre itiri. Wahi gāhure itiri.

¹⁴ Sa yero Jesu tiquiro masa wijiari bato padaropu bajuaro ihtia taha usāre tiquiro buhenare bajuaro nidi.

Jesu Simo Pedro mehna yahuducuahye

¹⁵ Usā ihyari bato Jesu Simo Pedrore sinituri:

—¿Simo Ñu macu, ahriquinare mahu cahino yuhduoro yuhure cahāajari mahu? nidi Jesu Simo Pedrore.

—Puhto, mahure cahāaja yahu. Mahure yahu cahīgū masine mahu, ni yuhtiri Simo Pedro.

¹⁶ —Sa yegu ovejagāre tiquina nuno saha yeequinare buheya mahu, nidi Jesu.

Sa ni tuhasa pari turi tiquiro Simo Pedrore sinituri:

—¿Simo Ñu macu, yuhure cahāajari mahu? nidi Jesu.

—Puhto, mahure cahāaja yahu. Mahure yahu cahīgū masine mahu, ni yuhtiri Simo Pedro.

—Ovejare cohteriquiro ovejare tiquiro quehnoano cohtero saha, yeequinare

quehnoano buhe cohteya, nidi Jesu Pedrore.

¹⁷ Sa ni tuhasa pari turi Simo Pedrore sinituri:

—¿Simo Ñu macu, yuhure cahāajari mahu? nidi Jesu tja.

Ihtia taha sa ni tiquiro sinitugū tūhoro Simo Pedro tutuaro bujua witiri:

—Puhto, mahu masi pehore. Mahure yahu cahīgū masine mahu, ni yuhtiri Simo Pedro.

—Ovejare tiquina nuno saha yeequinare buheya mahu. ¹⁸ Ijirota mahure niaja. Mahu wahmu ijigu mahu suhtire saña, mahu cahmediropu tinie tiahye mahu.

Sa yerigu mahu ijiepegūta came mahu bucū ijigū, mahu omocarine mahu siōdoqueogū apequiro mahure suhtiro sānata. Sa yero mahu waha dueropu mahure neanota, nidi Jesu Simo Pedrore.

¹⁹ Sa nino Simo Pedrore duhse waha tiquiro yariatire yahuro nidi. Cameru bucuro tiquiro wahagū sa yeye taye niahye apequina tiquirore. Cohācjū yere Pedro yeri buhiri apequina tiquirore wejēne taye niahye. Sa yero Pedro yariatire yahuro nidi Jesu. Sa ni yahu tuhasa, ohō saha ni nemori Pedrore:

—Poto yahu buheriro sahata yeya mahu, nidi Jesu Pedrore.

Jesu tiquiro cahñiquiro buheriquiro ahri pūre ojoariquiro ijire

²⁰ Tiquiro sa nigūta Pedro pehe majare ihñadoqueo,

yuhure Ñure Jesu tiqiro cahñogũ buherigare tiquinare yuhũ nũnũ tãgũ ihñano Pedro Jesure sinituri. Yuhũ pehe Pedro ihñarigũ to pano ohõ saha nidigũ ijii. “¿Pũhto, mũhare ihña tuhtiyequinare ihñootiqiro pehe noa boro ijiagari tiqiro?” ni Jesure siniturigũ ijii yuhũ. Ti pjere Jesu tiqiro pari paha ihya dujii yuhũ. Sa yero yuhure ihñano Pedro Jesure sinituri:

²¹ —¿Pũhto, ahriqiro pehe duhse waharotari? ni sinituri.

²² —Tire mũhare yahueraja. Ahri yehpapũ yuhũ tojoa tato pano ahriquiore ijiducugũ yuhũ yeatire masiedare mũhũ. Sa yegũ mũhare yahueraja. Poto yuhũ buheriro sahata yeya mũhũ, nidi Jesu Pedrore.

²³ Tire tiqiro yahurire ijipihtiyequina Jesu yequina tiquina basi yahu sitemedi. Tire yahu siteye ohõ saha nimesi tiquina pehe: “Jesu tiqiro cahñiqiro buheriquiro yariasi”, ni yahu sitemedi yuhure Jesu yequina tiquina basi. Tiquina sa niepegũta “Tiquiro yariasi”, nino niedari jimesi Jesu. “Ahri yehpapũ yuhũ tojoa tato pano ahriquiore ijiducugũ yuhũ yeatire masiedare mũhũ. Sa yegũ mũhare yahueraja”, nidi Jesu Pedrore.

²⁴ Jesu buherigũ ahrire yahurigũ, ahri pũre ojoarigũ ijiaya yuhũ. Sa yena ahri yuhũ yahuye poto ijigũ masiaja mari.

²⁵ Peye apeye gũhare Jesu yeri. Tiquiro yerire mari ojoa pehogũ ti pũri ojoari pũri peye waro wahaboaga. Sa ye ti pũrine mari ihbogũ esa tuhaeraboaga ahri yehpa. Wahpaa wahaboaga, yuhũ tahotugũ. To puno tjire.

Jesu buhe dutiro tiquiro cūriquina tiquina yerire yahuri pũ ijire

—*Espíritu Santo ahtarota, niahye ahri pũre ojoariquiro*

1-2 Teófilo, ahri quitire mahũre ojoagu niaja. To pano yũhũ ojoa mahtari pũre Jesu yerire, tiquiro buheyere mahũre yahu tuhasaũ. Tee ahmũsepũ tiquiro m̃jarire yũhũ yahu bato tii. Jesu tiquiro m̃jato pano Espiritu Santo tutuaye mehna duti-ahye tiquiro bese cūriquinare. 3 Sa ye Jesu curusapũ tiquiro yariari bato ihquẽ tahari pagũ tiriquiro bajuahye tiquiro cūriquinare. Cuarenta decori bato bajua bato tiahye. Sa yero tiquiro basi catiriquiro ijiyere ihñoahye tiquinare. Sa bajuaro mari Pacũ tiquiro pũhtoro ijiyere quehnoañe buheyere yahuahye tiquinare.

4 Jesu tiquiro cūriquina mehna ijinino tiquinare ohõ saha ni yahuahye:

—Jerusalẽpũta ijiniña yojopũre. “Espiritu Santore m̃sare ohogutja”, yũhũ Pacũ tiquiro nidiquirore cohteniña. Tire tiquiro nidire m̃sare yahuu yũhũ.

5 Ñũ m̃sare wame yero aco mehna wame yemedi. Yũhũ pehe ti yũhdũoro yeitja m̃sare. Mehenogã bato Espiritu Santore m̃sa mehna

ijiducugũ yeitja m̃sare, niahye Jesu.

Jesu ahmũsepũ m̃jaa wahahye

6 Sa ye ape taha cũnũpũ Olivo wame tidũpũ Jesu tiquinare tiquiro bajuagũ ihñañe tiquina sinituahye tiquirore:

—¿Pũhto, Israe yehpare tiquina ehmari yehpare dũhse ijigũ ašare pari turi cũgutjari m̃hũ? ¿Dũhse ijigũ mari acaye warore pũhtoro sũgutjari m̃hũ? niahye tiquiro yequina.

7 Tiquina sa nigũ tahoro Jesu ohõ saha niahye:

—Mari Pacũ dihita ti decore m̃sa ya yehpare m̃sa quehnoano ijiatire cũ masine. Ti decore m̃sare masino basioerare. 8 Sa masiedapenata m̃sare Espiritu Santo tiquiro wihigũ Cohãcjũ ye tutuayere cũonata m̃sa. Tiquiro ye tutuayere m̃sa cũona Jerusalẽ cjẽnare, ijipihtiyequina Judea yehpa cjẽnare, Samaria yehpa cjẽnare, sa ye ijipihtiye yehpari cjẽnare quehnoañe buheyere buhenata m̃sa. Yũhũ yariarire, yũhũ masa m̃jarire tiquinare buhenata m̃sa, ni yahuahye Jesu tiquinare.

9 Sa ni yahu tuhasa, Jesu ahmũsepũ m̃jaa wahahye. Tiquina tiquirore ihña nãnũ tã m̃hogũta ehmeo curua puhiapũ sajà, buti m̃jaa wahahye. 10 Sa ye tiquina Jesu m̃jariquirore tiquina ihña m̃ũori watoa pũaro angele yehseye suhti sañañequina

Jesu tiqairo cūriquina watoa bajuaduca sahye. ¹¹ Sa ye tiqinane ohō saha niahye:

—¿Musa Galilea cjāna, dūhse ijiro boro ihña m̄oducuna niajari m̄usa? Ahriqairo Jesu ūhm̄usep̄u m̄ujariqairo, tiqairo m̄ujariro saha ahtarota, ni yahuahye angele.

Jesu cūriquina Juda m̄nanore comesatiquirore beseahye

¹² Sa ye Jesu yequina c̄an̄p̄u Olivo wame tid̄ap̄u ijiriquina dijia ta, Jerusalēp̄u tojoa sahye. T̄u c̄an̄p̄ure ihcā kilómetro yah̄d̄o cjūno yoaro ijiahye Jerusalē d̄aht̄u cah̄p̄ure. ¹³ Tojoa sa,

ūhm̄an̄op̄u tiquina ijiri tuc̄p̄u m̄j̄aa wahahye. Ahriquina ijiahye: Pedro, Ñu, Santiago, Andre, Felipe, Tomasu, Bartolomé, Mateo, Santiago, Simo, Juda ijiahye. Santiago pehe Alfeo mac̄no ijiahye. Simo pehe celote wame tiri curua cjāno ijimediquiro ijiahye. Juda pehe Santiago acaȳro ijiahye. ¹⁴ Peye tahari ahriquina ijipihtiequina,

numia mehna, María Jesu pacoro mehna, Jesu bahana mehna quehnoano cahme-coa, tutuaro mehna mari Pac̄ure sinie tiahye.

¹⁵ Sa ye ti decorire masa peyequina cahmecoahye. Ciento veinte ijiye ijiboaya. Sa yero Pedro pehe tiqairo mehna cjēna Cristo yequina watoa ducu, yahuahye tiqinane:

¹⁶ —Yuh̄u acaye, Coh̄c̄jū panop̄u tiqairo nidiro sahata waharo nidi. Tire Esp̄ritu Santo Davire yahu duti-ahye Juda m̄nanore. Juda m̄nana Jesure ñeheatiquinare ihñoriquiro ijiri. ¹⁷ Sa yeatiqairo ijieperota mari mehna Jesu yere yeriquiro ijimedi. Sa yero ūs̄a mehna cj̄n̄ota ijimedi, niahye Pedro.

¹⁸ Jesure ihño dutiye tiquina wapa yerire Juda m̄nana pehe wiari bato tiqairo basita wejē yariaa wahahye. Sa yero boraa waha, tiqairo c̄hta misi da tuh̄na waha, yariaa wahahye. Tiqairo wiari mehna apequina mehenogā yehpare dúahye. ¹⁹ Ijipihtiequina Jerusalē cjēna masi pihti c̄ari jiri Juda m̄nana tiqairo ñano yerire. Sa masiñe tiqairo ye niñeru mehna tiquina dúri yehpare Acéldama wame yeri jiri tiquina ye yahuducuye mehna. Acéldama niñe, “Dii yehpa”, niñe nine. ²⁰ Came ohō saha ni nemoahye Pedro:

—Panop̄u tiquina ojoariro sahata sa wahari Juda m̄nana. Salmo tiqairo ojoari p̄p̄u ohō saha ni ojoahye:

Tiqairo wah̄u coh̄ori wah̄u ijia-ahro. Sa ye apequina ti wah̄ure ijierac̄hdo, ni, ojoahye.

Ohō ḡh̄ure ohō saha ni ojoahye:

Apeqairo tiqairo dahrayere comesariqairo ijirota, ni, ojoahye Salmop̄u.

21-22 'Sa yena mari ihcãquiro beseihna. Ñu wame yeriquiro m̄n̄ano masare tiquiro buheri watoa ihquẽquina Jesu yequina mari mehna wahari. Tiquina mehna c̄j̄n̄ore ihcãquiro bese neno cahmene mari mehna c̄j̄no ijiatiquirore. Jesu mehna mari ijigã mari mehna sa ijiducuriquirore besero cahmene. Sa mari beseri bato Jesu tiquiro masa m̄jarire mari mehna buherota, ni yahuahye Pedro tiquiro acayere Cristo yequinare.

23 Tiquiro sa nigã t̄hoye p̄arore bese bocaheye tiquina. Ihcãquiro José Justo wame tiriquirore beseahye. Tiquiro Barsaba tiquina ni pisuriquiro ijiahe. Sa ye apequirore Matia wame tiriquirore beseahye. 24-25 Tiquinare bese boca tuhasa, tiquina mari Pac̄re ohõ saha ni siniahye:

—M̄h̄h̄ usã p̄h̄to, ijipihyequina masa tiquina t̄hotuyere masine. Ahriquina p̄aro usã beseriquina ijire. Juda m̄nanore comesatiquirore diquiro m̄h̄h̄ cahmeniquirore beseya. Jesure cohãtjiano Juda m̄n̄ano pehe pecap̄h̄ wahahye. Tiquirore comesariquiro Jesu tiquiro c̄riquirō ijirota. Sa yero usã mehna quehnoañe buheyere buherota, niahye tiquina mari Pac̄re.

26 Sa niñeta Juda m̄nanore comesatiquirore beseye tehe ıt̄a paca mehna doque

cũ m̄jahye “Noa pehe sajãnotari”, niñe. Matia tiquiro quehnoano wijiagũ, tiquiro pehe Jesu c̄riquina once c̄riquina mehna c̄j̄no tojoahye.

2

Esp̄ritu Santo Jesu yequina mehna iji d̄cahye

1 Sa ye Pentecoste wame tiri deco ijigã tiquina ijipihyequina ihcã w̄h̄p̄h̄ cahmecoahye. 2 Ti pjereta wihnono tutuaro w̄no saha ı̄hm̄anop̄h̄ bisiro ca tahye. Sa bisiro ca tagũ t̄hoahye ijipihyequina ti w̄h̄p̄h̄ ijiriquina. 3 Sa ye peca pohna yero saha ijiye tiquina ijipihyequina dapu paca bui bajuahye. Ti peca pohnarigã ñehmeno yero saha bajuahye. 4 Sa yero Esp̄ritu Santo wihiahye tiquinare tiquiro tutuayere ohoro taro. Esp̄ritu Santo tiquinare yedohoro puno tiquina pehe apequina ye mehna quehnoano yahuducuahye.

5 Ti decorire Jerusalẽp̄h̄ peyequina judio masa ijiahe. Mari Pac̄re ño peoyequina ijiahe. Tiquina macaripe c̄j̄na ijiahe. 6 Sa ye ı̄hm̄sep̄h̄ bisigũ t̄hoye Jesu buheyequina cahap̄h̄ peyequina cahmecoahye. Masape ye yahuducuyere Jesu buheyequina tiquina yahuducugũ t̄hoahye. Sa tiquina yahuducugũ t̄hoye, tiquina t̄ho maria wahahye.

7-8 —Ahyou, ¿Dahse yeye ahriquina Galilea cjēna ijiepetā quehnoano mari yere yahuducujari? Tiquina mari masa bajaranopu ahtariquina yero sahata yahuducuye ca tare, niahye tiquina pehe.

9-10 —Ijipihtiequina mari yere yojopure yahuducuye nine: Partia cjāna, Media cjāna, Elā cjāna, Mesopotamia cjāna, Judea cjāna, Capadocia cjāna, Ponto cjāna, Asia cjāna, Frigia cjāna, Panfilia cjāna, Egipto cjāna, Libiapu ijiye macaripu Cirene cahapu ijina, Romapu ahtarina ijiaja mari. Ihquēquina judio masa ijiaja mari. Apequina mari judio masa yere buheyere buhenapu ijiaja mari. ¹¹ Creta cjēna gūhu, Arabia cjēna gūhu ijire mari mehna. Sa yena ahriquina mari yere tiquina yahuducugū tūhoaja mari. Tiquina mari ye mehna Cohācjū tutuaye mehna tiquiro yerire yahuye nine, ni yahuducuahye masa tiquina basi.

¹² Sa niñeta tiquina tūho acuaa waha, tiquina ihñarire tiquina tūhorire quehnoano masiedahye.

—¿Ahri dahse ijiro boro ahriquina apequina ye mehna Cohācjū yere sa quehnoano yahuducujari, mūsa tūhotugū? ni cahme sinituahye tiquina basi.

¹³ Tiquina sa ni tūhotuepegāta apequina tiquina mehna cjēna bujapeahye:

—¿Dahse ahriquina sihbiori sihni, queheye niajari? ni bujapeahye apequina tiquina basi.

Pedro masare yahuahye

¹⁴ Sa yero Pedro once Jesu cūriquina mehna ducu, masare yahuahye:

—Mūsa Judea yehpa cjāna, ijipihtina Jerusalēpu ijina, ahrire masiña mūsa. Yūhu yahugū tūhoya mūsa. ¹⁵ Mūsa tūhotuye poto ijierare. Yojoputa nueve hora ijire. Sa ye ahriquina queherare. ¹⁶ Ahriquina Cohācjū panopu tiquiro nidiro sahata yeye nine. Ti pjepure Joere Cohācjū yere yahu mahtariquirore, ahrire yahu dutiahye Cohācjū pehe:

¹⁷ Iji bato tiye decori ijigū ohō saha ijirota: Yaquiuro Espiriture masare ijipihtiequinare ohogutja. Sa ye mūsa pohnapu yeere yahueta. Sa ye mūsa mehna cjēna wahma pjia bajumehneñene ihñæta. Sa ye mūsa mehna cjēna bucuna quehēnopu quehēeta. ¹⁸ Sa yegū yūhu cahacjēnare, yūhu cahacjēna numia gūhure yaquiuro Espiriture ohogutja. Sa ye tiquina yahueta yeere. ¹⁹ Sa yegū yūhu tutuaye mehna bajumehneñene ye ihñogutja uhmuanopu. Yehrapu gūhure yūhu bajumehneñene

ihñogutja: Diire, pecare, peca ohme-ore ihñogutja. ²⁰ Sa yero asũ deco cjãno nahitiaa waharota. Nami cjãno dii yero saha sohãriquiuro came-sarota. Ohõ saha waharota Cristo m̄sa p̄hutoro tiquiro ahtati deco, yuh̄u nidi deco pano. Ti decopu ihña maria wahaeta masa. Sa yero ihyo ijiri deco ijisi. Ti deco quehnoari deco ijirota. ²¹ Sa yero ohõ saha ijirota. Ijipihtiyequina masa Cristore tiquina ñañene cohã duti siniñequinare tiquiro tiquinare pecapu wahaboriquinare yuh̄uorota, nine Cohãcjũ, ni ojoahye Joel.

²² M̄sa Israe masa yuh̄u yahugũ tãhoya: Jesu Nazare cjãno pehe Cohãcjũ ohoriquiuro ijiri. Jesure tiquiro ohorire masa tiquina masiato saha tiquiro tutuaye mehna ye ihñori m̄sare. M̄sa tire masine. ²³ Jesure ohori m̄sare apequiuro. Panopu Cohãcjũ “Sa waharota”, tiquiro nidiro sahata sa yeri apequiuro. Sa yena m̄sa Jesure curusapu wejẽ dutiri masa ñañequinare. ²⁴ Cohãcjũ pehe Jesure yari-ariquiuro m̄nanore masori. Parĩ turi ne yariasi tiquiro. Tiquiro yaria dojoerare. Sa catiducuatiquiro ijire. ²⁵ Ohõ saha niahye Davi panopu

cjãno Cristo tiquiro niboriro sahata:

Yuh̄u p̄huto, yuh̄u mehna ijire m̄hu. Ijipihtiye decori Cohãcjũ yuh̄u p̄huto yuh̄u caha m̄hu ijigũ ihñae tii yuh̄u cuerato saha. ²⁶⁻²⁷ M̄hu Cohãcjũ yuh̄u jeripohnare yariayequina tiquina ijipopare ne cohãsi. Yuh̄ure ñanopu yuh̄u jeripohnare cohãsi m̄hu. Yuh̄u m̄hu cahacjũ m̄hure ño peogu ijiaja. Yuh̄u pagure ahba dutisi m̄hu. Sa yegu tutuaro bucueaja. Bucueye mehna yahuducuaaja. Sa yegu m̄hure Cohãcjũre quehnoano wacũ tutuagu ijigu cuero marieno quehnoano iji cjã. ²⁸ Yuh̄ure pari turi catigũ yegata m̄hu. Yuh̄u mehna m̄hu ijigũ tutuaro bucueaja, ni, ojoahye Davi m̄nanao Cristo tiquiro niboriro sahata.

²⁹ ‘Acaye, ohõ saha quehnoano yahugutja m̄sare Davire mari acayuro, panopu cjãnore. Tiquiro yariaa wahahye. Sa yero tiquirore tiquina yari cope yojopare ijire. Sa yero “Yuh̄u pagure ahba dutisi m̄hu”, ni ojoaro tiquiro basi wame peo yahuro niedahye. ³⁰⁻³¹ Panopu Cohãcjũ Davi m̄nanore ohõ saha niahye: “Poto niita niaja. M̄hu panamena iji

turiayequina mehna cĵano m_uh_u yero saha ahri yehpa cĵena p_uhtoro ijirota”, niahye Coh_hĵcĵ Davire. Davi Coh_hĵcĵ yere yahu m_uhtariquiro ijiahye. Sa yero Cristore Coh_hĵcĵ tiquiro p_uhtoro s_oatire masino, Cristo tiquiro masa m_uĵatire yahu m_uhta tuhasahye Davi pehe. Oh_o saha niahye: “Tiquiro yari-ayequina ijirop_ure iji dojoasi. Tiquiro pag_u top_u ahbasi”, niahye Davi. ³² Ahriquirore Jesure Coh_hĵcĵ masori. U s_h ĵs_h ĵipihtina ih_hana. ³³ Cristo mari Pac_u poto pehep_u ĵire dutiriquiro ijiro. Sa yero tiquiro Pac_uro “Esp_hritu Santore yehpap_u ohog_utja”, niahye tiquirore. Sa yero Cristo pehe ahriquinare Esp_hritu Santore ohori. Yojo_up_ure Esp_hritu tiquiro yeyere m_usa ih_hana nine. Sa yena m_usa t_uhore. ³⁴ Davi m_unano pehe Jesu tiquiro m_uĵariro sahata u hm_usep_u m_uĵaedahye. Sa yero tiquiro basi oh_o saha niahye:

Coh_hĵcĵ nidi y_uh_u p_uhtorore: “Y_uh_u poto pehep_u du-ĵiĵa m_uh_u. ³⁵ M_uh_ure ih_hana tuhtiyequinare m_uh_ure y_uhd_ud_uca basautja y_uh_u”, nidi Coh_hĵcĵ y_uh_u p_uhtorore, niahye Davi m_unano.

³⁶ Sa yena ĵipihtina Israe masa ahrire quehnoano masi_hna m_usa: Ahriquiro Jesure m_usa curusap_u wej_uĵdiquirore m_usa p_uhtoro s_ori Coh_hĵcĵ pehe. Tiquirore m_usare y_uhd_uoatiquirore

Cristore c_uri Coh_hĵcĵ, ni yahuahye masare Pedro.

³⁷ Tiquiro sa nig_u t_uhoye tutuaro buj_una witiye, cueye masa pehe Pedro g_uh_ure sinituahye:

—ĵ_us_h acaye, duhse yenatari u s_h? ni sinituahye tiquina.

³⁸ Tiquina sa ni sinitug_u y_uhtiahye Pedro g_uh_u:

—M_usa h ana yeyere buj_una witina ĵiĵa. Quehno a ne pehere comesaya. Sa yena Jesu wame mehna wame yenoh-rina ĵiĵa m_usa ĵipihtina. M_usa sa yeg_u m_usa h anene borota Coh_hĵcĵ. M_usa sa yeg_u Esp_hritu Santo m_usa mehna ĵiĵota. Coh_hĵcĵ yaquiro Esp_hritu Santore sa oho c_unota m_usare. ³⁹ M_usare, m_usa poh_unare, m_usa panamena ĵi turiayequinare, yoarop_u cĵenare, ĵipihtiyequina Coh_hĵcĵ mari p_uhtoro tiquiro beseriquinare, “Potota y_uhd_uog_utja m_usare”, ni, c_uahye Coh_hĵcĵ, niahye Pedro.

⁴⁰ Sa ni tuhasa peye yahu nemoahye tiquiro. Sa yero tutuaro mehna yahuahye tiquinare:

—Ahri yehpa cĵenare tiquina h ano yeri buhirire buhiri dahrerota Coh_hĵcĵ. Sa yena m_usa pehe Coh_hĵcĵ yequina ĵiĵa. M_usa sa ĵig_u tiquiro m_usare buhiri dahresi, niahye Pedro masare.

⁴¹ Tiquiro sa nig_u t_uhoye peyequina tiquiro yahuducuyere quehnoano t_uhoahye. Sa yero tiquinare tiquiro

wame yeahye. Sa ye Cohãcjũ yequina mehna cjẽna tres mil masa waha nemoahye. 42 Sa ye tiquina masa Cristo cūriquina mehna decoripe ijie tiahye. Sa ye tiquina ti buheyere decoripe tuhoe tiahye. Tiquina ihyayere cahme iti, Cohãcjũre sini, Cristo cūriquina mehna quehnoano ijie tiahye.

Jesu yequina coã jji ducayequina tiquina ijie tiyere yahuahye

43 Sa ye Cohãcjũ tutuaye mehna ye ihñoahye Jesu cūriquina. Tiquina sa yegũ ihñañe masa ijipihtiequina ihña maria wahae tiahye. 44 Sa ye ijipihtiequina Jesure wacũ tutuayequina cahme-coa, quehnoano ijie tiahye. Sa ye tiquina yere cahme itie tiahye. 45 Tiquina yere dua, ijipihtiequinare apee boro marieñequinare tiquinape ohoe tiahye tiquina. 46 Sa ye decoripe tiquina Cohãcjũ wuhupũ cahmecoae tiahye. Ijipihtiequina tiquina ye wuhusepũ bucueye mehna cahmecoa, ihyae tiahye. 47 Tiquina sa cahmecoa, “Cohãcjũ quehnoariquiro ijire”, ni ño peoe tiahye. Sa ye apequina masa tiquinare cahme yuhdũe tiahye. Sa yero decoripe Cohãcjũ apequinare tiquiro yequina wahagũ yee tiahye.

3

Tini masieniquirore yuhdũoahye mari Pacũ

1 Ñamicahapũ tres ijigũ Cohãcjũ mehna yahuducuri pje ijigũ Pedro, Ñu mehna Cohãcjũ wuhupũ wahaye niahye. 2 Decoripe ti wuhũ cjã sopecaha quehnoari sopecaha wame tiri sopecahapũ apequina ihcãquiro masũnore ne cãhta, duhu dapoe tiahye. Tiquiro masũno pehe wahma masa bajaropũta tini masiedahye. Sa yero tiquiro ti sopecaha caha niñerure sini dujie tiahye ti wuhupũ sañañequinare. 3 Sa ye Pedro, Ñu mehna ti wuhupũ tiquina esaducagũ tini masieniquiro pehe tiquinare ihña, niñerure siniahye. 4 Sa ye Pedro gũhũ tiquirore ihña, Pedro pehe ohõ saha niahye:

—Usãre ihñaña mũhũ, niahye Pedro tiquirore.

5 Tiquiro sa nigũ tuhoro “Ahriquina mehenogã yuhũre niñerure ohoeta”, ni tuhóturo ihñadoque ohõ, tuhohayehue tiquinare. 6 Tiquiro sa ni tuhótuepegũta Pedro tiquirore ohõ saha ni yahuahye:

—Niñerure cũoeraja yuhũ. Cũoerapeita, ahrire yeitja mũhũre. Jesucristo Nazare cjũno tiquiro tutuaye mehna tiniña mũhũ, niahye Pedro tini masieniquirore.

7 Sa ninota tiquiro omocare poto pehe cjã omocare ñehe, tiquirore weje wahcõ docoahye. Ti pjeta tini masieniquirore tiquiro ñecari tutuaa wahahye. 8 Tiquiro sa wahari bato

tiquiro wahcãdũca sa, waha dũcahye. Sa yero tiquiro waha, uhpu maa, “Cohãcjũ quehnoariquiro ijire”, ni bucueahye. Sa bucuero tiquina mehna Cohãcjũ wũhũpũ sajã wahahye. ⁹ Tiquiro sa tinigũ “Cohãcjũ quehnoariquiro ijire”, tiquiro nigũ masa ijipihitiyequina tiquirore ihñahye. ¹⁰ Sa ye masa tiquirore ihña masiahye. Tiquiro Cohãcjũ wũhũ cjã sopecaha quehnoari sopecaha caha niñerure tiquiro sini dujirire masiahye masa. Sa ye tiquiro tinigũ ihñañe, ihña maria wahahye.

Cohãcjũ wũhũpũ Pedro masare buheahye

¹¹ Sa ye tini masieniquiro Pedro gũhũre tiquiro ñeheni watoa, masa ijipihitiyequina ihña maria waha, quehnoari paapũ Salomo wame tiri paapũ oma cã, cahmecoahye. ¹² Tiquina sa cahmecoari bato Pedro pehe yahuahye tiquinare:

—¿Mũsa Israe masa, dũhse yena ahriquirore ihña mari-ajari? ¿Dũhse yena usãre mũsa ihña nũnũajari? Usã pehe usã ye tutuaye mehna Cohãcjũre usã wacũ tutuaye mehna usã esa tuhoro ahriquirore tinigũ yerũ usã. ¹³ Abrahã, Isaac, Jacob mari ñecũsumũa panopũ cjẽna Cohãcjũre ño peoe tiahye. Tiquiro Cohãcjũ pehe tiquiro cahacjãnore Jesure tutu-ariquiro, quehnoariquiro tiquiro ijigũ mũsare ihñoe tiri. Mũsa Jesure tiquirore ihña

tuhtiyequinare ohori. Sa yena Pilato tiquirore peresu wio duepegũta mũsa pehe tiquirore wiogũ cahmedari. Pilatore Jesure ohori mũsa. ¹⁴ Pilato tiquirore wio duamedi. Tiquiro sa wio duepegũta mũsa Jesure quehnoariquirore, quehnoano yeriquirore cahmedana, apequirore masa wejẽdiquiro pehere wio dutiri mũsa. ¹⁵ Sa yena Jesure marine catigũ yeriquirore wejẽdi mũsa, usã acaye judio masa. Tiquiro yariagũ Cohãcjũ tiquirore masori. Tire usã ihñah. ¹⁶ Sa yena usã tiquirore wacũ tutuana ijiaja. Usã sa wacũ tutuagũ ihñano ahriquirore mũsa yojopũ ihñariquirore mũsa ihña masiniquirore Jesu pehe tiquiro tutuaye mehna tinigũ yeri.

¹⁷ Yũhũ acaye, mari pũhtoa mehna Jesure quehnoano masiedapenata tiquirore wejẽdi mũsa. Tire masiaja yũhũ. ¹⁸ Sa ye panopũ cjẽna Cohãcjũ yere yahu mũhtariquina Cohãcjũ tiquinare tiquiro yahu dutiriro sahata yahuahye tiquina. “Cristo ñano yũhdũrota”, ni yahuahye tiquina. Tiquina sa ni yahuriro sahata sa wahari yojopũre. ¹⁹ Sa yena yojopũre mũsa ñañe yerire bũjũa witina ijiya. Quehnoañe pehere comesaya. Cristore wacũ tutuaya. Sa yero mũsa ñañe yerire borota Cohãcjũ. Sa yero mũsare bucueye

decori cūnota tiquiro. Sa yena quehnoano jeri sajānata. ²⁰ Sa yero Cohācjū Cristore tiquiro beseriquirore māsare ohorota. Cristo Jesuta ijire. ²¹ Cohācjū cahapū iji nine Jesu. Panopū Cohācjū tiquiro yere yahu māhtariquinare yahuyu dutiahye. Masare ahri yehpa gūhure tiquiro yeatire yahuyu dutiahye. Sa yero tiquiro yahuro sahata yojopūre ijipihiyere quehnono nine. Quehno tuhasaro pari turi Cristore ahri yehpapū ohorota. ²² Moise tire yahuro ohō saha niahye: “Mari mehna cjūnore mari acayūrore Cohācjū yere yahu māhtariquirore Cohācjū mari pūhtoro ohorota māsare. Yūhure tiquiro ohoriro saha ohorota tiquiro gūhure. Sa yena māsare tiquiro yahugū tūho pihti cāhña mūsa. ²³ Ohō saha ijirota. Ijipihiyequina tiquirore tūhoerariquinare, tiquiro dutiyere yerariquinare tiquiro cohānota. Cohācjū yequina mehna cjēna ijisi tiquina”, niahye Moise.

²⁴ Ijipihiyequina Cohācjū yere yahu māhtariquinape Samuel, tiquiro bato ijiyequina gūhū ahri decorire yahuahye. ²⁵ Mari űecusūmūare panopū cjēnare yahuahye Cohācjū. Mari gūhure sa ni yahuro niahye. Abrahāre tiquiro nidiro sahata mari gūhure ni yahuro niahye. Ohō saha ni yahuahye Cohācjū Abrahāre: “Ijipihitiri yehpa cjēnare

quehnoano yeitja. Ohō saha tire yeitja: Camepū iji nūnū tāriquiro mūhū acayūro pehe masare quehnoano ye basarota yūhure”, niahye Cohācjū Abrahāre. ²⁶ Sa yero Cohācjū tiquiro macūnore mari cahapū oho māhtari mari űāñe yeyere duhu dutiatiquirore. Sa yero marine tiquiro quehnoano yeri, niahye Pedro tiquinare.

4

Pedro, űu mehna pūhtoare yahuducuahye

¹⁻³ Masa mehna tiquiro yahuducuri watoa pahia, Cohācjū wūhure cohteyequina surara pūhtoro, saduceo masa gūhū tiquinare tūhoahye. Ohō saha ni buheahye Pedro űu mehna masare:

—Jesu tiquiro yariari bato masa mūjaa wahari. Tiquiro sa masagū ihñana mari gūhū came mari tiquiro yequina mari masa mūjatire masiaja mari, ni yahuahye Pedro gūhū.

Tiquina sa nigū tūhoye pūhtoa pehe tiquina mehna usuahye. Sa usuaye nahi quehagū ihñāñe tiquina Pedrore, apequina Jesu cūriquina gūhure űehe, peresu yeahye. ⁴ Pūhtoa tiquina sa cahmedapegūta peyequina Cohācjū yere tūhoyequina pehe “Ijirota ijire”, ni tūhotuahye. Sa ye Jesu yequina peyequina sajāhye. Tiquinare űmūa sehsarore mari queogū Jesure wacū

tutuayequina cinco mil masa ijiahye.

⁵ Sa ye ape decopu ti maca cjēna puhto, bucna, judio masa buheyequina mehna Jerusalēpu cahmecoahye.

⁶ Sa yero pahia puhtoro, Anás wame tiriquireo topu ijiahye. Tiquiro acaye gūhu ijiahye. Caifa, Ńu, Alejandro, apequina mehna Anás acaye gūhu ijiahye. ⁷ Sa ye tiquina Pedro gūhure tiquina cahmedoqueogū, surara pehe puhto watoapu tiquinare ne wihi docoahye. Tiquina sa yeri bato puhto sinituahye Pedro gūhure:

—¿Noa ye tutuaye mehna masa tiquirore tinigū yeari? ¿Noa ijiajari masare tire ye dutiriquireo? ni, sinituahye tiquina.

⁸ Tiquina sa nigū tuhoru Espiritu Santo tutuaye mehna yahuahye Pedro tiquinare:

⁹ —¿Musa puhto, masa bucna, usā tini masieniquirore quehnoa wahagū usā yerire sinituna nijari masa?

¹⁰ Ahrire masiña masa ijiptina, Israe masa. Ahrire Jesucristo sa yeri. Jesu Nazare cjūno, masa curusapu wejēdiquireo, Cohācjū tiquiro masoriquireo pehe ahriquireo tini masieniquirore quehnoa wahagū yeri. Sa yena ahriquireore yojopure masa ihñonopu tiquiro tinigū ihñare masa. Ohō saha nine Cohācjū yere tiquina ojoari pūpu Cristore yahuro:

¹¹ “Ahriquireo utā yero saha ijiriquireo ijire. Utāre

wahu dahreatiquina tiquina cohāno saha masa tiquirore cohāri. Tiquina sa yepegūta yojopure wahu dahrieriquina wuhare yeye tiquina cū mahtari utāre tiquina cūno saha Cohācjū tiquirore puhtoro sōri. Tiquiro Cristo pehe mariedagū Cohācjū yequina wahaeraboaya masa. Tiquiro sa ihyo ijiriquireo ijierapegūta masa mari puhto mehna tiquirore cahmedari. Masa sa cahmedapegūta Cohācjū pehe tiquirore mari puhtoro sōri”, ni ojoahye panopure. ¹² Ne, apequireo masare pecapu wahaboriquinare yuhdhoriquiro ne mariedare. Ahri yehpapure Jesu dihita masare yuhdhoriquiro ijire. Ne apequina tiquiro yero saha ijiyequina ne mariedare, ni yahuahye Pedro tiquinare.

¹³ Tiquiro sa ni yahuri bato Pedro, Ńu mehna buhemehneñequina tiquina ijigū ihñañe, cuero marieno tiquina buhegū ihñañe, puhto, bucna, judio masa buheyequina mehna taho maria wahahye. Sa ye Jesu yero saha tiquina buhegū ihñañe, ohō saha masiahye tiquina: “Pedro, Ńu gūhu potota Jesu mehna cjēna ijire ahriquina”, ni, masiahye tiquina. ¹⁴ Sa yero tini masieniquiro ijimediquiro Pedro gūhu mehna ijiahye. Tiquiro quehnoariquireo ijigū ihñahye puhto, bucna, judio masa buheyequina

mehna. Sa ye tiquina Pedro gūhare “Ñano yeye nine”, ni yahusā masiedahye. ¹⁵ Sa yahusā masiedaye, pūhtoa tiquina cahmecoari tucūpu ijyiequinare Pedro gūhare wijia dutiahye. ¹⁶ Tiquina wijiari bato tiquina basi ohō saha ni yahuducuahye:

—¿Ahriquinare dahse yenatari mari? ni, yahuducuahye tiquina.

Ohō saha ni yahuducu nemoahye:

—Pedro, Ñu mehna Cohācjū tutuaye mehna tini masieniquirore tinigū yeri jiri. Sa ye Jerusalē cjēna ijipihtiyequina tiquina sa yerire masidi. Sa yena mari pehe “Sa yerari tiquina”, ni masiedaja mari. ¹⁷ Sa yena Jesu tiquiro buherire apequinare buhe dutieracāhna tiquinare, “Apequina ti buheyere cahmeari”, nina, ni yahuducuahye tiquina basi.

¹⁸ Sa ni yahuducu tuhasa Pedro gūhare pijio, ohō saha niahye:

—Jesu tiquiro buherire ne buheracāhña apequinare. Tire ne yahuducuercāhña, nimahye tiquinare.

¹⁹ Tiquina sa nigū tūhoye Pedro, Ñu mehna ohō saha niahye tiquinare:

—Musa ohō saha nigū musare yūhtina, Cohācjū pehere yūhdūdcana niboaga usā. ¿Noa pehere usā yūhtigū cahmeajari musa? ¿Musa pehere usā yūhtigū cahmeajari musa? ¿O Cohācjū pehere usā yūhtigū cahmedajari musa?

²⁰ Usā pehere usā ihñarire, usā tūhorire usāre nūono basioerare, ni yūhtiahye Pedro, Ñu mehna.

²¹ Tiquina sa nigū tūhoye pūhtoa pehe pari turi dutimahye tiquinare tja:

—Jesu tiquiro buherire musa buheri buhiri ñano yūhdūnata musa, nimahye pūhtoa tiquinare.

“Ñu, Pedro mehna ñano yeye nine”, ni masiedari jiri tiquina. Sa ye masa pehe tini masieniquiro tiquiro yūhdūgū ihñañe, “Cohācjū potota quehnoariquiro ijire”, niahye masa. Tiquina sa nigū tūhoye pūhtoa pehe Pedro gūhare buhiri dahre masieda, tiquinare wioahye. ²² Tini masieniquiro, tiquina yūhdūoriquiro cuarenta cūhmari cūoriquiro ijiahye.

Jesu yequina tiquina cueratire siniahye Cohācjūre

²³ Sa ye Pedro, Ñu mehna tiquina mehna cjēna cahapū esa, pahia pūhtoa, bācūna tiquinare tiquina nidire yahuahye. ²⁴ Tiquina sa nigū tūhoye tiquina ijipihtiyequina mari Pacūre Cohācjūre siniahye:

—Usā pūhto, mūhū ūhmūserere, yehpare, mārī gūhare yerigū, ijipihtiyequina catiyequinare yerigū ijire mūhū. ²⁵ Mūhū yaquiro Espiritu Santo usā ñecu mūnāno Davire mūhū cahacjūnōre ahrire yahu dutiahye mūhū nidiro sahata: ¿Dūhse ye Israe masa ijieyequina usuajari? Tūho

masieñequina ijire masa. ²⁶ Peye yehpari cǵēna p̄h̄toa cahme-coa, mari p̄h̄toro Cohācj̄are, tiquiro p̄h̄toro s̄ōriquirō Cristo ḡāh̄are ih̄ña tuhti, ñano ye duare tiquinare, ni yahu dutiahye m̄h̄h̄ Davire panop̄are.

²⁷ 'Sa tjire. Ahri macap̄h̄ Herode, Poncio Pilato, judio masa ijieyequina, judio masa mehna m̄h̄h̄ beseriquirore Jesure quehnoariquirō m̄h̄h̄ cahacj̄ānore wej̄ē duaye, cahmecoari. ²⁸ Ti p̄je m̄h̄h̄ cahmediro sahata "Sa waharota", m̄h̄h̄ nidiro sahata yeri tiquina. M̄h̄h̄ masiñe mehna sa ni yahuahye m̄h̄h̄. ²⁹ Sa yeḡu ṡs̄ā p̄h̄to, tiquina ṡs̄āre "M̄h̄sa buheri buhiri ñano ȳh̄hd̄nata", tiquina nidire wacūña m̄h̄h̄. ṡs̄āre ȳh̄hd̄noya. Sa yeḡu ṡs̄āre m̄h̄h̄ cahacj̄ānare cuero marieno m̄h̄h̄ buheyere yahu dutiya ṡs̄āre. ³⁰ M̄h̄h̄ tutuaye mehna dohatiyequinare ȳh̄hd̄noya. Sa yeḡu m̄h̄h̄ buheyere cuero marieno yahu dutiya ṡs̄āre. Sa yeḡu Jesu quehnoariquirō m̄h̄h̄ cahacj̄āno tiquiro tutuaye mehna ye ih̄ño dutiya ṡs̄āre. Sa yeḡu dohatiyequinare ṡs̄ā ȳh̄hd̄n dutiḡā tiquiro tutuaye mehna yedohoya ṡs̄āre, ni siniahye tiquina mari Pac̄are.

³¹ Tiquina sa ni sinidi bato, tiquina cahmecoari w̄h̄h̄ ñuhmia wahahye. Sa ñuhmiḡūta Esp̄ritu Santo

tiquiro tutuaye mehna wacū tutuayequina wahaḡā yeahye tiquinare. Sa wahaye, Esp̄ritu Santo tiquiro dutiriro sahata yeye, cuero marieno Cohācj̄ā yere yahuahye tiquina.

Jesu yequina tiquina yere itie tiahye

³²⁻³³ Sa ye Cohācj̄ū tiquiro tutuaye mehna tiquina Jesu cūriquina oh̄ō saha ni yahue tiahye masare: "Jesu tiquiro masarire ṡs̄ā ih̄ñā", ni, yahue tiahye tiquina masare. Sa yero tiquinare ijipihtiyequinare Cohācj̄ū quehnoano yedohoducue tiahye. Sa ye Jesure wacū tutuayequina peyequina ijieye, tiquina ihcāno saha tahotuyequina ijie tiahye. Sa ye tiquina yere, tiquina doeri cǵēne "Yee dihita ijire", ne nieda tiahye. Tiquina ijipihtiyequina tiquina yere apee boro marieñequinare tiquina mehna cǵēnare itie tiahye. ³⁴ Sa ye tiquina mehna cǵēna pejec̄noyequina marieda tiahye. Tiquina mehna cǵēna dihta c̄noyequina, w̄h̄h̄se c̄noyequina tiquina yere duae tiahye. ³⁵ Sa duaye tiquina wapatarire ne c̄hta, Jesu cūriquinare ohoe tiahye. Sa ye tiquina pehe tire tiquina mehna cǵēnare itie tiahye. Ijipihtiyequina c̄noyequinare itie tiahye. ³⁶ Ti p̄jere ihcāquirō tiquina mehna cǵāno José wame tiriquirō ijiahye. Jesu cūriquina Josére Bernabé wame yeahye. Tiquiro

wame Bernabé “Masare bu-cueriquiro ijire”, nine griego ye mehna. Tiquiro Leví ya curua cjāno Chipre n̄acuo cjāno ijiahye. ³⁷ Sa yero tiquiro wese c̄oriquiro ijiro tire duahye. Sa yero tiquiro wapatarire Jesu c̄uriquinare ohoahye tiquiro apequinare iti dutiro.

5

Anania tiquiro namono Safira mehna ni mehoahye

¹ Apequina ḡh̄u Bernabé yero saha yemahye. Tiquina Anania wame tiriquire, tiquiro namono Safira wame tiricoro ijiahye. Tiquina ya wesere duahye tiquiro.

² Sa dueperota tiquiro wapatarire tiquiro basi neahye. Tiquiro namono ḡh̄u tiquiro sa yerire masiahye. Sa yero tiquina wapatarire tiquina d̄uharire ne c̄āhta, Jesu c̄uriquinare ohoahye Anania pehe. Sa ohoro “Oho pehogu niaja”, nimahye tiquiro.

³ Tiquiro sa yegū ih̄n̄ano Pedro tiquirore yahuahye:

—Anania, wat̄no mah̄ure ni meho dutiri jiri Esp̄iritu Santore. Sa yegu mah̄u ya yehpare dua, mah̄u wapatarire mah̄u basi nedi jiri. ⁴ Mah̄u duato pano mah̄u ya wese ijiri. Sa yero mah̄u duari bato mah̄u ye wapata ijiri. ¿Sa yegu d̄uhse ijiro boro sa ni mehoari mah̄u? Mah̄u us̄ā dihitare ni mehoedari. Coh̄ācj̄ū ḡh̄ure ni mehoari mah̄u, niahye Pedro tiquirore.

⁵ Tiquiro sa nigū tuh̄orota, Anania pehe doque quehe sa, yariaa wahahye. Sa ye ijipih̄tiyequina tiquiro sa wahagū masiñe, tutuaro cueahye. ⁶ Tiquiro yariari bato wahma pjia ahta, tiquiro paḡure suhtiro cahsero mehna wahme, sopecahar̄u ne wijia, yahye tiquirore.

⁷ Sa ye ihtia hora bato Anania m̄n̄ano namono, tiquiro yariarire masiedaro Pedro cahar̄u sajāhye. ⁸ Sa yero Pedro ticorore oh̄o saha niahye:

—¿M̄sa ya wesere du-atj̄iāna noho puno wapatarim̄sa? niahye tiquiro.

Sa yero ticoro man̄ano m̄n̄ano tiquiro nidiro punota, “To punota wapatah̄ us̄ā”, ni yahumahye ticoro.

⁹ Sa yero Pedro yahuahye ticorore:

—¿D̄uhse yena m̄sa ih̄c̄āno saha Coh̄ācj̄ū yaquiro Esp̄iriture ni meho duajari? T̄uh̄oya yojop̄are. Mah̄u man̄ano m̄n̄anore yariquina ahtare. Mah̄u ḡh̄ure mah̄u paḡure neñe taye nine, niahye Pedro.

¹⁰ Tiquiro sa ni yahuḡata ticoro doque quehe sa yariaa wahahye. Sa ye wahma pjia ti wuh̄ure sajā wihi, ticoro paḡure ne wijiaa wahahye. Ne wijia ticorore ne c̄ā wahahye. Ne c̄ā, ticoro man̄ano m̄n̄ano pari paha yahye. ¹¹ Sa ye Jesu yequina ijipih̄tiyequina apequina tire tuh̄oye cue yuh̄dahye.

Jesu c̄uriquina Coh̄ācj̄ū tutu-aye mehna ye ih̄noahye

12 Sa ye masa watoap_u Jesu cūriquina peye tahari Cohācjū tutuaye mehna ye ihñoe tiahye. Sa ye tiquina Salomo wame tiri tucūp_u quehnoari tucūp_u cahmecoae tiahye.

13 Sa ye apequina tiquinare cueye, tiquina cahap_u wahaera tiahye. Sa cuepeta tiquinare Jesu cūriquinare, “Quehnoañequina ijire ahriquina”, nie tiahye masa.

14 Sa ye amaa, numia peyequina Jesure wacū tutua dūcahye. 15 Sa ye tiquina dohatiyequinare ne cāhta, coma cjūñe mehna pū ta, duhu cūe tiahye mahap_u tiquinare. Sa ye Pedro tiquinare tiquiro ña peogū cahmeahye tiquinare ne cāhtariquina pehe dohatiyequina tiquina yūhdagū cahmeñe. Tiquinare tiquiro ña peoeragū Pedro tiquina bui watīdoque peogū cahmeahye tiquina. Ti dihitare cahmeahye tiquina yūhdūato saha.

16 Sa ye Jerusalē caha ijiye macari cjēna gūh_u dohatiyequinare, watīa mehna ijiyequina gūhare ne cāhtae tiahye. Ijipihtiyequina tiquina paguri quehnoa wahahye.

Jesu cūriquinare apequina ñano yee tiahye

17 Tiquina sa yegū ihñañe pahia pūhtoro, tiquiro mehna cjēna mehna Pedro gūhare ihña tuhtiahye. Pahia pūhtoro mehna cjēna saduceo masa ijiahye. 18 Sa ye tiquina usua yūhdūa, Jesu cūriquinare ñehe, peresu yeahye. 19 Sa yero ñamipū

Cohācjū yaquiro angel pōoahye tiquinare peresup_u dujiyequinare. Sa ye tiquinare wijia ta dutiro yahuahye angel:

20 —Cohācjū wūhūp_u wahaera. Ti wūhūp_u ijina Cohācjū tiquiro masorire ahri quehnoañe buheyere yahuya masare, niahye angel tiquinare.

21 Tiquiro sa nigū tūhoye, ñami cjūno Cohācjū wūhūp_u sajā, masare buheahye tiquina. Ti decota pahia pūhtoro, tiquiro mehna cjēna, Israe masa pūhtoa mehna cahmecoae, Jesu cūriquinare peresup_u ijiyequinare ne cāhta dutimahye surara pūhtoare. 22 Sa niepegūta surara pūhtoa peresu tiquina yeri wūhūp_u waha, ihñahye. Tiquinare bocaerahye. Bocaera, tojoaa wahahye. Tojoa sa yahuahye tiquina pūhtoare:

23 —Peresup_u ijiye sope pahmari bihari pahmari dihita ijiri. Sa ye ti pahmari cahap_u tiquina peresu yeriquinare cohteyequina ducuri. Sa ihñau usā. Usā sa ihñaepegūta pōo sāa, usā ihñagū, tiquina peresu yeriquina mariedari, ni yahuahye tiquina.

24 Tiquina sa nigū tūhoye, surara Cohācjū wūhūre cohteyequina pūhtoro, pahia pūhtoa mehna tire tūho, tūho maria wahahye. “¿Dūhse waha sohtori tiro-tari ahri, tiquina sa yeye?” ni, tūhotuahye tiquina. 25 Sa yero tiquina cahap_u

apequiro ahta, tiquinare yahuahye:

—Musa peresu yeriquina Cohãcjũ wãhũpũ ijiri. Ihñana wahaya. Ti wãhũpũ masare buheye nidi tiquina, ni yahuahye.

²⁶ Tiquiro sa nigũ tãhoro, surara pãhtoro tiquiro yequina surara mehna waha, Jesu cãriquinare pari turi ñehe cãhtahye tja. Sa ñehepeta tiquinare surara tuhtierahye. Sa ye tiquinare quẽboriquina ijiepetã, masare cueye quẽdahye tiquinare. “Ahriquinare mari quẽgũ apequina masa pehe ãtã paca mehna doqueeta marine”, ni, tãhotuahye tiquina surara pehe. ²⁷ Sa ye tiquinare ne cãhta, pãhtoa caha duhu docoahye tiquina. Tiquina sa ne wihi duhu docogũ pahia pãhtoro tiquinare tuhtiahye:

²⁸ —Mũsare usã tutuaro dutimi. “Jesu yere buheracãhña”, nimi usã mũsare. Usã sa niepegũta mũasa pehe ijipihtiequina Jerusalẽ cjẽnare buheri mũasa. Jesu tiquiro yariari buhiri, usãre buhiri tigũ ye duana niaga mũasa, niahye pãhtoro pehe.

²⁹ Tiquiro sa nigũ tãhoro Pedro pehe apequina Jesu cãriquina mehna yãhtiahye:

—Cohãcjũ dutiri pehere ye mũhtanatja. Sa yena came Cohãcjũ cahmegũ masa tiquina dutiyere yenatja.

³⁰ Cohãcjũ, mari acaye panopũ cjẽna pãhtoro Jesure masori jiri. Tiquirota ijire mũasa curusapũ quẽ biha wejẽdiquiro. ³¹ Jesure

“Quehnoagũ ijire”, ni, tiquiro poto pehe duji dutiri Jesure tiquiro Pacãro pehe. Sa yero Jesu masa pãhtoro, masare masoriquiro ijiro, Israe masare tiquina ñãñe yerire bũjũa witiyequina iji dutiro, tiquina ñãñene cohã duare Jesu. ³² Sa yena usã pehe Jesu tiquiro yerire ihñarina ijina tire yahuaja usã. Espiritu Santo tire ihñariquiro ijiro yahure tiquiro gãhũ. Tiquirore Espiritu Santore Cohãcjũ ohori. Ijipihtiequina Cohãcjũ dutiyere yeyequinare tiquiro Espiritu Santore ohori, ni yahuahye tiquinare.

³³ Tiquiro sa nigũ tãhoye pãhtoa pehe usua yãhdũahye. Sa ye tiquina Jesu cãriquinare wejẽ duamahye. ³⁴ Sa wejẽ duepegũta Gamalie, fariseo masano topũ ijiriquiro tiquinare “Wejẽari”, nino tiquinare yahuro taro ni-

ahye. Tiquiro pãhtoa mehna cjãno, dutiyere buheriquiro ijigũ, masa tiquirore ño peoe tiahye. Tiquiro Jesu cãriquinare mehenogã cohte dutiro ape siepũ tiquinare ne cã dutiahye surarare. Tiquina sa ne cãri bato tiquiro yahuahye masare:

³⁵ —Musa Israe masa, ahriquinare mũasa yeatire quehnoano tãhotuya “Mũsapũ wejẽari”, nina.

³⁶ Wacũña Teuda mũnanore. Tiquiro basi “Masare yãhdũdcagũ ijiaja yãhũ”, nidi masare. Sa ye masa peyequina cuatro cientos

masa tiquiro mehna cjēna tojoari. Sa ye apequina pehe tiquirore wejēdi jiri. Tiquiro buheyere buheriquina pehe waha sitea wahari jiri. Sa ye tiquina muna yojopure mariedare. ³⁷ Came masare tiquina queori pje ijigū Galilea cjāno Juda wame tiriquiro mnanano masare tiquiro buhegū tiquiro mehna masa peyequina tojoari. Tiquiro gāhū yariaa wahari jiri. Sa ye tiquiro yequina ijipihtiyequina waha sitea wahari jiri. ³⁸ Sa nigū musare yojopū ahrire yahugū niaja. Sa ihña cāhña ahriquinare Jesu yere yahuyequinare. Sa ye ahri buheye, ahriquina ye buheye Cohācjū ye buheye ijieraro, pihtia waharota Teuda gāhū tiquina ye buheye ti pihtiro sahana. ³⁹ Sa ijepegūta ahri Cohācjū ye buheye ijiro, ne pihtisi. Ahri buheye Cohācjū ye ijigū ne ahrire butigū ye masiedare mūsa. Mūsa ahrire butigū ye duana Cohācjū mehna cahmequena niboaga mūsa, niahye Gamalie tiquinare.

⁴⁰ Tiquiro sa ni yahugū tūhoye, “Ijirota ijire”, ni tūhotuahye masa. Sa ye tiquina Jesu cūriquinare pijio, tiquina wihigū ihñañe, tiquinare tanahye. “Jesu yere buheracāhña mūsa”, ni tuhasa, tiquinare waha dutiahye. ⁴¹ Tiquina sa waha dutigū tūhoye tiquina pahtoahapū ijiriquina wahaa wahahye. Jesu yere tiquina yeri buhiri ñano yūhdūye

tutuaro bucueahye Jesu cūriquina. ⁴² Sa ye decoripe Cohācjū wāhāpū, tiquina ye wāhāsepū Cristo Jesu ye buheyere yahue tiahye tiquina.

6

Siete yedohoyequinare be-seahye Jesu yequina

¹ Ti decorire Jesu buheyequina peyequina wahahye. Sa ye judio masa tiquina quehnoano yeragū ihñañe griego masa pehe tiquina mehna cahme tuhtiahye Jesu yequina dihita ijiepetā. Griego masa wape wiha numiare decoripe tiquina ihyayere quehnoano tiquina itieragū ihñañe, judio masare tuhtiahye. ² Sa ye doce Jesu cūriquina, peyequina Jesu buheyequinare tiquina cahapū pijio, ohō saha ni yahuahye:

—Ūsā Cohācjū yere buhena ijiaja. Ihyayere itiborina ijieraja ūsā. ³ Mūsa ūsā acaye, siete ūmūare, “Quehnoañequina”, apequina tiquina niñequinare, quehnoano tūho masiñequinare, Espiritu Santo cūoyequinare macañā. Tiquinare ihyayere iti dutiya mūsa. ⁴ Sa yena ūsā pehe decoripe Cohācjūre sini, Cohācjū yere buhenatja, niahye tiquina Jesu cūriquina.

⁵ Tiquina sa nigū tūhoye, “Añ, sata yeihna”, niahye tiquina ijipihtiyequina Jesu yequina. Sa ye Estebāre Cristore wacū tutuariquirore, Espiritu Santo tutuayere

pajiro c̄oriquirote be-seahye tiquina. Apequina ḡuh̄are beseahye. Felipere, Prócorore, Nicanore, Timore, Parmenare, Nicolare ihyaye itiatiquinare be-seahye tiquina. Nicola pehe judio masano ijieriquire Antioquía c̄j̄ano judio masa ye buheyere cahmeno, tiquina mehna sajāmediquiro ijiahye. ⁶ Tiquina beseriquinare Jesu c̄uriquina cahap̄a ne wihiahye apequina Jesu yequina pehe. Tiquina sa ne wihiḡa ih̄ñañe tiquina Cohācj̄ure sini basaye, tiquina beseriquina bui omocarine duhu peohaye.

⁷ Sa ye ti yehpa c̄j̄ena Cohācj̄ū yere masi pihti c̄j̄ūñe niahye. Sa ye Jerusalēp̄a ijieyequina Jesu buheyequina peyequina wahahye. Sa ye pahia ḡuh̄a peyequina Jesu yequina wahahye.

Apequina Estebāre ñehēahye

⁸ Sa yero Estebā Cohācj̄ū tutuayere c̄oriquiro ijiahye. Tiquiro Cohācj̄ū quehnoano yenohriquire ijiahye. Sa yero tiquiro Cohācj̄ū tutuaye mehna ye ih̄ñoahye masa tiquina ih̄ño. ⁹ Tiquiro sa yepeḡuta judio masa tiquina buheri w̄uh̄a c̄j̄ena tiquirore ih̄ña tuhtiahye. Sa ye tiquiro mehna cahme d̄use tini wiaye niahye. Cahac̄j̄ena ijirire ȳahd̄a w̄itiriquina wame tiyequina ijiahye tiquina. Cirene c̄j̄ena, Alejandría c̄j̄ena, Cilicia c̄j̄ena, Asia c̄j̄ena mehna peyequina ijiahye tiquina. ¹⁰ Sa ye Estebā

quehnoano masiniquiro Esp̄iritu Santore pajiro c̄oriquiro tiquiro yahuducuḡa t̄ahoye tiquina “M̄ah̄a nidi potō ijierare”, tiquirore ni ih̄ño masiedahye. ¹¹ Sa t̄aho d̄ueraye tiquina apequinare ni meho dutiye, wapa yeahye tiquinare. Tiquina sa ni meho dutiḡa oh̄ō saha ni yahusāmahye tiquina:

—Ahriquire Cohācj̄ure tiquiro ñano yahuducuḡa, Moiserē tiquiro ñano yahuducuḡa ḡuh̄are us̄ā t̄ahou, ni yahusāmahye ni mehoñequina pehe apequinare.

¹² Tiquina sa niḡa t̄ahoye masa, judio masa buheyequina, b̄uc̄na ḡuh̄a tiquiro mehna usuahye. Sa ye tiquina Estebāre ñehē, tiquina p̄ah̄toa cahap̄a neahye tiquirore. ¹³⁻¹⁴ Sa ye tiquina apequinare ni meho dutiahye:

—Ahriquire decoripe Cohācj̄ū w̄uh̄are, tiquiro dutiye ḡuh̄are ñano yahuducuriquiro ijire. T̄ahou us̄ā tiquirore tiquiro oh̄ō saha niḡa: “Jesu Nazare c̄j̄ano Cohācj̄ū w̄uh̄are cohānota. Sa yero tiquiro Moise dutiyere marine yahurire comesarota Jesu”, nidi Estebā us̄ā t̄ahoḡa, ni meho yahusāmahye tiquina.

¹⁵ Sa ye ijipihtiyequina top̄a dujiyequina Estebāre quehnoano ih̄ñadoque oh̄ō, tiquiro w̄ahdoare ih̄ñahye tiquina. Angel yero saha bajuahye tiquiro w̄ahdoa.

7

Estebã Jesu yere yahuahye

¹ Sa ye pahia puhtoro sini-tuahye Estebãre.

—¿Ahriquina niñe potota iji-jari? ni, sinituahye tiqui-ro Estebãre.

² Tiquiro sa nigũ tuhoro, Estebã pehe tiquinare ohõ saha ni yahuahye:

—Yũhũ acaye, bucsũna, usã pacusũmũa tuhoya. Abrahã mari ñecũ mũnano panopũ cjẽno Mesopotamiapũ tiqui-ro iji-gũ, Harãpũ tiqui-ro ijiato pano, Cohãcjũ tu-tuariqui-ro asi siteriqui-ro pehe tiqui-rore Abrahãre bajuahye. ³ Sa bajuaro Cohãcjũ yahuahye tiqui-rore.

“Mũhũ ya yehpare mũhũ acaye mehna ijieracãhña. Sa yegũ ape yehpapũ wahaya. Mũhũ sa wahagũ mũhũre ti yehpare ihõgũtja yũhũ”, niahye Cohãcjũ Abrahãre.

⁴ Tiquiro sa nigũ tuhoye, Abrahã gũhũ Caldea yehpa cjẽna ya yehpapũ ijiriquina wahahye. Sa yero Harãpũ esahye. Topũ esa, ijiyahye. Sa yero tiqui-ro pacũro yariari bato ahri yehpa yojopũ mũsa ijiri yehpapũ Cohãcjũ ahta dutiahye Abrahãre.

⁵ Cohãcjũ Abrahã tiqui-ro ijiri yehpare quehnoano waro cũedarĩahye tiqui-rore. Ne mehenogã cũedarĩahye. Sa yero Abrahã pohna marieniqui-ro ijiepegũta Cohãcjũ pehe tiqui-rore ohõ saha ni yahuahye. “Mũhũre, mũhũ panamena ape tjuro cjẽnapũre ahri yehpare

ohogũtja”, niahye Cohãcjũ Abrahãre. ⁶ Sa ninota ohõ saha ni yahu nemoahye Cohãcjũ. “Mũhũ panamena ape tjuro cjẽna ape yehpapũ wahaye, topũ apequina cahapũ ijiye, tiquina cahacjẽna ijieta tiquina. Sa ye cuatro cientos cãmari waro to cjẽna ñano yeeta mũhũ panamena iji turiayequinare. ⁷ Sa yegũ to cjẽnare tiquina sa yeri buhiri buhiri dahregũtja yũhũ. Yũhũ sa yeri bato mũhũ panamena iji turiayequina ahri yehpapũ wiheta tja. Sa ye ahri yehpapũ yũhũ cahacjẽna ijieta tiquina”, niahye Cohãcjũ Abrahãre. ⁸ Sa nino Cohãcjũ “Yũhũ nidiro sahata yegũtja”, nino Abrahã tiqui-ro wacũatire ohõ saha cũahye tiqui-rore. Cuhnucunũ sohtoa cahserogãre yũhre ne dutiahye tiqui-rore, tiqui-ro ni yahuripũre wacũ dutiro. Sa ye Abrahã Isaare pohna tiahye. Ocho decori bato cuhnucunũ sohtoa cahserogãre yũhre neahye Isaare. Came Isaac Jacore pohna tiahye. Sa yero Jacob doce waro pohna tiahye. Tiquina doce pehe mari ye cururipe mari dahpoto cjẽna ijiatiquina ijiyahye.

⁹ ‘Sa ye tiquina mari ñecusũmũa mũna panopũ cjẽna Josere cooye ihña tuhtiye, tiqui-rore dua cãhye Egiptopũ wahayequinare. Sa yero Josere Cohãcjũ yedo-hoahye. ¹⁰ Tiquiro ñano yũhdũgũ ihñano Cohãcjũ tiqui-rore yedohoahye. Tiquiro sa yedohogũ José

pehe quehnoano tuho masiniquiro wahahye. Sa yero faraõ Egipto cjãno puhtoro pehe Josére cahmeahye. Tiquirore cahmegü yeahye Cohãcjũ pehe. Tiquiro sa yegü faraõ pehe Josére puhtoro sõahye tiquiro yequina masare dutia-tiquirore. Tiquiro faraõ ya wuhũ gũhare puhtoro ijiahye.

11 'Sa ye ti pjere Egiptopũ, Canaarũ ne acoro ahtaerahye. Sa ye ñano yuhduahye to cjẽna. Sa ye mari ñecusumua mũna panopũ cjẽna ihyayere bo-caerahye. 12 Sa bocaeraro Egiptopũ trigo ijigũ tuhoro, Jacob tiquiro pohnene mari ñecusumua mũnare topũ coã ohoro niahye. 13 Came Egiptopũ tiquina esagũ José tiquiro wahmisumũare yahuahye. "Mũsa bahũta iji-aja yuhũ", niahye tiquinare. Sa yero José acayere coã ihũano niahye puhtoro faraõ. 14 Came José tiquiro wahmisumũare tiquiro pacuro Jacore piji dutiro ohoahye. Tiquiro acaye setenta y cinco masa ijiahye. 15 Tiquiro macũno pijiogũ tuhoro Jacob wahahye Egiptopũ tiquiro macũno cahapũ. Tiquiro macũno cahapũ ijiro, came yariaa wahahye. Sa ye mari ñecusumua mũna gũhu topũ yaria pihtia wahahye. 16 Sa ye Siquẽ wame tiropũ tiquina pagurire nea, masa coperire sehe tuhasa cohãhye tiquina pagurire. Abrahã tiquiro dúri yehpa ijiahye

ti yehpa. Panopũ Abrahã ti yehpare Hamor pohnene dúahye niñeru mehna.

17 'Sa yero Cohãcjũ Abrahãre "Ahri yehpare ohogutja mũhare", niahye. Ti yehpare "Ohogutja", tiquiro nidi pje umũ sagũ tiquiro acaye Israe masa peyequina masa wahahye. 18 Egiptopũ tiquina ijinigũ, apequiro puhtoro sajãhye. Sa yero tiquiro puhtoro pehe Josére masiedahye. 19 Tiquiro mari acayere ñano ye dua, tiquina pohnene wejẽ dua, cohã dutiahye tiquinare. Sa yero mari ñecusumua mũna iji turiayequinare ñano yeahye puhtoro faraõ pehe. 20 Tiquiro sa yeri watoa Moise mũnano pehe masa bajuahye. Tiquiro quehnoariquiro, Cohãcjũ tiquiro quehnoano ihũna coariquiro ijiahye. Sa ye ihtia asũ waro quehnoano ihboahye tiquirogãre tiquiro pacusumua. 21 Sa yero Moiserere tiquina nũo nemoedagũ faraõ macono tiquirogãre ihũna boca, ne maja, ticoro macũnore yero saha cuoahye tiquirogãre. 22 Sa ye Egipto cjẽna quehnoano masiñequina yere buheahye Moiserere. Sa yero cuero marieno yahuducuriquiro puhtoro yero saha yeriquiro ijiahye Moise.

23 'Sa ijieperota tiquiro cuarenta cahmari cuoro tiquiro acayere Israe masare ihũna duaro tiquina cahapũ tinino wahahye. 24 Sa

tinino esaro Egipto cjāno Moise acayurore tiquiro ñano yegū Moise ihñahye. Sa ihñano tiquiro acayurore yedohoahye Moise. Tiquiro acayurore yedohoro, Egipto cjāno pehere wejēahye tiquiro. ²⁵ Sa yero Moise ohō saha ni tūhotumahye. “Yūhū acaye tiquina acayurore yūhū yedohogū ihñañe ‘Cohācjū marine quehnoano yedohogū ye dutiro ohoi ahriquirore’, ni tūhotueta yūhū acaye”, ni tūhotumahye Moise. Tiquiro sa ni tūhotuepegūta tiquina pehe ne sa ni tūhotuerahye. ²⁶ Ape decopū Moise tiquiro acayere pūaro tiquina basi cahmequeñequinare ihñahye. Sa yero tiquiro tiquinare yahumahye. “¿Musa basi ijiepenata cahmequeajari musa?” nimahye Moise tiquinare. ²⁷ Tiquiro sa nigū tūhoro ihcāquiro tiquiro acayurore ñano yeriquiro Moisere tūdoqueoahye. “Mūhū usā pūhto ijierare. Usāre dutigū ijierare mūhū. ²⁸ ¿Canūre Egipto cjānore mūhū wejēdiro sahata yūhūre wejē duagū nijari mūhū?” niahye tiquiro Moisere. ²⁹ Tiquiro sa nigū tūho maria waha, Moise oma duhti cāa wahahye. Madiā yehpapū wahaa wahahye. Topūre numino boca pūaro pohna tiahye.

³⁰ Sa ye Moise cuarenta cahmari waro topū tiquiro ijiri bato Sinaí wame tidū canū caha masa marienopū

tiquiro ijigū angel tiquirore bajuahye. Angel pehe yucūgū mehenūgā ujūri peca pohnapū bajuahye. ³¹ Tū sa ujūgū ihñano Moise ihña maria wahahye. Ti pecare cahagā quehnoano tiquiro ihñano wahagū waro Cohācjū tiquirore yahuahye. ³² “Cohācjū ijiaja yūhū. Mūhū ñecusumūa Abrahā, Isaac, Jacob tiquina ño peorigū iji-aja”, niahye Cohācjū Moisere. Tiquiro sa nigū tūhoro Moise pehe nanarea wahahye. Ne ihña wahcōedahye. ³³ Sa yero Cohācjū yahuahye tiquirore. “Mianogāta yūhū cahapū ducūgū nine mūhū. Sa yegū cua pesaro mehna mūhū dahpo suhtire tu weya. ³⁴ Yeequina masa Egiptopū tiquina ñano yūhdūgū ihñan. Tiquina utiyere tūhou. Sa yegū tiquinare yedohogū ahtaū. Tiquina sa wahagū ihñagū wahaya mūhū gūhū. Egiptopū mūhūre ohogātja tiquinare yedoho dutigū”, niahye Cohācjū Moisere.

³⁵ Tiquina pehe mari acaye Israe masa Moisere cahmedahye. “Mūhū usā pūhto ijierare. Mūhū usāre dutigū ijierare”, Moisere sa niñe cahmedaye niahye tiquina. Tiquina sa cahmedapegūta Cohācjū tiquirore Egiptopū ohoahye, mari acayere Israe masare yedohoatiquirore, pūhtoro ijiatiquirore. Angel tiquirore yucūgūpū bajuariquiro pehe oho basahye tiquirore. ³⁶ Moise mari acayere Is-

rae masare Egiptopu ijiye-
quinare wioahye. Sa yero
Egiptopu ahriquiro Moise
Cohācjū tutuaye mehna ye
ihño dūcahye. Sa yero pajiri
ma sohāri mapu sa yeahye
tja. Camerpu masa marienopu
gūhure cuarenta cūhmar
waro Cohācjū tutuaye
mehna ye ihñoahye tiquiro.
37 Ahriquiro Moise pehe
mari acayere Israe masare
yahuahye. “Yūhu yero
saha ijiriquirore Cohācjū
yere yahu māhtariquirore
Cohācjū ohorota. Sa yero
tiquiro mūsa mehna cjāno
mūsa acayuro ijirota”, niahye
Moise tiquinare. 38 Moise
masa marienopu mari acaye
Israe masa mehna ijiahye. Sa
yero Sinaí wame tidu cūnupu
tiquirore yahuriquiro angel
mehna ijiahye. Sa yero
mari ñecūsumna panopu
cjēna mehna ijiahye tiquiro.
Cohācjū tiquiro dutiyere
cūriquiro ijiahye Moise.

39-40 'Sa ye ti dutiyere
cūnupu Moiserē tiquiro
cūri watoa mari ñecūsumna
panopu cjēna Egiptopu
tojoaa duahye, Moiserē
yūhdudūcaye. Tiquina
tiquirore cahmedahye. Sa
cahmedaye, tiquina Moise
bahuro Aarōre ohō saha
niahye: “Cohāmana queoyere
yeya mari yequina ijia-
tiquinare. Sa ye tiquina
mūhu yeriquina marine
dutiye mari waha duari ma-
hapu marine neaeta. ¿Tiquiro
Egiptopu ijiyequinare ma-
rine ne cāhtariquiro Moise
dūhse wahayari tiquiro?

Masiedaja usā”, niahye
tiquina. 41 Sa ye ti decorire
tiquina wecu queoyere uru
mehna yeahye. Sa ye tuhasa,
tiquina wahiquinare wejē,
tiquina yeriquiro cahapu ne
cāhta, ño peohye tiquirore.
Sa ye tiquina yeriquiro
wecure ihña, bucue, bose
deco yeahye. 42 Cohācjū
wecure tiquina ño peogū
ihñano tiquinare cohā cāa
wahamahye. “Yūhure
cohā, ñahpicoha pehere ño
peocūnahdo”, nino cohā cāa
wahamahye. Cohācjū yere
yahu māhtariquina sa ni,
ojoahye.

Mūsa yūhure ña yūhdūaro
yeri. Israe masa masa
marienopu cuarenta
cūhmar waro ijina,
wahiquinare mūsa
wejēñequinare mūsa
ujāañequinare ohona,
yūhure mūsa ño peo-
boriro sahata yemedi
mūsa. Sa yepenata
yūhu pehere mūsa
ñō peoerari. 43 Sa
yena mūsa Molo wame
tiriquirore ño peona
ijina, tiquirore ño pe-
ori wūhure cūori mūsa.
Ñahpicoha apequiro
cohācjū Rejā wame
tiria queoyere mūsa
yeriare mūsa ño peori
tja. Ti queoyere mūsa
yeriquinare mūsa
ñō peori. Mūsa sa
yeri buhiri mūsare
Babilonia ape sie
pahrēpu cohāgūtja
yūhu, ni, yahu ojoahye
Cohācjū yere yahu

māhtariquina.

44 'Sa ye masa marienopu Cohācjū masa mehna tiquiro ijiri wāhure wahiquina cahseri wāhure cūoahye mari ñecusumma panopu cjēna. Ti wāhu Cohācjū masa mehna tiquiro yahuducuri wāhu ijiahye. Ti wāhuru Cohācjū dutiye tiquiro ojoari p̄jīni utā p̄jīni ijiahye. Ti wāhure Cohācjū tiquiro yahuriro sahata Moiseri tiquiro ihñoriro sahata dahre dutiahye Cohācjū Moiseri.

45 Sa ye mari ñecusumma panopu cjēna Josué mehna ti wāhure wahiquina cahseri mehna tiquina yeri wāhure ne cāhtahye ahri yehrapu mari ijiri yehrapu. Tiquinare mari acaye Israe masare Cohācjū tiquiro cūati yehrapure ahri yehrapure tiquina wihiato pano ahri yehrapu iji māhtariquina Canaa cjēna mūnare Cohācjū cohā cāhye. Ti pjere Cohācjūre ño peori wāhure wahiquina cahseri wāhure cūoahye mari ñecusumma. Tee Davi mūnano tiquiro ijigāpu cūo bato tiahye ti wāhure.

46 Sa yero Davi mūnano Cohācjūre bucuegū yeahye. Sa yero Cohācjū ya wāhu ijiatire Davi pehe ye duaro, sinimahye Cohācjūre.

47 Tiquiro sa siniepegūta Salomo pehe Cohācjū ya wāhure yeahye. 48 Tiquiro sa yepegūta Cohācjū pehe masa tiquina yeri wāhure ijierare. Ohō saha niahye Cohācjū yere yahu māhtariquiro.

49 “Uhmuse yāhu dujiro ijire. Topu dujigu dutiaja yāhu. Sa yero yehpa pehe yāhu dahpocārine duhu peoro yero saha ijire. Yāhu tutua yāhdūagu ijiaja. Ya wāhu ijiatore ye masiedare mūsa. Cohācjū yāhu ijigū yāhu ijiati wāhure mūsa ye masiedare. 50 Yāhu basi ahri yehpare ijipihtiro yei yāhu”, niahye Cohācjū, ni ojoahye Cohācjū yere yahu māhtariquiro.

51 'Mūsa ne yāhti duena ijire. Cohācjū yere tūhoepenata, tiquirore yāhti duerare. Espiritu Santore yāhdūdūca yāhdūare mūsa. Mūsa ñecusumma tiquina yeriro sahata yere mūsa.

52 Mūsa ñecusumma ijipihtiyequina Cohācjū yere yahu māhtariquinare ñano yeahye. Tiquina Cohācjū yere yahu māhtariquina pehe “Came quehnoariquiro Cohācjū yere yahu māhtariquiro ahtarota”, tiquina ni yahuyequina ijigū tūhoye mūsa ñecusumma mūna sa ni yahuriquinare wejēe tiahye. Sa yena “Quehnoariquiro”, tiquina nidiquirore mūsa gūhu yojopure tiquiro ya curua cjāna ijiepenata tiquirore wejēdi. 53 Cohācjū dutiyere angele pehe yahumahye masare. Sa yena mūsa ti dutiyere cūomahye. Sa yena ti dutiyere yāhdūdūcari mūsa, niahye Estebā.

Tiquina Estebãre utã paca mehna doque wejẽahye

54 Tiquiro sa nigũ tuhoye tiquina pehe tutuaro usuahye. Sa tutuaro usuaye, cuayequina wahahye.

55 Tiquina sa usuepegãta tiquiro Espiritu Santo dutiriro sahata ye pehoriquiro ijiro, tiquiro tutuayere quehnoano cãoriquiro ijiro, umũseperũ ihñadoque mũo, Cohãcjũ asi siteyere ihñahye Estebã. Jesu Cohãcjũ potu peheperũ ducugũ ihñahye tiquiro.

56 Sa ihñano ohõ saha niahye:

—Umũseperũ mehenogã parĩ we maagũ Jesu Cohãcjũ ohoriquiro Cohãcjũ potu peheperũ tiquiro ducugũ ihñaja yuhũ, niahye Estebã.

57 Tiquiro sa nigũ tuhoye tiquina tutuaro sañuducu, tiquina cahmo coperire biha cã, ihcãno mehna tiquiro cahapũ oma maa cã, tiquirore ñeheahye. 58 Ñehe tuhasa, tiquirore ne cã, ti maca dũhtũ cahapũ cohãhye tiquirore. Sa ye utã paca mehna doque wejẽahye tiquirore. Tiquina sa wejẽato pano tiquirore yahusãriquina tiquirore utã paca mehna doqueatiquina tiquina suhtire tu we, wahmũnore Saulo wame tiriquire tiquina suhtire cão basa dutiahye.

59 Sa yero Estebãre tiquina wejẽato pano ohõ saha niahye tiquiro:

—Jesu yuhũ pũhto, yuhũ jeripohnare neña, niahye tiquiro.

Tiquiro sa nino watoa tiquina pehe utã paca mehna doqueye niahye tiquirore.

60 Sa yero tiquiro dũsepe curi mehna quehe sa, ohõ saha niahye:

—Pũhto Jesu, ahriquina yojopũ ñano yuhũre tiquina yeyere tiquinare buhiri dahreracãhña mũhũ, niahye Estebã.

Sa nidi bato tiquiro yariaa wahahye.

8

1 Sa yero Estebã tiquiro yariagũ ihñano, “Quehnoare”, niahye Saulo pehe.

Saulo Jesu yequinare ñano yeahye

Sa ye ti decoreta Jesu yequinare Jerusalẽperũ ijiyequinare ñano ye dũcahye apequina pehe. Tiquina sa ye dũcagũ Jesu yequina Judea yehpapũ, Samaria yehpapũ, yoaropũ duhti site cãa wahahye. Jesu cũriquina dihita wahaerahye. 2 Sa ye apequina Cohãcjũre ño peoyequina Estebãre ya, tutuaro utiahye tiquina.

3 Sa yero Saulo pehe Jesu yequinare ña yuhũaro yee timahye. Tiquiro tiquina ye wuhũseperũ sajã, umũare, numiare ñehe, peresuperũ biha docoe tiahye.

Samariaperũ Jesu yere buheahye Felipe

4 Sa yeye yoaropũ waha siteriquina Jesu yere buheahye. 5 Sa yero Felipe Samaria wame tiri macapũ esa, Cristo yere buheahye

ti maca cjēnare. ⁶ Tiquiro sa buhegū ti maca cjēna quehnoano tūhoe tiahye. Sa ye Cohācjū tutuaye mehna tiquiro ye ihñogū ihñahye tiquina. Sa ihñañe tiquirore quehnoano tūhoe tiahye. ⁷ Peyequina watīare cūoyequina tiquiro cahapū tiquina wihigū ihñano watīa pehere waha dutie tiahye tiquiro. Watīa pehe tutuaro sañuducu, duhu cāa wahahye tiquina. Sa yero peyequina tini masieñequinare, pari yuri wahayequinare quehnoano pagū tiyequina wahagū yeahye. ⁸ Tiquiro sa yegū ihñañe ti maca cjēna peyequina masa bucueahye.

⁹ Ti pjere Simo wame tiriquiro ti maca cjūno yairo ijiahye. Sa yero yayia tiquina yerire ye ihñoe tiahye Samaria cjēnare. Tiquiro sa ye ihñogū ihñañe, ti maca cjēna ihña maria waha, tiquirore cua pesaro ihñae tiahye.

—Yuhū masi pehogū ijiaja, nimahye Simo pehe tiquinare.

¹⁰ Tiquiro sa yegū ihñañe masa pehe ohō saha nie timahye:

—Ahriquiro Cohācjū ye tutuayere cūoriquiro ijire. Cohācjū yero saha tutu-ariquiro ijire, nie timahye tiquirore masa, pūhtoa mehna.

Tiquina ijipihtiyequina quehnoano tūhoahye tiquirore.

¹¹ Tiquiro yayia tiquina yeye mehna yoari pje ye

ihñoe tiahye tiquinare. Tiquiro sa ye ihñogū ihñañe tiquina ihña maria waha- hae tiahye. Sa ye tiquina tiquirore ño peoe tiahye. ¹² Tiquina sa ño peoepegūta Felipe pehe Cohācjū tiquiro pūhtoro ijiyere, Jesucristo yere quehnoañe buheyere yahuahye. Tiquiro sa yahugū tiquina tiquirore quehnoano tūhoahye. Tiquina sa quehnoano tūhogū ihñano umūa, numia gūhūre wame yeahye Felipe. ¹³ Sa yero Simo gūhū Felipere quehnoano tūhoe tiahye. Sa yero tiquiro gūhūre wame yeahye. Tiquiro sa wame yeri bato Felipe mehna tojoae tiahye tiquiro. Felipe pehe Cohācjū tutuaye mehna tiquiro ye ihñogū ihñano, dohatiyequinare tiquiro yūhdūogū ihñano Simo ihña maria wahahye.

¹⁴ Sa ye Samaria cjēna Cohācjū yere tiquina tutu-aro cahmegū Jesu cūriquina Jerusalēpū ijiiyequina tūhoahye tiquinare. Sa tiquina cahmegū tūhooye Pedrore, Ńu gūhūre ohoahye Samariapū. ¹⁵ Topū esaye Pedro gūhū Cohācjūre sini-ahye. “Ahriquina Samaria cjēna mūhūre ño peoyequina mūhū yaquiro Espiritu Santore cūoahro”, ni, sini basahye tiquina Cohācjūre.

¹⁶ Tiquina Samaria cjēna Jesucristo wame mehna wame yeriquina ijiahye. Ti dihitare masiahye tiquina. Sa ye Espiritu Santore cūoera

tiahye ti pjere tiquina. ¹⁷ Sa ye Pedro, Ñu mehna Samaria cjēnare tiquina omocarine tiquina bui duhu peori bato Espiritu Santore cno ducae tiahye tiquina.

¹⁸ Sa yero Pedro gūhu tiquina omocari mehna tiquina duhu peogū ihñahye Simo. Espiritu Santore tiquina ñehēgū gūhare ihñahye tiquiro. Sa ihñariquiro ijiro, ti tutuayere cahmeno, niñeru mehna wapa ye duamahye. Ohō saha nimahye Simo:

¹⁹ —Yūhu gūhare ohoya ahri tutuayere. Yūhu gūhu yūhu omocari mehna masa bui duhu peo yegū tūu niaja Espiritu Santore tiquina ñeheatō saha. Sa yegū ahri yūhu yeati wapare wapa ye duaja, nimahye Simo tiquinare.

²⁰⁻²¹ Tiquiro sa nigū tūhoro Pedro ohō saha niahye:

—Mūhu niñeru mehna Cohācjū ye tutuayere mūhu dú duari buhiri mūhu niñeru mehnata pecarū wahaya mūhu. Cohācjū mūhu tūhotuyere masine. Mūhu ñagū ijinine. Sa yegū ahrire ūsā yeyere ye masiedare mūhu. Ahrire yebogū ijierare mūhu. ²²⁻²³ Tutuaro ihña coore mūhu. Sa yegū ñañe yeyere ne duhu masiedare mūhu. Sa yegū ahrire mūhu ñañe yerire bñjūa witiya mūhu. Cohācjūre mūhu ñañe tūhotuyere bo dutigū siniña mūhu. Mūhu sa yegū ihñano tiquiro mūhu ñañene borota, niahye Pedro tiquirore.

²⁴ Tiquiro sa nigū tūhoro Simo yūhtiahye tiquirore.

—Yūhare sini basaya mūsa Cohācjūre mūhu nidiro saha yūhu wahaeragū. Ti buhiri pecarū waha dueraja yūhu, niahye Simo tiquirore.

²⁵ Came Pedro Ñu mehna Cohācjū yere yahuahye. “Jesu tiquiro masa mūjagū ihñau ūsā”, ni, Samaria yehparū ijiye macari cjēnare quehnoañe buheyere buheahye. Tiquinare Cohācjū yere buhe tuhasa Jerusalēpū tojoa wahahye.

Felipe Etiopía yehpa cjūnore buheahye

²⁶ Sa ye Cohācjū tiquiro yaquiro angel Felipere yahuahye:

—Yojopūre sur pehepū waha. Jerusalē caha ijiri maharū Gazarū wahari maharū wahaya, ni yahuahye angel Felipere.

Ti maha masa marienopū ijire. ²⁷ Tiquiro sa nigū tūhoro tiquiro pehe ti maharū wahahye. Came ti maharū ihcāquiro masūnore piti caro taro niahye. Tiquiro piti catiquiro ijiahye Etiopía yehpa cjūno pūhtoro. Sa yero Candace wame tiri-coro Etiopía cjōno pūhtoro yere, niñerure ijipihtiyere ihña ihboriquiro ijiahye. Sa yero tiquiro Jerusalēpū mari Pacūre ño peoro waha tuhasahye. ²⁸ Tiquiro ya macarū tunuria mehna tojoa taro tiapū wahaeperota buhero niahye. Cohācjū yere yahu mūhtariquiro Isaia

tiquiro ojoari pũre buhero niahye. ²⁹ Sa yero Espiritu Santo pehe Felipere ohõ saha ni yahuahye:

—Siquiro tunuriapũ wahariquiro cahapũ wahaaya, niahye Espiritu Santo tiquirore.

³⁰ Tiquiro sa nigũ tũhoro Felipe pehe tunuria cahapũ oma cã, Isaia ojoarire Etiopía cjũno buhegũ tũhoahye. Sa tũhoro Felipe sinituahye tiquirore:

—¿Mũhũ buheyere tũho masiajari mũhũ? niahye tiquiro.

³¹ Tiquiro sa nigũ tũhoro Etiopía cjũno ohõ saha ni yũhtiahye:

—Apequiro yũhũre yahu yũhdũoatiquiro mariedagũ quehnoano masiedaga yũhũ. Ohõ yũhũre yahu dujigũ ahtaya yũhũ pari paha, ni yũhtiahye tiquiro Felipere.

—Aũ, ni, nuju sahye tiquiro caha.

³² Sa ye Cohãcjũ yere Etiopía cjũnore tiquiro buheri pũ ohõ saha niahye:

Ovejare tiquina ñehe wejẽdiro saha tiquiro gũhũre ñehe wejẽeta masa. Sa yero ovejagãre tiquiro poarire tiquina segũ tiquiro dihta marieno saha tiquiro masũno gũhũ dihta marieno ijirota. ³³ Tiquirore tiquina bũjũpeeta. Sa ye tiquiro ñano yerapegũta tiquina pehe ñano yeeta tiquirore. Tiquiro ahri yehpapũ ijigũ tiquina

tiquirore wejẽeta. Sa yero tiquiro pohna marieniquiro yariaa waharota, ni ojoahye ti pũpare.

³⁴ Ti pũ sa ni yahugũ ihũano, Etiopía cjũno sinituahye:

—Yahuya yũhũre. ¿Ohõ saha Isaia tiquiro nidiquiro noa boro ijiajari ahriquiro? ¿Isaia tiquiro basi yahuro niagari? ¿O apequirore yahuro niagari? ni, sinituahye Etiopía cjũno.

³⁵ Tiquiro sa ni sinitugũ tũhoro Felipe pehe ti pũre ihũa, Jesu yere yahuahye Etiopía cjũnore. ³⁶ Sa ye tiquina tia mehna waha, mágãpũ esahye.

—Ihũaña, ohõ mágã ijire. Ahri mágãpũ yũhũre wame yeya, niahye Etiopía cjũno.

[³⁷ —Jesure mũhũ quehnoano wacũ tutuagũ ihũagũ mũhũre wame yeitja, niahye Felipe tiquirore.

—Jesure wacũ tutuaja yũhũ. Tiquiro Cristo Cohãcjũ macũno ijire. Tire quehnoano masiaja yũhũ, niahye Etiopía cjũno.]

³⁸ Sa ninota tunuria ohoturiquirore yũsho dutiahye. Tia yũshũ quehe sari bato wijiahye tiquina. Wijia, ti mágãpũ esa, ñumudũca sahye tiquina. Topũ ñumudũca sa, Felipe pehe tiquirore wame yeahye. ³⁹ Wame ye tuhasa tiquina majadũca sagũ Cohãcjũ yaquiro Espiritu Felipere nea wahahye. Tiquiro sa wahari bato Etiopía cjũno quehnoano bucueriquiro

tiquiro ya yehpapu tojoaa wahahye. Tiquiro sa yeri bato tigū ne pari turi Felipere ihña nemoedahye. 40 Sa ye tuhasa Azotopu esahye Felipe pehe. Sa yero peye macarine quehnoañe buheyere buheahye masare. Cesareapu buhe bato tiahye.

9

Saulo Jesucristore ihñano tiquirore wacū tutua dñcahaye (Hch 22.6-16; 26.12-18)

1 Ti pjere Saulo Jesu yequinare ihña tuhtiriquiro, “Tiquinare wejēgutja”, nino, tiquiro pahia puhtoro cahapu wahahye. 2 Topu esaro tiquiro ojoari pūrīne siniahye pahia puhtorore. Ohō saha niahye:

—Damasco cje wñhusepu judio masa mari buheye wñhusepu Jesu yequinare umñare, numiare boca sagu, tiquinare ñehe dñhte, Jerusalēpu ne cāhtagutja. Ti wñhusepu ijiyequinare yñh ñeheatire papera pūre ohoya, ni siniahye Saulo pahia puhtorore.

3 Ti pūre ne tuhasa, waha, Damasco cahagā tiquiro esagū waro umñanopu asi sitedoque dijioahye tiquirore. 4 Sa asi sitedoque dijioagūta tiquiro yehpapu bora quehe saro, yahuducugū tuhoahye:

—¿Saulo, dahsegu mñhu yñhure ñano yeajari? nino ca tahye.

5—¿Puhto, noa boro ijiajari mñhu? niahye Saulo pehe.

—Yñhu Jesu, mñhu ñano yenohrigu ijiaja. [Mñhu yñhu mehna usuagu yñhure yñhtieragu, mñhu basita ñano yñhdare, niahye Jesu Saulore.

6 Tiquiro sa nigū Saulo cue nanare, ohō saha ni sinituahye:

—¿Puhto, dahse yñhu yegū cahmeajari mñhu? niahye Saulo.

Tiquiro sa nigū ohō saha niahye Jesu:]

—Wahcādñcaya mñhu. Si macapu wahaya. Ti macapu mñhu esagū ti maca cñano mñhu yeatire yahurota mñhure, niahye Jesu Saulore.

7 Tiquiro sa nigū Saulo mehna cñena pehe tiquiro yahuducuye dihtare tuhoahye. Jesu pehere ihñedahye. Tiquiro sa wahagū ihñañe, cueye, tiquina yahuducu masiedahye.

8 Sa yero Saulo yehpapu cuñariquiro wahcādñca, tiquiro ihñagū tiquiro caperi bajuerahye. Sa ye tiquina tiquiro omocare ñehe, Damascopu tuñ cña wahahye tiquirore. 9 Sa yero tiquiro ihtia deco waro ne ihñeda, ihyera, ne sihniedahye.

10 Sa ye Jesu buheriquiro Anania wame tiquiro Damascopu ijiahye. Sa yero Jesu bajuahye Ananiare. Sa bajuaro pisuahye tiquirore:

—¿Anania, ijiajari mñhu? niahye Jesu.

—Ijiaja, ni, yñhtiahye Anania tiquirore.

11 Tiquiro sa nigū Jesu yahuahye tiquirore:

—Poto wame tiri mahapu wahaya. Topu wahagu Juda ya wuhapu Tarso cjanore Saulo wame tiriquirere macaña. Tiquiro Cohacjüre sinino niaga. ¹² Sa yero queheno saha tiquiro ihñarire ihñano niaga topure. Ohõ saha ijyere ihñano niaga tiquiro: Mahu omocare tiquiro bui duhu peo, tiquiro caperi quehnoa wahagu ihñano niaga tiquirore bajarire, niahye Jesu Ananiare.

¹³ Tiquiro sa nigã tuhoro Anania ohõ saha niahye:

—Pauto, tiquiro mahu yequinare quehnoañequinare Jerusalẽ cjenare ñano yeñohti. Peyequina masa yahure sa ni yahuri. ¹⁴ Sa yero ohõre tiquiro ijipihtiyequina mahure cahmeñequinare peresu yero taro niñohti. Pahia pautoa tiquirore sa ye dutiñohti, niahye Anania Jesure.

¹⁵ Tiquiro sa nigã Jesu pehe yahuahye tiquirore:

—Tiquiro Saulo pehe yahu beseriquiro ijire. Tiquiro yee buheyere peye macari cjenare, Israe masa ijieyequinare, tiquina pautoare, Israe masa gahure buherota. Sa yegu wahaya mahu. ¹⁶ Sa yero peye tahari yeere tiquiro yeri buhiri tiquiro ñano yuhdãrota. Tire tiquirore masigã yegutja, niahye Jesu Ananiare.

¹⁷ Tiquiro sa nidi bato Anania pehe waha, esa, Saulo tiquiro ijiri wuhapu sajãhye. Sajã sa, tiquiro

omocare Saulo bui duhu peo, yahuahye tiquirore.

—Yahu acayahu Saulo, mari pauto Jesu pehe mahapu mahure bajuariquiro yahure ohori, mahu caperire ihña dutiro, Espiritu Santore mahure cuo dutiro, tiquiro dutiriro sahata mahure ye dutiro, ni yahuahye Anania Saulore.

¹⁸ Tiquiro sa nigãta tiquiro caperire wahi naturi saha bajuyere tiquiro caperire pahna dijiagã ihñahye Saulo. Tiquiro sa ihña tuhasari bato wahcãduca sagã apequiro pehe wame yeahye tiquirore. ¹⁹ Sa yero tiquiro ihyari bato pagu tutuariquiro wahahye.

Saulo Damascopu Jesu yere buhe dũcahye

Sa ye meheñe decorigã Damasco cjenã Jesu yequina mehna ijiahye Saulo.

²⁰ Sa yero ti pjereta tiquiro judio masa buheye wahu sepã Jesu yere buheahye masare. Jesu Cohacjũ macano tiquiro ijyere yahuahye Saulo. ²¹ Tiquiro sa yahugã ihñañe ijipihtiyequina tiquirore tuhoyequina acuaa wahahye.

—Ahriquiro Cohacjũ yequinare Jesure cahmeñequinare ñano yee tiriquire ijire. Sa yero tiquiro tiquinare ñehe, dũhte, pahia pautoare oho duari jimedi. Sa ye duaro ohõpare ahtari jimedi tiquiro, niahye masa tiquirore tuhoyequina.

²² Tiquina sa ni tuhõuepegãta Saulo cuero marieno tutuaro mehna buhe dũcahye. Judio

masare Damasco cjēnare quehnoano yahuahye. “Ahriquiroy Jesu potota Cristo marine yāhdūoriquiro ijire”, tiquiro ni yahugū tiquina pehe tiquirore “Ni mehono nine ahriquiroy”, ni masiedahye tiquirore.

²³ Sa ye peye decori bato judio masa tiquirore wejē duaye, tiquina basi yahuducuahye. ²⁴ Sa yero Saulo tiquina wejē duagū masiahye tiquiro basi. Sa ye ti maca cjē sopecaharire decopure, ñamipū gūhure cohtee tiahye tiquirore wejē duaye. ²⁵ Tiquina sa wejē duagū ihñañe ñamipū Saulo buheyequina tiquirore pūhuro pajiri pūhūdupū ne sãa, ti maca cjã sahrīno behero pehepū duhu dijioahye tiquirore.

Saulo Jerusalēpū ijiahye

²⁶ Sa ye Saulo Jerusalēpū esaro, topū Jesu yequina mehna tiquiro iji duamahye. Tiquiro sa iji duepegūta tiquina tiquirore “Jesu buheriquiro ijierare ahriquiroyniñe, tiquirore cue niahye. ²⁷ Tiquina sa cuepegūta Bernabé pehe tiquirore ne cāhye Jesu cūriquina cahapū. Sa yero Saulo mahapū Jesure tiquiro ihñarire, Jesu mehna tiquiro yahuducurire, Damascopū cuero marieno Jesu yere tiquiro buhe dūcarire yahuahye Bernabé pehe. ²⁸ Tiquiro sa ni yahuri bato Saulo tiquina mehna sajāno, Jerusalēpū tiquina mehna ijie tiahye. ²⁹ Sa yero tiquiro cuero marieno Jesu yere

buhee tiahye. Sa yero tiquiro judio masare Jesu yere yahu yāhdūdūcaro niahye. Tiquina judio masa griego masa yere yahuducuyequina ijiahye. Sa ye Saulo tiquiro sa yahu yāhdūdūcari buhiri tiquina tiquirore wejē duamahye. ³⁰ Tiquina sa wejē duagū ihñañe, Saulo mehna cjēna Jesu yequina pehe tiquirore Cesareapū ne duhti cāa wahahye. Topū tiquirore siho ijiducume Tarsopū ohoahye tiquirore.

³¹ Sa ye ijipihtiropū, Judea yehpapū, Galilea yehpapū, Samaria yehpapū Cohācjū yequina quehnoano ijie tiahye. Ti pjere ne masa ñano yera tiahye tiquinare. Sa ye quehnoano buheahye tiquina. Sa ye tiquina Cohācjūre cua pesaro ihñahye. Espiritu Santo tiquinare tiquiro yedohogū tiquina pehe masa peyequina wahahye.

Pedro Eneare quehnoa wahagū yeahye

³² Sa ye Pedro ijipihtiye macaripū waharo, Jesu yequina Lida maca cjēna cahapū gūhure esahye tiquiro. ³³ Topū esaro Enea wame tiquirore boca sahye. Enea tini masieniquiro ijiro, ocho cūhmari waro cuñari cahsero mehna cuñae tiahye tiquiro. ³⁴ Sa yero Pedro pehe tiquirore ohō saha niahye:

—Enea, Jesucristo mūhure quehnoa wahagū yere. Wahcādūcaya. Mūhū eō tu

cuñari cahserore quehnoña, niahye Pedro tiquirore.

Tiquiro sa nigãta tiquiro wahcãdaca wahaa wahahye. ³⁵ Sa ye ijipihtiyequina Lida cjëna, Saronã cjëna tiquirore ihñañe, tiquina ñañe yerire duhu, Jesure wacũ tutuahye.

Dorca wame tiricorore masoahye Pedro Jesu tutuaye mehna

³⁶ Sa ye Jope wame tiri macapũ Jesure ño peoricoro Tabita wame tiricoro ijiahye. Ticoro wame Tabita griego ye yahuducuye mehna Dorca ijire. Ticoro quehnoañene yero, peye ohoe tiahye pejeshoyequinare. ³⁷ Sa yero ti pjere ticoro dohati wahcõ, yariaa wahahye. Ticoro yariagũ ihñañe, tiquina ticorore quehnoano cose, ahmãano cjã tucũpũ cũahye ticorore. ³⁸ Lida wame tiri macã Jope cahagãpũ ijiri. Sa ye Jesu buheyequina Jope cjëna Pedro Lidapũ tiquiro ijigũ tãhoahye. Sa tãhoye, pũaro ohoahye Pedro cahapũ. Tiquiro cahapũ esaye, Pedroro yahuahye tiquina.

—Sojaro mehna usã ijirorpũ wahaya, ni yahuahye tiquina.

³⁹ Tiquina sa nigũ tãhoro tiquina mehna wahaa wahahye tiquiro. Topũ tiquirore tiquina ne sari bato ahmãano cjã tucũpũ ne mãjaa wahahye tiquirore. Sa ye ijipihtiyequina wape wiha numia tiquiro cahapũ esadaca, utiahye. Tabita tiquina mehna ijininorpũ peye suhtire yee

tiahye. Sa ye tiquina ticoro yeri suhti ijirire ihñoahye Pedroro. ⁴⁰ Tiquina sa ihñoepẽgũta Pedro tiquinare ti tucũpũ ijiyequinare wijia dutiahye. Tiquina wijiari bato tiquiro dũsepe curi mehna quehe sa, Cohãcjũre ticorore sini basahye. Sa yero ticoro pagure majare ihñañe.

—Tabita wahcãña, niahye tiquiro.

Tiquiro sa nigũta ticoro pehe ihña wahcõ, Pedroro ihña, wahcã nuju sahye. ⁴¹ Ticoro wahcã nuju sagũ ihña, tiquiro ticoro omocare ñehe, tãã wahcõ docoahye ticorore. Sa yero tiquiro to cjënare Jesu yequinare, wape wiha numiare pijio, ticorore catiricorore wiahye tiquinare. ⁴² Tiquiro sa yeri bato ijipihtiyequina Jope cjëna tire masiñe peyequina masa Jesure wacũ tutua dũcahye. ⁴³ Came Jopepũ Simo wahiquina cahserire quehnoriquiro mehna peye decori Pedro tiquiro mehna ijiahye.

10

Pedro Corneliore Jesu yere yahu dũcahye

¹ Ti pjere Cesareapũ Cornelio wame tiriquire ijiahye. Tiquiro cien surara pũhtoro ijiahye. Tiquina surara pehe tiquina ya curua Italiano wame tiahye. ² Cornelio tiquiro ya wãhũ cjëna mehna mari Pacũre ño peoyequina, cua pesaro ihñañequina ijie

tiahye. Sa yero tiquiro judio masa pejecuoyequinare yedohoro, peye ohoahye. Sa yero decoripe tiquiro mari Pacure sinie tiahye. ³ Sa ye ñamicahapũ tres hora ijigũ Cohãcjũ yaquiro angel tiquirore bajuahye. Sa bajuaro Cornelio cahapũ sajãhye.

—Cornelio, niahye angel tiquirore.

⁴ Sa yero Cornelio tiquirore ihña cuero ohõ saha niahye:

—¿Pũhto, yabere cahmeajari? niahye tiquiro.

—Pejecuoyequinare mũhũ ohorire, mari Pacure mũhũ sinidire tiquiro wacũno niaga. ⁵ Sa yegũ Jopepũ mũhũ cahacjẽnare ohoya. Topũ Simo Pedro wame tiquiro ijire. Tiquirore ne cãhta dutiya mũhũ cahacjẽnare. ⁶ Tiquiro apequiro Simo wahiquina cahseri quehnoriquiro cahapũ, pajiri ma dũhtũ cahapũ ijiri wũhũpũ ijire, niahye angel Corneliore.

⁷ Angel sa ni tuhasa, wijiaa wahahye. Tiquiro sa wijiari bato Cornelio pũaro tiquirore yedohoyequinare ihcãquiro surara mehna cjãnore pijiahye. Surara pehe mari Pacure ño peoriquiro ijiro, decoripe Corneliore yedohoe tiahye. ⁸ Sa yero Cornelio tiquinare yahu peho, Jopepũ ohoahye tiquinare.

⁹ Sa ye ape deco Jopepũ tiquina wahari watoa coheri pje ijigũ Pedro pehe wũhũ buipũ Cohãcjũre sinino wahahye. ¹⁰ Sa yero tiquiro

ũjua ahbagũ ihya duahye. Sa ihya duaro apequina tiquiro ihyayere tiquina dahreri watoa tiquiro pehe bajuagũ ihñahye. ¹¹ Uhmũanopũ parĩ maagũ, pajiri cahsero ti cahsero sohtoripũ dahteri cahsero dijia tagũ ihñahye. ¹² Ti cahsero puhiapũ peyequina wahiquina nũcũ cjẽna, yehpapũ bũa tiniñequina, minicjua pari ijiahye. ¹³ Tire tiquiro ihñari bato, Pedro yahuducugũ tũhoahye.

—Pedro, wahcãdũcaya. Ahriquinare wejẽ ihyaya, ni yahuducugũ tũhoahye tiquiro.

¹⁴ Tiquiro sa niepegũta Pedro ohõ saha niahye:

—Pũhto, ne tiquinare ihyeraja yũhũ. Ñañequinare, Cohãcjũ tiquiro ihya dutieriquinare ne ihyera tii yũhũ, niahye Pedro.

¹⁵ Sa yero Pedro pari turi yahuducugũ tũhoahye:

—Cohãcjũ “Quehnoañequina ijire”, tiquiro nidiquinare “Ñañequina ijire”, niedacãhña mũhũ tiquinare, ni yahuducugũ tũhoahye Pedro.

¹⁶ Sa ye ihtia taha tiquina sa ni yahuducuri bato ti cahsero uhmũanopũ mũjaa wahahye tja. ¹⁷ Sa yero Pedro tutuaro wacũ “¿Dũhse ni yahu duaro niajari sa bajuaro?” ni tũhotuahye tiquiro basi. Tiquiro sa tũhoturi watoa Cornelio ohoriquina pehe Pedro ijiri wũhũpũ esahye. “¿Simo ya wũhũ nohopũ ijiajari?” ni, tiquina sinituri bato ti wũhũpũ esahye tiquina.

18 Sa ye tiquina sinitu mado-
queoahye. “¿Simo Pedro
wame tiriquireo ahri wãhãre
ijijari?” ni sinituahye
tiquina. 19 Sa yero Pe-
dro tiquireo tãhoturi watoa
Espíritu Santo tiquireore
yahuahye:

—Ihñaña. Ihtiaro maha
mahãre macañe nine.
20 Wahcãdãcaya. Dijiahya.
Tiquina mehna wahaya.
Yabiro marieno wahaya
quehnoano mehna. Yãhã
pehe tiquireore ohõpãre
ahtagã yei, niahye Espiritu
Santo Pedrore.

21 Tiquiro sa nigã tãhoro
Pedro tiquina cahapã dijiaa
wahahye.

—Ihñaña. Ohõpã ijiaja yãhã
mãsa maca cãhtarigã. ¿Dãhse
yena tana nijari mãsa yãhã
cahapãre? niahye Pedro
tiquireore.

22 Tiquiro sa nigãta tiquina
pehe ohõ saha niahye:

—Cornelio cien surara
pãhtoro, quehnoañene
yeriquiro, mari Pacãre
cua pesaro ihñariquireo, ijip-
ihtiyequina judio masa
“Quehnoariquireo”, tiquina
nidiquiro mahãre piji du-
tiro ohori usãre. Cohãcjã
quehnoariquireo yaquireo
angel Corneliore mahãre
piji dutiñohti. Ohõ saha
niñohti: “Pedrore mahãre ya
wãhãpã ne cãhta dutiya mahã
cahacjẽnare. Sa ye tiquireo
mahãre yahurota”, ni piji
dutiñohti angel Corneliore, ni
yahuahye Cornelio Pedrore
tiquireo piji dutiriquireo pehe.

23 Tiquina sa nigã Pe-
dro pehe tiquireore sajã ta
duti, ihyaye oho, tiquireo
ijiri wãhãpã carĩ dutiahye
tiquireore. Sa yero ape deco
Pedro wahcã, tiquina mehna
wahaa wahahye. Sa ye
apequina Cristo yequina Jope
cjẽna Pedrore piti ti cãhãre.

24 Ape deco tiquina Ce-
sareapã esahye. Sa yero Cor-
nelio pehe tiquireo acayere,
tiquireo mehna cjẽna gãhãre
piji cahmecoã, Pedrore
cohteahye. 25 Sa yero Pedro
Cornelio ya wãhã cahapã
tiquireo ahtagã ihñano Cor-
nelio pehe tiquireore piti
ca wijia, tiquireo dahpocãri
cahapã quehe sahye. 26 Sa
yepegãta Pedro tiquireore ne
wahcõ doco ohõ saha niahye:

—Ducuya mahã. Yãhã gãhã
mahã yero saha ijigã ijiaja.
Cohãcjã ijieraja yãhã, niahye
Pedro tiquireore.

27 Tiquiro sa ni tuhasari
bato Cornelio tiquireore ne
sajãã wahahye tiquireo ya
wãhãpã. Topã sajã saro masa
pari ti wãhãpã cahmecoã,
tiquireore cohteyequinare
ihñahye Pedro. 28 Sa yero
Pedro tiquireore yahuahye:

—Judio mãsa ijiepegãta
ape curua cjẽna mehna ijigã
usã dutiyere yãhdãdãcagã
niaja yãhã. Tire quehnoano
masine mãsa. Sa ijiepegãta
ape curua cjẽnare “Ñãñequina
ijire”, yãhãre ni dutierari
Cohãcjã. Sa ni yahuri yãhãre
tiquireo. 29 Tiquiro sa nigã
tãhogã ohõpãre mãsa ca-
hapãre ahtaã. Mãsa yãhãre

pijiogũ “Ne wahaeraja”, niedu yũũ. “¿Dahse ijiro boro yũũ ohõpũ ahtagũ cahmeari mũsa?” niahye tiquinare Pedro.

³⁰ Tiquiro sa nigũ tũhoro Cornelio pehe ohõ saha niahye:

—Tres hora ijigũ waro mari Pacu yaquiro angel yũhũre bajuari. Pititia deco wahare yũhũre tiquiro bajuari bato. Ti decota mari Pacure yũũ sinini watoa angel asi siteri suhtiro sañariquiro yũũ cahapũ ducuri. ³¹ Sa yero tiquiro yũhũre ohõ saha nidi: “Cornelio, mũhũ mari Pacure mũhũ sinigũ tiquiro tũhori. Sa yero pejescũoyequinare tiquina cahmeñene mũhũ ohogũ ihñano mari Pacu wacũno mũhũre yedohorota. ³² Sa yegũ Joperũ mũhũ cahacjẽnare ohoya, Simore, Pedro wame tiriquirore mũhũ cahapũ tiquina ne cãhtagũ. Tiquiro apequiro Simo wahiquina cahseri quehnoriquiro ya wũhũpũ pajiri ma dũhtũ cahapũ ijiri wũhũpũ ijire tiquiro”, ni yahuri yũhũre tiquiro. ³³ Tiquiro sa nigũ tũhogũ yũũ cahacjẽnare mũhũre ne cãhta dutigũ ohou yũũ. Sa yegũ quehnoano yegũ ahtari jiri mũhũ usã cahapũre. Sa yena usã ijipihtina ohõre mari Pacu tiquiro ihñonopũ ijina niaja usã. Ijipihtiyere mari Pacu mũhũre tiquiro yahu dutirire tũho duana, cohteĩ usã, niahye Cornelio Pedore.

³⁴ Tiquiro sa nigũ tũhoro, Pedro ohõ saha ni yahuahye:

—Yojopũ masiaja. Ijirota ijire. Cohãcjũ ihcãno saha quehnoano yere marine. ³⁵ Sa yero ijipihtiyere macari cjẽna Cohãcjũre cua pesaro tiquina ihñagũ, quehnoañene tiquina yegũ Cohãcjũ pehe tiquina mehna bucuere. ³⁶ Cohãcjũ usã judio masa cahapũ Jesucristore ohori. Masare Cohãcjũ mehna quehnoano iji dutiro Jesu pehe quehnoañe buheyere yahuri. Ti buheyere mũsa masine. Jesucristo pehe ijipihtiyequina masa pũhtoro ijire. ³⁷ Ñu wame yeriquiro ohõ saha ni yahuri: “Mũsa ñañene bũjũa witiya. Sa yena wame yenohrina ijiya”, ni, yahuri Ñu. Masare tiquiro sa ni yahuri bato Galileapũ quehnoañe buheyere Jesu pehe yahu dũcari. Came Judea yehpapũ ti buheyere yahu pehori. ³⁸ Ahriquiro Jesu Nazare cjãnore Cohãcjũ pehe tiquiro tutuayere, Espĩritu Santo mehna tiquiro ye masiatire ohori Jesure. Sa yero Jesu quehnoano yero wahari. Sa waharo watĩare cũoyequinare ñano yũhdũyeyequinare ijipihtiyequinare quehnoa wahagũ yeri. Mari Pacu Jesu mehna ijiri. ³⁹ Judea yehpapũ, Jerusalẽpũ gũhũre ijipihtiyere tiquiro yerire usã ihñau. Came tiquina curusapũ wejẽdi tiquirore. ⁴⁰ Sa yero ihtia deco wahaboro Cohãcjũ tiquirore masori jiri. Sa yero

Pedro Jesu yere yahuahye

Jesure apequinare bajuagũ yeri jiri mari Pacũ. ⁴¹ Ti pjere Jesure ijipihitiyequina ihñedari. Meheñequinagãre bajuari tiqiro. Mari Pacũ tiqiro cahmenare, Jesure ihñatinare panopũ usãre mari Pacũ beseahye. Usã pehe Jesu tiqiro masari bato tiqiro mehna ihya, sihnii.

⁴² Sa yero usãre tiqiro dutiri. “Masare yahuya. Yũhũ Jesu ijipihitiyequina catiyequinare, yariariquina gãhũre buhiri dahreacjũ yũhũre ijigũ yeri mari Pacũ. Sa yena tire masare yahuya”, ni dutiri Jesu usãre.

⁴³ Ijipihitiyequina Jesure tiquina wacũ tutuagũ ihñano Cohãcjũ tiquina ñañene borota. Tire ijipihitiyequina Cohãcjũ yere yahu mãhtariquina panopũ cjẽna yahuyuahye, ni yahuahye Pedro.

Judio masa ijieyequina Espiritu Santore cũo dũcahye

⁴⁴ Ti ijipihitiyere tiqiro sa ni yahuri watoapũ, ijipihitiyequina tire tũhoyequina mehna Espiritu Santo iji dũcahye.

⁴⁵⁻⁴⁶ Sa ye judio masa ijieyequina tũhomehneñe yahuducuye mehna bucueye mehna yahuducu dũcahye. Ti yahuducuye mehna Cohãcjũre “Tutuagũ, quehnoagũ

ijire”, niñe niahye. Tiquina sa nigũ tũhoahye Pedro acaye judio masa Jesu yequina. Sa ye Espiritu Santo judio masa ijieyequina mehna tiqiro iji dũcagũ ihñañe judio masa

pehe ihña maria wahahye. Sa yero Pedro ohõ saha ni yahuahye judio masare:

⁴⁷ —Mari yero sahata Espiritu Santore cũore ahriquina gãhũ. ¿Tiquina sa ijigũ ihñana ahriquinare wame yeraboagari mari? niahye Pedro tiquinare.

⁴⁸ Sa ni tuhasa Jesu wame mehna judio masa ijieyequinare wame ye dutiahye Pedro. Tiquina sa yeri bato “Usã mehna meheñe decorigã tojoarĩña”, niahye tiquina Pedro gãhũre.

11

Pedro Jerusalẽ cjẽnare Jesu yequinare yahuahye

¹ Sa ye judio masa ijieyequina gãhũ Cohãcjũ yere tiquina quehnoano cahmegũ Jesu cũriquina pehe tiquina acaye Judeapũ ijieyequina mehna tũhooahye. ² Sa ye Pedro Jerusalẽpũ tiqiro tojoa sagũ ihñañe judio masa Jesu yequina meheñequinagã tiqirore ohõ saha niahye:

³ —¿Judio masa ijieyequinare dũhse ijiro boro ihñagũ esari mãhũ? ¿Dũhse ijiro boro tiquina mehna ihyari mãhũ? ni, tuhtiahye Pedore tiquina.

⁴ Tiquina sa nigũ tũhoro Pedro tiqiro yerire yahu peho cãhye tiquinare. ⁵ Ohõ saha ni yahuahye:

—Yũhũ Joperpũ ijigũ Cohãcjũre sinigũ nii. Sa yero yũhũre ohõ saha bajuari. Pajiri cahsero ti cahsero sohtoripũ dũhteri cahsero

ʌhmʌanopʌ yʌhʌ cahapʌ
 dijia tagū ihñʌ. ⁶ Sa yegʌ
 ti cahserore quehnoano
 ihñʌ, “¿Yabe boro ti cah-
 seropʌre ijiajari?” nigʌ. Sa
 yegʌ ihñʌ ti cahseropʌre
 ijieyequinare: Wahiquinare
 nʌcʌ cʒēnare, yehpapʌ bʌa
 tiniñequinare, minicʒʌa parire
 ihñʌ. ⁷ Sa yegʌ yʌhʌre
 tiquiro yahuducuyere tʌhou.
 “Pedro, wahcādcaya. Wejē
 ihyaya ahriquinare”, nino ca
 tari yʌhʌre. ⁸ Tiquiro sa nigū
 tʌhogʌ ohō saha nii yʌhʌ.
 “Pʌhto, ne tiquinare ihyeraja
 yʌhʌ. Ñañequinare, Cohācjū
 tiquiro ihya dutieyequinare
 ne ihyera tii yʌhʌ”, nii
 yʌhʌ. ⁹ Yʌhʌ sa niepegūta
 ʌhmʌanopʌ pari turi yʌhʌre
 yahuducuro ca tari tja.
 “Cohācjū ‘Quehnoañequina
 ijire’, tiquiro nidiquinare
 ‘Ñañequina ijire’, niedacāhña
 mʌhʌ”, nino ca tari yʌhʌre.
¹⁰ Sa yero ihtia taha ʌsā sa ni
 yahuducuri bato ti cahsero
 ʌhmʌanopʌ mʌjaa wahari
 tja. ¹¹ Yʌhʌ sa ihñari watoa
 ihtiaro ʌmʌa ʌsā ijiri wʌhʌpʌ
 esari jiri. Tiquina Cesarea
 cʒāno ohoriquina ijiri. ¹² Sa
 yero Espiritu Santo pehe
 yʌhʌre tiquina mehna waha
 dutiro “‘Tiquina ñañequina
 ijire’, niedacāhña tiquinare”,
 ni yahuri yʌhʌre tiquiro.
 Sa ye ahriquina seis yʌhʌ
 acaye mehna Cesarea cʒāno
 ya wʌhʌpʌ sajā ʌsā. ¹³ Sa
 yero tiquiro ʌsāre ohō saha
 ni yahuri. “Angel yʌhʌ
 wʌhʌpʌ ducugū ihñʌ yʌhʌ.
 Ohō saha ni yahuri yʌhʌre:

‘Jopepʌ Simore Pedro wame
 tiriquire ne cāhta du-
 tiya. ¹⁴ Tiquiro mʌhʌre
 mʌhʌ acaye mehna mʌsare
 ijipihtinare pecapʌ waha-
 borinare mʌsa yʌhdʌatire
 yahurota’, nidi angel
 yʌhʌre”, ni, yahuri Cesarea
 cʒāno yʌhʌre. ¹⁵ Sa ye yʌhʌ
 yahuducuri watoa Espiritu
 Santo pehe tiquina mehna
 iji dʌcari, marine tiquiro
 ye mʌhtariro sahata. ¹⁶ Sa
 yegʌ Jesu tiquiro yahurire
 wacū yʌhʌ. Ohō saha ni
 yahuri tiquiro: “Ñu mʌsare
 wame yero aco mehna wame
 yemedi. Yʌhʌ pehe tiquiro
 yʌhdʌoro yeitja mʌsare.
 Came Espiritu Santore mʌsa
 mehna ijiducugū yeitja”,
 ni yahuri. ¹⁷ Sa yero Je-
 sucristo mari pʌhtorore
 mari wacū tutuagū ihñano
 Cohācjū yaquiro Espiritu
 Santore ohori marine. Sa
 yero Cohācjū marine Espiritu
 Santore tiquiro ohoriro
 sahata judio masa ijieye-
 quina gʌhʌre tiquiro ohori.
 Cohācjū tiquiro sa yegū
 ihñagʌ tiquire yʌhdʌdʌca
 masiedaja yʌhʌ, niahye Pe-
 dro tiquinare, judio masare
 Jesu yequinare.

¹⁸ Tiquiro sa nigū tʌhoye,
 tiquina tiquire ne ni
 nemoedahye. Tiquirore tuhti
 masiedahye. Sa ye tiquina,

—Cohācjū quehnoariquiro,
 tutuariquiro ijire, niahye.

Ohō saha ni nemoahye:

—Judio masa ijieyequina
 gʌhʌ tiquina ñañene bʌjʌa
 witiyequina ijiye, Cohācjū

yequina ijieta. Sa tiquiro yequina ijiye, tiquina gāhū ijipihtiye decori tiquiro mehna ijieta, ni nemoahye tiquina.

Antioquíapū apequina Jesu yequina ijiahye

¹⁹ Sa ye Estebāre tiquina wejēdi bato masa Jesu yequinare ñano yeahye. Tiquina sa yegū ihñañe Jesu yequina duhti sitea wahahye. Sa ye tiquina Feniciapū, Chiprepū, Antioquíapū waha, judio masa dihitare Cohācjū yere yahue timahye tiquina. ²⁰ Tiquina sa yepegūta apequina pehe Jesu yequina mehna cjēna Chipre cjēna, Cirene cjēna, Antioquíapū esa, judio masa ijieyequinare Jesu yere buheahye Cohācjū tiquinare tiquiro yūhdūoatire. ²¹ Sa yero mari pūhtoro tiquinare yedohoahye. Sa ye masa peyequina Jesure wacū tutuaye, quehnoañe pehere comesahye.

²² Sa ye “Antioquía cjēnapū Jesure cahmeaga”, ni tūhoohye Jerusalē cjēna Jesu yequina. Tiquina sa tūhoori bato Jerusalē cjēna Bernabé wame tiriquire Antioquíapū ohoahye. ²³ Sa yero tiquiro Antioquíapū esaro, Cohācjū yedohoye mehna judio masa ijieyequina tiquiro yequina tiquina wahagū ihñano, tutuaro bucueahye. Sa yero tiquiro to cjēnare ohō saha ni yahuahye:

—Jesure sa wacū tutuaducuya. Tiquiro yere ne

duhueracāhña, ni yahuahye tiquiro ijipihtiyequina tiquinare.

²⁴ Bernabé quehnoariquiro ijiro, Espíritu Santore pajiro cūoriquiro ijiro, tiquiro dutiriro sahata yeriquiro ijiro, Jesure quehnoano wacū tutuahye tiquiro. Sa ye tiquiro buheri bato masa peyequina wacū tutuahye Jesure.

²⁵ Came tiquiro Tarso wame tiri macapū Saulore macano wahahye. ²⁶ Topū tiquire boca sahye. Tiquiro boca sari bato Antioquíapū ne cāhye Saulore. Topū tiquina esari bato ihcā cūhma waro tiquina Cohācjū yequina mehna cahmecoa, peyequina masare buhee tiahye tiquina. Sa ye Antioquíapū Cristo yequina Cristiano wame ti dūcahye.

²⁷ Ti pjere Cohācjū yere yahu mūhtariquina Jerusalēpū ijiriquina waha, Antioquíapū esahye. ²⁸ Sa yero tiquina mehna cjāno Agabo wame tiriquire Jesu yequina watoapū ducuro, Espíritu Santo tutuaye mehna yahuahye tiquinare. “Ijipihtiri yehpapūre tutuaro ūjūa waharota”, ni yahuahye tiquiro. Ti pjere ihyaye mariedi pje ijigū ijipihtiyequina pūhtoro Claudio ijiahye. ²⁹ Sa ye Cristo buheyequina, ijipihtiyequina tiquina cūoro puno tiquina acayere oho duaye, tiquina basi cahme yahuducuahye. “Judea yehpa cjēna Jesu yequinare

niñerure ohouhna”, niahye tiquina basi. ³⁰ Tiquina sa nidi bato Bernabé, Saulo mehna ti niñerure ne cã basahye. Topu esaye Judea yehpa cjênare Jesu yequina puhtoare wiahye ti niñerure.

12

Pedrore peresu yeahye

¹ Ti pjere puhtoro Herode ihquẽquinare Jesu yequinare ñano ye ducae tiahye. ² Sa yero tiquiro Ñu wahminore Santiago pehere ñoseni pjĩ mehna tiquiro wejẽ dutigũ apequina pehe tiquirore wejẽahye. ³ Santiagore tiquiro wejẽgũ judio masa bucueahye. Tiquina bucueyere Herode masino, “Sa dihita cahmene tiquina”, nino Pedro gũhare peresu yeahye. Ti decorire pugũ yeye moremehneñe pãre tiquina ihyati bose deco pascua ijiahye.

⁴ Sa ye Herode ñehe dutiriquina Pedrore ñehe, peresu yeahye. Sa yero diez y seis surarare cohte dutiahye tiquirore. Pititiaro surara cohteahye tiquirore. Came pititiaro tiquina came-sayequina tiquirore cohte majae tiahye. Sata yeahye tiquina diez y seis surara. Herode pehe pascua bato Pedrore peresupu ijiriquirore masa ihñonopu duhu doco duamahye tiquirore wejẽ dutiro taro. ⁵ Sa yero Pedro peresupu ijiahye. Topu tiquiro ijigũ Jesu yequina

pehe Cohãcjũre tutuaro sini basae tiahye tiquirore.

Peresupu ijiriquirore Pedrore Cohãcjũ wioahye

⁶ Sa ye ñamine Pedro come dari puã da mehna tiquina duhteriquiro puaro surara watoapu carño niahye. Sa ye surara sopecahapu cohteducue tiahye tiquirore. Sa yero ti deco bohrearo Herode Pedrore judio masa ihñonopu duhu doco duamahye tiquirore wejẽ dutiro taro. ⁷ Sa yero Cohãcjũ yaquiro angel pehe Pedro cahapu tiquiro ducugũ peresupu tiquiro ijiri tucũ buhrio pihtia wahahye. Sa yero angel Pedro cahapu ducuro Pedro pati pahmapu ohbe careahye.

—Sojaro mehna wahcãña, niahye tiquiro Pedrore.

Tiquiro sa nigũta tiquiro omocarine tiquina duhteri dari come dari suru site dijiaa wahahye. ⁸ Sa yero angel tiquirore yahuahye:

—Weje dihoya mahu weje dihori dare. Mahu dahpo suhti gũhare sañaña, niahye tiquiro.

Tiquiro sa nigũ Pedro pehe tiquiro nidiro saha yeahye.

—Mahu bui cjã suhtirore sañaña. Yahu mehna wahaya, niahye angel.

⁹ Tiquiro sa nigũ ti tucũpu ijiriquiro wijia, angel bato wahaah wahahye tiquiro. Sa wahaeperota ohõ saha ni tuhotumahye tiquiro. “¿Ahri poto ijieragari? ¿Quehẽgu niagari yahu?” ni, tuhotumahye

tiquiro. ¹⁰ Sa ye tiquina tiquiro ijiri tucū sopecahapū ducuyequina surarare yūhdū cā, apequina yoa cĵūno ducuyequina gūhūre yūhdū cā, pajiri sopecahapū esahye. Ti sope pahma macapū wahari mahare cahmotari pahma ijiahye. Ti sope pahma esa tuharo parġgū tiquina wijiaa wahahye. Wijiaa waha, tiquina mahapū wahaa wahahye. Mehenogā tiquina waha nemogū angel pehe wahaa wahahye. Sa yero Pedro ihcāquirola tojoahye. ¹¹ Sa tiquirore angel tiquiro wahari bato tiquiro yerire Pedro masiahye. Ohō saha ni tūhotuahye tiquiro. “Angel Cohācjū ohoriquiro peresupū yūhū ijigū yahūre wioro wihiri. Yojoḡū tire masiaja tiquiro sa yerire. Judio masa pehe yahūre tiquina ye duarire Cohācjū pehe tiquinare ye dutierari. Sa yero yahūre, Herode tiquiro peresu yerigūre wiorī”, ni tūhotuahye Pedro.

¹² Tiquiro sa ni tūhoturi bato María Ńū pacoro ya wūhūpū esahye Pedro. Ńū pehe Marco wame tiriqūiro ijiri. Ti wūhūpū masa peyequina cahmecoā, Cohācjūre siniñe niahye. ¹³ Sa yero Pedro sope pahmare doteahye. Rode wame tiri-coro cahacjōno tiquiro dotegū tūhoro ihñano esahye ticoro. ¹⁴ Sa yero Pedro ticorore tiquiro pisugū tūhoro tiquiro yahuducuyere tūho masi, tutuaro bucue, sopecahare

pōoedahye. Sa bucuemeno tiquirore pōoboricoro boaa wahahye. Pedro topū tiquiro ducugūta ticoro majaredūca oma sajāa wahahye.

—Pedro sopecahapū wihiri, ni, yahuro sajāhye.

¹⁵ Sa ye tiquina wūhūpū ijyiequina ticoro sa nigū tūhoye,

—Sa nicōo niaga mūhū. Sa ni macacōo nine mūhū, ni-ahye tiquina ticorore.

—Poto tjire. Poto nigota ni-aja, niahye ticoro.

Ticoro sa nigū tūhoye,

—Tiquiro ijieraga. Tiquiro jeripohna wihiro niaga, ni-ahye tiquina pehe.

¹⁶ Tiquina sa nini watoa Pedro sope pahmare sata doteducuro niahye. Tiquiro sa yegū tūhoye, tiquina sopecahare pōo, tiquirore ihñā, ihñā maria wahahye. ¹⁷ Sa yero Pedro tiquiro omoca mehna “Dihta mariahñā”, nino, Cohācjū peresupū tiquirore wiorire yahuahye tiquinare.

—Ahrire yahuya Santiagore, apequina Jesu yequina gūhūre, niahye tiquiro.

Sa ni yahu tuhāsa tiquiro ape sie pahrēpū yūhdū cāa wahahye. ¹⁸ Sa ye bohrea quehagū surara Pedro tiquiro dūhse ye wijiari-re ne masiedahye. Sa masiedaye acūaa wahahye.

¹⁹ Sa yero Herode Pedroro maca dutimahye. Sa yero tiquiro surarare peresu cohteriquinare tiquiro sinituri bato tiquinare wejē dutiahye

Herode pehe. Sa yero Herode Judeapꝰ ijiriquiro waha, Cesareapꝰ ijiro wahahye.

Herode yariaa wahahye

²⁰ Sa yero Tiro wame tiri maca cjēna mehna, Sidō cjēna mehna Herode pehe usuahye. Tiquiro sa usuagū ihñañe ti macari cjēna pehe Herode tiquina mehna tiquiro usarire quehnoñe waha, tiquiro mehna yahuducuye wahahye. Sa ye tiquiro cahacjānore Blasto wame tiriquire piti tiahye tiquina. Sa ye tiquina Blasto yedohoro mehna Herode cahapꝰ esahye. Tiquiro cahapꝰ esa, ohō saha niahye:

—Mari quehnoano iji-ihna. Mari basi ihña tuhtieracūhna, ni siniahye tiquina Herodere.

Tiquina ya yehpa cjēna Herode ya yehpapꝰ ihyayere bocaē tiahye. Sa ye Herode tiquinare ihña tuhtigū cahmedahye tiquina. ²¹ Sa yero Herode tiquiro queori decopꝰ, pꝰhtoro tiquiro sañañe suhti quehnoañe suhtire sañahye tiquiro. Sa yero tiquiro dujiropꝰ duji-jiāno, masare yahuducu ihñoahye. ²² Tiquiro sa yahuducu ihñogū tahoye masa pehe sañuducuahye:

—Ahriquirō yahuducuriquiro masano ijierare. Cohācjū ijire, ni sañuducumahye tiquina Herodere.

²³ Tiquina sa nigūta Cohācjū yaquiro angel Herodere dohatiyere ohoahye. “Cohācjū

ijieraja yuhꝰ”, ne niedahye Herode. Tiquiro sa niedari buhiri angel tiquirore dohatigū yeahye. Tiquiro sa dohatigū tiquirore becoa ihya wejē cāhye.

²⁴ Sa ye Jesu yequina peyequina masare Jesu ye buheyere buhee tiahye.

²⁵ Sa ye Bernabé, Saulo mehna buhe peho, Jerusalēpꝰ ijiyequina Antioquíapꝰ tojoaa wahahye. Sa ye Nū Marco wame tiriquire tiquina ne cāhye tiquina mehna.

13

Jesu yequina Bernabére Saulo mehna Cohācjū yere buhe dutiye ohoahye

¹ Ti pjere Antioquíapꝰ Cohācjū yequina mehna cjēna, Cohācjū yere yahu mahtariquina ijiahye. Masare buheyequinata ijiahye tiquina gūhꝰ. Bernabé, Simo Negro wame tiriquire, Ludio Cirene cjāno, Manae, Saulo mehna tiquina ijiahye. Manae pehe pꝰhtoro Herode manano mehna tiquina pꝰaro ihcāno mehna bucariquina ijimahye. ² Sa ye tiquina Cohācjūre tiquina ño peori watoa, tiquina sijiri watoa, Espiritu Santo pehe yahuahye tiquinare.

—Bernabére, Saulo mehna cūña yuhꝰ cahmeno saha yeatiquinare. Tire yeatiquinare bese cūgū niaja tiquinare, ni-ahye Espiritu Santo.

³ Tiquiro sa nigū tiquina pehe siji Cohācjūre sini, Bernabé bui Saulo bui tiquina

omocarine duhu peoahye. Sa duhu peoye tiquinare buhe dutiye ohoahye.

Chiprep_u Jesu cūriquina buheahye

⁴ Sa ye tiquina Saulo, Bernabé mehna Espiritu Santo tiquiuro ohoriquina ijiye, Seleuciar_u esa, ti macare y_uhd_u cā, Chipre wame tiri n_uc_uo_u esaheye tiquina.

⁵ Sa ye Salamina wame tiri petamahar_u esaheye. Ti macar_u judio masa buheye w_uh_use_u, Cohācjū yere yahu d_ucahaye tiquina. Sa yero Ñu Marco gūh_u tiquina mehna waha, tiquinare yedohoahye.

⁶ Sa ye tiquina ti n_uc_uo sohtoar_u maja, ti n_uc_uo tope_u ijiri macar_u Pafowame tiri macar_u esaye, yairore boca saheye tiquina. Tiquiuro judio mas_uno, Barjesu wame tiri quiuro ijiaheye. Barjesu griego ye mehna niñe Elima tiquina ni pisuri quiuro ijiaheye. “Cohācjū yere yahu m_uhtag_u ijiaja y_uh_u”, ni, masare ni mehoducuri quiuro ijiaheye tiquiuro. ⁷ Sa yero tiquiuro Sergio Paulo wame tiri quiuro mehna cjāno ijiaheye. Sergio Paulo pehe ti n_uc_uo cjēna p_uhtoro masi pehoriquiuro ijiaheye. Sa yero Cohācjū yere t_uho duaro tiquinare Bernabé, Saulo mehna pijioahye tiquiuro.

⁸ Tiquiuro sa pijioepēgūta Elima, yairo pehe tiquinare buhe dutierahye. Tiquiuro Sergio Paulo Jesu yere tiquiuro ño peogū cahmesāedahye yairo pehe. Sa yero yairo

pehe Sergio Paulore Cohācjū yere cohā dutiuro nimahye. ⁹⁻¹⁰ Tiquiuro sa cohā dutiepegūta Saulo, Pablo tiquina nidiquiuro Espiritu Santore c_uoriquiuro ijiro, yairore quehnoano ihña diho cū tiquiurore yahuahye:

—M_uh_u ni mehoñe peyag_u, ñag_u, watño tiquiuro dutiyere yeg_u, quehnoañene ihña yabig_u ijire m_uh_u. ¿D_uhse yeg_u Cohācjū yere “Ni mehoñe ijire”, sa niducujari m_uh_u? ¹¹ M_uh_u sa nigū Cohācjū caperi bajueragū yerota m_uh_ure. Sa yeg_u meheñe decorigā m_uh_u ihñasi, niahye Pablo.

Tiquiuro sa nigūta yairo pehe bueri yero saha ijiyere ihña m_uhtano, nahitiano dihitare ihñahye. Sa yero tiquiurore t_uātiquiurore macahye tiquiuro. ¹² Tiquiuro sa wahagū ihñano, Sergio Paulo pehe Jesu yere “Ijirota ijire”, ni masiahye. Mari p_uhtoro yere tiquiuro t_uho, t_uho maria waha, Jesure wacū tutua d_ucahye.

Pablo Bernabé mehna Antioquíar_u Pisidia yehpar_u ijiri macar_u ijiaheye

¹³ Sa ye Pablo gūh_u Pafop_u ijiriquina yuc_usa mehna waha, Pergep_u esaheye. Perge Panfilia yehpar_u ijire. Top_u esa, Ñu Marco tiquinare cohā cā, Jerusalēp_u wahaa wahahye. ¹⁴ Sa ye tiquina Pergep_u ijiriquina waha, Antioquíar_u esaheye. Antioquía Pisidia yehpar_u ijire. Top_u esaye, saurú deco

ijigū tiquina judio masa buheri wāhupū sajā sa, topū dujiahye. ¹⁵ Sa ye ti wāhure cohteyequina Cohācjū dutiyere, Moiserū marine tiquiro cūrire, Cohācjū yere yahu māhtariquina tiquina ojoarire tiquina buheri bato tiquina pijiahye Pablo gūhure.

—¿Usā acaye, masare mūsa yahu duaye ijiajari? Tire yahu duana yahuya mianogāta, niahye ti wāhure cohteyequina.

¹⁶ Tiquina sa nigū tūhoro, Pablo wahcādūca sa, “Yahuducueracāhña”, nino tiquiro omoca mehna quē dijioahye. Tiquina dihta mariagū ihñano, tiquiro ohō saha niahye:

—Israe masa, Israe masa ijiena gūhū mari Pacure ño peona, tūhoya mūsa. ¹⁷ Mari ñecusumūa mūna panopū cjēna Cohācjūre ño peoe tiahye. Tiquina mūnare Cohācjū besee tiahye. Sa ye mari ñecusumūa mūna yoari pje Egiptopū ijie tiahye ape yehpa cjēna ijiepetā. Topū tiquina ijigū Cohācjū quehnoano yee tiahye tiquinare. Sa ye peyequina masaputiahye tiquina. Ohō saha yeahye tiquinare. Tiquinare Egiptopū ijiriquinare tiquiro tutuaye mehna wioahye Cohācjū. ¹⁸ Tiquiro sa wiori bato tiquina cuarenta cūhmari waro masa marienopū tinie tiahye. Topū tiquirore tiquina yūhdūdcagū Cohācjū sata tūhotu cāhye. ¹⁹ Sa yero

Canaa wame tiri yehpapure siete cururi cjēnare cohā tuhasa, Cohācjū ti yehpare ohoahye Israe masa pehere. ²⁰ Ti ijipihtiyere tiquina yegū cuatrocientos cincuenta cūhmari waro yūhdūahye. Camepū masare dutia-tiquinare cūahye Cohācjū Israe masare. Cohācjū tiquiro cūriquina Samuel tiquiro ijigūpū iji bato tie tiahye. Samuel pehe Cohācjū yere yahu māhtariquiro ijie tiahye. ²¹ Came Israe masa pehe tiquina pūhtoro ijiatiquirore macae tiahye. Sa ye Cohācjūre sinie tiahye. Tiquina sa sinigū ihñano Cohācjū Saulore cūahye tiquinare. Saulo Cis macūno ijiro, Benjami ya curua cjūno ijiahye. Sa yero cuarenta cūhmari waro tiquina pūhtoro ijiatiquiro cūahye Cohācjū tiquirore. ²² Sa yero Cohācjū Saulore tiquiro cohāri bato Davire cūahye tiquiro. Ohō saha niahye Cohācjū Davire: “Davi Isai macūnore bocaū yūhū. Tiquiro mehna bucueaja yūhū. Tiquiro yūhū cah-meñene yerota”, niahye Cohācjū.

²³ Ahriquiro Davi panamino iji turiariquiro ijire Jesu. Cohācjū Jesure cūri jiri Israe masare yūhdūoatiquiro. “Masare quehnoano yeitja”, niahye Cohācjū. Tiquiro nidiro sahata yeri tiquiro. ²⁴ Tiquiro sa yeato pano Jesu wihiato pano Ñu ohō saha ni buheri jiri: “Mūsa ñañene

bujua witiya. Quehnoañe pehere comesaya. Sa yena wame yenohrina ijiya”, ni buheri jiri Ñu ijipihtiequina Israe masare. ²⁵ Sa yero Ñu tiquiro buhe bato tiato pano, tiquiro yariato pano ohõ saha ni yahue tiri jiri: “¿Noa boro ijiajari yuhũ, mũsa tuhhotugũ? Cristo ijieraja yuhũ. Apegũ ijiaja. Yuhũ sa ijiepegũ tuhoya yuhũre. Yuhũ bato yuhũ yuhũoro tutu-ariquiro ahtarota. Tiquiro quehnoa yuhũriquiro ijire. Tiquiro yero saha ijieraja yuhũ”, ni yahuahye Ñu masare.

²⁶ Yuhũ acaye, Abrahã panamena iji turiana, Israe masa ijiena gũhũ ijipihtina mari Pacũre ño peona, marine ahri tiquiro yuhũoatire yahuri buheyere ohori jiri mari Pacũ. ²⁷ Jerusalẽ cjẽna tiquina pũtoa mehna saurũ decori ijigũ Cohãcjũ yere yahu mũhtariquina tiquina ojoarire buhepeta quehnoano masiedari jiri. Sa masiedaye, Jesu tiquinare yuhũoatiquiro tiquiro ijigũ gũhũre masiedari jiri. Tiquina sa masiedapeta Jesure wejẽ dutiahye. Sa yeye Cohãcjũ yere yahu mũhtariquina tiquina ojoariro sahata yeye ni-ahye. ²⁸ Tiquirore tiquina wejẽato pano tiquina Jesure yahusãmahye. Sa ye tiquiro ñañene yerapegũta tiquina Pilatore Jesure wejẽ dutiye tee, siniahye. ²⁹ Sa ye panopũ tiquina ojoariro sahata

Jesure ye tuhasa, tiquirore curusapũ ijiriquirore ne dijo, masa copepũ utãre tiquina seheri copepũ cũahye tiquirore. ³⁰ Sa ijiepegũta tiquiro yariari bato Cohãcjũ masori jiri tiquirore. ³¹ Sa ye Galileapũ ahtariquina Jerusalẽpũ tiquiro mehna esariquina peye decori tiquirore yaria masa bajuariquirore ihñae tiahye. Sa ye yojopũre tiquirore tiquina ihñarire masare yahuri tiquina.

³²⁻³³ Sa yena quehnoañe buheyere yahuaja usã mũsare. Cohãcjũ mari ñecusumũare “Masare quehnoano yeitja”, panopũ tiquiro nidiro sahata yojopũre marine tiquina acayere yeri. Tire tiquiro yahurire ohõ saha yeri tiquiro. Cohãcjũ Jesure masori jiri. Sa yena Jesure tiquiro masorire yahuaja mũsare. Pũaro Salmopũ panopũ tiquina ojoariro sahata sa wahari jiri. “Mũhũ yuhũ macũ ijire. Miare mũhũre bajuagũ yei’, nine Cohãcjũ tiquiro macũnore”, ni ojoahye panopũre. ³⁴ Sa yero Cohãcjũ Jesure tiquiro masoatire pari turi tiquiro yarieratire yahuyuro ohõ saha ni, yahu ojoahye Salmore ojoariquiro. “Davire yuhũ paja ihñariro sahata tiquirore yuhũ nidiro sahata potota quehnoano yegũtja mũhũ gũhũre’, nidi Cohãcjũ”, ni ojoahye. ³⁵ Sa yero ape Salmo gũhũre ohõ saha ni, yahuahye:

“Cohãcjũ mũhũ cahacjãno quehnoariquiro tiquiro pagũre ahba dutierare mũhũ”, ni, ojoahye. ³⁶ Sa yero Davi Cohãcjũ tiquiro cahmediro sahata tiquiro ijiri pje cjẽnare yedohoahye. Came tiquiro yariaa wahahye. Tiquiro yariari bato tiquiro pacũsumũare tiquina yeriro sahata yahye tiquiro gãhũre. Sa yero tiquiro ahbaa wahahye. ³⁷ Tiquiro sa ahbaepẽgãta ahriquiro, Cohãcjũ tiquiro masoriquiro pehe ne ahbaerari. ³⁸ Sa yena mũsa yũhũ acaye ahrire masiña: Cohãcjũ mũsa ñañene tiquiro cohãtire mũsare yahuaja usã. Jesu pehe ñañene cohãtiquiro ijire. ³⁹ Sa yero tiquirore wacũ tutu-ayequinare tiquiro tiquina ñañe yerire borota. Moiserẽ Cohãcjũ cũri dutiyere mũsa yeri mehna Cohãcjũ cahapũ wahasi mũsa. Sa yero dutiyere yeye mehna yũhdũ duayequinare tiquina ñañene cohãsi Cohãcjũ. ⁴⁰ Sa yena quehnoano yeya. Mũsa quehnoano yeragũ Cohãcjũ yere yahu mũhtariquina tiquina ojoariro sahata mũsare wahaboaga. Ohõ saha ni ojoahye:

⁴¹ Tũhoya mũsa. Ñãno ni bujũpena, yũhũre ihña tuhtina ijire mũsa. Yũhũ ohõ saha yegũ cueya mũsa. Sa yena butia wahaya. Mũsa ijiye decorire Cohãcjũ tutuaye mehna mũsare ye ihñogũtja.

Yũhũ sa ye ihñogũ ihñaepenata “Ijirota ijire”, nisi mũsa. Apequiro tire mũsare tiquiro quehnoano yahuepegãta “Ijirota ijire”, nisi mũsa, ni ojoahye Cohãcjũ yere yahu mũhtariquiro, ni yahuahye Pablo tiquinare.

⁴² Tiquiro sa ni yahuri bato judio masa buheri wũhũpũ tiquina wijiari bato masa tiquirore tũhoriquina pehe tiquinare siniahye:

—Ape semanapũ saurũ ijigũ usãre ahrire buheya tja, ni siniahye tiquina Pablo gãhũre.

⁴³ Sa ye ti wũhũpũ ijiriquina wijia, judio masa peyequina, judio masa ijieyequina gãhũ Pablo gãhũ mehna wahahye. Judio masa ijieyequina judio masa yere buheyequina ijiahye. Tiquina sa wahagũ Pablo, Bernabẽ mehna quehnoano yahuahye tiquinare. “Cohãcjũ mũsare cahĩne. Sa yena tiquirore ño peoducuya”, ni buheahye tiquina.

⁴⁴ Sa ye ape semanare saurũ ijigũ ijipihtiyequina Jesu yere tũho duayequina cahmecoahye. ⁴⁵ Sa yepegãta judio masa pehe peyequina masare Jesu yere tũho duayequinare ihñañe, ihña tuhtiahye. Sa ihña tuhtiye tiquina sijoro ni yahuducu, Pablõre ñãno quitidjomehneahye. “Mũsare tiquiro buheye poto ijierare”,

niahye tiquina. ⁴⁶ Tiquina sa nigũ tuhoye, Pablo, Bernabé mehna tiquinare quti dojomehnediquinare cuero marieno yahuahye:

—Cohãcjũ tiquiro dutiro sahata musare buhe muhtami usã. Usã sa buhepegũta musa pehe tire cahmeda tuhasari. Ijipihtiye decori Cohãcjũ mehna ijiye gũhure cahmeda tuhasari musa. Sa yena usã pehe judio masa ijieyequina pehere buhe ducanatja. ⁴⁷ Sata dutiahye mari puhtoro usãre:

“Musa judio masa ijieyequinare buhena tiquinare Cohãcjũ yere quehnoano masigũ yenata musa. Sa yegũ musa yoaropũ ijieyequinare musa buhegũ tuhoyequinare tiquina pehere pecapũ wahaboriquinare yahduogutja yũhũ”, ni yahuahye usãre Cohãcjũ, ni yahuahye Pablo, Bernabé mehna.

⁴⁸ Tiquina sa nigũ tuhoye judio masa ijieyequina pehe bucueahye. “Cohãcjũ ye pehe quehnoañe ijire”, niahye tiquina. Sa ye Cohãcjũ tiquiro cahmeñequina ijipihtiye decori tiquiro mehna tiquina ijiatire tiquiro oho duariquina Jesure wacũ tutua ducahye. ⁴⁹ Sa ye mari puhtoro Cristo yere ti yehpapũre yahu pehoahye. ⁵⁰ Tiquina sa yahugũ ihñañe judio masa coerahye. Topũ mari Pacũre ño peoye numia,

quehnoañe numia ijiahye. Sa ye judio masa Pablo gũhure ñano ni yahu wajahye. Tiquina sa ni yahu wajagũ tuhoye ti numia Pablo mehna, Bernabé mehna gũhure usuahye. Sa ye ti maca cjẽna puhto gũhũ tiquina mehna usuahye. Sa usuaye to cjẽna ñano yeahye Pablo gũhure. Tiquina sa yeri bato Pablo gũhure tiquina ya yehpapũ ijieyequinare cohã wioahye. ⁵¹ Tiquina sa yegũ ihñañe Pablo, Bernabé mehna tiquina dahpocãri cjẽ dihta wahãrire wejẽ site boro cũahye ti maca cjẽna tiquina ñañe buhirire ihñoñe. Sa ye tuhasa tiquina Iconiopũ wahaa wahahye. ⁵² Sa ye tiquina Jesu yequina pajiro bucueye, Espiritu Santo pajiro choye, tiquiro dutiro sahata yeyequina ijiahye.

14

Pablo, Bernabé mehna Iconiopũ ijiahye

¹ Sa ye Pablo, Bernabé mehna judio masa buheri wuhapũ sajã, Jesu yere yahuahye. Sa ye judio masa peyequina Jesure wacũ tutua ducahye. Sa ye judio masa ijieyequina gũhũ Jesure wacũ tutua ducahye. ² Sa ijiepegũta judio masa Jesure cahmedariquina gũhũ tiquina mehna ijiahye. Tiquina judio masa ijieyequinare usuagũ yeahye. Jesu yequina mehna tiquinare usuagũ yeahye judio masa pehe. Tiquina sa yegũ judio masa ijieyequina ñano

tuhotuahye Jesu yequinare. ³ Tiquina sa tuhotugũ ihñañe Jesu yequina Pablo, Bernabé mehna topu yoari pje ijiye, cuero marieno mari puhtoro yere quehnoano buheahye. Cohãcjũ masare tiquiro cahñene buheahye. Tiquina sa buheri watoa Cohãcjũ tutuaye mehna ye ihñoahye, “Ahri buheye ijirota ijire”, niñe. ⁴ Sa ijiepegãta ti maca cjẽna deco mehna judio masa yere cahmeñequina tojoahye. Deco mehna Jesu yere cahmeñequina gãhu tojoahye. Tiquina puã curua tojoahye. ⁵ Sa ye judio masa ijieyequina, judio masa, tiquina puhtoã mehna Jesu cūriquinare ñano yemahye. Utã paca mehna doque wejẽ duamahye tiquinare. ⁶ Tiquina sa ye duarire masiñe, Pablo, Bernabé mehna Licaonia yehpapu duhti cãã wahahye. Ti yehpapu ijiri maca Listra wame tiri macare yuhdu cã, Derbepu esahye. ⁷ Topu esaye, quehnoañe buheyere buheahye tiquina.

Listrapu Pablöre utã paca mehna doqueahye

⁸ Sa ye Listrapu tini masieniquiro ijiahye. Tiquiro wahma masa bajaroputa tini masieniquiro ijiahye. ⁹⁻¹⁰ Sa yero tiquiro Pablo buhegũ tuhoahye. Tiquiro tuhori watoa Pablo pehe tiquiro dihitaré ihñahye.

—Ahriquiró Jesure wacũ tutuare. Sa yero tiquiro

quehnoariquiró waha duare, ni tuhotuahye Pablo.

Sa ni tuhoturo tutuaro mehna ohõ saha niahye Pablo tiquirore:

—Wahcãducaya, niahye Pablo tiquirore.

Tiquiro sa nigũ tuhórta tini masieniquiro pehe uhpuuca sa, wahaa wahahye. ¹¹ Pablo sa yegũ ihñañe masa sañuducuahye. Tiquina Licaonia ye mehna sañuducuahye.

—Cohãmana, masa saha bajuyequina uhmusepu ijieyequina mari cahapu dijia tari jiri, ni sañuducuahye tiquina.

¹² Sa ye tiquina Bernabére “Zeus”, ni, pisuahye. Sa ye Pablo buhe mahtariquiró puhtoro yero saha tiquiro ijigũ ihñañe “Hermes”, ni, pisuahye tiquina tiquirore.

¹³ Sa yero Zeure ño peoyequina ya wahu ti maca duhtu cahapu ijiahye. Sa yero Zeus yequina tiquina yaquiró pahi pehe wecuare, cohorí mehna macapu sajã tari sopecaha cahapu ne cãhtahye. Zeure ño peo duaro wecuare oho duamahye. Sa yero tiquiro wecuare ujã muoñe mehna Pablöre, Bernabére ño peo duamahye tiquiro, masa mehna. ¹⁴ Tiquina sa yegũ ihñañe Pablo, Bernabé mehna tiquina basi tiquina ye suhtire tuhredoqueoahye tiquina bujma witiyere masare ihñoñe tehe. Tuhredoqueo tuhasa masa watoa oma cã, sañuducuahye tiquina:

¹⁵ —Musa ohõ saha yeracãhña. Usã gãhu musa yero

sahata masa ijiaja. Musa ohō saha yeye ne dūhseati ijierare. Sa yena musare buhena ahta_u musa ohō saha yeyere duhu dutina tana. Ahriquina cohāmanare musa yeriquinare ñañequinare cohāña. Sa yena Cohācjüre catiriquiro pehere ño peoya. Cohācjü pehe uhm_usere, yehpare, pajiri mare ijipihtiyere yeriquiro ijire. ¹⁶ Sa yero tiquiro panop_u ijipihtiyere macari cjēna tiquina yerire sa ihña cāhye. ¹⁷ Sa yeperota tiquiro ijiye tiyere ihñore masare. Tiquiro masare quehnoañene ye, acoro ah-tagū ye, dūca tigū ye, masare ihyayere ohoducure. Tiquiro sa ohogū masa bucuere. Sata tiquiro ijiye tiyere ihñore masare, niahye Pablo, Bernabé mehna.

¹⁸ Tiquina sa nigū tuhoepeta masa wecuare wejē ujāa m_uo, tiquinare ño peo duamahye. Sata tiquina ño peo duagū ihñañe tiquinare sa ye dutierahye Pablo gūh_u. Tiquina sa yeyere duhu duerapeta duhuahye.

¹⁹ Sa ye apequina judio masa Antioquía cjēna, Iconio cjēna gūh_u Listrap_u esahye. Top_u esaye, Pablöre ñano yahuducuahye judio masa. Tiquina sa ni yahuducugū tuhoye, masa tiquiro mehna usuahye. Sa usuaye utā paca mehna doqueahye tiquirore. Utā paca mehna tiquirore doque tuhasa “Ahriquiro yariaa wahare”, niñe, ti maca dūht_u cahap_u tiquirore weje

sa cū cā, wahaa wahahye. ²⁰ Tiquina sa yeri bato Jesu yequina Pablöre ihñañe esahye. Tiquiro cahap_u tiquina cahmecoada_uca sagū waro Pablo wahcād_uca, tiquina mehna macap_u tojoaa wahahye. Sa ye ape decop_u tiquiro Bernabé mehna Derber_u wahahye.

²¹ Sa ye top_u tiquina quehnoañe buheyere peyequina masare yahuahye. Sa ye peyequina Jesu yequina tiquina wahari bato, Pablo gūh_u Listrap_u esa, ti macare yūhd_u cā, Iconiop_u esa, ti macare yūhd_u cā, Antioquíap_u Pisidia yehpap_u ijiri macap_u esa, ti macap_u tojoahye. ²² Ti macarip_u esaye to cjēna Jesu yequinare quehnoañe buheyere yahuye, tiquinare quehnoano jeripohna tigū yeahye. Sa Jesure wacū tutuaducu dutiye ohō saha ni yahuahye tiquinare:

—Cohācjü ijirop_ure mari waha duana, tutuaro marine ñano yūhd_uro cahmene, ni yahuahye Pablo gūh_u.

²³ Sa ye macaripe cjēnare Jesu yequinare tiquina pūh_utoa ijiatire cūahye Pablo, Bernabé mehna. Sa ye tiquina sijiri bato Cohācjüre siniahye:

—Pūhto, ahriquina mūh_u yequinare ihña ihboya, ni sini basahye tiquina Cohācjüre, tiquina wacū tutuariquirore.

Pablo Bernabé mehna Antioquíap_u tiquina iji mūhtari

macapꝝ tojoaa wahahye

²⁴ Tiquina sa yeri bato tiquina Pisidia yehpapꝝ ijiriquina wahaa wahahye Panfilia yehpapꝝ.

²⁵ Sa ye Pergepꝝre tiquina buhe tuhasa, Atalia wame tiri macapꝝ wahaa wahahye.

²⁶ Sa ye ti macapꝝ esa, Antioquíapꝝ tojoaye, yucusa mehna wahaa wahahye. Ti macapꝝta panopꝝ tiquina ijinigũ Jesu yequina Cohãcjũ yere buhe dutiye Pablo gũhure ohoahye. Sa ohoye, ohõ saha niahye:

—Cohãcjũ mahũ cahĩñe mehna ahriquinare ihña ihboya, ni ohoahye tiquina.

Sa ye tiquina buhe dutirire buhe pehoahye Pablo, Bernabé mehna. ²⁷ Sa ye tiquina Antioquíapꝝ tiquina tojoa sari bato Jesu yequina mehna cahmecoa, Cohãcjũ tutuaye mehna tiquina yerire yahu pehoahye tiquina. Judio masa ijieyequina gũhũ Cohãcjũ yequina tiquina waharire yahuahye tiquina.

²⁸ Sa ye Pablo gũhũ topꝝre Jesu yequina mehna yoari pje ijie tiahye.

15

Jerusalẽpꝝ Jesu yequina cahmecoahye

¹ Sa ye Judea yehpa cjẽna meheñequinagã Antioquíapꝝ esaye, Jesu yequinare ohõ saha ni buhe dꝝcahye tiquina:

—Cohãcjũ dutiyere Moiserere cũno ohõ saha ni cũahye.

Ijipihtiyequina tiquina cuhnucunũ sohtoa cahserogãre tiquina yahre neatire yahu cũahye Moiserere. Mũsa tire yeragũ Cohãcjũ mũsare yũhdꝝosi, ni buheahye tiquina to cjẽnare.

² Sa ni buheye Judea yehpa cjẽna pehe cahme dꝝse tini wiahye Pablo, Bernabé mehna. Tiquina sa cahme dꝝse tini wiari bato Jesu yequina pehe Pablore, Bernabére apequina to cjẽna gũhure Jerusalẽpꝝ ohoahye. Judea yehpa cjẽna tiquina buherire Jesu cũriquinare, Jesu yequina pũhtoa gũhure sinitu dutiye ohoahye Pablo gũhure.

³ Sa ye Jesu yequina tiquinare ohogũ waha, Fenicia yehpare esa, yũhdꝝ cã, Samaria yehpapꝝ esahye. Ti macaripꝝ esaye, judio masa ijieyequina Cohãcjũ yere tiquina cahme dꝝcarire yahuahye tiquina to cjẽnare. Tiquina sa yahugũ tũhoye to cjẽna Jesu yequina tutuaro bucueahye.

⁴ Sa ye tiquina Jerusalẽpꝝ esagũ ihñañe to cjẽna Jesu yequina tiquiro cũriquina, tiquiro yequina pũhtoa mehna bucueye mehna quehnoano piti cahye tiquinare. Sa ye Pablo, Bernabé mehna Cohãcjũ tutuaye mehna tiquina yerire yahuahye tiquina Jerusalẽ cjẽnare. Judio masa ijieyequina Jesu yequina tiquina wahari gũhure yahuahye tiquinare. ⁵ Sa ijiepegũta topꝝ fariseo masa Jesu yequina

meheñequinagã ijiahye. Sa ye tiquina topure wahcãdca, ohõ saha ni yahuahye:

—Tiquinare judio masa ijieyequinare tiquina cuhnucuna sohtoa cahserogãre yuhre neno cahmene. “Cohãcjũ Moiserere tiquiro dutirire yeya msa gãhu”, nino cahmene tiquinare, niahye tiquina fariseo masa gãhu.

⁶ Tiquina sa nigũ tãhoye Jesu cūriquina, Jesu yequina pãhtoa mehna tiquina sa nidire quehnoñe tehe, cahmecoahye. ⁷ Sa ye peye tiquina yahuducuri bato Pedro wahcãdca yahuahye tiquinare:

—Yũhu acaye, panopũ yũhure msa mehna ijirigũre Cohãcjũ ohõ saha ye dutiro yũhure cūri. Tiquiro yũhure quehnoañe buheyere judio masa ijieyequinare yahu dutiro cūri. Tiquinare Jesure wacũ tutua dutiro yũhure tiquinare buhe dutiri. ⁸ Sa yero Cohãcjũ masa tãhotuyere masine. Sa yero tiquiro judio masa ijieyequinare tiquiro yequina tiquiro yerire ihñono taro Espiritu Santore ohori tiquinare, marine tiquiro yeriro sahata. ⁹ Sa ohoro tiquiro marine tiquina gãhure ihcãno saha quehnoano yeri. Tiquirore tiquina wacũ tutuagũ tiquina ñañene bori tiquiro. ¹⁰ Mari pehe Cohãcjũ Moiserere tiquiro cūri dutiyere ye peho masiedaja.

Sa ye mari ñecusumua mana gãhu ti dutiyere ye peho masiedahye. ¿Sa mari ye masiedapegũta dũhse yena Jesu yequinare judio masa ijieyequinare tire ye duti duajari msa? Sa ye dutina Cohãcjũ tiquinare tiquiro yerire “Queoro wahaerare”, nina niaga msa. ¹¹ Msa sa niepegũta ohõ saha usã tãhotuaja. Yojopure judio masa ijieyequina yero sahata mari gãhure mari pãhtoro Jesu cahñe mehna Cohãcjũ yũhdũorota, niahye Pedro tiquinare.

¹² Tiquiro sa nigũ tãhoye ijipihtiyequina dihta maria wahahye. Sa ye Pablo, Bernabé mehna judio masa ijieyequina watoa Cohãcjũ tutuaye mehna tiquina ye ihñorire yahuahye tiquinare. ¹³ Sa tiquina yahu tuhasari bato Santiago yahuahye.

—Acaye, tãhoya yũhure. ¹⁴ Cohãcjũ judio masa ijieyequinare tiquiro yequina wahagũ yeahye. Coã tiquinare sa wahagũ yeahye. Tire yahu tuhasari marine Pedro pehe. ¹⁵ Panopũ cjẽna Cohãcjũ yere yahu mãhtariquina tiquina yahuriro sahata sa wahari judio masa ijieyequinare. Ohõ saha ni mari Pacũ yere ojoahye tiquina:

¹⁶ Panopũ Davi mnanano ya curua cjẽna tiquina pãhtoa tiquina ijiri pihtia wahari. Came tojoa tautja yũhu. Sa yegũ pari turi Davi ya curua cjũnore pãhtoro

sōutja. ¹⁷ Yahū sa yeri bato ijipihtiequina apequina judio masa ijieyequina yahūre tiquina p̄htore cahmeeta tiquina. “Yeequina ijiya”, yahū ni pisuriquina pehe yahūre cahmeeta. ¹⁸ Sata nine mari p̄htoro. Panop̄ tiquiro ahrire masare yahue tiri jiri, ni ojoahye Cohācjū yere yahu m̄htariquina.

¹⁹ 'Sa yegū ohō saha t̄hotuaja yahū. Judio masa ijieyequinare Cohācjū yere wahma cahme d̄cayequinare peye ye dutierac̄hna mari. ²⁰ Sa dutierapenata tiquinare ojoa ohouhna mari. Ohō saha ni, ojoa ohouhna. “Ñañe ihyayere, ‘Cohācjū ijire’, tiquina nimedi queoyere ño peo tiquina duhu peori ihyayere ihyerac̄hña. Sa yena w̄ana tierac̄hña. Sa yena wam̄a tiquina ñehe wejēdiquinare wahiquinare ihyerac̄hña. Diire sih-niedac̄hña”, ni yahu ojoa ohouhna. ²¹ Yoari pje judio masa buheye wahūsep̄ saurú ijigū Cohācjū Moiserē tiquiro cūri dutiyere buhee tiri masa. Sa ye ijipihtie macarip̄ Moise tiquiro yahuyere buhee tiri. Sa yena yahū nidiro sahata judio masa ijieyequinare Jesu yequinare ojoa ohouhna, judio masa pehe tiquina mehna “Usuari”, nina, ni-ahye Santiago.

Judio masa ijieyequinare Jesu yequina p̄htoa ojoa ohoahye

²² Ti pjere Jesu cūriquina, Jesu yequina p̄htoa ijipih-tiequina Jesu yequina mehna p̄aro tiquina mehna cjēnare beseahye tiquina ohoatiquinare. Antioquíap̄ Pablo, Bernabé mehna w̄ahatiquinare tiquinare bese ohoahye. Sa ye tiquina Judare, Sila mehna ohoahye. Juda pehe Barsaba p̄aro wame wame tiahye. Tiquina acaye Jesu yequina tiquinare ño peoahye. ²³ Tiquinare tiquina beseri bato Jesu yequina ojoari p̄re ohoahye tiquina mehna. Ohō saha ni ojoahye tiquina:

—Jesu cūrina, tiquiro yequina p̄htoa, m̄sa acaye Jesu yequina mehna us̄a quehnoa dutiaja m̄sare. Ijipih-tina judio masa ijenare Antioquíap̄, Siriap̄, Cili-ciap̄ ijinare m̄sare Jesu yequinare quehnoa dutiaja us̄a. ²⁴ Us̄a mehna cjēna m̄sa cahap̄ esaye, m̄sare peye dutiyere ye dutiñohti. Sa ye m̄sare cariboñohti. Tiquina sa dutiepegūta us̄a pehe tiquinare tire buhe dutina ohoer̄. ²⁵⁻²⁶ Sa yena us̄a ijipih-tina ihcāno mehna m̄sa cahap̄ ohoatiquinare us̄a besei. Mari cahñequinare Pablo, Bernabé mehna Cristo Jesu mari p̄htoro yere cuero marieno tiquina buhegū peye tahari apequina tiquinare wejēmahye. Tiquina sa wejē duagū mehenogā mehna

yuhduahye tiquina. Tiquina mehna usã beseriquinare yojopure ohoaja. ²⁷ Sa yena Judare, Sila mehna musa caharũ ohoaja. Usã ojarire tiquina pehe musare yahueta. ²⁸ Espiritu Santo wacũno sahata usã gãhũ tãhotuaja. Ohõ saha ijire ti: Apeye dutiyepure cuedaja musare. Ahri dutiye dihitare cũnatja musare: ²⁹ Nãne ihyayere, “Cohãcjũ ijire”, tiquina nimesi queoyere ño peo tiquina duhu peori ihyayere ihyeracãhña. Diire sihniedacãhña. Wamũa tiquina ñehe wejëdiquinare wahiquinare ihyeracãhña. Sa yena wãana tieracãhña. Ahri yũhũ ye dutierarire yerana quehnoañene yena ninata musa. To puno tjire musare usã yahu duaye, ni ojoa ohoahye Jesu yequina Jerusalẽpũ ijiyequina.

³⁰ Ti pũre ojoa tuhasa, ohoahye Antioquíapũ wahaeyequinare. Tiquina ohori bato waha, Antioquíapũ esahye. Topũ tiquina esari bato peyequina masare cahmecoa duti, tiquina ojoari pũre wiahye tiquinare. ³¹ Ti pũre tiquina buheri bato quehnoañene tiquina yahugã tãhoye, quehnoano bucueahye. ³² Sa ye Juda, Sila mehna Cohãcjũ yere yahu mãhtariquina ijiye, yoari pje Jesu yequinare Cohãcjũ yere yahuahye. Tiquina sa yahugã tãhoye, Jesu yequina pehe bucue, quehnoano jeripohna tiahye. ³³ Sa

ye Juda, Sila mehna topũ meheñe decorigã tiquina ijiri bato tiquina tojoa tagũ to cjenare tiquina cohe tigũ, “Quehnoano wahaya musa”, niahye Antioquíã cjenã. Sa ye Juda gãhare ohoriquinare quehnoa dutioahye. Tiquina sa nidi bato Juda pehe tojoaa wahahye. ³⁴ Sa ijiepegũta Sila pehe topũta tojoa cãhye Antioquíapũta. ³⁵ Sa ye Pablo, Bernabé gãhũ meheñe decorigã tojoariãhye ti macapũ. Sa ye tiquina apequina peyequina mehna Jesu yere buheahye.

Pari turi Pablo quehnoañene buheyere buhe tinino wahahye

³⁶ Sa ye meheñe decorigã bato Pablo, Bernabé mehna yahuducuahye:

—Ijipihtiyequinare mari buhe ducariquinare ihñana wahaũhna tja, niahye Pablo gãhũ tiquina basi.

³⁷ Sa yero Bernabé pehe Nũre tiquina mehna nea duamahye. Nũ Marco pũaro wame wame tiriquire iji-ahye. ³⁸ To pano tiquiro tiquina mehna Panfiliapũ esaro tiquina mehna tojoerahye. Tiquina yerire ihcãno sahaeraro, tojoaa wahahye. Tiquiro ihcãno sahaeragũ ihñano Pablo pari turi tiquirore nea duerahye. ³⁹ Tiquiro nea dueragũ ihñano Bernabé Pablo mehna pũaro tiquina basi cahme yahuducu cahme tu wahye. Bernabé pehe Chipre wame tiri nũcõpũ Marco mehna

pehãa wahahye. ⁴⁰ Pablo pehe Sila mehna piti ti cã, wahahye. Sa ye tiquina buheye wahato pano Jesu yequina tiquinare ohoye, “Cohãcjã musare quehnoano ihña ihboahro”, niahye. Tiquina sa nidi bato Pablo, Sila mehna waha wahahye. ⁴¹ Sa wahaye, Siria yehpapu, Cilicia yehpapu gũhure esaye, topu Jesu yequinare quehnoano jeripohna ti bucuegũ yeahye tiquinare.

16

Timoteo Pablo mehna wahahye

¹ Tiquina sa yeri bato Pablo gũhu Derberu, Listrapu esaye, Timoteore boca sahye. Timoteo Jesu yaquiro ijero, judio masono macũno ijiahye tiquiro. Tiquiro pacoro gũhu Jesu yacorota ijiahye. Tiquiro pacoro pehe griego masũno ijiahye. ² Sa ye Litra cjẽna, Iconio cjẽna Jesu yequina ohõ saha niahye Timoteore: “Timoteo masa quehnoariquiro ijire”, ni yahue tiahye. ³ Sa yero Pablo Timoteore nea duahye. Sa ijiepegũta ti yehpa cjẽna judio masa pehe Timoteo pacoro griego masũno tiquiro ijigũ masiahye. Sa yero Pablo judio masare “Usuari”, nino, Timoteo cuhnucunu sohtoa cahserogãre yuhre neahye. Judio masa dutiye nidiro sahata yeahye. ⁴ Tiquiro sa yeri bato tiquina esari macari cjẽnare tiquina dutiyere ojoari pũ cjẽne yahuahye. Ti pũ Jesu cũriquina, tiquiro

yequina puhto mehna Jerusalẽpu ijiequina tiquina ojoari pũ ijiahye. Sa ye ti dutiyere quehnoano yahuahye to cjẽnare Jesu yequinare. ⁵ Tiquina sa yahugũ tahoye Jesu yequina pehe Jesure wacũ tutua nemoahye. Sa ye Jesu yequina decoripe peyequina wahaducuahye.

Pablo quehẽnopu Macedonia cjãnore ihñahye

⁶⁻⁷ Sa yero Asia yehpapu pehere quehnoañe buheyere buhe dutierahye Espiritu Santo tiquinare. Sa ye tiquina Frigia yehpare yũhdna, Galacia yehpare yũhdna, Misia yehpa duhtu cahapu esahye. Bitinia yehpa pehe waha duamahye. Tiquina waha duepegũta Espiritu Santo pehe tiquinare topure waha dutierahye. ⁸ Tiquiro sa nidi bato tiquina pehe Misia yehpare yũhdna, Troapu wihiri. ⁹ Topu tiquiro wihiri bato ohõ saha quehẽahye Pablo. Macedonia yehpa cjãno tiquiro caha ducugũ ihñahye tiquiro. “Usãre Macedonia yehpa cjãnare yedohogu ahtaya”, ni, pijiahye tiquiro Pablora. ¹⁰ Tiquiro quehẽdi bato wahcã, usã yere quehno tuhasa, Macedoniaru waha wahau usã. “Cohãcjã ti yehpapure quehnoañe buheyere buhe dutiro nine marine”, ni tahotuu usã.

Pablo, Sila mehna Filipopu ijiahye

¹¹ Sa yena usã Troapu ijina yucusa mehna Samotracia

wame tiri n̄c̄uop̄u pehã sau usã. Sa yena ape deco Neapolip̄u wahāu usã. ¹² Ti macare ȳhd̄u cãna Filipop̄u Roma cj̄ena ya macap̄u esau usã. Ti maca Macedonia yehp̄ap̄u ijiri maca ijiri. Ihyo ijiri maca ijierari. Top̄ure meheñe decorigã usã ijii. ¹³ Sa yena saurú ijigũ usã ti maca d̄uht̄u cahap̄u, dia d̄uht̄u cahap̄u esau. Top̄u Cohãcj̄u mehna tiquina yahuducuro ijiri. Top̄u dujina top̄u cahmecoañe numia mehna yahuducuu usã. ¹⁴ Ihcãcoro usãre t̄ahoricoro Tiatira cj̄õno Lidia wame tiricoro ijiri. Sa yero ticoro quehnoañe suhti wapa tiye suhtire duaricoro, mari Pac̄ure ño peoricoro ijiri. Sa yero Pablo yahuyere quehnoano t̄ahogũ yeri Cohãcj̄u ticorore. ¹⁵ Sa ye ticorore, ticoro ya w̄h̄u cj̄ena mehna wame yeri Pablo. Tiquire sa wame yeri bato ohõ saha nidi ticoro:

—“Jesu yacoro tjire m̄h̄u gũh̄u”, nine m̄sa ȳh̄ure. Sa yena ya w̄h̄up̄u sajã tarĩña m̄sa. Ȳh̄u mehna tojoarĩña, nidi ticoro usãre.

Ticoro sa nigũ t̄ahona ticoro ya w̄h̄up̄u tojoarĩ usã.

¹⁶ Ape deco Cohãcj̄u mehna tiquina yahuducurop̄u usã wahagũ wat̄nore c̄horicoro piti cari usãre. Ticoro apequina cahacj̄õno ijiri. Sa yero ticoro masare “Ohõ saha waharota m̄sare”, ni, yahuyuricoro ijiri. Sa yahuro pajiro wapata basari ticoro p̄h̄toare. ¹⁷ Sa yero Pablo

mehna usã wahagũ, usãre n̄n̄u tã, sañuducuri ticoro:

—Ahriquina Cohãcj̄u tu-tua ȳhd̄uariquiro yedohoriquina ijire. Mari yariari bato Cohãcj̄u marine tiquire quehnoano ȳhd̄uotire yahure tiquina, ni sañuducuri ticoro.

¹⁸ Peye decori sa ni cariboducuri Pablöre. Sa yero pari turi ticoro sa ni sañuducugũ t̄ahoro Pablo majare ihña, ohõ saha nidi wat̄nore:

—Jesucristo tutuaye mehna dutiaja m̄h̄ure. Ticorore duhuya. Waharĩsa m̄h̄u, nidi Pablo.

Tiquire sa nigũta wat̄no pehe waha wahari.

¹⁹ Tiquina sa yeri bato ticoro p̄h̄toa pehe niñeru ticoro wapataericoro wahagũ ihñañe, tiquina Pablöre, Sila mehna ñehedi. Ñehe tuhasa, tiquinare neari ti maca decop̄u p̄h̄toa cahap̄u. ²⁰ Sa ne cã, buhiri dahre dutiyequina cahap̄u c̄uri tiquinare.

—Ahriquina judio masa mari ya maca cj̄enare cariboye nine. ²¹ Tiquina mari dutiyere cohã dutiye, apeye buheyere buheye nine. Mari ye dutiyere ȳhd̄ud̄ucagũ ye duaye nine. Mari Roma cj̄ana ijina ahriquina yahuye pehere ye masiedaja mari. Sa yena tiquina buheyere mari cahmedaja, nidi ticoro p̄h̄toa buhiri dahre dutiyequinare.

²² Tiquina sa nigũ t̄ahoye masa peyequina Pablo gũh̄u

mehna usua yãhdũa wa-hahye. Sa ye buhiri dahre dutiyequina pehe Pablo gãhũ suhtire tiquina tãhrẽ cohãri bato daye cjugã mehna tana dutiri tiquinare. ²³ Tutuaro tana tuhasa peresu yeri tiquinare. Tiquina sa peresu yeri bato peresu ijiyequinare cohteriquirore quehnoano ihña ihbo dutiahye tiquina. ²⁴ Tiquina sa dutiri bato tiquinare cohteriquiro pehe ti wãhũ puhia cãã tucũpũ tiquinare cũ, taboa mehna tiquina dahpocãrine biha cũahye.

²⁵ Ñami deco Pablo, Sila mehna Cohãcjũre sini, tiquiore basa peoahye. Tiquina sa basagũ tãhoahye apequina peresupũ ijiyequina. ²⁶ Tiquina sa ni basagũta ti wãhũ tutuaro ñuhmiahye. Sa ñuhmigũ ihcãno mehna ijipihtiye sope pahmari parĩa wahahye. Sa ye peresupũ ijiyequinare tiquina dãhteri dari come dari suru site dijiaa wahahye. ²⁷ Sa wahagũ ihñano ti wãhũre cohteriquiro pehe “Peresu ijiyequina duhti tuhasari jiri”, ni tãhotumahye. Sa ni tãhoturo tiquiore ñoseni pjĩne nedoqueo tiquiore basi ñosemahye. ²⁸ Tiquiore sa yegũ ihñano Pablo tiquiore tutuaro sañuducu ohõ saha niahye:

—Mũhũ basi ñano yer-acãhña. Ijipihtina ohõre ijiaja usã, niahye tiquiore tiquinare cohteriquirore.

²⁹ Tiquiore sa nigũ tãhoro

tiquinare cohteriquiro pehe sihã duti, tiquina cahapũ oma cã, Pablo, Sila tiquina dahpocãri cahapũ nanare doque quehe sahye tiquiore. ³⁰ Sa yero tiquiore tiquinare ti tucũpũ ijiyequinare ne wijia, sinituahye:

—¿Dũhse yeagari yãhũ Cohãcjũ yaquiore iji duagũ? ni, sinituahye tiquiore.

³¹ —Jesucristore wacũ tutuaya mũhũ. Mũhũ acaye gãhũ tiquiore wacũ tutu-ahro. Mũsa sa yegũ mũsare pecapũ wahaborinare Cohãcjũ yãhdũorota, ni, yahuahye tiquina.

³²⁻³³ Tiquina sa nidi hora ñami deco batogã iji-ahye. Tiquina sa nidi bato tiquinare cohteriquiro ya wãhũpũ neahye tiquinare. Tiquiore ya wãhũpũ ne sa, tiquina camine coseahye tiquiore. Tiquiore sa cose tuhasari bato tiquiore cohteriquiro acaye mehna ijigũ Cohãcjũ yere buheahye Pablo gãhũ. Tiquina buheri bato wame yeahye tiquinare. ³⁴ Tiquina wame ye tuhasari bato tiquinare cohteriquiro Pablo gãhũre ihyaye peoahye. Sa ye tiquiore acaye mehna quehnoañe buheyere tiquina tãhori bato tutuaro bucueahye, Cohãcjũre masi dũcaye.

³⁵ Bohrea parĩ cãhtagũ ihñañe pãhtoa pehe surarare peresu yeri wãhũpũ ohoahye Pablo gãhũre wio dutiye. ³⁶ Tiquina sa wio dutiri bato

ti wuhure cohteriquiro Pablo gūhure yahuahye:

—Pūhtoa mūsare wio dutiri. Sa yena cuero marieno wijiaya, niahye tiquiro Pablo gūhure.

³⁷ Tiquina sa wio duepegāta Pablo yahuahye surarare:

—Ūsā ñano yeru. Sa yena ūsā ne buhiri mariedaja. Ihyo warota tiquina pūhtoa pehe masa ihñonopu yucari mehna tanari ūsāre, ūsā Roma cjāna ūsā ijiepegāta. Tana tuhasa peresu yeri ūsāre. Sa ye yojopu masa tiquina ihñeno wio duare ūsāre, ūsāre ñano tiquina yerire “Buro yuhduari”, niñe. Pūhtoa tiquina basita wioye ahtaahro ūsāre, niahye Pablo surarare.

³⁸ Tiquiro sa nigū tūhoye surara pehe pūhtoare yahuye wahahye. Tiquina sa ni yahuri bato Pablo, Sila mehna Roma cjēna tiquina ijigū masiñe pūhtoa pehe cue niahye. ³⁹ Sa ye tiquina Pablo gūhu cahapu esa, ohō saha niahye:

—Ñano yeahti ūsā mūsare. Ne pari turi sa yesi, niahye pūhtoa Pablo gūhure.

Sa ni tuhasa pūhtoa tiquinare peresupu ijiequinare wio, tiquinare ape siepu waha dutiahye.

⁴⁰ Tiquina sa nidi bato Pablo, Sila mehna peresupu ijiriquina wijia, Lidia wame tiricoro ya wuhupu wahahye. Ti wuhupu tiquina esari bato Jesu yequinare piti cahye. Sa ye tiquina Jesu

yequinare quehnoano buh-eye, quehnoano jeripohna tigū yeahye tiquinare. Tiquina sa yeri bato Pablo, Sila mehna wahaa wahahye.

17

Tesalónica cjēna usuahye Jesu yequina mehna

¹ Sa ye tiquina Anfipolipu esa, yuhduaye, Apoloniapu esa, yuhduaye, Tesalonicapu esahye tiquina. Topu judio masa buheri wuhū ijiahye.

² Semanaripe tiquiro yeriro sahata Pablo buheri wuhupu wahae tiahye. Topu esa, ihtia semana waro saurū decorire tiquiro panopu cjē tiquina ojoarire Cohācjū yere masare buhe, tire tiquina basi cahme yahuducue tiahye Pablo. ³ Sa yero tiquiro Cohācjū yere yahuahye:

—Judio masa, mūsa pūhtoro mūsa cohteriquiro Cristo ahtahye ñano yuhduatiquiro. Sa yero tiquiro yariaa wahahye masa mūjano taro. Sa yero ahriquirō Jesu, yuhū yahuriquiro, tiquiro Cristo warota ijire marine yuhduatiquiro. Tiquirota ijire mūsa cohteriquiro. Ohō sahata nine Cohācjū yere tiquina ojoari pū, ni yahuahye Pablo.

⁴ Tiquiro sa nigū tūhoye meheñequinagā topu ijiequina “Potota ijire”, niahye. Sa ye tiquina Pablo gūhu mehna wahahye. Sa ye apequina gūhu griego masa peyequina mari Pacure ño peoyequina pehe Pablōre tūhoye,

tiquina mehna cjēna numia gūhū peyequina pūhtoa numia gūhū tiquirore tūhoye Jesu yequina tojoahye. Sa ye Pablo gūhū mehna wahahye. ⁵ Sa ijiepegūta apequina judio masa pehe tiquina sa wahagū ihñañe, ihña coahye. Sa ye tiquina ñañequina dahraeyequinare peyequinare piji cahmecoah ohō saha ni dutiahye: “Ahriquina ñano yeye nine”, ni sañuducu dutiahye tiquinare. Sa sañuducuye ijipihtiequina ti maca cjēnare usuagū yeahye Pablo gūhū mehna. Sa ye judio masa Jasō ya wūhūpū sajā, Pablo gūhūre macamahye, tiquinare masapūre ohoye tehe. ⁶ Sa macaepeta tiquinare bocaerahye. Sa ye Jasōre, apequina Jesu yequina gūhūre ñehe, weje wijiaa wahahye tiquinare. Pūhtoa cahapū ne sa, ohō saha ni yahusāhye tiquina.

—Pablo gūhū masare ijipihitropūre caribo yūhdūare. Sa ye yojopūre tiquina mari ya macare wihi tuhasari. ⁷ Sa yero ahriquiroti Jasō tiquinare tiquiro ya wūhūpū sajā ta dutiri. Tiquina ijipihtiequina mari pūhtoro Roma cjūno tiquiro dutiyere yūhdūdūcare. “Apequiroti masa pūhtoro ijire. Jesu tiquirota ijire”, niñe, mari pūhtoro dutiyere yūhdūdūcare tiquina, ni yahusāhye judio masa pehe pūhtoare.

⁸ Tiquina sa ni yahusāgū tūhoye, ijipihtiequina masa, pūhtoa gūhū usua, tutuaro

sañuducuahye. ⁹ Tiquina sa sañuducuepegūta pūhtoa Jasōre, tiquiro mehna cjēna gūhūre, niñerure wapa ye duti, wioahye.

Pablo Sila mehna Bereapū esahye

¹⁰ Ti pjeta ñamipū Pablo gūhūre Jesu yequina nūo ohoahye Bereapū. Topū esa tiquina judio masa buheri wūhūpū sajāa wahahye. ¹¹ Berea cjēna pehe Tesalónica cjēna yūhdūoro Jesu yere quehnoano tūhoyequina ijiahye. Sa ye tiquina Jesu yere tūhori bato “¿Potota ijiajari?” ni masi duaye, decoripe tiquiro yere tiquina ojoari pūre sa buheducue tiahye tiquina. ¹² Sa ye tiquina peyequina Jesure wacū tutuayequina ijiahye. Griego masa gūhū, mñā, pūhtoa numia mehna Jesure wacū tutuayequina ijiahye. ¹³ Sa ijiepegūta Pablo Bereapū Cohācū yere tiquiro buhegū gūhūre tūhoye, Tesalónica cjēna judio masa topū esahye. Topū esaye, Berea cjēnare quititi dojomehneñe, Pablo gūhū mehna usuagū yeahye tiquina. ¹⁴ Tiquina sa yegū ihñañe Jesu yequina Pablōre sojaro mehna pajiri ma dūhtū cahapū ohoahye. Tiquina sa ohoepēgūta Sila, Timoteo mehna Bereapū tojoahye. ¹⁵ Sa ye apequina Pablōre Atenapū ne cā soahye. Tiquirore so tuhasa, majare tojoaa wahahye Bereapū tja.

—Sojaro mehna waha, piti tina wahaya Pablōre, ni

yahuahye Silare, Timoteo gūhure.

Sa ni yahu dutiahye Pablo tiquinare.

Pablo Atenapū ijiahye

16 Sa yero Pablo Atenapū cohtero niahye Sila, Timoteo gūhure. Sa yero Atena cjēna “Cohācjū ijire”, tiquina niñe queoyere peye tiquina cūogū ihñano Pablo tutuaro bujūa witiahye tiquina mehna.

17 Sa bujūa witiro judio masa buheri wahūpū judio masa mehna yahuducuahye. Sa yero tja judio masa ijieyequina gūhure yahuducuahye tiquiō. Tiquina ihquēquina mari Pacūre ño peoyequina ijiahye. Sa yero Pablo ti maca decopū decoripe tiquiō cahapū sa tini majare sajāñequina mehna yahuducuahye. 18 Apequina Epicúreo yere buheyequina, Estoico yere buheyequina gūhū Pablo mehna yahuducuahye.

—¿Ahriquiō yahuducuye peyariquiō dūhse ni yahuducuro niajari tiquiō? niahye tiquina.

Pablo Jesu yere, tiquiō masa mūjarire tiquiō yahugū tūhoye ohō saha ni tūhotumahye masa. “Tiquiō apequina cohāmanare yahuro niaga”, ni, tūhotumahye tiquina. 19 Tiquina tūhori bato Areópago wame tiropū Pablōre nea wahahye.

—Ahri buheye, wahma buheyere yojopū mūhū yahurire masi duaja usā. 20 Mūhū buheye sijoro saha

ijire. Sa yena usā tire masi duaja, niahye tiquina Pablōre.

21 Ijipihtiequina Atena cjēna decoripe wahma buheyere yahuducuducu duahye. Sa ye tire tūho duahye. Ape yehpa cjēna gūhū Atenapū ijiye, sata ye duahye. Sa ye Pablo yahuyere tūho duahye tiquina.

22 Sa yero Pablo Areópago wame tiropū wahcādūca, ohō saha ni yahuahye:

—Atena cjāna, peyequina mūsa cohāmanare mūsa tutuaro ño peona mūsa ijigū masiaja yūhū. 23 Ahri māca mūsa ya macare cohāmanare mūsa ño peorire ihña tini yūhū. Sa ihña tinigū yūhū ihcā cuhtupū, cohāmanare ño peona mūsa ohoyere mūsa cūnopū ahrire buhei. “Cohācjū, mari masimehnediquiō ya cuhtu ijire”, ni, ojoari jiri mūsa tire mūsa cūnopū. Mūsa tiquiōre masiedapenata tiquiōre ño peori jiri mūsa. Tiquiōreta mūsa masiediquiōre yahugū niaja yūhū mū sare.

24 ‘Cohācjū ijipihtiri yehpare, ijipihtiyere bajumehnediquiō ijire. Tiquiō ūhmūserē, yehpapūre, pūhtoro ijiro, tiquiō masa tiquina yeri wahūpū ijierare. 25 Sa yero tiquiō mari ijiyere, mari jeri neñe gūhūre, ijipihtie marine apee borore ohoriquiō ijiro, mari yedohoyere cahmedare. Tiquiō pejecūoriquiō ijierare.

26 'Tiquiro ihcãquiro amnõre ye dũcahye. Tiquiro mehnata ijipihitiri yehpa cjenare masare yehye. Sa yero ijipihitiri yehpapũre marine cũahye tiquiro. "Ohõ puno yoari pje ohõpũre catieta", nino queo cũahye marine. 27 "Tiquina yahũre macañe, bocaeta", ni tuhõtũahye Cohãcjũ. Sa yero Cohãcjũ yoaropũ ijierare. Mari mehnata ijire. Ohõ saha ni ojoahye. 28 "Marine ijigũ yere tiquiro. Sa yero masa mehna sa ijiducure tiquiro", ni ojoahye. Mũsa mehna cjẽna panopũ cjẽna basayere quehnoano ojoayequina tiquina ojoariro sahata nii niãja. "Mari gũhũ Cohãcjũ pohna ijiaja", ni ojoahye tiquina. 29 Sa yena tiquiro pohna ijina ohõ saha ni tuhõtũeracãhña mũsa. Queoyere, uru, plata, utã mehna mũsa esa tuharo mũsa yeriquinare "Cohãmana ijire", ni tuhõtũeracãhña mũsa. 30 Panopũ masa tiquina masieñequina ijinigũ tiquina ñañene yepegũta Cohãcjũ sa ihña cãhrĩahye. Sa yeperota yojopũre ijipihitiri yehpa cjenare tiquina ñañene bũjũa witi dutire Cohãcjũ. 31 Came Cohãcjũ tiquiro queori decopũ ijipihitiri yehpa cjenare queoro beserota quehnoañequinare, ñañequinare. Tiquiro bese duti cũriquiro Jesu pehe beserota. Jesure yariariquirore masoahye tiquiro. Sa masono "Ahriquiro yahũ cũriquiro ijire", ni, ihñono

niahye Cohãcjũ masare, ni yahuahye Pablo Atena cjenare.

32 Tiquiro sa nigũ masa mũjarire tiquiro yahuducugũ tuhoye apequina tiquirore bũjũpeahye. Sa ye apequina pehe ohõ saha niahye:

—Pari turi ahrire mũhũ yahugũ usã tuhõ duaja, niahye tiquina Pablõre.

33 Tiquina sa nidi bato Pablo wahaa wahahye. 34 Sa ye meheñequinagã tiquiro mehna ijie, Jesure wacũ tutua dũcahye. Dionisio Areópago cjũno pũhtoahye mehna cjũno Jesure wacũ tutua dũcahye. Damari wame tiricoro gũhũ, apequina mehna Jesure wacũ tutua dũcahye.

18

Pablo Corintopũ ijiahye

1 Sa ye, Pablo Atenapũ ijiriquiro waha, Corinto wame tiri macapũ esahye. 2 Topũ esaro, judio masano Aquila wame tiriquirore boca sahye tiquiro. Ijipihitiquina pũhtoro Claudio wame tiriquiro judio masare Romapũ ijieyequinare tiquiro cohãgũ, Aquila pehe tiquiro namono Priscila mehna waha, Corintopũ esahye. Aquila pehe Ponto wame tiri yehpapũ masa bajuariquiro ijiahye. Sa ye tiquina Corintopũ tiquina ijigũ, Pablo tiquina cahapũ esahye. 3 Aquila gũhũ carpa cahseri wũhũsere yeyequina ijiahye. Pablo

gãhu carpa cahseri wãhũsere yeriquirota ijiahye. Sa yero tiquiro tiquina mehna dahra, topũ tojoahye. ⁴ Sa yero Pablo saurũ ijigũ semanaripe judio masa tiquina buheri wãhũpũ judio masare, judio masa ijieyequina gãhũre Cohãcjũ yere yahuahye. Tiquiro sa ni yahugũ tãhoye, “Ijirota ijire”, niahye tiquina ihquẽquina.

⁵ Sa ye Sila, Timoteo mehna Macedoniapũ ijiriquina, Pablo cahapũ esahye. Topũ tiquina esari bato Pablo pehe ijipihtiye decori judio masare quehnoano buhee tiahye:

—Jesu, Cristo marine yãhũoatiquiro mari cohteriquiro ijire, ni yahue tiahye tiquiro.

⁶ Tiquiro sa ni buhepegũta, judio masa pehe tiquirore tãho duerahye. Sa ye tiquina ñano ni quitu dojomehneahye tiquirore. Tiquina sa yegũ Pablo tiquinare tiquiro tuhtiboriro sahata, tiquiro suhtirore dihta wahãrire wejẽ site cũahye.

—Mũsa ye buhiri pecapũ wahanata. Cohãcjũ tiquiro dutiriro sahata mũsare buhemi yũhũ. Sa buhepegũta mũsa yãhũre tãho duerari. Yojopũre judio masa ijieyequina pehere buhegũ wahaũtja, niahye Pablo judio masare.

⁷ Tiquiro sa nidi bato tiquiro topũ ijiriquiro waha, Ticio Justo wame tiriquiro ya wãhũpũ esahye. Justo Cohãcjũre ño peoriquiro ijiahye. Tiquiro ya wãhũ

pehe judio masa buheri wãhũ cahapũ ijiahye. ⁸ Sa ye Crispo wame tiriquiro buheri wãhũre cohteriquiro, tiquiro namono, tiquiro pohne gãhũ Jesure wacũ tutuayequina ijiahye. Sa ye apequina Corinto cjẽna peyequina Cohãcjũ yere tãhoye, Jesure wacũ tutuahye. Tiquina sa wacũ tutuayequina ijigũ tiquinare wame yeahye. ⁹⁻¹⁰ Ihcã ñami Cohãcjũ quehẽnopũ yahuahye Pablöre. Tiquirore ohõ saha niahye:

—Mũhũ mehna ijiaja. Ahri macare yeequina peyequina ijire. Sa ye apequina masa mãhũre ñano ye masiedare. Sa yegũ cueracãhña mãhũ. Sa cueragũ yeere tutuaro yahuya. Sa tãhotueracãhña, ni yahuahye Cohãcjũ Pablöre.

¹¹ Sa ye ihcã cãhma quehnoano, ape cãhma deco waro to cjẽnare Cohãcjũ yere buhe, ijie tiahye Pablo.

¹² Tiquiro sa ijiri watoa Galiõ wame tiriquiro Acaya yehpa cjẽna pũhtoro tiquiro ijigũ judio masa ijipihtiyequina ihcãno mehna Pablöre yahusãñe taye, tiquirore buhiri dahre dutiyequina cahapũ neahye tiquina.

¹³ —Ahriquiro masare Cohãcjũre ño peo dutiro ahri yehpa cjẽ dutiye pehere cohã dutiro nine, ni yahusãhye judio masa buhiri dahre dutiyequinare.

¹⁴ Tiquina sa ni yahusãgũ tãhoro Pablo pehe tiquinare yahu duamahye. Sa yahu

duepegūta Galiō pehe judio masare yahuahye:

—Ahriquiroy usā Roma cjana ye dutiyere yuhduhcariquiroy tiquiro ijigū masare yuhduhcariquiroy yuhduhcariquiroy. ¹⁵ Sa yena masa judio masa ye dutiye pehere ahriquiroy yuhduhcariquiroy ijigū masa basi quehnoña. Ahrire masa mehna masino pjerare yuhduhcariquiroy, ni yahuahye tiquiro judio masare.

¹⁶ Sa ninota tiquinare judio masa yahusāñe ahtamediquinare tiquiro ya tucūpū ijiriquinare cohā wioahye tiquiro. ¹⁷ Tiquiro sa cohā wiori bato ijipihtiyequina ti wuhapū ijiriquina Sostenene judio masa buheri wuhare cohteriquirore Jesu yaquiore ñehe, buhiri dahre dutiyequina cahapū queāhye tiquirore. Tiquina sa quēgū ihñano Galiō sa ihña cāhye.

Pablo Antioquíapū tojoa wahahye

¹⁸ Sa yero Pablo Corintopū yoari pje ijiriquiro “Wahapū niaja”, ni cohe tiahye tiquiro Jesu yequinare. Tiquiro sa nidi bato tiquiro Priscila, Aquila mehna Siria yehpapū ijiri macapū pehāa wahahye. Cencrea wame tiri petamahapū tiquina esari bato Pablo Cohācjure “Ohō saha mahare ye basautja”, tiquiro nidire ye tuhasariquiropū ijiahye. Sa yero sa yeriquina judio masa tiquina yeducuriro sahata tiquiro poarire waha peho dutiahye. ¹⁹ Sa yero tiquina Efeso wame tiri macapū pehā sa, Priscilare, Aquila gūhare

cūahye Pablo. Tiquinare topū cū, judio masa tiquina buheri wuhapū wahahye. Ti wuhapū esa, Cohācjure yere yahuahye. Sa yahuro judio masa mehna yahuducuahye. ²⁰ Tiquiro sa yahuducuri bato tiquirore tiquina mehna tojoa dutimahye. Tiquina sa dutiepegūta ohō saha niahye Pablo:

—Tojoeraja masa mehna, niahye Pablo tiquinare.

²¹ Sa ninota,

—Wahapū niaja. Cohācjure cahmegū pari turi tojoa taboaga, niahye tiquinare Pablo.

Sa ni tuhasa Efesopū ijiriquiro pehāa wahahye tiquiro.

²² Sa yero Cesareapū pehā sa, yuhdu cā, Jerusalēpū esahye. Topū esa, to cjenā Jesu yequinare “¿Ne ijiajari masa?” ni, tiquinare ihña yuhdu Antioquíapū esahye. ²³ Topū meheñe decorigā ijiahye. Topū ijiriquiro yuhduahye. Galacia yehpapū ijiye macaripū, Frigia yehpapū ijiye macaripū pari turi esa, ti macari cjenare Jesu yequinare buhero, bucuegū yeahye.

Apolo wame tiriquiroy Efesopū buheahye

²⁴ Ti pjere, judio masano Apolo wame tiriquiroy, Alejandría cjenā Efesopū esahye. Tiquiro quehnoano yahu mihnidiquiro ijiahye. Sa yero tiquiro Cohācjure ojarire quehnoano masiahye. ²⁵ Apequiroy tiquirore

Cohãcjũ yere yahu tuhasae tiahye. Sa yero tiquiro Ñu wame yeriquiro ye buheye dihitare masiahye. Sa ijieperota tiquiro tutuaro bucueye mehna Cohãcjũ yere quehnoano buheahye. ²⁶ Sa yero judio masa tiquina buheri wuhupũ tiquiro cuero marieno tiquinare buhe dũcahye. Tiquiro sa buhegũ tiquina tãhori bato Priscila, Aquila mehna tiquirore tiquina mehna neahye. Cohãcjũ yere tiquiro quehnoano poto yahu pehoeragũ ihñañe quehnoano poto yahu pehoahye tiquina tiquirore. ²⁷⁻²⁸ Sa ye tiquiro Apolo pehe Acaya yehpapũ tiquiro waha duagũ Jesu yequina tiquirore “Quehnoano waha”, ni, ojoari pũrine ohoahye tiquirore. Ti pũri Acayapũ ijieyequina Jesu yequinare Apolore quehnoano piti ca dutiye pũri ijiahye. Sa yero Apolo topũ esaro, to cjẽnare Jesure wacũ tutuayequinare Cohãcjũ cahĩne mehna quehnoano yedohoahye. Judio masare ti macapũ ijieyequinare ohõ saha ni yahuahye:

—Cohãcjũ ohoriquiro mũsa coheriquiro ijire Jesu. Cristo waro ijire tiquiro, ni yahuahye judio masare apequina masa tiquina ihñonopũ.

Cohãcjũ yere tiquina ojoari mehna tiquiro quehnoano queoro yahugũ tãhoye tiquina “Poto ijierare”, ni masiedahye. Sa yero Cohãcjũ

cahĩne mehna tiquirore wacũ tutuayequinare quehnoano yedohoahye Apolo.

19

Pablo Efesopũ wahahye

¹ Corintopũ Apolo tiquiro ijiri watoa, Pablo pehe cunũ cjapũ mũja yũhdũa, Efesopũ esahye. Topũ esaro ihquẽquina Jesu yequinare bocahe. ² Tiquinare boca saro tiquiro tiquinare sinituahye:

—¿Mũsa Jesure wacũ tutu-
ari bato mũsa pehe Espĩritu Santore cão dũcari? ni, sinituahye Pablo.

Tiquiro sa nigũ tãhoye tiquirore ohõ saha ni yahuahye tiquina:

—“Espĩritu Santo ijire”, ni yahuerari usãre, ni yahuahye tiquina.

³ Tiquina sa ni yahuri bato Pablo tiquinare sinituahye tja:

—¿Noa ye buheyerere mũsa tãhori bato wame yeri mũsare? niahye tiquiro tja.

—Ñu ye buheyerere usã tãhori bato wame yeri usãre, ni yahuahye tiquina.

⁴ Tiquina sa nigũ tãhoro ohõ saha niahye Pablo:

—Masa tiquina ñañe yerire tiquina duhugũ ihñano wame yeahye Ñu. Sa yero tiquiro wame yeye pehe tiquina ñañe yerire tiquina duhurire masare ihñoati ijire. Sa yero apee boro gũhũre yahu nemoahye Ñu. “Yũhũ bato ahtariquiro pehere wacũ

tutuaya masa”, ni yahuahye tiquiro. Sa nino Jesure yahuro niahye, ni yahuahye Pablo tiquinare.

⁵ Tiquiro sa nigã tiquina tãhori bato, Jesu wame mehna wame yeahye tiquinare. ⁶ Sa yero Pablo tiquina ihquẽquina bui tiquiro omoca duhu peogã, Espiritu Santo pehe wihiahye tiquinare. Tiquiro sa wihiri bato tiquina pehe tãhomehneñe yahuducuye mehna yahuducu, Cohãcjũ yere yahuahye. ⁷ Tiquina ijipihtiyequina doce amãa ijiye ijiyoaga.

⁸ Came Pablo judio masa tiquina buheri wãhãpã sajã, ihtia asũ waro decoripe cuero marieno Cohãcjũ pãhtoro tiquiro ijiyere yahuducuahye tiquina mehna. Tiquirore tiquina sa tãhori bato “Ahri ijirota ijire”, niahye tiquina. ⁹ Sa niepegãta apequina pehe tãho duerahye. Sa ye tiquina masa tãhoro quehnoañe buheyere ñano niahye. Tiquina sa nigã tãhoro Pablo pehe Jesu yequinare piji wijia, ape siepã wahahye. Waha, Tirano wame tiri wãhã buheri wãhãpã decoripe masare Cohãcjũ yere yahuahye tiquiro. ¹⁰ Pãa cahma waro buhee tiahye tiquinare. Tiquiro sa buhegã ijipihtiyequina Asia yehpa cjẽna judio masa, judio masa ijieyequina mehna mari pãhtoro Jesu yere tãhoahye. ¹¹ Sa yero Cohãcjũ tutuaye

mehna Pablo peye tahari ye ihñoahye. ¹² Suhti cahseri Pablo tiquiro pagãre pihari cahserire, tiquiro pihari suhti gãhãre ne cã, dohatiyequinare ohoahye. Ti suhtire ohogã tire ñeheñe tiquina dohatiye yãhdãa wahahye. Sa ye watãa tiquina mehna ijiriquina waha wahahye ti suhtire tiquina ñehedi bato.

¹³ Sa ijigã apequina judio masa, sa tiniducuyequina, watãare cohãñequina judio masa yayia ijiahye. Sa ye Pablo tiquiro yeriro sahata Jesu tutuaye mehna watãare cohã duamahye. Sa ye watãare duhu dutimahye tiquina.

—Pablo yahuriquiro, Jesu tiquiro tutuaye mehna dutiaja masare. Wahaya. Ahriquiri mehna pari turi ijieracãhña, nimahye tiquina watãare ohoye.

¹⁴ Esceva wame tiriquiri siete tiquiro pohne pehe sata yemahye. Esceva pehe judio masano pahia pãhtoro ijiahye. ¹⁵ Tiquiro pohne watãnore tiquina waha dutiri bato, watãno pehe ohõ saha niahye tiquinare:

—Jesure masiaja. Pablo gãhãre masiaja. Masa pehere masiedaja, niahye watãno tiquinare.

¹⁶ Tiquiro sa nigãta watãnore cãoriquiro pehe tutuaro tiquinare ñehe maa wahahye. Sa yero tiquinare ña yãhdãaro yeahye. Tiquiro sa yeri bato suhti marieñequina,

cami tiyequina oma wi-
jiaa wahahye tiquina ti
wuhare. ¹⁷ Tiquina sa yeri
bato ijipihtiyequina Efeso
cjēna, judio masa, judio
masa ijieyequina mehna
tire tahoye, cue yuhdahye
tiquina. Sa ye mari pūhtoro
Jesu yere bujūpero marieno
yahuducuahye masa pehe.

¹⁸ Sa ye masa peyequina
Jesure wacū tutuayequina
tiquina ñano yerire yahuye
ahyahye. ¹⁹ Tiquina mehna
cjēna peyequina yayia
masare ujuayequina yero
saha yeyequina ijiahye. Sa
ye tiquina ojoari pūrīne yayia
tiquina yerire yahuye pūrīne
topū ne cāhta, masa ihñonopū
ti pūrīne ujūa cohā cāhye
tiquina. Ti pūrī wapa tirire
tiquina queogū, ijipihtiye
pūrī cincuenta mil cjoeri
niñeru cjoeri wapa timahye
ti pūrī. ²⁰ Sa ye Cohācjū yere
cahmeñequina peyequina
wahahye. Cohācjū tutuaye
mehna tiquiroyequina
wahahye.

²¹ Tiquina sa wahari
bato Pablo ohō saha ni
tūhotuahye: “Macedonia
yehparū esa mūhta, ti yeh-
pare yuhdūa, Acaya yeh-
pare esautja. Ti yehpare
yuhū esari bato Jerusalēpū
wahaūtja. Ti macare
yuhū esari bato Romapū
wahaūtja”, ni tūhotuahye
Pablo. ²² Pūaro tiquiroye
yedohoyequinare tiquiroye
pano oho mūhtahye Macedo-
nia yehparū. Timoteo, Erasto
gūhū ijiahye tiquina. Sa yero

Pablo pehe ihcāquirota tojoa
nūnū tāriahye Asia yehparū.

*Efesopū masa usua,
sañuducuahye*

²³ Ti pjere Efesopū Jesu
yere apequina cahmedaye,
Pablo gūhūre tuhtiahye.

²⁴ Plata mehna dahrariquiroye
Demetrio wame tiriquiroye
plata mehna cohācjōno
Artemisa wame tiriroye ya
wuhū queoyere yeriquiroye
ijiahye. Sa yero tiquiroye
apequina plata mehna
dahrayequina mehna ti
queoyere dua, pajiro wap-
atahye tiquina. ²⁵ Sa yero
Demetrio apequina plata
mehna dahrayequinare
piji cahmecoa yahuahye
tiquinare.

—Tūhoya mūsa. Ahri
dahraye mehna pajiro mari
wapatarire masine mūsa.

²⁶ Ahriquiroye Pablo yerire
tiquiroye buheri gūhūre masine
mūsa. Ohō saha ni buhere
tiquiroye. “Cohāmana queoye

masa tiquina yeyequina
catischequina ijierare”, ni
yahue tiri tiquiroye. Tiquiroye
sa nigū tahoye peyequina
Efeso cjēna, ijipihitropū
apequina Asia yehpa cjēna
gūhū ti buheyere “Ijiroya
ijire”, nie tiri. ²⁷ Sa niñe
mari dahrayere masa ñano
yahuducuboaga. Sa ye mari
yacoro cohācjōno Artemisa
ya wuhūre masa cohāboaga.
Sa yero ticoro ijipihityequina
Asia yehpa cjēna, ijipihitiri
yehpa cjēna tiquina ño
peoricoro ticoro ijiepegūta
ticoro tutuaye butiarota. Sa

ye masa ticorore masied-
aboaga, niahye Demetrio
tiquinare.

²⁸ Tiquiro sa nigū tūhoye
tiquina pehe tutuaro usua,
sañuducuahye:

—Artemisa Efeso cjāna
mari yacoro cohācjōno tutu-
aricoro ijire, ni, sañuducuahye
tiquina.

²⁹ Sa ye Efeso cjēna ijipi-
htiyequina sañuducu yūhdūa,
tūho masiñe pihtia wahahye.
Sa wahaye, Gayore, Aristarco
gūhure ñehe, masa tiquina
cahmecoanopū tiquinare
weje cāhye. Gayo, Aristarco
mehna Macedonia cjēna ijiye,
Pablo mehna tiniñequina ijie
tiahye. ³⁰ Sa ye Pablo masa
cahapū tiquiro waha duagū,
Jesu yequina pehe tiquirore
waha dutierahye. ³¹ Sa
ye apequina ti yehpa cjēna
pūhtoa, Pablo mehna cjēna
ijiye, tiquina cahacjēnare
yahu dutiahye Pablore:

—Masa tiquina cahme-
coanopū wahaeracāhña,
ni yahu duti ohoahye
pūhtoa tiquina cahacjēnare
Pablopure.

³² Sa ye topū cahme-
coañequina mehna cjēna pehe
peyequina “¿Dūhsena tana
mari cahmecoana niajari?”
ni, masiedahye. Sa ye tiquina
sañuducu nemoahye. Ahrie
pehepū ijiyequina sijoro ni,
sañuducuahye. Apequina gūhū
sijoro ni sañuducuahye. ³³ Sa
ye judio masa pehe Alejan-
dro wame tiriquire masare
yahu dutimahye. Sa yero
Alejandro “Dihta mariahña”,

nino tiquiro omoca mehna
quē dijioahye. “Ahriquina
usāre judio masare tuhtiye
nine”, ni tūhoturo judio
masare cahmota duaro,
yahuducumahye. ³⁴ Tiquiro
sa niepegūta judio masano
tiquiro ijigū ihñañe masa ijip-
ihtiyequina ihcāno mehna
pūa hora waro sañuducuahye:

—Artemisa, Efeso cjāna
mari yacoro cohācjōno tutu-
aricoro ijire, ni, sañuducuahye
tiquina.

³⁵ Tiquina sa ni sañuducugū
ihñano, Efeso cjēna pūhtoare
yedohoriquiro masare, “Di-
hta mariahña”, ni, yahuahye
tiquinare.

—Masa Efeso cjāna tūhoya.
Efeso cjāna mari yacoro tutu-
aricoro cohācjōno Artemisa
ya wūhū cohtena mari ijigū
ijipihtiri yehpa cjēna masine.
Sa ye ūhmūsepū bora dijia
tari queoyere cohtena mari
ijigū gūhure masine masa.
³⁶ Sa ye apequina “Ahri poto
ijierare”, ni masiedare. Sa
yena usueracāhña mūsa.
Quehnoano tūhotuya mūsa.

³⁷ Ahriquina mūsa ñehe
tariquina mari cohācjōnore
ñano ni yahuducuerari.
Sa ye tiquina cohāmana
wūhūsepūre sajā, yaquerari.
Sa yena quehnoano yeya
mūsa. ³⁸ Sa ye Demetrio,
plata mehna dahrayequina
mehna ahriquinare mūsa
ñehediquinare yahusā duaye,
buhiri dahre dutiyequina
pehere yahuhro tiquina.
Tiquina buhiri dahre du-
tiyequinare ahriquinare

yahusã masine. ³⁹ Pari turi cahmecoana quehnoano mehna cahmecoaña. Yojopure mûsa yeriro saha yeracãhña. ⁴⁰ Miare mûsa ihyo waro usua, sañuducurire mari pãtoa tãhoye, “Marine cohãñe niaga”, ni tãhotueta tiquina. Sa yena mûsa sa ni sañuducurire tiquinare quehnoano poto yahu masiedaja mari, niahye pãtoare yedohoriquiro masare.

⁴¹ Sa ni yahu tuhasa, “To puno tjire. Wahaya”, niahye tiquiro masare.

20

Macedonia yehpapũ gũhure, Grecia yehpapũ gũhure Pablo esahye

¹ Ti sa wahari bato, Pablo pehe Jesu yequinare piji cahmecoa yahuahye. Yahu tuhasa, tiquinare cohe tiahye. Cohe ti tuhasa, Macedonia yehpapũ wahaa wahahye. ² Topũ esa, buhe, to cjẽna Jesu yequinare bucuegũ yeahye tiquiro. Tiquinare buhe tuhasa, Grecia yehpapũ esahye tiquiro.

³ Topũ tiquiro ihtia asũ waro ijiahye. Topũ ijiro Siria yehpapũ pehãa waha duamahye. Tiquiro sa waha duepegũta judio masa duhti queahye, tiquirore ñehe duaye. Sa yero Pablo ape mahapũ, Macedoniapũ wahari mahapũ wahahye. ⁴ Sa waharo Asiapũta esahye. Topũ Berea cjãno Pirro macũno Sópater wame tiriquiro pehe Pablöre piti ti cãhye. Sa ye Tesalónica

cjẽna Aristarco, Segundo gũhũ tiquirore piti ti cãhye. Sa ye Asia cjẽna Tíquico, Trófimo gũhũ Asiapũ tiquirore piti ti cãhye. Derbe cjãno Gayo wame tiriquiro Timoteo gũhũ tiquiro mehna wahahye. ⁵ Tiquiro mehna cjẽna tiquiro pano waha, Troa wame tiri macapũ tiquirore cohteri jiri. ⁶ Tiquina sa cohtegũ pugũ yeye moremehneñe pãre tiquina ihyari bose deco bato usã pehe Filipopũ ijirina yucũsa mehna waha, ihcã omope decori pehã, Troapũ usã esah. Siete decori waro ijii topure.

Troapũ Pablo tinino wahahye

⁷ Domingo ijigũ Jesu yequina cahmecoa, pãre duhu peori Santa cena yeye tehe. Tiquina sa yeato pano Pablo tiquinare buheri. Sa yero Pablo ape decopũ wahatiquiro ijiro yoari pje tiquiro buheri. Ñami decopũ buhe duhuro taro nimesi.

⁸ Sa yena uhmũano cjã tucũpũ peye paca sihãñe paca ijiri tucũpũ cahmecoau usã. ⁹ Pablöre tiquiro tãhori watoa wahmũno Eutico wame tiriquiro meheni sopecahagã buipũ mũja pje dujiri. Sa yero Pablo tiquinare yoari pje tiquiro buhe nemogũ wahmũnöre wũjũa ahtari. Sa yero tiquiro carĩ maa, ihtia casario buipũ dujiriquiro majare maa dijiaa wahari. Tiquiro bora dijiaa wahari. Tiquiro tiquirore yariariquirore

tu wahcō daporī. ¹⁰ Tiquina sa yegū ihñano Pablo dijia, wahm̄nōre quē suhsuri. Tiquiro sa yeri bato Jesu yequinare yahuri tiquiro:

—Jeripohna ñaedacāhña. Yarierare ahriquiro. Catire, nidi Pablo pehe.

¹¹⁻¹² Tiquiro sa nigū wahm̄nō yariamediquiro masaa wahari. Tiquiro sa masagū ihñañe tiquina bucue yuhd̄nari. Sa bucueye uhm̄nō cĵā tucūp̄ m̄ja, pāre duhu peori Santa cena yeye tehe. Tiquina sa yeri bato yoari pje Pablo tiquinare buheri. Tee bohreato panogāp̄ tiquinare buhe duhuri. Tiquiro buhe tuhasagū wahaah wahā usā.

Pablo Troap̄ ijiriquiro waha, Miletop̄ esahye

¹³ Pablo pano yuc̄sa mehna Asōp̄ usā pehe esa m̄hta. Pablo pehe mahap̄ waha duari. Pablo tiquiro nidiro sahata Asōp̄ tiquirore usā piti ca. ¹⁴ Tiquirore usā piti cagū, usā mehna tiquiro sajāri yuc̄sap̄. Tia mehna waha, Mitilenep̄ usā esā. ¹⁵ Top̄re esa yuhd̄na, ape decop̄ Quiore yuhd̄nā usā. Ape decop̄ Samop̄ esā usā. Ape deco pehere Miletop̄ esā usā. ¹⁶ Pablo Pentecoste deco ijigū, Jerusalēp̄ esa duari. Sa yero Asia yehpap̄ yoari pje iji duerari. Sa yero Efesore poto yuhd̄na, Miletop̄ wahā sa usā.

Pablo Efeso cĵenare Jesu yequina p̄htoare yahuahye

¹⁷ Sa yero Pablo Miletop̄ ijiro, Efeso cĵenare Jesu yequina p̄htoare pijiori tiquiro. ¹⁸ Sa tiquiro pijiori bato tiquina Pablo cahap̄ wihiri. Tiquina wihigū ihñano tiquinare Pablo yahuri:

—Asiap̄ coā wihiḡ m̄sa mehna yuh̄ yerire masine m̄sa. ¹⁹ M̄sa mehna ijiḡ ne sijoro nino marieno Jesu, mari p̄htoro yere yee tii yuh̄. Sa yeḡ m̄sare paja ihñā. “M̄sare yuhd̄ducaja”, niedu yuh̄. Judio masa yuh̄re tiquina ñano yepegūta Cohācĵū yere yee tii yuh̄. ²⁰ Sa yeḡ m̄sa quehnoano wahatire cahmeḡ m̄sare yahu peho cān yuh̄. Masa tiquina ihñonop̄ m̄sa wuh̄sep̄ gūh̄re buhei yuh̄. ²¹ Sa yeḡ judio masare, judio masa ijieyequina gūh̄re ihcāno mehna buhei yuh̄. “M̄sa ñañene buĵna witina, Cohācĵū ye pehere comesaya. Sa yena Jesu mari p̄htoro wacū tutuaya”, ni yahuu yuh̄. ²² Sa yeḡ Esp̄ritu Santo tiquiro dutiriro sahata yojop̄re Jerusalēp̄ wahaah niaja. Yuh̄ top̄ wahaḡ yuh̄ duhse wahatire masiedaja yuh̄. ²³ Ohō saha nidi Esp̄ritu Santo yuh̄re: “Jerusalēp̄ mah̄ ñano yuhd̄ata. Sa ye m̄h̄re peresu yeeta”, nidi Esp̄ritu Santo yuh̄re. Yojop̄re yuh̄ macaripe yuh̄ esagū sa ni yahuri yuh̄re. Jerusalēp̄ wahaḡ Esp̄ritu Santo tiquiro yahuri

dihitare masiaja. ²⁴ Tiquiro sa yahuepegūta quehnoañe buheyere, Cohācjū tiquiro cahñe buheyere yahuacjū ijiaja. Jesu mari pūhtoro tiquiro ye dutirire ye peho duaja. Ahrire yerigū ijigū, yūhū yariatire cueraja yūhū.

²⁵ 'Sa yegū mūsa mehna ijigū Cohācjū tiquiro pūhtoro ijiyere yahue tii yūhū mū sare. Ne mū sare pari turi ihñasi yūhū. Ahrire masiaja yūhū. ²⁶⁻²⁷ Sa masigū miare ahrire yahuaja mū sare. Ijipihtiyē Cohācjū yere yahuu yūhū mū sare. Sa yero ijipihtiyē quina mūsa mehna cjēna Cohācjū yere cahmeeñequina tiquina ijigū yee buhiri ijierare. ²⁸⁻²⁹ Mūsa basi quehnoano yeya. Sa yena Jesu yequinare Espiritu Santo mū sare ihbo dutigū, tiquiro ihbo dutiriquinare quehnoano ihboya. Ovejare ihboyequina ovejare tiquina ihboro saha Jesu yequina gūhure ihboya mūsa. Cohācjū macno tiquiro yariaro tiquiro dii cohāno mehna Cohācjū tiquinare tiquiro yequina ijiatiquinare yeri. Yūhū ohōre wahari bato apequina ñañequina pehe yaquiro ovejare tiquina wejēno saha Jesu yere mūsa yeborire dojomehneeta. Sa yena Jesu yequinare quehnoano ihboya. ³⁰ Camepūre apequina mūsa mehna cjēna pehe Jesu yequinare ni meho, apeye buheyere tūho dutieta. Tiquina sa dutigū

tiquina tūhoeta. ³¹ Sa yena quehnoano yeya mūsa. Decoripe, ñaminipe paja ihñañe mehna buhei yūhū mū sare. Ihtia cūhma waro quehnoano buhei yūhū mū sare ijipihtinare. Tire quehnoano wacūña mūsa.

³² 'Yojopūre yūhū wahari bato Cohācjū mū sare ihña ihborota. Tiquiro cahñe buheyere buhena quehnoano ijinata mūsa. Cohācjū tiquiro buheye mehna mū sare tiquiro yequinare quehnoano yedoho masine. Sa yero tiquiro yequina dihitare tiquiro ye duariro sahata mūsa pūritare quehnoano yerota. ³³ Mūsa niñeru cūoyere, mūsa suhti cūoye gūhure "Yūhūre ohoya", niedū. ³⁴ Yūhū basi dahra wapataū ye ijiatire. Sa yegū yūhū cahmeñene, yūhū mehna cjēna tiquina cahmeñe gūhure yūhū dahra wapatarī mehna nei. Yūhū sa yerire masine mūsa. ³⁵ Mari ohō saha tutuaro dahrana apee boro cūoyequinare yedohoro cahmene marine. Ahrire mū sare ye ihñou yūhū. Jesu mari pūhtoro tiquiro nidi wacūña mūsa. "Tiquiro ohogū ñehediquiro yūhdūoro ohoriquiro pehe bucuere", nidi jiri Jesu tiquiro basi, ni yahuri Pablo Jesu yequina pūhtoare.

³⁶ Sa nidi bato Pablo tiquina mehna dūsepe curi mehna quehe sa, Cohācjūre sinidi. ³⁷ Tiquiro sa sinidi bato tiquina ijipihtiyequina

Pablore quē suhsu, wah-supure ihmi, utiri. ³⁸“M_usare pari turi ihñasi y_uh_u”, to pano tiquiro nigū t_uhoye tutuaro b_uj_una witiri tiquina. Sa ye tiquirore tu n_un_u tã buhari petamahap_u. Top_u usãre ihña n_un_u tãri usã wahagū.

21

Pablo Jerusalēp_u pari turi wahahye

¹ Jesu yequinare “Wahana niaja”, ni, yuc_usa mehna, Cos wame tiri n_uc_uop_u poto waha, pehã sau usã. Ape decop_u Roda wame tiri n_uc_uop_u pehã sa, y_uhd_una, Pátara wame tiri macap_u esau usã. ² Pátarap_u ijina, Feniciap_u wahatiare yuc_usare bocau usã. Sa yena tia mehna wahau usã. ³ Sa wahana Chipre wame tiri n_uc_uore poto ihña y_uhd_uu usã. Cū pehe pehe ijiri ti n_uc_uo. Ti n_uc_uore y_uhd_una, Siria wame tiri yehrap_u esau usã. Sa yena yuc_usa cjē doeri cjēne yuc_usa cjēno Tiro wame tiri macap_u tiquiro dure mogū top_u pahsarīi. ⁴ Top_u Jesu yequinare ihñana, siete decori waro tojoarīi usã ti macap_u. Sa ye to cjēna Jesu yequinare Espiritu Santo tiquiro yahuriro sahata tiquina Pablore Jerusalēp_u waha dutieramedi. ⁵ Tiquina sa niepegūta ti macare siete decori usã ijiri bato, wahau usã. Usã wahato panogã ijipihtiyequina Jesu yequina, tiquina namosānumia mehna, tiquina pohne mehna, maca

duhtu cahapu usãre ihña tojoari. Sa yena ijipihtina usã pad_urop_u esa, d_usepe curi mehna quehe sa, Cohācjūre sinii. ⁶ Usã sa sinidi bato, “Wahana niaja”, ni, tiquinare quē suhsu bato ti wahau usã. Usã wahagū ihña n_un_u tã, tiquina pehe majaa wahari tiquina ye w_uh_usep_u.

⁷ Tiro wame tiri macare maja y_uhd_uu usã. Sa yena Tolemaidap_u wahã sau usã. Top_uta pajiri mare waha bato tii usã. Ti macap_u esa, Jesu yequinare “¿Usã acaye, ijiajari?” ni, ihcã deco usã tiquina mehna ijini. ⁸ Sa yena ape decop_u tja Pablo mehna mahap_u wahau usã Cesarea wame tiri macap_u wahana. Top_u esa, quehnoañe buheyere yahuriquiro Felipe wame tiriquiro ya w_uh_up_u esau. Sa yena tiquiro mehna tojoau usã. Felipe Jesu yequina tiquina siete besenohriquina mehna cjēno ijiri. ⁹ Sa yero tiquiro pititiaro numia pacuro ijiri. Tiquina numia pehe Cohācjū yere yahuye numia ijiri. Nuhmia ijiri. ¹⁰⁻¹¹ Top_u usã meheñe decorigã usã ijiri bato, Agabo wame tiriquiro Cohācjū yere yahu m_uhtariquiro Judeap_u ijiriquiro usãre ihñano wihiri. Sa yero tiquiro Pablo ya dare jeri turi dare ne, tiquiro dah-pocārīne, tiquiro omocarīne duhtero, queo yahuri:

—Ohō saha nidi Espiritu Santo. “Ahri dare c_uoriquiro Jerusalēp_u tiquiro esagū, judio masa sa duhteeta

tiquire. Duhete tuhasa, judio masa ijieyequinare ohoeta tiquina tiquire”, nidi Espiritu Santo, ni yahuri Agabo.

¹² Tiquiro sa nigū tahoma, usā Cesarea cjēna mehna Pablore tutuaro cahī usā. Tiquirore Jerusalēpū waha dutierami. ¹³ Usā sa nigū Pablo pehe yūhtiri:

—¿Duhese ni utina niajari mūsa? Yūhū pehere bujūa witigū yeaga mūsa. Tiquina yūhure peresu tiquina yegū quehnoanota. Yūhū Jerusalēpū Jesu mari pūhtoro yere yūhū yeri buhiri yūhū yariagū quehnoanota, nidi Pablo usāre.

¹⁴ “Wahaeraja”, tiquiro nigū taho duana nimi usā. Tiquiro “Wahautja”, tiquiro nigū, sa taho cūhū usā. Ohō saha nii:

—Mari pūhtoro tiquiro cahmeno sahata yeahro, nii usā.

¹⁵ Tire yahu bato ti, usā yere quehno, waha waha usā Jerusalēpū waha. ¹⁶ Topū usā wahagū meheñequinagā Cesarea cjēna Jesu yequina pehe usā mehna wahari. Sa yena tiquina mehna cjūno Chipre cjūno Mnasō wame tiriquiro ya wūhūpū esau usā. Tiquiro yoari pje Jesu buheriquiro ijiri. Sa yero tiquiro ya wūhū usā ijiati wūhū ijiri. Sa yena Jerusalēpū esau usā.

Pablo Santiago ihñano wahahye

¹⁷ Jerusalēpū usā esagū, to cjēna Jesu yequina pehe

“¿Wihijari?” ni, bucueye mehna piti cari usāre. ¹⁸ Ape decopū Pablo usā mehna Santiagore ihñano esari. Usā topū esagū topū ijipihtiyequina Jesu yequina pūhtoa ijiri. ¹⁹ Sa yero Pablo tiquire omoca ñehedi bato judio masa ijieyequinare tiquiro buherire yahu pehori Jesu yequinare. Cohācjū tiquiro yedohoye mehna tiquiro yerire yahu pehori. ²⁰ Tiquiro sa ni yahugū tūhoye, “Cohācjū quehnoagū, tutuagū ijire mūhū”, ni ño peori tiquina pehe Cohācjūre. Sa ni tuhasa tiquina Pablore ohō saha ni yahuri:

—Usā acayū, yojopūre peyequina judio masa Jesure wacū tutuayequina ijire. Tire masine mūhū. Sa ye tiquina ohō saha ni tūhoture: “Cohācjū dutiyere, Moiseputa marine tiquiro cūrire marine ye pehoro cahmene”, niñe nine. ²¹ Ohō saha ni nemore tiquina. “Ape siepū ijiyequinare judio masa ijieyequina watoapū ijiyequinare judio masare Cohācjū Moisere tiquiro cūrire cohā dutiahye Pablo”, nimesi ohō cjēna judio masa mūhūre. “Pablo judio masa pohnene cūhnucunū sohtoa cahserogāre yūhure ne dutierare”, nimesi mūhūre tiquina. “Judio masa tiquina yee tiyere Pablo duhu dutire”, ni ahri gūhūre ni yahu wajare mūhūre. ²² Sa ye mūhū ohōre wihigū tūhoye tiquina cahmecoaeta mūhūre tuhtiye tehe. Sa yegū ohō saha yero

cahmene mähare. ²³ Mähare usã dutiro sahata yeya. Yojopure ohöre pititiaro umua Cohãcjäre wacũñequina “Ohõ saha yenatja”, niñequina ijire. ²⁴ Tiquina mehna wahaya. Sa ye Cohãcjũ Moiserere tiquiro dutiro sahata tiquina basi Cohãcjũ yere yee tehe tiquina ñano yeyere coseye nine. Mähũ gũhũ sata yeya. Sa yegũ tiquina sa yeati wapare wapa yeya mähũ pehe. Mähũ sa wapa yeri bato tiquina poarire waha peho duti masine tiquina. Mähũ sa yegũ ihñañe masa mähare tiquina niñe ni mehori ijigũ masieta ijipihtiyequina. Cohãcjũ Moiserere tiquiro cũri dutiyere yegũ mähũ ijigũ masieta tiquina.

²⁵ 'Sa yena judio masa ijieyequina Jesu yequina pehere usã ojoari pũre oho tuhasau. Ohõ saha ni, ojoau usã. “Cohãcjũ ijire’, tiquina niñe queoyere ño peo tiquina duhu peori ihyayere, diire, wamua tiquina ñehe wejẽdiquinare wahiquinare ihyeracãhña m̄sa. Sa yena w̄ana tieracãhña”, ni, yahu ojoau usã ojoari pũpũre, nidi tiquina Pablöre.

Cohãcjũ wuhũpũ judio masa Pablöre ñeheahye

²⁶ Tiquina sa ni yahuducuri bato ape deco Pablo pehe pititiaro umua mehna tiquina basi Cohãcjũ yere yeye tehe tiquina ñano yerire coseye tehe, Cohãcjũ wuhũpũ sajãa wahahye. Ti wuhũpũ sajã saro, tiquinare yahuahye

Pablo: “Ohõpe decori dũhsare m̄sa coseato”, ni yahuahye tiquiro pititiarore. Sa ye tiquina cose bato tiri decopũ tiquinapequina Cohãcjäre wahiquinare tiquina ohoati deco ijiri.

²⁷ Sa ye tiquina cose pehoboriro mehenogã dũhsagũ waro Cohãcjũ wuhũpũ Pablo tiquiro ijigũ Asia yehpa cjẽna judio masa pehe ihñañe tiquirore. Sa ihñañe Pablöre quti dojomehne, apequinare tiquiro mehna usuagũ yeahye tiquina. Sa usua, judio masa Pablöre ñehe, sañuducuahye:

²⁸ —M̄sa usã acaye, Israe masa usãre yedohona ahtaya. Ahriquiuro ijire. Ahriquiuro Cohãcjũ Moiserere tiquiro cũri dutiyere, ahri wuhũ gũhũre cohã duti, buhere ijipihtiyequinare. Sa ye marine judio masare ñano ni yahuducure. Sa yero tiquiro Cohãcjũ wuhũpũre judio masa ijieyequinare ne sajãri. Sa yero ahri wuhũre ñaña mariedi wuhũre tiquiro dojomehnedi, ni, sañuducuahye judio masa Asia yehpa cjẽna to cjẽnare.

²⁹ To pano Jerusalẽpũ Pablo Trófimo mehna tiquiro ijigũ judio masa ihñae tiahye. Trófimo Efeso cjãno judio masano ijieriquiro ijiri. Tiquiro sa ijigũ masiñe ohõ saha ni tuhohuahye tiquina: “Pablo Trófimore Cohãcjũ wuhũre ne sajãno niaga”, ni tuhohuahye judio masa. ³⁰ Masare sa ni yahu tiquina sañuducuri bato

ti maca cjēna peyequina tutuaro usuahye. Peyequina oma cāhta, Cohācjū wāhāpū ijiriquirote Pablore ñehe weje wijiaa wahahye. Sa ye ti wāhū sopecaharire bihahye tiquina. ³¹ Sa ye tiquina tiquirote wejēñe tee nimahye. Tiquina sa yegū ihñañe “Ijipihtiyequina Jerusalē cjēna usua, sañuducuye nidi”, ni, apequina pehe yahuye wahahye surara pūhtorore. ³² Tiquina sa nigū tūhoro pūhtoro pehe tiquirote yequina surarare, tiquina dutiyequina gūhāre cahmecoadoqueo, tiquina mehna Pablore wejē duayequina cahāpū oma cā esahye. Surara tiquina esagū ihñañe Pablore quēmediquina quē duhu cāhye. ³³ Sa yero surara pūhtoro Pablo cahāpū esa, pūa da come dari mehna tiquirote dūhte dutiahye. Tiquina dūhte tuhasagū ihñano, pūhtoro Pablore sinituahye:

—¿Noa boro ijiajari ahriquirote? ¿Yabe buhiri tiquirote sa yeajari mūsa? ni, sinituahye tiquirote tiquinare.

³⁴ Tiquirote sa sinitugū tūhoye masa pehe “Ohō saha yeri tiquirote”, ni, apequina gūhū sijoro saha ni sañuducu, yahuahye surara pūhtorore. Sa ni tiquina sañuducugū surara pūhtoro quehnoano tūhoerahye. Sa yero tiquirote surara ya wāhāpū Pablore nea dutiahye. ³⁵ Ti wāhāpū esa, Pablo mūjari escarerapū tiquirote mūjano taro yegū

masa pehe tiquirote quē duaye nimahye. Tiquina sa yegū surara pehe tiquirote ne wāhū mājaa wahahye. ³⁶ Masa tiquinare peyequina nūnū tā, sañuducu nūnū tāhye.

—Tiquirote wejē cāhñā, ni, sañuducuahye tiquina Pablore.

Pablo “Ne masare ñano yeraja yūhū”, ni, yahuahye

³⁷ Sa ye ti wāhāpū tiquina peresu yeato pano, Pablo pehe pūhtorore siniahye:

—Yūhū mūhū mehna yahuducu duaga, ni siniahye Pablo.

—¿Mūhū griego masa yere yahuducuajari? ³⁸ ¿Sohō ijirigū, Egipto cjū ijierajari mūhū? Tiquirote masare tiquina pūhtoare cohā dutiriquirote, cuatro mil masa wejēñequina pehere masa marienopū neari jiri. ¿Tiquirote ijierajari mūhū? niahye surara pūhtoro Pablore.

³⁹ Tiquirote sa nigū tūhoro Pablo yūhtiahye:

—Tiquirote ijieraja yūhū. Judio masū ijiaja. Tarsopū Cilicia yehpāpū ijiri macapū masa bajūhū yūhū. Ihyo ijiri maca cjū ijieraja yūhū. Yūhū ahriquina masa mehna yahuducu duaga yūhū, niahye Pablo tiquirote.

⁴⁰ Tiquirote sa nigū tūhoro pūhtoro pehe tiquirote yahuducu dutiahye masa mehna. Sa yero Pablo mūjari escarerapū ducuro tiquirote omocari mehna “Dihta mariahñā”, niahye masare. Tiquirote sa yegū ihñañe, dihta mari pihtia

wahahye. Tiquina dihta mariahgũ ihñano, Pablo judio masa ye mehna yahuahye tiquinare.

22

¹ —Yũhũ acaye, yũhũ yerire yahutja mũsare. Yũhũ yahugũ tũhoya mũsa, niahye Pablo.

² Tiquiro sa nigũ Pablo judio masa ye mehna tiquiro yahuducugũ tũhoye masa pehe dihta mari dojoa wahahye. Sa yero Pablo tiquinare yahuahye:

³ —Yũhũ judio masũta ijiaja. Tarso wame tiri macapũ, Cilicia yehpapũ ijiri macapũ masa bajũ yũhũ. Sa ijiepegũta ahri maca Jerusalẽpũta bũcũũ yũhũ. Sa yero yũhũre Gamalie wame tiriquiro buhee tiri. Sa yegũ yũhũ mari ñecũsumũna mũna panopũ cẽna dutiyere quehnoano buhei. Yojopũre mari Pacũre mũsa yero sahata yũhũ gũhũ ño peoe timi. ⁴ Sa yegũ Jesu yequinare ñano yee tii yũhũ. Ihquẽquina tiquinare wejẽe tii yũhũ. Ɛmũare, numia gũhũre ñehe, peresu yee tii yũhũ. ⁵ Pahia pũhtoro, judio masa bũcũna mehna tiquina ojoaye pũrine Jesu yequinare ñehe dutiye pũrine yũhũre ojoa basari. Mari acayerere Damasco cẽnare ti pũrine ihñogũ tũũ nimi Jesu yequinare ñehei tũhũ. Tiquinare ñehe, ne cãhta peresu yei tũũ nimi. Jerusalẽpũ tiquinare ne cãhta duami buhiri dahrei tũhũ. Ohõ saha yũhũ nigũ pahia

pũhtoro, judio masa bũcũna gũhũ quehnoano masine, ni yahuahye Pablo.

Pablo Jesu yaquiro tiquiro waha dũcarire yahuahye (Hch 9.1-19; 26.12-18)

⁶ Sa ni tuhasa ohõ saha ni yahu nemoahye:

—Sa yero coheri pje ijigũ Damascopũ yũhũ esa quehegũ waro hũmũanopũ asi sitedoque dijiori yũhũre. ⁷ Sa wahagũ yũhũ yehpapũ bora quehe saa waharũ yũhũ. Yũhũ bora quehe sari bato yahuducuro ca tari yũhũre. “¿Saulo, dũhsegu yũhũre ñano yeajari?” nino ca tari yũhũre. ⁸ “¿Pũhto, noa boro ijiajari mũhũ?” ni, sinituu yũhũ. “Yũhũ Jesu Nazare cjũ, mũhũ ñano yenhõrigũ ijiaja yũhũ”, ni, yũhtiri yũhũre tiquiro. ⁹ Yũhũ sa wahagũ yũhũ mehna cẽna buhriorore ihñari. Sa ihñapeta yũhũ mehna tiquiro yahuducugũ tũhoerari tiquina. ¹⁰ “¿Pũhto, dũhse yegũtari yũhũ?” ni sinituu Jesure. “Wahcãdũcaya. Damascopũ wahaya. Topũ mũhũ wahagũ, mũhũre ijipihtiye yũhũ ye dutiatire apeqũiro yahurota mũhũre”, nidi tiquiro yũhũre. ¹¹ Tutuaro tiquiro asi sitedoqueogũ, yũhũ caperi opoa waharũ yũhũ. Sa ye, yũhũ mehna cẽna yũhũ omocare ñehe, Damascopũ tũã cãri yũhũre.

¹² Topũ Anania wame tiriquiro, Cohãcjũre ño pe-oriquiro marine Cohãcjũ dutiyere ye pehoriquiro ijiri.

To cjēna judio masa ijipihtiye-
quina tiquina ño peoriquiro
ijiri. ¹³ Sa yero tiquiro yahū
cahapū wihiduca yahūre
yahuri. “Yahū acayū Saulo,
ihñaña pari turi tja”, nidi
tiquiro. Tiquiro sa nidi bato
pari turi ihñañ yahū. Sa
yegū tiquirore ihñañ yahū.
¹⁴ Yahū sa ihñagū tiquiro
Anania yahūre yahuri. “Mari
Pacū tiquiro cahmeñene
quehnoano masiacjūre
panopū bese tuhasahye
mahūre. Sa yero ‘Yahū
macū quehnoariquirore
ihña, tūhorota’, ni yahuahye
mahūre mari Pacū panopū.
Tiquiro ijire mari ñecūsumā
māna tiquina ño peoriquiro.
¹⁵ Sa yegū mahū ihñarire,
mahū tūhorire yahugūta
mahū ijipihtiyequinare. ¹⁶ Sa
yena yojopūre yoari pje
ijieracāhna. Wahcādūcaya.
Sa yegū wame yenohrigū
ijiya. Jesure mahū sinigū
mahū ñañene cohānota”, nidi
yahūre tiquiro, niahye Pablo
tiquirore wejē duariquinare.

*Pablo judio masa ijieye-
quinare tiquiro buherire
yahuahye*

¹⁷ Sa ni tuhasa Pablo yahu
nemoahye:

—Sa ye tuhasa yahū
Jerusalēpū tojoa ta, Cohācjū
wahūpū Cohācjūre sinigū
esau. ¹⁸ Yahū topū ijigū Jesu
yahūre bajue tiri. Sa bajuaro
yahūre yahuri. “Jerusalē
cjēna yeere mahū yahugū
tūho duerare. Sa yegū
amñāno ape siepū wahaya”,
nidi Jesu yahūre. ¹⁹ Tiquiro sa

nigū tūhogū yahū tiquirore:
“Pūhto, mahū yequinare
judio masa buheye wahūsepū
ijieyequinare yahū ñehe,
quēdire masine Jerusalē
cjēna. ²⁰ Sa yegū mahūre
yahuriquirore Estebā pe-
here tiquina wejēgū ihñagū
‘Quehnoano yeye wejēne’,
nimi. Tiquirore tiquina
wejēgū tiquina suhtire cūo
basau yahū. Ti gūhūre masine
ahri maca cjēna. Sa ye yahū
yahugū tūhoboaga yahūre”,
ni yahū yahū Jesure. ²¹ Yahū
sa nigū tūhoro Jesu yahūre
yahuri: “Yoaropū judio masa
ijieyequinare buheacjūre
ohoutja mahūre. Sa yegū
wahaya mahū”, nidi yahūre
yahū pūhtoro, niahye Pablo
masare.

*Surara pūhtoro Pablo
mehna yahuducuahye*

²² Tiquiro yahu māhtari di-
hitare quehnoano tūhomahye
masa. Sa tūhoepeta judio
masa ijieyequina cahapū
Jesu Pablōre tiquiro ohoat-
ire tiquiro yahugū tūhoye
tiquina sañuducu dūcahye tja:

—Ahriquiro yojopū
pūritare yariacūnahdo, ni
sañuducuahye tiquina.

²³ Sa ye tiquina sañuducu
nemo, usuaye mehna tiquina
suhtire wahba sitedūca, di-
hta mehna doque mūoahye.

²⁴ Surara pūhtoro surara
ya wahūpū Pablōre ne sa jā
dutihaye tiquiro yequina
surarare. Sa yero surara
pūhtoro “¿Dūhse ijiro boro
Pablo mehna usua ñāno
sañuducuye niajari masa?” ni
sinitu duamahye. Pablōre

tire sinituro taro, yuta dari mehna tana dutimahye tiquireore. ²⁵ Sa tana dutiepegāta tiquireore tiquina dāhteri bato, tiquireo cahap_u ijiriquireore surarare yahuahye Pablo:

—Y_uh_u Roma cjū ijiaja. Sa yena “Ñano yeriquiro ijire ahriquireo”, y_uh_ure ni masiedare m_usa. Sa yena yuta dari mehna y_uh_ure tana masiedare m_usa, niahye Pablo tiquireore.

²⁶ Tiquireo sa nigū tūhoro surara tiquireo pūhtoro yahuro wahahye:

—Ahriquireo Roma cjūno ijire. Sa yeg_u quehnoano yeya tiquireore, ni yahuahye tiquireo pūhtoro.

²⁷ Tiquireo sa nidi bato surara pūhtoro pehe Pablore sinituro wahahye:

—¿Potota m_uh_u Roma cjū ijiajari? Yahuya y_uh_ure tire, niahye tiquireo.

—To cjāta ijiaja y_uh_u, ni yūhtiahye Pablo.

²⁸ Tiquireo sa nigū tūhoro pūhtoro pehe tiquireore yahuahye:

—Y_uh_u Roma cjū iji duagu niñeru pajiro wapa yei, niahye tiquireo.

—Y_uh_u Roma cjā macap_u masa baj_u. Sa yeg_u Roma cjū ijiaja y_uh_u pehe, niahye Pablo.

²⁹ Tiquireo sa nigū tūhoye tiquireore tanaboriquina wahaa wahahye. Sa yero Pablo Roma cjūno tiquireo ijigū masino, tiquireore come dari mehna tiquina dāhterire

wacūno, cue niahye pūhtoro pehe.

Pablo judio masa pūhtoro yahuahye

³⁰ Sa yero surara pūhtoro judio masa Pablore tiquina yahusārire quehnoano masi duahye. Sa masi duaro ape decop_u come darire tiquireore pā dutiri bato, pahia pūhtoare, judio masa b_uc_una mehna cahmecoa dutiahye surara pūhtoro. Tiquireo sa cahmecoa dutiri bato tiquireo top_u Pablore ne cā, tiquina ihñono duhu docoahye tiquireore.

23

¹ Sa yero Pablo judio masa b_uc_unare ihña piti ca ducu, yahuahye:

—Y_uh_u acaye, Cohācjū tiquireo ihñonop_u ijipihtiye decori quehnoano yeducuaja y_uh_u, niahye Pablo.

² Tiquireo sa nigū tūhoro ijipihtiyequina pahia bui ijiriquiro Anania pehe Pablo dūserore quē dutiahye.

³ Tiquireo cahap_u ducuyequinare quē dutiahye. Tiquireore tiquina quēdi bato Pablo Ananiare tuhtiahye:

—Masa ihñono dihita quehnoano iji mehog_u ijire m_uh_u. “Cohācjū dutiyere y_uhd_ud_ucag_u nine”, y_uh_ure niepegata y_uh_ure quē dutire m_uh_u. Sa quē dutig_u m_uh_u pehe dutiyere y_uhd_ud_ucag_u niaga, niahye Pablo tiquireore.

⁴ Tiquireo sa nigū tūhoye Pablo cahap_u ducuyequina ohō saha niahye tiquireore:

—Cohãcjũ tiquiro be-seriquiro pahia pũhtorore ñano yahuducueracãhña mũhũ, niahye tiquina Pablöre.

⁵ Tiquina sa nigũ tũhoro Pablo ni nemoahye tja:

—Yũhũ acaye, tiquiro pahia pũhtoro ijyere masiedũ yũhũ. Sa yegũ sa ni maca cãhti yũhũ. Cohãcjũ yere tiquina ojoari ohõ saha ni yahure tiquirore: “Mũhũ ya maca cjẽna pũhtorore ñano ni, yahuducueracãhña”, ni ojoahye, niahye Pablo tiquinare “Boya”, nino.

⁶ Sa ye topũ pũa curua cjẽna ijiahye. Ihcã curua saduceo masa ijiahye. Ape curua pehe fariseo masa ijiahye. Pũa curua tiquina ijigũ masino, Pablo judio masa bũcũnare tutuaro sañuducu yahuahye:

—Yũhũ acaye, yũhũ fariseo masũ ijiaja. Fariseo masũno macũta ijiaja yũhũ gũhũ. “Yariariquina masa mũjaeta”, yũhũ sa nidi buhiri yũhũre ñano ye duare mũsa, niahye Pablo.

⁷ Tiquiro sa nigũ tũhoye fariseo masa, saduceo masa tiquina basi cahme tuhti-ahye. Sa ye tiquina basi pũa curua tu wahye. ⁸ Saduceo masa ohõ saha niñequina ijiahye: “Yariariquina masa mũjasi. Espiritua, angele gũhũ ne mariedare”, niñequina ijiahye. Sa ye fariseo masa pehe tiquina yero saha niedahye. Sa ye Pablo “Yariariquina masa mũjaeta”, tiquiro nigũ

tiquina basi cahme tuhti-ahye. ⁹ Sa cahme tuhtiye, tutuaro sañuducuahye. Sa ye fariseo masa mehna cjẽna judio masa buheyequina wahcãduca, tuhti, yahuahye:

—Ahriquirö Pablo ñano yerari. Sa yero espĩritu o angel, poto tiquiro mehna yahuducuriquiro ijiboaga, niahye tiquina.

¹⁰ Tiquina sa nidi bato tiquina ijipihtiyequina cahme tuhti, tutuaro usuahye. Pablöre tiquina wejẽ duagũ ihñano cuesãhye surara pũhtoro pehe. Sa yero Pablöre tiquiro ya wũhũpũ ne cã dutiro, tiquiro masa watoapũ surarare ohoahye.

¹¹ Ape ñami Jesu mari pũhtoro Pablo cahapũ ducuro, yahuahye tiquirore:

—Cueracãhña. Yojopũre ohõre Jerusalẽpũ yee buheyere yahuri mũhũ. Sa yegũ Romapũ gũhũre ohõ sahata yei wahaya, niahye mari pũhtoro Jesu Pablöre.

Judio masa Pablöre wejẽ duamahye

¹²⁻¹³ Ape decopũ ñami cjũno ijigũ judio masa cahme-coahye.

—Ohõ saha yeihna. Pablöre wejẽihna. Tiquirore mari wejẽato panõ sih-niedacũhna. Ihyeracũhna. Tiquirore wejẽdana mũja mehna yariũhna. Sa yero Cohãcjũ mari pehere wejẽahdo, niahye tiquina.

Tiquina cuarenta bui cjũno judio masa ijiahye. ¹⁴ Tiquina sa nidi bato tiquina pahia

pũtoare, bucuna gũhare yahuye wahahye:

—Pablore usã wejẽato pano ihyayere usã ihyeraja. ¹⁵ Sa yena musa, bucuna mehna ohõ saha ni pijioya. “Pablore pari turi sinitu duaja”, niña surara pũtorore. Musa sa nidi bato surara pũtorore ne cãhta dutiya Pablore. Sa yena Pablo ohõ cahagã tiquiro wihigũ waro tiquirore wejẽnatja usã, niahye tiquina pahia pũtoare.

¹⁶ Sa ye Pablo pacjãno tiquina sa ni yahuducugũ tũhoahye. Tiquina sa nigũ tũhoro waha, surara ya wũhũpũ Pablore yahuro sajãhye. ¹⁷ Tiquiro sa yahuri bato Pablo pehe ihcãquiro surarare pijio yahuahye tiquirore:

—Ahriquiro wahmũnore pũtoro cahapũ neahña. Ahriquiro mũhũ pũtorore yahu duaro nine, niahye Pablo.

¹⁸ Tiquiro sa nigũ tũhoro surara pehe Pablo pacjãnore tiquiro pũtoro cahapũ ne sa, yahuahye:

—Peresupũ ijiriquiro Pablo pehe yũhare pijio, ahriquiro wahmũnore mũhũ cahapũ ne cã dutiri. Ahriquiro mũhũre yahuro taro niñõhti, niahye surara tiquiro pũtorore.

¹⁹ Tiquiro sa nigũ tũhoro pũtoro pehe wahmũno omocare ñehe tũã cã, masa marienopũ tiquirore sinitu-ahye:

—¿Dũhse nigũ tũũ niari mũhũ yũhare? niahye tiquiro Pablo pacjãnore.

²⁰ Tiquiro sa sinitugũ tũhoro ohõ saha ni yahuahye:

—Judio masa ihcãno mehna “Ohõ saha yeihna”, ni, ñamiapũ judio masa bucuna cahapũ mũhũre Pablore nea dutieta. “Bucuna Pablore pari turi sinitu duare”, ni mehoeta. ²¹ Sa niepegũta cuarenta bui cjũno masa tiquirore wejẽ duayequina duhti, cohte duare. Tiquina tiquirore wejẽato pano ihyayere ihyasi. Sa ye sihnisi. “Tiquirore mari wejẽdagũ Cohãcjũ marine wejẽahdo”, nidi tiquina basi. Sa ye yojopũre mũhũre Pablore ne cãhta dutiye tiquina pehe duhti, cohte tuhasari, Pablore wejẽñe tehe. Sa yegũ tiquina yahuye wihigũ tiquinare yũhtieracãhña mũhũ, ni yahuahye wahmũno surara pũtorore.

²² Tiquiro sa nigũ tũhoro surara pũtoro ohõ saha niahye:

—Yũhũre mũhũ yahurire apequinare yahueracãhña, ni yahuahye wahmũnore.

Sa ni tuhasa wahmũnore “Waharĩsa”, niahye tiquiro.

Pablore pũtoro Feli wame tiriquiro cahapũ ohoahye

²³ Sa yero surara pũtoro pũaro tiquiro yequina cien surara pũtoare piji cã, tiquinare dutiahye:

—Dos cientos surarare, setenta caballoa bui pesayequinare, dos cientos

doqueye cja cnoyequina mehna Cesareapw waha-tiquinare tiquina yere quehno dutina wahaya. Sa yena msa mia nãami nueve ijigũ msa wahatore cohteya. ²⁴ Sa yena Pablöre caballoare tiquiro pesatiquinare quehno basaya. Pũhtoro Feli cahapw, Cesareapw, quehnoano soya tiquirore, niahye surara pũhtoro.

²⁵ Sa ni tuhasa papera ojoahye. Ohõ saha ni ojoahye tiquiro: ²⁶ “Yhw Claudio Lisia mhure tutuagw pũhto Felire quehnoa dutiaja. ²⁷ Judio masa ahriquirö Pablöre ñehe, wejẽmedi. Sa yegw Roma cjãno tiquiro ijigũ masigw, yequina surara mehna tiquirore yedohou esaw. ²⁸ Sa yegw tiquirore tiquina yahusãrire masi duagw judio masa bucna cahapw ne saw tiquirore. ²⁹ Sa yegw tiquiro judio masa ye dutiye dihitare tiquiro yhdwagw mari ye dutiyere tiquiro yhdwcaeragw ihñagw, tiquirore peresupw cũ duerw. Yabe buhirĩ yariaro mariedare tiquirore. ³⁰ Sa yero judio masa tiquirore wejẽ dua, tiquina bca quehegũ ihñano apequirö yahuri yhwre. Tiquiro sa yahuri bato Pablöre yojopwre mhaw cahapw ohogw niaja. Sa yegw tiquirore yahusãriquinare tiquiro ñaãe yerire mhure yahu duti tuhasaw yhw”, ni, ojoahye surara pũhtoro.

³¹ Sa ye surara tiquina

pũhtoro tiquiro dutiriro sahata yeahye. Ti ñamine Antipatri wame tiri macapw Pablöre ne sahye. ³² Ape decopw apequina surara caballoa bui pesaerariquina ti macapw tojoa tahye tiquina ya macapw. Apequina surara caballoa bui pesayequina dihita tiquirore ne yhw cãhye. ³³ Tee Cesareapw ne sahye Pablöre. Sa ye surara pũhtoro tiquiro ohori pũre pũhtoro Felire wiahye. Sa ye Pablöre ne sahye pũhtoro cahapw. ³⁴ Tiquina sa wiari bato pũhtoro ti pũre tiquiro ihñari bato apequinare sinituahye:

—¿Di yehpa cjãno ijiajari ahriquirö Pablo? ni sinituahye tiquiro.

—Cilicia yehpa cjãno ijire, ni yahuahye tiquirore.

³⁵ Tiquinare sinitu tuhasa, Feli Pablöre yahuahye:

—Mhure yahusãriquina ohõre tiquina wihigũ mhaw yahugũ tãhoutja, niahye Feli Pablöre.

Tiquiro sa nidi bato Herode ya wawp w tiquirore cãhye. Sa yero tiquiro yequina surarare Pablöre cohte dutiahye pũhtoro.

24

Pablo “Ñano yerw yhw”, ni yahuahye Felire

¹ Ihcã omope decori bato, Anania pahia pũhtoro, apequina judio masa bucna, dutiyere mihnidiquiro Tertulo wame tiriquirö mehna Cesareapw esahye. Sa ye tiquina Pablöre yahusã

duaye p̄h̄toro Feli cahap̄u esahye. ² Sa yero Pabl̄ore top̄are tiquina ne sari bato Tertulo tiquiore yahus̄a d̄ucah̄ye. Sa yahus̄a d̄ucaro oh̄o saha ni yahus̄ah̄ye Felire:

—M̄uh̄u quehnoano masiḡu, us̄a p̄h̄to m̄uh̄u quehnoano dutiḡu us̄a ahri yehpa cj̄ana quehnoano iji cj̄a us̄a cahmequeno marieno. M̄uh̄u dutiye mehna quehnoañe pehere comesaro nine ahri yehpa.

³ Sa yena us̄a quehnoano iji c̄ana bucueaja. Sa yena m̄uh̄u mehna quehnoano bucueaja.

⁴ Yojop̄are mehenoḡa m̄uh̄are cariboutja ȳuh̄u. Mehenoḡa m̄uh̄u mehna yahuducu duaja. Us̄are t̄uhodoqueoriña m̄uh̄u.

⁵ Ahriquiore us̄are caribo yahd̄uare. Ijipihtiye yehpari cj̄enare judio masare tiquina usua sañuducuḡu yere ahriquiore. Sa yero masa tiquina basi cahme tuhtiḡu yere ahriquiore. “P̄h̄toare coh̄uh̄na”, niñequina mehna cj̄ano ijire ahriquiore. Sa yero nazareno wame tiri curua p̄h̄toro ijire.

⁶ Sa yero Coh̄acj̄u w̄uh̄are ñano tiquiore ye duaḡu ih̄nana us̄a ñeh̄ei ahriquiore. [Us̄a ñeh̄edi bato us̄a ye dutiyere tiquiore yahd̄ud̄ucariquiore ijiḡu tiquiore buhiri dahre duami us̄a.

⁷ Us̄a sa ye duepeḡuta surara p̄h̄toro Lisia wame tiriquiore tiquiore us̄are tutuaro mehna ehma c̄ari. ⁸ Came tiquiore yahus̄ariquinare m̄uh̄u cahap̄u waha dutiri Lisia. Tiquiro sa niḡu t̄uhona ahtāu us̄a.] M̄uh̄u p̄urita

ahriquiore sinituḡu, ijipihtiye tiquiore ye buhirire masiḡuta m̄uh̄u, niah̄ye Tertulo Felire.

⁹ Tiquiro sa nidi bato apequina judio masa “Tertulo tiquiore nidiro sahata poto ijire”, niah̄ye tiquina ḡuh̄u.

¹⁰ Tiquina sa ni yahus̄ari bato p̄h̄toro Feli Pabl̄ore yahu dutiah̄ye. Oh̄o saha ni yahuah̄ye Pablo:

—Peye c̄uh̄mari ahri yehpa cj̄enare m̄uh̄u dutirire masi-aja ȳuh̄u. Sa yeḡu ȳuh̄u yerire m̄uh̄are yahuḡu bucueaja.

¹¹ Doce decorita wahare Jerusal̄ep̄u Coh̄acj̄are ȳuh̄u ño peori bato. M̄uh̄u ahri poto ijiḡu masi duaḡu apequinare sinituya.

¹² Judio masa ȳuh̄are Coh̄acj̄u w̄uh̄ap̄are boca tiquina ñeh̄eḡu masare ni sañuducuḡu niedu. Sa yeḡu “M̄usa p̄h̄toare coh̄aña”, niḡu niedu. Sa yeḡu judio masa buheye w̄uh̄asere, tiquina ya maca ḡuh̄are ne ñano yera tii.

¹³ Sa ye ȳuh̄are yahus̄ariquina pehe tiquina yahus̄arire “Oh̄o saha yeri ahriquiore”, ni, yahu masiedare m̄uh̄are.

¹⁴ Yojop̄u ȳuh̄u yerire yahutja m̄uh̄are. Duita us̄a ñec̄us̄um̄ua tiquina ño peoriquiore mari Pac̄ure ño peoaja ȳuh̄u ḡuh̄u. Sa yeḡu tiquiore yere yeaja Jesu ye quehnoañe buheye nidiro sahata. “Jesu ye ni mehoñe ijire”, ni yahuducure ahriquina judio masa. Tiquina sa niepeḡuta Coh̄acj̄u dutiye, Moisep̄are tiquiore c̄urire ti ḡuh̄are ño peoaja ȳuh̄u. Sa yeḡu Coh̄acj̄u yere

yahu m̄htariquina tiquina ojoari ḡh̄ure ño peoaja yuh̄u. ¹⁵ Ahriquina apequina judio masa tiquina t̄hoturo sahata Coh̄ācj̄ū ijipihtiyequina masare yariariquinare quehnoañequina, ñañequina mehna tiquina masa m̄jaḡū yerota. Yuh̄u ḡh̄u sata ni t̄hotuaja. ¹⁶ Sa yeḡu buhiri mariedaja yuh̄u. Coh̄ācj̄ū tire masine. Sa ye masa ḡh̄u tire masine. Sa ye potota yahuaja yuh̄u m̄h̄ure. Sa yeḡu quehnoano t̄hotuaja.

¹⁷⁻¹⁸ 'Peye c̄hmarine ape sier̄u tinidiḡu ijiḡu Jerusalēne tojoa wihi, yuh̄u acayere judio masa pejec̄hoyequinare niñerure ohoḡu t̄u ni yuh̄u. Tojoa wihi Coh̄ācj̄ūre ño peoḡu t̄u, tiquiro ya w̄h̄ap̄u saj̄ami. Sa yeḡu Coh̄ācj̄ū tiquiro cose dutiro sahata yuh̄u basi yuh̄u ñañene coseri bato wahiquirore oho duami tiquirore ño peoḡu t̄u. Top̄u yuh̄u ijiḡū ahriquina judio masa yuh̄ure bocari. Tiquina bocaḡū apequina yuh̄u mehna mariedari. Usua, sañuducuyequina mariedari. ¹⁹ Sa ye apequina judio masa Asia yeh̄pa cj̄ēna top̄u ijiri. Tiquina yuh̄u ñano yeḡū ih̄nariquina ijiye, yahus̄ñe ahtaahro. ²⁰ Ahriquina oh̄p̄ure ijiyequina pehe judio masa buc̄na mehna yuh̄u ijiḡū ih̄nariquina yuh̄u ñano yerire masiñe, tiquina ḡh̄u yahus̄ahdo. ²¹ Ih̄c̄anoḡā p̄iritare yuh̄ure tiquina yahus̄a masine: Ti pje tiquina mehna ijiḡu oh̄o

saha ni tutuaro sañuducuu yuh̄u. “Yariariquina masa m̄jaeta’, yuh̄u nidi buhiri, buhiri dahrere m̄sa”, nii tiquinare, ni yahuahye Pablo Felire.

²² Tiquiro sa ni yahuri bato Feli oh̄o saha ni yahuahye Pablöre:

—Yojop̄u to puno tjire. Surara p̄htoro Lisia tiquiro wihiri bato m̄h̄ure yuh̄u yeatore masiitja yuh̄u, niahye Feli Pablöre.

Feli pehe Jesu yequina tiquina yerire quehnoano masi pehoriquiro ijiahye.

²³ Sa ni tuhasa, Pablöre cohteriquiro surarare Feli quehnoano ih̄ña n̄n̄u du-tiahye “Peresup̄u ijiriquiro duhtiari”, nino. Sa ijeperota mehenoḡā ohori tiquiro tiniatore. Pablo mehna cj̄ēnare tiquirore peresup̄u ijiriquirore yedoho dutiro sa dutiahye Feli.

²⁴ Meheñe decoriḡā bato Feli, tiquiro namono Drusila wame tiricoro mehna ahta, Pablöre pijiahye. Feli namono pehe judio masono ijiahye. Pablöre tiquina pijiri bato, Jesucristore tiquiro wac̄u tutuayere Pablo pehe yahuahye tiquinare. ²⁵ Sa yahuro quehnoañene, quehnoano wac̄u masiñene, ñañene cahmedare, pihtiri deco ijiḡū Coh̄ācj̄ū masare tiquiro buhiri dahreatore yahuahye Pablo. Tiquiro sa ni yahuḡū t̄horo Feli cuero, Pablöre yahuahye:

—Yojop̄ure wahar̄isa. Came yuh̄ure dahraye

mariedagū mūhure pijiitja tja, niahye Pablore.

²⁶ Sa nino Pablo tiquiro niñeru ohogū cahmemahye Feli. Sa yero tiquiro niñerure cahmeno, peye tahari Pablore piji, tiquiro mehna yahuducue timahye Feli. Niñerure tiquiro wapa yegū Pablore wioboaga, ape taha yero. ²⁷ Pūa cūhma bato Porcio Festo wame tiriquire Feli comesariquire ijiahye. Sa ijiepegūta Feli pehe pūhtoro ijiro, judio masare bucuegū ye duahye. Sa yero tiquiro Pablore peresupū iji dutiniahye.

25

Pablo Festore tiquiro yerire yahuahye

¹ Sa ye Festo ti yehpapū ihtia deco tiquiro ijiri bato, Cesareapū ijiriquire waha, Jerusalēpū esahye. ² Topū tiquiro ijigū pahia pūhtoa, judio masa pūhtoa mehna Pablore tiquina yahusārire yahuahye Festore. ³ Pablo mahapū wahagū tiquirore būca quehe, wejē duaye nimahye tiquina. Sa ye tiquina Festore tutuaro sinimahye:

—Pablore Jerusalēpū ohoya, ni, sinimahye tiquina Festore.

⁴ Tiquina sa nigū tūhoro, Festo yahuahye tiquinare:

—Yojopūre Pablo Cesareapū peresu ijire. Yojopūre yūhū topū wahaū tūnta niaja. ⁵ Pablo tiquiro űano yeriquiro ijigū, mūsa pūhtoa Cesareapū yūhū mehna

waha, tiquirore yahusāhdo, niahye Festo.

⁶ Sa yero Festo ocho o diez decori tiquina mehna tiquiro ijiri bato Cesareapū tojoaa wahahye. Ape decopū tiquiro buhiri dahre dutiri wūhūpū dujiro, Pablore ne cāhta dutiahye.

⁷ Sa ye Pablo Festo cahapū tiquiro wihigū, judio masa Jerusalēpū ahtariquina pehe Pablo cahapū ducu, tiquirore tutuaro mehna yahusā dūcahye. Sa yahusāepeta “Ahriquire tiquiro űano yegū ihñau”, ni, masiedahye. ⁸ Tiquina sa ni yahusāri bato Pablo tiquiro yerire yahuahye:

—Judio masa tiquina dutiyere, Cohācjū wūhū cjē dutiyere, Roma cjāno pūhtoro tiquiro dutiyere yūhdūdūcaerū, niahye Pablo.

⁹ Festo pehe judio masare bucuegū ye duaro, Pablore sinituahye:

—¿Jerusalēpū waha duajari mūhū? Mūhū yerire yūhūre topū yahuta mūhū, niahye Festo Pablore.

¹⁰ Tiquiro sa nigū tūhoro Pablo yahuahye:

—Ijipihtiyequina pūhtoro tiquiro ya wūhūpū buhiri dahre dutiri wūhūpū ijiaja yojopūre. Ahri wūhū boropū yūhū yerire tūhoya. Judio masare yūhū űano yerarire quehnoano masine mūhū.

¹¹ Dutiyere yūhdūdūcarigū ijigū “Yūhūre wejēdacāhñā”, niedaboaya yūhū. Sa yegū ahriquina yahusāri pehe ni mehoñe ijigū yūhūre

yahusāriquinare yuhure oho masiedare mahu. Yuhu yerire ijipihiyequina puhtorore Césare yahu duaja, niahye Pablo.

¹² Tiquiro sa nigū tuhoro Festo pehe quehnoano masi yahuyequinare sinitu tuhasa, yahuahye Pablore:

—Mahu ijipihiyequina puhtorore mahu yerire mahu yahu duagū tiquiro cahapu ohonatja mahure, niahye Festo Pablore.

Festo puhtoro Agripare Pablo tiquiro ijiye tiyere yahuahye

¹³ Camepu puhtoro Agripa, Berenice wame tiricoro mehna Cesareapu Festore ihñañe esahye.

—¿Ne, ijjajari mahu? niahye tiquina Festore piti caye.

¹⁴ Topu peye decori tiquina ijiri bato Festo yahuahye Agripare Pablo tiquiro ijiye tiyere:

—Ohõre Feli tiquiro peresu yeriquiro ijire.

¹⁵ Sa ye Jerusalēpu yuhu wahagū judio masa tiquina pahia puhto, tiquina bucuna mehna ahriquiore yahusāri. “Tiquiro ye buhirire wejēña tiquirore”, ni, sinidi tiquina yuhure.

¹⁶ Tiquina sa ni sinigū tuhogu yuhu tiquinare ohõ saha ni yahuu. “Roma cjēna pehe peresu tiquina yeriquinare masare ohoerare. Sa yegu tiquirore ohoeraja masare. Usā ñehediquirore tiquirore yahusāriquinare tiquiro ihñato pano tiquirore buhiri dahre masiedaja usā.

Tiquiro basi tiquiro yerire tiquiro yahueragū tiquirore buhiri dahre masiedaja usā”, nii tiquinare.

¹⁷ Sa yegu ohõre tiquina wihigū ihñagu yoari pje yeru yuhu. Sa yegu ape decopu buhiri dahre dutiri wuhapu dujigu, tiquina yahusāriquiore pijii.

¹⁸ Sa ye ti wuhapu tiquiro wihigū ihñañe tiquirore ihña tuhtiyequina wahcāducari. Tiquina sa wahcāducagū ihñagu “Ña yuhdaro ni yahusāeta”, ni, tuhotumi yuhu tiquinare.

Tiquirore yahusā duepeta yahusā masiedari tiquina.

¹⁹ Sa ye ahriquiore Cohācjū yere tiquiro yahuri buhiri judio masa tiquirore tuhtiri. Jesu wame tiri tiquiro tiquiro yaria masa mujarire tiquiro yahuri buhiri yahusāri ahriquiore.

Ahri dihitare yahusāri. ²⁰ Tire masiedagu tiquirore quehnoano sinituu. “¿Jerusalēpu waha duajari mahu yuhu mehna? Topu yahuya mahu yerire yuhure”, nimi tiquirore.

²¹ Yuhu sa niepegūta tiquiro waha duerari. “Yuhu yerire ijipihiyequina puhtorore yahu duaja”, nidi tiquiro yuhure. Tiquiro sa nidi bato ohõpota tiquirore cohte dutii, ijipihiyequina puhtoro cahapu tiquirore yuhu ohoato pano, niahye Festo Agripare.

²² —Yuhu basi taho duaja tiquirore, niahye Agripa Festore.

—Ñamiapu tiquirore tuhoya mahu, ni yahuahye Festo.

²³ Ape decopu Agripa,

Berenice mehna tiquina buhiri dahre dutiri wuhapuh esa, “Puhtoa ijiaja usā”, niñe cua pesaro ye ihñoahye tiquina, surara puhtoa, ti maca cjēna puhtoa mehna. Sata ye sajahye ti wuhapuh. Tiquina sa jā sari bato Pablöre pijiahye Festo. ²⁴ Sa yero Festo ohō saha ni yahuahye:

—Puhto Agripa, musa ijipihtina ahri wuhure cahmecoana, tuhoya. Ohōre ahriquiroye peyequina judio masa tiquina yahusāriquiroye ijire. Jerusalēpu, Cesareapuh gūhure tiquina tiquiroye yahusāri. “Tiquiroye wejēña”, sa niducuye nine tiquina. ²⁵ Tiquina sa niepegūta ohō saha tuhutuaja yuhuh. Ahriquiroye ne ñano yeriquiroye ijierare. ¿Yabe buhiri wejēboagari mari tiquiroye? Sa yeguh ijipihitiyequina puhutoroye César Augustoye ahriquiroye yerire tiquiroye yahu duagū ijipihitiyequina puhutoroye cahapuh ohogutja tiquiroye. ²⁶⁻²⁷ Sa yeguh ahriquiroye yerire tuhoye, quehnoano masiedarīaja yuhuh. Sa masiedaguh mari puhutoroye yahu ojoa masiedaja. Sa yeguh musare tiquiroye yahugū tuhoye dutiguh niāja yojopuh. Puhto Agripa, yojopuh pūritare ahriquiroye ijire mūhuh sinituatiquiroye. Mūhuh sinitu tuhaya, mari masidi bato ahriquiroye tiquina yahusāriye quehnoano yahu ojoautja. Ahriquiroye ñano yerire yuhuh masiedapegūta mari puhutoroye cahapuh

tiquiroye yuhuh ohogū quehnoaedare. Sa yeguh yojopuh tiquina yahusāriye quehnoano masi duaguh niāja, niāhye Festo tiquinare.

26

Pablo Agripare tiquiroye yerire yahuahye

¹ Tiquiroye sa nidi bato Agripa Pablöre yahuahye:

—Mūhuh basita yahuya, niāhye tiquiroye Pablöre.

Tiquiroye sa nidi bato Pablo pehe, “Dihta mariañña”, nino tiquiroye omocarine siō mūhoye, tiquiroye yerire yahuahye:

²—Puhto Agripa, yuhure judio masa tiquina yahusāriye, yuhuh yerire mūhure yahuguh, yojopuh quehnoano jeripohna tiāja. ³ Mūhuh judio masa usā yee tiyere, usā buheye gūhure mūhuh quehnoano masigū pūritare bucueaja yuhuh. Sa yeguh mūhuh yuhure quehnoano tuhoya, ni dūcahye Pablo.

Pablo Jesu yaquiroye tiquiroye ijiato pano tiquiroye ijie tirire yahuahye

⁴ Sa ni tuhasaro ohō saha ni nemoahye tiquiroye:

—Wahmuh yuhuh ijie tirire ijipihitiyequina judio masa masine. Ijipihitiye decori yuhuh masa bajuari bato yuhuh ya dihtapuh, Jerusalēpu gūhure yuhuh ijirire masine tiquina. ⁵ Coā waropuh fariseo masuh ijimi. Sa yeguh fariseo masa tiquina dutiyere, tiquina yeye borore ye pehoguh yuhuh ijigū tiquina masine. Tiquina mūhure

yahu duaye, tire yahu masine tiquina. ⁶ Ahri buhirita yuhure yahusã mujare. Ûsã ñecusumua iji turiayequinare “Yariariquinare masoutja”, Cohãcjũ tiquiro ni cûrire “Poto tjire”, yuhũ nidi buhiri ahriquina yuhure yahusã mujare. ⁷ Yuhũ acaye judio masa ijipihtiyequina doce cururi cjëna Cohãcjũ masare tiquiro masoatire bucue, cohteducure. Sa ye Cohãcjũre ño peoducure. Sa cohteducuyequina ijiye usã yero saha yere tiquina. Puh̄to Agripa, sa ihcãno saha yena usã ijiepegũta tiquina pehe tiquiro masoatire yuhũ cohteri buhiri yuhure yahusã mujare judio masa. ⁸ ¿Musa judio masa pehe dahse yena Cohãcjũ tiquiro masorire tiquina yahugũ tuh̄o duerajari musa, judio masa? ni yahuahye Pablo.

Pablo Jesu yequinare tiquiro ñano yee tirire yahuahye Agripare

⁹ Sa ni tuhasa ohõ saha ni yahu nemoahye:

—Jesure Nazare cjãnore ihñedarĩgũ, ñaãe dihitarẽ ye duami tiquiro yequinare. ¹⁰ Sa yegũ Jerusalẽpũ sa yee timi yuhũ. Pahia puh̄toa yuhure tiquina dutiri bato peyequina Jesu yequinare peresu yee tii. Sa yegũ puh̄toa tiquinare wejẽ dutigũ, wejẽ dutii yuhũ gũhũ. ¹¹ Peye tahari ijipihtiye judio masa buheye wuh̄seperũ Jesu yequinare ñano ye dutie tirũ. Sa yegũ Jesu yequina Jesure

tiquina cohãgũ ye duagu nimi. Tiquina mehna tutuaro usuagũ yuhũ. Sa yegũ apeye macaripũ gũhure tiquinare ñano yegũ esae tii yuhũ, ni yahuahye Pablo.

Pablo Jesu yaquiro tiquiro wahaire yahuahye

(Hch 9.1-19; 22.6-16)

¹² Sa ni tuhasa ohõ saha ni yahu nemoahye:

—Damascopũ Jesu yequinare ñano ye duagu esami. Tiquinare ñano yuhũ ye duagũ ihñããe pahia puh̄toa yuhure waha dutiri. ¹³ Ohõ saha ijiri puh̄to Agripa: Coheri pje ijigũ waro mahapũ yuhũ wahagũ uh̄mũano cjẽ asi siteye, asũ deco cjãno yuh̄duoro, yuhure yuhũ mehna wahayequina gũhure asi siteri. ¹⁴ Ûsã ijipih̄tina yehpapũ bora quehe sa, judio masa ye mehna yuhure tiquiro yahuducugũ tuh̄ou. “¿Saulo, dahse yegũ mahũ yuhure ñano yejari? Mahũ yuhũ mehna usuagũ yuhure yuh̄tieragũ, mahũ basi ñano yuh̄dare”, nidi yuhure. ¹⁵ “¿Puh̄to, noa boro ijiajari mahũ?” ni, sinituu yuhũ. “Yuhũ Jesu, mahũ ñano yenohrigũ ijiaja. ¹⁶ Wahcãducaya mahũ. Mahure yuhũ cahacjũ ijiajũ yegũ tagũ, yojopũ bajuaja yuhũ. Miare yuhure mahũ ihñarire, came mahure yuhũ ihñoati gũhure apequinare yahugũta mahũ. ¹⁷ Judio masare, judio masa ijieyequina gũhure mahure buhe dutigũ

ohogutja. Tiquina cahapu mahu ijigū, mahure tiquina ihña tuhtigū mahure yedohogutja. ¹⁸ Yeere tiquinare masigū yeya mahu. Sa yegu tiquinare ñañene duhugū yeya. Quehnoañe pehere comesagū yeya tiquinare. Watĩnore cahmedagū yeya mahu. Sa yegu Cohācjū ye pehere yegū yeya mahu tiquinare. Mahu sa yegū tiquina yahure wacū tutuaeta. Tiquina sa wacū tutuagū ihñagu tiquina ñañe yerire boutja. Sa ye tiquina Cohācjū tiquiro beseriquina mehna cjēna ijietā. Tiquiro ohoatire choatiquina ijietā tiquina”, nidi Jesu yahure, ni yahuahye Pablo.

Pablo tiquiro yerire tiquiro dahrayere yahuahye

¹⁹ Sa ni tuhasa ohō saha ni yahu nemoahye:

—Puhto Agripa, ahmano cjē yahu tahoyere yuhducaeru

²⁰ Damascopu buhe mahtau. Came Jerusalēpu buhei tja. Came Judea yehrapu, judio masa ijieyequina cahapu gūhure masare tiquina ñañe yerire bujua witi dutii, Cohācjū yere cahme dutigu. “Quehnoañene masa yegū ihñañe ñañene masa bujua wiritire apequina masieta”, nigu, tiquinare quehnoañene ye dutigu buhei. ²¹ Cohācjū ya wahuapu yahu ijigū yahu sa ni yahuri buhiri judio masa yahure ñehe, wejē duamedī. ²² Tiquina sa yepegūta decoripe Cohācjū tiquiro yedohoro mehna

sa buheducaja. Sa yegu yojopure masa ijipihina puhtoare, ihyo ijina gūhure tiquiro yere yahugu niaja. Panopu cjēna Cohācjū yere yahu mahitariquina, Moise mehna tiquina yahuyuriro sahata yahuaja yahu gūhu. Ohō saha ni yahuyuahye tiquina. ²³ “Cristo Cohācjū ohoriquiro pehe ñano yuhdurota. Sa yero yariaro masa maja mahitariquiro waharota tiquiro. Sa yero masare tiquiro yuhduoatire judio masare, judio masa ijieyequina gūhure masigū yerota”, ni yahuyu ojoae tiahye panopu cjēna. Yahu gūhu tiquina yero sahata yahuaja, ni yahuahye Pablo Agripare.

Pablo Agripare Jesu yaquiro wahagū ye duamahye

²⁴ Tiquiro sa ni yahuri bato Festo tiquirore tutuaro sañuducu yahuducuahye:

—Pablo, mahu taho masiegu ijire. Mahu peye buhegu cohto tia wahare, ni sañuducuahye tiquiro Pablōre.

²⁵ Tiquiro sa nigū tathoro Pablo yuhtiahye Festore:

—Puhto, taho masiegu ijieraja yahu. Yahu yahuye ijirota ijire. Sa yegu yahu ahrire cua pesaro mehna quehnoano niaja. ²⁶ Puhtoro Agripa pehe ahri yahu yahurire quehnoano masine. Sa yegu yahu tiquirore cuero marieno yahuaja. Ahri yahuyere ijipihiyequina masa masine. Sa yegu

27

ijipihtiye ahrire yuhū ni-dire pūhtoro Agripa tiquiro masigū masiaja yuhū, niahye Pablo Festore.

Sa ni tuhasa ohō saha niahye Agripare:

27 —Pūhto Agripa, Cohācjū yere yahu mūhtariquina tiquina yahue tirire tūhore mūhū. Tiquina yahue tirire mūhū tūhogū masiaja yuhū, niahye Pablo Agripare.

28 —¿Ahrire yuhūre yahugū mehenogā mūhū yahuye mehna Jesu yaquiro yuhū wahagū ye duagu niajari mūhū? niahye Agripa Pablöre.

Tiquiro sa nigū Pablo yūhtiahye:

29 —Mehenogā yahuducugū o yoari pje yahuducugū mūsa ijipihinare “Yuhū ijiro sahata Jesu yequina ijiahro”, ni sini basaja Cohācjūre. Sa siniepegūta yuhū yero saha peresupū mūsa ijigū cahmedaja yuhū, niahye Pablo Agripare.

30-31 Tiquiro sa nidi bato Agripa, Festo, Berenice ijipihitiyequina apequina mehna wahcādūca, wijia, tiquina basi yahuducuahye:

—Ahriquiro buhiri mariedare. Sa yena tiquirore ne peresu ye masiedaja mari. ¿Sa yena mari yabe buhiri tiquirore wejēboagari? ni, yahuducuahye tiquina basi.

32 —Ahriquiro “Ijipihtiyequina pūhtoroře César pehere yuhū yerire yahu duaja”, tiquiro niedagū mari wioboaya tiquirore peresupū ijiriquirore, niahye Agripa Festore.

Pablo tiquirore tiquina yahusārire Romapū yahuro wahahye

1 Pablöre Italiapū yucūsa mehna ohoye tehe, tiquirore apequina mehna tiquina peresu yeriquina mehna Julio wame tiriquire mehna cūri tiquina. Julio cien surara pūhtoro ijiro, tiquiro ya curua “Augusto yequina surara”, wame tiri. 2 Sa yena Adramitio wame tiro cjāria yucūsapū sajāu usā. Tia Asiapū wahatia ijiri. Sajā tuhasa, tia mehna wahaū. Aristarco Tesalónica wame tiri maca cjāno usā mehna wahari. Tesalónica Macedonia yehpapū ijire. 3 Ape decopū usā Sidōpū esau. Topū esaro Julio Pablöre quehnoano yeri. Sa yero Pablöre tiquiro mehna cjēna cahapū ihñano waha dutiri. Sa yero Pablo mehna cjēna tiquirore tiquiro cahmeñene tiquina ohogū “Quehnoanota”, nidi Julio. 4 Yucūsa mehna usā pehāgū tutuaro wihnono usāre ape siepū wēdoque pehōri. Sa yena Chipre wame tiri nūcūo cahmotaropū poto pehepū wahaū usā. 5 Tee Ciliciare yūhdūa, Panfilia gūhūre yūhdūa, Mira wame tiri macapū Licia yehpapū ijiri macapū pehā saū.

6 Topū esana, Alejandrīapū ahtariare, Italiapū wahatiare yucū sare bocaū. Sa yero usāre tiapū waha dutiri surara pūhtoro. 7 Peye decori dero dero waha, “Wape cūo

yuhduare”, ni, waha, Gnido wame tiri maca potopu esau usã. Topu esa yuhdu, wihnono tutuaro wëgũ, usã waha duariropu usãre wë ohðedari. Sa yena usã cû pehe pehepu majare pehãa wahan. Sa yena Creta wame tiri nuchuo cahmotari pahrë pehe usã pehãa waha, Salmón wame tiri ñoare yuhdu wahan usã. ⁸ Topu yuhdu, ti nuchuo duhtu cahapu waha, “Wape cuo yuhduare”, ni, waha, Quehnoari petamaha wame tiropu wahã sau. Petamaha Lasea wame tiri maca cahapu ijiri.

⁹ Topu yoari pje usã ijiri bato, usã wahato pehe cua yuhduari. Sa yero tiquina sijiri deco bose deco yuhduari bato, Pablo tiquinare yahuri:

¹⁰ —Tuhoya musa. Sijiri deco bose deco bato mari wahagũ marine minino cua yuhduare. Ahria yucusa, yucusa cjë, musa doeri cjë gũhu mari mehna cjëna gũhu mari butiboaga mari wahana, nidi Pablo.

¹¹ Tiquiro sa niepegũta surara puhtoro yucusa upurore tuhoro, ohoturiquiro gũhare tuhoro, Pablo yahuye pehere tuho duerari waha duaro.

¹² Tiquina pahsari petamaha quehnoari petamaha pohesu ijigũ tiquina pahsari petamaha ijierari. Sa ijiri petamaha ijigũ yucusa cjëna peyequina waha dua, Fenicepu yojoa duamedì. Fenice Creta wame tiri nuchuo cjã petamaha ijiro, wihnono

ahtaro pehe, asũ sajãno pehe cû pehe pehepu, poto pehepu gũhare ihñadoqueo, wihnono ahtagũ quehnoano cahmotari maca ijiri. Sa ijiri petamaha ijigũ masiñe tiquina topu ihcã pohesu iji duamedì.

Pajiri mapu wihnono, acoro mehna pajiro wë cãhtahye

¹³ Sa ye sur pehe derogã wihnono ahta ducari. “Miare quehnoari deco mari wahati deco ijire”, ni tuhutumahye tiquina. Sa wihnono wëgũ yucusa mehna waha dusa, Creta nuchuo duhtu cahagã yojoa usã. ¹⁴ Sa yojoaepegũta came cjũno wihnono noreste wame tiri wihnono tutuaro wëdi. ¹⁵ Sa yero yucusare wihnono tutuaro wahã wihiri. Wihnono ahtaro pehere waha masiedana, majare paha, wihnono wëonopu wahan usã. ¹⁶ Cauda wame tiri nuchogã cahapu sur pehepu waha, ti nuchogã usãre mehenogã cahmotari. “Marine wape cuo yuhduare”,

nina tore pajiria yucusa cjãria meheniagã yucusagãre quehnoano weje peo duhteì usã. ¹⁷ Tiagãre yucusapu usã weje peo duhteri bato pajiria yucusapu pajiri da mehna tiquina wahme ñehe peori. Sirte wame tiri padurore “Tia yucusa doque wahã sari”, niñe, cue nidi tiquina. Sa ye wihno ñeheñe suhtire tiquina ne dijiori bato yucusa dihitare wihnono wëdoqueori. ¹⁸ Wihnono, acoro mehna tutuaro ahtari. Ape deco

gũhure wihnono mananota ahtagũ ihñañe tiquina doeri cjẽne diapũ duredoque ño tuhasa, pehãa wahau usã. 19 Ape deco yucusa cjẽne diapũ cohãri tiquina basi. 20 Peye decori ñicuñe decori ijigũ, asũ deco cjũno ñahpicoha paca gũhũ ne bajuerari. Sa yero tutuaro wihnono wẽdi. Sa yena “Minia wahaja mari. Sa yena yariaa wahanata”, ni tuhotumi usã.

21 Sa ye tiquina yoari pje tiquina sijiri bato Pablo tiquina poto ducu, yahuri tiquinare:

—To pano musare yũhũ yahugũ tuhoerari musa. “Cretapũ ijirina mari wahagũ cuarĩaga”, yũhũ nigũ tuhoerari musa. Yũhũre tuhona, ahria cjẽ ijipihtiyere boeraboaya musa. 22 Sa niepegũta yojopũ musare yahuaaja. Cueracãhña. Ijipihitina mari yũhdũnata. Ahria yucusa dihita marine wahtia waharota. 23 Mia ñamine Cohãcjũ yaquiro angel yũhũre bajuari. Cohãcjũ yaquiro ijiaja yũhũ. Sa yegũ tiquirore ño peoaja yũhũ. Angel pehe yũhũ cahapũ ahtarõ, yahuri. 24 “Pablo, cueracãhña. Ijipihtiyequina pũhtorore mũhũ yerire mũhũre yahuro cahmene. Cohãcjũ quehnoariquiro ijire. Sa yero tiquirore mũhũ sinidiro sahata yojopũre mũhũ mehna cjẽna gũhũre yedohorota”, nidi yũhũre angel. 25 Sa yena cueracãhña musa. Angel yũhũre tiquiro nidiro sahata waharota.

Cohãcjũre wacũ tutuaja yũhũ. Sa yegũ tiquiro yahuriro sahata “Ijirota ijire”, ni tuhotuaaja yũhũ. 26 Yũhũ sa niepegũta marine nũcũopũ wihnono wẽdoque ohõnota, ni yahuri Pablo tiquinare.

27 Ihcã ñami pũa semana bato pajiri ma Adria wame tiri mapũ wihnono usãre tutuaro wẽdi. Ti pjere ñami decopũ yucusa cjẽna mũhũa pehe “Duhtũ cahapũ ijiaja mari”, ni tuhoturi tiquina. 28 Sa ni tuhotuye nũcũria comea yuta da mehna duhte, duhudoque dijio, queori. Treinta y seis metro waro mũhcũãri. Mehenogã waha, queori tja. Ti pjere veintisiete metro waro mũhcũãri. 29 Sa ye utã pacare “Doque wahã sari”, niñe yucusa ohoturopũ pititia pjĩne duhte pohoye pjĩnine duhudoque dijiori diapũ. Sa ye “Sojaro mehna bohreahro”, ni, tutuaro sinidi tiquina. 30 Yucusa cjẽna mũhũa pehe duhtimedi. Tiquina meheniagãre yucusa cjãriare diapũ weje boro poho, yucusa ehquẽapũ duhte pohoye pjĩnine tiquina dijioriro sahata yeri tiquina meheniagãre “Marine ihñari”, niñe. 31 Tiquina sa yepegũta Pablo surara pũhtorore, tiquiro yequina surara mehna yahuri:

—Ahriquina mũhũa meheniagã yucusa mehna tiquina wahagũ musa ijipihtina yarianata, nidi Pablo.

32 Tiquiro sa nigũ tuhoye surara pehe meheniagãre

dahteye darire yahre sure, tiare cohãri.

³³ Bohreato panogã Pablo tiquinare tutuaro ihya dutiri:

—Pua semana waro musa dahse wahatire masi duana, cohtena, ne ihyerari musa. ³⁴ Sa yena yojopure ihyana taya. Tutuaro musare ihya dutiaja. Musa cati duana ihyaya. Ijipihtina musa yuhdunata, nidi Pablo tiquinare.

³⁵ Tiquiro sa nidi bato Pablo pãre ne, ijipihtiyequina tiquina ihñonopu Cohãcjüre “Quehnoare”, ni duhu peo, tire ihya ducari tiquiro.

³⁶ Tiquiro sa ihyagũ ihñañe tiquina cuero marieno waha, ijipihtiyequina tiquina gãhu ihyari. ³⁷ Usã ijipihtina doscientos setenta y seis masa yucsapu ijii usã. ³⁸ Tiquina ijipihtiyequina yapia waha “Ahria yucsa nucni niaga”, ni, peye trigo ihyayere diapu cohãri.

Yucsa paduropu doque quehe sahye

³⁹ Bohreagũ yucsa cjëna umna nucnore ihñañe, “Ohõ saha wame tiri nucno ijire ahri nucno”, ni, ihña masiedari. Sa masiedapeta tiquina pari tucũpu paduro ijigũ ihñañe, “Mari ti tucũpu wahana, topure doque pje saboaga paduropu”, nidi tiquina. ⁴⁰ Sa niñe dahte pohoye pjinine dahteye darire yahre sure dijioahye. Ohoturi pjĩ dahteye dari gãhure yahre sure cãri tiquina. Tiquina sa yeri bato yucsa ehquëa cjã suhtirore

wahcõ docori, poto wihnono wëdoqueogũ cahmeñe. ⁴¹ Sa yepegãta yucsa ehquëa pehe ape paduropu quehe sa, nuña masiedari. Sa yero ohoturore tutuaro pahcõri quë ohõgu tia ohoturo wahtia wahari. ⁴² Tia sa wahagũ ihñañe ohõ saha nidi surara:

—Ahria minigũ mari peresu yeriquina dahtu cahapu ba nuña duhtieta. Sa yena tiquinare wejẽ pehouhna, nidi surara.

⁴³ Sa niepegãta surara puhtoro pehe Pablora wejẽ dueraro, ijipihtiyequina peresu ijiyequinare wejẽ duerari. Sa yero ijipihtiyequina ba masiñequinare surara puhtoro poto dahtu cahapu ba nuña dutiri. ⁴⁴ Sa ye apequina yucsa cjẽ pjĩni wahti siteri pjĩni mehna bora ñojoa, ti pjĩni bui pesa ba nuñuari. Usã sa yena usã ijipihtina dahtu cahapu wahã sau.

28

Pablo Malta wame tiri nucnopu ijiahye

¹ Sa ye ti nucnopu usã ijipihtina majaduca sana, ti nucno wamene masii. Malta wame tiri nucno ijiri.

² Ti nucno cjëna masa usãre quehnoano yeri. Sa yena usã acoro weri bato yusua yuhduari usãre. Sa ye to cjëna pehe peca wijiã tuhasa, usãre sohma dutiri. ³ Pablo pecare ne cãhta, tu tiãri. Tiquiro tu tiãri bato ti peca puhiapu sañariquiro aña tutuaro asigũ wijia taro, Pablo omocapu

bahque wahã sari yaha wero marieno. ⁴ Tiquiro bahque wahã sagũ ihñañe ti nũcũo cjẽna tiquina basi ohõ saha ni yahuducuri:

—Ahriquiro masa wejẽdiquiro ijiboaga. Sa yero tutuari-coro buhiri dahrerico-ro ãhmũse cjõno tiquirore buhiri dahrero, cati dutierare. Tiquiro pajiri mapũ minino yahdu tuhasari jimedi. Yojopũre ticoro pehe tiquirore cati dutierare, nimedi tiquina basi.

⁵ Sa niepegũta Pablo añare pecapũ wejẽ site-doqueori. Tiquirore añã purĩedari. ⁶ “Ipirota”, niñe, cohtemedi tiquina. Ne ipierari tiquirore. “Tiquiro yariaa waharota”, niñe tiquina cohtemedi. Tiquirore purĩedari. Yoari pje bato tiquirore ipieragũ ihñañe, tiquirore purĩedagũ ihñañe, sijoro tũhoturi tiquina. “Ahriquiro cohãmana mehna cjũno iji-boaga” nimedi tiquina.

⁷ Tiquina ba wahã sariro cahagãpũ Publio wame tiriquiro ye weseri ijiri. Tiquiro ti nũcũo cjũno pũhtoro ijiri. Sa yena usãre tiquiro quehnoano yegũ ihtia deco waro tiquiro ya wũhapũ ijinii usã. ⁸ Publio pacũro yojoa mehna, ujuaye dohatiriquiro ijiri. Sa yero tiquiro cuñanopũ cuñari. Sa yero Pablo dohatiriquiro ya tucũpũ sajã, Cohãcjũre sini, tiquiro omocarine tiquiro bui duhu peo, quehnoa wahagũ yeri tiquirore. ⁹ Tiquiro quehnoa wahagũ ihñañe

ijipihtiyequina apequina ti nũcũo cjẽna dohatiyequinare Pablo cahapũ ne cãhtari. Tiquina sa ne cãhtagũ ihñano Pablo quehnoa wahagũ yeri tiquina gũhũre. ¹⁰ Came tiquina peyequina usãre wapa marieno ohoari. Usã wahato panogã ijipihtiye usã cahmeñene, usã wahana ihyatire yucũsapũ dure sãri tiquina.

Pablo Romapũ esahye

¹¹ Ihtia asũ ti nũcũopũ usã ijiri bato yucũsa mehna wahau usã. Tia yucũsa ehquẽapũ pũaro cohãmana Cãstor, Pólux wame tiyequina tiquina queoye ducuri. Alejandrĩapũ ahtaria ijiri tia. Pohechũ ijiro puno ti nũcũopũ tia yucũsa pahsari. ¹² Waha, Siracusa wame tiri macapũ esana, ihtia deco waro ti macare ijii usã. ¹³ Ti macare wijia, waha, Regio wame tiri macapũ usã esau. Ape decopũ surpũ wihnono ahta, usãre wẽdoqueori. Pũa deco bato Puteoli wame tiri macapũ esau. ¹⁴ Topũ Jesu yequina meheñequinagã usãre piti cari.

—Ihcã semana waro usã mehna tojoaya, nidi tiquina usãre.

Tiquina sa nigũ tũhona ihcã semana waro tiquina mehna tojoarĩ. Came mahapũ maja, Romapũ esau usã. ¹⁵ To cjẽna Jesu yequina pehe Romapũ usã esatire tũhoye, Apio wame tiropũ doeri cjẽne duaropũ usãre piti cari. Apequina Jesu yequina ihtia wũhũ wame tiropũ usãre piti cari. Tiquina sa piti cagũ

ihñano Pablo bucueye mehna Cohãcjãre “Quehnoare”, ni, quehnoano jeri sãa wahari.

¹⁶ Romap_u usã esari bato peresu tiquina yeriquinare to cjãnore peresu cohteyequina pãhtorore yahuri. Sa yahuepegãta Pablo pehere ihcãquirola cãri to cjëna pãhtoa. Sa yero tiquiore ihcãquirola surara cohteri.

Pablo Romap_u buheahye

¹⁷ Ihtia deco bato Pablo judio masa pãhtoa mehna cahmecoano taro, tiquinare pijiri. Tiquina cahmecoari bato tiquirola tiquinare yahuri:

—Yãhu acaye, mari acayere, mari ñecusumãa panop_u cjëna tiquina yee tirire, marine tiquina buheri gãhãre yãhdudãcaera tii yãhu. Yãhu yãhdudãcaerapegãta Jerusalẽp_u yãhãre ñehedi apeq_uina judio masa. Tiquina sa yeri bato Roma cjënare yãhãre peresu ye dutiri tiquina. ¹⁸ Tiquina sa yegã Roma cjëna yãhãre sinitu, yãhu ñano yerarigã yãhu ijigã yãhãre “Buhiri tiriquirola ijire”, ni masiedari. “¿Ne yabe buhiri wejẽboagari mari tiquiore?” nidi yãhãre tiquina. Sa ye yãhãre sinituyequina pehe yãhãre wio duamedì. ¹⁹ Judio masa pehe yãhãre wio dutierari. Sa yegã yãhu acayere judio masare yãhãre tiquina yerire yahu duerapegãta “Ijipihtiyequina pãhtorore yãhu yerire pototo yahu duaja yãhu”, ni sinii yãhu. Judio masa yãhãre tiquina wio dueragã ihñagu

“Romap_u yahuro cahmene yãhãre”, nii yãhu. ²⁰ Sa yegã musare ahrire yahu duagã pijii. Cristo marine yãhdãoatiquirola judio masa tiquina cohteriquirola yere yãhu yahuri buhiri yãhu peresupã ijiaja. Sa yegã tire musare yahugã tãhu pijii, nidi Pablo judio masa pãhtoare.

²¹ Tiquirola sa nigã tãhoye tiquina pehe tiquiore yahuri:

—Judio masa mãhãre quitii yahuyere pãrine usãre ne ohoerari. Sa ye topã ahtariquina gãhã usã acaye usãre mãhu sa waharire yahuera tiri. Tiquina “Tiquirola ñano yeriquirola ijire” ni mãhãre yahuerari. ²² Tiquina sa yahuerapegãta mãhu ya curuare ijipihtiropã masa ñano tiquina yahuducugã usã masiaja. Sa masina mãhu buheyere mãhu yahugã tãho duaja usã, nidi tiquina tiquiore.

²³ Sa ni tuhasa, “Ape decopã ijiihna”, nidi tiquina. Ape decopã Pablo mehna cahmecoa mãhtariquina yãhdãoro masa peyequina tiquirola ijiiropã wihiri. Ñami cjũnogã Cohãcjã tiquirola pãhtoro ijiiyere quehnoañe buheyere tiquirola buhe dãca, tee ñamipã buhe duhuri. Cohãcjã dutiyere Moisepãre tiquirola cãrre, Cohãcjã yere yahu mãhtariquina tiquina ojoari gãhãre buheri. Sa buhero, tiquinare Jesure masigã ye duaro nimedii Pablo. ²⁴ Ihquẽquina tiquirola

buherire cahmedi. Sa cah-mepegūta apequina pehe tūho duerari. ²⁵ Sa ye tiquina basi pua curua tu wa, wahaye tee nidi. Tiquina wahato pano Pablo Isaia tiquiro yahuducurire yahuri. Ohō saha nidi tiquinare:

—Isaia Cohācjū yere yahu māhtariquiro tiquiro yahuri ijirota ijire. Mari ꞆecꞆsumꞆa ꞆꞆa iji turiayequinare yahuro taro Espīritu Santo Isaiare ohō saha ni yahu ojoa dutiahye:

26-27 Ahrire ahriquinare yahugꞆ wahaya: “Dapu paca bꞆtina ijire ꞆꞆsa. Sa yena yeere tūho duerare ꞆꞆsa. Cahmo coperi susueyequina yero saha tūho duerare ꞆꞆsa. Sa yena yeere tūhoepenata tūhosi ꞆꞆsa. ꞆꞆsa sa ijerana quehnoano tūhoboaya ꞆꞆsa. Sa yena quehnoañe pehere comesaboaya ꞆꞆsa. Sa yegꞆ ꞆꞆsare pecapꞆ wahaborinare yꞆhdꞆoboya yꞆꞆꞆ”, nidi Cohācjū, ni ojoahye Isaia, nidi Pablo tiquinare.

²⁸ Tiquiro sa nidi bato Pablo yahu nemori:

—Ahrire masiña ꞆꞆsa. Cohācjū ye buheyere masare tiquiro quehnoano yꞆhdꞆoyere judio masa ijieyequinare buhenatja ꞆꞆsā. Tiquina pehe tūhoeta, nidi Pablo judio masare.

²⁹ Tiquiro sa nigū tāhoye judio masa tire tiquina basi tutuaro cahme dꞆse tini wia, wijiarī.

³⁰ PꞆa cꞆꞆma waro Pablo apequina wasori wꞆꞆꞆꞆꞆ, tiquiro ijiye wapa wapa yeati wꞆꞆꞆꞆꞆ ijiri. TopꞆ ijiro, ijipihtiyequina ti wꞆꞆꞆꞆꞆ wihiyequinare bucueye mehna piti cari tiquiro. ³¹ Sa yero tiquiro cuero marieno Cohācjū pꞆꞆtoro ijiyere, mari pꞆꞆtoro Jesucristo ye gūhꞆre buhee tiri. Tiquiro sa buhegū ne apequina tiquirore “Buheracāhña”, nieda tiri.

Romanos

Pablo Roma cjēnare Jesu yequinare oja ohoaja

¹ Y^hh^h Pablo m^sare Roma cjānare oja ohoaja. Y^hh^h Cohācjū cahacjū ijiaja. Sa yero quehnoañe buheyere buhe dutiro y^hh^hare cūri tiqiro.

² Ti buheyere quehnoañe buheyere panop^h Cohācjū “Yahug^h t^h niaja”, nie tiahye. Tiquiro sa ni yahuriro sahata tiqiro yere yahu m^htariquinare panop^h cjēnare tiqiro yahuatire tiqiro ya pūp^h oja dutiahye. ³ Ti buheyeta tiqiro mac^hno^hre yahuye ijire. Tiquiro mas^hno^h waro ijiro taro Davi m^hnano panamino iji turiariquiro ijiahye tiqiro. ⁴ Jesucristo mari p^hhtoro Cohācjū mac^hno^h ñañe marieniquiro tiqiro ijyere ohō saha ihñoahye Cohācjū. Tiquiro yariari bato Cohācjū tutuaye mehna tiqirore masa wijiagū yeahye. Sa yero Jesucristo potota Cohācjū mac^hno^h tiqiro ijyere ihñoahye Cohācjū masare. ⁵ Tiquirota usāre paja ihñano usāre tiqiro yere buhe dutiro ohori ijipihtiyequina Jesucristore wacū tutua tiquina ño peoatire. ⁶ Sa yero m^sa gūh^hare Jesucristo yequina ijanare beseahye tiqiro.

⁷ M^sare, Cohācjū cahīnare, Roma cjānare, tiqiro yequina ijanare yeri m^sare

tiqiro. M^sare ijipihtinare ahri pūre oja ohoaja. Sa yeg^h Cohācjū mari Pac^h, mari p^hhtoro Jesucristo mehna m^sare quehnoa dutiaja. Tiquina yedohoye mehna quehnoano ijiya m^sa.

Pablo Romap^hre ihñano waha duaro nimahye

⁸ Ahrire yahu m^htat^htja m^sare: Ijipihtiye macari cjēna Jesucristore m^sa wacū tutuarire masa yahuri y^hh^hare. Tiquina sa ni yahugū t^hhog^h “Quehnoare”, niaja Cohācjūre. Jesucristo yedohoro mehna sa ni sini basaja. Cohācjūre sini basag^h m^sare sa sini basaducua. ⁹ Y^hh^hare tiqiro dutigū tiqiro mac^hno^h ye buheyere quehnoañe buheyere tutuaro buheg^h tiqiro cahacjūta ijiaja y^hh^h. Sa yero m^sare Cohācjūre y^hh^h sa sini basaducugū tiqiro masine. ¹⁰ Sa sini basag^h Cohācjū cahmegū yojop^h pūritare m^sa cahap^h y^hh^h ihñan^h wahatore siniaja. Yoari pje m^sare ihña duag^h y^hh^h wahatire cohte^h ye cāmaja y^hh^h. ¹¹ Cohācjū yere m^sare buhe duaja Jesure m^sa wacū tutua nemoatire. Sa yeg^h m^sare tutuaro ihña duaja y^hh^h. ¹² Jesure wacū tutuaja mari. Sa yeg^h m^sare ihña duaja Jesure mari wacū tutuaye mehna p^ha peheri mari cahme bucuegū yeatore.

¹³ Y^hh^h acaye, ahrire m^sa masigū cahmeaja. Quehnoañe buheyere y^hh^h buheri bato apeqina m^sa

acaye judio masa ijieye-
quina Jesure wacũ tutu-
ari. Sa yegũ peye tahari
mũsa cahapũ waha duami
apequina Jesure tiquina
wacũ tutuariro sahata mũsa
mehna cjẽna gũhũ tiquina
wacũ tutuatire. Sa waha
duepegũta waha masiedũ
yũhũ. ¹⁴ Ijipihtiyequinare
quehnoañe buheyere
buhero ijiro nine yũhũre.
Pecasãre, pohteri cjẽ gũhũre,
masiñequinare, masieñequina
gũhũre buheacjũ ijiita ni-
aja yũhũ. ¹⁵ Sa buheacjũ
ijigũ mũsare Roma cjãnare
quehnoañe buheyere tutu-
aro buhe duaja.

*Quehnoañe buheyere
masa tũhoye Jesure wacũ
tutua dũcare*

¹⁶ Quehnoañe buheyere
tũhoye Jesure wacũ tutua
dũcare masa. Sa yero ijip-
ihtiyequinare Jesure wacũ
tutuayequinare Cohãcjũ
tutuaye mehna pecapũ wa-
haboriquinare yũhdũore.
Tiquina sa yũhdũgũ masigũ
ti buheyere quehnoañe
buheyere buhegũ bũoro
yũhdũeraja. Ti buheyere
judio masa pehere buhe
mũhtari jiri Jesu gũhũ.
Tiquina buheri bato judio
masa ijieyequina gũhũre
ũsã buhei. ¹⁷ Ti bu-
eye ohõ saha ni yahure:
Jesure wacũ tutuayequinare
“Quehnoañequina ijire”, ni,
ihñare Cohãcjũ. Tiquirore
wacũ tutua dũcayequinare
sata ni ihñare Cohãcjũ.
Tiquiro sa ni ihñari bato

tiquirore wacũ tutuadu-
cure tiquina. Ahri panopũ
tiquina ni ojoariro sahata
ijire: “ ‘Quehnoañequina
ijire’, tiquiro ni ihñañequina
Cohãcjũre wacũ tutu-
ayequinata ijire. Sa wacũ
tutuaye, ijipihtiye decori
Cohãcjũ mehna sa ijidu-
cueta”, ni, ojoahye.

*Masa tiquina ñañe yeri
buhirire yahuahye Pablo*

¹⁸ Cohãcjũ ỹhmũsepũ
ijiriquirore masa tiquina
yũhdũdũcarire, tiquina
ñañe yeri gũhũre ihñano,
tiquina sa yeri buhiri usuare.
Tiquiro sa usarire masigũ
yere tiquinare. Masa
tiquina ñañe yeye mehna
apequinare quehnoañe
buheyere tũhoeragũ yere
tiquina pehe. ¹⁹ Tiquiro basi
tiquiro ijiye tiyere masigũ
yeahye Cohãcjũ. Tiquiro
sa yegũ Cohãcjũre masigũ
mijoedare masare. ²⁰ Cohãcjũ
ỹhmũse cjãno tiquiro ijiyere,
tutuariquiro tiquiro ijiye
gũhũre mari ihñedapegũta
tiquiro basi tiquiro ijiyere
marine masigũ yere tiquiro.
Ahri yehpare tiquiro ba-
jumehnedi bato ijipihtiye
tiquiro bajumehnedire
ihñañe “Cohãcjũ tiquiro yeri
ijire ahri”, niñe, Cohãcjũ
tiquiro ijiye tiyere masine
masa. Sa ye masa Cohãcjũre
masiepetã sa ñañene yedu-
cuye, buhiri tire. “Mũhũre
masiedũ. Sa yegũ ñañene yei”,
ni masisi Cohãcjũre. ²¹ Sa ye
Cohãcjũ tiquiro ijiye tiyere
masiepetã tiquina tiquirore

ño peerare. Sa ye tiquinare tiquiro quehnoano yepegūta tiquina pehe “Quehnoare”, niedare tiquirore. Sa tūho masieñequina ijiye, ñañe dihitare tūhoture tiquina. 22 “Tūho masina ijiaja”, niepeta tūho masieñequina wahare tiquina. 23 Sa wahaye Cohācjūre sa ijuducuriquirore tiquina ño peerare. Sa ño peeraye, “Cohācjū ijire”, tiquina niñe queoye pehere ño peore. Mari masa yari-anaja dihita ijiaja. Mari sa ijina mari ijiepegūta Cohācjūre ño peoyequina pehe masa queoyere yere tiquina. Tiquina sa yeri bato ti queoye pehere ño peore tiquina. Sa ye tja minicjua queoyere, pinoa queoyere, wahiquina queoye gūhure “Cohācjū ijire”, ni ño peo maca cāhre tiquina.

24 Tiquina sa yegū ihñano “Tiquina esa tuharo ñañene yecūnahdo”, nino Cohācjū cohā cāri tiquinare. Tiquiro sa cohāri bato tiquina ña yūhdūaro cahme yeducure tiquina basi. 25 Sa ye Cohācjū ye pehere cahmedaye, ni mehoñe pehere quehnoano tūhore tiquina. Cohācjū ye pehere ni mehoñe yero saha ijigū yere tiquina. Potota Cohācjū warore ijipihtiyere yeriquirore ño peoducuro cahmene. Sata ijiagro. Tiquina pehe tiquirore ño peerare. Sa tiquirore ño peeraye, Cohācjū yeri pehere ño peore tiquina. Sata ijiagro.

26 Tiquina sa yeducugū ihñano “Tiquina esa tuharo ñañene yecūnahdo”, nino Cohācjū cohā cāri tiquinare. Sa ye tiquina mehna cjēna numia manū tiyequina numia yero saha ijierare. Sa ye tiquina numia, numia sehsaro ñano yere tiquina paguri mehna. 27 Tiquina yero saha ijieyequina umūa gūhū tiquina esa tuharo ña yūhdūaro yere tiquina paguri mehna. Sa ye tiquina basita ñano yeri buhiri tiquina paguri pehe ñano yūhdūare.

28 Sa Cohācjūre tiquina cahmedari buhiri, Cohācjū tiquinare cohāri. Tiquiro sa cohāgū tiquina pehe ñano wacūducu, ñano yeducure. 29 Sa ye tiquina tutuaro ñano yeducure. Ñañene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiquina cūogū ihña cooducuyequina, masare wejēñequina, cahme dūse tini wiayequina, ni mehoñequina, masare ihña tuhtiyequina, ñañe quitī dahreyequina, 30 apequina tiquina yerapegūta ñano ni yahu wajayequina, Cohācjūre ihña tuhtiyequina, apequinare purīno yūhtiyequina, “Ūsā pehe masi yūhdūdūcaja”, ni tūhotuyequina, apequinare sa ni yahuyequina, apeye ñañene ye dūcayequina, tiquina pacūsmūare yūhtiyequina, 31 tūho masieñequina, tiquina nino

sahata yeeyequina, masare ne cahñeñequina, tiquina basi cahme pihopūri duhueyequina, ne paja ihñeñequina ijire tiquina. ³² Sa ñano yeducuyequinare Cohācjū pecapū cohānota. Tiquiro sa cohātire masiepetā tiquina ti ñañene sa yeducure. Sa ye apequina tiquinare ihña cū tiquina yero saha ñano tiquina yegū ihñañe, “ʘsā yero saha yere”, ni bucuere.

2

Masare buhiri dahre dutiro tire mehono marieno potota yerota Cohācjū

¹ “Tiquina ña yuhduayequina ijire”, ni yahu wajaeracāñña apequinare. Mūsa gūhū tiquina yero saha yere. “Ñañene yeraja. Sa yena ñañe buhiri mariedaga”, ni masiedare mūsa. Sa yena ijina tiquinare yahu wajana ijina, mūsa basi buhiri dahre dutina niaga. ² Sa yena ñañe yena ijiepenata mūsa yahu wajagū mūsa gūhūre Cohācjū buhiri dahrerota. Potota queoro tiquiro buhiri dahregū masi-aja mari. ³ Apequinare “Buhiri tieta”, ni yahu wajana mūsa ijigū mūsa gūhūre buhiri dahrerota. Sa yena “ʘsāre buhiri dahresi”, ni tūhotuboaga mūsa. Ijierare. Mūsa gūhūre buhiri dahrerota tiquiro. ⁴ Mūsa ñano yepegūta Cohācjū mū sare paja ihñano duita buhiri dahrerare. Sa yena “Cohācjū yuhū mehna usuasi”, ni tūhotuboaga

mūsa. Ijierare. Cohācjū mū sare paja ihñano, duita buhiri dahrerare mūsa ñañene bujua witigū ihña duaro, tiquirore mūsa yuhūtigū cahmeno. ⁵ Sa buhiri dahre dueraperota mūsa Cohācjūre yuhūti dueragū, mūsa ñañe yerire bujua witieragū, buhiri dahrerota mū sare. Buhiri dahrerī deco pano mū sare tiquiro buhiri dahreboriro yuhūduoro ti deco waropūre ñano mū sare buhiri dahrerota Cohācjū. Ni mehono marieno buhiri dahrerota. ⁶ Sa yero ijipihtiyequinare tiquina ñano yeri buhiri buhiri dahrerota Cohācjū. Sa yero quehnoañene tiquina yeri wapa quehnoano yerota masare. ⁷ Ihquēquina quehnoañene yeducuyequina ijire. Tiquina quehnoañene ye duayequina, Cohācjūre quehnoano bu- cūegū ye duayequina, ijipihtiye decori Cohācjū mehna iji duayequina ijire. Tiquina pūritare decoripe tiquiro mehna ijigū yerota Cohācjū. ⁸ Apequina pehe tiquina yero saha ijierare. Tiquina esa tuharo yeyequina ijire. Cohācjū yere cahmedare. Tiquina mehna Cohācjū tutuaro usuarota. ⁹ Ijipihtiyequina ñano yeriquina ñano yuhūta. Judio masare sata waha māhtanota. Sa ye judio masa ijieyequina gūhūre sata wāharota. ¹⁰ Ijipihtiyequina quehnoañene yeyequina pe- here Cohācjū “Quehnoare”,

ninota. Sa ye masa tiquinare ño peota. Sa yero tiquinare quehnoano ijigũ yerota Cohãcjũ. Judio masare sata waha muhtanota. Sa ye judio masa ijieyequina gũhare sata waha rota.

¹¹ Cohãcjũ mari yerire ihñano queoro besere ijip-htinare, ñana, quehnoana gũhare. ¹² Apequina Cohãcjũ Moiserere tiquiro dutirire masieñequina tiquina ijiepegũta ñañene tiquina yegũ, buhiri dahrerota Cohãcjũ tiquina gũhare. Sa yero ti dutiyere cwoyequina ñañene tiquina yegũ ti dutiyere tiquina yuhduhcari buhiri buhiri dahrerota Cohãcjũ. ¹³ Cohãcjũ dutiyere tuhoepeta yuhtieyequinare “Quehnoañequina ijire ahriquina”, niedare Cohãcjũ. Tiquiro ye dutiyere yeyequina pehere “Quehnoañequina ijire”, ni ihñare tiquinare Cohãcjũ. ¹⁴ Judio masa ijieyequina Cohãcjũ Moiserere tiquiro cũri dutiyere cwoperapeta, tiquina esa tuharo quehnoañene yeye, Cohãcjũ dutiyere yeye nine. Sa ye Moiserere tiquiro dutiyere ojoari pũre cwoperapeta tiquina tuhotuyepũ tiquiro ye dutiyere cwore. ¹⁵ Sa ye tiquiro ye dutiyere tiquina tuhotuyepũ potota cwore tiquina. Sa cwoye ñañene yeye, duita tiquina ñañene yerire masine tiquina. Sa yero ñañene yeriquiro “¿Duhse ijero boro ñañene yeri yuhũ?” ni tuhoture tiquiro. Sa yero quehnoañene tiquiro

basi yeri gũhare masine tiquiro. ¹⁶ Sa ye Cohãcjũ Jesucristore tiquiro ohoati decopũ masa tiquina yahu duerarire Jesucristo masi pehoru, tiquiro tiquinare beserota quehnoañequina, ñañequina gũhare. Sata tiquina yerire masidiquiro ijero, beserota tiquiro quehnoañene buheye ti nino sahata. Ti buheyeta ijire masare yuhũ buheri.

Cohãcjũ Moiserere tiquiro dutirire yahuahye Pablo

¹⁷ Musa pehe judio masa ijina, Cohãcjũ Moiserere tiquiro dutiyere ño peona ijina, “Cohãcjũ yequina ijiaja”, ni tuhotumene masa. ¹⁸ Sa yena Cohãcjũ dutiyere masina ijina, tiquiro cahmeñene masine masa. Sa masina ijina, “Quehnoañene usã yeatire bese masiaja usã”, ni tuhotumene masa. ¹⁹ Sa ni tuhotuna ohõ saha ni tuhotu nemore masa: “Apequinare ne masieñequinare quehnoano masigũ yeaja usã. Tiquinare usã buheragũ ne Cohãcjũre masiedaboaga tiquina. Sa ye ñañene duhueraboaga”, ni tuhotumene masa. ²⁰ Sa yena “Tuho masieñequinare quehnoañene ye dutina, macanagã gũhare buhena ijiaja usã”, ni tuhotumene masa. Sa yena “Cohãcjũ dutiyere cwona, poto ijiyere masi pehoaja usã”, ni tuhotumene masa. ²¹ ¿Sa yena apequinare buhena ijiepenata, duhse yena masa pehe masa buheriro saha yerajari?

¿Apequinare yaque dutierapenata dũhsena m̃sa pehe yaqueajari? ²² ¿Apequiro namono mehna ñano ye dutierapenata dũhsena m̃sa pehe apequiro namono mehna ñano yeajari? “Cohãcjũ ijire”, tiquina niñe queoyere ihña yabina ijire m̃sa. Sa ihña yabina ijina Cohãcjũ waro pehere ño peona ijimene m̃sa. ¿Sa ño peona ijiepenata dũhsena tiquirore quehnoano ño peerajari m̃sa? ²³ “Cohãcjũ Moisere tiquiro dutiyere c̃uoaja usã”, nina ijiepenata ti dutiyere yũhdũdcare m̃sa. Sa yũhdũdcana Cohãcjũre ño peeragũ yena niaga m̃sa apequinare. ²⁴ Sata nine Cohãcjũ yere tiquina ojoari p̃p̃h: “Cohãcjũ dutiyere m̃sa yũhdũdcari buhiri judio masa ijieyequina pehere Cohãcjũre tiquina ñano yahuducugũ yere m̃sa judio masa”, ni ojoahye Cohãcjũ yere tiquina ojoari p̃p̃h.

²⁵ “Cohãcjũ yequina ijiaja”, ni tũhoture ihquẽquina judio masa cuhnucunũ sohtoa cahserogãre yũhre nenohriquina. Cohãcjũ yere tiquina yegũ judio masa tiquina ijigũ quehnoarĩne. Tiquiro yere tiquina yeragũ judio masa tiquina ijiye tiye dũhseati ijierare. Yũhre nenohriquina tiquina ijiye tiye gũhũ dũhseati ijierare. ²⁶ Sa yero judio masa ijieyequina cuhnucunũ sohtoa cahserogãre yũhre nemehneñequina tiquina

ijiepegũta, Cohãcjũ dutiyere tiquina yegũ ihñano “Yeequina masata ijire”, ni ihñare Cohãcjũ tiquinare. Judio masa pehere tiquiro sa ni ihñaboriro sahata judio masa ijieyequina pehere sa ni ihñare. ²⁷ Peyequina judio masa Cohãcjũ Moisere tiquiro dutiyere c̃uoepeta tire yerare tiquina. Sa ye apequina judio masa ijieyequina pehe cuhnucunũ sohtoa cahserogãre yũhremehneñequina ijiepetata tiquiro dutiyere yere. Sa yeyequina ijiye judio masa tiquina ñano yerire masigũ yeye nine. ²⁸ Yojopũre judio masano waro tiquiro ijiyere yahutja m̃sare. Tiquiro cuhnucunũ sohtoa cahserogãre yũhre nenohriquiro ijieperota Cohãcjũre ño peeraro, potota judio masano waro ijierare. ²⁹ Cohãcjũ yaquiro Espĩritu Santore c̃uoriquiro tiquirore yũhtiriquiro tiquiro tjire judio masano waro. Sa yero tiquiro cuhnucunũ sohtoa cahserogãre tiquiro yũhre ne cohãriro sahata tiquiro ñañe yerire duhure tiquiro. Tiquiro esa tuhara dutiyere yeriquiro ijieraperota Espĩritu Santo yedohoye mehna tiquiro ñañe yerire duhure. Sa ijiriquirore “Quehnoariquiro ijire”, ni ihñare Cohãcjũ pehe. Masa pehe tiquirore tiquina sa niedapegũta, sa nine Cohãcjũ pehe.

3

¹ ¿Yuhu sa nigū judio masa ijiye tiye ihyo waro ijajari, m̄sa t̄hotugū? Ne ihyo waro ijiro niedare. ¿Cohācjū judio masare tiquiro dutiriro sahata tiquina pagurire cuh-nucun̄ sohtoa cahserogāre tiquina ȳhre ne cohāñe ihyo waro ijajari, m̄sa t̄hotugū? Ne ihyo waro ijiro niedare. ² Judio masa tiquina ijiye tiye ihyo waro ijierare. Cohācjū yere tiquina ojoari p̄re judio masare cū m̄htahye. Sa ye judio masa tiquina ijigū quehnoar̄ne tiquinare. ³ Sa ye ihquēquina judio masa Cohācjūre tiquina t̄hoerap̄gūta tiquiro nidi ijirota ijire. Sa yero tiquiro ni cūriro sahata yerota tiquiro. ⁴ Sata ijire. Ijipihtiequina masa ni mehoñequina tiquina ijiepegūta Cohācjū pehe ne ni mehoedare. Panop̄a tiquiro yere yahu m̄htariquiro tiquiro ni ojoariro sahata ne ni mehoedare Cohācjū.

Poto nigū ijire m̄h̄ Cohācjū. Sa ye m̄h̄re masa ne “Queoro yahuducuerare”, ni yahusā masiedare, ni ojoahye panop̄re.

⁵ Ohō saha ni t̄hotuboaga masa: “Mari ñañene yena Cohācjū quehnoañene tiquiro yeriquiro ijigū masigū yeaja. Sa yero ñañene mari yegū quehnoar̄ne. ¿Ti sa quehnoañe ijiepegūta d̄hsero tiquiro mari ñañene yeri buhirire buhiri dahre maca cjāri?” ni t̄hotuboaga masa. Masa tiquina

t̄hotuboriro saha nigū niaja yuh̄. ⁶ Sa ijierare. Mari ñañe yeri pehe quehnoañe ijigū Cohācjū mari ñañene yeri buhirire buhiri dahre masiedaboaga.

⁷ Masa pehe ni mehoñequina ijire. Cohācjū pehe ne ni mehoedare. Sa yena masa tiquina ni mehogū ihñana Cohācjū pehe ne ni mehoeniquiro tiquiro ijigū quehnoano ihña masi-aja mari. Sa ye masa ni mehoñe, Cohācjū tiquiro ni mehoeniquiro tiquiro ijiyere ihñoñe niboaga tiquina. Sata ni t̄hotumene ihquēquina. Sa ni t̄hotuye ohō saha ni t̄hotu nemomene tiquina: “ʔsā ni mehoñe mehna Cohācjū tiquiro ni mehoeniquiro ijiyere ihñona niaja. Sa ihñona quehnoano yena niaja. Sa ye usā ni mehoñe quehnoar̄ne. ¿ʔsā ni mehoñe quehnoañe ijiepegūta d̄hse ijiro boro usā ni mehoñe buhirire usāre buhiri dahre maca cāboari Cohācjū?” ni t̄hotumene ihquēquina masa. ⁸ Sa ye ohō saha ni mehore ihquēquina usāre: “ ʔñano yena Cohācjū tiquiro quehnoariquiro ijigū ihñona niaga. Sa yena ñano yeihna’, nidi Pablo gūh̄”, ni meho yahusāre usāre ihquēquina. Tiquina sa nidi buhiri tiquinare Cohācjū buhiri dahrerota. Sata yero cahmene tiquinare.

Ijipihtina buhiri tina ijajaja mari

⁹ ¿Sa ye dũhse ni tũhotuajari masa? ¿Mari judio masa apequina yũhdũoro quehnoana ijiajari mari? Ijieraja mari. Judio masa, judio masa ijiena gũhũ ijipihtina buhiri tina ijiaja mari. Sata ijire ijipihkiyequinare yũhũ buheriro sahata. ¹⁰ Panopũ tiquiro ni ojoariro sahata ijire ti: Ohũ saha ni ojoahye:

Ne ihcãquiro masũno quehnoariquiro mariedare. ¹¹ Ijipihtiyequina masa tũho dueyequina dihita ijire. Sa ye ijipihkiyequina masa ne Cohãcjũre wacũ peorerare. ¹² Sa ye tiquina Cohãcjũ yere cohãñe, ijipihtiyequina ñañene yeyequina wahari. Ne ihcãquiro quehnoañene yeriquiro mariedare. ¹³ Tiquina dũseri masa coperi tiquina pũo docoro yero saha ijire. Tiquina yahuducugũ, masa coperi wĩ wijiario saha ni mehoñe dihita tiquina dũserire wijiare. Sa yahuducuye añã dũsero tiquiro nima purĩñe wijiario saha purĩno tiquina yahuducuye wijiare tiquina dũserire. ¹⁴ Sa ye tiquina apequinare ñano yahuducuyequina purĩno yahuducuyequina ijire. ¹⁵ Sa ye usua ñañequina duita masare wejẽñequina ijire. ¹⁶ Sa

ye noho tiquina waharopũ tiquina masare ñano ye, ñano yũhdugũ yere tiquinare. ¹⁷ Sa ye apequina masa mehna tiquina quehnoano ijierare. ¹⁸ Sa ye Cohãcjũre ne ño peorerare, ni ojoahye panopũre.

¹⁹⁻²⁰ Cohãcjũ Moisere tiquiro duiyere marine judio masare ohoahye tiquiro duiyere ijipihtina mari ye pehoatire. Ti duiyere cuoepeta, tire yeraye, “Ñañe buhiri mariedare usãre”, ni masiedare masa. Sa ye tiquina ijipihtiro cjẽna Cohãcjũ tiquiro buhiri dahrenohatiquina tiquina ijigũ, masieta tiquina basi. Sa ye ñañequina tiquina ijiyere masiñe, “Quehnoana ijiaja usã”, ni masiedare Cohãcjũre. Cohãcjũ tiquiro ye duiyere pehere ne masa yerare. Sa ye tiquina ñañequina ijiyere tiquiro duiyere pehe masigũ yere tiquinare. Sa masiñe ohũ saha ni masiedare tiquina: “Cohãcjũ duiyere ye pehou. Sa yero Cohãcjũ usãre ‘Quehnoañequina ijire’, ni ihñare”, ne ni masiedare masa.

Cohãcjũre quehnoano mari wacũ tutuana tiquiro yequina wahaja mari

²¹ Sa ye Cohãcjũ Moisere tiquiro duiyere, tiquiro yere yahu mũhtariquina tiquina ojoari gũhũ Cohãcjũ masare tiquina ñañe yerire tiquiro borire yahuahye. Tiquiro

dutiye sa yahuepegūta yojoputa Moiserere tiquiro dutiri marieno masare tiquina ñañe yerire tiquiro borire yahure marine Cohācjū. ²² Ijipihtiyequina Jesucristore wacū tutuayequinare, tiquirore tuhoyequinare “Quehnoañequina ijire”, ni ihñare Cohācjū. Cohācjū ijipihtiyequinare ihcāno saha yeriquiro ijire. ²³ Mari ijipihitina ñañene yerina ijiaja. Sa yena Cohācjū tiquiro cahmediro sahata ne yeru. ²⁴ Mari sa yerapegūta mari Pacu marine tiquiro paja ihñagū mari ñañe yerire Jesucristo pehe bore. Tiquiro sa bogū “Quehnoana ijire”, ni ihñare Cohācjū marine Jesure wacū tutuanare. Mari esa tuharo ye dutiro marieno Jesu yedohoro mehna mari ñañe yerire bore. ²⁵ Panopu cjēna tiquina ñañe yerire ihñano Cohācjū duita buhiri dahrerahye tiquinare. Sa buhiri dahreraro tiquina ñañe yerire ihyo warota sa tuhutu cāno niedahye. Came tiquiro Jesucristore ohori jiri mari ñañe buhiri yariatiquirore tiquiro diire cohātiquirore. Jesucristore mari wacū tutuagū Cohācjū pehe mari ñañe yerire borota. Sa yero tiquiro nidiro sahata yeriquiro tiquiro ijiyere masigū yero niahye. ²⁶ Sa yero yojopure tiquiro nidiro saha yeriquiro tiquiro ijiyere masa tiquina masigū cahmene tiquiro. Sa yero Jesure wacū tutuayequinare quehnoañequina

tiquiro yerire tiquina masigū cahmene Cohācjū. Tiquiro sa yerire tiquina masiatire tiquiro macanore mari ñañe buhirire yariatiquirore ohori jiri.

²⁷ ¿Yojopure “Quehnoana ijiaja mari”, ni masiagari mari, masa tuhutugū? Tire ne ni masiedaja mari. ¿Dahsena tire ni masiedagari mari? ¿Cohācjū tiquiro dutiyere yena, “Quehnoana ijiaja”, ni masiboari mari? Ijierare. Ti gūhure ni masiedaja mari. Mari sa ni masiedapegūta Jesure mari wacū tutuagū “Quehnoana ijire”, ni ihñanota marine Cohācjū. ²⁸ Ohō saha masiaja mari: Jesure mari wacū tutuagū ihñano marine ihña coare Cohācjū. Sa yero marine “Quehnoana ijire”, ni ihñare tiquiro. Tiquiro ye dutiyere mari yeri wapa sa ni ihñedare. Tiquirore mari wacū tutuagū sa ni ihñare.

²⁹ Cohācjū judio masa puhtoro dihita ijierare. Judio masa ijieyequina puhtoro gūhu ijire tiquiro. ³⁰ Sa yero Cohācjū ihcāquirola ijiro, ijipihtiyequina puhtoro ijire. Sa ijiriquiro ijiro judio masa Jesure tiquina wacū tutuagū tiquinare “Quehnoañequina ijire”, ni ihñanota. Sa yero judio masa ijieyequina gūhu Jesure tiquina wacū tutuagū tiquina gūhure “Quehnoañequina ijire”, ni ihñanota Cohācjū. ³¹ ¿Sa yena Jesure wacū tutuana Cohācjū Moiserere tiquiro dutiyere cohāna niboari

mari? Cohãedaja mari tire. Jesure wacũ tutuana, Cohãcjũ dutiyere yena niaja mari.

4

Abrahã Cohãcjũre tiquiro wacũ tutuarire yahuahye Pablo

¹ Mari ñesũ m̃ññano iji m̃htariquirop̃re Abrahã m̃ññanore Cohãcjũ ohõ saha yeahye: ² Abrahã quehnoano tiquiro yepegũta “Quehnoariquiro ijire”, ni ihñedarĩahye Cohãcjũ tiquirore. Sa yero quehnoano yeperota ñariquiro ijinino “Ỹh̃h̃ pũrita quehnoagũ ijiaja”, ni masiedahye Abrahã, Cohãcjũ ihñagũ. ³ Cohãcjũ yere tiquina ojoari pũ ohõ saha nine: “Abrahã Cohãcjũ tiquiro nidire quehnoano t̃hogũ, Cohãcjũre tiquiro wacũ tutuagũ Cohãcjũ tiquirore ‘Potota quehnoariquiro ijire’, ni, ihñahye”, ni ojoahye tiquiro yere tiquina ojoari pũp̃.

⁴ P̃h̃toro dahrayequinare wapa yero, ihyo waro tiquiro paja ihñañe mehna wapa yero niedare. Tiquina dahrari wapa tiquinare wapa yero nine. ⁵ Cohãcjũre wacũ tutuayequina pehere dahrayequinare tiquiro wapa yero saha yerare Cohãcjũ. Cohãcjũre wacũ tutuariquirore “Quehnoariquiro ijire”, ni ihñare Cohãcjũ. Tiquiro sa ni ihñagũ ti quehnoañe tiquiro yeri wapa ijierare.

Cohãcjũ pehe tiquirore cahmeñequinare quehnoañequina wahagũ yere. Sa yero masũno Cohãcjũre tiquiro wacũ tutuagũ ihñano “Quehnoariquiro ijire”, ni ihñare Cohãcjũ tiquirore. ⁶ Sata niahye panop̃ cjãno Davi m̃ññano. Masũno quehnoano tiquiro yepegũta Cohãcjũ pehe ihña coeranine. Cohãcjũre tiquiro wacũ tutuagũ ihñano Cohãcjũ ihña coare. Sa yero tiquirore “Quehnoariquiro ijire”, ni ihñare. Tiquiro sa ni ihñanohriquiro masũno pehe tiquiro bucuyere yahuahye Davi m̃ññano. Ohõ saha niahye:

⁷ Tiquina ñañe yerire tiquiro bonohriquina pehe tutuaro bucuere. ⁸ “Quehnoañequina ijire. Tiquina ñañe yerire wacũsi ỹh̃h̃”, Cohãcjũ sa ninohriquina tutuaro bucuere, niahye Davi m̃ññano.

⁹ ¿Judio masa tiquina cuhnucuñ sohtoa cahserogãre ỹh̃re nenohriquina dihitare tiquina ñañe yerire boyari Cohãcjũ? Ijierare. Judio masa ijieyequina ỹh̃re nemehneñequina gũh̃re tiquina ñañe yerire bore tiquiro. Pari turi Abrahãre wacũña masa. Tiquiro Cohãcjũre wacũ tutuagũ ihñano “Quehnoariquiro ijire”, ni ihñahye Cohãcjũ. ¹⁰ ¿D̃h̃se ijigũ sa yeari Abrahã, masa t̃hotugũ? Tiquiro cuhnucuñ so-

htoa cahserogãre tiquiro yãhre neato panoputa tiquirore “Quehnoariquiro ijire”, ni ihñahye Cohãcjũ. Sa yero yãhre nenohno, tiquiro ñãñe yerire bo tuhasanohriquiropũ yãhre nenohahye. ¹¹ Sa yero duita Cohãcjũre wacũ tutua mãhtahye Abrahã. Tiquiro sa wacũ tutuagũ ihñano “Quehnoariquiro ijire”, ni ihñahye Cohãcjũ tiquirore. Sa tiquiro wacũ tutuayere, Cohãcjũ yaquiro tiquiro ijiyere tiquiro ihñoatore Cohãcjũ tiquirore cuhnucunũ sohtoa cahserogãre yãhre ne dutiahye. Sa yero Abrahã tiquiro yãhreato pano Cohãcjũ pehe “Quehnoariquiro ijire”, ni ihña tuhasahye tiquirore. Tiquiro yãhre neato pano tiquiro sa ihñariro saha ijipihtiyequina Cohãcjũre wacũ tutuayequinare judio masa ijieyequina yãhremehneñequinare “Quehnoañequina ijire”, ni ihñare Cohãcjũ. Tiquiro sa ni ihñañequina tiquina ijigũ Abrahã tiquina ñecano manano waro ijiriro saha wahare. ¹² Tiquina yero sahata judio masa, yãhrenohriquina Cohãcjũre tiquina wacũ tutuagũ tiquina ñecano manano poto ijie tiahye Abrahã. Tiquiro yãhreato pano Cohãcjũre wacũ tutuahye. Sa ye tiquiro yero saha wacũ tutuayequina judio masa Abrahã panamena iji turiayequina

ijire.

Cohãcjũ Abrahãre tiquiro ni cũrre “Poto tjire”, niahye Abrahã

¹³ Panopũ ohõ saha niahye Cohãcjũ Abrahãre. “Ahri yehpare mãhũre, mãhũ panamena iji turiayequinapũ gãhũre ohoutja”, ni, cũahye Cohãcjũ Abrahãre. Ti dutiyere tiquiro quehnoano yeri wapa sa niedahye Cohãcjũ tiquirore. Abrahã Cohãcjũre tiquiro wacũ tutuari wapa pehere sa niahye Cohãcjũ tiquirore, “Quehnoariquiro ijire”, tiquirore tiquiro ni ihñari bato. ¹⁴ “Cohãcjũ Moisere tiquiro cũri dutiye dihitare yero cahmene”, nine judio masa. Sa niñequina Cohãcjũre wacũ tutuaro marieno ahri yehpa ijipihtirore ne duare. Wacũ tutuaro marieno tiquina negũ mari pehe Cohãcjũre mari wacũ tutuaye dũhseati ijieraboaya. Sa yero Cohãcjũ marine tiquiro ni cũri dũhseati ijieraboaya. ¹⁵ Moisere tiquiro cũri dutiye pehere yerare masa. Sa ye ti dutiyere tiquina yerari buhiri ahri yehpare tiquinare neno basioerare. Sa yero ti dutiyere tiquina yãhdũdũcari buhiri masare buhiri dahrerota Cohãcjũ. Sa ye ti dutiye mariedagũ ti dutiyere yãhdũdũcaro gãhũ mariedaboaya.

¹⁶ Sa ye Cohãcjũre wacũ tutuayequina dihita tiquiro ohoatire neeta. Abrahã Cohãcjũre wacũ tutuahye. Sa yero ijipihtiyequina

tiquiro yero saha Cohãcjũre wacũ tutuayequina tiquina ñecano potó yero saha tojoare Abrahã. Sa yero “Ahrire m̄sare ohoutja”, Cohãcjũ nino ijipihtiyequinare tiquirore wacũ tutuayequinare nino niahye. Sa ye Cohãcjũ Moiserere tiquiro dutirire yeyequina Cohãcjũre wacũ tutuayequina Cohãcjũ ohoatire neeta. Tiquina dihita nesi. Ijipihtiyequina Abrahã yero saha Cohãcjũre wacũ tutuayequina gũhũ tiquinare tiquiro ohoatire neeta. ¹⁷ Tire Abrahãre tiquiro nidiro sahata ojoahye panop̄re: “ ‘Peye macari cjẽna tiquina ñecano ijiacjũre cũu m̄hũre’, ni cũahye Cohãcjũ Abrahãre”, ni ojoahye panop̄. Sa yero tiquiro Cohãcjũre wacũ tutuahye. Sa ye tiquiro yero saha mari wacũ tutuagũ mari ñecũ ijigũ yeahye Cohãcjũ tiquirore. Cohãcjũ pehe yariariquinare masoriquiro, ijipihtiyequinare bajumehnediquiro ijire. Sa yero ijipihtiyere, yojop̄re mariedagũ gũhũre bajumehneatiquiro ijire.

¹⁸ “Peye macari cjẽna m̄hũ panamena iji turiayequina ijieta”, Cohãcjũ tiquiro sa nigũ Abrahã pehe pohna mariediquiro ijieperota, “Ijirota ijire”, ni tũhotuahye. ¹⁹ Sa yero cien c̄hmari c̄horiquiro ijieperota pohna dahre masieniquiro ijieperota Sara tiquiro namono ne pohna mariedicoro ticoro ijiepegũta

“Pohna ti masiedaja usã”, ni tũhotuerahye Abrahã. Sa yero Cohãcjũ tiquiro ni cũrire “Ijirota ijire”, niahye Abrahã. ²⁰ “Tiquiro nidiro sahata yeraboaga”, ne ni tũhotuerahye Abrahã. Sa yero tiquiro Cohãcjũ cũrire quehnoano tũhoahye. Sa niñene tũhotjiãno “Cohãcjũ tutuariquiro ijire”, ni ño peoro niahye. Sa yero Cohãcjũre wacũ tutua nemoahye tiquiro. ²¹ “Cohãcjũ tiquiro nidiro sahata quehnoano ye masine”, ni tũhotu quehnoano masiahye Abrahã. ²² Tiquiro sa masigũ Cohãcjũre tiquiro wacũ tutuagũ Cohãcjũ pehe “Quehnoariquiro ijire”, ni ihñahye Abrahãre. Sata ni ojoahye Cohãcjũ yere tiquina ojoari pũp̄.

²³ Sa ye Abrahã dihitare sa ni ojoerahye. ²⁴ Tire mari masiatire mari gũhũre sa ni ojoahye. Sa yero Cohãcjũre mari wacũ tutuagũ “Quehnoana ijire”, ni ihñanota mari gũhũre Cohãcjũ. Tiquiro pũrita mari pũhoro Jesu tiquiro yariagũ masori jiri tiquirore. ²⁵ Jesu pehe mari ñañe buhiri yariari jiri. Tiquiro yariari bato masa wijiari jiri tiquiro Cohãcjũ marine “Quehnoana ijire”, tiquiro ni ihñatire.

5

“Quehnoana ijire”, Cohãcjũ ni ihñagũ ohõ saha waharota marine

¹ Jesucristore mari wacũ tutuagũ ihñano “Quehnoana

ijire”, ni ihñare marine Cohãcjũ. Tiquiro sa ni ihñagũ Cohãcjũ mehna cjãna marine ijigũ yere mari pũhtoro Jesucristo. ² Sa yena mari tiquirore wacũ tutuagũ ihñano Cohãcjũ marine cahĩno, pecapũ wahaborinare yũhdũori tiquiro mehna mari ijiato saha. Cohãcjũ pũrita quehnoa yũhdũariquiro ijire. Sa yero tiquiro yero saha ijigũ yerota marine tiquiro. Tiquiro sa yeatire quehnoano masiaja mari. Sa yena bucueaja. ³ Mari ñano yũhdũna gũhũ bucueaja mari. Ñano yũhdũna, tire dũca cjã mari. Sa dũca cãna, ñano yũhdũepenata quehnoano Cohãcjũre wacũ tutuana wahaja mari. Sa yena Cohãcjũ yere duhueraja mari. ⁴ Mari sa yegũ ihñano “Quehnoare”, ninota Cohãcjũ marine. Tiquiro sa nigũ marine tiquiro yũhdũoatire quehnoano masiaja mari. ⁵ Sa yero Cohãcjũ marine tiquiro yaquiro Espĩritu Santore ohori mari mehna ijiatiquirore. Sa yero Espĩritu Santo pehe mari mehna ijiro Cohãcjũ marine tiquiro sa cahĩducuyere masigũ yere. Tiquiro sa masigũ yegũ marine tiquiro yũhdũoati quehnoano waro ijiro nine. Potota yũhdũnata mari.

⁶ Sa yero mari ñaÑe yerire mari basi mari yũhdũo masiedagũ tiquiro queoriro esagũ mari ñaÑe buhirire Cristo yariahye.

⁷ Quehnoañe dihitare

yeriquirore yũhdũoro taro apequiro variaboaga ape taha yero. ⁸ Mari pehe ñana mari ijiniepegũta marine yũhdũoro taro Cristo yariahye. Tiquiro sa yegũ Cohãcjũ marine tiquiro tutuaro cahĩÑene masiaja mari. ⁹ Mari ye buhirire tiquiro sa yariagũ tiquiro dii wijiagũ Cohãcjũ pehe marine “Quehnoana ijire”, ni ihñare. Tiquiro sa ni ihñari bato yojopũ pehere marine pecapũ wahaborinare yũhdũorota Jesu. “Quehnoana ijire”, tiquiro niato pano marine yũhdũoeranidi. Yojopũ pehere marine Cohãcjũ yequina tiquiro yeri bato marine buhiri dahresi pecapũ Cohãcjũ. ¹⁰ Sa yena Cohãcjũre ihña tuhtina mari ijiniepegũta tiquiro macũno yariaro, mari ñaÑe yerire cohãri. Sa cohãno Cohãcjũre mari mehna usueragũ yeri tiquiro. Sa yena tiquiro yequina wahaja mari. Yojopũ pũritare ti yũhdũo cjũno yerota marine. Tiquiro yequina mari ijigũ Jesu tiquiro masa mũjari mehna, marine pecapũ wahaborinare quehnoano yũhdũorota tiquiro. ¹¹ Camerũ mari yũhdũatire bucueaja. Yojopũre ahri gũhũre bucueaja. Mari pũhtoro Jesucristo mari ñaÑe buhirire tiquiro yariari bato Cohãcjũ yequina ijiaja mari. Sa yena bucueaja.

*Adãre, Cristore yahuahye
Pablo Roma cjẽnare*

¹² Adán tiquiro ñañene yeri bato ahri yehpare ñañe iji ducahye. Ñañe iji ducagū masa yaria ducahye. Ijipih-tina mari ñañene yeaja. Sa yena ijipih-tina ñana mari ijiri buhiri yariaja. ¹³ Cohācjū tiquiro dutiyere Moiserē tiquiro cūato pano potota ahri yehpa cjēna ñañene yee tiahye. Tiquina sa yepegūta ti dutiye mariedagū ti dutiyere tiquina yuhduducari buhiri buhiri dahre masiedahye. ¹⁴ Tiquiro sa buhiri dahre masiedapegūta Adán gūhu tiquiro bato ijiyequina gūhu dutiye mariedapegūta yarie tiahye. Moise tiquiro ijato pano dutiye mariedapegūta masa yarie tiahye. Apequina ñañe yeye Adán tiquiro ñano yeriro saha waro yera timahye. Sa ijiepetā tiquina gūhu yarie tiahye. Sa yero Adán ñañene tiquiro ye ducariro saha yoari batopu ahri yehpapu ahtariquiro quehnoañene ye ducari jiri.

¹⁵ Adán tiquiro yuhduducari Cohācjū masare tiquiro paja ihñañe yero saha ijierare. Cohācjū tiquiro paja ihñañe pehe quehnoa yuhduducare. Adán ihcāquirola ijieperota ñañene tiquiro ye ducari buhiri peyequina masa yarie tiahye. Cohācjū pehe marine paja ihñano, Jesucristore ohori jiri. Sa yero tiquiro ihcāquirola ijiriquiro pecapu wahaboriquinare masare peyequinare yuhduducare. ¹⁶ Sa yero Cohācjū masare tiquiro paja ihñañe Adán tiquiro

yuhduducari yero saha ijierare. Adán pehe ihcāquirola ijiriquiro ñañene tiquiro yeri buhiri ijipihtiyequina masa buhiri tiyequina ijire. Sa tiquina buhiri tiyequina ijiepegūta masa pajiro ñañene tiquina yepegūta yojopure masare paja ihñano Cohācjū tiquina ñañene bore. Sa boro “Quehnoañequina ijire”, ni ihñare tiquiro tiquinare. ¹⁷ Adán ihcāquirola ijiriquiro ñañene ye ducagū ijipihtiyequina masa yariaducure. Ti poto tjire. Sa ijiepegūta ahri pehere bucuenata mari. Yojopure Cohācjū masare paja ihñano Jesucristo ihcāquirola ijiriquiro tiquiro yariari mehna tiquina ñañene boro, tiquinare “Quehnoañequina ijire”, ni ihñare. Sa ye ijipihtiyequina tiquiro sa ni ihñañequina uhmusepu Cristo mehna puhtoia ijietā.

¹⁸ Ihcāquirola Adán ñañene ye ducagū ijipihtiyequina ñañene ye ducahye. Tiquina sa yegū Cohācjū buhiri dahrerota tiquinare. Apequiro Jesu pehe quehnoañene tiquiro yegū ijipihtiyequina tiquina ñañene bonohriquina iji masine. Ñañene tiquiro bonohriquina tiquina ijigū “Quehnoañequina ijire”, ni ihñanota tiquinare Cohācjū. Sa ye ijipihtiyē decori tiquiro mehna ijiducuetā tiquina. ¹⁹ Ihcāquirola Adán Cohācjūre yuhduducahye. Tiquiro sa yegū peyequina masa ñano yeyequina iji

dūcahye. Sa yero ape-
quiro Jesu pehe Cohācjūre
yūhtiahye. Tiquiro sa yegū
peyequina masa tiquina
ñañe yerire bonohriquina
wahahye. Tiquina sa wahagū
“Quehnoañequina ijire”, ni
ihñahye Cohācjū tiquinare.

²⁰ Cohācjū dutiyere Moi-
sere cūahye ijipihtiequina
masa tiquina ñañene tiquina
quehnoano masiatire. Sa
ye masa tiquina ñañene
masiñe, ti yūhdūoro Cohācjū
tiquinare tutuaro tiquiro
cahñene masieta. Tiquiro
marine cahī yūhdūare.
²¹ Tiquina ñañene tiquina
yeri buhirire masa yaria-
tiquina ijire. Sa ye pecapū
wahaeta. Cohācjū mari Pacū
pehe masare cahī yūhdūare.
Tiquiro sa tutuaro cahīgū
mari pūhtoro Jesucristore
tiquiro ohogū tiquiro pehe
masare quehnoañequina
wahagū yere. Sa ye tiquinare
“Quehnoañequina ijire”,
Cohācjū tiquiro ni ihñagū
tiquina ijipihtie decori
tiquiro mehna sa ijiduceta.

6

*Yariariquina muna tiquina
ñañene yerariro saha Cristo
yequina gūhū ñañene yedu-
cuerare*

¹ ¿Dūhse yenatari mari
yojopare, mūsa tūhotugū?
¿Cohācjūre marine cahī
nemo duti duana ñañene
ye nemoboagari mari?
² Ijierare. Ñañene yeracāhna
mari. Yariariquina muna
ñañene tiquina yerariro
saha Cristo yequina ijina

mari gūhare ñañene yeraro
cahmene. ³ Sa ye Jesu
yequina mari ijiyere masa
tiquina masiatire aco mehna
wame yeri marine apequina.
Jesu mari ñañe yeri buhiri
yariari jiri. Sa yena tiquiro
yequina ijina, mari ñañe
yerire ye duerū. Sa yena
duhuu. Tiquiro mari ñañe
buhiri yariari jiri. ⁴ Sa yena
Cristo pagare masa copepū
tiquina ya cohāriro sahata
mari ñañe yerire duhuaja.
Sa yena mari Pacū tiquiro
tutuaye mehna Cristo tiquiro
masa mūjariro saha mari
gūhū tiquiro tutuaye mehna
quehnoañe pehere comesaja.
Sa yena quehnoana wahaja.

⁵ Sa yena Cristo yequina
ijina Cristo yariaro ahri
yehpa cjā pagare tiquiro
cohāriro saha mari gūhū yari-
ariquina tiquina duhuriro
saha mari ñañe yerire duhuu.
Sa yena Cristo yequina
ijina tiquiro masa mūjariro
sahata mari gūhū quehnoana
ijinata. Ti poto tjire. ⁶ Cristo
yequina iji dūcana tiquiro
mehna yariariquina yero
saha wahaū pari turi mari
ñañene yerato saha. Sa wa-
harina ijina ñañene yeducu
nemosi mari. Tire mari masi-
aja. ⁷ Yariariquiro mūnanopū
ñañene ye nemoedare.
⁸ Cristo mehna yariariquina
yero saha ijina, tiquiro masa
mūjariro sahata mari gūhū
quehnoana ijinata. “Ti
poto tjire”, ni tūhotuaja
mari. ⁹ Cristo tiquiro yaria
masa mūjari bato ne pari
turi yariasi. Apequiro

tiquirore pari turi yariagũ ye masiedare. Tire mari masiaja. ¹⁰ Sa yero Cristo ihcã taha yariaro, masa tiquina ñañe yerire cohãno taro yariahye. Tiquiro catiriquiro ijiro mari Pacu tiquiro cahmeno sahata yeducuatiquiro ijire tiquiro. ¹¹ Tiquiro yero sahata m̄sa gũhũ ohõ saha ni tãhotuya: “Yariariquina m̄na tiquina yeraro saha mari gũhũ ñañene yeraja. Jesu yequina ijina mari Pacu tiquiro cahmeno sahata yeana ja ijina niaja mari gũhũ”, ni tãhotuya m̄sa.

¹² Sa yena m̄sa yari- anaja ijina ñañene yedu- cueracãhña. Sa yena m̄sa ñañe ye duayere tutuaro cahmepenata tire sa tãhotu cãhña. ¹³ Ñañene yeracãhña. Pecapũ wahaborina Jesu tiquiro yũhdnonohrina ijire m̄sa. Tiquiro sa yenohrina ijina Cohãcjũ cahmeñe di- hitare yeya m̄sa. Sa yena quehnoañene yeya m̄sa. ¹⁴ Yojopũre Cohãcjũ Moiserẽ tiquiro dutiye mehna marine dutierare. Cohãcjũ marine cahño tiquiro pehe marine dutire. Sa yena tiquiro yedohoro mehna ñañene ye duasi mari.

M̄sa ñañene yeducugũ ti ñañe m̄sa pũhtoro yero saha ijire

¹⁵ ¿Yũhũ sa nigũ dũhse ni tãhotuajari m̄sa? ¿Cohãcjũ pehere yũhtianaja ijina Moiserẽ tiquiro dutiyere yũhtianaja ijierana, ñañene

yeducuboagari mari? Ijier- are. Yeducusi. ¹⁶ ¿Ahrire masiedajari m̄sa? M̄sa quehnoano yũhtiriquiro m̄sa pũhtoro ijire. Sa yena tiquiro cahacjãna ijire m̄sa. M̄sa sa yũhti m̄sa pũhtoro tiriro sahata ñañene yeducuna m̄sa ijigũ ti ñañe m̄sa pũhtoro yero saha ijire. Sa yena ñañene duhu masiedare m̄sa. Sa yena ijina pecapũ wahanaja ijire m̄sa. Cohãcjũre quehnoano ño peona ijina tiquiro ca- hacjãna ijire m̄sa. Sa yena tiquiro yequina quehnoana ijire m̄sa. ¿Tire masiedajari m̄sa? ¹⁷ Panopũ ñañene yeducuna m̄sa ijigũ ti ñañe m̄sa pũhtoro yero saha ijimedi. Yojopũ pe- here quehnoañe buheyere tãhona Jesure wacũ tutuana Cohãcjũre quehnoano ño peona wahari m̄sa. Tire masigũ “Quehnoare”, niaja Cohãcjũre. ¹⁸ Sa wahana yojopũre ñañe ti dutiro saha yerare m̄sa. Sa yena Cohãcjũ cahacjãna ijina quehnoañe pehere yere m̄sa. ¹⁹ Cahacjẽna pũhtoare tiquina quehnoano ño peoyere masi pehore m̄sa. Sa yegũ ti m̄sa masidi mehna queoye mehna buhei m̄sare “Ahri buheyere m̄sa esa tuharo tãhoeraboaga”, nigũ. Panopũ ñañene yedu- cuna ijimedi m̄sa. M̄sa sa yeducuriro sahata yojopũ pehere quehnoañene yedu- cuna ijiya m̄sa. Sa yena Cohãcjũ cahmeñe dihitare yenata m̄sa.

²⁰ Panopu ñañe dihitare yerina ijina, quehnoañe pehere yera tiri musa. ²¹ ¿Ti pjepure ñañe dihitare yena yabere wapataru musa? Ti musa ñañe yerire wacuna yojopure bue tiaga musa. Ti ñañene musa yeri buhiri pecapu wahaboaya musa. Sa yena ñañene yena ne wapataerare musa. ²² Yojopu pehere musa ñañe yerire duhuna Cohãcjũ cahacjãna wahari musa. Sa yena Cohãcjũ cahmeñe dihitare yena ijinata. Sa yena ijipihtiye decori Cohãcjũ mehna ijinata. ²³ Ñañene mari yeri buhiri pecapu wahanaja ijiaja ijipihtina mari. Mari sa ijiepegũta mari puhtoro Jesucristore mari wacũ tutuagũ ihñano, ijipihtiye decori tiquiro mehna marine ijiducugũ yerota. Mari sa ijiducuatire sa oho cãnota.

7

Cohãcjũ Moisere tiquiro ohori dutiyere yahu nemoahye Pablo

¹ Yuhu acaye, Cohãcjũ Moisere tiquiro dutirire quehnoano masine musa. Masano tiquiro catinigũ ti dutiyere yuhduca dutiare. Tiquiro yariari bato puritare ti dutiyere yero basioerare. Ti gũhare masine musa. ² Ohõ saha ijire: Numinore ticoro manano mehna dihita iji dutire Cohãcjũ Moisere tiquiro dutiri pehe. Tiquiro sa dutiepegũta ticoro manano yariari bato ticoro pehe apequirore manũ ti

masine. Ticoro ti dutiro mehna iji nemoedare. Ohõ saha ni yahure ti dutiye. ³ Sa yero ticoro manano tiquiro catiepegũta ticoro apequirore manũ tiro, ñano yero nine ticoro. Sa ijieperota ticoro manano yariari batopu apequirore manũ tiro, Cohãcjũ dutiyere yuhducaerare ticoro sa yericoro. Sa yero ñano yericoro ijierare ticoro.

⁴ Musa gũhu yuhu acaye Jesu yequina wahana, dutiyere musa yeri wapa tiquiro yequina wahaerare musa. Sa yena yariariquina mana dutiye mehna tiquina ijieraro saha musa gũhu ti dutiye mehna ijierare. Musa Cristo ya curua cjãna ijire. Sa yena yojopure tiquiro yequina ijire musa. Tiquiro pehe yariari bato masa mujari jiri Cohãcjũ cahmeno saha mari yeatire. ⁵ Panopu ñañene mari esa tuharo yee timi. Sa yena Cohãcjũ Moisere tiquiro dutirire mari masidi bato ti dutiyere yuhduca duami. Ti dutiye mariedagũ yuhduca dueraboya. Sa yena ti dutiyere mari masidi bato ñañene tutuaro yemi mari. Sa mari ñañene yena mari pecapu wahaborinata ijie timi. ⁶ Sa wahaborina ijiepenata Cristo yequina ijina yojopure ti dutiye mehna ijieraja mari. Sa yero Espiritu Santo mari mehna ijiriquiro marine quehnoañe pehere came-sagũ yere. Tiquiro sa yegũ panopu cjẽ dutiye tiquiro

ojoari ti mehna ijieraja mari yojopure.

Tiquiro ñañe yerire yahuahye Pablo

⁷ ¿Sa yena Cohãcjũ Moiserere tiquiro dutirire dahse niboagari mari? ¿Ti dutiye ñañe ijiagari, mûsa tãhotugũ? Ijierare. Ti dutiye mehna ñañene masii. Sa yegũ ti dutiye mariedagũ ñañene masiedaboya yũhũ. Ti dutiye ohõ saha ijire. “Apequina yepure tutuaro cahmedacãhña”, niahye ti dutiye. Sa niedagũ apequina yepure tutuaro cahmeñe ti ñañe ijigũ masiedaboya yũhũ. ⁸ Sa yegũ ti dutiyere yũhũ masidi bato apequina yepure tutuaro cahmee timi yũhũ. Ti dutiyere masiedagũ apequina yepure tutuaro yũhũ cahmeñe ti ñañe ijigũ masiedaboya yũhũ. ⁹ Ti dutiyere yũhũ quehnoano masiato pano sa tãhotu cãhũ. Sa yegũ ti dutiyere yũhũ masidi bato tutuaro ñañene ye duami. Sa yegũ pecarũ yũhũ wahatire masie tii. ¹⁰ Sa ye Cohãcjũ dutiyere yũhdũdũcaeraye, masa tiquiro mehna quehnoano ijiducuboya. Sa ye ti dutiye pehe quehnoano ijiducugũ yebori dutiye ijire. Sa ijieperota yũhũ yũhdũdũcari buhiri yũhũre pecarũ waha dutimedi. ¹¹ Sa yegũ ñañene yegũ Cohãcjũ Moiserere tiquiro dutiyere yũhdũdũca duami. Ñañene tutuaro cahmegũ yũhũ ijigũ quehnoañene masiedũ. Ti ñañe pehe

yũhũre dojomehnedi. Sa yegũ quehnoano masiedũ. Sa masiedagũ Cohãcjũ dutiyere yũhdũdũcaũ. Sa yegũ ti dutiyere yũhũ masidi bato yũhũ ñañe buhirire pecarũ yũhũ wahaborirore masii. Ti dutiye mehna sa masii.

¹² Sa ye Moiserere tiquiro cũri dutiye quehnoañe ijire. Sa ye queoro ijirota nine ti dutiye. ¹³ ¿Sa ijieperota marine ti quehnoañe dutiye pehe pecarũ wahagũ yeajari? Ijierare. Topũ wahagũ yerare. Mari ñañe yeye pehe marine pecarũ wahagũ yere. Ti dutiyere mari masidi bato ti dutiyere yũhdũdũcana, ñañene yena mari ijiyere masiaja mari. Sa yena mari ñana mari ijiyere masina, mari pecarũ wahati gũhũre masiaja mari. Sa yena ti dutiyere masina mari yũhdũdũcarire ti ña yũhdũaye ijigũ masiaja mari.

¹⁴ Moiserere tiquiro dutiri Cohãcjũ pehe tiquiro cũri ti ijigũ masiaja mari. Yũhũ pehe apequina yero saha ñagũ ijiaja. Sa yegũ ñañene yeducugũ ijiaja. ¹⁵ Sa yeducugũ ijiepegũta yũhũ yerire ne masiedũ yũhũ. Yũhũ cahmeno saha yeraja yũhũ. Sa yegũ yũhũ tutuaro ye dueramedireta yeaga yũhũ. Sa yegũ yũhũ yerire ne masiedaga yũhũ. ¹⁶ Sa yegũ ñañene ye duerapegũta ñañene yeaja yũhũ. Tire yegũ Cohãcjũ dutiye quehnoañe ijigũ masiaja yũhũ. ¹⁷ Sa yegũ yũhũ waro ti ñañene yojopure

yeraja. Yuhũ tuhhotuyepũ ijiye ñañe ti pehe yuhũre ñañene yegũ yere. ¹⁸ Quehnoañene tutuaro ye duepegũta ne cũedaga. Ñañe pehe yuhũre dojomehne mũjare. Ahri yehpa cã yuhũ ijigũ yuhũ tuhhotuyepũ ñañe dihita ijire. Ne quehnoañe mariedabutiare. ¹⁹ Quehnoañe yuhũ ye duaye pehere ne yeraja yuhũ. Yuhũ ñañene yuhũ ye dueye pehere yeaja. ²⁰ Sa yegũ yuhũ ye dueyere yegũ yojopũre yuhũ waro tire yeraja. Yuhũ tuhhotuyepũ ijiye ñañe ti pehe yuhũre ñañene yegũ yere.

²¹ Sa yero yuhũre ohõ saha wahare: Quehnoañene yuhũ ye duepegũta yuhũ tuhhotuyepũ ñañe ijire. Sa yegũ quehnoañe pehere yeraja. ²² Cohãcjũ Moiserere tiqũiro dutirire yuhũ tuhhotuye mehna tutuaro cahmeaja. ²³ Sa yegũ yuhũ ahrire masiaja: Yuhũ tuhhotuye mehna quehnoañene ye duaja. Sa ye duepegũta yuhũ basi ñañene tutuaro ye duaja. Sa yegũ yuhũ esa tuharo ñañene duhu masiedaga yuhũ.

²⁴ Sa ñañene duhu masiedagũ pejecũogũ ijiaja yuhũ. Ñañene yegũ pecapũ wahagũta yuhũ. Yohnah. ¿Yuhũ ñañene yuhũre pecapũ waha dutiye ñañene noa yuhũre cohã basaboagari? ²⁵ Jesucristore yuhũ wacũ tutuagũ tiqũirota yuhũ ñañene cohãnota. Tiquiro sa yegũ Cohãcjũre “Quehnoare”, niaja yuhũ. Sa yegũ yojopũre

yuhũ basi yuhũ tuhhotuye mehna Cohãcjũ dutiyere yeaja. Sa yegũ ijiepegũta yuhũ esa tuharo ijigũ ñañe pehe yuhũre ñañene yegũ yere.

8

Espĩritu Santore cũoyequina tiquina ijiye tiyere yahuahye Pablo

¹ Yojopũre Jesucristo yequinare tiquina buhiri tiato mariedare. [Tiquina ñañe tutuaro cahmeñene yerare. Sa ye Espĩritu Santo tiqũiro dutiro saha yeducure tiquina.] ² Sa yero Jesucristo yaqũiro yuhũ ijigũ Espĩritu Santo ñañene duhugũ yere yuhũre. Sa yero Espĩritu Santo ijipihtiye decori Cohãcjũ mehna ijigũ yere yuhũre. Ñañene yuhũre duhugũ yero yuhũre pecapũ wahaborigũre yuhũdũore tiqũiro. ³ Cohãcjũ Moiserere tiqũiro dutirire mari esa tuharo ne ye pehosi. Sa ye pehoerana yuhũdũdũcana ijiaja mari. Sa yena mari ijigũ Cohãcjũ marine yuhũdũoeranidi. Mari sa ijina ijiepegũta ohõ saha Cohãcjũ marine yuhũdũorota. Tiquiro mari ñañe buhirire yariatiquirore, ti ñañene cohãtiquirore tiqũiro macũnore ohoahye. Sa yero tiqũiro macũno mari yero sahata pagũ tiahye. Sa yero mari tuhhotuyepũ ijiye ñañene tiqũiro cohãri. ⁴ Marine sata yeri Cohãcjũ dutiyere tiqũiro tutuaye mehna mari ye pehoatire. Ti dutiyere ye pehona ijina mari esa

tuharo ijieraja. Sa ijina Espíritu Santo yedohoye mehna tiquiro dutiro sahata yeaja mari.

⁵ Ñañene ye duayequina, ti dihitare tutuaro cahmene. Espíritu Santo dutiro sahata yeducuyequina pehe ti dihitare ye duare tiquina.

⁶ Ñañene ye duayequina ti dihitare tutuaro cahmeñe, pecap_u wahaeta. Espíritu Santo cahmeno sahata tutuaro ye duayequina pehe ijipihtiye decori Cohãcjũ mehna ijieta. Sa ye tiquina quehnoano iji cãeta.

⁷ Tiquina esa tuharo yeyequina Cohãcjũre ihña tuhtire. Tiquina Cohãcjũ dutiyere ne yuhtierare. Tiquiro dutiyere yuhti duerare. Yuhti masiedare tiquina. ⁸ Sa ye tiquina esa tuharo yeyequina Cohãcjũre bucuẽgũ ye masiedare.

⁹ M_usa pehe m_usa esa tuharo yerare. Espíritu Santo m_usa mehna ijigũ tiquiro cahmeno sahata yere m_usa. Sa ye Espíritu Santore cuoyequina pehe Cristo yequina ijierare. ¹⁰ M_usa pehe tiquiro yequina ijire. M_usa ñañe buhiriti m_usa paguri yariare. Sa m_usa paguri yarianaja ijiepenata Cristo m_usa mehna tiquiro ijigũ tiquiro mehna sa ijiducunata m_usa. Cohãcjũ m_usare “Quehnoana ijire”, tiquiro ni ihñagũ m_usa tiquiro mehna sa ijiducunata. ¹¹ Cohãcjũta Jesure masori jiri. Sa masoriquiro ijiro Espíritu Santo mari mehna tiquiro

ijiducugũ mari yariari bato Cohãcjũ mari gũhare masonota. Sa masono mari pagurire yariati pagurire catigũ yerota marine.

¹² Yu_hu acaye, tiquiro sa yegũ ihñana ñañe mari tutuaro cahmedire yeracũhna.

¹³ Mari ñañene yerina ijina, pecap_u wahaborina iji cãnata niaja. Espíritu Santo yedohoye mehna ñañe yeyere duhurina ijina, ijipihtiye decori Cohãcjũ mehna ijinata.

¹⁴ Ijipihtiyequina Espíritu Santore yuhtiyequina Cohãcjũ pohne ijire.

¹⁵ Espíritu Santo mari mehna tiquiro iji ducagũta Cohãcjũ pohna iji ducap_u. Sa yena tutuaro mehna tiquiro dutinohrina ijieraja mari. Sa yena panop_u mari cueriro saha yojop_u pehere mari cueraja. Tiquiro pohna ijina, Espíritu Santo yedohoye mehna yojop_ure “Yu_hu Pac_u”, niaja mari Cohãcjũre. ¹⁶ Sa yero Espíritu Santo mari wacũñep_u marine ohõ saha masigũ yere: Potota Cohãcjũ pohna ijiaja mari. Tire marine masigũ yere tiquiro. ¹⁷ Sa yena tiquiro pohna ijina, Cohãcjũ ijipihtiyere tiquiro pohnene tiquiro “Ohoutja”, tiquiro nidire mari pehe cuonata. Jesucristo mehna mari cuonata tire. Cristo yere mari yeri buhiri ñano yuhdurina ijina mari tiquiro mehna uhmusep_u quehnoano bucuẽye mehna iji cãnata. Sa yena Cohãcjũ tiquiro pohnene “Ohoutja”,

tiquiro nidire cnonata mari.

18 Yojoꝛꝑꝛe ahri yeh-
papꝛ ꝑꝛano yꝛhdꝛĩaja mari.
Cameꝛꝑꝛe mari aꝑꝛꝑꝛe
quehnoano iji cānata. Sa
yena yojoꝛꝑꝛe ꝑꝛano yꝛhdꝛna,
pajiro bꝛꝑꝛa witi wacũ
tꝛhotueracũhna. Ahri mari
ꝑꝛano yꝛhdꝛi sa iji cāno
nine. Came quehnoano iji
cānata Cohācjũ mehna. Sa
yena tutuaro bucuenata.
Ahri pũrita ihyo waro ijier-
are. 19 Cohācjũ pohna ijina
Cohācjũ mehna quehnoano
ijinata. Mari sa wahatire
cohteducuro saha yero
nine Cohācjũ bajumehnedi.
20 Ijipihtiꝛꝑꝛe tiquiro
bajumehnedi quehnoano
ijiborire dojomehneahye
masno ꝑꝛano ye dꝛcaro. Ti
esa tuharo sa wahaerahye.
Ñañe iji dꝛcari bato tiquiro
bajumehnedi sa wahahye.
Sa yero Cohācjũ tiquiro
bajumehnedire sata ꝑꝛano iji
dutiniahye. Came tiquiro
bajumehnedire quehnoañe
wahagũ yerota tiquiro.
21 Sa yero Cohācjũ tiquiro
bajumehnedire ahba pi-
htiborire quehnoañe wa-
hagũ yerota tja. Cohācjũ
pohnene quehnoañequina
tiquiro wahagũ yeriro sa-
hata, tiquinare quehnoano
tiquiro yꝛhdꝛoriro sa-
hata quehnoañe wahagũ
yerota Cohācjũ tiquiro ba-
jumehnedire. 22 Ijipihtiye
Cohācjũ tiquiro bajumehnedi
ꝑꝛano ti iji dꝛcari bato ꝑꝛano
yꝛhdꝛe tiahye. Numino
niji wahcõno ticoro ꝑꝛano

yꝛhdꝛo sahata tiquiro ba-
jumehnedi gũhꝛ decoripe
ꝑꝛano yꝛhdꝛducure. Tire
mari masiaja. 23 Mari
pehe Espĩritu Santore cnona
ijiaja. Tiquiro yequina
mari wahagũ Cohācjũ tiquiro
yaquiro Espĩritu Santore
duita ohori marine. Tiquiro
bajumehnedi yero sahata
mari gũhꝛ ꝑꝛano yꝛhdꝛaja.
Sa yena quehnoañe pehere
tiquiro comesatire tutuaro
cohteaja. Sa yena tiquiro
pohna mari tiquiro mehna
mari quehnoano ijiato
gũhꝛe tutuaro cohteaja
mari. Wahma ꝑꝛagꝛe ma-
rine tiquiro ohoati gũhꝛe
cohteaja. 24 Mari sa co-
htena ijigũ, tiquirota ma-
rine ꝑꝛcapꝛ wahaborinare
yꝛhdꝛore. Tiquiro cahapꝛ
ijirina ijina tiquiro cahapꝛe
mari wahatire cohteraboya
mari. Marine tiquiro yꝛhdꝛo
tuhasari bato ijigũ tire cohte
nemoedaboya. 25 Sa yena
tiquiro ohoatire ihñedapenata
Cohācjũ marine tiquiro
yꝛhdꝛoatire cohtena, sa
cohteducuaja.

26 Sa yena Cohācjũre
wacũ tutuera cjũna tiquiro
cahmeñene quehnoano
masiena mari ijigũ Espĩritu
Santo marine yedohore.
Cohācjũre mari quehnoano
sini masiedaja. Espĩritu
Santo pehe marine Cohācjũre
tutuaro sini basare. Marine
tutuaro paja ihñano marine
tiquiro Cohācjũre tutuaro
sini basare. 27 Cohācjũ
cahmeno sahata marine
Jesu yequinare sini basare

Espíritu Santo. Tiquiro sa sini basagũ Cohãcjũ mari tuhotuyere masi pehoriquiro ijiro, Espíritu Santo tiquiro sini basarire masine.

*Cristo tiquiro tutu-
aye mehna ñaÑe yeyere
yuhducanata mari*

²⁸ Ahrire yuhũ yahuatire masiaja mari: Ijipihtina Jesure cahĩna mari ijigũ tiquiro cahmeÑene yeana-jare beseahye marine. Sa ijina mari ijigũ ihñano Cohãcjũ sa ihña ihboducure marine. Sa yena mari ñano yuhdupenata ñano yuhduducu dojoeraja. Cohãcjũ tiquiro yedohoro mehna quehnoano jinata mari. ²⁹ Cohãcjũ marine tiquiro yequinare duitapata masi tuhasahye. Sa masino tiquiro macũno Jesu tiquiro ijiro sahata marine iji dutiro, marine quehnoañe pehere comesa duti tuhasahye. Tiquiro macũno yero saha marine iji dutiahye tiquiro peyequina masa tiquiro macũnore mari wahmi tiatire. ³⁰ Panopũ tiquiro yequina tiquiro iji dutirina mari ijigũ, tiquiro pohna mari ijiatina gũhure beseahye marine. Sa yero marine tiquiro beserinare tiquiro “Quehnoañequina ijire”, ni ihñare. Marine tiquiro sa ninohrinare tiquiro mehna uhmusepũ quehnoano ijigũ yerota marine Cohãcjũ.

³¹ Tire masina ohõ saha tuhotuaja mari: Cohãcjũ

marine tiquiro cahñonare ne apequina ihña tuhtiyecũedare. ³² Cohãcjũ mari ye buhirire yariatiquirore tiquiro macũnore ohoahye. “Yuhũ macũre cahñaja. Sa yegũ tiquirore ohoeraja”, niedahye tiquiro. Marine sa tutuaro yedohoriquiro ijiro, ijipihtiyere mari cahmeÑe duhsarire marine oho pehorota. ³³ Cohãcjũ beserina mari ijigũ, tiquiro marine “Quehnoana ijire”, ni ihñari. Mari sa ijina ijigũ apequina marine “Ñana ijire”, ne ni yahusã masiedare. ³⁴ Cristo mari ye buhirire yaria masa wijiahye. Sa yero Cohãcjũ poto pehepũ yojopũre tiquiro ijire dutiriquiro ijiro. Sa yero tiquiro marine potota sini basaro nine Cohãcjũre. Sa ye apequina pehe marine ne buhiri dahre duti masiedare. ³⁵ Cristo marine tiquiro tutuaro cahĩgũ apequina tiquirore “Cahĩedacãhña”, ne ni masiedare. Cahĩ duhusi tiquiro. Mari ñano yuhdupepegũta, mari cuepegũta, apequina marine tiquina ñano yepegũta, mari ujna ahbaepegũta, suhti mariena mari ijiepegũta, cuaropũ mari ijiepegũta, marine tiquina wejẽpegũta Cristo marine sa cahĩducurota. ³⁶ Cohãcjũ yere tiquina ojoari pũpũ mari sa wahatire yahuro, ohõ saha nine:

Muhũ yequina usã ijiri buhiri apequina usãre sa wejẽ duaducure. Oveja tiquina wejõatiquina tiquina ijiriro saha usã

gãhure sa wahare, ni
ojoahye Cohãcjũ yere
tiquina ojoari pũpũ.

37 Sa yena mari ñano
yãhdũepenata Cristo marine
cahĩniquiro tiquiro yedo-
horo mehna tutuaro mehna
ñañene duhu pehonata mari.
38-39 Jesucristo yequina mari
ijigũ ihñano Cohãcjũ pehe
marine tutuaro cahĩne. Sa
yero tiquiro marine ne cahĩ
duhusi. Mari yariagũ gãhure,
mari catigũ gãhure, yojopũre,
camepũ gãhure, tiquiro
marine cahĩ duhusi. Sa ye
angele, watĩa pũhtoa, ahri
yehpa cjẽna pũhtoa, ãhmũse
cjẽna, ñañequina bajueye-
quina gãhũ Cohãcjũre “Mũhũ
yequinare cahĩedacãhña”,
tiquina niepegũta marine ne
cahĩ duhusi Cohãcjũ. Cohãcjũ
tiquiro bajumehnedi mehna
marine ne cahĩ duhugũ
yeye mariedare. Marine ne
tiquiro cahĩ duhusi.

9

*Israe masa Cohãcjũ be-
seriquina ijire*

1-2 Yũhũ acaye Israe masare
wacũgũ, tutuaro bũjũna witiaja
yũhũ. Cristore cahmedare
tiquina. Sa yegũ ñano bũjũna
witi jeripohna tiaja yũhũ. Ti
yũhũ sa ni yahuye ijirota ijire.
Yũhũ Cristo yaquirota ijiaja.
Sa yegũ mũsare potota niaja.
Sa yegũ Espĩritu Santo yũhũ
mehna tiquiro ijigũ yojopũre
yũhũ acayere yũhũ ni yahuye
ti potota ijigũ quehnoano
masiaja yũhũ. Tiquiro tire
yũhũre quehnoano masigũ
yere. 3 Israe masa yũhũ acaye

ya maca cjẽna pecapũ wa-
haeta. Cohãcjũre tiquinare
yũhdũo dutigũ ohõ saha
niboa yũhũ pehe: “Tiquina ye
buhirire yũhũ pehe pecapũ
wahaũtja. Sa yero tiquina ye
buhirire yũhũ pehere buhiri
dahreahro Cristo”, niboa
yũhũ. 4 Tiquina yũhũ acaye
Israe mũnano panamena iji
turiayequina ijire. Sa yero
Cohãcjũ pohne ijiatiquinare
cũahye Cohãcjũ tiquinare.
Sa yero Cohãcjũ tiquiro asi
siteye mehna tiquina watoa
ijie tiahye. Sa yero tiquina
ijipihtiyequinare tiquiro
masare tiquiro yũhdũoatire
yahue tiahye tiquinare. Sa
yero Moiserere tiquiro dutirire
duita cũ mũhtahye Israe
masare. Sa ye Cohãcjũre ño
peoati wũhũre ye mũhtae
tiahye tiquina. Sa yero
tiquinare tiquiro quehnoano
yeatire yahue tiahye Cohãcjũ.
5 Ûsã ye cururi waro doce
cururi waro ijire. Sa yena ãsã
ñecũsũmũna iji mũhtariquina
mũnapũ tiquina panamena
iji turianapũ ijiaja ãsã Israe
masa. Sa yero mari yero saha
pagũ tiriquire ahtaro, ãsã
acayũro Israe masũno waro
ijire Cristo. Tiquiro Cohãcjũta
ijire. Sa yero tiquiro ijip-
ihtiyequina pũhoro ijire.
Ijipihtiyede decori tiquirore
quehnoano ño peouhna
mari. Sa ño peoducuuhna.

6 Apequina Israe mũnano
panamena iji turiayequina
ijiepeta Cohãcjũ yequina
waro ijierare. Sa yena
tiquina tiquiro yequina
ijieragũ ihñana ohõ saha ni

tuhotuboa m̄sa: “ ‘Israe masare yeequina ijigũ yeitja’, nieperota ihquẽquinare Cohãcjũ tiquiro nidiro sahata yerare”, ni tuhotuboa m̄sa. Sa ni tuhotuercãhña. ⁷ Ohõ saha ijire: Apequina Israe masa Abrahã panamena iji turiayequina tiquina ijiepegũta “Abrahã panamena iji turiayequina waro ijire”, ni ihñedare Cohãcjũ tiquinare. Sa yero ohõ saha niahye Cohãcjũ: “M̄h̄ mac̄ Isaac panamena iji turiayequina tiquina pũrita potota m̄h̄ panamena iji turiayequina waro ijietã”, niahye Cohãcjũ Abrahãre. ⁸ Tiquiro sa ni yahugũ ahrire masinata mari: Abrahã panamena tiquina masa bajuari bato duita Cohãcjũ pohne waharĩedaga tiquina. Cohãcjũ tiquiro ni cũrre quehnoano tuhoyequina tiquirore wacũ tutuayequina pehe tiquinata ijiaga Cohãcjũ pohne. Sa ye tiquinata ijire Abrahã panamena iji turiayequina waro. ⁹ Ohõ saha niahye Cohãcjũ Abrahãre: “Ape cãhma ahri pje borota ȳh̄ majare tojoa tagũ m̄h̄ namono Sara nijinogãre c̄orota m̄h̄ mac̄re”, niahye Cohãcjũ Abrahãre. Sa nino Cohãcjũ Abrahã mac̄no tiquiro masa bajuatire yahuyuro niahye.

¹⁰ Came Isaac namono Rebeca wame t̄iricoro duita p̄aro pohna tiahye. Tiquina pac̄ro Isaac usã ñec̄ m̄nano iji turiariquiro ijiahye. ¹¹⁻¹² Sa ye tiquina

pohne tiquina masa bajuato pano quehnoañene, ñañe gũh̄re tiquina yeato pano Cohãcjũ tiquina pacoro ijiatricore ohõ saha nie tiahye: “Tiquiro bah̄ro pehe tiquiro wahminore dutirota. Sa yero tiquiro p̄h̄toro ijirota”, nie tiahye t̄icore. Cohãcjũ tiquiro cahmeno sahata besere tiquiro. Sa beseriquiro ijiro ihcãquirogãre besero t̄icore sata ni yahue tiahye. Sa yero masa tiquina yeyere ihñedaperota tiquiro cahmeno sahata tiquiro yequina ijiatiquinare besere. ¹³ Sata ni ojoahye tiquiro yere tiquina ojoari p̄p̄: “ ‘Jacob pehere cah̄e t̄i. Sa yeḡ Esaú pehere cah̄eda t̄i’, niahye Cohãcjũ”, ni ojoahye panop̄.

¹⁴ ¿Tire wacũna dahse ni tuhotuboardi mari? ¿Tiquina yeyere ihñedaperota ihcãquiore sa besero Cohãcjũ queoro yeraboari, m̄sa tuhotugũ? Ijierare. ¹⁵ Ohõ saha nie tiahye Cohãcjũ Moiserere: “Ȳh̄ cahmediquiro dihitare paja ihñautja”, niahye tiquiro Moiserere. Sa yero ihcãquiore sa besero potota yero niahye Cohãcjũ. ¹⁶ Sa yena mari esa tuharo mari cahmeno saha Cohãcjũre marine paja ihñagũ yeraja mari. Sa yero ne mari quehnoañene mari yeri wapa gũh̄re marine paja ihñedare tiquiro. Tiquiro esa tuharo tiquiro cahmeñequina pehere paja ihñare. ¹⁷ Sa yero sata tiquiro esa tuharo yeahye Egipto cjẽna p̄h̄toro gũh̄re. Ohõ saha niahye

Cohãcjũ tiquirore faraõre: “Egipto cjẽna pũhto ijicjũre cũgũ nii mũhũre yũhũ tutuayere ijipihtiyequinare yũhũ ihñõatire. Sa yegũ ijipihtiyehpari cjẽna yũhũre tiquina masiatire pũhto sõu nii yũhũ mũhũre”, niahye Cohãcjũ tiquirore. Ohõ sahata nine Cohãcjũ yere tiquina ojoari pũpũ. ¹⁸ Sa yero tiquiro cahmeñequinare tiquiro esa tuharo paja ihñare tiquiro. Sa yero tiquiro esa tuharo apequinare yũhtieragũ yere tiquiro. Sa yero Cohãcjũ tiquiro cahmediro sahata yere.

¹⁹ Tiquiro sa yeriquiro ijigũ ihñana yũhũ pehere ohõ saha niboaga mũsa: “Cohãcjũ marine tiquiro cahmediro sahata tiquiro yegũ mari pehe tiquirore yũhdũdũca masisi. ¿Mari sa yũhdũdũca masiedapegũta dũhse ijiro boro marine buhiri dahre duajari tiquiro?” ni pihopũri sinituboaga mũsa yũhũre. ²⁰ Ohõ saha ni yũhtiaja mũsare: “¿Masa ihyo ijina ijiepenata Cohãcjũre tuhtiajari mũsa? Dihi sutu dahreriquirore ¿Dũhsegu yũhũre ohõ saha ijiri sutu yeri mũhũ?” ti sutu ni sinituboriro saha nina niaga mũsa Cohãcjũre. Sa ni masiedare mũsa. ²¹ Dihi sutu dahreriquiro dihi mehna tiquiro cahmeno sahata yere. Sa yero quehnoañene pose yeati suture ye masine tiquiro. Tia dihi yũbũ mehnata ihyo ijiyere pose yeati sutu gũhũre ye masine

tiquiro. Tiquiro yero saha Cohãcjũ gũhũ tiquiro ye duaro sahata yere.

²² Sa yero Cohãcjũ pecapũ tiquiro cohãtiquinare tiquina ñañe yerire tiquiro ihña usuaro tiquinare buhiri dahre duamahye. Sa buhiri dahre dueperota, yoari pje tiquina ñañe yeyere sa ihña cãriahye, ijipihtiyequinare tiquiro buhiri dahreatire, tiquiro tutuayere ihñono taro.

²³ Sata yeahye Cohãcjũ tiquiro quehnoa butiariquiro tiquiro ijiyere, tiquiro tutuaye gũhũre mari masiatire. Panopũ marine tiquiro paja ihñanohanajare tiquiro beseahye, ijipihtiyehpari tiquiro tutuayere tiquiro quehnoañene mari cõoatire. ²⁴ Sa yena mari pehe tiquiro beserina ijinata niaja. Sa ye tiquiro beseriquina pehe ihquẽquina judio masa dihita ijierare. Ihquẽquina judio masa ijieyequina gũhũ ijire tiquiro beseriquina. ²⁵ Sata nine judio masa ijieyequinare Cohãcjũ yere Osea mũnano tiquiro ojoariro sahata:

Yeequina ijieyequina gũhũre camepũ tiquinare “Yeequina ijire”, nitija. Sa yegũ yũhũ cahñeñequina gũhũre camepũ tiquinare “Yũhũ cahña ijire mũsa”, niitja, niahye Cohãcjũ. ²⁶ “Yeequina ijierare mũsa”, Cohãcjũ tiquiro nimeri yehpari cjẽna tiquina Cohãcjũ catiriquiro pohmeta

ijjeta, ni ojoahye Osea panopure.

²⁷ Sa yero panopure cjäno Isaia munano Israe masare ohõ saha ni yahuahye: “Pajiri ma cjä padure pjerigäre mari queona cüedaja. Israe masa ti padure pjerigäre yero saha ijiyequina peyequina ijiepegäta meheñequinagã Cohãcjũ yuhduorota tiquinare.

²⁸ Cohãcjũ ahri yehpa cjenare peyequina masare sojaro mehna potota buhiri dahre madoqueorota”, niahye Isaia. ²⁹ Sa yero pari turita ohõ saha ni ojoahye Isaia:

Mari puhtoro ijipihtiyequina puhtoro meheñequinagã mari mehna cjenare yuhdueraro, marine judio masare ijipihinare butigũ yeboya tiquiuro. Sodoma cjenare, Gomorra cjenagãhure tiquiuro butigũ yeriro sahata mari gãhure butigũ yeboya tiquiuro, ni ojoahye Isaia yahũ acaye Israe masare tiquiuro yeato panopure.

Judio masa quehnoañe buheyere cahmedahye

³⁰ Sa tjire. Sa yena ahrire masi nemoña musa: Judio masa ijiyequina Cohãcjũre macaedapeta tiquiurore bocare. Jesucristore tiquina wacũ tutuagũ, “Quehnoañequina ijire”, ni ihñari tiquinare Cohãcjũ. ³¹ “Cohãcjũ dutiyere mari yegũ tiquiuro marine yuhduorota”, niñe

judio masa pehe Cohãcjũ Moiserere tiquiuro dutiyere yepeta, cüedari. Sa yero ti dutiyere tiquina yepegäta Cohãcjũ “Quehnoañequina ijire”, ni ihñedari. Sa ye quehnoañequina iji duepeta cüedari. ³² Ohõ saha ye, tiquina cüedari: Tiquina Cohãcjũre wacũ tutuaro marieno tiquina esa tuharo Moiserere tiquiuro dutirire ye duamedi, tiquiuro yequina iji duaye. Mari queoye mehna buhegũ Cristo utã yero saha ijiriquiro ijire. Omaperiquiro utãpũ doque wahã sa bora quehero, tiquiuro esaborirore ne eserare. (Tiquiro yero saha tiquina Cristore utã yero saha ijiriquirore cahmeeñequina Cohãcjũ cahapure ne esasi.) ³³ Sata ni ojoahye Cohãcjũ yere tiquina ojoari pũpũ:

Jerusalẽ wame tiri macapure utã yero saha ijiriquirore cũgũ niaja. Mari queoye mehna buhegũ ohõ saha ijire: Omaperiquiro utãpũ doque wahã sa bora quehero tiquiuro esaborirore eserare. (Tiquiro yero saha ti maca cjenã utã yero saha ijiriquirore tiquina cahmedari buhiri Cohãcjũ cahapure ne esasi. Tiquiro pehe tiquinare topure waha dutisi.) Sa ye tiquiurore wacũ tutuayequina pehe quehnoano bucueta, ni ojoahye.

10

¹ Y^hh^u acaye, Israe masare pecap^u wahaboriquinare Cohācjū tiquiro y^hhd^uoatire, tutuaro y^hh^u jeripohna mehna cahmesāja y^hh^u. Sa yeg^u Cohācjū tiquinare tiquiro y^hhd^uoatire sini basaja y^hh^u. ² Potota tiquina Cohācjū cahmeñene ye duamene. Sa ye duepeta tiquiro cahmeñene masiedare. ³ Sa ye tiquinare Cohācjū tiquiro quehnoañequina wahagū yeborire tiquina masiedare. Sa masiedaye tiquina esa tuharo quehnoañene yepeta, cūedari. Tiquina sa yegū Cohācjū tiquiro wacū tutua dutiriro sahata tiquina yeragū ihñano, tiquiro pehe tiquinare “Quehnoañequina ijire”, ni ihñedari. ⁴ Ijipihtiyequinare Cristore wacū tutuayequinare “Quehnoañequina ijire”, ni ihñare Cohācjū. Sa yena dutiye yeye mehna y^hhd^u witeraja mari. Cristo mehna y^hhd^uaja.

⁵ Moise m^unano panop^u cjāno ohō saha ni ojoahye: “Cohācjū dutirire mari duhuro marieno ye pehogū Cohācjū y^hhd^uorota marine”, ni ojoahye tiquiro. ⁶⁻⁷ Tiquiro sa ni ojoaepegūta yojopare masa Cristore tiquina wacū tutuagū Cohācjū tiquinare “Quehnoañequina ijire”, ni ihñare. Ti buheye quehnoañequina wahagū yeri buheye ohō saha ni yahure: Cristo tiquiro basi ahri yehpap^u wihi tuhasari jiri. Sa yero masa m^uja tuhasari

jiri. Sa yena ohō saha ni t^uhotueracāhña m^usa: “¿Diquiro pehe y^hm^usep^u Cristore ne cāhta basaro wahaboagari marine tiquiro y^hhd^uoato saha? ¿Diquiro pehe yariariquina cahap^u Cristore maso basaro ne cāhtaboagari? Tiquirore ne cāhtaboriquiro mariedare”, ni t^uhotueracāhña m^usa. ⁸ Sa yero ohō saha ni yahure Cohācjū yere tiquina ojoari pūp^u: “Cohācjū ye buheyere mari macagū ti buheye ohōp^u ijire. Ti buheyere masi tuhasare m^usa. Sa yena ti buheyereta yahuducue tire m^usa”, ni ojoahye. Ti buheyere Cristore wacū tutuaye buheyere masare yahuaja ^usā. ⁹ Ti buheye ohō saha ni yahure: “Jesu mari p^uhtoro ijire”, ni mari yahugū, “Cohācjū Jesure yariariquirore potota masori”, ni mari t^uhotugū, Cohācjū marine pecap^u wahaborinare y^hhd^uorota. ¹⁰ Jesure mari wacū tutuagū Cohācjū pehe marine “Quehnoana ijire”, ni ihñanota. Sa yero Jesure mari wacū tutuayere apequinare mari yahugū tiquiro marine pecap^u wahaborinare y^hhd^uorota.

¹¹ Ohō saha nine Cohācjū yere tiquina ojoari pūp^u: “Cohācjūre wacū tutuayequina tiquirore tiquina wacū tutuarire ne b^uj^ua wisisi”, niahye Cohācjū yere tiquina ojoari pūp^u. ¹² Judio masare, judio masa ijieyequina g^uhare Cohācjū ihcāno saha yedohore. Mari

pũtoro ijipihtiyequina pũtoro ijire tiquiro. Sa yero ijipihtiyequinare tiquirore siniñequinare quehnoano pajiro ohorota tiquiro. ¹³ Ohõ saha ni ojoahye panopũre: “Yũhũ ñañene cohãña. Sa yegũ yũhũre yũhdũoya”, ni mari pũtorore masa tiquina sinigũ tiquinare pecapũ wahaboriquinare mari pũtoro yũhdũorota”, ni ojoahye Cohãcjũ yere. ¹⁴ Sa ye masa Cristore wacũ tutueraye tiquirore sini masiedare tiquina. Sa ye tiquiro buheyere tũhoeraye, tiquirore wacũ tutua masiedare. Sa ye tiquiro buheyere yahuriquiro mariedagũ tire tiquina ne masisi. ¹⁵ Sa ye tiquiro ye buheyere yahuatiquinare Cohãcjũ pehe tiquiro ohoreragũ tiquiro ye buheyere yahu masiedare. Tire ojoahye Cohãcjũ yere tiquina ojoari pũpũ: “Quehnoañe buheyere yahuatiquina tiquina ahtagũ ihñana quehnoano bucueaja mari”, ni ojoahye panopũre.

¹⁶ Ti sa ijiepegũta masa peyequina quehnoañe buheyere tũho duerare. Sata ni ojoahye Isaia mũnanao: “Pũhto, tiquinare mari yahurire tiquina ne tũho duerari”, ni yahuahye Isaia Cohãcjũre. ¹⁷ Sa ye masa quehnoañe buheyere tũhoye Cristore wacũ tutuari. Sa ye Cristo yequina tiquiro yere tiquina yahugũ, tiquiro ye buheyere tũhore masa.

¹⁸ Sa yegũ ahrire sinitu

duaja mũsare: ¿Israe masa Cohãcjũ yere tũhoera tiari, mũsa tũhotugũ? Poto waro tiquina tũhomedì. Sata nine Cohãcjũ yere tiquina ojoari pũgũhũ:

Cohãcjũ yere yahuyequina ijipihtiropũ yahu siteye wahari. Sa ye ijipihtiro cjẽnapũ tiquiro yere tũhori, ni ojoahye panopũ.

¹⁹ Pari turi mũsare sinitu duaja tja: ¿Israe masa tũhoepeta quehnoano masiedari tiquina, mũsa tũhotugũ? Masie timahye. Ahrire yahu nemogũ Moise nidire yahu mũhtaũtja. Ohõ saha ni ojoahye tiquiro:

Ohõ saha ni yahure Cohãcjũ Israe masare: “Tũho masieñequina, ñañequina, ihyo ijiyequina ijire”, ni mũsa ihñañequinare yeequina ijiatiquina yelitja. Yũhũ sa yegũ mũsa pehe tiquinare ihña coonata. Sa yegũ mũsare usuagũ yelitja yũhũ, ni yahuri Cohãcjũ Israe masa ijieyequinare tiquiro yequina ijigũ yero taro, ni ojoahye Moise.

²⁰ Ape pũpũre Isaia cuero marieno ohõ saha niahye:

Ohõ saha nine Cohãcjũ: Yũhũre macaedariquina pehe yũhũre bo-cari. Sa yegũ yũhũre cahmeeñequinare tiquinare yũhũre masigũ yei yũhũ, nidi Cohãcjũ, ni ojoahye

Isaia judio masa ijieye-
quinare.

²¹ Israe masa pehere ohō saha ni ojoahye Isaia: “Ohō saha nine Cohācjū: Tiquina yuhure yuhduducayequina, yuhure cahmeeñequina ijire. Sa yegu tiquinare tiquina ñañene buja witi dutigu ‘Yeequina ijiya’, sa niducumi tiquinare”, nidi Cohācjū, ni ojoahye Isaia.

11

*Meheñequinagã Israe
masare pecapuh waha-
boriquinare yuhdurota
Cohācjū*

¹ ¿Sa yero Israe masare Cohācjū tiquiro beseriquinare yojopure cohāyari tiquiro, masa tūhotugū? Ijierare. Tiquinare cohāedari tiquiro. Yuhuh gūhu Israe masu, Abrahā panami iji turiagupuh ijiaja. Sa yegu Benjami ya curua cjū ijiaja yuhuh. ² Panopuh Israe masare Cohācjū beseetiahye. Tiquiro sa beseriquinare cohāedari. Cohācjū yere tiquina ojoari pūpuh Elia manano tiquiro yerire yahure. ¿Ti pūpuh Israe masare Elia Cohācjūre tiquiro yahusārire masiedajari masa? Ohō saha ni yahusāhye tiquiro: ³ “Pūhto Cohācjū, tiquina Israe masa mūhu yere yahu mūhtariquinare wejēdi. Sa ye tiquina mūhure wacū usā ño peoye altarire cohāri. Sa yegu yuhuh dihita mūhu yaquiro dūhsaja yojopure. Yuhuh sa ijigū tūhoye yuhuh gūhure wejē

duare tja, yojopure”, niahye Elia Cohācjūre. ⁴ Tiquiro sa nigū tūhoro Cohācjū pehe ohō saha ni yūhtiahye Eliare: “Siete mil umua yeequina ijire yojopure. Tiquinare ihbou yuhuh. Baal wame tiquiro queoyere ne ño peera tiri tiquina, yeequina”, niahye Cohācjū Eliare panopure cue dutieraro. ⁵ Tjere Elia tiquiro ijiri tjere tiquiro yequina masare beseriro sahata yojopuh gūhure meheñequinagã Israe masare tiquiro yequina ijiatiquinare beseri jiri Cohācjū. Cohācjū tiquinare paja ihñano beseri jiri. ⁶ Quehnoañene tiquina yeri wapa tiquinare beserari jiri. Tiquinare paja ihñano beseri jiri. “Quehnoañene masa yeri wapa masare beseitja”, nino, tiquiro tiquinare potota paja ihñano niedaboya.

⁷ Sa ye ohō saha ijire. Israe masa Cohācjū tiquinare “Quehnoañequina ijire”, tiquiro ni ihñagū cahmepeta tiquina ihcāno sahaerari. Cohācjū tiquiro basi tiquiro beseriquina pehe quehnoañequina tiquiro yequina wahari jiri. Apequina pehe tiquirore ihcāno sahaeraye, tiquina pehe tiquiro yere tūho duerari. ⁸ Sata niahye Cohācjū yere tiquina ojoari pūpuh: “Cohācjū tiquirore cahmeeñequinare tiquiro yere tūhoeyequina ijigū yeri. Sa yero potota ijiyere tiquina tūhoepēgūta tiquinare quehnoano tūhogū

yerari Cohãcjũ. Sata ijiducure tiquina yojopũ gãhũre”, ni ojoahye panopũre. ⁹ Sa yero ohõ saha niahye Davi panopũ cjũno Cohãcjũre:

Tiquina Israe masa tiquina bose decori tiquina bucueye decori yeye, ñano yere tiquina. Tiquina sa yegũ ihñagũ buhiri dahreya mũhũ. ¹⁰ Tiquinare quehnoano tũhoeragũ yeya mũhũ. Sa ye sa buhiri tiducuyequina ijiahero tiquina. Sa ye sa bujũna witiducuenta, niahye Davi Cohãcjũre.

Judio masa ijieyequinare pecapũ wahaboriquinare yũhdũorota Cohãcjũ

¹¹ ¿Judio masare Cristore tiquina cahmedagũ ihñano Cohãcjũ tiquinare cohãno, cohã bo cãno niboari, mũsa tũhotugũ? Cohã bosì tiquinare. Sa cohãedaperota tiquina Cristore tiquina cahmedagũ yojopũre judio masa ijieyequina pehere Cohãcjũ yũhdũorota. Yojopũre tiquinare tiquiro yequina wahagũ yeri Cohãcjũ. Tiquiro sa yegũ ihñañe ihquẽquina judio masa pehe tiquinare ihña cooboa. ¹² Judio masa tiquina yũhdũducagũ tiquina quehnoano yeragũ apequina pehere ahri yehpa cjẽnare ihquẽquinare Cohãcjũ yũhdũori.

Tiquiro sa yũhdũogũ tiquina pehere quehnoano wahari. Tiquiro sa yeriro yũhdũoro, came

judio masa pehe Cristore tiquina quehnoano wacũ tutua dũcagũ pũritare ahri yehpa cjẽnare quehnoa yũhdũaro waharota.

¹³ Yojopũre mũsare judio masa ijienare yahugũ tũn niaja. Cristo cũri yũhũre judio masa ijieyequinare buheacjũre. Sa buhegũ ihyo waro yei niedaja. ¹⁴ Sa niaja yũhũ acayere judio masare mũsare tiquina ihña coogũ ye duagũ. Cohãcjũ yũhdũorina mũsa ijigũ ihñañe tiquina gãhũ Cristore cahme, tiquiro yũhdũoriquina wahaboa. ¹⁵ Judio masare mehenogã cohãbo curero, judio masa ijieyequina pehere quehnoañe buheyere Cohãcjũ yahu dutiri. Ti buheyere tiquina tũhori bato Jesure tiquina wacũ tutuari bato ihquẽquina ahri yehpa cjẽna Cohãcjũ yequina wahari. Sa ye judio masare mehenogã tiquiro cohãbo curegũ quehnoano wahari ahri yehpa cjẽnare. Tiquiro sa yeriro yũhdũoro judio masare tiquiro yequina ijiatiquina tiquiro yegũ pũrita quehnoa yũhdũaro waharota ahri yehpa cjẽnare. Tiquiro yequina tiquina wahagũ peyequina masa Jesure wacũ tutuayequinare pecapũ wahaboriquinare yũhdũorota.

¹⁶ Ohõ saha ijire: Mehenogã trigo yũbũ Cohãcjũre ño peo tiquina duhu peori yũbũ quehnoari yũbũ Cohãcjũ tiquiro yegũ, dũhsari yũbũ gãhũ quehnoari yũbũta ijire.

Sa yero yucugũ nahcori quehnoagũ, tu dapuri gãhu quehnoañe dapuri ijire. (Ohõ saha mari ni queoye mehna buhegũ Abrahã usã ñecu manano quehnoariquiro tiquiro ijiriro sahata tiquiro panamena iji turiayequinapũ gãhu quehnoañequina ijieta Cristore wacũ tutuayequina ijiye.)

17 Ihquẽquina sa ijiatiquina tiquina ijiepegãta apequina tiquina acaye pehere judio masare Cohãcjũ mehenõ cohãbo cureri. Olivo wame tidũ dapurire ihquẽ dapurire tiquiro dũte cohãboriro saha apequina judio masa pehere Cohãcjũ mehenõ cohãbo cureri. Sa yucugũ dapurire cohãno tiquiro cohãri dapuri ijiriroapũ apeye dapurire nucũ cjãnũ olivogũ dapurire camesa doho ohõri. Sata Cohãcjũ mäsare judio masa ijienare Abrahã panamena iji turianare camesari mäsare, mäsã gãhũre yũhdũoro taro. 18 Mäsare tiquiro sa cũgũ “Judio masa yũhdũoro quehnoana ijiaja usã”, ni tũhotueracãhña. Ahrire yũhu yahuatire wacũña mäsã: Judio masa pehere bese mũhtahye Cohãcjũ. Sa besero tiquina acayũro ijiatiquirore cũahye Cristore, marine yũhdũoro taro. Sa yena “Judio masa yũhdũoro quehnoana ijiaja”, ni tũhotueracãhña mäsã.

19 Mäsã judio masa ijiena pehe ohõ saha niboã: “Ihquẽ ñañe dapurire tiquiro cohãboriro saha Cohãcjũ

judio masare cohãbo cureri ihquẽquinare. Sa cohãbo cureri tiquiro apeye dapurire camesa tiquiro doho ohõno saha tiquiro yequina marine cũno taro”, niboã mäsã judio masare yũhdũoca duana. 20 Ti mäsã ññe ijirota ijire. Sa ijiepegãta tiquina Jesure tiquina wacũ tutuerari buhiri Cohãcjũ cohãbo cureri tiquinare. Sa yero mäsã gãhũre Jesure mäsã wacũ tutueragũ tiquiro yequina ijianaja mäsare cũedaboaya. Sa yena “Judio masa yũhdũoro quehnoana ijiaja usã”, niedacãhña mäsã. Sa niedana Cohãcjũre quehnoano ño peoya. 21 Hmũ tãñe dapuri yero saha judio masa pehe Cohãcjũ yequina iji mũhtahye. Tiquiro camesari dapurire tiquiro doho ohõboriro saha camepũ Cohãcjũ tiquiro yequina mäsã pehere cũahye. Sa yero tiquiro yequina iji mũhtariquina judio masa tiquirore tiquina wacũ tutueragũ, tiquinare cohãbo cureri. Tiquinare tiquiro cohãriro saha mäsã gãhũre cohãnota, tiquirore mäsã wacũ tutueragũ. Sa yena Cohãcjũre quehnoano ño peoya mäsã. 22 Cohãcjũ mäsare quehnoano yeriquiro tiquiro ijigũ masiña mäsã. Sa yena cua pesaro mehna buhiri dahreriquiro tiquiro ijigũ gãhũre masiña mäsã. Tiquirore ño peoyequinare tiquiro buhiri dahrerota. Sa mäsã tiquirore ño peoducugũ

pūrita māsare quehnoano yerota tiquiro. Nō peoerana ñañe dūpūrire tiquiro cohāboriro saha mūsa gūhūre cohānota Cohācjū. ²³ Sa yero judio masa tiquiro cohābo cureriquina Cristore tiquina wacū tua dūcagū, yucūgū dūpūrire masa tiquina doho ohōno saha Cohācjū tiquiro yequina ijigū yerota tiquinare. Cohācjū tiquiro sa yeati tutuayere cūori. Sa yero tiquiro tiquinare ihquēquinare tiquiro yequina wahagū yerota. ²⁴ Mūsa judio masa ijiena ijina, nūcū cjānū olivogū dūpūri yero saha ijire mūsa. Sa ijina mūsa ijiepegū olivogū otedūpū nūcū cjē dūpūrire masa tiquina ohōno saha Cohācjū māsare tiquiro yequina ijigū yerota. Judio masa Cohācjū tiquiro bese mūhtariquina ijire. Sa yero tiquiro bese mūhtarina mūsa ijierapegūta tiquiro yequina māsare ijigū yeri tiquiro. Judio masare tiquiro bese mūhtariquina pehere tiquiro yequina ijigū ye duare. Tire tiquiro yegū māsare yero yūhdūoro mijoeda cjūre.

Came judio masare pecapū wahaboriquinare yūhdūorota Cohācjū

²⁵ Yūhū acaye, ahrire masa tiquina masiedarire māsare yahutja. “Yojoḡpūre ḡsā dihitarē besere Cohācjū. ḡsā pehe masi peho cjā”, mūsa ni tuhotuerato saha ahrire yahutja. Ohō saha ijire: Yojoḡpūre peyequina judio masa Cohācjūre tuho duasi. Sa ye

peyequina judio masa ijieyequinare Cohācjū tiquiro queoriro puno tiquiro yequina tiquiro yeri bato judio masa pehe tiquirore cahmeeta. ²⁶ Tiquina sa cahmegū ijipihtiequina tiquirore cahmeñequinare judio masa pecapū wahaboriquinare Cohācjū yūhdūorota. Cohācjū yere tiquina ojoari pūpū sata ni ojoahye:

Jerusalē wame tiri macapū judio masa ya macapū tiquinare yūhdūoatiquiro ahtarota. Sa yero Jacob panamena iji turiayequinare tiquina ñañe yerire tiquiro cohānota. ²⁷ Sa yegū tiquinare yūhdūogū panopū tiquinare yūhū ni cūriro sahata yei niaja, nidi Cohācjū, ni ojoahye Cohācjū yere tiquina ojoari pūpū.

²⁸ Yojoḡpūre tiquina judio masa Cristo yere ño peoeyequina Cohācjūre ihña tuhtire. Tiquina sa yegū yojoḡpūre mūsa pehe judio masa ijiena Cristore wacū tutua dūcari. Judio masa pehere Cohācjū bese mūhtahye. Sa yero judio masa ñecūsumūa mūna panopū cjēna tiquiro beseriquina tiquina ijigū yojoḡpū ijieyequina judio masa gūhūre tiquiro cahñe. ²⁹ Cohācjū tiquiro ni cūriro sahata masare tiquiro beseriro sahata potota yerota tiquiro. Tiquiro nidire bosī tiquiro. ³⁰ Panopūre

12

Cohãcjũ cahmeñene marine yeducu dutiahye Pablo

musa gãhu Cohãcjũre yũhdũdũcari jiri. Yojoþure judio masa Cohãcjũre tiquina yũhdũdũcagũ ihñano tiquiore musa pehere paja ihñano yũhdũhori. ³¹ Yojoþure judio masa tiquiore yũhdũdũcari. Tiquina sa yepegãta Cohãcjũ musare tiquiore paja ihñariro sahata tiquina gãhure cameþure paja ihñanota. ³² Ohõ saha ijire: Ijipihtiyequina masare “Buhiri tiyequina ijire”, nine Cohãcjũ. Sa yero ijipihtiyequina buhiri tiyequina tiquina ijigũ ihñano ijipihtiyequinare paja ihña masine tiquiore.

³³ Yohou. Cohãcjũ tutua yũhdũariquiore ijiajari. Quehnoano masi pehoriquiore ijire tiquiore. Sa yero tiquiore tãhotuyere, tiquiore yerire marine quehnoano masino basioerare. ³⁴ Ohõ saha ni ojoahye Cohãcjũ yere: “Cohãcjũ mari þuhtoro tiquiore tãhotuyere ne masa quehnoano masiedare. Sa ye masa tiquiore ‘Ohõ saha yeya’, ni masiedare. ³⁵ Sa ye masa Cohãcjũre apee borore tiquina ohori bato ‘Tiquiore marine wapamore’, ni masiedare masa”, ni ojoahye panopure. ³⁶ Cohãcjũ ijipihtiyere yeahye. Sa yero tiquiore tutuaye mehna ijipihtiyere ijigũ yere tiquiore. Sa ye ijipihtiyere tiquiore ye ijire. Tiquiore sa ijiriquiore ijigũ ijipihtiyere decori tiquiore ño peuhna mari. Sata yeducuuhna.

¹ Cohãcjũ marine tutuaro paja ihñari. Tiquiore sa paja ihñariquiore ijigũ ihñana yũhu acaye, musa basita Cohãcjũ yere yeducuya. Sa yena quehnoañe pehere comesarina, ñañe mariena ijiya. Musa sa ijigũ tiquiore bucuerotata. Sata yero cahmene marine Cohãcjũre ño peona. Sa yegu musare tire tutuaro ye dutiaja. ² Ahri yehpa cjẽna ñañequina tiquina yero saha ye nemoedacãhña musa. Sa yena musa tãhotuyepure quehnoañe pehere comesaya musa. Sa yena quehnoañe pehere comesarina ijinata musa. Sa comesana Cohãcjũ musare tiquiore ye dutirire masinata musa. Sa yena quehnoañene, Cohãcjũ cahmeñene, ñañe marieñene masinata musa.

³ Cohãcjũ yũhure paja ihñano musare buhe dutiro beseri yũhure. Sa yegu ijipihtinare musare ahrire ni dutieraja yũhu. “Quehnoa yũhdũhana iji yũhdũdũcaja usã”, ni tãhotueracãhña. Sa tãhotu cãhña. Jesure musa wacũ tutuari bato Cohãcjũ musare tiquiore yedohoro punota “To punota ye masiaja usã”, ni tãhotuya. ⁴ Ohõ saha ni yahu nemoutja yũhu: Mari omocari, mari dahpocãri, mari caperi, ijipihitiro mari pagupũ ijiye peye ijire. Mari pagupũ ijiye ihcã pagupũ ijiepetata sijoro saha ijiye dahraye dihitare chõre.

⁵ Mari queoye mehna buhegũ ahri yero saha ijire. Cristo pagũ yero saha ijina ihcã curuata ijiaja mari. Sa yena mari ijipihtina peyequina ijiepenata ihcã curuaputa ijiaja mari.

⁶ Cohãcjũ marine tiquiro yedohoro punota tiquiro tutuaye mehna ye dutire. Sa yero maripe sijoro saha ijiye dahrayere cũre tiquiro. Tiquiro sa yegũ marine tiquiro cũrire mari quehnoano yeihna. Sa ye Jesu yequina ohõ saha yeahro. Ihquẽquinare Cohãcjũ tiquiro yere yahuatiquinare cũre. Sa ye tiquina Cristore tiquina masino puno tiquiro yere quehnoano yahuahro. ⁷ Ihquẽquinare Cohãcjũ masare yedohoatiquinare cũre. Sa ye tiquina masare quehnoano mehna yedohoahro. Ihquẽquinare Cohãcjũ masare buheatiquinare cũre. Sa ye tiquina masare quehnoano buheahro. ⁸ Masare bucuegũ yeatiquina ijiye, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohoahro. Sa ye apequinare dutiyequina quehnoano mehna dutiahro. Sa ye pejecũoyequinare yedohoyequina bucueye mehna yedo-hoahro.

Jesu yequina ijina ohõ saha yena ijiaja

⁹ Apequinare cahña, potota cahña tiquinare. Sa

yena ñañene ihña yabina ijiaja m̄sa. Sa yena quehnoañe pehere cahmeña. ¹⁰ M̄sa bahanare m̄sa cahño sahata Jesu yequinare m̄sa mehna cjẽnare cahña. Sa yena m̄sa mehna cjẽnare quehnoano cahme ño peoya.

¹¹ Cohãcjũ cahmeñene yena, ne caperacãhña. Sa yena mari puhtoro tiquiro dutiriro sahata quehnoano bucueye mehna yeya.

¹² Cohãcjũ m̄sare pecapũ wahaborinare tiquiro yũhdũorinapũ ijire m̄sa. Tire masina bucueya m̄sa. Sa yena ñano yũhdũna, ihcãno sahaya “Cristo yere duhuari”, nina. Sa yena Cohãcjũre sa siniducuya.

¹³ Apee boro Jesu yequinare dũhsagũ ohoya tiquinare. Sa yena m̄sa ye wũhũsepũ masa tiquina esagũ quehnoano jeripohna ti, tiquinare piti caya.

¹⁴ M̄sare ñano yeyequina pehere quehnoa dutiya. Sa quehnoa dutina, tiquinare “Ñano yũhdũcũnahdo”, niedacãhña.

¹⁵ Apequina bucueyequina mehna ijina m̄sa gũhũ bucueya. Sa yena utiyequinare ihñana, uti dohoya.

¹⁶ M̄sa mehna cjẽna mehna quehnoano ijiaja m̄sa. Sa yena “Apequina yũhdũoro quehnoana ijiaja”, ni tũhotueracãhña. Ohõ saha ni tũhotuya. “Ihyo ijina ijiaja”, ni tũhotu, ihyo ijiyequina mehna ijiaja. Sa yena “Masi yũhdũdcana ijiaja usã”, ni tũhotueracãhña.

17 Apequina musare sa cūriquina tiquina ijigū tiquina ñano yepegūta, ihñana ijipihtina musa tiquinare ñano ye cahmedacāhña tiquinare yuhtiya. ² Mari bui Sa yena quehnoañene yeya, quehnoana musa ijiye tiyere yuhtierana Cohācjū tiquiuro ijiptiyequina masa tiquina bese cūriquinare yuhtuducana masiatire. ¹⁸ Tutuaro niaga mari. Sa yuhtuducariquinare mehna quehnoañene yeya Cohācjū pehe buhiri musa, ijipihtiyequina mehna dahrerota. ³ Quehnoañequinare musa quehnoano ijiatire. cwegū yeatiquina ijierare ¹⁹ Musa yuhtu cahña, yuhtu pehertoa. Ñañene yeyequina acaye apequina musare pehere cwegū yeatiquina ijiye tiquina ñano yepegūta tiquina. Quehnoañene yeya tiquina yero saha ñano ye musa pehtoare musa cuer- cahmedacāhña. Cohācjū atire. Sa yena cuesi musa. pehe musare tiquina ñano Quehnoañene musa yegū yeri buhiri buhiri dahreahro pehtoro pehe “Quehnoano tiquinare. Cohācjū yere yeri musa”, musare ninota. tiquina ojoari pūpu sata ni ⁴ Musa pehtoa musare ojoahye: “Yuhtu pehe masa yedohoatiquinata ijire musa tiquina ñano yeri buhiri quehnoano ijiatire. buhiri dahreacjū ijiaja. Sa ye ye tiquina musare yegu potota buhiri dahre- buhiri dahreatiquinata itja’, nine mari pehtoro”, ijire. Ijipihtiyequina ñañene ni ojoahye panopure. ²⁰ Sa yeriquinare buhiri dahre du- yena ohō saha yeya musa: turo Cohācjū tiquinare beseri. “Musare ihña tuhtiriquiuro Tiquina sa buhiri dahrea- tiquiuro ujua ahbagū ihñana tiquina ijigū ñañene yena nuña tiquiore. Tiquiuro musa pehtoare cueya. ⁵ Sa aco wuogū ihñana tiquiore yena mari pehtoare yuhtina, sihōña. Musa sa yegū tiquina buhiri dahreatire ihñano tiquiuro bue tirota”, cueracūhna. Sa yena ño nine mari pehtoro. ²¹ Sa peoye mehna “Quehnoañene yena apequina musare yero cahmene yuhture”, ni musa tiquina ñano yepegūta musa tuhoturo mehna quehnoano pehe tiquinare ñano ye yuhtiihna. ⁶ Musa pehtoare cahmedacāhña. Sa yena tiquina tiquina dahrayere cūri Cohācjū. Sa yena tiquina dahrayere tiquina yegū ihñana musa pehtoare wapa ne cohteyequinare wapa yere musa.

13

¹ Ijipihtiyequina pehtoare Cohācjū dihita cūre. Sa yero musa pehtoa gūhure Cohācjū bese cūre. Tiquiuro

⁷ Ijipihtiyequinare musa pehtoare quehnoano yuhtiya. Sa yena pehtoare

wapa ne cohteyequinare wapa yeya m̄sa. Sa yena p̄htoa pehe apeyere tiquina wapa ye dutigū ḡhure wapa yeya. Sa yena ijipihtiyequina p̄htoare quehnoano ño peoya. ⁸ Apequina masare wapamoedacāhña. Tiquirenare cahño cahmene. Sa ye cahĩ nemono cahmene. Tiquiro cahap̄ ijiriquirenare cahĩdiquiro Cohācjū dutiyere ye peho tuhasariquirenare ijire. Sa yena m̄sa caha ijiyequina ḡhure cahĩña. ⁹ Ohō saha nine Cohācjū dutiye: “Apequirenare namono mehna ñano yeracāhña. Masare wejēdacāhña. Yaqueracāhña. Apequina yere tutuaro cahmedacāhña”, ni yahure tiquiro dutiye. Apeye dutiye ḡhure ijire. Sa ijiyepēgūta ihcāno dutiquirenare m̄sare yahuḡ t̄h̄ niaja. Ti dutiquirenare ihcāno dutiquirenare ijiyepēgūta ti dutiquirenare yena, Cohācjū dutiyere ye pehona niaja mari. “M̄h̄h̄ basi m̄h̄h̄ cahño saha m̄h̄h̄ caha ijiyequina ḡhure cahĩña”, nine ti dutiquirenare. Ti dutiquirenare yena Cohācjū dutiyere ye pehona ijina nine m̄sa. ¹⁰ M̄sa caha ijiriquirenare cahña, tiquiquirenare ñano yesi. Sa yena tiquiquirenare cahña, Cohācjū dutiyere ye pehona nine m̄sa.

¹¹ Sa yena carĩñequina yero saha ijieracāhña m̄sa. Quehnoano wacū masiña. Jesure quehnoano wacū cohteya. Jesu marine tiquiro tojoa ta, tiquiro neato mehenogā d̄hsatjiāre. Tiquiquirenare mari coā masi

d̄hcana, “Yoari batop̄ marine yahd̄oro tarota Jesu”, ni t̄hotumi. Mari sa ni t̄hotuepegūta yojop̄re mehenogā d̄hsare Jesu marine tiquiro yahd̄oro ahtato. Ahri ȳh̄h̄ nidiquirenare masine m̄sa. ¹² Yojop̄re ñañene tiquina yeri deco ijire. Cristo tiquiro ahtagū ahri deco p̄htirota. Tiquiro ahtato mehenogā d̄hsare. Tiquiro ahtato mehenogā d̄hsagū ihñana ñañene duhu pehocāhna mari. Sa yena Cohācjū cahmeñe pehere yeihna mari. Sa Cohācjū yere yena, ñañene duhu pehocāhna mari. ¹³ Sa yena quehnoañe pehere yeihna. Sa yena bose decorire yena ñano yeracāhna. Sa yena queheracāhna. Sa yena w̄hana tina, apequina mehna ñano yena, cahme d̄se tini wiana, ihña coona ijieracāhna. ¹⁴ Sa yena mari p̄htoro Jesucristo tiquiro yedohoye mehna quehnoano ijiya m̄sa. Sa yena ñañene m̄sa tutuaro cahmeñene yeracāhña.

14

M̄sa acayere Jesu yequinare “Ñano yee nine”, ni yahu wajaeracāhña
(1 Co 8.1-13)

¹ Jesure wacū tutuariquirenare Jesu yere tiquiro quehnoano masiedarīgū tiquiquirenare quehnoano yedohoya. Sa yena Jesu yere tiquiro quehnoano masiedarīgū ihñana “Ne masiedare m̄h̄h̄”, ni cahme d̄se tutueracāhña tiquiro

mehna. ² “Ijipihtiyere ihya masiaja yuh^h”, ni tãhoture apequina. Sa ye apequina pehe Jesu yere quehnoano masiedarĩne, wahiquinare ihyeraye, oteye dũca dihitare ihyare. ³ Ijipihtiyere ihyayequina pehe oteye dũcare ihyayequinare ihña tuhtieracãhdo. Sa ye oteye dũca dihitare ihyayequina pehe ijipihtiyere ihyayequinare “Ñano yeye nine”, ni yahu wajaeracãhdo. Ijipihtiyere ihyayequina pehe Jesure wacũ tutuayequina tiquina ijigũ Cohãcjũ tiquinare tiquiro yequina ijigũ ye tuhasari. Tiquiro yequina tiquina ijigũ ihñañe wahiquinare ihyeyequina pehe tiquinare yahu wajaeracãhdo. ⁴ Jesure wacũ tutuayequina Cohãcjũ cahacjẽna ijire. Tiquina sa ijigũ ihñana m̄sa tiquinare yahu waja masiedare. Jesure wacũ tutuayequina Jesu cahmeno saha tiquina yeragũ ihñano tiquiro dihita tire yahu masine. Tiquina quehnoano yegũ gãhũre tire yahu masine tiquiro tiquinare. Sa yero tiquiro pehe “Ñano yeri m̄hũ”, ni yahuatiquiro ijirota. Sa yero tiquiro cahacjẽnare quehnoañene yeducu masigũ yeriquiro ijire Cohãcjũ.

⁵ Ihquẽquina ihcã decore Cohãcjũre tiquina ño peati deco yere. Sa ye apeye decorire “Dahraye decori ijire”, ni tãhoture. Apequina

pehe decoripe Cohãcjũre ño peoducure. Tiquina ihcãno saha sa yerariquina ijiepeta ijipihtiyequina ohõ saha ni tãhotuahro: “Jesu tiquiro cahmeno sahata quehnoano yena niaja”, ni tãhotu masiahdo. ⁶ Masano ihcã deco tiquiro ño peati deco yere Cohãcjũre ño peoro taro. Sa yero decoripe ño peoducuriquiro Cohãcjũre quehnoano ño peore tiquiro gãhũ. Sa yero sijieriquiro gãhũ ihyaro, Cohãcjũre “Quehnoare”, ni sinine. Sa yero tiquiro gãhũ ihyariquiro ijiro Cohãcjũre ño peoriquiro ijire. Sa yero ihquẽ ihyayere sijiriquiro pehe tiquiro sijire Cohãcjũre ño peoro taro. Sa yero tiquiro gãhũ Cohãcjũre “Quehnoare”, ni sinine.

⁷ Mari cahmeñe dihitare yena iji masiedaja mari. Cristo ijire mari pãhtoro. Sa yero mari catigũ mari yariagũ gãhũre mari pãhtoro ijire. ⁸ Yojopũre mari catiro puno Cristo yere yeana ijiaja mari. Tiquiro yequina ijiaja. Mari yariari batopũ gãhũre tiquiro yequina ijinata. Sa yero mari catigũ mari yariagũ gãhũre Cristo mari pãhtoro ijire. ⁹ Sata ijire. Cristo yaria masa m̄jahye, catiyequina, yariariquina gãhũ tiquina pãhtoro ijiro taro.

¹⁰ ¿Dũhsena tana m̄sa acayũrore Jesu yaquirore “Ñano yero nine”, ni yahu waja duajari m̄sa? ¿Dũhsena tana m̄sa acayũrore cãhta diho cũ

duajari m̄usa? Mari ijipihtina Cristo caha mari ducugū tiqiuo pehe mari yerire masi pehoro, marine beserota quehnoana, ñana gūh̄re. Tiquiro sa beseatiqiuo ijigū m̄usa acayurore “Ñariqiuo ijire” ni yahu wajaeracāh̄ña. ¹¹ Cohācjū yere tiquina ojoari pūp̄m ohō saha ni ojoahye:

Ohō saha nidi mari p̄htoro: “Ahri potota ijire. Ijipihtiyequina yuh̄m pototo d̄usepe curi mehna quehe saeta. Sa ye ijipihtiyequina ‘Quehnoagū, tutuagū ijire’, ni, yuh̄re ño peoeta”, nidi mari p̄htoro, ni ojoahye.

¹² Sa yena ijipihtina mari yerire Cohācjū siniturota. “¿Dahse yena sa yeari?” ni siniturota. Tiquiro sa ni sinitugū yuh̄tiro cahmene marine.

M̄usa acayurore ñano yegū yeracāh̄ña m̄usa

¹³ Sa yena mari mehna cjēna gūh̄re “Ñañequina ijire”, ni yahu wajaeracāh̄ña. Sa yena mari acayurore Jesu yaquirore ñano yegū yeracāh̄ña. ¹⁴ Yuh̄m Jesucristo yaquiro ijiaja. Sa yegū ahri yuh̄m niatire quehnoano masiaja yuh̄m: Yuh̄m pehe ijipih̄tiye ihyayere yuh̄m ihyagū yuh̄m ihyari buhiri, buhiri mariedare. Apequiro pehe “Ahri ihyayere ihyagū ñano yei niaja”, ni t̄hoturiquiro pehe ihyaro, potota buhiri tiriquiro ijire. ¹⁵ Ti potota ijire. M̄usa apee borore m̄usa

ihyagū m̄usa acayuro m̄sare ih̄ña cū ihyaro, “Yohou, ñano yei niaga yuh̄m”, ni pajiro t̄hotuboaga tiqiuo. Tiquirore sa ih̄ña cū ihyagū yena, tiqiuore cah̄edare m̄usa. Apee borore m̄usa ihyagū ih̄ña cū ihyaboaga tiqiuo. Sa ihyaro “Ñano yei niaja”, ni t̄hoturo Cristore duhuboaga. M̄usa acayuro ye buhirire yariari Cristo. Sa yena “Cristore duhuari”, nina tiqiuore ih̄ña cūgū yeracāh̄ña. ¹⁶ Sa ye “Ahri us̄a yeri quehnoar̄iaga”, m̄usa ni t̄hotugū apequina m̄sare yahu wajaboaga. Tiquina sa yahu wajagū ih̄ñana, m̄usa sa yerire ye nemoedacāh̄ña, “Yahu waja nemoari” nina. ¹⁷ Cohācjū pehe mari p̄htoro ijire. Tiquiro sa ijigū mari ihyaye, mari sih̄niñe gūh̄m sa iji cāno nine. Ihyo warota ijire. Sa ye mari p̄htoro tiqiuo dutiyere, quehnoañe gūh̄re mari yegū ti waro ijiro nine. Sa ye apequina mehna mari quehnoano ijigū gūh̄re quehnoañe waro ijiro nine. Sa ye Esp̄ritu Santo yedohoye mehna mari bucuegū quehnoañe waro ijiro nine. ¹⁸ Sata Cristo yere yeriquirore ih̄ñañe Cohācjū, masa gūh̄m “Quehnoano yeri mah̄m”, nieta.

¹⁹ Sata yeihna mari pūrita quehnoano mari ijiatire, mari basi mari cahme yedohtaire. Sa yena Jesure wacū tutua nemonata. ²⁰ Apequiro Jesu yaquiro tiqiuo ihya dutierarire m̄usa ihyagū

ihñano tire coeraro, Cohãcjũ yere cohãboaga. Sa yena tire ihyeracãhña. Potota ijipihtiye ihyaye quehnoañe ihyayeta ijire. Sa ijiepegũta apee borore mari ihyagũ apeqũro “Ñañe ihyaye ijiaga ahri”, nidiquiro ijieperota ihña cũ ihyaboaga. Sa ihyaro ñano yero niaga tiqũro. Sa yena marine tiqũro ihña cũ ihyagũ, mari gũhũ ñano yena niaja. ²¹ Wahiquina dihire m̄sa ihyagũ ihñano, vinore m̄sa sihnigũ ihñano, apeqũro Jesu yaqũro “Tire ihyagũ ñano yei niaga yũhũ”, ni tũhoturiqũro ijieperota tiqũro gũhũ ihña cũ, ihya sihniboaga. Sa ni tũhoturiqũro pũrita ihya sihnino ñano yero nine. Sa yena tiqũro ñano yerato saha Jesure tiqũro wacũ tutua duhuerato saha wahiquina dihire, vino gũhũre m̄sa pehe m̄sa duhugũ quehnoarĩne. ²² “Ijipihtiyere ihya masiaja”, ni tũhotuna, tire Cohãcjũ dihitare yahuya. Ñañene yerariqũro, “Quehnoano yei niaga yũhũ”, ni tũhoturiqũro bucucriqũro ijire. ²³ Apeqũro pehe “Ahri ihyayere ihyagũ ñano yei niboaga yũhũ”, ni tũhoturiqũro ijieperota ti ihyayere ihyaro, buhiri tiriquiro ijire tiqũro. “Ahrire ihyagũ potota quehnoañene yei niaja”, ni tũhotuerare tiqũro. Sa ni tũhotueraro tire ihyaro, tiqũro ihyari buhiri buhiri tire tiqũro. “Quehnoañene yei niaja”, ni tũhotueraro tire

yero, buhiri tire tiqũro.

15

Mari caha ijiequinare quehnoano yeihna

¹ Mari Cohãcjũre quehnoano wacũ tutuana pehe wacũ tutuera cjũñequinare yedohouhna. Sa yena mari ye dihitare yeducueracũhna. ² Sa yena mari caha ijiequinare Jesu yequinare quehnoano yeihna tiquina quehnoano ijiatire, Cohãcjũre tiquina quehnoano wacũ tutua nemoatire. ³ Cristo pehe tiqũro ye dihitare yerahye. Sata nine Cohãcjũ yere tiquina ojoari pũpũ. Ohõ saha ni ojoahye: “Cristo ohõ saha nidi Cohãcjũre: ‘Mũhũ pehere ñano yahuducuboriquina yũhũ pehere ñano yahuducuri’, nidi Cristo Cohãcjũre”, ni ojoahye panopũre. (Sa tiquina ñano yahuducunohriqũro ijiro Cristo tiqũro Pacũro ye pehere ye basaro ni ahye.) ⁴ Panopũ Cohãcjũ yere tiquina ojoari pũpũ tiquina ojoahye mari quehnoano buheatire. Sa yena ti pũre buhena bucueaja. Sa buhena mari ñano yũhdũna ihcãno sahanata. ⁵ Cohãcjũ m̄sare tutuagũ yeriquiro bucuegũ yeriquiro m̄sare ijipihtinare ihcãno saha quehnoano ijigũ yeahro, Cristo cahmediro sahata. ⁶ Sata yeahro tiqũro m̄sa ijipihtina ihcãno mehna Cohãcjũre mari pũhtoro Jesu-cristo Pacũrore “Quehnoagũ,

tutuagũ ijire”, ni m̄sa ño peoatore.

Judio masa ijieyequinare quehnoañe buheyere yahu d̄cahye

⁷ Cristo marine tiquiro yeriro sahata m̄sa mehna cj̄nare quehnoano cahme piti caya. M̄sa sa yegũ ihñañe “Potota Cohãcjũ quehnoariquiro ijire”, ni ihñaeta masa pehe. ⁸ M̄sare ahrire niita niaja: Judio masare yedohoatiquiro ahtahye Cristo. Cohãcjũ tiquirore ohoro judio masa usã ñecusum̄na m̄nap̄re panop̄a cj̄nare tiquiro ni yahuriro sahata yero niahye. Tire tiquiro yerire masare masigũ yeatiquiro ahtahye Cristo. ⁹ Masare Cristo tiquiro yedohogũ Cohãcjũ paja ihñano nine tiquinare. Tiquiro sa paja ihñagũ judio masa ijieyequina gũh̄ Cohãcjũre “Quehnoagũ, tutuagũ ijire”, ni, ño peore yojop̄re. Tiquina gũh̄re tiquiro yequina ijigũ yero ahtahye Cristo. Cohãcjũ yere tiquina ojoari p̄p̄a sata ni ojoahye:

Cristo ohõ saha niahye Cohãcjũre:

Judio masa ijieyequina caha m̄h̄re “Cohãcjũ quehnoagũ, tutuagũ ijire”, ni ño peoutja. Sa yegũ tiquina caha basagũ m̄h̄re basautja, niahye Cristo Cohãcjũre, ni ojoahye panop̄re.

¹⁰ Sa yero ohõ saha ni ojoahye tja:

Cohãcjũ tiquiro beseriquina judio masa mehna cahme bucueya m̄sa gũh̄ judio masa ijiena, ni ojoahye panop̄re.

¹¹ Sa yero ohõ saha ni ojoahye tja:

Judio masa ijieyequina ijip-
ihtieyquina Cohãcjũre ño peohro. Sa ye ijip-
ihtiro cj̄na tiquirore “Quehnoagũ, tutuagũ ijire”, ni ño peohro, ni ojoahye.

¹² Sa yero Isaia m̄nano gũh̄ ohõ saha ni ojoahye:

Isaí panamino iji turi-
ariquiro ahtarota. Sa ahtaro judio masa ijieyequina p̄htoro ijirota tiquiro. Sa ye tiquina pehe tiquirore wacũ tutua, tiquinare pecap̄a wahaboriquinare tiquiro yuhd̄oatire masieta tiquina, ni ojoahye panop̄re.

¹³ Cohãcjũ marine yuhd̄oro ahtatiquiro quehnoano m̄sare bucuegũ yeahro. Sa yero Jesure m̄sa wacũ tutuagũ m̄sare quehnoano ijigũ yeahro tiquiro. M̄sare tiquiro sa yegũ m̄sare tiquiro yuhd̄oatire Espiritu Santo tutuaye mehna bucueye mehna masi nemonata m̄sa.

¹⁴ Ahrire m̄sare yuh̄ yahuatire quehnoano masi-
aja. M̄sa pehe quehnoana ijire. Sa yena Jesu yere quehnoano masine. Sa masina m̄sa mehna cj̄nare cahme quehnoano yahu,

buhe masine m̄sa. ¹⁵ M̄sa sa masina m̄sa ijiepeḡta ihquē tahari ahri p̄p̄re m̄sare cuero marieno quehnoano yahu peho ojoa m̄sa wac̄ato saha. Coh̄c̄j̄ yuh̄re cah̄no m̄sare buhe dutiro c̄iri yuh̄re. Sa yegu tiquiro c̄iuro sahata yegu tagu m̄sare wac̄ḡ yei. ¹⁶ Yuh̄re tiquiro sa c̄iḡ Jesucristo cahac̄j̄ ijigu tiquiro yere quehnoañe buheyere judio masa ijieyequinare buheaja yuh̄. Yuh̄ sa buheḡ t̄hoye judio masa ijieyequina Jesure wac̄ tutuaeta. Tiquina sa wac̄ tutuaḡ ih̄ano tiquinare Coh̄c̄j̄ “Quehnoañequina ijire”, ni ih̄anota. Sa yero tiquinare cahmenota. Sa yero Esp̄ritu Santo pehe Coh̄c̄j̄ yequina ijiḡ yerota tiquinare. Pahia ūj̄a m̄o Coh̄c̄j̄re tiquina ohoriro sahata, tiquinare ñañe marieñequinare Coh̄c̄j̄re oho duaja.

¹⁷ Sa yegu Jesucristore wac̄ tutuagu ijigu Coh̄c̄j̄ tiquiro buhe duti c̄irigu ijigu bucueye mehna buheaja m̄sare. ¹⁸⁻¹⁹ Apequina judio masa ijieyequinare Cristo yedohoye mehna tiquinare yuh̄ buheḡ t̄hoye, yuh̄ yerire ih̄añe, Coh̄c̄j̄ tutuaye mehna ye ih̄nore ih̄añe, Esp̄ritu Santo tiquiro tutuaye mehna tiquina Cristore wac̄ tutuari. Ahri p̄ritare m̄sare pototi yahu duaja. Apequinap̄ tiquina yerire yahueraja. Jerusalēp̄ coā yuh̄ buhe d̄cari bato

ijipihtiye macarip̄ buhe d̄cau. Tee Ilirico yehpap̄ ḡh̄re Cristo ye buheye quehnoañe buheyere buhei esau. ²⁰ Sa yegu Cristo yere masieñequina dihitare quehnoañe buheyere tutuaro buhe dua, yuh̄ mehna c̄j̄na tiquina buhenohriquinap̄re buhe dueragu. ²¹ Sata ni ojoahye Coh̄c̄j̄ yere tiquina ojoari p̄p̄:

Panop̄ tiquirore ne t̄hoerariquina tiquirore masieta. Sa ye tiquirore ne t̄hoerariquina tiquiro yere quehnoano t̄hoeta, ni ojoahye Coh̄c̄j̄ yere tiquina ojoari p̄p̄.

Pablo Romap̄ tiquiro wahatire yahuahye

²² Sa yegu ijipihitiro c̄j̄nare buherigu ijigu peye tahari m̄sa cahap̄ waha duepeḡta waha masiedahti. ²³ Yojop̄re ahri yehparip̄re yuh̄ dahraye pih̄tia wahari. Sa pih̄tiḡ ih̄aḡ, peye c̄hmari m̄sa cahap̄ waha duarigu ijigu m̄sa cahap̄ wahañtja. ²⁴ Sa ye Esp̄ñap̄ wahagu m̄sare top̄ ih̄na yuh̄d̄ c̄añtja. Sa yegu m̄sa mehna bucuetja. Sa yegu m̄sa mehna yuh̄ mehenoḡ ijiri bato yuh̄re m̄sa yedohoye mehna Esp̄ñap̄ wahañtja. ²⁵ Yojop̄re Jerusalēp̄ wahan t̄n̄ niaja. To c̄j̄nare Jesu yequinare yuh̄ acayere niñerure soḡ wahan t̄n̄

niaja. ²⁶ Macedonia yehpa cĵena, Acaya yehpa cĵena gũhũ quehnoano mehna Jesu yequinare Jerusalẽpũ ijiyequinare pejeyequinare niñerure ohori tiquinare yedohoye. Sa yegũ tiquinare tire oho basagũ wahau tũhũ niaja. ²⁷ Ti niñerure ohoye, quehnoano mehna ohori tiquina. Tiquina sa yegũ quehnoarĩne, yũhũ tuhutugũ. Tiquinare judio masa ijieyequinare judio masa pehe Cohãcjũ yere buhe mũhtari. Sa ye tiquinare tiquiro yũhdũoato gũhũre buhe mũhtari judio masa. Tiquina sa buhegũ ihñagũ Macedonia cĵena, Acaya cĵena mehna tiquinare tiquina yedohogũ quehnoarĩne yũhũre. Tiquinare tiquina buheri wapa yero saha ijire ti, yũhũ tuhutugũ. ²⁸ Sa yegũ Jerusalẽ cĵenare ti niñerure oho tuhasagũ Espaãapũ wahautja. Topũ wahagũ mũsare ihña yũhdũ cãutja. ²⁹ Sa yegũ mũsa cahapũ yũhũ wahagũ Cristo yere mũsare yũhũ buhegũ tiquiro mũsare quehnoano jeripohna tigũ yerota.

³⁰ Yũhũ acaye, mari pũhtoro Jesucristore wacũ tutuare mũsa. Sa yena Espĩritu Santo tutuaye mehna apequinare cahĩne mũsa. Sa yena yũhũ gũhũre tutuaro sini basaya Cohãcjũre. ³¹ Ohõ saha ni sini basaya: Judea yehpa cĵena Jesure ño peoyequina yũhũre tiquina ñano ye duagũ Cohãcjũ yũhũre tiquiro yedohoato saha sini

basaya. Sa yena Jerusalẽ cĵenare niñerure yũhũ ohogũ tiquina tire bucueye mehna tiquina ñeheato saha sini basaya. ³² Mũsa sa sinigũ Cohãcjũ cahmegũ bucueye mehna mũsa cahapũ wahautja. Sa yegũ mũsa mehna ijigũ bucueye mehna soutja. ³³ Cohãcjũ marine quehnoano ijigũ yeriquiro mũsa mehna ijiducuahro. Sata ijiahro.

16

Pablo quehnoa dutiahye

¹ Mari acayoro Febe wame tircoro mũsa cahapũ waharo taro nine. Ticoro Cencrea wame tiri macapũ Jesu yequinare cahme-coañequinare yedohoricoro ijire. ² Sa yero peyequinare yedohoricoro yũhũ gũhũre yedohoricoro ijiri ticoro. Sa yero mari pũhtoro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedagũ ihñana ticorore ohoya mũsa.

³ Aquila, tiquiro namono Priscila gũhũ quehnoahdo. Jesucristo yere yũhũ buhegũ tiquina gũhũ yũhũ mehna dahrari. ⁴ Tiquinare mehenore wejẽmedi, apequina yũhũre tiquina wejẽ duagũ tiquina yedohori buhiri. Sa yegũ tiquina mehna bucueaja yũhũ. Sa ye judio masa ijieyequina Jesu yequina ijipihtiequina tiquina gũhũ tiquina mehna bucuerere.

⁵ Sa ye Aquila ya wuhapu cahmecoañequina gũhũ Jesu yequina quehnoahdo. Yũhũ cahĩniquiro Epeneto gũhũ quehnoahdo.

Tiquiro Asia yehpa cjũno topũ ijiro Cristore wacũ tutua mũhtariquiro ijiri.

⁶ María gũhũ quehnoahdo. Ticoro mũsa mehna tutuaro dahrari. ⁷ Yũhũ acaye Andronico, Junia gũhũ quehnoahdo.

Peresupũ yũhũ ijigũ tiquinata yũhũre piti tiyequina ijiri. Sa ye yũhũ pano Cristore wacũ tutua mũhtari tiquina pehe. Apequina Jesu cũriquina pehe tiquinare “Potota quehnoañequina ijire”, ni yahuducure.

⁸ Amplia gũhũ yũhũ cahĩniquiro Jesu yaquiro ijire. Tiquiro quehnoahdo.

⁹ Sa yero Urbano gũhũ quehnoahdo.

Tiquiro gũhũ mari mehna Cristo yere dahrari.

Sa yero yũhũ cahĩniquiro Estaqui quehnoahdo.

¹⁰ Sa yero Apele gũhũ quehnoahdo. Tiquiro potota quehnoano Jesure wacũ tutuare.

Tiquiro yerire ihñana tire masiaja mari. Sa ye Aristobulo ya wũhũ cjẽna ijipihtiyequina tiquiro namono tiquiro pohne gũhũ quehnoahdo.

¹¹ Yũhũ acayuro Herodiõ quehnoahdo. Sa ye Narciso ya wũhũ cjẽna Jesu yequina quehnoa pihti cãhdo.

¹² Sa ye Trifena, Trifosa gũhũ quehnoahdo. Ti numia mari pũhtoro Jesu ye dahrayere tutuaro

yere. Mari cahĩnicoro Pérsida gũhũ quehnoahdo. Ticoro mari pũhtoro yere tutuaro dahrari.

¹³ Sa yero Rufo mari pũhtoro Jesure quehnoano wacũ tutuariquiro, tiquiro yere quehnoano yeriquiro quehnoahdo.

Tiquiro pacoro gũhũ quehnoahdo. Ticoro yũhũ paco yero saha ijiricoro ijire.

¹⁴ Asincrito, Flegonte, Herma, Patroba, Herme, apequina Jesu yequina tiquina mehna cjẽna gũhũ quehnoahdo.

¹⁵ Sa ye Filologo, Julia, Nereo, tiquiro bahoro gũhũ, Olimpa, apequina tiquina mehna cjẽna gũhũ Jesu yequina quehnoahdo.

¹⁶ Sa yena mũsa mehna cjẽnare piti cana, quehnoano mehna piti caya. Ijipihtiyequina Jesu yequina ijipihtiro cjẽna mũsare quehnoa dutire.

¹⁷ Yũhũ acaye, mũsa mehna cjẽna ihquẽquina mũsare cahme ihña tuhtigũ yeyequina, cahme tu wagũ yeyequina ijiñhti.

Sa ye mũsare Jesu ye buheyere dojomehnene. Sa yena sa yeyequinare ihñana quehnoano yeya, “Dojomehneari”, nina. Sa ijieyequinare piti tieracãhña.

¹⁸ Sa yeyequina mari pũhtoro Jesucristo yere yerare.

Ñañene tiquina tutuaro cahmeñe dihitaro yere. Sa ye quehnoano tũho coaro dero majare doco ni meho buhere quehnoano masieñequinare.

Tiquina sa ni mehogũ tiquinare quehnoano tũhore. Sa yena tiquinare piti tier-

acãhña m̄sa. ¹⁹ M̄sa pehe Jesure quehnoano yũhtina ijiñohti. Tire ijipihitiyequina masine. Sa quehnoano yũhtina m̄sa ijigũ bucueaja yũhũ. Sa yegũ quehnoano m̄sa yeatire m̄sa masigũ cahmeaja yũhũ. Sa yegũ ne ñañene m̄sa yeragũ gũhũre cahmeaja yũhũ. ²⁰ Sa yero Cohãcjũ marine quehnoano ijigũ yeriquiro mehenogã bato m̄sare yedohorota “Satanare yũhdũcaahro”, nino. Mari pũhtoro Jesucristo mehna m̄sare quehnoa dutiaja.

²¹ Timoteo yũhũ piti m̄sare quehnoa dutire. Yũhũ acaye judio masa gũhũ, Lucio, Jasõ, Sosipate m̄sare quehnoa dutire.

²² Yũhũ Tercio ahri pũre Pablore ojoa basagũ iji-aja. Yũhũ Jesu yaquiro ijigũ m̄sare Jesu yequinare quehnoa dutiaja.

²³ Gayo ya wũhũpũ ijigũ niaja yũhũ Pablo. Tiquiro ya wũhũpũ Jesu yequina cahmecoare. Tiquiro gũhũ m̄sare quehnoa dutire. Sa yero Erasto ahri maca cjẽna pũhtoare niñeru ihbo cohteriquiro m̄sare quehnoa dutire. Mari acayũro Jesu yaquiro Cuarto gũhũ m̄sare quehnoa dutire.

[²⁴ Mari pũhtoro Jesucristo mehna m̄sare ijipihitinare quehnoa dutiaja.]

Pablo Cohãcjũre ño peoro ojoa bato tiahye

²⁵⁻²⁷ Mari pũhtoro Jesucristo ye buheye mehna

quehnoañe buheye mehna Cohãcjũ m̄sare tiquirore wacũ tutua nemogũ ye masine. Panopũre quehnoañe buheye ne masare yahuerari buheye ijimahye. Yojopũre Cohãcjũ yere yahu mũhtariquina m̄na tiquina ojoari mehna ti buheyere yahuri jire. Yũhũ gũhũ tire buheaja. Ti buheyere ijipihitiro cjẽna yojopũre masine. Cohãcjũ sa ijiducuriquiro tiquiro dutiro sahata tiquina masine. Ti buheyere tiquirota yahu dutiahye masa tiquirore tiquina yũhtiatire, tiquirore tiquina wacũ tutuati gũhũre. Sa yena tiquirore “Potota quehnoagũ, tutuagũ ijire”, ni ño peouhna. Tiquiro ihcãquirola Cohãcjũ dihita quehnoano masi pehoriquiro ijire. Jesucristo yedohoye mehna Cohãcjũre sa ño peoducuuhna mari. Sata ijiducuuhna.

1 Corintios

Pablo Cohãcjũ yequinare Corinto cjẽnare ojoa ohoahye

1-2 Yũhũ Pablo, Jesucristo yere buhe duti tiquiro cũrigũ ijiaja. Cohãcjũ tiquiro cahmeno sahata Jesu tiquiro cũacjũre beseahye yahũre tiquiro. Mũsare Cohãcjũ yequinare Corinto cjãnare ojoa ohoaja yũhũ. Sostene mehna quehnoa dutiaja mũsare. Ahriquiri gũhũ mari acayũro Jesu yaquiri ijire. Jesucristo mehna cjãna mũsa ijigũ Cohãcjũ yequina ijiana beseahye Jesu mũsare. Sa ye ijipihtiequina apequina mari pũhtoro Jesucristore siniñequina ijiye, tiquina gũhũ Cohãcjũ yequinata ijire. Tiquina sa ijigũ Jesucristo pehe mari ijipihtina pũhtoro ijire. Sa yena mũsare ijipihtinare ojoa ohoaja yũhũ. ³ Sa yena Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

Jesucristo pehe mũsare quehnoano ye basahye mari Pacũ tiquirore dutiro sahata

⁴ Jesucristo yequina mũsa ijiri bato tiquiro pehe mũsare quehnoano ye basare Cohãcjũre. Tiquiro sa yegũ ihñagũ, Cohãcjũre "Quehnoare", niducuaaja yũhũ decoripe. ⁵ Cristo yequina mũsa ijigũ ihñano Cohãcjũ pehe mũsare

quehnoano ijigũ yere. Sa yero tiquiro yere mũsare apequinare quehnoano yahuanare yeri tiquiro. Sa yero tiquiro yere quehnoano masigũ yeri mũsare. ⁶ Cristo yere mũsare usã buheriro sahata sata wahari mũsare, Cristo yequina mũsa wahagũ. ⁷ Sa yero Cohãcjũ mũsare quehnoano yedoho peho cãnota. Mari pũhtoro Jesucristo ahri yehpapũ tiquiro tojoa tatire mũsa cohtero watoa Cohãcjũ pehe mũsare sa yedohoducurota. ⁸ Sa yero Jesucristo pehe mũsa ñañe yerire cohãriquiri ijire. Tiquiro sa ijiriquiro ijigũ mũsa pehe decoripe, ahri deco pihtigũpũ gũhũre mũsa ñañe yerire tiquiro cohãnohrina iiducunata. Sata tiquiro mũsare yedohorota. Sa yena Jesucristo mari pũhtoro tiquiro tojoa tagũpũre ñañe buhiri mariena ijinata mũsa. ⁹ Tire Cohãcjũ tiquiro nidiro sahata tiquiro yere. Tiquiro macũno mari pũhtoro Jesucristo yequina ijianare marine beseahye. Tiquiro sa besenohrinare Jesu yequina ijigũ yeri marine.

Jesu yequina Corinto cjẽna cahmecoañe cahme tuhtiahye

¹⁰ Yũhũ acaye, mari pũhtoro Jesucristo tiquiro dutiro mehna mũsare tutuaro dutigũ tagũ niaja ahrire: Mũsa basi cahme tuhtieracãhña. Sa yena mũsa basi cahme tu waeracãhña. Ihcã curuata ijiya mũsa. Sa

yena sijoro saha ni yahuducueracãhña mûsa basi. Sa yena mûsa yeatire tuhótuna, ihcãno mehna yeya mûsa.

11 Yûhû acaye, mûsa basi cahme tuhtina niñohti mûsa. Sa ni yahuri Cloe ya wûhû cjêna yûhûre. 12 Ihquêquina mûsa mehna cjêna ohõ saha ni cahme tuhtiñohti: “Pablo ya curua cjãna ijiaja usã”, ni cahme tuhtiñohti ihquêquina mûsa. Sa ye apequina “Apolo ya curua cjãna ijiaja usã”, niñohti tiquina gãhû. Sa ye apequina pehe “Pedro ya curua cjãna ijiaja usã”, niñohti tiquina gãhû. Sa ye apequina pehe “Cristo ya curua cjãna ijiaja usã”, niñohti tiquina gãhû. 13 Mûsa sa niepegãta Cristo yequina ihcã curuata ijiaja mari. Mari basi cahme tu wa doco masiedaja mari. Ihcã curuata ijiaja mari. Yûhû Cristo ijieraja. Tiquiro yero saha mûsa ye buhirire curusapû yariarigû ijierû. Tutuayere cûoeraja. Sa yegû ihyo ijigû ijiaja. Sa yero mûsare apequiro wame yero, Cristo ye tutuaye mehna wame yeri. Yee tutuaye mehna wame yerari. 14 Mûsare, mûsa mehna cjêna gãhûre wame yerû yûhû. Crispore, Gayo gãhûre tiquina dihitare wame yei. Apequina pehere wame yerarigû yûhû ijigû quehnoare yûhûre. 15 Peyequina masare wame yerigû yûhû ijigû “Pablo ye tutuaye mehna tiquiro wame yeri usãre”, ni ihñaboaga mûsa yûhûre. Sa yegû tire

cahmedû. 16 Estefana ya wûhû cjêna gãhûre wame yei yûhû. Topequinata wame yei yûhû. Apequinare yûhû wame yeriquinare boaa wahaû yûhû. 17 Cristo yûhûre ohoro, wame yeacjare cûedari tiquiro yûhûre. Quehnoañe buheyere buheacjû pehere cûri yûhûre. Cristo curusapû tiquiro yariarire yahuye buheye marine quehnoana wahagû yere. Tiquiro sa yepegãta quehnoañe buheyere yûhû esa tuharo yûhû buhegû yûhû pehere ihña wahãboaga mûsa. Mûsa sa ihña wahãna quehnoañe buheye pehere ño peoeraboaga mûsa. Sa yena quehnoana wahaeraboaga. Sa yegû Jesu ye buheyere buhegû yûhû esa tuharo yûhû masiñe mehna buheraja yûhû.

Cohãcjû tiquiro tutuayere tiquiro masiñe gãhûre cûoriquiro ijire Cristo

18 Pecapû butiatiquina pehe Cristo curusapû tiquiro yariarire yahuye buheyere “Tûho masieñequina ye buheye ijire ti”, nimene butiatiquina pehe. Mari pehe Cristo tiquiro yûhûmonohatina ijina ohõ saha niaja: “Curusapû tiquiro yariarire yahuye buheye ti waro ijiro nine. Ti buheye Cohãcjû tiquiro tutuayere yahure marine”, niaja mari. 19 Cohãcjû pehe tiquiro yere tiquina ojoari pûpû ohõ saha nine: Ahri yehpa cjênare “Quehnoano masiñequina ijire”,

tiquina niñequinare
 tiquina masidire
 dāhseati ijieragū
 masigū yeitja yāhū,
 niahye Cohācjū tiquiro
 yere tiquina ojoari
 pūpū.

20 Sa ye ahri yehpa cjēna quehnoano masiñequina dāhseatiquina ijierare. Ūsā acaye judio masare buheye-quina gūhū dāhseatiquina ijierare. Yojopūre yahuducu mihniñequina gūhū dāhseatiquina ijierare. Ahri yehpa cjēna quehnoano masiñequina tiquina ijiepegūta masiñequina tiquina ijiyere masigū yeri Cohācjū. 21 Cohācjū pūrita quehnoano masiniquiro ijire. Tiquiro sa ijigū ahri yehpa cjēna tiquina esa tuharo tiquina masiñe mehna Cohācjūre ne masiedare tiquina. Cohācjū tiquiro masi dutiero sahata sa wahari tiquinare. Cohācjūre cahmeeñequina pehe ohō saha nine quehnoañe buheye warore: “Tūho masieñequina ye buheye ijire”, nimene. Sa yeye quehnoañe buheyere “Tūho masieñe buheye”, tiquina niñe buheyere tūhoye, Cristore masi dūcare masa. Tiquina sa masi dūcagū Cristore tiquina wacū tutuagū ihñano tiquinare tiquiro yequina wahagū yere Cohācjū. Sa waha dutiri tiquiro.

22 Judio masa Cohācjū tutu-aye mehna tiquiro ye ihñorire ihña duaye nine. Sa yeye

griego masa pehe, judio masa ijieyequina pehe quehnoano tiquina masiatire macañe nine. 23 Mari pehe Cristo curusapū tiquiro yariarire yahuye buheyere buheaja mari. Ti buheyere judio masa pehe ihña tuhtire. Sa ye ti buheyere judio masa ijieyequina pehe “Tūho masieñequina ye buheye ijire”, ni tūhoture. 24 Tiquina sa ni tūhotuepegūta Cohācjū yequina ijiatire tiquiro be-seriquina pehe ti buheyere ohō saha nine. “Cristo ye buheye Cohācjū tutuayere tiquiro quehnoano masiñene masigū yere marine”, nine tiquina ahri buheyere. Tiquina judio masa, judio masa ijieyequina ijiepeta, sa nine Jesu yequina.

25 Cohācjū masi pehoriquire ijire. “Tiquiro tūho masieniquiro ijire”, masa tiquina ni tūhotuepegūta ahri yehpa cjēna yāhdūoro quehnoano masi pehoriquire ijire tiquiro. Sa yero Cohācjūre “Tutueriquiro ijire”, masa tiquina ni tūhotuepegūta tiquina bui tutua yāhdūdūcariquiro ijire tiquiro. 26 Ti yāhū nidi ijirota ijire.

Yāhū acaye, Cohācjū māsare tiquiro yequina wahagū tiquiro yegū mūsa peyequina ihyo ijina mūsa ijirire wacūña mūsa. Ahri yehpa cjēnare “Quehnoano masiñequina”, tiquina niñequinare meheñequinagā Jesu yequina ijiatiquinare

beseahye Cohãcjũ. Sa yero pũhtoa gãhũre meheñequinagã Jesu yequina ijiatiquinare beseahye tiquiro. Sa yero pũhtoa pohne gãhũre meheñequinagã Jesu yequina ijiatiquinare beseahye tiquiro. ²⁷“Tũho masieñequina ijire”, tiquina niñequinare Cohãcjũ beseahye “Quehnoano masieñequina ijire”, tiquina niñequina tiquina bũoro wahatire. Sa yero “Wacũ tutueyequina ijire”, tiquina niñequinare Cohãcjũ beseahye, “Wacũ tutuayequina ijire”, tiquina niñequina tiquina bũoro wahatire. ²⁸Masa tiquina ihña tuhtiyequinare “Dũhseatiquina ijierare”, nine masa. Tiquina sa nidiquinare Cohãcjũ tiquiro yequina ijiatiquinare beseahye tiquinare. Sa besero “Pũhtoa waro ijire”, tiquina niñequinare ihyo ijiyequina tiquina ijiyere masigũ yeahye Cohãcjũ tiquinare. ²⁹Tiquiro sa yegũ ahri yehpa cjẽna ne ihcãquiro “Tutuagũ, quehnoano masigũ ijiaja”, ne ni yũhdũdũca masiedare, Cohãcjũ ihñonopũ.

³⁰Cohãcjũ pehe marine Jesu yequina ijigũ yeri. Tiquiro yequina ijina marine tiquiro yũhdũori bato ijipihitiye decori Cohãcjũ mehna ijinata mari. Jesucristo pehe Cohãcjũ yere quehnoano masigũ yere marine. Sa yero mari ñañe buhirire cohãre. Sa yero mari ñañe yerire cosero, marine “Quehnoañequina ijire”, Cohãcjũ ni ihñagũ yere Cristo Cohãcjũre. Sa yero ma-

rine pecapũ wahaborinare yũhdũore. ³¹Tiquiro sa yegũ Cohãcjũ yere tiquina ojoari pũpũ tiquiro ni ojoariro sahata sa wahare: “Yũhũ esa tuharo masi pehogũ ijiaja”, nidiquiro tire niedacãhdo. Ohõ saha niahdo: ‘Mari pũhoro Cristo pehe marine yũhdũoriquiro ijire’, niahdo tiquiro”, nine Cohãcjũ yere tiquina ojoari pũpũ.

2

Ahri buheye Cristo curusapũ tiquiro yariarire yahure

¹Yũhũ acaye, mũsa cahapũ esagũ “Quehnoano masi pehoaja”, mũsare ni buherũ. Cohãcjũ yere mũsare buhegũ, sa ni buhegũ niedũ. ²“Ohõ saha ni buheitja”, nigũ mũsa mehna ijigũ Jesucristo ye dihitare curusapũ tiquiro yariari dihitare wacũgũ, ti buheyere buhei yũhũ. ³Sa yegũ mũsa mehna ijigũ ihyo ijigũ yero saha ijii yũhũ. Sa yegũ Cohãcjũ yere queoro buhe duagũ ijigũ cuegũ, nanaredigũ yero saha ijii yũhũ. ⁴Sa yegũ Cohãcjũ yere buhegũ, “Masi pehoaja”, ni buherũ. Tiquiro yere yũhũ buhegũ Espĩritu Santo tutuaye mehna yũhũ buhegũ ihñari mũsa. ⁵Ohõ sahata ni buhei yũhũ mũsare masa tiquina esa tuharo buheye pehere mũsa cahmedatire. Cohãcjũ pehere mũsa wacũ tuatire sa ni buhei yũhũ.

Espĩritu Santo pehe Cohãcjũ ijije tiyere buhere marine

6 Sa yena Cohãcjũ ye buheyere tiquiro masiñene m̄sare Jesure quehnoano wacũ tutuanap̄re yahuaja usã. Masa tiquina esa tuharo tiquina buheye yero saha ijierare ahri m̄sare usã buheye. Ti buheye p̄htoa ye buheye ḡh̄u ijierare. Tiquina p̄htoa pehe pih-tia wahaeta. 7 Apequina tiquina masiedarire Cohãcjũ ye yahuducuyere yahuaja usã pehe. Panop̄u ahri buheyere Cohãcjũ yequina m̄na quehnoano masi pehoerahye. Ahri yehpa ijiato pano ahri buheye ti nidiro sahata “Sata wahaahro”, ni tuhasahye Cohãcjũ. Marine pecap̄u wahaborinare tiquiro ȳhd̄uotire, tiquiro mehna mari ijiati ḡh̄ure “Sata wahaahro”, ni tuhasae tiahye tiquiro. 8 Tiquiro sa nigũ Cohãcjũre cahmeeñequina p̄htoa ne tiquiro ye buheyere t̄ho dueraye, masiedare. Tire quehnoano masiñe, mari p̄hutorore Cohãcjũ mac̄no warore curusap̄u quẽ biha wejẽdaboaya tiquina. 9 Cohãcjũ yere tiquina ojoari p̄p̄u ohõ saha nine:

Ijipihtiyequina Cohãcjũre
cahiñequina ye
ijiatire Cohãcjũ
quehnoano quehno
basa tuhasahye.
Quehnoa ȳhd̄uyere
tiquiro quehno
basahye. Tire masa ne
ihñedari. Sa ye tire ne
t̄hoerari. Tire dahse
masino basioerare

marine, nine Cohãcjũ
yere tiquina ojoari
p̄p̄u.

10 Tiquiro sa niepegãta Espiritu Santo pehe Cohãcjũ yere masigũ yere marine. Ijipihtiye Cohãcjũ yere Espiritu Santo masi pehore. Sa masino tiquiro marine tire masigũ yere.

11 Ne apequina pehe mas̄no tiquiro masiñene ne masiedare. Sa ijiepegãta mas̄no pehe tiquiro esa tuharo tiquiro wacũñep̄u tiquiro t̄hotuyere masine. Sata apequina Cohãcjũ tiquiro masiñene ne masiedare. Cohãcjũ yaquiro Espiritu Santo dihita tiquiro masiñene masine, mas̄no tiquiro esa tuharo tiquiro wacũñene tiquiro masino sahata. 12 Sa yena mari pehe Jesu yequina ijina masa tiquina esa tuharo tiquina buheyere c̄oeraja.

Cohãcjũ yaquiro Espiritu Santore ohori marine masigũ yero taro. Marine tiquiro quehnoano yeatire masigũ yere Espiritu Santo pehe.

13 Sa yena Cohãcjũ yere m̄sare buhena, masa ye masiñe mehna usã esa tuharo buheraja usã. Espiritu Santo tiquiro buheye pehere m̄sare buheaja. Sa buhena Espiritu Santore c̄oyequinare Cohãcjũ yere quehnoano buheaja usã.

14 Espiritu Santore c̄oyequina pehe Espiritu Santo yere ne cahmedare. “Tiquiro ye ihyo warota ijire”, nimene tiquina.

Espíritu Santo tiquiro yedohoro marieno tiquiro yere masino basioerare masare. Sa ye tiquina tiquiro yere ne masiedare. Espíritu Santo yedohoro mehna tiquiro yere masiaja mari. ¹⁵ Espíritu Santore c̄oyequina pehe Cohãcjũ yere quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espíritu Santore c̄oyequinare. ¹⁶ Ohõ saha nine Cohãcjũ yere tiquina ojoari p̄p̄h: “Mari p̄h̄toro Cristo tiquiro t̄hotuyere masiñequina ne mariedare. Sa ye tiquirore masa duti masiedare”, nine tiquiro yere tiquina ojoari p̄p̄h. Mari pehe Cristo yequina ijina, Cristo yero sahata masiaja.

3

Jesu yequina ihcãno saha Cohãcjũre dahra cohteyequina ijire

¹⁻² Ȳh̄h̄ acaye, m̄sare buheḡh̄ Espíritu Santore quehnoano ȳh̄tiyequinare ȳh̄h̄ buheriro sahata buhe masiedu m̄sa pehere. Cristo yequina ijiepenata, macanagã dihire tiquina ihya masieno saha Cohãcjũ yere quehnoano masiedare m̄sa. Yo-jop̄ ḡh̄h̄are quehnoano masiedañoh̄ti m̄sa. Ahri yehpa cjẽna ñañequina yero saha t̄hotuñoh̄ti m̄sa. Sa yena macanagã ep̄core tiquina ap̄ũno saha mi-joeda cjũñe buheye dihitare

t̄hoñoh̄ti m̄sa. Sa yegu ti yero saha ijieye buheye dihitare buhei m̄sare. Cristo yequina ijiepenata macanagã tiquina ihya masieno sahata Cristo yere quehnoano masiedañoh̄ti m̄sa. ³ M̄sa pehe m̄sa mehna cjẽnare cahme coona, cahmequena, m̄sa basi ihquẽ cururi tu wad̄ca sana, Espíritu Santore c̄oyequina yero saha yena niñoh̄ti m̄sa. Sa yena ahri yehpa cjẽna Cristore cahmeeñequina yero saha yeñoh̄ti m̄sa. ⁴ Ohõ saha niñoh̄ti m̄sa: “Pablo ya curua cjãna ijiaja usã”, niñoh̄ti m̄sa ihquẽquina. Sa yena apequina m̄sa mehna cjẽna pehe “Apolo ya curua cjãna ijiaja usã”, niñoh̄ti. M̄sa sa ni yahuducuna Espíritu Santo marieñequina yero saha ni yahuducuñoh̄ti m̄sa.

⁵ ¿Ȳh̄h̄ Pablo, Apolo mehna d̄h̄seanaja ijiajari usã, m̄sa t̄hotugã? Ohõ saha yeanaja ijina niaja usã: Cohãcjũ tiquiro dutiriro sahata tiquirore dahra cohtena ihyo ijina ijiaja usã. Sa yena m̄sare usã buhegũ t̄hona Jesucristore wacũ tutua d̄ncare m̄sa. ⁶ Quehnoañe buheyere buheyequina wesepe dahrayequina yero saha ijire, mari queoye mehna buhegũ. Wese up̄ro tiquiro ote m̄htariro saha ȳh̄h̄ ḡh̄h̄ m̄sare buhe m̄htāh̄. Sa yero apequiro wesere tiquiro cure n̄n̄h̄ tãno saha Apolo pehe ȳh̄h̄ bato m̄sare buhe n̄n̄h̄ tãri. Usã sa buhepegũta wese cjẽ oteyere

bucua nemogũ tiquiro yeriro saha Cohãcjũ pehe musare tiquiro yere masi nemogũ yeri. ⁷ Sa yegu yũhũ buhe mahtarigu ijiepeguta ihyo ijigu ijiaja. Sa yero Apolo yũhũ bato buhe nemoriquiro gũhũ ihyo ijiriquirota ijire. Cohãcjũ pũrita oteyere tiquiro bucua nemogũ yeriro saha tiquiro yequinare tiquirore masi nemogũ yere. Sa yena Cohãcjũ pehere ño peoro cahmene musare. ⁸ Ote mahtariquiro, came cure nunũ tãriquiro ihcãno saha dahra cohteyequina ihyo ijiyequinata ijimene tiquina. Sa ye tiquina dahrariro punota wapatare tiquina. Sata ijiaja usã, Apolo mehna. ⁹ Sa yena usã Cohãcjũ yere dahra cohtena ijiaja. Sa yero Apolo yũhũ mehna cjãno ijire. Usã sa ijigũ musa pehe Cohãcjũ ya wese yero saha ijire. Musa sa ijigũ Cohãcjũ ya wese cjẽ oteyere tiquiro bucua nemogũ yero saha musare tiquiro yere masi nemogũ yerota tiquiro.

Sa ye Cohãcjũ musare tiquiro yequinare quehnoari curua yero nine. Sa yena utã mehna tiquina yeri wũhũ yero saha ijire musa tiquiro ya curua cjãna, mari queoye mehna buhegũ. ¹⁰ Musa sa ijigũ Cohãcjũ yũhare tiquiro dutiriro sahata yũhũ pehe wũhũ dahre mihnidiquiro utãre tiquiro cũ mahtariro sahata Jesucristo yere musare buhe mahtaũ. Sa yero ti utã paca bui apequiro tiquiro ye nemo mujano sahata ape-

quiro yũhũ bato buhe nemo nunũ tãno nine. Sa buhe nemono quehnoano mehna buherota. Sa yero Cristo ye dihitare buherota tiquiro. Sata buheahro tiquiro. ¹¹ Wũhare tiquina dahre dũca tiquina cũ mahtaria utã yero saha ijire Cristo. Sa yena ti utãre usã quehnoano cũ mahtariro saha Cristo yere buhe tuhasaũ. Apequiro ye buheye pehere mari buhegũ quehnoaedaga.

¹²⁻¹⁵ Uru mehna, plata mehna, wapa bujũye utã paca mehna mari yeri wũhare mari ujũa tuhugũ ujũedare. Sata Jesucristo yere mari quehnoano yeri bato pihtiri deco ijigũ Cohãcjũ mari yerire ujũa tuhuriro saha yerota mari yerire masino taro. Sa tiquiro yegũ quehnoano yeri wũhũ ujũedariro saha mari yerire ti quehnoañe ijigũ masinota. Sa yero mari quehnoano yerina mari ijigũ masigũ yerota tiquiro. Quehnoano mari yeri wapa quehnoano yerota marine.

Sa yero yucari mehna, taa mehna, ñaidi pũri mehna mari yeri wũhare mari ujũa tuhugũ ujũa wahare. Sata Jesucristo yere mari quehnoano yerari bato pihtiri deco ijigũ, Cohãcjũ mari yerire ujũa tuhuro yero saha yerota mari yerire masino taro. Sata tiquiro yegũ ñano yeri wũhũ ti wũhũ ujũariro saha mari yerire ñañe ijigũ masinota. Sa yero mari quehnoano yerari bato ijigũ marine masigũ yerota

tiquiro. Sa yero quehnoano yerarina mari ijigū ihñano quehnoañene mari yemedi wapare quehnoano yesi marine. Sa ijiyequinare Cohācjū yahduorota. Sa ye sa quehnoano yerariquina mehenogā mehna yahdueta.

¹⁶ MUSA pehe Jesu yequina Cohācjū ya wuhu yero saha ijire. MUSA sa ijigū ihñano ti wuhuru tiquiro ijiboro saha Espiritu Santo pehe MUSA mehna ijire. ¿Tire masiedajari MUSA? ¹⁷ Cohācjū ya wuhu ñañe marieni wuhu ijire. Sa yena MUSA gūhu ti wuhu yero saha ijina tiquiro yequina waro ijire. Sa yero Jesu yequinare ihcāquiro dojomehnegū Cohācjū pecaru cohānota tiquiro pehere.

¹⁸ Ni mehoñene tuhoturacāhñe MUSA. “Yojoru cjēna ye masiñene quehnoano masiaja”, ni tuhoturiquiro MUSA mehna cjēno ijiro Jesu ye pehere quehnoano masiahdo. Tiquiro sa masigū ihñañe apequina tiquirore “Tūho masieniquiro ijire”, nieta. Sa yero Jesu yere masino, potota quehnoano masidiquiro waharota. ¹⁹ Masa esa tuharo tiquina basi tiquina masiñene “Ihyo warota ijire”, ni tuhature Cohācjū. Sata nine Cohācjū yere tiquina ojoari pūru: “Tiquina esa tuharo masiñequina tiquina masiñe dahseati ijierare, Cohācjū tiquiro ihñagū. Sa yero tiquina cahmeno saha yeragū yere tiquinare”, nine Cohācjū yere tiquina ojoari pūru. ²⁰ Sa ye ape pūru ohō

saha nine: “Masa tiquina esa tuharo masi pehoyequina tiquina tuhutuye dahseati ijieragū masine mari puhtoro Cohācjū pehe”, nine Cohācjū yere tiquina ojoari pūru.

²¹⁻²² Sa yena “Pablo ya curua cjāna ijiaja usā”, niedacāhña. “Apolo ya curua cjāna ijiaja usā”, niedacāhña. “Pedro ya curua cjāna ijiaja usā”, niedacāhña. Usā ijipihitina MUSA yequina dihita ijiaja. Ijipihitiye MUSA ye ijire. Cohācjū tiquiro bajumehnedire, catiye gūhure ohori MUSA. Sa yero pecaru wahaeragū yerota MUSA. Yojoru ijiyere, cameru ijiati gūhure MUSA ohorota. Sa ye ijipihitiye MUSA ye ijire. ²³ Sa yena MUSA pehe Cristo yequina ijire. Sa yero Cristo pehe Cohācjū yaquiro ijire.

4

Cristo tiquiro yere buhe duti tiquiro cūriquina tiquina dahrayere yahuahye Pablo

¹ Ohō saha ni tuhutuya MUSA yuhure Apolo gūhure: “Tiquina Cristore dahra cohteyequina ijire. Sa ye masa tiquina masiedarire Cohācjū yere buheyequina ijire”, ni, tuhutuya MUSA usāre. ² Dahra cohteyequinare tiquina puhtoro tiquiro dutiriro saha ye cohtero cahmene tiquinare. Yuhu gūhure sata yero cahmene Cristore. ³ Sa ijiepegūta yuhure MUSA yahu wajaepēgūta sa tuhutu cā yuhu. Apequina puhtoa yuhure tiquina yahu

wajaepēgūta sa tūhotu cǎ yūhū. Yūhū yerire ihñana “Ahri quehnoañe ijire. Ahri ñañe ijire”, ni masiedare mūsa. Yūhū gūhū masūta ijiaja. Sa yegū yūhū yerire quehnoano masi pehoeraja yūhū gūhū. ⁴ “Cristo yere yūhū yūhdūdcari yūhūre mariedare”, ni tūhotumaja yūhū. Yūhū ohō saha ni tūhotuepegūta buhiri tiboaga yūhū. Mari pūhtoro Cristo dihita yūhū yerire ihñano, quehnoano masine. ⁵ Sa yena mari pūhtoro tiquiro tojoa tato pano masare ñano ni yahu wajaeracāhña mūsa. Tiquiro tojoa taro masa tiquina yerire, panopū apequina tiquina masiedarire Cristo masigū yerota. Sa yero mari ye duayere, mari tūhotuyere tiquiro masigū yerota. Sa yero tiquiro yere yeriquinare “Mūsa quehnoano yeri”, ninota Cohācjū.

⁶ Yūhū acaye, yūhū Apolo mehna usā buherire yahuu yūhū, mūsare buhegū tagū. Sa ni yahuu yūhū Cohācjū tiquiro yere tiquina ojoari pūpū tiquiro nidiro sahata mūsa yeducuatire. Sa yena mūsa mehna cjēnare ihcāno saha cahme ño peoya. Ihcāquiroreta ño peoeracāhña. ⁷ Mūsa pehe apequina yūhdūoro quehnoana ijierare. Masi yūhdūdcana ijierare mūsa. Cohācjū mūsare tiquiro ohori dihitare cūore mūsa. Sa yena mūsare tiquiro yahuri dihitare masine mūsa.

¿Mūsa esa tuharo cūona, mūsa esa tuharo masina ijierapenata, dūhse yena “Masi pehona ijiaja”, niajari mūsa? Sa nina “Cohācjū usāre ohoerari. Sa yero usāre yahuerari”, niboriro saha yere mūsa.

⁸ Mūsa pehe “Cohācjū yere masi pehoaja usā. Usāre yabe boro dūhsaerare”, nimene mūsa. Sa yena mūsa cahapū usā ijieragū mūsa ohō saha ni tūhotumene: “Pūhtoa yero saha masina ijiaja usā”, ni tūhotumene mūsa. Potota Cohācjūre masi pehona pūhtoa yero saha masina mūsa ijigū mūsare quehnoa yūhdūaboaga. Mūsa sa ijigū mūsa mehna usā gūhū pūhtoa yero saha masina iiboaga. “Masina ijiaja usā”, ni tūhotuna, quehnoa yūhdūaro ni tūhotumene mūsa. ⁹ Ohō saha ni tūhotuaja yūhū pūrita: Usāre Jesu tiquiro yere buhe dutiro cūno, ijipihitiyequina iji bato tiri cǎ curua cūri usāre. Tiquina wejē dutinohriquina yero saha ijianare cūri usāre. Masa tiquina cahacjēna yero saha ijiaja usā. Ahri yehpa cjēna masa, angele gūhū cahacjēna yero saha ihñare usāre. ¹⁰ Cristo yere usā buhegū ihñañe “Tūho masieñequina ijire”, nine masa usāre. Sa Cristo yere usā yegū ihñañe, usāre ihña tuhtire. Mūsa pehe quehnoa yūhdūaro Cristo yere masina ijjajari mūsa. “Cohācjūre wacū tutueyequina ijire”, ni tūhotumene masa usāre. Mūsa pehe

quehnoa yuhduaro wacũ tutua yuhduana ijiajari. Mũsa pehere masa ño peore. Ʋsã pehere masa ne ño peoerare. 11 Ʋsã pehe yojopũre ñano yuhduana, ujuã ahbana, aco wũona, ñano suhti mariena, wuhũse mariena ijiaja. Sa ye apequina usãre ño peora, usãre ñano yere. 12 Sa yena usã tutuaro dahraja. Sa yena apequina usãre tiquina ñano yahuducuepegũta usã pehe tiquinare “Quehnoano ijiya”, niaja usã. Sa yena apequina usãre ñano tiquina yepegũta sa tuhutu cã ãsã. 13 Sa yena “Ñano yeyequina ijire”, usãre tiquina niepegũta usã pehe quehnoano mehna tiquinare yuhtiaja. Sa ye panopũ, yojopũ gũhũre ñaũe wete yero saha masape cururi iji bato tiri curua cãena yero saha ihũare masa usãre.

14-15 Mũsare quehnoaũe buheyere buhe mũhtagũ mũsa pacũ yero saha wahau yuhũ. Peyequina mũsare Cristo yere buheyequina tiquina ijiepegũta mũsare buhe mũhtarigũ ihcũta ijiaja yuhũ. Sa ijigũ mũsare buẽ tigũ yegũ tagũ ahrire ojoagũ niedũ yuhũ. Yuhũ pohmare, yuhũ cahĩnare yuhũ dutiboriro saha mũsare quehnoano mehna dutigũ tagũ ahrire ojoagũ yuhũ. 16 Sa yegũ ahrire mũsare tutuaro mehna dutigũ tagũ niaja yuhũ. Yuhũre ihũa cuũa mũsa.

17 Ahrire ye dutigũ tagũ mũsa cahapũ Timoteore ohou. Tiquiro yuhũ macũ yero saha ijiriquire yuhũ

cahĩniquiro mari puhtoro Jesu yaquiro ijire. Sa yero Cristo yere yeducure tiquire. Cristo yere mari yeatire ijipihtiyequina Jesu yequina cahapũ buhei yuhũ. Timoteo tire mũsare wacũducugũ yerota. Sa yegũ Cristo yere yuhũ yeriro sahata mũsa ihũa cũato saha Timoteore ohou yuhũ. 18 Timoteore yuhũ ohogũ ihquẽquina mũsa mehna cãena puhtoa iji duayequina ohõ saha nine: “Pablo marine cuero, mari cahapũ ahtasi”, ni tuhutumene tiquina. 19 Cohãcjũ cahmegũ mũsa cahapũ mianogãta esautja. Sa esagũ puhtoa iji duayequinare mũsa mehna cãenare Cohãcjũ ye tutuayere tiquina caogũ masigũtja yuhũ. Sa yegũ tiquina sa ni maca cãri gũhũre masigũtja yuhũ. 20 “Cohãcjũ usã puhtoro ijire”, mari ni yahuepegũta tiquire yere mari yeragũ ti mari niũe duhseati ijierare. Cohãcjũ tutuaye mehna tiquire cahmeno saha ye masiaja. Ti ihyo waro ijierare. 21 ¿Mũsa cahapũ mũsare buhiri dahreacjũ mũsare tuhtiacjũ yuhũ wahagũ cahmeajari mũsa yuhũre? ¿O mũsare cahĩgũ mũsare bucuegũ yuhũ wahagũ cahmeajari mũsa yuhũre? ¿Duhse ijigũ yuhũ wahagũ cahmeajari mũsa?

5

Corinto cãena tiquina wũana tirire yahuahye Pablo

1 Potota ohõ saha quitu tire usãre apequina: Ihcãquiro mũsa mehna cãeno tiquire

m̄onore w̄hana tiñhoiti. Sa ni yahuri masa us̄are. Apequina pehe Cohãc̄jũre cahmeeñequina ijiepetata tiquina pehe sa yerare. ² M̄usa mehna c̄jãno tiquiro sa yepegũta m̄usa pehe “Quehnoana ijiaja us̄ã”, ni t̄hotumene. ¿D̄uhse yena tiquiro ñano yeyere masiepenata buj̄ua witierajari m̄usa? Sa yena sa ñano yeriquirore m̄usa mehna Jesu yequina mehna ijiriquirore cohãña m̄usa. ³⁻⁴ Ȳh̄u m̄usa mehna ijierapeguta ȳh̄u wacũñepu m̄usa mehnata ijiaja ȳh̄u. Sa yeḡu m̄usa mehna ijiḡu ȳh̄u niboriro saha ñano yeriquirore tiquiro sa ñano yeri buhiri buhiri dahre duti tuhasaja ȳh̄u. Jesu tiquiro dutiro mehnata sa ye dutiaja. Sa yena m̄usa cahmecoana ȳh̄u wacũñe mehnapu m̄usa mehna ȳh̄u ijigũ mari puhtoro Jesu tiquiro tutuaye mehna tiquirore ñano yeriquirore cohãña, ohõ saha niña: ⁵ “Watino tiquiro cahmeno saha mah̄ure yecũnahdo”, niña tiquirore. Sata niña tiquirore ñañene tiquiro tutuaro cahmeñene tiquiro duhuatire. M̄usa sa cohãgũ tiquiro ñano ȳh̄ud̄urota. Mari puhtoro Jesu tiquiro tojoa tati deco ñano yeriquiro Jesu mehna tiquiro quehnoano ȳh̄ud̄uatire yoj̄op̄are tiquirore sa niña.

⁶ “Quehnoana ijiaja us̄ã”, niepenata ñano yena niaga m̄usa. Ñano yeriquirore m̄usa sa ihña cãna, ti ñañene m̄usa ijipihtina piha pih-

tia wahanata. Pãre pugũ yeye trigore ti quehnoano sehsharo saha ti ñañe m̄usare piharo quehnoano sehshaa waharota. ¿Tire masiedajari m̄usa? ⁷ Ȳh̄u acaye judio masa pascua ijigũ ovejare wejẽ, ūj̄ua m̄uo, Cohãc̄jũre ño peore. Sata oveja tiquiro yariariro saha Cristo mari ñañe buhirire yariaa wahahye. Tiquiro sa waharire masina m̄usa pehe ñano yeriquirore m̄usa mehna c̄jãnore cohãña ti ñañe m̄usare “Pihari” nina. M̄usa ñañe yerire cohã tuhasari Cristo. Sa yena ñano yeriquirore cohãña “Pari turi ti ñañene pihari”, nina. ⁸ Pãre pugũ yeye trigore ti sehshariro saha panop̄u ñañene ihña cũ, ye pihtirina ijimi mari. Sa yena pascua bose decop̄u pãre pugũ yeye marieno pãre tiquina ihyariro saha mari gũh̄u ñañene cahmeno marieno ñano yero marieno ijiihna mari. Panop̄u mari ñañene yeriro saha yeracũhna. Sa yena potota quehnoano t̄hotuye mehna, quehnoañene yeihna.

⁹ M̄usare ȳh̄u ojoari pũp̄are Jesu yaquiro tiquiro ijiepegũta sa w̄hana tiducuriquirore ne piti ti dutierami. ¹⁰ Sa niḡu w̄hana tiyequinare, apequina yere tutuaro cahmeñequinare, yaqueyequinare, “Cohãc̄jũ ijire”, tiquina niñe queoyere ño peoyequinare Jesu yequina tiquina ijieragũ “Tiquina mehna ijieracãhña”, niedaja.

Ahri yehpapu sa ijiye-
 quina marieno Jesure cah-
 meeñequina marieno mari
 dihita iji masiedaja. Ijip-
 ihtiropure ijire tiquina
 pehe. ¹¹ Sa yegu musare
 ojoagu ohō saha dutimi:
 Musa mehna cjūno “Jesu
 yaquiro ijiaja”, nidiquiro
 ijieperota numino mehna
 ñano yeriquiro, apee borore
 tutuaro cahmediquiro,
 “Cohācjū ijire”, tiquina niñe
 queoyere ño peoriquiro,
 ñano quitu yeducuriquiro,
 queheriquiro, yaqueriquiro
 tiquiro ijigū tiquirore piti
 tieracāhña. Sa yeriquiro
 “Jesu yaquiro ijiaja”, ni-
 diquiro ijigū tiquirore piti
 tieracāhña. Sa yena sa
 yeriquiro mehna ihyer-
 acāhña. ¹² Sa yegu Jesu
 yequina ijieyequinare
 tiquina ñañe yeri buhirire
 buhiri dahre dutirigu ijier-
 aja yahu. Sa yahure yer-
 aro cahmene. Yuhu sa
 niepegūta musa mehna cah-
 mecoañequina Jesu yequina
 musa basi musa yerire
 ihñana, masino cahmene
 musare. Sa ihña cāedaro
 cahmene. Sa yena tiquina
 ñano yegū ihñana musare
 buhiri dahrero cahmene
 tiquinare. ¹³ Jesu yequina
 ijieyequina pehere Cohācjū
 pehe buhiri dahrerota. Sa
 yena musa pehe musa mehna
 cjānore ñano yeriquirore
 buhiri dahrena tiquirore
 cohāhña.

6

Jesu yequinare yahusārire

yahuahye Pablo

¹ ¿Musa basi cahme ihña
 tuhti yahusā duana dūhse
 ijiro boro Jesu yequina ijieye-
 quina cahapu musa acayere
 Jesu yequinare yahusāna wa-
 hajari? Jesu yequinare musa
 mehna cjēnare yahusā duana
 apequina Jesu yequinare tire
 yahuro cahmene musare.
 Sa ye Jesu yequinapu be-
 seahro. ² Pihtiri deco ijigū
 mari Jesu yequina pehe
 masa ijipihtiyequina tiquina
 yerire ihñana besenata mari
 tiquinare. ¿Tire masiedajari
 musa? Sa yena pihtiri deco
 ijigū masa ijipihtiyequinare
 beseatina ijina, yojopu
 gūhure bese masiaja mari.
 Sa yena yojopure ihyo ijieyegā
 buhiri gūhure bese masiaja
 mari. ³ Angele tiquina yerire
 ihñana tiquina gūhure besen-
 ata mari. ¿Tire masiedajari
 musa? Mari sa beseatina
 ijina potota ti yahduoro
 yojopu gūhure Jesu yequina
 tiquina yerire ihñana bese
 masiaja mari. ⁴ ¿Sa yena
 dūhse yena musa mehna
 cjēnare yahusā duana Jesure
 cahmeeñequina cahapu ihyo
 ijieyegā buhirire yahusāna
 wahajari musa? ⁵ Ahrire nigu
 niaja musa queoro yerarire
 musa bujua witiatire. ¿Musa
 mehna cjēnare musa cahme
 duse tini wiagū musare yahu-
 atiquiro musa mehna cjāno
 quehnoano masiniquiro
 mariedajari? Ijire. ⁶ Sa
 ijiepegūta musa mehna cjāno
 Jesu yaquiro apequiro Jesu
 yaquirore yahusā duaro
 Jesu yequina ijieyequinare

yahusāno wahare.

7 Masare beseyequina puhtoahap mūsa mehna cĵēnare yahusāna Cohācjū ye pehere yuhduducana nine mūsa. Apequiro mūsa mehna cĵāno mū sare űano tiquiro yegū sa tūhotu cāboaga mūsa. Jesu yequina ijieyequinare mūsa yahusāto pano mūsa acayurore mūsa sa tūhotu cāgū quehnoa yuhdudaboaga. Jesu yaquiro mū sare tiquiro yaquegū tiquirore mūsa yahusāto pano tiquiro yaquerire mūsa sa tūhotu cāgū quehnoa yuhdudaboaga. 8 Mūsa gūhu sa ijinata ijire. Apequinare űano yere mūsa. Sa yena yaquere mūsa. Sa yena apequina mūsa mehna cĵēna Jesu yequina tiquina ijiepegūta tiquinare űano yena, yaquere mūsa.

9 Sa yeyequina Cohācjū puhtoro ijiropure uhmūsepure waha masiedare. ¿Tire masiedajari mūsa? Ni mehoñene tūhotueracāhña mūsa. Mari puhtoro ijiropure ne wahasi ohō saha yeyequina: Wūana tiyequina, “Cohācjū ijire”, tiquina niñe queoyere ño peoyequina, numia mehna űano yeyequina, uūna mehna űano yeyequina numia, uūna sehsaro tiquina paguri mehna űano yeyequina, numia sehsaro tiquina paguri mehna űano yeyequina numia, 10 ni meho ehmañequina, apequina yere tutuaro cahmeñequina, queheyequina, masare űano tuhtiyequina, yaqueyequina, ne Cohācjū puhtoro

ijiropure uhmūsepure waha masiedare. 11 Panopure mūsa gūhu sa yerina ijimedi. Sa yemedina mūsa ijiepegūta yojopure mūsa űano yerire cose tuhasari Jesucristo pehe. Sa tiquiro cosenohrina mūsa ijigū tiquiro yequina ijiatinare yeri Cohācjū mū sare. Sa yero “Quehnoana ijire”, ni ihñare mū sare tiquiro. Sata yere mū sare mari puhtoro Jesucristo, Espiritu Santo gūhu tiquina tutuaye mehna.

Mari paguri Cristo ye paguri ijire

12 “Yūhu cahmeno saha ye masiaja yūhu”, nine ihquēquina. Sata ijire. Yūhu gūhu sa nidigu ijiepegūta tire yegu apequinare yedohorigu ijieraboaga yūhu. Yūhu cahmeno saha ye masiaja. Sa ye masiepegūta ihquē tahari sa yegu ijigu duhu masiedaboaga yūhu. Sa yegu tire pari turi yesi yūhu, “Duhu masiedaboaga”, nigu. 13 Ohō saha nine mūsa: “Ijipihtiye ihyaye mari paa cĵē ijati ijire. Sa yero mari paa ihyaye pose tiati paa ijire”, nine mūsa. Ti ijirota ijire. Sa ijieperota came Cohācjū pehe mari ihyayere mari paa gūhure pihtia wahagū yerota. Sa ye mari ihyaye ihyo warota ijiro nine. Ihyaye mari paa cĵē ijati ijire. Sa ijieperota mari paguri numia mehna űano yeati paguri ijierare. Mari paguri pehe mari puhtoro Cristo ye paguri ijiye nine. Sa yero mari puhtoro pehe mari pagurire

quehnoano yeatiquiro ijire. ¹⁴ Sa yero Cohãcjũ tiquiro tutuaye mehna mari puhtoro Cristore masoahye. Sa tiquiro yeriro sahata mari gũhare masonota tiquiro.

¹⁵ ¿Sa yena m̄sa paguri Cristo ye paguri ijigũ masiedajari m̄sa? ¿Ti sa ijigũ Cristo ya pagu mehna w̄hana tiricoro mehna mari ñano yegũ quehnoajari? Quehnoaedare. ¹⁶ W̄hana tiricorore ñeheniquiro tiquiro pagu pehe ticoro ya pagu mehna ijiro, ihcã pagu yero saha ijire. ¿Tire masiedajari m̄sa? Sata ni ojoahye Cohãcjũ yere tiquina ojoari p̄p̄h: “Tiquina p̄aro ijiepetahcã pagu yero saha wahare”, ni ojoahye. ¹⁷ Mari puhtoro Jesu tiquiro yaquiro mas̄no mehna ijiro nine. Sa yero mas̄no mari puhtoro mehna p̄aro ijiepetahcã pagu yero saha ijire.

¹⁸ Sa yena w̄hana tieracãhña. Tire m̄sa yabiro saha tire yeracãhña. Apeye ñañene mari yena mari pagure dojomehnedaja. W̄hana tiriquire pehe tiquiro pagure ñano dojomehnene. ¹⁹ Espiritu Santore marine ohori Cohãcjũ. Sa yero mari paguri mehna ijire Espiritu Santo. ¿Tire masiedajari m̄sa? Sa ye m̄sa paguri, m̄sa jeripohnari gũh m̄sa ye waro ijierare. ²⁰ M̄sa ñañe buhirire buhiri dahre tuhasari Cristore. Sa yena tiquiro yequina waro ijire m̄sa. Tiquiro yequina ijina m̄sa paguri mehna Cohãcjũ

tiquiro cahmeno sahata yeya. Sa yena Cohãcjũre ño peona nine m̄sa. Sa yena apequina gũhare tiquirore ño peogũ yena nine.

7

Namo tiyere yahuahye Pabla

¹ Yojopure yuhare m̄sa sinitu ojoarire yuh gũh yuhti cahmegu tagu ni-aja: Mas̄no namo tieragũ quehnoare, yuh ihñagũ. ² Ti sa ijiepegũta apequina um̄a pehe namo tiahro apequina numia mehna tiquina “Ñano yeari”, niñe. Sa ye ihquẽ numiata man̄ tiahro apequina mehna tiquina “Ñano yeari”, niñe. ³⁻⁴ Man̄ tiricoro pagu ticoro ya pagu dihita ijierare. Ticoro man̄no ya pagu gũh ijire. Ticoro man̄no gũh tiquiro pagu tiquiro ya pagu dihita ijierare. Tiquiro namono ya pagu gũh ijire. Sa yena m̄sa um̄a pehe m̄sa namosãnumiare quehnoano c̄oya. Sa yena m̄sa numia gũh m̄sa man̄sum̄are “Yuh pagure piheracãhña”, niedacãhña. ⁵ Sa ijiepegũta Cohãcjũre p̄aro m̄sa sini duana “Meheñe decorigã yuh mehna ijieracãhña. Cohãcjũre siniihna”, ihcãno mehna sa nina, sa ye masine m̄sa. M̄sa sa nidi bato m̄sa iji muhtariro saha ijiducuya tja, Satana m̄sare “Ñano ye dutiari”, nina. “Apequina mehna ñano yeboaga”, nina,

musa basi piti ti duhueracãhña. Musa iji mæhtariro saha ijiducuya tja.

6 Ahrire musare yojopu yuhu nidire nigu musare dutiye waro mehna niedaja. Sa yahugu niaja musa yeatire musa masiatire.

7 Ijipihntina musa yuhu yero saha namo tienamusa ijigũ quehnoaboaga yuhure. Sa iji duepenata mari ijipihntina ihcãno saha ijieraja. Ihquẽquinare namo ti dutire Cohãcjũ. Sa yero tiquiro ihquẽquinare namo ti dutierare.

8 Sa yegu namo marienare, manu marienare, wape wiha numia gũhure ohõ saha niaja musare: Namomariena, manumariena iji masina, sata iji cãhña yuhu yero saha. 9 Sa iji masiedana tutuaro ñañene cahmena, namo tiya. Sa yena manu tiya. Ñañene musa tutuaro cahmegũ quehnoaedare musare. Musa sa tutuaro cahmegũ musa namo tigũ pũrita quehnoarĩne. Sa yena musa manum tigũ gũhure quehnoarĩne.

10 Musa namo tinare, manum tina numiare ohõ saha dutiaja. Yuhu sa niepegũta yee dutiye waro ijierare ahri. Mari puhtoro Cristo ahrire dutire: Musanumia pehe musa manumumare cohãedacãhña.

11 Musamanumumare cohãna, manumariena numia tojoaya. Sa tojoerana parituri musa manumumamehna quehnoano ijiya tja. Sa yena musa gũhu

umusa musa namosãnumiare cohãedacãhña.

12 Sa yegu musa gũhure apequinare ohõ saha niaja yuhu. Mari puhtoro tiquiro dutiye ijierare ahri. Yuhu pehe ohõ saha niaja musare: Ihquẽquina musa mehna cjẽna Jesu yequina pehe Jesure cahmeeñequina numiare namo tiquina ijire. Sa ye tiquina namosãnumia tiquina mehna tojoa duagũ tiquina numiare cohãedacãhdo tiquina.

13 Sa ye ihquẽquina musa mehna cjẽna numia Jesu yequina numia Jesure cahmeeñequinare manum tiquina numia ijire. Sa ye tiquina manumumam tiquina numia mehna tojoa duagũ tiquinare cohãedacãhdo.

14 Musamanumumam Jesure cahmeeñequina ijiepegũta Jesu yequina numiare tiquina namo tigũ, Cohãcjũ quehnoañequina yero saha ihñare tiquinare. Sa yena musa umam pehe Jesu yequina musa ijigũ musa namosãnumia Jesure cahmeeñequina numia ijiboaga. Tiquina sa ijiepegũta musa mehna tiquina numia manum tigũ Cohãcjũ quehnoañenunia yero saha ihñare tiquina numiare. Tiquiro sa ihñedagũ musa pohna Jesure cahmeeñequina pohne yero saha ihñaboaga Cohãcjũ. Sa yero tiquina pohne gũhure quehnoañequina yero saha ihñare Cohãcjũ. 15 Sa ye musa umam pehere musa namosãnumia

Jesure cahmeeñequina numia m̄sare cohã duaye, sata yeahro. M̄sa man̄sum̄na ḡh̄u sa cohã duaye, sata yeahro. Quehnoano mari ijigũ cahmene Cohãcjũ. Sa yero tiquina numia Jesu yequina ijieye numia m̄sare cohã duagũ “Tiquina numia mehna ijiniña”, ni, dutierare Cohãcjũ. ¹⁶ Tiquina namosãnumia Jesu yequina numia pehe quehnoano yegũ ihñañe camer̄u tiquina man̄sum̄na Jesure cahmeboaga. Sa cahmegũ Cohãcjũ tiquinare pecar̄u wahaboriquinare ȳhd̄orota. Sa ye tiquina man̄sum̄na Jesu yequina pehe quehnoano yegũ ihñañe camer̄u tiquina namosãnumia Jesure cahmeboaga. Sa cahmegũ Cohãcjũ tiquina numiare pecar̄u wahaboriquina numiare ȳhd̄orota. Sa Jesure cahmeboriquina tiquina ijiepegũta potota Jesure tiquina cahmeatire masiyuro basioerare m̄sare.

¹⁷ Sa yena ijipihtina m̄sa mari p̄htoro Cristo m̄sare tiquiro iji dutiriro sahata yeya. Sa yena Cohãcjũ m̄sare tiquiro c̄rire yeya m̄sa. Tire ijipihtiequina Jesu yequinare sa ye dutiducujaja ȳh̄u. ¹⁸ Jesu yequina m̄sa ijiato pano cuhnucun̄u sohtoa cahserogãre ȳhre nena ijina, tire ihña yabieracãhña. Sa yena Jesu yequina m̄sa ijiato pano cuhnucun̄u sohtoa cahserogãre ȳhre nedarina ijina yojop̄u ḡh̄ure

sata ijiducuya. ¹⁹ Yojop̄ure ti cahserogãre ȳhre nedina m̄sa ijigũ d̄h̄seati ijierare. Tire yerarina m̄sa ijigũ ḡh̄ure d̄h̄seati ijierare. Sa ijiepegũta Cohãcjũ dutiyere mari yegũ ti p̄rita ihyo waro ijierare. ²⁰ Sa yena Cohãcjũ Jesu yequina m̄sare tiquiro c̄iri pje m̄sa ijiriro sahata tojoaya. ²¹ Jesu yaquiro m̄h̄u iji d̄cato pano apequiro cahacjũ m̄h̄u ijigũ quehnoanota. Sata tojoaya. M̄h̄u p̄htoro m̄h̄ure tiquiro wio duagũ pehere wijiaya m̄h̄u. M̄h̄u wijiagũ quehnoanota m̄h̄ure. ²² Sa yero mari p̄htoro Jesu yaquiro ihcãquiro ijiro mas̄no cahacjũno ijieperota Jesu tiquiro ȳhd̄oriquiro ijire. Sata apequiro mari p̄htoro Jesu yaquiro ijiro, mas̄no cahacjũno ijieraperota Jesu cahacjũno ijire tiquiro ḡh̄u. ²³ Mari ñañe buhirire buhiri ti tuhasahye Cristo. Sa yena tiquiro dihitare potota m̄sa p̄htoro waro t̄hotuya m̄sa. Apequina m̄sare tire tiquina ye dutieragũ tiquinare t̄hoeracãhña.

²⁴ Sa yena ȳh̄u acaye, Jesu yequina ijiatiquina Cohãcjũ m̄sare tiquiro c̄iri pje m̄sa ijiriro sahata tojoaya. Sa tojoana Cohãcjũ mehna cjãna ijiya. ²⁵ Yojop̄ure namo marienare, man̄u mariena numia ḡh̄ure yahu duaja m̄sare. Mari p̄htoro ahrire “Ohõ saha niña”, niedare ȳh̄ure. Ȳh̄ure tiquiro paja ihñagũ ȳh̄ure tiquiro yedohogũ

tiquiro cahmeno sahata yeducurigu ijiaja yuhh. Sa ijirigu ijigu ahrire quehnoano yahutja musare. ²⁶ Yojopure musa ñano yuhduna niaga. Sa yena musa namo mariena gūh, man mariena gūh musa tojoagū quehnoanota, yuhh tūhotugū. ²⁷ Nam mariena, man mariena numia musa ijina sata tojoaya. Sa yena musa pehe namo tina, man tina numia gūh sata tojoaya. ²⁸ Nam tina ñano yerare musa. Sa yena musa nuhmia man tina, ñano yerare musa gūh. Sa yena namo tina, man tina numia musare wape cūoro tojoarota. Sa yegu musare “Sa wape tiari”, nigū “Nam mariena, man mariena numia tojoaya”, niaja yuhh.

²⁹ Yuhh acaye, ahrire musare yahugu niaja. Cristo ahri yehpau tiquiro tojoa tato mehenogā dūhsare. Sa ye yojopure namo marieñequina Cohācǰū cahmeno saha tiquina quehnoano ye masino sahata quehnoano yero cahmene namo tiyequina gūhare. Sa ye man tiyequina numia gūhare sata Cohācǰū tiquiro cahmeno saha quehnoano yero cahmene. ³⁰⁻³¹ Ahri yehpa yojopu ijiro saha camepu ijisi. Camesa pihtia waharota. Sa pihtiatu yehpa ijigū yojopure mari ñehe quea utiye, mari bucueye, mari cūoye pihtia waharota. Sa ye ti ihyo waro ijire. Cohācǰū yere yeye pehe ihyo waro ijierare. Sa ye ahri

yehpa cǰēne cūoyequina, cūoyequina yero saha ijiaharo. Ahri yehpa cǰēne pajiro tūhotueraro cahmene. Ahri yehpa yojopu ijiri yehpa camesa pihtia waharota.

³² Musa ñano yuhdueragū cahmeaja yuhh. Sa yegu musa pajiro musa tūhotueragū gūhare cahmeaja. Nam mariediquiro Jesu yaquiro ijiro Jesu yere wacūducure. Sa wacūducuro Jesu cahmeñene tutuaro ye duare. ³³ Nam tiquiro pehe tiquiro namono cahmeñe pehere tutuaro ye duare. Sa yero ahri yehpa cǰēne pajiro tūhoture. ³⁴ Sa yero tiquiro puarore ye duare. Jesu cahmeñene, tiquiro namono cahmeñe gūhare tiquiro ye duare. Sa yero bucūoro man mariedicoro ijiro, ticoro mari puhtoro Jesu cahmeñene tutuaro ye duare. Nuhmino gūh sata ye duare. Sa ye duaro ticoro tutuaro Cohācǰū yacoro iji duare. Man tiricoro pehe ahri yehpa cǰē pehere ticoro manano cahmeñe pehere tutuaro ye duare. Sa yero ahri yehpa cǰēne pajiro tūhoture.

³⁵ Ahrire musare nii niaja musare yedohogu tagu. Tutuaro dutiyere musare cū dueraja. Sa cū duerapeguta quehnoano musa yegū cahmeaja. Sa yegu Jesu mari puhtoro yere musa tutuaro ye duagū cahmeaja yuhh.

³⁶ Musa mehna cǰāno tiquiro cahmedicoro bucūoro wahagū ihñano ticorore namo tiahro. “Sata yero

cahmene”, ni tãhoturo, namo tiahro. Sa yero ticorore namo tiro ñano yero niedare.

³⁷ Apequiro pehe tiquiro cahmedicorore “Yũhũre namo tiro cahmene”, ni dueraro, tiquiro cahmediro sahata yeahro. Tiquiro namo ti dueragũ, quehnoanota. Quehnoano yero nine.

³⁸ Sa yero tiquiro cahmedicorore namo tiriquire gũhũ quehnoano yere. Sa yero yojopũre ticorore namo tieriquiro pehe apequiro yũhũoro quehnoano yere.

³⁹ Manũ tiricorore ticoro manũnore cohã dutierare Cohãcjũ. Tiquiro sa cohã dutierapegũta ticoro manũno tiquiro yariari bato ticoro apequiro mehna ticoro cahmediquiro mehna manũ ti masine. Ticoro manũ tiriquire Jesu yaquiro ijiro cahmene tiquirore. ⁴⁰ Ticoro manũ mariedicoro tojoaro, manũ tiricoro yũhũoro quehnoano bucuericoro ijirota ticoro. Sata ni tãhotuaja yũhũ pehe. Cohãcjũ yaquiro Espĩritu Santore cuogũ ijiaja. Yũhũ sa cuogũ ijigũ masina, ahri yũhũ yahurire masiña mũsa.

8

“Cohãcjũ ijire”, tiquina niñe queoyere ño peo, ihyayere duhu peohye masa. Ti ihyayere yahuahye Pablo

¹ Yojopũre “Cohãcjũ ijire”, tiquina niñe queoyere ño peo, tiquina duhu peori

ihyayere yahu duaja. Ijipihtina mũsa ti borore “Masi-aja”, ni tãhoture mũsa. Sa ni tãhotuna “Apequinare masi yũhũducaja”, ni tãhotumene mũsa.

Sa ni tãhotuna apequinare yedohoerare mũsa. Apequinare cahĩna tiquinare yedohore mũsa. Sa ye masiñe yũhũoro apequinare cahĩne pehe ihyo waro ijierare. ² “Masi peho cjã”, nina ijina, Cohãcjũ quehnoañene tiquiro masi dutiyere masiedarĩaga mũsa.

³ Sa ijiepegũta Cohãcjũre mũsa cahĩgũ mũsare masine tiquiro. Sa yena tiquiro yequina ijire mũsa.

⁴ “Cohãcjũ ijire”, tiquina niñe queoyere ño peo, tiquina ihyayere duhu peore. Ti ihyayere mũsare yahutja: Ti queoye ne dũhseati ijierare. Potota ti queoye jeripohna mariedare. Cohãcjũ pehe ihcãquirola ijire. Apequina cohãmana mariedare. Ahrire masi-aja mari. ⁵⁻⁶ “Peyequina cohãmana ijire. Tiquina mari pũhtoa ijire”, ni tãhotumene masa. Sa yero

ũhmũsepũ, ahri yehpapũ gũhũre “Cohãmana”, tiquina niñequina ijiepegũta mari pehere ihcãquirola ijire Cohãcjũ. Tiquiro mari Pacũ ijipihtiyere bajumehnediquiro ijire. Sa yero tiquiro yequina ijiatina yeahye tiquiro marine. Sa yero mari pũhtoro Jesucristo ihcãquirola ijire. Tiquiro ijipihtiyere mari Pacũre ye basariquire ijire. Tiquiro yequina ijiatinare

yeahye tiquiro marine. Sa yena tiquiro mehna sa ijiducunata mari.

⁷ Yuhū nidiro saha ijiepegūta apequina Jesu yequina tire masiedare. Panopū tiquina “Cohācjū ijire”, tiquina niñe queoyere “Catiyequina ijire”, ni tūhotuducumahye. Ti pjepare sa yeriquina ijiye yojopū gūhure ti queoyere ño peo, tiquina duhu peo ihyayere “Cohāmana ye ihyaye ijire”, ni tūhotumene. Sa ye ti ihyayere ihyaye, “Mari ñano yena niaja”, ni tūhotumene. Tire tiquina yerire quehnoano masiedaye, sa ni tūhotumene. ⁸ Ti ihyayere mari ihyagū mari ihyeragū gūhure Cohācjū marine “Quehnoañequina ijire”, ni ihñedare. Sa ye ti ihyayere mari ihyagū ihyo warota iji cāhno nine ti ihyaye. Mari tire ihyana ñano yeraja. Ti ihyayere mari ihyeragū gūhure ihyo warota iji cāhno nine. Mari ihyerana apequina yuhdūoro quehnoana ijieraja mari gūhū. ⁹⁻¹⁰ Sa ijiepegūta quehnoano yeya mūsa. Ti ihyayere ihyarina mūsa ijigū apequina mūsare “Masajaja”, ninare ihña cū ihyaboaga. Sa ihña cū ihyaye tiquina yerire quehnoano masiedaye, “Ñano yena niaja mari”, ni tūhotueta tiquina gūhū. Tiquina sa ni tūhotugū tiquina pehere ñano yegū yena niaga mūsa. Sa yena quehnoano yeya mūsa. ¹¹ “Mari ti ihyayere mari ihyagū quehnoanota

marine”, mūsa ni tūhotuna ijina apequina quehnoano masieñequinare ñano yegū yeboaga mūsa, mūsare tiquina ihña cūgū. Sa yeriquina ye ijiati gūhure yariahye Cristo. Sa yena Cristo yequinare mūsa acayere ñano yegū yena niboaga mūsa. ¹² Quehnoano masieñequinare Cristo yequinare mūsa ñano yegū yena, Cristo gūhure ñano yena nine mūsa. ¹³ Sa yegū ti queoyere ño peo, tiquina duhu peo ihyayere yuhū ihyagū Cristo yequinare ñano yegū yegū niboaga yuhū. Jesu yequina ñano yegū cahmedaja. Sa yegū “Yuhū tiquinare ñano yegū yeari”, nigū ti ihyayere ne pari turi ihyasi yuhū.

9

Pablo Jesu cūriquiuro tiquiro ijiyere yahuahye

¹ Jesu tiquiro yere buhe dutiro cūrigū ijiaja. Sa yegū apequina tiquiro cūriquina tiquina yero saha ye masajaja yuhū gūhū. Jesu cūrigūta ijiaja yuhū gūhū. Mari pūhūoro Jesure ihñarigūta ijiaja yuhū. Sa yena Jesu yere yuhū buhegū mūsa pehe tire quehnoano tūhona tiquiro yequina wahare mūsa. Sa yena Jesu cūrigū yuhū ijiyere masi tuhasare mūsa. ² Apequina yuhūre yahu wajaye “Jesu cūriquiuro ijierare”, niboaga. Tiquina sa niepegūta mūsare yuhū buheri bato Jesu yequina

wahana, “Jesu cūriquiroy ijiye”, ni, yuhure masi tuhasare mūsa. Sa yena apequina yahu wajaepēgūta mūsa pehe tiquiroy cūrigū yuhū ijiye tiyere masine.

³ Yuhure yahu wajayequinare ohō saha ni yuhūtiitja. ⁴ Mū sare yuhū buheri bato yuhū ihyatire yuhū sihniati gūhare yuhure ohoro cahmene mū sare. ⁵ ¿Sa yegū namo tigū ijigū yuhū namono Jesu yacoro ticoro ijigū ticoro mehna tini masiedaboagari yuhū? Apequina Jesu cūriquina, Jesu bahana, Pedro gūhū tiquina namosānumia mehna tiquina tinidiro sahata yuhū gūhū tini masiboaga. Yuhū sa tinigū yuhū namo tigū ijigū ticoro gūhare ihyayere ohoboaga mūsa. ⁶ Yuhū Bernabé mehna mū sare quehnoañe buheyere usā buhepegūta usāre ne apee borogā ohoerari mūsa. Sa yena usā basita usā ihyatire dahra wapatah usā. ¿Usā dihitare wapataro marieno buhero cahmeajari, mūsa tuhōtugū? ¿Usā sa buhena apeye dahraye pehere duhu masiedaboagari usā? ⁷ Ahriquina yuhū queoye mehna yahuatiquina pehe tiquina dahrari wapa wapatare. Ihcāquiroy surara dahragū tiquiroy pūhōta tiquiroy wapa yere. Tiquiroy basi wapa yerare. Ihyayere oteriquiroy gūhū tiquiroy oteri dūca tigū tireta ihya masine. Sa yero wapatare tiquiroy. Sa yero ovejare ihña ihboriquiroy tiquiroy nuñequina

epēcore sihni masine tiquiroy. Sa yero wapatare tiquiroy gūhū. ⁸ “Tiquina dahrari wapare wapa yero cahmene”, nigū masa tiquina dutiye dihitare mū sare yahueraja. Cohācjū dutiyepū tiquiroy nidi gūhare mū sare yahugū niaja. ⁹ Tiquiroy dutiyere tiquina ojoari pūpū ohō saha ni yahure: “Wecū trigo pjerire tiquiroy dahpocāri mehna suhti weriquiroy ihya duagū tiquiroy dūserore cahmotaeracāhña”, niahye Cohācjū dutiye. Sa dutiroy wecūare nino niedahye. ¹⁰ Sa dutiroy marine nino niahye marīne buhero taro. Wesere seheriquiroy gūhū ti dūcare nediquina gūhū tiquina dahrari bato dūca tiri pje ijigū tiquina wapatare cohtere. Sa yena dahrayequinare tiquina dahrari wapare ohoro cahmene marine. ¹¹ Mū sare Cohācjū yere quehnoañe buheyere buhei usā. ¿Usā sa buhegū mūsa pehe usāre ihyayere ohoreraro cahmeajari, mūsa tuhōtugū? Ohoro cahmene. Mūsa ohogū quehnoaboaga usāre. Sa ijipegūta mūsa ohoerari usāre. ¹² Sa ohoerapenata apequina ihyayere mū sare sinigū tiquina pehere ohore mūsa. Tiquina mū sare ihyayere sinigū tiquina yuhūoro usā pehe oho dutiboaga mū sare.

Sa oho dutiborina ijiepenata usā pehe “Usāre ohoya” ne niedū. “Cristo ye buheyere mūsapū cahmedaboaga” nina, usāre mariedapēgūta

m̄sare ne siniedu. ¹³ Cohãc̄jũ w̄h̄h̄p̄u dahrayequina ti w̄h̄h̄p̄uta tiquina ihyayere nene. Sa ye Cohãc̄jũre tiquina ño peori altarp̄u cohteyequina wahiquirore tiquina ūjũa m̄uoriquirore mehenogã ne, ihyari tiquina gũh̄u. ¿Tire masiedari m̄usa? ¹⁴ Sa tiquina yeriro saha quehnoañe buheyere buheyequinare tiquina buheri wapare tiquina ihyatire tiquinare ohoro cahmene m̄sare. Sata ye dutiri mari p̄h̄toro Jesu. ¹⁵ Sa yeḡu m̄sare siniboriḡu ijiepeḡuta ȳh̄u ne apee borore siniedu m̄sare. Sa yeḡu ahrire yojop̄are ojoa ohoḡu apee borore wapa cahmeḡu taḡu ojoaḡu niedaja. M̄sare ne wapa cahme dueraja. Yariac̄jũ ijiepeḡuta ne wapa cahmesi ȳh̄u m̄sare. Wapa marieno buheḡu tutuaro bucueaja. Sa yeḡu m̄sare ȳh̄u buheri wapa ne wapata ihyasi.

¹⁶ Quehnoañe buheyere buhe dutiro ȳh̄uare c̄uri Cohãc̄jũ. Tire buheac̄jũta ijiḡu niaja ȳh̄u. Quehnoañe buheyere buheraḡu pe-jec̄noḡu ijiboaga ȳh̄u. Sa yeḡu ti buheyere buheḡu “Apequinare masi ȳh̄ud̄ud̄caja”, niac̄jũ ijieraja ȳh̄u. ¹⁷ Quehnoañe buheyere ȳh̄u esa tuhoro buheḡu ȳh̄u buheri wapa wapa neboaga ȳh̄u. Cohãc̄jũ ȳh̄uare tiquiro yere buhe dutiro c̄uri ȳh̄uare. Sa yeḡu ȳh̄uare tiquiro c̄urire yeḡu niaja. Sa buheac̄jũ ijiaja

ȳh̄u. ¹⁸ ¿Tiquiro yere sa buheḡu yabe borore wapatajari ȳh̄u? Ohõ saha ijire ȳh̄u wapataye: Quehnoañe buheyere buheḡu m̄sare ne apee borore siniedaḡu wapa marieno ti buheyere buheaja m̄sare. Ȳh̄u sa nidire masiḡu bucueaja. Ȳh̄u bucueyeta ijire ȳh̄u wapataye.

¹⁹ Ne masa cahac̄jũ ijierapeḡuta ijipihtiyequina cahac̄jũ yero saha ijiaja ȳh̄u apequina masa Jesu yequina tiquina wahatire. ²⁰ Sa yeḡu ȳh̄u acaye judio masa mehna ijiḡu, tiquina yero saha yeaja ȳh̄u Jesu yequina tiquina wahatire. Cohãc̄jũ dutiyere Moisere tiquiro c̄urire ño peoriḡu ijierapeḡuta, ti dutiye dihitare ño peoyequina mehna ijiḡu ti dutiyere ño peoriquiro yero saha ijiaja ȳh̄u. Sata yeaja ȳh̄u tiquina Jesu yequina tiquina wahatire. ²¹ Sa yeḡu Cristo yaquiro ijiḡu Cohãc̄jũ dutiyere Moisere tiquiro c̄urire cohã dueraja. Ti dutiyere cohã duerapeḡuta ti dutiye marieñequina mehna ijiḡu ti dutiye marieniquiro yero saha ijiaja. Sata yeaja ȳh̄u Jesu yequina tiquina gũh̄u wahatire. ²² Jesu yere quehnoano masieñequina mehna ijiḡu tiquina yero saha ijiaja. “Masi pehoḡu ijiaja”, niedaja ȳh̄u. Sata yeaja ȳh̄u Jesu yequina tiquina gũh̄u wahatire. Sa yeḡu ijipihtiyequina masa tiquina ijiro saha ijiaja ȳh̄u, ihquẽquina Jesu yequina

tiquiro y^uhd^uoriquina tiquina wahatire. ²³ Ahrire yeaja quehnoañe buheyere ijipihtiyequina tiquina t^uhoatire. Y^uh^u sa yeg^u ihñano Jesu tiquiro buheriro saha y^uh^u g^uh^ure quehnoano yere. Sa yeg^u masa tiquina ijie tiro saha ijiaja.

²⁴ Ohō saha ijire mari queoye mehna buheg^u. Oma cohāpeyequina omañe tiquina ijipihtiyequina omare. Tiquina sa oma pⁱhtiepeg^uta oma tutuariquiro pehe esa m^uhtare. Sa esa m^uhtariquiro wapatare. Sa yena tiquina omariro saha m^usa g^uh^u Cohācj^u cahmeñene yeya m^usa wapatatire. ²⁵ Ijipihtiyequina omañequina tiquina pag^ure dojomehneñene duhu cā, quehnoano omapore tiquina oma tutuatire. Sa ye tiquina quehnoano omatire queoro ihyaye, queoro carīñe, quehnoano yere tiquina. Sata yere tiquina wapatato saha. Sa ye tiquina wapataye p^uri mehna tiquina yeri behto ijire. Ti behto pehe yoari pje ijierare. Duita ahbaa wahare. Mari pehe Cohācj^u yere quehnoano buheaja tiquiro yere mari wapatato saha. Ti wapataye p^urita ne ahbaerare. ²⁶ Sa yeg^u y^uh^u ape siep^u omariquiro yero saha yeraja. Sa yeg^u cahmequeperiquiro ape siep^u dote maca cāriquiro yero saha yeraja. Sa yeg^u Cristo yere queoro ye duaja. ²⁷ Sa yeg^u omapeyequina,

cahmequepeyequina g^uh^u tiquina pag^ure tiquina buheriro saha, quehnoano queoro tiquina yeriro saha y^uh^u g^uh^u y^uh^u pag^u mehna quehnoañe dihitare yepoaja. Sa yerag^u apequinare buherig^u y^uh^u ijiepeg^uta d^uhseac^u ijieraboaga y^uh^u pehe.

10

“Cohācj^u ijire”, tiquina niñe queoyere ño peo dutierahye Pablo

¹ Sa yena y^uh^u acaye, ahrire masiña m^usa. U^sā Israe masa ñe^cs^um^u m^una panop^u cjēna ijipihtiyequina Cohācj^u ya ehmeo curuare ihña n^un^u tā cāa wahahye. Sa wahaye, aco sohāri mare aco p^ua peheri tojoad^ucari mahap^u w^ua queheri mahap^u tiniñe, pehāa wahahye. ² Sa wahaye, tiquina ijipihtiyequina ehmeo curua mehna aco sohāri ma cjē aco mehna Cohācj^u ye ijiatire wame yenohriquina yero saha wahahye. Wame yenohrina wahana Cristo yequina mari ijiyere ihñona niaja. Sa tiquina aco sohāri mare wame yenohriquina yero saha wahaye, Moise yequina tiquina ijiyere ihñoñe niahye. ³ Sa ye tiquina ijipihtiyequina ^uhm^use cjē ihyayere ihyae tiahye Cohācj^u tiquiro ohoyere. ⁴ Sa ihyaye tiquina ijipihtiyequina Cohācj^u ohori aco g^uh^ure sihnie tiahye. Ti pje^ure ti acore Cohācj^u c^uri ^utāp^u wijiari acore sihnie tiahye tiquina. Tia

utã yero saha ijiriquiro, tiquinare aco ohoriquiro Cristo ijiahye. ⁵ Tiquina sa wahariquina ijiepegũta apequina tiquina mehna cjẽna ñano yegũ ihñano Cohãcjũ pehe peyequina tiquina mehna bucuerahye. Sa yero tiquinare masa marienopũ yariagũ yeahye Cohãcjũ.

⁶ Sata yeahye tiquinare Cohãcjũ marine buhero taro. Sa yero tiquinare ihña cũ ñañene mari tutuaro cahmedatire Cohãcjũ sa yeahye tiquinare. ⁷ Sa yena “Cohãcjũ ijire”, tiquina niñe queoyere tiquina ño peoriro saha yeracãhña m̄sa. Ti queoyere tiquina ño peorire Cohãcjũ yere tiquina ojoari p̄p̄ yahuro ohõ saha niyahye: “Tiquina ihya duji sihni tuhasa, wahcãd̄ca, bose deco ye d̄cahye wecu queoyere ño peoye tehe”, ni ojoahye panop̄re. ⁸ Came apequina Israe masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihcã decota tiquina veintitres mil masa yariaa wahahye. ⁹ Apequina Israe masa Cohãcjũre tiquina mehna usuagũ yeahye. “Marine buhiri dahresi”, niñe Cohãcjũre tuhtiahye. Sa tuhtiyete tiquirore usuagũ yeahye. Tiquina sa yeri buhiri Cohãcjũ añaa pari mehna bahque wejẽahye tiquinare tja. Sa yena tiquina yero saha Cristore yeracãhña m̄sa. ¹⁰ Apequina Cohãcjũre unure tuhtigũ

angel masare wejẽdiquiro tiquinare wejẽahye. Sa yena tiquina yero saha yeracãhña.

¹¹ Sa wejẽ dutiahye tiquinare Cohãcjũ marine buhero taro. Mari pehe pihtiri deco panogã ijina ijiaja. Mari sa ijina ijigũ panop̄ cjẽna tiquina sa waharire Cohãcjũ ojoa dutiahye marine quehnoano buhero taro. ¹² Sa yena “Quehnoana ijiaja, Cohãcjũ tiquiro ihñagũ”, ni t̄hotu, quehnoano yeya m̄sa “Ñañene yeari”, nina. ¹³ Mari ijipihtina ihcãquiro d̄hsaro marieno ihquẽ tahari ñañene wacũaja. Sa wacũna ti ñañene ye duaja. Mari sa ye duepegũta Cohãcjũ marine yedohoducuriquiro ijire. Sa yero ti ñañe wacũñene mari bo masiedagũ tiquiro pehe marine yedohorota. Sa yero ti ñañene mari ye duagũ ihñano Cohãcjũ ti ñañene marine ye dueragũ yerota. Tiquiro sa yegũ ti ñañene ye duasi mari.

¹⁴ Sa yena ȳh̄ cahña ȳh̄re t̄hoya. “Cohãcjũ ijire”, tiquina niñe queoyere ne ño peoeracãhña. ¹⁵ M̄sa quehnoano masina ijigũ m̄sare yahuaaja. Sa yena ȳh̄ niato poto ijigũ masiña m̄sa basi. ¹⁶ Cristore tiquina ñehedi ñamine vinore tiquiro sihniato pano Cohãcjũre “Quehnoare”, niahye. Tiquiro nidiro saha mari ḡh̄ ti vinore sihniña Cohãcjũre “Quehnoare”, nina, mari ye buhiri Cristo tiquiro yariarire masigũ

yena niaja. Tiquiro dii wijiari masigū yena niaja. Sa yena tiquiro yequina mari ijiye gūhare masigū yena niaja mari. Sa yena pāre mari Cristo yequina nuhana mari ye ijiatire tiquiro pagu curusapu tiquiro yariari masigū yena niaja. Sa yena tiquiro yequina mari ijiye tiye gūhare masigū yena niaja. ¹⁷ Sa yena peyequina masa ijeipenata ihcāria pāgāre ihyana, ijipihina mari Cristo yequina ihcā curuata ijiaja. Sa yena peyequina ijeipenata ihcā curuata ijiaja.

¹⁸ Israe masa tiquina yerire wacūña mūsa: Tiquina wahiquirore wejēñe, ujūa mūo, ohoye, Cohācjūre ño peore. Sa tiquina ohori bato ihcā curuata tiquina ohoriquirore ihyare. Sa ihyaye Cohācjū yequina tiquina ijiye tiyere masigū yere tiquina. ¹⁹ Ohō sahata nii niaja mū sare: “Cohācjū ijire”, tiquina niñe queoye duhseati ijierare. Sa yero queoyere ño peo tiquina duhu peoye ihyaye pehe ihyo warota ijiro nine. Ti ihyaye marine sijoro saha wahagū yerare. ²⁰ Ti ihyaye sijoro saha wahagū yerapegūta ti ihyayere ihyeraro cahmene. Ohō saha ijire ti. Cohācjūre cahmeeñequina wahiquirore wejē, ujūa mūo, Cohācjūre ño peoye niedare. Sa ye queoyere ño peoye wafīa pehere ño peore tiquina. Tiquina sa ño peoyequina

ijigū tiquina mehna ihyana watīno yequina yero saha yena niaga mūsa. Mūsa sa yegū pūritare ne cahmedaja. ²¹ Santa cenare mari yeri deco mari puhtoro Jesure wacūna tana sihniaja. Mari sa sihnina, watīno ye pehere sihni masiedaja mari. Sa yena Jesure wacūna tana pāre ihyaja. Mari sa ihyana, watīa ye pehere ihyā masiedaja mari. ²² ¿Jesure mūsa mehna usuagū ye duajari mūsa? ¿Tiquiro yuhduoro tutuana ijiajari mūsa? Ijierare mūsa. Sa yena quehnoano yeya mūsa.

Cohācjū cahmeñe dihitare yeya

²³ Mūsa yeri ñañe ijierapegūta tire yena apequinare yedohoeraboaga mūsa. Sa yena tire yena Jesure wacū tutua nemogū yeraboaga mūsa apequinare. ²⁴ Mūsa cahmeñe dihitare yeracāhña. Apequina pehere quehnoano yedohoya mūsa.

²⁵⁻²⁶ Ihyaye duaropure ihyayere dūna “¿Ahri ihyaye cohāmana queoye cahapu tiquina duhu peori ihyaye ijiajari?” ni, sinitueracāhña. “Ñañene yeri”, nina, sinitueroaga mūsa. Sa ni sinitueracāhña. Ahri yehpa, ahri yehpapu ijiye gūhu Cohācjū ye ijire. Sa yena ti ihyayere “¿Ñañe ihyaye ijiajari?” niedacāhña.

²⁷ Jesure cahmeediquiro mū sare ihyā dutiro tiquiro pijiogū waha duana wahaya. Sa wahana mū sare tiquiro

duhu peoyere ihyaya. “¿Ahri ihyaye Cohãcjũ queoye cahapũ tiquina duhu peori ihyaye ijiajari?” ni, sinitueracãhña. ²⁸ Sa yena apequiro Jesu yaquiro “Ahri ihyaye Cohãcjũ queoyere tiquina duhu peori ihyaye ijire”, m̄sare tiquiro ni yahugũ ti ihyaye p̄ritare ihyeracãhña. M̄sare sa ni yahuriquiro “Ñãñe ihyayere ihyare ahriquina”, m̄sare tiquiro ni t̄hotueratire ihyeracãhña. ²⁹ Sa ihya dutieragũ m̄sa pehere yedohogũ tagũ sa niedũ. M̄sare ahrire yahuriquiro pehere yedohogũ tagũ sa ihya dutieraja. Tiquiro pehe m̄sare “Ñãñe ihyayere ihyare ahriquina”, niboaga. “Sa niari”, nina ti ihyayere ihyeracãhña.

“Ihyeracãhña”, yũhũ nigũ ohõ saha ni sinitu yũhtiboaga m̄sa yũhũre: “¿Dũhse ijiro boro apequirore ‘Sijoro saha wacũari’”, nina ihyeraboagari ãsã? ³⁰ “¿Ti queoyere ohori ihyayere ãsã ihyagũ Cohãcjũ warore ‘Quehnoare’, ãsã niepegũta dũhsero tire ãsã ihyari buhiri apequiro ãsãre yahu wajaboagari?” ni sinitu yũhtiboaga m̄sa yũhũre. ³¹ Ahri ijipihtiyere yahugũ ohõ saha nigũ niaja m̄sare: Decoripe Cohãcjũ tiquiro dutiriro sahata bucueye mehna ihya, sihniaja, Cohãcjũre masa tiquina ño peoatire. Sa yena ijipihtiyere quehnoano yeducuya Cohãcjũre masa tiquina ño peoatire. ³² Ne judio

masare, judio masa ijieyequinare, Cohãcjũ yequina gũhũre ñano yegũ yeracãhña m̄sa tiquinare. ³³ Ohõ saha yeaja yũhũ pehe. Masa ijipihtiyequinare yedoho duaja. Sa yegũ yee ijiaati pehere pajiro t̄hotueraja. Yũhũ ñano yũhdũgũ quehnoanota. Masa pehere yedohoaja tiquinare pecapũ wahaboriquinare Cohãcjũ tiquiro yũhdũoatire.

11

¹ Sa yena Cristore yũhũ ihña cũriro sahata m̄sa gũhũ yũhũre ihña cũña.

Corinto cjẽna cahme-coanopũ numia tiquina yeatire yahuahye

² M̄sare yũhũ buhe turarire wacũ pehoñhti m̄sa. Sa wacũna m̄sare yũhũ nidire yũhũ ye dutiriro saha yeñhti m̄sa. Sa yena quehnoano yere m̄sa.

³ Sa yena m̄sa ijiepegũta ahri gũhũre m̄sa masigũ cahmeaja: Ijipihtiyequina m̄ma tiquina p̄htoro, Cristo ijire. Sa yero tiquiro namono p̄htoro ijire ticoro manũno. Sa yero Cristo p̄htoro tiquiro Pacũro ijire. ⁴ Cohãcjũre sinidiquiro tiquiro dapure mohariquiro sinino, tiquiro basi p̄htoro ijiyere wi-jiaro nine. Cohãcjũ yere yahuriquiro gũhũ tiquiro dapure mohano, sata yero nine tiquiro gũhũ. ⁵ Sa yero ticoro dapure moheno Cohãcjũre sinino, ticoro manũno p̄htoro ijiyere wi-jiagũ yero nine. Cohãcjũ yere

yahuricoro gũhũ ticoro dapure moheno, sata yero nine ticoro gũhũ. Sa yero ticoro poarire wũhari pjĩ mehna wũha pehoricoro yero saha yere ticoro. ⁶ Ticoro dapure moha dueraro ticoro poarire se peho cã dutiahro. Ticoro sa yeri bato ticoro dapure bue tiro, ticoro mohaahdo ticoro dapure. ⁷ Ƴmũa pehe Cohãcjũ yero saha pũtoa ijire. Sa ye Cohãcjũ quehnoariquiro, tutuariquiro tiquiro ijiye tiyere ihñore tiquina pehe. Sa ye tiquina dapure mohẽnequinata ijiahro. Numia pehe Ƴmũa tiquina pũtoa ijiye tiyere ihñore. Sa yeye tiquina dapure mohaahdo. ⁸ Cohãcjũ Ƴmũnore yero, numino ya pagũ cjẽ mehna Ƴmũnore yerahye. Numino pehere yero, Ƴmũno ya pagũ cjẽ mehna yeahye ticorore. ⁹ Sa yero Ƴmũnore yero, numino yaquiro ijia-tiquirore yerahye. Numino pehere yero Ƴmũno yacoro ijiatricorore yeahye Cohãcjũ ticorore. ¹⁰ Sa ye numia tiquina dapure mohaahdo angele gũhũ tiquina ihña bucueatire. Sa mohañe Ƴmũa tiquina pũtoa tiquina ijiyere ihñoñe nine. ¹¹⁻¹² Cohãcjũ numinore yero, Ƴmũno pagũ cjẽ mehna yeahye. Sata yojopũre Ƴmũno masa bajuaro, numino pagapũ masa bajuare. Sa yero ijipihtiyequinare Cohãcjũ pehe yeahye. Sa yero Ƴmũno tiquiro iji mũhtaedagũ numino mariedaboaga. Sa ye numino ticoro mariedagũ

Ƴmũno gũhũ mariedaboaga. Sa ye tiquina Ƴmũa numia gũhũ tiquina basi cahme yedohore masa putiatire. Sa yero ijipihtiyequinare ijia-tiquinare bajumehnediquiro ijire Cohãcjũ.

¹³ ¿Mũsa basi dũhse ni tũhotuajari? ¿Numino ticoro dapu mohedico, Cohãcjũre ticoro sinigũ quehnoajari, mũsa tũhotugũ? Ne quehnoaedare. ¹⁴ Sa yero Ƴmũno poa nahmo cũoriquiro tiquiro ijigũ ñarĩne. Ijipihtiyequina masa tire masine. ¹⁵ Sa yero numino ticoro poa nahmo ticoro dapure mohari cahsero yero saha ijire. Sa yero ticoro poa nahmo cũoricoro ijiro quehnoaricoro bajure ticoro. Ti gũhũre ijipihtiyequina masine. ¹⁶ Mũsa mehna cjãno ahrire yũhũ yahurire tiquiro cahmedagũ, ohõ saha ni yahutja tiquirore: “Yũhũ ni yahuriro saha yeducuaja mari. Apequina Jesu yequina gũhũ sata yere tiquina gũhũ. Ƴsã sa yerina ijigũ ihñagu yũhũ ni yahuriro saha yero cahmene mũhũ gũhũre”, ni yahutja yũhũ yahurire cahmeediquirore.

Santa cenare tiquina ihyari watoa dojomehneahye Corinto cjẽna

¹⁷ Yojopũre mũsare ahrire yahugũ tũhũ, “Quehnoano yena ijire”, niedaja yũhũ mũsare. Mũsa cahmecoana quehnoano yerare. Ñano yere mũsa. ¹⁸ Ohõ saha

ni yahu m̄htaũtja m̄sare: M̄sa cahmecoanop̄ cahme d̄use tutuana m̄sa basi ihquē cururi tu wana niñoh̄ti m̄sa. Apequina tire yuh̄re tiquina yahuḡũ “Potota ijiaga”, ni t̄hotuaja yuh̄. ¹⁹ Sata yere m̄sa. Sa yena oh̄ saha ni t̄hotumene m̄sa. “Mari tu warina ijina, Jesu yequina waro ijiyequina pehere masinata mari. Sa yena marine tu waro cahmene”, ni t̄hotumene m̄sa. ²⁰ M̄sa basi sa cahme ih̄na tuhtina, m̄sa ihc̄anop̄ cahmecoa ihyana quehnoano yerare. Potota Santa cena waro yena niedare. ²¹ M̄sa cahmecoana ihquēquina m̄sa sehsaro ihya m̄htana, apequina pehere ūja ahbaḡũ yere. Sa ye sihni m̄htana quehea wahare. ²² ¿M̄sare m̄sa ihyaye wuh̄se mariedajari? ¿M̄sare m̄sa sihniñe wuh̄se mariedajari? Ti wuh̄seper̄ta ihya, sihniñ̄a. Yojop̄re Coh̄c̄jũ yequina tiquina cahmecoanore dojomehnena niaga m̄sa. Sa yena apequina Jesu yequina pejeshoyequinare ihyaye marieñequina pehere m̄sa pehe buoro yuh̄duḡũ yere. ¿Duh̄se ni yahuḡtari yuh̄ m̄sare? “Quehnoano yerare m̄sa”, niaja yuh̄.

Santa cenare ihyarire yahuahye Pablo

(Mt 26.26-29; Mr 14.22-25; Lc 22.14-20)

²³ Mari p̄htoro Jesu tiquiro ihya bato tirire yahuri yuh̄re. Sa tiquiro

yahuri bato yuh̄ pehe m̄sare tire yahuu. Ti oh̄ saha ijire: Tiquirore ih̄na tuhtiyequinare Juda tiquiro ih̄noati ñamine mari p̄htoro Jesucristo p̄re ne, ²⁴ Coh̄c̄jũre “Quehnoare”, niñoh̄ti. Tiquiro sa nidi bato ti p̄re nuha, tiquiro buheyequinare itiñoh̄ti. Sa itiro oh̄ saha niñoh̄ti: “Ahr̄re ihyaya. Ahri yuh̄ paḡũ ijire. M̄sa ye ijiatire yariũtja. Yuh̄re m̄sa wacũatire ahr̄re ihyaya”, niñoh̄ti Jesu mari p̄htoro. ²⁵ Sa tiquina ihyari bato tiquiro sihn̄idi pare neno oh̄ saha niñoh̄ti: “M̄sa ñañe yeyere coh̄gũ tagũ yariũtja. Sa yegũ ye diire coh̄gũtja. Coh̄c̄jũ ‘M̄sare yuh̄d̄outja’ tiquiro nidiro esagũ yuh̄ yariaro mehna tiquiro nidiro sahata sohtori tirota. Ahri pap̄ pose tiyere sihnina, yuh̄ dii wijiariire wacũnata. Ahr̄re sihnina, yuh̄re m̄sa wacũatire sihniñ̄a”, niñoh̄ti Jesu. ²⁶ Sa yena Santa cena c̄jẽ p̄re m̄sa ihyana, sihniñene sihnina, Jesu mari p̄htoro mari ye buhirire tiquiro yariarire wacũ, ih̄nona nine m̄sa. Sa ih̄noducunata m̄sa tee ahri yehpap̄ tiquiro tojoa tato pano.

“Santa cenare ihya sihnina oh̄ saha yeya”, ni yahuahye Pablo

²⁷ Santa cenare ihya, sihnina, Jesure ño peoro marieno cua peso yerana, tiquiro paḡũre tiquiro dii coh̄ari ḡuh̄re bujupero saha yena niaja mari. Sa yena Jesure

12

bujapena niaja mari. Sa yeyequina buhiri tiyequina ijire. ²⁸ Sa yena mari yerire, mari ijiye tiyere quehnoano wacũuhna. Sa wacũna Santa cenare ihya, sihni masiaja mari. ²⁹ Mari puhtoro mari ye ijiatire tiquiro pagu yariarire wacũno marieno Santa cenare ihya, sihnina mari buhiri tinata. ³⁰ Ohõ saha dihita yere peyequina m̄sa mehna cj̄ena. Sa ye tiquina ihquẽquina tutueyequina, dohatiyequina wahare. Sa ye apequina tiquina sa yeri buhiri yariaa wahare. ³¹ Sa ijiepegũta tiquina ihya, sihniñe tiquina yerire, tiquina ijiye tiyere quehnoano wacũñe, tiquina ñañe yerire duhu, ti buhirire buhiri tieraboaga. ³² Mari puhtoro pehe marine tuhtire, tiquina ye buhirire marine buhiri ti dutieraro. Apequina ñañequina Jesure ño peoyequina buhiri tiatiquina dihita ijire. Tiquina yero saha marine buhiri tigũ cahmedare mari puhtoro.

³³ Sa yena yuh̄u acaye, Santa cenare ihyana tana cahmecoana, m̄sa basi cohteniña. ³⁴ Sa ye m̄sa mehna cj̄ena ūj̄na ahba, tiquina ye wuh̄usepu ihyarĩahdo. Sa yena Santa cenare ihyana tana cahmecoana, cua pesaro yerariquina ye buhiri buhiri tisi m̄sa. Apee borore yahu duami m̄sare. Came yuh̄u basi esagup̄u m̄sare yahutja tire.

Cohãcjũ yere mari yeatire cũno marine ye masigũ yere Espiritu Santo

¹ Yuh̄u acaye ahrire yahu duaja m̄sare. Cohãcjũ yere mari yeatire cũno marine ijipihtinare ye masigũ yere Espiritu Santo. Sa yegu tire m̄sa quehnoano masigũ cahmeaja.

² Jesu yequina ijieranina sijoro saha ijiye buheyere tuho nununa ijina, m̄sa pehe “Cohãcjũ ijire”, tiquina niñe queoyere, yahuducueye queoyere ño peomedi. Tire masine m̄sa. ³ Sa ijimedina m̄sa ijigũ yojop̄are ohõ saha ni yahutja m̄sare. “Jesu ñano wahacũnahdo”, niñequina Cohãcjũ yaquiro Espiritu Santo tutuaye mehna sa niñe niedare. Espiritu Santo warore cuoerare tiquina. Sa ijiye “Jesu mari puhtoro ijire”, niñequina pehe Espiritu Santo tutuaye mehna sa niñequina ijire tiquina.

⁴ Cohãcjũ yere ye masiñe peye ijire. Ti sa ijiepegũta marine ye masigũ yeriquiro pehe ihcãquirola ijire. Tiquiro Espiritu Santo ijire. ⁵ Sa ye apequinare yedohoye gũhu peye ijire. Ti sa ijiepegũta mari puhtoro Jesu pehe marine yedoho dutiriquiro ihcãquirola ijire. ⁶ Sa ye Cohãcjũ yere yeye gũhu peye ijire. Ti sa ijiepegũta Cohãcjũ ijipihtina marine ye masigũ yeriquiro pehe ihcãquirola ijire. ⁷ Marine Jesu yequinare Espiritu

Santo yedohoro, Cohãcjũ tutuayere ihñoño nine. Ohõ sahata yedohore tiquiro Jesu yequinare ijipihtiyequinare mari quehnoano yeatire.

⁸ Ihquẽquinare quehnoano masi yahugũ yere Espiritu Santo. Sa yero apequinare Cohãcjũ yere quehnoano buhegũ yere tiquiro. ⁹ Sa yero apequinare Cohãcjũre quehnoano wacũ tutuagũ yere tiquiro. Sa yero apequinare Cohãcjũ tutuayere ohore tiquiro. Ti tutuaye mehna tiquina pehe dohatiyequinare yahdugũ yere. Cristore tiquina wacũ tutuagũ ihñano tiquirore tiquina sinidiro sahata yere tiquiro. Espiritu Santo ihcãquirola ijiriquiro ti tutuayere ohore. ¹⁰ Sa yero apequinare Cohãcjũ tutuaye mehna ihñoñene ye masigũ yere tiquiro. Sa yero apequinare Cohãcjũ yere quehnoano yahu masigũ yere tiquiro tiquinare. Sa yero apequina Jesu yequinare buheyere quehnoano bese masigũ yere tiquiro. Sa masiñe watño ye buheye ti ijigũ masine tiquina. Espiritu Santo waro ye buheye gũhare ti ijigũ masine tiquina. Sa yero apequinare tũhomehneñe yahuducuyere yahuducu masigũ yere tiquiro. Sa yero tũhomehneñe yahuducuyere yahuducuyequina tiquina nino sahata yahu yahduo masigũ yere tiquiro apequinare. ¹¹ Espiritu Santo

ihcãquirola ijiriquiro tiquiro cahmeno saha marine ijipihinare yahũ yahuriro saha ye masigũ yere. Ihquẽquinare sijoro saha ye masigũ yere. Apequina gũhare sijoro saha ye masigũ yere.

Cristo yequina ijina ihcã curuata ijiaja mari

¹² Ohõ sahata ijire ahri mehna mari queoye mehna yahugũ: Mari pagũ ihcã pagũ ijiepegũta omocari, caperi, dahpocãri, cahmo ti pũrita peye ijire mari pagũpũ ijieye. Sata ijiaja mari Cristo yequina gũhũ. Cristo yequina tiquiro pagũ yero saha ihcã curuata ijiaja. ¹³ Sa yena Cristo yequina ijina, tiquiro pagũ yero saha ihcã curuata ijiaja mari. Judio masa, judio masa ijiena, cahacjãna, cahacjãna ijiena peye cururi mari ijiepenata ihcãquirola ijiriquiro tiquiro pagũ yero saha ihcã curuata ijiaja mari. Espiritu Santo ihcãquirola ijiriquiro tiquiro tutuaye mehna wame yenohrina ijiaja mari ijipihtina. Sa yena ihcãquirola Espiritu Santore cuoaja mari, Cristo ya curua cjãna ijina.

¹⁴ Mari pagũ ihcã pagũ ijiepegũta omocari, caperi, dahpocãri, cahmo, ti mari pagũpũ ijieye peye ijire. ¹⁵ Mũhũ dahpocã yahuducuri dahpocã ijiro, ohõ saha ni-boaga mãhũre sijoro saha ni duaro: "Omoca ijieraja yahũ. Sa yegũ pagũ cjã dahpocã ijieraja yahũ", ni-boaga. Mũhũ dahpocã sa nieperota pagũ

cjã dahpocã ijirota nine. ¹⁶ M̄h̄h̄ cahmono yahuducuri cahmono ijiro, ohõ saha niboaga m̄h̄h̄are sijoro saha ni duaro: “Capea ijieraja ȳh̄h̄. Sa yeḡu paḡu cjã cahmono ijieraja ȳh̄h̄”, niboaga. M̄h̄h̄ cahmono sa nieperota paḡu cjã cahmono ijirota nine. ¹⁷ ¿Mari paḡu capea dihita ijiḡũ d̄h̄se t̄h̄h̄oboagari mari? Basioerare. ¿Sa yena mari paḡu cahmono dihita ijiḡũ d̄h̄se wij̄boagari mari? Basioerare. ¹⁸ Sa ijierare mari paḡu. Ohõ saha ijire. Mari paḡūp̄h̄ ijiyere Cohãcjũ tiquiro cahmeno saha c̄uh̄ye mari paḡūre. ¹⁹ ¿Mari paḡūp̄h̄ ijije mariedaḡũ d̄h̄se wahaboagari mari paḡū? ¿Mari omocari dihita ijiḡũ d̄h̄se wahaboagari mari paḡū? ²⁰ Mari paḡū ohõ saha ijire: Ihcã paḡū ijiepeḡãta mari paḡūp̄h̄ ijije peye ijire.

²¹ “M̄h̄h̄ yedohoḡũ cahmedaja”, m̄h̄h̄ capea ni masiedare m̄h̄h̄ omocare. Sa yero m̄h̄h̄ dapu m̄h̄h̄ dahpocãrine “M̄h̄sa yedohoḡũ cahmedaja”, ni masiedare. ²² Apeye mari paḡūp̄h̄ ijiyere “Ihyo iji cjũñe ijire”, mari niñe pehere pototi cahmeaja mari apeye mari paḡūp̄h̄ ijije ȳh̄d̄h̄oro. ²³ Sa yena mari paḡūp̄h̄ ijiyere “Ihyo ijije ijire”, mari ni t̄h̄hotuepenata t̄ire mari paḡūp̄h̄ ijiyere cahmeaja mari, mari quehnoano ijiatu saha. Sa yena apeye mari paḡūp̄h̄ ijiyere mari b̄ue tiyere suhti mehna n̄hoaja mari. ²⁴ Apeye mari paḡūp̄h̄

ijiyere n̄hoedaja mari. Ti p̄uritare ihñona, b̄ue tieraja. Ohõ saha iji dutiahye Cohãcjũ mari paḡūre. Mari ihñoeñene mari paḡūp̄h̄ ijiyere mari quehnoano ño peoye mehna c̄hoaja. Sata ye dutiahye Cohãcjũ. ²⁵ Sa ye mari paḡūp̄h̄ ijije ti basi cahme yedohore. ²⁶ Sa ye mari caperi ñano ȳh̄d̄ḡũ apeye mari paḡūp̄h̄ ijije ḡũh̄ ñano ȳh̄d̄ure. Sa ye mari caperi quehnoañe wahaḡũ mari paḡūp̄h̄ ijije ḡũh̄ quehnoano t̄hoture.

²⁷ Sa yeḡu ohõ saha niḡu ni-aja m̄sare: M̄h̄sa pehe Cristo paḡū yero saha ihcã curuata ijire. Sa yena ijipihtina m̄h̄sa tiquiro paḡūp̄h̄ ijije yero saha tiquiro yequina ijire. ²⁸ Sa yero Jesu yequinare mari yedohoatire c̄uh̄ye Cohãcjũ marine. Ohõ saha c̄uh̄ye tiquiro marine. Ihquẽquinare marine buhe dutiro Jesu c̄ũ m̄h̄tarinare c̄uh̄ye tiquiro. Apequinare tiquiro yere yahu m̄h̄tariquinare c̄uh̄ye. Apequinare masare buheatiquinare, apequinare Cohãcjũ tutuaye mehna yeatiquinare, apequinare dohatiequinare ȳh̄d̄hoatiquinare, apequinare masare yedohoatiquinare, apequinare masa p̄h̄toa ijiatiquinare, apequinare t̄homehneñe yahuducuyere yahuducuatiquinare c̄uh̄ye Cohãcjũ marine. ²⁹ Sa tiquiro c̄ũḡũ ijipihtina ihcãno saha tiquiro c̄ũrina ijieraja mari. Apequina Cohãcjũ buhe dutiro

tiqairo cūriquina ijierare. Sa yena apequina Cohācjū yere yahu mūhtarina ijieraja mari. Sa yena apequina masare buhena ijieraja mari. Sa yena apequina Cohācjū tutuaye mehna yeatina ijieraja mari. ³⁰ Sa ye apequina dohatiyequinare yūhdūoatiquina ijierare. Sa yena apequina tūhomehneñe yahuducuyere yahuducuna ijieraja mari. Sa yena apequina tūhomehneñe yahuducuyere yahu yūhdūoana ijieraja mari. Sa yero maripe mari yeatire cūahye tiqairo. ³¹ Sa yena Cohācjū yere ye masi duana quehnoa yūhdūye pehere tutuaro cahmeña mūsa. Sa yegu ijipihtiyere yūhū nidi yūhdūoro mūsa cahmeatire yojopure yahutja mū sare yūhū.

13

Apequinare quehnoano tiquina cahīatire yahuahye Pablo

¹ Masa ye yahuducuyere yahuducu masiepenata, angele ye yahuducuyere yahuducu masiepenata apequinare cahīedana, dūhseanaja ijieraja mari. Sa ye mari yahuducuye gūhū dūhseati ijierare. Sa yena apequinare cahīedana mari yahuducuna, ihyo waro yahuducuna niaja. ² Cohācjū yere quehnoano yahu masiepenata, masa tiquina masiedarire Cohācjū yere tiquina buheri gūhūre masi pehoepenata apequinare

cahīedana dūhseanaja ijieraja mari. “Ahdū canū ape siepū wahaahro”, mari nigū “Potota mari nidiro sahata Cohācjū yerota”, ni mari tūhotugū sata yerota. Cohācjūre sa ni tūhotuyequina ijiepenata apequinare cahīedana ne dūhseanaja ijieraja mari. ³ Ijipihtiyere pejecūoyequinare mari ohoepēgūta apequinare mari cahīedagū ti mari oho dūhseati ijierare. Sa yena Cohācjū yere yena tana mari pagūre mari hūā mūo dutiepegūta apequinare mari cahīedagū ti mari sa yeye dūhseati ijierare.

⁴ Usueraja apequinare cahīna. Tiquinare cahīna quehnoano yeaja tiquinare. Sa yena apequinare cahīna tiquinare coeraja. Sa yena mari cahīniqairo mehna ijina “Mūhū yūhdūoro ijigū ijiaja”, niedaja mari. ⁵ Apequinare cahīna “Mū sare masi yūhdūdūcaja”, niedaja mari tiquinare. Sa yena apequinare cahīna tiquinare ño peoro mehna yeaja mari. Apequinare cahīna “Ūsā cahmeno saha yeaja. Mūsa cahmeno saha yeraja”, niedaja mari. Sa yena tiquinare cahīna duita usueraja mari tiquina mehna. Sa yena apequinare cahīna marine ñano tiquina yegū gūhūre tiquina mehna sa usuaducueraja mari. ⁶ Apequinare cahīna ñañene tiquina yegū ihñana bucuer-

aja mari. Quehnoañe pehere tiquina yegũ ihñana tutuaro bucueaja. ⁷ Apequinare cahña tiquina ye buhiri ñano yũhdæpenata tiquinare sa cahĩducuaaja mari. Apequinare cahña apequina pehe mari cahĩnequinare tiquina yahu wajagũ tũhoepenata tire tũho dueraja. Mari cahĩnequinare apequina yahugũ quehnoañe dihitare tũho duaja mari. Apequinare cahña “Tiquina ñañene yesi”, ni tũhotuaja mari tiquinare. Apequinare cahña ñano yũhdæpenata tiquinare cahĩ duhusi mari.

⁸ Ti cahme cahĩne ne pihtisi. Cohãcjũ yere yahuye pehe came pihtia waharota. Tũhomehneñe yahuducuye gũhũ came pihtia waharota. Cohãcjũ yere masa tiquina buheri gũhũ came pihtia waharota. Apequinare cahme cahĩne pehe ne pihtisi.

⁹ Yojopure Cohãcjũ yere mari masi peho masiedaja. Sa yena tiquiro yere yahuna mari yahu peho masiedaja. Mari masi pehoati dũhsare.

¹⁰ Sa yena Cristo ñañe marieniquiro tiquiro tojoa wihiri bato mari masi pehonata. Sa yena ñañe mariena ijinata. Ti pjere masi pehonata. “Masiedaja”, ni nemosi.

¹¹ Mari masi pehoati ohõ saha ijire: Nijigũ ijigũ nijinogã yero saha yahuducumi yũhũ. Sa yegũ nijinogã yero saha tũhotumi. Sa yegũ bũcũ wahagũ nijinogã tiquiro yeriro saha duhu

cãu. Sata mari yojopure “Masi pehoeraja”, niepenata camepure masi pehonata. ¹² Eõno quehnoano wũhdoa bajuero saha yojopure quehnoano masi pehoeraniaja mari. Came apequirore quehnoano mari ihña masino saha mari masi pehonata. Yojopure mari masi pehoati marine dũhsare. Cohãcjũ marine tiquiro quehnoano masi pehoriro saha came mari gũhũ quehnoano masi pehonata. ¹³ Sa ye ihtiarore mari ye masiaja yojopure. Cohãcjũre wacũ tutua masiaja. Sa yena marine tiquiro yũhdæotire masina, mari quehnoano cohte masiaja. Sa yena apequinare cahme cahĩ masiaja. Ahri ihtiaro ijire pototi mari yeati. Sa yena apequinare cahme cahña, ahri pũaro yũhdæoro yena niaja. Wacũ tutuaye, tiquiro yũhdæotire cohteye yũhdæoro ijire cahme cahĩne pehe.

14

Tũhomehneñe yahuducuyere yahuahye Pablo

¹ Sa yena apequinare cahme cahña mũsa. Sa ye Cohãcjũ yere mũsa quehnoano ye masiatire cahmeña mũsa. Cohãcjũ yere mũsa yahuati pũritare tutuaro cahmeña mũsa. ² Tũhomehneñe yahuducuyere yahuducuriquiro Cohãcjũ mehna dihita

yahuducure. Sa ni yahuducuro masa mehna yahuducuro niedare tiqiro. Tiquiro sa ni yahuducugã tãhoye masa pehe ne tãhoerare tiqirore. Masa tiquina masiedarire Espiritu Santo tutuaye mehna yahuducuro nine tiqiro.

³ Cohãcjũ yere yahuriqiro pehe masa pehere yahure. Sa yahuro tiqiro masare yedohoro nine. Sa yero tiquinare buhero nine tiqiro. Sa yero tiquina ñano yãhdugũ tiquinare bucuegũ yere.

⁴ Tãhomehneñe yahuducuyere yahuducuriqiro ihcãquiota buhere. Apequinare buherare. Cohãcjũ yere yahuriqiro pehe apequinare Jesu yequinare buhero, yedohore tiqiro.

⁵ Tãhomehneñe yahuducuyere ijipihtina m̃sa yahuducugũ quehnoaboaga, yãhã tãhotugũ. Sa ijiepegũta Cohãcjũ yere m̃sa yahugũ pũritare tutuaro cahmeaja. Cohãcjũ yere yahuriqiro pehe tãhomehneñe yahuducuyere yahuducuriqiro yãhdũoro apequinare yedohore. Sa ijiepegũta tãhomehneñene yahuducuriqiro tiqiro yahuducuyere apeqiro yahu yãhdũogũ tiquina pehe pototi apequinare yedohore. Tiquiro yahuducuyere yahu yãhdũoriquiro ijiro tiqiro pehe apequinare Jesu yequinare buhero nine.

⁶ Tãhomehneñe yahuducuyere m̃sa mehna yãhã yahuducugũ, ape-

quiro m̃sare tiqiro yahu yãhdũoeragũ m̃sare yedohoeraboaga yãhã. Sa yegũ Cohãcjũ yãhãre tiqiro yahurire yahugũ, tiqiro yere yãhã masiñene yahugũ, apeyere tiqiro yere yahugũ m̃sare yedohogũ niaja. Tire m̃sa tãhoatire m̃sare buhegũ m̃sare quehnoano yedohogũ niaja yãhã.

⁷ Tãhomehneñene yahuducuriqiro tiqiro yahuducuye basa wamoã yero saha ijire. Carisure putina, arpare b̃hã pãtẽna tire mari queoro yeragũ ti basayere apequinare masino basioerare.

⁸ Sa yero cornetare putiriquiro surara ijiro tiquina cahme wejẽato panore queoro tiqiro putieragũ apequina surara pehe tiquina cahme wejẽatire masisi. Sa ye tiquina cahme wejẽato pano tiquina wejẽatire wamoare quehnoyuriquina ijisi tiquina.

⁹ Sata m̃sa gũhã tãhomehneñe yahuducuyere m̃sa yahuducugũ tãhoye, yahu yãhdũoriquiro mariedagũ apequina tire ne masisi. Tiquina sa masiedagũ m̃sa yahuducuye dũhseati ijierare.

¹⁰ Ahri yehpapũ peye yahuducuye ijiaga. Sa ye tire yahuducuyequina tiquina basi sa yahuducuyere quehnoano tãhore.

¹¹ Ihcãquiore ye yahuducuyere yãhã tãhoeragũ ihñano tire yahuducuriqiro pehe “Ape dihta cjũno ijire”, ni tãhoturota yãhãre. Sa yegũ yãhã gũhã sata ni tãhotutja

tiquirore. ¹² Sata ijiri m̄sa ḡh̄u t̄homehneñene yahuducuna. Esp̄ritu Santo tiquiro tutuaye mehna tutuaro ye duamene m̄sa. Tiquiro tutuaye mehna sa ye duana apequina Jesu yequinare m̄sa buheatire tiquinare m̄sa yedohoatire tutuaro cahmeña m̄sa.

¹³ Sa yero t̄homehneñene yahuducuriquiro tiquiro yahuducurire tiquiro quehnoano yahu ȳhd̄uotire Coh̄c̄j̄re siniahdo tiquiro. ¹⁴ T̄homehneñe yahuducuye mehna Coh̄c̄j̄re siniḡu ȳh̄u t̄hotuye mehna siniḡu niaja. Sa siniḡu ȳh̄u t̄hotuyere apequinare quehnoano yahueraja. Sa yeḡu apequinare yedohoeraja ȳh̄u.

¹⁵ Ahrire masina, oh̄o saha yenata mari: Esp̄ritu Santo tutuaye mehna t̄homehneñe yahuducuye mehna Coh̄c̄j̄re sininata. Sa yena ape decop̄u quehnoano masi t̄hotu, apequina tiquina quehnoano t̄hoatire tiquina ye mehna Coh̄c̄j̄re sinina, ti ḡh̄u ye sininata tja. Esp̄ritu Santo tutuaye mehna t̄homehneñe yahuducuye mehna Coh̄c̄j̄re yere basanata. Sa yena ape deco quehnoano masi t̄hotu, apequina tiquina quehnoano t̄hoatire tiquina ye mehna Coh̄c̄j̄re yere basana, ti ḡh̄u ye basanata tja.

¹⁶ Mari sa yeraḡu t̄homehneñe yahuducuye

mehna Esp̄ritu Santo tutuaye mehna Coh̄c̄j̄re “Quehnoariquiro, tutuariquiro ijire”, mari niepeḡta apequina pehe ne t̄hoerare. Sa t̄hoeraye “Poto ijire”, ni masiedare. ¹⁷ T̄homehneñe yahuducuye mehna Coh̄c̄j̄re “Quehnoare”, ni masi aja mari. Mari sa niñe quehnoañe ijiepeḡta tire yahu ȳhd̄uorana apequinare buheraja mari. Sa yena tiquinare yedohoeraja mari. ¹⁸ Ijipih̄tina m̄sa ȳhd̄uro ȳh̄u pehe t̄homehneñene yahuducuj̄a. Sa yeḡu Coh̄c̄j̄re ȳh̄u sa yahuducu masiḡu tiquiro yeḡu tiquirore “Quehnoare”, niaja ȳh̄u. ¹⁹ Sa yahuducuḡu ȳh̄u ijiepeḡta Jesu yequina cahmecoañequina watoa ȳh̄u ijiḡu, t̄homehneñe yahuducuye mehna peye ȳh̄u yahuepeḡta d̄h̄seati ijierare. Ti ȳhd̄uro masa tiquina quehnoano t̄hoati pehe meheñeḡa ȳh̄u yahuepeḡta quehnoar̄ne, ȳh̄u t̄hotuḡu.

²⁰ Ȳh̄u acaye, macanaḡa t̄ho masieñequinaḡa tiquina ijiro saha ijierac̄h̄ña m̄sa. Sa yena coã bajuayequina ñañe yeyere tiquina masieno saha ijiya m̄sa ḡh̄u. Sa yena b̄c̄una t̄ho masieñequina tiquina ijiro saha ijiya m̄sa. ²¹ Coh̄c̄j̄re yere tiquina ojoari p̄p̄h̄ oh̄o saha nine: “T̄homehneñene yahuducuyequinare ahriquina masare yeere yahu duti-

itja. Sa yegu ape dihta cjenare yeere yahu duitja ahriquina masare. Yuhu sa yahu dutiepegata ahriquina yuhu yahuyere tuhosi', nine Cohacju mari putoro", nine Cohacju yere tiquina ojoari puru. ²² Sa ye thomehneñene yahuducuye Jesu yequinare Cohacju tutuayere masigu yeati ijierare. Ti yahuducuye Jesure cahmeeñequina pehere Cohacju tutuayere masigu yeati ijire. Sa yero Cohacju yere yahuye Jesure cahmeeñequinare Cohacju tutuayere masigu yeati ijierare. Cohacju yere yahuye Jesu yequina pehere Cohacju tutuayere masigu yeati ijire.

²³ Sa ye ijipihina musa Jesu yequina cahme-coagu thomehneñene musa yahuducugu tire masieñequina, apequina Jesure cahmeeñequina guhu sajã, tuhoboga. Sa tuyo "Tiquina tuyo masieñequina ijire", niboaga musare tiquina. ²⁴ Ijipihina musa Cohacju yere musa yahugu purita tire masiedariquiro, Jesure cahmedariquiro sajã dca tuyo, tiquiro ñaño yerire masiboaga tiquiro. Sa yero tiquiro ñaño yerire buhu witiboaga tiquiro. ²⁵ Sa yero poto tiquiro ijiye tiyere tiquiro tuyo gure masiboaga tiquiro. Sa yero Cohacju poto dsepe curi mehna quehe saro, tiquirore ño peorota. Sa yero "Cohacju potota musa mehna ijire",

ninota tiquiro musare.

Musa cahmecoana quehnoano yeya dojomehnenomarieno

²⁶ Sa yegu yuhu acaye, musare ahrire nigu naja: Cahmecoana ihquiquina musa mehna cjenã Cohacju yere basa duare. Sa yena apequina buhe duare. Sa yena apequina Cohacju musare tiquiro buherire yahu duare musa. Sa yena apequina thomehneñe mehna yahuducu duare musa. Sa yena musa apequina ti yahuducuyere yahu yuhduo duare musa. Ti ijipihiyere sa yena apequina musare tuyoquina tiquina quehnoano masiatire tire yeya.

²⁷ Sa yena thomehneñe mehna musa yahuducuna puana, ihtiana topenata yahuducuya musa. Sa yena camesa yahuducuya. Musa sa yahuducugu, ihcãquiro musa mehna cjenã musa yahuducurire apequinare yahu yuhduoahro. ²⁸ Musa yahuducuyere yahu yuhduoriquiro mariedagu musa cahmecoana ijipihina musa thomehneñene yahuducu duana yahuducueracãña. Sa yena masa marienopu Cohacju mehna yahuducuya musa. ²⁹ Sa yena Cohacju yere yahu duana puana, ihtiana topenata yahuya musa. Musa sa yahugu apequina musare tuyoquina musa yahurire quehnoano tuyo nãhdo. ³⁰ Sa yero Espiritu Santo

Cohãcjũ yere apequiore topũ dujiriquire yahu dũcaboaga. Tiquiro yahu dũcagũ tiquirore tũhoriquire gũhũ Jesu yequina yahu duaboaga. Sa yero tiquiro pano yahuriquire pehe dihta mari-ahdo. ³¹ Sa yena ijipihtina mũsa Cohãcjũ yere yahuna, camesa yahuya mũsa ijipih-htiequina apequina tiquina quehnoano tũhoatire, tiquina quehnoano bu-
cuetire. ³² Sa yena Cohãcjũ yere yahuna ijina, quehnoano tũho masi, quehnoano tũhotu yahuducuya.

³³ Cohãcjũ tiquiro yequina tiquina cahmecoanopũ tiquina cahme yahuducugũ, suhrigũ cahmedare tiquiro. Dojomehnenno marieno tiquina quehnoano ijigũ cahmene tiquiro. Ijipihtiropũ Jesu yequina cahmecoa, ohõ saha yere tiquina. ³⁴ Tiquina cahmecoanopũ numiare yahuducu dutierare. Tiquina numiare mari pehe yahuducu dutieraja. Cohãcjũ ojoari pũpũ tiquiro nidiro sahata numiare mũhare quehnoano yũhtiequina numia ijiro cahmene. Sa ye cahmecoanopũ numia masare yahuducueracãhdo. ³⁵ Jesu yequina tiquina cahmecoanopũ numia tiquina yahuducugũ ñarĩne. Sa yero apee borore masi duaro numino ticoro ya wãhũpũta ticoro manũnore sinituahro.

³⁶ Ahri yũhũ yahuatire quehnoano masiña mũsa.

Cohãcjũ yere yahu mũhtana ijierare mũsa. Sa yena tiquiro yere tũhorina mũsa dihta ijierare. Apequina gũhũ tiquiro ye buheyere cũore. ³⁷ Mũsa mehna cjũno “Yũhũ Cohãcjũ yere yahugũ ijiaja”, ni tũhoturiquire ijiro ahri mũsare yũhũ ojoari Cohãcjũ dutiye ijigũ masiahdo tiquiro. Sa yero apequiore “Espĩritu Santo tutuaye mehna ye masiaja”, ni tũhoturiquire ijiro tiquiro gũhũ ahri yũhũ ojoari Cohãcjũ dutiye ijigũ masiahdo tiquiro. ³⁸ Tire tiquiro masi dueragũ yũhũ ojoarire “Poto ijierare”, tiquiro nigũ tiquirore duhũ cãhña. Tũhoeracãhña tiquirore.

³⁹ Sa yena yũhũ acaye, Cohãcjũ yere yahuna mũsa ijiatire tutuaro cahmeña mũsa. Sa yena mũsa mehna cjẽna mũsa cahmecoanopũ tũhomehneñe yahuducuye mehna tiquina yahu duagũ “Sa yahuducueracãhña”, niedacãhña tiquinare. ⁴⁰ Sa cahmecoana quehnoano, cahme dojomehnenno marieno yeya mũsa.

15

Quehnoañe buheyere tiquiro yahurire yahuahye Pablo

¹ Yojoopũre yũhũ acaye, quehnoañe buheyere mũsare yũhũ yahurire mũsare wacũgũ ye duaja. Ti buheyere quehnoano cahmene mũsa. Sa cahmena ti buheyere ne cohãedare

musa. ² Musa sa cahmegũ tire musa cohãedagũ Cristo musare pecapũ waha borinare yũhũo tuhasari. Musa sa tũhori bato Cristo yere musa duhu cãgũ ti musa tũhori dũhseati ijierare.

³ Ohõ saha ni yahu mãhtautja musare. Ahri ihyo waro ijierare. Musare buhegũ yũhũre Cristo tiquiro yahurire musare ohõ saha ni yahuu: Cohãcjũ yere tiquina ojoariro sahata mari ñañe buhirire Cristo yari ahye. ⁴ Sa yero Cohãcjũ yere tiquina ojoariro sahata Cristo tiquiro yariari bato apequina tiquirore tiquina yagũ ihtia deco wahaboro tiquiro pehe masa wijiahye. ⁵ Tiquiro sa masa wijari bato Pedrore bajuahye. Tiquiro sa bajuari bato apequinare tiquiro buheyequinare bajuahye tja. ⁶ Tiquiro sa bajuari bato ihcã tahata quinientos bui ijiyequinare tiquiro yequinare bajuahye tja. Ihquẽquina tiquirore ihñariquina muna yojopũre yariariquina muna ijire. Tiquina sa ijiepegũta peyequina tiquina mehna cjẽna yojopũre ijinine. ⁷ Came Cristo Santiagore bajuahye tja. Sa tiquiro bajuari bato ijipihtiyequina buhe duti tiquiro cũriquinare bajuahye tja.

⁸ Ijipihtiyequina apequinare tiquiro bajuari bato yũhũ gãhũre bajuari tja. Nijinogã queoro masa bajueriquirogã tiquiro masa bajua nũnũ tãriro saha yũhũ gãhũ Jesure wacũ tutua

nũnũ tãrigũ ijiaja. Yũhũ sa ijirigũ ijigũ tiquina batopũ bajuari Jesu yũhũ gãhũre tja. Yũhũreta tiquiro bajua bato tiri. ⁹ Panopũre Jesu yequinare ñano yemi. Sa yerigũ ijigũ apequina Jesu cũriquina ijipihtiyequina tiquina docapũ waro ijiaja yũhũ. Sa yegũ yojopũ gãhũre Jesu buhe duti tiquiro cũnohborigũ ijierami yũhũ. ¹⁰ Sa ijiepegũta Cohãcjũ yũhũre cahĩgũ yojopũre Jesu cũrigũ ijiaja yũhũ. Sa yegũ yũhũre tiquiro cahĩgũ yojopũre tiquiro cahmeñene ye pehoaja. Sa yegũ yũhũre cahĩgũ tiquiro yaquiro sa iji cãgũ niedaja. Ijipihtiyequina apequina tiquiro cũriquina yũhũoro yũhũ pehe tutuaro buhei. Sa buhegũ yũhũ esa tuharo buherũ. Cohãcjũ yũhũre cahĩno yũhũre yedohori. ¹¹ Ûsã buheye pehe ihyo waro ijierare. Yũhũ musare quehnoañe buheyere buherigũ yũhũ ijigũ apequina yũhũoro yũhũre musa ño peogũ ihyo waro ijiro nine. Tiquina gãhũ musare buheyequina ijigũ apequina yũhũoro tiquina gãhũre musa ño peogũ ihyo waro ijiro nine. Ûsã pehe ahrire buhena ijiepenata ihyo ijina ijiaja. Ûsã buheye pehe ihyo waro ijierare. Sa yena musa pehe ahri buheyere quehnoano tũhore.

Yariariquina muna tiquina masa wijiarire yahuahye Pablo

12 Cristo yariari bato tiquiro masa wijiariire usã buhepegũta “Yariariquina muna ne masa wijaerare”, nine masa mehna cjẽna ihquẽquina. ¿Dũhse ijiro boro sa niajari tiquina tire? 13 Sa yero yariariquina muna masa wijaeragũ Cristo gũhu ne masa wijaeraboya. 14 Sa ye Cristo masa wijaeragũ quehnoañe buheyere usã yahuri ne dũhseati ijieraboya. Tiquiro masa wijaeragũ tiquirore masa wacũ tutuaye gũhu dũhseati ijieraboya. 15 Masa wijiario mariedagũ usã pehe Cohãcjũ yere ni mehona niboya. Yariariquina muna tiquina masa wijaeragũ Cohãcjũ pehe Cristore masa wijiagũ yeraboya. Tiquiro sa yeragũ “Cohãcjũ Cristore masa wijiagũ yeahye”, nina ni mehona ijiboaga usã. 16 Yariariquina munare Cohãcjũ masoedaro, Cristo gũhure tiquiro masoedaboya. 17 Sa yero Cristo masa wijaeragũ tiquirore masa wacũ tutuaye dũhseati ijieraboaga. Sa yena masa ñañe buhiri, buhiri tiboaga masa. 18 Masa wijiario mariedagũ Cristo yequina muna yaria muhtariquina pecapũ waha tuhasaboya. 19 Cristore mari wacũ tutuari bato mari yariana masa wija masiedana ijipihtiyequina apequina masa yũhdũoro pejecũona ijiboaga mari pehe. Sa yena tiquirore ihyo warota wacũ tutuana niboaga mari.

20 Potota Cohãcjũ Cristore masa wijiagũ yeahye. Cristo masa wijiario bato mari gũhu yarianapũ masa wijanata ijiaja. Tiquiro sa masa wijiario, marine siho masa wija muhtariquiro ijire. 21 Ohõ saha ijire ahri: Adãn mehna masa yaria dũcahye. Ohõ saha apequiro mehna yariariquina muna masa wijaeta. 22 Adãn yequina iji nũnũ tãnapũ mari ijipihina yarianata. Sata Cristo yequina mari ijigũ mari yariari bato marine masa wijiagũ yerota Cohãcjũ. 23 Ihquẽ cururi masare tiquina queori pje ijigũ masa wijaeta. Cristo marine iji muhtariquiro masa wija muhtahye. Came ahri yehpapũ tiquiro tojoa tagũ tiquiro yequina gũhu masa wijaeta. 24 Ti pjeta pihtiri deco ijirota. Sa yero ijipihtiyequina wafĩare, wafĩa pũhtoare, tutuayequinare cohãno, Cristo yũhdũcarota. Tiquiro sa yeri bato ijipihtiyequina pũhoro tiquiro ijirire Cristo wijiario, Cohãcjũre mari Pacũre comesarota. 25 Tiquiro wijiato pano mari Pacũ Cristore ihña tuhtiyequinare tiquiro yũhdũca pehoato pano Cristo pũrita ijipihtiyequina pũhoro ijirota. Sa ijiriquirota ijiro cahmene tiquirore. 26 Tiquirore ihña tuhtiyequinare tiquiro yũhdũcari bato, yariamedi gũhure cohã cãnota. Yariaye pihtia waharota. 27 Ijipihtiyequina bui dutiatiquirore cũahye

Cohãcjũ Cristore. Ijipihtiye cœoriquiro gũhure cũahye tiquirore. Sata nine Cohãcjũ yere tiquina ojoari pũpũ. Cohãcjũ pehe tiquirore cũriquiri ijire. Sa yero “Ijipihtiyequina bui dutiatiquirore cũahye tiquirore”, nino, “Cohãcjũ bui dutiriquiro ijire tiquiri”, nino niedahye tiquiri yere tiquina ojoari pũpũ. ²⁸ Ijipihtiyequina bui dutiriquiro Cristo Cohãcjũ macũno ijigũ Cohãcjũ tiquirore cũriquiri pehe tiquiri macũno bui dutiriquiro ijirota. Sa yero Cohãcjũ pehe ijipihtiyequina pũhtoro waro ijire. Ijipihtiye cœoriquiro gũhũ ijire.

²⁹ ¿Masa wijiaro mariedagũ dũhse ye apequina masa yariariquina mũna ye ijiatire tiquina wame yenhriquina ijajari? Yariariquina mũna masa wijiaeragũ tiquina ye ijiatire apequina wame yegũ ihyo warota wame yenhriquina ijiboaya.

³⁰ Ŭsã pehe Ŭsã buheri buhiri decoripe apequina Ŭsãre tiquina ñano ye duagũ cuarĩne Ŭsã gũhure. Ŭsãre sa cuaepegũta masa wijiaro ijigũ masina sa buheducuaaja Ŭsã. ³¹ Mari pũhtoro Jesucristo yequina mũsa ijigũ tiquirore wacũ tutua nemona mũsa wahagũ yũhũ pehe tutuaro bucueaja yũhũ mũsa mehna. Ti ijirota ijire. Sa yero “Dũhse ijiri decopũ yũhure yariaro cuarĩne”, yũhũ nigũ ti gũhũ ijirota ijire.

³² Efeso cjẽna usuayequina quehnoañe buheyere yũhũ buheri buhiri yũhure quẽdi. Masa wijiaro mariedagũ Jesu yaquiro yũhũ ijieragũ, yũhũ sa ñano yũhdũri dũhseati ijieraboya. Ihyo waro ñano yũhdũgũ niboya yũhũ. Yariariquina mũna tiquina masa wijiaeragũ ohõ saha niboaga mari: “Came cjũnogã yarianata. Dũhse wahasi mari. Sa yena ihya sihniihna. Mari esa tuharo yeihna”, niboaga mari.

³³ Ni mehoñene tũhotueracãhña mũsa. “Ñañequinare piti tina, quehnoañe mũsa yerire bonata mũsa”, nine masa. Ti ijirota ijire. ³⁴ Quehnoañene tũhotuna ijiya mũsa. Sa yena quehnoañene yena ijiya tja. Sa yena ñañene ye nemoedacãhña tja. Ihquẽquina mũsa mehna cjẽna ne Cohãcjũre masiedare. Mũsa buoro wahati pehere mũsare sa niaja.

Yariariquina mũna tiquina masa wijiarore yahu nemoahye Pablo

³⁵ Sa ye mũsa mehna cjũno ohõ saha ni sinituboaga yũhure: ¿Dũhse yariariquina mũna masa wijiaetari? ¿Dũhse ijiye paguri masa wijiaetari? ni sinituboaga. ³⁶ Sa sinituriquiro tũho masieniquiro ijire. Oteri pjere mari oteri bato ti pje ahbagũ waro pihnine. Ahbaeraro ne pihniisi. Tire masine mũsa. ³⁷ Bũjũye cjũpũre oteraja mari. Ti pjeri

dihitare oteaja mari. Ti pjeri trigo pjeri ijiro ijiboaga. O apee boro pjeri ijiro ijiboaga. ³⁸ Ti pjerire mari oteri bato Cohãcjũ tiquiro cahmediro saha ti pjerire bucna mujagũ yere. Sa yero oteye pjerire bujaye pihngũ yere tiquiro. Sata pihni dutire Cohãcjũ.

³⁹ Ijipihtiequina paguri ihcãno saha bajuerare. Masa paguri pehe ihcãno saha ijire. Wahiquina paguri gũhu sijoro saha bajure. Minicjua paguri gũhu sijoro saha bajure. Sa yeye wahi gũhu sijoro saha pagũ tire. ⁴⁰ Sa ye uhmuse cjẽ gũhu sijoro saha bajure. Sa yeye ahri yehpa cjẽna gũhu sijoro saha pagũ tire. Sa yeye uhmuse cjẽna paguri gũhu sijoro saha bajure. Sa yeye ahri yehpa cjẽ uhmuse cjẽ yero saha ijierare. ⁴¹ Ohõ saha ijire. Asũ deco cjũno asi sitere. Sa ye ñami cjũno gũhu sijoro saha ijire tiquiro gũhu. Ihyo buhriore. Sa yeye ñahpicoha gũhu sijoro saha asi paare. Ñahpicoha pari gũhure mari ihñagũ ihquẽ paca mehenogã asiye paca bajure. Sa yeye apeye paca tutuaro asiye paca bajure.

⁴² Ohõ saha ijire yari-ariquina muna tiquina masa wijiagũ. Masano tiquiro pagure mari yari bato tiquiro pagũ ahbaa waharota. Sa yero ape pagũ sijoro saha ijiri pagũ ijipihtie decori catiatĩ pagũ masa wijiarota. ⁴³ Ti pagure mari yagũ yari-ariquiro manano pejecno

nine. Cohãcjũ tiquirore masogũ tiquiro pagũ quehnoa yuhdũari pagũ ijire. Sa yero tiquiro pagũ mari yari pagũ tutuaye mariedi pagũ ijire. Sa yero Cohãcjũ tiquirore masogũ tiquiro pagũ tutua yuhdũare. ⁴⁴ Ahri yehpa cjã pagure mari yagũ yari-ariquiro manano tiquiro masa wijiagũ tiquiro pagũ uhmuse cjã pagũ ijirota. Ahri yehpa cjã pagure mari cõona, uhmuse cjã pagũ gũhure cõonata, masa wijiana.

⁴⁵ Sata ni yahure Cohãcjũ yere tiquina ojoari pũpũ: "Ahri yehpapũ iji mahtariquiro Adán wame tiriquiro catiriquiro wahahye", ni ojoahye. Ti sa ijiepegãta Adán yero saha ijiriquiro bato tiriquiro Cristo pehe catiyere ohoro ahtahye. ⁴⁶ Ahri yehpa cjã pagũ iji mahtari pagũ ijire. Camerũ uhmuse cjã pagũ ijirota. ⁴⁷ Ohõ saha ijire: Iji mahtariquiro Adán pehe ahri yehpa cjũno dihta mehna tiquiro yeri pagure pagũ tiahye. Tiquiro bato ahtariquiro, Cristo pehe uhmusepũ ahtahye. ⁴⁸ Dihta mehna tiquiro yeri pagure pagũ ti mahtariquiro tiquiro ijiriro saha ijipihtina apequina dihta mehna tiquiro yeri pagure pagũ tina ijiaja mari. Sa yena uhmusepũ ahtariquiro yero saha tiquiro yequina ijipihtina tiquiro yero saha pagũ tina ijinata mari. ⁴⁹ Dihta mehna tiquiro yeri pagure pagũ tiriquiro yero saha bajuaja mari.

Tiquiro yero saha mari ijiriro saha uhmuse cjëno yero saha bajunata mari.

⁵⁰ Yuhu acaye, musare ahrire yahu duaja: Ahri yehpa cjã pagu dii mehna, dihi mehna ijiri pagu Cohãcjũ puhtoro ijiropure uhmusepüre ne wahasi. Mari pagu ahbati pagu ijire. Sa ye uhmusepüre ijipihtiye decori mari ijiatopüre ahri pagu wahasi. ⁵¹⁻⁵² Panopüre masa tiquina masiedarire yojopüre musare yahu duaja: Mari mehna cjëna ihquëquina yariasi. Sa ye duita, tiquina pagurire comesayequina ijietä. Cornetare tiquiro puti, bato tiri decopu sata wahaota marine. Ohõ saha wahaota. Corneta bisiri bato yariariquina manare Cohãcjũ masonota ijipihtiye decori tiquina ijiatire. Sa yena pagurire comesarina ijinata mari gũhu. ⁵³ Mari pagurire tiquiro comesagũ to pano mari ahbati paguri ijiepegũta mari comesari bato ne ahbasi. Sa ye mari paguri comesagũ to pano mari yariati paguri ijiepegũta ne yariasi. ⁵⁴ Mari ahbati paguri ne ahbaerati pagurire comesarota. Sa ye mari yariati paguri sa ijiducuatı pagurire comesarota. Sa marine comesagũ panopu tiquiro ojoariro sahata sa wahaota: “Cohãcjũ yariayere cohã cãri. ⁵⁵ Yojopüre ne pari turi mari yariasi. Sa yena yariaro mehna pari turi ñano yuhdusi mari”, ni ojoahye panopüre. ⁵⁶ Mari ñaÑe

buhiri ijigũ pũrita yariaro mehna ñano yuhdanata. Sa ye Cohãcjũ dutiye Moisere tiquiro cũrire mari masidi bato, buhiri tiaja mari. Sa yero marine pecapu waha dutire Cohãcjũ dutiye. ⁵⁷ Tiquiro sa dutiepegũta mari puhtoro Jesucristo pehe marine pecapu wahaeragũ yere. Tiquiro sa yeriquiro ijigũ masina Cohãcjũ mehna bucue, “Quehnoare”, niaja mari.

⁵⁸ Sa yena yuhu acaye, yuhu cahña, Cristore wacũ tutua duhueracãhña. Sa yena apequina musare quehnoañe buheyere tiquina cohã dutigũ, ne cohãedacãhña tire. Sa yena decoripe mari puhtoro Jesucristo tiquiro ye dutiyere quehnoano yeducuya musa. Mari puhtoro Jesucristo yere mari yegũ, ahri ihyo waro ijierare. Ahrire masina tiquiro ye dutiyere quehnoano yeducuya musa.

16

Apequinare Jesu yequinare Corinto cjëna niÑeru tiquina ohoatire yahuahye Pablo

¹ Yojopüre apequinare Jesu yequinare musa niÑeru ohoatire yahu duaja musare. Galacia yehpa cjëñare Jesu yequinare yuhu dutiriro sahata musa gũhu yeya. ² Semanaripe domingo ijigũ ijipihtina musa Jesu yequinare ohoati niÑerure mehenogã ohoya. Mehenogã cõona mehenogã ohoya. Sa yena paji cjũnogã cõona

paji cjūnogā ohoya. Sema-
naripe m̄sa sa yegū m̄sa
cahap̄ ȳh̄u esagū m̄sa
ohoati niñeru iji tuhasarota.
3 M̄sa ohoatire yahuye
pūr̄ine ojoatja. Sa yegū
ȳh̄u top̄ esagū ti pūr̄ine
top̄ wahatiquinare m̄sa
beseriquinare ohoutja. Sa
oho tuhasagū Jesu yequinare
m̄sa ohori niñerure nea-
tiquinare ohoutja Jerusalēp̄.
4 Ti macap̄re ȳh̄u yeati
ijigū ȳh̄u gūh̄u wahagutja.
Ȳh̄u sa wahagū ȳh̄u mehna
tiquina wahaeta.

*Tiquiro tiniatire yahuahye
Pablo*

5 Macedonia yehpa cjēnare
ihña yahdutja ȳh̄u. Ȳh̄du
cā, m̄sa cahap̄ Corintop̄
esautja. 6 Top̄ esagū m̄sa
mehna meheñe decorigā
ijiboaga ȳh̄u ape taha yegū.
Yoa cjūri pje pohero ijiro
puno m̄sa mehna ijiboaga
ȳh̄u. Sa yena ape sier̄u ȳh̄u
wahagū m̄sa gūh̄u ȳh̄ure
yedoho masine. 7 Meheñe
decorigā iji dueraja ȳh̄u
m̄sa mehna. Sa yegū Cohācjū
cahmegū yoa cjūri pje m̄sa
mehna ijiitja ȳh̄u. 8 Sa
iji duepegata Pentecoste
bose deco ijigūp̄ Efesop̄
ijiniitja ȳh̄u. 9 Ohōp̄ Efe-
sop̄ yojop̄re mari p̄htoro
Jesu yere t̄ho duayequina
peyequina ijire. Tiquina
sa ijigū tiquinare yahuaja.
Ȳh̄u sa yahugū ȳh̄ure ihña
tuhtiequina peyequina
ijire.

10 Timoteo ȳh̄u yero
saha mari p̄htoro yere

yere. Tiquiro sa yeriquiro
ijigū m̄sa cahap̄ esagū
quehnoano mehna tiquirore
piti ca, tiquiro mehna
quehnoano bucueye mehna
ijiya m̄sa. 11 Sa yena
tiquirore yahdud̄ucaeracāhña
m̄sa. Sa yena tiquiro
cohe tigū quehnoano mehna
tiquirore yedohoya ȳh̄u
cahap̄ tiquiro tojoa tagū.
Apequina Jesu yequina
mehna usā tiquirore cohtena
niaja. Sa yena quehnoano
yedohoye mehna tiquirore
ohoya.

12 Apolo mari acayuro
Jesu yaquiro m̄sare ihñano
wahagū tutuaro cahmemi.
Sa yegū tiquirore waha du-
timi apequina Jesu yequina
mehna tiquiro wahatire.
Ȳh̄u sa waha dutiepegata
yojop̄re tiquiro waha duer-
are. Sa yero came tiquiro
yeye mariedagū m̄sa cahap̄
waharota.

*Pablo quehnoa duti bato
tiahye*

13 Quehnoano wacū
masiña m̄sa. Cristore wacū
tutua duhueracāhña. Ne
cuenata ijiducuya m̄sa.
Sa yena Cohācjū tutuaye
mehna tutuana ijiya m̄sa.
14 Apequinare sa cahiducuya.

15 Yojop̄re ȳh̄u acaye
m̄sare ahrire yahu du-
aja: Estefana ya w̄h̄u
cjēna Acaya yehpa cjēna
quehnoañe buheyere t̄ho
m̄htariquina, tiquina ya
yehpap̄ Cristore wacū tutua
m̄htariquina ijire tiquina
pehe. Sa ye apequinare
mari acayere Jesu yequinare

tiquina quehnoano yedohoducure. Tire m̄sa masine. ¹⁶ Tiquina yero saha ijiyequinare, apequina Cristo yere yedohoyequinare m̄sa quehnoano yuhtigũ cahmeaja yuħu. ¹⁷ Estefana, Fortunato, Acaico gũħu yuħu cahapũ wihi tuhasare. Ohõrũ tiquina ijigũ quehnoano bucueaja yuħu. M̄sare tiquina bucuegũ yeriro saha yuħu gũħure bucuegũ yere tiquina. M̄sa mariedagũ m̄sare tutuaro wacũmi yuħu. Sa yegũ tiquina wihigũ bucueaja yuħu. ¹⁸ Tiquina mehna ijigũ quehnoano jeripohna tigũ ijii yuħu. M̄sa gũħure sata bucuegũ yere tiquina, yuħu tuhotugũ. Tiquinare quehnoano ño peoya m̄sa. Sa yena apequina tiquina yero saha ijiyequina gũħure ño peoya.

¹⁹ Asia yehpa cjẽna Jesu yequina m̄sare quehnoa dutire. Sa ye Aquila, Priscila, tiquina ya wuħurũ cahmecoaÑequina mehna Cristo tiquiro cahĩÑe mehna m̄sare tutuaro quehnoa dutire. ²⁰ Ohõ cjẽna Jesu yequina ijipihitiyequina m̄sare quehnoa dutire. M̄sa mehna cjẽnare quehnoano mehna piti caya.

²¹ Yuħu, Pablo yuħu basi ahri dihitare ojoaja. M̄sare quehnoa dutiaja.

²² Mari puħtoro Jesu cristore apequiro tiquiro cahĩedagũ, Cohãcjũ tiquirore buhiri dahreahro. Mari puħtoro sojaro mehna tojoa taahro.

²³ Mari puħtoro tiquiro cahĩÑe mehna m̄sare quehnoa dutiaja. ²⁴ Mari ijipihtina Jesucristo yequina ijiaja. Sa yegũ m̄sare tutuaro cahĩaja.

2 Corintios

*Ohõ saha ojoa ohoahye
Pablo Corinto cjēnare*

¹ Yuhū Pablo, Jesucristo yere buhe duti tiquiro cūrigū ijiaja. Mari Pacū tiquiro cahmediro saha cūri yuhūre Jesu. Yuhū, mūsare Cohācjū yequinare, Corinto cjānare ojoa ohoaja. Ijipihtina Cohācjū yequinare Acaya cjānare mūsa gūhure ojoa ohoaja. Mari acayuro Timoteo mehna quehnoa dutiaja mūsare. ² Sa yena Cohācjū mari Pacū, mari pūhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

*Pablo tiquiro ñano
yuhdūrire ohõ saha ni
yahuahye:*

³ Mari pūhtoro Jesucristo Pacuro Cohācjū marine paja ihñare. Sa yero tiquiro dihita marine yedohore. Quehnoa yuhdūriquirō ijire tiquiro. ⁴ Mari ñano yuhdugū ihñano ijipihtinare marine tiquiro yequinare yedohore tiquiro apequinare mari yedohoatire. Sa yena apequina tiquina ñano yuhdugū ihñana tiquina pehere yedohoro cahmene marine. Cohācjū marine tiquiro yedohoye mehna mari gūhū tiquina gūhure yedohonata. ⁵ Cristo yequina mari ijiri buhiri mari ñano yuhdugū tiquiro tutuaro yedohorota marine. ⁶ Ūsā

pehe mūsare yedohona ñano yuhdūaja. Sa yena Cristo mehna mūsa yuhdūatire mūsare ūsā yahuri buhiri ñano yuhdūaja. Sa yena Cristo ūsāre tiquiro yedohogū ūsā pehe mūsa gūhure yedoho masiaja. Sa yena ūsā ñano yuhdūriro sahata mūsa gūhū ñano yuhdūna, quehnoano mehna ihcāno sahanata mūsa, yuhū tūhotugū. ⁷ Quehnoano mehna mūsa ihcāno sahatire ūsā masiaja. Ūsā ñano yuhdūriro sahata ñano yuhdūri mūsa gūhū. Sa yena Cohācjū tiquiro yedohoye mehna ūsā ihcāno sahariro sahata mūsa gūhū ihcāno sahanata, yuhū tūhotugū.

⁸ Ūsā acaye, yojopure ahri yuhū yahuatire mūsa quehnoano masigū ūsā cahmeaja. Asia yehpapurū ña yuhdūaro yuhdūe tii ūsā. Ohõ saha ni tūhotumi ūsā: “Ne yuhdūsi mari. Sa yena mari yarianata”, ni tūhotumi ūsā. ⁹ Sa yena “Marine wejē cāeta”, ni tūhotumi ūsā. Sa ñano yuhdūna Cohācjū dihitare ūsā wacū tutua nemou. Ūsāre tiquina ñano yegū cahmeahye Cohācjū tiquirore ūsā wacū tutua nemoatire. Tiquiro pehe yariariquinare masoriquirō ijire. Sa tiquirore wacū tutuana ūsā esa tuharo ūsā ihcāno sahaerarire masiaja. Cohācjū marine yedohore. ¹⁰⁻¹¹ Ūsāre cuaro yepegūta tiquiro yedohoro mehna ūsā yuhdūhū. Camerū gūhure pari turi ūsāre yuhdūorota. Ūsāre

Cohãcjüre m̄sa sini basagũ tiquiro ùsãre yedohorota. Ùsãre tiquiro yedohoatire masiaja ùsã. Sa yena ùsãre tiquiro yedohogũ ihñana, tiquirore “Quehnoare”, ninata m̄sa. Peye m̄sa sini basarire tiquiro yuhtigũ ihñana bucue, “Quehnoare”, ninata m̄sa Cohãcjüre. Peyequina apequina gũh̄u sata nieta.

Pablo Corintop̄u tiquiro waha duamedire yahuahye

12 Sa yena m̄sa mehna ùsã ijirire wacũna bucueye mehna ohõ saha tuhutuaja ùsã: Ahri yehpap̄u Cohãcjũ tiquiro yedohoye mehna ñañe marieno quehnoano mehna masare piti ti buhei. M̄sa p̄ritare quehnoano piti ti buhei. Ohõ saha yena ùsã esa tuharo yer̄u. Cohãcjũ cahñe mehna tiquiro tutuaye mehna sa yei. 13-14 Sa yena quehnoano yahu ojoau m̄sare, quehnoano m̄sa masiatire. Yojop̄u ùsãre quehnoano masiedare m̄sa. Ùsã ijiye tiyere m̄sa quehnoano masigũ tutuaro cahmeaja ùsã. Sa yena mari puhtoro Jesu tiquiro tojoa tagũ ùsã mehna bucuenata m̄sa. M̄sa mehna ùsã bucuero sahata m̄sa gũh̄u ùsã mehna bucuenata.

15-16 Ohõ saha nigũ Macedonia yehpap̄u waha duamaja yuñh̄u. Sa yegũ m̄sare ihña yuñhd̄u cã duamaja yuñh̄u. Sa yegũ top̄ure esarigũ tojoa tagũ pari turi m̄sa mehna meheñe decorigã ijiboaga yuñh̄u. Sa yena

puã taha m̄sa mehna yuñh̄u ijigũ ihñana pajiro yuñh̄u mehna m̄sa bucueboaga. M̄sa cahap̄u ijirigũ Judea yehpap̄u yuñh̄u wahagũ ihñana yuñh̄ure yedohoboaga m̄sa. 17 ¿“Wahautja”, yuñh̄u nigũ tuhõrina ijina m̄sa cahap̄u yuñh̄u eseragũ ihñana “Pablo ni mehono nine”, ni tuhutuajari m̄sa? “Wahautja”, nigũ yuñh̄u esa tuharo sa nigũ niedaja yuñh̄u. ¿“Tiquiro nidiro saha yerare”, yuñh̄ure ni tuhutuajari m̄sa? 18 Ohõ saha ni mehogũ ijieraja yuñh̄u. Sa yegũ “Yeitja”, nigũ yuñh̄u nidiro saha yeaja yuñh̄u. Tire masine Cohãcjũ.

19 Yuñh̄u, Sila, Timoteo mehna Jesucristo Cohãcjũ macũno yere m̄sare yahuu ùsã. Cristo pehe “Yeitja”, nino, poto yeriquiro ijiro nine. Cohãcjũ tiquiro nidiro sahata Cristo yere. 20 Ijipihtiyere Cohãcjũ tiquiro yahurire Cristo ye pehoahye. Tiquiro sa yeriquiro ijigũ ihñana tiquiro yere ùsã apequinare yahuaja Cohãcjüre tiquina ño peoatire. 21 Cristo yequina marine ijiducugũ yeriquiro Cohãcjũta ijire. Sa yero tiquiro yere yahuana-jare marine sõri tiquiro. 22 Sa yero tiquiro yequina mari ijiyere ihñano tire marine masigũ yere tiquiro. Sa yero tiquiro yaquiro Espiritu Santore mari mehna iji dutiri tiquiro. Mari mehna ijiro tiquirota marine Cohãcjũ yuñhd̄uatore masigũ yere.

23 Yojop̄ure poto yahutja

m̄sare. Poto ȳh̄u yahueragũ Cohãcjũ pehe m̄sare poto yahuahro. Tiquirota ȳh̄u t̄hotuyere masine. M̄sare tuhti dueragũ m̄sa cahapũ wahaerũ. “M̄sare buj̄na witiġũ yeari”, nigũ m̄sa cahapũre Corintopũre wahaerũ. ²⁴ Sa yena “M̄sare dutina ijiaja usã”, nina niedaja. Cristore quehnoano wacũ tutua tuhasari m̄sa. Sa yena “Ohõ saha Cristore wacũ tutuaro cahmene m̄sare”, nina niedaja usã. M̄sare quehnoano bucuegũ ye duaja usã.

2

¹ Sa yegũ ohõ saha ni t̄hotuu: “Pari turi tiquinare buj̄na witiġũ ye dueraja. Sa yegũ yojopũre wahaeraja”, ni t̄hotuu. ² M̄sare buj̄na witiġũ ye dueraja. M̄sa buj̄na witiġũ ihñagũ ȳh̄u pehe m̄sare bucueraoaga. Sa yena ȳh̄ure bucuegũ yeatina ijieraboaga m̄sa pehe. ³ Sa yegũ m̄sa cahapũ wahaerũ. Sa wahaeragũ m̄sare ihyo ojoaũ. M̄sa ȳh̄ure bucuegũ yeatina ijiepenata ȳh̄ure buj̄na witiġũ yeboaga m̄sa, m̄sa cahapũ ȳh̄u esagũ. M̄sa mehna ȳh̄u bucuegũ, m̄sa gũhũ bucuenata. Tire masiaja ȳh̄u. Sa yegũ yojopũre m̄sa mehna buj̄na witi dueragũ wahaerũ m̄sa cahapũ. ⁴ Pajiro t̄hotugũ, ñano jeripohna tigũ, tutuaro utigũ m̄sare ojoaepegũta m̄sare buj̄na witiġũ ye

duerũ. M̄sare tutuaro ȳh̄u cahñene m̄sare masigũ ye duagũ m̄sare ojoaũ.

Corinto cj̄na mehna cj̄no tiquiro ñano yerire bo dutiahye Pablo Jesu yequinare

⁵ Ihcãquiro m̄sa mehna cj̄no ȳh̄ure buj̄na witiġũ yeriquiro ijiri. Sa yeriquiro ijiepegũta m̄sare tiquiro tutuaro buj̄na witiġũ yeriro saha ȳh̄u pehere pajiro buj̄na witiġũ yerari tiquiro. Tiquiro sa ñano yepegũta pajiro waro buhiri dahre duti dueraja. ⁶ Peyequina m̄sa mehna cj̄na tiquirore buhiri dahre tuhasañohti. To punota buhiri dahre duhuro cahmene tiquirore. ⁷ Tiquirore m̄sa buhiri dahreducugũ tutuaro buj̄na witiġoaga tiquiro. Sa yero Cristo yere duhuboaga. Sa yena tiquiro ñañe yerire boya m̄sa. Tiquirore yedo-hoya tiquiro bucuegũ. ⁸ Sa yena tiquirore quehnoano yeya m̄sa tiquirore m̄sa cahñene tiquiro masigũ. M̄sa sa yegũ tutuaro cahmeaja ȳh̄u. ⁹ To pano m̄sare ojoagũ “¿Potota ȳh̄ure ȳhtietari?” nigũ sa ni ojoaũ m̄sare. Ȳh̄ure m̄sa ȳhtigũ ihña duagũ m̄sare sa ni ojoaũ. ¹⁰⁻¹¹ Yojopũre tiquiro ñañe yerire m̄sa bogũ ihñagũ ȳh̄u gũhũ tire boutja. Ȳh̄ure ñano yerahye tiquiro. M̄sa pehere ñano yeahye. Tiquiro sa ijiepegũta tiquiro ñañe yerire boaja ȳh̄u gũhũ. M̄sare quehnoano yedoho

duagu Cristo ihñonopu tiquiro ñañe yerire boaja. Tire boaja Satana marine tiquiro yuhducaerati. Tiquiro marine ñañene yegū cahmene. Tire quehnoano masiaja mari. Sa yena Jesu yequina tiquina ñañe yerire wacūducueraja mari, “Tiquinapu Satana yere yeari”, nina.

Troa wame tiri macapu ijiro Titore bocaeraro pajiro bujua witi tuhohuaye Pablo

¹² Sa yegu Troa wame tiri macapu esau Cristo yere buhegu wahagu. Topu yuhu ijigū peyequina masa quehnoañe buheyere tūho duayequina ijiri. Mari puhtoro tiquiro yedohoye mehna tiquiro yere yuhu buheatiquina peyequina masa ijiri. ¹³ Sa ijepegūta mari acayurore Titore bocaeragu pajiro bujua witi tuhohuu. Sa yegu to cjenare cohe ti tuhasagu Macedonia yehrapu waha.

Cristo yedohoye mehna ñañene yeducueraja mari

¹⁴ Sa ye Cohācjū pehe marine ñañene yeragū yere. Cristo yequina mari ijigū ihñano marine ñañene yeragū yere. Sa yegu Cohācjūre bucue, “Quehnoare”, niaja. Sa yena Cohācjū marine tiquiro dutigū masina ijipihtiropu Cristore masare masigū yeaja mari. Sa tiquirore masiñe tiquina quehnoano tuhohure. ¹⁵ Cristo yequina ijina, Cohācjū pehere bucuegū yeaja mari, ehme

sitiyere mari bucuero saha. Sa ye Cristo yequina mari ijiyere ihña masine apequina Cohācjū yuhduoatiquina. Apequina tiquina ñañe buhiri pecapu wahatiquina gūhu Cristo yequina mari ijiyere ihña masine. ¹⁶ Cristo yequina mari ijigū ihñañe, tiquina ñañe buhiri pecapu wahatiquina pehe pecapu tiquina wahati masine. Cohācjū yuhduoatiquina pehe marine Jesu yequinare ihñañe, ijipihtiye decori tiquiro mehna tiquina ijiatire masine. Sa ye Cristo ye ihyo ijiye buheye ijierare. Sa yero ahrire Cristo yere ihcāquiro esa tuharo buhe sohtori tiquiro ne mariedare. Cohācjū yedohoro mehnata tiquiro yere mari buhe masiaja. ¹⁷ Peyequina apequina Cohācjū yere buhemene niñerure wapata duaye. Usā pehe tiquina yero saha yeraja. Ni mehono marieno Cristo tutuaye mehna tiquiro yere buheaja usā. Cohācjū usāre cūgū tiquiro ihñonopu quehnoano buheaja usā.

3

“Ohō saha yeitja”, Cohācjū ni cūrire wahma buheyere yahuahye Pablo

¹ ¿Pari turi usā ijiye tiyere masare yahuna nijari usā, masa tuhohugū? Apequina masare tiquina buheato pano tiquina ijiye tiyere masi duana tiquina ojoari pūre cahme muhtari masa. Usāre masi tuhasari masa. ¿Usāre masiepenata ti pū borore

cahmeajari m̄usa? ¿O apequina cahap̄m̄ us̄ã buhena wahana ti p̄ũ borore us̄ãre neno cahmeajari, m̄usa t̄ahotuḡũ? ²Ti p̄ũ borore cahmedaja us̄ã. M̄usa pehere ijipih̄tiyequina apequina ih̄ñañe m̄usare us̄ã quehnoano buherire masieta. M̄usare us̄ã buheḡũ Cristo yequina iji d̄ucari m̄usa. ³Cristo yequina m̄usa ijiḡũ ih̄ñañe masa m̄usare Coh̄ãcj̄ũ ye buheye warore us̄ã queoro buherire masi tuhasare. M̄usare buhena Coh̄ãcj̄ũ yaquiro Esp̄iritu Santo tiquiro yedohoye mehna buhei. Tiquiro Coh̄ãcj̄ũ catiriquiro waro ijire. Us̄ã sa buheḡũ t̄ahona Cristore quehnoano cahmedi m̄usa. Sa cahmena m̄usa ijiḡũ apequina m̄usare ih̄ñañe Cristo yequina m̄usa ijiyere quehnoano masine. Sa masiñe m̄usare Coh̄ãcj̄ũ ye buheye warore us̄ã queoro buherire masine masa.

⁴Ahr̄ire ijipih̄tiyere t̄ahotuaja us̄ã Coh̄ãcj̄ũre quehnoano wac̄ũ tutuana. Cristo tiquiro yedohoye mehna sa wac̄ũ tutuaducujaja mari. ⁵⁻⁶“Us̄ã esa tuharo ahri dahrayere yeaja us̄ã”, ni masiedaja us̄ã. Coh̄ãcj̄ũ tiquiro yedohoye mehna ye masiaja us̄ã.

Yojop̄are tiquiro yahuyere quehnoañe buheyere Coh̄ãcj̄ũ pehe quehnoano us̄ãre buhe masiḡũ yere. Ahri buheye panop̄m̄ tiquiro dutiye tiquiro ojoari yero saha ijierare. Quehnoañe buheye pehere buheaja us̄ã.

Panop̄m̄ tiquiro dutirire mari esa tuharo ne ye masiedaja. Sa mari ye masiedari buhiri pecap̄m̄ wahaboya mari. Quehnoañe buheye pehere t̄ahona Cristore wac̄ũ tutuaja. Sa yena ijipih̄tiye decori Coh̄ãcj̄ũ mehna ijinata mari. ⁷Coh̄ãcj̄ũ tiquiro dutiyere ut̄ã p̄j̄m̄ip̄m̄ ojoaro Moisere c̄ũahye. Tiquiro sa c̄ũri bato tiquiro asi siteye bajuahye. Moise w̄ahdoa asi siteahye. Asi site ȳahd̄ũahye. Came ti asi siteye pihtia wahahye. Came ti asi siteye pihtia wahati ijiepeḡũta coã warore tiquiro w̄ahdoare masa ne ih̄ñadoque oh̄õ masiedahye. Ti dutiyere masa tiquina ye pehoerari buhiri pecap̄m̄ wahatiquina ijiahye. Sa ye ti dutiye masare pecap̄m̄ waha dutiepet̄a, tutuaro asi siteye mehna iji d̄ucah̄ye ti dutiye.

⁸Ti dutiye ȳahd̄ũoro quehnoañe buheye pehe quehnoa ȳahd̄ũare. Ahri buheyere apequinare mari buheḡũ tiquina quehnoano t̄ahoḡũ Esp̄iritu Santo tiquina mehna ijirota. Sa ye panop̄m̄ cj̄ẽ dutiye ȳahd̄ũoro Cristo ye pehe quehnoa ȳahd̄ũare. ⁹Coh̄ãcj̄ũ dutiye panop̄m̄ cj̄ẽ masare pecap̄m̄ waha duti-ahye. Sa dutieperota Coh̄ãcj̄ũ tutuaye mehna tiquiro asi siteye mehna iji d̄ucah̄ye. Ti ȳahd̄ũoro quehnoañe buheye pehe Coh̄ãcj̄ũ tutuaye mehna ijire. Ti buheye mehna quehnoañequina wahare masa, Coh̄ãcj̄ũ ih̄ñaḡũ. ¹⁰Panop̄m̄ Coh̄ãcj̄ũ tiquiro dutiri pehe ihyo ijiye dutiye

yero saha tojoa cãhre yojopure quehnoañe buheye mehna mari ihña piti cagã. Quehnoañe buheye pehe quehnoa yãhdũare. Ti buheye mehna uhmũsepũ mari waha masiaja. ¹¹ Panopure tiquiro ye dutiye yoa cjũri pje asi siteye ijiducume, pihtia wahahye. Ti dutiye yãhdũoro quehnoañe buheye pehe quehnoa yãhdũare. Ti buheyere quehnoano tũhona, Cohãcjũ mehna sa ijiducunata.

¹²⁻¹³ Mari sa ijiducuatire masina, cuero marieno quehnoañe buheyere quehnoano yahu peho cjã usã. Moise pehe usã yero saha ijierahye. “ ‘Cohãcjũ asi siteye pihtiro nine’, Israe masa ni ihñari”, nino, tiquiro wãhdoare cahmotahye Moise. Bue tiro sa cahmotahye. Tiquiro yee tiriro saha bue tieraja usã pehe. Sa yena cuero marieno tiquiro yere quehnoañe buheyere buheaja. ¹⁴ Ti pjepũ cjẽna Israe masa pehe ne masieda tiahye. Yojopũ gãhũre Cohãcjũ yere panopũ tiquiro ojoari pũrine tiquina buheye, ne masiedare. Moise tiquiro wãhdoare cahmotagũ Cohãcjũ asi siteyere tiquina ihñadoque ohõedariro saha tiquina quehnoañe buheyere quehnoano masiedare. Cristore cahmedaye, masisi tiquina. Tiquirore tiquina wacũ tutuari bato, tiquiro yere masieta.

¹⁵ Yojopũ gãhũre Israe masa Cohãcjũ dutiye Moi-

sere tiquiro cũrire buheye, tiquinare cahmotaro saha ne masiedare tiquina. ¹⁶ Mari pehe mari pũhtorore cahmegũ tiquirota marine masigũ yere. Moise tiquiro wãhdoa cahmotarirore tiquiro ne cãboriro saha mari pũhtoro marine tiquiro yere quehnoano masigũ yere. ¹⁷ “Mari pũhtoro”, nigũ Espĩritu Santore nigũ niaja. Cohãcjũ yaquiro Espĩritu mari mehna tiquiro ijigũ pecapũ wahaborinare tiquiro yãhdũorina ijiaja. Sa yena “Panopũ cjẽ dutiye mehna mari yãhdũanata”, niedaja mari. Sa yena ti dutiyere duhuna, Espĩritu Santo ye dutiye pehere yeaja mari. ¹⁸ Sa yena Jesu yequina ijina, Cohãcjũ yere masiaja mari. Tiquina wãhdoa pacare cahmotamehneñequina yero saha Cristo tutuayere ihñona niaja mari. Sa yero mari pũhtoro Espĩritu Santo marine quehnoañe pehere comesagũ yere. Tiquiro sa yegũ Cristo quehnoa yãhdũariquiro tiquiro ijiro saha wahana niaja mari.

4

¹ Sa ye Cohãcjũ usãre paja ihñano, quehnoañe buheyere yahuanajare cũri usãre. Tiquiro sa cũgũ masina, tiquiro yere buhena caributieraja usã. ² Tiquiro yere buhena ni meje cũ buheraja. Sa yena usã tire comesaeraja. Sijoro saha cjũnogã buhena bũoro yãhdũboaga. Sa yena tire buhe dueraja. Cohãcjũ

ihñonopu ijiaja usã. Sa yena quehnoañe buheyere quehnoano potu buheaja usã. Usã sa buhegũ ihñañe tire quehnoano masine usãre ihñañequina waro. ³ Usã buheyere quehnoañe buheyere buheaja usã. Usã tire buhepegũta apequina ne tuho duerare. Sa tuhoeyequina pecapu wahatiquina ijire. ⁴ Satana ñariquiro ahri yehpa cjëna puhtoro tiquinare masiedagũ yere. Caperi bajueyequina tiquina ihña masiedaro saha masiedagũ yere tiquinare. Quehnoañe buheyere Cristo tutuayere tiquinare masiedagũ yere tiquiro. Cristo pehe Cohãcjũ ijiye tiyere marine masigũ yere. Tiquiro Cristo Cohãcjũ waro ijire. ⁵ Usã buhena “Usã pehere ño peoya”, ni buheraja. Ohõ saha ni buheaja usã: “Jesucristo pehe ijire mari puhtoro”, ni buheaja usã. Usã pehe Jesure yuhtina ijiaja usã. Sa yena musare yedohoaia usã. ⁶ Panopu ohõ saha niahye Cohãcjũ: “Nahitianopure buhrioro ijiya”, ni, dutiahye tiquiro. Yojopure tiquirota ijire marine tiquiro tutuayere masigũ yeriquiro. Buhrioro marine ti ihñagũ yero saha, tiquiro tutuayere marine masigũ yere. Cristo Cohãcjũ tutuayere marine masigũ yere.

Cristo tutuaye mehna mari ijiaja

⁷ Sa masina ijina, tiquiro tutuayere apequinare

masigũ yeaja. Sa yena ijiepenata tutueraja usã. Dihi sutu duita wahtiro ti butiro saha usã gũhu tutueraja. Sa ijiepenata Cohãcjũ tutuayere apequinare buheaja usã. Usã sa tutuerapenata tire buheaja usã. Usã sa buhegũ ihñañe usãre “Tiquina esa tuhara ahri buheyere masiedare. Cohãcjũ pehe tiquinare masigũ yere”, ni masieta apequina usãre. ⁸ Ijipihtiyequina apequina usãre ñano yepeta Cohãcjũ usãre tiquiro yedohogũ tiquina usãre yuhducaerare. Sa yena usã caributiepenata, Cohãcjũ yere ne yahu duhueraja. ⁹ Usãre tiquina ñano yeduepegũta Cohãcjũ usãre sa yedohoducure. Usãre tiquina quẽdoque cũ m̃jaepegũta tiquiro yedohoye mehna yarieraja usã. ¹⁰ Tiquina wejẽatina ijinata niaja usã, Cristo ahri yehpapu tiquiro ñano yuhduriro saha. Tiquina wejẽatina ijiducuna niaja usã Cristo catiducugũ yeriquiro tiquiro ijiyere masa tiquina masiato saha. Usã sa ñano yuhdugũ ihñañe tire masieta masa.

¹¹ Sa ye decoripe usãre apequina wejẽno cuarĩne Cristo yequina usã ijiri buhiri. Ohõ sahata ñano yuhduaja usã Cristo catiducugũ yeriquiro tiquiro ijiyere apequina tiquina masiato saha. Usã paguri came yariaa waharota. Usã sa wahatina ijiepenata Cristore catiducugũ yeriquiro masigũ yeaja usã apequinare. ¹² Sa ye musare usã buheri buhiri

usã pehere apequina wejẽno cuarĩne. Usã buheyere musa tuhori bato ijipihtiye decori Cohãcjũ mehna ijiatina ijire musa.

¹³ Cohãcjũ yere tiquina ojoari pũpu ohõ saha nine: “Cohãcjũre wacũ tutuagu, tiquiuro yere buhei”, ni ojoahye panopu cjũno. Usã gãhu sata yeaja. Cohãcjũre wacũ tutuana, tiquiuro yere buheaja. ¹⁴ Ahri yũhu niati gãhure quehnoano masiaja usã: Cristo yariari bato Cohãcjũ tiquiore masoahye. Sa yero Cristo yequina mari ijigũ ihñano tiquiuro mari gãhure masonota. Tiquiro sa masori bato tiquiuro cahapu neanota marine. ¹⁵ Sa yena musare yedoho duana, ñano yũhdũaja usã. Sa yena Cristo yequina musa peyequina wahana, peyequina musa Cohãcjũre bucueye mehna ño peonata. Tiquiore “Quehnoare”, ninata.

¹⁶ Musa sa wahagũ ihñana, usã ñano yũhdũepenata bujũa witeraja. Sa yena Cristo yere buhe duhueraja. Usã pagu tutuaye decoripe pihti cãno nine. Usã tutuaye sa pihti cãpepegũta quehnoano jeri sajãja usã. ¹⁷ YojoPURE ñano yũhdũepenata ñano yũhdũ dojoeraja. Ti mari ñano yũhdũye pihtia waharota. Sa yena marine mehenogã ñano yũhdũro cahmene. Sa mari ñano yũhdũrina ijina, camePURE tutuaro bucueye mehna ijiducunata Cohãcjũ mehna. Sa yena mari ñano yũhdũri yũhdũoro pajiro

bucueye mehna ijiducunata. ¹⁸ Mari ihñari ahba pihtia waharota. Mari ihñedari pehe sa ijiducurota. Sa yena mari ihñarire wacũducueraja. Mari ihñedari pehere Cohãcjũ yere sa wacũducuaaja mari. Sa yena camepu mari quehnoano ijiatire bucueaja.

5

¹ Wuhure tiquiuro cohãboriro saha came mari paguri pehe butia waharota. Sa yero wahma wuhure tiquiuro yeboriro saha Cohãcjũ wahma pagurire yerota. Sa yero ti pagurire marine ohorota. Ti paguri masa tiquina yeri paguri ijierare. Sa yena uhmusepu sa ijiducunata ti paguri mehna. Tire mari masiaja. ² Sa yena ti pagurire uhmuse cjẽ pagurire tutuaro cahmena, mari sa cohteducuna niaja. ³ Suhtirore tutuaro mari saña duaro saha ti pagurire tutuaro cahmeaja mari. Sata cohteaja mari paguri mariena iji duerana. ⁴ YojoPURE ahri pagurire cohã duerapenata wahma paguri pehere tutuaro cohteaja mari. YojoPURE mari pagurire cohã duerapenata ijipihtiye decori Cohãcjũ mehna mari ijiatire tutuaro cahmeaja mari. Sa yena ahri mari paguri yariati paguri ti ijigũ masina, wahma paguri mehna Cohãcjũ mehna sa ijiducu duaja mari. ⁵ Mari sa ijiducuatire quehnoahye Cohãcjũ pehe. Sa quehnono tiquiuro yaquiuro Espiritu Santore ohori marine. Sa

yero tiquiro yaquiro Espiritu Santo mari mehna ijiro, marine Cohãcjũ tiquiro yeatire “Poto tjire”, nino, marine masigũ yere tiquiro.

⁶ Sa yena Cohãcjũre wacũ tutuaducujaja mari. Cuero marieno ijiaja mari. Ahri mari iji mahtari pagupũ ijina, mari puhtoro mehna ijieraniaja. ⁷ Uhmũse cjẽne Cohãcjũ gũhure mari ihñedapenata “Ti potota ijire”, ni tuhotuaja mari. Sa yena tiquirore wacũ tutuaja mari. ⁸ Sa yena mari cueraja. Mari pagurire ahri yehpapũ cohãna mari puhtoro mehna uhmũsepu ijiducunata mari. Sa yero mari yariagũ quehnoanota marine. ⁹ Sa yena Cristore bucuegũ ye duaja mari. Ahri yehpa cjã pagũ mehna ijinina tiquirore bucuegũ ye duaja. Uhmũsepu gũhure tiquirore bucuegũ ye duaja. ¹⁰ Ijipihtina Cristo cahapũ mari wahagũ ihñano tiquiro mari yerire ihñano marine beserota. Nãno mari yerire masinota tiquiro. Sa masino marine tiquiro ohoborire marine ohosi tiquiro. Quehnoañene mari yeri gũhure masinota. Sa masino bucuero marine quehnoano yerota. Tiquiro sa masidiquiro ijigũ ihñana tiquirore bucuegũ ye duaja mari.

Cohãcjũre mari ihña tuhtigũ ihñano Cristo pehe marine bosare

¹¹ Sa yena cua pesaro mehna Cristore ño peoro cahmene marine. Tire

masina, Cristo yere masigũ yeaja usã masare. Tiquinare cuesãna, tiquirore wacũ tutuagũ ye duaja usã tiquinare. Quehnoano mehna tire usã buherire Cohãcjũ quehnoano masine. Usã sa buherire mũa gũhure quehnoano masigũ cahmeaja yahũ. ¹² Pari turi quehnoana usã ijiye tiyere mũsare yahuna niedaja. “Apequinare yuhducaja”, niñequinare mũa yahuati pehere quehnoano mehna usã buherire yahuna niaja usã mũsare. Tiquina pehe tiquina wacũñepũ ñañequina ni mehoñequina ijiepetata masa tiquina ihñono dihita quehnoañequina yero saha ye ihñomene. Sa yena usã mehna mũa bucueati pehere ahri ijipihtiyere mũsare yahu ojoana niaja. “Pablo gũhũ usãre quehnoano mehna buhere”, usãre apequinare mũa ni cahmotati pehere ahri ijipihtiyere mũsare yahu ojoana niaja. ¹³ ¿Usã ohõ saha ni yahuna tũho masiena ijiajari usã, mũa tuhutugũ? Masa usãre ihñañe, tũho masieñequina yero saha ihñare usãre. Cohãcjũ yere usã yegũ ihñañe sa ihñaboaga usãre. Sa tiquina ihñanohrina ijiepenata sa ijina ijieraja mũsare yedoho nemonata tana.

¹⁴ Cristo marine tiquiro cahĩgũ ihñana mũsare sa yedohoaja. Tiquiro sa cahĩgũ ihñana tiquiro yere sa yahuducujaja usã. Ihcãquiota Cristo ijipihtina mari ñañe

buhirire yariari jiri. Tiquiro sa yariari bato mari pehe ijipihitina mari ñañe buhirire yariariquina yero saha iji-aja. Tiquiro buhiri dahre tuhasariquina yero saha iji-aja. Cristo tiquiro yariari mehna marine tiquiro buhiri dahre tuhasariquina yero saha ihñanota Cohãcjũ.¹⁵ Ijipihitina mari ñañe buhiri yariari jiri Cristo tiquiro ye dihitare mari yeato saha. Sa yero tiquiro cahmeñe pehere marine ye dutiro yariari jiri tiquiro. Mari ye ijiatire yari-aro, masa m̃jari jiri.¹⁶ Sa yena yojop̃ure usã esa tuharo masare “Quehnoañequina ijire. Ñañequina ijire”, ni ihñedaja usã. Panop̃ usã esa tuharo yee timi. Sa yena Cristore masied̃. Yojop̃ure Esp̃ritu Santo yedohoye mehna tiquirore quehnoano masi tuhasaja.¹⁷ Sa yena Cristo yequina wahana quehnoañe pehere yena wahaja mari. Panop̃ mari esa tuharo mari yemedire duhu cjã mari. Yojop̃ure quehnoañe pehere came-
sana tire yeaja mari.

¹⁸ Cohãcjũ pehe marine quehnoañe pehere comesagũ yeri. Cohãcjũre ihña tuhtina mari ijigũ ihñano Cristo pehe mari ñañene cohãri. Sa cohãno mari ihña tuhtiyere duhugũ yeri tiquiro. Sa yegũ yeri Cohãcjũ Cristore. Sa yero usãre tiquiro yere buhe dutiro cūri. Sa buhena, apequinare Cohãcjũ mehna tiquina ihña tuhtirire duhugũ yeaja usã gũh̃.¹⁹ Ohõ saha

masare yahu dutiri Cohãcjũ usãre: “Cristore mari wacũ tutuagũ ihñano mari ñañe buhirire buhiri dahrerare Cohãcjũ marine. Sa yero marine ihña tuhtiriquiro ijieperota tiquiro marine tiquiro yequina ijigũ yere”, ni yahu dutiri Cohãcjũ usãre.²⁰ Sa yena Cristo yere buheanaja tiquiro cūrina iji-aja usã. Cohãcjũ masare tiquiro yahuboriro saha usã pehe ohõ saha ni masare yahuaja: Cristore yahu basana niaja. Sa yena masare ihña tuhtieragũ yeaja. Cohãcjũre m̃sa ihña tuhtiyere to punota duhuya.²¹ Cristo tiquiro ñañene yerapegũta Cohãcjũ pehe tiquirore mari ñañe buhirire yaria dutiahye. Sa yero mari ñañe buhirire buhiri dahreahye Cohãcjũ tiquiro pehere. Sa yero Cristo yequina mari wahagũ Cohãcjũ yero saha quehnoana marine ijigũ yere tiquiro.

6

¹ Cohãcjũre yedohona iji-aja usã. Sa yena ahrire tutuaro masare ye dutiaja usã. Cohãcjũ yere quehnoañe buheyere m̃sa t̃horiro sahata yeya m̃sa. M̃sa t̃horiro sahata m̃sa yeragũ ti m̃sa t̃hori duhseati ijierare.² Ohõ saha nine Cohãcjũ:

M̃sare ỹh̃h̃ quehnoano yeati pjere m̃sa siniñene t̃ho ỹhtitja. Sa yegũ masare ỹh̃h̃

yahduoati decore
músare yedohoutja,
nine tiquiro.

Tuhoya mUSA. Yojopure
Cohácjũ músare tiquiro
quehnoano yeati pje ijire.
Yojopure Cohácjũ músare
tiquiro yahduoati deco ijire.

³ Ne mehenogã apequinare
ñano yeraja usã. Apequinare
ne ñano ni yahuducueraja,
“Quehnoañe buheye pehere
cahmedari”, nina. ⁴ Sa yena
Cohácjũ cahacjãna usã ijiyere
músare masigũ ye duaja. Sa
yena ohõ saha ijiaja usã:
Ñano yuhduna, apee borore
cwoerana sa tãhotu cjã. Usãre
tiquina ñano yepegũta usuaro
marieno ijiaja. ⁵ Ohõ saha
ñano yuhduu usã: Masa
usãre quẽgũ, peresu tiquina
yegũ, peyequina masa
usãre wejẽ duagũ tiquina
sañuducugũ ñano yuhduu usã.
Usã tutuaro dahra wahyia
yuhduna, wujua purĩepẽgũta
carĩedana, ujua ahbana ñano
yuhduu. ⁶ Numia mehna
ñano yeru. Sa yena Cohácjũ
yere quehnoano masiñe
mehna buhei músare. Sa
yena ne usueru usã. Sa yena
quehnoano cahĩne mehna
yei usã músare. Sa yena
Cohácjũ cahacjãna usã ijiyere
músare masigũ yena nii
usã. Espĩritu Santo tiquiro
yedohoye mehna Cohácjũ
cahacjãna usã ijiyere masigũ
yena nii músare. Sa yena
poto músare usã cahĩgũ
ihñana, tiquiro cahacjãna usã
ijiyere masine mUSA. ⁷ Sa
yena quehnoañe buheyere

músare potu usã buhegũ
ihñana, Cohácjũ tutuaye
mehna usã yegũ ihñana
tiquiro cahacjãna usã ijiyere
masine mUSA. Quehnoañe
pehe ijipihtiye usã yeri
usã wamoã yero saha ijire
quehnoano usã cahmotati
pehe. Tire quehnoañene
yena watĩnore usã cah-
motana niaja. Sa yena ti
quehnoañene usã yeri mehna
tiquirore usã yuhduucaja.

⁸ Apequina usãre ño peore.
Apequina pehe usãre ño
peoerare. Apequina ñano
ni yahuducure usãre. Ape-
quina pehe quehnoano ni
yahuducure usãre. Poto usã
buhepegũta “Ni mehoñequina
ijire”, ni yahusãre apequina
usãre. ⁹ Apequina usãre
ihña masiñequina yero saha
yere. Ihquẽ tahari usãre
masiñequina yero saha
yere. Usãre tiquina wejẽ
duepegũta catiniaja usã.
Ihñaña usãre. Ijirota ijire.
Tiquina wejẽ dutinohrina
ijiepenata, yarieraniaja usã.
¹⁰ Usã ihquẽ tahari bujua
witina ijiepenata, sa bucu-
ducuaaja. Pejecuona ijiepe-
nata apequinare quehnoañe
buheyere buhena tiquinare
pajiro doeri cjẽne usã
ohoboro saha yena niaja
tiquinare. Apee boro cwoena
ijiepenata, potota Cohácjũ ye
pehere cwo peho cjã usã.

¹¹ Ne Corinto cjãna yuhu
acaye, músare quehnoano
mehna yahu peho ojoau
usã músare. Músare tu-
tuaro cahĩna, sa yahuu
músare. ¹² Usã pehe músare

cahĩ duhueraja. MUSA pehe usãre cahĩeda cjũre. ¹³ Sa yegu pohna tigu yahũ pohnare yahũ yahuboro saha musare yahutja: Musare usã tuhoturiro sahata musa gãhũ sata quehnoano tuhutuya usãre. Sa yena usãre cahĩña musa.

Cristore cahmeeñequinare piti ti dutierahye Pablo

¹⁴ Sa yena Cristore cahmeeñequina mehna sa piti tiducueracãhña. Tiquina mehna cjãna ijieracãhña. Ihcãno saha ijierare musa. Quehnoañene yeriquiro ñañene yeriquiro mehna quehnoano iji masiedare. Cohãcjũre cahmeeñequina Cohãcjũre cahmeeñequina mehna quehnoano cahme piti ti masiedare. ¹⁵ Sa yero Cristo watĩno mehna ihcãno saha tuhutuerare. Sa yero Cristo yaquiro, Cristore cahmeediquiro mehna quehnoano cahme piti ti masiedare. ¹⁶ Cohãcjũ wũhũpũ “Cohãcjũ ijire”, tiquina niñe queoyere mari cuogũ ñarĩne. Ti wũhũpũ ti queoyere mari cũgũ quehnoaedare. Ti yero sahata Cristo yequina Cristore cahmeeñequina mehna mari piti tiducugũ gãhũre ñarĩne. Ti cururi pũa curua ihcãno mehna iji masiedare. Cohãcjũ catiriquiro tiquiro ya wũhũ yero saha ijiaja mari. Ti wũhũpũ tiquiro ijiro saha mari mehna ijire tiquiro. Ohõ saha nine Cohãcjũ: Tiquina mehna ijigutja yahũ. Sa yegu tiquina watoa

sa ijiducugutja. Yahũ Cohãcjũ tiquina pũhto ijigutja. Sa ye tiquina pehe yeequina masa ijietã, nine tiquiro.

¹⁷ Sa yero ohõ saha ni nemore tiquiro mari pũhtoro:

Ñañequina mehna tojoeracãhña. Sa yena tiquinare piti tieracãhña. Cristore cahmeeñequinare tiquina ñañene ne piheracãhña. Sa yegu yahũ pehe musare piti tigutja. ¹⁸ Sa yegu musa Pacũ ijigutja. Musã pehe yahũ pohna ijinata, nine Cohãcjũ mari pũhtoro tutua yahũariquiro.

7

¹ Yahũ acaye, yahũ cahĩna, musare ahrire yahutja: Ahri ijipihtiyere Cohãcjũ tiquiro sa ni yahugũ tuhona ijipihtiyere mari ñañene yeyere duhuuhna. Sa yena mari ñañene wacũñe gãhũre duhuuhna. Sa yena Cohãcjũre quehnoano ño peoye mehna ñano yero marieno ijihna mari.

Pablo bucueye mehna yahuahye Corinto cjẽnare

² Quehnoano mehna ijiya musã usã mehna. Ne mehenogã mehna ñano yerũ usã musare. Sa yena usã buh-eye mehna musare ñano yegũ yerũ usã. Ne ihcãquiro musã mehna cjũnore ni mehoñe mehna wapa cahmedũ. ³ Sa nigũ “Usãre wapa yerari. Sa

yena buhiri tina ijire m̄sa”, niḡu niedaja m̄sare. M̄sare yahu tuhasa. M̄sare cah̄ija us̄a. Catinina ihc̄a curuata ijiaja mari. Mari yariari batop̄u ḡuh̄ure ihc̄a curuata ijinata mari. ⁴ Quehnoano m̄sa yerire masiaja yuh̄u. Sa yeḡu m̄sare wac̄ũdoqueoḡu bucueaja. Sa yena us̄a ñano yuh̄d̄uri watoa m̄sa pehe yuh̄ure pajiro bucueḡu yeri.

⁵ Sa ye Macedonia yehpap̄u us̄a esari bato top̄u ijina, ne soer̄u us̄a. Top̄ure ñano yuh̄d̄u us̄a. Apequina us̄a mehna cahmeque duari. Sa yena “Cristo yere duhuari”, nina Cristo yequina pehere cues̄a nii us̄a. ⁶ Us̄a sa ñano yuh̄d̄uepeḡuta Coh̄c̄j̄u us̄are bucueḡu yeri. Tiquiro buj̄ua witiyequinare bucueḡu yeriquiro ijire. Sa yero Tito us̄a cahap̄u tiquiro wihiro mehna us̄are bucueḡu yeri Coh̄c̄j̄u. ⁷ Tito wihiḡu ih̄ñana bucuei. Ahri ḡuh̄ure bucuei. M̄sare tiquiro quitu yahuḡu ḡuh̄ure tutuaro bucuei us̄a. Yuh̄ure m̄sa ih̄ña duarire yahuri us̄are. Yuh̄ure m̄sa wac̄ũe ti buj̄ua witori ḡuh̄ure yahuri tiquiro. Tiquiro sa ni yahuḡu t̄hoḡu tutuaro bucuei yuh̄u.

⁸ To pano yuh̄u ojoari p̄u mehna m̄sare buj̄ua witiiḡu yemi. Sa yeriḡu ijiepeḡuta buj̄ua witieraja yuh̄u pehe. Ti p̄ure m̄sa buheri bato buj̄ua witiñohti m̄sa. Sa yena mehenoḡa buj̄ua witi, duhuñohti m̄sa. Sa yeḡu cōa oja m̄htaḡu buj̄ua witipeḡuta yojop̄ure

buj̄ua witieraja. ⁹ Yojop̄u p̄uritare bucueaja yuh̄u. M̄sa buj̄ua witiiḡu t̄hoḡu bucueraja. Sa ijiepeḡuta sa buj̄ua witi, quehnoañe pehere comesañohti m̄sa. Sa yero m̄sa buj̄ua witiiḡu ih̄ñano, Coh̄c̄j̄u pehe m̄sare quehnoañene comesaḡu yere. Sa yena m̄sare buj̄ua witiiḡu yena, ñano ye dojomehnena niedu us̄a m̄sare. ¹⁰ Sa yena Coh̄c̄j̄u tiquiro cahmeno saha buj̄ua witi, mari ñañene buj̄ua witinata. Quehnoañe pehere comesanata. Sata mari buj̄ua witiiḡu ih̄ñano marine pecap̄u wahaborinare yuh̄d̄ore Coh̄c̄j̄u. Mari sa buj̄ua witiiḡu quehnoañe marine. Cristore cahmeeñequina pehe tiquina ñañene buj̄ua witiapeta, sa buj̄ua witi maca c̄a, pecap̄u wahatiquina ijinine.

¹¹ M̄sa pehe Coh̄c̄j̄u tiquiro cahmeno saha buj̄ua witiñohti. M̄sa sa buj̄ua witi oh̄o saha yeñohti m̄sa: Yojop̄ure ñañene yeyequinare sa ih̄ña c̄edañohti m̄sa. Tiquinare duhu dutiñohti m̄sa. Sa yena tiquina ñañe yeyere cueñohti m̄sa “Tiquina yero saha yeari”, nina. Sa yena yuh̄ure ih̄ña duañohti m̄sa. Sa yena ñañene yeriquirore buhiri dahre duañohti m̄sa. Ti ijipih̄tiyere m̄sa yena yojop̄ure poto yena m̄sa ijiyere masiḡu yeri m̄sa us̄are. ¹² Panop̄u ñano yeriquirore m̄sare yahu ojoaep̄eḡuta tiquirore yedohoḡu taḡu sa ni yahu ojoaer̄u. Tiquiro

ñano yenhriquiroy gũhure yedohogũ tagũ sa ni ojoaerũ. Mũsa pehere yedohogũ tagũ ti pũre ojoaũ. Ʋsãre quehnoano ño peore mũsa. Tire mũsa ño peorire quehnoano mũsa masiatire ti pũre ojoaũ mũsare. Cohãcjũ tire mũsare masigũ cahmene. ¹³ Sa yena Tito mũsa yerire tiquiro quti yahugũ tũhona tutuaro bucuei usã.

Tito gũhũ tutuaro bucueri. Tiquirore mũsa quehnoano mehna mũsa piti cagũ tũhona, mũsa mehna tiquiro bucuerire tũhona usã gũhũ quehnoano bucuei. ¹⁴ Coã waropũ mũsa cahapũ tiquiro wahato pano mũsa mehna yũhũ bucuerire, quehnoana mũsa ijirire yahuu tiquirore. Sa yena yũhũ nidiro sahata quehnoano yeñohti mũsa tiquirore. Sa yegũ tiquirore yũhũ nidire bue tieraja. Mũsare pota sa yahuducuaaja usã. Ohõ saha Tito gũhure pota usã yahuu mũsare tiquiro ihñariro saha. ¹⁵ Mũsa cahapũ tiquiro esagũ ño peoye mehna tiquirore piti cañohti mũsa. Sa yena quehnoano yũhtina yũhdũdũcaro mariena mũsa ijigũ ihñañohti tiquiro. Sa yero mũsare cahĩ nemore tiquiro. ¹⁶ Yojopũre quehnoano yũhtina, Cohãcjũ cahmeno saha mũsa quehnoano ye pehona mũsa ijigũ quehnoano masiaja yũhũ. Sa masigũ tutuaro bucueaja.

8

Cristo yequina ijina, pejecũoyequinare sa oho cãno cahmene marine

¹ Ʋsã acaye, ahri yũhũ yahuatire mũsare masigũ cahmeaja usã. Cristo yequina Macedonia yehpa cjẽna Cohãcjũ cahĩñe mehna tiquiro paja ihñañe mehna tiquina yerire mũsare yahutja. ² Tiquina ñano yũhdũepeta, niñeru marieñequina ijiepetata cahĩno marieno sa oho cãhri pejecũoyequinare Jesu yequinare. Cristo mehna tutuaro bucueyequina ijieye, tiquina Judea yehpa cjẽnare quehnoano mehna tiquina cũoyere sa oho cãhri. ³ Mũsare niita niaja. Tiquina cũoro puno ohori. Ijierare. Bui cjũnogã ohori. Ʋsã sini basaerapegãta pejecũoyequinare ohori tiquina. ⁴ Cohãcjũ yequinare pejecũoyequinare tutuaro yedoho duaye, tiquinare tiquina ohoatire nea dutiri usãre. ⁵ “Ohõ puno ohoeta”, tiquinare usã ni tũhoturiro bui cjũnogã ohori tiquina. Ohõ saha yeri tiquina: Coã warore niñerure tiquina ohoato pano mari pũhtoro Cristo cahmeno saha ye pehori jiri tiquina. Sa ye Cohãcjũ cahmeno saha usã gũhure ño peoye mehna yũhtiri jiri. Sa yequina ijieye tiquina niñerure ohori.

⁶ Tiquina sa oho tuhasagũ ihñana Titore usã pehe ohõ saha nii: “Corinto cjẽnare

mahu buhe ducariro sa-
hata quehnoano mehna
pejeyequinare tiquina
ohoatire buhe pehoya”, nii
usa tiquirore. MUSA gahu
apequinare paja ihana,
MUSA yedohoatire sa nii
tiquirore. ⁷ Sa yena MUSA
pehe ijiphtiyere quehnoano
yena iji tuhasare: Cristore
potota quehnoano wacu tu-
tuare MUSA. Sa yena tiquiro
yere quehnoano yahure
MUSA. Sa yena Cohacju yere
quehnoano masine MUSA.
Sa yena Cohacju cahmeno
saha tutuaro ye duare MUSA.
Sa yena usare cahne MUSA.
Ohõ saha quehnoano yena
iji tuhasare MUSA. MUSA
sa quehnoana ijiepeguta
mehenoga dhsare MUSA.
Pejeyequina puritare
MUSA paja ihagah cahmeaja
usa. Sa yena cahno marieno
tiquinare quehnoano mehna
MUSA pajiro ohoga cahmeaja
usa.

⁸ Sa nigh MUSA dutigh
niedaja. Sa ni yahugata
niaja MUSA. Apequina
pejeyequinare tiquina
tutuaro yedohore MUSA
yahugah niaja. “¿Potota paja
ihana ijiajari MUSA?” ni,
masi duagah niaja. ⁹ Mari
puhtoro Jesucristo pehe
marine tiquiro paja iharire
masine MUSA. Ti ijirota
ijire. Tiquiro ahmasepu
pajiro coriquiro ijieperota
ahri yehpahu ahtaro pe-
jeyequiro wahahye. Sa
yero mari ye ijatire yariaro
pejeyequiro wahahye.
Ohõ saha wahahye tiquiro

mari pehe tiquiro yere pajiro
mari choatire, tiquiro mehna
mari sa ijiducuatire.

¹⁰ MUSA sa yahugata
niaja. Ohõ saha tuhotuaja
yahu pehe: Ihca chma
wahare MUSA oho duaga.
MUSA pehe pejeyequinare
oho dua mhtamedi. Sa yena
tiquinare oho mhtaborina
ijimedi MUSA. ¹¹ Sa yena MUSA
ye duariro saha yojopure
sohtori tiya. MUSA oho dua
mhtariro saha yojopure
quehnoano oho pehoya. Sa
yena pajiro chona ijina pajiro
ohoya. Mehenoga chona ijina
mehenoga ohoya. ¹² Tutuaro
MUSA oho duaga tire MUSA
ohore Cohacju bucueroa.
Sa yena noho MUSA choro
puno ohoya. MUSA ohoro
punota bucueroa Cohacju.
“Pejeyequinare MUSA
choye yuhdoro ohoya”,
MUSA nino niedare Cohacju.

¹³ “Pejeyequinare
ohoya”, nigh tiquinare pajiro
cho dutigh niedaja. Sa yegh
MUSA pehere pejeyero ye
dueraja. ¹⁴ MUSA ihcãno
saha cho dutigh sa nigh
niaja. Yojopure MUSA pehe
pajiro chore. Sa chona
apee boro marieñequinare
oho masine MUSA. Came
MUSA apee boro mariedaga
tiquina gahu oho masine
MUSA. MUSA sa cahme
ohona ihcãno saha chonata
ijiphtina Cristo yequina.
¹⁵ Ohõ saha nine Cohacju
yere tiquina ojoari puru:
“Pajiro nediquiro gahu ape-
quina bui cjunoga choerari.
Mehenoga nediquiro gahure

ne mehenogã duhsaerari”, nine Cohãcjũ yere tiquina ojoari pũpũ.

Tito tiquiore mehna cjẽna mehna Corintopũ wahahye

16 Sa ye musare yũhũ yedohoriro sahata Tito gũhũ musare yedoho duare. Cohãcjũ pehe tiquiore yedoho duagũ yeri tiquiore. Tiquiro sa yegũ ihñagũ “Quehnoare”, niaja Cohãcjũre. 17 Titore musa cahapũ usã waha dutigũ tiquiore quehnoano mehna yũhtiri. Sa yero tiquiore usã waha dutiato pano tiquiore basita musa cahapũ tutuaro waha duariquiore iji tuhasari.

18 Tiquiore apequiore Jesu yaquiore mehna piti dahrei usã tiquiore. Tito mehna cjãnore ijipihtiyequina apequina Jesu yequina quehnoano ño peore. Quehnoañe buheyere tiquiore quehnoano yahuriquiore ijigũ ihñañe tiquiore quehnoano ño peore. 19 Sa ye Jesu yequina tiquiore cahmene usã mehna tiquiore tinino wahagũ. Tiquina ye niñerure pejecũoyequina cahapũ usã neagũ usã mehna wahatiquiore cahmene tiquiore. Sa ye ti niñerure usã ohogũ ihñañe “Marine yedohoriquiro ijire”, nieta masa Cohãcjũre. Usã sa ohona, tiquinare tutuaro mari yedoho duarire masigũ yenata tiquinare. 20 Sa yena ahri niñerure, pajiro Jesu yequina tiquina ohorire neana, quehnoano ihña ihbonata tiquina ohorire,

“Usãre yahusãri”, nina. 21 Mari pũhtoro tiquiore ihñonopũ queoro, quehnoano ye duaja usã. Sa yena masa tiquina ihñono gũhũre queoro ye duaja.

22 Sa yena tana apequiore mari acayũrore ohonatja Tito gũhũ mehna. Usã piti dahreriquire peye tahari apequinare tiquiore quehnoano yedohogũ ihñaũ usã. Sa yero yojopũre musa pehe apequinare musa yedoho duagũ ihñano to pano tiquiore yeriro yũhdũoro quehnoano musare yedoho duare. 23 Tito pehere musare yahutja. Tiquiro yũhũ mehna cjãno ijire. Musare yũhũ yedohogũ tiquiore yũhũ mehna dahrariquiore ijire. Apequina tiquiore mehna wahatiquina Jesu yequina tiquina bese ohoriquina ijire. Cristo yere tiquina yere, apequina tiquiore ño peoatire. 24 Sa yena cahño mehna quehnoano mehna tiquinare piti caya musa. Musa sa yegũ ihñañe apequina Jesu yequina quehnoañequina pehe musa cahñene masieta. “Quehnoano piti caeta Corinto cjẽna”, ni yahu tuhasaũ apequinare. Musa sa quehnoano piti cagũ ihñañe tiquina usã yahuri poto ijigũ masieta apequina Jesu yequina.

9

Jesu yequinare pejecũoyequinare tiquina ohoatire yahuahye Pablo

1 Sa yena Cohãcjũ yequinare m̄sa yedohoatire m̄sa ohoatire masi tuhasare m̄sa. 2 Apequinare m̄sa yedoho duagũ masiaja yũhũ. Sa masigũ Macedonia yehpa cjẽnare ohõ saha ni yahuu: “Corinto cjẽna Jesu yequina pehe apequinare yedoho dua tuhasari. Ihcã cahma yũhdũre tiquina yedoho duari”, ni yahu tuhasau tiquinare. M̄sa sa yedoho duagũ tuhoye peyequina tiquina gũhũ pejec̄hoyequinare yedoho duari. 3 M̄sare sa ni yahugũ yojopure ahriquinare mari acayere m̄sa cahapũ ohogũ tagũ niaja, yũhũ yahuriro saha m̄sa yeato. Sa yegũ pejec̄hoyequinare m̄sa ohoatire m̄sa cahmecoac̄oyuatire ahriquinare ohogũ niaja. 4 Tiquinare ohoeragũ Macedonia yehpa cjẽna mehna m̄sa cahapũ esagũ, m̄sa ohoatire m̄sa c̄hoeragũ ihñagũ bue tisãboaga yũhũ m̄sare. “Pejec̄hoyequinare ohoeta”, m̄sare yũhũ ni tũhoturi bato m̄sa ohoeragũ ihñagũ bue tisãboaga yũhũ. M̄sa gũhũ bũoro yũhdũboaga. 5 Sa yegũ m̄sa cahapure yũhũ esato pano tiquinare mari acayere oho m̄htagũ niaja. “Pejec̄hoyequinare ohonatja”, to pano m̄sa nidire m̄sa c̄oyuatire tiquinare oho m̄htagũ niaja. M̄sa ohoatire m̄sa cahme-coagũ tiquina pehe m̄sare yahueta. M̄sa ohoatire m̄sa c̄oyu tuhasagũ bucueye

mehna m̄sa oho duari ijigũ masiitja.

6 Sa yena ahrire wacũña m̄sa: Meheñe pjerigã oteriquiro meheñe pacagã nenota. Peye pjeri oteriquiro peye paca nenota. (Ohõ saha ijire pejec̄hoyequinare mari ohogũ. Mehenogã mari ohogũ, Cohãcjũ mehenogã ohorota marine. Pajiro mari ohogũ, pajiro marine ohorota.) 7 Sa yena ihquẽquina m̄sa “Ohõ puno ohonatja”, ni ohoya. Cahĩno marieno ohoya. “Marine oho dutiri”, nino marieno ohoya. Bucueye mehna ohoyequinare cahĩne Cohãcjũ. 8 Tiquiri pehe m̄sa cahmeno yũhdũoro m̄sare ohorota. Sa yena ijipihtiye m̄sa cahmemedire dũhsaro marieno c̄ho pehonata. Sa yero apequinare m̄sa ohogũ gũhũre quehnoano esa tuharota m̄sa c̄oye. 9 Sata nine Cohãcjũ yere tiquina ojoari pũpũ:

Pejec̄hoyequinare pajiro ohore tiquiri. Quehnoano mehna masare sa yeducure tiquiri, nine tiquiri yere tiquina ojoari pũpũ.

10 Sa yero oteye dũca tiri bato oteriquiro tiquiri oteati capere ohore Cohãcjũ. Came tiquiri oterire dũca tigũ yere tiquiri ihyatire. Pejec̄hoyequinare m̄sa pajiro ohogũ oteriquirore tiquiri ohoriro saha m̄sa gũhũre pajiro ohorota Cohãcjũ. Sata m̄sare ohorota pe-

jec̄oyequinare m̄sa oho nemoatire. ¹¹ Sata ijire. Pajiro ohorota m̄sare apequinare pajiro m̄sa sa ohoducuatire. Sa ye m̄sa oho dutirire pejec̄oyequinare us̄a ohogū peyequina tiquina pehe Coh̄ācj̄are bucueye mehna “Quehnoare”, nieta. ¹² Sa yena pejec̄oyequinare Coh̄ācj̄ū yequinare ohona, tiquinare yedohore m̄sa. Sa yedohona bucueye mehna Coh̄ācj̄are “Quehnoare”, tiquina nigū yenata m̄sa. ¹³ Sa m̄sa apequinare yedohogū ih̄ñañe, Coh̄ācj̄are ño peoye mehna yahuducueta masa. Sa ye tiquinare apequina gūh̄re pajiro m̄sa ohogū ih̄ñañe Coh̄ācj̄are “Quehnoa ȳhd̄ḡh̄ ijire m̄h̄”, nieta masa. Ohō saha nieta Cristo buheye quehnoañe buheye ti nidiro sahata m̄sa yegū ih̄ñañe, tiquinare m̄sa ohogū ih̄ñañe. ¹⁴ Sa ye Coh̄ācj̄ū m̄sare tiquiro paja ih̄ñano sahata m̄sa gūh̄ tiquinare m̄sa paja ih̄ñagū tiquina pehe m̄sare cahmeeta. Sa cahmeñe m̄sare sini basaeta Coh̄ācj̄are. ¹⁵ Coh̄ācj̄ū marine quehnoa ȳhd̄aro yerota. Tiquiro sa yeatire masina “Quehnoa ȳhd̄are”, niuhna mari tiquirore.

10

Jesu cūriquiro tiquiro ijiyere yahuahye Pablo

¹ Yojoṗh̄re ȳh̄h̄ Pablo, m̄sare yahutja. Ihquēquina m̄sa mehna cjēna ohō saha nine ȳh̄h̄re: “Mari

mehna ijiro apequinare ȳhd̄d̄ca d̄ueriquiro, ihyo ijiriquiro yero saha ijire. Sa ijieperota ape sieṗ̄ ijiro marine cuero marieno tuhti ojadoqueore”, nine m̄sa ihquēquina ȳh̄h̄re. Cristo pehe ne usueriquiro, masare quehnoano yeriquiro ijire. Tiquiro yero saha ȳh̄h̄ gūh̄h̄ iji duaja. ² Sa yegū m̄sare ahr̄re tutuaro mehna yahutja: M̄sa cahap̄h̄ ȳh̄h̄ esagū quehnoano yeya m̄sa “Pablo us̄are tuhtiar̄”, nina. Ihquēquina ȳh̄h̄re ohō saha nine: “Tiquiro esa tuh̄aro, Coh̄ācj̄ū dutiro marieno yere”, nine ȳh̄h̄re ihquēquina. Sa niñequina pūritare tuhtiboaga ȳh̄h̄.

³ Us̄a gūh̄h̄ ahri yehpa cjānata ijina niaja. Sa ijiepenata ahri yehpa cjēna tiquina esa tuh̄aro tiquina yero saha yeraja us̄a. ⁴ Surara cahme wejē tiquina ȳhd̄d̄car̄iro saha us̄a pehe ñañene ȳhd̄d̄ca duaja. Ti ñañene ye d̄ueraja. Us̄a sa yegū us̄a wamoa ahri yehpa cjēna tiquina wamoa yero saha ijierare. Surara tiquina wamoare tiquina c̄oro saha us̄a pehe Coh̄ācj̄ū tutuayere c̄oaja. Ti tutuaye mehna Coh̄ācj̄are cahme dutieyequinare coh̄aja us̄a. Masa tiquina esa tuh̄aro tiquina masiñene ti d̄h̄seati ti ijieragū masigū yeaja us̄a ti tutuaye mehna. ⁵ Sa yena ijipihtiequina tiquina esa tuh̄aro tuhotuequinare Coh̄ācj̄are tiquina masi dutierar̄re duhugū yeaja

usã. Sa yena ti tutu-
aye mehna Cohãcjũre
cahmeñequinare Cristore
quehnoano yuhtiequina
tiquina ijigũ yeaja usã.
Cristo cahmeno saha
tiquinare tuhotugũ yeaja
usã. ⁶ Sa yena apequina
musa mehna cjẽna Cristore
tiquina yuhduhcagũ ihñana
tiquinare buhiri dahrenatja
usã. Musa pehe musa
quehnoano yuhtiri bato Cri-
store yuhduhcayequinare sa
buhiri dahreatinata ijinata
musa.

⁷ Yuhu pagu dihitare
masine musa. Yuhu ijiye
tiye pehere ne masiedare
musa. “Cristo yequina
ijiaja”, nina ijina, ohõ saha
masiña musa: Usã gãhu musa
yero saha Cristo yequinata
ijiaja. ⁸ “Mari puhtoro
ye buheyere quehnoañe
buheyere buhe dutiro, cõri
usãre”, nigu peye tahari
musare sa ni yahuepeguta
bue tieraja yuhu. Usãre sa
buhe dutiro musare yedo-
hoanajare cõri usãre. Musare
dojomehneanajare cõno
niedari usãre. ⁹ Ohõ saha poto
ni yhuaaja musare “Cueari”,
nigu. Ahri yuhu ojoari pũre
ihñana musa ihña mariagũ
cahmedaja. ¹⁰ Ihquẽquina
musa mehna cjẽna ohõ saha
nine: “Pablo ojoaro dusero
purĩniquiro yero saha oja
mujare marine. Sa ijiriquiro
ijieperota mari mehna ijiro
ne sa ijiaga niediquiro
ijire. Pejecõriquiro yero
saha ijire. Sa yero marine
tiquiro yahuducuye dũhseati

ijierare”, nine ihquẽquina.
¹¹ Sa niñequinare ohõ saha
ni yahutja: Musare usã oja
ohoriro sahata yahunatja
musare musa caharu ijina.
Sa yena “Ohõ saha yenata”,
usã ni ojoariro sahata yenatja
usã, musa caharu ijina.

¹² Ihquẽquina musa mehna
cjẽna “Quehnoano masi pe-
hona ijiaja”, ni yahuducure
tiquina basi. Yohou, quehnoa
yuhduhõro masiñequina ijiajari
tiquina sa ni yahuducuye.
Usã pehe tiquina yero saha
ne sa nisi. Tiquina basi
cahme ihña piti ca “Mari
pehe quehnoa yuhduhcana
ijiaja”, nine tiquina basi. Sa
ni maca cãñe nine tiquina
basi. ¹³ Usã pehe tiquina yero
saha yesi. Cohãcjũ usãre buhe
duti tiquiro cõri dihitare
yhuaaja usã pehe musare.
Apequina ye dahrayere “Yei”,
nina niedaja. Cohãcjũ musare
buhe dutiro usãre cõri. ¹⁴ Ohõ
saha nina, ni mehona niedaja
usã. Quehnoañe buheyere
Cristo yere musare buhe
muhtana esau usã. ¹⁵ Sa
yena apequina ye dahrayere
“Usã pehe tire yei”, ne
niedaja usã. Sa yena Cristore
musa wacũ tutua nemogũ
cahmeaja usã. Sa cahmena
musare buhe nemo duaja usã.
Sa buhena Cohãcjũ tiquiro
cõriro punota buhe duaja
musare. ¹⁶ Sa yena musa ya
yehpa yuhduropu quehnoañe
buheyere yahuna wa-
hanatja. Sa wahana ape-
quina tiquina buheri bato
esana, “Usã buhei”, nisi usã.

¹⁷ Mari yerire “Usãta

yeaja”, niedaro cahmene. Mari pũtoro Jesu tiquiro yeri pehere ihñana bucuero cahmene. Ti pehere apequinare yahuro cahmene. ¹⁸ Masa tiquina basi “Ŭsã pehe yei”, tiquina nigũ bucuere Cohãcjũ. Mari pũtoro Cristo “Ahriquina quehnoano yeri”, tiquiro ninohriquina pehere bucuere Cohãcjũ.

11

“Jesu cĩrina ijiaja usã”, ni mehoñequinare yahuahye Pablo

¹ Yũhũ ijiye tiyere yahugũ tuhõ masiegũ yero saha yahugũ niaja. Yũhũ ijiye tiyere yahugũ mehenogã buẽ tiaja. Sa yahurigu yũhũ ijiepegũta yũhũre tuhõrĩña mũsa yojopũre. ² Cohãcjũ mũsare tiquiro cahĩno saha tutuaro cahĩaja yũhũ gũhũ mũsare. Sa yegũ mũsare cuesãja yũhũ “Ñañene yeari”, nigũ. Nuhmino omoca dũhteaticoro umũno mehna ijiericoro quehnoaricoro ticoro ijiro saha quehnoana mũsa ijigũ tutuaro cahmeaja, Cristo dihitare mũsare cahme dutigu. Sa yegũ Cristo cahapũ mũsa wahagũ ñañe mariena mũsa ijigũ cahmeaja.

³ Apequina ñañequina mũsare ni mehoñe, sijoro saha ijiye buheyere cahmegũ yeboaga mũsare. Pinono Evare ni mehono tiquiro masiñe mehna ticorore Cohãcjũre yũhdũdcagũ yeahye panopũre. Tiquiro

sa yeriro sajata yojopũre ñañequina mũsare ni mehoñe, Cristore mũsare quehnoano ño peoeragũ yeboaga. Sa yegũ mũsare cuesãja. ⁴ “Ohõ saha ijiriquiro ijire Jesu”, tiquina esa tuharo sijoro saha ni meho buhepegũta tuhõmene mũsa. Mũsare usã buheriro saha ijierapegũta mũsare ni meho buheyequinare tuhõmene mũsa. Sa yena “Ohõ saha ijiriquiro ijire Espĩritu Santo”, tiquina esa tuharo sijoro saha ni meho buhepegũta tuhõmene mũsa. Ŭsã mũsare buheriquiro Espĩritu Santo waro ijire. Tiquiro pehere queoro tiquina yahuerapegũta mũsare ni meho buheyequinare tuhõmene mũsa. Tiquina sijoro saha ijiye buheyere tiquina ni meho buhegũ quehnoañe buheyere tiquina buherapegũta tire tuhõmene mũsa.

⁵ Mũsa mehna cjẽna “Jesu cĩrina ijiaja”, nimediquina yũhũre masi yũhdũdcæerare. Tiquinare docadũcaeraja yũhũ. ⁶ Quehnoano yahu mihnigu ijieraboaga yũhũ. Quehnoano yahu mihniedapegũta Cohãcjũ yere quehnoano masiaja. Yũhũ sa masiñene peye tahari mũsare quehnoano masigũ yei.

⁷ Quehnoañe buheyere Cohãcjũ yere mũsare buhegũ ne wapa cahmedũ. Mũsare yedoho duagu wapa cahmedũ. Ihyo ijiriquiro yero saha ijii yũhũ. ¿Yũhũ sa wapa cahmedagũ quehnoaedajari,

musa tuhutugũ? ⁸ Musare yũhũ buhegũ apeye macari cjẽna Jesu yequina yũhũre niñerure ohori. Tiquina sa ohogũ ti niñerure ñehi sinino marieno musare buhegũ tagũ. Musa pehe yũhũre musa ohoborire tiquina pehe yũhũre ohori. ⁹ Musa mehna ijigũ apee boro yũhũre dũhsaepẽgũta musare niñerure ne siniedũ. Mari acaye Macedonia yehpa cjẽna Jesu yequina ijipihtiye yũhũ cahmedire ne wihiri yũhũre. Panopũre musare ne cariboeru yũhũ. Cameru gũhũre musare ne caribosi. ¹⁰ Cristo potota tiquiro yahuriro sahata yũhũ gũhũ yojopũre musare potota yahugũ niaja. Ijipihtiro Acaya yehpapũ ijieyquinare ahri musare yũhũ siniedarire sa yahuducugũtja. ¹¹ ¿Musare yũhũ siniedarire apeyquinare yũhũ sa yahuducugũ tuhona, dũhse tuhutuajari musa? ¿“Pablo sa yahuro usãre cahĩedaroniaga”, ni tuhutuboagari musa? Ijierare. Musare cahĩaja. Musare yũhũ cahĩgũ Cohãcjũ masine.

¹² Wapa cahmeno marieno musare yũhũ buhe dũcariro sahata sohtori tiitja. Yũhũ buheri wapa yũhũ wapa negũ ihñañe tiquina “Jesu cũrina ijiaja”, ni mehoñequina ohõ saha niboaga: “Pablo quehnoañe buheyere buhero, wapa cahmene. Sa yena usã gũhũ tiquiro yero sahata yematja”, niboaga tiquina wapa cahmeñe. ¹³ Tiquina potota

Jesu cũriquina waro ijierare. Tiquinare ne cũedari tiquiro. “Jesu cũrina ijiaja”, ni mehoñe, usã yero saha ijimene. ¹⁴ Tiquina sa ni mehoñequina ijigũ masi tuhasaja yũhũ. Satana gũhũ quehnoariquiro yero saha camesa mũjare. Tiquiro angel asi siteriquiro yero saha iji duaro camesamene. ¹⁵ Tiquiro sa yeriquiro ijigũ masigũ, Satanare yedohoyequina “Jesu cũrina ijiaja”, ni mehoñequina Cohãcjũre yedohoyequina yero saha tiquina camesagũ ihñagũ, ni mehoñequina tiquina ijigũ masi tuhasaja yũhũ. Yojopũre tiquina sa camesaepẽgũta pihtiri deco ijigũ ijipihtiye tiquina ñano yeri buhirire buhiri dahrerota Cohãcjũ tiquinare.

Tiquiro ñano yũhdũrre yahuahye Pablo

¹⁶ Pari turi ahrire musare yahutja. Ne “Tũho masieniquiro ijire”, yũhũre niedacãhña. Yũhũ sa ni dutierapẽgũta yũhũre musa sa ni tuhutugũ quehnoanota yũhũre. “Tũho masieniquiro ijire”, yũhũre ni tuhutuepenata tuhoriña musa yũhũre. Mehenogã yũhũ ijieye tiyere yũhũ yahugũ tuhoya musa. ¹⁷ Musare sa yahugũ tũho masiegũ yero saha yei niaja. Yũhũ ijieye tiyere yahugũ mehenogã bue tiaja. Mari pũhtoro Jesu yũhũre “Mũhũ basi mũhũ ijieye tiyere yahuya”, niedare yũhũre. ¹⁸ Tiquiro sa

niedapegūta ahrire yahutja m̄sare. Tiquina esa tuharo “Quehnoana ijiaja”, niñequina tiquina ijigū ihñagu yuhū gūhū yuhū ijiye tiyere m̄sare yahutja. ¹⁹ M̄sa pehe t̄ho masieñequinare t̄hona bucueye mehna ihñare m̄sa tiquinare. Quehnoa yuh̄duro masina ijiajari m̄sa pehe sa t̄hona. ²⁰ M̄sare cahacjāna tiquina yegū, m̄sa yere tiquina ehmagū, sa ihña cāhre m̄sa. Sa yena m̄sare tiquina doca cūgū, m̄sa wahsupurire tiquina quēgū sa t̄hotu cāhre m̄sa. ²¹ Quehnoa yuh̄duro yeajari m̄sare tiquina. Ūsā pehe tiquina yero saha yuh̄ducaeraja.

Sa yena tiquina yero saha yeraja. Tiquina yero saha ijierapegūta tiquina “Ohō saha ijina ijiaja”, tiquina nigū t̄hogu yuhū gūhū sata ni yahuboaga. Pari turi b̄e tiepegūta ohō saha ni yahutja m̄sare tja. ²² Tiquina “Hebreo masa ijiaja”, nine apequinare masi yuh̄duca duaye. Hebreo mas̄ta ijiaja yuhū gūhū. “Israe masa mari Pac̄ tiquiro beserina ijiaja”, nine tiquina pehe. Tiquina yero saha tiquiro beserigu ijimaja yuhū gūhū. “Abrahā panamena iji turiana ijiaja”, nine tiquina tja apequinare masi yuh̄duca duaye. Tiquina yero saha Abrahā panami iji turiagūta ijimaja yuhū gūhū. ²³ “Cristo cahacjāna ijiaja”, nine tiquina pehe.

Yuhū gūhū Cristo cahacjāta ijiaja. Tiquina yuh̄duro Cristo yere quehnoano yeaja yuhū. Yohou, sa nigū t̄ho masieniquiro yero saha yahuducugu niaja. Sa yahuducugu mehenogā b̄e tiaja yuhū. Tiquina yuh̄duro tutuaro dahra yuhū Cristo yere yegu. Peye tahari tiquina yuh̄duro Cristo yaquiro yuhū ijiri buhiri peresu yeri apequina yuh̄re. Tiquina yuh̄duro peye tahari tanari yuh̄re masa. Tiquina yuh̄duro Cristo yaquiro yuhū ijiri buhiri masa yuh̄re wejē duamedī. Sa yegu mehenogā yuh̄du yariaborigu. ²⁴ Ihcā omope tahari judio masa yuh̄re ñehedi. Yuh̄re tiquina ñehēpe tahari treinta y nueve tahari yuh̄re tanari. ²⁵ Ihtia taha apequina yuh̄re ñehedi. Sa ñehēñe tiquina pūrita yuh̄re ñano yuc̄ari mehna quēdi. Ape taha yuh̄re apequina ut̄a paca mehna doqueri. Ihtia taha yuc̄sa mehna ut̄ap̄a doque quehe sa, minii. Sa yegu ihcā deco, ihcā ñami taboa p̄ji bui pajiri ma decor̄re ba pahsa. ²⁶ Peye tahari macarip̄re buhe tinigu esau. Yuhū sa buhe tinigū cua yuh̄duari yuh̄re. Yuh̄re minino cua yuh̄duari. Yuh̄re apequina yaquero cua yuh̄duari. Ya dihta cjēna judio masa, judio masa ijieyequina gūhū yuh̄re ñano yero cua yuh̄duari. Macarip̄, masa marienop̄, pajiri map̄ gūh̄re yuh̄re yariaro cua

yuhduari. “Muhu mehna cjana ijiaja”, ni mehoñequina gūhu yuhure ñano yero cua yuhduari. ²⁷ Cristo yere yegu tutuaro dahrae tii. Sa dahragu ñano wahyie tii. Peye tahari yuhure wujua ñano purtepegūta sa dahraducue tii. Ñano ujua ahbae tii. Sa yegu ñano aco wnoe tiru. Peye tahari ihyaye bocaera tii. Yuhu suhti sañaboye gūhu ne marieda tiri yuhure. Sa yero yuhure yusua yuhdue tiru.

²⁸ Sa ñano yuhduepegūta decoripe ijipihitiyequina apequina Cristo yequinare, masa gūhure pajiro wacū tūhotuaja. ²⁹ Sa yegu ihcāquiro Cristo yaquiro tiquiro sa iji cāriquiro ijigū ihñagu bujua witiaja. Apequina Cristo yaquirore ñano ye dutiboaga. Tiquina sa yegū ihñagu Cristo yaquirore cuesāgu, tiquina ñañequina mehna usuaja.

³⁰ Yahu duerapegūta yuhu ijiye tiyere yahugu tagu, yuhu esa tuharo tutuegu yuhu ijiye tiyere masare bucueye mehna yahuaja. ³¹ Cohācjū mari puhtoro Jesu pacuro decoripe mari ño peoatiquiro tiquirota masare yuhu ni mehoedagū masine. Ahrire masare poto yahutja. ³² Damasco wame tiri macaru yuhu ijigū ihñano, ihcāquiro puhtoro yuhure ñehe duamedí. Ijipihitiyequina masa puhtoro Areta wame tiri quiro doca ijiriquiro puhtoro pūrita yuhure ñehe duamedí.

Sa ñehe duaro ti maca cja sahrīno sopecaharipe surarare cohte dutimedi. ³³ Tiquina sa cohteri watoata yuhu mehna cjeña pajiri puhdupu yuhure duhu sā, ti sahrīno cja sopecahagāpu yuhure duhu dijiori. Ti sahrīno behero pehepu yuhure duhu dijiori. Tiquina sa duhu dijiori bato duhti cāa wahau.

12

Pablo Cristo tiquiro ihñorire yahuahye

¹ Yuhu ijiye tiyere bucueye mehna yuhu yahugū dahseati ijierare. Sa ni yahugu mehenogā bue tiepegūta yahu nemoutja masare. Mari puhtoro Jesu yuhure tiquiro ihñorire tiquiro masigū yerire yahutja masare. ² Ohō saha ihño ducari tiquiro yuhure: Catorce cūhmari waro wahare yuhure Cristo yaquirore uhmūsepu tiquiro ne mājari bato. Uhmūsepu ñahpicoha buipu yuhure ne mājari. Yuhu jeripohna dihitare tiquiro negū masiedaja yuhu. O yuhu pagu gūhure tiquiro negū masiedaja. Cohācjū dihita tire masine. ³⁻⁴ Sa yero paraíso wame tiropu ne mājari yuhure. Yuhu jeripohna dihitare tiquiro negū masiedaja yuhu. O yuhu pagu gūhure tiquiro negū masiedaja. Cohācjū dihita tire masine. Tiquiro sa ne mājagū esagu topure tiquiro yahurire tūhou. Ti yuhu tūhorire masa ne masiedare.

Tiquiro yahurire yahu du-tierare.

⁵ Ohõ saha yuhure tiquiro ihñorire m̄sare yahuḡu, “Yuh̄u ihc̄ata apequinare yuh̄dūdūcaja”, niboaga yuh̄u. Sa niedaja yuh̄u. Yuh̄u esa tuharo masieḡu yuh̄u ijiyere, yuh̄u tutueḡu yuh̄u ijiyere bucueḡu m̄sare yahutja. Ti dihitare bucueḡu m̄sare yahutja. ⁶ “Apequinare yuh̄dūdūcaja”, m̄sare ni yuh̄u yahu duaḡu yuh̄u nidi potota ijiboaga. Sa yeḡu sa ni yahuḡu t̄ho masieḡu ijieraboaga yuh̄u. Sa ijierapeḡuta “Ohõ saha apequinare yuh̄dūdūcaja”, ni yahusi yuh̄u m̄sare, “Cua pesa yuh̄dūaro yuh̄ure ihñari”, niḡu. Yuh̄ure ihña masina ño peore m̄sa. M̄sa ño peopeḡuta ti yuh̄dūoro yuh̄ure m̄sa ño peoḡu cahmedaja.

⁷ Cristo quehnoa yuh̄dūayere uhm̄sere yuh̄ure tiquiro ihñoḡu ihñariḡu ijiḡu, “Apequinare yuh̄dūdūcaja”, niboaga yuh̄u pehe. Sa yuh̄u niedatire Satana yuh̄u paḡure tiquiro duti dahreḡu ihñano “Quehnoanota”, nidi Cohãcj̄u. Yuh̄ure duti dahreri Satana yuh̄ure ñano wahaḡu yero. Ahri dohatiye pota sajãno pur̄ino saha yuh̄ure pur̄ine. ⁸ Ohõ yuh̄u dohatiyere yuh̄ure yuh̄dūo dutiḡu sinie timi Cristore mari p̄htorore. Ihtia taha sinimi. ⁹ Ohõ saha ni yuh̄tie tiri yuh̄ure tiquiro: “Ohõ m̄hū dohatiye p̄ritare m̄hure yuh̄dūosi yuh̄u. Sa

m̄hure yuh̄dūoerapeḡuta m̄hure cahñaja. Yuh̄u cahñe mehna quehnoano ijiita m̄hū. Dohatiḡu tutueḡu ijiḡu yuh̄u tutuayere quehnoano ihñoḡuta m̄hū. Tutu-ayequina yuh̄dūoro m̄hū pehe yuh̄u tutuayere masare masiḡu yeita m̄hū”, ni yuh̄tie tiri tiquiro yuh̄ure. Tiquiro sa niḡu t̄hoḡu tutueḡu yuh̄u ijirire masiḡu bucueaja. Sa yeḡu tutueḡu yuh̄u ijiyere m̄sare bucueye mehna yahutja. Ohõ saha ni yahutja Cristo tiquiro tutuaye pehere m̄sare yuh̄u quehnoano masiḡu yeatire.

¹⁰ Sa yeḡu Cristo yaquiro yuh̄u ijiri buhiri yuh̄ure pur̄ipeḡuta bucueaja. Apequina ñano yuh̄ure tiquina yahu wajaep̄ḡuta, ña yuh̄dūaro yuh̄dūep̄ḡuta bucueaja. Yuh̄ure tiquina ñano yeducuep̄ḡuta yuh̄ure buj̄na witiḡu tiquina yepeḡuta bucueaja yuh̄u. Sa ñano yuh̄dūep̄ḡuta Cristo tutu-aye mehna ihc̄ano sahaja, tiquirore wac̄u tutuaḡu. Sa yeḡu bucueaja.

Corinto cj̄enare Cristo yequinare pajiro buj̄na witi t̄hotuahye Pablo

¹¹ Yuh̄u ijiye tiyere yahuḡu mehenoḡa b̄ue tiaja yuh̄u. Yuh̄u sa yahuep̄ḡuta ti m̄sa ye buhiri ijire. M̄sa pehe yuh̄u ijiye tiyere apequinare quehnoano yahuboaga. Yuh̄u esa tuharo ijiḡu duh̄seac̄u ijieraboaga yuh̄u. Sa ijiboriḡu ijiepeḡuta “Jesu c̄urina, masi pehona

ijiaja”, ni mehoñequinare do-
caducaeraja yuhũ. ¹² Potota
ñano yuhũrigũ ijiepegũta
Cohãcjũ tutuaye mehna
ye ihñomi mũsare. Sa
ihñogũ Jesu cũrigũ yuhũ
ijiyere ihñogũ nimi mũsare.
¹³ Apeye macari cjẽnare
Jesu yequinare mũsa gũhure
ihcãno saha yee timi yuhũ.
Sa yepegũta mũsa pehere
sijoro saha cjũnogã yemi.
Mũsa dihitare cariboerami.
Mũsa dihitare apee boro
gũhure siniedami. ¿Yuhũ
sa siniedagũ ñaniajari, mũsa
tuhotugũ? Ti ñañe ijigũ ti
ñañene boya mũsa yuhũre.

¹⁴ Ahri yuhũ yahuatire
tuhoya mũsa. Pũa taha
mũsa cahapũ yuhũ esari
bato pari turi waha duaja
tja. Topũ esagũ mũsare
caribosi yuhũ. Apee borore
sinisi yuhũ mũsare. Mũsa
yere cahmedaja. Cristo
ye pehere mũsa yuhũtigũ
cahmeaja yuhũ. Masa pohne
pehe tiquina pacũsmũare
tiquina cahmeñene ohoerare.
Tiquina pacũsmũa pehe
tiquina pohne cahmeñe
pehere ohore. Ohõ saha
mũsa yuhũ pohna yero saha
ijina yuhũ cahmeñe pehere
ohosi mũsa. ¹⁵ Sa yegũ yuhũ
pũrita yuhũ cũoye pehere oho
duaja mũsare yedohogũ tagũ.
Mũsa cahacjũno yero saha iji
duaja mũsare yedohogũ tagũ.
Mũsa pehere yuhũ tutuaro
cahĩpepegũta yuhũ pehere
mũsa mehenogã cahĩne, yuhũ
tuhotugũ.

¹⁶ Sa yegũ mũsa mehna
ijigũ mũsare cariboerũ. ¿Sata

ijiyari yuhũ, mũsa tuhotugũ?
Yuhũ sa ijiepegũta ihquẽquina
mũsa mehna cjẽna ohõ
saha niboaga: “Pablo apee
borore marine ne duaro ni
mehori marine”, niboaga.
¹⁷ ¿Mũsa sa nidiro saha yerigũ
ijigũ, dũhse tire yeari yuhũ,
mũsa ihñagũ? ¿Mũsa ca-
hapũ yuhũ ohoriquina yabe
borore yuhũre ni meho ehma
basari tiquina mũsare, mũsa
ihñagũ? Ni meho ehmedari
jiri. ¹⁸ Sohõ ijiri pjeperũ mũsa
cahapũ Titore waha duti
tuhasaũ tiquiore. Sa yegũ
apequiore Cristo yaquiore
tiquiore mehna piti dahre
ohou. ¿Tito apee borore
mũsare ni meho ehmari,
mũsa ihñagũ? Ni meho
ehmedari jiri. Tiquiro yuhũ
yero saha Cohãcjũ cahmeno
saha yeriquiro ijire. ¿Sa yero
yuhũ yero saha yerari tiquiro,
mũsa ihñagũ? Yuhũ yero saha
yeri jiri.

¹⁹ “Ñano yeraja usã”, ni
cahmotana niedaja usã.
Cristo yequina ijiaja. Sa yena
Cohãcjũ tiquiro ihñonopũ
mũsare yahuna niaja. Yuhũ
acaye, yuhũ cahĩna, mũsare
yahuu mũsa pehere yedoho
duana. Mũsare yahuna,
usã pehere mũsare cahmegũ
yena nieda. ²⁰ Topũ yuhũ
esagũ yuhũ cahmeno saha
yerapena ijiboaga mũsa. Sa
yegũ mũsare tutuaro cuesãja.
Sa yegũ mũsa cahmeno saha
yerigũ ijieraboaga yuhũ gũhũ,
topũ esagũ. Sijoro saha
mũsa yegũ ihñagũ yahutja
mũsare. Topũ yuhũ esagũ
mũsa pehe cahme dũse tini

wiana, apee boro tiquina c̄uogũ ihña coona, duita usuana, m̄usa esa tuharo apeq̄uinare ȳhd̄ud̄uca duana, apeq̄uinare ñano yahuducuna, ñano q̄uiti yena, “Apeq̄uinare masi ȳhd̄ud̄ucaja”, nina, m̄usa cahmecoanore dojomehnena ijiboaga m̄usa. “Tire yeari”, niḡu cuesāja ȳh̄u m̄usare. ²¹ Top̄u ȳh̄u esagũ ȳh̄ure m̄usare b̄ue tisãgũ yeboaga Cohãcjũ. Sa yeḡu ijip̄ihtiequinare panop̄u ñano yeyequinare, tiquina ñañene b̄uj̄na witiyequinare ihñaḡu, tutuaro b̄uj̄na witiitja ȳh̄u. Numia mehna ñano yeyequinare, m̄na mehna ñano yeye numiare, w̄ana tiyequinare, ñañene tutuaro cahmeñequinare ihñaḡu b̄uj̄na witiitja ȳh̄u.

13

Pablo yahu bato tiahye

¹ Yojōp̄ure m̄usa cahap̄u wahaḡu ihtia taha esaḡutja top̄ure. P̄na taha top̄ure esa tuhasāu. Sa yeḡu m̄usare ahr̄ire yahutja. Ohõ saha nine Cohãcjũ yere tiquina ojoari p̄p̄r̄: “Ihcãquirore mari buhiri dahreato pano ihtiaro tiquiore yahusãno cahmene. Ihtiaro mariedagũ p̄aro tiquiore yahusãno cahmene. Tiquina sa yahusãri bato buhiri dahre masiaja mari”, nine Cohãcjũ yere tiquina ojoari p̄p̄r̄. ² Panop̄ure ñano yerina m̄usa ijigũ m̄usare, ijip̄ihtiequina apeq̄uina ḡuh̄ure pari turi

ahr̄ire cuaro mehna yahutja. Ihcã taha m̄usa cahap̄u pari turi esaḡu m̄usare ahr̄ire yahuu. Yojōp̄ure m̄usa mehna ijieraḡu pari turi m̄usare ahr̄ire yahutja: Yojōp̄ure m̄usa cahap̄ure esaḡu, ñano yeyequinare potota buhiri dahreḡutja ȳh̄u. ³ Sa yeitja Cristo ȳh̄u mehna tiquiro buherire m̄usa ihño dutigũ. Cristo pehe m̄usare dutiriquiro tutua ȳhd̄uariquiro ijire. Sa yero tiquiro tutuayere ihñore m̄usare. ⁴ Mari yero saha paḡu tiro, tiquiro tutueriquiro ijiro, curusap̄u yariah̄ye. Sa yarieperota Cohãcjũ tutuaye mehna catiriquiro ijire tiquiro yojōp̄ure. Tiquiro curusap̄u ijiro tiquiro tutuerariro saha usã ḡuh̄u tutuena ijiaja. Sa yena usã esa tuharo m̄usare yedoho masiedaboaga. Sa yena Cohãcjũ tutuaye mehna ijinata m̄usare yedohona tana.

⁵ Sa ye m̄usa pehe m̄usa basi ohõ saha ni t̄hotuya. “¿Potota Cristore wacũ tutuajari ȳh̄u?” ni t̄hotuya m̄usa. ¿Potota Cristo m̄usa mehna cj̄no ijiajari? Tiquiro ijieragũ tiquiro yequina waro ijierare m̄usa. Tiquiro yequina ijierana ni mehona ijire m̄usa. ⁶ Usã pehe “Jesu yequina ijiaja”, ni mehona ijieraja. Tiquiro yequina waro ijiaja usã. Tire m̄usa masigũ cahmeaja ȳh̄u. ⁷ Sa yeḡu m̄usa ñano yeratire Cohãcjũre sini basaja m̄usare. Sata sini basaja usã m̄usa

quehnoañene m̄sa yeatire. M̄sa sa yegū ihñana usã ohõ saha niboaga: “Usã pehe tiquinare quehnoañequina wahagū yei usã”, niboaga usã apequinare usãre ño peo dutina. Sa ño peo dutieraja usã. Sa yena Cohãcjüre sini basana, m̄sa ye ijiatire sini basana niaja. Apequina usãre “Ni mehoñequina ijire”, tiquina niepegūta quehnoañene m̄sa yegū pūritare cahme yuhduaja usã. ⁸ Ijipihtiyē m̄sa quehnoañene yegū cahmeaja usã. Cohãcjū yere quehnoañene dojomehne masiedaja usã. ⁹ “Cristo cahmeñene yeaja usã”, ni ihño masiedana, tutueyequina yero saha ijiboaga usã, m̄sa ihñagū. Quehnoanota. Quehnoañene yena m̄sa pehe tutuana ijire. M̄sa sa ijigū ihñana tutueyequina yero saha usã ijiepenata bucueaja. Sa yena quehnoana m̄sa wahatire Cohãcjüre sini basana niaja usã m̄sare. ¹⁰ Sa yegū m̄sa mehna ijieragū m̄sare ahri pūre ojoayugū niaja. M̄sa cahapū esagū, m̄sa ñano yerina ijigū ihñagū m̄sare buhiri dahreitja. Cristo yahure tiquiro dutiriro sahata m̄sare buhiri dahreitja. Yuhū sa buhiri dahreratire ahri pūre m̄sare ojoayugū niaja. Cristo yahure tiquiro dutiriro sahata m̄sare yedohoacjū ijaia. M̄sare dojomehneacjū ijieraja.

¹¹ Yojoṗare, yuhū acaye, m̄sare quehnoa duti-

aja. Cristore wacū tutua nemoña. Sa yena quehnoana ijiya. M̄sare yuhū yahurire quehnoano tūho nūñña. M̄sa mehna cjēna mehna ihcāno mehna ijiya. M̄sa basi quehnoano mehna ijiya. M̄sa sa ijigū ihñano m̄sa mehna Cohãcjū ijirota. Tiquiro marine cahme cahīgū yeriquiro, marine quehnoano mehna ijigū yeriquiro ijire. ¹² Sa yena m̄sa mehna cjēnare quehnoano bucueye mehna piti caya. ¹³ Ijipihtiyēquina ohõ cjēna Cohãcjū yequina m̄sare quehnoa dutire.

¹⁴ Mari pūhtoro Jesucristo mehna m̄sare ijipihtinare quehnoa dutiaja. Sa yegū Cohãcjū mari Pacū tiquiro cahñe mehna ijipihtina m̄sare quehnoa dutiaja. Sa yero Espiritu Santo ijipihtina m̄sa mehna quehnoano ijire.

Gálatas

Galacia wame tiri yehpa cǵēnare Jesu yequinare ojoa ohoahye Pablo

¹ Y_hh_u Pablo, Cristo yere buhe duti tiqiro cūrig_u ijiaja. Masa cūrig_u ijieraja y_hh_u. Masa pehe y_hh_ure buhe dutiye cūedari. Cohācjū mari Pac_u pehe Jesure yariariquirore masoriquiro y_hh_ure cūri tiqiro yere buheacj_ure. Jesucristo gūh_u y_hh_ure cūri. Tiquina sa cūrig_u ijig_u ahrire ojoa ohoaja m_usare. ² Y_hh_u m_usare Jesu yequinare Galacia yehpa cǵānare quehnoa dutiaja. Y_hh_u mehna cǵēna Jesu yequina gūh_u m_usare quehnoa dutire. ³ Cohācjū mari Pac_u, mari p_uhtoro Jesucristo mehna m_usare quehnoa dutiaja. Tiquina yedohoye mehna quehnoano ijiya m_usa. ⁴ Tiquiro Jesucristo pehe mari ñañene yeri buhirire yariahye. Yojop_ure masa tiquina ñañene yeri pje ijire. Sa yero tiqiro yariahye Cohācjū mari Pac_u tiqiro cahmediro saha marine y_hh_uoro taro. Sa tiqiro y_hh_uogū yojop_ure ñañene tiquina yeriro saha ye duasi mari. ⁵ Sa ye ijipihtiye decoripe tiquirore mari Pac_ure ño peouhna. Sata yeihna.

Cohācjū masare tiqiro y_hh_uoati buheye ihcānota ijire. Apeye buheye mariedare

⁶ Cristo m_usare cahño tiqiro yequina ijanajare m_usare cūri. Sa yeg_u m_usare cūriqiro yere cohāna sijoro saha ijiye buheye pehere duita m_usa cahmegū ihña ac_uaa wahaja. ⁷ Apeye buheye quehnoañe buheye yero saha ijiye buheye waro ijierare. Ti sa ijierapegūta ihquēquina m_usa cahap_u ijiyequina m_usare cariboye, sijoro saha ijiye buheyere buheye, quehnoañe buheyere dojomehne duare. ⁸ Sa yena m_usare usā buhe m_uhtarire mari cohāgū sijoro saha ijiye buheyere mari buhegū Cohācjū marine buhiri dahreahro. Sa yero angel _hm_use cǵūno sa tiqiro buhegū tiqiro gūh_ure buhiri dahreahro Cohācjū. ⁹ Mianogāta usā nidiro saha pari turi niitja: Ihcāqiro m_usare usā buherire cohāno, sijoro saha ijiye buheyere tiqiro buhegū Cohācjū tiquirore buhiri dahreahro.

¹⁰ Sa nig_u y_hh_u “Pablo dihita quehnoano buheriquiro ijire”, y_hh_ure ni dutig_u niedaja. Cohācjū pehe y_hh_ure “Quehnoano buheri m_uh_u”, tiqiro nig_u cahmeaja. Masare bucuegū yeg_u tag_u sijoro saha ijiye buheyere buheboaga y_hh_u. Masa dihitare bucuegū yeg_u ijig_u ne Cristo cahacjū ijieraboaga y_hh_u.

Pablo Cristo cūriqiro tiqiro iji d_ucarire yahuahye

11 Yuhū acaye, ahrire mūsa masigū cahmeaja yuhū: Quehnoañe buheyere yuhū buheri masa ye buheye ijierare. 12 Ti buheye masare yuhū tūhori ijierare. Sa ye apequina masa yuhūre ti buheyere yahuerari. Jesucristo pehe yuhūre ti buheyere masigū yeri.

13 Panopū judio masu yuhū ijie tirire masine mūsa. Ohō saha yee tii yuhū: Jesu yequinare tutuaro ñano yegū tiquinare quehnoano wejē peho cā dūami. 14 Mari ñecusumūa mūna iji turiayequina tiquina buherire tutua yuhūaro ye duagu yuhū acaye yuhū ihcāno mehna masariquina yuhūoro ye mūhtarigu ijie timi yuhū. 15 Yuhū sa ijirigu ijiepegūta yuhū masa bajuato pano Cohācjū yuhūre bese tuhasari jiri. Sa yero yuhūre cahño tiquiō yaquiō ijiajū cūri yuhūre. 16 Sa yero tiquiō cahmeno saha tiquiō macūnore yuhūre masigū yeri. Tiquiō yere quehnoañe buheyere judio masa ijieyequinare buheacjū yuhū ijiatire tiquiō macūnore masigū yeri yuhūre. Tiquiō sa yegū “¿Duhse ni buhero cahmeagari yuhūre?” ni masare sinituēyū yuhū. 17 Sa yegū Cristo cūriquina yuhū pano ijiriquina cahapūre Jerusalēpūre sinitugū wahāerū. Duita Arabia yehpapū wahāyū. Sa yegū Damascopū majare tojoa wihii.

18 Ihtia cūhma bato Pedrore ihñagū wahāyū

Jerusalēpū. Topūre pūa semana waro ijii. 19 Sa yegū apequinare Cristo cūriquinare ihñedū. Santiago dihitare mari pūhtoro bahūrore ihñayū. 20 Ohō saha ni ojoagu Cohācjū mehna ne ni meho ojoaeraja.

21 Came Siria yehpapū, Cilicia yehpapū gūhūre wahāyū. 22 Topūre yuhū esagū ti pjere Judea yehpapū ijiyequina Jesu yequina yuhūre ihña masiedari. 23 Sa ye ahri dihitare yuhūre masi dūcari tiquina: “Panopūre marine ñano yeriquiro yojopūre quehnoañe buheyere tiquiō cohā duari buheyere buhero nine”, ni, masi dūcari tiquina. 24 Yuhūre sa masiñe Cohācjūre “Quehnoa yuhūdūagu ijire”, nidi tiquina.

2

Apequina Cristo cūriquina Pablore piti ca, duita cahmene

1 Catorce cūhmari bato pari turi Jerusalēpū wahāyū Bernabé mehna wahāyū. Tito gūhū wahari yuhū mehna. 2 Cohācjū yuhūre tiquiō waha dutigū topūre wahāyū. Jerusalēpū ijigū “Jesu yequina pūhtoa”, masa niñequina tiquina sehsaro cahmecoagū quehnoañe buheyere judio masa ijieyequinare yuhū buherire yahūu tiquinare. “¿Judio masa ijieyequinare quehnoañe buheyere yuhū buhegū quehnojari, mūsa tūhotugū?” nigū, sa yahūu tiquinare. Sa yahūu tiquinare panopū yuhū buherire, yojopūre yuhū

buheri gũhare tiquina quehnoano masiatire, tire “Quehnoare”, tiquina ni-atire. Tiquina sa niedagũ yũhũ buheri dũhseati ijier-aboaga.

³ Yũhũ mehna cjũno Tito judio masũno ijieriquiro ijiri. Sa yero cuhnucunũ sohtoa cahserogãre yũhre nemehnediquiro ijire. Sa yũhremehnediquiro tiquiro ijiepegũta Jesu yequina pũhtoa “Mũhũ gũhũ ti cahserogãre yũhre neña”, niedari tiquirore.

⁴ Tiquina sa niedapegũta ihquẽquina “Jesu yequina ijiaja”, ni mehoñequina wacũeno mehna usã mehna sajã, tiquirore ti cahserogãre yũhre negũ cahmemedi tiquina. Jesu yequina mari ijina “Panopũ cjẽne tiquina dutiro saha yena ti mehna yũhdũsi”, ni tũhotuaja mari. Mari sa ni tũhotugũ mari yeyere ihña duaye tiquina pehe usã mehna ni meho sajãri. Sa yeye usã ñecusumũa mũna iji turiayequina ye dutiyere ye duti duaye, ti dutiyere ño peoducugũ ye duamedi usãre tiquina.

⁵ Tiquina sa ye duepegũta quehnoañe buheyere potomũsa masiatire ne mehenogã mehna tũho duerũ usã tiquinare.

⁶ Sa ye Jesu yequina pũhtoa quehnoañe buheyere yũhũ buherire tiquina tũhori bato “Ahri buheye mehna apeye buheyere buhe moreña”, ne niedari tiquina yũhũre. Jesu yequina pũhtoare ihyo ijie-

quina yero saha tũhotuaja tiquinare. Cohãcjũ pehe ijipihtiyequinare ihcãno saha ihñare. Sa yegũ sata tũhotuaja yũhũ gũhũ pũhtoa gũhũre, ihyo ijieyequina gũhũre. ⁷ Sa ye yũhũ buheri mehna tiquina “Ahri buheye mehna apeye buheyere buhe moreña”, ne niedari. Sa ye judio masa ijieyequinare yũhũ buheatire Cohãcjũ yũhũre tiquiro cũrire tũhoye, “Tita ijire”, nidi tiquina. Judio masare buheyere Cohãcjũ Pedrore tiquiro cũriro sahata yũhũ gũhũre cũri judio masa ijieyequinare yũhũ buheatire. ⁸ Judio masare Pedrore buhe dutiriquirota Cohãcjũ yũhũ gũhũre tiquirota buhe dutiri judio masa ijieyequinare.

⁹ Sa ye Santiago, Pedro, Ñũ mehna Jesu yequina pũhtoa waro quehnoañe buheyere buherire Cohãcjũ yũhũre tiquiro cũrire tũhoye “Tita ijire”, nidi tiquina. Sa nieta yũhũre Bernabé mehna quehnoano bucueye mehna omoca ñehedi usãre piti tiye tehe. Sa yena judio masa ijieyequinare buhena ijiaja usã. Santiago gũhũ pehe judio masare buheyequina ijire. “Sata ijiahro”, nii usã basi. ¹⁰ Sa niepeta tiquina judio masare pejecũoyequinare yedoho dutiri usãre. Pejecũoyequinare yedohoacjũ ijũta niaja yũhũ.

Antioquíapũ Pablo Pedrore tuhtiahye

11 Sa ye Antioquíapũ yahũ esari bato Pedro gũhũ esari. Sa yegũ quehnoano tiquiro yerari buhiri tuhtii tiquirore.

12 Ohõ saha yeri tiquiro: Santiago ohoriquina Antioquíapũ tiquina esato panogã, Pedro pehe judio masa ijieyequina mehna ihyaro nidi, judio masũno ijieperota. Santiago ohoriquina judio masa ijieyequinare “Cuh-nucunũ sohtoa cahserogãre yãhre neña”, niñequina, usã judio masa panopũ cjẽna ye dutiyere ye dutiyequina ijiri. Pedro sa ihyari watoa Santiago ohoriquina esari. Sa ihyariquiro ijieperota tiquina tiquiro cahapũ esagũ ihñano, tiquinare cuero, Pedro judio masa ijieyequinare duhu cã, pari turi tiquina mehna ihyaro wahaerari. “Panopũ cjẽna mari judio masa yere yãhdũdũcagũ niaja. Sa yeye yojopũre wihiyequina yãhũre tuhtiarĩ”, nino, judio masa ijieyequina mehna ihya nemoedari. 13 Tiquiro sa ye mehoriro saha tiquiro yegũ ihñañe, apequina judio masa gũhũ tiquiroreta ihña cũ, tiquina gũhũ tiquiro yero saha yeri. Sa yero Bernabé quehnoariquiro ijieperota tiquina yero saha yeri tiquiro gũhũ.

14 Cristo ye buheye marine quehnoano, queoro ye dutire. Sa ye Pedro gũhũ ti buheye nidiro sahata yerari, judio masa ijieyequina mehna ihya duhuye. Tiquina sa yegũ ihñagũ, ijipihtiyequina Jesu

yequina ihñonopũ Pedroro ohõ saha ni yahuu: “Mũhũ judio masũ ijiepegũta judio masa ye dutiyere, tiquina ijieye tiyere duhu cãri mũhũ, Jesu yere yegũ tũhũ. Sa yegũ judio masa ijieyequina dutiye marieñequina yero saha yee tiri mũhũ. Sa yerigũ ijiepegũta apequina judio masa wihigũ ihñagũ, judio masa ijieyequinare piti ti nemoedari mũhũ. ¿Judio masa dihitare mũhũ piti tigũ ihñañe, dũhse ni tũhotuetari judio masa ijieyequina pehe? ‘Judio masa yero saha ijiihna’, ni tũhotuboaga tiquina. ¿Tiquina gũhũre judio masare ihña cũgũ cahmeajari mũhũ? To ijierare”, nii tiquirore.

Judio masare apequina masa yero saha Jesure wacũ tutua dutiahye Cohãcjũ

15 Usã pehe judio masa masa bajuana, apequina ñano yeyequina judio masa ijieyequina yero saha ijieraja usã. 16 Sa ijina ijiepenata Cohãcjũ dutiyere Moisere tiquiro cũrĩre usã yerina ijigũ “Quehnoana ijire”, ni ihñedare Cohãcjũ usãre. Tire mari masiaja. Sa yero Jesucristore mari wacũ tutuagũ Cohãcjũ marine “Quehnoana ijire”, ni ihñanota. Tire masina, usã gũhũ Jesucristore wacũ tutuaja tiquirore usã wacũ tutuari mehna usãre “Quehnoana ijire”, Cohãcjũ tiquiro ni ihñatire. Sa yero tiquiro dutiyere usã yerina ijigũ “Quehnoana ijire”, ni

ihñedare Cohãcjũ usãre. Ne masa ti dutiyere yeye mehna “Quehnoañequina ijire”, ni ihñedare Cohãcjũ tiquinare.

17 Cristore mari wacũ tutuaye mehna quehnoana Cohãcjũ yequina mari waha duagũ, ñana mari ijiyere masigũ yerota Cristo. ¿Cristo mari ñañene marine masigũ yero, ñana marine ijigũ yejari tiquiro, m̄sa tuhutugũ? Ne mehenogã mehna sa yerare. 18 Hsã dutiye yeye mehna yũhdũ duamedina ijiepenata ti buheyere cohãũ. Sa cohãepenata pari turi ti buheyere yena ti dutiyere usã ye pehoerari buhiri potota buhiri tinata usã. 19 Cohãcjũ dutiyere Moiserere tiquiro cũrire ihcãno sahaeraja mari. Sa yena ti dutiye mehna ne yũhdũsi mari. Sa yena Cohãcjũ tutuaye mehna tiquiro yequina ijiaja mari.

20 Cristo mehna curusapũ yariariquina yero saha ijiaja mari. Sa yena yariariquiro tiquiro esa tuharo tiquiro yerariro saha mari esa tuharo yeraja. Cristo ye tutuaye mehna yeaja. Sa yena yojopũre Cohãcjũ macũnore wacũ tutuaye mehna ijiducuaaja mari. Tiquiro Cohãcjũ macũno marine cahĩne. Sa yero mari ye buhirire yariari. 21 Ti dutiye yeye mehna quehnoana Cohãcjũ yequina mari wahagũ Cristo yariari pehe ne dũhseati ijieraboaga. Cohãcjũ marine tiquiro cahĩdire, Cristo tiquiro yariarire ihyo ijiye waro yero saha ijigũ ye dueraja yũhũ

pehe. Sa yegũ “Dutiye mehna yũhdũgũtja”, ne nisi yũhũ.

3

Cohãcjũ dutiye Moiserere tiquiro cũrire, wacũ tutuaye gũhũre yahuahye Pablo

1 Yũhũ acaye, m̄sa Galacia cjãna tuho masiena iji wame tire m̄sa. Jesucristo curusapũ tiquiro yariarire buheyere ijipihitiyequina tiquina ihñonopũ m̄sare yahuu. ¿Sa yena yojopũre tiquiro yere m̄sa yũhdũdũcatire ni mehoñequina m̄sare tiquina dojomehnegũ dũhse yena tiquinare yũhtiri m̄sa?

2 Ahrireta yahu duaja m̄sare: Dutiyere m̄sa yeye mehna Espĩritu Santore cũo dũcaerari m̄sa. Quehnoañe buheye pehere tuhona Cristore m̄sa wacũ tutuaye mehna Espĩritu Santore cũo dũcari m̄sa. 3 Espĩritu Santo tutuaye mehna m̄sa Cristo yequina iji dũcagũ yojopũre m̄sa basi dutiyere m̄sa yeye mehna Cohãcjũ cahapũ m̄sa waha duagũ ñarĩne. Tuho masiena ijire m̄sa, sa yena. 4 ¿Quehnoañe buheyere m̄sa yeri buhiri peye tahari m̄sa ñano yũhdũna ihyo warota ñano yũhdũna niyari m̄sa, sa wahana? Ihyo waro ijierare m̄sa sa ñano yũhdũri. Dutiyere yeye mehna Cohãcjũ cahapũ m̄sa waha duana ihyo warota ñano yũhdũna niboaga m̄sa. 5 ¿Dũhse m̄sa yeri wapa Espĩritu Santore

masare ohori Cohãcjũ, m̄sa t̄hotugũ? Tiquiro dutiyere m̄sa yeri wapa ohoerari tiquiro. Tiquiro buheyere quehnoano m̄sa t̄hogũ ihñano tiquirore m̄sa wacũ tutuari batop̄m̄ Esp̄ritu Santore ohori tiquiro. ¿Cohãcjũ m̄sa watoa tiquiro tutuaye mehna ye ihñono d̄hse ijiro boro sa ye ihñojari tiquiro, m̄sa t̄hotugũ? Tiquiro dutiyere m̄sa yeri wapa sa ye ihñoadari tiquiro. Tiquiro buheyere quehnoano m̄sa t̄hogũ ihñano tiquirore m̄sa wacũ tutuagũ sa ye ihñori tiquiro.

6 Abrahã Cohãcjũre wacũ tutuahye. Tiquiro sa yegũ tiquirore Cohãcjũ “Quehnoariquiro ijire”, ni ihñahye. 7 Sa yena ahri ȳh̄m̄ niatire masiña m̄sa: Cohãcjũre wacũ tutuayequinata potota Abrahã panamena iji turiayequina ape tjuro cjẽna yero saha ijire. 8 Panop̄m̄ Cohãcjũ yere tiquina ojoari p̄p̄m̄ ohõ saha ni yahuahye: Judio masa ijieyequina Cohãcjũre tiquina wacũ tutuagũ ihñano “Quehnoañequina ijire”, ni ihñare Cohãcjũ. Tiquiro sa ni ihñatire Cohãcjũ panop̄m̄ masiyuro, tiquiro quehnoañe buheyere Abrahãre yahu m̄hta tuhasahye. “M̄h̄m̄ mehna ahri yehpa cjẽnare ijipihitiyequinare quehnoano yeitja”, niahye Cohãcjũ Abrahãre. 9 Sa yero Abrahã Cohãcjũre quehnoano t̄ho

wacũ tutuahye. Tiquiro sa wacũ tutuagũ ihñano Cohãcjũ tiquirore quehnoano yeahye. Sa ye apequina masa Cohãcjũre tiquina wacũ tutuagũ, tiquina ḡh̄re quehnoano yerota Cohãcjũ, Abrahãre tiquiro yeriro sahata.

10 “Ti dutiyere Moiserere tiquiro c̄uri mehna Cohãcjũ yequina wahanata”, ni t̄hotuyequina buhiri tiyequina ijire. Tiquiro ojoari p̄p̄m̄ sata nine: “Cohãcjũ dutiyere tiquiro ya p̄p̄m̄ tiquina ojoarire ye pehoeyequina buhiri tiyequina ijire tiquina ijipihitiyequina”, ni ojoahye. 11 Cohãcjũ yere tiquina ojoari p̄p̄m̄ ohõ saha nine: “Cohãcjũre wacũ tutuayequinare ‘Quehnoañequina ijire’, ni ihñare Cohãcjũ. Sa wacũ tutuaye ijipihitiye decori Cohãcjũ mehna sa ijiducuenta”, nine Cohãcjũ yere tiquina ojoari p̄p̄m̄. Tiquiro sa nigũ ahri ȳh̄m̄ niatire mari quehnoano masiaja: Ti dutiyere tiquina yeye mehna masare quehnoañequina yero saha ihñedare Cohãcjũ. 12 Dutiye yeye mehna Cohãcjũ cahap̄m̄ waha duayequina Cohãcjũre wacũ tutuerare. Ohõ saha nine Cohãcjũ yere tiquina ojoari p̄p̄m̄: “Dutiye yeye mehna quehnoañequina waha duayequinare ti dutiyere ye pehorro cahmene tiquinare”, nine Cohãcjũ yere tiquina ojoari p̄p̄m̄.

13 Sa ye ti dutiye marine buhiri tigũ yere. Mari

buhiri tigã ihñano Cristo pehe tiquiro basi mari ye buhirire buhiri tiriquireo waharo, mari buhiri taborire buhiri ti basahye marine. Cristo tiquiro buhiri tiatire yahuro ohõ saha ni ojoahye panopure: "Ijipihtiequina yucuripã tiquina duhu ohõriquina buhiri tiriquina ijire", ni, ojoahye panopure. ¹⁴ Tiquiro sa ni ojoariro sahata sa yeahye Cristore. Cohãcjũ Abrahãre "Ahri yehpa cjẽnare quehnoano yeitja", tiquiro nidiro sahata yero niahye masare. Sa yeahye Cristo mehna. Tiquiro yariahye judio masa ijieyequinare Cohãcjũ quehnoano tiquiro yeatire. Sa yero Jesucristo mehna sohtori tiahye Cohãcjũ Abrahãre tiquiro nidiro sahata. Sa yeahye tiquirore mari wacũ tutuari bato Espiritu Santore mari cuoatore.

Tiquiro buherire quitimehna yahu nemoahye Pablo

¹⁵ Yũhũ acaye, masa ye quitimehna ti yũhũ nidire yahutja musare: Tiquina pacuro tiquiro yariato pano tiquiro pohne comesatire yahuri pũ ohõ saha ni ojoare. "Yeere yũhũ pohñare ohoutja", ni ojoare. Tiquiro sa ni ojoa cũri pũre tiquiro yariato pano apequireo pehe ti pũre sijoro saha ni ojoa nemo masiedare. Sa yero ti pũre "Poto ijierare", ni masiedare. ¹⁶ Ti pũre tiquina pacuro tiquiro pohñene

tiquiro cũriro saha "Musare quehnoano yeitja", Cohãcjũ nino, Abrahãre tiquiro panamino iji turiariquireo gũhũre nino niahye. Sa nino apequina tiquiro panamena iji turiayequinapure nino niedahye. Ihcãquiroreta tiquiro panamino iji turiariquireo dihitare nino niahye Cohãcjũ. Tiquiro Abrahã panamino iji turiariquireo Cristo ijire. ¹⁷ Yojopure quehnoano yahutja musare: Abrahã gũhũre Cohãcjũ "Musare quehnoano yeitja", tiquiro ni cũri bato cuatro ciento treinta cãhmari yũhdũri bato tiquiro dutiyere Moiserẽ cũahye. Sa cũno Abrahã gũhũre Cohãcjũ "Musare quehnoano yeitja", tiquiro nidire boro taro niedahye. ¹⁸ Cohãcjũ marine yũhdũoro dutiyere mari yeye mehna marine yũhdũoerare. Dutiyere yeye mehna mari yũhdũgũ Cohãcjũ "Musare quehnoano yeitja", tiquiro nidi pehe dũhseati ijieraboaga. Marine yũhdũoro taro Cohãcjũ Abrahãre tiquiro ni cũri mehna sa yero taro niahye.

¹⁹ ¿Sa yero dũhse yeatire tiquiro dutiyere cũri Cohãcjũ? Tiquiro dutiyere cũahye ti dutiyere mari yũhdũdũcarire mari quehnoano masiatire. Sa yero panopure Cohãcjũ "Mũhũ panamino iji turiariquireo mehna masare quehnoano yeitja", Abrahãre tiquiro nidiquireo tiquiro wihiato pano Cohãcjũ dutiyere cuomahye masa. Sa yero

Cohãcjũ dutiyere tiqairo cũgũ tiqairo yequina angele pehe tire duti turiahye. Sa ye Moiserere tiqaina cũgũ, tiqairo pehe masare cũ turiahye tja. ²⁰ Ti dutiyere Moise cũ turiagũ Cohãcjũ tiqairo basita masare cũedahye. Sa cũdaperota Cohãcjũ “Mũhare quehnoano yeitja”, Abrahã pehere ni cũno, tiqairo basita sa ni cũahye.

²¹ Cohãcjũ Moiserere tiqairo dutiyere cũno, to pano Abrahãre tiqairo nidire “Abrahãre yahũ nidiro saha yesi yahũ”, nino niedahye tiqairo. Abrahãre tiqairo nidiro sahata yero taro niahye. Tiqairo dutiye yeye mehna Cohãcjũ yequina wahana ti pje pũrita dutiyere mari yeye mehna quehnoana wahaboaga mari. ²² Sa yero Cohãcjũ tiqairo yere tiqaina ojoari pũ pehe ijipihtiyequina ñaÑe buhiri tiyequina tiqaina ijiyere yahuahye. Sa ni yahuahye Cohãcjũ “Mũsare quehnoano yeitja”, to pano tiqairo nidiro sahata yero taro. Sa yero Jesucristore wacũ tutuayequinare quehnoano yere to pano tiqairo nidiro sahata.

²³ Cohãcjũre wacũ tutuati buheyere marine tiqairo cũato pano tiqairo dutiye pehe mari ñaÑe yerire marine masigũ ye tuhasari. Sa ye marine yahuri ti dutiye pehe. Cohãcjũre wacũ tutuati buheyere marine tiqairo yahugũpũ tiqairo dutiye marine yahu duhuri. ²⁴ Sa

ye Cohãcjũ dutiye pehe Cristo wihiato pano marine yahuri. Sa yahuri marine Cristore mari wacũ tutuaye mehna Cohãcjũ “Quehnoana ijire”, marine tiqairo ni ihñatire. ²⁵ Yojopũ pũritare Cristore mari wacũ tutuari pje ijire. Ti sa ijigũ tiqairo dutiye pehe marine yahu nemoedare. Marine duti nemoedare.

²⁶ Sa yena Cristo Jesure mũa wacũ tutuaye mehna Cohãcjũ pohna ijire mũa. ²⁷ Ijipihtina mũa Cristo wame mehna wame yenh-rina ijina, Cristo Cohãcjũ macano tiqairo ijiro sahata tiqairo pohnata ijire mũa gũhũ. ²⁸ Yojopũre pũa curua ijierare mũa. Judio masa ijiena, judio masa mehna pũa curua ijierare mũa. Cahacjãna, cahacjãna ijiena mehna pũa curua ijierare mũa. Æmũa, numia mehna pũa curua ijierare mũa. Sa yena ijipihtina mũa Cristo yequina ijina, ihcã curuata ijire mũa. ²⁹ Sa yena Cristo yequina ijina, Abrahã panamena iji turiana yero saha ijire mũa. Mũa sa ijina ijigũ Cohãcjũ Abrahãre “Mũsare quehnoano yeitja”, tiqairo nidiro sahata mũa gũhare quehnoano yerota tiqairo. Cristo yequina mũa ijigũ ihñano mũsare quehnoano yerota.

4

¹ Ohõ saha ijire ahri quitu mehna yahũ yahu nemogã: Tiqairo pacũro came tiqairo yere neatiqairo wahmũno

iji cāhtariquiro ijiropu ijipihtiye tiquiro ye ijiepegūta cahacjāno yero saha ijire tiquiro. ² Sa ye tiquiro wahmāno iji cāhtariquiro ijigū tiquirore ihña ihboyequina tiquiro yere ihña ihbore. Sa yero tiquiro pacuro queoriro esagūpu tiquiro pacuro yere curota. ³ Ohō saha wahmāno iji cāhtariquiro yero saha ijimi mari gūhu. Sa ijina mari ijigū cahacjēnare tiquina dutiro saha ahri yehpa cje dutiye masa ye dutiye marine dutinimedi. ⁴ Mari sa ijina ijiepegūta tiquiro queori pje esagū Cohācjū tiquiro macnore ohoahye. Sa tiquiro ohogū tiquiro macno ihcācoro nuhmino mehna masa bajuahye. Sa yero tiquiro judio masno masa bajuagū Cohācjū dutiye Moiserē tiquiro cūri tiquirore dutinimahye. ⁵ Mari gūhure ti dutiyeta dutinimahye. Sa yero marine yuhduoatiquirore ohoahye Cohācjū tiquiro macnore, tiquiro pohna mari wahatire. ⁶ Sa yero tiquiro pohna mari ijigū Cohācjū macno tiquiro yaquiro Espiritu Santore mari mehna ijia-tiquirore ohoahye Cohācjū. Tiquiro yaquiro Espiritu Santo pehe Cohācjūre “Mai”, niniquiro ijire. ⁷ Sa yena masa Cohācjū yedohoye mehna cahacjāna ijierare masa yojopure. Tiquiro pohna ijire masa. Sa yena tiquiro pohna ijina, Cohācjū tiquiro ohoatire cnonata.

Pablo Galacia cjenare Jesu yequinare cuesāhye

⁸ Panopu Cohācjūre masa masiena ijina “Cohācjū ijire”, masa niñe queoyere ño peona ti queoye cahacjāna ijimahye masa. Masa sa ño peoyequina cohāmana waro ijierahye. ⁹ Sa ijirina ijiepenata yojopure Cohācjūre masine masa. Ijierare. Tiquiro pūrita masa pehere masine. ¿Tiquiro sa masiepegūta dahse yena ahri yehpa cjeña ye buheye pehere cahmeajari masa? Ti buheye dahseati ijierare. ¿Dahse yena panopu masa yeriro sahata Cristo marieno ye duajari masa? ¿Dahse yena dutiyere masa yeducuri mehnata Cohācjū cahapu waha duajari masa? Wahasi masa. ¹⁰ Ihquē decorire, ihquē asūrīne, ihquē pohecūre, ihquē cūhmarine bose decorire dahre dutire masa. “Mari sa yeye mehna dutiye mehna yuhdnata”, ni, tūhotumene masa. ¹¹ Masa sa ni tūhotugū masare tutuaro yuhu buheri dahseati ijieraboaya, yuhu tūhotugū. Sa yegu masare cuesāja.

¹² Yuhu acaye ahrire tutuaro dutiitja masare: Cristore yuhu tūhoturiro sahata masa gūhu tiquirore tūhotuya. Panopu dutiye yeye mehna yuhdu du-ayequina ijieramahye masa judio masa ijiena ijina. Yojopu pehere yuhu gūhu masa yero saha waha, dutiye yeye mehna yuhdu dueragu. Sa yena Cristore

yũhũ tũhoturiro sahata mũsa gũhũ sata tiqũirore tũhotuya.

Mũsa mehna yũhũ ijigũ quehnoano yeri mũsa yũhũre. ¹³ Dohatigũpũta mũsare quehnoañe buheyere coã warore buhe dũcũũ yũhũ. ¹⁴ Yũhũ sa dohatigũ ijiepegũta yũhũre yabierari mũsa. Sa yena yũhũre cohã tojoerari mũsa. Sa yena Cohãcjũ yaquiro angelre, Jesucristo gũhũre mũsa piti caboriro saha yũhũre quehnoano piti cari mũsa. ¹⁵ ¿Yojopũre dũhse wahari mũsa bucueye? Mũsare ahrire niitja: Purĩñene dũcana mũsa caperire ore we ne yũhũre ohoboaya mũsa. ¹⁶ ¿Yũhũ mehna cjãna ijiepenata yojopũre queoro mũsare yũhũ yahuri buhiri ihña tuhtiajari mũsa yũhũre?

¹⁷ Sohõ ijiriquina mũsare tutuaro cahmesãre. Tiquina tũhotuye sijoro saha ijire. Quehnoañe ijierare. Tiquina mũsare yũhũre yũhdũdũcagũ cahmene, tiquina pehere ño peo dutiye. ¹⁸ Quehnoano mehna mũsa quehnoano wahati pehe mũsare tiquina cahmesãgũ quehnoarĩboaga. Sa ye topũre yũhũ mariedagũ gũhũre tiquina sa cahmesãgũ quehnoarĩboaga. ¹⁹ Yũhũ pohngã, niji wahcõricoro ticoro ñano yũhdũro saha mũsare ñano wacũ tũhotuaja yũhũ. Tee Cristo yero saha mũsa ijigũpũ mũsare wacũ duhutja. ²⁰ Mianogã mũsa mehna ijigũ tuhtiro marieno bucueye mehna mũsa mehna yũhũ yahugũ quehnoaboaga

yũhũre. Mũsare pajiro tũhotugũ niaja yũhũ.

Agar Sara mehna tiquina ijirire yahuahye Pablo

²¹ Tũhoya mũsa yũhũre. Cohãcjũ dutiyere yeye mehna yũhdũ duana ijiepenata tiquiro dutiye pehere quehnoano masiedare mũsa. ²² Ohõ saha niahye Cohãcjũ yere tiquina ojoari pũpũ: Abrahã pũaro pacũro ijiahye. Tiquiro cahacjõno Agar wame tiricoro mehna ihcãquiore pohna tiahye. Sa ye tiquiro namono poto Sara wame tiricoro mehna gũhũre ihcãquiore pohna tiahye. ²³ Sa ijiepegũta tiquiro cahacjõno macũno masa mari yero saha masa bajuahye tiquiro. Tiquiro namono poto macũno pehe “Ihcãquiogã pohna tinata mũsa”, Cohãcjũ ni yahuriro sahata masa bajuahye tiquiro pehe. ²⁴ Ahri quitimarine quehnoano queoye mehna yahure: Cohãcjũ pũa taha masare “Mũsare yedohoutja”, tiquiro niñe yero saha ijire ahriquina numia pũaro numia. Ihcãcoro Sinaí wame tidũpũ Cohãcjũ dutiyere ohori yero saha ijire. Ticoro Agar ijire. Ticoro mehna mari queoye mehna buhegũ judio masa gũhũ dutiyere yeducuye mehnata yũhdũ duayequina ticoro yero saha ijire. Tiquina cahacjẽna yero saha ijire. ²⁵ Ticoro Sinaí wame tidũ Arabiapũ ijidũ yero saha ijiricoro ijire. Yojopũre Jerusalẽ

cjēna judio masa dutiye yeye mehna yǎhdǎ duayequina dutiye cahacjēna yero saha ijire. Sa yeye mari queoye mehna buhegǎ tiquina ticoro yero saha ijire cahacjōno ticoro ijiro saha. Tiquina Cohācjǎ pohne ijierare.

²⁶ Mari pehe Cristo yequina ijina Cohācjǎ pohna ijiaja. Sa yena ǎhmǎse cjǎna ijiaja. Jerusalē ǎhmǎseperǎ ijiri maca cjǎna ijiaja mari. Topǎre masa tiquina yǎhdǎtire dutiyere yeye mariedare.

²⁷ Cohācjǎ yere tiquina ojoari pǎpǎ ohǒ saha ni ojoahye Cohācjǎ pohne warore, Sara yero saha ijiricorore yahuro: Pohna mariego, bucueya.

Sa ijigo bucueye mehna sañuducuya, niji wahcǒno purǎnore masiego ijigo. Mǎhǎ pehe manǎ cohōrigo ijigo apecoro manǎ tiricoro yǎhdǎoro peyequina pohna tigota. Sa yego bucueya, ni ojoahye panopǎre ticoro pohna tiato pano Sara yero saha ijiricorore yahuro.

²⁸ Yǎhǎ acaye, Cohācjǎ nidiro sahata Isaac masa bajuahye. Mari gǎhǎ tiquiroyero saha Cohācjǎ nidiro sahata tiquiroyero pohna ijiaja mari. ²⁹ Sa ijiepegǎta ti pǎpǎre ihyo ijiriquiroyero saha masa bajuariquiroyero ñano yeahye apequiroyero Espiritu nidiro sahata masa bajuariquiroyero. Yojopǎ gǎhǎre sata ijire Cohācjǎ yequinare masa ñano yegǎ.

³⁰ Sa yero ohǒ saha nine Cohācjǎ yere tiquina ojoari pǎpǎ: “Cahacjōno macǎno tiquiroyero pacǎro yere cǎo masiedare. Tiquiroyero namono poto macǎno pehe tiquiroyero pacǎro yere cǎo masine. Sa ye tiquiroyero cahacjōnore ticoro macǎno mehnata cohācǎhǎ”, ni ojoahye. ³¹ Yǎhǎ acaye, ne cahacjōno pohne yero saha ijieraja mari. Sa yena Abrahā namono poto pohne yero saha ijiaja. (Sa yena Cohācjǎ mari Pacǎ yere cǎo masiaja.)

5

Cristo marine cahacjēna yero saha ijiyere tiquiroyero duhugǎ yeri bato tutuana ijiro cahmene marine

¹ Sa yero mari cahacjēna yero saha ijirire potota Cristo marine duhugǎ yeri. Tiquiroyero sa duhugǎ yeri bato tutuana ijiya mǎsa. Ti dutiye mehna yǎhdǎ duayequina cahacjēna yero saha ijimedina pari turi cahacjǎna sajǎedacǎhǎ mǎsa.

² Yojopǎre yǎhǎ Pablo ahrire yahutja mǎsare: “Cuhñucunǎ sohtoa cahserogǎre mari yǎhre nedi mehna yǎhdǎnata”, mǎsa ni tǎhotugǎ Cristo mǎsare tiquiroyero yedohori dǎhseati ijierare mǎsare. ³ Ijipihtina ti cahserogǎre mǎsa yǎhre nedi mehna yǎhdǎ duanare pari turi ohǒ saha ni yahutja yǎhǎ. Ti cahserogǎre mǎsa yǎhre nedi mehna yǎhdǎ duana, apeye Cohācjǎ dutiyere ye pehoerana, yǎhdǎsi mǎsa. ⁴ Dutiyere yeye mehna yǎhdǎ

duana Cristo pehere cohãri m̄sa. Sa yena m̄sare Cohãcjũ tiquiro cahĩñene, tiquiro yũhd̄uo duayere duhu cãri m̄sa. ⁵ Sa ijiepegũta Espĩritu Santo tutuaye mehna Cohãcjũre mari pehe wacũ tutuaja. Mari sa wacũ tutuagũ “Quehnoana ijire”, ni ihñare Cohãcjũ marine. Tiquiro sa ni ihñagũ marine tiquiro yũhd̄uoatire masiaja mari. ⁶ Cristo Jesu yequina ijina cuhnucunũ sohtoa cahserogãre mari yũhre negũ ne dũhseati ijierare. Ti cahserogãre mari yũhre nedagũ gũhũre ne dũhseati ijierare. Sa ijiepegũta Cristo pũritare wacũ tutuana apequinare cahĩnata mari. Ti wacũ tutuaye pehe ihyo waro ijiro niedare.

⁷ M̄sa Cristore quehnoano wacũ tutuamedi. ¿Quehnoañe buheyere m̄sare yũhũ acaye judio masa tiquina yũhd̄ud̄uca dutigũ dũhse yena tiquinare yũhtiri m̄sa? ⁸ Tiquina ye buheye Cohãcjũ m̄sare cũriquiro tiquiro ye buheye ijierare. ⁹ Ahri yũhũ niatire wacũñã m̄sa: Mehenogã pã pugũ yeye trigo yũbũre quehnoano ti sehsaro saha yũhũ acaye judio masa ye buheye pehere peyequina m̄sa mehna cjẽna cahmeboaga. ¹⁰ Mari pũhtoro Cristore wacũ tutuaja yũhũ. Sa yegũ ahri yũhũ niatire masiaja yũhũ. Cristo yedohoye mehna apeye buheyere camepũre cahmesi m̄sa. Tire masiaja yũhũ. M̄sare dojomehne cohteye-

quina noho ijieyequina ijiaga. Tiquinare Cohãcjũpũ buhiri dahrerota.

¹¹ Yũhũ acaye, “Dutiye yeye mehna yũhd̄unata”, tiquina ni buheyere yũhũ buhegũ ijigũ judio masa yũhũre ñano yeraboaga. Cristo curusapũ tiquiro yariarire yahuye buheyere yũhũ buheri buhiri tiquina ñano yeri yũhũre. Cristo ye buheye mehna judio masa ye buheyere yũhũ buhe moregũ yũhũre ñano yeraboaga tiquina. ¹² M̄sare dojomehne cohteyequina m̄sa cuhnucunũ sohtoa cahserogãre yũhre ne dutiyequina tiquina basi dihita yũhre neahdo.

¹³ Yũhũ acaye, “Dutiye mehna yũhd̄unata”, ni tũhotu dutierare Cohãcjũ m̄sare. Ti dutiye mehna yũhd̄ud̄erapenata ti dutiyere yũhd̄ud̄ucaeracãhña m̄sa. Sa ye m̄sa mehna cjẽnare cahme cahĩna, tiquina cahacjẽna yero saha yedohoya tiquinare. ¹⁴ Ihcã dutirore quehnoano yena, Cohãcjũ dutiyere ye pehona niaja mari. Ohõ saha ijire ti dutiro: “M̄hũ basi m̄hũ cahĩno saha m̄hũ cahapũ ijieyequina gũhũre cahĩña”, ni, dutiahye. ¹⁵ Sa yena wahiquina yero saha m̄sa basi cahme dũse tutueracãhña. Sa yena cahmequedacãhña. M̄sa mehna cjẽna “Cristo yere duhuari”, nina, quehnoano yeya m̄sa.

Masa ñañene tiquina tutuaro cahmeñene, Espĩritu Santo

cahmeñe gũhare yahuahye Pablo

16 Espíritu Santo tiquiro cahmeno sahata ijiya m̄sa. Sa yena m̄sa ñañene m̄sa tutuaro cahmeñene yeracãhña.

17 Ñañene m̄sa tutuaro cahmegũ Espíritu Santo ihña tuhtire. Tiquiro sa ihña tuhtigũ ti ñañene duhu duare m̄sa. Sa yena ñañene m̄sa tutuaro cahmena, Espíritu Santore ihña tuhtire m̄sa. Sa ihña tuhtina tiquiro cahmeno saha yerare m̄sa. Sa ye ñañene m̄sa tutuaro cahmeñe Espíritu Santo tiquiro cahmeñe yero saha ijierare. Sa ye Espíritu Santo tiquiro cahmeñe ñañene m̄sa tutuaro cahmeñe yero saha ijierare ti. Sa yena m̄sa cahmeno saha yerare m̄sa.

18 Sa yena Espíritu Santo tiquiro cahmeñene yena ijina “Dutiye mehna mari yũhd̄nata”, ni, tũhotuerare m̄sa.

19 Masa ñañene tiquina yeyere mari quehnoano masi tuhasaja. Ohõ saha ijire ti: Numino mehna ñano yeye, ʘm̄no mehna ñano yeye, w̄ana tiye, b̄e tiro marieno ñano yeye, 20-21 “Cohãcjũ ijire”, tiquina niñe queoyere ño peoye, masare ujuayequina yayia tiquina yeye, ihña tuhtiyey, cahme d̄use tini wiaye, doeye, usuaye, tiquiro basi dihita c̄uo duaye, ihña tuhti cahme tu waye, ihcã curua cj̄ena ape curua cj̄enare ihña tuhtiyey, apequina yere cooye, masare wejẽñe, queheye,

queheye bose decorire yeye, ohõ saha ijiye ijire ñañene yeye. Panop̄a m̄sare cuaro mehna yũhũ nidiro sahata yojop̄a gũhare nitja: Ti borore yeriquina Cohãcjũ puhtoro ijirop̄are ʘhm̄sep̄are ne esasi.

22 Espíritu Santo pehe marine ohõ saha yena ijigũ yere: Masare cahña, bucuena, cueye mariena, usua m̄ñena, apequinare quehnoano yena, quehnoana, duhuro marieno Cohãcjũ cahmeñene yena, 23 quehnoano mehna yena, tiquina ñañe ye duarire yerana ijigũ yere marine tiquiro. Sa yeyequinare “Sa yeracãhña”, ne ihcãquiro niedare.

24 Cristo Jesu yequina ijina tutuaro mari ñañene ye duarire cohã tuhasaũ. 25 Espíritu Santo marine Cohãcjũ mehna sa ijiducugũ yerota. Sa yena tiquiro cahmeno sahata yeducuna ijiihna mari.

26 “Apequinare masi yũhd̄d̄caja ʘsã”, ni, tũhotuna ijieracũhna mari. Sa yena mari mehna cj̄enare usuagũ yeracũhna mari. Sa yena mari basi cahme cooeracũhna.

6

M̄sa mehna cj̄enare yedohoya

1 Yũhũ acaye, ihcãquiro m̄sa mehna cj̄eno tiquiro ñañene yegũ Cristore quehnoano wacũ tutuana ijina cahñe mehna tiquirore yedohoya quehnoañene pari turi tiquiro yeatire. Sa yena

musa gãhu “Ñañene tutuaro cahmeari”, nina quehnoano yeya. ² Musa mehna cjëna tiquina ñano yãhdugã gãhare yedohoya tiquinare. Musa sa yena Cristo tiquiore dutiro saha yena ninata musa.

³ Ihcãquiore ihyo ijiriquiore ijieperota “Apequinare masi yãhduducaja”, ni tãhoturo, tiquiore basi ni mehoñe dihitaro tãhoturiquiore ijire.

⁴ Ihquëquina musa sehsharo musa yerire “Ahri quehnoañe ijire. Ahri ñañe ijire”, ni masiña. Sa masina musa yeri quehnoañe ijigã musa basi bucuenata. Sa yena “Apequinare masi yãhduducaja”, nisi musa. Sa niedana apequinare musa yãhduducari mehna bucuesi musa. ⁵ Sa yero Jesu yaquiore Cohãcjã yere tiquiore basi yere. Apequiore masano tiquiore tire yedoho masiedare.

⁶ Sa yena quehnoañe buheyere buheriquiore apee boro musa cãoyere tiquiore ohoya musa tiquiore buhena.

⁷ Oteyere oteriquiore ñañe pjerire otero ñañe ducare cãorota. Quehnoañe pjerire otero quehnoañe ducare cãorota. Ohõ saha mari gãhu ñañene yena ñañene cãonata. Sa yero mari ñari buhiri buhiri dahrerota. Quehnoañene yena quehnoañene cãonata. Sa yena quehnoano ijinata. Sa yena “Usã ñañene yegã Cohãcjã usãre buhiri dahresi”, ni tãhotueracãhña.

Ñañene yeyequina Cohãcjãre bujãpeyequina ijire. Cohãcjãre bujãpeyequinare buhiri dahrerota tiquiore. ⁸ Mari ñañene tutuaro cahmena, tire yena, ti mehnata yarianata. Sa yena pecapã wahanata. Espiritu Santo pehe tiquiore cahmeñene mari yegã tiquiore marine ijipihtiye decori ãhmãsepe ijiducugã yerota. ⁹ Sa yena quehnoañene yena tire caributieracãhna mari. Cohãcjã tiquiore queori pje ijigã quehnoañene cãonata mari caributierana. ¹⁰ Sa yena ijipihtiyequinare mari ihñañequinape quehnoano yeihna mari. Mari acaye Jesu yequina pãritare apequina yãhduro quehnoano yeihna.

Pablo yahu bato tiro, quehnoa duti bato tiahye

¹¹ Bujãye letra yãhu ojoari mehna ya omoca mehna musare yãhu ojoarire ihñañã musa. ¹² Musare cuhnucunã sohtoa cahserogãre yãhre ne dutiyequina masa tiquinare ño peogã cahmene. Cristo curusapã tiquiore yariarire yahuye buheyere mari buheri buhiri masa ñano yere marine. Tiquina sa yegã ihñañe ahriquina musare cuhnucunã sohtoa cahserogãre yãhre ne dutire “Judio masa ye buheyere yeaja”, niñe. Sa tiquina ye dutigã judio masa tiquinare ñano yeraboaga. Sa ye ti cahserogãre yãhre ne dutire. ¹³ Musare ti cahserogãre yãhre ne dutiyequina pehe Cohãcjã tiquiore dutirire

ye pehoerare. Sa ye ti cahserogãre m̄sare tiquina yũhre ne dutiri bato m̄sa yũhtigũ ihñãñe, judio masa pehe tiquinare m̄sare yũhre ne dutiyequinare ño peoboaga. Tiquina sa ño peoatire m̄sare dutire tiquina.

¹⁴ Yũhũ pehe masa yũhũre tiquina ño peogũ cahmeda yũhdũaja. Mari pũhtoro Jesucristo curusapũ tiquiro yariari pehere masa tiquina ño peogũ cahmesãja yũhũ. Sa curusapũ tiquiro yariagũ ahri yehpa cjẽ ñãñene watĩno yũhũre tiquiro ye dutigũ yerũ yũhũ. Sa yariaro ti ñãñene yũhũre cahmedagũ yeri tiquiro. ¹⁵ Tiquiro sa yegũ Cristo Jesu yequina ijina ti cahserogãre mari yũhre negũ ne dũhseati ijierare. Ti cahserogãre mari yũhre nedagũ gũhũre ne dũhseati ijierare marine. Sa ijiepegũta quehnoañe pehere mari comesagũ pũritare quehnoare. ¹⁶ Ijipihtina ahri yũhũ buherire yena, potota Cohãcjũ yequina ijina, cuero marieno quehnoano ijia m̄sa. Sa yena Cohãcjũ tiquiro paja ihñano mehna ijia m̄sa.

¹⁷ Mari pũhtoro Jesu cahacjũ yũhũ ijiri buhiri yũhũ pagũre camĩ tiaja yũhũ. Yũhũ sa ijirigũ ijigũ yojopũre apequina yũhũre cariboer-acãhdo.

¹⁸ Yũhũ acaye, mari pũhtoro Jesucristo mehna m̄sare ijipihtinare quehnoa dutiaja. Sata ijiahro.

Efesios

Efeso cjēnare ojoa ohoahye Pablo

¹ Y^hh^h Pablo m^hsare Efeso wame tiri maca cjānare ojoa ohoaja. Y^hh^h Jesucristo yere buhe duti tiquiro cūrig^h ijiaja. Cohācjū tiquiro cahmeno sahata Jesu y^hh^hre tiquiro yere buheac^hre cūri. Sa yeg^h m^hsare Jesucristore sa wacū tutuaducunare ojoa ohoaja y^hh^h. ² Sa yeg^h Cohācjū mari Pac^h mehna, mari p^hhtoro Jesucristo mehna m^hsare quehnoa dutiaja. Tiquina yedohoye mehna quehnoano ijiya m^hsa.

Cristo yequina mari ijigū ihñano Cohācjū quehnoano yere marine

³ Cohācjū, mari p^hhtoro Jesucristo Pac^hro marine quehnoano yeducure. Ijipihtiye tiquiro ye ^hhm^hse cjē quehnoañe mehna tiquiro marine quehnoano yeducure. Marine tiquirore quehnoano wacū tutuagū yeducure. Cristo yequina mari ijigū ihñano sa marine quehnoano yeducure. Tiquiro sa yeriquiro ijigū ihñana quehnoano ño peoye mehna tiquirore quehnoano yahuducuuhna. ⁴ Ohō saha yeahye tiquiro marine tiquiro yequinare: Ahri yehpa ijiato pano tiquiro yequina ijianajare bese tuhasahye tiquiro marine. Sa beseahye marine ñañe

mariena mari ijiatire. Sa yena ñañe mariena ijiaja mari, tiquiro ihñagū. Sa yero marine “Ñana ijire m^hsa”, nisi tiquiro. ⁵ Marine cahño, paja ihñano panop^h ohō saha niahye tiquiro marine: “Y^hh^h mac^h Cristo yedohoro mehna tiquina y^hh^h pohna ijietā”, ni cūahye marine panop^h. Tiquiro cahmediro sahata sa yeahye tiquiro marine. ⁶ Marine tiquiro sa quehnoano yegū ihñana ño peoye mehna tiquirore quehnoano yahuducuuhna. Tiquiro mac^hno tiquiro cahñiquiro yequina mari ijigū ihñano quehnoano yere marine. Sa yena tiquirore quehnoano yahuducuuhna.

⁷⁻⁸ Cristota ijire marine pecap^h wahaborinare y^hh^horiquiro. Mari ñañe yerire tiquiro cohāgū ihñano, Cohācjū pehe mari ñañene bore. Cristo mari ñañe buhirire yariaro tiquiro diire cohāhye. Marine tutuaro cahño, marine paja ihñano sa ye dutiahye Cohācjū. Tiquiro masi pehoye mehna sa ye dutiahye tiquiro. ⁹⁻¹⁰ Sa yero marine tiquiro yeatire marine masigū yeri. Panop^h apequinare tire masigū yerahye tiquiro. Ohō saha ijire marine tiquiro yeati: Tiquiro cahmediro sahata tiquiro t^hhoturiro sahata ijipih^htiyequinare ihcā curuata Cristo yequina ijigū yerota. Sa yero ijipih^htiyere tiquiro ye ijigū yerota. Tiquiro queori pje ijigū ^hhm^hse cjēnare, ahri

yehpa cjēna gāhare, ihcā curuata tiquiro yequina ijigū yerota. Sa yero uhmuse cjēne, ahri yehpa cjē gāhare tiquiro ye ijigū yerota. Sa yero Cristo pehe ijipihtiyequina pūhtoro ijirota. Sa ye ijipihtiyē tiquiro ye dihita ijirota. Sa ijiatiquiro iji dutiahye Cohācjū tiquirore.

¹¹ Sa yero Cristo yequina mari ijiatire masino panopū Cohācjū marine bese tuhasahye tiquiro yequina mari ijiatire. Ahri ijipihitiyere cūahye tiquiro tūhoturiro sahata, tiquiro cahmediro sahata yero taro.

¹² Sa yeahye tiquiro yere mari yeatire. Mari sa yegū ihñañe apequina tiquirore ño peoye, “Tutuagū ijire mūhū”, nine. Ūsā pehe judio masa Jesure cahme dūcarina ijina tiquirore wacū tutua mūhtarina ijii. ¹³ Mūsa gūhū poto yahuducuyereta quehnoañe buheyere tūhori. Ti buheye mehnata Cohācjū cahapū wahanata mūsa. Tire tūhona tiquirore wacū tutuari mūsa. Sa wacū tutuana tiquiro yequina wahari mūsa. Tiquiro yequinare ohō saha niahye Cristo: “Mū sare Espiritu Santore ohoutja”, ni yahu cūahye. Sa yero tiquirore mūsa wacū tutuagū ihñano Espiritu Santore ohori mū sare. Sa yero Espiritu Santo mūsa mehna ijiro Cohācjū yequina mūsa ijiye tiyere masigū yere tiquiro pehe. ¹⁴ Cohācjū marine yūhdūgū yere. Sa yero came tiquiro cahapū neanota ma-

rine. Marine tiquiro neato pano Espiritu Santo pehe Cohācjū yere mari cūoatire masigū yere marine. Cohācjū marine tiquiro sa yegū ihñana tiquirore ño peoye mehna “Quehnoagū ijire mūhū”, niaja mari.

Pablo Cohācjūre sini basahye Jesu yequinare

¹⁵⁻¹⁶ Cristore mūsa wacū tutuana ijigū ihñagū Cohācjūre sa sini basaducuaaja mū sare. Jesucristore mūsa wacū tutuarire, ijipihtiyequina tiquiro yequinare mūsa cahdire tūhogū Cohācjūre “Quehnoare”, niaja. Ohō saha tiquirore sini basaja mū sare: ¹⁷ Cohācjū uhmuse cjūno tiquiro yere mūsa quehnoano masiatire sini basaja. Sa yegū tiquirore mūsa quehnoano masiatire sini basaja mū sare. Tiquiro mari pūhtoro Jesucristo Pacūro ijire. ¹⁸ Sa yegū mūsa quehnoano masiatire mū sare sini basaja Cohācjūre. Tiquiro mū sare yūhdūoro, tiquiro yequina ijigū yeri mū sare. Tiquiro sa yegū quehnoa yūhdūare marine. Tire mūsa masiatire sini basaja mū sare Cohācjūre. Sa yegū marine tiquiro ohoatire quehnoa yūhdūaye ti ijigū gūhare mūsa masiatire sini basaja. ¹⁹ Ohō saha mūsa masiatire sini basaja mū sare Cohācjūre. Cohācjūre wacū tutuana mari ijigū ihñano tiquiro tutuaye mehna marine yedohore. Tutua yūhdūariquiro ijire. Ti gūhare mūsa masiatire sini

basaja Cohãcjüre. ²⁰ Ti tiquiro tutuaye mehna tiquiro Cristo yariariquirore masoahye. Sa yero uhmusepũ tiquiro pototo pehepũ Cristore dujigũ yeahye Cohãcjũ, ijipihtiyequinare tiquiro dutiato saha. ²¹ Topũ dujiro ijipihtiyequina uhmuse cjẽna pũhtoa bui, ijipihtiyequina apequina bui ijire Cristo. Sa yero yojopũre ijipihtiyequina ahri deco cjẽna bui pũhtoro ijire. Camepũ ijipihtiyequina ape deco cjẽnapũ gãhũre tiquina bui pũhtoro ijiatiquirota ijire tiquiro. ²² Sa yero ijipihtiyequina bui cũahye Cohãcjũ Cristore. Sa yero ijipihtiyere cœoriquiro yeahye tiquirore. Sa yero Cristo yequina ihcã curua ijiyequina bui pũhtoro sœahye tiquirore. Tiquina dapu ijire tiquiro pehe. ²³ Cristo yequina ihcã curuata ijina, tiquiro pagũ yero saha ijiaja. Cristo ijipihtiropũ sa ijiducure. Sa yero ijipihtiyequina bui bajumehnedi mehna sa ijiducure.

2

Cohãcjũ marine cahĩno, paja ihñano yũhdũoahye marine

¹ Ñañe buhiri tina, pecapũ butiborina mũsa ijiepegũta Cohãcjũ mũsare yũhdũori. ² Panopũre ahri yehpa cjẽna Cohãcjüre yũhdũocayequina yero saha yemedi mũsa. Sa yena watĩno tiquiro ni-diro saha yemedi mũsa.

Tiquiro watĩno ahri yehpapũ dutiriquiro Cohãcjüre yũhdũocayequina pũhtoro ijire. ³ Panopũre ijipihtina mari ohõ saha dihita yerina ijimi. Mari ñañe dihitare tutuaro cahĩmemi. Mari esa tuharo, mari tuhoturiro saha yemi. Sa yena ijina ijipihtiyequina apequina yero saha, mari gãhũ ñana ijimi. Mari sa yena ijigũ ihñano Cohãcjũ mari mehna usuaro, buhiri dahre duamahye. ⁴ Sa ye duariquiro ijieperota marine tutuaro paja ihñano, quehnoano cahĩdi marine. ⁵ Sa cahĩ yũhdũaro, mari ñañe buhiri pecapũ butiborina mari ijiepegũta marine tiquiro mehna sa ijiducuanaja ijigũ yeri. Cristo yequina mari ijigũ ihñano marine sa yeri. Marine paja ihñano, yũhdũori tiquiro marine. ⁶ Sa yero Cristo yequina mari ijigũ ihñano Cohãcjũ marine came tiquiro masoatinare cũri. Cristo tiquiro masoatinare cũri marine. Sa yena tiquiro mehna masa mũjanata mari. Sa yero uhmusepũ marine Cristo mehna ijigũ yerota Cohãcjũ. ⁷ Ohõ saha yeri marine tiquiro paja ihñarire, camepũ ijiatiquinare masigũ yero taro. Sa yeri tiquiro tutuaro cahĩñene tiquinare masigũ yero taro. Cristo yequina mari ijigũ ihñano sa yũhdũori tiquiro marine.

⁸ Cristore mari wacũ tutuagũ ihñano Cohãcjũ marine pecapũ wahaborinare yũhdũori. Marine paja

ihñano, marine cahño marine yuhdñori. Mari esa tuharo mari quehnoano yeye mehna Cohãcjũ cahapũ waha masiedaja mari. Cohãcjũ pehe marine yuhdñore. Sa yero tiqiro mehna mari sa ijiducuatire ohore marine. Tiquiro sa ohogũ mari esa tuharo quehnoañene mari yeri wapa ijierare ti. ⁹ “ Ûsã esa tuharo pecapũ wahaborina yuhdñũ, niboaga”, nino ohõ saha dutiahye tiqiro: Mari esa tuharo yuhdñ dutierare marine. ¹⁰ Cristo yequina ijigũ yeri marine Cohãcjũ pehe quehnoañe dihitare yeanaja mari ijiatire. Panopũ quehnoañene mari yeatire cũ tuhasahye tiqiro marine.

Cristore cñona mari quehnoano ijaja

¹¹ Sa yena panopũ mũsa ijie tirire yojopũ gãhũre wacũña mũsa. Cristo yequina ijieranina judio masa ijiena ijina mũsa acaye yero saha yerina ijimedi mũsa. Cuhnucunũ cahserogãre yũhre nedari mũsa. Mũsa sa yũhre nedagũ ihñana usã judio masa pehe cuhnucunũ cahserogãre yũhre nena pehe mũsare ihña tuhtina ohõ saha nie tii. “Cuhnucunũ cahserogãre yũhre neeñequina ijiye, Cohãcjũ yequina ijierare”, nie tii mũsare. ¹² Ti pjere Cristo yequina ijierari jimedi mũsa. Ûsã judio masa pehe Cohãcjũ beserina ijie tii. Ûsã sa ijigũ “Mũsare yuhdñoutja”, ni cũahye Cohãcjũ usãre. Sa yena mũsa pehe tiqiro sa

ni cũrina ijierari jimedi. Sa ye Cohãcjũ beseriquinare ihña tuhtina ijimedi mũsa. Mũsa ñañe buhirire pecapũ wahanaja ijiri jimedi mũsa. Cohãcjũ mariena ijina pecapũ waha, butiborina ijie tiri jimedi mũsa.

¹³ Yojopũ pehere Cristo Jesu yequina ijie mũsa. Panopũ Cohãcjũre ihña tuhtirina ijiepenata, yojopũre tiqiro yequina ijie mũsa. Cristo mũsa ñañe buhiri curusapũ tiqiro dii cohãri bato Cohãcjũ yequina ijigũ yeri mũsare. ¹⁴ Ûsãre judio masare ihña tuhtina mũsa ijigũ ihñano Cristo marine ihña tuhti dutierari. Masare sa ni yahuriqiro ijie tiqiro. Ûsã judio masa, judio masa ijiena mehna pũa curua mari ijigũ ihñano, tiqiro ihcã curuata ijigũ yeri marine. Mari cahme ihña tuhtirire duhugũ yeri tiqiro. ¹⁵⁻¹⁶ Ohõ saha tire yeri tiqiro: Mari ñañe buhirire curusapũ yariaro marine pecapũ wahaborinare yuhdñori. Sa yuhdñoro tiqiro yequina ijigũ yeri marine. Sa yero pũa curua mari ijiepegãta ihcã curuata wahma curua ijigũ yeri marine. Sa yero panopũ mari cahme ihña tuhtirina mari ijiepegãta marine ihña tuhtieragũ yeri. Sa yero judio masa usã dutiyere cohãri tiqiro. Ti dutiye marine pũa curua iji dutiri jimedi. Yojopũre ihcã curuata ijaja mari. Sa yero Cristo Cohãcjũ yequina ijigũ yeri marine.

¹⁷ Sa yero marine cahme

ihña tuhtieragũ yero taro Cristo quehnoañe buheyere yahuro ahtahye. Mũsa judio masa ijiena Cohãcjũ yere cœoerari jimedi. Mũsa sa cœoeragũ ihñano mũsare yahuro ahtahye. Ʋsã judio masa pehe Cohãcjũ yere cœou. Ʋsã gũhũre yahuro ahtahye. Sa yero ijipihtinare marine cahme ihña tuhtieragũ yero, bosaro ahtahye tiquiro. ¹⁸ Yojoþure ijipihtina mari judio masa, judio masa ijiena gũhũ mari Pacũ mehna quehnoano iji masiaja mari. Espíritu Santo tiquiro yedohoye mehna mari Pacũ mehna quehnoano iji masiaja mari. Cristo pehe marine sa ijigũ yeri.

¹⁹ Sa yena yojoþure ape dihta cjëna yero saha ijierare mũsa. Yojoþure Cohãcjũ yequinare ihña tuhtina ijierare mũsa. Cohãcjũ yequina mehna cjãna ijire mũsa. Tiquiro ya curua cjãna ijire mũsa. ²⁰ Cohãcjũ yere yahu mũhtariquina panopũ cjëna tiquiro ye yahuducuyere oja, mũsare yahue tiahye. Ʋsã gũhũ tiquiro yere yahu dutiro tiquiro cũrina gũhũ Cristo yere yahue tii mũsare. Ʋsã ijipihtina sa yahugũ tũhona, Cristore wacũ tutua dũcari mũsa. Quehnoa yũhdũariquiro, ñañe marieniquiro ijiro, tiquiro yequina ijigũ yeri tiquiro mũsare. Tiquiro mariedagũ mari ne yũhdũeraboya. ²¹ Sa yero tiquiro masiñe mehna ma-

rine tiquiro yequinare ihcã curua ijigũ yeri tiquiro. Sa yena tiquiro masiñe mehna quehnoana wahaja mari. Mari sa ijigũ ihñano, tiquiro mari mehna ijire. ²² Sa yena Cristo yequina ijina ijipihtiequina apequina tiquiro yequina mehna ihcã curua wahari mũsa gũhũ. Mũsa sa wahagũ Cohãcjũ yaquiro Espíritu Santo mũsa mehna ijiro nine.

3

Judio masa ijieyequinare quehnoañe buheyere yahuriquiro ijiahye Pablo

¹ Sa yegũ yũhũ Pablo, Cristo Jesu yere mũsare ijipihtina judio masa ijienare yũhũ yahuri buhiri perezupũ ijiaja yũhũ. ² Cohãcjũ yũhũre paja ihñano, yũhũre cahĩno, quehnoañe buheyere mũsare judio masa ijienare yũhũre yahu dutiro, cũri. Tire tũho tuhasari mũsa. ³ Panopũ mũsare tiquiro yahuerarire Cohãcjũ yojoþure yũhũre masigũ yeri. Ahrire mehenogã yahu, mũsare oja tuhasaũ. ⁴ Yũhũ sa ojarire buhena Cristo yere yũhũre tiquiro masigũ yerire masinata mũsa. ⁵ Ti tiquiro yahurire panopũ cjëna tiquiro yahuerahye. Yojoþũ pehere usãre Jesu cũrinare, Cohãcjũ yere yahu mũhtariquina gũhũre tiquiro yahurire masigũ yeri Cohãcjũ. Tiquiro yaquiro Espíritu Santo pehe usãre masigũ ye basari tiquirore.

6 Ohõ saha ijire tiqiro yahuri: Usã judio masa dihitare Cohãcjũ yũhdũoerare. Judio masa ijieyequina gãhũre yũhdũorota tiqiro. Quehnoañe buheyere tiquina quehnoano tũhogũ yũhdũorota tiqiro tiquinare. Sa yena usã judio masa, mũsa judio masa ijiena mehna ihcã pagũ yero saha ihcã curuata ijiaja mari. Sa yena mari ijipihntina Cristo Jesu yequina ijina ihcãno saha Cohãcjũ “Mũsare yũhdũoutja”, tiqiro ni cũriro sahata tiqiro yũhdũonohrina ijiaja mari.

7 Cohãcjũ yũhũre paja ihñano, yũhũre cahĩno ahri quehnoañe buheyere yahuacjũre yũhũre cũri. Tiqiro masiñe mehna sa cũri yũhũre tiqiro. 8-10 Ijipihntiyequina apequina Jesu yequina docapũ ijieyequina tiquina docapũ waro ijiaja yũhũ. Yũhũ sa ijiepegũta judio masa ijieyequinare quehnoañe buheyere yahuacjũre cũri Cohãcjũ yũhũre. Ti buheye Cristo quehnoa yũhdũariqiro tiqiro ijiyere, quehnoa yũhdũye tiqiro cũoyere tiqiro ohoatire yahure marine. Yũhũre sa cũno Cohãcjũ “Ohõ saha yũhdũoutja masare pecapũ wahaboriquinare”, nino tiqiro yũhdũoatire quehnoano yahu pehoacjũre cũri tiqiro yũhũre. Sa yero panopũ cjẽnare ti buheyere ne yahu pehoeraniahye Cohãcjũ. Ijipihntiyere bajumehnediqiro

ijire tiqiro. Yojopũre quehnoañe buheyere yahu dutiro cũri tiqiro yũhũre, tiqiro quehnoano masi pehoyere masigũ yero taro. Masi pehoriqiro tiqiro ijieye tiyere uhmũse cjẽna dutiyequinare, angele pũhũtoa gãhũre masigũ ye duahye tiqiro. Sa yero taro quehnoañe buheyere buhe dutiri marine Jesu yequinare. Mũsare judio masa ijienare yahu dutiri yũhũre.

11 Ahri yehpa ijiato panopũta “Masare pecapũ wahaboriquinare yũhdũoutja” niahye Cohãcjũ. Sa nidiqiro ijero yojopũre mari pũhũtoro Cristo Jesu tiqiro yariaro mehna tiqiro nidiro sahata marine yũhdũori Cohãcjũ. 12 Tiqiro sa yũhdũogũ yojopũre Cristore wacũ tutuana tiqiro yequina wahaja mari. Tiqiro yequina ijina cuero marieno Cohãcjũ mehna yahuducu masiaja mari. 13 Quehnoañe buheyere mũsare yũhũ buheri buhiri yojopũre peresupũ ijigũ yũhũ ñano yũhdũgũ ihñana bujua witieracãhña. Quehnoañe buheyere yũhũ yahugũ tũhona Cohãcjũ yequina wahari mũsa. Yũhũ sa yeri buhiri peresupũ ijiaja. Sa yegũ mũsa ye ijiatire ñano yũhdũgũ niaja. Sa yena bucueya mũsa. Tire tutuaro bucue dutiaja mũsare.

Cristo masare tutuaro cahĩne

14 Sa yegũ ahri ijipihtiye mari Pacũ tiquiro yerire wacũgũ tiquiro poto dũsepe curi mehna quehe sagũ sini basaja mũsare. 15 Tiquiro ijipihtiye cururi cjẽna, tiquiro yequina ahmũsepe ijiequina, ahri yehpapũ ijiniĩnequina gũhũ tiquina Pacũro ijire. Ijipihitina mari Pacũ ijire tiquiro. 16 Tiquirore ohõ saha ni sini basaja mũsare: Tiquiro masi pehoriquiro ijire. Tutua yũhdũariquiro ijire. Sa yero tiquiro masiĩne mehna mũsare quehnoano tiquiro wacũ tutuagũ yeatire sini basaja. Espĩritu Santo yedohoro mehna sa yerota.

17 Sa yegũ Cristore mũsa wacũ tutua nemoatire tiquiro mũsa mehna tiquiro quehnoano ijiatire sini basaja mũsare. Sa yegũ apeqinare quehnoano cahĩna mũsa ijigũ, Cristo tiquiro tutuaro cahĩĩene mũsa masiatire sini basaja mũsare. 18-19 Ijipihtiequina apeqina Cohãcjũ yequina gũhũ Cristo tiquiro tutuaro cahĩĩene tiquina masiatire sini basaja. Tiquiro ijipihitiequina masare cahĩ yũhdũariquiro ijire. Sa cahĩniquiro tiquiro ijieye tiyere mũsa quehnoano masiatire sini basaja mũsare. Sa yegũ tiquiro cahĩĩene mũsa masigũ cahmeaja mũsa mehna Cohãcjũ quehnoano ijiatire. Quehnoa yũhdũariquiro, ñaĩne marieniquiro tiquiro ijiro saha mũsa wahatire

tiquiro cahĩĩene mũsa masigũ cahmeaja. Sa yegũ tiquiro cahĩĩene mũsa masiatire sini basaja mũsare Cohãcjũre.

20 Sa ye Cohãcjũre ño peoye mehna “Tiquiro tutuariquiro ijire”, niĩhna mari. Tiquiro masiĩne mehna quehnoaĩne pehere comesa masine tiquiro marine. Marine quehnoana ijigũ ye masine. Mari sinidi yũhdũoro ye masine tiquiro. Mari cahmeĩene mari tũhoturi yũhdũoro ye masine tiquiro. 21 Cristo Jesu yequina mari ijigũ ihĩñaĩne, Cristo ijieye tiye gũhũre ihĩñaĩne, ijipihtiye decori ijipihtiequina Cohãcjũre ño peoahro. Sata yeahro.

4

Cristo yequina ijina ihcã curuata ijiaja mari

1 Sa yegũ mũsare tutuaro yahuaaja: Cohãcjũ tiquiro yequina ijiatinare mũsare besee tiahye. Sa yena tiquiro beserina ijina tiquiro iji dutiro saha quehnoana ijiaja mũsa. Tire mũsare yahuaaja yũhũ. Mari puhtorore yũhũ yedohori buhiri peresupũ ijiaja yũhũ. Sa ye mũsare quehnoana iji dutiaja. 2 “Ušã pũrita masi yũhdũdũcaja”, ni tũhotuna ijieracãhĩna. Apeqinare quehnoano mehna yeya usaro marieno. Mũsa mehna cjẽna mũsare tiquina ñano yepegũta tiquinare cahĩĩne mehna sa ihĩña cãhĩña. 3 Sa yena Espĩritu Santo yedohoye mehna quehnoano

mehna ihcāno mehna ijidu-
cuya m̄sa. Sa yena cahme-
queno marieno ijinata m̄sa.
4 Ihcā paḡu yero saha ihcā
curua ijiaja mari. Sa yero
Esp̄ritu Santo ihcāquirola
ijire. Cohācjū tiquiro yequina
ijianajare m̄sare besee
tiahye m̄sare ȳhd̄oro taro.
Sa yena tiquiro ȳhd̄oatire
masine m̄sa. Ti m̄sa masidi
ihcānota ijire. 5 Mari p̄h̄toro
Cristo ihcāquirola ijire.
Tiquiro buheye ḡh̄u ihcānota
ijire. Tiquiro yequinare
wame yeye ḡh̄u ihcānota
ijire. 6 Sa yero Cohācjū
ihcāquirola ijire. Tiquiro
ijipihtiyequina Pac̄ro ijire.
Sa yero mari p̄h̄toro ijire.
Sa yero ijipihtinare marine
yedohore tiquiro. Ijipihtina
mari mehna ijire tiquiro. Sa
yero ijipih̄tirop̄u ijire tiquiro.

7 Ihcā curua mari
ijiepeḡta ijipihtina marine
mari ye masiatire cūri Cristo.
Tiquiro cūriro sahata ye masi-
aja mari. Tiquiro marine
sa cūno apee borore tiquiro
sa oho cāriro saha yero nidi
tiquiro. 8 Sata nine Cohācjū
yere tiquina ojoari p̄p̄u:

Cohācj̄re ih̄na tuhtiyē-
quinare tiquiro
ȳhd̄ud̄ucari bato
tiquiro pari turi m̄jaa
waharota. Sa m̄jano
tiquiro peye sa oho
cānota masare, ni
ojoahye panop̄re.

9 “Tiquiro pari turi m̄jaa
waharota”, tiquiro niḡu
coā warore tiquiro dijia
tari ḡh̄ure mari masiaja.
Ahri yehpap̄re tiquiro dijia

tarire mari masiaja. 10 Sa
yero oh̄p̄re dijia tariquiro
tiquirota ijire m̄jaa wa-
hariquiro. Ijipihtiyē bui
m̄jaa wahari tiquiro, ijipi-
ht̄irop̄u ijiro taro. 11 Tiquiro
ijire “Masare peye sa oho
cāriquiro”, tiquina nidiquiro.
Masare tiquiro sa oho cāno
saha tiquiro peye tiquina ye
masiatire cūri masare.

Oh̄o saha cūri tiquiro:
Ihquēquinare Cristo ye
buheyere buheatiquinare
cūri. Apequinare Cohācjū
yere yahu m̄htatiquinare
cūri. Quehnoañe buheyere
buhe tiniatiquinare ape-
quinare cūri. Cristo yequina
cahmecoañequina p̄h̄toa
ijiatiquinare, quehnoano
buheatiquinare cūri ape-
quinare.

12 Sa dihita cūri ma-
rine apequinare tiquiro
yequinare mari yedohoat-
ire. Sa cūri marine tiquiro
yequinare tiquirore mari
wacū tutua nemoatire,
tutuana mari wahatire.
13 Sa yena mari ijipihtina
quehnoano mehna ihcāno
mehna ijinata. Sata ijiro
cahmene marine Cristore
wacū tutuana ijina. Sa
yena mari ijipihtina Cohācjū
mac̄nore quehnoano masi-
nata. Sa yena Cristo tu-
tuariquiro, quehnoano
masiniquiro tiquiro ijiriro
saha mari ḡh̄u quehnoano
masina wahanata.

14 Mari sa wahana
macanagā yero saha ijisi
mari. Macanagā quehnoano
tuho masiedar̄iaga. Apequina
tiquina buheḡu “Ahri poto

ijire”, ni tiquina ni meho buhegũ macanagã yero saha ijiyequina apeye buheyere tũho, beseducure. Sa ye apequina tiquina sijoro saha buhegũ ti buheye pehere cahmene. Tiquina yero saha ijisi mari.

15 Ohõ saha yematja mari: Mari mehna cjẽnare cahme cahña, poto quehnoañe buheyere yahumatja tiquinare. Sa yena macanagã tiquina bucua tũho masiñequina tiquina wahariro saha mari gũhũ tutuana, Cohãcjũ yere quehnoano masina wahanatja. Cristo ijiro saha wahanata.

Tiquiro ijire mari dapu. 16 Tiquiro yequina ijina tiquiro pagũ yero saha ihcã curuata ijiaya mari. Sa yena mari caperi, mari cahmo, mari dahpocãri ihcã pagupũ ti quehnoano ijiro saha mari gũhũ peyequina ijiepenata ihcãno mehna quehnoano ijiaya. Mari sa ihcãno mehna mari ijiatire Cristo yedohore. Mari omocari mari pagure ti quehnoano yedohoro saha mari quehnoano yedohojaja apequinare Cristo yequinare. Sa yena mari mehna cjẽnare Cristo yequinare quehnoano cahña, tiquinare quehnoano yedohona, tutuana Cristore wacũ tutua nemonã wahanata mari.

Cristo yequina wahana mari ñañe yeyere duhu, quehnoañe pehere comesaja mari

17 Sa ye mari puhtoro Cristo tiquiro dutiro mehna ohõ saha niitja mũsare: Cohãcjũre cahmeeñequina waro yero saha yeracãhña mũsa. Tiquina tũhotuye pehe ñañe dihita ijire. Sa ye tiquina tũhotuye dũhseati ijierare. 18 Sa yero Satana Cohãcjũ yere tiquinare tũhoeragũ yere. Sa ye tiquiro yere ne tũhoerare. Tũho duerare tiquina. Sa ye Cohãcjũ tiquiro quehnoano iji dutiro saha ijierare tiquina. 19 Sa ye tiquina ñano yeye ne bue tiera yũhdũare. Ne bujua witiere. Ñañene tiquina tutuaro cahmeñe dihitare yeducure. Ijipiitiye ti ñañene yeducuye duhu duerare. 20-21 Mũsa pehe poto tiquiro yere tũhona mũsa ijigũ, Jesu yere quehnoano masina mũsa ijigũ mũsa pehere tiquina yero saha ye dutierare tiquiro. 22 Sa yena panopũ mũsa yerire duhu cãhña. Ti pjere ñañene yeducuna mũsa ijigũ ti ñañe pehe mũsare dojomehneni nimesi. “Ñañene yena, quehnoano bucuenata”, ni tũhotuna ijiepenata ne bucuerari mũsa. 23 Sa ye mũsa tũhotuyere quehnoañe pehere comesaro cahmene mũsare. 24 Panopũ mũsa ñañe yerire duhu cãhña. Sa yena quehnoañe pehere comesarina ijiya mũsa. Ohõ saha ijiyequina Cohãcjũ yero saha ijire. Mũsa sa ijina, quehnoañene yeducunata. Sa yena ñañene yabinata

musa.

²⁵ Sa yena musa ni mehorire duhu cãhña. Musa mehna cjẽnare poto yahuya, ni mehono marieno. Mari ihcã pagu yero saha ihcã curua cjãnata ijina niaja. Sa yena musa basi ni mehoedacãhña.

²⁶ Apequinare usuana, tiquinare ñano yeracãhña. Sa yena usuana, ne yoari pje usuaducueracãhña musa.

²⁷ Yoari pje usuana, watino tiquiro cahmeno saha yena niaga musa. Sa yeracãhña.

²⁸ Ihquẽquina musa mehna cjãna Jesu yequina musa ijato pano yaquerina ijina pari turi yaqueracãhña. Sa yena yojopure quehnoano dahraya pejeyeyequinare musa ohoatire.

²⁹ Ne ñano yahuducueracãhña. Quehnoañene yahuducuna apequinare yedohore musa. Sa yena quehnoañe dihitare yahuducuya. ³⁰ Ñañene yena Espiritu Santore bujua witigũ yena niaga musa. Sa yeracãhña. Yojopure pihtiri deco pano Cristo marine tiquiro neato pano Espiritu Santo marine ihña ihbore marine ñañene ye dutieraro. Sa yero Cristo yequina mari ijiyere masigũ yere tiquiro marine. Sa yena tiquirore bujua witigũ yeracãhña.

³¹ Sa yena ne ñano ye nemoedacãhña. Usua, cahme duse tutua nemoedacãhña. Apequinare ñano ni sañuducu nemoedacãhña. Apequinare quitu dahre nemoedacãhña. Ne apequinare ñano ni tahotu

nemoedacãhña. ³² Sa ye musa mehna cjẽnare quehnoano mehna quehnoano yeya. Cristo yequina musa ijigũ ihñano musa ñañene bo cãhri Cohãcjũ. Ohõ saha apequina musare tiquina ñano yegũ ihñana tiquina ñañene bo cãhña musa gũh.

5

“Cohãcjũ pohnene ohõ saha ijiro cahmene”, ni yahuahye Pablo

¹ Sa ye Cohãcjũ pohna tiquiro cahñona ijina Cohãcjũre ihña cũña musa.

² Sa yena apequinare sa cahĩducuya. Cristo marine cahño, mari ñañe buhiri yari-ahye. Sa yariaro Cohãcjũre bucuegũ yahye tiquiro. Sa yena marine tiquiro cahĩdiro saha musa gũh apequinare cahña.

³ Sa yena Cohãcjũ yequina ijina ne numia mehna ñano yeracãhña. Numia gũh umua mehna ñano yeracãhña. Apeye ñañene ohõ saha ijie ñañene yeracãhña. Apee borore cahme yuhducueracãhña. Ne sa yeraro cahmene musare Cohãcjũ yequina ijina. ⁴ Sa yena buoyere cahme yahuducueraro cahmene musare. Tũho masieñequina yero saha yahuducueraro cahmene musare. Sa yena ñano ni bujuperaro cahmene musare. Ahri pehere yero cahmene musare. Cohãcjũ mehna yahuducuro cahmene musare. Sa yahuducuna tiquirore “Quehnoano yeri

mahu usäre”, nino cahmene.
 5 Apee borore cahme yuhduana, “Cohãcjũ ijire”, mari niñe queoyere mari cahmeno saha yena niaja mari tire. Doeri cjëne ño peoyequina yero saha yena niaja mari. Sa ye wana tiyequina, ñañe dihitare tuhoyequina, apee borore cahme yuhduayequina Cohãcjũ, Cristo mehna tiquina puhtoro ijiropu ne wahasi tiquina. Tire quehnoano masiaja mari.
 6 Ohõ saha yeyequina tiquina yeri buhiri buhiri dahrerota Cohãcjũ tiqiore yuhduayequinare. Sa yena apequina musare “Ahri ñañe ijierare”, tiquina ni mehogũ tuhoeracãhña. 7 Sa yena ohõ saha ñano ye yuhduayequinare ne piti tieracãhña.

8 Cristo yequina musa ijiato pano sa ijirinata ijimedi musa gãhu. Yojopu pehere tiqiore yequina ijina, Cohãcjüre quehnoano masine musa. Cohãcjũ yequina quehnoañene yere. Sa yena sa yero cahmene musare.
 9 Sa yena Cristo yequina ijina quehnoañene, Cohãcjũ cahmeñene, ni mehono marieno yeducunata musa.
 10 Quehnoañene mari yegũ ihñano mari puhtoro Cristo bucuere. Sa yena tire yeya.
 11 Cristore cahmeñequina ñañe tiquina yeye ñañe waro ijire. Sa yena tiquina yero saha musa pehe yeracãhña. Quehnoañe buheyere Cristo yere yahuya tiquinare. Sa

yena tiquina ñañe yeyere tiquinare masigũ yeya.
 12 Masa ihñenopu tiquina ñano ye cohtere. Tiquina sa yerire yahuducuna mari bue tiboaga. Sa yeye ña yuhduaro yere tiquina. 13 Sa yena tiquinare quehnoañe buheyere mari yahuna, ña yuhduayequina tiquina ijiyere masigũ yena niaja mari tiquinare. Ijipihtiyere mari yerire marine masigũ yere quehnoañe buheye, buhriore marine ti ihña masigũ yero sahata. 14 Ti ijirota ijire. Sa ye ohõ saha ni yahure Cohãcjũ yere yahuyequina:

Ne, yahure tuho duena, tuhoya musa. Musa ñañe yeyere bujua witi, tire duhuya. Cristo musa ñañe yeyere masigũ yerota, ni yahure.

15 Sa yena decoripe quehnoano yeya musa. Tuho masieñequina yero saha ijieracãhña. Tuho masina ijiya. 16 Yojopu cjëna masa ña yuhduaro yeducure. Sa yena musa pehe quehnoañene, Cristo yere sa yeducuya musa. 17 Sa yena tuho masiena ijieracãhña. Cohãcjũ cahmeñene quehnoano masiña. Sa yena tire yeya. 18 Sa ye pairure sihni queheracãhña. Queheyequinare ñano yuhduaro cua yuhduare. Sa yena pairure tutuaro cahmedacãhña. Espiritu Santo pehere tutuaro cahmeña musa mehna tiqiore quehnoano iji-

atire. Tiquirore quehnoano yuhtiya. ¹⁹ Sa yena m̄sa basi Cohãcjãre ño peo basayere cahme yahuducuya. Sa yena Salmore Cohãcjũ yere basayere, apeye tiquirore ño peo basaye gũhure tiquirore basa peoya m̄sa. Quehnoano wacũ ño peoye mehna basa peoya. Sa yena mari pũhtoro Cristore ño peoya. ²⁰ Cohãcjũ mari Pacũ ijipihiyere m̄sare tiquiro ohorire bucue “Quehnoare”, sa niducuya m̄sa tiquirore. Mari pũhtoro Jesucristo yequina ijina mari Pacure “Quehnoare”, sa niducuya m̄sa.

“M̄sa ihcã w̄h̄h̄ cjãna Jesu yequina ijina, ohõ saha yeya”, ni yahuahye Pablo

²¹ Sa ye m̄sa mehna cjẽnare cahme ño peoye mehna yuhtiya. Sa cahme ño peo yuhtina Cristo gũhure ño peona nine m̄sa.

²² M̄sa namosãnumiare yahutja yojopure. Mari pũhtoro Cristore mari yuhtiro saha m̄sa manusum̄sa quehnoano mehna yuhtina numia ijia. ²³ Jesucristo marine yuhdore tiquiro ya curua cjãna mari ijiatire. Sa yero mari tiquiro ya curua cjãna mari pũhtoro tiquiro ijiro saha m̄sa manusum̄sa m̄sa namosãnumia pũhtoa ijire. ²⁴ Sa yena Cristo yequina ijina tiquirore sa yuhtiducujaja mari. Sata m̄sa namosãnumia m̄sa manusum̄sare quehnoano yuhtiducuna numia ijia.

²⁵ M̄sa manusum̄sa pehere yahutja yojopure. Cristo marine tiquiro yequinare cahño, mari ye ijiatire yariahye. Sa yena marine tiquiro cahĩdiro saha m̄sa gũh̄h̄ m̄sa namosãnumiare quehnoano cahĩducuya.

²⁶ Cristo mari ye ijiatire yariahye mari ñaãe yerire cosero taro. Tiquiro buh-eye quehnoañe buheye mehna mari ñaãe yeyere cosere. Sa yero tiquiro yequina mari ijigũ ihñano aco mehna marine wame yere. ²⁷ Sa cosere marine tiquiro yequina ijanare yero taro. Tiquiro sa cosegũ ne ñaãe buhiri mariena ijinata, tiquiro ihñagũ. Sa yena quehnoana, Cristo yero saha ijinata. ²⁸ M̄sa namosãnumiare cahña, m̄sa basi m̄sa pagurire m̄sa cahño saha tiquina numiare cahña. Mari namonore cahña mari pagure cahña niaja.

²⁹⁻³⁰ Ne mari pagurire ñano wahagũ cahmedaja. Mari ihyayere ihyana quehnoano yena niaja mari pagurire. Cristo yequina ijina tiquiro pagũ yero saha tiquiro ya curua cjãna ijiaja mari. Sa yero marine quehnoano yere tiquiro. Sa yena Cristo marine tiquiro quehnoano yeriro sahata mari gũh̄h̄ mari pagure quehnoano yeaja. Mari namosãnumia gũh̄h̄re sata quehnoano yero cahmene marine. ³¹ Sata nine Cohãcjũ yere tiquina ojoari pũpũ: “Sa ye um̄no

tiquiro pacusummare wijiaro tiquiro namono mehna ijirota. Sa ye tiquina p̄aro ijiepetā ihcāquiro yero saha ijietā”, ni ojoahye panop̄. ³² Ahri tiquiro ojoarire apequina quehnoano t̄hoerari jiri. Sa yeḡu tire ohō saha ni yahutja m̄sare. Ohō saha ni yahuro niaga. “Cristo tiquiro yequina mehna ihcā paḡu yero saha ihcā curuata ijire”, ni yahuro niaga. ³³ Sa yeḡu m̄sare ohō saha ni yahu nemoutja tja: M̄sa pagurire m̄sa cah̄no saha m̄sa namos̄numiare cah̄ña. Sa yena m̄sa man̄summare quehnoano ño peoya m̄sa.

6

¹ Yojoḡp̄re macanaḡare yahutja. Mari p̄horo Cristo yequina ijina m̄sa pacusummare quehnoano yuhtiya. M̄sa sa yeḡu quehnoar̄ne. ²⁻³ Ohō saha niahye Coh̄c̄j̄ dutiye: “M̄sa pacusummare quehnoano ño peoya”, ni dutiahye tiquiro. Ahri dutiro mehna Coh̄c̄j̄ yahu nemoahye. Ohō saha niahye: “M̄sa pacusummare ño peona, ahri yehpap̄ yoari pje bucueye mehna ijinata m̄sa”, ni yahuahye. Tiquiro sa ni yahuḡu ahri dutiro ihyo ijiri dutiro ijierare. Sa yena tiquiro nidiro saha m̄sa pacusummare ño peoya.

⁴ Yojoḡp̄re tiquina pacusummare yahutja: M̄sa pohnare sa tuhtiducuerac̄h̄ña, “Usuaḡu yeari”, nina. Mari p̄horo Cristo tiquiro cah̄ñe mehna tiquiro

yedohoye mehna tiquinare quehnoano cohteya. Sa yena tiquinare quehnoano yahuya.

⁵ Yojoḡp̄re cahacj̄anare m̄sare yahutja: Cua pe-saro mehna, ño peoye mehna ahri yehpa c̄j̄enare m̄sa p̄htoare quehnoano yuhtiya. Ni mehono marieno quehnoano yuhtiya. Cristore m̄sa yuhtiro sahata tiquinare yuhtiya m̄sa.

⁶ Tiquina ih̄no dihitare yuhtina ijierac̄h̄ña. Sa yeyequina masa dihitare tiquinare ih̄ña bucueḡu cahmene. M̄sa pehe Cristo tiquiro cahacj̄ana m̄sa ijiro saha m̄sa p̄hota ḡh̄re sa yuhtiducuya. Coh̄c̄j̄ tiquiro cahmeno sahata quehnoano bucueye mehna yuhtiya. ⁷ Sa yena Cristore yuhtina m̄sa ijiro saha bucueye mehna yuhtiya m̄sa p̄hota ḡh̄re. “Masa dihitare yuhtina niaja”, ni t̄hotuerac̄h̄ña. ⁸ Sa yena ahrire wac̄ña: Ijipih̄tina quehnoañene mari yeḡu ih̄no Coh̄c̄j̄ quehnoano yerota marine. Cahacj̄enare, cahacj̄ena ijieyequina ḡh̄re quehnoano yerota.

⁹ Yojoḡp̄re p̄htoare yahutja: M̄sa cahacj̄enare quehnoano yeya. Tiquinare quehnoano yuh̄ ye dutiro sahata yeya m̄sa ḡh̄ tiquinare. Tiquinare tuhtiperac̄h̄ña. Ūhm̄se c̄j̄no Coh̄c̄j̄ potota tiquina p̄horo ijire. M̄sa yaquiro p̄horo ijire tiquiro ḡh̄. Sa

yena ijipihtina m̄sa tiqiro cahacj̄ana dihita ijire. Sa yero tiqiro ihc̄ano saha ihñare m̄sare ijipihtinare. Sa yena m̄sa cahacj̄enare tuhtiperac̄hña.

Cristo yequina wat̄nore tiquina cahmotarire yahuahye Pablo

¹⁰ Ahrire yahu bato tiitja m̄sare: Quehnoano wac̄u tutuana ijiya m̄sa. Mari p̄h̄toro Cristo m̄sa mehna ijire. Sa yena tiqiro ye masiñe mehna wac̄u tutuana ijiya. ¹¹ Wat̄no marine ni mehono, ñano ye dutire marine. Coh̄acj̄u marine cahmotare mari ñañene yeborire. Marine tiqiro cahmotaye surara tiqiro cahmotari suhtiro, come suhtiro yero saha ijire. Sa yena ti suhtirore m̄sa sañano saha Coh̄acj̄u tiqiro cahmotayere quehnoano c̄o pehoya. ¹² Jesu yequina mari ijiḡu, marine ihña tuhtiyequina masa waro ijierare. Ūhm̄se cj̄ena ijimediquina ñañequina, tutuayequina, tiquina pehe ijire marine ihña tuhtiyequina. Wat̄ia ahri yehpa cj̄ena p̄h̄toa ijire. Sa ye tiquina ḡh̄u ijire marine Jesu yequinare ihña tuhtiyequina.

¹³ Sa yena yojop̄are cahmotari suhtirore m̄sa sañano saha Coh̄acj̄u m̄sare tiqiro cahmotatire tiqiro yere quehnoano c̄o pehoya. Sa yena wat̄no m̄sare tiqiro ñano ye dutiḡu, m̄sare tiqiro ñano ye duaḡu, tiqirore cahmotanata. Sa

yena yuhd̄ud̄canata. Sa tiqirore yuhd̄ud̄cana, tutuana tojoanata m̄sa.

¹⁴ Sa yena tutuana ijiya. Coh̄acj̄u m̄sare tiqiro cahmotatire oh̄o saha yeya m̄sa:

Surara tiqiro come suhtiro mehna tiqiro jeripohnare cahmotariro saha poto yahuyere Coh̄acj̄u yere quehnoano tuhoya m̄sa wat̄nore m̄sa cahmotatire. Sa yena Cristo yedohoye mehna quehnoana ijiya m̄sa, wat̄nore m̄sa quehnoano cahmotatire.

¹⁵ Surara tiqiro dahpo suhti mehna tiqiro dahpoc̄arine tiqiro cahmotariro saha quehnoañe buheyere quehnoano masiña m̄sa, wat̄nore m̄sa cahmotatire. Ti buheye marine quehnoano ijiḡu yere.

¹⁶ Surara tiqiro tohoriro mehna tiqiro cahmotariro saha Cristore quehnoano wac̄u tutuaducuya m̄sa wat̄nore m̄sa cahmotatire. B̄eeye cj̄u mehna tiqiro sih̄a m̄sare tiqiro b̄edoqueboro saha wat̄no m̄sare ñano yeḡu ye duare. Sa yena Cristore quehnoano wac̄u tuana, cahmotanata m̄sa.

¹⁷ Surara tiqiro come sapea mehna tiqiro dapure cahmotariro saha m̄sare pecap̄u wahaborinare Cristo yuhd̄uorina ijiya m̄sa, wat̄nore m̄sa cahmotatire.

Surara tiqiro ñoseni p̄j̄i mehna tiqiro cahmotariro saha Coh̄acj̄u ye buheyere quehnoano masiña

musa, quehnoano musa cahmotatire. Sa yena apequnare quehnoano yahuya tiqiro yere. Ti Cohãcjũ ye buheyere Espiritu Santo marine yahure.

¹⁸ Sa musa watĩnore cahmotana Cohãcjũre decoripe sa siniducuya. Espiritu Santo yedohoye mehna sa siniducuya. Sa yena quehnoano wacũ masiña. Sa sinina, caributieracãhña. Ijipihtiyequina Cohãcjũ yequinare sa sini basaducuya. ¹⁹ Sa yena yũhũ gãhũre sini basaya Cohãcjũre. Ohõ saha ni sini basaya: Quehnoañe buheyere, panopũ tiquina masiedarire quehnoano yũhũ yahuatire sini basaya yũhũre. Sa yena cuero marieno yũhũ yahuatire sini basaya yũhũre. ²⁰ Cristo tiqiro yere yahu dutiro yũhũre ohori. Yũhũ sa yahuri buhiri peresupũ ijiaja yojopũre. Ohõpũ yũhũ ijiepegũta cuero marieno tiqiro yere yũhũ yahuatire sini basaya yũhũre. Tiquiro yere yahuacjũ ijigũta niaja yũhũ.

Pablo quehnoa duti bato tiahye

²¹ Yojopũre Tiquico musa cahapũ esaro yũhũ ijiye tiyere musare yahu pehorota. Tiquiro mari acayũro mari cahĩniquiro ijire. Sa yero mari pũhtoro yere quehnoano yedohoriquiro sa ijiducure. ²² Ûsã ijiye tiyere musare yahu dutigũ tiquirore ohogũ

niaja musa quehnoano bucueatire.

²³ Cohãcjũ mari Pacũ mari pũhtoro Jesucristo gãhũ tiquina mehna musa ijipihtinare usã acayere quehnoa dutiaja. Cristore musa quehnoano wacũ tutuaye mehna musa cahme cahĩatire Cohãcjũre sini basaja musare. ²⁴ Ijipihtiyequina mari pũhtorore Jesucristore sa cahĩducuyequinare Cohãcjũ mehna quehnoa dutiaja.

Filipenses

Peresupm ijiriquiro ahri pũre ojoa ohoahye Pablo

¹ Ymhm Pablo, Timoteo mehna Jesucristo cahacjãna ijiaja mšã. Sa yena ijipihtinare mšsare quehnoanare Jesucristo yequinare Filipo cjãnare quehnoa dutiaja mšã. Mšsare, mšsa pũtoa gũhure, mšsare yedohoyequina gũhure ojoa ohoaja ymhm, Pablo. ² Sa yena Cohãcjũ mari Pacm, mari pũhtoro Jesucristo mehna mšsare quehnoa dutiaja. Tiquina yedohoye mehna quehnoano ijiaja mšsa.

Pablo Jesu yequinare Cohãcjũre sini basahye

³⁻⁶ Cohãcjũ mšsare quehnoañe pehere comesagũ yero nine. Sa yero mšsare tiquiro sa ye dũcariro sahata sohtori dahrerota tiquiro. Sa yena Jesucristo ahri yehpapure tiquiro wihigũpũre ñañe mariena ijinata mšsa. Sa yena coã waropure Jesu yequina mšsa ijiri bato, yojopm gũhure yedohore mšsa ymhm quehnoañe buheyere ymhm buhegũ. Mšsa sa yegũ ihñagm Cohãcjũre “Quehnoare”, niaja ymhm. Mšsare wacũgm sa dihita niaja ymhm. Mšsare Cohãcjũre sini basagm, bucueye mehna sini basaja.

⁷ Mšsare ymhm sa tũhotugũ quehnoañe. Quehnoañe buheyere “Poto tjire”,

pũtoare ymhm tutuaro ni yahuducugũ mšsa ymhm yedohori. Poto ti buheye ijigũ ymhm tiquinare yahugũ mšsa ymhm yedohori. Peresupm ymhm ijigũ gũhure mšsa ymhm yedohori. Sa yero Cohãcjũ marine quehnoano yero, tiquiro ye buheyere cũri marine. Mšsa ymhm yedohori. Sa yena ti buheyere ymhm mehna mšsa buheboriro saha yena nine mšsa, ymhm yedohona. Sa yegm ymhm jeripohna mehna tutuaro wacũaja ymhm mšsare. ⁸ Jesucristo cahĩne mehna tutuaro mšsare wacũaja ymhm. Ymhm sa wacũgũ Cohãcjũ tire masine.

⁹ Mšsare ohõ saha ni sini basaja ymhm Cohãcjũre: Cohãcjũ yere quehnoano masiñe mehna, tũho masi pehoye mehna apequinare mšsa cahĩ nemoatire sini basaja ymhm mšsare Cohãcjũre.

¹⁰ Quehnoa ymhm yere mšsa masiati gũhure sini basaja mšsare. Mšsa sa masina Cristo ahri yehpapm tiquiro tojoa tagũ quehnoañene yena, ñañe buhiri mariena ijinata mšsa. ¹¹ Sa yena ijina Cohãcjũ cahmeñene yenata mšsa. Mšsare sa yegũ yerota Jesucristo pehe. Cohãcjũ quehnoa ymhmariquiro, tutuariquiro tiquiro ijiyere ihñono taro, ijipihtiyequina tiquirore tiquina ño peoatire tiquiro cahmeñene mšsare yegũ yerota.

Pablo Cristo yaquiro tiquiro ijiye tiyere yahuahye

12 Yuhū acaye, ahri yuhū niatire mūsa quehnoano masigū cahmeaja yuhū. Yojopure peresupū yuhū ijiepegūta quehnoañe buheye pehe sa uhmū tāducuro nine. 13 Sa ye Cristo yaquiro yuhū ijiri buhiri peresupū yuhū ijirire masi pihtire puhtoro ya wuhū cjēna surara. Ijipihtiequina apequina gūhū ohōpū ijiequina tire masine. 14 Sa ye peresupū yuhū ijigū ihñañe, peyequina mari acaye Jesu yequina mari puhtoro Jesure wacū tutua nemoñe nine. Sa wacū tutuaye, cuero marieno quehnoañe buheyere apequinare buhere tiquina.

15 Ihquēquina Cristo yere buheraboriquina ijiepetā yuhūre ihñā cooye, Cristo yere buhere apequinare tiquinare ihñā wahāgū cahmeñe. Apequina pehe quehnoano mehna Cristo yere buhere. 16-17 Quehnoañe buheyere yuhū tutuaro yahuatire Cohācjū yuhūre tiquiro cūrire quehnoano masine ahriquina pehe. Sa masiñe tiquina cahñe mehna Cristo yere buhere. Apequina pehe yuhūre ihñā tuhtie, masare tiquina pehere tiquina ihñā wahāgū cahmeñe, Cristo yere buhere. Sa ye peresupū yuhū ijigū tiquina yuhūre bujūna witigū ye duare. 18 Quehnoanota. Cristo yereta buheye nine. Tiquina Cristore potō cahñedapeta Cristo yereta buhere. Apequina pehe quehnoano mehna buhere. Ijipihtie-

quina tiquina tiquiro yere buhegū bucueaja.

19 Sa yegū sa bucueducugūta yuhū. Cohācjūre mūsa sini basari mehna Jesucristo yaquiro Espiritu yedohoye mehna Cohācjū yuhūre wiorota peresupū ijirigūre. Tire masiaja.

20 Ohō saha yeitja yuhū. Decoripe yuhū yeriro sahata yojopū gūhūre cuero marieno Cristo yere buheaja, masa tiquirore quehnoano tiquina ño peoato saha. Ohō saha ye duaja yuhū yerire yuhū buoro yuhdūerato saha. Catinigū waro ohō saha ye duaja. Tiquina yuhūre wejē duepegūta ohō saha ye duaja. 21 Catinigū Cristo yere yenigūta. Yariagupū pūrita ti yuhdūoro quehnoano tojoagūta yuhū. 22 Sa niepegūta catinigū Cristo yere yuhū ye nemoato saha cati nemo duaja. Sa niepegūta yariaye gūhūre cahmeaja. ¿Dise boro pehere yuhū cahmeboagari? Masiedaja yuhū. 23 Yuhū ohō saha ni yahuducugū mijorñe yuhūre. Cristo mehna tutuaro iji duaja. Sa yegū yojopure tiquiro cahapū waha duaja. Catiye yuhdūoro ahri pehe quehnoa yuhdūdcare. 24 Sa ijiepegūta mū sare yuhū yedohoato saha catinino cahmene yuhūre. 25 Tire masigū ohōpū mūsa mehna yuhū ijiniatire masiaja yuhū. Sa ijinigūta Cristore mūsa wacū tutua nemoatire, ti wacū tutuaye mehna mūsa bucueatire. 26 Ahri yehpapū ijinigū mūsa cahapū pari turi

yuhu wahagũ m̄sa bucuenata. Cristo Jesu yahure tiquiro yedohogũ masina, “Tutuagũ ijire m̄hu”, ni ño peonata m̄sa tiquirore.

²⁷ Yojoꝑure ahri dihitare yahutja m̄sare. Cristo ye buheye ti nidiro sahata ijiducuya m̄sa. Wacũ tutuana ijiya. Sa yena cahme tu waro marieno quehnoañe buheyere yahu tutuaya. Sata yuhu mariedagũ gũhure yuhu ijigũ gũhure m̄sa yegũ cahmeaja. Sa ijina m̄sa ijigũ tuhoo duaja yuhu. ²⁸ M̄sare ihña tuhtiyequinare cueracãhña. M̄sa sa cueragũ ihñañe Cohãcjũ yequina m̄sa ijigũ masieta tiquina. Sa masiñe pecapũ tiquina wahati gũhure masieta. Sa ye Cohãcjũ m̄sare tiquiro yuhduoati gũhure masieta. Ohõ saha masigũ yere Cohãcjũ masare. ²⁹ Cristore m̄sa wacũ tutuatire Cohãcjũ cūri. Ahri gũhure cūri. Cristo yere m̄sa yeri buhiri m̄sa ñano yuhduati gũhure cūri Cohãcjũ. ³⁰ Sa ye Cristo yequina m̄sa ijiri buhiri apequina m̄sare ñano yere. M̄sare tiquina yeriro saha yuhu gũhure ñano yere tiquina. M̄sa mehna yuhu ijigũ yahure tiquina sa yegũ ihñari m̄sa. Yojoꝑũ gũhure yahure tiquina sa yegũ tuhore m̄sa. Sa yena mari ihcãno saha ñano yuhduaja.

2

Cristo ihyo ijiriquiro sajãno, ijipihtiyequina p̄htoro

ijiatiquiro ijiahye

¹⁻² Cristo m̄sare quehnoano jeripohna tigũ tiquiro yegũ, Cristo tiquiro cahñe mehna m̄sa bucuena, yahure quehnoano bucuẽgũ yeya m̄sa. Sa yena Espĩritu Santo ijipihtina m̄sa mehna tiquiro ijigũ apequinare cahña, paja ihñana ijina, yahure quehnoano bucuẽgũ yeya m̄sa. Ahrire m̄sa yegũ bucuẽitja: Ihcãno mehna quehnoano jeripohna tiya m̄sa. Sa yena m̄sa basi cahme cahña. Quehnoano mehna ijiducuya. Sa yena ihcãno mehna quehnoano ijiya. ³ Apequinare yuhduaca dueracãhña. Sa yena sa tuhutu cãhña m̄sa. Sa yena apequinare quehnoano ño peo, ohõ saha ni tuhutuya: “Tiquina pehe yuhu yuhduoro quehnoañequina ijire”, ni tuhutuya. ⁴ Ihcãquiro apequinare yedoho dueraboaga. Tiquiro yero saha yeracãhña. Apequina gũhure yedohoya.

⁵ Cristo Jesu apequinare yuhduaca dueriquiro tiquiro ijiro saha m̄sa gũhu apequinare yuhduaca dueracãhña. ⁶ Tiquiro pehe Cohãcjũ waro ijieperota “Cohãcjũ mehna ihcãno saha ijigũ wijiasi yuhu”, ni tuhutuerahye tiquiro. ⁷ Sa yero tiquiro Cohãcjũ mehna ihcãno saha tiquiro ijiyere wijia, ohõꝑũ ahtaro masnota masa bajuaro tiquiro cahacjãno yero saha iji ducahye. ⁸ Sa yero

tiquiro masano ihcãno saha pagu tiquiro ijero, ihyo ijiriquiro waro wahahye. Sa waharo “Curusapu wejẽña tiquirore”, tiquina nigũ tiquiro yuhducaerahye. Curusapu yariatiquiro ijieperota tiquiro yuhducaerapuh.

⁹ Sa yero mari Pacu ijipihitiyequina tiquina ño peoatiquirore cũahye Jesure. Sa yero ijipihitiyequina apequina puhtoro sãahye Cohãcjũ tiquirore, ¹⁰ ijipihitiyequina ahmuse cjẽna, ahri yehpa cjẽna, yariariquina gũhu Jesu wamene tuhoyequina tiquina dusepe curi mehna quehe sa, tiquina ño peoato saha. ¹¹ Sa puhtoro sãahye tiquirore mari Pacu, “Jesucristo mari puhtoro ijire”, ijipihitiyequina tiquina niatiquirore. Sa niñe Cohãcjũre mari Pacure ño peoye nine.

Cristo yequina buhrioro yero saha ijiye, quehnoano masare yahu, masigũ yere

¹² Sa yena yuhu cahna, musa mehna yuhu ijigũ musa yuhtiducuriro saha, yojopu yuhu yoaropu ijigũ gũhure panopu musa yuhtiriro yuhduoro yuhtiya yuhure. Sa yena ijipihitina musa quehnoana ijina tana Cristo yedohoro mehna ñañene yeracãhña. Sa yena ño peoye mehna apepero marieno Cohãcjũ yere yeya. ¹³ Cohãcjũ quehnoañe pehere musare cahmegũ yero nine tiquiro cahmeno saha musa yeato saha. Sa yero tire musa yeatire yedohorota Cohãcjũ.

Tiquiro sa yedohogũ ti yuhu nidiro saha yeya musa.

¹⁴ Ijipihitiyere yena tuhtiro marieno, musa basi unureno marieno yeya. ¹⁵ Sa yeya musa ñañe buhiri mariena, ñañene yerarina Cohãcjũ buhri musa ijiatire. Sa yeya musa masa ni mehoñequina, ñañequina watoapu dojomehnenno marieno musa ijiatato saha. Tiquina ñañequina watoapu ijina, buhrioro ihña masigũ yero saha quehnoañe buheyere buhena, masigũ yere musa ahri yehpa cjẽnare. ¹⁶ Ti buheyere musa tuho ñehedi bato Cohãcjũ mehna sa ijiducuaana wahari musa. Ti buheyere ahri yehpa cjẽna pehere musa sa buhegũ ihñagu musa mehna bucueitja. Sa yegu musare yuhu buherire “Ihyo waro buherari ijii yuhu”, niitja yuhu. Sa yegu Cristo ahri yehpapu tiquiro tojoa tagũ musa mehna bucueitja. Sa yegu buoro yuhduci yuhu. ¹⁷ Cristore musa wacũ tutuagũ Cohãcjũ musa mehna bucuero. Tiquiro sa bucuegũ masigu musare Cristo yere yuhu buheri buhiri yuhure tiquina wejẽ duepegũta bucueitja. Sa yena mari ijipihitina ihcãno saha bucuenata. ¹⁸ Sata musa gũhure bucuero cahmene yuhu mehna, came yuhu sa yariagũ ihñana.

Timoteore, Epafrodito gũhure yahuahye Pablo

¹⁹ Mari puhtoro Jesu tiquiro cahmegũ sojaro

mehna Timoteore m̄sa cahap̄u oho duaja ȳh̄u m̄sa ijiye tiyere masiḡu t̄h̄u. Sa masiḡu bucueitja. ²⁰ Ijirota ijire. Timoteo m̄sa quehnoano ijiatire pajiro t̄hoture m̄sare. Apequiro tiquiro yero saha ijiriquiro mariedare ȳh̄u mehna. ²¹ Apequina pehe ijipihtiyequina tiquina cahmeñe dihitare ye duaye, Cristo Jesu tiquiro cahmeñe pehere ye duerare. ²² Timoteo pehe quehnoano yeriquiro tiquiro ijiyere masine m̄sa. Ȳh̄u mac̄u yero saha tiquiro ȳh̄u mehna quehnoañe buheyere yahue tiri. Sa yena us̄a ihc̄ano saha Cristo yere buhee tii. ²³ Sa yeḡu p̄h̄toa ȳh̄ure tiquina dahse yeatire masiḡu, Timoteore m̄sa cahap̄u oho duaja. ²⁴ Sa yeḡu mari p̄h̄toro Jesu yedohoye mehna sojaro mehna ȳh̄u ḡh̄u m̄sa cahap̄u wahañtja.

²⁵⁻²⁶ Ȳh̄ure yedoho dutina m̄sa Epafroditore oho ȳh̄u cahap̄u. Tiquiro ȳh̄u acaȳro ȳh̄u mehna dahrariquiro, ȳh̄u mehna cj̄ano, Coh̄c̄j̄u yere buhe tutuariquiro ijire. Tiquiro m̄sare tutuaro wac̄ue tiri. Sa yero tiquiro dohatirire m̄sa t̄hoḡu masino tiquiro pehe pajiro b̄j̄na witi t̄hoturi. Sa pajiro tiquiro t̄hotuḡu ihñaḡu “Tiquirore m̄sa cahap̄u oho majare tojoro cahmene ȳh̄ure”, ni t̄hotuaja ȳh̄u yojop̄re. ²⁷ Potota ijire. Tiquiro tutuaro dohatiri. Meheno yariabo cure ȳhd̄ari. Tiquiro

sa tutuaro dohatiepeḡata Coh̄c̄j̄u tiquirore paja ihñano, ȳhd̄uḡu yeri. Tiquiro yariaḡu ȳh̄u pehe tutuaro b̄j̄na witiboya. Sa yero Coh̄c̄j̄u ȳh̄u ḡh̄ure paja ihñari tiquirore ȳhd̄uḡu yero. ²⁸ Sa yeḡu yojop̄u p̄uritare sojaro mehna tiquirore m̄sa cahap̄u oho duaja pari turi m̄sa tiquirore ihña, m̄sa jeri saj̄ano quehnoano. M̄sa sa bucueḡu ihñaḡu ȳh̄u ḡh̄u bucueitja. ²⁹ Sa yena tiquirore Epafroditore mari p̄h̄toro yaquirore mari acaȳrore quehnoano bucueye mehna piti caya. Sa yena apequinare tiquiro yero saha ijiyequinare ño peoya. ³⁰ Tiquiro Cristo yere yedohomehno yariamedi. M̄sa pehe ȳh̄u cahap̄u ijieraḡu, ȳh̄ure yedoho masiedaḡu tiquiro pehe ȳh̄ure yedohomedi. Sa yero yariamedi tiquiro.

3

Quehnoano yeye warore yahuahye Pablo

¹ Yojop̄u p̄uritare ahrire yahutja. Mari p̄h̄toro yequina ijina bucueya. Ahri buheyere to pano ȳh̄u yahurire pari turi m̄sare ni ojoaḡu bucueaja ȳh̄u. Sa yeḡu m̄sare ahrire yahuḡu yedohoḡu niaja m̄sare. ² Quehnoano yeya m̄sa. Ñañene yeducueyequina, di-ayea yero saha ijiyequina ñañequina cuhnucun̄u cahseroḡare ȳh̄re ne dutiye,

masa pagurire yuhre ne duare. Quehnoano yeya masa, “Sa ye dutiyequina sijoro saha ni buheari”, nina. ³ Tiquina cuhnucunū cahserogāre yuhre nepeta Cohācjū dutiyere quehnoano yerare. Mari pehe potota Cohācjū dutiyere quehnoano yena ijiaja mari. Espiritu Santo tiquiro yedohoye mehna Cohācjūre ño peoaja mari. Sa yena Jesu yequina mari ijiyere bucueye mehna apequinare mari yahuaja. “Ūsā esa tuharo Cohācjū dutiyere ye peho masiaja”, ne ni tūhotueraja. ⁴ Sa ni tūhotuerapeguta “Tiquinare doca cū cjā”, tiquina yero saha nidigū ijigū sa tjiboa yuhū gūhū. Apequiro ohō saha ni yūhdūdcā duare. Yuhū pehe tiquiro yūhdūoro sa niboaga yuhū.

⁵ Ohō saha yerigū ijimi yuhū: Ocho decori yuhū masa bajuari bato cuhnucunū cahserogāre yuhre nedi jiri yuhūre. Israe masū ijigū Benjami ya curua cjā ijiaja yuhū. Yuhū pacusumūa hebreo masa tiquina ijigū potota hebreo masū warota masa bajuū. Cohācjū dutiyere potota peho duagu fariseo curua mehna sajāmi yuhū. ⁶ “Cohācjū ye ijiri”, nigū quehnoano yemi. Sa yegū Jesu yequina pehere ñano yee timi yuhū. Potota Cohācjū dutiyere yegū tire yūhdūdcāro marieno ye pehou.

⁷ Panopure “Ti quehnoañe

ijiri”, ni tūhotumi. “Ti yuhū sa ni tūhoturi panopū yuhū ijie tiri dūhseati ijierari”, ni tūhotuaja yojopure. Sa ni tūhotu dūcā yuhū Cristore wacū tutuagu tūhū. ⁸ Cristo Jesu yuhū pūhtorore yuhū masigū pūrita quehnoa yūhdūare. Sa yegū apeye pehere masa “Quehnoañe ijire”, tiquina nidire “Ti ijipihtiye dūhseati ijierari”, ni tūhotuaja yuhū. Tire ijipihtiyere duhu cūhū Cristore ye pehere yegū tūhū. Sa yegū tire yuhū cohārire “Ñañe waro ijire”, ni tūhotuu Cristore quehnoano masigū tūhū, tiquiro mehna cjā ijigū tūhū. ⁹ Sa yero yuhū esa tuharo quehnoano yuhū yeri wapa “Quehnoagu ijire”, ni ihñedare Cohācjū yuhūre. Sa yero Cohācjū dutiye Moiseri tiquiro cūrire yuhū yeri wapa gūhūre “Quehnoagu ijire”, ni ihñedare. Cristore yuhū wacū tutuari bato “Quehnoagu ijire”, ni ihñare tiquiro yuhūre. Cohācjū pehe marine buhiri mariena ijigū yere, tiquirore mari wacū tutuagū. ¹⁰ Sa yegū to pano yuhū ni tūhotu mūhtamedire duhu cjā Cristore quehnoano masigū tūhū. Cohācjū tutuaye mehna Cristo masa mūjahye. Ti tutuaye mehna iji duaja. Sa yegū ti tutuaye mehna quehnoañene ye duaja. Cristo curusapū yariahye mari ñañe yerire cohāno taro. Sa yegū tiquiro yere yuhū yeri buhiri tiquiro yero saha ñano yūhdū duaja yuhū

gũhu. ¹¹ Sa yegu Cristo tiquiro masa mũjariro sahata masa mũjacũ ijĩitja yũhu gũhu.

¹² Ahri ijipihtiyere sa nigu, “Cristo yero saha ñañe mariegu ijiaja”, ni tũhotueraja. Yũhu sa ni tũhotuerapegũta Cristo tiquiro yaquiro ijigũ ye tuhasari yũhũre. Sa yegu tiquiro yere tiquiro gũhũre quehnoano masi duagu tutuaro mehna tiquiro yere yeaja yũhu. ¹³ Yũhu acaye, “Tiquirore quehnoano masi peho tuhasaja”, ni tũhotueraja. Sa ni tũhotuerapegũta ahri pũritare yeaja: ¹⁴ Omaperiquiro tiquiro wapata duariro saha tutuaro yeaja yũhu, yũhu wapatarire yũhu ñeheatõ saha. Cristo yaquiro yũhu ijigũ ihñano Cohãcjũ ti yũhu wapatarire yũhũre ohoro taro umũsepũ pijiori yũhũre.

¹⁵ Ohõ saha yũhu tũhoturiro sahata tũhotuya mũsa gũhu Cristore quehnoano masina. Sa yero ahri mũsare yũhu yahurire mũsa tũho dueragũ, sijoro saha mũsa tũhotugũ Cohãcjũ mũsare quehnoano masigũ yerota. ¹⁶ Sa yena tiquiro yere mari masidire quehnoano ye sohtori tiihna.

¹⁷ Yũhu acaye, mũsa ijip- ihtina yũhũre ihña cũña. Sa yena apequina usã yero saha yeyequinare quehnoano ihña diho cũña mũsa tiquinare mũsa ihña cũato saha. ¹⁸ Peye tahari apequina tiquina ijiye tiyere yahuu yũhu mũsare. Yo-

jopũ gũhũre tutuaro bujũa witigu tiquinareta yahuaja mũsare. Tiquina Cristo curusapũ tiquiro yariari buheyere ihña yabiyequina ijire. ¹⁹ Tiquina pecapũ w- hatiquina ijire. Tiquina ñañe tutuaro cahmeñe pehere tutuaro ye duare tiquina. Sa ye tiquina bue tiboyere yeye, tire quehnoañe yero saha tũhoture tiquina. Ahri yehpa cjẽ dihitarẽ quehnoano tũhoture tiquina. ²⁰ Mari pe- here mari ya maca umũsepũ ijire. Sa yero topũta ma- rine yũhdũoatiquiro, mari pũhtoro Jesucristo ahtarota. Sa yena tiquiro ahtatire co- htena niaja mari. ²¹ Tiquiro ahtarõ mari pagũrĩre pe- jecũoye pagũrĩre sijoro saha ijiye pagũri dihita came- sarota tiquiro. Sa yero tiquiro ya pagũ yero saha quehnoari pagũre asi siteri pagũre ohorota marine tiquiro tutuaye mehna. Ijip- ihtiyequina pũhtoro sajãri tiquiro, tiquiro tutuaye mehna. Sa yero ijipihtiyẽ upũro ijire tiquiro ti tutuaye mehna.

4

Decoripe mari pũhtoro mehna bucueya

¹ Sa yena yũhu acaye, yũhu cahĩna, tutuaro yũhu wacũna, yũhũre bucuegũ yena, yũhu buhegũ quehnoano tũhorina, panopũ mũsa wacũ tutuariro saha mari pũhtorore tutuaro wacũ tutuaya mũsa.

2 Ahrire yahutja m̄sare Evodiare, Síntique ḡh̄ure: Jesu yequina numia ijire m̄sa. Sa yena cahme d̄use tutuaro marieno quehnoano mehna ijiducuya m̄sa. 3 M̄h̄u pehe potota ȳh̄u mehna cj̄u warota ijire. M̄h̄u ḡh̄ure yahutja: Tiquina numia ȳh̄u mehna, Clemente mehna, arequina ȳh̄u piti tiyequina mehna dahrari quehnoañe buheyere us̄a buheḡu. Coh̄ãcj̄u tiquinare ijipihtiyequina wamene ojoa oh̄ahye tiquiro ya tj̄up̄u. Ijipihtiyē decori catiyere tiquiro ohoriquina wamene tiquiro ojoa oh̄ori tj̄up̄u ojoa oh̄ahye. Sa yeḡu tiquina numiare bosaya m̄h̄u.

4 Decoripe mari p̄h̄toro mehna bucueya. Pari turita yahutja: Bucueya. 5 Quehnoano yeya ijipihtiyequinare. Mari p̄h̄toro Cristo ahtato mehenoḡa d̄hsare.

6 Ne buj̄ua witi t̄hotuerac̄h̄ãñã: Coh̄ãcj̄ure quehnoano yahu pehoya. Sa yena tiquirore siniña. Sa yena m̄sa sinidire tiquiro ȳhtiḡu ih̄ñana “Quehnoare”, niña tiquirore. 7 M̄sa sa yeḡu quehnoano ijiḡu yerota m̄sare Coh̄ãcj̄u. Tiquiro sa yeḡu quehnoa ȳhd̄are. Ahri mari quehnoano ijie quehnoa ȳhd̄are. Sa yero Cristo Jesu yequina mari ijiḡu marine quehnoano ijiḡu yero, Coh̄ãcj̄u marine quehnoano jeripohna tiḡu yerota. Sa yero buj̄ua witi t̄hotueraḡu yerota marine.

Quehnoañene t̄hotuya

8 Ahrire yahu bato tiḡu t̄h̄u niaja m̄sare, ȳh̄u acaye. Queoro ijiyere, masa tiquina ño peoyere, quehnoano yeyere, ñañe marieñene, bucueyere, masa “Quehnoañe ijire”, tiquina niñene t̄hotuya m̄sa. Quehnoa ȳhd̄aye ijiḡu tireta t̄hotuya. Masa quehnoañene ih̄ñañe tiquina bucueye pehere m̄sa ḡh̄u bucue t̄hotuya.

9 M̄sare ȳh̄u buheriro sahata sa yeducuya m̄sa. Sa yena ȳh̄ure ih̄ña c̄ñã m̄sa. M̄sa sa yeḡu Coh̄ãcj̄u m̄sare quehnoano ijiḡu yeriquiro m̄sa mehna ijirota.

Filipo cj̄ena Pablöre tiquina ohorire yahuahye tiquiro

10 Yojop̄u p̄rita yoari pje bato m̄sa pari turi ȳh̄ure wac̄na, m̄sa yedohoyere bucueaja. Sa bucueḡu mari p̄h̄toro Cristore “Quehnoare”, niaja. “Ȳh̄ure boaa wahari m̄sa”, niedaja ȳh̄u. Panop̄ure ȳh̄ure yedoho duepenata yedoho masiedari m̄sa. 11 Ȳh̄ure m̄sa yedohorire yahuḡu ȳh̄ure d̄hsarire m̄sare yahuu t̄h̄u niedaja. M̄sare apee borore cahmeḡu sa niḡu niedaja. Ȳh̄u c̄oye mehna iji masiaja ȳh̄u. 12 Apee boro c̄oeraḡu ḡh̄u quehnoano iji masiaja ȳh̄u. Sa yeḡu pajiro c̄oḡu ḡh̄u quehnoano iji masiaja. Decoripe uj̄ua ahbaḡu ḡh̄u d̄ucapoa wahaja. Yapiḡu ijiḡu ḡh̄u ijipoa wahaja. Pajiro c̄oḡu

gũhu ijipoa wahaja. Yũhure apee boro mariedagũ gũhure ijipoa wahaja. ¹³ Cristo yũhure tutuagũ yeriquiro mehna ijipihtiyere Cohãcjũ cahmeñene ye masi pehoaja yũhu. ¹⁴ Yũhu sa ijiporigũ yũhu ijiepegũta yũhu ñano yũhdũgũ mũsa yedohona yũhure quehnoano yeri mũsa.

¹⁵ Quehnoañe buheyere yũhu buhe dũcagũ Macedonia yehpau mũsa ya yehpau ijirigũ yũhu wahagũ mũsa dihita yũhure yedohori. Sa yedohona, mũsare yũhu buheri wapa mũsa wapa yero saha yena nidi mũsa. ¹⁶ Sa yena Tesalõnicau yũhu ijiri watoa yũhure yedohona, ihquẽ tahari ohori mũsa. ¹⁷ Apee borore sinigũ sa nigũ niedaja. Apequinare mũsa yedohogũ Cohãcjũ mũsare quehnoano yerota. Tiquirore mũsa yedohori wapa Cohãcjũ mũsare tiquiro quehnoano yegũ cahmeaja yũhu. Sa yegũ yũhure mũsa yedohorire wacũgũ yeaja mũsare. ¹⁸ Yojopũre yũhure quehnoano oho pehori mũsa. Yũhu cahmedĩ yũhdũoro ohori mũsa yũhure. Yũhure Epafrodito mehna mũsa ohori bato apee boro ne dũhsaerare yũhure. Cohãcjũ wũhũpũ ehme sitiyeere bue mũo, Cohãcjũre tiquina quehnoano bucuegũ yeriro saha yũhure mũsa ohori gũhu Cohãcjũre quehnoano bucuegũ yeri. ¹⁹ Mũsa Cristore wacũ tutuare. Sa yero ijipihtiyere mũsare dũhsarire

ohorota mari Pacũ mũsare, quehnoa yũhdũye tiquiro cũoyere. ²⁰ Ijipihtiyere decori mari Pacũre Cohãcjũre ño peouhna. Sata yeihna.

Pablo quehnoa dutiahye

²¹ Ijipihtiyequina quehnoañequina Jesucristo yequina quehnoahdo. Mari acaye gũhu Jesu yequina yũhu mehna cjẽna mũsare quehnoa dutire. ²² Ijipihtiyequina ohõ cjẽna quehnoañequina Jesu yequina quehnoa dutire. Roma cjẽna pũhtoro ya wũhu cjẽna pũrita tutuaro quehnoa dutire.

²³ Mari pũhtoro Jesucristo cahĩne mehna quehnoano ijiya.

Colosenses

Colosa cjēnare ojoa ohoahye Pablo gūh

¹⁻² Y^hh^h Pablo mari acay^hro Timoteo mehna m^hsare Colosa cjānare quehnoa dutiaja ^hsā. Y^hh^h Jesucristo yere buhe dutiro tiquiro cūrig^h ijiaja. Cohācjū cahmeno sahata Jesu y^hh^hare tiquiro yere buheacj^hre cūri. Sa yeg^h m^hsare ^hsā acaye Cristore wacū tutuaducunare ojoa ohoaja y^hh^h. Sa yena Cohācjū mari Pac^h mehna m^hsare quehnoa dutiaja. Sa yena tiquiro mehna quehnoano ijiya m^hsa.

Jesu yequinare Pablo sini basahye Cohācjūre

³⁻⁸ M^hsa ye ijiatire Cohācjūre sini basana “Quehnoare”, sa niducuaja ^hsā. Tiquiro pehe mari p^hh^htoro Jesucristo Pac^hro ijire. Ijipihtiye decori ^hhm^hsep^h m^hsare ijigū yerota Cristo pehe. Tiquiro sa yeatiquiro ijigū tire m^hsa sa cohteducu wame tire. Cristo Jesure wacū tutua wame tire m^hsa. Sa yena tiquiro yequinare cahī wame tire m^hsa. M^hsa sa iji wame tigū Cohācjū mehna bucue, tiquirore “Quehnoare”, niaja ^hsā. Ijipihtirop^hre Jesu yequina poto ijiye buheyere quehnoañe buheyere tiquina yahugū t^hhoye masa quehnoañe pehere came-sare. Ahrireta m^hsa gūh^hre Epafra quehnoañe buheyere

yahuri jiri. Tiquiro ^hsā tutuaro cahīniquiro ^hsā mehna Cristore dahra cohteriquiro ijire. Sa yero Cristo yere ne duhuerare tiquiro. M^hsare tiquiro sa yahugū t^hhona, duita quehnoano ye wame tire m^hsa. Sa yena Cohācjū m^hsare tiquiro cahīñene poto masina, duita quehnoano ye wame tire m^hsa. M^hsa sa yerire Epafra yahuri ^hsāre. Espiritu Santo yedohoye mehna Jesu yequinare m^hsa cahīñene yahuri tiquiro ^hsāre. Tiquiro sa yahugū t^hhona “Quehnoare”, niaja ^hsā Cohācjūre.

⁹ Sa yena m^hsare t^hhona m^hsare duita sa sini basaducuaja ^hsā Cohācjūre. Cohācjū cahmeñene m^hsa masi pehoatire tiquirore sini basaja ^hsā. Tiquiro yere quehnoano masina m^hsa ijiatire sini basaja ^hsā. ¹⁰ Sa sini basaja ^hsā mari p^hh^htoro Cristo cahmeno sahata quehnoano m^hsa yeatire. M^hsa sa yegū ihñano tiquiro bucuerota. Sa yena ijipihtiye quehnoañene m^hsa yeatire sini basaja. Cohācjūre m^hsa masi nemoatire sini basaja. ¹¹ Ahri y^hh^h yahuati gūh^hre sini basaja ^hsā. Cohācjū tutuaye mehna m^hsa tutuatire m^hsare sini basaja. Sa sini basaja ñano y^hh^hepenata m^hsa ihcāno sahatire. Ñano y^hh^hepenata m^hsa sa t^hhotu cātire, m^hsa bucueye mehna m^hsa sa ijiducuati gūh^hre sini basaja. ¹² Cohācjū tiquiro yequina ijianare marine yere. Sa yero

tiquiro ohoyere c̄oanajare yere marine tiquiro. Tiquiro ijirop̄a buhriorop̄a marine ohorota tiquiro. Tiquiro sa yegū ihñana tiquirore m̄usa “Quehnoare”, niatire sini basaja us̄a m̄sare.

¹³ Tiquirota marine pecap̄a wahaborinare ȳuhdugū yere. Panop̄are ti ñañene ye duhu masiedami mari. Ñariquiro pehe marine dutiriquiro ijinimedi. Cohācjū pehe marine pecap̄a wahaborinare ȳuhdugū yeri. Mac̄nore tiquiro cahñiquirore p̄htoro sōno uhm̄usep̄a marine ijigū yere. Sa yena tiquiro mac̄no mehna ijinata. ¹⁴ Tiquiro mac̄no mehna marine ȳuhdugore Cohācjū. Tiquiro mac̄no yariari mehna mari ñañe yerire bori Cohācjū.

Masa Cohācjū mehna tiquina cahme ihña tuhtigū ihñano Cristo bosahye

¹⁵ Mari Pac̄ore ihñamehnedare. Tiquiro mac̄no pehe tiquiro Pac̄oro ijiye tiyere ihñore masare. Tiquiro mac̄no ijipihitiyequina pano, ijipihitiye pano iji tuhasari jiri. Sa yero p̄htoro ijire tiquiro. ¹⁶ Mari Pac̄a tiquiro dutigū tiquiro mac̄no pehe tiquiro Pac̄oro mehna ijipihitiyequinare, ijipihitiyere bajumehneahye. Uhm̄usep̄a ijiyere, ahri yehpap̄a ijiye gūhare bajumehneahye. Mari ihñarire, mari ihñedari gūhare bajumehneahye. Uhm̄use cjēna p̄htoare, dutiyequinare ijipihitiyequinare bajumehneahye.

Tiquiro ijipihitiyequina gūhare ijipihitiye gūhare bajumehneahye. Sa yeye ijipihitiyequina tiquiro yequina ijiatiquina ijimahye. Ijipihitiye gūha tiquiro ye ijati ijimahye. ¹⁷ Ijipihitiyequina pano, ijipihitiye pano Cristo iji tuhasahye. Sa ye tiquiro tutuaye mehna ijipihitiye gūha, ijipihitiyequina gūha yojop̄are ijiye nine.

¹⁸ Mari tiquiro yequina ijipihitina tiquiro paḡa yero saha tiquiro ya curua cjāna ijiaja. Sa yero tiquiro mari dapu ijire. Tiquiro yariaro masa m̄aja m̄htariquiro ijire ijipihitiyequina p̄htoro, ijipihitiyere c̄oriquiro ijiro taro. ¹⁹ Cristo ihcāno sahata ijire mari Pac̄a tiquiro ijiro sahata. Tiquiro sa ijigūta cahmeahye mari Pac̄a pehe. ²⁰ Ijipihitiyequina masa tiquiro Pac̄ore cahme ihña tuhtie tiahye. Sa tiquina cahme ihña tuhtigū ihñano Cristo bosa duahye. Uhm̄use cjēnare, ahri yehpa cjēna gūhare tiquiro Pac̄ore ihña tuhtieragū ye duahye Cristo. Sa yero uhm̄use cjē, ahri yehpa cjē gūha quehnoano ijigū cahmeahye tiquiro. Sa bosa duahye tiquiro curusap̄a yariaro, tiquiro diire cohāno. Tiquiro Pac̄oro cahmediro sahata yeahye Cristo.

²¹ M̄usa gūhare sata yeri tiquiro. Tiquiro Pac̄ore ihña tuhtina tiquiro mehna cjāna ijieramahye m̄usa gūha. Ñañene yeri jimedi m̄usa. ²² Tiquiro yariari mehna

tiquiro Pacurore masare ihña tuhtieragã yeri tiquiro. Sa yeri tiquiro quehnoana, ñañe mariena, buhiri mariena masare ijigã yero taro. MUSA sa ijigã masare sa buhiri marienapure tiquiro Pacurore ohorota. ²³ Sata ohorota, MUSA tiquirore wacũ tutuaducugã. Sa yerota tiquiro quehnoañe buheyere MUSA tahorire MUSA boeragã. Ti buheyere quehnoañe buheyere ijipihtiequina ahri yehpapure ijiequina tahori jire. Sa yegu yuhũ gũhũ Pablo ti buheyereta yahuguta ijiaja.

Jesu yequinare yedohoriquiro ijiro, bucueahye Pablo

²⁴ Cristo mari ñano yeri buhirire ñano yuhduahye. Sa yegu yuhũ gũhũ masare yuhũ buheri buhiri ñano yuhdũgũ bucueaja. Sa ñano yuhdũgũ Cristo marine tiquiro cũrire ye sohtori tigũ niája. Sa yegu bucueaja. Cristo yere mari yeri buhiri mari ñano yuhdu nemoati dũhsarĩne. Sa yegu tiquirore MUSA wacũ tutu-atire ñano yuhdũgũ bucueaja yuhũ. Tiquiro pagũ yero saha ijina tiquiro ya curua cjãna ijire MUSA. ²⁵ Jesu yequinare yedohoacjũre cũri Cohãcjũ yuhũre. MUSA ye ijiatire yedohoacjũre yuhũre cũri tiquiro. Tiquiro yere masare yahu pehoacjũre cũri yuhũre. ²⁶ Tiquiro yere peye cũhmari panopũ cjẽnare yahu pehoera tiahye mari Pacũ. Yojopũ cjẽnare tiquiro yequinare

tire quehnoano yahu peho cãhre. ²⁷ “Judio masa ijieyequinare yuhũ buhegã yee buheye quehnoa yuhduare”, ni tiquiro yequinare tire yahuri. Panopũ tiquiro yahuerarire yojopũ yahuri. Ohõ saha ijire tiquiro ye: Cristo tiquiro yequina mehna ijire. Tiquiro sa ijigã tiquiro yequina uhmũsepũ quehnoa yuhduaropũ ijietã. Ti ijire panopũ tiquina masiedari mari Pacũ ye.

²⁸ Cristoreta yahuaja. Ijipihtiequinare cuesãgũ tiquinare buheaja yuhũ. Quehnoano masiñe mehna buheaja yuhũ quehnoano Cristore masare masigũ yegu tagũ. Sa buheaja yuhũ tiquiro yere tiquina quehnoano yeyequina ijigã yegu tagũ. ²⁹ Ahri ijire yuhũ dahraye. Mari Pacũ tiquiro ye tutuaye mehna yuhũre tiquiro ohori tutuaye mehna tutuaro dahraja yuhũ, tiquiro yere buhegũ.

2

¹ Ahrire MUSA masigũ cahmeaja. MUSA ye ijiatire, Laodicea cjẽna ye ijiatire, ijipihtiequina apequina ye ijiatĩ gũhũre tutuaro dahraja yuhũ. Ijipihntina MUSA yuhũre ihñena ye ijiatĩ gũhũre tutuaro dahraja yuhũ. ² Sa dahraja yuhũ MUSA quehnoano jeripohna tiatire. MUSA mehna cjẽnare MUSA cahme cahĩati gũhũre sa dahraja yuhũ. Cohãcjũ ye panopũ tiquiro yahuerari Cristore masigũ yeye

ijire. Tiquiro yere masina tiquirore wacū tutuare m̄sa. Tiquirore m̄sa quehnoano masiatire, tiquiro mehna m̄sa quehnoano iji-atire tutuaro yedohojaja m̄sare. ³ Apequina tiquina masiedarire Cristo dihita quehnoano masi peho cāhre. Sa yero quehnoano masiniquiro ijire tiquiro. ⁴ Ahrire niaja m̄sare “Apequina m̄sare sijoro saha tūho coaye buheye mehna ni mehoari”, niḡ. ⁵ Yūh̄ m̄sa watoa ijierapeguta yūh̄ wacūno mehna m̄sa watoa ijiḡ yero saha tūhotuaja. Sa yeḡ Cristore m̄sa quehnoano wacū tutuaducurire, m̄sa quehnoano yeri gūh̄re masiḡ bucueaja yūh̄.

⁶ Sa yena Cristore m̄sa wacū tutua d̄cariro sahata sata tiquirore wacū tutuaye mehna decoripe quehnoano ijiducuya. ⁷ Tiquirore quehnoano masina ijiya m̄sa. Sa yena decoripe tiquirore masi nemoña panop̄ m̄sare apequina tiquina buheriro sahata. Sa yena Cristore bucue, “Quehnoare”, niducuna ijiya m̄sa.

Cristo yequina ijina, quehnoañe pehere cahmeaja mari

⁸⁻¹⁰ Quehnoano yeya m̄sa. Masa tiquina esa tuharo tiquina buheye tiquina ni mehoñene tūhoeracāh̄ña. Tiquina panop̄ cjēna tiquina esa tuharo niñene buhere. Tiquina sa niñe d̄hseati

ijierare. Ūhm̄se cjēna pūhtoa yere, wat̄a ye gūh̄re sa buhe maca cāhre. Cristo ye pehere buherare. Cristo mari Pac̄ ijiro sahata ijiriquiro ijiro, Cohācjū warota ijirōta nine. Tiquiro yequina ijina Cohācjū mehna quehnoano ijiaja mari. Tiquirota ijip-ihtiyequina pūhtoa bui, angele pūhtoa bui gūh̄re pūhtoro ijire. Tire masina ni mehoñene buheyequinare tūhoeracāh̄ña. ¹¹ Sa yena Cristo yequina ijina cuhnucun̄ cahserogāre yūh̄re nediquina yero saha ijire m̄sa. Ti cahserogāre tiquina yūh̄re ne cohāriro sahata Cristo m̄sa ñañene tutuaro cahmeñene cohāri. ¹² Tiquiro yequina ijina wame yenohrina wahari jiri m̄sa. Tiquiro wame yenohrina wahana ohō saha ni ihñona nidi jiri m̄sa: Panop̄ cjē m̄sa ñañe yerire m̄sa duhurire ihñona nidi jiri m̄sa. Ti m̄sa ñañe yerire m̄sa ya cūboro saha tire duhuri jiri m̄sa. Cristo masa m̄jano quehnoanop̄ wahahye. Tiquiro sa wahariro sahata Cohācjūre wacū tutuana “Tiquiro tutuariquiro ijire”, nina, quehnoañe pehere comesari jiri m̄sa. Tiquiro Cohācjū pehe Cristore masoriquiro ijire. Tiquiro wame yenohrina ijina quehnoañe pehere m̄sa comesarire ihñona niaga m̄sa.

¹³ Panop̄re m̄sa ñana m̄sa ijiri buhiri pecap̄ wahaborina ijimahye m̄sa. Sa wahaborina ijimahye

masa Cohãcjũ yequina ijierana. Tiquiro dutiye mariena ijimahye masa. Yojopure mari Pacu marine tiquiro mehna sa ijiducuanare yeri. Cristo tiquiro yariari mehna sa yeri tiquiro marine. Sa yero ijipihtina mari ñaÑe yerire bo cãhri jiri tiquiro. ¹⁴ Cohãcjũ tiquiro dutiyere yuhduɖucana mari ijiepegũta tiquiro marine buhiri ti dutierari jiri. Ti dutiye marine buhiri dahre dutiepegũta ti dutiyere sa ihña cãhno, marine buhiri ti dutierari jiri. Cristo curusapu tiquiro yariari mehna Cohãcjũ pehe mari ñaÑe buhirire cohã cãhre. ¹⁵ Masa tiquina ihñonopu watia puhtoare Cohãcjũ yuhduɖucahye. Ihyo ijieyequina tojoa cãhye tiquina pehe. Sa yero tiquinare buoro wahagũ yeahye. Curusapu yariaro Cristo ñaÑequina puhtoare yuhduɖucahye.

Ɔhmuse cjẽne Cohãcjũ yere cahmeña

¹⁶ Sa ye apequina masa ihyayere, masa sihniÑe gũhure ihñaÑe masare “Buhiri tina ijire”, ni ihñaboaga. Tiquina sa ni ihñagũ sa ihña cãhña tiquinare. Cuhmaripe ijie decorire, asũripe ijie decorire, semanaripe ijie decorire bose decori masa yeragũ ihñaÑe masare “Buhiri tina ijire”, niboaga tiquina. Tiquina sa nigũ sa ihña cãhña tiquinare. ¹⁷ Panopu ti ihya dutiyere, bose decorire ye dutiyere,

apeye dutiye gũhure cũahye Cohãcjũ marine buhero taro. Ti dutiye mehna camepu tiquiro yeatire Cohãcjũ ye ihñono niahye. Cristo tiquiro ijie tiatire mehenogã ye ihñono niahye masare. “Tiquiro ohõ saha waharota”, nino sa ye ihñono niahye. Sa yeati ijimahye ti dutiye. ¹⁸ Ohõ saha nimene ti dutiyere ye dutiyequina. “Sijoro saha ijiyere bajuagũ ihñau usã”, niÑe, tiquina angelere Cohãcjũre tiquina ño peoboro saha ño peomene. Apequina masa yero saha tiquina ñaÑene tutuaro cahmeÑene tuhotumene tiquina. Sa ijieyequina ijie “Masi peho cjã usã”, ni tuhotumene tiquina. Sa yeye tiquina apequinare “Yuhduɖucaeraja”, niÑequina, sijoro saha yeeyequina yero saha ye ihñomene masare. Sa yeye masare tiquinare ihña cũ dutire. Tiquina sa dutigũ tiquinare sa ihña cãhña. ¹⁹ Sa yepeta Cristo tiquiro dutiro saha yeye niedare. Cristo pehe tiquiro yequinare dapu yero saha ijire tiquiro yequina puhtoro ijiro. Tiquiro yequina pehe tiquiro pagu yero saha ijieyequina tiquiro ya curua cjẽna ijire. Mari cohãri dohoye mari wa dari gũhu mari pagure ihcã pagu ijigũ yere. Sata Cristo pehe tiquiro yequinare ihcãno mehna quehnoano mehna ijigũ yere. Sa yero Cohãcjũ pehe tiquiro yequinare tiquirore masi nemogũ yere.

20 Sa ye Cristo yequina ijina ñañene ye duhurina ijire m̄sa. Sa yena ahri yehpa cjē ñañe buheyere cahmedacāhña. Ti buheye uhm̄sepu ijimediquina ñañequina puhtoā ye ijire. Sa yena ti buheyere cahmedacāhña. ¿Duhse yena masa tiquina esa tuharo dutiyere ño peoajari m̄sa?

21 Ohō saha ni dutire tiquina esa tuharo dutiyequina: Ahri borore ihyeracāhña. Ahri borore ne ihya tuhueracāhña. Ahri borore piheracāhña. Sata ni, dutire tiquina. 22 Mari apee borore ihyagū duita pihtia wahare. Sa ijiye borore pihtiyē borore tuhotuye nine sa dutiyequina. Tiquina sa dutigū ahri yehpa cjē dutiyē dihita ijire ti dutiyē. Masa tiquina esa tuharo tiquina buheye dihita ijire ahri buheye. Sa ye duhseati ijierare. 23 Ti dutiyere yeyequina Cohācjūre ño peoyequina yero saha ijimene. Sa ijiye apequinare yuhduḍucayequina yero saha ye ihñomene. Tiquina pagurire ñano yuhdagū yeye Cohācjūre ño peoyequina yero saha ye ihñomene tiquina. Tiquina sa yegū tiquina ye dutiyē pehe masi pehoyequina ye dutiyē yero saha ijimene. Sa ijierare. Ti dutiyere yepeta tiquina ñañene tutuaro cahmeñene duhuerare. Sa ye tiquina ye dutiyē pehe duhseati ijierare.

3

1 Sa yena Cristo yequina

ijire m̄sa. Panopu m̄sa ñañe yerire duhu, quehnoañe pehere comesari jiri m̄sa. Sa comesana ijina uhm̄se cjēne Cristo yere cahmeña m̄sa. Topure mari Pacu poto pehepu dujire tiquiro. 2-3 Uhm̄se cjē Cohācjū yere quehnoano tuhotuya m̄sa. Ahri yehpa cjē ñañene wacū nunhedacāhña m̄sa. Cristo yequina ijina ti ñañene wacū duerare m̄sa. Tiquiro pehe ti ñañene cahmotare. Sa yena tire wacū nunhedaro cahmene m̄sare. 4 Sa yena Cristo uhm̄sepu marine sa ijiducuatinare yeriquiro tiquiro ahtagū tiquiro mehna wahanata m̄sa. Sa wahana tiquiro mehna cjāna ijinata.

Cristo yequina mari ijiato panore ñañene yemi mari

5 Sa ye ñañene ye duhu cāhña m̄sa: Omoca duhterina gūhu, duhterarina gūhu wana tiyere, ña yuhduro yeyere, apequiro namonore tutuaro cahmeñene, apecoro manonore tutuaro cahmeñene, ñañene tutuaro cahmeñene duhu cāhña m̄sa. Apee borore tutuaro cahmedacāhña. Apee borore tutuaro cahmena “Cohācjū ijire”, tiquina niñe queoyere mari cahmeno sahata yena niaja mari tire. Doreri cjēne ño peoyequina yero saha yena niaga m̄sa. 6 Ti ñañene yeyequina Cohācjūre yuhduḍucayequina ijire. Tiquina sa ye yuhduḍucagū ihñano tiquinare buhiri dahrerota. 7 Panopure m̄sa pehe ti ñañene yena

ijina tiquina mehna ijrina
ijimahye m̄sa.

8 Sa ijimedina ijiepe-
nata yojop̄re ahri ñañene
duhu peho cãhña m̄sa:
Usuayere, apequinare ñano
ni t̄hotuyere, apequinare
ñano quitu dahreyere, ñano
yahuducuyere tire ijipi-
htiyere duhu cãhña. ⁹⁻¹⁰ M̄sa
pehe Jesu yequina wahana ti
ñañe yeyere duhu tuhasari
jiri. Sa yena quehnoañe
pehere comesarina ijire
m̄sa. M̄sare quehnoañe
pehere cahmegũ yero nine
Cohãcjũ tiquiro yero saha
m̄sa ijiato saha. Sa yere
tiquiro quehnoano tiquirore
m̄sa masiato saha. Sa
yena m̄sa mehna cjẽnare
ni mehoedacãhña. ¹¹ Cristo
yequina ijina judio masa,
judio masa ijiena gũh̄ ihcãno
saha ijire m̄sa, Cohãcjũ
ihñagũ. Cuhnucun̄ cah-
serogãre ȳhre nediquina,
ȳhre nedariquina gũh̄
Cristo yequina ijie ihcãno
saha ijire, Cohãcjũ ihñagũ.
Ape yehpa cjẽna, m̄sa
masieñequina, m̄sa ya
yehpa cjẽna gũh̄ Cristo
yequina ijie ihcãno saha
ijire, Cohãcjũ ihñagũ. Dahra
cohteyequina, dahra co-
hteyequina ijieyequina gũh̄
Cristo yequina ijie ihcãno
saha ijire, Cohãcjũ ihñagũ.
Jesu ijipihtiyequina tiquiro
yequina mehna ijire. Ihyo
ijiriquiro ijierare, tiquiro
yequina ihñagũ.

¹²⁻¹³ Sa ye Cohãcjũ bese-
rina, quehnoana, tiquiro
cahña ijina ohõ saha

ijiya m̄sa: Apequinare
paja ihñana, apequinare
quehnoano yena, ape-
quinare quehnoano mehna
yena, “Apequinare masi
ȳhd̄d̄caja”, niena, m̄sare
tiquina ñano yepegũta sa
t̄hotu cãna ijia m̄sa. M̄sa
mehna cjẽna mehna usuana,
tiquinare quitu dahrena,
m̄sa basi usua duhuya.
Mari p̄htoro m̄sa ñañe
yerire bori. Sa tiquiro boriro
sahata m̄sa gũh̄ m̄sa
mehna cjẽna m̄sare tiquina
ñañe yerire boya. ¹⁴ Ahri
dutiye ȳhd̄oro ohõ saha ni
dutiaja m̄sare: Apequinare
cahña. M̄sa sa yena
quehnoano ijipihtiyequina
mehna ihcãno mehna ijinata.
¹⁵ Cristo marine quehnoano
ijigũ yere unureno marieno
mari ijiato saha. Tiquiro sa
yegũ quehnoano ijia m̄sa
basi. Sa yeatinare tiquiro
yequina ijiatinare cũahye
mari Pac̄ m̄sare. Sa yena
Cristo paḡ yero saha ihcã
curuata ijire m̄sa. Sa ye
Cohãcjũre “Quehnoare”, ni
bucuena ijia m̄sa.

¹⁶ Cristo ye buheyere
quehnoano wacũducuya
m̄sa. Quehnoano masi
buheya tiquiro yere. Cua
pesaro mehna tire yahuya.
Sa yena Salmore Cohãcjũ yere
basayere, apeye tiquirore
ño peo basayere tiquirore
basa peoya. Quehnoano
wacũ ño peoye mehna basa
peoya. Sa basana tiquiro
yere quehnoano wacũña
m̄sa. Sa yena Cohãcjũre

“Quehnoare”, ni bucuena ijiya m̄sa. ¹⁷ Ijipihtiyere d̄hse ijiyere m̄sa yeyere quehnoano jeripohna ti yeya, mari p̄htoro Jesu tiquiro bucueato saha. Cristore ño peore m̄sa. Sa yena tiquirore ño peoye mehna quehnoañe dihitare yahuducuya. Sa yena Cristo yedohoye mehna Cohãcǵũ mari Pac̄re sinina “Quehnoare”, ni bucueya tiquirore.

Jesu yequinare ihcãno mehna iji dutiye ohõ saha ijire

¹⁸ M̄sa man̄ tina numia, m̄sa man̄sum̄are quehnoano ȳhtiya m̄sa. Sata yero cahmene m̄sare mari p̄htoro Cristo yequina numia ijina.

¹⁹ M̄sa namo tina, m̄sa namos̄numiãre cahĩña. Sa yena tiquina numiãre tuhtieracãhña.

²⁰ M̄sa tiquina pohna gũh̄, m̄sa pac̄sum̄are ȳhd̄d̄caeracãhña. M̄sa sa yegũ ihñano mari p̄htoro quehnoano bucuere.

²¹ M̄sa tiquina pac̄sum̄a gũh̄ m̄sa pohñare sa tuhtiducueracãhña “B̄j̄ma witiğũ yeari”, nina.

²² Cahacjãna, m̄sa p̄htoare ahri yehpa cǵenare quehnoano ȳhtiducuya. Tiquinare bucue dutina tiquina ihñonop̄ dihitare ȳhtina ijieracãhña. Tiquina mariedagũ gũh̄re ȳhtiya. Mari p̄htoro Cristore cua pesaro mehna m̄sa ihñano sahata quehnoano mehna ȳhtiya m̄sa p̄htoa gũh̄re.

²³ Potota Cristo yequina ijina quehnoano ȳhtire m̄sa tiquirore. Sa yena m̄sa p̄htoare ahri yehpa cǵenare ȳhtina, Cristore m̄sa ȳhtiro saha ȳhtinata nine m̄sa. Sa yena m̄sa p̄htoa tiquina dutiro sahata tutuaro mehna dahraya, Cristo ye dutiye ti ijiboriro saha. ²⁴ M̄sa sa yegũ Cristo m̄sare quehnoano yerota. “M̄sare ohoutja”, tiquiro niñene m̄sare ohorota mari p̄htoro. Tire masine m̄sa. Mari p̄htoro Cristo cahacjãna ijire m̄sa. Sa yero tiquiro pehe m̄sa p̄htoro waro ijire. ²⁵ Tiquina p̄htoare ȳhd̄d̄cayequinare buhiri dahrerota mari p̄htoro pehe. Sa ȳhd̄d̄cayequinare ihcãquiro d̄hsaro marieno ihcãno saha buhiri dahrerota tiquiro.

4

¹ M̄sa p̄htoa pehe, m̄sa cahacj̄enare poto queoro quehnoano yeya tiquinare. M̄sa gũh̄ p̄htorore c̄ore. M̄sa p̄htoro m̄sa c̄oriquiro pehe uhm̄se cǵãno ijire. ² Decoripe Cohãcǵũre siniña m̄sa. Quehnoano wacũ t̄hotu siniña. Sa yena “Quehnoare”, niña mari Pac̄re. ³⁻⁴ Ūsã ye ijiasi pehere sini basaya tja. Cristo yere apequina panop̄ tiquina masiedarire buhena niaja usã. Tiquinare usã quehnoano masigũ yeati pehere sini basaya mari Pac̄re. Cristo yere ȳh̄

buhari buhiri yuh̄u yojopure peresup̄u ijiaja. Sa yeḡu m̄usa sa sini basaḡu cahmeaja tiquiro yere yuh̄u quehnoano yahuatire. Cristo dutiriro saha yuh̄u yahuatī pehere sini basaya.

⁵ Jesu yequina ijieyequina mehna ijina quehnoano yeya m̄usa. Cristo yere yahuya tiquinare. Tiquina mehna m̄usa ijiro puno sata quehnoano yeya. ⁶ Tiquina mehna yahuducuna quehnoano bucucye mehna yahuducuya. Quehnoañe dihitare yahuducuya. Apequina m̄usare tiquina sinituḡu quehnoano masiña m̄usa yuhtiatire.

Quehnoa duti bato tiahye Pablo

⁷ Tiquico mari acayuro Jesu yaquiro ijire. Tiquiro yuh̄u ijiye tiyere m̄usare yahurota. Tiquiro mari cah̄niquiro ijire. Cristo yere buhero, us̄a mehna dahrariquiro ijire. Sa yero Cristo yere ne duhuerare tiquiro. ⁸ M̄usa cahap̄u tiquirore ohou yuh̄u us̄a ijiye tiyere m̄usa masino quehnoano. Tiquirore ohou yuh̄u m̄usare bucueḡu yeatiquirore. ⁹ Onésimore mari acayurore m̄usa cahap̄u ohou. Tiquiro ḡuh̄u Cristo yere ne duhuerare. M̄usa mehna cj̄ano ijire. Tiquina pur̄o us̄a oh̄ore dahse yuh̄urire yahuetā m̄usare.

¹⁰ Aristarco peresup̄u ijiriquiro yuh̄u mehna cj̄ano m̄usare quehnoa dutire. Marco ḡuh̄u quehnoa dutire.

Tiquiro Bernabé basuriro ijire. Tiquirore yahu tuhasa m̄usare. M̄usa cahap̄u tiquiro esaḡu quehnoano mehna tiquirore piti caya. ¹¹ Jesu “Justo”, tiquina ni pisuriquiro quehnoa dutire tiquiro ḡuh̄u. Ahriquina ihtiarota yuh̄u mehna dahrayequina judio masa waro ijire. Judio masa waro tiquina dihita Coh̄c̄j̄u yere yuh̄u mehna buhere. Sa buheaja us̄a Coh̄c̄j̄u yequina masa wahatire, Coh̄c̄j̄ure tiquina puhtoro tiatire. Tiquina yuh̄ure quehnoano yedohoriquina ijire. ¹² Epafrā m̄usa mehna ijiriquiro m̄usare quehnoa dutire. Tiquiro Cristore dahra cohteriquiro ijire. Coh̄c̄j̄ure sinino, m̄usa ye ijiatire tutuaro sini basaducuro nine tiquiro. Coh̄c̄j̄ure quehnoano wac̄u tutuaducuatiquinare, tiquiro cahmeno saha yeatiquinare m̄usa ijiatire sa sini basaducuro nine tiquiro Coh̄c̄j̄ure. ¹³ Tiquiro m̄usa ye ijiatire tutuaro sini basare. Laodicea cj̄ena ye ijiatire, Hierapoli cj̄ena ye ijiati ḡuh̄ure tiquiro tutuaro sini basare. Tiquiro sa yeriquiro ijiḡu ih̄n̄agu m̄usare yahuḡu niaja. ¹⁴ Duturu Luca mari cah̄niquiro m̄usare quehnoa dutire. Dema ḡuh̄u quehnoa dutire.

¹⁵ Quehnoahdo mari acaye Jesu yequina Laodicea cj̄ena. Ninfa ḡuh̄u quehnoahdo. Jesu yequina ticoro ya wuh̄ap̄u cahmecoañequina ḡuh̄u quehnoahdo. ¹⁶ Ahri

pũre yũhũ ojoa ohori pũre mũsa mehna cjẽnare mũsa buhe tuhasari bato Laodicea cjẽna gũhũre ohoya. Sa yena tiquinare Laodicea cjẽnare yũhũ ojoa ohori pũre mũsa gũhũ buheya. ¹⁷ Sa yena ohõ saha niña Arquipore: “Mari pũhtoro Jesu yaquiro mũhũ ijigũ tiquiro yere buheacjũre cũri mũhũre. Tiquiro sa cũgũ quehnoano buhe sohtori tiya mũhũ”, niña tiquirore.

¹⁸ Yũhũ Pablo, yũhũ omoca mehna ahrire ojoaja. Mũsare quehnoa dutiaja yũhũ. Peresupũ yũhũ ijiyere wacũ, sini basaya mũsa Cohãcjũre. Quehnoano ijiya mũsa. Cohãcjũ cahĩne mehna mũsare quehnoa dutiaja.

1 Tesalonicenses

Pablo ojoa ohoahye Jesu yequinare Tesalónica cjēnare

¹ Y_hh_h Pablo, Silvano, Timoteo gū_h m_hsare quehnoa dutiaja. Sa yeg_h ahrire m_hsare ojoa ohoaja y_hh_h, Pablo. M_hsa pehe Tesalónica cjāna mari Pac_h Cohācjū yequina ijire. Mari p_hhtoro Jesucristo yequina gū_h ijire m_hsa. Sa yena Cohācjū mari Pac_h, mari p_hhtoro Jesucristo mehna m_hsare quehnoa dutiaja. Tiquina yedohoye mehna quehnoano ijiya m_hsa.

Jesu yequina Tesalónica cjēna pehe Jesure quehnoano wacū tutuahye

² Cohācjūre sinina ijipih_htiyequina Jesure m_hsa wacū tutuayere wacūna, “Quehnoa y_hh_hare _hsāre”, niducuaja _hsā m_hsare. Cohācjūre sinina, m_hsa ye ijiatire sa sini basaducuna niaja _hsā.

³ M_hsa pehe Jesucristore quehnoano wacū tutuañohti. Sa wacū tutuana, Jesu yere yeñohti m_hsa. Jesucristore, apequina gū_hare m_hsa cahñohti. Sa cahña, Jesu yere tutuaro yena niaga m_hsa. Jesucristore mari p_hhtorore wacū tutuaducūñohti m_hsa. Sa wacū tutuaducuna m_hsare tiquiro y_hh_hoatire masina, tire cohtena niñohti m_hsa. Sa yena tiquirore wacū tutua duhuerāñohti m_hsa. Cohācjū mari Pac_hre sinina, tire m_hsa

sa yerire wacūaja _hsā. ⁴⁻⁵ _hsā acaye, Cohācjū cahñona ijire m_hsa. M_hsare tiquiro beserire masiaja _hsā. Sohō ijiri p_he m_hsare quehnoañe buheyere buhena sa yahu cāna nied_h m_hsare. Espiritu Santo tiquiro tutuaye mehna quehnoañe buheyere buhena nii m_hsare. Sa buhena ti buheye poto ijigū quehnoano masii _hsā. Sa yena m_hsa watoa _hsā ijina, _hsā yerire masine m_hsa. M_hsare yedohona sa yei _hsā. M_hsare buherina ijina, Cohācjū beserina m_hsa ijigū masiaja _hsā.

⁶ Sohō ijiri p_hep_hre m_hsa ñano y_hh_hna, quehnoañe buheyere cahmedi m_hsa. M_hsa sa cahmegū, Espiritu Santo pehe m_hsare quehnoano bucuegū yeri. Tiquiro sa yegū m_hsa pehe _hsāre ihña cū, _hsā yeriro sahata yeri. Sa yena Jesu gū_hare ihña cūri m_hsa. ⁷ Sa ye Jesu yequina Macedonia yehpa cjēna, Acaya yehpa cjēna gū_h Jesu yere m_hsa yerire masidi. Sa masiñe tiquina gū_h m_hsare ihña cū, m_hsa yeriro sahata yeri. ⁸ Macedonia yehpa cjēna, Acaya yehpa cjēna gū_h mari p_hhtoro yere m_hsa buhegū t_hhooñohti. Cohācjūre m_hsa wacū tutuarire t_hhoriquina pehe tiquina dihita ijierare. Ijipih_htiro cjēna m_hsa wacū tutuarire t_hhooñohti. Sa ye _hsā tiquinare yahuerapegūta tire masi tuhasari tiquina. ⁹ Sa ye m_hsa cahap_h _hsā tini-dire, _hsāre m_hsa quehnoano

piti carire yahuri tiquina ijipihtiro cjēnare. Sa yena Cohācjū pehere wacū tutuana, “Cohācjū ijire”, ni m̄sa ño peoye queoyere cohā cāri m̄sa Cohācjū ye pehere yena tana. Tiquiro Cohācjū pehe catiriquiro, Cohācjū waro ijire. ¹⁰ Sa ye “Cohācjū mac̄nore uhm̄sepu ahtatiquirore Tesalónica cjēna cohteye nine”, ni yahuri masa m̄sare. Tiquiro mac̄nore yariariquirore Cohācjū masoahye. Tiquiro sa masogū tiquiro mac̄no Jesu pehe marine ña yuhd̄uaro tiquiro buhiri dahreborinare yuhd̄uori jiri.

2

Tesalónica wame tiri macapu tiquiro dahrarire yahuahye Pablo

¹ M̄sa cahapu ijina usā sa iji cāna nieda tii. M̄sare quehnoano yedohorina ijie tii usā. Tire quehnoano masine m̄sa, usā acaye. ² Sa yena Filipopu ijina ñano usā yuhdurire, usāre ñano tiquina yerire quehnoano masine m̄sa. Usāre tiquina sa yepegūta Cohācjū yedohoye mehna cuero marieno Cohācjū yere quehnoañe buheyere buhei usā m̄sa gūhare. Usāre masa peyequina tiquina ihña tuhtiepegūta quehnoañe buheyere buhei usā m̄sare. ³ M̄sare buhena quehnoano usā masidire buhei usā m̄sare. Sa buhena potota m̄sare yedohona nii. M̄sare buhena ni mehoed̄u.

⁴ Cohācjū cahmeno saha buheaja usā. Quehnoañe buheyere buheanare Cohācjū beseri usāre. Tiquiro sa beserina usā ijigū tiquiro ye buheyere usā buhegū quehnoarīne, Cohācjū ihñagū. Sa yena ohō saha buheaja usā. Masa tiquina ihña bucueatire buhena niedaja usā. Cohācjū pehe usāre tiquiro ihña bucueatire tiquiro yere buheaja usā. Tiquiro pehe mari tuhutuyere, mari ye duayere quehnoano masine. ⁵ Quehnoañe buheyere buhena t̄ho bucueati yahuducuye mehna buhena niedu. Queoro quehnoano mehna buhei usā m̄sare. Ahrire masine m̄sa. Sa yena usā buhena, m̄sare apee borore wapa cahmena niedu usā. Ahrire Cohācjū masine. Potota nigū niaja. ⁶ Sa buhena masa usāre tiquina ño peoatire yena niedu usā. M̄sare apequina gūhare usāre ño peo dutina tana niedu.

⁷ Sa ño peo dutierapenata Cristo cūrina ijiaja. Sa tiquiro cūrina ijina m̄sare wapa cahmeboya usā. Sa yena puhtoa yero saha m̄sare dutina ijiboya usā. Sa ijiepenata numino ticoro nijinogāre ticoro quehnoano masoriro saha quehnoano mehna yei usā m̄sare. ⁸ Sa yena m̄sare quehnoano cahmena, Cohācjū yere quehnoañe buheyere buhei usā m̄sare. Sa yena ti dihitare yena niedu m̄sare. M̄sare quehnoano yedo-

hou, usã catinina. Usã cahĩna m̄usa ijigũ m̄usare sa yedohou usã. ⁹ Sa m̄usare cahĩna tutuaro yedohou usã m̄usare. Tire wacũre m̄usa, usã acaye. Cohãcjũ yere quehnoañe buheyere buhena m̄usa c̄oyere sini cariboeru m̄usare. Sa yena decori, ñamini gũhure dahrau usã.

¹⁰ Quehnoano, potu, ni mehono marieno m̄usare Jesu yequinare usã yerire masine m̄usa. Cohãcjũ gũhu tire masine. ¹¹ Sa yena ihcãquiro masuno tiquiro pohnene tiquiro quehnoano yahu bucuegũ yeriro saha m̄usa gũhure yahuna bucuegũ yei. Tire masine m̄usa. ¹² Cohãcjũ tiquiro puhtoro ijiropu, quehnoa yuhduaropu m̄usare pijiori. Sa yena tiquiro yequina m̄usa ijigũ Cohãcjũ cahmediro sahata m̄usare iji dutii usã.

¹³ Cohãcjũ yere m̄usare usã yahurire m̄usa tuhona, ohõ saha ni tuhaturi m̄usa: "Masa tiquina esa tuharo tiquina buheye ijierare. Cohãcjũ ye buheyeta ijire", ni tuhaturi m̄usa. Tire m̄usa tuhotugũ masina bucueaja usã. Sa yena Cohãcjũre sinina "Quehnoare", ni aja usã tiquirore. Ijirota ijire. M̄usare usã buheye Cohãcjũ yahuducuye potu ijirota nine. Sa yero m̄usa Jesure wacũ tutuana ijigũ Cohãcjũ tiquiro ye buheye mehna m̄usare quehnoañe pehere came-sagũ yere. ¹⁴ Jesucristore

wacũ tutuayequinare Judea yehpa cjẽnare tiquina yeriro saha m̄usa gũhure yeri apequina. Judea yehpa cjẽna Jesu yequina pehere tiquina acaye ijiepeta ñano yuhdugũ yeri judio masa pehe. M̄usa gũhure m̄usa ya dihta cjẽna ñano yuhdugũ yeri. ¹⁵⁻¹⁶ Judio masa pehe Cohãcjũ yere yahu m̄uhtariquinare panopu cjẽnare wejẽe tiahye. Sa ye mari puhtoro Jesu gũhure wejẽahye tiquina. Sa yeye tiquina usãre cohãri. Cohãcjũre tiquina bujua witigũ yeri. Sa ye peyequina masare ihña tuhtiri tiquina. Judio masa ijieyequinare Cohãcjũ yere usã yahu duami tiquina gũhure pecapu wahaboriquinare "Cohãcjũ yuhduoahro", nina. Usã sa yahu duepegũta judio masa pehe usãre ne Cohãcjũ yere apequinare yahu dutierari. Sa yahu dutieraye pajiro buhiri ti nemoñe nine tiquina. Yojopure tiquinare tutuaro Cohãcjũ buhiri dahrerota.

Pablo Tesalónica cjẽna cahapu pari turi tini duamahye

¹⁷ Usã acaye, yojopure mehenogã m̄usa cahapu ijierana m̄usare wacũna niaja. Sa yena m̄usare tutuaro ihña duana, m̄usa cahapu waha duami. ¹⁸⁻¹⁹ Ihquẽ tahari yuhu Pablo m̄usare ihñagu waha duami. Yuhu sa waha duepegũta Satana pehe usã wahaborirore dojomehnedi. Sa yena wahaeru usã. Usãre bucuegũ yena m̄usa ijigũ

m̄sare ihña duami. Ʋsã buhegũ quehnoano t̄horina ijire m̄sa. Mari p̄htoro Jesu ahri yehp̄m̄ tiquiro tojoa tagũ m̄sa pehe us̄are bucuegũ yenata. Sa yena bucueye mehna m̄sa mehna Jesu poto ducunata. ²⁰ Sata ijire. M̄sare ihñano Jesu pehe “Quehnoano buheri m̄sa”, ninota us̄are. Sa yena quehnoano bucueaja us̄a.

3

¹⁻² Sa ye m̄sare yoari pje ihñedana m̄sare tutuaro t̄ho duana tire wacũna, Timoteore m̄sa cahap̄m̄ ohou. Tiquiro mari acaȳro Jesu yaquiro Cohãcjũ cahacjũno ijiro, us̄a mehna quehnoañe buheyere buheriquiro ijire. Sa yena tiquirore ohou Jesucristore quehnoano m̄sa wacũ tutuatire, m̄sa bucueati gũhare. Tiquirore ohona us̄a sehsaro Atena wame tiri macap̄m̄ tojoarĩ.

³ M̄sa ñano ȳhd̄epenata Jesu yere m̄sa cohãedatire ohou us̄a Timoteore. Jesu yequina ijina ñano ȳhd̄anata mari. Tire masine m̄sa.

⁴ Panop̄re m̄sa mehna us̄a ijinina, mari ñano ȳhd̄atireta yahu tuhasa m̄sare. Sa yena us̄a nidiro sahata mari ñano ȳhd̄m̄. Tire m̄sa quehnoano masine.

⁵ Sa yeḡm̄ m̄sare yoari pje ihñedaḡm̄ m̄sare tutuaro t̄ho dua. Sa yeḡm̄ Jesure m̄sa wacũ tutuarire masiḡm̄ taḡm̄ Timoteore ohou ȳh̄m̄. “Wat̄ino m̄sare ñano ye dutiari”, niḡm̄, “M̄sare us̄a buherire m̄sap̄m̄ duhuari”,

niḡm̄, tiquirore ohou ȳh̄m̄. Jesu ye buheyere m̄sa duhugũ m̄sare us̄a buheri duhseati ijieraboaga.

⁶ Sa yero yojop̄re Timoteo m̄sa cahap̄m̄ ijiriquiro us̄a cahap̄m̄ tojoa wihiri. Sa tojoa wihiro quehnoañe quitire us̄are yahuri tiquiro. Jesure m̄sa quehnoano wacũ tutuayere, apequinare m̄sa cahĩne gũhare tiquiro yahuri us̄are. Sa ni tuhasa us̄are m̄sa quehnoano wacũire, m̄sare us̄a ihña duariro sahata m̄sa gũh̄m̄ tutuaro us̄are m̄sa ihña duarire yahuri us̄are tiquiro. ⁷ Sa yena us̄a acaye yojop̄re ñano ȳhd̄epenata m̄sa Jesure quehnoano wacũ tutuagũ t̄hona us̄a bucueaja. ⁸ Jesure m̄sa quehnoano wacũ tutuarire tiquiro yere m̄sa cohãedarire t̄hona quehnoano jeri sajãja us̄a. ⁹ Sa ni t̄hotuna, Cohãcjũ ihñonop̄m̄ us̄a tutuaro bucueaja. Sa bucuena Cohãcjũre “Quehnoare”, niaja us̄a. ¹⁰ Deco gũhare, ñamip̄m̄ gũhare Cohãcjũre siniaja m̄sare us̄a ihñatire. Jesu yere m̄sa quehnoano masi pehogũ ye duaja us̄a quehnoano m̄sa tiquirore wacũ tutua nemoatire.

¹¹ Cohãcjũ mari Pacu tiquiro basi, mari p̄htoro Jesu gũh̄m̄ us̄are tiquina yedohogũ cahmeaja m̄sa cahap̄m̄ us̄a wahatire. ¹² Sa yero mari p̄htoro Jesu ijipihtiequina m̄sa mehna cj̄enare, ijipihtiequina apequina gũhare cahĩ nemogũ yeahro m̄sare. M̄sare

usã cahĩdiro sahata tutuaro cahĩ nemogũ yeahro m̄sare. ¹³ M̄sare quehnoano tiquiro yedohogũ, buhiri mariena, ñañe mariena ijinata m̄sa, Cohãcjũ mari Pacu ihñagũ. Mari p̄htoro Jesu ijipihitiyequina tiquiro yequina quehnoañequina mehna ahri yehpap̄m tiquiro tojoa tagũ sata ijinata m̄sa.

4

“Cohãcjũre bucuegũ ye duana ohõ saha yeya”, ni yahuahye Pablo

¹ Yojoap̄re Jesu mari p̄htoro tiquiro dutiro mehna m̄sare ohõ saha ni yahuaja: “Cohãcjũre bucuegũ ye duana ohõ saha yeya”, ni buhei usã m̄sare. Usã sa buheri bato usã buheriro sahata yeñohti m̄sa. M̄sa sa yeriro sahata ye nemoña. Tire tutuaro ye dutiaja m̄sare.

² Jesu mari p̄htoro tiquiro buhe dutiro mehna m̄sare usã buherire quehnoano masine m̄sa. ³ Ahrire m̄sare yahu nemoutja: M̄sa ohõ saha ijigũ cahmene Cohãcjũ: Ñañene yeracãhña. Cohãcjũ ye pehere yeya. Sa yena numia mehna ñano yeracãhña. M̄sa numia gũhu um̄sa mehna ñano yeracãhña. ⁴ Ñano yero marieno, ño peoye mehna m̄sa namosãnumiare c̄yoa. Cohãcjũ m̄sa tire masigũ cahmene. ⁵ Cohãcjũre cahmeeñequina Cohãcjũre masieñequina ñañene tutuaro cahmeñe, numia mehna

ñano tiquina yeriro saha yeracãhña m̄sa pehe. ⁶ Tiquina yero saha m̄sa yeragũ cahmene Cohãcjũ, m̄sa acayuro namono mehna m̄sa ñano yeratire. M̄sa sa ñano yena m̄sa acayurore yuhduducana niaga. Mari p̄htoro Cohãcjũ ti ñañene tiquina yegũ ihñano buhiri dahreatiquiro ijero nine. Sa yena m̄sare cuesãna tire yahuaja m̄sare. ⁷ Ñañene yeanare beserahye Cohãcjũ marine. Ñañene ye dutieraro beseahye marine. ⁸ Sa yena ijipihitina m̄sa ahri usã buherire yuhduducana, masa ye buheyere yuhduducana niedare m̄sa. Cohãcjũ ye pehere yuhduducana nine. Tiquiro m̄sare Espĩritu Santore ohoriquiro ijire.

⁹⁻¹⁰ M̄sa acayere Jesu yequinare cahme cahĩñene Cohãcjũ m̄sare buhe tuhasari. Tiquiro sa buhegũ potota Jesu yequinare Macedonia cjẽnare ijipihitiyequinare quehnoano cahĩne m̄sa. M̄sa sa cahĩgũ ihñana “M̄sa acayere cahme cahĩña”, ni buheraja m̄sare. Tiquinare cahĩ tuhasare m̄sa. Sa ni buhe nemoedapenata ahri pehere m̄sare dutiaja. Yojoap̄re apequinare m̄sa cahĩno sahata cahĩ nemoña m̄sa. ¹¹ Sa yena m̄sa basi cahme ihña tuhtiro marieno ijiya m̄sa. Apequinare sijoro saha ni yahuducueracãhña. Sa ihña cãhña tiquinare. Sa yena m̄sa ye dahraye pehere quehnoano dahraya.

Panoputa musare sa ye dutii. ¹² Sata yeya musa, apequina musare tiquina ño peoatire, apequina yere musa cariboeratire.

Ahri yehpapare Jesu tojoa tatire yahuahye Pablo

¹³ Yojopare yariariquina manare yahutja musare: Jesure cahmedaye, masa Cohãcjũ cahapũ wahasi. Sa ye tiquina mehna cjëna tiquina yariagũ ihñañe tutuaro bujua witire. Yariariquina mana tiquina dahse wahatire potota quehnoano musa masigũ cahmeaja usã, apequina tiquina bujua witiro saha musa bujua witiatore. ¹⁴ Jesu yariari bato masa mujari jiri. “Ti potota ijire”, niaja mari. Sa yena ahri gũhare “Ijirota ijire”, ninata. Cohãcjũ pehe tiquiuro yequina manare yariariquina manare masa mujagũ ye, neanota Jesu mehna. Ti gũhare “Ijirota ijire”, niaja mari.

¹⁵ Jesu tojoa tagũ tiquiuro yequina yariariquina mana catiyequina pano masa mija mahtaeta. Mari puhtoro Cohãcjũ ye yahuyeta ijire ahri. ¹⁶ Ohõ saha ijirota Jesu tojoa tagũ: Mari puhtoro tiquiuro basi tutuaro sañuducu mahtanota. Sa yero tiquiuro yequina angele puhtoro tutuaro pisurota. Sa tiquiuro pisugũ Cohãcjũ ya corneta bisirota. Tiquina sa yegũ Jesu yequina yariariquina mana masa mija mahtaeta. ¹⁷ Came catiyequinare,

yariariquina mana mehna Cohãcjũ ahmusepũ mujagũ yerota. Tiquiuro sa yegũ mari puhtoro Jesure piti canata mari. Sa piti cana ijipihtiye decori mari puhtoro Jesu mehna ijinata mari. ¹⁸ Ahri yũhũ yahurire musa mehna cjënare yahuya. Sa ni yahuna, bucuenata musa ijipihtina.

5

¹ Jesu tojoa tati decore “Ahri deco tojoa tarota”, ni, musare yahu ojoasi. ² Yojopũ musa masino saha tiquiuro tojoa tati decore marine masino basioerare. Yaqueriquiro ñamipũ wacũeno mehna tiquiuro yaquero ahtaro saha ahri yehpapare mari puhtoro wacũeno mehna tojoa tarota. Ahrire musa basita masine. ³ “Yojopare mari quehnoano ijiaja. Cuaro mariedare marine”, masa tiquina ni wacũgũ duita ñano waharota tiquinare. Sa wahagũ tiquina duhti masisi. Niji wahcõricoro wacũeno mehna ticoro purĩno tahoturo saha wacũeno mehna sa waharota masare.

⁴ Yũhũ acaye, musa pehere sa wahasi. Yaqueriquiro wũhũ cjënore tiquiuro cuegũ yeriro saha musa pehere sa wahasi. Jesu ahtaro musare cuegũ yesi. Nahitianopũ ijiyequina tiquina ihña masieno saha apequina Jesure ne masiedare. Musa pehe tiquina yero saha ijierare. ⁵ Musa ijipihtina Jesu yequina ijire. Sa yena buhrioropũ tiquina ihña

masino saha Jesu ahtatire masine m̄asa. Apequina tiqirore masieñequina yero saha ijieraja mari.

⁶ Sa yena Cohãcjüre tuho n̄n̄na ijiihna. Carĩñequina yero saha Cohãcjüre tuho n̄n̄ena ijieracũhna mari. Apequina sata yere. Tiquina yero saha yeracũhna mari. Carĩñequina yero saha, queheyequina yero saha quehnoano wacũ masina ijiihna mari. ⁷ Carĩñequina ñamip̄ carĩne. Sa ye queheyequina ñamip̄ quehere.

⁸ Mari pehe buhriorop̄ ijieyequina yero saha Jesure masina ijina, quehnoano wacũ masina ijiihna. Sa yena surara come suhtiro mehna tiqiro cutirore saña cahmotariro saha Cohãcjüre wacũ tutuaya m̄asa, watĩnore tiqiro cahmotatire. Sa yena Cohãcjüre, apequina gũh̄re cahĩña. M̄asa sa yegũ Cohãcjũ m̄sare ihña ihborota. Sa yena m̄sare pecap̄ wahaborinare Jesu tiqiro yãhd̄oatire “Potota ijire”, niña m̄asa. M̄asa sa nigũ surara tiqiro dapure come sapea mehna tiqiro pesa cahmotariro saha watĩno m̄sare ñano ye dutigũ Cohãcjũ tiqirore cahmotarota.

⁹ Tiquiro buhiri dahreatinare marine beserahye Cohãcjũ. Jesucristo mari p̄htoro pecap̄ wahaborinare tiqiro yãhd̄oatinare marine beseahye tiqiro. ¹⁰ Jesu mari ye ijiatireta yariahye tiqiro mehna mari ijiatire.

Catiyequina, yariariquina gũh̄ tiqiro mehnata ijietta. Sa yena ijipih̄tina tiqiro mehna ijinata mari tiqiro yequina ijina. ¹¹ Sa yena m̄asa mehna cjẽnare yojop̄ m̄asa bucuegũ yeriro saha m̄asa basita bucuegũ ye nemoña m̄asa. Sa yena m̄asa basita Cohãcjüre wacũ tutua nemogũ yeya m̄asa mehna cjẽnare.

Jesu yequinare Pablo yahu bato tiahye

¹² M̄sare buheyequinare mari p̄htoro buhe dutiro beseri jiri. Tiquiro sa ni besenohriquinare quehnoano ño peoya m̄asa. M̄asa sa ño peogũ cahmegũ m̄sare tutuaro dutiaja. ¹³ Tiquina dahrayere yegũ tiquinare cahĩñe mehna quehnoano ño peoya. Sa yena m̄asa mehna cjẽna mehna cahmequeno marieno ijiya.

¹⁴ M̄sare usã acayere, ahrire tutuaro dutiaja: Dahra dueyequinare dahra dutiya m̄asa. Bũña witiyequinare bucuegũ yeya m̄asa. Jesure wacũ tutuera cjũñequinare yedohoya. Tiquina ijipih̄tiyequina mehna quehnoano usuaro marieno bucueye mehna ijiya m̄asa.

¹⁵ Ihcãquiro m̄sare tiqiro ñano yegũ ihñana tiqirore ñano ye cahmedacãhña. Sa yena m̄asa mehna cjẽnare, ijipih̄tiyequina apequina gũh̄re quehnoano yeya.

¹⁶ Sa yena decoripe sa bucueducuya m̄asa. ¹⁷ Sa

yena decoripe Cohãcjũre siniducuya. ¹⁸ Mũsa ñano yũhdũepenata Cohãcjũre bucue, “Quehnoare”, niña. Mũsa quehnoano yũhdũri pje gũhũre “Quehnoare”, niña. Sa nina Cohãcjũ cahmeno sahata yena niaga mũsa. Cristo Jesu yequina mũsa ijigũ ihñano mũsa sa nigũ cahmene tiquiro.

¹⁹ Espiritu Santore yũhtiena ijieracãhña. ²⁰ Espiritu Santo masiñe mehna apequina mũsare buhere. Tiquina sa buhegũ ti buheyere yũhtiena ijieracãhña. ²¹ Apequina mũsare sijoro saha tiquina ni buhegũ ti Cohãcjũ ye ijieragũ masiña mũsa. Sa yena Cohãcjũ ye buheye ti ijigũ gũhũre masiña mũsa. Sa masina quehnoañe buheye dihitare cahmeña. ²² Sa yena ijipihtiyee ñañene yeracãhña mũsa.

²³ Cohãcjũ marine quehnoano ijigũ yeriquiro ijire. Tiquiro basi mũsare tiquiro yequinare quehnoana, ñañe mariena ijigũ ye nemoahdo mũsare. Mũsa pagũri gũhũre mũsa jeripohnari gũhũre quehnoano ihña ihboahro. Mari puhtoro Jesucristo ahri yehpapũre tiquiro tojoa tato pano mũsare Cohãcjũ quehnoano ihña ihboahro mũsare “Ñañene yeari”, nino. Tiquiro sa yegũ Cristo ahtagũ ñañe mariena ijinata mũsa. ²⁴ Sata ijigũ yerota Cohãcjũ. Tiquiro mũsare beseriquiro tiquiro nidiro sahata yere.

Pablo gũhũ quehnoa duti-ahye

²⁵ Ušã ye ijiatire Cohãcjũre sini basaya mũsa, ušã acaye.

²⁶ Mũsa mehna cjẽnare quehnoano mehna piti caya.

²⁷ Ijipihtiyequina Jesu yequinare ahri pũre buheya mũsa. Jesu mari puhtoro dutiye mehna ahrire mũsare dutiaja yũhũ.

²⁸ Jesucristo mari puhtoro cahñe mehna mũsare tutuaro quehnoa dutiaja.

2 Tesalonicenses

Pablo ojoa ohoahye Jesu yequinare Tesalónica cjēnare

¹ Y_{HH} Pablo, Silvano, Timoteo g_{HH} m_Ssare quehnoa dutiaja. Sa yeg_H y_{HH} Pablo ahrire ojoa ohoaja. M_Ssa pehe Tesalónica cjāna mari Pac_H Cohācjū yequina ijire. Mari p_Hhtoro Jesucristo yequina g_{HH} ijire m_Ssa. ² Sa yena Cohācjū mari Pac_H, mari p_Hhtoro Jesucristo mehna m_Ssare quehnoa dutiaja. Tiquina yedohoye mehna quehnoano ijiya m_Ssa.

Ahri yehpap_Hre Cristo tojoa tag_H buhiri dahrerota Cohācjū

³ Cohācjūre sinina, Jesure m_Ssa wacū tutuayere wacūna “Quehnoa y_Hhd_Hare _Ssāre”, niducuaja _Ssā Cohācjūre. _Ssā sa nig_H quehnoarīne. Decoripe Cohācjūre m_Ssa quehnoano wacū tutua nemona niñohti. Sa yena decoripe m_Ssa mehna cjēnare cahī nemona niñohti m_Ssa. Sa ye Cohācjūre “Quehnoa y_Hhd_Hare _Ssāre”, _Ssā nīg_H quehnoarīne.

⁴ Apequina m_Ssare ñano tiquina yepēg_Hta Jesure wacū tutuaducuñohti m_Ssa yojop_H g_{HH}re. Sa yena tiquirore wacūna duhuerañohti. M_Ssa sa yeg_H ihñana tire m_Ssa yerire apequinare Cohācjū yequinare bucueye mehna yahuaja _Ssā. ⁵ Sa wacū tutuaducuna Cohācjū mari

p_Hhtoro yequina m_Ssa ijiri buhiri ñano y_Hhd_Hana niñohti m_Ssa. Sa yero Cohācjū tiquiro p_Hhtoro ijirop_Hre waha dutiri jiri m_Ssare. Tiquiro sa dutig_H queoro yeriquiro tiquiro ijig_H masiaja mari.

⁶ Sa yero Cohācjū queoro yeriquiro ijire. Sa yero m_Ssare ñano y_Hhd_Hg_H yeyequina pehere ñano y_Hhd_Hg_H yerota tiquiro. ⁷ Sa yero mari ñano y_Hhd_Hrina ijig_H ihñano tiquiro marine quehnoano ijig_H yerota. Mari p_Hhtoro Jesu tiquiro yequina angele tutuayequina mehna, peca mehna _Hhm_Ssep_H bajuario quehnoano ijig_H yerota marine, ñano y_Hhd_Hrinare.

⁸ Sa yero Cohācjūre masieñequinare, mari p_Hhtoro Jesu ye buheyere quehnoañe buheyere y_Hhd_Hd_Hcariquinare Cohācjū buhiri dahrerota. ⁹ Sa yero Cohācjū tiquinare ohō saha buhiri dahrerota: Pecap_H tiquina ñano y_Hhd_Hducueta. Sa ye tiquina tutuariquiro mari p_Hhtoro Jesu cahap_H ne waha masiedare. Sa ye tutua y_Hhd_Hariquiro tiquiro ijiyere ihñasi tiquina.

¹⁰ Sata waharota ti decop_H Jesu tiquiro tojoa tag_H. Ti decop_Hta tiquiro ahtarota tiquiro yequina “Quehnoariquiro, tutuariquiro ijire Jesu”, tiquina ni ño peoatire. Sa ye tiquirore wacū tutuayequina ño peoeta tiquirore. M_Ssare _Ssā buherire m_Ssa quehnoano t_Hhori. Sa yena m_Ssa pehe tiquiro mehna ijinata.

11 Sa yena Cohãcjũre sa sini basaducujaja usã m̄usa ye ijiatire. Ohõ saha ni Cohãcjũre sini basaja usã: Tiquiro cahmeno sahata m̄usa yeatire, m̄usa mehna tiquiro bucueatire sini basaducujaja usã m̄usare. M̄usa quehnoana iji duanata niñohiti. Sa yena Cohãcjũ tutuaye mehna quehnoana m̄usa iji duariro sahata m̄usa ijiatire sini basaducujaja usã. M̄usa Cohãcjũre wacũ tutuañohiti. Sa wacũ tutuana tiquiro yere yeñohiti m̄usa. Tire m̄usa quehnoano ye nemoatire Cohãcjũre sini basaducujaja usã m̄usare.

12 Sa yena mari p̄hutoro Jesucristore apequinare tiquina ño peogũ yenata m̄usa. M̄usa sa yegũ Jesucristo yequina m̄usa ijigũ ihñañe apequina ño peoeta m̄usare. Cohãcjũ cahñe mehna, mari p̄hutoro Jesucristo gũhũ tiquiro cahñe mehna sa waharota.

2

Ñano yeducuriquirore yahuahye Pablo

1 Yojop̄ure mari p̄hutoro Jesucristo ahri yehpap̄ure tiquiro tojoa tatire, tiquirore mari cahmecoa mari piti catire yahu nemo duaja yuhũ. Ahrire tutuaro yahu duaja m̄usare, usã acaye.

2 Apequina m̄usare ohõ saha niboaga: “Mari p̄hutoro tiquiro tojoa tati deco, mi-anogã pihtiri decop̄ure ijiro nine”, ni mehoboaga m̄usare. Tiquina sa nigũ tuhona, tuho mariedacãhña. Sa yena

tuho wisieracãhña. “Cohãcjũ yuhũre sata nidi ijiri”, ni mehoboaga m̄usare apequiro. Apequiro gũhũ m̄usare buhero, sata ni mehoboaga. Apequiro gũhũ sata ni ojoa ohoboaga, “Yuhũ Pablota ijiaja”, ni meho ojoaro. Tire m̄usare yahuriquirore masiedaja yuhũ. ³ Apequina m̄usare tiquina ni mehogũ tuhoeracãhña m̄usa. Ti decop̄ure ahri yehpa pihtiatu panogã peyequina masa Cohãcjũre duhueta. Sa yero ti decop̄ure ñano yeducuriquiro pecap̄ure wahatiquiro ijirota.

4 Tiquiro Cohãcjũ warore, “Cohãcjũ ijire”, tiquina niñe queoye gũhũre ijipihtiyequina masare ño peo dutisi ñano yeducuriquiro. Tiquiro ohõ saha ni tuhotorota. “Ahriquina ijipihtiyequina p̄huto tjiaja yuhũ”, ni tuhotorota. Sa yero Cohãcjũ wuhũp̄ure dujiro “Yuhũ pehe Cohãcjũ ijiaja”, ninota.

5 M̄usa mehna ijinigũ tireta yahuu m̄usare. ¿Tire wacũajari m̄usa? ⁶ Yojop̄ure apequiro pehe ñano yeducuriquirore ne iji dutieranine. Sa yena tiquirore iji dutieriquirore masine m̄usa. Sa yero tiquiro dutigũ tiquiro queori deco ijigũ ñano yeducuriquiro ijirota.

7 Yojop̄ure masa ihñenop̄ure tiquiro yero saha apequina ñañene ye tuhasari. Tiquina sa yepegũta ñañene ye dutieriquiro tiquiro wahato pano ñano yeducuriquiro pehe ijisi. ⁸ Tiquiro wahari bato p̄uritare ñano

yeducuriquirota ijirota. Sa yero came mari pũhtoro Jesucristo tiquirore yaria dutirota. Tiquiro asi siteye mehna ahri yehpapũ tojoa taro, tiquiro putiye mehna tiquirore wejẽ borota. ⁹ Ñano yeducuriquiro pehe watĩno ye tutuaye mehna ahtaro, ti tutuaye mehna ni meho, peye ye ihñonota. ¹⁰ Tiquiro peye ñaño mehna ni mehogũ pecapũ wahatiquina pehe tiquirore tũhoeta. Tiquina pehe quehnoañe buheyere cahmedare. Tiquina sa cahmedagũ Cohãcjũ tiquinare pecapũ waha-tiquinare yũhdũosi. Sa ye tiquina ñano yeducuriquiro ni mehoriqiro tiquiro yerire “Ijirota ijire”, ni-eta. ¹¹ Sa yero, quehnoañe buheyere tiquina cahmedari buhiri Cohãcjũ tiquinare wisiagũ yerota. Sa wisi-aye ni mehoñene cahmeeta tiquina. ¹² Sa yero ijipihtiyequina quehnoañe buheyere tũho dueyequinare, ñaño ye coayequinare tiquirota buhiri dahrerota.

“Cohãcjũ mũsare beseahye tiquiro yequina ijigũ yero taro”, ni yahuahye Pablo

¹³ Mũsa usã acaye, mari pũhtoro Jesu tiquiro cahñona ijire mũsa. Duita coã waropũreta mũsare pecapũ wahaborinare tiquiro yũhdũoatınare Cohãcjũ beseahye mũsare. Mũsare beseahye Espĩritu Santo tutuaye mehna tiquiro yequina ñaño mariena mũsare ijigũ yero

taro. Sa yero quehnoañe buheyere “Ijirota ijire”, nianaja mũsa ijigũ ihñano mũsare bese neahye. Tiquiro sa besenohrina mũsa ijigũ ihñana Cohãcjũre bucuena, “Quehnoare”, niducujaja usã. ¹⁴ Quehnoañe buheyere mũsare usã buhegũ Cohãcjũ mũsare beseahye mari pũhtoro Jesucristo tiquiro masa mũjariro sahata mũsa gũhũ masa mũjatire.

¹⁵ Sa yena quehnoano wacũ tutuana ijiya mũsa. Sa yena usã yahuducuye mehna usã ojoari pũri mehna mũsare usã buherire quehnoano wacũña mũsa. Sa yena ti buheyere yũhdũũcaeracãhña. ¹⁶ Mari pũhtoro Jesucristo tiquiro basi, Cohãcjũ mari Pacũ gũhũ marine cahñe, ijip-htiyeye decori marine bu-cuegũ yere. Marine cahñe, marine pecapũ waha-borinare yũhdũoeta. Sa yena Cohãcjũ tiquiro yũhdũoatire quehnoano masina, bu-cueaja mari. ¹⁷ Jesucristo, mari Pacũ mehna mũsare quehnoa dutiaja quehnoano mũsa bucuatire. Sa ye ijip-htiyeye quehnoañene mũsa yeatire, mũsa quehnoano yahuducuatire Cohãcjũre mũsare sini basaja.

3

“Usã ye ijiatire Cohãcjũre sini basaya”, ni ojoahye Pablo gũhũ

¹ Yojopũ usã acaye, usã ye ijiatire Cohãcjũre sini

basaya mari puhtoro Jesu ye buheyere peyequina masare usã buheatire. Sa yena tiquiro ye buheyere mûsa quehnoano cahmediro sahata apequina pehe ti buheyere ño peoye mehna tiquina cahmeatire sini basaya mûsa Cohãcjüre. ² Ihquëquinata Jesure wacũ tutuare. Apequina pehe tiquiro yere tuho dueraye, Jesure wacũ tutuerare. Sa yena ñañequina masa usãre tiquina ñano ye duagũ Cohãcjüre sini basaya mûsa usãre tiquiro yedohogũ. ³ Mari puhtoro Jesu tiquiro nidiro sahata yeriquiro ijire. Sa yero mûsare tiquirore wacũ tutuagũ yerota. Sa yero watĩno mûsare tiquiro ñano ye dutigũ Jesu mûsare yedohorota. ⁴ Cohãcjũ mûsare tiquiro yedohorire masiaja usã. Sa yena mûsare usã dutiro sahata mûsa yegũ gũhure masiaja usã. Sa yena sata yeducunata mûsa. Ti gũhure masiaja usã. ⁵ Cohãcjũ mûsare tiquiro cahñene mûsare masigũ yeahro. Sa yero Cristo yero saha mûsa ñano yahduerepegũta ihcãno saha gũ yeahro mûsare mari puhtoro. Sa ihña cãhña mûsare ñano yeyequinare.

Marine tutuaro dahraro cahmene

⁶ Jesucristo mari puhtoro tiquiro dutiro mehna ohõ saha ni dutinatja mûsare: Jesu yequinare dahra dueyequinare, usã dutiyere yeeyequinare, tiquinare piti ti duhuya. ⁷ Sohõ ijiri pje

mûsa mehna usã ijigũ tutuaro usã dahragũ ihñari mûsa. Sa yena usã yeriro saha mûsa gũhure dahraro cahmene. Tire quehnoano masine mûsa. ⁸ Sa yena mûsa ihyayere wapa yero marieno ihyerũ usã. Sa yena decorure, ñamipũ gũhure tutuaro dahraũ usã “Mûsa ihyayere siniari”, nina. ⁹ Usã buheri wapa mûsare wapa ye dutiboaga usã. Sa wapa ye dutiborina ijiepenata wapa ye dutierana, tutuaro dahraũ usã, usãre mûsa ihña cũatire. ¹⁰⁻¹¹ Mûsa mehna ijina, ohõ saha ni buhei mûsare: “Dahraeyequina ihyeracãhdo”, ni buhei usã mûsare. Ihquëquina mûsa mehna cjëna ne dahra duerañohti. Sa ye apequinare ñano quiti yeye, caribo yahduañohti tiquina. Sa yeyequina mûsa mehna tiquina ijigũ ihñana ohõ saha ni ojoaja mûsare: “Dahraeyequina ihyeracãhdo”, niaja usã. ¹² Mari puhtoro Jesucristo tiquiro dutiro mehna dahra dueyequinare ohõ saha niaja: Quehnoano bucueye mehna dahraahro quehnoano tiquina ijiatire.

¹³ Usã acaye, mûsa pehe quehnoañene yeducuna caributieracãhña. ¹⁴ Ihquëquina to cjëna ahrire usã ojoarire yahduducaboaga. Tiquina sa yegũ tiquina yerire quehnoano ihñaña. Sa ihñana tiquinare piti ti duhuya tiquina buoro wahatire. ¹⁵ Sa piti ti duhuepenata tiquinare ihña

tuhtieracãhña. Tiquina
 m̄sa acaye, Jesu yequinata
 ijire. Tiquina sa ijigã
 tiquina ȳhd̄d̄carire
 yahuya tiquinare tire tiquina
 duhugã.

*Pablo tiquinare quehnoa
 duti bato tiahye*

¹⁶ Mari p̄h̄toro Jesu
 marine quehnoano ijigã
 yeriquiro mehna decoripe
 quehnoano ijiducuya m̄sa.
 Sa yeḡu “Mari p̄h̄toro m̄sa
 mehna ijipihtina mehna
 ijiducuahro”, niḡu m̄sare
 quehnoa dutiaja.

¹⁷ Ȳh̄h̄ Pablo, ȳh̄h̄ omoca
 mehnata yojop̄are ȳh̄h̄
 basita oja bato tiaja. Sa yeḡu
 m̄sare quehnoa dutiaja.
 Ijipihtiye ȳh̄h̄ ojoari p̄rine
 oh̄o saha dihita ȳh̄h̄ omoca
 mehna oja bato tiaja ȳh̄h̄.
 Ȳh̄h̄ oh̄o saha dihita ȳh̄h̄
 oja bato tigã ih̄ñana ȳh̄h̄
 ojoari p̄ũ ijigã masinata
 m̄sa. ¹⁸ Mari p̄h̄toro
 Jesucristo cah̄ñe mehna
 tutuaro quehnoa dutiaja
 m̄sare ijipihtinare.

1 Timoteo

Pablo Timoteore oja ohoahye

¹Y^hh Pablo ahrire m^hhure Timoteore oja ohoaja. Coh^haj^h marine pecap^h wahaborinare y^hhd^horiq^hiro ijire. Jesucristo yere buhe duti tiq^hiro c^hrig^h ijaia y^hh. Mari Pac^h, Jesu mehnata tiq^hina dutiriro sahata tiq^hiro c^hrig^h ijaia y^hh. Jesuta marine yedohore. Sa yena marine tiq^hiro y^hhd^hoatire masina, tire cohteaja mari. ²M^hhure Timoteore Jesu yere buhei. Y^hh sa ni buheg^h tuhog^h Jesure wac^h tutua d^hcari m^hh. Sa yeg^h m^hh potota y^hh mac^h yero saha ijig^hta nine. Sa yeg^h Coh^haj^h mari Pac^h mehna, mari p^hhtoro Jesucristo mehna m^hhure quehnoa dutiaja. Sa yeg^h m^hhure paja ih^hñañe tiq^hina yedohoye mehna quehnoano ijiya m^hh.

Pablo ni mehoñe buheyere buhe dutierahye

³Soh^h ijiri pjere Macedonia yehpap^h wahag^h m^hhure Efesop^h c^h y^hhd^h c^h. Top^h ihqu^hequina tiq^hina ye buheyere ni mehoñe buheyere buheyequina ijiri. Ti buheyere buhe dutieracj^hre m^hhure c^hu y^hh. ⁴Tiq^hina esa tuharo sa buhe maca c^hre. Sa ye tiq^hina acaye panop^h c^hena tiq^hina esa tuharo tiq^hina buherire

sa buheducure. Ti buheye mehna apequina mehna cahme d^hse tutuaducure. Coh^haj^h marine tiq^hiro dutirire quehnoano yeg^h yerare tiq^hina sa buheye. Coh^haj^h ye pehere yena tiq^hirore wac^h tutuaja. Sa yeg^h tiq^hina esa tuharo tiq^hina buherire buhe dutieracj^hre c^hu m^hhure.

⁵Sa c^hu m^hhure Jesu yequina apequinare “Cah^hahdo”, nig^h. Ñañe buhiri marieno mehna, quehnoañe wac^hñe mehna, poto Coh^haj^hre wac^h tutuaye mehna apequinare tiq^hina cah^hatire sa c^hu m^hhure. ⁶Ihqu^hequina ahri quehnoañe buheyere coh^h tuhasa, apeye buheye pehere cahmene. Sa ye ti buheye pehere cahme d^hse tutuaye wisia wahare. Ti buheyere tiq^hina cahme d^hse tutuaye ti d^hhseati ijierare. ⁷Sa ye tiq^hina Coh^haj^h dutiyere buheyequina iji duamene. Sa buhe duepeta ti buheyere tiq^hina basi quehnoano masiedare. Sa ye ti buheyere masiñequina yero saha buhepeta ti buheyere ne masiedare tiq^hina.

⁸Coh^haj^h dutiyere Moise marine tiq^hiro c^hrire queoro mari buheg^h quehnoañe dutiye ijire. Tire mari quehnoano masiaja. ⁹⁻¹⁰Ti dutiyere buhena ahrire masino cahmene: Ti dutiye quehnoañequinare tiq^hina buheati ijierare. Ahriquina pehere tiq^hina buheati ijire. Dutiyere y^hhd^hd^hcayequinare,

Cohãcjäre yuhduhcayequinare, yuhure beseri. Sa yegu ñañe dihitare yeyequinare, Cohãcjäre cahmeeñequinare, tiquina pacasumhare wejẽñequinare, tiquina pacosãnumia gũhare wejẽñequinare, apequina masare wejẽñequinare, wãana tiyequinare, cahme numia mehna tiquina ñano yeriro saha umãa sehsaro o numia sehsaro ijiepetã tiquina pagari mehna ñano yeyequinare, masa tiquina ijiepegãta tiquinare duayequinare, ni mehoñequinare, Cohãcjũ dutiye Moise marine tiquiro cãri pehe tiquinare buheati ijire. Sa yero apequina ijipihtiyequinare quehnoañe buheyere yuhduhcayequinare buheati ijire Cohãcjũ dutiye. ¹¹ Quehnoañe buheye pehe quehnoariquiro Cohãcjũ tiquiro ye buheyeta ijire. Ti buheye pehere yuhure Cohãcjũ buhe dutiri.

Cohãcjũ paja ihñañene yahuahye Pablo

¹² Sa yuhũ buhegũ Jesucristo mari puhtoro yuhure tutuayere ohoro, yuhure yedohore. “Pablo buhero, yee buheyere quehnoano buherota”, ni tuhoturi Jesu yuhure. Sa yero yuhure besero tiquiore yedohoacjäre cãri yuhure. Tiquiro sa yegũ “Quehnoare”, niaja yuhũ tiquiore. ¹³ Panopure Cristore yuhũ ñano yahuducuepegãta, tiquiro yequinare ñano yuhũ yepegãta, tiquiro

masiedarĩgu tiquiore ñano yegũ “Ñano yei niaga yuhũ”, ni tuhotuerũ. Yuhũ sa masiedagũ ihñano tiquiro paja ihñari yuhure. ¹⁴ Sa yero Cohãcjũ mari puhtoro yuhure tutuaro cahño, quehnoano yeri yuhure. Sa yero Cristo Jesure wacũ tutuagũ yeri yuhure tiquiro. Sa yero apequinare cahĩgũ yeri yuhure Cohãcjũ.

¹⁵ Yuhũ pehe apequina yuhduoro ña yuhduagu ijimi. Ñana mari ijiepegãta Jesucristo ahri yehpapũ ahtari jiri ñañequinare pecapũ waha-boriquinare yuhduoatiquiro. Ti ijirota ijire. Tiquiro sa ijiriquiro ijigũ ijipihtiyequina tire masiahdo. ¹⁶ Ña yuhduagu yuhũ ijiepegãta tiquiro yuhure paja ihñari. Sa paja ihñano Jesucristo usuaro marieno yuhure tiquiro quehnoano yerire masigũ yero nidi apequinare came tiquiore wacũ tutuatiquinare masigũ yero taro. Sa wacũ tutuatiquina ummusepũ sa ijiducueta. ¹⁷ Cohãcjũ ijipihtiye decori masa puhtoro ijire. Tiquiro ne yarierare. Sa yero mari mehna tiquiro ijiepegãta tiquiore ihñedaja mari. Sa yero tiquiro dihita Cohãcjũ waro ijire. “Potota quehnoariquiro, tutu-ariquiro ijire tiquiro”, niñna mari tiquiore. Ijipihtiye decori tiquiore ño peouhna. Sata yeihna.

¹⁸ Timoteo yuhũ macũ

yero saha ijire m̄h̄h̄. Sa yeḡh̄ yojop̄h̄re ahr̄ire m̄h̄h̄re dutiaja: Mari acaye Jesu yequina Coh̄ācj̄ū yere yahu m̄h̄htar̄iquina m̄h̄h̄re tiquina ni m̄h̄htar̄iro sahata m̄h̄h̄re dutiaja. Cristo yere quehnoano yahuducuya. Sa yeḡh̄ ñano ȳh̄d̄h̄epeḡuta tiquirore wacū tutua duhueracāh̄ña m̄h̄h̄. ¹⁹ Jesure sa wacū tutuaducuya. Ñañe buhiri marieḡh̄ ijiya m̄h̄h̄. Sa yeḡh̄ quehnoañe dihitare yeya. Ihquēquina tire yera, Jesu yere coh̄āre. Sa coh̄añe tiquirore wacū tutua duhuri. ²⁰ Sata yeri Himeneo, Alejandro mehna. “Wat̄ino tiquiro cahmeno sahata yecūnahdo m̄sare”, ni cūu tiquinare, Coh̄ācj̄ūre tiquina ñano yahuducu nemoedatire.

2

Coh̄ācj̄ūre sini basayere yahuahye Pablo

¹ Yojop̄h̄re oh̄o saha ni duti m̄h̄taja m̄sare: Ijipihtiyequina ye ijiatire Coh̄ācj̄ūre sini basaya. Sa sini basana “Quehnoare. Bucueaja”, niña Coh̄ācj̄ūre. ² P̄h̄toa, apequina masa bui dutiyequina ḡh̄h̄ tiquina ye ijati ḡh̄h̄re Coh̄ācj̄ūre sini basaya, cahmequeno marieno Coh̄ācj̄ūre ño peona mari quehnoano ijiatire. Sa sini basana mari quehnoañene yena quehnoano iji masiaja. ³⁻⁴ Sata apequina ye ijiatire mari sini basaḡh̄ quehnoar̄ine. Tire mari

yeḡh̄ ih̄ñano Coh̄ācj̄ū marine ȳh̄d̄h̄oatiquire pehe marine quehnoano ih̄ña bucuere. Ijipihtiyequina pecap̄h̄ wahaboriquinare tiquiro ȳh̄d̄h̄oriquina ijiḡh̄ cahmene Coh̄ācj̄ū. Sa yero quehnoañe buheyere tiquina masiḡh̄ cahmene tiquiro. Sa yero apequina ye ijiatire mari sini basaḡh̄ bucuere tiquiro. ⁵ Ihcāquirola ijire Coh̄ācj̄ū. Sa yero Coh̄ācj̄ūre mari ih̄ña tuhtiḡh̄ Coh̄ācj̄ū ḡh̄h̄ marine tiquiro ih̄ña tuhtiḡh̄, marine bosariquire ihcāquirola ijire. Tiquiro Jesucristota ijire. Jesucristo ḡh̄h̄ mas̄nota ijiri. ⁶ Sa yero wapamonore wapa ye basaro saha ijipih̄tina mari ñañe buhirire yari-ahye. Coh̄ācj̄ū tiquiro queori p̄jep̄h̄ tire masare masiḡh̄ yeri. ⁷ Tire yahuac̄j̄ure, Jesu tiquiro cūac̄j̄ure Coh̄ācj̄ūp̄h̄ ȳh̄h̄re beseri. Sa yero judio masa ijieyequinare Jesure wacū tutuayere, quehnoañe buheyere buheac̄j̄ure beseri ȳh̄h̄re. Potota m̄sare yahuḡh̄ niaja ȳh̄h̄. Ni mehoedaja.

⁸ Coh̄ācj̄ū yere quehnoano yeyequina, ijipih̄tiro cj̄ēna pehe Coh̄ācj̄ūre tiquina siniḡh̄ cahmeaja. Sa yeḡh̄ tiquina usuario marieno, unureno marieno tiquiro mehna tiquina yahuducuḡh̄ cahmeaja.

⁹ Sa yeḡh̄ numia pehere quehnoañequina numia ye suhti yero saha sañañequina numia ijiḡh̄ cahmeaja. Sa ye sijoro saha bajuye poari

tiquina poarire yeracãhdo. Uru dari busaye darire, perla dari gũhare busaeracãhdo, tiquina umhare "Ihña Ʃ pjeari", niñe. Sa ye wapa bujaye suhtire sañaedacãhdo tiquina Jesu yequina numia. Umhare tutuaro Ʃ pjegũ yeracãhdo. ¹⁰ Sa ye tiquina numia quehnoañe pehere yeahro. Sata yero cahmene "Cohãcjũ yequina numia ijiaja", niñequina numiare. ¹¹ Dihta marieno ño peoye mehna buheyere tũhoahro tiquina numia. ¹²⁻¹⁴ Sa yeye numia umhare buheracãhdo. Sa yeye umhare dutieracãhdo. Tiquina numia pehe dihta marieno ijiahro. Adãre Cohãcjũ ye mũhtahye. Tiquiro bato Evare yeahye. Sa yero watĩno ni mehogũ tũhoriquire Adãn ijierahye. Tiquiro ni mehogũ tũhoricoro pehe Eva ijiahye. Sa tiquiro ni mehogũ tũhoro, Cohãcjũre yũhdũdũcaricoro wahahye ticoro. Sa yeye, numia pehe umhare dutieracãhdo.

¹⁵ Numino iji mũhtaricoro ticoro yũhdũdũcaepegũta numia tiquina pohna tigũ ihñano tiquinare Cohãcjũ yedohorota. Tiquina numia pohna tiye numia pehe Cohãcjũre tiquina wacũ tutuaducugũ tiquiro yedohorota tiquinare. Sa yero masare, Cohãcjũ gũhare tiquina cahĩducugũ, quehnoañequina numia tiquina ijiducugũ, ñañe marieñequina numia tiquina ijigũ Cohãcjũ tiquinare yedo-

horota.

3

Jesu yequina pũhtoa tiquina yeatire yahuahye Pablo

¹ Masa Jesu yequina pũhtoa iji duaye, quehnoañene ye duaye niaga tiquina. Ti ijirota ijire. ² Jesu yequina pũhtoare besegu ohõ saha ijiyequinare beseya: Buhiri marieñequinare beseya "Apequina tiquinare ñano ni yahusãri", nigu. Sa yegu ihquẽquina numiare namo tiyequinare, quehnoano tũho masiñequinare, cua pesayequinare, masare quehnoano mehna tiquina ya wũhare sajã ta dutiyequinare, apequinare quehnoano buhe mihniñequinare beseya mũhũ. ³ Sa besegu queheye marieñequinare, cahmequeñe marieñequinare, masare quehnoano yeyequinare, cahme dũse tutueyequinare, niñerure cahĩñequinare beseya mũhũ. ⁴ Sa ye mũhũ beseriquina tiquina pohnene, tiquina namosãnumia gũhare ño peoye mehna yũhtigũ yeyequina ijiahro. ⁵ Tiquinare yũhtigũ ye masiedaye Jesu yequina gũhare yũhtigũ ye masiedaboaga tiquina.

⁶ Jesu yequina pũhtoa iji duayequina Jesu yequina coã sajãñequina ijiye, tiquina pũhtoa iji masiedare. Coã sajãñequinare Jesu yequina pũhtoa mũsa cũgũ tiquina "Quehnoa yũhdũana ijiaja",

ni t̄hotuboaga. Tiquina sa ni t̄hotuḡ Coh̄c̄j̄ tiquinare buhiri dahre dutirota wat̄nore tiquiro yeriro saha. Wat̄no ḡh̄ sata ni t̄hotumahye Coh̄c̄j̄re ȳhd̄hd̄ca duaro.

⁷ Sa ye Jesu yequina p̄h̄toa ijiatiquina oh̄ sahata ijiro cahmene. Jesu yequina ijieyequina tiquina ño pe-onoh̄nequina ijiro cahmene tiquinare. Quehnoano yeyequina tiquina ijiḡ ih̄ñañe apequina ño peoeta tiquinare. Sa quehnoano yeye, wat̄no cahmeñene wac̄eno mehna tiquiro ye dutiḡ tiquina pehe wat̄no cahmeñene yesi. Sa ye masa tiquinare ñano q̄uti dahresi.

*Jesu yequinare yedo-
hoatiquina tiquina yeatire
yahuahye Pablo*

⁸ Sa yeḡ Jesu yequinare yedohoatiquina pehere beseḡ oh̄ saha ijieyequinare beseya: Tiquina cua pesaro ijieyequinare, quehnoano potota yahuducyequinare, queheye marieñequinare, apequina yere ni meho ehmeñequinare beseya m̄h̄. ⁹ Sa yeḡ ñañe buhiri marieno Coh̄c̄j̄ ye buheyere sa wac̄u tutuaducyequinare beseya m̄h̄. ¹⁰ Sa yeḡ Jesu yequinare yedohoatiquina iji duayequinare tiquina yerire ih̄ñaña m̄h̄. Tiquinare m̄h̄ sa ih̄ñari bato tiquina pehe buhiri marieñequina ijieye, Jesu yequinare yedo-
hoatiquina sajàahdo tiquina.

¹¹ Sa yena tiquina namos̄numia oh̄ saha tiquina ijiḡ cahmeaja mari. Cua pesayequina numia, ñañe q̄uti marieñequina numia, t̄ho masiñequina numia, ijipihtiyere quehnoañene yeducyequina numia tiquina ijiḡ cahmeaja mari. ¹² Sa yeḡ Jesu yequinare yedohoatiquinare beseḡ ih̄qūequina numiare namo tiyequinare, tiquina pohne apequina tiquina ya w̄h̄ c̄j̄na ḡh̄re quehnoano ȳhtiḡ yeyequinare beseya.

¹³ Sa ye m̄h̄ beseriquina Jesu yequinare tiquina yedohoḡ apequina tiquinare quehnoano ih̄ña bucueeta. Sa ye tiquina yedohoyequina pehe quehnoañe buheyere, Jesucristore tiquina wac̄u tutuaye ḡh̄re cuero marieno buheeta tiquina.

*Coh̄c̄j̄ ye buheyere
yahuahye Pablo*

¹⁴⁻¹⁵ Yojop̄re m̄h̄ ca-
hap̄ waha duaḡ niaja. Sa waha duepeḡta yojop̄re wahaeraniḡ ahri p̄p̄ yahu, m̄h̄re ojoa ohoḡ niaja. Jesu yequina cahmecoañequina watoa m̄sa yeatire m̄h̄re yahu ojoa ohoḡ niaja, “Mianore wahañisi”, niḡ. Jesu yequina Coh̄c̄j̄ catiriquiro yequina ijire. Tiquiro yequina poto ijieye buheyere Coh̄c̄j̄ ye buheyere c̄ore. Sa c̄oye t̄re buheducure. ¹⁶ Ahri ijirota ijire. Marine Coh̄c̄j̄ tiquiro buheri, panop̄

mari quehnoano masiedari quehnoa yñhñaye buheye ijire. Ahri buheye ohõ saha ijire:

Tiquiro Cristo mari pagñ yero saha pagñ tiriquireo masa bajuahye. Quehnoariquireo, ñañe marieniquiro tiquiro ijigũ ihñori Espiritu Santo pehe. Angele gũhñ tiquirore ihñari. Sa ye tiquiro buhe duti cñriquina pehe apeye yehpari cjẽnare tiquiro yere yahu buhere. Sa ye ahri yehpapñ masa peyequina tiquirore wacũ tutuari. Came ùhmñsepu Cohãcjũ neari tiquirore. Ti ijire quehnoañe buheye.

4

Quehnoañe buheyere cohãriquinare yahuahye Pablo Timoteore

¹ Espiritu Santo ahrire quehnoano yahure: Pihtiri deco panogã ihquẽquina masa Jesu ye buheyere cohãeta. Sa ye ni meho buheyere watño ye buheye pehere tũho nññeta tiquina. ² Ti buheyere ni mehoducuyequina yahueta masare. Tiquina ni mehoducuyequina pehe “Ñañe buhiri mariedare usãre”, ni tũhotuyequina ijire. Sa ye tiquina ñañe yeyere “Ñañe ijire”, ni tũhotuerare. ³ Ohõ saha ni buheeta tiquina: “Namo tieracãhña. Ahri ihyayere ihyeracãhña”, ni buheeta tiquina. Tiquina sa

ihya dutierapegũta Cohãcjũ ihyayere bajumehnenno mari ihyatire quehnoañene cñahye tiquiro. Mari Cristore wacũ tutuana ijigũ quehnoañe buheyere mari masina ijigũ, mari ye ijiatire ti ihyayere bajumehneahye tiquiro. Ti ihyayere cñona tiquirore “Quehnoare”, mari nigũ cahmene tiquiro. ⁴ Ijipihtiye Cohãcjũ tiquiro bajumehnedi quehnoañe ijire. Sa yena tiquiro bajumehnedi ihyayere nena, Cohãcjũre “Quehnoare”, nina, tire marine cohãedaro cahmene. Tire marine bucue ihyaro cahmene. Sa yegñ apequina tiquina ihya dutieragũ tũhoeracãhña tiquinare. ⁵ Tiquiro bajumehnedi quehnoañe ti ijigũ yahu tuhasahye Cohãcjũ. Sa ye tiquirore “Quehnoare”, mari ni bucueri bato ti ihyaye tiquiro yeri ihyaye quehnoañe waro ijiro nine.

Jesucristo cahacjũnore Timoteore quehnoariquireo yahuahye Pablo

⁶ Ahri yñhñ yahurire Jesu yequinare mari acayere buhegn Jesucristo cahacjũ quehnoagn ijire mñhñ. Sa buhegn quehnoañe buheyere, quehnoano mñhñ tũhorire quehnoano masi pehogñ ijire mñhñ. ⁷ Sa yegñ tiquina esa tuharo tiquina buherire, Cohãcjũ ye ijieyere tũhoeracãhña. Sa yegñ Cohãcjũ cahmeñe pehere yepogn ijiya mñhñ. ⁸ Mñhñ dahrapogũ quehnoa cjũre.

Muhū dahraporiro yūhdūoro Cohācjū cahmeñene muhū yepogū quehnoa yūhdūare muhūare. Cohācjū cahmeñene yepogū yojopūare quehnoano ijigūta muhū. Sa yegū muhū yariari batorū gūhūre masa mājagū quehnoano ijigūta muhū. ⁹ Ti ijiorota ijire. Ijipihitiyequina tire yūhū nidire masiñequinare “Ijiorota ijire”, nino cahmene tiquinare. ¹⁰ Ijipihitiyequina tire tiquina niatire Cohācjū cahmeñene tiquina yeatire mari tutuaro dahraja. Sa yena ñano yūhdūaja mari apequina marine ñano tiquina yegū. Cohācjū catiriquiro, ijipihitiyequinare pecarū wahaboriquinare yūhdūoriquiro ijire. Tiquirore wacū tutuayequina pūritare tiquiro yūhdūorota. Sa yena tiquiro yūhdūoatire masina, cohteaja mari. Sa yena Cohācjū cahmeñe pehere masa tiquina yeatire tutuaro buhe dahraja mari.

¹¹ Ti ijipihitiye yūhū nidire dutiya Jesu yequinare. Sa yegū tire buheya muhū.

¹² Wahmū muhū ijigū ihñañe apequina Jesu yequina muhūre yūhdūdūca duaboaga. Tiquina “Sa yeari”, nigū, ohō saha ye ihñoña tiquinare. Masare cahñña. Sa yegū Jesure wacū tutuaducuya. Sa yegū buhiri mariegū ijiya. Wahmū ijiepegūta muhū sa yegū ihñañe muhūre yūhdūdūcasi tiquina. Sa ye muhū yahuducurire tūhoye, muhū yerire ihñañe muhūre

ihñña cūeta. ¹³ Sa yegū muhū caharū yūhū esato pano Jesu yequinare Cohācjū yere tiquina ojoari pūre buhe tuhasa tiquinare sa yahu quehnoducuya.

¹⁴ Jesu yequina pūhtoare Cohācjū tiquiro dutigū tiquina pehe Cohācjū yere yahu tuhasa muhū bui tiquina omocarine duhu peori. Tiquina sa duhu peogū Cohācjū ye ijiatire muhū ye masiatire cūri muhūre Cohācjū. Tiquiro sa cūrire ye duhueracāhñña.

¹⁵ Ahri dutiyere sa yeducuya muhū. Sa yegū ahri dutiyere quehnoano masiña. Muhū sa yeri bato quehnoañene muhū ye nemogū ijipihitiyequina ihññaeta. ¹⁶ Muhū pehe quehnoano yeya muhū, “Sijoro saha yeari”, nigū. Sa yegū quehnoano buheya muhū, “Sijoro saha buhearī”, nigū. Sa yegū muhū basita pecarū wahaborigū yūhdūgūta muhū. Sa ye muhūre tūhoriquina gūhū pecarū wahaboriquina yūhdūeta.

5

“Apequina Jesu yequinare ohō saha yeya muhū”, niahye Pablo Timoteore

¹ Ne būcūrore tuhtieracāhñña. Muhū pacūre muhū quehnoano yeriro sahata būcūro gūhūre quehnoano mehna yahuya. Sa yegū muhū bahanare muhū quehnoano yeriro sahata wahma pjia gūhūre quehnoano ño peoro mehna

tiquinare yahuya. ² Sa yegũ mũhũ pacore mũhũ quehnoano yeriro sahata bũcũna numia gũhũre quehnoano ño peoye mehna yahuya. Sa yegũ mũhũ bahana numiare mũhũ quehnoano ño peoriro sahata nuhmia gũhũre ñano ñe pjero marieno, quehnoano ño peoye mehna yahuya tiquinare.

³ Sa yegũ wape wiha numiare potota acaye marieñequina numiare ño peoye mehna yedohoya tiquinare. ⁴ Wape wihoro pohna tiricoro ijigũ, o panamena tiricoro ticoro ijigũ gũhũre ticoro pohne, ticoro panamena gũhũ yedohoahro ticorore. Sa yedohoye Cohãcjũ masare tiquina acayere tiquiroye dutiyere yeye nine tiquina. Sa yeye tiquina ticorore wapamonore wapa yeye niaga. Tiquina sa yegũ ihñano Cohãcjũ quehnoano bucuere. ⁵ Pejecũoricoro, wape wihoro acaye marienicooro ijiro, Cohãcjũ ticorore tiquiroye yedohoatire cohtere ticoro. Sa yero ñaminipe, decoripe ticoro Cohãcjũre sa siniducure. ⁶ Apecoro pehe wape wihoro ñañe mehna bucue duaricoro ijiro ticoro catiricoro ijieperota pecapũ wahaticoro ijire.

⁷ Ahri ijipihtiye yũhũ yahurire Jesu yequina gũhũre ye dutiya mũhũ, quehnoañe dihitare tiquina yeatire. Tiquina sa yegũ ihñañe apequina tiquinare

“Ñano yeye nine”, ni masiedare. ⁸ Ihcãquiroye tiquiroye ihña ihboeraro, tiquiroye pohne tiquina pacoro gũhũre quehnoano ihña ihboeraro “Jesu yaquiroye ijiaja”, ni masiedare. Sa yero Jesure cahmeeñequina yũhdũoro ña yũhdũariquiroye ijire tiquiroye.

⁹ Wape wiha numiare yedohonata mũsa. Ohõ saha beseya mũsa yedohoatiquina numiare. Tiquina wamene ojoa ohõati pũpũ ojoagũ tagũ ohõ saha beseya tiquina numiare: Sesenta cãmari cãmoricorore ticoro wamene ojoa ohõedacãhña. Sa yegũ wape wihoro ihcãquiroyeta manũ timedicorore ticoro wamene ojoa ohõña. ¹⁰ Sa manũ timediquina numiare “Quehnoañene yeyequina numia ijire”, masa tiquina niñequina numiare, tiquina pohnene quehnoano masori numiare beseya. Sa yegũ tiquina ye wũhũsepũ apequinare quehnoano sajã ta dutiyequina numiare, cahacjẽna yero saha Jesu yequinare yedohoye numiare, tiquina dahpocãrine coseri numiare, ñano yũhdũyequinare yedohoye numiare, quehnoañe dihitare yeye numiare beseya. Tiquina numiare mũsa yedohoati numiare bese tuhasagũpũ, tiquina wamene ojoa ohõña mũhũ.

¹¹ Sa ye wape wiha numia nuhmia cjũno tiquina ijigũ tiquina numia pehere beseracãhña. Sa yegũ ti

pũpũ tiquina wamene oja ohõedacãhña. Came tiquina yere tutuaro ye duaye, Cristore cohã, pari turi manũ tiboaga. ¹² Tiquina Cristore “Mũhũ yequinare yedohonatja”, nidiquina numia ijiepetã camepũre tiquina nidiro sahata yedohoeraboaga tiquina. Tiquina sa yedohoerari buhiri buhiri tieta. ¹³ Tiquina numia ohõ saha yere: Dahraeye numia ijipore. Sa ye apequina ye wũhũsepũ waha, ñañe quitidahre, sijoro saha mari yegũ marine sa yahuducure. Sa ye tiquina yahu dutierarire yahu wajare tiquina numia.

¹⁴ Sa yegũ tiquina numia ohõ saha yegũ cahmeaja yũhũ: Wape wiha numia nuhmia cjũnogã ijiye numia manũ tiahro. Sa ye Jesu yequinare “Usãre yedohoya”, nino marieno ijiahro tiquina numia. Sa ye tiquina pohna tiahro. Sa ye tiquina ye wũhũse cjẽnare quehnoano ihña ihboahro. Mari ye numia wape wiha numia tiquina sa yegũ marine ihña tuhtiyequina marine “Ñañene yeye nine”, ni tuhtimasiedare. ¹⁵ Yojopũ pũritare ihquẽ numia wape wiha numia Cristo yere duhu, watĩno cahmeñe pehere ye tuhasare. Sa yegũ sa ni yahuaja mũhũre.

¹⁶ Jesu yequina tiquina acayoro wape wihoro ticoro ijigũ tiquina ticoro acaye ticorore yedohoahro. Apequina Jesu yequina pehe

ticorore yedohoeracãhdo. Sa ye Jesu yequina ticoro acaye cũoricorore yedohoeraye, apequina numia wape wiha numia acaye marieñe numia pehere yedoho masine.

¹⁷ Jesu yequina pũhtoamũsare tiquina quehnoano buhegũ tiquina dahrayere tiquina quehnoano yegũ ihñana ño peoya tiquinare. Sa yena quehnoano wapa yeya tiquinare. Ihquẽquina tiquina mehna cjẽna Cohãcjũ yere yahuyequina mũsare buheyequina gũhũ ijire. Tiquina pũritare apequina yũhdũoro quehnoano ño peoya. ¹⁸ Cohãcjũ yere tiquina ojoari pũpũ ohõ saha nine, dahrariquirore tiquina wapa yeatire yahuro: “Wecũ trigo pjerire tiquiro dahpocãri mehna suhti wegũ tiquiro dũserore cahmotaeracãhña. Tiquiro cahmeno ihyaahro”, ni ojoahye. Sa yero ape pũpũ ohõ saha nine: “Dahrariquirore tiquiro dahrari wapare ohoro cahmene”, nine Cohãcjũ yere tiquina ojoari pũpũ. Tiquiro sa nigũ tũhona Jesu yequina pũhtoare quehnoano ño peoya mũsa. Sa yena quehnoano wapa yeya tiquinare.

¹⁹ Jesu yequina pũhtorore tiquiro ñano yegũ ihñano ihcãquirola yahusã masiedare. Pũhtorore ñañene yahusãtiquina ihtiaro ijiye, tiquirore yahusã masine. Ihtiaro mariedagũ pũaro yahusã masine. ²⁰ Sa yena ñañene

yeducuriquire ore ijipihtina m̄sa watoa tiquireo ijigū tiquireo tuhtiya, apequina cueatire, ñañene tiquina yeratire. ²¹ Sa yegū Cohācjū, Jesucristo, tiquireo beseriquina angele gūhū tiquina ihñonop̄h ahrire dutiaja m̄hure: Yojob̄h m̄hure yūhū dutirire ye pehoya. Sa yegū ijigū ijipihtiyequinare Jesu yequinare ihcāno saha yeya. Apequireore sijoro saha, apequireore sijoro saha yeracāhña. ²² Apequinare Cohācjū dahrayere m̄hū cūatire tiquina bui m̄hū omocarine m̄hū duhu peoato pano sojaro marieno quehnoano tūho masiñe mehna tiquinare beseya. Tiquina ñañequina ijiboaga. Sa ijiyequinare Cohācjū dahrayere cūedacāhña. Sa cūgū m̄hū gūhū m̄hū duhu peoyequina tiquina ñañene yero sahata yegū niboaga m̄hū. Sa yeracāhña. Sa yegū ñañe mariegū ijiya m̄hū.

²³ Usuro waro paa purīnohgū ijire m̄hū. Sa yegū yojob̄h aco dihitare sihnimene m̄hū. Sa yegū mehenogā vino gūhure sihniña m̄hū. Paa purīne co ijire ti.

²⁴ Ihquēquina tiquina ñañene yegū mari ihñaja. Sa yena Cohācjū tiquinare tiquireo buhiri dahreatire masiaja mari. Apequina pehere tiquina ñañe yerire mari masiedaja. Tiquina ñañe yerire came masinata. ²⁵ Ti ijiro sahata ihquēquina quehnoañene tiquina yegū

tire mari masiaja. Apeye tiquina quehnoañe yerire yojob̄h masiedapenata camep̄h masinata mari. Ti quehnoañene n̄ono basioerare.

6

¹ Cahacjēna Jesu yequina pehe tiquina p̄htoare quehnoano ño peoahro. Tiquina sa ño peogū ihñañe apequina Cohācjūre, mari buheye gūhure ñano yahuducu masiedare.

² Tiquina p̄htoa Jesu yequina tiquina ijigū ihñañe tiquina cahacjēna pehe Jesu yequina ijiye, tiquinare ihñapoye ño peoeraboaga. Sa yeraro cahmene. Tiquina p̄htoa Jesu yequina tiquina ijigū p̄ritare tiquina cahacjēna quehnoano ño peoahro tiquinare. Sa ño peoye tiquina cahacjēna pehe Jesu yequinare, tiquina cahñequinare yedohoye nine. Tiquina p̄htoare Jesu yequinare yedohoye, Jesure cahmeeñequinare tiquina ño peoriro yūhduro Jesu yequina pehere ño peoahro tiquina cahñequina ijigū. Ahri yūhū yahurire buheya. Sa yegū ahrire dutiaja.

Cohācjūre ño peoye gūhure quehnoano ijiye gūhure yahuahye Pablo

³ Sijoro saha ijiye buheyere buheriquiro mari p̄htoro Jesucristo ye buheyere quehnoañe buheyere “Ijirota ijire”, ni tūho duerare. Sa yero mari ye buheyere Cohācjūre ño peoye buheyere

cahmedare. ⁴ Sa yero tiquiro “Masi pehogu ijijaja”, nieperota tire ne masiedare. Sa yero tuho masieniquiro yero saha tutuaro cahme duse tutua duare tiquiro. Sa yero Cohãcjũ yere sa ni maca cãriquiro ijire. Masa tiquiro yero saha ijiequina cahme duse tutuaye, tiquina basi cahme ihña cooye, cahme ihña duerare. Sa ye apequinare ñano quti dahreye, masiedapeta masare ñano ni tuhoture tiquina. ⁵ Sa ye tiquina ñaño dihitare tuhotuyequina, poto ijiyere ne masieñequina sa cahme duse tutuaducure. Sa ye “Cohãcjũ yere buhena, niñerure wapatanata mari”, ni tuhoture tiquina.

⁶ Mari ye mehenogã mari cuoye mehna bucuena, Cohãcjũre ño peona, potota quehnoano ijina niaja mari. ⁷ Ahri yehpapure masa bajuana ne apee borore ne cãhtaeru mari. Sa yena mari yariari bato wahana, ne apee borore nea masiedaja mari. Sa yena masa yere masa cuoye mehna to punota bucueya. Pajiro cahme nemoedacãhña. ⁸ Sa yena mari ihyayere mari suhti gãhure cuona apeyere cahme nemoedacãhña. Masa cuoro punota bucueya masa. ⁹ Doeri cjẽ opana iji duayequinare watino ñañoene tiquiro ye dutigũ tiquina pehe peye ñañoene yeducuyequina ijiboaga. Sa ye tiquina peye tahari tuho masieñequina yero saha apee

borore tutuaro cahmeño, ñaño yeyere duhueraye, tiquina basita ñano yuhdare. Sa duhueraye, pecapu waeta tiquina. ¹⁰ Niñerure tutuaro cahmeño, peye ñañoene ye ducare masa. Ihquẽquina niñerure cahño, tutuaro cahmeño, Jesure wacũ tutua duhuye, peye tahari ñano jeripohna tire tiquina.

Cohãcjũ yere yena ñañoene duhuya

¹¹ Mũhu pũrita Cohãcjũ yaquiota ijire. Sa yegu ahri ñañoene yeracãhña. Sa yegu quehnoaño pehere cahmeña. Cohãcjũ yere yeya. Sa yegu Jesure wacũ tutuaya. Sa yegu apequinare cahña. Ñano yuhdupeguta ihcãno sahaya. Sa yegu sa tuhotu cãhña. ¹² Uhmũsepu sa ijiducucãjũre Cohãcjũ beseri mũhure. Sa yegu Cohãcjũre mũhu wacũ tutuayere peyequina masare quehnoano yahuri mũhu. Sa yegu ñano yuhdupeguta tiquirore wacũ tutua duhueracãhña uhmũsepu mũhu sa ijiducuatire. ¹³ Cohãcjũ ijipihtiyequinare catigũ yeriquiro ijire. Ijipihtiyere ijigũ yeriquiro ijire. Sa yero Jesucristo pehe Poncio Pilatore Cohãcjũ yere quehnoano yahuriquiro ijire. Sa yegu Cohãcjũ, Jesucristo gãhu tiquina ihñonopu ahrire mũhure ye dutiitja: ¹⁴ Mũhure tiquiro dutirire ye peho cãhña. Jesucristo tiquiro tojoa tato pano masa mũhure ñañoene tiquina “Yahusãri”,

nigã, tiquiro dutirireta yeducuya. ¹⁵ Tiquiro queoriro sahata Cohãcjũ Cristore tojoa tagũ yerota. Cohãcjũ quehnoariquiro, tiquiro dihita masare dutiriquiro ijire. Sa yero ijipihtiyequina apequina pãhtoa bui pãhtoro ijire tiquiro. ¹⁶ Sa yero tiquiro dihita ne yarieriquiro ijire. Tiquiro asi siteye mehna ijiriquiro ijire. Sa ye masa tiquiro asi siteye cahapũ waha masiedare. Sa yeye tiquirore masa ne ihñedari. Sa yeye yojopũ gãhũre tiquirore ihñedare. Tiquiro pehere ño peouhna. Sa yena “Ijipihtiye decori tutuariquiro ijire tiquiro”, niuhna tiquirore. Sata niuhna.

¹⁷ Ahri yehpa cjẽna doeri cjẽ opanare ohõ saha ni dutiya mũhũ: “Apequinare masi yũhdũdũcaja”, ni tiquina basi tũhotueracãhdo. Tiquina doeri cjẽ tiquina cũoye pihitia waharota. Sa yeye tiquina cũoye dihitare bucueracãhdo. Cohãcjũ pehere bucueahro. Ijipihtiye pototi mari cahmeñene ohoriquiro ijire tiquiro. Tiquiro pehere wacũ tutuahro tiquina doeri cjẽ opana. ¹⁸ Sa yeye tiquina quehnoañe pehere yeahro pajiro quehnoañene yeyequina tiquina ijiatire. Sa yeye tiquina cũorire apequinare ohoahro. ¹⁹ Tiquina sa yegũ mũhmũsepũ Cohãcjũ cahapũ tiquina ye ijirota. Topũ tiquina ye ijigũ ne butisi. Sa ye topũ sa ijiducueta tiquina.

tiahye

²⁰ Timoteo, mũhũre Cohãcjũ tiquiro cũrire tiquiro buhe dutirire quehnoano yeya. Boeracãhña mũhũ. Ihquẽquina masa Cohãcjũre cahmeeñequina yero saha ni mehoñe, tũho masieñequina ye buheyere yahuducuducure. Sa yahuducuye “Quehnoano masiñequina ye buheye ijire”, nimene tiquina. Sa tiquina ni buheyere tũho nũnũedacãhña. ²¹ Ihquẽquina ti buheyere tũho nũnũñequina Cristo yere cohã cãhre. Cohãcjũ tiquiro cahñe mehna mũhũre tutuaro quehnoa dutiaja.

2 Timoteo

Pablo Timoteore pari turi ojoa ohoahye

¹ Yũhũ Pablo, ahrire mũhũre Timoteore ojoa ohoaja. “Ijipihtiyequina Jesucristore wacũ tutu-ayequina uhmũsepu sa ijiducuenta”, ni, cũri marine Cohãcjũ. Tiquiro sa ni cũrire yahuacjũre yũhũre bese cũri Jesu. Sa cũno Cohãcjũ tiquiro cahmeno sahata yero nidi yũhũre. ² Mũhũ Timoteo yũhũ cahĩgũ ijire. Mũhũre Jesu yere yũhũ buhegũ tuhogu tiquirore quehnoano wacũ tutua dũcari mũhũ. Sa yegũ yũhũ macũ yero saha ijire mũhũ. Sa yegũ Cohãcjũ mari Pacũ, mari puhtoro Jesucristo mehna mũhũre quehnoa dutiaja. Sa yeye mũhũre paja ihña, tiquina yedohoye mehna quehnoano ijiya mũhũ.

Masare Cristo yere tiquina yahurire yahuahye Pablo

³ Ñamipũ, decopũ gũhũre Cohãcjũ mehna yahuducugũ mũhũ ye ijiatire sini basagũ mũhũ mehna bucueaja. Sa bucuegũ Cohãcjũre “Quehnoare”, niaja yũhũ. Panopũ cjẽna yũhũ acaye ñaũe buhiri marieno Cohãcjũ yere tiquina yeriro sahata yũhũ gũhũ yojopũre tiquiro yere yeaja. ⁴ Sohõ ijiri pjere yũhũ wahagũ mũhũ uti nũnũ tãe tirire wacũgũ mũhũre tutuaro ihña duaja, mũhũ

mehna quehnoano bucue duagũ. ⁵ Sa yegũ Jesure potota mũhũ wacũ tutuarire wacũaja yũhũ. Mũhũ ñeco, Loida, mũhũ paco Eunice gũhũ mũhũ yero sahata Jesure wacũ tutua mũhtari mũhũ pano. Sa yegũ yojopũre mũhũ gũhũ tiquirore mũhũ wacũ tutuagũ quehnoano masiaja yũhũ.

⁶ Sa yegũ ahrire mũhũre wacũgũ ye duaja. Mũhũ bui yũhũ omocarine yũhũ duhu peogũ Cohãcjũ yere mũhũ yeatire tutuayere ohori mũhũre. Ti tutuaye mehna ye nemoña mũhũ.

⁷ Cohãcjũ marine tiquiro yaquiro Espĩritu Santore ohori. Sa yero masare marine cueragũ yere Espĩritu Santo. Sa yero tutuana, masare cahña, tuho masina marine ijigũ yere tiquiro.

⁸ Sa yegũ mari puhtoro ye ijiatire apequinare yahugũ, bue tieracãhña mũhũ. Yũhũ tiquiro yere yũhũ yeri buhiri peresupũ ijigũ niaja. Peresupũ yũhũ ijigũ yũhũre bue tisãedacãhña mũhũ. Sa yegũ quehnoañe buheyere mũhũ buheri buhiri ñano yũhdugũ “Quehnoanota”, niña mũhũ gũhũ. Mũhũ sa ñano yũhdugũ Cohãcjũ mũhũre yedohorota. ⁹ Cohãcjũ pehe marine pecapũ wahaborinare yũhdũori. Sa yero quehnoana, tiquiro yequina ijianare tiquiro beseahye marine. Mari quehnoano yeye mehna tiquirore marine besegũ yerũ. Tiquiro esa tuharo

tiquiro cahmediro sahata yero ahri yehpare tiquiro bajumehneato pano marine cahño, tiquiro marine be-seahye. Marine sa cahño marine yuhdhoatiquirore Jesucristore ohoahye Cohãcjũ. 10 Yojopure Jesucristore marine yuhdhoatiquirore ohoro, marine potota tiquiro cahñene masigũ yero ni-ahye Cohãcjũ. Jesu marine tiquiro yequinare pecapu wahaeragũ yeri. Sa yero “Yuhure wacũ tutuana Cohãcjũ mehna sa ijiducunata”, nino, quehnoañe buheyere marine yahuro ahtahye tiquiro.

11 Ti buheyere quehnoañe buheyere yahuacjũre tiquiro cũacjũre beseri yuhure. 12 Sa tiquiro beserigũ ijigũ yojopure ñano yuhduaja yuhũ. Ohõ saha ñano yuhdũepegũta yuhũ bue tieraja. Yuhũ wacũ tutuariquirore Jesure masiaja yuhũ. Tutuariquiro ijire tiquiro. Sa yero yuhure tiquiro yere buhe duti cũno quehnoano yedohorota. Sa yero ahri yehpapũ tiquiro tojoa tato pano, “Muhure yuhdũogũtja”, tiquiro nidiro sahata sohtori tirota yuhure. Yuhure yuhdũorota tiquiro. Tire quehnoano masiaja.

13 Muhure quehnoano yuhũ yahurire ye pehoya. Cristo Jesu yequina ijina tiquirore quehnoano wacũ tutuaja mari. Sa yena apequinare quehnoano cahñaja. Sa yegũ tiquirore sa wacũ tutuaducuya mũhũ. Apequinare quehnoano cahĩducuya. 14 Sa

yegũ Espiritu Santo mari mehna ijiriquiro tiquiro yedohoro mehna quehnoañe buheyere quehnoano yeya. Queoro buheya.

15 Ijipihtiequina Asia yehpa cjẽna Jesu yequina yuhure yedoho dueraye, cohã cãa wahari. Tiquina mehna cjẽna puaro Figelo, Hermógene sata yeri tiquina gũhũ. Tiquina sa cohã cãrĩre masi tuhasare mũhũ. 16-17 Tiquina sa cohãepẽgũta Onesiforo pehe peye tahari yuhure yedohoro quehnoano jeri sajãgũ yeri. Sa yero yuhũ peresupũ ijigũ tiquiro yuhure bue tisãedari. Sa yero yuhũ Romapũ ijigũ sa macaducuri jiri yuhure. Sa macaducuro yuhure bocari. Sa yero tiquiro pohnene, tiquina pacoro gũhure paja ihñanota Jesu mari puhtoro. Tiquirore sa paja ihña dutigũ tiquirore sini basaja. 18 Sa yero ahri yehpapũ Jesu mari puhtoro tiquiro tojoa tati deco tiquirore paja ihñanota. Tiquirore sa paja ihña dutigũ tiquirore sini basaja. Efesopũ marine Onesiforo tiquiro yedohorire quehnoano masine mũhũ.

2

Ñano yuhdũepenata Jesu yequina ijina ihcãno saharo cahmene marine

1 Mũhũ pehe yuhũ macũ yero saha ijigũ, Jesucristo yedohoro mehna tiquirore wacũ tutuaducuya. 2 Sa yegũ peyequina masare yuhũ

buherire m̄h̄u tahorire ape-
quina ḡh̄u buheya m̄h̄u.
Tiquina m̄h̄u buheyequina
Coh̄c̄j̄u yere yeducuyequina
ijiahro. Sa ye apequinare
buhe masiñequina ijiahro.

³ Surara ñano ȳhd̄uēperota
tiquiro ihc̄āno sahariro saha
m̄h̄u ḡh̄u Jesu yaquiro ijiḡu
ñano ȳhd̄uḡu, ihc̄āno sahaya
m̄h̄u. Sa yeḡu apequina
Jesu yequina yero saha yeḡu
nine m̄h̄u. ⁴ Surara tiquiro
p̄h̄toro dutiye pehere yere.
Sa yero tiquiro surara
ijieyequina yero saha ihyo
ijiyere yerare tiquiro. M̄h̄u
ḡh̄u sata Coh̄c̄j̄u dutiye
dihitare yeya. ⁵ Omariquiro
oma dutiyequina tiquina
dutiye queoro yeraro,
tiquiro oma ȳhd̄ud̄cari
wapare ne masiedare.
(Sa yeḡu omariquiro ti
dutiye queoro tiquiro
yeriro saha Coh̄c̄j̄u du-
tiye quehnoano ye pehoya
m̄h̄u.) ⁶ Sa yero wese
dahrariquiro quehnoano
dahrariquiro pehe ape-
quina pano quehnoano wa-
patare. (Sa yeḡu m̄h̄u ḡh̄u
tiquiro yero saha quehnoano
dahraya m̄h̄u.) ⁷ Ijipihtiyere
quehnoano masiḡu yerota
Jesu mari p̄h̄toro m̄h̄u.
Sa yeḡu yojop̄are m̄h̄u
ȳh̄u nidire quehnoano wac̄u
t̄hotuya.

⁸ Sa yeḡu Jesucristore
wac̄ña. Tiquiro p̄h̄toro
Davi m̄n̄ano panop̄u c̄j̄āno
tiquiro panamino iji turi-
ariquiro ijiahye. Sa yero yari-
aro masa m̄jahye tiquiro.

Quehnoañe buheyere
buhegu tiquiro sa waharireta
buhegu niaga. ⁹ Tiquiro yere
buhegu ñano ȳhd̄uaja ȳh̄u.
Sa yeḡu tire ȳh̄u buheri
buhiri ñañene yeriquiro yero
saha peresup̄u ijiaja ȳh̄u.
Ȳh̄u sa ijiepeḡuta Coh̄c̄j̄u
ye yahuducuyere buhe
duhuḡu ye masiedare masa
ȳh̄u. ¹⁰ Sa yeḡu Coh̄c̄j̄u
beseriquinare buhegu peye
tahari ñano ȳhd̄uaja ȳh̄u,
tiquina ḡh̄u Jesucristo
yequina tiquina ijiatire.
Tiquiro yequina ijiye tiquina
pecap̄u wahaboriquina pehe
tiquiro ȳhd̄uotiquina iji-
eta. Sa ye tiquina Coh̄c̄j̄u
mehna sa ijiducueta.

¹¹ Ahri ȳh̄u niati ijirota
ijire. Cristo yere
mari yeri buhiri ape-
quina marine tiquina
wej̄ḡu tiquiro mehna
ūhm̄sep̄u sa ijiducu-
nata.

¹² Sa yena tiquiro yere
mari yeri buhiri
ñano ȳhd̄uēpenata
ihc̄āno sahana tiquiro
p̄h̄toro ijirop̄are
tiquiro mehna
p̄h̄toata ijinata mari
ḡh̄u.

¹³ “Cristore ūs̄a masiedaja”,
mari niḡu, tiquiro
ḡh̄u marine sata
ninota. Tiquirore
mari ȳhd̄ud̄caḡu
ih̄ñano tiquiro nidiro
sahata marine buhiri
dahrerota. Tiquiro ni-
diro sahata yeriquiro
ijire tiquiro. Ne ni

mehoedare. Ahri ijip-
ihtiye tiquiro yahuri
ijirota ijire.

*Cohācjū tiquiro ihña
coayequinare, tiquiro yere
buheyequinare yahuahye
Pablo Timoteore*

¹⁴ Ahri yahū yojopū yahu-
atire mahū mehna cjēnare
wacūgū yeya. Tiquina esa
tuharo ihyo ijiyere tiquina
yahuducuye dahseati ijier-
are. Sa yeye tiquinare
tuhoriquinare ñano yegū
yere. Sa yegū mari puhtoro
ihñonopū ohō saha ni
yahuya tiquina esa tuhoro
buheriquinare. “Musa
yahuducuro saha yahudu-
cueracāhña”, niña tiquinare.

¹⁵ Mahū pehe Cohācjū
yere quehnoano buheya.
Sa yegū Cohācjū yere tutu-
aro yeya. Mahū sa yegū
ihñano “Quehnoano yeri
mahū”, ninota Cohācjū
mahure. Sa yegū mahū
buherire tiquiro ihñagū bue
tisi mahū. Sa yegū tiquiro
ye buheyere quehnoano
masiña. Sa yegū tire queoro
buheya. ¹⁶ Tiquina esa
tuharo yahuducuyequina
ñañene sa yeducure. Sa yegū
tiquina sa ni yahuducuyere
tuhō yabiya mahū. ¹⁷ Tiquina
pehe tiquina yahuducuye
camino ahba majano yero
saha ijire. Camino ahba
majano saha tiquina yahudu-
cuye gūhū apequina Jesu
yequinare ñañequina wahagū
yeeta. Sa yahuducuyequina
mehna cjēna Himeneo,
Fileto gūhū ijire. ¹⁸ Sa yeye

tiquina “Jesu yequina masa
maja tuhasari”, ni buheye,
quehnoañe buheyere duhu
cāri tiquina. Sa sijoro saha
buheye, meheñequinagā
Jesu yequinare tiquirore
wacū tutua duhugū yeri
tiquina. ¹⁹ Tiquina sa ñano
buhepegūta Cohācjū ye buh-
eye pehe ne comesaerare.
Ohō saha nine tiquiro ye
buheye: “Mari puhtoro Jesu
tiquiro yequinare masine.
Sa ye, ijipihtiyequina ‘Jesu
yequina ijiaja’, niñequina
ñañene duhu cāhdo”, ni
yahure Cohācjū ye buheye.

²⁰ Mari queoye mehna
buhegū masa sihniñe pari
yero saha ijire. Pajiri wahupū
uru, plata mehna tiquina
yeri pari ijire. Sa yero ti
wahupū apeye pari yucugū
mehna, dihi mehna tiquina
yeri pari ijire. Uru, plata
mehna tiquina yeri pari
quehnoañene tiquina pose
yeati ijire. Apeye pari ihyo
ijiyere tiquina pose yeati
ijire. ²¹ Sa yero ñañene yer-
ariquiro uru pa quehnoari
pa yero saha ijirota. Sa yero
tiquiro pehe Jesu ye dihitare
yeducuriquiro ijirota. Sa
yero wahū cjāno quehnoari
pa mehna quehnoañene
tiquiro yeriro saha, ñañene
yerariquiro Jesu ye ijiatire
quehnoañene yerota.

²² Wahmū ijire mahū. Sa
yegū wahma pjia ñañene
tiquina tutuaro ye duaro
sahata yeracāhña mahū. Sa
yegū quehnoañene yeya.
Jesure wacū tutuaducuya.

Sa yegu tiquirote, masa gũhure cahĩña. Sa yegu mũhũ mehna cjẽna Jesu yequina mehna ijigũ cahmequeno marieno quehnoano ijiya mũhũ. Sa yeya mũhũ Cohãcjũre yũhtiyequina tiquirote siniducuyequina mehna ijigũ. ²³ Sa yegu tũhoturo marieno tiquina cahme yahuducuyere mũhũ gũhũ tũho nũnedacãhña. Sa yegu mũhũ gũhũ sa cahme yahuducueracãhña. Sa ni yahuducuye masa tiquina basi cahme tuhti, usuare. ²⁴ Cohãcjũ cahacjãno ihcãquiro ijiro, cahme tuhtiaro cahmene tiquirote. Sa yero ijipihtiyequinare quehnoano yeriquiro, buhe mihnidiquiro, duita usueriquiro ijiro cahmene tiquirote. ²⁵ Sa yero apequina tiquiro mehna tiquina cahme tuhtigũ tiquiro tiquinare yahuro, quehnoano mehna usuaro marieno yahuro cahmene tiquirote. Tiquiro sa yahugũ ihñañe Cohãcjũ yedohoye mehna tiquina pehe tiquina ñañe yerire bujũa witiboaga. Sa ye quehnoañe buheyere masi dũcaboaga. ²⁶ Tiquinare watĩno cũmedi tiquiro cahmeñene yeatiquinare. Sa ye tiquina ñañe yerire bujũa witiri bato quehnoañe buheyere masiñe, watĩnore cohã cãeta.

3

Pihtiati deco ijiatire yahuahye Pablo Timoteore

¹ Pihtiati deco panogãre ñano yũhdũeta masa. Tire quehnoano masiña mũhũ. ² Ti pjere masa apequinare wacũ peoyequina, niñerure cahme yũhdũdũcayequina, “Apequinare masi yũhdũdũcaja”, ni tiquina basi tũhotuyequina, masare ñano tuhtiyequina, tiquina pacũsmũare yũhdũdũcayequina, tiquina ohoepegũta “Quehnoare”, nieñequina, Cohãcjũre ño peoyequina ijieta. ³⁻⁴ Sa ye masare cahñeñequina, paja ihñeñequina, ñañe quitidahreycuina, tiquina esa tuharo ñano yeducuyequina, masare sa quẽducuyequina, quehnoañene yabiycuina, tiquina mehna cjẽnare ñano yeyequina, tũho masieñequina, “Masi pehoaja”, ni tũhotuyequina ijieta masa. Sa ye ñañene cahme yũhdũdũcayequina ijiye, Cohãcjũ pehere cahmeeñequina ijieta. ⁵ Sa ye tiquina masa ihñonopũ Cohãcjũre ño peopeta “Cohãcjũ ihyo ijiriquiro ijire”, ni tũhotumene tiquina.

Sa niñequinare piti tieracãhña mũhũ. ⁶ Tiquina mehna cjẽna tũho masieñequina numia ye wũhũsepũ sajã, tiquina numiare ni mehoñene buhere. Tiquina numia pehe sa ñañene yeducuyequina numia, tutuaro ñañene ye duare. ⁷ Tiquina numia sa buheducuye ihyo ijiye buheyere, sijoro saha ijiye buheyere tũhoye nu-

mia ijiye, Cohãcjũ ye buh-eye pehere ne masiedare. ⁸ Panopũ Jane, Jambre yayia mũna Moiserere tiquina ihña tuhtiriro sahata pihtiatu deco panogã ijiyequina masa quehnoañe buheye pehere ihña tuhtietu. Tiquina ñañe dihitare tuhotuyequina ijieta. Sa ye Jesure wacũ tutuayequina waro ijierare. ⁹ Sa yeyequina tiquina ni mehoñene tuho duasi apequina pehe. Came tiquina ni mehoñene, tuho masieñequina tiquina ijiye gũhure ijipihtiyequina masieta. Jane, Jambre mehna tiquina ni mehoñene panopũ masa tiquina masidiro sahata sata masieta pihtiatu deco panogã ni mehoñequina tiquina ijiyere.

Pablo Timoteore duti batotiahye

¹⁰ Yũhũ buheyere, yũhũ yee tirire, yũhũ ijiye tiyere, yũhũ ye duayere, Jesure yũhũ wacũ tutuayere masine mũhũ. Sa yegũ usuaro marieno yũhũ yerire, masare yũhũ cahĩñene, ñano yũhdũepẽgũta yũhũ ihcãno saharire masine mũhũ. ¹¹ Sa yegũ yũhũre tiquina ñano yerire, yũhũ ñano yũhdũrĩre masine mũhũ. Sa yegũ Antioquĩarũ, Iconiorũ, Listrarũ, yũhũre ña yũhdũaro tiquina yerire masine mũhũ. Yũhũ sa wahagũ ihñano mari pũhtoro Jesu pehe yũhũre yedohori. ¹² Ijipihtiyequina Jesucristo yequina tiquina iji duagũ Cohãcjũ dutiriro sahata tiquina yeducu

duagũ apequina tiquinare ñano yeeta. Ti ijirota ijire. ¹³ Sa ye ñañequina pehe ni mehoñequina gũhũ ña yũhdũayequina wahaeta. Apequinare ni mehoñe, tiquina basi ni mehoñene “Sa tjire”, niñe, ña yũhdũayequina wahaeta.

¹⁴ Mũhũ pehe mũhũre yũhũ buherire, quehnoano mũhũ tuhorire sa wacũducuya. Sa yegũ yũhũ buheriro sahata yeya. Mũhũre buheriquinare masine mũhũ. ¹⁵ Mũhũ nijigũ ijigũpũta Cohãcjũ yere tiquina ojoari pũre masi dũcahye mũhũ. Tiquiro yere tiquina ojoari pũrũ ohõ saha ni yahure mũhũre: Jesucristore wacũ tutuayequina dihitare pecarũ wahaboriquinare yũhdũore Cohãcjũ. ¹⁶ Cohãcjũ yere tiquina ojoari pũrũ ijipihtiyere Cohãcjũ pehe ojoa dutiahye. Sa yena ti pũre buhena mari masi nemoaja. Ti pũre buhena Cohãcjũ dutiyere mari yeatire masi-aja. Sa buhena mari ñañe yerire “Ahri ñañe ijire”, ni tuhotuaja mari. Sa yero ti pũ marine quehnoañe pehere camesa dutire. Sa yero decoripe quehnoañene mari yeducuatire yahure ti pũ. ¹⁷ Sa yero Cohãcjũ yaquiro tiquiro ya pũre buhero, masi pehorota. Sa masino ijipihtiyere quehnoañene ye masinota tiquiro.

4

¹ Jesucristo ijipihtiyequina pũhtoro, tojoa tatiquiro,

catieyequinare, yariariquina gūhure buhiri dahre duti-atiquiro tiquiro ihñonopu mūhure ohō saha ni yahutja. Cohācjū ihñonopu gūhure ohō saha ni yahutja mūhure: ² Decoripe masa tiquina tūho duagū tiquina tūho dueragū gūhure Cohācjū yere yahuya. Sa yahugu masa tiquina ñañe yerire masigū yeya tiquinare. Sa yegu tiquina ñañe yerire “Ye nemoedacāhña”, ni yahuya tiquinare. Quehnoañe pehere ye dutiya. Sa buhegu ne usuegu, caributieracāhña mūhu. Sa yegu ne apequinare buhe duhueracāhña. ³⁻⁴ Camepu masa quehnoañe buheyere tūho duasi. Sa tūho dueraye, tiquina cahmeno sahata yeye, tiquina tūho coaye dihitare buheyequinare cahmeeta tiquina. Sa ye ni mehoñe buheyere peyequina buheyequinare cūoeta. Tiquina sa yeye quehnoañe buheye pehere cohā, tiquina sa buhe maca cārire tūho nūnūeta. Sa yegu quehnoañe buheyere buhe duhueracāhña mūhu. ⁵ Mūhu gūhu sa ijigu decoripe tūho masigu ijiya. Sa yegu ñano yūhduepegata ihcāno sahaya. Sa yegu quehnoañe buheyere sa buheducuya. Cohācjū mūhure tiquiro ye dutirire ye peho cāhña mūhu.

⁶ Yūhu Cohācjū yere yūhu yeri buhiri yūhu yariato mehenogā dūhsare. Sa yegu meheñe decorigā catiniitja. ⁷ Yūhu yariato panogā ahrire yahutja: Jesu quehnoañe

buheyere yūhure buhe dutiro tiquiro cūrire quehnoano buhe sohtori tii. Tiquiro ye dutiyere quehnoano ye pehou. Sa yegu ñano yūhduepegata tiquirore ne wacū tutua duhueru. ⁸ Yojobure quehnoañene yūhu yeri wapare ūhmūsepū ihboro niaga. Sa yero mari pūhtoro, ijipihtiyequinare masi pehoriquiro, buhiri dahre dutiro queoro yahuriquiro tiquiro tojoa tati deco tiquiro yere yūhu yeri wapare ohorota yūhure. Apequina gūhure tiquiro tojoa tatire cohteyequinare tiquirore cahñequinare tiquiro yere tiquina yeri wapare ohorota Jesu.

Pablo yahu nemoahye Timoteore

⁹ Yūhu cahapu ūmūñano ihñagu ahtaya mūhu. ¹⁰ Dema ahri yehpa cjē ijipihtiyere tutuaro cahmeno yūhure yedoho dueraro cohā cāa wahari Tesalónicapu. Crescente gūhu Galacia yehpapu wahari. Sa yero Tito gūhu Dalmaciapu wahari. ¹¹ Luca dihita yūhu mehna ijire. Marco yūhure quehnoano yedohoatiquiro ijire. Sa yegu tiquirore ne cāhtaya mūhu. ¹² Sa yegu Tíquicore Efesopu ohou. ¹³ Ohōpu ahtagu, yūhu bui sañari suhtirore, Troapu Carpo ya wūhupu yūhu cūri suhtirore ne cāhtaya. Sa ye sohō ijiri tunuri ojoari tunuri gūhure ne cāhtaya. Sohō ijiri cahseri ojoari cahseri pūritare tutuaro cahmeaja

yũhũ. Sa yegũ ti cahseri gũhũre ne cãhtaya.

14 Alejandro comene dahrariquiro yũhũre ña yũhdũaro yeri. Sa yero tiquiro sa yeri buhiri Cohãcjũ buhiri dahrerota. 15 Tiquiro Alejandro mari ye buheyere tutuaro ihña tuhtiri. Sa yegũ tiquiro mũsare “Ñano yeari” nigũ, tiquirore ihñagũ, quehnoano wacũ masiña.

16 Masare beseriquirore peresupũ ye dutiriquirore yũhũ yerire, yũhũ buherire tiquirore yũhũ coã yahugũ ne ihcãquiro boro Jesu yaquiro yũhũre yedohoerari. Ijipihtiyequina yũhũre yedohoeraye, cohã cãa wahari. Tiquina sa cohãepegũta yũhũre tiquina cohãri buhiri Cohãcjũ buhiri dahreracãhdo.

17 Yũhũ sa wahaepegũta Cohãcjũ yũhũre yedohori. Sa yero tiquiro ye buheyere yũhũ quehnoano yahuatire tiquiro ye tutuayere ohoi yũhũre, ijipihtiyequina judio masa ijieyequina ti buheyere tiquina tũhoatire. Sa yero yũhũre tiquina ñano tiquina ye duepegũta yũhũre tiquina ñano yeborigare yedohori mari pũhtoro. 18 Ijipihtiyequina yũhũre ñano yeyequinare yũhdũdũcaro, yũhũre yedohorota mari pũhtoro. Sa yero ỹhmũserũ tiquiro pũhtoro ijigorũ yũhũre iji dutiro, yũhũre yũhdũorota tiquiro. Sa yena “Tiquiro quehnoa yũhdũariquiro, tutua yũhdũariquiro ijire”,

niihna mari ijipihtiye decori. Sata niihna.

Pablo quehnoa dutiahye Timoteo cahapũ ijieyequinare

19 Prisca, Aquila, Onesíforo ya wũhũ cjẽna gũhũ quehnoahdo. 20 Erasto

Corintopũ tojoari. Trófimo Miletopũ dohatia wahari. Sa yegũ tiquirore topũ cũu yũhũ.

21 Pohero pano ỹmũñano ahtaya mũhũ. Eubulo, Pudente, Lino, Claudia gũhũ, ijipihtiyequina Jesu yequina mũhũre quehnoa dutire.

22 Mari pũhtoro Jesucristo mũhũ mehna ijirota. Sa yegũ mũsare ijipihtinare Cohãcjũ mehna pajiro quehnoa duti-
aja.

Tito

Pablo Titore ojoa ohoahye

1 Y^hh^h Pablo Cohãcjũ cahacjã, Jesucristo yere tiqiro buhe duti cûrigũ ijiaja. Cohãcjũ beseriquina Jesure tiquina wacũ tuatire quehnoañe buheyere tiquina masiatire Jesu buhe dutiro y^hh^hre cûri. Ti buheye Cohãcjũ dutiro saha mari yeatire yahure. ² Sa yegũ ijipihtiye decori Cohãcjũ yequina a^hm^hsepũ tiquina ijiducuatĩ gũh^hre buheaja tiquinare. Cohãcjũ ne ni mehoñe marieniquiro ahri yehpare tiqiro bajumehneato pano ohõ saha ni cũahye marine: “E^hm^hsepũ sa ijiducunata m^hsa”, ni cũahye marine. ³ Sa yero tiqiro queori pje Cohãcjũ tiqiro ni cûrire yahu dutiri masare. Sata y^hh^hre ni yahu dutiri tiqiro. Marine pecapũ waborinare y^hh^horiqiro ijire. ⁴ M^hh^hre Titore Jesu yere buhei. Y^hh^h sa buhegũ t^hhogũ Jesure wacũ tutua d^hcarĩ m^hh^h. Sa yegũ m^hh^h potota y^hh^h macũ yero saha ijigata nine. M^hh^hre ahrire ojoagũ niaja. Sa yegũ Cohãcjũ mari Pacũ mehna, Jesucristo marine y^hh^horiqiro mehna m^hh^hre quehnoa dutiaja. Sa ye paja ihñañe, m^hh^hre tiquina yedohoye mehna quehnoano ijiaja m^hh^h.

Creta wame tiri n^hchopũ
Tito tiqiro yeatire yahuahye
Pablo

⁵ Creta wame tiri n^hchopũ m^hh^hre y^hh^h cũgũ Jesu yequina tiquina buheati d^hhsarĩdi ti pjere. Sa yegũ tiquina yeatire yahuyucjũre cũgũ nii y^hh^h m^hh^hre. Sa yegũ macaripe cjẽna Jesu yequina p^hh^htoa ijia-tiquinare bese dutigũ cũgũ nii m^hh^hre. ⁶⁻⁸ Tiquina p^hh^htoa Cohãcjũ cahacjẽna ijire. Sa yegũ tiquinare besegũ quehnoañequinare beseya sijoro saha yeeyequinare. Sa yegũ ihquẽquina numiareta namo tiyequinare, “Apequinare masi y^hh^hd^hcaja”, ni t^hhotueyequinare, usueyequinare, queheye marieñequinare, cahmequeñe marieñequinare, apequina yere ni meho ehmeñequinare beseya. Sa besegũ tiquina w^hh^hsepũ sajã sayequinare quehnoano ihña ihboyequinare, quehnoañe pehere quehnoano bucueyequinare, t^hho masiñequinare, quehnoañene yeducueyequinare, ñañe marieñequinare, ñañene yeeyequinare, niji siaro marieno dahrayequinare, quehnoañene yeducueyequinare beseya. Sa ye m^hh^h beseatiquina pohne ohõ saha ijieyequina ijiro cahmene: Jesure wacũ tutuayequina, quehnoano yeducueyequina, ijipihtiyequinare quehnoano y^hh^htiyequina ijiro cahmene p^hh^htoa pohne. ⁹⁻¹⁰ Sa ye quehnoañe buheyere queoro

mari buheducuro sa hata ne duhueyequina ijia hro puhto ma hu beseatiquina. Sa ye tiquina quehnoañe buheyere yahueyequina ijietā. Sa ye quehnoañe buheyere ihña tuhtiyequinare buheye, tiquina ye ni mehoñe ijigū masigū yeeta tiquina. Sa yegu quehnoano beseya Jesu yequina puhto ijiatiquinare.

Peyequina tiquina puhtoare yuhducayequina, quehnoano tuhotu yahuducueyequina, ni mehoñequina ijire yojopare. Sa ye yequina judio masa pūrta ña yuhduaro ye ye nine. Tiquina ye buheye potō ijieragū tiquinare masigū yero cahmene. ¹¹ Tiquina judio masa pehe niñerure wapata dua, buhere. Sa yeraro cahmene. Sa buheye ihquē wuhuse cjēnare ijipihtiyequinare Cohācjū ye pehere cohāgū ye ye niaga tiquinare. Tiquina sa yegū tiquinare sa ye dutieraro cahmene.

¹² Tiquina ye panopu yahuriquiro ti nuchō cjāno ijieperota ohō saha ni yahuahye: “Creta nuchō cjēna sa ni mehoducueyequina ijire. Ti nuchō cjēna wahiquina yero saha usuayequina ijire. Sa ye sa ihyaducueyequina ijie ne dahra duerare”, niahye tiquiro, tiquiro ya nuchō cjēnare. ¹³ Tiquiro sa niñe ijirota ijire. Tiquina sa ijigū ihñagu tiquinare tutuaro tuhtiya Jesu ye buheye pehere quehnoano tiquina masiatire. ¹⁴ Sa

yegu judio masa panopu cjēna tiquina esa tuhoro tiquina ni maca cārire, Jesu ye cahmeeñequina tiquina dutiye gūhare Creta cjēna tiquina tuho nunēdatire tuhtiya tiquinare.

¹⁵ Buhiri marieñequina quehnoañe dihitare tuhoture. Ñañene yeducueyequina, Jesure wacū tutueyequina pehe ñañe dihitare tuhoture. Tiquina tuhotuyepare ña yuhduare. Sa ye quehnoañe pehere bese masiedare. ¹⁶ Tiquina “Cohācjūre masiaja usā”, niepeta, ñañene ye ye. Sa ye yequina tiquina ijigū ihñana Cohācjūre masieñequina tiquina ijigū masiaja mari. Sa ye tiquina ña yuhduayequina, Cohācjū ye ye yuhducayequina ijire. Sa ye tiquina quehnoañene ye masiedare.

2

Quehnoañe buheyere queoro yahu dutiahye Pablo Titore

¹ Mūhu pehe buhegu, quehnoañe buheye ti nidiro sa hata quehnoano buheya. ² Būcūnare ohō saha ni yahuya: Cua pesayequina, masa ño peonohñequina, tuho masieñequina, Jesure quehnoano wacū tutuayequina, quehnoañe buheyere quehnoano ye yequina, Jesure masa gūhare cahñequina, ñano yuhduēpeta ihcāno sahayequina ijia hro tiquina. ³ Būcūna numia gūhare sata ni yahuya: Cua pesaye numia, ñañe

quiti dahreraye numia, queheraye numia ijiahro tiquina numia gāh. Sa yeye numia ijiye, quehnoañene buheahro apequina numiare. ⁴ Apequina numiare ohō saha ni buheahro bucuna numia: Tiquina manasumhare, tiquina pohne gāhare cahāhdo. ⁵ Sa yeye tiquina taho masiñe numia, apequina maha mehna ñano yeraye numia, ihcā wuhū cjēna ijiyequinare quehnoano ihña ihboye numia, masa quehnoañe numia, tiquina manasumhare quehnoano yahtiyē numia ijiahro tiquina, Cohācjū ye buheyere apequina “Ñano yahu wajari”, niñe.

⁶ Sa yegū wahma pjia gāhare ohō saha ni yahuya: Taho masiñequina ijiahro tiquina. ⁷ Sa yegū mahū pehe quehnoañe dihitare yeducuya mahare tiquina ihña cūatire. Buhegū ne ni mehono marieno buheya. Sa buhegū cua pesaro mehna buheya mahū. ⁸ Sa buhegū taho masiñe mehna quehnoano buheya apequina mahare “Yahu wajari”, nigū. Mahū sa buhegū ihñañe marine ihña tuhtiyequina ijiepetā marine ihyo warota yahu waja masiedare. Marine sa yahu waja maca cāñe, buoro wahaeta tiquina.

⁹ Sa yegū cahacjēnare ohō saha ni yahuya: Tiquina pūhtoare quehnoano yahtiahro. Sa yeye tiquina pūhtoare quehnoano bu-

cuegū yeahro. Sa di-hita yeahro. Sa ye tiquina pūhtoare purīno yahtieracāhdo. ¹⁰ Sa ye tiquina pūhtoā yere yaqueracāhdo. Sa ye quehnoañequina ijiahro. Tiquina pūhtoā dutiyere queoro yeducuahro. Tiquina sa quehnoano yahtiyequina ijigū ihñañe, Cohācjū marine yūhdūoriquiro ye buheyere taho bucueeta apequina.

¹¹ Masare tiquiro cahñene Cohācjū ihño tuhasari. Sa cahño ijipihtiyequina pecarū wahaboriquinare Cohācjū tutuaro yūhdūo duare. ¹²⁻¹³ Masare sa cahño Cohācjū marine ohō saha ni buhere: Cohācjūre ihña tuhtiyere, ñañe tutuaro cahmeñene duhu cā dutire marine. Cohācjū tutuariquiro, Jesucristo marine yūhdūoriquiro tiquiro asi siteyere mari ihñati decore, quehnoari decore mari cohtena niaja. Sa yero mari cohteri deco pano taho masina, quehnoañene yeducuna, Cohācjūre ño peoducuna marine iji dutire Cohācjū. ¹⁴ Tiquiro Jesucristo mari ye ijiatire yariahye ijipihtiyē mari ñañe yerire duhugū yero taro, marine tiquiro yequina wahagū yero taro. Mari ñañene tiquiro sa cohāgū mari ñañe buhiri mariena ijinata. Sa yena tutuaro quehnoañene ye duana ijinata.

¹⁵ Ahri ijipihtiyere ti nūcūo cjēnare Jesu yequinare buheya mahū. Tiquina

pũhoro ijigũta nine mũhũ. Sa yegũ tiquinare yahuya. Sa yegũ tiquina ñañene yegũ ihñagũ tuhtiya tiquinare. Sa ye ijipihtiyequina apequina mũhũre doca cũedacãhdo.

3

Jesu yequina tiquina yeatire yahuahye Pablo

¹ Ohõ saha ni yahuya to cjẽnare Jesu yequinare: Tiquina pũhtoare quehnoano yũhtiyequina ijiahro. Ijipihiyere quehnoañene yeatiquina ijiahro. ² Sa ye apequinare ne ñañe quti dahreracãhdo. Cahme tuhtieracãhdo. Sa ye masa quehnoañequina, ijipihtiyequinare ño peoyequina ijiahro.

³ Panopũre mari gũhũ tũho masiena, yũhdũdcana, ni mehoñene tũho nũnũna, ñañene ye duana, ñañene tutuaro cahme duhu masiena, decoripe ñañene yeducuna, apequinare ihña coona ijie timi mari gũhũ. Sa ye marine apequina ihña tuhtiri. Sa yena mari gũhũ tiquinare ihña tuhtimi. ⁴⁻⁵ Sa ijirina mari ijiepegũta Cohãcjũ marine pecapũ wahaborinare yũhdũori. Sa yũhdũoro tiquiro quehnoariquiro ijiyere, masare tiquiro cahñe gũhũre marine ihñono nidi. Quehnoano mari yeri mehna yũhdũoerare marine. Marine paja ihñano mari ñañe yerire cohãno Espĩritu Santo mehna marine yũhdũori. Sa yero

marine tiquiro pohna wahagũ yeri. Espĩritu Santo pehe quehnoana mari ijiatire comesagũ yeri marine. ⁶ Jesucristo marine yũhdũoriquiro tiquiro yaria masa mũjañe mehna Cohãcjũ yaquiro Espĩritu Santore ohori marine pajiro tiquiro tutuayere mari cũoatire. ⁷ Marine cahño, marine quehnoano ye duari. Sa yero tiquiro yaquiro Espĩritu Santore marine ohori ñañe buhiri mariena mari ijiatire, mũmũsepũ mari sa ijiducuatire. Mari sa ijiducuatire masina, tire cohtena niaja.

⁸ Ti yũhũ nidi ijirota ijire. Sa yegũ tire yũhũ ni ojoariro sahata masare buhegũ, ti dutiyere ye peho dutiya mũhũ. Sa yegũ Cohãcjũre wacũ tutuayequinare tire buheya quehnoañene tiquina quehnoano yeatire. Ahri yũhũ ni buheri quehnoañe buheye ijire. Sa ye masa ahri buheyere tiquina tũho nũnũgũ ihyo waro ijierare. ⁹ Apequina tiquina yahuducuye pehe dũhseati ijierare. Sa ye masiedapeta tiquina yahuducu yũhdũdcayere mũhũ tũho nũnũgũ ihyo waro tũho nũnũgũ nine mũhũ. Sa ye tiquina acaye panopũ cjẽna tiquina ijie tirire yahuducu yũhdũdcayere, Cohãcjũ Moisere tiquiro dutirire tiquina yahuducu yũhdũdcayere ti ijipihtiyere quehnoano mũhũ tũho nũnũgũ ihyo waro tũho nũnũgũ nine mũhũ. Sa yegũ tire tũho nũnũedacãhña. Mũhũ gũhũ

tiquina yero saha yahuducu yuhducaeracãhña.

¹⁰ Musa mehna cjño sa ni yuhducariquiro musare cahme tu wagũ tiquiro yegũ ihñagu “Yeracãhña”, niña tiquirore. Pua taha tire tiquirore mahu ye dutierari bato tiquiro yuhtieragũ ihñagu tiquirore piti ti duhuya. ¹¹ Ohõ saha yeriquiro ñañe dihitare tutuaro cahmeducuriquiro ijire. Tiquiro sa ijigũ ihñana tiquiro ñariquiro ijigũ masiaja mari.

Pablo duti bato tiahye

¹² Nicopolipuh pohecu ijiro puno ijiguh taguh niaja. Sa yeguh Artemare o Tiquicore mahuh cahapuh yuhuh oho muhtagũ topure yuhure piti caya mahuh. ¹³ Sa yeguh dutiyere quehnoano mihnidiquirore Zena wame tiriquirore, Apolo gãhure quehnoano yedohoya tiquina wahatire. Sa yeguh apee boro tiquina cahmeñene ijipihtiyeh tiquinare ohoya tiquinare tiquina cahmeno puno. ¹⁴ Sa ye Jesu yequina mari mehna cjëna quehnoañene yepoahro apee borore duhsayequinare tiquina yedohoatire, quehnoañene yeducuyequina tiquina ijiatire.

Pablo quehnoa dutiahye Jesu yequinare

¹⁵ Ijipihtiyequina yuhuh mehna cjëna mahure quehnoa dutire. Topuh ijiyequina Jesu yequina usãre cahñequina quehnoahdo.

Ijipihtinare musare Cohãcjũ mehna pajiro quehnoa duti-
aja.

Filemón

Pablo Filemo wame tiriqirore ojoa dꞑcahye

¹ Yꞑꞑꞑ Pablo, Jesucristo yaqairo yꞑꞑꞑ ijiri buhiri peresupꞑ ijiaja. Yꞑꞑꞑ, mari acayꞑꞑo Jesu yaqairo Timoteo mehna mꞑꞑꞑꞑ Filemore quehnoa dutiaja usã. Sa yegꞑ mꞑꞑꞑꞑ ojoa ohoaja yꞑꞑꞑ, Pablo. Mꞑꞑꞑ usã cahĩgꞑ Cristo yere usã mehna dahradohogꞑ ijire mꞑꞑꞑ. ² Sa yena Jesu yequina mꞑꞑꞑ ya wꞑꞑꞑꞑ cahmecoañequina gũꞑꞑꞑ ojoa ohoaja yꞑꞑꞑ. Mari acayoro Jesu yacoro Apia gũꞑꞑꞑ ojoa ohoaja yꞑꞑꞑ. Mari cahĩniqiro Arqipo gũꞑꞑꞑ ojoa ohoaja yꞑꞑꞑ. Arqipo pehe usã yero saha Cristo yere yahuriqiro ijire. ³ Sa yena Cohãcꞑꞑ mari Pacꞑ, mari pꞑꞑꞑꞑo Jesucristo mehna mꞑꞑꞑꞑ quehnoa dutiaja. Tiquina yedohoye mehna quehnoano ijiya mꞑꞑꞑ.

Filemo apequinare tiquiro cahĩñene, Cristore tiquiro wacũ tutuayere yahuahye Pablo

⁴⁻⁵ Yꞑꞑꞑ acayꞑꞑ Filemo, Cohãcꞑꞑꞑ mꞑꞑꞑꞑꞑ sini basagꞑ mꞑꞑꞑꞑ wacũgꞑ “Quehnoare”, niaja tiquirore. Cristore mꞑꞑꞑ cahĩgũ tiquirore mꞑꞑꞑ wacũ tutuagũ, apequina Cohãcꞑꞑ yequinare mꞑꞑꞑ cahĩgũ tꞑꞑꞑ yꞑꞑꞑ. Sa yegꞑ Cohãcꞑꞑꞑ “Quehnoare”, ni bucueaja. ⁶ Mari ihcãno

mehna Cristore wacũ tutuana ijiaja. Sa wacũ tutuagꞑ mꞑꞑꞑ ijigũ ohõ saha ni sini basaja Cohãcꞑꞑꞑ. Jesucristo yequina ijina, pajiro quehnoañene cꞑꞑꞑꞑꞑ mari. Tire quehnoano mꞑꞑꞑꞑ masi peho dutigꞑ sini basagꞑ niaja Cohãcꞑꞑꞑ. ⁷ Yꞑꞑꞑ acayꞑꞑ, yojopꞑꞑꞑ apequinare mꞑꞑꞑ cahĩgũ tꞑꞑꞑꞑ bucueaja yꞑꞑꞑ. Ijipihtiyequina Cohãcꞑꞑ yequinare quehnoano bucuegũ yeñohti mꞑꞑꞑ. Mꞑꞑꞑ sa yegũ tꞑꞑꞑꞑ bucueaja yꞑꞑꞑ.

Pablo Onésimore sini basahye Filemore

⁸⁻¹⁰ Sa yegꞑ yojopꞑꞑꞑ Onésimore mꞑꞑꞑ cahacꞑꞑꞑꞑꞑ mꞑꞑꞑ quehnoano yeatire mꞑꞑꞑꞑꞑꞑꞑ sini basa duaja. Peresupꞑ yꞑꞑꞑ mehna tiquiro ijigũ Cristo yere yahuu yꞑꞑꞑ tiquirore. Tire tꞑꞑꞑꞑo Cristore cahmedi tiquiro. Sa yero tiquiro Cohãcꞑꞑ yaqairo wahari. Sa waharo yꞑꞑꞑ macꞑ yero saha ijire. Sa yegꞑ yꞑꞑꞑ Pablo bucꞑ ijigꞑ Cristo yere yꞑꞑꞑ buheri buhiri peresupꞑ ijigꞑ mꞑꞑꞑꞑ yahutja Onésimore mꞑꞑꞑ yeatire. Cristo buhe dutiro tiquiro cũrigꞑ ijiaja yꞑꞑꞑ. Sa tiquiro cũrigꞑ ijigꞑ Onésimore mꞑꞑꞑ yeatire dutioborigꞑ ijiaja yꞑꞑꞑ. Sa niepegũta mꞑꞑꞑꞑꞑꞑꞑ dutisi yꞑꞑꞑ. Cahĩñe mehna mꞑꞑꞑꞑꞑ yahutja, to punota.

¹¹ Cristo yaqairo tiquiro ijiato pano Onésimo mꞑꞑꞑ cahacꞑꞑꞑo ijiro dahseatiqiro ijierari jiri. Mꞑꞑꞑꞑꞑꞑꞑꞑ quehnoano yedoho masiedari jiri. Yojopꞑꞑꞑ pꞑꞑꞑꞑꞑꞑ tiquiro

muhare, yuhu gũhure quehnoano yedohoriquiro ijirota. Yojopare Cristo yaquiro ijiro ihyo ijiriquiro waro ijierare.

12 Sa yegu yojopare tiqirore muhare wia tojogu niaja. Sa yegu tiqirore quehnoano piti caya muhu. Tiquirore tutuaro cahiaja.

13 Quehnoañe buheyere yuhu buheri buhiri peresupu yuhu ijiri watoa tiqirore yuhure yedoho dutiboaya yuhu tiqirore ohoeragu. Sa yegu yuhu mehna tojoa dutiboaya yuhu. Muhu pehe yuhure muhu yedohoro basioeragũ tiquiro pehe muhare comesariquiro iji-boaya. 14 Yuhure yedohoboriquiro tiquiro ijiepegũta tiqirore muhare oho tojoaja. Muhu pehe tiqirore “Pablo mehna tojoarĩña”, muhu nigũ masigu yuhu mehna tiqirore tojoa dutiboaya yuhu. Yuhu pehe “Yuhu mehna cũña tiqirore”, ni dueraja muhare. Sa yegu tiqirore oho tojorĩaja.

15 Tiquiro Onésimo meheñe decorigã muhare tiquiro duhti cãri bato pari turi muhu mehna ijire. Cohãcjũ tiquiro cahmediro sahata muhare duhti cãri jiri tiquiro Cohãcjũ yaquiro tiquiro wahato saha, yuhu tũhotugũ. Sa yero pari turi muhu mehna ijiro, sa ijiducurota muhu mehna. 16 Sa yero tiquiro yojopare cahacjũno ijierare. Cahacjẽna tiquina bui cjũno ijiriquiro ijire tiquiro, yuhu ihñagũ. Yojopare tiquiro

muhu acayuro Jesu yaquiro ijire. Sa yegu tiqirore tutuaro cahiaja. Muhu pehe yuhu yuhũoro tiqirore cahĩgũta. Muhu sa cahĩdiquiro ijiro, cahacjũno ijieperota yojopare cahacjũno tiquiro ijiriro saha ijierare tiquiro. Tiquiro muhu acayuro Jesu-cristo yaquiro ijire.

17 Sa yegu yuhure muhu piti caboriro sahata Onésimo gũhure quehnoano piti caya. Muhu mehna cjũ yuhu ijigũ tũhotugu tiquiro gũhure quehnoano piti caya muhu.

18 Sa yegu muhare sijoro saha tiquiro yeriquiro ijigũ muhare tiquiro wapamor-iquiro ijigũ yuhu pehe tire wapa yeitja. 19 Yuhu Pablo, yuhu basi ahrire muhare yahu ojoatja: Yuhu pehe wapa yeitja muhare. Muhure yuhu buheri bato Cristo yaquiro wahagu ijipihtiye decori Cohãcjũ mehna ijiajũ ijire muhu. Muhure yuhu sa buheri bato muhu gũhu yuhure pajiro wapamorigu iji-boaya. Muhu sa ijiepegũta muhare wapa yeitja tiquiro wapamoñene. 20 Sa yegu yuhu acayũ, yuhu cahĩgu, mari pũhtoro Cristo yaquiro ijire muhu. Sa yegu Onésimore quehnoano piti caya. Cristo yaquiro ijigu yuhu acayũ ijire muhu. Sa yegu yuhure quehnoano bucuegũ yeya.

21 Ahri yuhu yahurire quehnoano yegũta muhu. Sa yegu yuhu yahuri yuhũoro yegũta muhu. Tire masigu muhare ojoa ohogu niaja.

22 Ahri gũhure yahugatja mũhure. Mũsa cahapũ yũhũ wahatire Cohãcjũre sini basañohti mũsa yũhure. Mũsa sa sini basarire tiqũiro yũhtiboaga. “Aũ”, tiqũiro nigũ cahmeaja yũhũ. Sa yegũ mũsa cahapũ yũhũ esati tucũre quehnoyuya mũhũ.

Pablo quehnoa duti bato tiahye Filemore

23 Epafrã mũhure quehnoa dutire. Tiquiro pehe Cristo yere tiqũiro yeri buhiri yũhũ mehna peresupũ ijire.

24 Sa ye Marco, Aristarco, Demã, Luca mehna mũhure quehnoa dutire. Cristo yere yũhũ buhegũ tiquina pehe yũhure yedohoyequina ijire.

25 Mari pũhtoro Jesucristo mehna quehnoa dutiaja mũsare. Tiquiro mũsare quehnoano yerota.

Hebreos

1 Panop_u Cohãcjũ ijiahye. Tiquiro peye tahari mari acayere panop_u cjênare tiquiro yere yahuahye. Apequinare tiquiro bajuaro yahuahye. Apequinare quehênop_u yahuahye. Apequinare tiquiro piti caro yahuahye. Tiquiro yere yahu m_uhtariquinare yahu dutiro, sa yahuahye tiquiro mari acayere. 2 Yojop_ure pihtiri deco panogã ijiye decorire tiquiro mac_unore tiquiro yere yahu dutigã tiquiro pehe marine yahue tiri. Tiquiro Pac_uro ye dutiro mehna ahri yehpare, _uhm_use gãh_ure yeriquiro ijire. Tiquiro Pac_uro pehe pihtiri deco ijigã ijipihtiyere c_uoatiquirore cãahye tiquiro mac_unore. 3 Sa yero tiquiro mac_uno pehe tiquiro Pac_uro ye asi siteyere c_uoriquiro ijiro, tiquiro tutuayere marine ihñore. Sa yero ihcãno saha tiquiro Pac_uro yero sahata ijiro, tiquiro Pac_uro ijiye tiyere marine ihñore tiquiro mac_uno. Sa yero tiquiro mac_uno tiquiro tutuaye mehna dutigã ahri yehpa, _uhm_use gãh_u sa iiducure. Sa yero mari ñano yerire tiquiro coseri bato _uhm_usepe_u tiquiro Pac_uro tutua y_uhd_uariquiro poto pehe dujiahye, p_uhtoro tiquiro ijiyere ihñono.

Cohãcjũ mac_uno angele y_uhd_uoro ijire

4 Tiquiro “Cohãcjũ mac_uno”, wame tire. Ti wamene Cohãcjũ cãahye tiquirore. Sa wame tiro apequina p_uhtoro ijire. Sa yero tiquiro angele y_uhd_uoro ijire. 5 Tiquiro yequina angele pehere Cohãcjũ ne ohõ saha ni yahuera tiahye:

Y_uh_u mac_u ijire m_uh_u. Miare m_uh_ure bajuagã yei, niahye Cohãcjũ tiquiro mac_unore.

Angele pehere ne sa ni yahuera tiahye. Sa yero tiquinare ahri gãh_ure ne yahuera tiahye:

Tiquiro Pac_uro ijiitja y_uh_u. Sa yero tiquiro y_uh_u mac_u ijirota, niahye Cohãcjũ tiquiro mac_unore.

Angele pehere ne sa ni yahuera tiahye. Sa yero tiquiro mac_uno tiquina y_uhd_uoro ijire. 6 Sa yero ape taha tiquiro mac_unore coã masa bajuariquirore ahri yehpap_u cũno ohõ saha niahye Cohãcjũ tiquirore:

Ijipihtiyequina yeequina angele d_usepe curi mehna quehe sa, ño peoeta tiquina y_uh_u mac_ure, niahye tiquiro.

7 Sa yero tiquiro yequina angele pehere yahuro taro ohõ saha niahye tiquiro:

Yeequina angelere wihnono yero saha pag_u tigũ yeaja y_uh_u. Tiquina y_uh_u cahacjẽna ijire. Sa yeg_u tiquinare peca pohna yero saha pag_u tigũ yeaja y_uh_u, ni yahuahye Cohãcjũ.

8 Tiquinare sa nieperota tiquiro macuno pehere ohõ saha niahye:

Muhu Cohãcjũ ijipihtiyequina puhto sa ijiducuguta. Queoro dutiguta muhu, muhu yequinare. ⁹ Ni mehono marieno yeyere, quehnoano yeyere tutuaro cahmene muhu. Sa yegu ñaÑe yeyere ihña yabire muhu. Muhu sa ijigũ ihñagu yuhu muhu Pacu ijipihtiyequina apequna yuhdũoro muhare bucuegũ yei, niahye Cohãcjũ mari Pacu.

¹⁰ Ahri gũhare niahye tiquiro, tiquiro macunore “Puhto” ni pisuro:

Puhto, coã waropare ahri yehpare, umuse gũhare bajumehnedi muhu. ¹¹ Ti ijipihitiye comesa pihia waharota. Muhu pehe ne comesasi. Sa ijiducuguta muhu. Ti ijipihitiye suhtiro ahba bora dijiaro saha pihia waharota. ¹² Ti ijipihitiye umusere, ahri yehpa gũhare comesagũ yeita muhu. Munano suhtirore muhu cohãboro saha ti ijipihitiyere comesagũ yeita muhu. Sa yero suhtiro ahba bora dijiaro saha ti ijipihitiye comesarota. Muhu pehe ne comesasi. Sa ijiducuguta muhu, niahye Cohãcjũ tiquiro macunore.

¹³ Ne angele pehere ahrire yahuera tiahye mari Pacu:

Yuhu poto pehe dujiya muhu. Puhto ijire muhu. Sa yegu muhare ihña tuhtiyequinare yuhdũuca basagutja. Sa yegu tiquina puhto ijiguta muhu, niahye Cohãcjũ tiquiro macunore.

¹⁴ Ijipihtiyequina angele pehe Cohãcjũ cahacjẽna ijire. Sa yero mari Pacu ohore tiquiro yequina angelere Cristo yuhdũoatiquinare yedoho dutiro.

2

Cohãcjũ yere quehnoañe buheyere marine sa tũhotu cãhno cahmedare

¹ Sa yena Cohãcjũ macuno waro marine yahuriquiro tiquiro ijigũ masina tiquiro yahuyere mari tũhorire quehnoano wacũno cahmene marine, “Tire boari”, nina. ²⁻³ Angele yahurire masa pehe yuhdũucagũ ihñano Cohãcjũ tiquinare buhiri dahreahye. Sa buhiri dahrero angele tiquina yahuri poto ijigũ ihñono niahye. Sa yena angele yahuri poto ijigũ masina, tire marine yuhtiro cahmene. Ti yuhdũoro Cristo pehere yuhtiro cahmene. Tiquiro mari puhtoro marine tiquiro yuhdũoatire yahu mũhtahye. Sa ye tiquirore tũhoriquina pehe tiquiro yahurire marine yahu turiari, marine quehnoano masigũ yee tehe. Sa yero ti buheyere marine

tiquiro yuhd̄oati buheyere mari sa t̄hotu cāgū Cohācjū marine buhiri dahrerota. Tire duhti masiedaja mari.

4 Ti buheyere t̄ho mahtariquina tiquina buheri watoa Cohācjū pehe ti buh-eye poto ijigū ihñono nidi. Tiquiro tutuaye mehna ihñono nidi. Sa yero peye tahari tiquiro tutuaye mehna ye ihñono ti buheyere poto ijigū ihñono nidi. Sa yero tiquiro yequinare tiquina ye masiatire tiquiro cahmeno sahata cūahye. Espiritu Santo pehe ijire marine ye masigū yeriquiro.

Jesucristo mari yero sahata pagū tiriquiro masa bajuahye

5 Pihitiri deco bato ijiye-quina Cohācjū caha ijiye-quina p̄htoa ijisi angele pehe. Tiquinare p̄htoa sōsi mari Pac̄u. 6 Sa yero ihcāquiro mari Pac̄ure tiquiro yahuducurire ohō saha ni ojoahye panop̄u:

Masa ihyo ijiyequina tiquina ijepegūta tiquinare wacūre m̄h̄h̄. Masare quehnoano yere m̄h̄h̄. 7 Meheñe decorigā angele docap̄u masare cūahye m̄h̄h̄. Sa cūpegūta yojop̄ure tiquinare tutuayere ohoḡu, p̄htoa sōahye m̄h̄h̄. 8 M̄h̄h̄ sa sōgū ahri yehpap̄u ijiyequina wahiquina gūh̄u bui d̄hsaro marieno masare cūahye m̄h̄h̄,

niahye panop̄u cjāno mari Pac̄ure.

Sa sōno ahri yehpap̄u ijiye-quina wahiquina gūh̄u bui d̄hsaro marieno masare cūahye. Masare tiquiro sa p̄htoa sōpegūta ijiptiye-quina ahri yehpap̄u ijiye-quina wahiquina masare ihña wahāedarīaga, usā t̄hotugū. Ahri yehpap̄u ijiyequina wahiquinare ihña wahāgū yeraniaga masa. Ijipthiye bui ijieraniaga masa. 9 Sa tiquinare ihña wahāgū yerapenata Jesu pehere wacū tutuaja mari. Meheñe decorigā angele docap̄u mari Pac̄u tiquiro mac̄ano gūh̄ure cūahye, mari ñañe buhiri yariatiquirore. Mari Pac̄u marine cahño mari yariaborirore Jesure yariagū cahmeahye. Sa yero tiquiro sa yariagū ihñano tiquirore tutuayere ohoro, p̄hthora sōahye tiquirore.

10 Cohācjū ijipthiyere bajumehnediquiro ijire. Sa ye ijipthiye tiquiro ye dihita ijire. Sa yero Jesure yaria dutiro ñañene cohāgū yeahye tiquirore. Sa yeahye tiquiro masa peyequina tiquiro yequina ijiatiquinare uhm̄usep̄u neano taro. Jesu sa yero, ñañe marieniquiro, quehnoa yuhd̄uariquiro tiquiro ijiyere ihñono niahye. Sa yero Jesu pehe marine yuhd̄oriquiro, mari p̄hthora ijire. 11 Ijipthiyequina masare tiquina ñañe yerire cose were tiquiro. Sa yero Jesu mari tiquiro cose wenohrina

mehna Pacu tire Cohãcjüre. Mari Pacu ihcãquirota ijire. Mari Pacu tiquiro ijigũ Jesu marine tiquiro yequinare tiquiro cose weno hrinare “Yũhu acaye ijire”, ni pisuro ne bue tierare. Tiquiro sa ni pisurire musare yahutja. 12 Ohõ saha nino niahye tiquiro:

Cohãcjũ, mũhu ijiye tiyere yahutja yũhu acayepare. Ijipihitiyequina yeequina ihñonopũ mũhare ño peogu “Tutuariquiro ijire”, ni yahutja yũhu tiquinare, niahye tiquiro Pacurore.

13 Ahri gũhare niahye tiquiro: Cohãcjüre wacũ tutuahtja yũhu, niahye tiquiro.

Ahri gũhare niahye tiquiro:

Ohõ ijiaja yũhu. Cohãcjũ pohne mehna ohõ ijiaja. Yũhare tiquiro cũriquina yũhu acaye mehna ohõ ijiaja, niahye tiquiro yequinare “Yũhu acaye” ni pisuro.

14 “Tiquiro pohne” tiquiro niñequina pagũ tiyequina mari ijigũ ihñano, Jesu pehe mari ya pagũ saha pagũ tiri quiro ahtahye. Sa ijiriquiro ahtahye tiquiro curusapũ yariaro taro, watĩnore butigũ yero taro. Tiquiro watĩno pehe yaria dutiriquiro ijire. 15 Sa ye watĩnore butigũ yero, marine yũhdũore. Mari pehe decoripe mari yariatire cuemi. Sa cuerina ijina pecapũ wahaborina

ijimi mari. Sa ijina mari ijigũ ihñano tiquiro marine yũhdũore. 16 Sa yũhdũoro angele pehere yedohoro ahtaerahye tiquiro. Abrahã panamena iji turianare Cohãcjũ yequinare mari pehere yedohoro ahtahye. 17 Sa yero tiquiro mari acayuro warota ahtahye. Ihcãno saha mari yero saha pagũ tiri quiro ahtahye. Sa ahtaro mari yũhdũatire mari ñañe yerire mari Pacure cohã dutiro ahtaro niahye. Sa yero mari yequina pahia pũtoa tiquina yeriro saha yero ahtaro niahye. Mari yero saha ijiro marine quehnoano paja ihñare. Sa yero Cohãcjũ cahmeno saha sa yeducuriquiro ijire. Sa yero tiquiro mari yaquiro pahia pũtoro ijiro nine. 18 Tiquiro ñano yũhdũahye. Sa yero watĩno tiquirore ñano ye dutimahye. Yerahye tiquiro. Sa ñañene yerariquiro ijiro, tiquiro pehe mari gũhare ñañene yeragũ ye masine. Watĩno ñañene tiquiro ye dutigũ ihñano marine ñañene yeragũ ye masine Jesu.

3

Jesu Moise yũhdũoro ijiriquiro ijire

1 Jesu tiquiro sa ijiriquiro ijigũ ihñana tiquirore quehnoano wacũña musa. Yũhu acaye Jesu yequina, Cohãcjũ besenohrina ijire musa. Tiquiro Jesu pehe Cohãcjũ cũriquiro ijiro mari yaquiro pahia

pũhtoro ijire. Tiquiro ye buheyere quehnoañe buheyere mari quehnoano ño peoaja. Tiquiro pehere quehnoano wacũña m̄sa.
² Cohãcjũ tiquirore marine yũhdũoatiquirore tiquiro cũgũ tiquiro pehe Cohãcjũ cũriro saha yeahye. Ne yũhdũdũcaerahye. Moise gũhũ Cohãcjũ yequina Israe masare yedohoro ne yũhdũdũcaerahye. Sata yeahye Jesu gũhũ.

³ Sa yero Moisere tiquina ño peoriro yũhdũoro Jesu pehere ño peoro cahmene marine. Ohõ saha ijire ti mari queoye mehna buhegũ. Wũhũre mari ño peoriro yũhdũoro wũhũ dahreriquiro pehere ño peoro cahmene marine. Sa yero Jesu pehe wũhũ dahreriquiro yero saha ijiriquiro tiquiro ijigũ Moisere mari ño peoriro yũhdũoro tiquiro pehere ño peoro cahmene marine.
⁴⁻⁶ Ohõ saha ijire ti. Mari Cristo yequina Cohãcjũ ya curua cjãna ijiaja. Cristo pehe wũhũre tiquiro cũboriro saha marine tiquiro ya curua cjãna ijiatınare cũno nine. Masa pehe wũhũse yeyequina ijire. Cohãcjũ pehe ijipihtiyere yeriquiro ijire. Moise pehe Cohãcjũ ya curua cjẽnare yedohoducuriquiro ijiro, camerũ Cohãcjũ yahuatire yahue tiahye masare. Cristo pehe Cohãcjũ macũno ijiro, Cohãcjũ yere yeducuriquiro ijiro, Cohãcjũ ya curua cjẽnare pũhtoro ijire. Sa ijiriquiro

ijigũ ihñana Moisere mari ño peoriro yũhdũoro Cristo pehere ño peoro cahmene marine. Sa yena mari pehe Cristore wacũ tutua duhuerana, marine tiquiro yũhdũoatire sa bucueducuna, tiquiro ya curua cjãna ijiaja mari.

Cohãcjũ tiquiro yequinare tiquiro mehna quehnoano sogũ cahmene

⁷ Sa yena Cristore mari wacũ tutua duhueratire ohõ saha yero cahmene marine. Ohõ saha nine Espĩritu Santo: Miare yũhũ, Cohãcjũ, m̄sare yũhũ yahugũ, yũhti dueyequina yero saha ijieracãhña.

⁸ Quehnoano yũhtiya m̄sa yũhũre. Panopũ Israe masa masa marienopũ ijiye, sa yũhdũdũcari yũhũre. Sa ye yũhũre ne bucuerağũ yeri tiquina. Sa yena tiquina yero saha yeracãhña m̄sa yũhũre.

⁹ Topũre cuarenta cũhmari wato tiquinare yũhũ tutuaye mehna ye ihñomi. Yũhũ sa ye ihñoepegũta tiquina pehe ohõ saha ni tũhotue timedĩ: “¿Ñañene mari yegũ ihñano Cohãcjũ marine buhiri dahreboagari?” ni tũhotue timedĩ. Sa ni tũhotuye ñano ye tuhue tiri. ¹⁰ Tiquina sa yegũ ihñagũ tiquina mehna usuauũ. Sa usuagũ ohõ saha

nii: “Tiquina yahũ yahuducuyere tũho dueraye, sijoro saha ijiye buheyere sa wacũducuye nine. Yee pehere ne yahũti duerare”, nii tiquinare.

11 Sa yegũ tiquina mehna usuagũ ohõ saha ni yahuu: “Tiquina yahũ mehna cjẽna ne ijisi. Sa ye wape tiro marieno ijisi tiquina’, ni yahuu yahũ”, ni yahuahye Cohãcjũ, niahye Espĩritu Santo pehe.

12 Sa yena yahũ acaye, quehnoano yeya mũsa, “Cohãcjũre cohãri”, nina. Mũsa ñañene tũhotuna, Cohãcjũre catiriquirore wacũ tutuerana, tiquirore cohãboaga mũsa. Ne ihcãquiro mũsa mehna cjãno sa yeracãhdo. 13 Sa yena ahri pehere yero cahmene: Mũsa mehna cjẽnare decoripe Cohãcjũ yere mũsa basi cahme yahuducuya “Ñañene yeari”, nina. Ñañene yena, “Ti mehna bucueaja”, nina ni mehoñene tũhotuna niaja mari. Sa ni tũhotueracãhña. Ñañene yeducuna Cohãcjũ ye pehere cahmedaja mari. Sa yena ñañene duhu dueraja. “Sa yeari”, nina, mũsa mehna cjẽnare Cohãcjũ yere mũsa basi cahme yahuducuya. Cristo tiquiro ahtato pano decoripe tire sa cahme yahuducuya. 14 Sa yena coã waropũ Cristore mari wacũ tutua dũcariro saha

mari wacũ tutuaducuna, mari catiro puno tiquiro yere duhuerana, tiquiro mehna cjãna ijiaja.

15 Ohõ saha nine Cohãcjũ yere tiquina ojoari pũpũ:

Miare yahũ Cohãcjũ mũsare yahũ dutigũ quehnoano yahũtiya mũsa yahũre. Panopũ cjẽna Israe masa yahũ yahuepegãta ño peo dueraye, yahũre yahũti duerari. Sa yena tiquina yero saha yeracãhña mũsa, niahye Cohãcjũ, ni ojoahye panopũre.

16 Sa ye Cohãcjũ tiquiro yahurire tũhomediquina ijiepetã tiquina tiquirore yahũtierahye. Tiquina ijipihitiyequina Egiptopũ ijiyequina Cohãcjũ wioriquina ijiepetã tiquirore ne yahũtierahye. 17 Sa ñano yeye cuarenta cãhmari waro Cohãcjũre usuagũ yee tiahye. Tiquina sa yeri buhiri masa marienopũ yariahye tiquina. 18 Tiquirore tiquina sa yahũti dueragũ ihñano ohõ saha cua pesaro mehna niahye tiquiro: “Tiquina yahũ mehna cjẽna ne ijisi. Sa ye wape tiro marieno ne ijisi tiquina”, niahye tiquiro. 19 Tiquiro sa nigũ tũhona ahri pehere masinata mari: Cohãcjũre tiquina wacũ tutuerari buhiri tiquiro mehna cjẽna iji masiedahye. Sa ye tiquiro mehna quehnoano so, iji masiedahye.

4

1 Sa yero panopu cjenare tiquiro mehna tiquina quehnoano soatire cahmeno, tiquinare “Yuhu mehna wape tiro marieno sonata”, ni cūahye Cohācjū. Mari gāhure sata ni cūahye tiquiro. Sa yena cua pesaro mehna Cohācjūre quehnoano yuhtiihna mari, “Wiheari”, nina. Sa wihena tiquiro mehna quehnoano sosi mari. 2 Panopu cjena Cohācjū yere tiquina tūhoriro saha mari gāhu quehnoañe buheyere tūhou. Tiquina tūho mūhtariquina pehe tūhoye, “Cohācjū ye waro ijire”, ni tūhotuerahye. Sa ye tiquina tūhori dūhseati ijierahye. 3 Mari pehe tiquirore wacū tutuana Cohācjū mehna cjāna ijinata. Sa yena tiquiro mehna quehnoano iji, sonata. Wape tiro marieno ijinata. Cohācjū tiquiro nidiro sahata ijire ti. Ohō saha niahye tiquiro tiquirore yuhtierariquinare: Tiquina mehna usuagu cua pesaro mehna ohō saha ni yahuu: “Tiquina yuhu mehna cjenā ne ijisi. Sa ye wape tiro marieno ne ijisi”, ni yahuu, niahye Cohācjū yere tiquina ojoari pūpu.

Ahri yehpare tiquiro yeri bato dahra duhurīahye tiquiro. 4 Ahrire mari masi-aja. Seis decori ahri yehpare tiquiro yeri bato tiquiro dahra duhurire yahuro ohō saha niahye Cohācjū ye

yahuducuyere tiquina ojoari pūpu:

Seis decori bato ijipihtiyere tiquiro dahrarire pehoro, Cohācjū dahra duhuahye, niahye tiquiro yere tiquina ojoari pūpu.

5 Sa yero Cohācjū yere tiquina ojoari pūpu ohō saha ni yahure tiquiro mehna quehnoano ijieyequinare:

“Tiquina yuhu mehna cjenā ne ijisi. Sa ye wape tiro marieno ne ijisi”, niahye Cohācjū, nine tiquiro yere tiquina ojoari pūpu.

6 Sa ye quehnoañe buheyere tūho mūhtariquina tiquirore tiquina yūhdūdcari buhiri tiquiro mehna cjenā ijisi tiquina. Sa ye tiquiro mehna wape tiro marieno ijisi tiquina. Apequina pehe tiquiro mehna cjenā ijietā. Sa ye tiquiro mehna wape tiro marieno soyequina ijietā. 7 Sa yero masare tiquiro yūhdūoati deco ihcā deco cūahye pari turi Cohācjū. Ti decota yojopure ijire. Peye cūhmari bato Israe masa Cohācjūre tiquina tūho mūhtari bato ti decore yahuahye Davi pehe. Cohācjū tiquirore yahu dutigū yahuahye. Cohācjū ye yahuducuye tiquina ojoarire māsare yuhu yahuri decore ohō saha ni ojoahye Davi:

Ahri decore yuhu Cohācjū māsare yuhu yahugū yūhdūdcaro marieno quehnoano yuhtiya

ye

musa yuhare, ni
ojoahye panopare.

⁸ Coã waropare Josué Is-
rae masare Cohãcjũ ohori
yehparũ ne sahye. “Yuhũ
mehna wape tiro marieno
soyequina ijieta”, nino, ti
yehparũ tiquina soatire
nino niedahye Cohãcjũ. Ti
yehparũ so dutiro, ape deco
tiquiro yũhdũoati decore
cũedaboaga tiquiro. ⁹ Seis
decori bato ahri yehparũ
tiquiro yeri bato Cohãcjũ
tiquiro dahra duhuriro
saha mari tiquiro yequina
gũhũ tiquiro mehna wape
tiro marieno mari soati
ijirota. Tiquiro mehna mari
quehnoano ijiato ijirota.
¹⁰ Sa yero Cohãcjũ tiquiro
dahrarire duhu cãriahye.
Sa yena mari gũhũ mari
wape tirire duhu cãnata.
¹¹ Sa yena mari tiquiro
yequina quehnoano yeihna.
Cohãcjũ yere quehnoano
yũhtiihna tiquiro mehna
mari quehnoano soato saha.
Panopũ cjẽna mari acaye
tiquina yũhdũdũcari bato
Cohãcjũ mehna cjẽna iji
masiedahye tiquina. Tiquina
yero saha yeracũhna mari.

¹² Cohãcjũ ye yahudu-
cuye marine catigũ yere.
Quehnoañe pehere marine
comesagũ yere. Sa ye tiquiro
ye yahuducuye ihyo ijiye
ijierare. Sa ye ñoseni pjĩ
pũa peheri siori pjĩ mehna
dihirore tiquina yũhre ihña
tiquina masino saha tiquiro
ye yahuducuye gũhũ mari
ijiye tiyere quehnoano
masigũ yere. Tiquiro ye

yahuducuyere mari tũhogũ,
tire mari buhegũ mari ijiye
tiyere quehnoano masi
pehogũ yere marine. ¹³ Ne
Cohãcjũre mari ijiye tiyere
mari yerire nũo masiedaja
mari. Ijipihtiyere tiquiro
bajumehnedire, tiquiro
bajumehnediquina gũhũre
ihñare tiquiro. Sa yena
mari yerire tiquirore yahu
yũhdũro cahmene marine.

*Jesu tutuariquiro mari
yaquiro pahia pũhtoro ijire*

¹⁴ Jesu Cohãcjũ macũno
tiquiro Pacũro cahapũ to-
joariquiro ijire. Tiquiro
tutuariquiro mari yaquiro
pahia pũhtoro ijire. Sa
yero marine Cohãcjũre sini
basare. Tiquiro sa ijiriquiro
ijigũ ihñana mari pehe tiquiro
yere quehnoano yũhtiihna.
Tiquirore quehnoano wacũ
tutuaducuuhna. ¹⁵ Tiquiro
mari yaquiro pahi mari ñano
yũhdũgũ ihñano quehnoano
paja ihñariquiro ijire. Mari
ñañene tutuaro cahmeñene
masine tiquiro. Watĩno
ijipihtiyere ñañene marine
tiquiro ye dutirore sahata
tiquiro gũhũre ñañene ye
dutiepegũta tiquiro ñañene
yerahye. Sa ñañene tiquiro
ye dutinohriquiro ijiro,
marine paja ihñano tiquiro
yedoho masine marine.
¹⁶ Sa yena cuero marieno
Cohãcjũre sinihna. Tiquiro
marine cahĩne. Sa yero
tiquirore mari sinigũ tiquiro
pehe paja ihñano, marine
yedohorota. Watĩno marine

tiquiro ñañene ye dutigũ, mari ñano yũhdugũ gũhare tiquiro marine yedohorota.

5

1 Ijipihtiyequinare pahia pũhtoare besero, masare besere Cohãcjũ. Sa tiquiro beseri bato pahia pũtoa pehe tiquina mehna cjẽnare yedohoye tehe Cohãcjũ cahacjẽna ijire. Sa ye ñañene tiquina yeri buhiri Cohãcjũre sini basare tiquina mehna cjẽnare. Wahiquirore wejẽ ujũa mũoñe, Cohãcjũre sini basare. 2 Pahia pũtoa apequina masa yero saha quehnoano masi pehoeyequina ijire. Sa masieñequina ijiye, apequina masieñequinare yedoho masine. Sa ye quehnoano yerariquina gũhare quehnoano yedoho masine. 3 Sa ye pahia quehnoano ye pehoeyequina ijiye ñañe buhiri tiyequina ijire. Sa ye tiquina basi ñañene tiquina yeri buhiri wahiquirore wejẽ ujũa mũo, Cohãcjũre sinine. Apequina masare yedohoye tehe, tiquina ñañe buhiri tiquina sini basariro sahata tiquina basi tiquina ñañe buhiri gũhare sinine Cohãcjũre.

4 Sa yero tiquiro basi tiquiro esa tuharo pahia pũhtoro sajãedare. Cohãcjũ pehe tiquirore besero, pahia pũhtoro sõre. Panopũ cjũno Aaron mũnanore tiquiro cũriro sahata apequina pahia pũtoa gũhare cũre tiquiro.

5 Sata Cristo gũhũ tiquiro basi tiquiro esa tuharo pahia

pũhtoro sajãedahye. Cohãcjũ pehe tiquirore pũhtoro sõno, ohõ saha niahye:

Yũhũ macũ ijire mũhũ. Miare mũhare bajuagũ yei, niahye Cohãcjũ.

6 Ape taha ohõ saha niahye Cohãcjũ Cristore:

Ijipihtiye decori pahia ijiducugata mũhũ. Melquisede tiquiro ijiriro saha pahia ijiducugata mũhũ, niahye tiquiro macũnore.

7 Cristo ahri yehpapũ ijiro sañuducuye mehna, utiye mehna mari Pacũre tutuaro siniahye tiquiro “Yũhare masoña”, nino. Mari Pacũ pehe tiquirore yariariquirore maso masiniquiro ijire. Tiquiro sa sinigũ mari Pacũ tũhoahye tiquirore. Mari Pacũ cahmeñe dihitare tiquiro ye duagũ ihñano mari Pacũ pehe tiquiro sinidire tũhoro, tiquirore yũhtiahye. 8 Sa yero Cristo Cohãcjũ macũno ijieperota ñano yũhdũahye tiquiro. Sa ñano yũhdũro yũhtiahye mari Pacũre. Sa yũhtiro quehnoano yũhti masiahye. 9 Sa ñano yũhdũro, curusapũ yariaro ijipihtiyequina tiquirore yũhtiatiquinare yũhdũoatiquiro wahahye. 10 Sa yero mari Pacũ pehe tiquirore pahia pũhtoro cũahye. Sa yero Melquisede pahia pũhtoro tiquiro ijiriro saha ijire Cristo.

Cristo yequina tiquirore wacũ tutua duhugũ cuarĩne

11 Peye ohō saha ijiyere m̄sare yahu nemo duaja ḡsã. ḡsã sa yahu nemo duepegūta m̄sa pehe dapu b̄tina ijire. Sa yena m̄sare yahuro basioerare ḡs̄are. 12 Yoari pje Cristo yequina ijimene m̄sa. Sa yena yojop̄are apequinare buhenap̄a iji tuhasaboya m̄sa. M̄sa sa ijiborina ijiepegūta apequina m̄sa pehere buheeta. Cohācjū yere mijoeda cjūñe buheye dihitare t̄hore m̄sa. Macanagā ep̄eco dihitare tiquina apū masino saha m̄sa ḡh̄u mijoeda cjūñe dihitare quehnoano t̄hore. Coã buhe d̄ucayequina yero saha ijire m̄sa. 13 Ep̄ecore apūñequina macanagā ijinine. Tiquina yero saha m̄sa ḡh̄u ijire. “Ahri ñañe ijire. Ahri quehnoañe ijire”, ni ihña masiedare m̄sa. 14 Ihyayere ihyayequina pehe b̄c̄na ijire. Tiquina yero saha ijiyequina quehnoano t̄ho masiñequina quehnoano buheriquina ijire. “Ahri ñañe ijire. Ahri quehnoañe ijire”, ni ihña masine tiquina pehe.

6

1-2 Sa yena Cohācjū yere quehnoano masina, quehnoano ȳhtina ijiihna. Cristo yere coã warore mari buhe d̄cana ohō saha masi d̄can: Mari ñañene yerire b̄j̄na witi, duhuro cahmene. Mari ñañene yeri buhiri pecap̄a wahanata. Sa yena Cohācjūre wacū tutuaro cahmene marine. Ahrire

coã warop̄are marine buhe d̄cari. Sa ye wame yeyere, omocarine marine tiquina duhu peoyere, yariariquina tiquina masa m̄jañene, ahri deco pihtiri bato Cohācjū buhiri dahreatire, tiquiuro buhiri dahreatiquina tiquina ñano ȳhd̄ducuato ḡh̄ure ahri ḡh̄ure coã warop̄are marine buhe d̄care. Sa ijiye buheyere masi tuhasana, quehnoano buhe nemouhna t̄ja. 3 Sa yena Cohācjūre, tiquiuro ye ḡh̄ure masi nemouhna. Cohācjū cahmegū sa yenata mari.

4 Mari sa yerana Cohācjū yere duhuboaga mari. Cohācjū yere duhuriquinare ne pari turi tiquina ñañe yerire tiquinare b̄j̄na witigū ye masiedare. Sa ijiyequina Cristo tiquiuro ȳhd̄uomediquina ijiye, Esp̄iritu Santore c̄omedi. 5 Sa ye Cohācjū ye yahuducuyere t̄hoye quehnoañe ti yahuducuye ijigū masimedi. Sa ye pihtiri deco batop̄a Cohācjū tutuaye mehna mari sa ijiducuatire, masare tiquiuro buhiri dahreato ḡh̄ure tiquina masimedi.

6 Sa ijiriquinap̄are Cristo yere tiquina duhugū pari turi tiquina ñañe yerire tiquinare b̄j̄na witigū ye masiedare. Sa duhuriquina Cohācjū mac̄nore pari turi curusap̄a tiquina quē bihaboriro saha tiquiore yeye nine. Tiquina sa yegū ihñañe apequina masa Cristore b̄j̄p̄ere. Sa ye tiquina

ñañe yerire tiquinare bujua witigũ ye masiedare. ⁷ Ohõ saha ijire ti mari queoye mehna buhegũ: Quehnoari yehpare pajiro acoro ahtagũ ti oteye quehnoano bũca, dũca tire. Sa yero ti wese upũro dũcare cũore tiquiro ihyatire. Ti yehpa Cohãcjũ quehnoano tiquiro yeri yehpa ijire. Sa quehnoano yere tiquiro yequina gũhare. ⁸ Sa ijiepegũta pota mehna, taa mehna ti yehpa diaro duhseati ijierare. Sa ijiri yehpare Cohãcjũ ujũa cohãnota. Sata yere tiquiro tiquirore duhuyequinare.

Cristore sa ño peoducuyequinare yuhdũore Cohãcjũ

⁹ Yũhũ cahĩna, mũsare sa ni yahuepegũta mũsa pehere “Cristore duhuna ijire”, nigũ niedaja. Mũsa pehe Cristo yuhdũonohrina ijire. Sa yena quehnoañene yena niaga mũsa. Ahrire masiaja yũhũ. ¹⁰ Quehnoano mari yeri wapa queoro marine quehnoano yeriquiro ijire mari Pacũ. Sa yero tiquiro yere mũsa tutuaro dahrari wapare bosì tiquiro. Tiquirore cahĩna quehnoano yedohore mũsa tiquirore. Apequina Cristo yequina gũhare yedohore mũsa. Sa yena tiquinare yedohona niaga mũsa. Sa yerina mũsa ijigũ ihñano bosì tiquiro. ¹¹ Mũsa catiro puno apequinare mũsa cahĩducugũ, mũsa yedohoducugũ gũhare cahmeaja usã. Mũsa sa yeri wapa queoro quehnoano

yerota mari Pacũ mũsare. ¹² Sa yena mũsa cape bujuna mũsa ijigũ cahmedaja usã. Apequina Cristo yequina ñano yuhdũepeta tiquiro yere ne duhuerare. Tiquina sa yegũ ihñano mari Pacũ “Mũsare ohoutja”, tiquiro ni-dire tiquinare oho pehorota. Sa yena mũsa gũhũ tiquina yero saha yeducuya.

¹³⁻¹⁴ Panopũ Cohãcjũ Abrahãre ohõ saha ni cũahye. “Yũhũ wame mehna ahrìre poto nii niaja mũhare. Mũhare quehnoano yeitja. Sa yegũ mũhũ panamena iji turiayequinare peyequina masa ijigũ yeitja”, ni yahu cũahye Cohãcjũ. Sa ni yahu cũno tiquiro ye wame mehna wame peo yahuro niahye. Apequiro tiquiro bui ijiriquiro ne mariedagũ tiquiro ye wame mehna tiquiro basita sa wame peo yahuahye. ¹⁵ “Mũhare quehnoano yeitja”, Cohãcjũ tiquiro ni cũrìre Abrahã pehere quehnoano tiquiro cohtegũ ihñano tiquiro nidiro sahata tiquirore quehnoano yeahye. ¹⁶ “Cohãcjũ mehna poto nina niaja”, masa pehe niñe, tiquina bui ijiriquiro wame mehna wame peo yahuye nine. “Cohãcjũ mehna poto nii niaja”, ihcãquiro nigũ tuhoro apequiro pehe tiquiro mehna cahme dũse tutuariquiro pehe “Ijirota ijire”, ninota. Sa ye cahme dũse tutua duhuetã tiquina. ¹⁷ Sa yero Cohãcjũ Abrahãre “Mũhare quehnoano yeitja”, ni cũno

wame peo yahuahye. Tiquiro sa wame peorire tãhona “Ijirota ijire ti. Tiquiro sa nidi ne comesasi”, ni, masiaja mari. Tire mari masiato saha tiquiro ni cūri mehna wame peo yahuahye.

¹⁸ Sa yero p̄aro tiquiro ni yahuducuri mehna tiquiro nidi poto ijigū masigū yeahye Cohācjū marine: Tiquiro ni cūri gāhū tiquiro wame peori gāhū ti p̄aro mehna tiquiro ni yahuducurire yahuahye tiquiro. Sa ye tiquiro ni cūri gāhū, tiquiro wame peori gāhū ne comesaer-are. Sa yero Cohācjū ne ni mehoedare. Tiquiro sa ijiriquiro ijigū masina, mari tiquirore quehnoano wacū tutuana, bucueye mehna marine tiquiro ȳhd̄uoatire cohtenatja mari. ¹⁹⁻²⁰ Sa tiquiro ȳhd̄uoatire cohtena, wacū tutuana ijiaja mari. Sa yena cueraja. Pahia p̄h̄toro Cohācjū ijiri tucū warop̄a sajāno, cahmotari suhtirore ȳhd̄u sajāre. Sa sajāno masa ye ijiatire sini basare Cohācjūre. Tiquiro sa yeriro sahata Jesu gāhū came mari wahato sahata ūhm̄usep̄a Cohācjū cahap̄a waharo, mari ye ijiatire sini basare Cohācjūre. Top̄a mari wahato pano tiquiro pehe wahahye. Sa yero ijipihtiye decori pahia p̄h̄toro ijire tiquiro. Melquisede pahi tiquiro ijiriro saha pahia p̄h̄toro ijire tiquiro gāhū.

7

Melquisede pahi tiquiro

ijiriro saha Jesu pahia p̄h̄toro ijire

¹ Melquisede Salē wame tiri maca cjēna p̄h̄toro ijiahye. Sa yero pahi ijiro Cohācjū tutuariquirore, ūhm̄use cjūnore sini basariquiro ijiahye. Sa yero apequina p̄h̄toare Abrahā wejē tuhasa, tiquiro tojoa tagū waro Melquisede tiquiro ya macap̄a ijiriquiro Abrahāre piti caro esahye. Sa piti caro tiquirore sini basahye Cohācjūre. “Quehnoano yeya ahriquirore”, ni sini basahye Abrahāre Cohācjūre.

² Tiquiro sa piti cato pano Abrahā pehe tiquirore ihña tuhtiyequinare wejē tuhasa tiquiro wejēdiquina p̄h̄toa yere neahye. Tiquiro sa nedire mehenogā ohoahye Melquisedere. Melquisede tiquiro wame pehe “P̄h̄toro quehnoano yeriquiro ijire”, nino nine. Sa yero tiquiro Salē wame tiri maca cjēna p̄h̄toro ijigū tiquiro wame ohō saha nino nine: “P̄h̄toro quehnoano ijigū yeriquiro”, nino nine. “Salē” nino, “Quehnoano ijiye”, nino nine.

³ Ne Melquisede pac̄us̄um̄are, tiquiro pano iji m̄h̄tariquinare, tiquiro acayere tiquina yahu ojoa ohōri mariedare. Tiquiro masa bajarire, tiquiro yariari gāhūre yahu ojoa ohōri mariedare. Sa yero sa ijiducuriquiro yero saha ijire tiquiro. Tiquiro sa ijiriquiro ijigū Cohācjū tiquiro mehna marine queoye mehna

buhere. Cohãcjũ macno tiquiro pahi ijirire marine buhere. Melquisede pahi sa ijiducuriquiro yero saha ijire. Tiquiro yero saha Cristo gãhũ pahi sa ijiducuriquiro ijire.

⁴ Sa yero Melquisede ne ihyo ijiriquiro ijierahye. Abrahã mari ñecũ manano pũhoro waro ijieperota mehenogã tiquiro nedire Melquisede pehere ohoahye.

⁵ Sa yero Cohãcjũ dutiye Moiserere tiquiro cũri ijipihtiyequina apequina Israe masare to punota wapa ye dutire. Sa dutiro Leví panamena iji turiayequinare tiquina acaye wapa yerire ñehe dutiro, cũahye. Leví panamena pahia wahae tiahye. Sa ye Israe masa Abrahã panamena iji turiayequina ijiepetata tiquina pahiare wapa yee tiahye. ⁶ Melquisede pehe Leví panamino iji tuririquiro ijieraperota wapa neahye Abrahãre. Sa yero Cohãcjũ “Mũhũre quehnoano yeitja”, tiquiro ni cũriquiro ijieperota Abrahã pehe Melquisedere wapa yeahye. Sa yero Melquisede pehe Cohãcjũre Abrahãre sini basaro quehnoano ye dutiahye.

⁷ Quehnoano ye dutiriquiro Melquisede pehe tiquiro quehnoano ye dutinohriquiro Abrahã bui ijire. Tire mari quehnoano masi-aja. ⁸ Mari mehna cjẽna pahia marine mehenogã wapa neñequina mari yero saha masa ijire. Sa ye

yariatiquinata ijire tiquina gãhũ. Ahriquiro Melquisede pehe Abrahãre mehenogã wapa nediquiro sa catiducuriquiro yero saha ijire. Tiquiro yariarire yahueraro, sata nino niahye Cohãcjũ yere tiquina ojoari pũrũ. ⁹ Yojoportũ cjẽna Leví panamena iji turiayequina pahia ijiye, mehenogã wapa nene. Sa ijiyequina tiquina ijiepegãta Abrahã Melquisedere mehenogã wapa yero, ijipihtiyequina Leví panamena ye ijiatigãhũre oho basaro saha yero niahye. Sa ye tiquina gãhũ Melquisedere mehenogã ohoyequina yero saha ijire.

¹⁰ Melquisedere Abrahã tiquiro wapa yeri pjere Leví pehe masa bajueraniahye. Sa ijieperota tiquiro ñecũno manano Abrahã pagũrũ tiquiro ijiboriro saha Leví pehe iji tuhasaro niahye. Sa yero Melquisede Abrahãre tiquiro piti cagũ Leví gãhũ tiquiro ñecũno manano mehna ijero saha ijero niahye. Sa ye Leví, tiquiro panamena mehna Melquisedere mehenogã wapa yeyequina yero saha ijiye, tiquina tiquiro docapũ ijiye niahye.

¹¹ Tiquiro dutiyere cũno Cohãcjũ Levíre tiquiro acaye gãhũre pahia iji dutiahye. Sa ye tiquiro dutiye nidiro sahata tiquina pahia wahiquinare wejẽ ujũa mũo, Cohãcjũre sini basahye masare. Tiquina sa yeri mehna mari yũhdũna, ape-

quiro pahi sijoro saha ijiriquiro pahire cahme nemoedaboya mari. Sa yena apequiro pahire cahmeaja mari yojopure, Melquisede yero saha ijiriquirore. Leví ya curua cjëno Aaron manano yero saha ijiyequina pahiare yojopure mari cahmedaja. ¹² Sa yena pahiare comesana niaja mari. Mari sa comesana, marine dutiye gühare comesaro cahmene marine. ¹³ Aaron, Leví gühu tiquina ya curua cjëna dihitare pahia sajã duti mahtamahye Cohãcjã, tiquiro dutiyere cño. Tiquiro sa dutiepegãta yojopure mari pãhtoro pahi sãriquiro ape curua cjëno ijire. Sa ye ti curua cjëna ne pahia sajãedahye. ¹⁴ Tiquiro Cristo Judá ya curua cjëno masa bajuahye. Tire mari quehnoano masiaja. Sa yero, Moise pahia sño, Judá ya curua cjënare ne pahia sãeda tiahye.

¹⁵ Ahrire masina, ohõ saha mari quehnoano masiaja: Yojopure wahma tiquiro sãriquiro pahi Cristo Melquisede yero saha ijiriquiro ijire. ¹⁶ Panopu cjë dutiye ti ni diro sahata Leví ya curua cjëna dihita pahia sajãhye. Yojopure tiquiro sãriquiro pahia tiquina yero saha pahi sajãedare. Tiquiro Cohãcjã tutuaye mehna ijipihtiye decori ijiriquiro ijire. Sa yero ti tutuaye mehna pahi sajãhye tiquiro. ¹⁷ Ohõ saha nine Cohãcjã yere tiquina ojoari pũru:

Ijipihtiye decori pahi ijiducugãta mũhu. Melquisede pahi tiquiro ijiriro saha pahi ijiducugãta mũhu, niahye Cohãcjã tiquiro macãnore, ni ojoahye panopu.

¹⁸ Ti dutiye tiquiro cũ mahtari dutiye dahseati ijierahye. Sa yero ti dutiyere duhu cãhye Cohãcjã. ¹⁹ Moiserere tiquiro cũri dutiye mehna ne yãhdãerare masa. Sa yero yojopu pehere Cohãcjã marine tiquiro yãhdãoatire marine cũre. Tiquiro sa yegã yojopure tiquiro mehna yahuducu masiaja.

²⁰ Sa yero Cristore pahi sño, wame peoro mehna tiquirore sãahye. Apequina pahiare tiquiro yero saha wame peo sãedahye. ²¹ Cristo pehe Cohãcjã wame peoro mehna pahi sajãhye. Ohõ saha niahye tiquiro Pacuro Cristore:

Yũhu mũhu pãhto yũhu wame mehna mũhure poto yahutja. Sa yegũ ahrire ne duhu cño marieno yahuaja mũhure. Pahi sa ijiducugãta mũhu, ni cũahye Cohãcjã tiquiro macãnore.

²² Sa wame peo cño, wahma buheyere quehnoañe buheyere marine cño, marine tiquiro yãhdãoatire cño niahye. Panopu cjë dutiye yãhdãoro mari quehnoano ijiatire cño niahye. Sa yero Cohãcjã

“M̄sare ȳhd̄outja”, tiqiro nidiro sahata yero taro, Jesure ohoahye marine ȳhd̄oatiqirore. ²³ Iji m̄htariquina pahia tiquina yariagū ih̄ñañe apequina camesa sajāre tja. Sa ye tiquina peyequina pahia wahare. ²⁴ Jesu pehe sa ijiducure. Sa ye tiqirore comesayequina mariedare pahia. ²⁵ Sa yero tiqiro sa ijiducuro, Coh̄c̄j̄ure sa sini basaducure tiqiro yequina ye ijiatire. Sa yero Coh̄c̄j̄ū mehna tiquina sa ijiducurato saha masare ȳhd̄o masine tiqiro. Ijipihtiyequina

tiqirore wacū tutuayequina Coh̄c̄j̄ū cahap̄ wahaeta. Sa yero Jesu ijire potota tiquinare ȳhd̄oriquiro.

²⁶ Sa yero Jesu ijire mari yaquiro pahia p̄htoro. Tiqiro p̄ritare tutuaro cahmeaja mari. Ne ñañe buhiri marieniquiro ijire tiqiro. Sa yero masa yero saha ne ñañene yerare. Sa yero Coh̄c̄j̄ū tiqirore ñañequina cahap̄ ijiriquirore neano, ̄hm̄sep̄ cū, ijipihtiyequina apequina bui p̄htoro s̄ahye.

²⁷ Apequina pahia yero saha ijierare tiqiro. Tiquina pehe decoripe wahiquinare wejē, ̄j̄ūa m̄o, Coh̄c̄j̄ure sinie tiri. Tiquina basi tiquina ñañe buhirire sini m̄htae tiri. Came apequina masa tiquina ñañe buhiri ḡh̄ure sini basae tiri tiquina. Sa ye peye tahari tiquina Coh̄c̄j̄ure sinie tiri. Jesu pehe pahi ijiro, ih̄c̄a tahata tiqiro yariari mehna siniahye Coh̄c̄j̄ure

masa tiquina ñañe buhirire ȳhd̄oro taro. Sa yariaro tiqiro basi tiqiro paḡure tiqiro jeripohna ḡh̄ure tiqiro ohoboriro saha yero niahye. ²⁸ Coh̄c̄j̄ū dutiye Moisere tiqiro c̄iri pahia p̄htoare sajā dutire. Sa sajāepeta ñañe marieñequina ijierare sa pahia sajāñe. Ti dutiye bato ijiye buheye mehna Coh̄c̄j̄ū wame peoro mehna tiqiro yahuri buheye mehna tiqiro mac̄no pahia p̄htoro sajāhye. Tiqiro pehe ñañe marieniquiro sa ijiducure.

8

Coh̄c̄j̄ū “M̄sare ȳhd̄outja”, ni cūahye tja Moisere tiqiro c̄irire camesaro. Tire yahu basariquiro ijire Jesu

¹ Ti ijipihtiyere yahuna, ahri p̄ritare m̄sare yahuna tana niaja: M̄sare us̄a yahuriquiro pahia p̄htoro tiqiro p̄rita mari yaquiro waro ijire. ̄hm̄sep̄ Coh̄c̄j̄ū tutua ȳhd̄ariquiro tiqiro p̄htoro dujiro poto pehe dujire Cristo mari yaquiro pahia p̄htoro. ² Sa yero ahri yehpa c̄j̄a w̄h̄p̄, masa tiquina yeri w̄h̄p̄ pahia dahrayere yerare tiqiro. ̄hm̄sep̄ ijiri w̄h̄p̄re mari p̄htoro tiqiro yeri w̄h̄p̄re pahia dahrayere yere tiqiro. Ti w̄h̄ p̄rita Coh̄c̄j̄ū waro ya w̄h̄ ijire.

³ Ijipihtiyequina ahri yehpa c̄j̄ena pahia p̄htoa wahiquinare wejē ̄j̄ūa m̄o, ohore Coh̄c̄j̄ure ño peoye.

Sa ye dutie tiahye tiquinare. Mari yaquiro pahi gũhare Cohãcjũre oho dutiahye. Mari ñaňe buhirire tiquirore oho dutiahye. Sa yero Cristo mari ñaňe buhiri yariaro bucuegũ yeahye Cohãcjũre, pahia pũtoa Cohãcjũre ohoye tiquina bucuegũ yeriro saha. ⁴ Mari judio masa mari dutiye ti nidiro sahata ahri yehpapũ pahia masa tiquina ñaňe buhirire ohore Cohãcjũre siniňe. Sa ye ahri yehpapũ pahia iji tuhasare. Sa yero Jesu pehe mari yaquiro pahi ahri yehpapũ ijinino, pahi ijieraboa tiquiro pehe. ⁵ Ahri yehpa cjẽna pahia tiquina dahrayere ahri yehpa cjã wũhũpũta dahrare. Ti wũhũpũ Cohãcjũre tiquina ño peorire ihñana uhmũse cjã wũhũpũre tiquirore mari ño peoatire masi cjũna niaja. “Ti wũhũ yero saha ijire”, nino niahye Cohãcjũ cũnũpũ Moiserere tiquiro ya wũhũre dahre dutiro. Tiquiro sa dahreato panogã Cohãcjũ ohõ saha niahye tiquirore. “Cũnũpũ mũhũre yũhũ ihñoriro sahata ti wũhũ ijiriro sahata ya wũhũre queoro dahreya”, niahye Cohãcjũ tiquirore. ⁶ Sa yero yojopũ pehere Jesu pahi ijiro, tiquiro dahraye apequina pahia ye dahraye yũhdũoro ijire. Ihyo waro ijierare. Cohãcjũ marine “Mũsare yũhdũoutja”, tiquiro ni yahuri panopũ cjẽ dutiye Moiserere tiquiro cũri dutiye yũhdũoro ijire. Marine tiquiro yahuri ti

dutiye yũhdũoro marine quehnoano ijigũ yeeta. Sa yero marine yũhdũo basariquiro ijiro, Cristo pehe apequina pahia yũhdũoro ijire.

⁷ Coã waropũre tiquiro dutiri mehna mari yũhdũeraja. Ti dutiye mehna mari yũhdũgũ, apeye buheyere cũedaboya Cohãcjũ. ⁸ Sa yero ti dutiyere tiquina ihcãno sahaerarire yahuro ohõ saha niahye tiquiro yeequinare Israe masare:

Ohõ saha nine mari pũthoro: “Quehnoano tũhoya. Camerũ apeye buheyere yahutja yequinare Israe masare, Judá ya curua cjẽna gũhare. ⁹ Ti buheye tiquina ñecũsumũa mũna iji turiayequinare yũhũ yahu cũri yero saha ne ijisi. Yũhũ basi tiquinare Egipto yehpapũ ijiiyequinare wiogũ tiquinare yahu cũmi. Yũhũ sa ni yahu cũrire yũhdũũcare tiquina. Tiquina sa yegũ ihñagũ wahmanore tiquinare yũhũ yahumedire duhu cũhũ.

¹⁰ Sa yegũ camerũ Israe masare ohõ saha ni yahutja: Yũhũ dutiyere tiquinare wacũgũ yeitja. Sa ye yũhũ dutiyere yũhtieta. Sa yegũ yũhũ Cohãcjũ tiquina pũto, tiquinare ihña ihbogũ

ijigutja. Sa ye tiquina pehe yeequina masa ijieta. ¹¹ Sa ye ti pjere tiquina mehna cjênare ne tiquina ohõ saha cahme nisi: ‘Mari pãhtorore Cohãcjãre masiña m̄sa’, ne ni cahme buhesi. Tiquina ijipihtiyequina yuh̄re masi tuhasaeta. Macanagã, b̄sana ḡhu yuh̄re masiñequina dihita ijieta. ¹² Sa yeḡu tiquina ñañe yerire boutja yuh̄u. Sa yeḡu tiquinare buhiri dahresi yuh̄u. Tiquina ñañe yerire pari turi wac̄usi yuh̄u”, niahye mari pãhtoro, nine Cohãcjã yere tiquina ojoari p̄p̄u.

¹³ Yojop̄re marine tiquiro ye buheyere c̄no, panop̄u cjẽ dutiyere duhuro nidi. Sa yero m̄na dutiyere tiquiro duhuri bato ti dutiye came-saa wahare.

9

*Ahri yehpa cjã tuc̄ure
uh̄m̄se cjã tuc̄u ḡh̄re
Cohãcjãre ño peori tuc̄ure
yahuahye*

¹ Coã warop̄re Cohãcjã tiquiro dutiyere Moiserere c̄no, masa tiquirore tiquina ño peoato ḡh̄re c̄ahye. Sa yero Cohãcjãre tiquina ño peoati w̄hu ḡh̄re ye dutiro c̄ahye. ² Ti w̄hu wahiquina cahseri w̄hu ijiyahye. P̄na tuc̄u c̄oahye. Paji cj̄uri tuc̄u tiquina sajã sa m̄htari tuc̄u

“Cohãcjã ya tuc̄u”, wame tiahye. Ti tuc̄up̄u tiquina sihõ docod̄u ijiyahye. Sa yero mesa ḡhu ijiyahye. Ti mesa bui Cohãcjãre tiquina ohori pã pesahye. ³ Ape tuc̄u suht̄i cahseri mehna tiquina cahmotari tuc̄u ijiyahye. Ti tuc̄u “Cohãcjã ijiri tuc̄u waro”, wame tiahye. ⁴ Ti tuc̄up̄u uru mehna tiquina yeri altar, ehmeo bueyere tiquina ñjãari altar ijiyahye. Sa yero uru quehnoañe mehna tiquina duhu ohõri acaro top̄u cuñahye. Ti acaro puh̄iap̄u uru pa manã wame tiye ihyaye pose tiri pa ijiyahye. Sa yero ti acaro puh̄iap̄u Aaron yad̄u tuad̄u p̄uri tid̄u ijiyahye. Sa yero p̄na p̄j̄i utã p̄j̄ini Cohãcjã dutiyere tiquiro ojoari p̄j̄ini ḡhu ti acaro puh̄iap̄u sañahye. ⁵ Ti acaro bui p̄naro angele queoye ijiyahye. Ti queoye Cohãcjã asi siteyere, ti tuc̄up̄u tiquiro ijiyere ih̄noñe niahye. Ti acaro mohano bui tiquina w̄ye dap̄ari mehna mohahye. Ti acaro mohano bui masa ñañe buhirire tiquina ohorire wejẽ site peoe tiahye pahia pãhtoro. To punota yahutja ahri w̄hu cjẽne yojop̄re.

⁶ Sa ye ti w̄h̄re tiquina quehnoano quehñori bato pahia decoripe tiquina sajã sa m̄htari tuc̄up̄u sajã sa, tiquina dahrayere yee tiahye. ⁷ Sa yero pahia pãhtoro dihita ape tuc̄up̄u sajãhye. C̄hmaripe ihcã tahata tiquiro sajãri

deco boropata sajãe tiahye tiquiro. Sa sajãno tiquina wejẽdiquiro wahiquiro tiquina ohoriquiro diire ne sajãno, Cohãcjũre ño peoe tiahye. Dii marieno ne sajãedahye. Tiquiro basi tiquiro ñaãe yeri buhirire diire ne sajãe tiahye. Sa yero ijipihtiyequina apequina Israe masa “Ñãe ijiaga”, nino marieno tiquina ñaãe yeri buhiri gãhũre diire ne sajãe tiahye tiquiro Cohãcjũre sinino taro.

⁸ Ijipihtiye ahri mehna Espiritu Santo ohõ saha ni marine buhero nine: Ti wãhũpũ Moiserere tiquiro cũri wãhũpũ mari ño peorĩna, tiquiro cũri dutiyere yeatina ijinina, ihyo ijina Cohãcjũre ño peona wahaeraboya mari. Pahia pũhoro dihita Cohãcjũ ijiri tucũ waropũ sajã masine. Sa yena ihyo ijiyequina tiquina ño peoye wahaeraro saha sa ijiboya mari Moiserere tiquiro cũri dutiyere yena.

⁹ Ahri ijipihtiyere Cohãcjũre ño peori wãhũpũ ijiyere marine cũno, marine yojopũ cjẽnare buhero niahye Cohãcjũ. Wahiquinare wejẽ wãhũ mũo, masa Cohãcjũre tiquina ño peori mehna ne Cohãcjũ cahapũ wahasi. Tiquina sa yeri mehna tiquina ñaãe yerire cose werahye. ¹⁰ Sa wahiquinare ohoye, tiquina ihyaye, tiquina sihniãe, tiquina pagũ coseye, tiquina ohõ saha yeye mehna Cohãcjũre ño peoe timahye. Ahri tiquina sa yeri ihyo warota ijire yojopũre.

Sa yeye ti dutiye Moiserere tiquiro cũri dutiye marine quehnoana wahagũ yerahye. Sa ye wahma buheyere Cohãcjũ tiquiro cũri bato mana dutiye pehe dahseati ijierare.

¹¹ Cristo pehe mari pahia pũhoro ijire ahta tuhasari jiri. Sa ijire marine quehnoañene cũ tuhasari jiri. Cohãcjũre ño peori wãhũ wãhũmũsepũ pahia pũhoro tiquiro dahrari wãhũ apequina pahia tiquina dahraye wãhũse yãhũoro quehnoari wãhũ ijire. Wãhũse cjã wãhũ ijire. Ti wãhũ ahri yehpa cjã wãhũ ijierare. Sa yero masa tiquina yeri wãhũ ijierare.

¹² Sa yero Cristo wãhũmũsepũ Cohãcjũ ijire waropũ ihcã taha sajãhye mari ñaãene yeri buhirire Cohãcjũre ohoro saha yero taro. Topũ wãhũmũsepũ ohõpũ tiquiro ijiri tucũ waro yero saha ijire mari queoye mehna buhegũ. Sa yero chivoa diire, wecũagã diire ne sajã, ohoerahye tiquiro. Tiquiro pehe tiquiro ye dii warore Cohãcjũre tiquiro ohoro saha yero niahye yariaro. Ijipihtiye decori Cohãcjũ mehna mari ijiducato saha tiquiro ye diire cohãhye. Mari ñaãe buhirire yariahye.

¹³ “Yariariquinare dahra peona mũsa pagũ wete tina ijire”, ni cũahye Cohãcjũ Moiserere. Sa ijiye ñaãene wete tiyere cose wee tiahye chivoa diire tiquina ohori mehna. Wecũa diire tiquina ohori

mehna, wecuaḡāre tiquina uḡuari nitine tiquina ohori mehna sa ijiye ñañene cose wee tiahye. ¹⁴ Sa ijiye ñañene wahiḡuina diire tiquina ohori mehna, nitine tiquina ohori mehna tiquina cose weriro saha ti yuhduoro Cristo pehe tiquiro diire cohãno mehna mari ñañe yerire quehnoano cose we peho cāre. Tiquiro ñañe marieniquiro ijiro, curusapu yariaro tiquiro basita tiquiro pagu, tiquiro jeripohna mehna Cohãcjüre ohoro saha yeahye. Espiritu Santo sa ijiducuriquiro yedohoye mehna sa yeahye tiquiro. Sa ye mari ñañe yerire tiquiro cose wegũ ihñano mari ñañe buhirire Cohãcjũ bo cāhye. Ti ñañe buhirire cõona pecapu wahaborina ijimi mari. Tiquiro cose wenohrina ijina, Cohãcjũ catiriquiro tiquiro cahmeñene ye masi-aja mari.

¹⁵ Sa yero “Ohõ saha masare yuhduoutja”, masare pari turi Cohãcjũ ni yahu cũgũ Cristo pehe tiquiro yahuyere yahu basariquiro ijire. Sa yahu basare tiquiro Cohãcjũ beseriquinare yuhduoro taro. Tiquiro sa yuhduogũ ijipihtiye decori tiquiro mehna ijinata mari tiquiro yequina. Sa yena mari tiquiro yequinare Cohãcjũ marine ohoatire cõonata mari. Moisere tiquiro cõuri dutiye dihita ijigũ masa tiquina ñañe buhiri ijiniahye. Sa yero curusapu yariaro ti pjeta tiquina ñañe yeri

buhirire yuhduoahye tiquiro yequinare.

¹⁶⁻¹⁷ Masuno came tiquiro acayere tiquiro ohoatire ojoa ohõyure papera pũpu. Tiquiro ohoatire yahuro taro ojoa ohõyure. Ti pũre ojoa ohõyuriquiro tiquiro yari-eranigũ ti pũ duhseati ijier-are. Tiquiro acaye tiquiro cõorire nea masiedare. Sa ye tiquiro yariagũ ihñañe ti pũpu tiquiro ni ojoariro sahata tiquiro yere neañeta tiquina. ¹⁸ Tiquiro yariato pano ti pũ duhseati ijieraro sahata yariaro marieno dii wijiario marieno Cohãcjũ Moisere tiquiro cõuri dutiye gũhu ne duhseati ijieraboya. Sa yero wahiḡuiro diire tiquiro wejẽ siteri bato ti dutiyere potota yero niahye.

¹⁹ Sa yero ohõ saha ye mahtahye Moise: Cohãcjũ tiquiro cõuri dutiyere masare yahu pehoahye. Came wecuaḡã diire, chivoa diire aco mehna moreahye. Sa yero hisopo wame tidu dupu mehna oveja poari sohãñe mehna tiquina ñimiori poarire torẽahye. Ti dupu mehna diire sohoro, Cohãcjũ dutiyere tiquiro ojoari pũ bui wejẽ site peoahye. Ijipihtiye-quina masa bui gũhare wejẽ site peoahye.

²⁰ Sa yero ohõ saha niahye tiquiro: “Cohãcjũ marine tiquiro yahuri tiquiro dutiri ahri dii mehna poto ijigũ masiaja mari. Ahri diire ihñana tiquiro nidiro sahata marine tiquiro yeatire

masiaja mari. Ti dutiyere yuhti dutiahye tiquiro marine”, niahye Moise. ²¹ Sa yero masare tiquiro yeriro saha Cohãcjüre tiquina ño peori wuhũ wahiquina cahseri wuhũre, ijipihtiye ti wuhũpũ ijiye gãhũre wejẽ siteahye. ²² Sa tjire. Ti dutiye ti nidiro sahata peye ñañene dii cohãno mehna cose wero cahmene. Mehenogã dũhsaye ñañene apee boro mehna cose wegũ quehnoare. Sa yero Cohãcjũ mari ñañe yerire ne bosu dii cohãedagũ.

Cristo tiquiro diire cohãno, yariaro, tiquiro yequina ñañe yerire cose weahye

²³ Ti ijipihtiye Cohãcjüre tiquina ño peori wuhũ, ti wuhũpũ ijiye gãhũ uhmũse cjã wuhũpũ ijiye yero saha ijiahye mari queoye mehna buhegũ. Uhmũse cjã wuhũ pehe potota Cohãcjũ ya wuhũ waro ijire. Sa yero ahri yehpa cjã wuhũre, ti wuhũpũ ijiye gãhũre wahiquina diire tiquiro wejẽ siteri mehna cose wero cahmeahye. Sa ye ti yũhdũoro uhmũsepũ wahatiquinare tiquina ñañe buhiri tiyequinare cose wero cahmene. Sa yero wahiquina yũhdũoro ijiriquiro ye dii tiquiro cohãno mehna tiquina ñañe yerire cose wero cahmene.

²⁴ Sa yero Cohãcjüre tiquina ño peori wuhũ masa yeri wuhũ ijire. Uhmũse cjã wuhũ yero saha ijire ti wuhũ gãhũ, mari queoye mehna

buhegũ. Sa yero Cristo pahi ijiro, marine sini basaro taro ahri yehpa cjã wuhũre sajãedahye. Potota uhmũsepũ wahahye tiquiro Cohãcjũ caha marine sini basaro taro. ²⁵ Mari judio masa mari pahia pũhtoro cũhmaripe Cohãcjũ ijiri tucũ waropũ sajãe tiahye wahiquina diire ohoro taro. Cristo pehe tiquiro diire Cohãcjüre ohoro saha yero taro, yariaro, peye tahari sajãedahye. ²⁶ Peye tahari yariariquiro ijiro, ahri yehpa iji dũcari bato peye tahari yariaboya tiquiro. Peye tahari tiquiro mari ñañe buhirire yariaducuriquiro ijiboya. Sa ijiboriquiro ijieperota pihtiri deco panogã yojopũre marine ijipihtinare yũhdũoro taro ihcã taha bajuahye tiquiro ahri yehpũ. Sa bajuahye yariaro taro, mari ñañe buhirire cohãno taro.

²⁷ Ijipihtiyequina masa ihcã tahata yarieta. Tiquina sa yariari bato masa quehnoañequinare, ñañequina gãhũre beserota Cohãcjũ. ²⁸ Ihcã tahata mari yariaro saha Cristo gãhũ ihcã tahata yariahye peyequina masa tiquina ñañe yerire cohãno taro. Came pari turi ahtarota. Mari ñañe yerire cohã tuhasariquiopũ ijirota. Sa yero pari turi mari ñañe yerire cohãno taro ahtasi. Sa ahtarotiquirore cohteyequinare, bucueye mehna tiquirore ihña duayequinare yũhdũoro ahtarota.

10

1 Cohãcjũ dutiye Moiserē tiquiro cūri quehnoañe buh-eye yero saha ijiepetā, ihcãno saha ijierare. Ti dutiye ti ye dutiriro saha cūhmaripe wahiquinare wejẽ, ʘjũa m̄uo, Cohãcjũre ño peoducure. Tiquina sa yeye mehna masa tiquina ñañe yerire boerare Cohãcjũ. 2 Ti mehna tiquina ñañe yerire Cohãcjũ bogũ, ihcã tahata Cohãcjũre tiquina ño peori bato “Yojopure buhiri mariedare ʘsãre”, ni tãhotuboya masa. Sa ye pari turi wahiquinare wejẽ ʘjũa m̄uo, Cohãcjũre ño peo ohoeraboya. Duhu cãboya. 3 Cūhmaripe wahiquinare wejẽ ʘjũa m̄uo, Cohãcjũre tiquina ño peogũ tiquinare ñañe buhirire wacũgũ yere. To punogãta yedoho duare ti tiquinare. 4 Wecua dii mehna mari ño peori mehna, chivoa dii mehna mari ño peori mehna ne mari ñañe buhirire cohãedare.

5 Ti ijirota ijire. Ti sa ijigũ ihñano Cristo ahri yehpapure tiquiro ahtato pano ohõ saha niahye Cohãcjũre:

Wahiquinare ʘjũa m̄uo tiquina ohogũ, trigore tiquina ohogũ gũhare m̄uhũ ihñagu bucuere m̄uhũ. Sa yegu yũhũ pagure yeri m̄uhũ ya pagũ ijiatire. 6 Ñañene tiquina cohãtore wahiquinare wejẽ, tiquina ʘjũa m̄uogũ ihñagu bucuere m̄uhũ. 7 M̄uhũ sa bucueregũ ihñagu

ohõ saha nii m̄uhare: “M̄uhũ cahmeno sahata yegu wahagũtja. Sata ni yahure m̄uhũ ya pũpũ”, nii yũhũ, niahye Cristo tiquiro Pacurore.

8 “Wahiquinare ʘjũa m̄uo tiquina ohogũ, trigore tiquina ohogũ gũhare ihñagu bucuere m̄uhũ”, ni yahu m̄uhahye tiquiro. Coã waropure tiquiro ye dutiye wahiquinare, trigo gũhare tiquina ohoye mehna ti ño peo dutiepegũta sa niahye tiquiro. 9 Sa ni tuhasa ohõ saha ni nemoahye: “M̄uhũ cahmeno sahata yegu wahagũtja”, niahye. Tiquiro sa nigũ ohõ saha masiaja mari. Panopũ wahiquinare wejẽ ʘjũa m̄uoñe mehna tiquina ño peorire duhugũ yero, apeye buheye pehere cũno niahye Cohãcjũ. (Sa cũno yojopure Cristo tiquiro yariari mehna masare yũhdũorota Cohãcjũ.) 10 Jesucristo tiquiro pagure ohoro, yariaro, ijipihtina marine mari ñano yerire cohãre. Ihcã tahata tiquiro pagure ohore mari ñañene cohãno taro. Sa yero Cohãcjũ cahmeno sahata yero niahye.

11 Ijipihtina mari judio masa mari yequina pahia decoripe Cohãcjũre ño peori wũhũpũ dahraducure. Sa dahraducuye decoripe m̄uanota wahiquinare wejẽ, ʘjũa m̄uo, Cohãcjũre siniducure. Tiquina sa wejẽ ʘjũa m̄uoepegũta ti ʘjũa m̄uori mari ñano yerire ne cohãedare. 12 Cristo pehe ihcã

tahata mari ñañe buhirire yariahye, mari ñañe yerire quehnoano cohã pehorotaro. Tire cohã tuhasa, wahaah wahahye tiquiro Pacuro cahapũ tiquiro poto pehe dujiro waharo. Pũhtoro ijiro, topũ dujire. ¹³ Topũ dujiro, cohtero nine. Tiquirore ihña tuhtiyequinare Cohãcjũ pehe tiquiro yũhdũdũca basatore cohtero nine. ¹⁴ Sa yero ihcã tahata tiquiro yariari mehna tiquina ñañene cohãnohriquinare ñañe marieñequina sa ijuducugũ yere tiquinare. ¹⁵ Ti ijirota ijire. Sata ni yahure Espiritu Santo marine. Ohõ saha ni yahure tiquiro:

¹⁶ Ohõ saha nine Cohãcjũ: “Camepũre ohõ saha ni yahutja Israe masare. ‘Yũhũ dutiyere tiquina wacũñepũ cũtja’, ni yahutja”, nine tiquiro.

¹⁷ Ohõ saha ni nemore Cohãcjũ:

“Tiquina ñañe yerire pari turi wacũ nemosi yũhũ”, nine tiquiro, ni yahure Espiritu Santo.

¹⁸ Mari ñañe yerire tiquiro sa bogũ pari turi mari ñañe buhiri yariatiquirore cahmedaja mari.

Cohãcjũ cahapũ esana, cuero marieno tiquiro mehna mari yahuducuboriro saha tiquiro mehna yahuducu masiaja yojopũre

(Mt 27.51; Mr 15.38; Lc 23.45)

¹⁹ Sa yena yũhũ acaye, Cristo tiquiro yariaro mehna tiquiro dii cohãno mehna

yojopũre mari gũhũ cuero marieno Cohãcjũ mehna yahuducu masiaja. Sa yena tiquirore sini masiaja. ²⁰ Ahri yehpa cjũno pahia pũhtoro Cohãcjũ ijiri tucũ waropũ tiquiro yemedi yojopũre marine dũhseati ijierare. Ti mehna Cohãcjũ mehna yahuducu masiedaja mari. Cristo pehe mari ñañene yeri buhirire yariaro tiquiro dii cohãri mehna Cohãcjũ mehna yahuducu masiaja mari. Pahia pũhtoro ti tucũpũ tiquiro sajãriro sahata Cristo pehe Cohãcjũ cahapũ esahye mari ñañe yerire bo dutiro waharo. Ti tucũ cjã cahserore cahmotari cahserore tiquiro tũhrẽ cohãriro saha Cristo tiquiro pagũre cohãhye Cohãcjũ mehna marine iji dutiro. ²¹ Sa yero Cohãcjũ ya wũhũpũ dahrariquiro mari yaquiro pahi tutua yũhdũariquiro ijire tiquiro. ²² Sa yena Cohãcjũre siniihna poto ni mehono marieno. Tiquirore quehnoano wacũ tutua, cuero marieno tiquirore siniihna. Cristo mari ñañe yerire tiquiro cose wenohrinapũ ijiaja. Sa yena “Buhiri tina ijiaja mari”, ni tũhotuna ijieraja mari. Sa yena wete marieñe aco mehna mari cose wero saha Espiritu Santo tiquiro cose wenohrinapũ ijiaja. Sa yena Cohãcjũre siniihna. ²³ “Mũsare yũhdũoutja”, tiquiro nidiro sahata yerota. Sa yena marine tiquiro yũhdũoatore quehnoano masiaja mari.

Tire masina, ne boeracũhna. Cohãcjũre sa wacũ tutuaducuhna. Sa wacũ tutuana tire apequinare yahuaja. ²⁴ Mari mehna cjẽnare cahĩna, tiquinare yedohouhna mari, ijipihtina mari ihcãno saha mari cahme cahĩ yedohtoato saha. ²⁵ Sa yena quehnoano cahmecoaducuhna Cohãcjũ yere yena tana. Apequina pehe tiquina cahmecoamedirore duhuye nine. Tiquina yero saha yeracũhna. Mari mehna cjẽnare bucuegũ yeihna. Ahri yehpapare mari puhtoro ahtato mehenogã duhsare. Tire masina tutuaro bucuegũ yeihna mari mehna cjẽnare Jesu yequinare.

²⁶ Poto ijiye buheyere quehnoañe buheyere mari masiepenata ñañene mari pari turi sa yeducugũ mari ñañene cose we nemoato ne mariedare. ²⁷ Sa yero sa yeyequinare cuarĩne. Ijipihtiyequina tiquiore ihña tuhtiyequinare buhiri dahrero, tutuaro ujnopu cohãnota Cohãcjũ tiquinare. Sa ye tiquiore buhiri dahreatire cueyequina dihita ijimene tiquiore duhuyequina. ²⁸ Cohãcjũ dutiye Moiserre tiquiore cũrĩre yuhduhcayequinare buhiri dahreye, mari acaye judio masa wejẽne tiquinare. Ne paja ihñano marieno wejẽne tiquinare. Ihtiaro tiquina yahusãgũ tuhoro beseriquiro tiquina yuhduhcarire masino tiquinare buhiri dahre dutire. Ihtiaro

mariedagũ puaro tiquina yahusãgũ tiquinare buhiri dahre dutire. Sa dutigũ tiquinare wejẽne.

²⁹ Ti bui cjũno Cohãcjũ macanore ihña yabiyequina tiquiore buhiri dahreatiquina ijietã. Cristo dii cohãri mehna mari ñañe yerire cohãre Cohãcjũ. Sa cohãtore yahuahye tiquiore marine. Sa yeye tiquina ñañe yerire cohãnohriquina ijiepetã pari turi ñañene yeye, tiquina ñañe yerire tiquiore cohãrĩre tiquiore dii gũhare “Ihyo waro ijire”, niñe nieta. Sa niñequina tiquiore buhiri dahreatiquina waro ijiye nieta. Sa niñequina Espĩritu Santore ñano ni yahuducuyequina ijire. Tiquiro tiquinare cahĩniquiore ijire. Tiquina sa ñano yahuducugũ ihñano tutuaro buhiri dahrerota Cohãcjũ tiquinare. ³⁰ Ahrire mari quehnoano masiaja. Cohãcjũ tiquiore basita ohõ saha niahye: “Yuhũ ijiãja buhiri dahreatju. Tiquina ñañene yeri buhiri buhiri dahreitja yuhũ”, niahye tiquiore. Ohõ saha ni nemoahye: “Yeequina ijimediquinare ñano yeyequinare buhiri dahreitja yuhũ”, niahye tiquiore. ³¹ Cohãcjũ catiriquiro marine tiquiore buhiri dahregũ cua yuhduhare.

³² Panopu masa ijirire wacũña masa. Ti pjere Cohãcjũ yere coã masi ducana peye tahari ñano yuhduhpenata tiquiore yere cohãedari masa. ³³ Ihuqẽ

tahari masa tiquina ihñonopu apequna m̄sare ñano ni, ñano yeperi m̄sare. Sa yena apequna Jesu yequinare tiquina ñano yegū ihñana, tiquinare paja ihñari m̄sa. ³⁴ Peresupu ijiyequinare paja ihñari m̄sa. Sa yena m̄sa yere tiquina ehmaepēgūta bucueye mehna, “Quehnoanota”, nidi m̄sa. Ahri yehpa cjē yuhd̄oro quehnoañene c̄ore m̄sa uhm̄sepu. Ti quehnoañe sa ijiducueta. Tire masina, m̄sa c̄oyere tiquina ehmagū buj̄ma witiere m̄sa. ³⁵ Sa yena cueracāhña. Cohācj̄ure sa wacū tutuaducuya. M̄sa sa yeri wapa tiqiro quehnoano yerota m̄sare. ³⁶ Cohācj̄ū “M̄sare ohō saha yedohoutja”, tiqiro ni cūrire quehnoano cohteya m̄sa tiqirore wacū duhuro marieno. Sa cohtena tiqiro cahmeñene yenata m̄sa. Sa yena tiqiro ni cūrire c̄onata. ³⁷ Ohō saha nine Cohācj̄ū yere tiquina ojoari p̄pu:

Mehenogā d̄hsare Cristo wihiato. Sa ahtarō duita wihi madoqueorota. ³⁸ Yeequina quehnoañequina pehe yuh̄are wacū tutuaducueta. Sa ye yeequina yuh̄ mehna sa ijiducueta. Yeere cohāñequina pehere ihña yabiaja yuh̄, niahye tiqiro ye yahuducuye tiquina ojoari p̄pu.

³⁹ Mari pehe Cohācj̄ū yere cohārina ijieraja mari. Sa

yena pecapu wahatina ijieraja mari. Cohācj̄ure wacū tutuaja mari. Sa yena tiqiro yuhd̄orina ijiaja.

11

Wacū tutuayere yahuahye

¹ Ohō saha ijire wacū tutuaye: Cohācj̄ure wacū tutuana, marine tiqiro quehnoano yeatire quehnoano masiaja mari. Cohācj̄ū tiqiro nidiro sahata yeraniepēgūta tiqiro yahuyere “Ijirota ijire”, ni t̄hotuaja mari tiqirore wacū tutuana. Tiqirore ihñedapenata, wacū tutuana, “Ijirota ijire”, ni t̄hotuaja mari tiqiro yahuyere t̄hona. ² Panopu c̄j̄ena Cohācj̄ure tiquina wacū tutuagū ihñano bucueahye tiqiro pehe.

³ Cohācj̄ū tiqiro yahuducuye mehna ijipihtiyere bajumehnee tiahye. Sa yero tiqiro mari ihñedari mehna ijipihtiyē mari yojopu ihñañene bajumehnee tiahye. Tire mari quehnoano masiaja Cohācj̄ure wacū tutuana p̄rita.

⁴ Cohācj̄ure wacū tutuaro Abe pehe corderore wejē, ūj̄a m̄o, Cohācj̄ure ño peo “Quehnoare”, niahye. Tiqiro wahmino Caī yuhd̄oro quehnoanore ohoro, ño peohye tiqiro Cohācj̄ure. Sa yero Cohācj̄ū tiqiro ohorire bucueahye. Sa bucuro “Quehnoariqiro ijire”, ni ihñahye tiqiro Abere. Sa Cohācj̄ure tiqiro wacū tutuagū ihñana mari

tiqirore ihña cūaja. Sa yena tiqiro yariari bato ijiepegūta tiqiro wacū tutuarire ihña cūaja mari.

⁵ Enoco Cohācjūre tiqiro wacū tutuagū ihñano bucueahye Cohācjū. Sa bucuero tiqirore tiqiro cahapū ne mūoahye. Sata nine Cohācjū yere tiquina ojoari pūpū. Tiqiro ne mūori bato masa tiqirore ne bocaerahye. Tiqiro ne mūonohriqiro ijiro ne yarierahye. ⁶ Cohācjūre wacū tutuerana tiqirore bucuēgū ye masiedaja mari. Cohācjūre wacū tutuerana, tiqirore ño peo masiedaja mari. “Potota tiqiro Cohācjū warota ijire. Sa yero tiqirore mari ño peogū marine quehnoano yere tiqiro”, mari ni tūhotuerana mari tiqirore sini masiedaja.

⁷ Noé Cohācjūre wacū tutuaro, tiqirore Cohācjū yahurire quehnoano yūhtiahye. Camerū tiquina ñano wahatore tiqiro yahugū tūhoro quehnoano yūhtiahye tiqiro. Sa yūhtiro, pajiria yucū sare yeahye. Sa yeye tia yucūsa mehna tiqiro acaye mehna dia mininore yūhdūahye. Sa wacū tutuariqiro ijiro ahri yehpa cǵēna ñañequina tiquina wacū tutuarire tiquina pecapū wahato gūhūre ihñono niahye. Sa yero tiqiro wacū tutuagū ihñano “Quehnoariqiro ijire”, ni ihñahye Cohācjū

tiqirore.

⁸ Abrahā gūhū Cohācjūre wacū tutuaro tiqirore yūhtiahye. Ape dihtapūre tiqirore ohoati dihtapūre Cohācjū waha dutigū tūhoro Abrahā yūhtiahye. Tiqiro ya dihtapū ijiriqiro wijiaa waharo, tiqiro masiedi dihtapū esahye. ⁹ “Ahri dihtare māhūre ohoutja”, Cohācjū nigū tūhoro tiqirore wacū tutuaro ti dihtapūta tojoahye tiqiro. Topū ijiro ape dihta cǵāno ijieperota topūta tojoa cāhye. Tiqirore, tiqiro macūno Isaac gūhūre, tiqiro panamino Jacob gūhūre tiquinare “Ahri dihtare māsare ohoutja”, ni Cohācjū yahue tiahye tiquinape. Tiquina tūhoe tiahye. Sa yeye tiquina ti dihtapū ijie, wahiquina cahseri wāhūsepe ijie tiahye mūnano ijieyequina ijie. ¹⁰ Topū ijinie tiahye Abrahā Cohācjū mehna tiqiro ijiatore cohtero. Ape macapū Cohācjū ijiri macapū ūhmūsepe tiqiro wahatore cohtero niahye. Ti macare dahreahye Cohācjū. Sa yero ti maca ne pihtisi.

¹¹ Cohācjūre wacū tutuaro, bucuero waro ijieperota, tiqiro namono Sara bucuero waro ticoro ijiepegūta, Abrahā pohna tiahye. “Tiqiro nidiro sahata yerota”, Cohācjūre nino sa pohna tiahye. ¹² Sa yero Abrahā bucuero waro ijieperota pohna tiahye. Sa yeye tiqiro panamena iji turi-

ayequinap_u peyequina waha cãhye. Ñahpicoha parire, pad_u pjeri gũh_ure mari queona ihcãno sahaeraro sahata tiquiro panamena iji turiayequina gũh_ure queona ihcãno sahaeraja mari.

13 Ijipihtiyequina ahriquina yuh_u yahuriquina Cohãcjũre wacũ tutua tuhasayequinap_u yariahye. Cohãcjũ tiquinare “Mũsare ohõ saha yeitja”, tiquiro ni cũrironore eserapeta yariaa wahahye. Tire ñhedapeta Cohãcjũ tiquiro nidiro sahata camep_u tiquina cõatire masiahye. Sa masiñe bucueahye. Sa yeye ohõ saha niahye tiquina: “Ahri yehpap_u tinina ijiaja. Ape yehpa cjãna ijiaja”, niahye tiquina. 14 Sa niñequina ape yehpare tiquina ya yehpa ijiatore cohteye nine. Tire mari quehnoano masiaja. 15 “Ape yehpa cjẽna ijire”, nig_u panop_u tiquina cohãri yehpare nig_u niedaja. Ape yehpap_u tiquina iji mũhtari yehpap_u waha dua, wahaa wahaboya. 16 Quehnoa yuhd_uari yehpa pehere cahmeñe niahye. Ti yehpa umũsep_u ijire. Tiquina sa cahmegũ ihñano “Cohãcjũ usã pũhtoro ijire”, tiquina nigũ tũhoro bæ tisi Cohãcjũ. Tiquina ya maca ijiatore dahre basa tuhasahye tiquiro.

17-18 Cohãcjũ Abrahãre tiquiro macũnore Isaare wejẽ ujãa mũo dutiahye. Tiquironore ihña duaro sa dutiahye, “¿Ijirota yuh_ure wacũ

tutuajari?” nino. Cohãcjũre wacũ tutuaro tiquiro nidiro sahata yemahye Abrahã. “Mũh_u mac_u Isaac mehna panamena iji turiayequinare peyequinare cõoguta mũh_u”, Cohãcjũ tiquiro nidiquiro ijiepegãta tiquiro macũnore wejẽno taro nimahye Cohãcjũre ño peoro taro. 19 “Yuh_u mac_u Isaare yuh_u wejẽgũ Cohãcjũ tiquironore masonota”, ni tũhoturo, tiquironore wejẽno taro nimahye. Sa nidiquiro ijieperota Cohãcjũ tiquironore cahmota, wejẽ dutierahye. Tiquiro pacũro tiquiro sa wejẽboriquiro ijiro yaria masariquiro yero saha ijiahye Isaac, Abrahã ihñagũ. Sa yero Abrahã tiquironore catiriquironore pari turi cõoahye.

20 Isaac Cohãcjũre wacũ tutuaro, tiquiro pohnene Jacore, Esau gũh_ure “Camep_u Cohãcjũ mũsare pajiro quehnoano yerota”, niahye.

21 Cohãcjũre wacũ tutuaro Jacob tiquiro yariato panogã José pohnene, umũare “Cohãcjũ mũsare pajiro quehnoano yerota”, niahye Jacob. Dũsepe curi mehna quehe sa, tiquiro tuad_u mehna tua ñehe cuña, Cohãcjũre ño peoro “Cohãcjũ mũsare quehnoano yerota”, ni cũahye.

22 Cohãcjũre wacũ tutuaro José tiquiro yariato panogã Israe masa Egiptop_u ijিয়েquina tiquina wijiatire yahuyuahye. Sa tiquina wijiatire masiyuro tiquiro yari-

ari bato tiquiro pagare nea dutiahye tiquiro pohnene.

23 Cohãcjüre wacũ tutuaye, Moisegãre ihtia asũ waro n̄o c̄oahye tiquiro pacusum̄a, tiquiro masa bajuari bato. Quehnoariquirogã tiquiro ijigũ ihñañe tiquirogãre n̄oahye. Ti yehpa cjëna p̄htoro tiquina pohnene tiquiro wejẽ dutirore ȳhd̄ūca cãhye tiquina. Tiquirore cuerahye.

24 Moiserere masoricoro Egipto yehpa cjëna p̄htoro macono ijiahye. Sa ticoro masonhriquiuro ijiro, Cohãcjüre wacũ tutuaro “Ticoro macano ijire”, ni pisugũ cahmedahye Moise. 25 Cohãcjüre ȳhd̄ūcariquiro ijiro tiquirore masoricoro cahap̄ meheñe decorigã quehnoano ijiboya. Sa ijiboriquiro ijieperota ti ȳhd̄uro tiquiro Cohãcjũ yequina mehna ñano ȳhd̄ū duahye. 26 Sa ñano ȳhd̄uro Cristore tiquina b̄j̄peato sahata tiquina b̄j̄periquiro ijiahye. Camer̄ tiquiro quehnoano yeri wapa Cohãcjũ tiquirore tiquiro quehnoano yeatire masino ñano ȳhd̄ū duahye, Cristo tiquiro ñano ȳhd̄ūato sahata. Ijipihtiyequina Egipto cjëna quehnoañene tiquina c̄oro ȳhd̄uro tiquiro Cohãcjũ pehere tutuaro cahmeahye. Ñano ȳhd̄ūeperota, Cohãcjüre cahmeahye.

27 Cohãcjüre wacũ tutuaro, Egipto cjëna p̄htoro tiquiro

mehna usuagũ cuerahye. Sa cueraro ti yehpap̄ ijiriquiro ti yehpare cohã cãa wahahye. Sa yero Cohãcjüre bajueriquirore tiquiro ihñaboriro saha cuerariquiro ijiahye. Cohãcjũ tiquirore ye dutirire ne cohãedahye Moise. 28 Cohãcjüre wacũ tutuaro Moise Israe masare Cohãcjũ ȳhd̄ūoatire masiahye. Sa masino Cohãcjũ dutiriro sahata Israe masa tiquina sopecaharire ohõne p̄j̄nine dii mehna wejẽ site dutiahye tiquiro. Tiquina sa yegũ ihñano angel masare wejẽdiquiro tiquina wahmisum̄are wejẽboriquiro Israe masa pohne wahmisum̄are wejẽdahye.

29 Cohãcjüre wacũ tutuaye, Israe masa “Sohãri ma”, tiquina nidi map̄ aco watoa ijiri mahap̄ aco marieni mahap̄ pehãa wahahye. Tiquina sa pehãgũ ihñañe Egipto cjëna gũh̄ū tiquinare ihña cũ, n̄n̄ū tã pehãmehe, mini yariaa wahahye.

30 Cohãcjüre wacũ tutuaye, Israe masa Jericó wame tiri maca cjã sahr̄no pajiri sahr̄no behero pehe majare sotoahye. Siete decori waro ti macare majare sotoa tiniahye. Tope decori tiquina majare sotoa tinidi bato ti sahr̄no sehte bora dijia pihtia wahahye. 31 Cohãcjüre wacũ tutuaro um̄a mehna ñano yeducumedicoro Rahab wame tircoro, ti maca cjõno Israe masare yedohoahye. Ti macare tiquina cohãto pano meheñequinagã Israe

masa topu sajã tiquina duhti ihñagũ, ticoro tiquinare yedohoahye. Ticoro sa yedohogũ ihñañe Israe masa wejẽdahye ticorore. Sa yeye ti maca cjẽnare Cohãcjũre yũhdũdũcayequinare wejẽpeta ticoro pehere wejẽdahye.

32 Apequinare Cohãcjũre wacũ tutuayequinare yahu nemoboa yũhũ. Sa yahu duepegũta peyequinare sa Cohãcjũre wacũ tutuayequinare yahu ojoa peho masiedaga yũhũ. Peyequina ijire tiquina. Gedeõ, Barac, Sansõ, Jefté, Davi, Samuel, Cohãcjũ yere yahu mũhtariquina gãhũ ahriquina ijipihtiyequina yũhũ yahuboriquina ijire. 33 Cohãcjũre wacũ tutuayequina ihquẽquina apeye yehparipũ ijieye macari cjẽnare cahme wejẽ yũhdũdũcahye. Sa yeye apequina quehnoano dutiyequina ijiahye. Cohãcjũ tiquinare “Mũsare yedohoutja”, tiquiõro nidiõro sahata tiquinare yedohoahye. Tiquiõrore tiquina wacũ tutuagũ ihñano sa tiquinare yedohoahye. Sa wacũ tutuaye, yayia tiquinare ihya duagũ tiquina dũserire bihagũ yeahye tiquina. 34 Tutuaro mũjũri pecapũ ijiepeta mũjedahye tiquina Cohãcjũre wacũ tutuaye. Apequina tiquinare ñose wejẽ duagũ duhti cãa wahahye Cohãcjũre wacũ tutuaye. Tutueyequina ijiepeta Cohãcjũre wacũ

tutuaye tutuayequina wahahye. Cohãcjũre wacũ tutuayequina ijieye, cahme wejẽñe tutuayequina ijiahye. Sa ye apeye yehpari cjẽna surara tiquinare wejẽñe ah-tayequina ne ihcãno sahaer-ahye tiquinare. 35 Ihquẽquina numia Cohãcjũre wacũ tutuagũ ihñano tiquina acaye yariagũ ihñano Cohãcjũ pehe tiquinare maso basahye.

Apequina “Cohãcjũre cahmedacãhña”, tiquina ni peresu yenhriquina ijiepeta Cohãcjũre duhu duerahye. “Cohãcjũre mũsa duhugũ mũsare wion-ata”, nimahye tiquinare peresupũ yenhriquina Cohãcjũ yequinare. Tiquina sa niepegũta tiquinare yũhtierahye, Cohãcjũ cahapũ tutuaro waha du-aye. Sa yeye tiquinare ña yũhdũaro tiquina yepegũ yariaa wahahye. 36 Apequinare Cohãcjũre wacũ tutuayequinare ñano ni mũjũpe tiquinare tana mũjãe tiahye. Sa yeye apequinare dahpocãrine, omocarine dũhte cãa, peresu yeahye. 37 Cohãcjũre wacũ tutuayequinare ñañequina utã mehna doque wejẽahye. Apequinare tiquina pagũrĩre seroti mehna yũhre sure mũjahye. Apequinare ñoseñe pjĩni mehna ñose wejẽahye tiquina. Sa yeye tiquina sa ñano yepenohñequina oveja cahseri mehna, cabra cahseri mehna suhti tiyequina pejecũoyequina ijiahye.

Sa ye apequina tiquinare ñano yepeahye. ³⁸ Tiquina quehnoa yuhd̄hayequina ijigū ahri yehpa cjēna ñañequina tiquina mehna ijiboriquina ijierare. Ahriquina Cohācjāre wacū tutuayequina wuh̄h̄se marieñequina ijiye, masa marienop̄h̄, c̄n̄h̄ c̄j̄p̄h̄ iji soto tae tiahye. Sa iji soto tae, c̄n̄h̄p̄h̄ ijiye coperip̄h̄, yehp̄h̄ ijiye coperip̄h̄ gūh̄re carī soto tae tiahye.

³⁹ Ahriquina ijipihtiyequina Cohācjāre tiquina wacū tutuagū ihñano bucueahye tiquiro. Tiquina sa wacū tutuepegāta Cohācjū tiquinare “M̄sare yuhd̄houtja”, tiquiro nidiro eseraniahye. ⁴⁰ Tiquiro yuhd̄hoeranidire yahuro ohō saha ni t̄hotuahye Cohācjū. “Ahriquina yeequina camep̄h̄re ijiatiquina mehna ihcāno saha ihcā curuap̄h̄ta yuhd̄houtja”, ni t̄hotuahye. Sa ni t̄hoturo tiquiro nidiro sahata yerota. Tiquiro sa yegū quehnoa yuhd̄hare panop̄h̄ tiquiro yeriro yuhd̄horo.

12

Jesure sa wacūducuhna mari

¹ Sa yena ahriquina yuh̄h̄ yahuriquinare peyequina Cohācjāre wacū tutuayequinare ñañene yeeyequinare masina, ijipihtiye ñañe yeyere duhu cāh̄na mari gūh̄h̄. Ohō saha ijire mari queoye mehna buhegū: Omaperiquirore

oma tutuagū cahmotaye ijire apeye. Tiquiro dahpo suhti n̄h̄c̄ñe suhti tiquirore oma tutueragū yeboaga. Ti yero saha Cohācjū cahmeñene mari ye duagū cahmotaye gūh̄h̄ ijire. Ti gūh̄re duhuuhna mari. Sa yena omapeyequina tiquina oma tutuaro saha mari gūh̄h̄ tutuaro Cohācjū cahmeno saha yeihna. ² Sa yena Jesure sa wacūducuhna mari. Tiquirota ijire marine wacū tutua d̄acagū yeriquiro. Sa yero marine wacū tutua nemogū gūh̄re yere tiquiro. Curusap̄h̄ yariaro wacū tutuahye. Came tiquiro bucueatore masino curusap̄h̄ yariahye. Sa yariaro b̄ue tiboriquiro ijieperota b̄ue tierahye tiquiro. Sa yero yojop̄h̄re Cohācjū tiquiro p̄h̄toto dujiro poto pehe dujitjiāno tiquiro dutiriquiro ijire.

³ Ñañequina masa tiquirore tiquina ña yuhd̄h̄aro yegū ihcāno sahahe tiquiro. Tire wacūñā m̄sa, m̄sa gūh̄h̄ ñano yuhd̄h̄na, “Ihcāno sahaeraboa”, nina. Tire wacūñā m̄sa “Tiquirore wacū tutua duhuari”, nina. ⁴ Ñano yuhd̄h̄epenata ñañene yerare m̄sa. Sa ñano yuhd̄h̄epenata ña yuhd̄h̄aro waro yuhd̄h̄eraniaga m̄sa. Ñañequina m̄sare wejēdarīaga. ⁵ ¿Cohācjū m̄sare tiquiro pohnare tiquiro yahurire bo cjāri m̄sa? M̄sa ñano yuhd̄h̄atire tiquiro yahurire wacūñā

musa. Ohō saha niahye tiquiro:

Yuh macu, mahure yahu yahugū usueracāhña ñano yuhdūepēgata. Mahure yahu tuhtigū tūhogu bujua witieracāhña. ⁶ Ijipihtiyequina yahu cahñequinare yahuaja. Sa yegu ijipihtiyequina “Yuh pohna ijire musa”, yahu ni ihñañequinare yuhdūduca dutieraja. Sa yegu tiquina yuhdūducagū ihñagu tiquinare buhiri dahreja, niahye Cohācjū.

⁷ Ñano yuhdūna Cohācjū yere duhueracāhña. Cohācjū musare tiquiro pohmare buhiri dahrero nine. Tiquina pacusumua tiquina pohmene sa yahuducure. Sa yeye tiquinare buhiri dahreducure. Sata yere Cohācjū gūhu marine tiquiro pohmare.

⁸ Ijipihtiyequina tiquiro pohmene yahure Cohācjū. Cohācjū musare yahueragū tiquiro pohna waro ijierare musa. Pacusumua marieñequina yero saha ijire musa tiquiro yahumehnena ijina. Sa ijina “Usā pacu waro ijire”, ni masiedare musa Cohācjūre, musare tiquiro yahueragū. ⁹ Mari pacusumua marine tiquina yahugū tūhona tiquinare ño peoaja mari. Mari pacusumare mari ño peoro yuhdūoro ño peoro cahmene mari Pacure Cohācjūre tiquiro yahugū. Sa yena

tiquirore yuhtiro cahmene marine. Sa yuhtina ijina ijipihtiyequina decori tiquiro mehna ijinata. ¹⁰ Meheñe decorigā ahri yehpamu mari ijinigū mari pacusumua marine yahuye, buhiri dahrere. Tiquina esa tuharo tiquina masino punota marine yahuye, buhiri dahrere. Cohācjū pehe marine quehnoano yahure. Sa yero tiquiro masiñe mehna marine buhiri dahrere, marine quehnoana bucua dutiro. Sata yere marine tiquiro yero saha quehnoana marine iji dutiro. ¹¹ Marine tiquiro buhiri dahregū bucueraja mari. Mari ihyo bujua witiaja. Sa bujua witiepenata tiquiro sa buhiri dahreri bato quehnoana wahanata mari. Sa yena ñañene yero marieno quehnoano ijinata.

Cohācjū marine tiquiro duiyere mari yuhtieragū cuarñe marine

¹² Sa yena wacū tutuera cjūna ijiepenata Cohācjūre wacū tutuana ijiya. Tiquirore duhueracāhña. ¹³ Quehnoano potori mahare musa waha haro saha quehnoano poto yeya musa. Musa sa yegū ihña cūñe apequina Jesu yequina ñañene yesi. Musa quehnoano yegū ihña cūñe quehnoano wacū tutuera cjūñequina gūhu wacū tutuayequina wahaeta.

¹⁴ Ijipihtiyequina masa mehna quehnoano ijiya, cahmequeno marieno. Sa

yena ñano yeracãhña. Ñaño marieñequina dihita mari pãhtoro Cristore ihñaeta. ¹⁵ Quehnoano yeya m̄sa. Cohãcjũ m̄sare tiquiro yedohogũ quehnoano yahtiya. Ñaño taa diaye tiquina oteyere ti dojomehneno saha m̄sa gũhũ Cristo yere duhueracãhña, “Apequinare dojomehneari”, nina. ¹⁶ Ne w̄hana tieracãhña. Sa yena Cohãcjũ yere cahmeena ijieracãhña. Cohãcjũre cahmeediquiro ijiahye Esaú. Tiquiro wahmino ijimahye. Sa yero tiquiro pacũro yariari bato tiquiro pacũro yere c̄oatiquiro ijimahye. Cohãcjũ tiquiro pacũrore tiquiro ni c̄uri gũhũre c̄oatiquiro ijimahye. Sa yero ihcã deco ihcã pa ihyaye pose tiri pare cahmeno, ti pa mehna tiquiro bahũro pehere tiquiro wahmino wahagũ yero taro came-sahye. ¹⁷ Tiquiro sa yeri bato tiquiro dũhse waharire masine m̄sa. Tiquiro pacũro tiquirore ohoatire tutuaro cahmemahye Esaú. Tiquiro sa cahmepegũta tiquiro bahũrore wahmino wahagũ yeri buhiri, came tiquiro c̄uoborire ohoerahye tiquiro pacũro. Tire utiye mehna tiquiro siniepegũta tiquirore ohoerahye.

¹⁸ Cohãcjũ dutiyere Moiserere tiquiro cũgũ mari acaye Israe masa m̄na Cohãcjũ mehna ijie tiahye. Tiquina tiquiro mehna ijiriro saha m̄sa pehe ijierare. Ohõ

saha yeahye tiquina pehe. C̄unũpũ Cohãcjũ mehna ijie taye, esahye. Ti c̄unũ pehe Sinaí wame tidũ ijiahye. Ti c̄unũre dahra tuhu masiahye masa. Ti c̄unũpũ tiquina esagũ tutuaro peca ñjũahye. Sa yero nahitiano, bueri, tutuaro wihnono mehna ijiahye ti c̄unũpũre. ¹⁹⁻²⁰ Ti c̄unũpũ tiquina esagũ corneta bisiro ca tahye. Sa yero yahuducuye bisiro ca tahye. Ti sa yahuducuye bisigũ tũhoye, masa ihcãno sahaerahye. Cohãcjũ cuaro mehna ohõ saha ni, dutiahye tiquinare: “Ijipihtiyequina ahdũ c̄unũre dahra tuhuyequinare utã mehna doque wejẽña tiquinare. Ahdũre dahra tuhuriquiro wahiquiro waro tiquiro ijiepegũta tiquiro gũhũre utã mehna doque wejẽña tiquirore. O ñosenũ mehna ñose wejẽña tiquirore”, niahye Cohãcjũ. Tiquiro sa nigũ tũhoye ihcãno sahaerahye tiquina. ²¹ Sa yero ijipihtiye tũ c̄unũpũ ijiriro tiquiro ihñarire ihña cuero, ohõ saha niahye Moise: “Cuegũ nanaregũ niaja”, niahye tiquiro.

²² Sa Cohãcjũ mehna tiquina iji dũcariro sahata ijierare m̄sa pehe. Cohãcjũ mehna ijina wahana, Siõ wame tidũpũ ñhm̄use c̄jãdũpũ m̄sa esaboro saha potota Cohãcjũ mehna yahuducure m̄sa. Cohãcjũ catiriquiro ya macapũ m̄sa esaboro saha potota tiquiro mehna yahuducure m̄sa. Ti maca ape maca wahma maca

Jerusalē ʔhmʔse cjā maca ijire. Topʔre peyequina angele pari ijire. ²³ Tiquina Cohācjū mehna bucueye tehe cahmecoañequina ijire. Sa yena mʔsa pehe tiquiro ya maca cjāna ijina, topʔ Cohācjū pohne iji mʔhtañequina mehna mʔsa cahmecoaboriro saha ijire. Tiquina tiquiro pohne wamene tiquiro ojoa ohōri tjuʔʔ ʔhmʔsepʔ tiquina wamene tiquiro ojoa ohōnohriquina ijire tiquiro pohne. Tiquiro pehe mari Pacʔ pehe ijipihtiyequinare beseatiquiro ijire. Tiquiro mehna cjāna ijire mʔsa pehe. Sa yena tiquina quehnoañequina Cohācjū yequina mehna cahmecoano saha ijire mʔsa gūhʔ. Tiquinare iji mʔhtariquinare ñañe marieñequina ye tuhasahye Cohācjū. ²⁴ Sa yena Jesu mehna cjāna ijire mʔsa pehe. Wahmanopʔ Moiserere tiquiro duti cūrire came-saro “Mʔsare yʔhdʔoutja yʔhʔ”, ni cūahye Cohācjū marine. Tiquiro sa ni cūriro sahata yeritiquiro ijire Jesu. Tiquiro diire cohā, tiquiro yariari mehna marine sa yʔhdʔore. Abe mʔnano tiquiro dii cohāgū ihñano Cohācjū Abere wejēdiquire buhiri dahreahye. Jesu pehe tiquiro diire cohāgū, tiquiro yariari mehna quehnoano yʔhdʔaja mari. Sa yero Abe tiquiro dii cohāri ihyo warota ijiahye. Cristo pehe tiquiro dii cohāri bato quehnoa yʔhdʔaro yeahye Cohācjū

marine. Sa ye tiquiro dii cohāri ihyo warota ijierare.

²⁵ Sa yena quehnoano yeya mʔsa. Cohācjū yere mʔsare yahuriquire quehnoano yʔhtina ijiya. Panopʔ ahri yehpʔʔ ijiriquiro Moise Cohācjū yere tiquiro yahugū tʔhoye, peyequina tire tʔho duerahye. Sa tiquina tʔhoerari buhiri buhiri dahreahye Cohācjū tiquinare. Tiquina yʔhdʔoro buhiri dahrerota Cristore cohāñequinare. Cristo pehe ʔhmʔsepʔ ijiriquiro Cohācjū yere yahuriquire ijire. ²⁶ Ti pjere Moiserere tiquiro dutiyere cūri pjere Cohācjū tiquiro yahuducuro mehna yehpa ñuhmigū yeahye. Yojopʔ pehere ohō saha ni yahuahye tiquiro: “Ihcā tahata ahri yehpa ñuhmigū ye nemoutja. Ahri yehpa dihitare ñuhmigū yesi yʔhʔ. ʔhmʔsepʔ gūhʔre ñuhmigū yeitja”, ni yahuahye tiquiro. ²⁷ “Ahri yehpa ñuhmigū ihcā tahata ye nemoutja”, nino, ijipihtiyere tiquiro bajumehnedire tiquiro cohātire masigū yero niahye. Cohācjū pʔhtoro ijiropʔre cohāno basioerare. Sa yero tiquiro bajumehnedire cohāgū tiquiro pʔhtoro ijiro dihita tojoarota. ²⁸ Tiquiro pʔhtoro ijiropʔ wahanata mari. Sa yena tiquiro pʔhtoro ijirore tiquiro cohāedagū ihñana, Cohācjūre “Quehnoare”, ni ihna mari. Sa yena tiquirore ño peoye mehna, cua pesaro mehna tiquiro yere yeihna mari tiquirore bucuegū yena

tana. ²⁹ Peca ujño cuaro saha Cohãcjũ gãhũ cuaro mehna buhiri dahreriquiro ijire.

13

*Ohõ saha Cohãcjũre bu-
cuegũ yeya*

¹ Mũsa mehna cjẽnare cahĩ duhueracãhña. ² Masa mũsa ihña masieñequina tiquina ijiepegãta tiquinare mũsa wãhũsepũ quehnoano mehna sajã ta dutiya. Apequina sa yeye, masiedapeta angelere tiquina ye wãhũsepũ sajã ta dutiahye. Sa yena tiquina yero saha yeya mũsa gãhũ.

³ Peresupũ ijieyequinare paja ihñaña. Mũsa pehe tiquina mehna peresupũ ijina mũsa ijiboro saha tiquinare paja ihñaña. Apequina tiquina ñano yenhriquina gãhũre paja ihñaña. Tiquina yero saha mũsa gãhũ ñano yãhdũboro saha tiquinare paja ihñaña.

⁴ Omoca dũhterina ijipih-tina mũsa basi quehnoano cahme ño peoya. Sa yena apequina mehna ñano yeracãhña. Ijipihtiyequina numia mehna ñano yeyequinare, mũsa mehna ñano yeye numia gãhũre buhiri dahrerota Cohãcjũ.

⁵ Niñerure ne cahĩedacãhña. Ohõ saha niahye Cohãcjũ: “Mũsare ne cohãsi yãhũ. Mũsare sa yedohoducugãtja”, niahye tiquiro. Sa yena noho puno mũsa cõoye mehna to punota bucueya. Pajiro cahme nemoedacãhña. ⁶ Sa

yena cuero marieno ohõ saha ni tãhotunata mari:

Mari pãhtoro Cohãcjũ marine yedohoriquiro ijire. Ne cuesi mari. Masa marine tiquina ñano yeatire cuesi mari, ni tãhotunata.

⁷ Cohãcjũ yere mũsare yahuriquinare mũsare dutiriquinare wacũña mũsa. Sa yena quehnoano tiquina ijie tirire quehnoano tiquina yee tirire wacũña. Sa wacũna, Cristore tiquina wacũ tutu-
ariro saha yeya mũsa gãhũ.

⁸ Jesucristo ne comesaerare. Panopũ, yojopũ gãhũre, camepũ gãhũre tiquiro ijiriro sahata ijiducurota tiquiro. ⁹ Peye buheyere sijoro saha ijie buheyere tãhoeracãhña mũsa “Quehnoañe buheyere usãpũ cohãri”, nina. “Ahrire ihyaya. Ahrire ihyeracãhña”, ni buhere ihquẽquina. Sa tiquina ni buheyere mari yãhtigũ ti marine yedohoerare. Sa yero sa ijie buheyere mari yegũ ihyo warota ijire. Ti marine wacũ tutuana ijigũ yerare. Cohãcjũ pehe marine wacũ tutuana ijigũ yere. Sa yena tiquiro ye tutuaye mehna tiquirore wacũ tutuana ijiya mũsa gãhũ.

¹⁰ Cristo mari ñañe buhirire yariahye mari ñañene cohãno taro. Pahia pehe ohõ saha niñequina ijire: “Wahiquina mari wejẽ ujãa mũo, mari ohoyequina mehna yãhdũnata”, niñequina ijire pahia. Sa niñequina tiquina ñañe yerire cohãnohriquina iji masiedare.

11 Mari judio masa mari pahia p̄h̄toro Cohācjū ijiri tucū warop̄u diire ne sajāno wejē siteahye, masa tiquina ñañe yerire cose wero taro. Sa yero tiquiro wejēdiquiro wahiquiro paḡure ti maca d̄h̄t̄u cahap̄u h̄jūa cohā cāre.

12 Tiquiro yeriro saha Jesu ḡh̄u maca d̄h̄t̄u cahap̄u yariahye, masa tiquina ñañene tiquiro dii cohāno mehna cose wero taro.

13 Maca d̄h̄t̄u cahap̄u tiquiro yariagū ihñañe, tiquina ye buheyere tiquiro cohāgū ihñañe judio masa p̄h̄toa tiquiore ihña tuhtiahye. Sa yena mari ḡh̄u tiquiro mehna cjāna ijiihna. Mari sa ijigū ihñañe, masa mari ḡh̄ure ihña tuhtieta. 14 Ahri yehpap̄u mari iji dojoati maca ne mariedare. Mari camep̄u ijiati macare cohtena niaja mari. 15 Sa yena Jesu yedohoro mehna mari Pac̄u mehna yahuducuaaja mari. Sa yena tiquiore quehnoano siniihna. “M̄h̄u h̄sā Pac̄u quehnoaḡu, tutuaḡu ijire”, ni, ño peoducuuhna. “Jesu yequina ijiaja”, ni, sa niña mari Pac̄ure. Mari sa nigū tiquiro bucuerota. 16 M̄sa mehna cjēnare quehnoano yeya. Sa yena tiquinare yedohoya. Tire boeracāhña. M̄sa sa quehnoano yena Cohācjūre ño peona niaga m̄sa. Sa yena tiquiore bucuēgū yena niaga.

17 M̄sa p̄h̄toare quehnoano yuhtiya. Tiquina dutiro sahata yeya. Cohācjū ihña ihbo, buhe dutiro cūre m̄sare

tiquinare. Sa cūnohriquina ijieye m̄sare sa ihña ihboducuye nine “Cohācjūre yuh̄d̄ūcari”, niñe. Camep̄u m̄sare tiquina dutirire, tiquina yerire Cohācjūre yahueta. Sa yena tiquinare quehnoano yuhtiya m̄sa. M̄sa sa yuhtigū ihñañe bucueye mehna m̄sare yedohoeta tiquina. M̄sa yuhtieragū ihñañe tiquina bujua witieta. Sa yuhtierana quehnoano ijisi m̄sa.

18 H̄sāre sini basaducuya Cohācjūre. Decoripe quehnoañe dihitare ye duaja h̄sā. Sa yena “Ñañene yena niaja”, ni tuhotueraja h̄sā.

19 Ahri p̄uritare tutuaro sini basaya Cohācjūre yuh̄ure: Sojaro mehna m̄sa cahap̄u yuh̄u wahatire tiquiore sini basaya.

Ahri p̄ure ojoariquiro quehnoa duti bato tiahye

20 Cohācjū mari p̄h̄toro Jesure yariariquiore masoahye. Marine quehnoano ijigū yeriquiro ijire. Tiquiro “M̄sare yuh̄d̄ūtja”, ni cūahye Cohācjū marine. Tiquiro sa ni cūrire yeriquiro marine yuh̄d̄ūoriquiro Jesu pehe ijire. Mari ñañe buhirire yariahye tiquiro. Sa yero tutuariquiro ovejare ihña ihboriquiro yero saha ijiro, marine tiquiro yequinare quehnoano ihña ihbore. 21 Sa yero Cohācjū tiquiore masoriquiro m̄sa ḡh̄ure yedohoahro ijipihtiye quehnoañene tiquiro cahmeñene m̄sa yeatire. Sa

yero Jesucristo yedohoro mehna Cohãcjũ cahmeno saha ijipihtinare marine quehnoañe pehere comesagũ yeahro. Sa yena ijipihtiye decori Cristore ño peouhna. Sata yeihna.

²² Yũhũ acaye, ahrire tutuaro m̄sare dutiitja: Ahri pũpũ yũhũ yahurire quehnoano mehna tũhoya m̄sa. Ahri m̄sare yũhũ ojoari pũ pajiro ijierare. Sa yena ahrire quehnoano tũhoya. ²³ Ahri gũhare m̄sare yahutja: Mari acayũrore Timoteore peresu ijiriquire wioñohti. Sojaro mehna tiquiro wihigũ m̄sare ihñagũ wahagũ tiquirore neagutja. Yũhũ mehna wahařota.

²⁴ M̄sa puhtoare, ijip-ihtiequina apequinare Cohãcjũ yequinare topũ ijiyequinare quehnoa dutiaja. Italia cjẽna Jesu yequina gũhũ m̄sare quehnoa dutire.

²⁵ Ijipihtinare m̄sare Cohãcjũ mehna quehnoa dutiaja.

Santiago

Santiago Israe masare macari wahariquinare ojoa ohoahye

¹ Yuhũ, Santiago ahri pũpũ musare quehnoa duti ojoa ohogũ niája. Mari Pacũ, mari pũhtoro Jesucristo gũhũ cahacjũta ijiaja yuhũ. Sa yegũ Israe masa ye cururi cjãnare doce cururi cjãnare Jesu yequinare macari waharinare yuhũ acaye musare ojoa ohogũ niája.

Cohãcjũ pehe quehnoano masigũ yere

² Yuhũ acaye, peye ijietta mũa ñano yũhdũati. Sa ñano yũhdũepenata quehnoano bucueye mehna tũhotuya.

³ Sa ñano yũhdũana, potota Jesure mũa wacũ tutuarire ihũona ninata mũa. Sa yena ñano yũhdũepenata Jesure mũa quehnoano wacũ tutuana ijina, tiqũirore wacũ tutua nemona wahanata. Sa wahana mũa ñano yũhdũeyere ihcãno sahanata. ⁴ Sa yena duhuro marieno sa ihcãno sahana ijiducuya mũa quehnoano tũho masina mũa ijiatire.

⁵ Mũa masiati dũhsagũ tũhotuna Cohãcjũre siniña. Tiquiro dũhsaro marieno ijipihtiyequinare ohore. Sa ohoro tiqũirore siniñequinare sijoro saha nino marieno ohore tiqũiro. Tiquiro sa ijiriquiro ijigũ masina, mũa masiati dũhsagũ tũhotuna, tiqũirore siniña. Mũa sa

sinigũ musare masi nemogũ yerota tiqũiro. ⁶ Sa sinina Cohãcjũre quehnoano wacũ tutuatjiãna siniña mũa. “Usã sinigũ Cohãcjũ ohoeraboaga usãre,” ni tũhotueracãhña. Sa ni tũhotuyequina pajiri ma cjẽ pahcõri yero saha ijire. Pahcõri ti usũro comesaro saha tiquina gũhũ tiquina wacũñepũre usũro comesare. Ihcãno saha yerare tiquina. Sa ye Cohãcjũre wacũ tutuerare. ⁷ Sa ni tũhotuyequinare tiquina sinipegũta ne mehenogã tiquina siniñene tiquinare ohosi mari pũhtoro, Cohãcjũ. ⁸ Miare ahrire cahmediquiro ijieperota ñamiare sijoro saha tũhoture tja. Sa yeriquiro queoro yerare.

⁹ Jesu yequinare ihyo ijiyequinare Cohãcjũ pehe pũhtoa sõnota. Sa ijiatiquina ijiye bucueahro tiquina. ¹⁰ Sa ye Jesu yequina doeri cjẽ opana ijiye tiquina ye doeri cjẽ pih-tiatire masiñe bucueahro. Ti doeri cjẽ ihyo warota ijire, Cohãcjũ ihũagũ. Cohori ti duita ahba bora dijiaa waharo saha ti doeri cjẽ pihtia waharota. Sa ijiye tiquina gũhũ bucueahro. ¹¹ Asũ mũa taro tiqũiro tutuaro asigũ taa pehe ñaia wahare. Sa ye cohorĩ gũhũ ñai bora dijiaa waha, quehnoañe cohorĩ ti ijiye pihtia wahare. Sata waharota doeri cjẽ opanare doeri cjẽne tiquina ne cahme-coano watoa. Tiquina, ti doeri cjẽ mehnata butia wahaeta.

*Ñano ye dutiyere yer-
ariquiro bucueriquiro ijire*

12 Ñano yuhd̄ariquiro ihcāno saharo, ñano ye dutiyere yeraro bucueriquiro ijirota. Tiquiro sa ihcāno sa-hagū, tiquiro ñañene yeragū ijipihtiye decori ahm̄usepu ijiducugū yerota Cohācjū tiquirore. “Sa ahm̄usepu ijiducugū yeitja”, ni cūahye Cohācjū ijipihtiyequina tiquirore cahīnequinare.

13 M̄sare apequina ñano ye dutigū “Cohācjū yah̄ure ñano ye dutiro nine,” ni t̄ahotueracāhña.

Ñano yeyere t̄ahoturiquiro ijierare Cohācjū. Sa yero tiquiro pehe masare ñano ye dutiriquiro ijierare.

14 Masa ñañene tiquina tutuaro cahmeñeta tita tiquinare ñano yegū yere. 15 Sa ye ñañene tutuaro cahmene masa. Sa ye ti pehere t̄ahoture. Sa t̄ahotuye, ti ñañene yeducure tiquina. Tiquina sa yeducuri buhiri Cohācjū tiquinare pecapu cohānota.

16 Sa yena yuh̄u acaye yuh̄u cahīna, “Cohācjū yah̄ure dutigū ñano yei,” ni t̄ahotueracāhña. Poto ijierare ti.

17 Mari Pacu ahm̄usecjāno marine quehnoañe dihitare ohore. Tiquiro pūrita asū deco cjūnore, ñami cjūnore, ñahpicoha paca gūh̄ure bajumehnediquiro ijiro, tiquiro pehe tiquiro ijiriro sahata sa ijiducucāre.

18 Tiquiro cahmediro sahata quehnoañe buheye mehna marine tiquiro pohna wahagū yeri. Sa yeri tiquiro,

tiquiro pohna iji m̄ah̄tana marine iji dutiro.

*Potota Cohācjūre ño peoye
ohō saha ijire*

19 Yuh̄u cahīna, yuh̄u acaye, ahr̄ire quehnoano t̄ahoya m̄sa. Cohācjū yere quehnoano t̄ahoya m̄sa. Sa t̄ahona, t̄ahoturo marieno yahuducueracāhña. Sa yena usueracāhña.

20 Ihcāquiro usuariquiro ijigū tiquiro yerire bucuere Cohācjū.

21 Sa yena ijipihtiye m̄sa ñañe yeyere, m̄sa ñañene tutuaro cahmedire duhuya m̄sa. Sa yena Cohācjūre quehnoano yahtina ijina tiquiro buheyerere t̄aho, cahmeña m̄sa. Tiquiro ye buheyerere m̄sa t̄aho cahmegū Cohācjū pehe m̄sare pecapu

wahaborinare yuhd̄uorota.

22 Tiquiro yere t̄ahoepenata yahtierana ni mehoñene t̄ahotuna nine m̄sa. “Yahtieragū quehnoanota,” ni t̄ahotuna ni mehoñene t̄ahotuna nine m̄sa. Sa yena tiquiro yere t̄ahona ti pehere yeya.

23 Cohācjū yere t̄ahoepenata, yahtierana,

tiquiro w̄ahdoare eōno mehna ihñariquiro yero saha ijire m̄sa. 24 Tiquiro w̄ahdoare tiquiro ihñari bato waha, tiquiro ihñarire boaa wahare.

25 Sa yero apequiro pehe tiquiro ihñarire boero saha Cristo ye dutirire t̄ahoro tire yero, bucueriquiro ijirota. Ti dutiye Cristo cahīne mehna masare tiquiro yuhd̄uati buheye ijire. Ti buheyerere

ne cohãediquiro bucueriquiro ijirota. Tiquiro pũrita tiquiro tãhorire yeriquiro ijire. Sa yeriquirore quehnoano yerota Cohãcjũ.

²⁶ Ihcãquiro sa ni maca cãriquiro ijiro, potota Cohãcjũre ño peoerare. “Cohãcjũre quehnoano ño peoaja,” ni tãhoturiquiro ijieperota ni mehoñene tãhoture tiquiro. “Cohãcjũre ño peoaja,” nidiquiro ijiepegũta tiquiro ño peoye ne dũhseati ijierare. ²⁷ Ijirota Cohãcjũre mari Pacũre mari ño peona, tiquiro cahmeno saha ño peona, ohõ saha yeaja mari: Pacũsumũa marieñequinare, wape wiha numia gãhũre tiquina ñano yũhdũgũ ihñana, tiquinare yedohojaja mari. Sa yena ahri yehpa cjẽna ñañene tiquina yerire ne ye dueraja mari. Sa yena potota Cohãcjũre ño peonata ijiaja mari.

2

Masare ihcãno saha quehnoano yero cahmene marine

¹ Yũhũ acaye, quehnoa yũhdũariquirore Jesucristore mari pũhtorore tãhona, tiquirore wacũ tutuana ijire mũsa. Sa wacũ tutuana masare ihcãno saha quehnoano yero cahmene mũsare. ²⁻³ Sa ye uru behtorire, omoca sañañe behtorire cãoriquiro, wapa bũjũye suhtire sañariquiro mũsa Jesu yequina cahme-coano cahapũ tiquiro ahtagũ ihñana tiquirore quehnoano

mehna piti caboaga. “Ohõpũ dujiro ijire,” niboaga mũsa tiquirore. Sa niepenata ti pjeta pejecũoriquiro gãhũ ñano suhti tiriquiro mũsa cahapũ tiquiro ahtagũ ihñana tiquiro pehere quehnoano piti caeraboaga. “Ohõpũ ducuya. O yehpapũ dujiya,” niboaga mũsa tiquirore. ⁴ Mũsa sa yena masare ihcãno saha yena niedaga mũsa. Sa yena ñañene tãhotuyequina masare beseyequina yero saha ijina niaga mũsa. “Ahriquiro pehe quehnoariquiro ijire. Ahriquiro ñariquiro ijire,” ni besemene mũsa.

⁵ Yũhũ acaye, yũhũ cahĩna, yũhũre tãhoya. Peyequina pejecũoyequina pehere Cohãcjũ beseahye. Tiquirore quehnoano wacũ tutuatiquinare, tiquiro pũhtoro ijiropũre ijiatiquinare beseahye tiquinare. “Topũre wahanata mũsa,” ni cũahye Cohãcjũ tiquirore cahĩñequinare. ⁶ Tiquinare tiquiro sa besepegũta mũsa pehe pejecũoyequinare quehnoano ño peoerare. Doeri cjẽ opana pehe mũsare ñano yere. Sa ye tiquina masare beseriquiro cahapũ mũsare neare mũsare yahusãñe tehe. ⁷ Mũsa pehe “Cristo yequina,” masa tiquina ninohna ijire. Peyequina doeri cjẽ opana pehe Cristore ñano ni yahuducuyequina ijire. Sa ye pejecũoyequinare mũsa ño peoriro yũhdũoro doeri cjẽ opanare mũsa ño peogũ

ñarĩne.

8 Cohãcjũ dutiye mehna cjã dutiroke apeye dutiye bui cjũnogã ijiri dutiroke ohõ saha ni ojoahye: “Mũhũ basi mũhũ cahĩno saha mũhũ cahapũ ijiyequina gũhũre cahĩña,” nine Cohãcjũ dutiroke. Ahri dutiroke yena, quehnoañene yere mũsa.

9 Masare ihcãno saha yerana ñano yena nine mũsa. Sa yena Cohãcjũ dutiyere yũhdũdcana ijire mũsa. Sata nine Cohãcjũ yere tiquina ojoari pũpũ.

10 Cohãcjũ dutiyere yena ijiepenata ihcãno dutirogãre mũsa yeragũ apeye dutiyere mũsa yepegũta dũhseati ijierare. Sa yena ñaňe buhiri tina ijinine mũsa. 11 “Apequiro namono mehna ñano yeracãhña,” ni, mũsare dutiriquiro Cohãcjũta ijire. “Masare wejẽdacãhña,” nidiquiro tiquirota ijire Cohãcjũ. Apequiro namono mehna ñano yerapenata masũnore wejẽna Cohãcjũ dutiyere yũhdũdcana ijire mũsa.

12 Cristo marine tutuaro cahĩno, marine dutire marine yũhdũoro taro. Tiquiro dutiyere mari yerire, mari yerari gũhũre ihñano marine besero ahtarota. Tiquiro sa besenohanaja ijina tiquiro dutiyere quehnoano yeihna. Sa yena tiquiro cahmeno sahata yahuducuuhna mari.

13 Yojopũre mari apequinare paja ihñedagũ Cohãcjũ pehe masare tiquiro beseri pje ijigũ marine paja ihñasi. Sa yena apequinare mari paja

ihñagũ Cohãcjũ pehe marine paja ihñano, marine buhiri dahresi.

*Cristore wacũ tutu-
ayequina pehe quehnoañene
yere*

14 Yũhũ acaye, tũhoya mũsa. “Cristore wacũ tutuaja yũhũ,” ihcãquiro tiquiro ni tũhotuepegũta tiquiro quehnoañene yeragũ tiquiro sa nimesi pehe ne dũhseati ijierare. Sa ni wacũ tutuama cãriquirore Cohãcjũ yũhdũosi. 15-16 ĴJesu yaquiro, Jesu yacoro ñaňe suhti dihita tiquina cũogũ ihñana, tiquina ihyati mariedagũ ihñana, dũhse yeajari mũsa tiquinare apẽe boro cũona ijina? “Quehnoano ijiya mũsa. Sa yena quehnoano suhti sañaña. Sa yena quehnoano ihya yapĩ iji cãhña,” niepenata tiquina cahmeñene mũsa ohoeragũ mũsa sa nimesi ne dũhseati ijierare. 17 Sa yena “Cristore wacũ tutuaja,” mũsa niepegũta quehnoañene mũsa yeragũ Cristore mũsa wacũ tutuaye ne dũhseati ijierare.

18 Mũsa mehna cjãno ahri yũhũ buherire tũho dueraro ohõ saha masiahdo. Quehnoañene yeraperota “Cristore wacũ tutuaja,” ni-boaga tiquiro. Quehnoañene yeraro Cristore tiquiro wacũ tutuayere apequinare masigũ ye masiedare. Quehnoañene yeriquiro pũrita quehnoañene tiquiro yeye mehna Cristore tiquiro wacũ tutuayere masigũ ye masine. 19 “Cohãcjũ

ihcãquirola ijire,” ni tãhoture m̄sa. M̄sa sa ni tãhotugũ quehnoarĩne. Sa ijiepegũta to punota Cohãcjãre yãhtiro marieno tiquirola m̄sa masigũ ti dũhseati ijierare. Watĩa gũh̄ m̄sa tãhoturo sahata tãhotuñohti. Sa ijie Cohãcjũ tiquirola ijie tiyere masiñohti tiquina. Sa masiñe, cue, nanareñohti. ²⁰ Ihcãquirola quehnoañene yeraperota “Cristore wacũ tutuaja,” ni tãhoturiquirola ijie tãho masieniquirola ijie. Cristore wacũ tutuamediquirola quehnoañene yeraro potota Cristore wacũ tutuerare.

Ohõ saha ni yahutja m̄sare ahrire: ²¹ Abrahã mari ñecu m̄nanao tiquirola macãno Isaac wame tiriquirola wejẽ basamahye Cohãcjãre. Sa yero tiquirola utã paca mehna tiquina yeri buhu bui duhu peomahye. Sa duhu peoro Cohãcjũ dutirola sahata tiquirola macãnore wejẽno taro nimahye Cohãcjãre ño peoro taro. Tiquirola sa yegũ ihñano “Potota quehnoariquirola ijire,” ni ihñahye Cohãcjũ tiquirola. ²² Tiquirola sa ni ihñagũ ahrire masine m̄sa: Abrahã Cohãcjãre wacũ tutuaro tiquirola yãhtiahye. Sa yãhtiro Cohãcjãre tiquirola wacũ tutuayere ihñono niyahye. ²³ Sa yero Cohãcjũ yere tiquina ojoari pũpũ tiquirola nidirola sahata sa wahahye: “Abrahã Cohãcjãre wacũ tutuayahye. Tiquirola sa yegũ ihñano ‘Quehnoariquirola ijie tiquirola’, ni ihñahye Cohãcjũ

tiquirola”, ni ojoahye Cohãcjũ yere tiquina ojoari pũpũ. Tiquirola sa ni ihñagũ masiñe “Abrahã Cohãcjũ mehna cjãno ijie”, nine masa tiquirola.

²⁴ Sa yena ahri yãhũ yahuatire masine m̄sa: “Cohãcjãre wacũ tutuaja,” nidiquirola, tiquirola quehnoañene yeragũ ihñano Cohãcjũ pehe tiquirola “Quehnoariquirola ijie,” ni ihñedare. Cohãcjãre wacũ tutuariquirola pehere potota tiquirola quehnoañene yegũ ihñano “Quehnoariquirola ijie,” ni ihñare Cohãcjũ tiquirola pehere. ²⁵ Sata ni ihñahye Cohãcjũ Rahab wame tirirola am̄na mehna ñano yeducumedicorole. Josué m̄nanao tiquirola ohoriquinare quehnoano piti ca, “Quehnoano sajà taya,” niahye ticoro. Sa yero tiquina tojoa duagũ ticoro pehe ape maha pehere ihñoahye tiquinare “Tiquinare ihña tuhtiyequina wejẽari,” nino. Ticoro sa yegũ ihñano “Quehnoaricoro ijie,” ni ihñahye Cohãcjũ ticorole.

²⁶ Sata ijie. Mari pagupure jeripohna mariedagũ catieraja mari. Sa yero jeripohna mariedagũ mari pagu dũhseati ijierare. Sata “Cohãcjãre wacũ tutuaja,” mari niepegũta mari quehnoañene yeragũ queoro ijierare mari wacũ tutuaye. Sa yero mari quehnoañene yeye mariedagũ mari wacũ tutuaye dũhseati ijierare,

jeripohna marieni pagu yero saha.

3

Mari duseropu wijiayere mari yahuducuyere yahuahye

¹ Cohãcjũ yere masare buheyequina tiquiro yere tiquina quehnoano yeragũ ihñano tiquina pũritare masare buheyequina yuhduoro Cohãcjũ buhiri dahrerota. Tire m̄sa masine. Sa yena m̄sa mehna cjẽna masare buheyequina peyequina ijieracãhdo.

² Ijipihtiyequina peye tahari mari ñañene yeaja. Ihcãquiro ñañene yahuducueriquiro Cohãcjũ cahmeñene quehnoano yeriquiro ijire tiquiro. Sa yero apeye ñañe gũhare yerare.

³ Ohõ saha ijire ahri mari queoye mehna buhegũ: Caballo duseropu come p̄jĩ tiquiro ñehmenore ña dihori p̄jĩne mari cũaja, tiquirore mari majareducagũ yena tana. Sa yena ti p̄jĩ come p̄jĩ mehna tiquirore tiquiro wahatopu mari weje majare docoaja. Ti p̄jĩgã meheni p̄jĩgã ijiepegũta ti p̄jĩgã mehna tiquirore wahagũ yeaja mari. Sata mari dusero mehenogã ijiepegũta ti dusero mehna pajiro yeaja mari.

⁴ Yuc̄sa quti mehna queoye mehna yahu nemoutja m̄sare: Yuc̄sa pajiria ijiepegũta tiare wihnono tutuaro wẽdoqueoepegũta ohoturiquiro pehe meheni p̄jĩgã mehna tiare noho

tiquiro waha duaropu ohoture. ⁵ Sata ijire mari duseropu wijiaye. Mari dusero mehenogã ijiepegũta ti dusero mehna pajiro yeaja mari. Meheni pecagã pajiro ti peca ūjũ cãno saha mari dusero mehna mari yahuducuyere mehna pajiro ñañene yeaja. ⁶ Sa yero mari dusero ūjũri peca yero saha ijire. Mari duseropu wijiaye ijipihtiye ñañene yegũ yere marine. Peca ūjũ ducaro saha mari duseropu wijiaye mehna mari quehnoano ijiborire ña yuhduaro yeaja mari. Ñañene yahuducuna watĩno tiquiro dutiro saha mari yena niaja.

⁷ Ijipihtiyequinare nuc̄u cjẽnare wahiquinare, minicjũare, sihcõ cãhñequinare, wahirre mari ihña wahãgũ ye masiaja. Sa yena mari peyequina tiquina borore ihña wahãgũ ye tuhasau. Sa ye tiquina quehnoano tãho masine. ⁸ Tiquinare mari yuhtigũ yepegũta mari dusero pehe ñañene yahuducuro ne duhuera yuhduare. Sa yero nuñequinare mari yuhtigũ yero saha mari dusero pehere ne yuhtigũ ye masiedaja mari. Mari duseropu wijiaye ña yuhduaye ijire. Sa yero aña apequinare tiquiro wejẽno saha marine apequina gũhare ña yuhduaro wahagũ yere mari dusero.

⁹ Mari dusero mehna Cohãcjũ mari puhtoro mehna mari quehnoano yahuducujaja. Sa yahuducuepenata masa Cohãcjũ yero

saha ijiyequinare tiquiro bajumehnediquina tiquina ijiepegūta tiquinare ña yuhduaro ni yahuducuaja mari. ¹⁰ Ihcā duseroputa quehnoañene yahuducuye gūhū, ñañene yahuducuye gūhū wijiare. Yuhū acaye, sa ni yahuducueracāhña. ¹¹ Mágā pohtepū aco wijiari copepū quehnoañe aco, ñañe aco gūhū ne wijaerare. ¹² Yuhū acaye, higeragu olivo pacare dūca tierare. Sa yero uhse da higuera pacare dūca tierare. Sa ye moreno mehna pue paca dūca tierare. Sa ye mágā pohtepū aco wijiari copepū moa yūaye co wijiagū moa marieñe co wijaerare. Sata mari duseropū quehnoañe yahuducuye, ñañe yahuducuye mehna wijaeracāhdo.

Quehnoano masiñe waro ohō saha ijire

¹³ Ihquēquina mūsa mehna cjēna quehnoano masiñequina ijire. Sa yena “Apequina yuhduoro quehnoano masiaja usā,” niedacāhña. Sa niedana quehnoañene yeya mūsa. Sa quehnoano yena potota quehnoano masina ijire mūsa. ¹⁴ Sa yena apequiro apee borore tiquiro cuogū ihñana cahme ihña coona, apequina mehna usuaducuna, apequinare yuhduca duana, “Cohācjū yere quehnoano masiaja usā,” niedacāhña mūsa. Mūsa sa nina ni mehona ijire mūsa. ¹⁵ Sa yeyequina

tiquina wacūñe Cohācjū ye wacūñe ijierare. Tiquina wacūñe ahri yehpa cjēna tiquina ñañe wacūñe ijire. Tiquina wacūñe pehe watīno ye ijire. ¹⁶ Masare cahme ihña cooyequina, apequinare yedoho dueyequina sa cahme tuhtiducure. Sa ye ijipihtiye ñañene yeducure.

¹⁷ Apequina pehe Cohācjū yere quehnoano masiñequina pehe tiquina pūrita sa ye maca quēhe niedare. Sa ye tiquina ne cahme tuhtierare. Sa ye masa quehnoañequina, dutiyere quehnoano yahtiyequina, paja ihñañequina, masare yedohoyequina, masare ihcāno saha yeyequina ijire tiquina. Tire yeye, ni mehono marieno yere tiquina. ¹⁸ Sa yena cahmequeno marieno ijina, apequinare “Cahmequedacāhña,” mari ni yahuna quehnoañequina wahagū yena niaja mari masare.

4

Ahri yehpa cjē ñañene cahmena, Cohācjūre ihña tuhtina ijire mūsa

¹ ¿Dahse ijiro boro mūsa cahme tuhtiajari? ¿Sa yena dahse ijiro boro cahmequeajari mūsa? Ñañene tutuaro cahmena, cahmeque duare mūsa. Quehnoañene ye duepenata ñañene yere mūsa. ² Apee borore mūsa cahmene. Sa cahmena masare wejēne mūsa tiquina yere nena tana. Sa

yena apequiro apee borore tiquiro cūogũ ihñana tire m̄sa tutuaro cahmene. Sa cahmepenata tire nea masiedare m̄sa. Sa yena tire cahme sehña soducure m̄sa. Cohãcjũre siniedana, m̄sa cahmeñene ne bocaerare. ³ Sa yena Cohãcjũre sinina, m̄sa ye ijiati dihitare sinimene m̄sa, m̄sa cahmeno sahata yeducuna tana. Apequina ye ijiati pehere sini basaerare. Sa m̄sa sinigũ Cohãcjũ m̄sa siniñene ohoerare.

⁴ Cohãcjũre duhurina ijire m̄sa. Ahri yehpa cjẽ ñañene cahmena, Cohãcjũre ihña tuhtire m̄sa. ¿Tire masiedajari m̄sa? Sa yero ahri yehpa cjẽ ñañene cahmediquiro Cohãcjũre ihña tuhtiriquiro iji tuhasare. ⁵ Ohõ saha niahye Cohãcjũ yere tiquina ojoari pũpũ: “Cohãcjũ yaquiro Espĩritu Santore mari mehna ijiatiquirore cũri. Sa yero Espĩritu Santo pehe marine cahño, ñañene mari tutuaro cahmepegũta cahmesãedare tiquiro. Ihcãquiro namonore tiquiro cahĩ doero saha marine tutuaro cahĩne Espĩritu Santo”, ni ojoahye panorpũ. Tiquiro sa ni ojoari ihyo warota ijierare. Poto ijirota nine.

⁶ Sa yero Cohãcjũ marine quehnoano yedohore tiquirore mari quehnoano yuhtiatire. Ohõ saha nine Cohãcjũ yere tiquina ojoari pũpũ: “Yũhũ pũrita apequinare masi yuhtudũcaja, nidiquirore, Cohãcjũ ihña

tuhtire. Apequiro pehere ‘Ñagũ, ihyo ijigũ ijiaja,’ nidiquiro pehere Cohãcjũ yedohore, tiquirore quehnoano yuhti dutiro”, nine tiquiro yere tiquina ojoari pũpũ.

⁷ Sa yena Cohãcjũre quehnoano yuhtina ijiya m̄sa. Sa yena watĩnore yuhtieracãhña. Sa m̄sa yuhtieragũ ihñano tiquiro pehe m̄sare duhti oma cãa waharota. ⁸ Cohãcjũre quehnoano yuhtiya m̄sa. M̄sa sa yegũ tiquiro pehe m̄sare yedohorota.

Ñana ijire m̄sa. Sa yena ñañene ye nemoedacãhña. Ñañe gũhure cahmena, quehnoañe gũhure cahmena ijire m̄sa. Sa yena m̄sa ñañe yerire bujua witiya. M̄sa sa yegũ ihñano Cohãcjũ m̄sa ñañe yerire cohãnota. ⁹ M̄sa ñañene yerire tutuaro bujua witiya. Sa yena m̄sa ñañe yeri buhirire utiya. Bucueye mehna bujana ijieracãhña. Sa yena m̄sa ñañe yerire ñano jeripohna tina, tire bue tina ijiya. ¹⁰ “Ñagũ ihyo ijigũ ijiaja yũhũ”, nina, Cohãcjũre ño peoya. M̄sa sa yegũ tiquiro pehe m̄sa ñañe yerire cohãno, quehnoano yerota m̄sare.

Tiquina acayere Jesu yequinare tiquina basi ñano quiti ye dutierahye

¹¹ Yũhũ acaye, Jesu yequina ijina, m̄sa basi ñano quiti yeracãhña. M̄sa acayurore ñano quiti yena tiquirore buhiri dahre duti duana niaga m̄sa. Cristo ye

dutiye pehe masare buhiri dahre dutiye iji tuhasare. Sa yena masare ñano quti yena Cristo ye dutiyere ohõ saha nina niaga m̄sa: “Marine quehnoano dutierare Cristo ye. Sa yena mari esa tuharo buhiri dahre dutiihna”, nina niaga m̄sa masare ñano quti yena. Sa nina Cristo ye dutiyere ñano ni yahuducuna tojoare m̄sa. Sa yena ti dutiyere yerana tojoare. ¹² Masare dutiyere ohoriquiro, masare beseriquiro Cohãcjũta ijire. Sa yero masare pecapũ wahaboriquinare tiquirota yũhũno masine. Sa yero tiquirota masare pecapũ cohã masine. Sa yena mari pehe masare “Ñañequina ijire”, ni masiedaja. Cohãcjũ dihita mari acayere beseatiquiro ijire.

Ñamiare dũhse mari ijiatire masiedaja mari

¹³ Yojopũre yũhũre tũhoya m̄sa. Ohõ saha nina tũhoya yũhũre: “Miare, ñamiare ape macapũ ijina wahanata. Topũre ihcã cũhma ijina, apee boro dua, dũnata. Sa yena wapatanata mari”, nine ihquẽquina m̄sa mehna cjẽna Cohãcjũre wacũno marieno. Sa nina ijina, yũhũ pehere tũhoya m̄sa. Sa niñequinare ahrire yahugũ tagũ niaja. ¹⁴ Ñamiapũ dũhse m̄sa ijiatire masiedare m̄sa. Ehmeo iji, duita pihti m̄jano saha ijire mari ijiye tiye. Ehmeo mehenogã iji, pihtia wahare. Ohõ saha

mari gũhũ mehenogã ijina, yariaa wahanata. ¹⁵ Sa yena ohõ saha ni tũhotuya m̄sa: “Cohãcjũ cahmegũ ijinata mari. Sa yena tiquiro cahmegũ ohõ saha yenata mari”, ni tũhotuya m̄sa. ¹⁶ Yũhũ sa niepegũta yojopũre “Mari esa tuharo ohõ saha yenata”, niducumene m̄sa pehe Cohãcjũre wacũno marieno. Sa niducuna ñañene yere m̄sa. ¹⁷ Quehnoañene mari yeatire masiepenata tire yerana, ñañene yena niaja mari.

5

Doeri cjẽ opanare yahuahye Santiago

¹ Doeri cjẽ opana m̄sa yojopũre tũhoya yũhũre. Camepũre m̄sa ñano yũhũnata. Sa yena uti sañuducuya m̄sa. ² M̄sa doeri cjẽ ahba pihtia waharota. Sa ye m̄sa suhtire casia gũhũ ihya pehoeta. ³ M̄sa niñerure m̄sa pajiro ihbogũ ne ti dũhseati ijierare. Pihtiri deco panogã m̄sa sa ihbogũ ihñano niñerure m̄sa cahĩgũ masine Cohãcjũ. Sa yena niñerure m̄sa cahĩdi buhiri pihtiri deco ijigũ ñano yũhũnata pecapũ m̄sa ujũgũ m̄sa pagũre ujũ pjero saha. ⁴ M̄sa weserire dahra cohteyequinare wapa yerari m̄sa. Sa yena m̄sa tiquinare ni mehorĩ. Sa yero tiquinare m̄sa wapa yerari niñerure ihñano, m̄sa ni mehorire masine Cohãcjũ. M̄sare dahra cohteyequina wapa ye dutiye, sañuducure

tiquina. Tiquina sa ni sañuducugũ mari pũhtoro Cohãcjũ tutua yũhdũariquiro tiquinare tũhore. ⁵ Ahri yehpãpũre peye doeri cjẽ mehna ijie tiri mũsa. Sa yena mũsa bucueye dihitare yee tiri mũsa. Sa yena pajiriquiro wecũ tiquina quehnoano nuriquiro yero saha ijire mũsa. Sa ye pajiriquiro wecũ pajiro tiquiro ihyari bato tiquirore tiquina wejẽati cuhtupũ ne cãre. Sata mũsa gũhũre pajiro mũsa cũori bato mũsare tiquiro buhiri dahreatopũ ne cãnota Cohãcjũ. ⁶ Quehnoañequinare peresu ye, wejẽ dutiri mũsa tiquinare. Mũsa sa yegũ tiquina pehe duhti wijia masiedare.

Cristo tiquiro tojoa tatire quehnoano cohte dutiahye marine Santiago

⁷ Sa yena yũhũ acaye, mari pũhtoro Cristo ahri yehpãpũre tiquiro tojoa tatire quehnoano cohteya. Wese upũro tiquiro oteye dũca tiati pjere quehnoano tiquiro cohtero saha quehnoano cohteya. Tiquiro oteyepũre “Acoro ahtaahro” nino tiquiro ya wesere ti quehnoano pihniatire quehnoano cohtere tiquiro. ⁸ Sata mũsa gũhũ quehnoano cohteya. Mari pũhtoro tiquiro tojoa tato mehenogã dũhsare. Sa yena Cohãcjũre sa wacũ tutuaducuya mũsa. Sa yena tiquiro ahtatire sa cohteducuya mũsa. ⁹ Yũhũ acaye, mũsa

basi ñano quti yeracãhña Cohãcjũ mũsare “Buhiri dahreari”, nina. Sa yena ahrire wacũña mũsa. Buhiri dahreatiquiro tiquiro ahtato mehenogã dũhsare. ¹⁰ Yũhũ acaye, ñano yũhdũepenata mari pũhtoro quehnoano cohteya Cohãcjũ yere yahu mũhtariquina tiquina yeriro sahata. Tiquina ihcãno sahariro sahata ihcãno sahaya, tiquinare ihña cũna.

¹¹ Sa yena ahri yũhũ yahuatire wacũña mũsa. Ñano yũhdũepeta Cohãcjũre duhueyequina bucueyequina ijire. Panopũ cjũnore Job wame tiriqirore tũhori mũsa. Tiquiro ñano yũhdũeperota Cohãcjũre duhuerahye. Sa yero tiquiro ñano yũhdũari bato Cohãcjũ tiquirore quehnoano yeahye. Cohãcjũ mari pũhtoro quehnoano paja ihñariquiro ijiro, sata yeahye tiquiro. Ti ijipihtiyere masine mũsa.

¹² Yũhũ acaye, ahrire tũhoya. Ohõ saha ni wame peore masa: “Uhmũse cjũno mehna poto nina niaja”, nine masare tũho dutiye. Tiquina yero saha sa ni wame peoeracãhña. Uhmũse mehna, ahri yehpa mehna, apee boro mehna sa ni wame peoeracãhña. Ahrire mũsare tutuaro dutiaja. Mũsa apequinare yahuna, quehnoano potota yahuya tiquinare. Ni wame peo yahu nemoedacãhña. Sa mũsa poto yahugũ ihñano Cohãcjũ sijoro saha mũsa nidi buhirire buhiri dahresi.

13 MUSA mehna cjāno ñano yuhduriquiro ijiro, Cohācjüre siniahdo tiquiro. Apequiro bucueriquiro ijiro Cohācjüre bucueye mehna basaahro. 14 MUSA dohatina, Jesu yequina pūtoare pijioya MUSA. MUSA sa pijiogū tiquina pehe MUSAARE uḥse mehna wisōeta. Sa yeye mari pūtorore Cohācjüre MUSAARE sini basaeta tiquina. 15 Sa tiquina sini basagū “Mari sinino sahata tiquiro yerota”, tiquina ni tūhotugū Cohācjū MUSAARE dohatinare yuhdūorota. Sa yero MUSAARE quehnoana wahagū yerota mari pūtoro. Sa ye MUSA ñañe yeri buhiri MUSA dohatina ijigū ihñañe MUSAARE sini basaeta. Tiquina sa sini basagū ihñano MUSA ñañe yerire borota Cohācjū. 16 Sa yena MUSA mehna cjēnare MUSA ñañe yerire cahme pūa peheri yahu yuhdūya. Sa yena MUSA basi Cohācjüre cahme sini basaya. MUSA sa sini basagū MUSA sini basariquinare Cohācjū yuhdūorota. Quehnoañene yena MUSA ijigū Cohācjüre tutuaro MUSA sini basariro sahata yerota Cohācjū. Sa ye MUSA sini basaye tutuarīaga. Ihyo ijiye ijierare. 17 Cohācjū yere yahu MŪHTARIQUIRO MŪNANO Elia wame tiriquiro mari yero sahata MASŪNO ijie tiahye. Sa yero “Acoro ahtaeracāhdo” ni tutuaro siniahye Cohācjüre. Tiquiro sa ni sinigū ihtia CŪHMA quehnoano ape CŪHMA deco ahri yehpapūre ne acoro ah-

taerahye. 18 Sa yero pari turi tja Cohācjüre acorore tiquiro sinigū acoro ahtahye. Sa yero pari turi ahri yehpapū yucūri pihni, BŪCŪA, DŪCA tiahye. Sa ye Cohācjüre mari siniñe ihyo ijiye ijierare.

19 YŪHŪ acaye, MUSA mehna cjūno Cohācjū yere cohāriquiro Cohācjū yere pari turi tiquiro cahmeatire tiquirore yahuna, quehnoano yena nine MUSA. 20 Sa yena ahrire masiña MUSA: Cohācjüre duhuriquirore Cohācjüre pari turi cahmegū yena, pecapū wahaboriquirore yuhdūgū yena niaga MUSA. Sa yero tiquiro ñañe yerire Cohācjū borota.

1 San Pedro

Jesu yequinare macari wahariquinare ojoa ohoahye Pedro

¹ УНН, Pedro, Jesucristo tiquiro buhe duti cūrigta ijiāja. Sa yegm m̄sare yoaro cjē macaripm waharinare Ponto yehparm, Galacia yehparm, Capadocia yehparm, Asia yehparm, Bitinia yehparm ti yehparipm waharinare m̄sare ijiphtinare ojoa ohoaja ynm. M̄sare quehnoa duti ojoaja ynm.

² Coā waropmre Cohācjū mari Рачи “Ohō saha yeitja”, tiquiro ni wacūyuriro sahata m̄sare beseahye. Tiquiro sa beseri bato tiquiro yaquiro Espiritu Santo m̄sare Cohācjū yequina ijigū yeahye. Sa yeahye tiquiro Jesucristore quehnoano ymhtiana m̄sa ijiatire, tiquiro dii cohāno mehna m̄sa ñañene cosenohrina m̄sa ijiatire. Cohācjū cahñe mehna tutuaro quehnoa dutiaja m̄sare.

Jesu yequina ijina marine m̄hm̄sep̄m tiquiro neatire cohtena niaja mari

³⁻⁵ Cohācjū marine tutuaro paja ihñano, Jesucristo yaria masa m̄jari mehna marine pecapm wahaborinare ymhdmgū yere tiquiro. Sa marine ymhdmgū tiquiro yegū pari turi mari masa bajuariro saha Cohācjū pohnata wahaja mari. Sa wahana tiquiro mehna mari sa ijiducuatire

quehnoano masiaja mari. Sa yero m̄sare quehnoano yero taro m̄sare cohtero nine. Tiquiro mehna m̄sa sa ijiducuatire cūnota tiquiro. Sa yena sa ijiducunata m̄sa. Sa yero tiquirore m̄sa wacū tutuagū, Cohācjū tiquiro tutuaye mehna m̄sare ihña ihboro, ymhdmgū yerota. Pihtiri deco ijigū m̄sare tiquiro ymhd̄orire masigū yerota tiquiro. Marine tiquiro sa paja ihñagū ihñana, tiquirore Cohācjūre mari p̄htoro Jesucristo pac̄rore ño peouhna.

⁶ Sa tiquiro ymhd̄oana ijina, mehenogā ahri yehparm m̄sa ijiro puno peye tahari m̄sa ñano ymhd̄epenata bucuere m̄sa.

⁷ Sa ñano ymhd̄epenata Cohācjūre cohāedana m̄sa tiquirore wacū tutuaye potota ti ijigū tire masigū yena niaga m̄sa. Uru ahri yehpa cjē p̄rita pihtia waharota. Uru ymhd̄oro m̄sa wacū tutuaye pehe ihyo waro ijierare. Sa ye masa uru ti ijiyere masi duaye doha tuhu ihñare. Urure tiquina doha tuhu ihñano saha m̄sa wacū tutuayere Cohācjū ihña duaro “Ñano ymhd̄ahro”, niboaga m̄sare. M̄sa sa ñano ymhd̄ari bato potota tiquirore m̄sa quehnoano wacū tutuaducugū ihñano, Cristo ño peoye mehna m̄sare “Quehnoano yeri m̄sa”, ninota. Ahri yehparm tojoa taro sa ninota.

⁸ Tiquirore Jesucristore m̄sa ihñedapenata cahñe

musa. Sa yena yojopure tiquirote ihñedapenata tiquirote wacũ tutuare. Sa wacũ tutuana, tutuaro bucuere musa. Cohãcjũ tiquiro sa musare bucuẽgũ yegũ tutuaro bucuere musa. Ti bucuere quehnoa yũhdũare. ⁹ Sa yero Cohãcjũ musare pecapũ wahaborinare yũhdũgũ yerota, musa tiquirote quehnoano wacũ tutuagũ.

¹⁰ Cohãcjũ musare tiquiro sa yũhdũotire panopũ cjẽna Cohãcjũ yere yahu mũhtariquina tire masi duaye, sinitue tiahye. ¹¹ Cristo tiquiro ñano yũhdũatire, tiquiro masa mũjatire, ijipih̄tiyequina pũhtoro tiquiro ijiatire tiquiro masa bajato panopũta tire yahuyu tuhasae tiahye tiquina. Jesucristo yaquiro Espĩritu Santo tiquiro yedohoye mehna sa yahuyuahye tiquina. Sa ye tiquina Cohãcjũ yere yahu mũhtariquina tiquina yahurire quehnoano masi duaye sinitue tiahye tiquina Cohãcjũre. “Cristo wih̄irota”, Espĩritu Santo tiquiro nidire “¿Noa boro pehe ijirrotari?” ni sinitue tiahye tiquina. Tiquiro wih̄iati pje gũhare sinitue tiahye. ¹² Tiquina yahuyuri tiquinare masi pehogũ yeati ijierahye. Maripure masi pehogũ yeatire sa ni yahue tiahye. Tire tiquinare masigũ yeahye Cohãcjũ. Ʋhmũsepũ ahtariquiro Espĩritu Santo yedohoye mehna yojopure quehnoañe buheyere musare usã yahuaja. Panopũ musa

masiatire tiquina yahuyuri tita ijire yojopure musare usã yahuye. Ti buheyere angele gũhũ tutuaro masi duae tiahye.

Cohãcjũ marine ñañe mariena iji dutire

¹³ Sa yena quehnoano wacũ masitjiãna ijiyuya musa. Sa yena tũho masina ijiya. Cristo tiquiro tojoa tagũ Cohãcjũ musare quehnoano tiquiro yeatire wacũña. Sa yena tire quehnoano cohteya. ¹⁴ Panopũ Cohãcjũre masiedarĩna ñañene tutuaro cahmena ijimedi musa. Yojopure tire yeracãhña. Sa yena tiquina pohne tiquina pacũsumũare quehnoano tiquina yũhtiro saha yeya musa. ¹⁵ Sa yena tiquiro yequina ijiatire musare beseriquiro ñañe marieniquiro tiquiro ijiro sahata musa gũhũ ñañe mariedacãhña. Sa yena quehnoañe dihitare yeya. ¹⁶ Sata ni ojoahye Cohãcjũ yere tiquina ojoari pũpũ: “Ñañe mariegũ ijiaja yũhũ. Yũhũ sa ijigũ musa gũhũ ñañe mariena ijiya”, ni, ojoahye.

¹⁷ Tiquiro Cohãcjũ ijipih̄tiyequinare tiquina yerire ihñano ihcãno saha besere tiquinare. Ñañequinare, quehnoañequinare besere. Tiquiro sa yeriquiro ijigũ tiquirote “Yũhũ Pacũ” ni duana quehnoano yeya. Ahri yehpapũ musa ijiro puno cua pesaro mehna quehnoano ijiducuya musa. ¹⁸ Musã ñecũsumũa mũna

panopu cjēna tiquina yeri ne dūhseati ijierahye. Mūsa gūhu tiquina yeriro saha yena mūsa ijiepegūta Cristo mū sare tiquiro yequina ijigū yeri.

Wapamoñequinare tiquina wapamorire tiquina boriro sahata tiquiro pehe mūsa ñañe yerire potota bo cāhri. Tire quehnoano masine mūsa. Mū sare sa yero plata mehna, uru mehna wapa ye wioerare tiquiro mū sare sa yero. Plata, uru butia waharota. ¹⁹ Tiquiro pehe oveja quehnoariquiro, wete marieniquiro yero sahata ijiriquiro Cristo tiquiro dii mehna tiquiro yariari mehna mūsa ñañe yerire cohā, mū sare yūhdūorota. Tiquiro dii mehna marine sa yero quehnoano waro yero nidi. ²⁰ Panopure ahri yehpare tiquiro bajumehneato pano Cristo tiquiro sa wahatire masi tuhasahye mari Pacu. Yojopu pehere pihtiati deco panogā ijigū, Cristore quehnoano masigū yeri mari Pacu mū sare. ²¹ Cristo yedohoro mehna mari Pacure wacū tutuare mūsa. Mari Pacu pehe Cristore yariariquirore masori jiri. Sa yero tiquirore ahmūsepu cūno ijipihtiyequinare tiquirore ño peogū yeahye mari Pacu. Tiquiro sa yegū mari Pacure wacū tutuare mūsa. Sa yena mū sare tiquiro yūhdūoatire quehnoano masine mūsa.

²² Quehnoañe buheyere tiquiro nidiro sahata yena ijina, mūsa ñañe yerire

cohānohrina ijire mūsa. Sa yena potota mari acayere Jesu yequinare cahī masine mūsa. Sa yena mūsa mehna cjēnare mūsa jeripohnari mehna tutuaro cahīña. ²³ Sa yena coā bajuayequina yero saha ijina Cohācjū pohna wahari mūsa. Mari pacūsumūa mehna masa bajarina ijina came yarianata. Ti yero saha ijierare Cohācjū pohna mūsa wahagū. Cohācjū buheye mehna tiquiro catigū yeye buheye mehna tiquiro pohna wahari mūsa. Ti buheye mehna Cohācjū mehna sa ijiducunata mari. ²⁴ Ohō saha nine Cohācjū yere tiquina ojoari pūpu:

Ijipihtiyequina masa taa yero saha ijire. Sa ye quehnoañe tiquina cūoye, taa cohorī yero saha ijire. Taa ñaia wahare. Cohorī gūhu buru dijia, ahbaa wahare. Ti yero saha yariare masa gūhu. ²⁵ Mari puhtoro ye buheye pehe ne pihtisi. Tiquiro nidiro sahata sa waharota, ni ojoahye.

Ti buheye mū sare tiquina yahuri quehnoañe buheyeta ijire.

2

1 Sa yena ijipihtiye ñañe yeyere, ni mehoñene, masa ihñono dihita quehnoano iji mehoñene, apee borore tiquina cūogū cooyere, apequinare ñano quiti yeyere tire duhuya mūsa. ² Sa yena coā

masa bajuayequina epẽcore
tiquina cahmeno saha m̄sa
ḡh̄u quehnoañe buheyere
Cohãcjũ yere tutuaro cahme
nemoña. Sa cahme nemoña
m̄sa tiquiore m̄sa wacũ
tutua nemoatire, tiquiore
ȳhd̄h̄onohatina m̄sa iji-
atire. ³ Sata ijinata m̄sa.
Mari p̄h̄toro m̄sare
tiquiore quehnoano yeyere
mehenogã masi tuhasare
m̄sa.

*Cristo catigũ yeriquiro utã
yero saha ijire*

⁴ Cristo catigũ yeriquiro
utã yero saha ijire. W̄h̄u
dahreyequina ihcãria utãre
tiquina cahmedaro saha
masa tiquiore cahmedare.
Cohãcjũ pehe tiquiore
ihñagũ tiquiore beseriquiro
quehnoa ȳhd̄h̄ariquiro ijire.
Tiquiro sa ijiriquiro ijigũ
tiquiore wacũ tutuaya. ⁵ Sa
yena m̄sa ḡh̄u w̄h̄u cjẽ
utã paca yero saha ijire.
M̄sa sa ijina Cohãcjũ ya
w̄h̄u cjẽ utãre ihcãno saha
tiquina cūriro saha m̄sa
tiquiore yequina ḡh̄u ihcãno
saha quehnoano ijinata. Sa
yena Cohãcjũ ya w̄h̄u cjãna
quehnoana pahia ijinata
m̄sa. Sa yena Jesucristo
yedohoye mehna Cohãcjũ
yere quehnoano yenata
m̄sa. M̄sa sa yegũ ihña
bucuerota Cohãcjũ. ⁶ Ohõ
saha nine Cohãcjũ yere
tiquina ojoari p̄p̄u:

Utã w̄h̄p̄u tiquina cū
m̄htaria mariedagũ
w̄h̄re ye d̄ca
masiedare. Sata Cristo
marieno yeequina

waha masiedare
masa. Sa yero
tiquiore ihyo ijiriquiro
ijierare. Sa yegũ
tiquiore Jerusalẽp̄u
yojop̄re cūgũ ni-
aja. Tiquiro ȳh̄u
beseriquiro quehnoa
ȳhd̄h̄ariquiro ijire. Sa
ye tiquiore wacũ tu-
tuayequina bucueeta,
ni ojoahye.

⁷ Tiquiore wacũ tutu-
ayequina pehe quehnoa
ȳhd̄h̄aro wahaeta. Sa
yero ihyo ijiriquiro ijierare
tiquiore. Tiquiore wacũ
tutueyequina pehe sijoro
saha wahaeta. Tiquinare
ohõ saha nine Cohãcjũ yere
tiquina ojoari p̄p̄u.

Ahriquiro Cristo utã yero
saha ijire. Utãre
w̄h̄u dahreyequina
tiquina bese cohãno
saha masa tiquiore
cohãeta. Tiquina sa
yepegũta yojop̄re
w̄h̄u dahreyequina
w̄h̄re yeye, tiquina
cū m̄htaria utãre
tiquina cūno saha
Cohãcjũ tiquiore
p̄h̄toro cūri, ni,
ojoahye.

⁸ Ahri ḡh̄re nine Cohãcjũ
yere tiquina ojoari p̄p̄u:

Omariquiro utãre doque
wahã saro tiquiore esa-
boriore ne eserare.
Sata utã yero saha
ijiriquiore Cristore
cahmedana, tiquiore
ȳhd̄h̄cana, Cohãcjũ
cahap̄u esasi mari, ni
ojoahye panop̄u.

Tiquina Cohãcjũ ye buheyere yuhtierare. Sa yeye panopũ tiquiro ni ojoariro sahata Cristore cahmedare. Cohãcjũ panopũ “Sa waharota”, tiquiro nidiro sahata Cristore cahmedare tiquina. Sa yeatiquinare cũahye Cohãcjũ tiquinare.

Ohõ saha ijire Cohãcjũ yequina

⁹ Mũsa pehe Cohãcjũ bererina ijire. Tiquiro mari puhtoro tiquiro yequina pahia, tiquiro yere ye basana ijire mũsa. Sa yena tiquiro ya curua cjãna ñaÑe mariedana, Cohãcjũ yequinata ijire mũsa. Sata ijire mũsa. Cohãcjũ tiquiro quehnoa yuhtũayere tiquiro yerire apequinare yahuatina ijire mũsa. Mũsare beseahye tiquiro mũsare ñaÑene ye dutieraro. Sa besero quehnoaÑe pehere yeanajare cũri mũsare.

¹⁰ Panopũre duhseatina ijierari jiri mũsa. Yojopũ pũritare Cohãcjũ yequina ijire mũsa. Panopũre mũsare paja ihñariquiro mũsare mariedahye. Yojopũ pũritare mũsare Cohãcjũ paja ihñari.

Cohãcjũ yere yena ijia mũsa

¹¹ Yuhtũ cahĩna, ahri yehpapũ iji dojoatina ijierare mũsa. Cohãcjũ yequina ijire mũsa. Mũsa sa ijina ijigũ ahrire tutuaro yahuaja mũsare; Mũsa ñaÑe tutuaro cahmeÑene yeracãhña. Ti ñaÑene tutuaro cahmena, ñana wahana nigaa mũsa. ¹² Cohãcjũre

cahmeÑequina watoa ijina quehnoano yena ijia mũsa, mũsare “Yahusãri”, nina. Mũsa sa yegũ tiquina yojopũre mũsare ñano yahusã duepeta, mũsa quehnoano yeyere masieta tiquina. Sa masiÑe, tiquina Cohãcjũre “Quehnoagũ, tutuagũ ijire”, nieta. Sata nieta Cristo ahri yehpapũ tiquiro tojoa tagũ.

¹³ Mari puhtoro yuhti duana ahri yehpa cjẽna puhtoa gũhũre yuhtiya mũsa. Roma cjãnore mũsa ijipihitina puhtoro tiquiro gũhũre yuhtiya. ¹⁴ Puhtoare yuhtũduhcayequinare buhiri dahre dutiro, ohori puhtoro tiquirore yedohoyequinare. Sa yero quehnoano yeyequinare “Quehnoano yeri mũsa”, ni dutiro ohori tiquiro tiquinare. Tiquiro sa ohogã, tiquinare yuhtiya mũsa.

¹⁵ Mũsa quehnoano yegũ ihñane tuho masieÑequina tiquina esa tuharo mũsare quiti dahre duepeta quiti dahre masiedare. Mũsa sa yegũ cahmene Cohãcjũ. Sa yena mũsa puhtoare yuhtiya.

¹⁶ Cohãcjũ mũsa puhtoro ijire. Apequina cahacjãna ijierare mũsa. Sa ijiepenata “Usãre dutiriquiro mariedare. Sa yena ñaÑene yenatja”, ni tuhotueracãhña, “ÑaÑene yeari”, nina. Cohãcjũ cahacjãna ijire mũsa. Sa yena tiquirore quehnoano yuhtina ijia mũsa. ¹⁷ Ijipihtiyequina masare ño peoya. Mari acaye Jesu yequinare cahĩña. Cohãcjũre ño peoye mehna ihñaña. Ahri yehpa cjẽna

pūhtoro gūhare ño peoya.

*Cristo ñano yūhduro tiqiro
ihcāno saharo sahata ihcāno
sahaya mūsa gūh*

¹⁸ Cahacjāna, mūsa cua pe-
saro mehna mūsa pūhtoare
yūhtiya. Quehnoañequina,
mū sare quehnoano yeye-
quina dihitare yūhtina
ijieracāhña. Mūsa mehna
usuayequina gūhare yūhtiya
mūsa. ¹⁹ Mūsa ñano yer-
apegūta mū sare tiquina
buhiri dahregū “Cohācjū
cahmeno sahata ye duaja”,
mūsa ni tūhotugū tire mūsa
ihcāno saha gū “Quehnoano
yeri mūsa”, ninota Cohācjū
mū sare. ²⁰ Mūsa ñano yeri
buhiri tiquina mū sare buhiri
dahregū tire mūsa ihcāno
sahagū ti dūhseati ijierare.
Sa yena mūsa quehnoano
mūsa yeri buhirire tiquina
buhiri dahregū tire mūsa
quehnoano mehna ihcāno
sahagū Cohācjū “Quehnoano
yeri mūsa”, ninota mū sare.

²¹ Sa ñano yūhdūanajare
mū sare tiqiro yequina iji
dutiri jiri Cohācjū. Cristo
mūsa ye ijiatire ñano
yūhduri tiqirore mūsa
ihña cūatire. ²² Tiquiro ne
ñano yerari. Sa yero ne ni
mehoedari. ²³ Tiquirore
tiquina tuhtigū, tiqiro pehe
tiquinare tuhti cahmedari.
Tiquirore tiquina ñano
yepegūta “Quēitja mū sare”,
ne niedari. Tiquina sa
yepegūta tiquinare Cohācjū
tiqiro buhiri dahreatire
potota tiqiro yeatire
masino, “Yūhū Pacupū

tiquinare buhiri dahrerota”,
ni tūhoturi. ²⁴ Tiquiro basi
curusapū mari ñañe buhirire
yariari. Sa waha yariari pari
turi mari ñañene yeratire,
Cohācjū cahmeñe pehere
mari yeatire. Tiquiro ñano
cami tire, marine pecapū
wahaborinare yūhdūoro
taro. ²⁵ Oveja wisiaye tiquina
butiro sahata mari gūhū
pecapū butiatina ijimi. Yo-
jopū pehere Cristore, ovejare
ihña ihboriquiro yero saha
ijiriquirore, marine ihña
ihboriquirore wacū tutuaja
mari. Sa wacū tutuana,
tiqiro yequina waha mū mari.

3

*Omoca dūhteriquinare
ohō saha yero cahmene
tiquinare*

¹ Sa yegū cahacjēnare
yūhū dutiro sahata
mūsa namosānumiare duti-
itja. Mūsa manūsmū sare
yūhdūdūcaeracāhña tiquina
Cohācjū buheyere tiquina
cahmeatire. Ihquēquina
tiquina Cohācjū buheyere
cahmeñequina ijiye, tiquinare
mūsa yūhdūdūcaeragū ihñañe
Cohācjū ye buheyere cahme-
boaga tiquina. Ti buheyere
mūsa yahuerapegūta tiqiro
yere cahmeboaga tiquina.
² Sata cahmeboaga tiquinare
mūsa quehnoano yeyere,
mūsa ño peoye gūhare
ihñañe. ³ Mūsa numia,
cariboyequina numia yero
saha yeracāhña. Sa yena
mūsa poarire wūhapo sep-
ahtana numia, uru darire
būšana numia, wapa būjūye

suhtire sañana numia ijieracãhña, ɯmɯa mɯsare “ʔe pjegũ yeari”, nina. Mɯsa pagurire masa tiquina ɯe pjegũ yeracãhña. ⁴ Sa yena mɯsa cua pesaro mehna apequinare tutuaro cahñe mehna yena, cua pesaro mehna yahuna, ti pehere ihña bucegũ yeya. Ti pehere mɯsa yegũ ihyo waro ijierare, Cohãcjũ ihñagũ. ⁵ Sata yee tiahye panopɯ cjëna numia Cohãcjũ yequina numia. Tiquina numia Cohãcjũre wacũ tutuaye numia ijiye, tiquina manɯsumɯare yuhɯɯɯcaera tiahye. ⁶ Sata Sara ticoro manɯno Abrahãre quehnoano mehna yɯhtie tiahye. Sa yero tiquirore “Pɯhto”, ni pisuahye. Sa yena mɯsa quehnoano yena numia ijina, cuero marieno ijina numia ijina, Sara yero saha ijire mɯsa gũɯ.

⁷ Sata mɯsa ɯmɯa gũɯ mɯsa namosãnumiare quehnoano yeya. Tiquina numia mari ɯmɯa yero saha tutuayequina numia ijierare. Sa yena ño peoye mehna quehnoano yeya tiquina numiare. Cohãcjũ ijipihtiyee decori tiquiro mehna mari ijiatire tiquiro ohoriro sahata tiquina numia gũɯre ohorota tiquiro. Tiquina sa ijiyequina ijigũ tiquina numiare quehnoano yeya. Cohãcjũre mɯsa siniñene mɯsa dojomehnedatire tiquina numiare quehnoano yeya.

*Quehnoano tiquina
yepegũta apequina tiquinare*

ñano yeyere yahuahye Pedro

⁸ Ahri mehna mɯsare yahu bato tiitja: Mɯsa ijipihtina ihcãno saha quehnoano mehna ijiya. Sa yena mɯsa mehna cjëmare quehnoano paja ihñaña. Mɯsa acaye Jesu yequinare pɯa peheri cahme cahña. Sa yena quehnoano yeya tiquinare. Sa ye “Ihyo ijina ijiaya”, ni tɯhotuya. ⁹ Apequina mɯsare tiquina ñano yegũ tiquinare ñano ye cahmedacãhña. Mɯsare tiquina tuhtigũ tiquinare tuhti cahmedacãhña. Mɯsare tiquina sa yepegũta quehnoano yeya tiquinare. Sa yena “Quehnoano ijiya”, niña tiquinare. Tire yeatinare tiquiro yequinare cũri mɯsare Cohãcjũ pehe mɯsare quehnoano yero taro.

¹⁰ Sata nine Cohãcjũ yere tiquina ojoari pũpɯ:

Mɯsa quehnoano bucu-
eye mehna iji du-
ana ne ñano ni
yahuducueracãhña.

¹¹ Ñaño yeyere duhu
cãhña. Quehnoañe
pehere yeya. Cahme
mɯsa basi ihña
tuhtiro marieno ijiya.
Tire tutuaro yeya.

¹² Quehnoañequinare
mari pɯhtoro sa ihña
ihboducuro nine.
Sa yero tiquirore
tiquina siniñene sa
tɯhoducuro nine. Ñano
yeyequina pehere
tiquiro ihña tuhtire, ni
ojoahye.

¹³ Quehnoañene mɯsa

tutuario ye duagū apequina pehe musare ñano yūhdugū ye duaye, ye masisi tiquina. ¹⁴ Quehnoano musa yepegūta musare tiquina ñano yūhdugū yegū ihñano Cohācjū musare quehnoano yerota. Tiquiro sa yegū musare ñano ye duayequinare cueracāhña. Sa yena buja witeracāhña. ¹⁵ Musa Cristore “Usā pūhtoro ijire”, ni tūhotuna, ño peoya tiquirore. Sa yena Cristore musa wacū tutuayere, Cohācjū mehna musa ijiatire apequina sinituboaga. Tiquina sa sinituato pano tiquinare musa yahtiatire quehnoano masiyuya. Sa yahtina cahño mehna, quehnoano ño peoye mehna yahuya tiquinare. ¹⁶ Quehnoana ijiya. Sa yena “Ñañene yeaja”, ni tūhotusi musa. Sa ye Cristo yere quehnoano yena musa ijigū apequina musare ñano quti yeye, buoro wa-haeta tiquina. ¹⁷ Ñañene musa yeri buhiri musa ñano yūhdugū quehnoaedare. Sa yero Cohācjū cahmegū quehnoañene musa yeri buhiri musa ñano yūhdugū quehnoarñe ti pūrita.

¹⁸ Sata ñano yūhdari Cristo. Ihcā tahata ijipihtiyequina tiquina ñañe buhirire yariari tiquiro. Quehnoariquiro ijiri. Sa yero mari ñañe buhiri ñano yūhdari tiquiro. Ñano yūhdari tiquiro marine Cohācjū yequina wahagū yero taro. Tiquiro pagū yariaa wahari. Yariari

bato tiquiro masari jiri. ¹⁹ Sa masariquiro ijiri tiquina buhiri dahreatire cohteyequina muna yari-ariquina muna jeripohnarine buheahye tiquiro. ²⁰ Sa cohteyequina panopu Cohācjūre yahtierariquina muna ijiahye. Ti pjeppure Noé tiquiro ijiri pjeppure, pajiria yucusare dohoro niahye. Tiare tiquiro dohori watoa Cohācjūre yahtierariquina manare tiquina yahtigū cahmeno, tiquina yahtiatire yoari pje cohtemahye Cohācjū. Sa ye meheñequinagā ocho masa dia minidi pjere yūhdūahye. ²¹ Minigū tiquina yūhdariro saha wame yeye mehna yūhdare masa. Mari pagure mari wete tu cosero saha ijierare wame yeye. Si-joro saha ijire wame yeye. Ñañe mariena mari ijiatire Cohācjūre mari siniñe ijire ahri wame yeye. Sa yena Jesucristo tiquiro masa mājari mehna yūhdūaja mari. ²² Tiquiro Jesucristo ūhmūsepu wahahye poto pehepu dujiro taro, Cohācjū mehna dutiro taro. Sa yero tiquiro angele bui, ūhmūse cjēna pūhtoa bui, dutiye-quina bui tiquina pūhtoro ijire.

4

Cristo yequina ijina quehnoañe pehere camesarina ijinata

¹ Mari ñano yūhdana ñañe yeyere duhu cjā mari. Sa

yena Cristo ñano yuhduro tiquiro cuerariro sahata tiquiro usuerariro sahata m̄sa ḡhu tiquiro yero sahata yeya. ² Sa yeya m̄sa ñañene m̄sa ʉ pjerire m̄sa duhuro quehnoano, Cohãcjũ cahmeñe pehere m̄sa yero quehnoano.

³ Паноп̄ Cohãcjũre cahmeeñequina ñañene tiquina ʉ pjerire tiquina yeriro sahata yeducumahye m̄sa ḡhu. B̄ue tiro marieno ñano yena, ñañene tutuaro m̄sa ʉ pjerire yena, quehena, queheye bose decorire yena, “Cohãcjũ ijire”, m̄sa niñe queoyere ño peona ti pehere yee timahye m̄sa. Ti queoyere ihña yabire Cohãcjũ. Sa yena to punota ye bato tiya. ⁴ Sa ye ti ña yuhduayere yeyequina mehna m̄sa ijigũ yojopure m̄sa tire yeragũ ihñañe tiquina pehe ihña maria wahari. Sa ye tiquina m̄sare quitu dojomehnedi. ⁵ Tiquina sa yegũ ihñano tiquina ñañe yerire Cohãcjũ pehe sinituro, yahu yuhdu dutirota tiquinare. Tiquiro catiyequinare, yariariquina ḡhure beseatiquiro buhiri dahreatiquiro ijire. ⁶ Tiquiro sa beseatiquiro ijigũ Jesu yequina pehe yojopure yariariquina manare quehnoañe buheyere yahuri tiquina yariato pano. Sa ni yahuri tiquina pagurire Cohãcjũ tiquiro yaria dutiepegũta. Sa yahuri tiquinare Cohãcjũ ijipihtiye decori tiquiro ijiro

saha tiquiro mehna tiquina ijiducuatire.

⁷ Pihtiati deco mehenogã duhsare. Sa yena quehnoano wacũ masina ijija, yojopure Cohãcjũ mehna m̄sa quehnoano yahuducuatire. ⁸ Apequinare cahña, peye tahari tiquina ñañene tiquina yepegũta sa ihña cjã mari. Sa yena m̄sa mehna cjẽnare sa cahiducuya. Apeye dutiye yuhduoro ahrireta yeya. ⁹ M̄sa mehna cjẽnare unureno marieno m̄sa ye wuhusepu sajã ta dutiya. ¹⁰ Cohãcjũ m̄sare ijipihtinare m̄sa yeatire c̄uri. Tiquiro sa c̄ugũ, m̄sa ye masino sahata m̄sa mehna cjẽnare tire quehnoano yeya. Cohãcjũ m̄sape c̄uri m̄sa yeatire. Tiquiro c̄uriro sahata apequinare quehnoano yedohona, Cohãcjũ c̄uriro saha quehnoano yena niaga m̄sa. ¹¹ M̄sa quehnoano yahuna, Cohãcjũ tiquiro yahuboriro saha quehnoano yahuya m̄sa ḡhu. Masare yedohona Cohãcjũ tiquiro c̄uri tutuaye mehna apequinare yedohoya. Ti ijipihtiyere yena Cohãcjũre masa tiquina ño peoatire sa yeducuya. Jesucristo pehe tire m̄sa yegũ yedohorota. Tiquirore ijipihtiye decori ño peo, “Tutuagũ ijire”, nino cahmene ijipihtiyequinare. Sata niahdo.

Jesu yequina tiquina ijiri buhiri tiquina ñano yuhduyere yahuahye Pedro

12 Yuhũ cahĩna, yojopũre ña yuhdũaro yuhdũna, “Yohou, sijoro saha ijiro wahaga yuhũre”, ni, wacũedacãhña.

13 Cristo tiquiro ñano yuhdũriro saha mũsa gãhũ tiquiro yero saha sa wahana, bucueya mũsa. Sa bucuenta Cristo asi siteye mehna tiquiro tojoa tagũ mũsa quehnoano bucuenata.

14 Cristo yequina mũsa ijiri buhiri apequina mũsare tiquina tuhtigũ Cohãcjũ yaquiro Espĩritu Santo asi siteriquiro mũsa mehna ijiro nine. Sa yena bucueya mũsa. 15 Sa yena masare wejẽdacãhña mũsa. Apee borore yaqueracãhña. Ñano yeracãhña. Sa yena apequina tiquina yerire ihñana tiquinare sijoro saha ni dojomehnedacãhña. Ti buhiri mũsa ñano yuhdũgũ ñarĩne. 16 Sa yena Cristo yequina mũsa ijiri buhiri ñano yuhdũna, bue tieracãhña. Ñano yuhdũepenata Cristo yequina mũsa ijiye mehna bucuenta, Cohãcjũre “Quehnoare”, ni, ño peoya mũsa.

17 Cohãcjũ tiquiro yequina yerire ihñano tiquiro beseati pje ijiro nine yojopũre. Ijipihina mari tiquiro yequina mari yerire ihñano bese mũhtanota, “Ahri ñaũe ijire. Ahri quehnoañe ijire”, nino. ¿Sa bese mũhtano dahse yerotari tiquiro yequina ijieyequina pehere? Tiquirore yuhťieyequina pehere tutuaro buhiri dahrerota. 18 Sa ye quehnoañequina yuhdũeta.

Tiquina sa yuhdũati mijo cjũre. Ti sa mijo cjũgũ Cohãcjũre cahmeeñequina, ñañequina pehe ne yuhdũsi. Basioerare tiquinare. 19 Sa yena Cohãcjũ cahmegũ mũsa ñano yuhdũna, quehnoañene mũsa yerire duhueracãhña. Sa yena mũsare bajumehnediquirore, mũsare ne duhueriquirore tiquirore wacũ tutuaya mũsa.

5

Jesu yequina tiquina yeatire yahuahye Pedro

1 Yojopũre Jesu yequina pũhtoare yahutja. Yuhũ Jesu yequina pũhto ijiaja. Mũsa gãhũ tiquina pũhtoata ijire. Mũsare yuhũ yero saha pũhtoa ijinare ahrire yahugũ tagũ niaja yuhũ. Cristo tiquiro ñano yuhdũrire ihñarigũ ijigũ, uhmũsepu Cristo mehna yuhdũacjũ ijigũ ahrire mũsare yahutja: 2 Cohãcjũ yequina oveja yero saha ijire. Mũsa pehe ovejare ihña ihboyequina yero saha ijire. Tiquinare Cohãcjũ mũsare tiquiro cũriquinare tiquiro yequinare quehnoano ihña ihboya. Sa yena Cohãcjũ tiquiro cahmediro sahata quehnoano jeripohna tiye mehna tiquinare ihña ihboya. Sa yena tiquinare ihña ihbona, “Ušã ihña ihbori wapa niñerure wapatanata”, niedacãhña mũsa. Cohãcjũ cahmeno sahata yeducuna ijiya. 3 Sa ihña ihbona tiquinare ñano dutiperacãhña. Sa yena

quehnoano yeya m̄sa Jesu yequina m̄sare tiquina ih̄ña c̄atore. ⁴ M̄sa sa yena Cristo ijiphtinare marine ih̄ña ihboriquiro tojoa taḡū tiquiro m̄sare quehnoañene ohoatire m̄sa ȳhd̄matire c̄onata. Ti m̄sa c̄oati ne pihtisi.

⁵ Tiquinare ȳh̄h̄ dutiriro sahata m̄sa wahma p̄jia ḡūh̄ m̄sa p̄htoare ȳhtiya. Sa yena m̄sa mehna c̄j̄enare ijiphtiyequinare ño peoya.

“Masi ȳhd̄d̄caja”, niñequina pehere Coh̄c̄j̄ū ih̄ña tuhtire. Apequinare ño peoyequina pehere “Ihyo ijina ijiaja”, ni t̄hotuyequina pehere quehnoano yere tiquiro.

⁶ Sa yena Coh̄c̄j̄ū tutuariquiro m̄sare tiquiro dutiḡū tiquiore ño peoya. M̄sa sa yeḡū tiquiro queori p̄je ijiḡū m̄sare apequina ño peoeta tiquiro dutiro mehna. ⁷ Tiquiro m̄sare pajiro t̄hotu ih̄ña ihbore. Sa yena tiquiore wac̄ū tutuana, ne pajiro t̄hotuerac̄h̄ña m̄sa pehe.

⁸ Sa yena wac̄ū masi ijiya. M̄sare ih̄ña tuhtiriquiro wat̄no yairo usuariquiro tiquiro maca ihya duaro saha m̄sare ñano ȳhd̄ḡū ye duare. Sa yero m̄sare ñano ye dutire. ⁹ Ijiphtiro p̄h̄ ahri yehp̄are apequina Jesu yequinare ñano ȳhd̄ḡū yere wat̄no. Tire masina, tiquiore ȳhtierac̄h̄ña. Sa yena Cristore tutuaro wac̄ū tutuaya m̄sa.

¹⁰ Sa yena mehenoḡā m̄sa ñano ȳhd̄ri bato Coh̄c̄j̄ū m̄sare yedohorota. M̄sare quehnoana ijiḡū yerota. Sa yero tiquiore m̄sa wac̄ū tutua nemoḡū, tiquiore m̄sa ne duhueraḡū yerota m̄sare. Tiquiro ijiphtiyede cori h̄m̄sep̄h̄ Cristo mehna m̄sa ijiatire m̄sare c̄ūriquiro ijire. Tiquiro Coh̄c̄j̄ū ijire ijiphtiyequinare paja ih̄nariquiro. ¹¹ “Ijiphtiyede cori tiquiro tutuariquiro ijire”, ni ño peouhna tiquiore. Sata yeihna.

Quehnoa duti bato tiahye Pedro

¹² Ahri p̄ū meheni p̄ḡāre m̄sare ȳh̄h̄ oho duaḡū Silvano pehe ȳh̄are ojoa basari. Tiquiro Jesu yaquiro ȳh̄h̄ acaȳro Jesure duhერიquiro ijire, ȳh̄h̄ t̄hotuḡū. M̄sare quehnoano yahu duaja. Sa yeḡū “Ahri buheye potota Coh̄c̄j̄ū marine tiquiro cah̄ñene yahuri buheye ijire”, ni yahuḡū m̄sare ahri p̄ūre ojoaja. Sa yena ahri buheyere ne duhuerac̄h̄ña m̄sa.

¹³ M̄sare tiquiro yequina ijiatinare tiquiro beseriro sahata Jesu yequina Babilonia c̄j̄ena ḡūh̄are beseahye Coh̄c̄j̄ū. Tiquina pehe m̄sare quehnoa dutire. Marco ḡūh̄ ȳh̄h̄ mac̄ū yero saha ijiriquiro m̄sare quehnoa dutire. ¹⁴ M̄sa mehna c̄j̄enare quehnoano mehna piti caya.

Ijipihtina Jesucristo
yequinare quehnoa dutiaja
masare.

2 San Pedro

Jesu yequinare ojoa ohoahye Pedro

¹ Y^hh^u Simo Pedro, Jesucristo buhe duti tiquiro cūrig^u ijiaja. Sa yeg^u tiquiro cahacjūta ijiaja. Sa yeg^u m^ssare ojoa ohoaja y^hh^u. Cohācjū marine y^hh^uh^uoriquiro Jesucristo pehe ñañe marieniquiro ijire. Sa yero tiquirore m^sa wacū tutuagū, tiquiro yequina wahagū yeri jiri m^ssare. Sa wahana m^sa gūh^u usā yero saha tiquiro yequina ijire. Mari ihcāno saha tiquiro yequina ijiaja. Sa yeg^u m^ssare ojoa ohoaja. ² Sa yena Cohācjū gūh^ure, mari p^uh^utoro Jesu gūh^ure masi nemona tiquina cahīñe mehna quehnoano ijiducunata m^sa. Sa quehnoano m^sa ijiatire m^ssare sini basaja. Sa yeg^u m^ssare quehnoa dutiaja.

Ohō saha ijire Cristo yequina

³⁻⁴ Tiquiro yequina ijiatinare Cristo marine pijiri. Tiquiro sa pijigū t^uhona, tiquirore y^htii mari. Sa y^htina Cohācjūre masi nemona, tiquiro tutuaye mehna tiquiro cahmeno sahata quehnoana ijinata mari. Tiquiro ijire tiquiro yequina ijiatinare marine pijiriquiro. Quehnoariquiro, masi pehoriquiro tiquiro ijiro sahata ijiatinare marine pijiriquiro

ijire. Sata tiquiro tutuaye mehna marine quehnoa y^hh^uaro yeri. “Ohō sahata m^ssare quehnoano yeitja”, tiquiro nidiro sahata marine quehnoa y^hh^uaro yeri. Marine tiquiro sa yegū ahri yehpa cjē ñañene, ñañene mari ^ue pjeje pehere mari duhu cjā. Ti ñañe pehe marine ñano wahagū yemedi. Sa yena tiquirore y^htina, Cohācjū ijiro saha ijinata mari. ⁵ Sa yena Cristore wacū tutuana iji tuhasare m^sa. Sa yena ohō saha ye nemoña tja: Quehnoana ijiya m^sa. Quehnoano wacū masina ijiya m^sa. ⁶ Ñano ye duepenata Cohācjū cahmeñe pehere yeducuya m^sa. Sa yena Cristo yequina m^sa ijiri buhiri ñano y^hh^uepenata sa ihcāno sahaducuya m^sa. Sa yena Cohācjūre ño peona, tiquiro cahmeñene yeya m^sa. ⁷ Sa yena m^sa mehna cjēnare cahme cahīna, tiquinare quehnoano yedohoya m^sa. Sa yena ijipihtiyequina aequina gūh^ure cahīña m^sa.

⁸ M^sa sa ye nemogūta quehnoa y^hh^uare. M^sa sa ye nemona, quehnoañene yena ijiducunata. Sa yena Cristo tiquiro cahmeñene quehnoano yeducuna ijinata m^sa. Ihyo ijina ijisi m^sa. Sa ye Cristore m^sa wacū tutuari ihyo warota ijisi. Y^hh^u nidiro sahata m^sa ye nemogū quehnoa y^hh^uare. ⁹ M^sa sa ye nemoedana Cohācjū yere ne

masiedabutiare m̄sa. Sa ye nemoedana Cristo m̄sa ñano yerire tiq̄iro coh̄arire ne wac̄ũedare m̄sa. Sata bo c̄a duare m̄sa. ¹⁰ Sa yena, ȳh̄u acaye, Coh̄ãc̄j̄u yequina ijiat̄inare m̄sare tiq̄iro iji dutiḡu ȳht̄iri m̄sa. Sa ȳht̄irina ijina, tiq̄iro yere wac̄ũducu duana, tiq̄iro cahmeñene tutuaro sa yeducuya. M̄sa sa yena potota Coh̄ãc̄j̄u mehna ijinata m̄sa. Sa yena potota tiq̄iro beserina ijinata m̄sa. Sa yena ñañene yeducusi m̄sa. ¹¹ M̄sa sa tiq̄iro cahmeno saha yerina ijina mari p̄ht̄oro marine ȳhd̄h̄oriquiro Jesucristo tiq̄iro ijirop̄u quehnoano wahanata m̄sa. Potota tiq̄iro yequina waro m̄sa ijiḡu ih̄ñano “Quehnoano mehna ȳh̄u mehna ijiya m̄sa”, ninota Jesu m̄sare.

¹² Sa yeḡu ahrire m̄sare sa wac̄ũḡu yeducuutja. Ahri m̄sare ȳh̄u yahurire masi tuhasari m̄sa. Sa masina Coh̄ãc̄j̄u yere m̄sa t̄horiro sahata quehnoano yena nine m̄sa. Sa yerina m̄sa ijiepeḡuta ahri m̄sare ȳh̄u yahurire sa wac̄ũḡu yeducuutja m̄sare. ¹³⁻¹⁴ Mehenoḡa d̄hsare ȳh̄u yariato. Tire quehnoano yahuri mari p̄ht̄oro Jesucristo ȳh̄ure. Sa yeḡu catiniḡu waro ahri ȳh̄u yahurire m̄sare sa wac̄ũḡu yeducuutja. Ȳh̄u sa yeḡu quehnoar̄ine. ¹⁵ Sa yeḡu ahri ȳh̄u yahu ojoarire m̄sare oja c̄u pehogutja, ȳh̄u yariari bato m̄sa quehnoano masiatire. Sa

yena ahri ȳh̄u yahurire sa wac̄ũducunata m̄sa.

Cristo tutuariquiro tiq̄iro ijiye tiyere ih̄ñahye Pedro ḡh̄u

¹⁶ Sa yena Cristo tiq̄iro tutuaye ḡh̄ure tiq̄iro ahtati ḡh̄ure m̄sare yahuna, us̄a esa tuharo yahuna niedaja. Tutuariquiro tiq̄iro ijiyere us̄a basita ih̄ñau. ¹⁷ Cristo tutua ȳhd̄h̄ariquiro tiq̄iro ijiyere us̄are ih̄ñori Coh̄ãc̄j̄u mari Pac̄u. Tiq̄iro sa ih̄noḡu tiq̄iro pehe quehnoano asi siteriquiro ijiri. Tiq̄iro sa asi siteḡu oh̄o saha nino ca tari ti asi siterop̄u: “Ahriquiro ȳh̄u mac̄u, ȳh̄u cah̄ñiquiro ijire. Tiq̄iro mehna quehnoano bucueaja”, nino ca tari us̄a t̄hoḡu. ¹⁸ Uhm̄usep̄u tiq̄iro sa niḡu t̄hou us̄a. C̄n̄u buip̄u Coh̄ãc̄j̄u tiq̄iro ijiri c̄n̄up̄u Cristo mehna ijii us̄a.

¹⁹ Tire ih̄ñarina ijina, Coh̄ãc̄j̄u yere yahu m̄ht̄ariquina panop̄u c̄j̄ena tiquina ojoari potota ijiḡu quehnoano masiaja us̄a. Tiquina ojoarire quehnoano buheducuna quehnoano yena nine m̄sa. Ti tiquina ojoari Coh̄ãc̄j̄u yere marine quehnoano masiḡu yere. Ahri yehpap̄u ñano tiquina yeri yehpap̄u mari ijiḡu quehnoano masiḡu yere marine. Sa yena Coh̄ãc̄j̄u yere tiquina ojoarire sa buheducuya. Sa buheducuna Cristo tiq̄iro tojoa taḡup̄u buhe duhunata. Sa tojoa taro tiq̄iro yere mari masiedarire marine quehnoano masi pehoḡu yerota. ²⁰ Ijipihtiye ti ȳh̄u

yahuri yãhdũoro ahri pehere quehnoano masiña m̄sa: Cohãcjũ yere panopũ tiquina ojoarire buhena mari esa tuharo tire buhena, “Ohõ saha nino niaga”, ni masiedaja mari. Espíritu Santo yedohoro mehna masiaja mari. ²¹ Ne masa tiquina esa tuharo Cohãcjũ yere ojoerahye. Panopũ cjëna Cohãcjũ yere tiquina ojoagũ Espíritu Santo pehe tiquina ojoatire tiquinare masigũ yeahye.

2

*“Cohãcjũ ye buheye ijire”,
ni meho buheyequinare
yahuahye Pedro
(Jud 1.4-12)*

¹ Panopũ mari acaye judio masa mehna cjëna “Cohãcjũ yere yahu m̄htarina ijiaja”, ni mehoñequina ijie tiahye. Tiquina yero sahata yojopũ gãhũre m̄sa mehna cjëna sa ni mehoñequina ijieta. Potota tiquina buheboro sahata ni mehoñe pehere buheeta. Sa buheye Cristo ye buheye pehere dojomehneeta. Sa ye “Cristo yãhdũonohrina iji-aja”, niepeta Cristo dutiyere ne yãhtierare tiquina. Sa ye tiquirore “Ûsã pũhtoro ijire”, ni tũhotuerare. Ti ijipihtiyere tiquina sa yeri buhiri duita tiquinare Cohãcjũ pecapũ waha dutirota. ² Sa ni meho tiquina buhegũ tũhoye tiquina ñañene tutuaro cahmediro sahata peyequina masa tiquinare ihña cũ ñano yeeta. Tiquina sa ñano yegũ ihñañe apequina masa gãhu

quehnoañe buheyere ñano quitidahreeta. ³ Sa ye tiquina ni mehoñequina niñerure wapa cahmeñe, ni mehoñe buheyere buheeta m̄sare. Tiquina sa buheri buhiri Cohãcjũ tiquinare pecapũ waha dutirota. Panopũre sa yeyequinare buhiri dahre duti tuhasahye tiquiro.

⁴ Sata panopũ buhiri dahre dutiahye ñañequina angele gãhũre. Tiquinare pecapũ peresu yeahye. Sa yero pihtiri deco bato tiquinare buhiri dahrerota. ⁵ Sata panopũ cjënare Cohãcjũre cahmeeñequinare buhiri dahreahye. Sa yero ijipihtiro ahri yehpare miono, ijipihtiyequina ñañequina masare mio wejëahye. Sa yero Noéne tiquiro mehna cjëna gãhũre yãhdũoahye. Tiquina ijipihtiyequina tiquiro yãhdũoriquina ocho masa ijiyahye. Noé pehe quehnoañene ye dutiro ti pje cjënare buhee timahye. ⁶ Sata Sodoma wame tiri maca cjënare, Gomorra wame tiri maca cjëna gãhũre Cohãcjũ buhiri dahreahye. Ti macarine peca mehna quehnoano ujãa peho cãhye. Sa yero camerũ ijiatiquinare tiquirore cahmedatiquinare ihñono niahye. Ñañequinare tiquiro buhiri dahreatire ihñono niahye tiquinare. ⁷ Sa yero Lote wame tiri tiquirore yãhdũoahye. Lote pehe quehnoariquiro ijiyahye. Sa quehnoariquiro ijiro Sodoma cjëna Cohãcjũ dutiyere yãhdũũcayequina

ña yuhduaro tiquina yegũ ihñano caributia wahahye tiquiuro Lote. Sa yero amña tiquina basi tiquina paguri mehna tiquina ñano yegũ ihñano caributia wahahye tiquiuro. ⁸ Tiquiuro quehnoariquiuro ñañequina watoa ijiahye. Sa yero decoripe ña yuhduaro tiquina yegũ ihñano, ñano tiquina yahuducugũ tuhoro ñano jeripohna tiahye. ⁹ Tiquiurore Cohãcjũ yuhduogũ ihñana ahri yuhũ yahuatire masiaja mari. Cohãcjũ mari pũhtoro tiquiurore cahmeñequinare tiquina ñano yuhduagũ ihñano tiquinare yuhduorota. Sa yero ñañequina pehere peresu yero, tiquinare cõore pihtiri deco ijigũ tiquiuro buhiri dahreatiquinare.

¹⁰ Ñañene tutuaro ue pjeyequina Cohãcjũre yuhduaducayequina tiquina pũritare ñano buhiri dahrerota tiquiuro. Tiquina mũasa mehna cjẽna ni meho buheyequina ñañene yeye, ne cuerare. Sa ye bæ tierare tiquina. “Apequinare masi yuhduaducaja”, ni tũhotuyequina ijire tiquina. Sa ijiyequina ijiye uhmũse cjẽna tutuayequinare ne ño peoera, ñano ni bũjũpere tiquinare. ¹¹ Angele pehe ne tiquina yero saha yerare. Tiquina pehe ni meho buheyequina yuhduoro tutuayequina ijire. Sa ijiepeta tiquina ne bũjũpeye mehna ni meho buheyequinare ñano yahusãedare Cohãcjũre, yuhduaducayequina ijiye.

¹² Sa ye ahriquina ni meho buheyequina pehe nũca cjẽna wahiquina yero saha tũho masieñequina ijire. Nũcapũ boca sa tiquina wejẽatiquina yero saha ijire tiquina. Tiquina basi cahmeno saha yere tiquina. Sa ye tiquina masieñequinare bũjũpe, ñano ni yahuducu cohtere. Sa yeyequina ijigũ wahiquinare mari wejẽdiro saha Cohãcjũ tiquinare pecapũ cohãnota. ¹³ Sa yero tiquina ñano yeri buhiri buhiri dahrerota Cohãcjũ. Tiquina ñañene tutuaro cahmene. Sa ye ñano yeducure. Mũasa mehna bose deco yeye, ti bose deco ijigũ tiquina ñañene ye yuhduare. Sa yeye mũasa bose decore tiquina wete ohõno saha tiquina ñañene pihore mũsare.

¹⁴ Sa ye numiare ihñañe, ñehe duare tiquina. Sa ye ñañene sa yeducu duare. Cohãcjũre wacũ tutuera cjũñequinare ñañene ye dutiye, sa ijiyequinare tiquinare ihña cũgũ yere. Sa ijiye tiquina sehsaro apee borore, niñeru gũhare ni meho ehma mihniñequina ijire. Tiquina Cohãcjũ tiquiuro buhiri dahreatiquina ijire. ¹⁵ Tiquina Cohãcjũ yere buheraye, sijoro saha ijiye buheye pehere buhere. Sa ye Balãa yero saha yeye nine. Balãa, Beor macano ijiahye. Tiquiuro pehe panopũ tiquiuro ñañe yeri mehna niñerure wapata duamahye. ¹⁶ Tiquiuro sa yegũ ihñano tiquiuro yacoro burro tuhti-

ahye ticoro uparore. Tiquiro yacoro burro yahuducuericoro ijiepegūta Cohācjū ticoro uparore tuhti dutiahye ticorore. Ticoro sa tuhtigū tūhoro Balāa tutuaro tiquiro ñañene ye duamedire duhu cāhye.

¹⁷ Ahriquina ni mehoñequina mări pohteripū aco marieno yero saha ijire. Aco marieñe pohteri ti dūhseati ijieraro saha tiquina ni mehoñequina ne dūhseati ijierare. Sa ye ehmeo cururi wihnono ti wēdoqueoye cururi ti sa came-saducuro sahata, tiquina ni mehoñequina gūhū ihcāno saha yahuducuera, sa came-saducure. Sa yero nahitiano warore quehno tuhasahye Cohācjū topū tiquinare buhiri dahrero taro. ¹⁸ Tiquina

ni mehoñequina tiquina yahuducuye dūhseati ijierare. Masiñequina yero saha masare sa buhe maca cāhre. Ohō saha ni buhere tiquina: “Mari cahmeno sahata mari yegū quehnoarīne”, ni buhemene tiquina. Tiquina sa ni buhegū masa tūhoye ñañene űe pjeye, tiquina ye buheyere cahmene. Apequina masa Cohācjūre potota coā cahme dūcayequina mehenogāta wahare tiquina ñañene tiquina duhuri bato. Tiquinare ni mehoñequina buhegū tūhoye ñañene cahmene tja Cohācjū yequina ijiboriquina ijiepetā.

¹⁹ Tiquinare ohō saha ni buhere ni mehoñequina: “Mari cahmeno sahata mari yegū quehnoarīne”, ni

buhemene tiquina. Tiquina sa ni buhepegūta tiquina nidiro saha wahaerare tiquinare. Ñañene duhu dueraye, tire duhu masied-abutiare. Tiquina sa ñano yeye, “Queoro ijire űsā yeri”, ni tūhotumene tiquina. Sa ye tiquina ti ñañene ne duhu masiedare. Ti ñañe tiquina pūhtoro yero saha ijire.

²⁰ Mari pūhtoro Jesucristore marine yūhdūoriquirore coā cahme dūcayequina pehe ahri yehpa cjē ñañene duhu cāmedi. Tiquina sa duhuri bato pari turi ñañene yeye, ña yūhdūaro tojoare tiquina. Cristore tiquina masiato pano tiquina iji māhtariro yūhdūoro ña yūhdūaro tojoare, pari turi ñañene yeye. ²¹ Sa ña yūhdūaro tojoaye quehnoañe buheye pehere tiquina ne masi māhtaedagū quehnoa yūhdūboya tiquinare. ²² Sa ye pari turi ñañene yeye, masape tiquina ni yahuducue tīriro saha yee nine tiquina. Ohō saha ni yahuducure maša: “Diero etoa tuhasa pari turi tiquiro etoa cūrire ihyare. Sa yero yesere tiquina coseri bato pari turi tiquiro ñari sahbarū cuhsare tja. Sata yere quehnoañene cahmemediquina gūhū pari turi ñañene cahmeñe tja”, ni yahuducue tire masa.

3

Cristo ahriyehpapū tiquiro tojoa tatire yahuahye Pedro

¹ Yūhū cahīna, mūsare ihcā pū ojoa oho tuhasa. Sa

yegũ ahri pũre tja yojopure m̄sare ojoa ohogũ niaja. Sa yegũ p̄na taha ojoagũ ahri ijipihitiyere m̄sare wacũgũ ye duagũ niaja quehnoañe dihitare m̄sare t̄hotu dutigũ. ² Ahri yũhũ yahuatire wacũña m̄sa: Panopũ cj̄ena quehnoañequina Cohãcjũ yere yahu m̄htariquina m̄na tiquina yahu ojoarire wacũña. Sa yena mari p̄h̄toro marine yũhd̄oriquiro Cristo tiquiro dutiye gũhure wacũña. Ti dutiyere usã tiquiro cũrina m̄sare buhei.

³ Sa yena ahrire wacũ m̄htaña: Pihtiatì deco panogã Cohãcjũ yere b̄j̄apeyequina ijietã. Tiquina ñañene tutuaro cahmeducuyequina ijiye, ti ñañene yeducueta. Ohõ saha ni b̄j̄apeeta: ⁴ “Cristo ‘Tojoa tautja’, nieperota ne tojoa tasi. ¿Tojoa ta dueperota d̄hsero ne bajuerajari tiquiro? Ahri yehpa iji d̄ycari bato mari ñec̄sum̄na m̄na iji turiayequina tiquina yariari bato ijipihitiro sijoro saha waharo marieno sa ijiducure. M̄nanota sa ijiducu cãre. Sa yero ahri yehpare ahtatiquiro ùhm̄sere mariedare”, ni b̄j̄apeyequina ijietã. ⁵ Sa ni b̄j̄apeye ahri pehere ne wacũ duerare tiquina: Panop̄re Cohãcjũ tiquiro dutiro mehna ahri yehpare, ùhm̄se gũhure bajumehneahye. Sa yero ahri yehpap̄ aco dihita ijirirore dihta ijigũ yeahye tiquiro. Sa yero aco mehna ahri yehpa

yojopure ti ijiro sahata ahri yehpare yeahye tiquiro. ⁶ Sa yero camep̄ ahri yehpare miono, cohã pehoahye ahri yehpa cj̄ene. Sa yero ahri yehpare ihcã tahata sijoro saha wahagũ ye tuhasahye Cohãcjũ. ⁷ Sa sijoro saha wahagũ yeperota yojopure ùhm̄sere, ahri yehpa gũhure pari turi comesagũ yerari tiquiro. Tiquiro dutiro mehna ahri yehpare, ùhm̄se gũhure yojopure ti ijiro sahata ijiducu nemogũ yero nine. Sa yero cohtero nine came ijipihitrop̄re ùjũano taro. Sa cohtero nine Cohãcjũ tiquirore cahmeeñequinare buhiri dahrero taro. Sa buhiri dahrero tiquinare pecap̄ cohãnota.

⁸ Yũhũ cahña, ahrire wacũña m̄sa: Mil c̄hmarine “Yoa yũhd̄ari pje ijire”, mari ni t̄hotuepegãta ihcã decota ijire, Cohãcjũ ihñagũ. ⁹ “Cohãcjũ tiquiro nidiro saha ùmũñano yerabutiare”, nine masa. Sa ijierare. Masare quehnoano ye duaro cohtenino nine. Ne ihcãquiro masanore pecap̄ cohã duerare tiquiro. Sa yero ijipihitiyequina tiquina ñañene b̄j̄na witigũ, ñañene duhugũ cahmeno nine tiquiro.

¹⁰ Ñamipure yaque bucuro tiquiro wacũeno mehna yaquero sajãriro saha Cristo ahri yehpap̄re wacũeno mehna ahtarota. Tiquiro ahtagãta to tutuaro bisigãta ùhm̄se cj̄e pihtia waharota. Ùjũ pihtia waharota. Sa yero ahri yehpa gũhũ, ahri yehpa

cjê gũhũ ujũ pihitia waharota.

11 “Ahri ijipihtiyê pihitia waharota”, Cohãcjũ nigũ tũhona ñañene duhuna, Cohãcjũ cahmeñene yero cahmene marine. 12 Mari pũhtoro ahri yehpapũ tiquiro ahtatire cohtena, sojaro mehna tiquiro ahtagũ yeya mũsa. Ti deco umũse cjê ujũ pihitia waharota. 13 Ti sa cuaro wahati ijiepegũta mari pehe Cohãcjũ ni cũriro sahata ijipihtiyere tiquiro comesagũ yeatire cohteaja mari. Ijipihtiyê ti ujũ pihitiari bato ohõ saha ijirota. Umũseperũ gũhũ ahri yehpapũ gũhũ wahma ijirota. Sa ye ti pjeperẽ quehnoañe dihitare yeeta ijipihtiyequina. Tireta cohteaja mari.

14 Sa yena yũhũ cahĩna, mari pũhtoro tiquiro ahtatire cohtena, Cohãcjũ ihñonopũ quehnoano yena ijiya mũsa. Sa quehnoano yena ijiya mũsa Cohãcjũ mũsa mehna tiquiro bucueatire. 15 Sa yena yoa cjũri pje tiquiro bajueragũ ihñana ahrire masiña mũsa. Masa tiquirore cahmeñequina tiquiro yũhdũoatiquina dũhsarĩne yojopũ. Sa yero tiquinare cohtenino nine Cohãcjũ. Sata ni mũsare ojoa ohori jiri mari acayuro mari cahĩniquiro Pablo. Cohãcjũ masiñe mehna tire ojoari jiri tiquiro. 16 Sa dihita ni ojoari jiri Pablo tiquiro ojoaripe. Cristo tiquiro ahtatire, ñañene yeeyequina mari ijiati gũhũre yahuro ohõ saha dihita ni ojoari jiri tiquiro.

Ihquẽ tahari mijo cjũñene tiquiro yahu ojoari jiri. Apequina ne masieñequina, tuho masieñequina ni mehoñe mehna tiquiro sa nidire comesa mũjare. Sa ye tiquiro sa nidi ijiepegũta sijoro saha ni comesa yahure tiquina. Apeye Cohãcjũ yere tiquina ojoari pũri gũhũre sata yeri tiquina. Tiquina sa yegũ ihñano Cohãcjũ tiquinare buhiri dahrero, pecapũ cohãnota.

17 Yũhũ acaye, yũhũ cahĩna ahri ijipihtiyere ti sa wahato pano yahuu mũsare. Sa yena ahrire masina, quehnoano yeya mũsa. Ñañequina mũsare sijoro saha ni tiquina buhegũ tuhoeracãhña tiquinare, “Cristo yere duhuari”, nina. 18 Sa yena mari pũhtoro marine yũhdũoriquirore Cristore quehnoano wacũ tutua nemoña mũsa. Tiquirore quehnoano masi nemoña mũsa. Yojopere, ijipihtiyê decori tiquirore quehnoano ño peouhna mari. “Quehnoariquiro, tutuariquiro ijire”, niĩhna mari tiquirore. Sata niĩhna.

1 San Juan

*Jesucristo catiyere
ohoriquiro ijire*

¹ Jesu Cohãcjũ mari Pacu ye yahuducuyere yahuriquiro ijire. Duita coã waroputa ijiriquiro tiqiro mari Pacu mehna masare sa ijiducugũ yeriquiro ijiahye. Yojopure usã tiqiro yere, tiqiro ijiye tiyere yahu ojoana niaja. Tiquirore tuhona, tiqiro waroreta ihñau usã. Sata ijire. Tiquirore ihñana, usã omocari mehna tiqirore dahra tuhuu. ² Ahriquiro mari Pacu mehna sa ijiducugũ yeriquiro ahri yehpau tiqiro masa bajuari bato tiqirore usã ihñau. Sa yena tiqirore yahuaja usã musare. Ijipihtiye decori mari Pacu mehna tiqiro ijiducuriquiro ijigũ, yojopure mari Pacu tiqirore ihñori usãre. Tire yahuaja usã musare. ³ Mari Pacu mehna cjãna ijiaja usã. Tiquiro macno mehna cjãna gãhu ijiaja usã. Sa yena musa gãhu usã mehna cjãna, mari Pacu mehna cjãna, tiqiro macno mehna cjãna musa ijiatire usã ihñarire, usã tuhore musa gãhure usã yahuaja. ⁴ Ahrireta usã ojoaja quehnoano mari bucuatire.

*Buhrioro to wete marieno
saha Cohãcjũre ñaÑe ne
mariedare*

⁵ Ahri buheye Cohãcjũ macno usãre tiqiro

yahuri ijiye nine. Yojoputa ahrire yahunatja usã musare: Cohãcjũ buhrioro yero saha ijire. Buhrioro to wete marieno saha tiqirore ne ñaÑe mariedare. ÑaÑe nahitiano yero saha ijire. Cohãcjũre ne ñaÑe mariedare. Tiquiro sa ijiye tiyere yahuaja musare. ⁶ Sa yena nahitianopu ijina yero saha mari ñaÑene yena ijiepenata “Cohãcjũ mehna cjãna ijiaja”, nina, mari ni mehona niaja. Sa yena Cohãcjũ yere queoro yeraja. ⁷ Sa yena buhrioropu ijina yero saha Cohãcjũ tiqiro yeriro sahata mari quehnoañe pehere yena, apequina Jesu yequina mehna quehnoano ijina niaja. Mari sa yegũ Cohãcjũ macno Jesu tiqiro dii cohãno mehna, curusapu tiqiro yariari mehna ijipihtiye mari ñaÑe yerire bore.

⁸ “Yuhu pũrita ne ñaÑene yeraja”, ni wacũna, mari ni mehoÑene tuhutuna niaja. Mari sa ni tuhutuna Cristo yere ne masiedaja. ⁹ Sa yena Cohãcjũre mari ñaÑene mari yahu yuhdugũ tiqiro poto yeriquiro mari ñaÑene borota. Sa yero ijipihtiye mari ñaÑe yeri gãhure, mari ñano tuhutuye gãhure cose werota tiqiro. Tiquiro nidiro sahata yeriquiro ijire. ¹⁰ “ÑaÑene yeraja”, nina, “Cohãcjũ ni mehoriquiro ijire”, nina niaja mari. Sa niÑequina tiqiro buheyere cahmedare.

2

Cristo marine yedohore

1 Yuhū pohna, mūsare “Ñañene yeari”, nigū ahrire ojoagu niaja. Yuhū sa ni ojoaepēgūta ñañene yeboaga mūsa. Mūsa sa yegū ihñano Jesucristo quehnoariquiro mūsa ye ijiatire tiquiro Paçurore ohō saha ni sini basarota: “Ahriquina tiquina ñañene yeri buhirire buhiri dahreracāhña”, ni sini basarota tiquiro Paçurore. ² Cristo mari ñañene cohāriquiro ijire. Mari ñañene mari dihitare cohāedare. Ijipihtiro cjēna gūhure tiquina ñañene cohā masine tiquiro.

³ Cohācjū dutiyere yena, tiquirore potota quehnoano masiaja mari. ⁴ Ihcāquiro Cohācjū dutiyere yeraperota “Yuhū Cohācjūre masiaja”, nino, tiquiro ni mehoriquiro ijire. Sa yero Cristo yere ne masiedare. ⁵ Apequiro pehe Cohācjū dutiyere yeriquiro Cohācjūre tutuaro cahñiquiro ijire. “¿Cohācjū mehna cjāna ijiajari mari?” ni masi duana, ohō saha mari masinata: ⁶ Cohācjū mehna cjāno Jesucristo quehnoañene tiquiro yeriro sahata yeriquiro ijire. Sata yeducuuhna mari.

Wahma dutirore yahuahye

⁷ Yuhū cahīna, ahri dutiro yojopure mūsare yuhū yahuati wahma dutiro ijierare. Ahri dutiro mūsa coā waropure çuroiro mūna dutirota ijire. Ti dutirore mūsa tuho tuhasari. ⁸ Yojopure pehere mūsare yuhū yahuati

mūna dutiro ijieperota wahma dutiro gūhū ijire. Cristo gūhū, mūsa gūhū ti dutirore yere. Yojopure nahitiano pihti cā mari ihñā masino saha mari masiedarire masi duca cāna niaja mari. Sa yero buhrioro mehna mari ihñā masino saha Cristo mūsare poto ijiyere masigū yero ahta tuhasari.

⁹ “Yuhū buhrioropure ijiriquiro yero saha Cohācjū dutiyere yegū ijiaja”, ihcāquiro nieperota, apequinare ihñā tuhtiro, tiquiro Cohācjū dutiyere yerare. ¹⁰ Sa yero apequirore cahñiquiro pūrta buhrioropure ijiriquiro yero saha Cohācjū dutiyere yeriquiro ijire tiquiro. Sa yero ñañene pari turi ye duerare. ¹¹ Masare ihñā tuhtiriquiro pehe nahitiano ijiriquiro yero saha ijiro nine. Tiquiro caperi bajueriquiro yero saha ijire. Tiquiro wahatore ihñā masiedare tiquiro.

¹² Yuhū pohna, Cristo tiquiro yariari mehna mūsa ñañe yerire cohāri jiri. Sa yegū mūsare yahu ojoagu niaja. ¹³ Mūsa pacusumūa gūhū, mūsa Cristore coā waropure ijiriquirore masine mūsa. Mūsa sa masigū ihñagu mūsa gūhure yahu ojoagu niaja. Mūsa wahma pjia ñariquiro wafīnore yuhduhcari mūsa. Mūsa sa yuhduhcana ijigū mūsa gūhure yahu ojoagu niaja.

Yuhū pohna, mari Paçure mūsa masine. Mūsa sa masigū ihñagu mūsare yojopure yahu ojoagu niaja.

¹⁴ MUSA PACUSUMUA, MUSA CRISTORE COÃ WAROPU IJIRIQUIRORE MASINE MUSA. MUSA SA MASIGŪ IHŅAGU MUSARE YAHU OJOAGU NIAJA. MUSA WAHMA PJIA POTOTA MUSA COHĀCJŪRE WACŪ TUTUANA IJIRE. SA YENA MUSA COHĀCJŪ YERE YENA NIAGA. SA YENA, MUSA ŅARIQUIRO WATĪNORE YUHDUDUCARI. SA YEGU MUSARE YAHU OJOAGU NIAJA. ¹⁵ AHRI YEHPA CJĒ ŅAŅENE CAHMEDACĀHŅA. AHRI YEHPA CJĒ ŅAŅENE CAHmena mari PACU PEHERE CAHmedare MUSA. ¹⁶ ŅAŅEQUINA TIQUINA basi ŅAŅENE TIQUINA tutuaro CAHmedi, ŅAŅENE TIQUINA ihŅa duari mari PACU COHĀCJŪ ye IJIERARE. “IJIPHIYIYE CŪO PEHOGU, masi PEHOGU IJIAJA YUHU. Ne ihcāQUIRO MASĪNO YUHURE YUHDUDUCAERARE”, masa TIQUINA ni tĀHOTUYE mari PACU ye IJIERARE. TI IJIPHIYIYE AHRI YEHPA CJĒ IJIRE. ¹⁷ AHRI YEHPA, AHRI YEHPA CJĒ GŪHU masa TIQUINA CAHMEŅE PIHTIA WAHAROTA. SA YERO COHĀCJŪ CAHMEŅENE YERIQUEIRO IJIPHIYIYE decori COHĀCJŪ mehna IJIROTA.

Cristore ihŅa tuhtiriqueiro pehere yahuahye Ņu

¹⁸ YUHU pohna, ahri yehpa PIHTIATI deco mehenogā DUHSARE. “CRISTORE ihŅa tuhtiriqueiro aHTAROTA”, ni, Jesu yeQUINA MUSARE YAHU tuhasari. YOJOPURE CRISTORE ihŅa tuhtiyequina PEYEQUINA IJI tuhasare. TIQUINA sa IJIGŪ ihŅANA YOJOPURE PIHTIATI deco mehenogā DUHSAGŪ masiaja mari. ¹⁹ AHRIQUINA CRISTORE

ihŅa tuhtiyequina PEHE mari CAHA IJIEPETA POTOTA mari mehna CJĒNA IJIERARE. SA YE TIQUINA marine COHĀ CĀRI. TIQUINA mari mehna CJĒNA IJIYE, mari mehna IJIBOAGA. Marine COHĀ CĀRI. TIQUINA sa COHĀGŪ mari mehna CJĒNA TIQUINA IJIERAGŪ masiaja mari.

²⁰ CRISTO ESPĪRITU Santore MUSA PEHERE OHORI. SA YERO ESPĪRITU Santo MUSA mehna IJIRE. SA YENA MUSA IJIPHIYIYE CRISTO yere masi tuhasare. ²¹ MUSARE YAHUGU “CRISTO yere MASIEDARE MUSA”, ni tĀHOTUERAJA YUHU. MUSA CRISTO yere MASIGŪ ihŅAGU MUSARE YAHUAJA. CRISTO ye ne ni mehoŅE MARIEDARE. TI GŪHURE MASINA MUSA IJIGŪ masiaja YUHU. ²² AHRIQUIRO IJIRE ni mehoriqueiro: “JESU COHĀCJŪ MACĪNO IJIERARE”, ni-diqueiro PEHE ni mehoriqueiro IJIRE. POTOTA CRISTORE ihŅa tuhtiriqueiro IJIRE TIQUIRO. MARI PACURE, TIQUIRO MACĪNO GŪHURE CAHMEDARIQUIRO IJIRE CRISTORE ihŅa tuhtiriqueiro. ²³ OHŌ SAHA IJIRE: JESURE CAHMEEDIQUIRO PEHE mari PACU GŪHURE CAHMEEDIQUIROTA IJIRE. JESURE CAHMEEDIQUIRO PEHE mari PACU GŪHURE CAHMEEDIQUIRO IJIRE.

²⁴ COÃ WAROPU COHĀCJŪ yere MUSA tĀHORIRE QUEHNOANO WACŪŅA. TIRE MUSA WACŪNA, Jesu mehna CJĀNA IJINATA. SA YENA mari PACU mehna CJĀNA IJINATA. ²⁵ TIRETA Jesu marine YAHURI. OHŌ SAHA IJIRE TIQUIRO YAHURI: “MUSA IJIPHIYIYE decori COHĀCJŪ

mehna ijiducunata”, ni cūri Jesu marine.

²⁶ Apequina m̄sare ni mehoñe nine. Tiquina sa ni mehogū masiḡ m̄sare yahu ojoaḡ niaja. ²⁷ Tiquina sa ni mehonohrina m̄sa ijiepegūta m̄sa pehere Cristo tiquiro yaquiro Esp̄ritu Santore oho tuhasari. Esp̄ritu Santo m̄sa mehna ijire. M̄sa mehna ijiro m̄sare buheriquiro ijire. Tiquiro ijipihtiyere m̄sare yahure. Tiquiro yahuye ijirota ijire. Ni mehoñene yahuerare tiquiro. Esp̄ritu Santo nidiro sahata yeya m̄sa yojop̄re. Sa yena m̄sa Cristo yere t̄hona, tiquiro mehna quehnoano ijiya.

²⁸ Sata ijire. Ȳh̄ pohna, m̄sa Cristo mehna cjāna ijiya. Sa yena Cristo ahtati decore cuesi m̄sa. Sa yena tiquiro ahtati decore b̄e tiye mehna duhtisi m̄sa. ²⁹ Cristo quehnoañene yeriquiro tiquiro ijigū m̄sa masine. Tire masina ahri gūh̄re masiña m̄sa. Ijipihtiyequina quehnoañene yeyequina Coh̄cj̄ pohmeta ijire. Ti gūh̄re masiña m̄sa.

3

M̄sata Coh̄cj̄ pohna ijire

¹ “M̄sa ȳh̄ pohna ijire”, nino, tutuaro cah̄ ȳh̄d̄caro nine marine mari Pac̄. Tiquiro sa cah̄ona ijina tiquiro pohna ijiaja mari. Ahri yehpa cjēna ñañequina Coh̄cj̄re masiedare. Sa yeye Coh̄cj̄ pohna mari ijigū

ihñañe tiquina mari gūh̄re masiedare. ² Ȳh̄ cah̄na, yojop̄re Coh̄cj̄ pohna ijiaja mari. Sa ijiepenata came mari ijiatire mari quehnoano masiedaja. Sa masiedapenata ahri pehere masiaja. Cristo tojoa tagū mari ihñana, tiquiro ijiriro sahata tiquirore mari ihñanata. Sa yena Cristo marine bajuagū ihñana tiquiro yero saha mari comesanata. ³ Ijipihtiyequina ahrire masiñequina Cristore ihña cūñe, ñañene ye duerare.

⁴ Ñañene yena dutiyere ȳh̄d̄c̄cana niaja. Sa ye ijipihtiyequina ñañene yeyequina Coh̄cj̄ dutiyere ȳh̄d̄c̄cayequina ijire.

⁵ Cristo masare tiquina ñañene coh̄t̄iquiro bajuahye. Tiquiro ne ñañene yerare. Tire masine m̄sa. ⁶ Sa ye ijipihtiyequina Cristo yequina ñañene yeducuerare. Apequiro pehe ñañene sa yeducuriquiro Cristore ne masiedare. Sa yero Cristo yaquiro ijierare. ⁷ Ȳh̄ pohna, m̄sare ni mehoñequinare t̄hoeracāh̄na. Ijipihtiyequina quehnoañene yeyequina Cristo yero saha quehnoañequina ijire.

⁸ Apequiro pehe ñañene sa yeducuriquiro wat̄ino yaquiro ijire. Wat̄ino p̄rita duita ñañene yeriquiro ijiahye. Sa yero wat̄ino tiquiro ñañene ye dutiyere coh̄t̄iquiro Coh̄cj̄ mac̄no masa bajuahye.

⁹ Coh̄cj̄ pohna ijina

Cohācjū yero saha ijina ijiaja. Sa yena ñañene yeducueraja. Cohācjū mari Pacu tiquiuro ijigū mari pehe ñañene yeducu masiedaja. ¹⁰ Ohō saha ijieyequina Cohācjū pohne tiquina ijigū masinata: Cohācjū pohne watīno pohne yero saha ijierare. Ñañene yeducueyequina, apequinare cahñeñequina Cohācjū pohne ijierare.

Musa mehna cjēnare cahñña

¹¹ “Mari mehna cjēnare cahñña”, ni buheyere coā waropare tuho tuhasari musa. ¹² Mari Caī tiquiuro ñano yeriro sahata yeracūhna. Tiquiuro watīno yaquiuro ijiro, tiquiuro bahurore wejēahye. ¿Duhse yero tiquiore wejēyari, musa tuhotugū? Tire yahutja musare: Caī tiquiuro yeri ñañe ijiahye. Tiquiuro bahuro pehe quehnoañene yeriquiro ijigū ihñano tiquiuro wahmino pehe tiquiore wejēahye.

¹³ Sa yena yuhū acaye, ahri yehpa cjēna musare tiquina ihña tuhtigū “¿Duhse ijiro boro yuhūre ihña tuhtiajari tiquina?” ni, tuhotueracāhña. ¹⁴ Mari pecapū wahaborina ijimi. Yojoṗare uhmusepū sa ijiducuatina comesarina ijiaja mari. Jesu yequinare cahña, Cohācjū marine tiquiuro comesagū yerire masiaja mari. Masare cahñeniquiro pecapū waha-tiquiro ijire. ¹⁵ Tiquiuro acayurore ihña tuhtiriquiro masare wejēdiquiro ijire, Cohācjū ihñagū. Masare

wejēñequina uhmusepū ijiducusi. Tire quehnoano masine musa. ¹⁶ Masare cahñene ohō saha masinata. Ijipihtiye decori Cohācjū mehna mari ijiatire Cristo yariaro marine tutuaro cahñi. Sa yariaro marine tiquiuro sa cahñeducurire masigū yero nidi. Sa yena mari gūhure Jesu yequina ye ijiatire yariaro cahmeboaga. ¹⁷ Peye cuoriquiro Jesu yaquiore pejecuoriquirore ihñaeperota tiquiorere paja ihñedarō, Cohācjūre cahñedarō tiquiuro. ¹⁸ Yuhū pohna, masare mari cahñe pehe mari dusero dihita wijiaeracāhdo. Masare mari cahña, tiquinare yedohoro cahmene marine.

Cuero marieno Cohācjū cahapū iji masiaja mari

¹⁹⁻²⁰ Sa cahña mari potota Cohācjū yequina mari ijieye gūhure masinata. Sa yena Cohācjū cahapū cuero marieno mari iji masiaja. Sa yena “Ñañe buhiri ijiaja yuhūre”, mari ni tuhotuepegūta, Cohācjū cahapū cuero marieno iji masiaja. Tiquiuro pehe mari yuhduoro tutuariquiuro ijiro ijipihtiyere masine. ²¹ Yuhū cahña, quehnoañene yena, “Quehnoañe pehere yena niaja”, ni tuhotuna, Cohācjū cahapū mari cuero marieno iji masiaja. ²² Cohācjū dutiyere, tiquiuro cahmeñe gūhure mari yegū, tiquiore mari sinino punota tiquiuro ohorota. ²³ Ohō saha dutire tiquiuro marine: “Cohācjū

macanore Jesucristore wacũ tutuaya. Sa yena Cristo marine tiqiro dutiriro sahata m̄sa mehna c̄j̄nare cah̄ña m̄sa”, nino, ye dutire marine. ²⁴ Coh̄c̄j̄ dutiyere yeriqiro Coh̄c̄j̄ mehna c̄j̄no ijiro nine. Sa yero Coh̄c̄j̄ tiqiro mehna c̄j̄no ijire. Coh̄c̄j̄ mari mehna c̄j̄no tiqiro ijiyere mari masi duagũ marine tiqiro ohoriquiro Esp̄ritu marine masigũ yerota.

4

Ni mehoñe buheye ḡh̄ure, Coh̄c̄j̄ ye buheye ḡh̄ure quehnoano ih̄ña masi duti-ahye

¹ Yuh̄ cah̄ña, apequina “Coh̄c̄j̄ yaquiro Esp̄riture c̄oaja”, niñequina tiquina ijiepegũta tiquina ye buheye ni mehoñe ijire. Sa ye apequina pehe Esp̄ritu Santo warore c̄oyequina ni mehono marieno buhere tiquina. Peyequina “Coh̄c̄j̄ yere yahu m̄htarina ijiaja”, niepeta ni mehoñequina ijire yojop̄re. Ijipihtirop̄re ijire tiquina. Sa yena apequina m̄sare tiquina buheye ni mehoñe buheye ijigũ ih̄ña masiña m̄sa. Coh̄c̄j̄ ye ti ijigũ ḡh̄ure ih̄ña masiña m̄sa. ² Coh̄c̄j̄ yaquiro Esp̄riture c̄oyequinare m̄sa ih̄ña masi duana, oh̄ saha masinata: “Jesucristo ahri yehpap̄ mas̄no paḡ waro c̄oriquiro ahtari jiri”, ni, buheyequina Coh̄c̄j̄ yaquiro Esp̄riture c̄oyequina ijire tiquina.

Sa yena sa ni buheye-quinare ih̄ña masinata m̄sa. ³ Apequina pehe “Jesu ahri yehpap̄ mas̄no paḡ waro c̄oriquiro ahtarari jiri”, ni buheyequina Coh̄c̄j̄ yaquiro Esp̄riture c̄oyequina ijire. Tiquina ye t̄hotuye Cristore ih̄ña tuhtiriquiro tiqiro t̄hoturo saha ijire. “Cristore ih̄ña tuhtiriquiro ahtarota”, tiquina nidire t̄ho tuhasari m̄sa. Sa ye tiqiro ye buheye ahri yehpap̄re wihi tuhasari.

⁴ M̄sa pehe yuh̄ pohna, Coh̄c̄j̄ yequina ijire m̄sa. Sa yena “Coh̄c̄j̄ yere yahu m̄htarina ijiaja m̄s̄”, ni, mehoñequinare yuh̄d̄uca tuhasari m̄sa. M̄sa mehna ijiriquiro Esp̄ritu Santo pehe tutua yuh̄d̄ucare. Sa yero ahri yehpa c̄j̄na yaquiro wat̄no yuh̄oro tutuare. Sa yena ni mehoñequinare yuh̄d̄ucari m̄sa. Sa yena ti buheyere cahmedari m̄sa. ⁵ Ni mehoñequina pehe ahri yehpa c̄j̄na ijire. Sa ye tiquina ahri yehpa c̄j̄ ñañene tiquina buhegũ ahri yehpa c̄j̄na ñañequina pehe tiquinare quehnoano t̄hore. ⁶ Mari pehe Coh̄c̄j̄ yequina ijiaja. Sa ye Coh̄c̄j̄re masiñequina marine quehnoano t̄hore. Apequina pehe Coh̄c̄j̄ yequina ijieraye, marine ne t̄ho duerare. Tiquina sa t̄ho dueragũ ih̄ña tiquina ye buheye Coh̄c̄j̄ ye buheye ti ijieragũ masinata mari. Sa yena apequina pehe marine

tiquina tahogũ tiquina ye buheye quehnoañe buheye ti ijigũ gãhũre masiaja mari.

Cohãcjũ masare tutuaro cahĩducuriquiuro ijire

⁷ Yũhũ cahĩna, Cohãcjũ marine apequinare cahĩgũ yeriquiuro ijire. Tiquiro sa yeriquiuro ijigũ ihñana mari mehna cjẽnare cahĩihna mari. Masare quehnoano cahĩnequina pehe Cohãcjũ pohne ijire. Sa ye tiquina Cohãcjũre quehnoano masine. ⁸ Cohãcjũ masa

ijipihtiyequinare tutuaro cahĩducuriquiuro ijire. Tiquiro sa cahĩducuriquiuro ijigũ masare cahĩnequina pehe Cohãcjũre masiedare.

⁹ Cohãcjũ marine tiquiro cahĩne mari masi duana, ohõ saha masinata: Cohãcjũ pehe tiquiro macũnore ihcãquirola ijiriquiuro marine yũhdũoatiquiore ahri yehpapũre ohoahye. Sa ohoro marine tiquiro cahĩne marine masigũ yero niahye. ¹⁰ Apequinare cahĩne waro ohõ saha ijire: Cohãcjũre mari cahĩne pehe poto cahĩne waro ijierare. Marine Cohãcjũ tiquiro cahĩne pũrita potota cahĩne waro ijire. Sa yero tiquiro macũnore mari ñañene cohãtiquiore ohoro marine tutuaro cahĩne tiquiro.

¹¹ Yũhũ acaye, Cohãcjũ marine tiquiro sa tutuaro cahĩgũ ihñana mari gãhũ mari mehna cjẽnare cahĩihna. ¹² Masa pehe ne Cohãcjũre ihñedari. Tiquiuro mari

ihñedapegũta mari mehna cjẽnare mari cahĩgũ, Cohãcjũ pehe mari mehna sa ijiducuro nine. Sa yero potota marine cahĩ nemoducugũ yere tiquiro. ¹³ Cohãcjũ pehe marine tiquiro yaquiuro Espĩriture ohori. Sa yena Espĩriture cũona, Cohãcjũ mehna mari quehnoano ijiyere masiaja mari. ¹⁴ Sa yena mari Pacũ tiquiro macũnore ahri yehpa cjẽnare yũhdũoatiquiore tiquiro ohorire usã ihñau. Tire ihñana apequinapũre tire yahuaja usã. ¹⁵ Cohãcjũ mehna cjũno ohõ saha nidiquiro ijire: "Jesu Cohãcjũ macũno ijire", nidiquiro tiquiro pũrita Cohãcjũ mehna cjũno ijero nine. Sa yero Cohãcjũ gãhũ tiquiro mehna cjũno ijero nine.

¹⁶ Sa yena marine Cohãcjũ tiquiro cahĩne mari masiaja. Sa yena marine potota cahĩniquiuro tiquiro ijigũ masiaja mari. Cohãcjũ masa ijipihtiyequinare tutuaro cahĩducuriquiuro ijire. Sa yero apequiuro masare cahĩducuriquiuro Cohãcjũ mehna cjũno ijire. Sa yero Cohãcjũ gãhũ tiquiro mehna cjũno ijire. ¹⁷ Sa yena mari quehnoano cahĩ nemoducuaaja Cohãcjũre, apequina gãhũre, buhiri dahreri deco ijigũ mari cuero marieno mari ijiatire. Sa yena cuesi mari ahri yehpapũ Cristo yero saha ijina. ¹⁸ Apequinare mari cahĩgũ cuero mariedare. Cohãcjũ

marine tiquiro cahñene masina mari ne cueraja. Masa cueye tiquinare buhiri dahreatire cue nine. Sa cueye ñano yuhdare. Sa yero cueriquiro pehe Cohãcjũ cahñene masieniquiro ijire. ¹⁹ Marine Cohãcjũ cahĩ mũhtahye. Sa yena mari gãhũ tiquirore cahĩaja. ²⁰ Ihcãquiro “Cohãcjũre cahĩaja”, nidiquiro ijieperota apequirore ihña tuhtiro, ni mehoriquiro ijire tiquiro. Tiquiro ihñariquirore cahĩedaro, Cohãcjũre tiquiro ihñeniquiro gãhũre cahĩ masiedare tiquiro. ²¹ Sa yero ahri ijire marine Cristo tiquiro dutiriro: Cohãcjũre cahĩna, m̄sa cahapũ ijiyequina gãhũre cahĩña.

5

Cohãcjũ pohne ahri yehpa cjẽ ñañene ye duerare

¹ Ijipihtiequina Jesure “Cristo ijire. Cohãcjũ ohoriquiro ijire”, niñequina, Cohãcjũ pohne ijire. Apequina pacũrore cahĩna, tiquiro pohne gãhũre cahĩaja mari. Sata Cohãcjũre cahĩna, tiquiro pohne gãhũre cahĩaja mari. ² Cohãcjũre cahĩna, tiquiro dutiyere quehnoano yena, tiquiro pohne gãhũre mari cahĩna niaja. ³⁻⁴ Tiquiro dutiyere yena Cohãcjũre cahĩna niaja. Marine Cohãcjũ dutiyere yegũ mijoadare. Mari ijipihntina Cohãcjũ pohna ijina, ñañene cahmedaja mari. Sa ye marine tiquiro dutiyere yegũ

mijoadare. Cohãcjũre wacũ tutuana ñañene cahmedaja. Sa yena tiquirore mari wacũ tutuari bato ñano ye dueraja. ⁵ Ñañene cahmedana ohõ saha nina ijiaja mari: “Jesu Cohãcjũ macũno ijire”, nina ñañene cahmedaja mari.

Cohãcjũ macũnore yahuahye Ñu

⁶ Jesucristo ahri yehpapũ tiquiro ahtagũ tiquirore Ñu aco mehna wame yerire masina, curusapũ tiquiro dii cohãri gãhũre masina, Cohãcjũ macũno tiquiro ijiyere masiaja mari. Tiquiro wame yeri dihita Cohãcjũ macũno tiquiro ijiyere marine masigũ yerare. Tiquiro dii cohãri gãhũ marine tire masigũ yere. Espiritu Santo “Ahri ijirota ijire”, ni yahure marine. Tiquiro pototo ni yahuriquiro ijire. [⁷ Sa ye Jesu Cohãcjũ macũno tiquiro ijiyere uhmũse cjẽna yahuyequina ihtiaro ijire: Mari Pacũ, tiquiro macũno Jesu, Espiritu Santo mehna “Jesu potota Cohãcjũ macũno ijire”, niñequina ijire tiquina. Tiquina ihtiaro ijiepetata ihcãno mehna yahure tiquina Jesure.] ⁸ Jesu Cohãcjũ macũno tiquiro ijiyere ahri yehpapũre ihtiaro yahure: Cohãcjũ macũno tiquiro ijiyere Espiritu Santo pehe marine yahure. Sa yena Jesure aco mehna tiquiro wame yeri gãhũre masina, Cohãcjũ macũno tiquiro ijiyere masiaja mari. Sa yena mari

ye ijiatire tiquiro yariarire tiquiro dii cohārire masina, Cohācjū macno tiquiro ijiyere masiaja mari. Sa ye ti ihtiaro ihcāno mehna marine masigū yere Cohācjū macno Jesu ijiyere.

⁹ Masa tiquina yahuyere tūhona “Ijirota ijire”, ni-aja mari. Sa niepenata mari Pacu tiquiro macnore yahugū masa tiquina yahuye yūhdoro tiquiro pehere tūhoro cahmene marine. Cohācjū waro tiquiro ijigū tiquiro yahuyere tūhoro cahmene marine. ¹⁰ Sa ye ijipihtiyequina Cohācjū macnore wacū tutuayequina Jesure yahuri buheyere quehnoano tūhore. “Queorota ijire”, ni tūhoture tiquina Jesure yahuri buheyere. Cohācjū macnore tiquiro yahurire tūhoeriquiro “Cohācjū ni mehoriquiro ijire”, nidiquiro ijire tiquiro. ¹¹ Cohācjū marine ijipihtiye decori tiquiro mehna sa ijiducugū yerota. Cohācjū macno yequina mari ijigū tiquiro mehna sa ijiducugū yerota marine. Ahri ijire Cohācjū marine tiquiro yahuye. ¹² Cohācjū macno yequina ijiye tiquiro mehna sa ijiducuetā. Sa ye apequina pehe tiquirore cahmeeñequina tiquiro mehna sa ijiducusi.

Ñu yahu ojoa bato tiahye

¹³ Mūsa Cohācjū macnore wacū tutuana Cohācjū mehna sa ijiducunata. Tire mūsa

masiatire mū sare yahu ojoagu niaja.

¹⁴ Cohācjū tiquiro cahmediro sahata mari tiquirore dūhse ijiyere mari sinigū tiquiro marine quehnoano tūhorota. Sa mari sinina “Potota quehnoano tūhore tiquiro”, ni masiaja mari. ¹⁵ Tiquirore mari sinigū, marine tūhore. Tiquiro sa tūhorire masina, tiquirore mari sinino punota tiquiro ohoati gūhure masiaja mari.

¹⁶ Mūsa acayuro tiquiro ñañene yegū ihñana, ti ñañe Cohācjū pecapū tiquiro waha dutiye ñañe ijieragū, tiquirore sini basaya Cohācjūre. Sa yero Cohācjū tiquirore yedohoro tiquiro mehna sa ijiducugū yerota tiquirore. Cohācjū pecapū tiquiro waha dutiyequina dihitare sini basaya mūsa. Apeye ñañe pehe Cohācjū pecapū tiquiro waha dutiye ñañe waro ijire. Ihcāquiro ti ñañe warore tiquiro yegū “Tiquirore sini basaya mūsa”, niedaja yūhū. ¹⁷ Ijipihtiye ñañe yeye ñañe warota ijire, Cohācjū ihñagū. Ti sa ijiepegūta apeye ñañe Cohācjū pecapū tiquiro waha dutiye ñañe ijierare.

¹⁸ Cohācjū macno Jesu pehe Cohācjū pohne quehnoano ihña ihbore. Tiquiro sa ihña ihbogū watīno pehe Cohācjū pohne ñano ye masiedare. Sa ye Cohācjū pohne pehe ne ñañene sa yeducuerare. Ahrire mari masiaja.

19 Mari pehe Cohãcjũ yequina ijiaja. Watĩno pehe ahri yehpa cjẽna pũhtoro ijire. Ahri gũhare mari masiaja.

20 Cohãcjũ macũno ahri yehpãre ahtaro marine quehnoano masigũ yeri tiquiro. Tiquiro sa yegũ potota Cohãcjũ waroreta mari quehnoano masiaja. Ahri gũhare mari masiaja. Cohãcjũ macũno Jesucristo yequina ijiaja mari. Sa yena potota Cohãcjũ waro mehna cjãna ijina niaja mari. Ahriquiro yũhũ nidiquiro potota Cohãcjũ waro ijire. Sa yero tiquiro ẽhmũsepũ sa ijiducugũ yeriquiro ijire.

21 Yũhũ pohna, “Cohãcjũ ijire”, tiquina niẽe queoyere ño peoeracãhña.

2 San Juan

Jesucristo yere, potota apeqinare cahĩne gũhare yahuahye Ñu

1-2 Yũũ bucu musare Cohãcjũ beserinare ahri pũre ojoa ohoaja. Jesucristo yere yuhtina ijiaja mari. Sa ye tiqũro buheye gũũ mari mehna ijipihtiyey decori sa ijiducurota. Sa yegũ potota musare cahĩaja yũũ. Yũũ dihita cahĩgu niedaja musare. Apeqina Jesu yere masiñequina tiqũna gũũ potota cahĩne musare.

3 Cohãcjũ mari Pacũ, Jesucristo tiqũro macũno gũũ poto tiqũna cahĩne mehna marine quehnoano yeeta. Sa ye marine paja ihñaeta. Sa yeye marine quehnoano ijigũ yeeta tiqũna. Sata yeahro marine. Sa nigũ musare quehnoa dutiaja.

4 Mari Pacũ marine tiqũro dutiriyo sahata ihquẽequina musa mehna cjẽna tiqũro yere yuhtiyequina tiqũna ijigũ masigu bucueaja yũũ.

5 Yojopũre musare yũũ dutiati wahma dutiro ijierare. Coã waropũre ahri dutiro marine duita ijiahye. Ohõ saha dutire marine. Mari mehna cjẽnare cahĩihna.

6 Tiquiro ye dutiyere ye pehona mari tiqũrore cahĩaja. Sa yero coã waropũre musa tuhoriyo sahata yojopũ gũhare ohõ saha dutire

musare. Apeqinare sa cahĩducuya.

Peyequina ni mehoñequina ijire

7 Peyequina ni mehoñequina “Potota Jesucristo ahri yehpapũ masũno pagũta cuoriqũro ahtaerari jiri”, niñequina gũũ ahri yehpa cjẽnare buheye wahari. Cristore ihña tuhtiriqũro ni mehoriqũro tiqũna yero sahata ijire. ⁸ Quehnoano yeya musa. Cohãcjũ ye wapare musa quehnoano yeri wapare boeracãhña. Musa sa boeragũ Cohãcjũ quehnoa yũhũaro yerota musare.

9 Ijipihtiyequina Cristo yere yũhdũdcayequina, Cristo yere cohãñequina mari Pacũ yequina ijierare. Sa ye Cristo yere ne duhueyeyequina Cohãcjũ mari Pacũre, tiqũro macũno gũhare masine tiqũna. ¹⁰ Cristo ye buheyere cahmedariqũro, apeye buheyere buheriqũro musa cahapũ ahtagũ, tiqũrore musa ya wũhũpũ sajã ta dutieracãhña. Tiquirore piti caeracãhña. ¹¹ Apeye buheyere buheriqũro Cristo yere cahmedariqũro ñano yere. Sa yero tiqũrore piti cariqũro pehe ñano yeriqũrore yedohoro nine. Sa yena tiqũrore piti caeracãhña.

Ñu yahu ojoa bato tiahye

12 Peye musare yahu duepegũta tire ojoa dueraja. Musare ihñagũ waha duaja. Musare ihñagũ musa

mehna yahuducutja, mari
quehnoano bucueatire.

¹³ Cohãcjã beseriquina
ohõpɛ cahmecoañequina,
mɛsa mehna cjẽna mɛsare
quehnoa dutire.

3 San Juan

Ñu Gayo wame tiriquireore
 “*Quehnoariquireo ijire*”, *ni-
 ahye*

¹ Yuhu bucu mahure Gay-
 ore potota yuhu cahigure ahri
 püre ojoa ohoaja.

² Yuhu cahigu, Cohäcjü
 mehna cjü mahu ijigü masi-
 aja yuhu. Tiquiro mehna
 mahu quehnoano ijiriro
 sahata mahu quehnoano
 yuhduatire, mahu pagu
 dohatiro marieno mahu
 ijiatire Cohäcjüre sini basaja
 mahure. ³ Ihquëquina Jesu
 yequina yuhu caharu wihiye
 mahu ijiye tiyere yahuri
 yuhure. “Cristo cahmeno
 sahata potota yere Gayo”,
 ni yahuri tiquina yuhure.
 Tiquina sa ni yahugü tuhogu
 tutuaro bucuei yuhu. ⁴ Musa
 Jesu yere yuhu buherina
 tiquiro cahmeno sahata
 musa yegü tuhogu tutuaro
 bucueaja.

⁵ Yuhu cahigu, Jesu
 yequinare yedohogu quehnoano
 yeri mahu. Sa yegu Jesu
 yequinare mahu ihña
 masieñequina pehere yedo-
 hogu quehnoa yuhduaro yeri
 mahu. ⁶ Tiquina panopu
 mahu ihña masieñequina
 pehe Jesu yequina ohõpu
 cahmecoañequinare usäre
 ohõ saha ni yahuri: “Gayo
 usäre quehnoano cahñe”,
 ni yahuri panopu mahu
 ihña masieñequina pehe.
 Came mahu ya macare

tiquina yuhdu cãgü ihñagu
 tiquinare quehnoano yedo-
 hoya Cohäcjü tiquiro bu-
 cueatire. ⁷ Tiquina Jesu
 yere buhe tiniñe wahaye,
 Cohäcjüre cahmeeñequinare
 yedohogü cahmedari. ⁸ Sa
 yena tiquinare Jesu yere
 buhe tiniñequinare yedo-
 houhna mari. Tiquinare
 sa yedohona, tiquina yero
 saha mari gühu Cohäcjüre
 yedohona niaja.

Diotrefe tiquiro ñaÑe yerire
yahuahye Ñu

⁹ To cjënare Jesu yequinare
 ojoami. Yuhu sa ojoaepëgüta
 Diotrefe tiquiro basi tiquina
 puhtoro yero saha iji duaro,
 yuhure tũho duerari. ¹⁰ Musa
 caharu yuhu esari bato
 tiquiro yerire musare yahu
 pehoutja. Usäre ñano yahudu-
 cure tiquiro. Sa yero ni
 mehoñe peyariquireo ijire
 tiquiro. Sa yero apeye
 ñaÑe gühure yere tiquiro.
 Jesu yequinare tiquiro yere
 buhe tiniñequinare tiquiro
 ya wuhure sajã dutier-
 are. Sa yero apequina to
 Jesu yequinare tiquiro yere
 buhe tiniñequinare tiquina
 sajã dutigü ihñano tiquiro
 pehe “Buhe tiniñequinare
 sajã dutieracãhña musa ye
 wuhusepüre”, ni yahusäre
 tiquinare. “Musa ye
 wuhusepu buhe tiniñequinare
 musa sajã dutiri buhiri
 mari Jesu yequina mari ya
 wuhupüre mari cahmecoari
 wuhupüre sajãedacãhña musa
 pehe”, nine Diotrefe to
 cjënare Jesu yequinare.

¹¹ Yuhu cahĩgu, ñañequinare ihña cũedacãhña. Quehnoano yeyequina pehere ihña cũña. Quehnoañene yeyequina Cohãcjũ yequina ijire. Ñañene yeyequina Cohãcjũre masiedare.

Demetrio quehnoañene tiquiro yerire yahuahye Ñu

¹² Ijipihtiyequina quehnoano yahuducuri Demetriere. Sa ye tiquiro yerire ihñañe quehnoano tiquiro yeriquiro ijigũ masine masa. Usã gũhu tiquirore sata ni yahuaja. Sa yena usã yahuye pehere potota ijigũ masine masa.

Yahu bato tiahye Ñu

¹³ Mũhũre peye yahu duami. Sa yahu duepeguta tire ojaeraja. ¹⁴ Mehenogã batota mũhũre ihña duaja. Sa yena mari basi cahme yahuducunata.

¹⁵ Quehnoa dutiaja mũhũre. Mari mehna cjẽna ohõ cjẽna Jesu yequina mũhũre quehnoa dutire. To cjẽna mari mehna cjẽna ijipihtiyequina quehnoahdo.

San Judas

Juda Jesu yequinare ojoa ohoahye

¹ Y^hh^h Juda Santiago bah^h, Jesucristo cahacj^h m^hsare Jesu yequinare ahri p^hre ojoa ohoaja. M^hsare mari Pac^h Coh^hacj^h beseahye. Sa yena tiquiro cah^hne mehna quehnoano ijire m^hsa. Sa yero Jesucristo yedohore m^hsare “Ñañene yeari”, nino. ² Quehnoa dutiaja m^hsare. Coh^hacj^h yedohoro mehna quehnoano ijiya m^hsa. Sa yeg^h Coh^hacj^hre paja ih^hna dutig^h, m^hsare cah^h dutig^h sini basaja Coh^hacj^hre y^hh^h.

Ni mehoñequina tiquina ye buheyere yahu d^hcah^hye Juda

³ Coh^hacj^h marine pecap^h wahaborinare tiquiro y^hhd^hoye pehere tutuaro ojoa duami m^hsare, y^hh^h cah^hinare. Sa ojoa duepeg^hta m^hsare yojop^hre ni mehoñe buheyere cah^hme dutierag^h m^hsare ojoaja. Sa yena Jesucristo ye buheye pehere tutuaro buheya m^hsa. Ahri buheye pehe Jesu yequinare Coh^hacj^h c^hri buheye sa ijiducurota comesaro marieno. ⁴ Ihqu^hequina masa ñañequina wac^heno mehna m^hsa cahap^h esari. M^hsa mehna ijiye tiquina oh^h saha ni buhemene m^hsare: “Coh^hacj^h yequina m^hsa ijig^h, tiquiro cah^hne m^hsare. Sa yero numia mehna m^hsa ñano yeg^h tiquiro m^hsare

ne buhiri dahresi”, ni buhemene tiquina. Sa ye mari puhtorore ihc^hquirola ijiriquirore Jesucristore “Coh^hacj^h mac^hno ijierare”, ni buhemene tiquina. Oh^h saha ni buheyequinare Coh^hacj^h tiquiro buhiri dahreatire yahuahye panop^hre. Tiquiro yere tiquina ojoari p^hp^h sata ni yahuahye.

⁵ Yojop^hre m^hsare apeyere wac^hg^h ye duaja. Ahrire m^hsa masiepeg^hta pari turi ahrire m^hsare wac^hg^h ye duaja. Coh^hacj^h judio masare Egiptop^h ijiyequinare tiquiro wiori bato tiquina mehna cj^henare tiquirore wac^h tutueyequinare tiquiro wej^hahye.

⁶ Sa yena m^hsa apequina g^hh^hre wac^hña. Apequina angele pehe Coh^hacj^h dutiyere ye duerahye. Sa ye tiquinare tiquiro iji duti c^hrirore tiquina iji duerahye. Sa ye tiquina ijimedirore duhu c^hahye tiquina. Tiquina sa duhug^h ih^hnano Coh^hacj^h nahitianop^h tiquinare peresu yeahye. Sa ye tiquina pihtiatu deco pano come dari mehna d^hhteriquina yero saha ijiducuenta. Sa yero pihtiatu deco ijig^h tiquinare buhiri dahrerota Coh^hacj^h.

⁷ Sata yeahye apequina g^hh^h. Tiquina g^hh^hre wac^hña m^hsa. Tiquina Sodoma wame tiri maca cj^hena, Gomorra wame tiri maca cj^hena ti macari cahap^h ijiye macari cj^hena g^hh^h numia mehna ñano yeahye. Sa ye sijoro saha

yeye gūhare ye, ʼmna pehe tiquina basita tiquina paguri mehna ñano yeahye. Numia gūha sata yeahye. Tiquina sa yeri buhiri Cohācjū tiquinare ʼjūa peho cāhye. Tiquinare ʼjūano Cohācjū ijipihtiyequina tiquirore yūhdūcariquinare tiquiro buhiri dahreatire masare ihñono niahye. Tiquinare tiquiro buhiri dahrerer peca ne yatisi.

8 Tiquina Cohācjū buhiri dahrenohriquina mna yero saha yojopu gūhare sata yeducure ni mehoñene buheyequina. Tiquina quehñequina yero saha ijiye, tiquina paguri mehna ñano yere. Sa yeye Cohācjū dutiyere cahmedare tiquina. Sa ye tiquina yūhdūoro tutuayequinare tiquina pehe ñano yahuducu cohtere. 9 Quehnoañequina angele pehe tutuayequina ijiepetata sa ni yahuducuerare. Miguel wame tiquiro angele puhtoro pehe Moise pagure cahmeno, watino mehna cahme sehña soahye. Tutua yūhdūariquiro ijieperota tiquiro “Watino yūhdūoro yūha pūrita tutuaja”, ni tūhotuerahye. Sa yero tiquiro esa tuharo watinore ñano yahuducuera, tiquirore tuhtierahye. Sa yero ohō saha niahye watinore. “Cohācjūpu mhāre tuhtiahro”, niahye Miguel watinore. 10 Sa ye ahriquina ni mehoñequina pehe tiquina masieñequinare ñano yahuducu cohtere.

Sa ye wahiquina tūho masieñequina tiquina esa tuharo tiquina yero saha ni mehoñequina pehe yere. Sa yeyequina ijiye, pecapu wahaeta.

11 Tiquinata ñano yūhdūeta. Cañ yeriro saha ñano yeri tiquina. Sa ye Balāa tiquiro yeriro saha tiquina niñerure cahñ wapata duaye, ni mehoñene buhere. Sa ye niñeru neati dihitare tūhotu, ti dihitare yere. Sa ye Coré tiquiro puhtoro cohā duariro saha tiquina gūha tiquiro yero saha yere. Sa ye tiquiro yero saha tiquina gūha pecapu wahaeta. 12 Tiquina ni mehoñequina pehe msa cahme cahñati bose decorire ihyaye, ño peoro marieno tiquina cahmeno saha apere. Sa ye tiquina sehsarota ihyayere bore apequinare ohoro marieno. Wete yero saha tiquina msa bose decorire quehnoañe decori ijiborirore dojomehne cohtere.

Ehmeo cururi acoro marieñe cururi ti dūhseati ijieraro saha tiquina ni mehoñequina ne dūhseatiquina ijierare. Sa ye ehmeo cururi wihnono wēdoqueoye cururi ti sa comesaducuro saha tiquina ni mehoñequina gūha ihcāno saha yahuducueraye, sa comesaducure.

Sa ye, dūca tiri pje ijigū dūca marieñe cju yero saha ijire tiquina. Ti cju puā tahapu yariaa wahare. Ihcā taha dūca tieye cju, yariaye cju yero saha waha

tuhasare. Ti cjure tiquina duhari bato pari turi yariaa wahare tja. Ti cju yero saha ijiye dũhseatiquina ijierare tiquina ni mehoñequina.

13 Sa ye pajiri ma cjẽ pahcõri bujũye pahcõri yero saha ijire tiquina. Ti pahcõri quẽ ohõgũ, wete bujũye sahpori wahare. Dũhse ijiyere tiquina ni mehoñequina tiquina yegũ pahcõri cjẽ sahpori wete bujũye sahpori ti waharo saha ni mehoñequina tiquina ñano yeye ijire.

Sa ye asi maa cãe paca ñahpicoha paca yero saha ijire tiquina. Sa yeye ñahpicoha paca nahitianopũ ti waharo saha tiquina gũhũ ñanopũ wahaeta. Sa ye topũre sa ijiducuenta tiquina ni mehoñequina.

14-15 Enoco panopũ cjãno Adãn panamino iji turiariquiro seis cururi bato masa bajuariquiro ohõ saha niahye. Tiquinare ni mehoñequinare ohõ saha niahye: “Tũhoya yũhũre. Cohãcjũ peyequina tiquiro yequina angele quehnoañequina mehna ijipihtiyequina ñañequinare tiquina ñañe buhiri buhiri dahrero ahtarota. Sa yero ijipihtiyequina Cohãcjũre ihña tuhtiyequinare tiquina ñañe yeri buhiri tiquinare buhiri dahre dutiro ahtarota Cohãcjũ. Sa yero Cohãcjũre ñano tiquina yahuducuri buhiri gũhũre tiquinare buhiri dahre dutiro ahtarota”, niahye Enoco. 16 Tiquina

ni mehoñequina unureducuyequina, apequinare yahu wajayequina tiquina ñano wacũñe dihitare yere tiquina. Sa ye “Apequinare masi yũhdũdũcãja usã”, niducure tiquina. Sa ye tiquina cahmeno saha ye duaye, apee borore ehma duaye, tũhoro quehnoanopũta yahuducure masare.

Jesu yequinare yahu nemoahye Juda

17 Mari pũhoro Jesucristo buhe duti tiquiro cũriquina tiquina buherire wacũña mũsa, yũhũ cahña. 18 Ohõ saha nidi tiquina mũsare. “Ahri yehpa pihtiato panogã Cohãcjũre ñano yahuducu bujũpeyequina ijieta. Sa ye tiquina Cohãcjũre cahmedaye, ñañene tiquina tutuaro cahmeñene yeeta tiquina”, ni yahuri Jesu cũriquina mũsare. 19 Jesu yequinare tiquina basi tiquina cahme ihña tuhtigũ yere tiquina ni mehoñequina pehe. Sa ye tiquina ñañequina ahri yehpa cjẽna ijiye, Espĩritu Santore ne cũoerare tiquina. Sa ye tiquina ñañene tutuaro cahmeñe dihitare yere tiquina.

20 Mũsa pehe yũhũ cahña, Jesucristo ye buheyere quehnoano tũho nemoña, quehnoano wacũ tutuana mũsa ijiro quehnoano. Ti buheyere pehe quehnoa yũhdũare. Espĩritu Santo yedohoye mehna Cohãcjũ mehna yahuducuya mũsa. 21 Quehnoañene yeya mũsa Cohãcjũ mũsare tiquiro

cahñene m̄sa masino quehnoano. Sa yena Jesucristo mehna m̄sa sa ijiducuatire cohteya. Tiquiro marine paja ihñano ʘhm̄sep̄ sa ijiducuḡ yerota.

²² Cristo yere t̄ho duera cjũñequinare paja ihñaña. Sa yena tiquinare buhe, masiḡ yeya. ²³ Tiquinare pecap̄ wahaboriquinare Coh̄cj̄re ȳhd̄oḡ yeya m̄sa. Sa yena apequinare paja ihñaña m̄sa. Tiquinare yedohona m̄sa ḡh̄ tiquina ñaño yeyere ihña c̄edac̄h̄ña. Wete tiri suhtirore m̄sa yabiro saha, apequina tiquina ñaño yeyere yabiya, “Tiquina ñaño yeyere pihari”, nina.

Juda Coh̄cj̄re tiquiro ño peoye ijire

²⁴⁻²⁵ Coh̄cj̄ mari p̄htoro marine ihña ihbo masine “Ñañene yeari”, nino. Sa yero tiquiro marine ñaño buhiri marienare ʘhm̄sep̄ tiquiro cahap̄ c̄ masine. Sa marine top̄ tiquiro c̄ḡ mari bucuenata. Tiquiro Coh̄cj̄ ihc̄aquiota ijire. Apequiro mariedare. Sa yero marine pecap̄ wahaborinare ȳhd̄oriquiro ijire tiquiro. Tiquiro pehe panop̄, yojop̄re, ijipihtiyē decori ḡh̄re quehnoa ȳhd̄ariquiro, mari p̄htoro, tutua ȳhd̄ariquiro, ijipihtiyequinare dutiriquiro ijire. Tiquiro sa ijiḡ mari p̄htoro Jesucristo yedohoro mehna tiquirore ño peouhna. Sata yeihna.

Apocalipsis

*Camep̄are ahri deco d̄uhse
wahatire marine masigū
yeahye Jesucristo*

¹ Ahri p̄p̄a Jesucristo marine tiquiro masigū yerire yahu ojoaḡa niaja. Mari Pac̄a pehe tire yahu dutiro cūahye tiquirore, tiquiro yequinare tiquiro cahacj̄enare masigū ye dutiro. Sa yero mianota d̄uhse wahatire masigū yeri tiquiro. Mehenogā d̄uhsatj̄iāno nine sa wahato. Jesucristore tiquiro sa cūgū tiquiro pehe angelre tire yah̄are Ñure yahu dutiro ohori. ² Sa yeḡa yah̄a Ñu ijipih̄tiyere yah̄a ih̄narire yahu ojoaḡa niaja. Cohācj̄ū ye yahuducuyere Jesucristo ye buheyere yahu ojoaḡa niaja.

³ Ahri p̄p̄a camep̄are d̄uhse wahatire yahu ojoaḡa niaja. Mehenogā d̄uhsatj̄iāno nine ahri ijipih̄tiye sa wahato. Sa ye ijipih̄tiyequina ahri p̄p̄re buheyequina, yah̄a yahurire quehnoano t̄ahoyequina ahri p̄ū nidiro saha yeyequina bucueyequina ijieta.

*Siete cururi cj̄enare Jesu
yequina cahmecoañequinare
ojoa ohoahye Ñu*

⁴ Yah̄a, Ñu m̄sare siete cururi cj̄anare Jesu yequinare Asia yehpa cj̄anare ojoa ohoaja: Cohācj̄ū tiquiro cahñe mehna m̄sare quehnoa dutiaja. Sa yena tiquiro yedohoye mehna

quehnoano ijiya m̄sa. Tiquiro panop̄ta sa ijiducuriquiro ijie tiahye. Yojop̄a ḡah̄are sa ijiducure. Camep̄a ahtarota. Tiquiro p̄h̄toro dujiro poto ijieyequina siete paḡa bajueyequina ijire. Tiquina cahñe mehna m̄sare quehnoa dutiaja tja. ⁵ Cristo tiquiro cahñe mehna m̄sare quehnoa dutiaja tja. Cohācj̄ū yere ni mehono marieno yahuriquiro ijire tiquiro. Sa yero tiquiro yariari bato tiquiro masa m̄ajari bato ne pari turi yariasi tiquiro. Sa yero ijipih̄tiyequina ahri yehpa cj̄ena p̄h̄toa tiquina bui p̄h̄toro ijire tiquiro. Marine cahño tiquiro dii coh̄ari mehna mari ñañene coseri tiquiro. ⁶ Sa cosero marine p̄h̄toa s̄ori tiquiro. Marine pahia wahaḡa yeri tja. Cohācj̄ū mari Pac̄a tiquiro yere yeatiquinare marine sa s̄ori tiquiro. Ijipih̄tiye decori “Tutuaḡa ijire m̄ah̄a”, ni ño peoducueta ijipih̄tiyequina tiquirore. Ijipih̄tiyequina p̄h̄toro sa ijiducure tiquiro. Sata ijiagro.

⁷ Quehnoano wacū masi cohteya m̄sa. Ehmeo cururi watoa dijia tarota Cristo. Tiquiro sa ahtaḡa ih̄ñaeta ijipih̄tiyequina. Tiquirore quē biha wej̄equina ḡah̄a tiquirore ih̄ñaeta. Sa ye tiquiro ahtaḡa ih̄ñañe ahri yehpa cj̄ena ijipih̄tiye cururi cj̄ena tutuaro utieta. Sata utiagro.

⁸ Oh̄o saha nine mari p̄h̄toro Cohācj̄ū: “Yah̄a

ijipihtiyere bajumehnedigū ijiaja. Sa yegū ijipihtiyere pihtigū yeacjū ijiaja. Tutua yūhduducagū ijiaja yūhū. Panopū gūhūre sa ijiducue ti. Yojopū gūhūre sa ijiducua ja. Came ahtautja”, nine Cohācjū.

Cristore asi siteriquirore tiquiro ihñarire yahuahye Ņu

⁹ Yūhū Ņu mūsa acayū Jesu yaquiro ijiaja. Sa yegū mūsa yero saha yūhū gūhū Jesu yere yūhū yeri buhiri űano yūhdū. Sa yegū mūsa yero saha yūhūre tiquina sa űano yepegūta Jesu yedohoye mehna Jesure cohāedū. Mari ihcāno saha tiquiro pūhtoro ijiro cjāna ijiana ijiaja mari. Ya dihta cjēna tiquina cohārigū ijigū Patmo wame tiri nūcūopū ijiaja. Cohācjū yere, Jesucristo tiquiro buheri gūhūre apequinare yūhū buheri buhiri ohōpū tiquina cohārigū ijiaja. ¹⁰ Ohōpū yūhū ijigū ihcā deco domingo ijigū Espīritu Santo yūhūre quehēnopū ihñono nidi. Tiquiro sa ihñogū yūhū behero pehepū tutuaro yahuducuro ca tari. Corneta tutuaro bisiro saha tutuaro bisiro ca tari tiquiro yahuducuye. ¹¹ Ohō saha nino ca tari yūhū tūhogū:

—Yūhū ijipihtiyere bajumehnedigū ijiaja. Sa yegū ijipihtiyere pihtigū yeacjū ijiaja. Yojopū mūhū ihñatire ojoati pūpū oja ohōña. Mūhū sa oja ohōri bato siete cururi cjēnare Cohācjū yequinare ohoya ti pūre.

Tiquina siete cururi Asia dihtapū ijiye macari cjēna ijire. Efeso cjēnare, Esmirna cjēnare, Pérgamo cjēnare, Tiatira cjēnare, Sardis cjēnare, Filadelfia cjēnare, Laodicea cjēnare mūhū ihñatire oja ohoya, nino ca tari yūhūre.

¹² Tiquiro sa nigū tūhogū majaredūcaū yūhūre yahuducuriquirore ihñagū tūhū. Sa majaredūcagū siete sihāñe pacare tiquina duhu peoye cjūre uru mehna tiquina yeri cjūre ihñā. ¹³ Ti cjū watoa ducuriquirore masūno yero saha bajuriquirore ihñā. Tiquiro yoari suhtiro dahpocāripū esari suhtirore sañariquiro ijiri. Sa yero uru mehna tiquina yeri cahsero mehna tiquiro cutiro bui tūā dihoriquiro ijiri. ¹⁴ Sa ye tiquiro poari buhsa cohoru yero saha yehseri. Sa ye tiquiro caperi peca pohna yero saha asiri. ¹⁵ Sa ye tiquiro dahpocāri bronze wame tiye come asiye come yero saha asi siteri. Broncere peca mehna tiquina quehnoano ūjūa weri bato tire wahtere quehnoano asi paha dutiye. Ti quehnoano wahtenohriro yero saha tiquiro dahpocāri quehnoano asi siteri. Sa yero tiquiro yahuducuye peo tutuaro cuari peo yero saha tutuaro bisiro ca tari. ¹⁶ Tiquiro omoca poto pehe siete űahpicoha pacare cūori. Sa yero tiquiro dūseropū űoseni pjī pūa peheri siori pjīne cuhñuri. Sa yero asū deco cjāno tiquiro tutuaro asi

sitero saha tiquiro wãhdoa tutuaro asi siteri.

¹⁷ Sa yegu tiquirore ihñagu tiquiro dahpocãri cahapu doque quehe sau yariariquiro yero saha. Yũhu sa doque quehe sagũ ihñano tiquiro poto pehe cãã omoca mehna yũhure duhu peo ohõ saha nidi:

—Cueracãhña. Yũhu ijipihtiyere bajumehnedigu ijiaja. Sa yegu ijipihtiyere pihtigũ yeacju ijiaja. ¹⁸ Catigu ijiaja yũhu. Yariarigu ijimi. Yojobure ihñaña. Ijipihtiyere decori sa catiducugu ijiaja yũhu. Pari turi masagu masare pari turi yarieregũ ye masiaja yũhu. Sa yegu masare yariariquina tiquina ijiropu wahaeragũ ye masiaja yũhu. ¹⁹ Sa yegu yojobu wahatire ihñagu, ojoa ohõña. Cameru dũhse wahati gũhure ihñagu ojoa ohõña mũhu. ²⁰ Ahri siete ñahpicoha pacare yũhu poto pehe yũhu cuoye pacare yahutja mũhure. Sa yegu siete sihãñe pacare tiquina duhu peoye cju uru cju gũhure yahutja. Ohõ saha ijiye yahuyere panopu cããna masare ne yahuera tii. Ohõ saha ijire ti: Siete ñahpicoha paca siete cururi cããna yeequina pahtoã ijiye nine, mari queoye mehna buhegũ. Sa ye siete sihãñe pacare tiquina duhu peoye cju siete cururi cããna yeequina ijiye nine, mari queoye mehna buhegũ, nidi yũhure.

2

Efeso cããnare Jesu yeequinare

ojoa oho basa dũca dutiahye Ñure

¹ Sa ni tuhasa ohõ saha ni nemori yũhure ojoa dutiriquiro:

—Efeso cããna yeequina, tiquina pahtoro gũhure ohõ saha ni ojoa oho basaya mũhu: “Yũhu omoca poto pehe siete ñahpicoha pacare cuogu ijiaja. Sa yegu siete sihã docoye cju watoa tinigu ijiaja. Sa tinigu ijigu masare ohõ saha ni yahuaja: ² Ijipihtiyere masa yerire masi pehoaja. Yee ijiatire masa tutuaro dahrarire, yũhure masa wacũ tutua duhuerari gũhure quehnoano masiaja. Ñañene yeriquinare masa ihña yabigũ gũhure masiaja. Sa yena ‘Jesu buhe dutiro tiquiro cũrina iji-aja’, nimediquinare queoro tiquina buheragũ ihñana, ni mehoñequina tiquina ijigũ masidi masa. ³ Yeere masa yeri buhiri masa ñano yũhdũepenata ihcãno sahari masa Efeso cããna. Sa yena yũhure ne duhuerari masa. ⁴ Sa quehnoano yena ijiepenata ihcãnore queoro yerari masa. Ahri ijire ti: Yũhure masa quehnoano cahĩ mũhtariro saha yojobure yerare masa. ⁵ Yũhure masa cahĩ mũhtarire wacũña masa tja. Yojobure yũhure masa cahĩeda cããnare wacũña. Sa yena masa ñañe yerire bujũa witiya. Tire duhuya. Sa duhuna, yeere masa ye mũhtariro sahata yeya tja. Masa ñañe yerire masa duhueragũ sojaro mehna

sihãriare yãhu duhu peodu m̄sa ya d̄are yãhu dapodure ne cohãtja. (Sa nigũ ohõ saha ni yahugũ niaja m̄sare. M̄sa to cjãna yũhure cohãboaga. Sa cohãna to punota pihtinata m̄sa ñañe yeyere duhuerana.) ⁶ Yũhure cahĩeda cjũna ijiepenata ahrire quehnoano yeri m̄sa: Nicolaita wame tiyequinare ñañequinare ihña yabire m̄sa. Yãhu gũhu tiquinare ihña yabiaja. ⁷ Cahmo tina ijire m̄sa. Sa yena m̄sa ye cururi cjẽnare yeequinare Espĩritu Santo tiquiro yahurire tũhoya m̄sa. Ohõ saha nine tiquiro: 'Ijipihtiyequinare Jesure wacũ tutua duhueyequinare Cohãcjũ ya wese paraĩso wame tiro cjãdu dũcare ihya dutiitja. Tũ dũca catigũ yeye ijire', nine Espĩritu Santo", ni yahu ojoa oho basaya Efeso cjẽna yeequinare, tiquina pũhtoro gũhure.

Esmirna cjẽnare Jesu yequinare ojoa oho basa dutiahye Ñure

⁸ 'Esmirna cjẽna yeequinare, tiquina pũhtoro gũhure ohõ saha ni ojoa oho basaya m̄hũ: "Yũhu ijipihtiyere bajumehnedigũ ijiaja. Sa yegũ ijipihtiyere pihtigũ yeacjũ ijiaja. Yariaa wahau. Pari turi catiaja tja. Sa yegũ ohõ saha ni yahuaja m̄sare: ⁹ M̄sa ñano yũhdurire masiaja. Pejecũona m̄sa ijigũ gũhure masiaja. Sa ijiepenata Cohãcjũ yere quehnoañene

pajiro cũore m̄sa. Apequina pehe 'Judio masa ijiaja', nimediquina ni mehonẽquina ijire. Tiquina m̄sare ñano quitu yerire masiaja. Tiquina Satana yequina ijire. ¹⁰ Yojopure m̄sa ñano yũhdũatire cueracãhña. Tũhoya m̄sa. Watĩno m̄sare Cohãcjũre duhu dutiro ihquẽquina m̄sa mehna cjẽnare peresu ye dutirota. Pũa omope decori waro ñano yũhdũnata m̄sa. Tiquina sa ñano yegũ m̄sare tiquina sa wejẽ duepegũta yũhure, yee gũhure cohãedacãhña. M̄sa sa yũhure cohãedagũ ihñagu ijipihtiyere decori Cohãcjũ caharũ m̄sare sa ijiducugũ yeitja. ¹¹ Cahmo tina ijire m̄sa. Sa yena m̄sa ye cururi cjẽnare yeequinare Espĩritu Santo yahurire tũhoya m̄sa. Ohõ saha nine tiquiro: 'Ijipihtiyequina Jesure wacũ tutua duhueyequina pecarũ wahasi. Tiquina yariari bato pecarũ wahasi', nine Espĩritu Santo", ni ojoa oho basaya Esmirna cjẽna yeequinare, tiquina pũhtoro gũhure.

Pérgamo cjẽnare Jesu yequinare ojoa oho basa dutiahye Ñure

¹² 'Pérgamo cjẽna yeequinare, tiquina pũhtoro gũhure ohõ saha ni ojoa oho basaya m̄hũ: "Yũhu ñoseni pjĩ pũa peheri siori pjĩne cũogu ijiaja. M̄sare ohõ saha ni yahutja: ¹³ M̄sa yerire, m̄sa ya maca cjẽna tiquina yeri gũhure masiaja. To cjẽna pũhtoro Satana

ijire. To cjēna Satanare ño peoyequina Antipare yeere quehnoano yahuriquirore wejēdi. Tiquirore tiquina sa wejēgū ihñæpenata yuhure ne wacū tutua duhuerari mūsa. ¹⁴ Mūsa sa wacū tutua duhuerapenata mehenogā yuhure yuhduducari mūsa. Ihquēquina mūsa mehna cjēna Balāa ye buheyere cahmene. Panopu Balac wame tiriquiro puhtorore ohō saha ni buhee tiri Balāa pehe: ‘Israe masare yuhduduca duana “Cohācjū ijire”, mūsa niñe queoyere ño peo mūsa duhu peo ihyayere ihya dutiya tiquinare. Sa yena numia mehna ñano yegū yeya tiquinare’, ni buhee tiri Balāa manano. Panopu tiquiro yeriro saha yojopu gūhure ñano yegū yere ihquēquina mūsa mehna cjēna apequinare. ¹⁵ Sa ye tiquina yero saha apequina mūsa mehna cjēna Nicolaita wame tiyequina ye buheye pehere cahmene. ¹⁶ Sa yena mūsa ñañe yerire duhuya mūsa. Mūsa sa duhueragū ihñagu sojaro mehna mūsa cahapu wahagu, sa ñano yeyequina mehna cahmequeitja yuh duseropu ijiri pji ñoseni pji mehna. ¹⁷ Cahmo tina ijire mūsa. Sa yena mūsa ye cururi cjēnare yeequinare Espiritu Santo tiquiro yahurire tuhoya mūsa. Ohō saha nine tiquiro: ‘Ijipihtiyequinare Jesure wacū tutua duhueyequinare maná wame tiye ihyayere ahmuse cjē ihyayere ohoutja.

Yehseye utā paca gūhure ohoutja tiquinare. Ti utā pacapure wahma wamene yuh ojoa ohōati utā paca ijirota. Apequina ti wamene ne masisi. Ti utā pacare neñequina dihita ti wamene masieta’, nine Espiritu Santo”, ni ojoa oho basaya Pérgamo cjēna yeequinare, tiquina puhtoro gūhure.

Tiatira cjēnare Jesu yeequinare ojoa oho basa dutiahye Ñure

¹⁸ Tiatira cjēna yeequinare, tiquina puhtoro gūhure ohō saha ni ojoa oho basaya mūhu: “Yuh Cohācjū macu yuh caperi peca pohna yero saha asire. Sa ye yuh dahpocāri bronce wame tiye come tiquina wahteri come yero saha asi sitere. Mūsare ohō saha ni yahujaja.

¹⁹ Mūsa yerire masiaja yuh. Cohācjüre, apequina gūhure mūsa cahīdire, yuhure mūsa cohāedarire, apequinare mūsa yedohorire, ñano yuhdūepenata yuhure mūsa duhuerarire masiaja. Coā waropu mūsa yeriro yuhdūoro yojopu pehere quehnoano ye nemona nine mūsa. Ti gūhure masiaja yuh.

²⁰ Mūsa sa quehnoano yena ijiepenata ohō saha yuhure yuhduducari mūsa: Jezabe wame tiricoro ‘Cohācjū yere yahugo ijiaja’, ni mehoricoro mūsare ticoro ñano buhegū tuhona ticorore tuhtierari mūsa. Ni meho buhero yeequinare yuh cahacjēnare

numia mehna ñano yegũ yere. Sa yero 'Cohãcjũ ijire', tiquina niñe queoyere apequina ño peo, tiquina duhu peoe tiri ihyayere. Ti ihyayere yeequinare ihya dutire ticoro. ²¹ Ticoro ñañene bujma witiatire cohtenimi. Yuhũ sa cohtepegũta amua mehna ticoro ñano yeyere duhu duerari. ²² Yuhũre tuhoya mũa. Ticorore dohatigũ yeitja. Ticoro mehna ñano yeriquina gũhare dohatigũ yeitja. Sa ye tiquina tutuaro ñano yuhdũeta. Sata yeitja tiquinare ticoro mehna tiquina ñano yerire tiquina bujma witiagũ, tire tiquina duhueragũ. ²³ Sa yegũ ticoro pohnene wejẽitja. Yuhũ sa yegũ ihñañe ijipihtiyequina yeequina yuhũ quehnoano masigũ ijigũ masieta. Masa tuhoyere tiquina tutuaro cahmeñe gũhare masiaja. Yuhũ sa masiñene masieta tiquina ticorore yuhũ buhiri dahregũ ihñañe. Ijipihina mũa ñañene yeri buhirire buhiri dahreitja mũare. Sa yegũ mũa quehnoañene yeri wapa pehere quehnoano yeitja mũare. ²⁴ Apequina mũa mehna cjẽna Tiatira cjẽna ticoro ye buheyere cahmedari. Mũa pehe Satana ye buheyere 'Panopũ tiquiuro yahuerari jiri', tiquina niñe buheyere cahmedari mũa. Sa yegũ mũa pehere duti nemosi yuhũ. ²⁵ Ahri dihitaro ye duti nemoutja mũare: Mũa cahapũ yuhũ tojoa tato pano yuhũ buheyere mũa ma-

sidire ne mehenogã duhueracãhña. ²⁶⁻²⁷ Ijipihtiyequina ñañene duhuyequinare, yeere sa yeducuyequinare puhto sa sũtja. Yuhũ Pacũ yuhũre tiquiuro puhtoro sũriro sahata mũa gũhare puhto sa sũtja. Ijipihtiye yehpari cjẽna bui puhto sa sũtja mũare. Sa puhto sa jãna, mũa docapũ ijieyequinare ijipihtiye yehpari cjẽnare tutuaro dutinata mũa. Dihi suturire mari yucũgũ mehna pohagũ duita wahtiro saha tiquina duita pihtia wahaeta. ²⁸ Sa yegũ mũare yeere ne duhuyequinare ñahpicoha bohrea mũa tariare ohoutja mũare. Sa yegũ mũa mehna ijitja yuhũ.

²⁹ Cahmo tina ijire mũa. Sa yena mũa ye cururi cjẽnare yeequinare Espiritu Santo tiquiuro yahurire tuhoya mũa", ni ojoa oho basaya Tiatira cjẽna yeequinare, tiquina puhtoro gũhare.

3

Sardis cjẽnare Jesu yeequinare ojoa oho basa dutiahye Ñure

¹ 'Sardis cjẽna yeequinare, tiquina puhtoro gũhare ohõ saha ni ojoa oho basaya mũa: "Yuhũ siete pagũ bajueyequinare Cohãcjũ yeequinare cũogũ ijiaja. Sa yegũ siete ñahpicoha pacare cũogũ ijiaja. Mũare ohõ saha ni yahuaja:

Mũa yerire masiaja. Ohõ saha ni tuhutumene apequina mũare: 'Tiquina Cohãcjũ yere quehnoano

ye pehoyequina ijire', ni t̄hotumene m̄sare apequina. Tiquina sa ni t̄hotuepeḡta Coh̄c̄j̄ yere quehnoano yerare m̄sa. ² Sa yena quehnoano yeya m̄sa 'Ñañene yeari', nina. Coh̄c̄j̄ yere m̄sa masidire quehnoano wac̄ña, 'Tiquiro yere duhuari', nina. Coh̄c̄j̄ ih̄naḡ quehnoano ye pehoerare m̄sa. ³ Sa yena yeere m̄sa t̄ho m̄htarire quehnoano wac̄ña m̄sa. Sa wac̄ña yeere yeya. M̄sa ñañe yerire duhuya. Ȳh̄h̄ nino saha m̄sa yeraḡ wac̄ño mehna m̄sare buhiri dahreitja. Yaqueriquiro wac̄ño mehna tiquiro yaquero saj̄airo saha m̄sare wac̄ño mehna buhiri dahreitja. ⁴ Ih̄quēquina m̄sa mehna c̄j̄na Sardis c̄j̄na ñañene yeducerare. Wete marieni suhtirore m̄sa sañaboriro saha ti ñañe yeyere piha duerare m̄sa. Sa quehnoana ijina, yehseri suhtiro sañana ȳh̄h̄ mehna ijinata m̄sa pehe. ⁵ Ijipihtiyequina yeere duhueyequina sata yehseye suhti sañaducuyequina ijietā. Sa yeye ȳh̄h̄ mehna sa ijiducuatiquina wamene tiquiro ojoa oh̄ori t̄jup̄ tiquina ḡh̄h̄ tiquina wamene ojoa oh̄onohriquina ijietā. Tiquina wamene tiquiro ojoa oh̄irire cosesi ȳh̄h̄. Ȳh̄h̄ Pac̄ ih̄ñonop̄, angele ḡh̄h̄ tiquina ih̄ñonop̄ yeequina m̄sa ijirire yahutja tiquinare.

⁶ Cahmo tina ijire m̄sa. Sa

yena m̄sa ye cururi c̄j̄nare yeequinare Esp̄ritu Santo tiquiro yahurire t̄hoya m̄sa", ni ojoa oho basaya Sardis c̄j̄na yeequinare, tiquina p̄htoro ḡh̄h̄re.

Filadelfia c̄j̄nare Jesu yeequinare ojoa oho basa dutiahye Ñure

⁷ 'Filadelfia c̄j̄na yeequinare, tiquina p̄htoro ḡh̄h̄re oh̄o saha ni ojoa oho basaya m̄h̄h̄: "Ȳh̄h̄ ñañe marieḡm̄ ijiaja. Poto yeḡm̄ ijiaja. Davi m̄n̄ano panop̄m̄ c̄j̄no sawire tiquiro c̄n̄oboriro saha, masare tiquiro p̄htoro ijirop̄m̄ tiquiro p̄oboriro saha yeitja ȳh̄h̄. Sa yeḡm̄ Coh̄c̄j̄ tiquiro p̄htoro ijirop̄m̄ saj̄atore ȳh̄h̄ p̄oḡ ne apequina tire biha masiedare. Ȳh̄h̄ bihaḡ ne apequina p̄o masiedare.

⁸ Ijipihtiyē m̄sa yeyere masiaja ȳh̄h̄. Wac̄ tutuera c̄j̄na ijiepenata ȳh̄h̄ buheyere quehnoano t̄hori m̄sa. Sa yena ȳh̄h̄re, yee ḡh̄h̄re duhuerari m̄sa. Sa yeḡm̄ yeere c̄u m̄sare. Sa ye apequina 'Tire yerac̄h̄ña', ni cahmota masiedare m̄sare. ⁹ Sa yeḡm̄ oh̄o saha yeitja: Apequina m̄sa caha ijieyequina Satana yequina ijire. 'Judio masa ijiaja', niepeta judio masa waro ijierare. Tiquinare m̄sa caha d̄sepe curi mehna quehe sa, m̄sare ño peoḡ yeitja tiquinare. Ȳh̄h̄ sa yeḡm̄ ih̄ñañe m̄sare ȳh̄h̄ cahñene masieta tiquina. ¹⁰ M̄sare yeere ȳh̄h̄ duhu

dutieragū tūhona quehnoano yūhtiri mūsa. Mūsa sa yegū ihñagū ahri yehpa cjēna ijipihtiyequina tiquina ñano yūhdūati pje ijigū mūsare cahmotaŋtja. Ti pje ijipihtiyequina tiquina ñano yūhdūati pje ijirota. ¹¹ Mehenogā dūhsare ahri yehpapū yūhū tojoa tato. Yeere mūsa masidire boeracāhña. Sa yena yūhūre sa yūhtiducuya, mūsa quehnoano yeri wapare 'Boari', nina. ¹² Sa yegū yeere sa yeducuyequinare yūhū Pacū ya wūhū cjēna ijiatiquinare cūtja tiquinare. Tiquiro ya wūhū cjē botari ti yoari pje ijiducuro saha Cohācjū mehna ijiducugū yeitja tiquinare. Sa ye tiquina mehna cjēna sa ijiducuetā. Sa yegū Cohācjū wūhū cjē botaripū yūhū ojoa ohōno saha tiquinare tiquina paguripū ohō saha ni ojoa ohōutja: Cohācjū yūhū Pacū wamene, tiquiro ya maca wame gūhūre ojoa ohōutja. Tiquiro ya maca wahma maca Jerusalē ijirota. Ti maca ūhmūsepū Cohācjū cahapū ahtari maca ijirota. Yūhū wahma wame cūoutja. Ti wame gūhūre ojoa ohōutja tiquina paguripū.

¹³ Cahmo tina ijire mūsa. Sa yena mūsa ye cururi cjēnare yeequinare Espiritu Santo yahurire tūhoya mūsa", ni ojoa oho basaya Filadelfia cjēna yeequinare, tiquina pūhtoro gūhūre.

Laodicea cjēnare Jesu yequinare ojoa oho basa

dutiahye Ñure

¹⁴ 'Laodicea cjēna yeequinare, tiquina pūhtoro gūhūre ohō saha ni ojoa oho basaya mūhū: "Yūhū poto yegū ijiaja. Sa yegū ni mehono marieno yūhū ihñarire, yūhū tūhorire sa yahuducugū ijiaja. Ijipihtiyere mari Pacū tiquiro yerire ye basagū ijiaja yūhū.

¹⁵ Ijipihtiyē mūsa yerire masiaja yūhū. Yūhūre wacū tutuana ijiepenata mehenogā wacū tutuana ijire mūsa. Ohō saha ijire ti: Aco yūshūeye aco asū mehna asi busuye aco yero saha ijire mūsa. Sata ijiye acore mari coaero saha yūhūre wacū tutuera cjūna mūsa ijigū yūhū gūhū mūsare coaeraja. Yūhūre mūsa quehnoano wacū tutuagū quehnoaboaga yūhūre. Yūhūre mūsa wacū tutueragū ñarīboaga yūhūre. Ti yūhdūoro mehenogā wacū tuana mūsa ijigū ña yūhdūare. ¹⁶ Mūsa sa ijigū ihñagū yabi yūhdūaja yūhū. Ñañe acore yūhū sihco puti cohāno saha yūhūre mehenogā wacū tutuayequinare yabi yūhdūaja yūhū. ¹⁷ Sa yena ohō saha ni tūhotumene mūsa: 'Ijipihtiyere cūoaja. Ne yabe dūhsaerare marine', ni tūhotumene mūsa. Sa niepenata pejecūoyequina yero saha ijire mūsa. Sa yena suhti mariēñequina bue tiro saha Cohācjū ihñonopū mūsa ñañe yerire bue tiana ijire mūsa. Sa yena caperi bajueyequina tiquina ihña duayere tiquina

masieno saha Cohãcjũ yere ne masiedare m̄sa. ¹⁸ M̄sa sa yena ijigũ ihñagu ohõ saha ni yahutja m̄sare: Uru warore m̄sa dúro saha quehnoañene yũhũ c̄oyere neña m̄sa. M̄sare yũhũre wacũ tutuagũ yeitja. Sa yena potota Cohãcjũ ye mehna pajiro c̄onata. Sa yena yehseri suhtirore m̄sa dú m̄sa sañano saha yũhũ dii cohãri mehna yũhũ yariari mehna m̄sa ñañe yerire cosenohrina ijiya. Sa yena quehnoañe suhti sañañequina tiquina b̄e tiero saha m̄sa ñañene cosenohrina ijina ne b̄e tisi m̄sa gũhũ. Sa yena m̄sa caperire m̄sa aco tiri bato quehnoano m̄sare caperi bajuro saha Cohãcjũ yere quehnoano t̄hoya, m̄sa masino quehnoano.

¹⁹ Ijipihtiyequina yũhũ cahĩñequinare yahuaja. Sa yegũ yũhũ cahĩñequina tiquina ijigũ ihñagu, tiquina yũhtieragũ tiquinare buhiri dahreja, tiquinare yedohogũ tũhũ. Sa yena yee pehere tutuaro cahmeña. Sa yena ñañene duhuya. ²⁰ T̄hoya yũhũre. M̄sa wũhũre bihari wũhũre yũhũ esadũca yũhũ sajã duaboriro saha m̄sa mehna cjũ iji duagũ niaja. Yũhũ sa ye duagũ t̄hona yũhũre m̄sa mehna iji dutiya. Yeequina ijiya. M̄sa sa ye dutigũ m̄sa mehna ijiitja. Sa yegũ mari siho ihyaro saha m̄sa mehna quehnoano ijiitja. Sa yena yũhũ mehna cjãna ijinata m̄sa. ²¹ Ñañene

yũhũ cohãri bato yũhũ Pacu p̄htoro tiquiro dujiro cahapũ dujiaja yũhũ gũhũ dutigũ tũhũ. Sata m̄sa gũhũ ñañene m̄sa duhuri bato yũhũ p̄htoro dujiro cahapũ dujinata m̄sa dutina tana. M̄sare yũhũ cahapũ dujigũ yeitja.

²² Cahmo tina ijire m̄sa. Sa yena m̄sa ye cururi cjẽnare yeequinare Espiritu Santo tiquiro yahurire t̄hoya m̄sa”, ni ojoa oho basaya Laodicea cjẽna yeequinare, tiquina p̄htoro gũhũre, nidi yũhũre ojoa dutiriquiro.

4

Ɔhm̄sepũ Cohãcjũ cahapũ dũsepe curi mehna quehe sa tiquina ño peoyere ihñahye Ñũ

¹ Yũhũre tiquiro sa ni yahuri bato Ɔhm̄sepũ p̄õri sopecahare ihñañ. Pari turi corneta tutuaro bisiro saha tutuaro yahuducuye bisiro ca tari, yũhũ t̄hogũ. Ohõ saha nidi yũhũ t̄hogũ.

—Ohõpũ m̄ja taya. Ahri yũhũ yahuati camepũre sijo ro saha waharota. Sa wahatire m̄hũre ihñoutja. Yũhũ nidi ro sahata waharota, nino ca tari Ɔhm̄sepũ.

² Tiquiro sa ni yahugãta topũ m̄ja esagũ Espiritu Santo tutuaye mehna ihñagu nii. Sa yegũ p̄htoro dujirore Ɔhm̄sepũ ihñañ. Topũ ihcãquiro dujiri. ³ Sa yero quehnoano asi siteriquiro dujiri. Jaspe wame tiri utã yero saha, cornalina wame tiri utã yero saha quehnoano asi siteriquiro dujiri tiquiro.

Sa yero buheni da esmeralda yero saha asi siteri da docapɤ d ujiri tiq uiro. ⁴ Sa yero tiq uiro dujiro cahapɤ veinticuatro dujiyere ihñan. Ti dujiye pɤh toa ye dujiye yuhɤ ihña mɤhtariquir ore duji behtoari. Ti dujiyepɤ veinticuatro Jesu yequina pɤh toa dujiri. Yehseye suhti sañañequina ijiri. Sa ye pɤh toa pesaye behtori uru behtorire pesariquina ijiri tiquina. ⁵ Yuhɤ ihña mɤhtariquir ore dujiropɤ miadoqueori. Sa yero sijoro saha ijiro bisiro ca tari. Upo gũhɤ bisiro ca tari. Ti dujiro poto siete sihãñe paca ijiri. Siete sihãñe paca mehna tiq uiro queoye mehna buhegũ Cohãcjũ yequina siete pagɤ bajueyequina ijiri. ⁶ Sa yero tiq uiro dujiro poto pajiri ma yero saha vidrio yero saha, quehnoano aco sitiri ma yero saha ijiri.

Ti dujiro cahapɤ pititiaro sijoro saha bajueyequina ijiri. Tiquina paguri paa pehe gũhɤre tiquina behero pehe pehe gũhɤre peye caperi tiyequina ijiri tiquina. ⁷ Yuhɤ ihña mɤhtariquir ore sijoro saha bajuriquir ore yairo sohãriquir ore yero saha bajuri. Tiquiro bato ijiriquir ore wecɤ yero saha bajuri. Tiquina bato ijiriquir ore masano wɤh doa saha wɤh doa tiriquiro ijiri. Tiquina ihtiaro bato ijiriquir ore cacɤ wɤye dɤpɤr ire seõ dujiriquir ore yero saha bajuri. ⁸ Tiquiro seis dɤpɤri wɤye dɤpɤri tiriquiro ijiri. Tiquiro mehna cjẽna

gũhɤ sa dihita wɤye dɤpɤri tiri. Sa ye tiquina wɤye dɤpɤri pɤa peheripɤta peye caperi tiye dɤpɤri ijiri. Sa ye decoripe, ñaminipe sa basaducuye nidi. Ne basa duhuerari. Ohõ saha ni basari:

Quehnoariquir ore, quehnoariquir ore, quehnoariquir ore, Cohãcjũ mari pɤh toro tutua yɤhdariquir ore ijire. Tiquiro panopɤta sa ijiducuahye. Yojopɤ gũhɤre sa ijiducure. Camepɤ ahtarota, ni basaducuye nidi.

⁹ Sa basaye tiquina pititiaro sijoro saha bajueyequina tiq uiro tutuayere basa peoye nidi. Sa ye tiq uirore ijipihtiye decori ijiducuriquir ore ño peoye “Quehnoare”, niñe nidi. ¹⁰ Tiquina sa ye peogũ ihñañe veinticuatro Jesu yequina pɤh toa pehe pɤh toro dujiropɤ dujiriquir ore poto dɤsepe curi mehna quehe sa, tiq uirore ño peori. Tiquiro ijipihtiye decori ijiducuriquir ore ijire. Sa ño peoye tiquina pɤh toa pesaye behtorire tiq uiro dujiro caha doque peori. Sa doque peoye ohõ saha nidi tiquina:

¹¹ Mɤhɤ Cohãcjũ usã pɤh to waro ijire. Tutuagɤ, quehnoagɤ ijire mɤhɤ. Mɤhɤ usã ño peogɤta ijigɤ nine. Mɤhɤre sa ño peoducuro cahmene usãre. Ijipihtiyere bajumehnedigɤ ijire mɤhɤ. Mɤhɤ cahmediro sahata

ti ijipihtiyere ba-
jumehneahye m̄h̄h̄,
nidi tiquina Cohācjāre,
top̄h̄ dujiriquire.

5

*Ojoari pūre torēdi tunure
cordero gāh̄h̄re yahuahye Nū*

1 Came top̄h̄ dujiriquire
tiquiro omoca potō pehe
tiquiro c̄h̄ori pūre ojoari pūre
ih̄ñ̄h̄. Ti pū p̄h̄a peheri
ojoari pū tiquiro torēdi tunu
ijiri. Sa yero siete piha
ñehēñe mehna tiquiro piha
ñehedi tunu ijiri. 2 Sa yeḡh̄
tutuariquire angelre ih̄ñ̄h̄.
Tiquiro tutuaro yahuducuye
mehna ohō saha ni yahuri:

—Ahri tunure piha
ñehēñene quehnoariquire
dihita t̄h̄rē masine. ¿Diquiro
pehe ijiajari t̄h̄rēatiquiro?
nidi tiquiro angel.

3 Sa nieperota tiquina
ti tunure t̄h̄rēatiquirore
bocaerari. Ti tunure
t̄h̄rēatiquirore, quehnoariquire

bocaerari. H̄m̄h̄sep̄h̄, ahri
yehp̄ap̄h̄, catiyequina wa-
toap̄h̄, yaria tuhasariquina
watoap̄h̄ ne ti tunure
ñehēñene t̄h̄rēatiquiro
mariedari. Sa yero ti tunure
buheatiquiro mariedari.

4 Sa yeḡh̄ t̄h̄rēatiquirore, ti
pūre buheatiquirore tiquina
bocaeragū ih̄ñ̄aḡh̄ tutuaro
utii ȳh̄h̄. 5 Ȳh̄h̄ sa utigū
ih̄ñ̄ano ihcāquiro Jesu yequina
p̄h̄toa mehna cjāno ohō
saha nidi yah̄h̄re:

—Utieracāh̄ñ̄a. Ti tunure
ñehēñene ihcāquiro t̄h̄rē
masine. Tiquiro Judá ya
curua cjāno tutuariquire

ijire. Tutuariquire ijiro
“Yairo sohāriquire”, tiquina
ni pisuriquire ijire. Tiquiro
p̄h̄toro Davi panamino iji
turiariquire ijire. Wat̄n̄ore
ȳh̄d̄h̄d̄h̄cariquire ijire
tiquiro. Sa yero tiquiro ti
tunure siete ñehēñene t̄h̄rē
masidiquiro ijire, nidi tiquiro
yah̄h̄re.

6 Tiquiro sa nigū t̄h̄oḡh̄
p̄h̄toro dujiro potō cordero
ducugū ih̄ñ̄h̄. Pititiaro
sijoro saha bajuequina, Jesu
yequina p̄h̄toa gāh̄h̄ tiquina
watoa ducuri cordero.
Tiquiro tiquina wejēdiquiro
manano saha bajuri. Siete
sahari tiriquire, siete caperi
tiriquire ijiri. Ti siete ca-
peri mehna tiquiro queoye
mehna buhegū Cohācjū
yequina paḡh̄ bajueyequina
siete bajueyequina yero saha
ijire. Tiquina tiquiro yequina
paḡh̄ bajueyequina ijipi-
htiro ahri yehp̄ap̄h̄ Cohācjū
c̄h̄oriquina ijiri. 7 Sa yero
cordero pehe p̄h̄toro dujiro
cahap̄h̄ esaro, tiquiro potō
pehe c̄h̄ori tunure t̄h̄ñ̄ we nedi
tiquirore. 8 Tiquiro sa t̄h̄ñ̄
we negū ih̄ñ̄añe cuatro sijoro
bajuequina, veinticuatro
p̄h̄toa gāh̄h̄ cordero potō
d̄usepe curi mehna quehe sa,
tiquirore ño peori. Tiquina
p̄h̄toa ijipihtiyequina arpa
wame tiye b̄h̄a p̄t̄ñ̄ene, uru
pari gāh̄h̄re c̄h̄ori. Ti pari bu-
eye ehme sitiye quehnoano
wahpaye pose tiye pari ijiri.
Ti ehme sitiye mehna tiquiro
queoye mehna buhegū
Cohācjū yequina tiquirore
tiquina sini basari yero saha

ijiri. ⁹⁻¹⁰ Sa tiquireore ño peoye ohõ saha ni wahma basayere tiquina basa peori tiquireore:

Muhu tiquina wejēdigu ijire. Sa yegu muhu dii cohāri mehna usā ñaṅe yerire coseri muhu Cohācjū yequina usāre iji dutigu. Sa yegu usāre ijipihtiyē cururi cjānare, ijipihtiyē yahuducuyere yahuducunare, ijipihtiyē yehpari cjānare usāpe usāre ijipihtinare muhare cahmena dihitare usā ñaṅe yerire muhu dii cohāri mehna cosere muhu Cohācjū yequina usāre iji dutigu. Usāre ijipihtinare Cohācjū yequina ijiatinate cūri muhu. Sa yegu pahia cūri muhu usāre Cohācjū cahacjāna usāre iji dutigu. Sa yegu peye yehpari cjēna bui pātoā sōri muhu usāre. Sa yerigu ijigu muhu ti tunure piha ñeheñene tūhrēacjū ijire muhu, ni basa peori tiquina corderore.

¹¹ Pari turi ihñagu mil-lones angele parire ihñau. Pātoro dujirore pititiaro sijoro saha bajuyequinare, veinticuatro pātoare angele pehe tiquinare wahme dāca sari. Tiquina angele pari tutuaro tiquina sañuducu peogū ihñau. ¹² Ohõ saha ni tutuaro yahuducu peori tiquina:

Cordero tiquina wejēdigu

muhu ijipihtiyē-quinare dutigu, ijipihtiyere cūogu, masi pehogu, tutua yūhdugu ijire muhu. Masa tiquina ñaṅe buhiri tiquina wejēdigu muhu ijigū ihñana sa ni ño peoaja muhare. “Quehnoa yūhdugu ijire”, ninatja muhare. Muhare quehnoano yahuducunatja, ni yahuducu peori angele pari.

¹³ Sa yegu apequina gūhare tiquina yahuducu peoye ca tagū tūhou. Ijipihtiyequina ahmuse cjēna, ahri yehpa cjēna, catiyequina, yariariquina gūhu, pajiri ma cjēna, ijipihropu ijiyequina ohõ saha ni yahuducu peoye ca tari:

Cohācjūre muhu dujiropu dujigūre, Cordero gūhare māsare pūanare quehnoano yahuducunatja. Māsare ño peonatja. “Quehnoa yūhdūna ijire. Tutua yūhdūna ijire”, nina, ijipihtiyē decori sa niducunatja māsare, ni yahuducu peoye ca tari.

¹⁴ Sa ye tiquina pititiaro sijoro saha bajuyequina tiquina sa yahuducu peogū tūhoye “Sata ni yahuducu peoahro”, nidi. Sa ye Jesu yequina pātoā pehe dūsepe curi mehna quehe sa Cohācjūre, Cordero gūhare ño peori.

6

Papera tunure tiquiro nedi tunure piha ñeheñene tahrēne Cordero

¹ Came papera tunure tiquiro nedi tunure Cordero piha ñehe mahtaritore tahrēdi. Tiquiro sa tahrēgū ihñau. Tiquiro sa tahrēdi bato ihcãqiro sijoro saha bajuyequina mehna cjño, “Ihñana ahtaya”, nidi. Sa nino apo yero saha bisiri tiquiro.

² Tiquiro sa nidi bato ihñau yuh. Yehseriquiro caballore ihñau. Tiquiro bui pesariquiro buedare cõori. Tiquirore puhtoro pesari behtore ohori apequiro pehe. Tiquiro sa ohori bato tiquiro pehe tiquirore ihña tuhtiyequinare yuhdudcaro wahari.

³ Came ihcãno ñehenore tahrē tuhasa Cordero apero ñehenore tahrēdi tja. Tiquiro sa tahrēdi bato apequiro sijoro saha bajuyequina mehna cjño “Ihñana ahtaya”, tiquiro nigū tãhou tja.

⁴ Sa yeguh apequiro caballore sohãriquirore ihñau tja. Tiquiro bui pesariquirore tutuayere ohori apequiro pehe. Ahri yehpa cjēnare cahme wejē dutiatiquirore cūri tiquirore. Sa ye ijipihtiro cjēna cahme wejēeta ahri yehpau. Sa yero pajiri pjī ñoseni pjīne ohori tiquirore.

⁵ Came puarore tahrē tuhasa Cordero apero ñehenore tahrēdi tja. Tiquiro sa yegū puaro tiquina yahuducuri bato apequiro sijoro saha bajuyequina

mehna cjño “Ihñana ahtaya”, tiquiro nigū tãhou.

Tiquiro sa nidi bato ñiniquiro caballore ihñau. Tiquiro bui pesariquiro balanza nucñe queorore cõori. ⁶ Tiquirore yuh ihñari bato sijoro saha bajuyequina watoapu ohõ saha bisiro ca tari:

—Ihcã deco dahrari wapa mehna trigore ihcã kilota dúeta masa. Ihcã deco dahrari wapa mehna cebada wame tiye pjerire ihtia kilota dúeta masa. Trigo, cebada gūhu pihtia waharota. Sa ye ti wapa bujaninota. Sa ijiepegãta ihyaye dahreye uhse, vino gūhu peye ijininota, nino ca tari.

⁷ Came ihtiarore tahrē tuhasa Cordero apero ñehenore tahrēdi tja. Tiquiro sa tahrēdi bato apequiro sijoro saha bajuyequina mehna cjño iji bato tiquiro “Ihñana ahtaya”, nidi tja.

⁸ Tiquiro sa nigū tãhogu opoariquiro caballore ihñau. Tiquiro bui pesariquiro “Yariagū yeriquiro”, wame tiri. Sa yero tiquiro bato ahtariquiro “Pecã”, wame tiri. Sa yero tiquinare tutuayere ohori apequiro pehe. Ahri yehpapure deco mehna ijiequina docapu peyequina masare wejē dutiri. Cahme wejēne mehna, uhna ahbaya mehna, dohatiye mehna, wahiquina nucari cjēna usuayequina mehna peyequina masare tiquina wejēatire cūri tiquinare.

⁹ Came pititiaro ñehedire tahrē tuhasa Cordero apero ñehenore tahrēdi tja. Tiquiro sa tahrēgū altar docapū Jesu yequinare tiquina wejēdiquina jeripohnarine ihñau. Cohācjū yere tiquina yahuri buhiri, “Jesu yequina ijiaja”, tiquina ni yahuri buhiri tiquinare wejēdi jiri.

¹⁰ Tiquina sañuducuye ohō saha nidi Cohācjüre:

—Muhū usā pūhto, ñañe mariegū, ni mehoñe mariegū, muhū nidiro sahata yegū ijire muhū. ¿Ahri yehpa cjēnare, usāre wejēdiquinare dūhse ijigū buhiri dahreitjari muhū? ni sañuducuri tiquina.

¹¹ Sa yero tiquinare yehseye suhti yoaye suhtire ohori. Tiquinare sa ohoro ohō saha nidi tiquinare:

—Sorīña. Apequina mūsa acaye Jesu yequina mūsa yeriro sahata yojopū gūhure quehnoañe buheyere buheniñe nine. Mūsare tiquina wejēdiro sahata tiquina gūhure tiquina wejē pehoato dūhsarīne. Sa yena tiquinare ijipihtiyequinare tiquina wejēato pano mehenogā sorīña mūsa, nidi tiquinare.

¹² Came ihcā omope ñehedire tahrē tuhasa Cordero apero ñehenore tahrēdi tja. Tore tiquiro sa tahrēgūta tutuaro yehpa ñuhmidi. Sa yero asū deco cjūno ñiniquiro wahari. Ñini suhtiro yero saha ñiniquiro wahari. Sa yero asū ñami cjūno dii yero saha sohāriquirō wahari. ¹³ Sa ye

ñahpicoha paca yehpapū bora dijiaa wahari. Yucū dūca yahsayere wihnono wē bure dijioro saha ñahpicoha paca bora dijiaa wahari. ¹⁴ Sa yero uhmūse butia wahari. Papera tunure mari torēgū bajüero saha bajüerari uhmūse. Sa ye ijipihtiye cūnū cjū gūhū, nūcūpo gūhū ape siepū esadūcari. ¹⁵ Sa wahagū ihñañe, ahri yehpa cjēna pūhtoa cūnū cjū cjē utā wūhūsepū duhtiri. Apequina pūhtoa, surara pūhtoa, doeri cjē opana, tutuayequina, ijipihtiyequina tiquina cahacjēna, cahacjēna ijieyequina gūhū topūta duhtimedi.

¹⁶ Sa duhtiye, cūnū cjüre, utā wūhūse gūhūre ohō saha nidi: —Usā bui bora pjeja. Usāre nūoña. Siquirō pūhtorore, dujiropū dujiriquirōre cue yūhdūaja. Cordero usāre ñano buhiri dahrerota. Sa yena nūoña usāre. ¹⁷ Ijipihtiyequinare tutuaro buhiri dahreati deco iji tuhasare. Sa ye ti buhiri dahreatire ne ihcāquirō duhtiriquirō ihcāno sahasi, nidi tiquina ijipihtiyequina.

7

Israe masa pagurire Cohācjū tiquiro wame ña ohōatire yahuahye Ñu

¹ Came pititiaro angelere ihñau. Tiquina ijipihtiropū wahari. Ihcāquirō nortepū waharo topū ahtari wihnonore ahtaeragū yeri. Apequirō surpū, apequirō asū mūja taropū, apequirō asū sajānopū wahaye, nortepū

wahariquiro yero saha yeri tiquina gāhū. Sa yero ahri yehparū, pajiri mapū gāhūre ne wihnono ahtaerari. Ne ihcādū yucūgure wihnono űuhmigū yerari. ² Sa yegu apequro angelre ihñau tja. Asū mūja taropū ahtaro nidi tiquiro. Cohācjū catiriquiro tiquiro wame űa ohōnore ne cāhtaro nidi tiquiro. Sa ne cāhtaro apequna pititiaro angelere tiquiro sañuducuri. Tiquina angele pehe ahri yehpare, pajiri ma gāhūre Cohācjū tiquiro űano wahagū ye dutinohriquinapū ijiri. ³ Tiquinare sañuducuro ohō saha nidi angel:

—Cohteniña. Cohācjū cahacjēna tiquina wāhdoā pacare tiquiro wamene ohōna tana niaja. Ūsā sa ohōato pano ahri yehpare, pajiri mare, yucūri gāhūre űano wahagū yeracāhña mūsa, nidi tiquiro apequna pititiaro angelere.

⁴ Sa yero Cohācjū tiquiro wame mehna tiquina wāhdoā pacare tiquina ohōatiquinare “Ohōpequina ijire”, ni yahuri yahūre ihcāquiro. Israe masa doce cururi cjēna ciento cuarenta y cuatro mil masa tiquina ohōatiquina ijiñohiti.

⁵ Ahriquina ijiñohiti tiquina ohōatiquina: Doce mil masa Judā panamena iji turiayequina tiquina ohōatiquina ijiri. Apequna doce mil masa Rubē panamena iji turiayequina tiquina ohōatiquina ijiri. Apequna doce mil masa Gad panamena iji turi-

ayequina tiquina ohōatiquina ijiri. ⁶ Apequna doce mil masa Aser panamena iji turiayequina, apequna doce mil masa Neftalí panamena iji turiayequina, apequna doce mil masa Manase panamena iji turiayequina tiquina ohōatiquina ijiri. ⁷ Apequna doce mil masa Simeo panamena iji turiayequina, apequna doce mil masa Leví panamena iji turiayequina, apequna doce mil masa Isacār panamena iji turiayequina tiquina ohōatiquina ijiri. ⁸ Apequna doce mil masa Zabulón panamena iji turiayequina, apequna doce mil masa José panamena iji turiayequina, apequna doce mil masa Benjami panamena iji turiayequina tiquina ohōatiquina ijiri. Topequinata ijipihtiyequina masa ciento cuarenta y cuatro mil tiquiro wame mehna tiquiro ohōatiquina ijiri.

Peyequina yehseye suhti sañañequinare yahuahye űu marine

⁹ Came peyequina masare ihñau. Ijipihtiye yehpari cjēnare, ijipihtiye cururi cjēnare, ijipihtiye yahuducuyere yahuducuyequinare, ijipihtiye macari cjēnare peyequinare Cristore cahmeñequina dihitare topū ducuyequinare ihñau. Pūhtoro dujiro poto, Cordero caha ducuri tiquina masa. Peyequina masa ijiri. Sa ye queo pehoyequina ijierari.

Yehseye suhti sañañequina ijiri tiquina. Sa ye iqui pohnarine c̄ori. ¹⁰ Sa ye tiquina ijipihtiyequina ohō saha ni tutuaro sañuducuri:

Cohācjū ijire usāre yuhd̄uoriquiro. — Ahriquina ña yuhd̄uaro Tiquiro dujirop̄u yuhd̄ari deco ijigū ihcāno dujiriquire ijire. Sahayequina ijire. Tiquina Cordero gūh̄u usāre cosenohriquina tiquina yuhd̄uoriquiro ijire, ni dii cohāno mehna tiquina sañuducuri tiquina. ñañene cosenohriquina ijire.

¹¹ Sa ye ijipihtiyequina angele, Jesu yequina p̄h̄toa gūh̄u, sijoro saha bajuyequina mehna p̄h̄toro dujiro cahap̄u ducuri. Sa ducuye tiquiro dujiro potodusepe curi mehna quehe sa, Cohācjūre ño peori. ¹² Ohō saha ni ño peori tiquina:

Sa tjire. Cohācjū usā p̄h̄to, mah̄ure quehnoano yahuducuaaja. Quehnoa yuhd̄uagū ijire mah̄u. Masi pehogū ijire mah̄u. Mah̄ure “Quehnoare”, niaja. Mah̄ure ño peoaja. Tutua yuhd̄uagū ijire mah̄u. Mah̄u tutuaye mehna yerigū ijire mah̄u. Sa ijiducugū ijire mah̄u ijipihtiyedecori. Sa tjire, ni ño peori tiquina.

¹³ Sa yero ihcāquiro Jesu yequina p̄h̄toa mehna cjāno yuh̄ure sinituri:

—¿Ahriquina yehseye suhti sañañequinare masiajari mah̄u? ¿Tiquina ahtarirore masiajari mah̄u? ni sinituri yuh̄ure.

¹⁴ Tiquiro sa nigū t̄uhogū, —Masiedaja, ni yuh̄tii.

—¿Noa ijiajari tiquina? ni sinituu tiquirore.

Yuh̄u sa nigū t̄uhoro ohō saha nidi yuh̄ure:

—Ahriquina ña yuhd̄uaro yuhd̄ari deco ijigū ihcāno sahayequina ijire. Tiquina suhti cosenohriquina tiquina ijiro saha Cordero tiquiro dii cohāno mehna tiquina ñañene cosenohriquina ijire. Sa ye quehnoano yehseye suhti sañañequina ijire.

¹⁵ Sa tiquiro cosenohriquina ijiye Cohācjū dujiro pototiquirore sa ño peoducure. Decoripe, ñaminipe tiquirore sa ño peoducure, pahia Cohācjū wuh̄up̄u tiquina yeriro saha. Sa yero tiquina mehna sa ijiducuro, tiquinare yedohorota Cohācjū “Sijoro saha wahari”, nino. ¹⁶ Ne pari turi ujūa ahbasi tiquina. Sa ye ne aco w̄hosi tiquina. Ne asū deco cjāno asiyere tiquina asiye posi. Tutuaro asiye tiquinare ñano yuhd̄ugū yesi.

¹⁷ P̄h̄toro dujiro potoducuriquire Cordero tiquinare ihña ihborota. Ovejare ihña ihboriquiro yero saha tiquinare ihña ihborota. Sa yero mári pohterip̄u catigū yeye mári pohterip̄u tiquinare uhm̄u tā cānota, ovejare ihña ihboriquiro tiquiro

uħmu tã cãno saha.
 Sa yero sa bucuedu-
 cugũ yerota tiquinare.
 Sa ye ne pari turi
 utisi tiquina, nidi
 Jesu yequina puħtoa
 mehna cjãno yuħure.

8

*Seis papera tunurine
 tiquina piha ñehedire tuħrẽ
 tuhasaro aperore tuħrẽahye tja
 Cordero*

¹ Seis papera tunurine
 tiquina piha ñehedire tuħrẽ
 tuhasaro aperore tuħrẽdi
 tja Cordero. Tiquiro sa
 tuħrẽ tuhasagũ hora deco
 topu uħmusepu quehnoano
 dihta mariaa wahari. ² Sa
 yegu siete angelere Cohãcjũ
 potu ducuyequinare ihñau.
 Sa yero tiquinare siete
 cornetarire ohori apequiro.
³ Apequiro angel uru pare
 bueye ehme sitiye pose
 yeati pare cuoriquiro altar
 cahapu esa, ducuri. Topu
 tiquiro ducugũ peye ehme
 sitiye tiquirore ohori ijipi-
 htiyequina Cohãcjũ yequina
 tiquirore tiquina sinidi
 mehna moreatire. Sa yero
 uru altarpu Cohãcjũ dujiro
 caha ijiri altarpu ti ehme
 sitiye bueri Cohãcjũre. ⁴ Sa
 ye angel tiquiro cuori pa cjẽ
 ehme sitiye altarpu tiquiro
 poho siteri bato ti ehme
 sitiye cjẽ ohmeo Cohãcjũ
 yequina tiquirore tiquina
 sinidi mehna mujaja wahari.
⁵ Sa wahari bato altar cjẽ
 nitine ti papu wehe sãa
 tuhasa, yehpapu doque cõri.
 Tiquiro sa doque cõgũta mia

sitedoqueo, tutuaro upo pari.
 Sa yero sijoro saha ijoro bisi
 maa, yehpa ñuhmi maari.

Cornetarire yahuahye Ñu

⁶ Came siete angele
 tiquinape tiquina corne-
 tarire putie tee nidi.

⁷ Ihcãquiro angel tiquiro
 yariare puti muħtari. Tiquiro
 sa putigũ aco paca yusũaye
 paca, peca mehna, dii mehna
 moreñe paca yehpapu doque
 dijiori. Sa doque dijioğũta
 yehpa ujuã wahari. Ohõ puno
 ujũri: Ahri yehpa deco esaro
 taro yemehno ujuã wahari.
 Sa yero to puno poseta yucũri
 gũhu, taa gũhu ujuã wahari.

⁸ Angel ihcãquiro tiquiro sa
 puti muħtari bato apequiro
 angel tiquiro yaria cornetare
 putiri tja. Tiquiro sa putigũ
 pajidu cunu yero saha bajudu
 quehnoano ujuducudu pajiri
 mapure waha maa ñojoaa
 wahari. Sa yero yehpa
 ujũriro puno to punota pajiri
 ma dii ma dojoa wahari.
⁹ Sa ye pajiri ma cjẽna wahi
 deco mehna meheno esaboro
 yariaa wahari. Sa ye tope
 yucũsari gũhu minia wahari
 pajiri mapure.

¹⁰ Puaro angele tiquina
 putiri bato apequiro angel
 gũhu tiquiro yaria cornetare
 putiri tja. Tiquiro sa putigũ
 pajiria ñahpicoha, sihãria yero
 saha asiria yehpapu bora sa
 quehea wahari. Ahri yehpa
 cjẽ mári deco mehna meheno
 esaboro tope mári bui bora
 sa quehea wahari ñahpicoha.
 Tope mári pohteri bui bora
 sa quehea wahari. ¹¹ Tope

márita suēne mári wahari. Sa wahagū peyequina masa ti mári cjē acore sihnime, yariaa wahari. Tia ñahpicoha “Suēnia”, wame tiri.

¹² Ihtiaro angele tiquina putiri bato apequiro angel gāhū tiquiro yaria cornetare putiri tja. Tiquiro sa putigū asū deco cjāno, ñami cjāno gāhū deco mehna mehenosaboro dojoa wahari. Ñahpicoha pari gāhū deco mehna mehenosaboro tope pacata dojoa wahari. Tope paca ũhmuse cjē paca quehnoano buhrioerari. Deco pititia hora waro asū deco cjāno ne buhrioerari. Ñamine pititia hora waro asū ñami cjāno, ñahpicoha pari gāhū ne buhrioerari.

¹³ Came ihñadoque m̄hou tja. ũhmusep̄m w̄riquiroro cacare ihñaa. Sa yegū tiquiro sañuducugū t̄hou. Ohō saha nidi tiquiro:

—Ña ȳhd̄are. Ña ȳhd̄are. Ihtiaro angele d̄hsari yojop̄m putiatiquina. Tiquina putiri bato ña ȳhd̄aro waharota. Sa wahagū ahri yehpap̄m ijiyequina ña ȳhd̄aro ȳhd̄eta, nidi tiquiro.

9

¹ Came pititiaro angele tiquina putiri bato apequiro angel tiquiro yaria cornetare putiri tja. Tiquiro sa putigū ñahpicoha yero saha ijiriquiro angel ũhmusep̄m bora dijia tariquiroro ihñaa. Sa yero tiquirore ũhc̄ari cope cjā sawire oho. ² Sa yero

tiquiro ti copere tiquiro p̄ogū peca ohmeo wijiari. Pajiri peca cjē ohmeo yero saha pajiro ohmeo wijiari ti copere. Sa wijiario ti ohmeo duita asū deco cjānore, ũhmuse gāh̄are butia wahagū yeri. ³ Sa ye ti ohmeo puhiap̄m ijiyequina poreroa yehpap̄m ahtari. Sa ye cutipa tiquina tutuaro purīno saha tiquina gāhū tutuaro purīdi. ⁴ Sa yero taare, yuc̄arire, apeye oteyere ñano ye dutierari tiquinare. Masa dihitare ñano ye dutiri tiquinare. Coh̄cj̄ wamene tiquina w̄hdoa pacare oh̄mehneñequina dihitare ñano ye dutiri tiquinare poreroare. ⁵ Sa ñano ye dutieperota tiquinare wejē dutierari. Tiquinare wejē dutieperota ihc̄a omope asūri waro tiquinare ñano purīgū ye dutiri. Cutipa toaye tiquina purīno saha purīgū yeyequina ijiri poreroa gāhū. ⁶ Tiquinare tiquina sa purīgū yegū masa yariaa duaeta. Tiquina sa yaria duepegāta tiquinare yaria dutisi.

⁷ Poreroa pehe caballoa yero saha bajuri. Tiquina cahme wejēato pano caballoare tiquina suhti s̄ariro saha sa bajuyequina ijiri tiquina poreroa gāhū. Tiquina dapu paca bui p̄h̄toa pesaye behtori uru behtori yero saha bajuri. Tiquina w̄hdoa paca masa yero saha bajuri. ⁸ Tiquina poari numia poari yero saha ijiri. Sa ye tiquina

upiri yayia upiri yero saha ijiri. ⁹ Jeripohna cahmotari cahsero come cahsero yero saha bajuri tiquina cutiro. Sa ye tiquina wugū peyequina caballoa omañequina tiquina omano saha tiquina wugū bisiri. Caballoa tunuñe paca wejeyequina tiquina cahme wejēnopu wahaye, tiquina bisiro saha bisiri poreroa wugū. ¹⁰ Sa ye cutipa picōno tiro saha, toaria tiquiro caoro saha ijiri tiquina poreroa. Sa ye tiquina toaye paca mehna toaye, ihcā omope asāri waro masare purīgū yeri. ¹¹ Sa ye tiquina puhtoro tiyequina ijiri. Уhcūāri cope upuro ijiri tiquina puhtoro. Tiquiro angel ijiri. Hebreo ye mehna Abadón wame tiri tiquiro. Griego ye mehna Apolión wame tiri. (Apolión “Dojomehneniquiro” nino nine.)

¹² Poreroa masare ñano tiquina purīgū yeri bato ahri tiquina ñano yuhdu mahitari pihtia wahari. To bato pua taha pari turi ñano yuhdueta masa.

¹³ Came ihcā omopequina angele tiquina putiri bato apequiro angel tiquiro yaria cornetare putiri tja. Tiquiro sa putigū Cohācjū caha ducuri altarpū uru altarpū yahuducuye bisi wijiario ca tari. Ti altar cjē sahari pititia saharopū yahuducuye bisi wijiario ca tari. ¹⁴ Sa yahuducuro cornetare putiriquiro angelre yahuri:

—Eufates wame tiri ma pajiri mapū peresupū ijiye-

quinare angelere wioya. Tiquina pititiaro angele ijire, nino ca tari.

¹⁵ Sa nigū tuhoro angel pehe tiquinare pititiarore wiori, peyequina masare wejēatiquinare. Ahri cahmare, ahri asāre, ahri decore, ahri horare queoro coht-eye nidi tiquina pititiaro angele. Tiquina cohteriro esa tuhasare. Sa ye wejēñe tee nine. Ijipihtiyequina deco esaboro caha masare wejēatiquina ijire. ¹⁶ Sa yegū tiquina yequina surarare “Ohōpequina ijire”, tiquina nigū tūhou. Tiquina caballoa bui pesayequina ijiri. Doscientos millones surara ijiri.

¹⁷ Sa yegū caballoare tiquina bui pesayequina gūhure ihñau. Sa ye caballoa bui pesayequina tiquina jeripohnarine cahmotaye suhti come suhti sohāñe suhti, yahsaye suhti, bojoyaye suhti ijiri. Sa ye caballoa tiquina dapu paca yayia sohāñequina yero saha bajuri. Tiquina duseripū peca, ohmeo, azufre wame tiye ohmeo gūhū wijiari. ¹⁸ Sa ye caballoa duseripū wijiaye masare wejēdi. Ijipihtiyequina deco mehna meheno esaboro waro topequina masare wejēdi. Sa ye peca mehna, ohmeo mehna, azufre mehna peyequina masare wejēdi. ¹⁹ Tiquinare caballoa duseri mehna wejēdi. Sa ye caballoa picōri mehna wejēdi tja. Tiquina picōri sohtoapū añaa dapu paca yero saha bajuri. Sa

ye tiquina picōri mehna ñano yeri tiquina masare.

²⁰ Peyequina masa yarieyequina tiquina wejē dūhariquina pehe tiquina ñañe yerire ne duhuerari. Watīare ño peo duhuerari. “Cohācjū ijire”, tiquina niñe queoye gūhare ño peo duhuerari. Ti queoye uru mehna, plata mehna, bronce wame tiye come mehna, utā mehna, yucari mehna tiquina yeri queoye ijiri. Sa ye ti queoye pehe ihñedari. Tūhoerari. Tiniedari. ²¹ Peye ñañe gūhare tiquina ne bujua witierari. Masare tiquina wejēdire, tiquina numia mehna tiquina ñano yerire, tiquina yaqueri gūhare ne bujua witierari tiquina. Sa ye masare ujuayequina yayia tiquina yero saha yeye, ti gūhare ne bujua witierari tiquina.

10

Meheni tunugāre papera tunugāre ne cāhtahye angel

¹ Came apequiro tutu-ariquiro angel ūhmusepū tiquiro dijia tagū ihñañ. Ehmeo curua watoapū ahtari. Sa yero buheni da tiquiro dapu bui pesari. Tiquiro wūhdoa asū deco cjāno yero saha asi siteri. Tiquiro ñecari ūjūri peca yero saha bajuri. ² Sa yero meheni tunugā papera tunugāre tiquiro pāri tunugāre cūori tiquiro. Tiquiro dahpocā poto pehe cjā dahpocā mehna pajiri mapū cūhta

cūri. Tiquiro dahpocā cū pehe pehe mehna dihtapū cūhta cūri. ³ Sa ducuro yayia tiquina sañuducuro saha tiquiro tutuaro sañuducuri. Tiquiro sa sañuducuri bato siete ūpoa yahuye ca tamedī. ⁴ Tiquina sa yahugū tūhogū ojoa dūcami. Yūhū sa ojoa dūcagūta ūhmusepū yūhare yahuducuro ca tari.

—Siete ūpoa tiquina nidire apequinare yahueracāhña. Sa yegū tire ojoa nedacāhña, nino ca tari yūhare.

⁵ Tiquiro sa nidi bato pajiri mapūre cūhta cū, dihtapūre cūhta cūriquiro angel tiquiro omoca poto pehe siōdoque mūori ūhmusepū. ⁶ Sa siōdoque mūono Cohācjū sa catiducuriquiro wame mehna wame peori. Tiquiro Cohācjū pehe ijipihtiyere ūhmūserē, ūhmūse cjēne, ahri yehpare, ahri yehpa cjēne, pajiri mare, pajiri ma cjēne yeriquiro ijire. Sa yero ohō saha nidi angel:

—Cohācjū mehna poto nii niaja. To punota cohtenatja. ⁷ Seis angele cornetarire tiquina putiri bato apequiro angel putigū Cohācjū panopū tiquiro “Ohō saha yeitja” nidiro sahata yerota. Panopū masare tire quehnoano yahuerahye. Came tiquiro cahacjēnare, tiquiro yere yahu māhtariquina pehere quehnoano yahu pehoahye tiquiro. Ti tiquiro yahu cūrire yojopūre yerota tiquiro, nidi angel.

⁸ Tiqairo sa nidi bato uhmasepu yuhare yahuducuriqairo pari turi yahuducuro ca tari tja. Ohõ saha nino ca tari yuhare:

—Pajiri mapu chta cūriqairo dihtapu chta cūriqairo siqairo angel cahapu wahaya. Sa wahagu papera tunugāre tiqairo cūori tunugāre neña, nino ca tari yuhare.

⁹ Tiqairo sa nigū tūhogu angel cahapu wahan. Tiqairore papera tunugāre yuhu sinigū tūhoro ohõ saha ni yūhtiri yuhare:

—Neña. Sa yegu ahri tunu papera tunugāre ihyaya. Mūhu coā ihyagū umi yero saha quehnoano bisirota. Mūhu paapu mūhu ihya sōri bato sūēne waharota, nidi yuhare.

¹⁰ Tiqairo sa nigū tūhogu ti tunugāre angelre yuhu nedi bato ihyau. Yuhu coā ihyagū umi yero saha bisiri. Yuhu ihya sōri bato yuhu paapu sūēno wahan. ¹¹ Yuhu sa ihyari bato ohõ saha nidi yuhare:

—Pari turi ijipihtiye macari cjēna, ijipihtiye yehpari cjēna, peye yahuducuyere yahuducuyequina, tiquina pūtoā gūhu came tiquina dūhse wahatire yahuyuya mūhu, nidi yuhare.

11

Pūaro Cohācjū yere yahuatiquinare yahu ojoahye Ñu marine

¹ Came yuhare queodure ohori Cohācjū. Tuadu puno

yoadu ijiri tu. Ture ohoro ohõ saha nidi yuhare:

—Ya wuhare queogu wahaya. Ti wuhu cjā altar gūhure queoya. Sa yegu ti wuhuru yuhare ño peoyequinare queoya. ² Sopecaha wijia saducari paare quehnoari paare queoeracāhña. Ti paa yuhare cahmeeñequinare tiquina cūri paa ijire. Tiquina cuarenta y dos asūri waro Cohācjū ya macare, ti maca cjēna gūhure ñano yeeta. Sa yegu queoeracāhña tiquina ya paare quehnoari paare. ³ Sa yegu yeere yahuatiquinare pūarore ohoutja. Mil do-scientos sesenta decori waro yeere yahueta. Masa dija suhtire sañañequina ijieta tiquina yuhu yahu dutiyequina, ni yahuri yuhare.

⁴ Ahri yehpa cjēna pūhtoro poto pūadu Olivo wame tiye cju ducure. Pūadu sihā peoye cju gūhu ti cju cahapu ducure. Ti cju mehna queoye mehna yuhu buhegū ahriquina pūaro mari pūhtoro yere yahuyequina ti cju yero saha ijire. ⁵ Sa ye tiquinare ihña tuhtiyequina tiquinare ñano ye duagū tiquina pehe dūseri cjē peca mehna ujuā pehoeta tiquinare ihña tuhtiyequinare. Sata tiquinare ñano yeyequinare wejēta tiquina pūaro mari pūhtoro yere yahuyequina pehe. ⁶ Sa ye tiquina pūaro acoro ahta dutieragū acoro ahtasi. Sa yero mari pūhtoro yere tiquina yahuro puno acoro ahtasi. Sa ye marine dii

mári wahagū yeeta tiquina. Sa ye ahri yehpare ñano wahagū yeeta. Ijipihtiye dūhse ijiyere, ijipihtiyequina dūhse ijiyequinare masare ñano wahagū yeeta. Tiquina cahmeno sahata sa ñano wahagū yeeta ahri yehpare.

⁷ Tiquina sa ye pehogū ahcūāri coperū ijiriquiro ñariquiro nūcū cjanō wiji-
jarota. Sa wijiaro Cohācjū yere yahuyequina mehna cahmequenota. Sa cahme-
queno tutua yūhdūdcaro tiquinare wejēnota. ⁸ Tiquiro sa wejēdi bato tiquina paguri pajiri maca cjan mahapū
cuñāeta. Yahuyequina pūhtorore tiquina quē biha wejēdi maca ijire ti maca. Ti maca cjanā ñāñequina ijiye

Sodoma cjanā, Egipto cjanā yero saha ijire. ⁹ Sa cuñāñe ihtia deco quehnoano cuñā, ape deco deco mehna tiquina paguri mahapū cuñāeta. Sa ye ijipihtiye yehpari cjanā, ijipihtiye cururi cjanā, ijipi-
htiye yahuducuyere yahudu-
cuyequina tope decori waro tiquina pagurire ihñaduceta. Sa ye tope decori waro tiquina pagurire ya dutisi.

¹⁰ Tiquina sa yariariquina ijigū ihñāñe ahri yehpa cjanā bucueeta. Sa bucuete bōse decore yeye, tiquina basi apee borore sa oho quēeta. Tiquina pūaro Cohācjū yere yahuyequina masare ñano yūhdūgū yeriquina ijiahye. Sa ye tiquina sa yariagū ihñāñe bucue yūhdūeta ahri yehpa cjanā.

¹¹ Sa yero ihtia deco

ape deco deco mehna bato Cohācjū tiquina pagurire masonota. Tiquiro sa masogū tiquina pari turi wahcādūcaeta. Tiquina sa wahcādūcagū ihñāñe ijip-
ihtiyequina cue yūhdūeta tiquinare. ¹² Came tiquina pūaro ahmūsepū tutuaro yahuducugū tūhoeta. Ohō saha ninota tiquinare.

—Ohōpū mūja taya mūsa, ninota.

Tiquiro sa nigū tūhoye ehmeo curua watoa mūjaa wahaeta. Tiquina yabiriquinare mūjagū ihñāeta masa. ¹³ Tiquina sa mūjagūta yehpa tutuaro ñūhminota. Sa ñūhmigū ti maca cjan wūhūse peye bora dijiaa waharota. Sa ye yehpa ñūhmino mehna siete mil masa yariaa wahaeta. Ape-
quina dūhsariquina pehe acūaa wahaeta. Sa ye Cohācjūre ahmūse cjanore “Tutuagū ijire” ni ño peeta tiquire.

¹⁴ Ahri ijipihtiye tiquina sa wahari bato pūa taha masa ñano yūhdū tuhasariquina ijietā. Tiquina sa yūhdūri batogāta pari turi duita masa ñano yūhdūeta tja.

Seis cornetarire tiquina putiri bato apequiro putiahye

¹⁵ Came seis cornetarire tiquina putiri bato apequiro angel tiquire yariare putiri. Tiquiro sa putigū ahmūsepū tutuaro yahuducuye ca tari. Ohō saha nino ca tari:

Yojopū mari Pacū, Cristo mehna ahri yehpa cjanā pūhtoā ijietā.

Sa yero pũhtoro sa
ijiducurota Cohãcjũ,
nino ca tari.

16 Sa ye Cohãcjũ poto pũhtoa
dujiyepũ dujiyequina vein-
ticuatro Jesu yequina pũhtoa
Cohãcjũ poto quehe sa,
tiquirore ño peori. 17 Sa ño
peoye ohõ saha nidi:

Usã pũhto Cohãcjũ, tutua
yũhdũagũ ijire mũhũ.
Mũhũ panopũ sa
ijiducuahye. Sa yegũ
yojopũ gũhũre sa ijidu-
cure. Camepũ ahtaũta
mũhũ. Mũhũ tutuaye
mehna masa tiquina
pũhto mũhũ ijiducagũ
“Quehnoare” niaja
mũhũre. 18 Ijipihtiyequina
ahri yehpa cjẽna
mũhũre cahmedariquina
mũhũ mehna usuamedĩ.
Yojopũre tiquinare
mũhũ buhiri dahreati
pje ijire. Yariariquina
gũhũre mũhũ buhiri
dahreati pje ijire. Sa
yero mũhũ yequina
pehere quehnoañene
tiquina yeri wapare
mũhũ ohoati pje ijire.
Ihquẽquina tiquina
mũhũ cahacjẽna
mũhũ yere yahu
mũhtariquina ijire.
Sa ye tiquina, ape-
quina mũhũ yequina
mehna ijipihtiyequina
mũhũre ño peoyequina
ijire. Sa yegũ pũhtoare,
ihyo ijiyequina gũhũre
mũhũ yequina tiquina
ijiri wapa quehnoano
yeita mũhũ. Sa
yero ahri yehpa

cjẽnare dojomehne
cohteriquinare mũhũ
cohãti pje ijire yo-
jopũre, ni ño peori
pũhtoa Cohãcjũre.

19 Tiquina sa yeri bato
ũhmũse cjã wũhũ Cohãcjũ
ya wũhũ tiquiro põori wũhũ
ijiri. Sa yena ti wũhũpũ
ijiri acarore ihñau. Ti acaro
puhiapũ Cohãcjũ masare
tiquiro yedohoatire yahuri
pũ sañari. Yũhũ sa ihñagũta
mia sitedoqueo, upo pa
maari. Sa yero sijoro saha
ijiro bisi maa, yehpa ñuhmi
maa, aco paca yũsũaye paca
ũhmũsepũ peye bora dijia
tari.

12

*Numino gũhũre pinono
gũhũre yahuahye Ñũ*

1 Came ahri yehpa dũhse
wahatire ũhmũsepũ ihñori.
Tiquiro sa ihñori ihyo waro
ijierari. Ohõ saha ihña
mũhtau: Ũhmũsepũ numi-
nore ihñau. Ticoro suhtiro
asũ deco cjãno yero saha
asi siteri. Sa yero asũ ñami
cjãno bui ducuri. Pũhtoro
pesari behto borore doce
ñahpicoha paca cœori behtore
pesaricoro ducuri. 2 Sa
yero mehenogã dũhsari
ticoro pohna tiato. Sa yero
ticoro sañuducuri. 3 Came
pari turi ihñau ũhmũsepũ
tja: Pajiriquiro pinonore
sohãriquirore ihñau. Si-
ete dapu paca tiriquiro
ijiri. Ijipihtiyẽ tiquiro
dapu paca pũhtoa pesaye
behtori borore pesaye
dapu paca ijiri. Sa yero

diez waro sahari tiriquireo ijiri tiquiro. ⁴ Tiquiro picõno mehna ñahpicoha pacare wahba sitedoque dijiori yehparu. Ijipihtiye ñahpicohare deco esaboro caha wahba sitedoque dijiori. Sa yero numino pohna tiaticoro poto ducuri pinono. Ticoro macunogã bajuagũ tiquirogãre ihyaro taro nimesi. ⁵ Camegãta cõo tuhasari nijinogãre. Ijipihtiye yehpari cjẽna puhtoro ijiatiquiro ijiri tiquirogã. Tiquiro sa puhtoro tutu-ariquireo ijigã, masa tiquirore yuhduhcaye ihcãno sahasi. Tiquiro sa masa bajuagũta Cohãcjũ tiquiro dujiro caharu tiquirogãre ne cãa wahari. ⁶ Tiquiro sa yegũ numino pehe masa marienopu duhti cãa wahari. Cohãcjũ tiquiro quehnoyuriropu duhti cãa wahari ticoro. Topure mil doscientos sesenta decori waro Cohãcjũ ticorore ihña ihbori.

⁷ Coã waropure uhmusepu cahme wejẽ ducahye. Miguel wame tiriquireo angel tiquiro yequina angele gũhu pinono mehna cahmequeahye. Tiquina sa cahmequegũ pinono tiquiro yequina angele mehna Miguel gũhu mehna cahmequeahye. ⁸ Sa ye Miguel gũhu pinonore yuhduhcayehye. Sa yero pinono yequina angele gũhare uhmusepu iji nemo dutierahye. ⁹ Sa yero pajiriquiro pinonore cohã cãhye Cohãcjũ. Tiquiro pinono watĩnota ijiro nidi.

Satana wame tiriquireo ijiri. Panopu tiquiro pinono pagu saha bajuriquiro ijiahye. Sa yero ijipihitiri yehpa cjẽnare ni mehoriquireo ijire. Tiquirore tiquiro yequina angele mehna yehparu cohã dijioahye.

¹⁰ Came uhmusepu sañuducuro ca tagũ tuhõu:

Yojopure mari Pacu masare yuhduori. Yojopu pũritare mari Pacu mari puhtoro ijiro ahtari tiquiro tutu-ayere ihõno taro. Sa yero tiquiro ohoriquireo Cristo gũhu tiquiro puhtoro ijiyere tiquiro tutu-ayere ihõri ijipihtiye-quinare. Watĩnore uhmusepu ijiriquirore yehparu cohã dijiori. Sa yero tiquiro tutu-ayere ihõri mari Pacu. Tiquiro watĩno pehe decoripe, ñaminipe Jesu yequinare "Ahriquina ñãñequina ijire", ni yahusãno niahye mari Pacure. Sa yero mari acayere Jesu yequinare yahusãriquireo ijiahye. ¹¹ Cristo Cordero wame tiriquireo tiquiro dii cohãri mehna mari acaye Jesu yequina tiquirore wacũ tutuayequina tiquina ñano yerire tiquiro cohãnohriquina ijire. Sa wacũ tutuayequina ijiye, watĩnore yuhduhcari.

Sa ye quehnoañe buheyere buheye, watĩnore yuhduari. Tiquiro yere buheye apequina tiquinare wejê duepegũta, Cristo yere duhuerari. ¹² Sa yena m̄sa um̄se cjãna bucueya. Watĩnore yehpapu tiquiro cohã dijioğũ ihñana bucueya. Sa yepegũta ahri yehpa cjãna, pajiri ma cjãna gũhu pejecuona wahanata m̄sa pehe. M̄sa cahapu dijari watĩno. Tiquirore buhiri dahreato mehenogã d̄hsare. Sa yero usua yuhduare tiquiro. M̄sa cahapu tiquiro esagũ pejecuona musare tojoagũ yerota tiquiro, ni sañuducugũ t̄hou.

¹³ Sa yero pinono tiquiro cohã dijioriquiro numinore, nijinogã pacorore n̄nu tã cãri. ¹⁴ Sa yero ticorore pajiriquiro cacu tiquiro w̄ye d̄urire ohori Cohãcjũ, masa marienopu ticoro w̄ duhti cãtore. Topu ticoro esari bato ihtia c̄hma quehnoano ape c̄hma deco waro ticorore ihña ihbori Cohãcjũ. Tiquiro sa ihña ihbogũ pinono ticorore ñano ye masiedari. ¹⁵ Topu ticoro ijigũ ihñano pinono acore pajiro puti sitedoqueori ticorore miono taro. ¹⁶ Tiquiro sa yegũ yehpa pehe ticorore yedohori. Pinono d̄seropu wijiaye acore yehpa pehe

aco ihmi peho cãri. ¹⁷ Sa wahagũ ihñano pinono numino mehna usua yuhduari. Sa usuaro ihquẽquina ticoro panamena iji turiayequina mehna cahmequeno wahrenari. Tiquina pehe Cohãcjũ dutiyere yeyequina ijiye, Jesu ye buheyere quehnoañe buheyere ne duhuyequina ijiri. ¹⁸ Sa yero pinono pajiri ma d̄htu cahapu ducuri.

13

Puaro n̄cu cjẽnare yahuahye Ñu

¹ Pajiri ma d̄htu cahapu ducugu, n̄cu cjẽnore ti mapu ijiriquirore wahcã pahagũ ihñau. Tiquiro pehe siete dapu paca, diez sahari waro c̄oriquiro ijiri. Tiquiro sahari puhto pesaye behtori borore pesari. Sa yero tiquiro dapu pacare tiquiro wamene ojoa ohõri dapu paca ijiri. Ti wame tiquiro ñano wame tigũ ihña yabiri Cohãcjũ. ² Sa yero tiquiro n̄cu cjẽno yairo dohroriquiro yero saha bajuri. Sa yero mie yero saha dahpocãri tiriquire ijiri. Sa yero yairo sohãriquire pajiriquirodu yero saha d̄sero tiriquire ijiri. Sa yero pinono pehe tiquiro tutuayere ohori n̄cu cjẽnore. Sa ohoro tiquirore puhtoro dujiropu c̄no tiquiro yero saha peyequina masare dutigũ yeri pinono n̄cu cjẽnore. ³ Ihcã dapu n̄cu cjẽno dapu tiquina wejẽbo cureriquiro dapu yero saha

bajuri. Sa bajuepegūta tiquiro camino pehe yatia wahari. Ti dapu catigū ihñañe, ihña maria wahari ijipihtiequina ahri yehpa cjēna. Sa ihña maria wahaye, nꝛꝛꝛ cjānore ño peori. Sa ye tiquiro yequina wahari masa. ⁴ Sa ye nꝛꝛꝛ cjānore pinono tiquiro tutuayere tiquiro ohogū ihñañe masa pehe tiquirore pinonore dusepe curi mehna quehe sa, ño peori. Sa ye nꝛꝛꝛ cjāno gūhure dusepe curi mehna quehe sa, tiquirore ño peori. Sa ño peoye ohō saha nidi:

—Ne apequiro mūhꝛꝛ yero saha tutuariquiro mariedare. Apequiro mūhꝛꝛ ne yūhdꝛꝛꝛꝛꝛ masiedare, ni ño peori masa nꝛꝛꝛ cjānore.

⁵ Sa yero tiquiro nꝛꝛꝛ cjāno “Tutua yūhdꝛꝛꝛꝛꝛꝛ ijiaja”, tiquiro niepegūta Cohācjāre tiquiro ñano yahuducuepegūta sa tūhotu cārīdi Cohācjū pehe. Sa yero cuarenta y dos asūri waro tiquiro nꝛꝛꝛ cjāno masare dutinimedi. To punota tiquiro pūhtoro ijigū cahmedi Cohācjū. ⁶ Sa yero tiquiro Cohācjāre ñano yahuducuri. Tiquiro wamene, tiquiro ya wūhꝛꝛꝛ, ūhmūsepꝛꝛ tiquiro ijiro cjēna gūhure ñano yahuducuri nꝛꝛꝛ cjāno. ⁷ Sa yero Cohācjū yequinare cahme wejēno tiquinare yūhdꝛꝛꝛꝛꝛꝛ. Tiquiro sa yepegūta sa ihña cārīdi Cohācjū. Cohācjū tiquiro sa ye dutieragū yeraboya. Sa yero ijipihtiequina ahri yehpa

cjēna bui pūhtoro ijinimedi nꝛꝛꝛ cjāno. Ijipihtieye cururi cjēna bui, ijipihtiequina macari cjēna bui, yehpari cjēna bui, ijipihtieye yahuducuyere yahuducuequina bui pūhtoro ijinimedi tiquiro.

⁸ Sa ye ijipihtiequina ahri yehpa cjēna tiquiro nꝛꝛꝛ cjāno poto dusepe curi mehna quehe sa tiquirore ño peori. Ahri yehpare Cohācjū tiquiro bajumehneato pano tiquiro yequina ijiatiquinare, sa ijiducuatiquinare tiquina wamene ojoa ohō tuhasahye. Ti tju tiquiro sa ojoa ohōri tju Cordero tiquina wejēdiquiro ya tju ijire. Ti tjuꝛꝛ tiquina wamene ojoa ohōnohedariquina dihita nꝛꝛꝛ cjānore ño peori.

⁹ Cahmo tina ijire masa. Sa yena tūhoya. ¹⁰ Ijipihtiequina masare peresu yenohatiquinare came tiquinare peresu yeeta. Ijipihtiequina masa ñose wejēnohatiquinare tiquinare ñose wejēta. Tire masina mari Cohācjū yequina ñano yūhdꝛꝛꝛꝛꝛꝛꝛ tiquirore cohāedacūhna. Sa yena tiquirore wacū tutuūhna.

¹¹ Came apequiro nꝛꝛꝛ cjānore ihñau tja. Yehpa puhaparꝛ ijiriquiro wijiagū ihñau. Pūa saharo oveja sahari yero saha bajuye sahari sahari tiriquiro ijiri. Sa yero pinono yero saha yahuducuri. ¹² Sa yero nꝛꝛꝛ cjāno iji mūhtariquiro pehe came ijiriquiro pehere pūhtoro sōri. Tiquiro sa

pũhoro sũnohriquiore pehe ijipihtiye yehpari cjẽnare iji mũhtariquiore ño peogũ yeri. Iji mũhtariquiore nũcũ cjũno tiquina wejẽbo cureriquiuro camino yatiriquiuro ijiri. ¹³ Sa yero came ijiriquiuro nũcũ cjũno tutuaye mehna ye ihñori masa tiquina ihña mariatore. Sa yero masa tiquina ihñonopũ peca pajiri peca umũsepũ bora dijia tagũ yeri. ¹⁴ Sa yero iji mũhtariquiore ihñonopũ apequiore nũcũ cjũno pehe tutuaye mehna masare mehoari "Ahriquiore mũsa ño peoatiquiore ijire", nino. Sa yero tiquiuro masare mehono, iji mũhtariquiore queoyere masare ye dutiri. Tiquiuro iji mũhtariquiore ñoseni pji mehna tiquina ñosediquiuro ijieperota catiriquiuro ijiri. Tiquiuro yero saha bajuye queoye ye dutiri apequiore nũcũ cjũno masare. Tiquina sa yegũ Cohãcjũ yabieperota sa ihña cãriahye. ¹⁵ Sa yero came ijiriquiuro nũcũ cjũno pehe iji mũhtariquiore queoyere catigũ yeri masare ti queoye dutiato saha. Sa yero ti queoyere ño peoeyequinare wejẽ dutiri masare queoye pehe. ¹⁶ Sa yero ijipihtiyequinare tiquina omocari pototo pehe, tiquina wũhdoa paca gũhare ojoa ohõ dutiri nũcũ cjũno came ijiriquiuro. Ihyo ijieyequinare, pũhtoare, doeri cjẽ opanare, pejecũoyequinare, tiquina cahacjẽnare, cahacjẽna ijieyequinare, ijipihtiyequinare

tiquina omocarine tiquina wũhdoa paca gũhare ojoa ohõ dutiri. ¹⁷ Tiquiuro iji mũhtariquiore nũcũ cjũno tiquiuro wamene, tiquiuro ya numerore ojoa ohõẽnequinare ne dú dutierari. Sa yero tiquinare dua dutierari.

¹⁸ Tire quehnoano wacũ masiña mũsa. Tũho masina ijina nũcũ cjũno tiquiuro ya numerore quehnoano ihña masiña. Ti numero umũno wame yero saha ijire. Ti numero seis cientos sesenta y seis ijire.

14

Cohãcjũ tiquiuro yũhdũoriquina wahma basayere basahye

¹ Came Siõ wame tidũ canũ bui ducuriquiore Corderore ihñaũ. Tiquiuro mehna ciento cuarenta y cuatro mil masa ijiri. Tiquina tiquiuro ye wamene, tiquiuro Pacũro ye wame gũhare tiquina wũhdoa pacare tiquina ojoa ohõnohriquina ijiri. ² Tiquinare yũhũ ihñagũta umũsepũ yahuducuro ca tari. Pajiri peo bisiro saha upo tutuaro bisiro saha bisiro ca tari tiquiuro yahuducuye. Sa yero arpa wame tiyere tiquina bũa pũtẽno saha bisiro ca tari tiquiuro yahuducuye. ³ Topũ pũhoro dujiro cahapũ pititiaro sijoro saha bajuyequina, Jesu yequina pũhtoa gũhũ ijiri. Sa ye tiquina pototo ciento cuarenta y cuatro mil masa ducuri. Topũ ducuye, wahma basayere basaye nidi. Ti

basayere tiquina dihita masidi. Cristo yǎhdworiquina dihita ti basayere masidi. Tiquina ahri yehpapǎ ijimediquina tiquiro ne mǎoriquina ijiri. ⁴ Ne tiquina ihcǎ tahagǎ numino mehna ñano yerari. Sa ye Corderore ihña cǎñequina ijiye, tiquiro yere sa yeducuyequina ijiri. Sa yero ñañequina mehna ijiyequinare tiquiro yǎhdwoatiquinare nedi Cohǎcjǎ pehe. Sa tiquiro yǎhdworiquina ijiye, Cohǎcjǎ yequina ijiatiquina, Cordero yequina ijiatiquina gǎhǎ iji mǎhtariquina ijiri. ⁵ Sa ye tiquina mehna cjēna ne ihcǎquiro ni mehoriquiro mariedare. Sa ye Cohǎcjǎ tiquiro tǎhotugǎ ñañe marieñequina ijiri tiquina.

Ihtiaro angele yahuducu dijioahye

⁶ Came ǎhmǎsepǎ wǎriquiore angelre ihñǎ. Tiquiro ahri yehpa cjēnare, ijipihtiyecururi cjēnare, ijipihtiyeyahuducuyere yahuducuyequinare, ijipihtiyeyehpari cjēnare, quehnoañe buheyere yahuatiquiro ijiri. Ti buheye ne comesaeraye, sa ijiducure.

⁷ Sa yero angel sañuducuro ohō saha ni yahuducu dijiori:

—Cohǎcjǎre cueya. “Tutua yǎhdwagǎ, quehnoa yǎhdwagǎ ijire”, niña tiquirore. Yojoǎre masare tiquiro buhiri dahreati pje ijiro nine. Tiquiro ǎhmǎsere, ahri yehpare, pajiri mare, mǎri pohteri gǎhǎre yeriquiro ijire. Sa

yena tiquirore dǎsepe curi mehna quehe sa, ño peoya, ni sañuducuri angel.

⁸ Tiquiro sa nidi bato apequiro angel ǎhmǎsepǎ wǎriquiore ohō saha ni yahuducu dijiori:

—Tiquinare cohǎ cǎhri. Pajiri maca Babilonia wame tiri maca cjēnare cohǎ cǎhri Cohǎcjǎ. Tiquina tiquiro cohǎriquina pehe ijipihtiyequina apequinare ñano yegǎ yeri. Queheyequina vinore tiquina tutuaro cahmeno saha tiquina ñañene tutuaro cahmeñe, Babilonia cjēnare ihña cǎri. Sa yero Cohǎcjǎ tiquinare tutuaro buhiri dahreri, ni yahuducu dijiori apequiro angel.

⁹⁻¹⁰ Tiquina pǎaro angele tiquina sa nidi bato apequiro angel tiquina bato wǎriquiore ohō saha ni yahuducu dijiori:

—Ijipihtiyequina nǎcǎ cjǎnore ño peoyequinare, tiquiro queoyere ño peoyequinare, tiquina wǎhdoa pacare, tiquina omocarine tiquiro wamene ojoa ohōnohriquina gǎhǎre buhiri dahrerota Cohǎcjǎ. Tiquina mehna usuaro, tiquina pǎritare tutuaro waro buhiri dahreducurota Cohǎcjǎ. Nǎcǎ cjǎnore ño peoyequina ijipihtiyequina pecapǎ wahaeta. Topǎ tutuaro purǎnota tiquinare peca mehna, azufre wame tiye mehna tiquina wijiǎri peca mehna. Quehnoañequina angele, Cordero gǎhǎ tiquina ihñonopǎ ñano yǎhdweta tiquina. ¹¹ Ti peca sa

ohmeo tiducurota. Ne yatisi. Tiquinare sa purīducugū yere. Ijipihtiyequina нүсү cǵāno poto dūsepe curi mehna quehe sa, ño peoyequinare sa purīducurota. Decoripe, ñaminipe sa purīducu cāhnota. Tiquiro queoyere ño peoyequina, tiquiro wamene ojoa ohōnohriquina gūhу sata ñano yūhdūeta, ni yahuducu dijiori angel.

¹² Sa tiquina ñano yūhdūgū ihñana Cohācjū yequina tiquiro dutiyere yena, Jesure cohāedarina ijina, tiquiro yere duhueracāhña. Ñano yūhdūepenata Cohācjū yere cohāedacāhña.

¹³ Came ūhmūsepū yūhūre yahuducuro ca tagū tūhou. Ohō saha nidi yūhūre:

—Ahrire ojoaya mūhу. Cohācjū yequina tiquirore cohāedarina ijina yojopūre mūsa yariari bato gūhūre bucuena ijire mūsa, ni yahuducu dijiori yūhūre.

Tiquiro sa nidi bato Espíritu Santo pehe ohō saha ni nemori tja:

—Sa tjire. Poto tjire. Tiquina tutuaro tiquina dahrayere duhu, soeta. Ūhmūsepū tiquina wahagū quehnoano tiquina yerire wacūnota Cohācjū. Sa yero tiquina sa yeri wapa tiquinare quehnoano yerota. Sa ye tiquina bucueyequina ijire, ni nemori Espíritu Santo.

Wese cjē oteye dūcare mari bese neno saha Cohācjū tiquiro yequinare bese nenota.

Ñañequina pehere sijoro bese docorota

¹⁴ Came ehmeo curua yehseri curuare ihñau. Ti curua bui masūno yero saha bajuriquiro dujiri. Tiquiro uru behto pūhtoro pesari behto borore pesari. Sa yero dihi pjī siori pjīne cūori tiquiro. ¹⁵ Came apequiro angel Cohācjū wūhūpū ijiriquiro wijia tari. Sa wijia taro tutuaro sañuducuri ehmeo curua bui dujiriquirore:

—Mūhу dihi pjī mehna wese cjē dūcare ahri yehpa cjē dūcare dūte ne pehoya. Yojopūre tiquiro queori pje esare. Yojopūre dūca neni pje esare, nidi angel.

¹⁶ Tiquiro sa nigū tūhoro tiquiro dihi pjī mehna ahri yehpa cjē dūcare ne dūcari ehmeo curua bui dujiriquiro.

¹⁷ Came apequiro angel gūhу Cohācjū wūhūpū ijiriquiro wijia tari. Tiquiro gūhу dihi pjī siori pjīne cūori.

¹⁸ Sa yero apequiro angel altar cahapū ijiriquiro wijia tari. Tiquiro pehe altar cjā pecare ihña ihboriquiro ijiri. Sa wijia taro dihi pjī siori pjīne cūoriquirore sañuducuri:

—Mūhу dihi pjī mehna ahri yehpapū ijiri wese, ūhse wese cjē dūcare neña. Ūhse pehe ñi tuhasari, ni sañuducuri.

¹⁹ Tiquiro sa nigū tūhoro angel tiquiro ya pjī dihi pjī mehna ahri yehpa cjē ūhse tōhorine yūhre nedi. Tiquiro sa yeri bato ti tōhorine ūhse tōhorine tiquiro ñatihātopū cohāri. Tiquiro sa cohāriro saha Cohācjū

tiquirote cahmeeñequinare tutuaro usuaro, cohãnota. ²⁰ Ti maca dũhtũ cahapũ tiquina ñatihãtopũ ti uñse tũhorine ñatihãri. Topũ tiquina ñatihãgũ dii wijiari. Dii ma yero saha ijiri. Tres cientos kilómetro yoari ma, ihcã metro quehnoano ape metro deco uñcũãri ma ijiri.

15

Masa tiquina ñano yũhdũatire angele cũ bato tiahye masare

¹ Came uñmũsepũ sijoro saha ijirore ihñau. Tire ihñañe masa ihña maria wahaga. Ahri yehpapũre dũhse wahatore marine ihñori. Sa yero ti ihyo waro ijierare. Ohõ saha ihñau: Siete angele ijiri. Cohãcjũ usuaro, siete tahari masare buhiri dahre bato tiro taro nidi. Sa ye tiquina siete angele pehe buhiri dahre dutiro tiquiro cũatiquina ijiri.

² Angelere yũhũ ihñari bato pajiri mare quehnoano aco sitiri ma yero saha ijiri mare ihñau. Ti ma peca mehna ijiri ma ijiri. Sa yegũ nucũ cjãnore tiquiro queoye gũhũre yũhdũdũcayequinare ihñau. Tiquina tiquiro wamene tiquiro ya numerore cũoeyequina ijiri. Tiquina yũhũ ihñagũ pajiri ma aco sitiri ma dũhtũ cahapũ ducuri. Topũ ducuyequina arpa wame tiyere bũa pũtẽñene cũori. Ti bũa pũtẽñe Cohãcjũ tiquiro ohori ijiri.

³ Sa ye Cohãcjũ cahacjũno, Moise ye basayere basaye

nidi. Cordero ye basaye gũhũre basaye nidi. Ohõ saha ni basari:

Uñsã pũhto mũhũ Cohãcjũ tutua yũhdũagũ ijire. Mũhũ yerire ihñana ihña maria wahaja uñsã. Mũhũ yeri quehnoa yũhdũare. Mũhũ ijipihtiye yehpari cjẽna pũhto ijire. Quehnoano ni mehono marieno yeducure mũhũ. Ijipihtiyequina mũhũre cueeta. ⁴Ijipihtiyequina mũhũre “Tutuagũ ijire”, nieta. Mũhũ dihita ñañe mariegũ ijire. Ijipihtiye yehpari cjẽna mũhũ cahapũ esaye, dũsepe curi mehna quehe sa, mũhũre ño peoeta. Sata yeeta tiquina ijipihtiyequina queoro mũhũ yerire ihñañe, ni basaye nidi tiquina.

⁵ Came uñmũsepũ ihña mũogũ, Cohãcjũ wũhũ pũori wũhũre ihñau. Topũ Cohãcjũ ijiri tucũ waropũ Cohãcjũ dutiye tiquiro ojoari pũĩni utã pũĩni tiquina ihburi pũĩni ijiri. ⁶ Ti wũhũre yũhũ ihñagũta siete angele ti wũhũ puhĩapũ ijiriquina wĩjia tari. Tiquina Cohãcjũ buhiri dahre dutiro tiquiro cũatiquina ijiri. Tiquinape tiquina buhiri dahreatire cũori tiquina angele. Quehnoañe suhti, yehseye suhti sañañequina ijiri. Sa ye tiquina cutiro bui uru cahsero mehna tuã dihoriquina ijiri. ⁷ Ti wũhũpũ

ijiriquina tiquina wijia tagū pititiaro sijoro saha bajuyequina mehna cjāno tiquinare siete angelere siete uru parire ohori. Ti pari Cohācjū usua tiquiro buhiri dahreati mehna quehnoano wahpari ti pari. Tiquiro Cohācjū sa ijiducuriquiro ijire. ⁸ Tiquiro sa ohogū Cohācjū wuhū puhiapū tiquiro asi siteye mehna tiquiro tutuaye mehna ohmeo ti sehsaa wahari. Sata ohmeo wuhū wahagū ne masa ti wahure sajā masiedari. Siete angelere Cohācjū buhiri dahre dutiro tiquiro cūriro saha masare tiquina buhiri dahre tuhasari bato pari turi ti wuhapū sajā masine tja. Tiquiro buhiri dahreato pano sajā masiedari.

Cohācjū masare tiquiro buhiri dahreatore yahuahye

16

¹ Came Cohācjū wuhapū tutuaro yahuducuro ca tari. Siete angelere yahuro nidi:

—Siete paripū pose tiyere yehpapū pio sitedoque dijiona wahaya. Yehpa cjēnare Cohācjū tiquiro nidiro sahata buhiri dahreya yojopare, ni yahuducuro ca tari.

² Tiquiro sa nigū tūhoro iji māhtariquiro angel tiquiro cūori papū pose tiyere yehpapū pio sitedoque dijiori. Tiquiro sa pio sitedoque dijioḡū nūcū cjāno wamene ojoa ohōnohriquina, tiquiro queoyere ño peoriquina ñano cami tiri. Ti cami tutuaro purīdi tiquinare.

³ Tiquiro sa pio siteri bato apequiro angel tja tiquiro cūori papū pose tiyere pio sitedoque dijiori tja pajiri mapū. Tiquiro sa pio sitedoque dijioḡāta ti ma dii ma wahari. Yariariquiro dii yero saha ijiri ti dii. Sa wahagū ti ma puhiapū ijiyequina yaria pihtia wahari.

⁴ Pūaro tiquina sa pio siteri bato apequiro angel tja tiquiro cūori papū pose tiyere pio sitedoque dijiori tja mārīpū, ti mārī pohteripū ḡūhure. Tiquiro sa pio sitedoque dijioḡū mārī dii mārī dihita wahari. ⁵ Sa wahagū ihñano apequiro angel mārīne cohteriquiro ohō saha nidi:

Cohācjū mūhū ñañe marieḡū ijire. Yojopū ḡūhure sa ijiducugū ijire mūhū. Panopū ḡūhure sa ijiducue tiri mūhū. Sa yegū masa tiquina ñano yegū ihñagū queoro buhiri dahreri mūhū tiquinare. Dii mārīne yegū quehnoano yeri mūhū. ⁶ Nūcū cjāno yequina pehe mūhū yequinare wejēñe, dii cohāḡū yeri. Mūhū yere yahuyequina ḡūhure wejēñe, dii cohāḡū yeri. Tiquina sa wejēdi buhiri mārī dii mārī wahari. Sa ye tiquinare diire mūhū sa sihnigū yegū quehnoarīne. Sata mūhū buhiri dahregū tiquina ye buhiri

ijire, nidi mārīne co-
hateriquiro angel.

7 Tiquiro sa nidi bato al-
tarp̄ yahuducuro ca tari:

—Sa tjire. Cohācjū usā
p̄hto tutua ȳhd̄uaḡu ijire
m̄h̄u. Ni mehono marieno,
queoro masare bese, buhiri
dahre m̄h̄u, ni yahudu-
curo ca tari.

8 Ihtiaro angele tiquina
pio siteri bato apequiro
angel tiquiro c̄ori pap̄u
pose tiyere pio sitedoque
dijiori tja asū deco cjāno
bui. Tiquiro sa pio site-
doque dijiogūta asūre masare
tuturo asigū yeri Cohācjū.

9 Sa yero asū deco cjāno
masare tuturo asiri. Sa
ye Cohācjū tiquinare tiquiro
buhiri dahre dutigū masiñe,
tiquirore ñano yahuducuri
masa. Sa ñano ȳhd̄epeta
tiquina ñañe yerire ne b̄j̄ua
witierari. Sa ye duhuerari.
Cohācjūre “Tutuaḡu ijire”, ni
ñ peo duerari.

10 Pititiaro angele tiquina
pio siteri bato apequiro
angel tja tiquiro c̄ori pap̄u
pose tiyere pio sitedoque
dijiori tja n̄c̄u cjāno tiquiro
dujiro bui. P̄htoro dujiro
ijiri tiquiro dujiro. Tiquiro
sa pio siteri bato tiquiro
yequina tiquina ijiri yeh-
pap̄u nahitiaa wahari. Sa
ye tiquiro yequina masa
ñano purīgū bahque dihori.

11 Tiquinare ñano purīpegūta
ñano cami tiepeta, ne tiquina
ñañe yerire b̄j̄ua witier-
ari. Sa ye tire duhuerari.
Sa ye Cohācjū tiquinare
tiquiro cami dahregū masiñe

tiquirore ūhm̄use cjānore
ñano yahuducuri.

12 Ihcā omopequina an-
gele tiquina pio siteri bato
apequiro angel tja tiquiro
c̄ori pap̄u pose tiyere pio
sitedoque dijiori tja Eufrates
wame tiri ma pajiri map̄u.
Tiquiro sa pio sitedoque
dijijogūta ti ma sihbi quehea
wahari. Asū m̄ja taro cjēna
p̄htoa yequina masa mehna
ti mare tiquina pehā tatore sa
yeri.

13 Came ihtiaro watīre
taharoc̄ua yero saha bajuye-
quinare ihñau. Ihcāquiro
pinono puhiap̄u ijiriquiro
tiquiro d̄serop̄u wijia tari.
Apequiro watīno n̄c̄u cjāno
d̄serop̄u wijia tari. Ape-
quiro watīno “Cohācjū yere
yahu m̄htaḡu ijiaja”, ni
mehoriquiro d̄serop̄u wijia
tari. 14 Sa ye tiquina ihtiaro
watīa tutuaye mehna yeye-
quina ijiri. Ijipihitiro cjēna
p̄htoare cahmecoagū yeri
tiquina cahme wejē dutiye
tehe. Tiquina sa cahme
wejēati deco Cohācjū tutua
ȳhd̄ariquiro ijipihitiye-
quinare tiquiro dutiati deco,
pihtiati deco ijire.

15 Ohō saha nidi Jesu:
“Ihñaña m̄sa. Yaque-
riquiro wacūeno mehna
tiquiro yaquero ahtaro saha
ȳh̄u ḡh̄u wacūeno mehna
ahtautja. Ȳh̄u ahtatore
quehnoano cohteriquiro
bucueriquiro ijirota. Tiquiro
ye suhtire quehnoano
quehnoyuriquiro yero saha
yeere quehnoano yeriquiro
ijire bucueriquiro. Sa

yeriquiro ijiro yuhā ahtagū suhti marieniquiro tiquiro bue taboriro saha bue tisi tiquiro”, nidi Jesu.

¹⁶ Came ihtiaro watīa yehpari cjēna pūhtoare cahmecoagū yeri tiquinare. Tiquina cahmecoano Hebreo ye mehna “Armagedon”, wame tiri.

¹⁷ Seis angele tiquina pio siteri bato apequiro angel tja tiquiro cūori papu pose tiyere ehmeo cururi cahapu pio sitedoque dijiori tja. Tiquiro sa pio sitedoque dijiori bato pūhtoro dujiropu Cohācjū wuhūpu tiquiro dujiropu tutuaro yahuducuro ca tari:

—To punota ijiaga, nino ca tari.

¹⁸ Tiquiro sa nigūta mia sitedoqueo, upo pa maa, sijoro saha ijiro bisi maa, cuaro yehpa űuhmīdi. Ahri yehpapu masa tiquina iji ducari bato ne sa űano yehpa űuhmīda tiri. Apeye űuhmīne yuhduoro cuaro yehpa űuhmīdi. ¹⁹ Sa űuhmigū pajiri macare ihtia maha yihti maa wahari. Sa ye bujūye macari ahri yehpapu ijiye macari sehte dijiaa wahari. Sa yero Babilonia wame tiri maca pajiri maca cjēnare wacūri Cohācjū tiquinare buhiri dahrero taro. Tiquina űañene yeri buhiri tiquina mehna tutuaro usuari. Sa usuaro tiquinare tutuaro buhiri dahreri. ²⁰ Tiquiro sa yegū ijipihtiye nūcūpo, canū cju gūhū cohō pihtia wahari. Sa ye ne mariedare. ²¹ Sa ye bujūye paca aco paca yūsuaye paca yehpapu masa bui bora

dijia tari. Ijipihtiye paca aco paca cuarenta kilo nūcūne paca ijiri. Tiquina bui ti paca sa bora dijia tagū Cohācjū masare tiquiro tutuaro buhiri dahregū masīne űano yahuducuri masa Cohācjūre.

17

Umua mehna űano yeducuricorore űa yuhduaro yericorore buhiri dahre dutirota

¹ Came siete pari cūoyequina angele mehna cjūno yuhū cahapu wihiro ohō saha nidi yuhūre:

—Ihñagu ahtaya. Peye mārī bui dujiricorore umua mehna űano yeducuricorore űa yuhduaro yericorore Cohācjū tiquiro buhiri dahreatire ihñagu ahtaya mūhū. ² Ahri yehpa cjēna pūhtoa ticoro mehna tiquina űano yeboro saha ticoro yero saha yeri. Cohācjū ye pehere cahmedari. Ahri yehpa cjēnare ticoro quehegū yeboro saha tiquina mehna ticoro űano yeboro saha ticoro masare űañene tutuaro cahmegū yeri. Sa yero űañene yegū yeri masare, ni yahuri angel yuhūre.

³ Tiquiro sa nidi bato Espiritu Santo pehe yuhūre ihñori: Angel pehe masa marienopu neari yuhūre. Topu numinore ihñau. Ticoro nūcū cjūno sohāriquiro bui pesaricoro ijiri. Nūcū cjūno pehe tiquiro pagupu peye wame tiquina ojoa ohōnohriquiro ijiri. Ti wame űañe wame Cohācjū tiquiro ihña yabiye wame

ijiri. Sa yero siete dapu paca tiriquire, diez sahari tiriquire ijiri nũcũ cjãno. ⁴ Sa yero numino pehe quehnoano yahsaye suhti pũhtoa tiquina sañañe suhti saha ijiyere sañaricoro ijiri. Sohãñe suhti gãhũre sañaricoro ijiri. Peye urure, wapa tiye utãre, perla pjeri gãhũre ohõri suhtire sañaricoro ijiri ticoro. Sa yero uru pare cãori ticoro. Ti papũ pose tiye ñãñe ticoro yeri jiri. Ɛmũa mehna ñano yero, pajiro ñano yeri ticoro. Ti ñãñene ihña yabire Cohãcjũ. ⁵ Ticoro wũhdoapũ ticoro wame tiquina ojoa ohõnohricoro ijiri. Ti wamene quehnoano masiedaja mari. Ti wame queoye mehna buheri wame ijire. Ahri ijire ti wame: “Pajiri maca Babilonia wame tiri maca ijire. Ijipihtiyẽ wũana tiye dahpoto cjõno, ña yũhdũayere yericoro ijire”, ni, ticoro wũhdoapũ tiquina ojoa ohõnohricoro ijiri. ⁶ Sa yero ticoro peyequina Cohãcjũ yequinare wejẽdicoro ticoro ijigũ masii. Queheyere ticoro bucuero saha tiquinare wejẽno, tiquina dii cohãgũ bucueri ticoro. Jesure tiquina cohãedari buhiri ticoro wejẽdi tiquinare. Ticorore ihñagũ, ihña maria wahaũ.

⁷ —¿Dahsegu mũhũ ihña maria wahajari? nidi angel yũhũre.

Sa nino yũhũre ohõ saha ni nemori:

—Mũhũ masiedarire mũhũre yahutja. Nu-

minore mũhũre yahutja. Ticoro pesariquire gãhũre yahutja. Tiquiro nũcũ cjãno ijiri. Sa yero siete dapu paca tiriquire, diez sahari tiriquire ijiri. ⁸ Tiquiro panopũ ijiriquire ijiri. Yojopũre mariedare tiquiro. Came tiquiro uhcũari coperũ ijiriquire wijia tarota. Tiquiro sa wijia tari bato pecapũ wahařota. Ahri yehpa cjẽna tiquirore ihña maria, ño peori tiquirore. Ahri yehpa ijiato pano Cohãcjũ tiquiro yequina ijiatiquinare sa ijiducuatiquinare tiquina wamene ojoa ohõahye. Tiquiro ojoa ohõnohedariquina ijiri nũcũ cjãnore ño peoyequina. Tiquiro pehe panopũ ijiri. Yojopũ pehere mariedare. Camerũ pari turi bajarota. Sa ye tiquiro bajuagũ ihñañe masa tiquirore ihña maria wahaeta.

⁹ Yojopũre yũhũ yahuatire masi duana, quehnoano tũhonata mũsa. Sa yena tũho masina ijiya. Nũcũ cjãno dapu paca siete dapu paca siete cũnũ cju ijire, mari queoye mehna buhegũ. Ti cũnũ cju buipũ pesare ticoro uũũa mehna ñano yeducuricoro. ¹⁰ Ti dapu paca siete pũhtoa yero saha ijire, mari queoye mehna buhegũ. Peyequina masa pũhtoa ijire. Ihcã omopequina pũhtoare cohã tuhasari. Apequiro tiquina bato ijiriquire pũhtoro ijire yojopũre. Apequiro pehe came pũhtoro sajanota. Sa sajanõ mehenogã pũhtoro

ijirota tiquiro. ¹¹ Sa yero nucu cjano sohariquiro panopu iji mhartiquiro, yojopare marieniquiro tiquina siete puhtoa bato puhtoro ijirota. Siete puhtoa mehna cjano ijire. Came pecapu waharota.

¹² 'Nucu cjano sahari diez sahari diez puhtoa yero saha ijire, mari queoye mehna buhegã. Peyequina masa puhtoa ijire. Tiquina puhtoa sajãedare yojopu. Camepu puhtoa sajãne mehenogã puhtoa ijieta. Yoari pje iji dutisi tiquinare. Sa puhtoa ijiye nucu cjano mehna puhtoa ijieta. ¹³ Tiquina diez puhtoa ihcãno saha tahotuyequina ijire. Sa ijiye tiquina nucu cjãnore tiquina ye yehpari cjãna puhtoro sãeta. ¹⁴ Sa ye Cordero mehna cahme wejãeta. Tiquina sa cahme wejãpegãta Cordero tiquiro beseriquina mehna tiquirore ne cohãnequina mehna tiquinare yuhducaeta. Tiquiro ijipihtiyequina apequina puhtoa bui puhtoro ijire. Sa yero tiquinare yuhducarota, nidi angel yuhure.

¹⁵ Ahrire yuhure yahu nemori angel:

—Umã mehna ñano yeducuricoro mări bui dujiri. Ti mări ahri yero saha ijire mari queoye mehna buhegã: Ijipihtiyehpari cjãna, peyecururi cjãna, peye yahuducuyere yahuducuyequina yero saha ijire ti mări. ¹⁶ Nucu cjano, diez puhtoa gãhu umã mehna ñano yeducuricorore

ihña yabieta. Tiquina diez puhtoa nucu cjano mehna ticoro yere ehma peho, suhti mariedicoro cohãeta ticorore. Sa ye ticoro pagure ihyaeta. Tiquina sa yeri bato ticorore ujã pehoeta. ¹⁷ Tiquina diez puhtoa ihcãno saha tahotuye, nucu cjãnore tiquina ye yehpari cjãna puhtoro sãeta. Tiquinare sa yegã yeri Cohãcjã, tiquiro cahmeno saha yero taro. Sa yero nucu cjano pehe puhtoro ijirota. Ijipihtiyehpari Cohãcjã panopu tiquiro yahuriro sahata tiquiro yeri bato nucu cjãnore cohãnota. ¹⁸ Ticoro mahũ ihñaricoro mehna ohõ saha ni queoye mehna buhere: Ticoro pajiri maca Babilonia wame tiri maca yero saha ijire. Ijipihtiyequina apequina puhtoa bui ijire ti maca cjãna, nidi angel yuhure.

18

Babilonia wame tiri maca tiquiro cohãri maca ijire

¹ Came apequiro angel umusepu dijia tariquirore ihñau. Tiquiro puhtoro waro ijiri. Sa yero tiquiro asi siteye ijipihitiorpu quehnoano buhrio sehãa wahari. ² Tiquiro sa dijiari bato tutuaro sañuducu yahuri:

—Cohãri jiri. Babilonia wame tiri maca pajiri maca cjãnare cohãri jiri. Yojopare watã, peyequina ñãnequina pagu bajueyequina gãhu ti macapu ijiye nine. Ñãnequina boro minicjã pari gãhu ti macapu ijiye

nine. Tiquina minicjua masa tiquina ihña yabiyequina ijiri. ³ Ijipihtiye yehpari cjëna ti maca cjënare ñañequinare ihña cññe, tiquina gũhu ñano yeri. Sa ye ahri yehpari cjëna pũtoa ti maca cjëna numia mehna ñano yeri. Ticoro sa umua mehna ñano yeducuricoro ijiro wapa tiyere dúe tiri. Pajiro ticoro sa dúgũ ahri yehpa cjëna doeri cjë duayequina pajiro wapatar, ni yahuri angel.

⁴ Came pari turi umusepu yahuducuro ca tari. Ohõ saha nidi:

—Yeequina, ahricoro umua mehna ñano yeducuricoro mehna ijieracãhña musa. Ticoro mehna musa ijigũ musa gũhare buhiri dahrerota. Sa yena ticoro ñano yeyere ihña cñedacãhña.

⁵ Ticoro ñano yeri peye ijire. Ticoro ñano yerire pari tju mari duhu peo mhogũ ti tju pehe umusepu wahã sa cãboaga. Sa ye ticoro ñano yeri peye ijire. Sa yero ticoro ñano yerire wacũre Cohãcjũ. Sa wacũno ticorore buhiri dahre dutirota. ⁶ Ticoro tutuaro tiquiro buhiri dahrenohaticoro ijiahero. Masare ticoro ñano yegũ yeriro saha ticoro gũhare ñano yuhdugũ yeahro. Masare ticoro sa ñano wahagũ yeriro saha ti yuhduoro ticorore ñano buhiri dahreahro.

⁷ Ticoro “Quehnoago iji-aja”, ni tũhotumedi. Sa ni tũhoturo, wapa bujuyere pajiro cõori ticoro. Ti wapa bujuyere pajiro ticoro cõoro punota ticorore pajiro ñano

yuhdugũ yeahro. To punota ticorore bujua witi gũ yeahro. Ticoro basi ohõ saha ni tũhotumene. “Ohõpu dutigo dujiaja. Wape wiho ijieraja. Sa yego ne ñano yuhdusi yuhũ”, ni tũhotumene ticoro.

⁸ Sa ni tũhoturicoro ijigũ wacũeno mehna ticorore buhiri dahrerota. Ticoro dohati, yariariquinare yahco uti, ujua ahbarota. Sa yero ticorore ujua borota. Musa pũthoro Cohãcjũ ticorore buhiri dahre dutiriquiro tutua yuhduariquiro ijire. Sa yero sa yuhũ nidiro saha ticorore buhiri dahre dutirota, nino ca tari umusepu.

⁹ Sa ye ticoro yero saha ijiri macare Cohãcjũ tiquiro buhiri dahreri bato ahri yehpa cjëna pũtoa tutuaro bujua witi, utieta. Ti maca cjëna mehna ñano yeyequina ijiri. Ti maca ujũgũ ihñañe utieta tiquina. ¹⁰ Sa ujũgũ ihñañe tiquina pũtoa yoaropũ ihñadoqueoducuenta, “Usã gũhare buhiri dahreari”, niñe. Topũ ihñadoqueoducuye ohõ saha nieta:

—Yohou, pejecõori maca ijire, Babilonia. Si maca pajiri maca tutuari maca ijimedi. Wacũeno mehna si macare buhiri dahreri, nieta tiquina.

¹¹ Ijipihtiro cjëna doeri cjë duayequina ti macare ihñañe tutuaro bujua witi utieta. Ti maca pihtigũ ihñañe, tiquina ye doeri cjëne dúyequina mariedagũ ihñañe bujua witieta tiquina. Sa ye utieta. ¹² Tiquina ne cãhtarire urure, platare, wapa bujuyere utãre,

perla wame tiye paca gūhure dúyequina marisi. Sa ye apeye tiquina ne cāhtarire suhti quehnoañe suhtire, yahsaye suhti pūhtoa tiquina sañañe suhti saha ijiye suhtire, seda wame tiye suhtire, sohāñe suhtire dúyequina marisi. Sa ye apeye tiquina ne cāhtarire yucari ehme sitiye yucarire dúyequina marisi. Sa ye apeye tiquina ne cāhtarire marfil wame tiye mehna tiquina yerire, wapa bujūye cju mehna tiquina yerire, bronce wame tiye come mehna tiquina yerire, come butiye mehna tiquina yerire, marmol wame tiye mehna tiquina yerire dúyequina ne marisi. ¹³ Sa ye apeye tiquina ne cāhtarire canela wame tiyere tiquina ihyayere ocagū yeyere, apeye tiquina ihyayere ocagū yeyere, bueyere, mirra wame tiye ehme sitiye, apeye ehme sitiye dúyequina marisi. Sa ye apeye tiquina ne cāhtarire vinore, uhse ihyaye moreñene, trigore, trigo pjerire, wecware, corderoare, caballoare, tunuñe cohori caballoa tiquina wejeye cohorrere dúyequina marisi. Cahacjēnare dú tiquinare cūoyequina gūhu marisi. Masa tiquina ijiepegūta tiquinare dúyequina ijimedi. Yojopare marisi. Sa ye bujua witieta doeri cjēne duayequina. ¹⁴ Sa ye ohō saha nieta tiquina ti maca cjēna ijiriquinare:

—Adei, ñabutiario wahayari. Ijipihtiye mūsa cahīmedi pih-

tia wahari. Sa ye ijipihtiye quehnoañe mūsa cūomedi pih-tia wahari. Sa yena tire pari turi bocasi mūsa, nieta doeri cjēne duayequina.

¹⁵ Tiquina ti macare doeri cjēne duaye, pajiro wapatamedi. Sa ye tiquina ti macare yoaropū ihñadoqueoducuenta, “Ūsā gūhure buhiri dahreari”, niñe. Sa ihñadoqueoducuye ti macare tutuaro bujua witi utieta. ¹⁶ Ohō saha nieta ti macare:

—Adei, pejecūoyequina ijire si maca pajiri maca quehnoari maca cjēna mūna. Si maca numino yero saha quehnoañene cūori. Numino pehe quehnoañe suhtire, yahsaye suhti pūhtoa tiquina sañañe saha ijiye suhtire, sohāñe suhti gūhure sañari. Sa yero uru, wapa bujūye utā, perla wame tiye paca ohōri suhtire sañari. Sa yeri si maca cjēna. ¹⁷ Sa ye wacūeno mehna si maca buti pihtia wahari, nieta ti macare.

Sa ye ijipihtiyequina yucūsari mehna tiniñequina, ti yucūsari opana, tiquina mūna, apequina pajiri mapū dahra wapatayequina gūhu ti macare yoaropū ihñadoqueoducuenta. ¹⁸ Topū ihñadoqueoducuye ti macare to ujugū ihñañe ohō saha ni sañuducuenta:

—Quehnoañe macari si maca yero saha ijiye macari ne apeye macari mariedare, ni sañuducuenta tiquina.

¹⁹ Sa bujua witiyequina ijije tiquina dapu paca bui

dihtare orē peoeta. Sa ye tutuaro yahco utiye ohō saha nieta:

—Adei, pejecuoyequina ijire si maca cjēna muna. Quehnoari maca ijimedi. Ijipihtina yucsarire cuona pajiri mapu tinina ijina si maca cjē doeri cjē mehna quehnoano wapatami mari. Sa ye duita si maca cjē buti pihtia wahari, nieta yucsarari cjēna.

²⁰ Ti macare tiquiro cohāgū ihñana bucueya mūsa uhmūse cjāna. Cohācjū yequina, Jesu tiquiro cūrīna, tiquiro yere yahu mūhtarina ijipihtina mūsa bucueya. Ti maca cjēna mū sare ñano yūhdugū yeri. Tiquina sa yeri buhiri buhiri dahreri Cohācjū. Sa yena bucueya mūsa.

²¹ Sa yero tutuariquiro angel pajiria utāre ne wahcō, pajiri mapu doque ñori. Sa doque ñono ohō saha nidi:

—Ahria utā bora ñojoariro saha pajiri maca Babilonia wame tiri maca boraro tutuaro bisirota. Sa borari bato ti macare pari turi ihñasi masa. ²² Ti macare butia wahagū yerota. Sa ye ti macapu basayere mūsa basaducuriro saha ne acaro tisi. Arpa wame tiyere mūsa bua putēducuriro saha, flauta wame tiye pacare, corneta gūhure mūsa putiducuriro saha pari turi ti macapu acaro tisi. Sa ye ti maca mariedagū pari turi ti macapu dahrayequina dahrasi. Sa ye utā mehna trigore mūsa ña mutoñe

gūhure tūhonohsi. ²³ Ne ti maca buhrio cuñariro saha ne ijisi. Sa ye omoca dūhtena mūsa bucue yahuducuriro saha pari turi ne acaro tisi. Ti maca cjāna mūsa doeri cjēne duana, dūna gūhu apequina yūhdūoro cuomedi mūsa. Sa yena yayia masare ujuayequina yero saha yena ijipihtiro cjēnare mehori mūsa. Mūsa sa yerire ihña mariañe, Cohācjū pehere cahmedari masa, nidi tutuariquiro angel.

²⁴ Ti maca cjēna Cohācjū yere yahu mūhtariquinare apequina tiquiro yequina gūhure ijipihtiro cjēnare wejēdi jiri. Tiquina sa wejēdi buhiri buhiri dahreri Cohācjū Babilonia cjēnare.

19

¹ Babilonia dūhse wahatire yūhu ihñari bato uhmūsepū peyequina masa sañuducue ca tari yūhu tūhogū. Ohō saha ni sañuducuri:
Aleluya.

Cohācjūre quehnoano yahuducuuhna. Cohācjū marine yūhdūoriquiro ijire. Tiquirore quehnoano ño peouhna. Tutua yūhdūariquiro ijire tiquiro. ² Mehono marieno queoro masare buhiri dahrere tiquiro. Ñañe buhiri marieñequinare tiquinare buhiri dahrerare. Ñaricorore amūa mehna ñano yeducuricorore ihña cūñe ijipihtiro cjēna, ahri yehpa cjēna

ñano yeri. Ticoro pehere buhiri dahreri Cohãcjũ. Sa yero tiquiro cahacjênare ticoro wejêdi buhirire buhiri dahreri tiquiro, ni sañuducue ca tari.

³ Pari turi sañuducue ca tari tja:

Aleluya. Cohãcjũre quehnoano yahuducuuhna. Ti maca ñari maca tiquiro ujãari maca sa ohmeo tiducurota, ni sañuducue ca tari.

⁴ Sa yeye veinticuatro Jesu yequina pãhtoa, pititiaro sijoro saha bajuyequina mehna dusepe curi mehna quehe sa, mari Pacãre tiquiro dujiropã dujiriquire ño peori. Ohõ saha ni ño peori tiquina: “Aleluya. Sata yeihna. Mari Pacãre quehnoano yahuducuuhna,” nidi tiquina. ⁵ Came pãhthora dujiropã ohõ saha nino ca tari:

Mari pãhthora Cohãcjũre ño peoya. Tiquiro cahacjãna, tiquirore ño peona, ihyo ijina, pãhtoa gãhu ijipihina m̄sa tiquirore quehnoano yahuducuuhna, nino ca tari.

Cordero tiquiro omoca dãhteati deco bose decore yahuahye Ñu

⁶ Came peyequina masa tiquina yahuducugũ tãhou. Sa ye pajiri peo, p̄po mehna tutuaro bisiro saha yahuducue ca tari yahũ tãhogũ:

Aleluya. Cohãcjũre quehnoano yahuducuuhna. Tiquiro mari pãhthora pehe pãhthora sajã tuhasari. Tutua yahdãariquire ijire tiquiro. ⁷⁻⁸ Cordero tiquiro omoca dãhteati pje ijire yojopãre. Tiquiro omoca dãhteaticoro quehnoano tiquina quehno tuhasaricoropã ijire. Ticorore quehnoari suhtiro wete marieni suhtirore ohori. Ti suhtiro Cohãcjũ yequina quehnoañene tiquina yeri yero saha ijire, mari queoye mehna buhegã. Sa yena ti omoca dãhteati pje ijigã bucueihna mari. Cohãcjũre “Tutua yahdãariquire ijire”, niñna, ni yahuducue ca tari.

⁹ Tiquina sa nidi bato angel ohõ saha nidi yahũre:

—Ahrire ojoa neña: “Cordero tiquiro omoca dãhteri deco bose decore tiquiro pijioriquina bucueyequina ijire”, ni ojoa neña, nidi angel yahũre.

Sa ninota ohõ saha ni nemori:

—Ijirota ijire ahri yahũ yahuri. Cohãcjũ ye yahuducue ijire, ni nemori yahũre.

¹⁰ Tiquiro sa nigũ tãhogũta tiquiro caha dusepe curi mehna quehe sa, tiquirore ño peou tãh nimi. Yãhũ sa yegũ waro ohõ saha nidi tiquiro yahũre:

—Tire yeracāhña. Māhū yero saha yūhū gūhū Cohācjū cahacjūta ijiaja. Māhū acaye Jesu yequina ijipihtiyequina tiquiore ye buheyere duhuyequina yero saha yūhū gūhū Cohācjū cahacjūta ijiaja. Sa yegu Cohācjū pehere dusepe curi mehna quehe sa, tiquiore ño peoya, nidi angel yūhūre.

Cohācjū yere yahu māhtariquina māna panopu cjēna Espiritu Santo yedohoro mehna ti buheyere Jesu ye buheyere yahuyuahye.

Caballo yehseriquiro bui pesariquiore yahuahye Ņū

¹¹ Came ahmūse parī maa wahagū ihñāh. Topu caballo yehseriquiro ijiri. Tiquiro bui pesariquiore ohō saha wame tiri: Tiquiro nidiro sahata yeriquiro poto yeriquiro wame tiri tiquiro. Queoro masare dutiriquiro ijire, tiquiore ihña tuhtiyequina mehna cahme wejēne. ¹² Tiquiro caperi peca pohna yero saha ijiri. Sa yero tiquiro dapupu peye pūhtoā pesaye behtori ijiri. Sa yero tiquiro pagupu wame oja ohōnohriquiore ijiri. Ti wamene tiquiro dihita masidi. Apequina masiedari. ¹³ Tiquiro sañari suhtiro yoari suhtiro dii wahñari suhtiro ijiri. Tiquiro ohō saha wame tiri: Cohācjū ye yahuducuyere yahuriquiro wame tiri tiquiro. ¹⁴ Sa ye tiquiro yequina surara ahmūse cjēna tiquiore nūnū tāri. Yehseyequina

caballo bui pesayequina quehnoañe yehseye suhtire, wete marieñe suhtire sañariquina ijiri. ¹⁵ Tiquiro duseropu ñoseni pñine siori pñine cuhñuri. Ti pñi ijipihtiyē yehpari cjēnare tiquiro yūhdūdcati pñi ijiri. Sa yero tiquiro tutuaye mehna tiquiro dutigū ne ihcāquiore tiquiore yūhdūdcaro cūsi. Cohācjū ijipihtiyē yehpari cjēna mehna usuare. Tiquiro sa usuagū caballo bui pesariquiore tiquinare tutuaro buhiri dahrerota. ¹⁶ Tiquiro suhtiropu, tiquiro ñecu gūhūre ahri wamene oja ohōri jiri: “Ijipihtiyequina apequina pūhtoā bui pūhtoro”, ni oja ohōri jiri.

¹⁷ Came asū asiropu ducuriquiore angelre ihñāh. Ijipihtiyequina ahmūsepū wāyequina yucaā parire sañuducu māori tiquiro. Ohō saha ni tutuaro sañuducu māori:

—Cahmecoana ahtaya. Cohācjū tiquiro bose decopu ihyana ahtaya. ¹⁸ Peyē yehpari cjēna pūhtoare, surara pūhtoare, surara parire, caballoare, tiquina bui pesayequinare, ijipihtiyequina apequina masare, cahacjēnare, cahacjēna ijieyequinare, apequina pūhtoare, ihyo ijieyequinare tiquina ijipihiyequina tiquina paguri ijirire ihyana ahtaya, nidi angel yucaare.

¹⁹ Came nūcu cjānore, ahri yehpa cjēna pūhtoā tiquina yequina surara pari gūhūre ihñāh. Caballo bui

pesariquiro mehna tiquiro yequina surara pari mehna cahme wejēñe tehe cahme-coari tiquina. ²⁰ Tiquina sa cahme wejēgã caballo bui pesariquiro nꝛꝛꝛ cjanore peresu yeri. Apequiro “Cohãcjã yere yahu mũhtagũ ijiaja”, ni mehoriquiro gũhare peresu yeri. Tiquiro ni mehoriquiro pehe nꝛꝛꝛ cjanõ tiquiro ihñonopũ tu-tuaye mehna ye ihñoriquiro ijiri. Tiquiro sa ye ihñori mehna nꝛꝛꝛ cjanõ wamene wahñañequinare tiquiro queoyere ño peoyequinare ni mehori “Ahri Cohãcjã ye ijire”, nino. Tiquina pũarore tiquiro peresu yeri bato tiquinare catiyequinareta pecapũ cohãri. Ti peca pajiri ma yero saha pajiri peca azufre mehna ujárĩ peca ijiri. ²¹ Sa yero dũhsariquinare tiquina yequina surara parire ñosenĩ pjĩ mehna tiquiro dũseropũ ijiri pjĩ mehna wejēdi caballo bui pesariquiro pehe. Sa tiquiro wejēdi bato yucaã pari tiquina pagũri ijrĩre ihyaye, yapĩ yũhdũã wahari.

20

Mil cãmari waro Cristo tiquiro yequina mehna masare dutirota

¹ Came apequiro angel uhmũseperũ tiquiro dijia tagũ ihñãũ. Uhcũãri cope cãã sawire, pajiri da, come da gũhare cũori tiquiro. ² Sa dijia wihiro pinonore ñehedi tiquiro. Tiquiro pinono panopũ pinono saha pagũ

tiriquiro ijiro, watĩno Sata-tana wame tiriquiro ijiri. Tiquirore ñeheno tiquirore dũhteri mil cãmari waro peresu yero taro. ³ Sa dũhte tuhasa, uhcũãri copepũ cohãri tiquirore ahri yehpari cjenare mil cãmari waro tiquiro “Mehoari”, nino. Sa cohã tuhasaro ti copere biha, piha ñehe cãri. Sa yero mil cãmari bato pari turi meheñe decorigã tiquirore wiorĩnota.

⁴ Came pũhtoa dujiyere ihñãũ. Ti dujiyepũ dujiyequina gũhare ihñãũ. Tiquinare masare tiquina be-seatore ñañene yeyequinare tiquina buhiri dahreatore cũri Cristo. Apequina gũhare ihñãũ. Tiquina pehe Jesu yere Cohãcjã yere tiquina yahuri buhiri tiquina dapu pacare dũte cohãnohriquina ijiri. Nꝛꝛꝛ cjanore tiquiro queoye gũhare dũsepe curi mehna quehe sa ño peoerari. Sa ye tiquina wahdoã pacare tiquina omocari gũhare tiquiro wamene ojoã ohõ dutierari tiquina. Sa ye apequina tiquinare wejēdi bato masaa wahari tja. Masari tiquina mil cãmari waro Cristo mehna pũhtoa ijiye tehe. ⁵ Apequina Cristo yequina yariariquina mũna masaedarĩdi. Tiquina wejēdiquina tiquina masari bato mil cãmari pũhtoa tiquina ijiri bato apequina gũhũ masaa wahaeta. Sa ye tiquina wejēdiquina mũna Cristo yequina tiquiro bato masa mũhtañequina ijiri.

⁶ Tiquiro maso m̄htariquina pehe tutuaro bucueyequina ijjeta. Ñañe marieñequina ijjeta tiquina. Sa ye pecap̄ wahasi tiquina. Masa pecap̄ wahaye, pari turi tiquina yariaro saha wahare. Sa ye tiquina pecap̄ wahaerare. Masa m̄htariquina Cohãcjũ, Cristo yequina pahia ijjeta tiquina. Sa ye mil c̄hmari waro Cristo mehna masa p̄htoa ijjeta.

⁷ Mil c̄hmari bato Sa-tanare peresup̄ ijiriquirore wiorota. ⁸ Tiquirore sa wiori bato ahri yehpa cj̄nare mehono waharota tiquiro. Gog wame tiyequinare, Magog wame tiyequina ḡhure mehono waharota. Sa ye tiquina tiquiro mehoñene t̄hoye, tiquina yequina surara parire cahmecoaeta cahme wejẽne tehe. Surara pari peyequina ijjeta. Pajiri ma cj̄ pad̄ p̄jeri peye ti ijiro saha peyequina surara ijjeta.

⁹ Sa ye ahri yehpap̄re waha siteye, Cohãcjũ yequina tiquina ijiri macare Cohãcjũ tiquiro cah̄idi macare majare behtoa cahmotaeta. Tiquina sa cahmotari bato Cohãcjũ tiquinare ùhm̄use cj̄ peca mehna ùjũadoque dijiorota. ¹⁰ Sa wahari bato wat̄nore tiquinare mehoriq̄irore pecap̄ cohãnota. T̄i peca pajiri ma yero saha ijiri peca azufre mehna ùj̄ri peca ijiri. Top̄ n̄sc̄ cj̄n̄ore, “Cohãcjũ yere yahu m̄htaḡ ijiaja”, ni mehoriq̄irore ḡhure cohã tuhasari. Top̄ tiquina ijigũ deco, ñamip̄ ḡhure sa ñano

pur̄ducurota tiquinare.

Cohãcjũ masare buhiri dahre bato tire

¹¹ Came pajiro dujirore quehnoano yehserore p̄htoro dujirore ih̄ñau. Ti dujiro bui dujiriquiro ḡhure ih̄ñau. Ahri yehpa cj̄ena ḡh̄u ùhm̄use cj̄ena ḡh̄u tiquirore cueye, duhti oma c̄a wahari. Sa duhtiepeta tiquirore duhtieye c̄edari. ¹² Sa yeḡ p̄htoro poto yariariquina m̄na tiquina ducugũ ih̄ñau. Tiquina ih̄yo ijyequina, p̄htoa ijiriquina ḡh̄u ijiri. Top̄ tiquina ducugũ ojoa ohõñe tjurire p̄ori. Ti tjuri masa tiquina yerire tiquina ojoa ohõñe tjuri ijiri. Sa yero beseriquiro ti tjurire ih̄ña tuhasa tiquina yerire masidi. Tire masino yariariquinare beseri ñañequina, quehnoañequina ḡhure. Came ape tju ḡhure p̄ori. Ti tju Cohãcjũ mehna sa ijiducuatiquinare tiquina wamene ojoa ohõri tju ijiri. ¹³ Came pajiri map̄, diap̄ ḡhure yaria dijiariquina wahcã m̄jaa wahari. Sa ye yehpa puhap̄ ijyequina, yariariquina tiquina ijir̄op̄ ijyequina ḡh̄u m̄jaa wahari. Tiquina sa m̄ja sagũ top̄ dujiriquiro tiquina yerire masi pehor̄o, tiquinare beseri ñañequina, quehnoañequina ḡhure. ¹⁴ Came yariarore, yariariquina tiquina ijiro ḡhure cohã c̄hri Cohãcjũ pari turi mari yariarore. Pecap̄ cohã c̄hri. Ti peca pajiri ma yero saha ijiri peca

pajiri peca ijiri. Pecapũ wahayequina pehe pari turi yariaro saha wahare. ¹⁵ Sa yero sa ijiducuatiquina tiquina wamene Cohãcjũ tiquiro ojoa ohõri tjupũ ijipihitiyequina tiquina wamene ojoa ohõmehneñequina pehere pecapũ cohãri tiquiro.

21

Ɛhmũsepũ, ahri yehpa gũhũre wahmare comesarota Cohãcjũ

¹ Came Ɛhmũsepũ, ahri yehpa gũhũre wahmare tiquiro comesarire ihñañ. Ɛhmũsepũ iji mũhtari, yehpapũ iji mũhtari, pajiri mapũ iji mũhtari gũhũ pihtia wahari. Mariedari. ² Sa yegũ yũhũ Ñu quehnoari macare, wahma macare Jerusalêne ihñañ. Ti maca Ɛhmũsepũ Cohãcjũ cahapũ dijia tagũ ihñañ. Omoca duhteaticorore quehnoañe suhti mehna wahma sũore omoca duhteatiquirore bucuegũ yero taro. Sata ti macare quehnoyuri jiri Cohãcjũ, tiquiro yequinare bucuegũ yero taro. ³ Tire yũhũ ihñari bato pũhtoro dujiropũ tiquiro sañuducugũ tũhou:

—Ihñaña. Yojopũre masa watoapũ ijiro nine Cohãcjũ. Tiquina mehna ijirota tiquiro. Sa ye tiquiro yequina ijietata tiquina. Sa yero Cohãcjũ tiquiro basi tiquina mehna cjãno ijiro, tiquina yaquiuro Cohãcjũ ijirota. ⁴ Sa yero sa bucueducugũ yerota tiquiro tiquinare. Sa ye pari turi

bũjũa witisi tiquina. Sa ye ne pari turi yariasi tiquina. Ne ñano jeripohna tiye, utiye, purĩñe gũhũ marisi tiquinare. Ahri ijipihitiye panopũ cjẽ ijiri pihtia waharota, ni sañuducuro ca tari.

⁵ Came pũhtoro dujiropũ dujiriquiro ohõ saha nidi:

—Ihñaña. Ijipihitiyere wahma comesagũ yeitja, nidi.

Tiquiro sa nidi bato yũhũre ohõ saha nidi tja:

—Ahri yũhũ niñene ojoa neña. Yũhũ niñe ijirota ijire. Sa yero yũhũ nidiro sahata sa waharota. Sa yegũ yũhũ niñene ojoa neña, nidi yũhũre.

⁶ Came ohõ saha nidi tja yũhũre:

—To punota ijiaga. Yũhũ ijipihitiyere bajumehnedigũ ijiaga. Sa yegũ ijipihitiyere pihtigũ yeacjũ ijiaga. Aco wũoyequina tutuaro tiquina acore cahmeno saha yũhũ cahapũ ahta duayequina yũhũre cahmeeta. Sa ye yũhũre yũhtieta. Yũhũ catigũ yeye aco yero saha ijigũ ijiaga. Yũhũre cahmeñequinare yũhũ mehna sa ijiducugũ yeitja tiquinare. Tiquina esa tuharo ye dutiro marieno, yũhũ tutuaye mehna yũhũ mehna sa ijiducugũ yeitja.

⁷ Ijipihitiyequina yũhũre wacũ tutua duhuyequinare ohõ saha yeitja: Tiquina yaquiuro Cohãcjũ ijiitja. Sa ye tiquina pehe yũhũ pohna ijietata. ⁸ Sa ijiepetata cueye, yeere duhuyequina, yũhũre cahmeñequina, ña yũhdũyere yeyequina, masare wejẽñequina, wũana tiyequina,

masare ujuayequina yero saha yeyequina yayia, “Cohãcjũ ijire”, tiquina niñe queoyere ño peoyequina, ijipihtiyequina ni mehoñequina pecarũ wahæta. Topũ pajiri ma yero saha ijiri peca pajiri peca azufre mehna uñãno nine. Topũ wahayequina pari turi tiquina yariaro saha wahaye nine, nidi yuhure.

Wahma maca Jerusalêne yahuahye

9 Came ihcãquiro angel yuhũ caharũ wihiri. Tiquiro siete pari cãoyequina, tiquiro buhiri dahre duti cãriquina angele mehna cjũno ijiri. Sa wihiro, ohõ saha nidi yuhure:

—Ihñagũ ahtaya. Cordero tiquiro omoca dahtericorore ihñoutja mähure, nidi angel yuhure.

10 Sa yero Espíritu Santo yuhure Cohãcjũ ya macare ihñori. Ohõ saha bajuro ihñori yuhure: Æhmũanũ canũ buirũ yuhure ne mäjari. Tũpũ usã ijigũ Jerusalêne Cohãcjũ ya macare quehnoari macare ihñori yuhure. Cohãcjũ caharũ æhmũseperũ ijiri maca dijia taro nidi ahri yehparũ.

11 Cohãcjũ tiquiro asi siteye mehna asi siteri maca ijiri ti maca. Wapa tiye utã yero saha asi siteri. Jaspe wame tiye utã yero saha asi siteri. Sa yero vidrio yero saha quehnoano aco sitiri maca ijiri ti maca. 12 Sa yero pajiri sahrĩno æhmũari sahrĩno tiquina sahrĩ sãri

maca ijiri ti maca. Doce sopecahari tiri ti sahrĩno. Ti sopecaharipe cohteri angele. Ti maca cjẽ sope pahmaripũ Israe masa cururi doce cururipe tiquina wame wahñari. 13 Asũ mäjã taro pehe ti sahrĩno cãori ihtia sopecaha. Sur cũ pehe pehe ihtia sopecaha ijiri. Norte poto pehe ihtia sopecaha ijiri. Asũ sajãno pehe gũhure ihtia sopecaha ijiri. Ijipihtiro doce sopecahari waro cãori ti sahrĩno. 14 Ti sahrĩno doce utã paca bui pesari. Ti utã pacape Cordero cãrina doce tiquiro cãrina usãpe wame wahñari.

15 Sa yero angel yuhure yahuriquiro queodũ uru mehna tiquina yedure cãori. Ti macare, ti maca cjẽ sopecaharire, sahrĩno gũhure queoro taro nidi. 16 Ti maca yoaro punota ehsaro gũhũ to punota ehsari. Æhmũano gũhũ to punota æhmũari. Sa yero angel queodũ mehna ti macare queori. Ti maca dos mil doscientos kilómetro yoari maca ijiri. To punota ehsari maca ijiri. To punota æhmũari maca ijiri. 17 Sa yero ti maca cjã sahrĩnore queori angel. Sesenta y cinco metro æhmũari sahrĩno ijiri. Masa mari queoro sahata queoro nidi tiquiro angel.

18 Ti sahrĩno jaspe wame tiye utã paca mehna tiquiro yeri sahrĩno ijiri. Sa yero ti maca pehe uru mehna tiquiro yeri maca ijiri. Ti uru wete marieñe ijiro quehnoano asi siteri. 19 Ti sahrĩno docapũ ijiye utã

pacapure peye sijoro saha ijiye wapa tiye paca wahñari. Ti utã paca sahrĩnopu pesaye paca doce paca ijiri. Iji mæhtaria utãre jaspe wame tiye utã wahñari. Ti paca bato ijiria utãre zafiro wame tiye utã wahñari. Puaría bato ijiria utãre ágata wame tiye utã wahñari. Ihtiaría bato ijiria utãre esmeralda wame tiye utã wahñari. ²⁰ Pititiaría bato ijiria utãre ónice wame tiye utã wahñari. Ihcã omope paca bato ijiria utãre cornalina wame tiye utã wahñari. Seis paca bato ijiria utãre crisólito wame tiye utã wahñari. Siete paca bato ijiria utãre berilo wame tiye utã wahñari. Ocho paca bato ijiria utãre topacio wame tiye utã wahñari. Nueve paca bato ijiria utãre crisoprasa wame tiye utã wahñari. Diez paca bato ijiria utãre jacinto wame tiye utã wahñari. Once paca bato ijiria utãre amatista wame tiye utã wahña bato tiri.

²¹ Sa ye doce sope pahmari doce perla mehna tiquiro yeri pahmari ijiri. Ti pahmaripe ihcã pje perla pje mehna tiquiro yeri pahmari ijiri. Sa yero ti maca cjã maha uru mehna tiquiro yeri maha ijiri. Ti uru wete marieñe uru ijiri. Sa yero quehnoano aco sitiri maha ijiri ti maha.

²² Ti macapuru Cohãcjũ wuhure ihñeduru. Mariedari. Ti macapuru ijipihtiropuru mari puhtorore Cohãcjũ tutua yuhduariquirore, Cordero gũhure ño peore masa.

Sa yero ti maca ijipihtiro Cohãcjũ wuhure yero saha ijiri. ²³ Sa yero ti macapuru Cohãcjũ tiquiro asi siteye quehnoano buhriori. Cordero gũhure sihãria yero saha buhriori. Sa ye asũ deco cjũno gũhure ñami cjũno gũhure topuru tiquina buhriogũ cahmedari. ²⁴ Sa ye ahri yehpapuru ti buhrioye mehna ijieta ijipihtiro cjẽna. Sa ye ijipihtiyeyehpari cjẽna puhtoa ti macapuru quehnoa yuhduayere tiquina cuoyere ne wihietta. ²⁵ Sa ye decore ti maca cjẽ sopecahari puori sopecahari ijieta. Topure ne ñami marisi. Sa ye ti sopecaharire ne bihasi. Sa susuducurota. ²⁶ Sa ye ahri yehpari cjẽna quehnoañene tiquina cuoyere ti macapuru ne wihietta. ²⁷ Ñañe pehere ti macapuru ne ne wihisi. Bue tigũ yeyequina, ñañene yeyequina gũhure ti macapuru ne wahasi. Mehoñequina gũhure ne wahasi. Cordero tiquiro ojoari tjupuru tiquina wame wahñañequina dihita ti macapuru wahaeta. Ti tju tiquiro yuhduoriquina tiquina wamene tiquiro ojoa ohõri tju ijire. Ti tju tiquina wame wahñañequina sa iiducuenta.

22

¹ Came quehnoari mare catigũ yeri mare ihñori yuhure angel. Ti ma quehnoano aco sitiri ma Cohãcjũ, Cordero gũhure tiquina dujiropuru ahtari ma ijiri. ² Sa yero ti maca cjã maha deco buruuri ti ma. Ti

ma pua peheri duhtu cahapu catigũ yeye cju ducuri. Ti cju asũripe duca tiri. Ihcã cahmare doce tahari duca tiri. Sa ye ti cju cje pũri mehna quehnoano aco tieta ahri yehpa cjeña. ³ Ti macare ne ñaÑe buhiri dahreati marisi. Ti macapu Cohãcjũ dujiro ijirota. Cordero dujiro gũhu ijirota topu. Sa ye ijipihtiyequina masa topu ijiyequina tiquina cahacjẽna tiquina poto dusepe curi mehna quehe sa, tiquinare ño peota. Sa yero topu ñaÑe ne marisi. ⁴ Tiquina Cohãcjũre ihña piti ca dujieta. Sa ye tiquina wãhdoa pacapu tiquiro wame wahñaÑequina ijieta. ⁵ Topure ñami ne marisi. Sa ye sihãÑe paca gũhure cahmesi topu ijiyequina. Asũ buhriogũ gũhure cahmesi. Mari puhtoro Cohãcjũ buhriorota. Sa ye ti macapu ijiyequina ape sie cjeña puhtoa ijiducueta.

Jesucristo ahri yehpau tiquiro tojoa tato mehenogã duhsare

⁶ Came angel yuhure ohõ saha nidi:

—Ijipihtiyeh ahri tiquina yahuri ijirota ijire. Sa ye tiquina nidiro sahata waharota. Mari puhtoro Cohãcjũ tiquiro yere yahu mũhtariquinare masigũ yeriquiro ijire. Tiquiro pehe yojopare tiquiro yaquiro angelre ohori tiquiro cahacjẽnare masigũ yero taro. Came cjũnogã duhse wahatire masigũ yero taro

tiquiro yaquiro angelre ohori, nidi angel yuhure.

⁷ Jesu pehe ohõ saha nidi:

—Tuhoya m̄sa. Mehenogã duhsare yuhũ tojoa tato. Ahri pũ cje yahuyere yuhducaeyequina bucueyequina ijieta, nidi Jesu.

⁸ Yuhũ Ñu ahri ijipihtiyere yuhũ ojoa nedire tuhõ. Sa yegu tire ihña. Sa yegu yuhũ tuhõri bato, yuhũ ihñari bato yuhure ihñoriquiro angel poto dusepe curi mehna quehe sami. Tiquirore ño peogu tuhũ nimi. ⁹ Yuhũ sa yegũ ihñano ohõ saha nidi yuhure:

—Sa yeracãhña. Mũhu yero saha yuhũ gũhu Cohãcjũ cahacjũta ijiaja. Mũhu acaye Cohãcjũ yere yahu mũhtariquina, ijipihtiyequina ahri pũ cje dutiyere yeyequina gũhu tiquina ijiro saha yuhũ gũhu Cohãcjũ cahacjũta ijiaja. Sa yegu Cohãcjũ poto dusepe curi mehna quehe sa, tiquiro pehere ño peoya, nidi angel yuhure.

¹⁰ Sa yero ohõ saha ni yahu nemori yuhure:

—Ahri pũpu came duhse wahatire yahure. Sa wahato mehenogã duhsare. Sa mehenogã duhsagũ ahri pũpu yahurire nuõedacãhña mũhu. ¹¹ Ti pje yuhũ yahuri pjere ñaÑequina pehe sa yeducucũnahdo ñaÑene. Ñabutiayequina gũhu ña yuhduaro yeducucũnahdo. Quehnoañequina pehe quehnoano yeducuahro.

Sa ye ñaÑe marieÑequina

gũhu ñañe marieñequina sa ijiducuahro ti pjere, nidi angel yũhũre.

12 Ohõ saha nidi Jesu:

—Tũhoya mũsa. Mehenogã dũhsare yũhu tojoa tato. Mũsare yeequinare yũhu ohoatire ne cãhtagũ tũu niaja. Sa yegũ quehnoañene mũsa yeri wapa mũsare quehnoano yeitja. 13 Yũhu ijipihtiyere bajumehnedigũ ijiaja. Sa yegũ ijipihtiyere pihtigũ yeacjũ ijiaja.

14 'Ijipihtiyequina wete marieñe suhtire sañañequina tiquina ijiro saha tiquina ñañe yerire cosenohriquina ti macapũ esaeta. Sa ye ti maca cjẽ cjũ catiyere ohoye cjũ dũcare ihyaeta. Sa ye bucueyequina ijieta tiquina, nidi Jesu. 15 Ti macapũ eseyequina pehe ahriquina ijire: Ña yũhdũayequina, masare ujuayequina yero saha yeyequina yayia, wũana tiyequina, masare wejẽñequina, “Cohãcjũ ijire”, tiquina niñe queoyere ño peoyequina, ni meho peyayequina gũhu ijire ti macapũ eseyequina.

16 Sa yero ohõ saha ni yahu nemori Jesu:

—Yũhu, Jesu, yaquiro angelre ohou mũsare yeequinare ahri pũ cjẽne yahugũ tũhu. Pũhtoro Davi panami iji turiagũ ijiaja yũhu. Yũhu bohrearia yero saha ijigũ ijiaja, ni yahu nemori Jesu.

17 Espiritu Santo Jesure “Tojoa taya”, nine. Jesu yequina tiquiro omoca dũhteaticoro yero saha ijiyequina gũhu

“Tojoa taya”, nine. Ijipihtiyequina tiquina “Tojoa taya”, nidire tũhoyequina gũhu “Tojoa taya”, niahdo Jesure.

Aco wũhoyequina acore tutuaro tiquina cahmeno saha Cohãcjũ cahapũ waha duana Jesure tutuaro cahmeña. Tiquiro catigũ yeye aco yero saha ijire. Tiquirore cahmeñequinare uhmũsepũ sa ijiducugũ yerota Cohãcjũ. Tiquina esa tuharo ye dutiro marieno Jesu yedohoro mehna sa ijiducugũ yerota.

18 Yũhu Ñũ, ijipihtina ahri pũ cjẽ Cohãcjũ yere tũhorinare mũsare ohõ saha ni cua pesaro mehna yahutja. Ahri buheye mehna apeye buheye mehna more yahu nemoñequina Cohãcjũre yũhdũdũcaye nine. Tiquina sa yũhdũdũcagũ ihñano ijipihtiyehri pũpũ tiquiro buhiri dahreatire tiquiro yahuriro sahata cũnota tiquina gũhũre. Sa yero sata tiquina gũhũre buhiri dahrerota. 19 Sa ye ahri pũ cjẽ yahuyere yahu dũhayequina Cohãcjũre yũhdũdũcayequina ijire. Tiquina sa yũhdũdũcagũ ihñano catigũ yeye cjũ dũcare tiquinare ihya dutisi. Sa ye sa ijiducusi tiquina. Sa yero tiquiro ya macapũ quehnoari macapũ waha dutisi. Ti cjũ, ti maca gũhu ahri pũpũ tiquina yahuripũ ijire.

20 Ijipihtiyehri ahri pũ cjẽne yahuriquiro ohõ saha nine:

—Sa tjire. Mehenogã dũhsare ahri yehpapũ yũhu tojoa tato, nine tiquiro.

Sa tjiya. Ƨsã pahto Jesu, tiquiro yedohoro mehna
tojoa taya. ijipihina m̄sa quehnoano
21 Mari pahtoro Jesu ijiya.